





Early European Books, Copyright © 2012 Redwood ID.
Images reproduced by courtesy of The Wellcome Trust, London.
21742/0





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
2195/D




Early European Books. Copyright © 2012 ProQuest LLC.
Images reproduced by courtesy of The Wellcome Trust, London.
2195/0



Early European Books, Copyright © 2012 ProQuest LLC.
Images reproduced by courtesy of The Vindobona Trust, London.
219520

2195/D
ex libris des
Pichard de la Mairie
A. XXIX. Fer



Nov 21 (219)
600 p. f.
22 Jan 29

IO. FERNELL

AMBIANA

Medicina

INSTITUTIONE DI COLETTA

1771

1771

1771

Cum Præcepto

971
1771
1771

Gallorum, Permelius merto, Galenium arcatro.

1159
1486
-12

IO. FERNELII

AMBIANI,

Medicina.

falconet

AD HENRICVM .II. GALLIARVM
REGEM CHRISTIANISSIMVM.



*ex dono amici
gouin M.D.M.
gouin*

P. Trochon

LVTETIÆ PARISIORVM,
APVD ANDREAM WEHELVM, SVB
PEGASO, IN VICO BELLOVACO.

1 5 5 4.

Cum Priuilegio Regis.

Fauquier

PRIVILEGII SENTENTIA.

CVM Ioannes Fernelius Regis Consiliarius ac Medicus, de opere suo, cui titulus, Ioannis Fernelij Ambiani Medicina, publicæ utilitatis nomine in lucem emittendo apud Regem verba fecisset, postulans ut de illius editione Priuilegium irrogaretur authoritate atque imperio Regio: de ea re Regi placuit priuilegium sanciri in Fernelij postulationem conceptum, ne mendosum mutilumque aliis in locis excusum, sibi ipsi dedecori, Chalcographorum autem magistro cui opus suum edendum mandauisset, fraudi esse posset. Quapropter Regia Maiestas diploma iussit priuilegij, quo interdictum omnibus voluit huius libri aut partis eius impressione, sexennio proximo à diplomate dato, præterquam cui, quibusue Fernelius id licere voluerit. Additumque si qua alia in provincia extra Regis ditionem Medicina Fernelij eiusue pars ulla imprimeretur, ne cuiquā liceat venalem in Regno publicè proponere, nisi id permissu Fernelij eiusue qui Fernelij mandato eā ediderit, factum fuerit. Qui contra hæc quippiam admiserit, pœna est in sanctione constituta confiscationis id genus voluminum & multæ arbitrariæ: ut apertè in diplomate ea de re apud Regem disertè concepto videre est. Datum Parisius Anno Domini M. D. LIII. XVIII. Nouembris.

Regis edicto subsignabat

DEASTE.

IMPRIMERIE DE LA VILLE DE PARIS

APUD ANDREAM WECHELVM, SVB
PAGASO, IN VICO BELLOVACO.

Cum Priuilegio Regis.



AD HENRICVM. II. GAL-
liarum Regem Christianissimum,

IOANNES FERNELIVS AMBIANVS.



*Q*VAECVNQVE olim causa, Christianiss. Rex, homines latè dispersos passimque bestiarum more errantes ad civilem vitam communitatem conuocauerat, eadem quoque ad instituendas artes humanæ societati necessarias excitauit. Ea autem (sive rerum ad vitam conducendum fuerit necessitas, sive politica hominis natura, sive ratio gloriæ stimulis concita) non modò inuentas quondam institutasque artes alit, tuetur atque conseruat: sed præclara quoque ingenia ad eas magnificentiùs augendas exornandasque continenter accendit. Tandiu sanè inueniendarum atque exornandarum artium homines desiderio tenebuntur, dum illorum vita societas communitasque manebit. Ita enim homines hominum causa generati sunt, ut ipsi inter se alij alijs prodesse possint.

Medicina verò una ex omnibus artibus deorum munere & beneuolentia hominibus concessa, ad eorum utilitatē salutemque tuendam in primis est constituta. Quicquid igitur diuturna meditatione longoque medendi usu quotidie obseruatur, id in commune bonum ingenuo liberalique animo conferendum. Neque eorum æstimationibus utendum standumve iudicijs, qui permultos causantur nobilissimos & clarissimos scriptores extitisse, quorum scientia ubertatēque rerum & copia, ars medendi inuenta consummataque sit: quique non ultra progredi oportere contēdunt, omnemque scribendi laborem ut superuacaneum refugium & aspernantur. At certè siue quòd ars ipsa iam clariùs illuxit, siue quòd rerum omnium quedam sit vicissitudo, quicumque ad unamquamque rem æstimandam momentoque suo ponderandam, seueriore & æquiore utuntur iudicio, probabiliore consilij causa ac ratione putant vix ullum veterum huic ætati satis esse posse. Galenum nanque (qui medendi artem ab Hippocrate præclare institutam post Herophili, Dioclis, Archigenis, Athenæi aliorumque præcepta auxit & illustrauit) Asiaticæ redundantia insimulant, quòd πολυλογία & nimium multa artium librorumque cogerie (nam præter ducentos & quadraginta quos de alijs disciplinis, de medicina supra quadringentos conscripsit) multorum studia restinguat, & ad rem properantes distineat. Eum quidem fatentur mira persuadendi necessitate disputasse subtiliùs, sed quòd initio minime statuisset uniuersam artem complere, breuem præcipiendi legem non obseruasse: ea identidem locis compluribus inculcasse, nunc huc nunc illuc studio re-

* ij prehendendi

prehendēdi auidē ferri, sicque sapius ambiguitate lectoris animū distrahere. Aretæum, Aetium, Paulum, Alexandrum, Actuarium, reliquosque Græcos iuniores nimium concisos existimant, nec satis ratione niti, nec artē uniuersam, sed eam maxime partem quæ in actione tota versatur, perstrinxisse. Arabes autem barbare, spurce, fœdē in Latium traductos, pharmacopæos & circumforaneos potius quam veros medicos experientesque genuisse. Quumque nullis neruis, nullis demonstrationum legibus, sed puris nudisque verbis singula persequantur, multa illos dicere, perpauca docere. Addunt & illi permultorum morborum causas hætenus ignoratas fuisse, unde alij dissentaneam, alij prorsus nullam curationem acceperūt. Vacuandi quoque leges turbide adeo & inconstanter traditas, & controuersiarum obscuritatibus sic implicitas, ut sæpius inter peritissimos haud facile constet quodnā usurpandum remedij genus. Plurimas denique medicamentorum cōpositiones nulla certa ratione concinnatas empiricā nimium redolere vetustatem. Horum querimoniis & sermonibus quū sæpe intellexisses, Inuictissime ac Humanissime Rex, artē medendi mancā adhuc & solū inchoatā esse, & ætatem dierūque numerum multa produxisse ad quæ nulla ingenij acies penetrauerat, sine quibus tamen artis absolutio non sit perfectā, communi hominum salutē consulens iussisti, ut veterum medendi præceptiones, pleniorē doctrinā pluribūque obseruationibus illustrarem atque locupletarem. Id nimirum compertum habens, quod omnibus est in confesso, nullam toto terrarum orbe ciuitatem esse, in qua philosophiæ ac medicinæ controuersie doctius crebris disputationibus dirimi, aut pluribus artis operibus noua simul ac uetera probari examinarique possint, quā in hac tua Parisiorum Lutetia, idque propter summā urbis tum celebritatem tum frequentiam, in quam nō ē Gallia modò, uerumetiam ex omnibus propemodum Europæ regionibus admirabiles ac sæpe inauditi morbi uel curandi uel diiudicandi perferuntur. At ego principum obsequiis ciuiūque nostrorum officiis implicatus non citra ualitudinis meæ & rei familiaris dispendium, magnis lucubrationibus hoc scribendum opus suscepi: atque eo certe lubentiùs, quod doctorum uirorum hortatu ac precibus quasi stimulis ad perficiendum acriùs incitarer, qui aliis cōpluribus nō mihi uni uiuendum esse proponebant. Quāquam autem magnū hoc & summē arduum prouinciæ munus esse uideo, iudiciorum tamen seueritate minimē deterritus quicquid periculi est subire, ingenique vires experiri honestum cum primis & generosum esse duxi. Si summā quæ desideratur perfectionem non sum assequutus, eam tamen conatus sum adumbratione quadam exprimere. Cognito enim veterum iudicio, & omnibus perlectis qui de philosophia atque medicina aptius aliquid posteris tradiderunt, non quæ cogitatione sola plerique fingunt atque comminiscuntur, sed quæ uera ac solida ab optimis quibūque tum Græcis, tum Latinis, tum Arabibus, firmis argumentis probata ad medendi usum conducere obseruaui, excerpsti & in unum contuli. Quid de quaque re controuersa sentiendum putarem libere pronuntiaui, non uni alicui me addicens, ne aut in arrogantiam, aut in errorem magnopere incurrerem. Sic multorum lites diremi, dubia stabiliui, obscura illustraui, abdita protuli, noua quamplurima & hætenus incōprehensa passim adieci: adhæc
rationibus

rationibus, argumentis, demonstrationibus, signis, testimoniis, exemplis usus sum frequenter. Caterum ubique modum tenui, & rem omnem sic temperavi, ut neque lectorem immodica profusione verborum onerarem, neque breuitate nimium concisa suspendere, neque vel experientiam solam, vel rationem sequerer: sed viam breuem primum cognoscendi, deinde agendi curamque indicare. Quod igitur tibi quondam Regi designato inchoatum opus deuoueram, idem nunc amplo diademate insignito, multis partibus auctum & locupletatum, non dubitavi hoc etiam armorum procinctu & turbulentis rebus nuncupare: id scilicet perspicuens, in grauissimis te occupationibus leuiores non aspernari. Summa quippe natus humanitate suauissimisque moribus, neminem unquam ne offensum quidem acerba animaduersionis seueritate videris persequutus: sed tua clementia & animi lenitate sic omnia piis iustisque legibus prudenter moderaris, ut te omnes mirifice colant, venerentur ac obseruent. Bella certe varia, eaque acerrima pro veteri Galliarum iure, proque externorum tibi fœdere deuinctorum libertate, terra marique cum hoste potētissimo iam diu geris quam felicissime. Ac nihilominus omnia toto tuo imperio ditioneque, ea tranquillitate administrantur, leges tam pie sancteque seruantur, literarum sic vigent studia, philosophiaeque genus omne ita excolitur, ut placidissima omnes frui pace videamur. Nullus usquam turbulentus errantium militum insultus, disciplinae militaris summa obseruatio, infima quaeque plebecula suis libere potitur, nec usquam nisi magna equitate tuorumque beneuolentia vel nummos vel commeatus vel alia in immensos belli apparatus comparas. Tantarum rerum administratione merito omnes in te uno probitatem, vigilantiam, prudentiamque singularem, omnium denique virtutum cumulum admirantur & suspiciunt. Praeclara haec prosperis cepta auspiciis Deus Optimus Maximus bene fortunet, & nominis tui memoriam rerum gerendarum magnitudine consecret immortalitati.

* iij



ΙΑΕΡΜΟΣ Ο ΠΑΛΓΚΙΟΣ ΕΣ ΤΟΝ
ΑΑΜΠΡΟΤΑΤΟΝ ΦΕΡΝΕΑΙΟΝ.

Πας τε τὰ θύματ' ἔχ' φύσιν, ἥσ' ἐς νοῦσον ὀλισθεῖ,
Εργον τ' ἡνδρὶ καλὸν οὐ τίς ἔργ.



IO. FERNELII

AMBIANI, IN

Medicinam, Præfatio.

RERVM omnium quæ naturæ lege imperioque continentur princeps homo, etsi diuinorum caducorumque particeps, amborū societate gaudet, excelsiorum tamen ardenti desiderio inflā-
matus, parcè ea sequi debet, quæ sordida, vilia, atque abiecta persequitur impetus beluarum. Id execrandum profectò & detestabile videatur, si quam sui partem suscepit homo cœlestem atque diuinam, sic eam aut turpitudine vitiorum contaminari, aut blanditiis voluptatum irretiri, aut mortalium rerum cura atque sollicitudine obrui sinat: vt oppressa ac perdita nequeat aliquando recreare sese & altiùs extollere. Qui enim cum vitæ cursum tenent, vt solis sensuum blandimentis illaqueati ferantur, nihilo mutis animantibus videntur præstantiores: quoniam & bestiarū necessaria vitæ præsidia inquirunt & parant, summaque tum sui, tum prolis cura ipsis inest, vti & voluptatum. Generosissimi verò sapientissimique hominis est, mentem corporis inquinamentis obsitam, ad rerum præstabiliū cōtemplationem erigere: vt quātum vnus inter hæc omnia excellit, perspi-
ciat, & corporis hisce cōpagibus licet implicatus, mentis agitatione tamen fiat originis suæ memor, & consors diuinitatis. Hæc summa humanæ vitæ perfectio, hæc optima maximæque diuina ratio viuendi, qua qui insignes olim fuerunt, Dij ritè sunt habiti, & amplissimis honoribus affecti, tum quòd alta sapientia essent admirabiles, tum quòd magna fructuosaque beneficia in homines contulissent. Inde accenso ceteris animo inflammatoque ad gloriam, vt multiplex erat mentis impetus & intentio, vtque varia erant ea quorum studio capiebātur, complura disciplinarum genera perpolitata sunt, quæ partim necessitate, partim studio

*Mētis agi-
tatioe cōpa-
ratis fuisse
disciplinas.*

*Duabus ex
causis disci-
plinarū su-
mi differen-
tias.*

* iij cogno-

*Tria philo-
sophiæ gene-
ra à mente
contèplante*

*Naturalis
philosophia*

*Theologia,
& quæ e-
ius subiecta
matéria.*

*Mathema-
tica.*

*Cõempla-
tionis præ-
stantia.*

*Mens agēs
artium ef-
fectrix.*

*Circa actus
& mores
disciplina.*

*Circa opera
sunt artes.*

*Actus &
effectus dif-
ferentia.*

*Circa locu-
tionem.*

*Circa sani-
tatem cor-
poris.*

*Artes tri-
les.*

cognoscendi fuerant inchoata. Alij operum naturæ concentum eximi-
amque formam & pulchritudinem admirati, & earum rerum suauitate
pellekti, quæ corporibus innixæ, mutabiles, mortalesque sub sensum ca-
dunt: ortus earū causāsque magnis sudoribus sedulāque vigilantia scru-
tati, naturalem philosophiam condiderūt. Alij animi sublimioris impul-
su in res diuinas acerrimè intenti, illas quidem sempiternas, immutabi-
les, separatas, nulloque sensu comprehensas, quoad fert humana fragi-
litas theologiam cognitionemque Deorum prodiderunt. Interuene-
runt alij medio contemplationis genere ducti, qui mathematicas disci-
plinas erexerunt: illustres quidem illas, & demonstrandi subtilitate cer-
tissimas. Has Plato diuinarum naturaliumque rerum confines & inter-
medias statuit, quod sempiternæ sunt & immutabiles, sed in corpore po-
sitæ atque subiectæ sensibus. Sunt hæc tria iam multis seculis celebrata
sapientiæ studia, ex rerum quas versant varietate nata, mentis vnus
sublimioris contemplatione formata. Non enim vitæ illa commodis,
non voluptatum illecebris, non vllis denique fortunæ corporisque bo-
nis aptantur, neque in res tanta contemptione despicias se demittunt:
sed proprijs coërcita finibus in se tota tāquam in orbem vertuntur, pro-
pter se non ob aliud quicquam mortale expetenda, vtque potissimum
inscitiam erroresque turbulentos ab animis depellamus. Caterum qui
animo minus excelfo, nec satis ad philosophandum nato comparatō-
que fuerunt, ij item ne otiosam ætatem & sine contentione inertē tra-
ducerent, hominum aut commodis aut voluptatibus destinati, mentis
illius quam *νεμεσις*, id est agentem dixerunt concitatione, inferiores
pepererunt disciplinas, prudentia omnes & arte comprehensas. Horum
enim quicumque in hominum moribus conformandis, & rectè viuendi
instituto omne studium collocassent, ij ad moralem facultatem aditum
fecerunt, & ad ciuilem & æconomicam, quæ moderatrice prudētia ad-
ministrantur. Accedit his historia, rerum gestarum memoria & antiqui-
tatis commemoratio: vt & Geographia, locorum gentiumque descri-
ptio, sine qua ne illa quidē illustratur atque splendet. Omneis por-
rò artes excitarunt, quicumque non actus hominumque mores, sed effe-
ctus & opera sunt persecuti. Primum vt animi sensa locutione (hec enim
effectus est, quod linguæ organo fiat, actus verò nullus corporei instru-
menti ope indiget) exprimerent, grāmaticam concinnarūt, quæ emen-
datè loquendi ars est, & pœsim numeris astrictam, & rhetoricam quæ
ornatè copioseque dicendi doctrina, & dialecticam, quæ rectè disse-
rendi est ratio. Ad humani corporis sanitatem vel tuendam vel re-
cuperandam medicina, ad alimentorum vitæ necessitatem agricultu-
ra, ad ædificiorum extruccionem architectura inuenta excultaque est.
Sic textores, fabri, aurifices, futores, zonarij, pistores, lanij, fictores, picto-
res, librarij, aliique innumeri suas artes hominum commodis aptauerūt.

Sic

P R Æ F A T I O.

Sic musici, cantores, tibicines, histriones, gladiatores, saltatores, venatores, piscatores, aucupes, coci, factores, lenones, scurræ, aleatores, quasdam artes celebrarunt ad hominum delicias atque voluptatem, quæ aut prorsus sordidæ, aut parum ingenuæ sunt. Sed quum omnis philosophia rei in quam incumbit materiam excutiat & ponderet, artis id erit cuiusque proprium, ut in materiam quæ sponte suapteque natura prodijt in lucem effectiorem quandam & facultatem inferat, quæ sine hominû aut mente aut manu per seipsa non accederet. Non enim ars materiam, sed artificium in materiam extrinsecus confert, quod aut stabile est ac firmum, velut in extructis ædibus: aut fluxû atque præceps, ut in tibicinum harmonia. Hæc igitur sunt philosophiæ (quæ mater omnium bonarû est artium) studia, hæc prudentiæ, hæc artium discrimina, summæque disciplinarum genera, quæ tum diuersa mentis agitatio, tum rerum quas tractant varietas, quàm maximè disiunxit. Iam verò id inde scrutemur, quàm sit ars vnaquæque vel disciplina præstans & ingenua, quantoque dignitatis splendore aliæ aliis præluceant. Deorû cœlestiûque animorum actio præstantissima sententiis omnium iudicatur, quòd in rerû optimarum contemplationem penitus incumbat: beluarum verò (quæ vitæ necessitati seruiunt, & ad voluptatem omni impetu feruntur) humilis, vilis & obscœna. Hæc si ad humanas transferimus actiones, nobilissima summæque liberalis & ingenua videbitur hominis cõtemplatio, omnèque genus philosophiæ præclarum, illiberalis autè & sordida omnis opificum industria, quorum labor & opera non ardua vis animi censeatur. Inter hæc autem ars confedit, quæ suo genere tanto digniore quæque loco ponetur, quanto præter ceteras animum sublimiore contemplatione excolit, per quam intelligentiores sumus, & meremur sapientes appellari: idque maximè si non illa odium offensionemque hominum in se fruatur, sed haud mediocriter frugifera sit & fructuosa, cû aliis omnibus tum ipsi quoque artifice. Quænam igitur videri debet inter artes principatum obtinere, cuius adminiculo his corporis inclusi compagibus vitam transigere possimus beatam atque tranquillam? Marco Tullio sola naturæ cognitio cõtemplatióque rerum haud quæ placet, sed ignaua ac iners prorsusque manca, & dûtaxat inchoata habetur, si nulla comitetur administratio rerum, nec sit ad hominum cõmoda societatemque tuendam comparata. Si omnes omnium artium commoditates, facultates, atque copias dispicis, nihil est medicina melius, nihil optabilius, nihil hominum generi datum præstabilius. Nam si est vita cunctis mortalibus charissima, si lux ea cum primis expetenda in qua viuimus, spiramus, & iucunda consuetudine inter nos coniungimur, si ea primum est & præstantissimum munus animantibus attributum: ars quæ illam seruat, continet, ac tuetur, quo pacto non sit omnium præstantissima? quid ea potest homini magis in votis esse, quæ infestissimos humani generis hostes,

Artes voluptuarias.

philosophia
& artis
differentia.

Artium genera duo.

Unde philosophia
& artium dignitas
spectetur.

Artium utilitas spectanda.

Medicina
artium dignissima
& utilissima.
utilitas enim.

hostes, morbos inquam & aduersam valetudinem propulsat? quæ vitam incolumem ab omni ærumna & languore liberam quàm diutissime tutatur? Vt corporis firma constitutione nullæ opes, nullæ fortunæ ampliores: sic imbecilla & labante illa nihil laboriosius, nihil calamitosius. Qui ergo in hoc periculum discrimenque adductis subuenire & opitulari queat, tantum abest vt in illorum offensionem incurrat, vt etiam illos summa consuetudine & amicitia sibi coniungat, atque quasi pro numine, inquit Hippocrates, colatur, qui tantas opes restituerit, per quas externæ quoque fortunæ obtineri possint, illarumque vsus iucundus atque dulcis habeatur. Cæterum ad ea quæ medicina ratione perlustrat conuersus, quàm præclara & nobili contemplatione rerum plurimarum naturas persequatur atque peruestiget, intelliges. Vt enim admirabilem hominis fabricam naturamque explicat & euoluit, ita rerum cunctarum ortus & occasus, ipsamque omnium ex elementis compositionem, animalium, stirpiumque proprias vires (tametsi non absolute, quatenus tamen homini salutares sunt aut pestiferæ) inquit atque parat. Quin & altius subiens quæcunque ex patefactis terræ faucibus eruuntur scrutatur, indeque sublata cælorum & siderum conuersiones, & quæ inde fluunt dimanantque virtutes orbis inferioris moderatrices obseruat. Hæc autem quia non aliter quàm certa demonstrandi ratiocinandique via obtineri possunt, quis eat inficias mathematicas artes, & dialecticam aditum ad hæc patefacere? ac multo etiam magis rhetoricen, atque grammaticen desiderari: sine quibus non modò copiose ornatèque dicere, sed ne emendatè loqui quidem liceat? Quod si eæ vel necessariae sunt, vel opis quiddam & auxilij conferunt, & ceu gradus quidam & aditus ad medicinam iaciuntur atque patent, medico quidem omnes erunt perdiscendæ: quod vt inquit Aristoteles, eiusdem sit finem ipsum & ea quæ finis gratia sunt cognoscere. Quis enim eum pictorem non in magna gloria & laude ponat, qui præter operis lineameta & pigmentorum asperionem, nouit tabulam perpolire, colores iusta temperatione permiscere, penicillum in omne varietatis genus conformare? contra verò eum non vituperet, & tanquàm rudem ignarumque damnet, qui nullam istorum cognitionem habet, sine quibus maiora percipi nō possint? Idem quoque de medicina statuo, vt nemo hanc tentet vel à limine salutare, qui non antea illis disciplinis meritam & iustam operam impenderit, sitque illarum institutis liberaliter informatus. Tanta igitur rerum cognitione præcellit medicina, vt omnium quæ mundus cōplexu suo coercet, naturam atque vires solerter consequatur, quas demum ad vnius hominis (cuius præcipua illi cura est) commoda salutemque referat, vt illorum vsu & appulsu integram corporis valetudinē conseruet, aduersam depellat: quanquam non semper hunc ipsum finem attingit. Hinc nos sic illi definitionem adhibebimus. Medicina est ars ad

Præstantia.

*Qua eor
quàm mul-
ta debet me-
dicus nouis-
se.*

*Quæcunque
medicina
trahat ho-
minum cō-
modis apra-
ri.*

*Medicina
quid.*

ad humani corporis sanitatem tuendam, profligandisque morbos comparata. Quoniam enim quaecunque medicina ratione perlustrat, ad hominum utilitatem refert & accommodat, artis nomine vniuersam contineri par est. Non enim ut quispiam existimauerit, partim scientia, partim ars dicenda, tamen ex multis constet theorematibus, quæ ipsa quidem sola per se scientia continentur. Verum quoniam omnium medicina partium inter se quam aptissime coherentium & concordantium ea est conspiratio, is consensus, ut homo saluus & incolumis seruari possit, ager autem in integrum restitui, ex ipso fine vniuersa artis nomen accipiet. Porro autem ut cuiusque artificis interest, subiectam quam tractat materiam omnino perspectam habere, quod expeditius in omnem artificij speciem & decorem flectere illam possit & torquere: ita & medico humani corporis natura primum cognoscenda est omnibus suis partibus absoluta, quod sanè totius medicinae subiectam materiam esse confirmamus, non autem morbos ac vulnera. Ut enim dum fictor in rudi adhuc & informi are Herculis effigiem imprimit, hæc artificium est & summum artis opus, æs verò materia quam variè tractat: ita & dum medicus ex egro corpore sanum facit, vnum idemque corpus manet, quod subiectum est & materia. Quæ depulsa ægrotatione comparatur sanitas, species est & forma: huius autem efficiens causa, medicus: aut potius ars medendi. Dum enim hæc præceptiones tradit unde procuratio est valetudinis, dicitur sanitatem efficere. Sic enim Aristoteles artem nimirum id esse statuit, à quo demum omnis motio proficiscitur. Medicus est artis perinde atque naturæ minister: cuius est officium curare appositè ad sanandum. Finis autem cuius gratia sanitas procuratur, est vitæ functionum integritas. Itaque totus in hæc duo incumbit, ut sanitatem in corpore conseruet, ut morbum depellat. Atqui neutrum planè conferre potest, nisi eorum quot differentiae sunt & genera, quæ causæ, & quibus signis noscuntur, iam antè perspectum habeat & cognitum. Quocirca totius medicinae partes quinque si ordine collocabuntur, omnium prima existet φυσιολογική, quæ hominis integrè sani naturam, omnes illius vires functionesque persequitur. Altera παθολογική morbos & affectus indagans, qui præter naturam homini possunt impendere, & quæ illos causæ efficiant, quæ signa demonstrent. Tertia πρῶτον σημαίνουσα signa explicans, quibus medici futura præsentiant, & quis morborum decursus quis exitus sit futurus. Quarta ὑγιαίνουσα quæ firmam corporis constitutionem bona viuendi lege conseruat, & imminetia mala arcet, simul agrotis propriam & accommodatam victus rationem decernit. Omnium postrema pars θεραπευτική agram corporis affectionem salutarium usu & admotione propulsat sanitatemque restituit: quæ ut summa totius medicinae artem via & ratione condit, variæque præsidia suggerit, quibus tum toti corpori, tum cuique laboranti particulae

Medicinā
totam artem
esse.

Prima artis
cuiusque co-
gnitio ex
materia
subiecta.

Humanum
corpus sub-
iectam esse
medicinae
materiam.

IN MEDICINAM PRÆFATIO.

culæ opportunè succurrit. Ex his igitur quinque partibus medicina constituitur: quarum tres priores in contemplationem & simplicem rerum cognitionem feruntur, duæ posteriores omnino in actione consistunt, omne studium in tuenda sanitate, aut abigendis morbis collocantes.

*Medicina
partes duæ
cōtemplatio
& actio.*

*Actiois me
dice tria ge
nera.*

Vnde à quibusdam quinque partes in duas redactæ sunt, theoreticæ & practicæ, quarum hæc opus omne perficit, aut lege viuendi, aut medicamentorum viribus, aut manus opera & administratione, quæ imponit, secatur, incidit, vritque ferramentis. Vnde iam practica non partes, sed species tres statuentur *θεωρητική, φαρμακευτική, χειρουργική*. Etenim affectionum varietas tot curandi genera peperisse creditur. His ita in genere primo aditu strictim breuiterque constitutis, singula deinceps accuratius persequi par est, primūque totius hominis natura qualis sit explicanda.

IOAN.

IOAN. FERNELII
Ambiani, Physiologiae Lib. vij.

DE PARTIVM CORPORIS HVMANI
DESCRIPTIONE, LIBER PRIMVS.

10 Quo doctrinae atque demonstrationis ordine ars medica con-
stituenda sit. Cap. I.

15 **C**VM liber solutusque est animus, nudas & apertas
rerum substantias perspicue cernens, clarissima om-
nium cognitione fruitur: in hoc vero corporis ve-
lut ergastulum coiectus, obrutusque obliuione tan-
quam densa caligine, in summa versatur ignoratione
20 rerum. At nihilominus semina quaedam etiamnum
retinens diuinitatis suae, rerumque maximarum dul-
ci recordatione quasi igniculis accensus, perpetuo
sciendi noscendique desiderio flagrat. Hinc ma-
gno cum labore & studio multa recuperat perscrutaturque sensuum o-
pe, atque in ea primum incumbens, quae sensibus sunt obuia, occultiora
tandem ratione colligit sola mente comprehensa. Ita quidem a sensibus
25 tanquam a certis rerum internunciis stabilita olim fuerunt disciplinarum
principia, e quibus demum perfecta omnis humana cognitio ducta de-
ruiataque est. Haec summa est inuestigandi facultas, quam probatissimi
quique Philosophi *Ἀνάλυσιν*, id est dissolutionem appellarunt: quae nimirum
vel a toto & vniuerso ad partes & singula, vel a composito ad simplicia, vel
30 ab effectu ad causam, vel a posterioribus ad priora serie deducens, abdi-
tiores illas causas inuestigat, ex quibus singula ortu processerunt. Huic
aduersa est altera componendi ratio, quam maximè natura nonnunquam
& ars ipsa sequitur, ex partibus ea totum, ex simplicibus compositum, ex
causis effectus, ex prioribus posteriora necit, atque id omnium primum
35 statuit, quod dissoluendo postremum fuit peruestigatum. Doctrinae suae
initium ab analysi duxerunt, quibus curae fuit omnia dilucidè atque certo
demonstrationis nexu confirmare. Sic Geometriam & Arithmeticen Eu-
clides, sic Astronomiam Ptolemaeus, sic & Philosophiam Aristoteles po-
steris tradidit, eaque solida doctrinae suae fundamenta iecit, e quibus mul-
40 ta tandem producerentur incredibilia vulgo & mostri vel portenti simil-
lima. Hos igitur quasi vestigiis odorati tradendae medicinae initium ab
humano corpore ducemus, quod & artis subiectum existit, & omnium pri-
mum sensibus occurrit notissimum: a quo dein per minima quaeque de-
ducti

ducti ad ea denique mentis impulsu feremur, quæ cogitatione sola comprehendi possunt.

Quid hominis corpus à cæteris distat animantibus, quasque partes
habet illis communes.

Cap. II.



Tria sunt
quibus hu-
manū cor-
pus distat
à cæteris,

Officiū vsus

Articuli.

T vniuscuiusque animantis, ita maximè hominis corpus animæ gratia conditum est, non modo vt diuersorium, verum etiam vt organum accommodatum illius insitis viribus expromendis. Atque vt mens, dicente Aristotele, formarum est præstantissima, & ratio artium omnium ars vel officina, quòd vna omnes omnium animantium vires potestate contineat: ita & illius organum instructissimum est, & conformationem pulcherrimam consequutum. Itaque homini corpus datum est, tum figura tum partium commoditate princeps: quod vt diuinæ mentis munereungeretur, tria obtinuit quæ cæteris animantibus negauit rerum natura. Primum quidem figurâ celsam & rectam, quæ in cælum suumque conditorem se attollens, cœlestes igniculos & semina diuinitatis suæ testatur. Deinde summo corpore cerebrum amplissimum, animi eiusque partium sedem: vt enim animus permultis facultatibus præditus est, ita homini quàm cæteris animantibus domicilium capacius dari par erat, idque pluribus instrumentis contineri. Præterea manus exportetas beluis denegatas, quibus facillè persequatur quæcunque mens iusserit. Licet quidem & clauis soli homini datas, & alia multa multò aliter atque cæteris animantibus informata numerare, sed quæ tamen sint illorum trium vsibus accommodata: vt sit partium omnium summa symmetria, ex cuius præstantia signum quoddam & specimen sapientis conditoris ostenditur. Hæc igitur homini quòd rationis esset particeps, sunt attributa. Cætera obtinet alijs quoque animantibus perfectis communia. Nam quū summa omnium actio in sensu ac motu consistat, omnia peræquè partes in hæc accommodatas acceperunt, ossa, cartilagine, vincula, neruos, musculos, tendones: & alias quibus hæc aluntur maximèque venas & arterias. Sensus atque motus primæ partes effectrices sunt, cerebrum, spinæ medulla, atque nerui. A cerebro omnis motus atque sensus, à quo medulla in omnem spinam fusa porrigitur: ab hac demum neruorum frequens propago, per quos vniuersum corpus mouēdi sentiēdi que vires accipit. Cum vero minimè tutum esset nec decorū, vermiculorum serpentiūque more reperire hominem tot rerum principem, firmis ossibus illi natura corpus erexit atque stabiliiuit: vt tanquam propugnacula essent aduersus omnes impetus, & stabilimen atque robur corpori sustinendo, haud secus atque basis & columna ædibus subiecta. Cæterum non in animante (nec enim commodum atque vtile fuerat) os vnicum idque solidum positum est, sed quòd in omnem partē flecti moueri que posset, ex variis discretisque compactum. Vt elegantiore artificio naturæ hoc opus cōstaret, idcirco articulis

lis ita iuncta & cōtinuata sunt ossa, vt cuiusque extremitas alterius sinum & capacitatem subeat. Ea structura Græcis est ἀρθρώσις, ossium extrema sic aptè composita, articulos appellamus. Quoniam verò periculum erat ne motu violento ossa seiugata distraherentur, nè dum artus animal quocunque vult inflectit, contorquet, porrigit, aut cōtrahit, ex sedibus exciderent, natura omnem ossium copulationem & structuram arctissimis firmissimisque vinculis extrinsecus rotundo ambitu colligauit, quæ articulos non sinant motus agitatione diuelli. Validum quidem est vinculum, durum atque firmum, sensu vacans & impatibile, sed quod tamen in angustum adduci possit & relaxari. Addidit & articulis munitionem, dum ossium sinus & summas partes, quæ supercilia à quibusdam vocantur, omnia denique extrema cartilaginibus obduxit obliniuitque lubrica leuisque materia, quò sint in motibus ab attritu & quassu tutiores. Iisdem quoque auriculas, nares, extremasque costas muniuit, vt duriorum corporum oculi cursui cederent, & infracta permanerent. Quemadmodum autem articuli & quæ dicuntur cartilagine, sic & vincula expertia sunt sensus, quæ nil mutuuntur à cerebro, quæ de causâ ne se ipsa quidem mouere possunt. At verò neruis quorū è cerebro aut è spinæ medulla est origo, prima sentiendi mouendique facultas data, qui tamen quoniam molles sunt, soli trāsferre nequeunt ossa, tam magna pondera. Vt hæc igitur mouerentur, necesse fuit motus instrumentum quoddam creari ex ambobus temperatum, neruo solidius & durius, vinculo mollius, quod in sensu & robore mediam inter illa naturam obtineret. Id quidem est νέυρον, qui cœpit à nostris tendo appellari, ex tenuibus nerui & vinculi fibris intextis concretus. Tenuia quasi fila tutum non erat sine firmamento in omne corpus distribui, ossaque prægrandia mouere: quocirca natura medias inter illa regiones molliore substantia inferciens, quasi rimas expleuit. Ea est caro simplex fibris ad robur circuniecta, ac veluti molle stragulum data cadenti aut recumbenti animali, vtque præsidium quoddam omnibus particulis principibus obtenta, ne aut vulnerentur, aut frigore rigeant, aut æstu contabescant. Quod igitur ex nerui & vinculi fibris duntaxat contextitur, tendonem dicimus, qui verò præterea carnem habent fibris inductam & impositam, musculi appellantur & lacerti, hi plerūque in tendonem desinunt. Nunc autem si omnia conferre volumus, quæ ad motionem vim quandam & locum obtinent, ossa primū & maximè impelluntur cienturque: quæ illis motum afferunt instrumēta, sunt tendones, lacerti, nerui duriores præsertim: mouendi principium, cerebrum & spinæ medulla: partes quarum beneficio mouetur animal, articuli, cartilagine, vincula: hac igitur partium commoditate motum fieri congruebat. At in sensu longè impar & dissimilis est ratio. Cum enim motio actio quædam sit, sensus verò perpessio verius quàm actio: haudquaquam sensus eum apparatus ornatūque partium, quem motus desiderabat. Nam tactionis sensus quem omneis ex æquo animates participant, neruis neruorumve fibris in omne corpus diffusis

Vincula.

Cartilago.

Nerui.

Tendones.

Musculi.

Quæ partes ad motum conferant.

Sensuum partes.


fufis indigebat: quibus susceptæ tractabiles qualitates cum spinæ medulla & cerebro, quæ (vt aliquando demonstrabimus) sensus & motus principia sunt, cōtinuatione communicantur. Cateri autem sensus quibus animantes perfectiores sunt præditæ, neruis item constant, per quos sensum capiant. Partes in singulis instrumentis circūiectæ neruis, horum duntaxat gratia cōsistunt. Ex quibus perspicuū fit, homini quā animal est, cerebrū, spinæ medullam, neruos, & cæteras quas connumeravi partes ad motum aut sensum concurrere: de quibus rursus figillatim dicemus, ab iis exorsi quæ cæteris quasi fundamenta iaciuntur. Etenim hominem arte descripturi, *οκελερ*, id est aridum & osseum primū extruemus, quem deinde vinctis, neruis, lacertis, venis, arteriis, cute, reliquis denique partibus interioribus adornatum perpolitūque reddemus. Sic ex simplicibus hominis partibus vniuersi cōpositionem perspiciet qui volet, & luculentius quā si cōfectionis ordine compositiores partes seorsim scrutetur. Harum siquidem inspectione, nihil certū sciri, nihil planè cognosci ac percipi potest earum, quæ simplices in omne corpus feruntur.

De Ossibus.

Cap. III.

ἀκναιδα

Spina dorsif.



Os sacrum.

Coccyx.

Lumbus.

Cervix.

Vertebræ.

Mnium ossium sedes & origo spina est, quam veteres carinæ in nauigio primū iactæ compararunt: cui ceu fundamento latera, prora, puppis innixa cohærent. Atque vt hac cliterrarij muli perferunt grauissima pondera, ita in homine corporis moles huius ope stat & erigitur. Ad necessitatem actionum cū hominem flecti curuarique oporteret, pluribus coagmentata & compacta est ossibus tanquam nodis, quæ vertebrae nobis dicuntur, omnes osse sacro suffultæ. Vniuersa siquidē spina quatuor in partes fusa exporrectaque est, os sacrum, lumbos, dorsum, & collum. Os sacrum quod & latum appellant, primo aspectu vnum atque continuum videtur, at aqua vel oleo feruētī diu multūque demersum, sex quasi vertebrae constare. Cuius ab ima parte os aliud appensum demittitur, quod Græcis *κόκκυξ*, nostris cauda dici possit: hoc quoque compactum quatuor ossibus teretibus, gracilibus, & magna ex parte cartilaginosis. Supra os sacrum lumbus quinque ossibus cōfedit, cui dorsum insidet vertebrae structum duodecim, proximè cervix septē. Itaque triginta sunt omnes in spina vertebrae. Omnium os sacrum est amplissimum, cui tum magnitudine tum crassitudine succedunt lumborum vertebrae, arcto cauo mediæ per fossæ. Reliquæ superiores quantum situ ab infima, tantundem & mole distant: vt sit illarum ad occipitis radices continuata quædam attenuatio. Caterum quæ in summis inest interior capacitas, medullæ labētī peruiua, omnium est amplissima, inde verò tantum coarctatur, quantū dilapsa processit. Vt semel dicam, superiores vertebrae interceptis inanitatibus amplæ sunt, mole graciles, contrā inferiores, omnes mira cōpage ad contextæ: atque vt his structura foret tutior, figuram variam acceperunt. Quæ quidem intrò ad intestina vergunt, rotundæ sunt & in orbem cōuolutæ

luta, laues, nullis tuberibus exasperata, sed ut nodi (hinc *απόδυσ* nomen inuenerunt) aliis alij superpositi columnam exprimunt: quibus est substantia tenera magis & rara, ac spaciis inanibus intercepta. Extrà multiplices efferuntur productiones (*ἀρθρώσεις* appellantur à Græcis) densiore illæ & cō-
 5 pactiore substantia, à quibus externa facies spinæ speciem refert. Alij enim sunt è medio prominentes, alij trāsuerſi vtrinque additi, alij sursum deorsumque ducti, per quos vertebræ texuntur & cohærent. Supremis duabus exceptis, habet cæterarum vnaquæque inferiore ex parte mediocres vtrinque ramos deorsum spectantes: ex superiore verò alios maiores extumescen-
 10 tes sursum exigit. Talis autem est vertebrarum contextus, ut processus sursum euecti, modicos sinus habeant, qui alios quoque processus à superiore vertebra delapsos excipiant: sex inferioribus vertebriſ maximè cōspiciuum est vnāquāque superiorem insinuari in aliā subiectā sibi. At verò summas duas nullus processus, sed ambiens membrana copulat. Sola autē
 15 suprema medium eminentem quasi rāum & extimum non nouit: hunc reliquæ omnes ad decimā vsque dorſi, quæ est omnium decima septima, deorsum porrigunt: in rectum verò, quæcunque illi subiectæ sunt. Tertium ramorum atque processuum genus qui trāsuerſi dicuntur, è vertebrarum omnium atque ipsius sacri ossis lateribus vtrinque prodeunt parte exter-
 20 na. Insunt hi lōgioreſ in lumbis, sed graciles quasi pro costis diducti. Breuioreſ in superioribus, qui toto dorſo in tuberculum desinunt, vbi costæ nectuntur. Sex in ceruice summis, trāsuerſi ramusculi in longum perforantur, septimæ rarò, cæteris nunquā, tametsi singulæ quæ ad lumbos tendunt, parte interna pluribus patēt foraminibus, & quasi angustis in quas
 25 venulæ cōmeant, quorum nihil in reliquis magnopere videas. Vertebrarum processuumque omniū extrema cinguntur & circumfunduntur cartilagine permulta, in hanc vincula crassa, dura, & valida inferuntur, quorum beneficio interioreſ vertebrarum nodi cohærescunt, utpote quæ inter nodos fusa nexu illos firmissimo colligant. Externæ vertebrarum partes
 30 processibus implicantur sursum deorsumque spectantibus, ut aliis aliæ nexæ, & omnes inter se aptæ colligatæque videantur. Præter hæc tamen vinculum membranarum validis intextū vniuersam spinam extrinsecus obuoluit. Hæc de spina satis, iam de capite. Huius verticem calua integit summa parte globosa & rotunda, introrsus cōcaua. In hac suturæ sunt tres: vna
 35 in priore parte quam *σφαλαια*, id est coronariam vocāt, quia è temporibus vtrinque in summū verticem per trāsuerſum viam capeſſit: alterā *λαμβδωδὴ* dixere quæ in occipite posita, à capitis iūno & posterioribus vtrinque partibus sursum cōtendens, in angulum coit ad Λ. literæ figurā. Tertia *ὀβελιαία* in capitis longitudinem porrigitur *ἀπὸ τῆς λαμβδωδὸς* angulo in mediam coronam excurrēſ. Hunc in ſyncipite concurſum *βέγγμα* Græci nūcupant. Atque in iis sunt dentatæ more ferræ rimarum connexiones, nec vinculis nec cartilagine vinctæ, sed suis quasi dentibus peccinatim intextæ. Supra aures verò duæ sunt illis diſſimileſ commiſſuræ ab obelæa interuallo pari
 a iij diſiunctæ,

Tres vertebrarum processus,

Vertebrarū tenuia foramina.

Cartilago vertebrarū

Capitis ossa. Suturae.

Quæ ossa
caluæ.

Faciei cō-
missura.

Basis ce-
rebri.

Faciei ossa

disiunctæ, à squamæ specie λεπιδωδὲς dictæ, per quas ossa quæ petrosa vo-
cant subditis ossibus squammarum modo, & (vt nonnulli dicunt) imbrica-
tim agglutinantur. Ea autem sic enumeres. Parte postrema os occipitis id
quod cerebellum nominant cōcludit, quod triquetra futura circumsēptū,
ad posteriora deorsum vergit. Omniū quæ in capite sunt illud maximo fo-
ramine perterebratum, quo medulla è cerebro in spinæ fistulam delabitur.
Huic vtrinque sinus adiuncti, in quos prima vertebra additamētis quibus-
dam & appendiculis inseritur. Inde factum os multò angustius ad cerebri
radices contendit, vbi per transversam commissuram vix pollicem longā
ei ossi arcuè connectitur, quod Græcis à cunei specie σφινωδὲς est appellatū. 10
Occipitio latera capitis innituntur, quæ syncipitis, nonnunquā & τὸ βέγγμα-
τὸ ossa dici solent: hæc ad summum verticem acta vtrinque ei commissu-
ræ assident, quæ recta in capitis longitudinem fertur. Subter hæc, duo sunt
ad suam quodque auriculam: quæ à lapidis specie & duritia λιθοειδῆ dixerūt.
In horum cauo ossa duo visuntur malleo aut incudi similia. Ab utroque 15
processus quasi furculus intrò subit συλδοειδῆς, in quo foramen quo soni ad-
mittantur intrò fertur ad cerebrum. Extra promittuntur duæ particu-
læ, altera mammæ similis parte postrema sub auris via, altera teres & pro-
cera sub temporibus eminens, quæ ossi iugato committitur. Os sextum
frontis est, quod in superciliorum sedē vbi eminet duplex est, cōcluditque 20
gemina facie inanem capacitatem in nares deriuatam. Pars superior coro-
naria futura cingitur, inferior in oculorum caua reflexa, summum in his
parietem facit. Finitimum hoc ossibus faciei, à quibus tenui commissura
determinatur, vtrinque à temporibus & saxeis ossibus prognata, quæ ocu-
lorum caua dirimit, inde ad summum nasum se applicans vbi superciliis 25
interiecta vallis est. Iam his totique cerebro ceu basis quædam substerni-
tur os σφινωδὲς, quod qua parte occipitis ossi iungitur, angustum est & ra-
rum, attamen profundum. Parte priore frontis ossi occurrit & annectitur,
in ea via quæ in nares procliuius fertur. Varia in hoc cernuntur vtrinque fo-
ramina, per quæ sentientium neruorum propagines dimanant in sensus. 30
Sub interiorē eius facie capacitates duæ latent, in quibus est illud rete ple-
num admirationis, aliâque cerebri arcana. Processus concauos emittit ab
alarum similitudine πτερυγοειδῆς vocatos, alterum sursum ad caua tēporum,
frontis ossi & ei quod à lapide nomen habet commissum, alterum canalis
& tubi instar deorsum ad postremos dentes versum, qui reflexo extremo 35
palatum terminat eique committitur. Nunc de facie. Faciem totam ge-
minam discernit ea commissura, quæ ab interuallo superciliorum per me-
dias nares inter primores dentes producta, palatum in longitudinem fecit.
Maximum in ea est os malæ, in quo dentium superiorū radices figun-
tur: excurrit id intrò ad palatum, pars verò eminentior sursum effertur ad 40
nasi latus & maiorem oculi angulum. Supra radices dētium maxillarium
capacitas ingens concluditur, ad oculi sedem sursum lata, quam alba ac si-
milis glandis substantia communit. Superiore maxilla (quam propriè ma-
lam

lam Celsus appellauit) ad radices primorum qui secant dentium, ossa duo
fita sunt, intus duntaxat lineis distincta: rursúmque duo perexigua quo lo-
ci interstitium est narium, & vnde superius labrú enascitur. Quæ quatuor
tenuissima cum essent & obscuris lineis separata, maxillæ superioris partes
5 effecimus, ne quenquam fortè multitudo tanta obrueret. Inter oculum &
aurem apparet os editum, iugale vocant, durum quidem & téporum mu-
sculo tanquam præsidium & propugnaculum, cuius pars posterior ossi cui
à lapide nomē est, in eo exortu copulatur, qui oblongus ab aure aduersum
spectat: pars infera ossi maxillæ, supera ad oculi paruum angulum frontis
10 ossi coheret. Nasus ossa duo gestat, quadrangula, procera, à iugo nasi deor-
sum per illius longitudinem ducta, in quorum extrema cartilagines infe-
runtur alæ vocatæ. Vtriusque oculi fossæ tria substituuntur ossa, præter ea
quæ veluti parietes sunt, aut frontis, aut malæ, aut zygomatis, aut produ-
ctionum quæ à cuneo manant. Horum siquidem omniū extrema in ocu-
15 lorum sedes concurrunt, lineis discreta conspicuis. Trium quæ dixi maxi-
mum, ad minorem oculi angulum collocatur, quod à zygomate & frontis
interiore pariete, obscuræ vix dirimunt commissuræ. Alterum conspicien-
dum magis fossæ parte infima, ferè ab eo malæ foramine quo neruus in la-
bra superiora deducitur, intrò recurrens, auricularis digiti latitudine. Ter-
20 tium oblongum tetragonum ad oculi angulum maiorem positum, malæ
superioris extremo à latere annexū. Inter palatum & cerebri basim vsque
ad nares vtrinque diuersa disiecta sunt ossa, tenera quidem atque tenuia,
sed quæ tertij huius propagines videri possint. Ea variè contexta spongiæ
formam referunt, vt dubitare non liceat tertium illud hoc esse, quod Græ-
25 cis *σπογγώδης* appellatur. Præter id ad summam nasi radicem, intus fixū hæ-
ret aliud tenue & latum, magno illi obtrusum foramini, quo è cerebro in
nares cursus est: hoc variè pertusum more cribri Græcis ethmoides dicitur,
ab eo diuersum quod est spongoides. Illius è medio mittitur eminētque ad
cerebrum quasi verruca prædura: deorsum autem per medios narium si-
30 nus ducitur *ἐκφυσις* laminæ speciei, quæ nares equè discriminat gemināsque
reddit, hanc nobis liceat Macrobij verbo narium interstitium appellare,
cui cartilago innascitur nasi pars infima. Parte interiore alterum existit pa-
lati interstitiū, quod malæ propago quædam est, vt ipsa quoque mala ge-
minum. Id à supera palati parte natum cuneo innectitur pede firmissimo,
35 sursumque sese erigens dum narium interstitio occurrat & committatur,
interiorem palati cauernam dirimit facitque geminam. Hæc veteres ana-
tomici, tãquam nulla essent, silentio præterierunt, quæ (quoniam tenella)
minimè in iis capitibus cernas quæ putida sunt atque confecta, verum sin-
gula monstrabit purgatio diligens, moxque ex feruente oleo facta disso-
40 lutio. Maxillam inferiorem duo conficiunt ossa mento extremo strictis-
simè agglutinata. Vtrinque summis ab extremis duo veluti cornua promi-
nent: alterum prius quod tendones ex temporum lacertis asciscit, alterum
posterius in exiguum sinum *τὸ λυδοειδές*, quod sub audiendi via se infert, nō
a iiij quidem

quidem cartilaginosa aut serrata cōpage firmatum, sed vinculis quæ motum liberum & expeditum cardinis modo maxillæ permittant, vt sit mobilis vna ex omnibus capituli ossibus. Hac enumeratione quæ integra & absoluta censetur, totius capituli ossa duo sunt & viginti: sex caluæ, deinde cuneus, duo zygomata, faciei vndecim, maxillæ duo. In facie enim numerantur malæ ossa duo, nasi totidem, in oculorum antris sex, ethmoides seu cribrum vnum, cuius narium interstitium portio quædam est: palati autem interstitium apophysis est malarum. In horum numerum si quæ ad primorum dētiū radices sunt, rursumque duo ad narium ingressum posita referes, erunt omnia sex & viginti. In linguæ radice à cæteris discretum os existit, quod à v specie *ὀστέου* appellatur. Vtraque porro maxilla crebro perfossa quibusdam quasi alueolis, vt in singulas fossas singuli dentes infigantur. Hi autem ferè sexdecim sunt, rarò plures, pauciores nonnunquam: ex iis quaterni primores dicuntur à nostris, à Græcis (quia secant) *τομῆς*. Post hos canini sunt vtrinque duo, ultra quos maxillares vtrinque quaterni, quorum duo vel plerunque tres vltimi & intimi, qui aliis nunquam, aliis ferò gigni solent, genuini vocantur. Primores & canini vnica radice nituntur, maxillares binis aut ternis aut quaternis, atque inferiores vna minus quàm superiores. Is est ossiū capituli numerus eaque structura.

Dentes. Thorax totus dorso innititur, cuius duodecim articulos numerauimus, vnde & costæ vtrinque duodecim. Proditum est à Galeno nonnunquam vnā deesse, vnā rarò accedere, quod inter portentosa cōnumerem. Itaque vnique vertebræ ad radicem transuersi processus, sinus inest leuiter concavus, qui costæ principium extanti tuberculo, quod illius est caput, excipit. Illinc costæ originem ducit, quæ non ita longè transuerso processu sui arcu deuincitur: deinde in priora thoracis inclinās curuatur, cūque ita multum prodiit, protinus in os pectoris curuata resilit. Septem superiores integre atque perfecte cum pectoris osse cōmittuntur extremis cartilaginosis, & in leues sinus illius ossis conduntur. Nectuntur autē tenuibus mēbranarū vinculis, quæ sunt tā multa vt omnia velent & obducant, atque vix à sensu noscātur. Os ipsum pectoris quod *στένον* appellat, ex septē ossibus constat in transuersum cohærentibus, vt singulis integris costis singula pectoris ossa respōdeant. Ab ossis huius extremo depēdet cartilago oblonga, quæ à Græcis *ἐπιφύσις*, id est ensis effigie ducta nuncupatur, à iunioribus malum punicum. Reliquæ inferiores quinque costæ nequiquam ad os pectoris perueniunt, sed inchoatæ & quasi mutilæ in cartilagine finiuntur, quæ sursum retortæ inter se quasi conglutinatæ cohærent, inde nothas & adulterinas appellantur. De humero & brachio, quæ his velut affixa innituntur, dicendum. Regionem totam quæ ponè pectus sita est, scapulas appellant, in quibus ossa duo sunt lata, figura triquetra, externa facie tumescēte, interiore reducta. Hæc sunt *ὀστέα τῆς σκαπύλας* Græcis, Latinis scoptula operta, nonnunquam & scapulæ. Quæ in dorsi spinam deuexa sunt, lata videntur & prætenuia, hinc paulatim crassiora facta coarctantur,

Thoracis
ossa.

Costæ.

στένον

scapularū
ossa.

tur, tandem eminent ad extremū acutiora. Id genus ossis alteri nulli commissum, costis posterioribus velut innatat, parte ima non mediocriter cartilagine obductum, vbi validis musculis neruisque constringitur. Extremum autem angustius (cervicem quidam appellant) quasi in acetabulum
5 definit, quod humeri caput excipit. Interiore ex parte exiguus acutusque ductus exit, qui à coruini rostri similitudine *κροταφιδης* vocatur à Græcis. Alterum quasi ramum externum, magnum quidem & à suprema ossis parte natum *ἀκρωμιον* dicūt: solius is est hominis sub finem leuiter sinuatus, quā iugulum clauēque admittit. Os enim in pectore summum iugulum est,
10 quod supremæ costæ incubans dextra leuāque ad scapularum ossa promanat, acromiis vt dixi affixum. Duo sunt iuguli ossa pectoris ossi in transversum cōmissa, quæ & figura & crassitudine sunt inæquabili, plurimūque more fistulæ perforata. Nunc de toto brachio. Sunt omnes eius partes numero tres, humerus, cubitus seu brachium, & manus. Humeri os est
15 vnicum, teres, durū, medulla inundans, partibus extremis tumidis & cartilagine obductis. Summum eius caput grandiusculum est, globosum, in scapulæ sinu (*κωπύλη* Græci appellant) collocatum, cui validis vinculis tum intus tum foris ambiētibus astringitur. In huius parte externa patula rima inest, ceu via qua ingens tendo cum neruis in brachium tutò cōmeat. At
20 imum humeri ad cubitum spectans non globosum, sed vno & altero tumore turgidū est, altero extrinsecus minore, interiore altero atque maiore. Inter hæc sinus duo sunt, in quibus cubiti summa pars trochlearū modo conuoluitur: duōque quasi vertices extant in orbem flexi, caua itē duo, quorum posterius multò maius est aduerso. Brachium duobus struitur ossibus, quorū maius cubitus appellatur, minus verò illi insidens radius est,
25 Græcè *κροταφιδης*. Illud summo suo capite medium quasi verticem habet, qui in medium quoque humeri sinum se inferit. Extant & processus duo peracuti vtrinque medium verticem finientes, posterior qui maior est, dum cubitus tenditur, in posterius humeri cauum se recondit: prior verò cū is flexitur, in aduersum. Radius superiori suo capite rotundo & leuiter sinuato, exiguum humeri tumorem excipit, illicque robustis vinculis cubito il-
30 ligatur. Quod in articulo extrā prominet *ἀγκών* appellatur, cui aduersus est flexus, quemadmodum genu poples. Cubiti radiisque media hiantia sunt & disiuncta, quæ tamen rursus inferiore parte ad primā palmarum partem cōeunt, occurrūtque cubitus minimo digito, radius pollicis: à cubito
35 processus exit *συλκιδης*, cui palmarum pars summa insistit. Brachiale nonnulli vocant primam summamque palmarum partem, quam & *καρπῶν* nominant, ossiculis octo cōstructam, vno quidem ordine tribus, è quibus vnum geminum est, altero quatuor, quæ omnia sunt exigua, dura tamen nec me-
40 dulla perfusa, neruosis cartilaginosisque nexibus per *συνδεσμοὺς* constricta. Totius figura à summo leuiter tumens intus sinuata. Succedit illi *μετακarpῶν*, id est ima palma, ossibus quatuor contextum, quibus est carpo per *συνδεσμοὺς* adhæsiō. A singulis singuli digiti directè porriguntur vno pollice dempto,

Iugulum.

Brachii totius ossa.

Manus ossa

Ossa coxa-
rum variis
prædita no-
minibus.

Femoris os

Cruris of-
sa duo.

Patella.

Malleoli.

Talus.

Pedis ossa.

Ossa tenu-
issima.

Cartilagi-
nes in os-
sum extre-
mis.

dempto, qui obliquè μετὰ τὴν ἐπίφω videtur additus. Ex ternis ossibus digiti cō-
stant singuli, priorisque nodus consequentis sinum perpetuò subit. Breui-
ter, ossibus quindecim continentur aptanturque digiti, duodecim palma,
duobus cubitus, vnico humerus, præter ea perexigua, quæ σπασμοειδῆ vocan-
tur, in iuncturis constituta. Hæc de superiorum partium ossibus, nunc de 5
inferioribus. Os sacrum magnos rectosque stipites & processus vtrin-
que emittit, quibus astricta sunt ossa coxarum longè valentissima. Horum
autem partes, quanquam discretæ nō sunt ob amplitudinem, varia tamen
nomina inuenerunt: nam summæ, ilium ossa dicuntur, quæ intestina su-
stinent ac tuentur: imæ coxendicum, quæ à lateribus sinus rotundos ha- 10
bent: hinc in priora ductæ partes, ossa sunt pectinis, quæ amplis patent fo-
raminibus & media commissura arctissimè conglutinantur. Vtraque co-
xendix grandi cauatur veluti acetabulo, in quod coniectum femoris ca-
put conuoluitur. Femoris enim vt humeri os est singulare, cuius pars sum-
ma ceruicem habet exertam, quæ tamen intrò conuersa in coxendicis ace- 15
tabulum reconditur. Ab ea ceruice exigui duo manant processus, maiore
qui foras exilit alij ἄλστρον, id est natem, alij ἰσχιαστικὴν magnum dixerūt, mi-
norem verò, ἰσχιαστικὴν paruum. Extremum inferius tuberculis est discretū
duobus, quibus cruri cohæret. Est quidem crus omnis eius partis, quæ in-
ter genu & talum interiecta est, tibia verò grādiōris in ea ossis nomen, hoc 20
summo capite gemino sinu excauatur, vt duplex quoque femoris tuber-
culum exciperet. Alterum in crure os minus externa parte constitutum cu-
biti radio consimile, ad genu non ascendit: attamen duo hæc ossa suprà
infrāque coniunguntur, mediis partibus dissociantur atque dehiscunt. Fe-
moris & tibie in genu compagem tegit firmatque extrinsecus patella, os 25
quidem paruum, rotundum & cartilaginofum, nulli ossi confertum, sed a-
liis quasi incubans nexumque vi tendonum atque membranarum, cui po-
ples est à tergo. Tibie radiique partes infimæ malleoli sunt, non modicè
prominentes, & carne nudæ. Hæ talo vt firmæ basi innituntur, quem in-
trò demersum attingere vix possis. Talo calx seu basis altera maior subiici- 30
tur, crassior, figura tetragona. Monti pedis nuncupato ossa quatuor impa-
cta sunt, inæquabilia: imæ plantæ quinque, figura tereti & oblonga: digi-
tos omnes explent ossa quatuordecim, singulos quidem præter pollicem
terna, vt sit totius pedis structura ossium trium & viginti. Inter digitorum
tum manus tum pedis articulos, ossa sita sunt σπασμοειδῆ, rotunda quidem & 35
plerunque adeo exigua vt sensum omnè effugiant, quæ admodum quæ in
corde, in gutture, in linguæ radice, in aliisque nōnullis partibus haberi tra-
duntur. In his iam omnè videor ossiū descriptionē & numerū impleuisse.

De cartilaginibus, articulis, & vinculis.

Cap. IIII.



Multa sunt a nobis de cartilaginibus in ossium explicatione qua- 40
dam consecutione proposita, adeo vt nunc cum neque illarum
vsui, neque propriæ substantiæ rationi tradendæ incumbimus,
pauca de illis dicenda restant. Plurima ossiū extrema cartilago cingit, nul-
lus

lus articulus non læuitate illa oblinetur, nullus expeditè obuolui circun-
 ducique potest, neque neruis aut vinculis coniungi, nisi quædam materia
 intercedat. Præter eas autem aliæ quædam extant in costarum præsertim
 (quæ adulterinæ vocantur) extremis, vbi ossium, ex quibus prodierunt fi-
 guram retinent, dum inferiores mutuò colligatæ concurrant, superiores
 verò in suam quæque sedem ad os pectoris applicentur. Aliæ os ipsum am-
 biunt atqueprehendunt, aliæ extrema nasi communiant molliuntque,
 vti & malum punicum è sterno pendulum. Aliud cartilaginum genus so-
 litarium per se consistens vixque vlli ossi impactum: in quo ea numeran-
 10 tur, quæ in ciliis sunt oculorum *περὶ ὀφθαλμοῦ* appellant, quæ in auriculis, in fauci-
 bus, in epiglottide, in larynge, in aspera pulmonum arteria, in cordis basi:
 omnes quidem non ossium, non motus, sed firmitudinis & solidi roboris
 gratia conditæ. In quod genus ea fortasse referri possit, quæ crassa densa-
 que & perfossa medium genu articulum implet, de quibus rursus figilla-
 15 tim suo loco verba faciemus. Iam verò ossiū congressus & adhæsiō duo-
 bus modis fit, altera per articulum, altera per coitum, illam *ἁρμωσις*, hanc
σύνφυσιν Græci vocant. Per hanc quidem ossa quorum nō est motus diuer-
 sus, quasi vnum atque idem sint inter se nexu indissolubili cohærēt, idque
 vel inter se strictim conferta nullius corporis interpositu, vt cum mollia &
 20 rara sunt, veluti in sterno atque mento, vel medio quodam corpore ceu vi-
 sco agglutinata, quod aut cartilaginofum est vt in pectine, aut neruo aut
 carne plenum. Per articulum vinciuntur ossa mobiliter: quod si obscurior
 segniorque motus est vt in costis, in spina dorsi, & metacarpio, Græcis dici-
 tur *συνάρθρωσις*, ceu firmior quidam articuli nexus. Huius generis futuram
 25 esse voluit Galenus & serratam compagem, qualis est in calua frequens, si-
 militer dentium infitionem & cōmissuram, quæ nihilominus videri pos-
 sint aptius in *συνφύσει* genus conferri. Sin verò conspicuus est & facilis of-
 fsum motus, velut in cruribus, in brachiis, in manibus atque pedibus, *ἀρ-
 θρωσις* est, quasi laxior articuli copulatio, licet nō omnium par sit & eadem
 30 laxitas. Ex his promptum facileque sit ossium quæ numerauimus adhæsiō-
 nes, ad suum quæque genus redigere. Nunc de vinculis. Non quicquid
 ossa colligat hoc statim nomine dignamur, sed id dūtaxat neruosum præ-
 durūque corpus, sensu expers (nisi fortè obtusi) solidū & exangue, quod
 à summa ossis cartilagine in aduersi caput inseritur. Id nequaquam vna est
 35 vbique figura vel magnitudine, sed à loci conformatione & vsus necessi-
 tate varium, rarò neruosum, at ferè membranofum est id quod extrinsecus
 articulum cingit. Quæ in calua sunt commissuræ compage dentata cohe-
 rent, non vinculis, vt neque reliqua tum faciei tum capitis ossa. Verum in-
 ferio rem maxillam ad aurium radices vincula connectunt vtrinque præ-
 40 ualida. Caput & ceruicem firmant duo, ab imo ossis cui à lapide nomē est,
 ad primam dorsi vertebam, rursusque duo ex eodem propè loco ad cla-
 uium extrema sternique summa protensa: & quod à tergo ex occipite ad
 mediam inter *ὠμοπλάτας* sedem procurrit. Omnia hæc quidem ingentia,
 robusta,

Cartilagi-
nes solæ &
per se.

Ossi con-
nexio mul-
tiplex.

Vinculū
quid.

Capitis &
maxillæ vi-
cula.

Spinæ vin-
cula.

robusta, procera, teretēque figura. Vniuersam autem spinam extrinsecus ambit vinculum vnicum, amplum, crassum, validum atque neruosum, ē secunda colli vertebra in ossis sacri imum & coccygem desinens, omni fibrarum genere contextum, & quasi in progressu complicatum, in medias illarum sedes se coniicit, quō cartilagini immistum constantiori illas ad-
hæsione nectat. At summam vertebam minora quædam eaque tenuia & laxa imo capiti illigant. Insunt & sua costarum capitibus, astricta illa quidem parūque laxa: qualia propemodum & illarū extrema cartilaginosa deuinciunt. Lata scapularum ossa vertebris subditisque costis copulant
mēbranæ firmissimæ, & qui illis sunt interiecti muscoli. In illorum sinum

Cōmune
vinculorū
genus.

qui summa est ceruice, humeri caput illigatur vinculo, quod instar solidæ membranæ ē sinus supercilio ad humeri verticem pertinēs, tum caput ipsum tum ceruicem in circuitu ambit atque firmat. Præter id tria numerantur quæ illi insident rotunda, duo tanquam nerui, tertium paulò his amplius. Humeri verò pars ima cubito adhæret eo vinculi genere, quod est
omnium articulorum commune, nempe quod ab ossium extremis ortum, illa extrinsecus circumligat, deuincit, & continet: membranofum id & validum, laxū tamen & flexibile quocunque velis, aliud illi opem confert minùs latum, brachium continens ne circumactum exiliat. Apud car-
pum ex communi illo genere vnum est, quod tum imum radium imo cu-
bito, tum verò vtrunque carpo nectit, omnia tamen laxè circumsepit. Id
mox longius porrectum, omnia insuper quæ in carpo & metacarpio ossa recensuimus copulat tegitque. Cæterum singuli digitorum articuli propriis ambiuntur colliganturque vinculis, quorum quæ extrema sunt, vngu-
ium radices mittunt tanquam fruticentur. Iam verò coxendicum ossa
coëunt in pube per cartilaginé, similique copulatione ossi sacro ponè
connectuntur. Amplo sinu & quasi acetabulo coxendicis caput femoris exci-
pitur, illique adhærescit, tum communi illo vinculi genere, tum alio no-
uo intus recondito, quod ē summo femoris capite in medium sinum figi-
tur, rigidum id, rotundum ac breue, vt neruus cartilaginofus censerī pos-
sit. His similia sunt in genu duo, alterum circumfufum: alterum intus ab
ea parte natum, qua summi in tibia sinus inter se committuntur, per car-
tilaginem perforatam traiectum, inter imi femoris nodos medium se cō-
iicit. Aliis quoque duobus latera stipantur, quæ vt nerui quidam sunt car-
tilaginofi. Quatuor ad istorum proportionem tibiæ partem imam pedi
connectunt: præter quæ alia astant tria iisdem propè sedibus circumiecta.

Aliud vin-
culorū ge-
nus,

Pedis digitorūque articuli perinde vt in manu vinculis cohærescūt: vn-
de omnis absoluta iam videtur vinculorum explicatio. Vnicum superest,
quod à pectinis ossē natum in penem contendit: rotundum id & vnum
ex omnibus concauum, quodque à publico cæterorum munere deficere
videtur. Talis quidem est omnis vinculorum insertio, quæ quanto nexus
robore vinciant & illigēt, tum artus, tum ossa quæque corporis, dum hæc
conderemus, patefecit comes ille Sebastianus Frācisçi Galliarum Delphi-
ni

Genitalis
vinculum.

ni instructum exercitum in Carolum Imperatorem ducentis veneficus: quem Lugduni præpotētium quatuor equorum in contrarias partes horā propè distrahentium nisus discerpere dilacerareque nō potuit, nedum sua compage dissolvere, nisi cū districti gladij in articulorum nodos infixi adactique sunt. Nunc autem aliō nobis properandum.

De musculis & tendonibus.

Cap. V.



MACERTORVM substantia quanquam non vt ossium simplex videtur, hīc tamē statuo de illis facere verba, quōd in partibus externis primas obtinēt. Conditus est enim qui dicitur musculus neruorum fibris ad motum accommodatis, his caro circumcreuit tanquam fulciēs illarum robur atque confirmans: venæ & arteriæ conspersæ, illæ quidem ad alimenti distributionem, hæ ad natiui caloris custodiam: omnia demum circūscriptē tenuis membrana complectitur, musculūque definit. Tres sunt illius in longitudine partes, origo, medium, & exitus: quas solent quidam caput, ventrem & caudam appellare. Planē neruosum est caput, venter omnibus quæ numerari constāt, extremus tendo cōtextis confusisque neruorum & vinculorum fibris concreuit, vt natura media donatus, durior & robustior ad motum fieret quā neruus, at vinculo mollior & infirmior: hoc rursū sensus acumine superaret, ab illo verō plurimū deficeret. Non omnis musculus tendonem habet, sed is duntaxat qui os moturus in summam illius cartilaginē, aut in vinculum se inserit. Figura quidem hīc, vti & musculus, varia præditus, prout loci ad quem pertinet conformatio ferebat. Quocirca non vnus idēque esse potest tum musculorum tum tendonum numerus: sed cū aliās vnus musculi plura sint capita pluresque tendones, aliās plurium vna sit origo vnicūqve tendo, singula seorsū ex propria cuiusque circūscriptione æstimare dinumerareque liceat, hoc modo. Frontem vnus musculus tegit latus & tenuis, à summo vertice ad supercilia & oculorum radices diffusus, à quo non vt à cæteris eximas cutem, sed sic illi est innexus, vt sit amborum motus vnus, qui supercilia sursum adducit euehitque. Palpebræ superioris (inferior enim perstat immutabilis) duo sunt lacerti: vnus ex maiore angulo qui propter nasum est, ad tarsum medium, eiectus, cuius contractione palpebra attollitur: alter ex minori angulo eodem attingens, qui oculū claudit: vtrique enim ob tarsum firmitudinem palpebra tota cedit. In orbe oculi septem continentur, quatuor recti, quorū vis est mouere sursum, deorsum, ad maiorem minoremque angulum: duo præterea obliquè positi illum circumferunt, sepius opticum ex cerebro neruū obuoluit & quasi circummunit & obvallat, ne qui tener & mollis est, vehementer concussus laxetur aut obtetur oculūque demum excidat: quod in illius quoque paralyfi solet accidere. Ex fibrarum quas emittit varietate, alij hunc duplicem, triplicem alij esse dixerunt, cū tamen sit fibrarum quæ in eo sunt omnium idem vsus.

Musculi
cōpositio.

Tendonis
substantia.

Musculi ca
pitis.

Musculi o-
culorum.

b Ad

Maxillæ
musculi
quatuor.

Ad inferiorem maxillam excurrit latus musculus, qui suprâ os petrosum & tempora ambit, deinde contractior factus, sub os iugale se recondit, prolapsusque longius non à fine instar cæterorum, sed à medio tendonem emittit magnum & præualidum, in summum maxillæ adactum: quo sursum illa adducitur & os clauditur animalis. In tãta motus vi & impetu illi venit adiutor alius in ore delitescens, qui post maxillares dentes sursum in os capitis erigitur. Os autem aperit maxillamque diducit musculus ex tuberculo ponè radicem auriculæ natus, deinde applicatus imæ parti maxillæ adusque mentum: huius extrema carnosâ sunt, pars media quæ amygdalas integit membranosa, veram tendonis speciem ostêtat, huiusmodi figura & compositio cæterorum nulli concessa. Musculus circûducens maxillam *μολωντής*, id est molitor dictus, quòd mandendo plurimum valeat, trianguli speciem refert, cuius summum ad tempus figitur: latus vnum ad iugalis ossis imum, alterum ad inferiorem maxillam protenditur, tertium velut basis illa copulans per maxillæ longitudinẽ excurrit. Vt autem necesse fuerat motum eius multiplicem in mandendo & varium fieri, ita neruorũ fibris diuersis omnisque generis hunc implicari contexique par erat. Ex maxillæ igitur lacertis maximus is est qui ad tempora peruenit, secũdo loco masseter appellatus, tertio qui illam aperit, minimus adiutor. Ad labra vtrinque pertinent muscoli duo, capitibus quidem conspicui, obscuri verò dum in cutem sparsi oblitterantur: prodeunt quidem à malis & oblique feruntur, alter in superum, alter in inferum labrum. Quatuor hi officio concordēs, labrorum motus octo possunt efficere, quatuor quidem rectos, sursum, deorsum, ad dextram, ad læuam: alios quatuor cùm vel plurimum separantur disiungunturque labra, vel coeunt & alliduntur, vel inuertuntur, vel intrò adiguntur. Eandem quam illi originem sub temporibus habet exiguus musculus, illos aliquantũ comitatus, mox deinde oblique in alas nasi deflectēs, vtrinque vnus. His ergo musculis facies tota comprehenditur. In collo & ceruice complures sunt, qui caput vniuersum mouet. A tuberculo, cui nomen est à mamma, vtrinque ad clauiculam & sterni summum profertur vnus, tendonem illic magnum comitatus: hic caput & ceruicem deflectit non omnino rectè, sed aliquatulum oblique, quem alij simplicem, alij triplicem statuere solent ex fibrarum varietate. Duo alij sub œsophago siti, ab osse capitis in primâ & secundam colli vertebra in feruntur, quorum est solum caput in priora flectere immota ceruice. Retrò autem octo sunt exigui, qui in ambitu ab osse capitis in primâ & secundam vertebra se figunt: ipsũque articulum multo robore confirmant, vti & duo qui sub œsophago iam sunt descripti. Quatuor ex his recti sunt & in rectum motus agunt, duo obliqui, reliqui item duo obliqui, at situ aduerso. His alij insident octo ab occipitis osse per totam ceruicem eiekti, quorum duo summi ampliores sunt vt reliquos possint contingere. Variis præditi sunt neruorum fibris, quæ omnes è septem colli vertebra dimanarũt: vnde aliis plures, aliis pauciores octo creduntur. Hi caput retrorsum

Labrorum
musc.

Ceruicis
musc.

retrosum flectunt, cum hoc autem ceruicis aliàs duas, aliàs tres, aliàs omnes vertebrae. Lateribus colli vtrunque duo insunt magni atque validi, alter ex secunda vertebra in priora, alter ex prima retrosum cōtendit, caput & ceruicem ad dextram lauamque conuersione modica flectunt. Horum est igitur caput & ceruicē mouere, quos vna quidem ratio quatuor & viginti, alia octo & viginti dinumerat. Tres porro cartilagine quae in structura sunt laryngis musculi cōplures continent: quatuor enim primam secundam neclunt, & huic illam adiungentes laryngis partem imam occludunt. Alij quatuor secundam tertiā copulant: quorum contractu summa pars laryngis aperitur. Duobus alijs prima tertiā coheret, quorum interest summam partem laryngis intercludere. Sunt & alij duo ad totius basin & radicem, qui istis veniunt adiutores. Præter istos laryngē alij octo circumstant, qui illum vicinis corporibus copulant, cumque necessitas est, distendunt vel contrahunt. Quatuor hærent in faucibus, duo è pectore sursum ducti, fauces & gulam ad alimentum deducendum deorsum vellunt: duo reliqui sursum, quorum situs est aduersus. Os in radice linguæ, *ὀστέον* dictum, neclunt atque stabiliunt octo musculi, duo ex inferiore maxilla nati, duo sub mēto, reliqui ex tuberculo, quod est ad aurium radices. Ad linguam illinc quoque duo protēdunt per latera, duo ex ossis parte suprema per linguæ medium: inter vtrosque alij duo in longitudinem porriguntur ab ossis lateribus prognati. Similem propemodum productionem habent alij duo, quos edit inferior maxilla. Octo his musculis lingua quoque versum flectitur, omnesque naturales obit conuersiones. Præter quos nonus est coniugij expers, ab osse quod *ὀστέον*; Græci vocant ductus, qui linguam intro contrahit atque reducit. Idem hic laxatus atque porrectus linguam exierit & foras expellit: quod cæterorum musculorum nulli datum est, vt motuum sit opifex cōtrariorum. Est enim simplex sua cuiusque actio, quæ ad capitis sui & ad nerui originem adducitur. At cum nullus neruus in linguæ extremum extrinsecus inferatur, qui foras illam rapiat, probabilius est hanc educationē illi musculo attribueret, quàm cum quibusdam fateri motum quendam voluntariū in nobis esse, cuius nullus musculus aut neruus sit author. Hactenus qui superant clauiculas musculos cōiunctē recensuimus: nūc reliquos separatim persequamur, qui alterutra parte corporis cōtinētur. Pectori foris sparsi sunt musculi, qui ipsum attollētes ad animā ducendam sunt vsui, è quibus à summis scapulis vnus ad primam costam pertinet: alter ad sextam, tres præter hos à collo in varias pectoris priores sedes profecti, id latius explicant. Est & alius parte posteriore ab imis partibus scapularum ortus, qui in tres veluti digitos discretus iniectusque mediis costarum quæ maximè curuantur, pectus vniuersum reuellit atque distendit. Subter hos autem iacent musculi inter costas positi vtrunque duo & viginti: in singulis nempe illarum interuallis duo, quorum interior attollens animæ inducendæ, exterior deprimens ac stringens remittendæ author est. Quidam ex fibrarum varietate quatuor hos esse prodiderunt,

Laryngis musculi.

Linguæ musculi.

Quis musculus linguæ exierit,

Pectoris musc.

Scapulari
musc.

Humeri
musc.

Musc. i hu-
mero qui
brachium
mouent.

ut sint inter costas omnes octo & octoginta. Aliorum quorundam musculorum vis est pectus deprimere & coarctare, quorum vnus per dorsum excurrans septem superiorum costarum radices fibris attingit, quem eo nomine pro septem plerique connumerant. Alius per clauiculas ad cartilaginum extrema penetrat, quoad musculum rectum abdominis contingat ac subeat. Horum contractio costarum extrema depellit atque stringit. Eorum autem qui scapulam duntaxat mouent, magnus vnus est & amplius ex capitis osse secundum dorsum productus, alterque tenuis illum semper comitatus scapulam sursum attrahit. Duo alij hanc retrò abducunt, quorum vnus ex colli, alter ex dorso uertebis proficiscitur. Alius ex dorso principio in ossis lati caput desinens, id ad colli latera conuellit. Ad priora autem conuertit gracilis eodem insertus, sed ex occipitis osse natus. Sursum scapulam euehit, is quem mox dicemus humerum quoque subleuare. Deorsum verò trahit, qui ab interiore pectore emergens, in partes scapulae imas disseminatur, isque simul brachium deprimat. Hos multiplicitatem eius motuum fiunt authores. Vnus mediocris ex mammarum sede in humeri caput se confert, brachiumque ad pectus adducit. Alius ex summis partibus eodem porrectus, quo brachium ad thoracis superiora trahitur. Alius magnus ex toto pectore ortus mammae figuram conformat, & ad interiori mediamque humeri partem desinit. Geminus is est, cuius pars duntaxat inferior incitata brachium infra depellit, superior altius id erigit: ambae intentae aequabiliter ad pectus adducunt. Sub istius parte inferna alius nascitur, quo brachium quoque deflectitur. Omnibus his imminet biceps musculus, cuius alterum caput ex interiore clauicula prorumpit, brachiumque tendit, & inclinatur moderatè: alterum ex ossis lato scapularum deriuatum, brachium similiter extendit, simul ad exteriora reflectit: ambobus autem aequè intentis brachium porrigitur in rectum, neque quoquam flectitur. Huic assidet alius è vertice lati ossis tractus, cuius est brachium attollere, sed quo alius inferior, id ad dorso media aequaliter reflectit. Sequuntur alij duo musculi ex infimo lato osse profecti: alius deinde illis inferior, qui ad posteriora simul & inferiora deducit. Est demum exiguus quidam sub ala, cuius ope brachium citra ullam inuersionem costis illiditur. Sunt itaque omnes ad humeri articulum decem & tres, qui in humeri os infixi id ipsum variè contorquent. Brachium (hoc & multi Latini vlnam vocant, vti Graeci ἀλὲννη) quicumque mouent, humeri os vndique obuallant, quorum duo interiores illud inflectunt, vnus quidem maior ab interiore humeri sede in priorem radij regionem diffusus, alter minor à summo humero intrò conuersus ad vlnam, alteri obliquè insidet ad X. literae similitudinem. Hi pariter intenti cubitum omnino flectunt, at sursum aut deorsum conuertent, si alter altero magis intendatur. Duo externi sunt illis oppositi obliquam positionem nacti, quorum attractu cubitus prorsum extenditur. Quatuor autem

autem vnam circumferunt, qui ex humeri ima sede nati parte plurima in
 radium inferuntur, & illum obliquè positi omnes retorquent. Ex his duo
 qui radium in prouum conuertunt, in profundum demersi, qui verò il-
 lum ad supinum ducunt, extrà quidem positi sunt. In cubito musculi
 5 sunt duplices, alij carpum, alij digitos mouent. Ex his qui carpo mouen-
 do sunt, duo hunc quidem intro agunt in interiore cubiti regione siti:
 alter hinc ad paruum digitum, alter ad magnum porrectus. Duo alij eun-
 dem extendunt, & ab externa cubiti parte tendones mittunt: hic quidem
 supra paruum digitum, hic verò supra pollicem. Iidem quoque musculo-
 10 rum tendones, carpum tum prouum, tum supinum ferunt: veruntamen
 in prouum motum, natura insuper quintũ musculum illis administrum
 dedit, qui ab exteriori cubito duplicem tendonem in medium carpum
 funderet, alterum indici, alterum infami digito incubantem. Eorum au-
 tem in cubito musculorum, qui digitis mouendis sunt, tres parte interio-
 15 re sibi incumbunt, atque mediam regionem tenent. Omnium maximus
 & intimus est aliis substratus, qui ad quatuor digitos, tendones tanquam
 habenas emittit, quorum ope & beneficio primus & tertius vniuscuius-
 que articulus inflectitur. Alter illi innexus in secundos articulos fibras ex-
 20 plicat. Tertius summus & cuti proximus, tendonem tenuem latumque sub
 omnem cutem interioremanus diffundit, vt promptior ea sit in omne
 opus, & sensu alacriore polleat. Qui digitos erigat, quatuor sunt in externa
 vna, regione media: vnus quatuor digitos extendit, suum cuique tendo-
 nem impertitus. Sub hoc alter ad inferiorem cubiti regionem declinans,
 25 digiti minimi & medici laterib⁹ tendones iniicit. Suprà verò alij duo, quo-
 rum hic in pollicem, ille in indicem & medium digitum fibris tendonum
 expanditur. Trium postremorum vis est, quinque digitos in transuersum
 atque prouum deducere. Manum summam musculi integunt septem,
 omnes interiore facie conspicui: ex his duo maximi, alter sub pollice, alter
 sub minimo digito, vbi palma altior est & editior. Hi quos diximus tendo-
 30 nes iuuant, quorũ est digitos ab aliis plurimum deducere. Tertius medius
 inter pollicem & indicem constitutus, ad indicem illum adducit. Quatuor re-
 liqui funiculis & tendonibus flectentibus ad digitorũ radices cohærescunt,
 tenuisque fibras in digitos effundunt, per quas illos in supinũ conuertant.
 Præter hos alij numerantur vndecim exigui sub palmæ lato tenuisque tendo-
 35 ne, è quibus duo ad primũ cuiusque digiti articulum pertinent: triũ reliquo-
 rum vnus ad primũ pollicis, duo ad secundũ. Per hos nexus firmatur & ex-
 peditores fiunt ij motus, quos explicauimus. Dorsum vt nõ osse vnico
 conditũ est, ita neque id vnicus vtrinque musculus à capite ad os sacrum ex-
 currens mouere possit: sed cum singulas seorsum vertebrae flecti oporteret,
 40 à singulis earum interuallis (primum si demis) singuli vtrinque musculi
 exierunt. Illorum fibræ obliquè ducuntur, vt pariter intentæ dorsum e-
 iusque vertebrae erigerent, aliàs ad posteriora, aliàs ad latera quoquo ver-
 sum inflecterent. Quocirca exteriores à tergo vtrinque numerantur tres &

Musculi in
 cubito.

Manus
 musculi.

Dorsi ex-
 terni musculi.

b iij viginti.

Interiores viginti. Interiores verò qui spinā in pronum & priora incuruant, vtrinque
 duo, vnus à capite ductus per colli p̄r̄q; thoracis quinque superiores ver-
 tebras productus, œsophago comes affidet, alter lumbis insternitur, ab vl-
 tima thoracis vertebra pergens in os sacrum. Ventris inferioris abdomen
 Abdomi- muscoli constituunt octo, duo quidem recti in longū proiecti, duo trans-
 uersi, quatuor obliqui. Sunt autem eo ordine contexti, vt à cute & adipe
 proximè duo sequantur ex obliquis, qui vtrinque à quarta & quinta costa
 nati, horumque musculis pectinatim implexi, per ventrem obliquè ferun-
 tur membranosa tenuitate, ac denique arctiori extremo ossi pectinis ap-
 plicantur. Recti hos sequuntur à quinta aut sexta costa supra malum pu-
 nicum, directo tractu permeantes in pubem. His proximè subsunt reliqui
 duo obliqui, ex coxarum ossibus in aduersi lateris costas adulterinas eue-
 cti. Omnium infimi transuersi, vtrinque ab ilibus iuxta lumborum muscu-
 los externos orti, membranæ specie ventrem integunt, dum in oppositam
 Genitaliū regionem desinant. Viro testiculus vterque binis fulcitur ab imo ventre 15
 musculi. prodeuntibus: fœminæ verò, quia testes intus gerit, vnico. Vesicæ ceruicem
 musculus vnus ambit in orbem, cuius vis est exitum & quasi ostium occlu-
 dere & vrinam continere: cum autem fluere desierit, vehementer expellere
 ne quid insideat reliquiarū. In pene quatuor sunt, duo ad latera, qui intē-
 ti porum amplificanc atque dilatant ad seminis effusionem: duo supra ex 20
 pectinis osse nati, penem arrigunt impetumque naturalem iuuant. Podi-
 cem quatuor omnino musculi complent, vnus rotundus in orbem ductus,
 cuius est podicem coangustare, hunc igitur *σφιγκτηρ* dixere Græci. Alius
 podicem in trāuersum finit, illumque sed quā superior laxius constri-
 git: duo obliquè supra rotundum vtrinque euadunt, per quos laxatus po-
 Musc. in co- dex sursum reucllitur. Iam verò qui femur mouet à coxendicis osse pro- 25
 xa femur mouentes, fecti, ossi femoris impinguntur, quorum alij crus extēdunt, alij sursum ad-
 ducunt, alij circunducunt. Ex his qui extendunt, vnus totum coxendicis
 articulum tegit parte posteriore, qui triplici capite enascitur, desinit autem
 in duos tendones affixos pōst femoris capiti. Alter post illum ab externis 30
 partibus ossis ilium, in summam partem magni *ἡσχωντὴρ* immittitur, qui
 extendit, intrōque trahit caput femoris. Tertius post hunc ex eodem osse
 in trochantera magnum pertinet abditis partibus, qui modicè femur por-
 rigit & conuoluit. Idem præstat & quartus, ab osse sacro in trochāteris po-
 steriōra demissus. Quintus omnium qui in toto corpore sunt maximus, os 35
 femoris vniuersum ambit, & ad genu vsque cingit: cuius complures extāt
 fibræ, aliæ posteriores à coxendice, aliæ ab osse pectinis deriuatæ: vtræque
 dum articulum intendunt, crus stabiliunt atque firmant. Aliæ his altiores
 femur intrō adducunt: omnium altissimæ aliæ idipsum ad priora superio-
 raque cōuellunt. Qui verò femur inflectere solent, minores sunt illis: vnus 40
 superior & rectus duobus capitibus exortus, ad parui trochanteris summa
 vnico tendone pertinens, alter illi proximè semper assidens, sed humilior.
 Tertius ex osse pectinis parte priore excidens, obliquè femori circumten-
 sus,

sus, qui sursum ducit intrò simul declinans. Quartus ex tuberculo ossis iliũ
neruosa tenuitate in genu contendit, illius patellam conscendens: cuius
est non solum femur inflectere, sed & crus omne sursum afferre. Aliud est
præterea eorum musculorum genus, qui femur intrò mouent: in quo ge-
nere præter alios duos, quos enumerás iam dixi à pectine deriuari, vnicus
est ab huius parte priore femori circumtensus desinensque in genu caput
interius. Circumducunt autem id duo maximè, vnus ortus ab occultis, al-
ter à summis partibus pectinis, qui coeunt ad coxendicem, illámque cir-
cumpleant, in femoris demum posteriora apud magnũ trochantera per-
tinet. Eundem motum, licet infirmius, efficere valent quidam ex his, quos
paulò antè recensēbam. Femur integunt & obuallant ij, quorum tendo-
nes ad crus profecti mouent illud: sunt autem numero decem, tres maxi-
mi parte priore positi rectà ad genu progressi, vnus quidem ad patellam
duntaxat, duo reliqui in vnum tendonem amplum desinentes, qui patel-
lam continet illigatque subditis ossibus, hinc autem in crus deuolutus to-
tum extendit trahitque sursum. Illis vtrinque astat vnus, hic quidem inter-
ior ex ossium pectinis cõmissura pergens in cruris latus: hic verò exterior
ab extremis partibus coxendicis in alterum cruris latus concedit: horum
obliqua est motio. Medium inter hos spacium à tergo implent alij tres or-
dine positi, quorum ad tibiã ductæ propagines, illam subducunt in suam
quisque regionem. Nonus angustus & procerus ex ilium osse prodit, in po-
plitis eminētiorem partem ductus insertusque tibiã capiti, quam prorsum
explicat. Decimus omnium minimus, qui in poplite situs genu inflectit.

Musc. qui
in femore
positi tibiã
mouent.

In crure musculi oriuntur, qui pedis tarsum pediũque mouent. Tres
prior pars continet, vnum tibiã ossi impositum, ex quo tendo bipartitus
exit, ad pedis pollicem vtrinque ductus. Alterum radio seu fibulæ circum-
uolutum, cuius tendo in minimi digiti radicem abit. Hi sunt qui æquè in-
tenti pedem sursum mouent: altero verò actionem obeunte, motus in obli-
quum torquetur. Inter illos medius insistit alius minor, qui per mediam ti-
biam rectà ad quatuor fertur digitos, hosque contractus extendit. Huic v-
trinque vnus affidet trifariã diuulsus. Quocirca tametsi præcipui tres sunt,
collatis tamen omnium propaginibus atque vsibus, sex aut septem rectius
numerari possunt. Parte autem posteriore tres in magnum tendonem de-
sinunt eum, qui ad calcem primum pertinet, sed hinc demum excedens in
omnem plantæ cuticulam disseminatur, perinde vt qui in manus palma
dicebatur. Quartus per profundum deductus, in eam regionē se profert,
quæ antè pollicem est. Quintus sub illis demersus ad calcē effunditur, qui
deinde toti inferæ pedis regioni communicatur, maximè verò medio di-
gito, & ei qui pollicis est proximus. Sextus inter cruris ossa confertus, dupli-
ci tendone tanquam loro ad duos qui superant digitos profertur. Hi duo
posteriores pedis articulos inflectunt. Præter hos tamē in eundem vsum
alij sunt in pede siti, quibus tria motus genera data sunt. In pedio enĩ quod
metacarpio manus proportionē respondet, decem numerantur, è quibus

Musc. qui
in tibia po-
siti pedem
mouent.

Pedis mu-
sculi.

b iiij singulis

singulis digitis bini per latera assident, qui pariter & æquè tensi illos equaliter flectant, inæquabiliter verò contracti illos intrò per obliquum ducant. In tarso qui ad carpi proportionem est, consistunt alij quatuor, quorum tendones in medios digitorum (præter pollicem) articulos definunt, illic & alij duo visuntur ad pollicem minimūque inflectendum proiecti. Pedis pars superior decem gerit ad radices digitorum positos, qui bini per cuiusque digiti latera affixi, illum possunt vel sursum æqualiter erigere, vel in alterutrum latus retorquere, prout varia fuerit illorum contentio.

Quis usus partium interiorum, quarum beneficio viuimus & nutrimur, quæ illarum necessitas.

Cap. VI.

10



Cordis necessitas.

Partiū nutritientium necessitas.

Partiū nutritientium usus.

Vas suprà recensuimus corporis partes, satis esse videretur ad omnes tum humanas, tum animales functiones obeundas, si in eis confidere posset & cōtineri illa vis animi omnia ciens & agitans motibus suis: pulchrūque foret si ex illis duntaxat & cerebro constans homo, sentiret, moueretur, ac intelligeret, citra vllam viscerum & intestinorum opem. At verò quoniam sentiendi illa & mouendi facultas nequit sine vitali consistere, quæ vt corpus omne tranans temperatione caloris omnia conseruat, ita principi alteri in cerebro positæ tum sustinendæ, tum functiones suas obituræ, spiritum suum velut materiam confert & impartit: idcirco cor velut principium gignendi spiritus induci commodum erat, ab eoque arterias produci, per quas spiritus in omne corpus diffunderetur: pulmonēsque illi assidere, quorum esset mollitudo ad hauriendum spiritū aëremque aptissima: ipsum denique diaphragma & musculos thoraci circumiici, per quos dilatari contrahique possent. Porro autem quoniam eorum & vniuersi corporis substantia, tum ab insito nobis calore, tum à circumfluo aëre aliisque causis assidue dissipatur ac diffluit, neque diutius potest consistere, nisi idoneis alimentis refarciatur detrimenti dissolutionisque iactura: maxima fuit alentium partium commoditas, earumque corpori iniecta necessitas. Itaque interiorum corporis tres omnino factæ sunt regiones, propriis quasi sepimentis obuallatæ: suprema in cerebro sensus rationisque sedes: media pectore comprehensa spiritus ac vitæ domicilium: infima subter diaphragma & abdomen, naturæ altricūque partiū officina. Ita enim immortalis Dei prouidentia hæc partes sordibus inquinatas atque fœdas, in locum imum velut in sentinā corporis relegauit, proculque amādauit, ne tetris nidoribus cor & cerebrū principum facultatū sedes atque sensus ipsos contaminarent cōturbarētque. Hic enim locus habetur veluti regiarum culina, in qua partes quædam tanquam coci alimenta instruunt, cæterisque præparant, quarum sunt ministerio destinaræ. Inter illas princeps est iecur, cui venterculus subministrat cibum ex parte coctum: alij ministri complures illorum eluiem culina excludunt, viæ tandem multiplices, per quas tum fiat eductio, tum purioris alimenti distributio.

tributio. Oesophagus enim à linguae radicibus in ventriculum illapsus, quaecunque accepta sunt illi suppeditat: concoquit autem hic paratque iecori: intestina genitas concoctione cibi reliquias deiiciunt: quicquid purius est iecori suggerunt venae quae dicuntur mesaraicae, ut hoc rursum altera coctione in sanguinem iecur conuertat. Hinc orta genitaeque superuacanea in diuersa rapiuntur. Lienis siquidem id deducit sibi que iungit, quod in sanguine velut fex & limus subsidebat: fellis folliculus secretabilem: renes dilutum humorem, quem demum in vesicam profundunt. In hac autem opera vias ductas habent & directas, quae in se ex iecore pertinent, sibi que adherent. Tot igitur talesque partes, uti & eas quae generis propagationi dicatae sunt & nuncupatae, par erat imo ventre comprehensas teneri: quae tametsi peculiarem sibi actionem singulae obtinent, hanc tamen ad communem referunt iecoris commoditatem & usum. Iecur autem ad cordis, ambo ad cerebri necessitatem: omnia denique ad sensuum mobiliumque partium gestiones & opportunitates, ut videri possit eximius partium omnium concentus, & in vnam summamque animalem actionem concors omnium conspiratio. Quinetiam partes illae cum minimè simplices sint, sed aliarum certo numero constent, propriaeque substantia, magnitudine, conformatione, situ, nexu atque consensu: his singulis quandam adhibent commoditatem toti, cuius gratia aut redditur illius actio concinnior, aut illaesa integraque conseruatur. Horum enim nihil temerè conditum est, sed cuiusque instrumenti propria functione perspecta, nullo negotio quid illa conferant deprehendi poterit. Quoniam igitur non functiones vsusque partium hoc loco, sed meram corporis historiam persequimur, haec ad pleniorum partium dinumerationem praefati, sigillatim explanemus quam quaeque corporis pars interior substantiam, quam particularum suarum compositionem, quam figuram & conformationem, quam magnitudinem, quem situm atque consensum ad actiones aptum obtinuerit.

Partiū omnium consensu.

Quae in quaque parte spectantur.

De partibus interioribus infero ventre conclusis. Cap. VII.



ENTREM externa circumscriptio comprehendit & metitur, quae ab ima mali punici parte, utrinque per cartilaginosa costarum extrema (hypochondria Graeci vocant, nos praecordia) ad ilia & inguina tandemque ad pubem porrigitur. Quod extrinsecus illum integrit atque abdit, id vniuersum abdominem perhibemus, Graeci *ἀδρύς* *euop*, cute, adipe, musculis octo & peritonæo compactum. Omnes enim musculos quales suo loco diximus, succingit interior membrana peritonæos inde dicta, quod à spina utrinque emergens umbilico prioribusque ventris partibus, ipsi denique diaphragmati & pubi connexa, quaecunque venter inferior continet, tensa illa prensat atque circumsepit. Quanquam enim tenuis, firmissima tamen multum roboris & virium habet, ne intestinorum pondus sustinens atque coercens, diuisa facile disrumpatur: mollis simul illa

Peritonæū

vt

vt quodammodo laxari possit, dum venter quauis de causa turgescit. Duabus membranis continetur, quæ ad posteriora cernuntur iuxta spinam conspicuè separata: parte autem ventris priore vsque adeo coherentes & implicata, vt vna eademque censeatur. In ventris autem detecta capacitate
Omētum. primum conspicitur omētum, quod Græci *ὠμντλον* dixere, quod veluti innatet, summumque intestinis infideat. Duabus id clauditur ex peritonæo natis membranulis, firmo adipe cōspersis, quem venæ & arteriæ exiles passim penetrant. Prima illi origo iuxta spinam est sub diaphragmate, vnde surgens altero quasi extremo in ventriculi fundum defigitur, à quo mox delabitur ventrem imum contegens, hincque reflexum colo intestino cōmittitur, quæ id ventriculum contegit, vt sic duplicatum veram marsupij speciem exhibeat. Obtensum autem imo ventriculo & priori intestinorū regioni, tanquam tegmentum quoddam, insitum in illis calorem tuetur ac fouet. Omento detracto defectoque in apertum proferuntur intestina, multis inuolucris ventriculo, huiusque continuata stomacho. Singularis enim in ventrem inferiorem communis patet per os ingressus, exitusque communis per podicem, quæ quasi portæ duæ continuatione communis viæ consentiunt. Quandoquidem ab ore in ventriculum stomachus prolabitur, quem aliter Græci *ὀισφάγῳ*, nos gulam appellamus: is velut intestinū quoddam procerus figura, per ceruicis interiora deuolutus, mox
Gula. que sub pulmones demersus in quinta dorsi vertebra confidit. Hinc paulum exurgens mox vt se erexit diaphragma penetrat, atque demum summo ventriculo à læua committitur. Vnde videri possit œsophagus ceu via quædam esculentis potulentisque deuorandis ad ventriculum directa: hic autē velut cōmune receptaculum & prima concoctionis officina. In eum
Ventriculus. quippe vsum ampla huic intus est capacitas, simulque figuræ species rotunda & globosa, vt in se plurima concluderet & amplexaretur, at nihilominus ob ductuum & canalium insertionem in modicam longitudinem se diffundit. Positus est sub septo transuerso, & à malo punico initium ducit medio corporis spacio, nisi quod leuiter in sinistram deflectit, huc enim maximè superior eius pars contorquetur, inferior autem magis in dextram. Posterior pars vniuersa spinæ insidet, cum qua ad primam lumborum vertebra cohærescit: os verò quod veteres cor appellare consueuerunt, non
Cōsensus. illi, sed diaphragmati veluti pendens & sublatum affigitur. Neque verò illis duntaxat, sed omnibus denique circumfidentibus partibus nexu atque consensu iūctus est iocineri, lienī, intestinis, cordi & cerebro, idque membranarum, venarum, arteriarum, aut neruorum communione & interiectu. Ab ima eius parte quæ ad dextram sub iocineris fibras in profundum se abstruxit & abdedit, exitus est ad intestina, *πυλῶς* dictus, quod prolābia
Cōpositio est ventriculo alimenta tanquam ianitor cohibeat. Hūc autem parte superiore arctiorem natura condidit, quod dura nec planè contrita famelici plerunque demittimus: at è ventriculo nihil excidit, nihil elabitur quod non exquisitè (si quidem id potuit) perfractum sit & comminutum. Duo
 intus

intus glandulosa tubercula *πυλῶδες* assistunt, quæ dum applicant sese propiusque admovent, viam exitumque claudunt, referant verò dum relaxata se abducunt atque diuellunt, non nutu quidem & arbitrio nostro, sed naturali duntaxat impulsione. Hinc exordium capiunt intestina flexuosis
5 gyris circumiectuque longissima, extremo continuata podici. Exportandis purgandisque fecibus condita quidem sunt: at tãtam tótque gyris implicitam circumductionem natura ad absolutæ distributionis munus accommodauit, ne alimentum confestim elabens, gulæ insaturabilique abdomini nos subiugaret, & ne sordido deiiciendi crebrius ministerio indig-
10 gnæ hominis dignitate seruituti nos manciparet. Itaque in tanta viæ longitudine vix vlla potest alimenti portio foras elabi, quæ non antè cuiusdam fugentium venarum ori se applicuerit, vt inde quicquid vtile est & alendo corpori idoneum, rapiatur in iecur. Omnium porro intestinorũ vnus est continuusque ductus, vnus & idem vsus, vt proinde vnum videri possint,
15 nisi figura, magnitudo, substantia, situsque ea disiungeret: quamobrem fenario sunt numero veteribus comprehesa. Quod protinus ab ima ventriculi parte enascitur omniũ arctissimũ, *ἐκφυσις* id est exortus dicitur, duodecim digitos longum, nullis intortum anfractibus, recta sub iecur & venã portam se recodit. Proximum illi ieiunum, inde nomen habens quod in-
20 ane perpetuò videtur: nulla enim cunctatione extrudit quæcunque accipit, affluētis in se bilis acrimonia laceffitum. Id modicè inuolutum ad spinam ex dextris retorquetur, longius quàm duodenum & laxius. Tertium *εἰλεῖν*, quod ilibus nomen dedit, tenue quidem & exile, sed tamen maximũ ex omnibus & longissimũ, in orbes plurimos atque anfractus actũ, quod
25 subter vmbilicum ad ilia & coxas vtrinque positum eminentiores totius ventris regiones occupat, è quo plurima fit alimenti in iecur distributio. Quartum est cæcum, à quo alui feces speciem primum & nomen habent: ab alimentis siquidem dum per tenuia intestina ferebantur, sucta est & allecta purior vtiliorque substantia, reliquie verò superuacue sunt feces: quod
30 nomen tum primum his inditur, cum ad hoc intestinũ peruenerint. Cæcum idcirco dixere, quod egressui introitum aduersum non acceperit, sed hos vicinos adeò vt plerunque in vnum coire videantur: figura enim paruum aliquem oblongumque ventrem representans, reni dextro secũdum coxam insidet. Hinc sequitur *κῆλην*, quod per iecoris caua primum obre-
35 pit, vbi folliculum bilis attingens illique nõnunquam annexum, amarorem coloremque luteum contrahit: inde paulum exurgens ventriculi fundo insternitur: hinc ad sinistrum hypochondrium contendens, lieni accumbit: mox in posteriora demergitur coheretque reni sinistro, à quo demum laxius apud coxam sinistram eminet. Sextum inde postremumque
40 in os sacrum deuoluitur, rectaque pergit in podicem: vnde rectũ appellatur intestinũ, plerisque aliis. Vnum colon præter cetera plurimis quasi cellulis discretũ extumescit, nisi qua parte sinistro reni assidet: hinc enim læue conspicitur, & multo angustius se ipso factum: quod vt in coxam sinistra se se

Intestina.

Vsus.

Numerus.

Pylorus.

Ieiunum.

Ileon.

Cæcum.

Colon.

Rectum

sese extulit, à recto intestino angustia quadam velut strictim premēte vin-
 culo facta, perspicuè diiungitur. In cōlo fæces diutiùs commorata, vel po-
 tiùs ex viæ anfractibus hærentes, effigie sua conformantur: deinde verò e-
 lapsæ, in aluo capaciore, quemadmodum vrina in vesica, tãtis per retinen-
 tur, dum laxato musculo qui podicem ambit atque intercludit, illas iube-
 mur extrudere. His paucis liceat ventriculi, gulæ, & intestinorum vsum, fi-
 guram, magnitudinem, atque situm deprehendere: compositionem verò
 seu partium numerum & substantiam, ita in singulis inuestigamus. Gulam
 Cōpositio ventriculum intestinâque omnia duplex tunica cingit atque componit:
 quarum interior nerui & membranæ, externa carnis potiùs est æmula. Il-
 lius fibræ è ventriculo in rectû & longitudinē porrectæ, ad ipsam quoque
 gulam pertinent, vt ventriculo gulæ, totique ori interior tunica commu-
 nis censi possit. Externa tum ventriculi tum gulæ in trāsuerfum fila pro-
 ducit, sed ea in ventriculo, corporea magis atque carnosâ, in gula mēbra-
 nosa & neruosa. Medio inter eas tunicas spacio vnus ventriculus insper-
 15 gerit variè intexta fila, quæ in obliquum effusa ipsi gulæ omnino desunt.
 Cæterum vtraque in intestinis villos suos profert transuersos & in orbem
 actos, reliquorum autem illic prorsum nullus inest. Si qua insuper videtur
 extima tunica has extrinsecus obducere & ambire, quæ subditos eôsque
 transuersos villos simul committat, ea sanè nō propriæ harum substantiæ, 20
 sed peritonæo accepta referri debet, è quo reliqua quoq; viscera ambien-
 tes tunicas communiter acceperunt. Hinc colligendum videtur, gulam in
 ventriculi partibus numerâdam esse, intestina verò minimè: sed hæc ven-
 triculo connecti, nequaquam ab eo nasci & exoriri. Superiora intestina
 quæ tria esse prodidimus, prorsus sunt membranosa, inferiorum tunica in-
 25 terior multa carne prædita est, quam insuper adeps intus oblinet copiosus,
 vt eius beneficio ocyùs in proclive quasi per lubricum præcipitentur alui
 reiectanea. Hic autem omnium intestinorum cū sit communis, in cras-
 sis tamen quàm tenuibus inest multò densior atque cumulator. Intesti-
 norum omnium cōmunis est per μεσεντέριον, quod & μεσολέαιον dicitur copu-
 30 latio, quo velut proprio vinculo lumborum illa vertebris annectuntur. Ex
 his enim mesenterium primam originem duxisse videri potest, eisque per
 lumborum & ossis sacri longitudinem adusque podicis extremum cohæ-
 rere: ibi enim acceptis à peritonæo mēbranarum productionibus sese mox
 latius explicat, vt demum crebris flexuosisq; marginibus quasi implicata 35
 intestina adhærescant. Semper autem geminæ excurrunt membranarum
 productiones, dūmq; ad deuincienda intestina progressæ mesenterium
 componunt, tutò inter eas confertæ sunt venæ frequētes, ab intestinis tan-
 quam viæ in portas iocineris directæ, quas proinde mesaræas & mesarai-
 cas appellant. Intexūtur his & arteriæ complures ab aortæ trūco qui lum-
 40 bis accubat, ad intestina diffusæ. Spargūtur illuc quoque multi neruorum
 quasi furculi, quos sexta cerebri cōiugatio promittit. Media inter vasa ner-
 uosque spacia adeps occupat atque implet: in hunc ad vasorum diremptus
 &

Mesente-
 rium.

& diductiones, adenes, id est glandulę insistant, quę tum fissiones illas di-
 uelli non sinant, tum intestina suo madore proluant. Itaque si à mesente-
 rio vasa, neruos, & membranas demes, adipe glandulisque reliquum om-
 ne refertum conspicaberis. Supra mesaræon primis lumborum vertebra
 5 insidet caro *πρωτερας* appellata: plurimis scatet ea glandulis, quibus & sua
 mole venarum, arteriarum, neruorumque tenues illic ramos sustentet ac
 fulciat. Diffunditur enim à septo trāsverso deorsum ad renes: vtrinque au-
 tem ad iocineris lienisque sedes. Duodenum intestinum atque ei per trās-
 uersum innixam venam portæ, huiusque riuulos in vētriculum & lienem
 10 traiectos, tum denique arteriarum ductus & tubos neruorumque tenuita-
 tes, quotquot illic sunt, amplexu illa firmo comprehendit. De his hactenus,
 nunc de iocinere ceterisque visceribus. Viæ ab intestinis ad iecur ductæ
 ac directæ, venæ illæ quidem sunt mesaraicæ, quæ illuc è ventre alimētum
 deuehunt. Id enim primam & principem statuimus nutriendi officinam,
 15 quòd ingenita sibi facultate sanguinem efficiat proferatque: est enim ipsa
 illius actio Græcis *αιματωσις*. Magnum id datum hominibus, præsertim hel-
 luonibus abdomini suo natis, subter quidem concavum, suprà & extrin-
 secus prominēs, ferè in fibras quinque (Græci *λοβος* appellant) dissectum:
 quamuis conspectum à nobis est (nec rarò) solidum nullisque fibris diuul-
 20 sum. Dextram corporis regionem sub septo transverso obsidet, ab eo digi-
 ti latitudine disiectum, ne fortè obesset illi quasi flabello præcordia ven-
 tilanti. Insidet autem leniter ventriculo, omnemque illius æditiorem par-
 tem non modò dextram, verumetiam priorem fibris suis amplexatur. Ex
 septo transverso ex dextris præcordiis atque ex spina id pendet ac nititur,
 25 quibus atque ventriculo per medias membranas & venam cauam adhæ-
 rescit. Vix denique pars vlla corporis habetur, qua cum illi per venas aut
 arterias non intercedat communio. Membrana integitur tenuissima, in
 qua exilis neruus sensu præditus è sexta cerebri coniugatione excidens ab-
 sumitur: multis arteriis, sed quamplurimis venis, vt quarum initium est &
 30 origo, conspergitur, quas illius caro (*πρεγχυμα* Græci vocant) stabilis atque
 firmat, propria quidem visceris substantia atque moles, primusque *αιματώ-
 σις* effector & author. Similitudinem autem gerit speciemque sanguinis
 ardore tosti, exhaustoque vapore aridi atque concreti. Ex iocineris porro
 maiore sæpius fibra bilis folliculus parte caua resimæque propendet, vesi-
 35 cula quidem ex simplici tunica constans, omni staminum genere intexta,
 expurgata è iecore bilis flauæ receptaculum. Duo enim bili ferendæ du-
 ctus in illam pertinent, alter ex eo loco vbi vena portæ iecur subit, quo bi-
 lem in se allicit: alter ad duodeni terminum ieiunique initium, aliàs autem
 in ventriculi fundum proiectus, quo bilis exuperantia exigitur atque ex-
 40 pellitur. Hac enim solent intestina ad fæcum deiectionem quasi adhibito
 stimulo acui & irritari, ipsæ autem fæces subflauo colore infici. Hanc vesi-
 culam nonnunquam deprehēdimus subnigris calculis iisque duris ac so-
 lidis confertā. Lienis parte sinistra sub præcordiis ex aduerso iocineris po-
 situs

Pancreas.

Iecur.

Cystis fel-
lis.

Splen.

positus est, viamque veluti porum quendam ex illius cauo suscipit, quā crassam lutulentamque succorum eluiem, & humores melancholicos proleat & in se recondat. Figura is oblonga & propemodum tetragona, aliā rotunda linguæ bubulæ speciem offert: quā ventriculum cingit concavus, extrinsecus intumescens. Non vna omnibus magnitudo, ut neque color vnus, sed facillè commutabilis ex naturarum varietate. Turgescit enim hoc viscus humorum appulsu, quos laxa raritate combibit. Perexiguū simiæ ac propè nullum: visum est aliquando mole sua & magnitudine iecur superare, quod adhibitorum medicorum sententia existimatum est iecori ad sanguinis confectionem opitulari. Conditus est sub costas aduterinas, in longum ventriculo incumbit, cui sicut & omento connexus adhærescit: appensus autem est conuexa parte non è septo ut iecur, sed è peritonæo gracilibus membranis, à quo tunica etiam hunc extrinsecus integens & obuclans emergit, quam exilis nervus permeat tractabilium qualitatum iudex & æstimator. Venæ intrò se inferunt, per quas ex iecoris cauo succus ater quasi haustus allicitur: arteriæ insuper plurimæ & eæ amplæ, ab aorta mox ut è septo transuerso excidit acceptæ, quarum spiritu & calore raptam melancholiam attenuat, & in vtile accommodatumque sibi alimentum cōuertit: eo enim enutritur tenui, nigro tamē & squalido. Quod à nutritione reliquum fecit, crassum quidem & vinaceæ facis æmulum, in os vetriculi per venæ suæ extremū eodem pertinens desinensq; profundit. His vasis diffusum circūiicitur lienis corpus, nō id quidē caro simplex sed *παχύχυμα*, rarum, molle, fungosum & solutum, excipiēdis facibus destinatum. Ad renes & vesicā ipsa nos rerū series iam accersit. In lumborū vertebris ingens illa vena caua cōfidit, quæ à iocineris cōuexo illuc prolapsa, mox deinde in femora & in omnes quæ subiectæ sunt partes velut in ramos sparsa diffunditur. Huic vtrinque accumbunt renes alliciendo è sanguine sero (*ὀύρον* Græci vocāt, nos vrinam) accommodati. Positi sunt enim paulò infra iecur, è quo id maximè deducunt, ac dexter læuo ferè altior est, quanquam aliquando is depressior comperitur. Incubāt ambo musculis dorsi interioribus, quos *πλάγας* Græci dicūt, inanibus iis subiecti partibus, quæ inter costarum extrema & os coxæ interiectæ sunt. Inhærēt autem illis vincti tunica è peritonæo ducta, quæ eos ipsos velat & contegit, sensum simul illis quendā obtusum impartita. Geminos quidem illos natura condidit, ne vno præpedito aut obturato, eius humoris cessaret profusio qui longè copiosissimus est in nobis. Visus est cui secundum naturā vnicus esset, sed qui quod numero diminutū fuerat, mira magnitudinis mole exaquaret compensaretq; gemini autem cū habētur, minores eos esse optima ratio est. Quæ venam cauā spectant sinuati sunt: extrinsecus ad ilia gibberi oblongi, & quasi in retusæ lineæ speciem curuati. Ne autem immodica laxitate exceptam vrinam sinerēt fusiū elabi, cōpacta densaque substantia firmati sunt, quā multus circūcirca concretus adeps inuoluit. Sua vtriq; vena (emulgentem recentiores dixere) è proximis venæ cauæ sedibus derivatur

Renes.

uatur, in refimā partem inserta. Similis est arteriarū ex maiore quā lumbis
 est annexa propagatio: & vtrorūque vasorum tenuiores rāmi, in renū sub-
 stantiam dispersi oblitescunt. In medio concavus est sinus propria mēbra-
 na succinctus, quæ propriè incerniculum est percolandæ vrinæ: non enim
 5 cum multis existimādum est id in rene sinum medium dirimere, sed quem
 renes dilutiorem sanguinem per venas emulgētes quasi suxerunt, in suam
 deinde substantiam recondunt vice alimenti: hinc quod planè aquam aut
 serum refert, in intimam capacitatem per incerniculi membranā colatum
 excidit, mōxque per *ουρητήρας* profunditur in vesicā. Sic enim appellāt Græ-
 10 ci ductus & vias vrinæ, qui ex reducta parte emergunt, & deorsum ad vesi-
 cam contendunt. Proceri ij quidem & valentes, qui tametsi simplici tuni-
 ca vt venæ præditi sunt (hinc plerisque venæ albæ nūcupantur) nihil tamen
 his cum emulgentibus communionis intercedit, nec vlla societate copu-
 lantur: sed vesicæ prorsus sunt assimiles cuius propriam substantiam planè
 15 referunt. Protēduntur autem à renibus in coxarum regiones, vnde mox in
 vesicæ latera retorquentur, eaque subeunt, non quidē directò sed obliquè:
 membranā enim findunt, in quam (quasi ea duplex esset) sese medios in-
 sinuāt, ne si directus pateret ingressus, qui in vesicæ capacitatem inciderat
 humor, retrò cōpelli regeriq; facillè posset. Itaq; vrinæ receptaculū est vesi-
 20 ca, vbi tanquam in lagūcula quadam ea asseruatur, dum ratio & arbitrium
 iubeat extrudere. Globosa illa quidem, quò fieret humoris capaciore, sub os
 pectinis in coxarū antrū deiecta recōditur, recto intestino innixa affixaq;
 Hæret autē illi ipsiq; coxarū ossi mēbranarū interiectu, quas peritonæū ex-
 promit: ex eoque genere tunica illā extrā circūsepit, quā suprà monuimus o-
 25 mniū esse viscerum communem. Propria enim vesicæ substātia simplex est
 membrana, sed quæ triplici staminū genere cōtextitur. In hāc venæ cōplu-
 res tendūt, per quas alimētum capeffit: similiter & arteriæ tenues quæ illuc
 vitæ spiritus effundant. Cōspicius est canalis vietus iam totus & emeritus,
 è fundi tumētiore parte in vmbilicū surrectus: hoc olim dū vtero gestare-
 30 tur infans, necdum pudēdo meieret, vrina è vesicæ capacitatem in vmbilicū
 cōfertim redundabat. Cervix qua vrinā reddimus particeps est carnis, vt-
 pote musculo cincta quem suprà *σφιγκτηρα* diximus appellari, cuius est exi-
 tum intercludere, ne nolētibus nobis effluat vrina. Fœminæ brevis est cer-
 uix, mari productior, vt quæ in extremū vsque penē porrigitur. Sequun-
 35 tur nunc testes *ἄδινμοι* Græcis dicti, quos inter prima gignendi instrumenta
 commemorāt: quia in eis facultas insit *σπερματικὴ*, id est seminalis. Substan-
 tia ij quidem molles & quam aptè glandulæ assimilaueris, & in qua vis illa
 potissimū cōsistet. Albi sunt ij, figura oblongi, rotundi, & cauernosi: ma-
 ribus extant atque eminent proprio inuolucro conclusi pendente ab in-
 40 guinibus, huic scroto nomen est, Græcis *σχέον* appellatur. Ductus tanquam
 tubi in hos pertinent (quidam vasa seminaria dixerunt) quorum planè
 dissimilis est exortus: dexter enim ex vena caua emergit paulū sub re-
 ne, læuus autem è vena sinistra emulgente. Ab ortu lento longoque anfra-
 c ij ctu

Vrinæ du-
ctus.

Vesica.

Testes.

Vasa semi-
naria.

etu concedunt in ilia, geminis fulti tunicis: neque ut urinae ductus lumbis
 innituntur & adhærēt, quippe qui extra peritonæum supra os pectinis sint
 emerfuri. Sua utrique comes est arteria, quæ simili atque vas ipsum tum or-
 tu, tum productione fertur, ut dextra ab arteria maiore statim erumpat, si-
 nistra ab emulgente arteria. Assistent illis & exiles nervorum propagines,
 è sexta ea cerebri coniugatione, quæ per septum transversum infra procur-
 rit. Hæc itaque vasa mox ab origine sensim ad latera deflectunt, tum dein
 sustolluntur ad ilia & supra pectinem, in scrotum denique elabuntur per
 inguina, gemina peritonæi tunica nusquā non obuallata. Hæc plerunque
 videas ad mediam usque productionem puro syncerōque conferta san-
 guine rubere, adeo ut venas esse iudices: ubi verò longiùs fuerunt progres-
 sa, albescit quicquid in eis concluditur, quasi rudimentum futuri seminis.
 Testium illa corpus intrò non subeunt, sed tenero id circumuectu ample-
 ctuntur super epididymida. Est autem *ὑπὸ δινυμῶς* inuolucrum mollius,
 quod testiculo propter caput incumbens, mediam inter illum & vas se-
 minarium sedem occupat. Ab eo quem dixi circumuectu, mox vasa ad os
 pectinis resiliunt atque reflectuntur, hincque quasi præcipitata in decli-
 ue coxarum spacium aguntur, dum cervici vesicæ utrinque astent. Hanc
 demum comitantur adusque penis radicem, ubi in unum eundemque ca-
 nalem confluent, qui ab urinae ductu diuersus est: sed & hi quoque am-
 bo dum pudendi medium attigerint eodem concurrunt, ut tandem ex-
 tremo pene vnicus cernatur. Vasa hæc per quæ semen è testibus foras ia-
 culamur, quanquam appellatis seminariis continuata sunt, nomen ta-
 men commutarunt, dicunturque Græcis *παράσταται*, nobis quasi astites. Du-
 plices itaque ductus testibus, vni latores, iaculatores alteri. Sed quò sit
 omnis horum progressio maioribus quasi theatris ante omnium oculos
 proposita & aperta, de eis & peritonæo non alienum fuerit pauca rursus
 admonere, quæ à veteribus prætermissa sæpe dissectionibus indicaui. Peri-
 tonæum vniuersum duplex est, cuius vna tunica venæ cauæ, arteriæ maio-
 ri, renibusque substernitur: altera superior hæc contegit omnia, ut vndi-
 que cincta suas quoque productiones omnes, geminas inter tunicas tu-
 tissimè mittant profundantque. Itaque exterior peritonæi tunica quam
 dixi renibus substerni, cum ad os pubis iam propius accessit, in sese quasi
 reducta coactaque, velut canalem quēdam efficit laxiorem, quo permeant
 ductus latores seminarij, remeantque iaculatores parastatæ. Hinc deuol-
 uitur in scrotum, ubi laxiùs se explicās, omnia illius interiora sublinat suc-
 cingitque. Alteram peritonæi tunicam huic continuatam diceret parte
 ventris priore, adeo ei firmè adhæreret. Diuellitur autem atque distrahitur
 iuxta os pectinis, hoc enim ipsum ea non conscendit, sed ventris coerci-
 ta finibus, illius duntaxat interiora complectitur & ambit. Ex quo intelli-
 gi potest nusquam perforari peritonæum, ut quodam veluti foramine du-
 ctus seminarij in scrotum illabatur, quæ tamen Galeni reliquorumq; om-
 nium est assertio: sed in omni enterocele atq; epiploocèle, tunicā interio-
 rem

Parastatæ.

De scroto
observatio

Vnde

rem necessariò disrumpi, externam verò duntaxat laxari. Sed iam ad orationis contextum me refero, gignendi partes quales in fœmina sint, enarraturus. Alterum instrumentum & tanquam nostrę procreationis hortus est vterus, qui propria legitimâque actione semen excipit, concipit, & fouet, cœusque dum fœtus absolutus cōsummatûsque sit. Virginibus quidem admodum exiguus: mulieribus etsi vterum gestauerunt, nisi vbi grauidæ sunt, non multò maior quàm vt manuprehēdatur. Simplici tunica is continetur: sed ea crassa densâque & carnosâ, quæ omni valentium flaminum genere intexta, latè cū necessitas est possit explicari. Figura illi rotunda, nisi quòd ad ceruicem paulò sit longior, pyro maiusculo similis. Positus est in coxarum capacitatem, quæ mulieribus quàm viris est amplior, quippe quæ infimo loco & quàm proximè os sacrum, claudere complectique debuit rectum intestinum: super hoc verò vterum huicque infidentem vesicam, quæ os pectinis iam attingit. Astringitur itaque nectiturque vterus vesicæ, atque recto intestino tenuibus ex peritonæo ductis appendiculis: similiterque coxarum ossibus validis, sed tamen laxis vinculis, quæ ad illius cornua pertingunt. Sic enim appellarunt ingētes processus, qui curuatis inflexisque cornibus assimiles, vtrinque ab vteri introitu sursum ad ilia coxarumque ossa incuruati retorquentur. Horum in extremis fixi hærent mulieris testiculi, compressiores, minores, molliores & humidiore quàm maribus: vasis seminariis circumfunduntur, ab eisque cinguntur, quorum eadem atque in maribus est origo. Confidunt tamen in lumborum musculis, nec extra peritonæi capacitatem excedunt, cū nec ipsi testes extrâ sint. Quocirca brevis illis est via, at non directâ, sed pluribus gyris anfractibusque flexuosâ quàm maribus, vt viæ breuitas flexuum multitudine compensaretur. A testibus per cornua iter est in vteri interiori sinum, per quod acriter contendit Galenus semen eodem intrudi & inferri. At qui nostra memoria viri celebres habiti sunt, alij vetustissimum Herophilum sequuti, è testium inuolucro iter esse censuerunt in nervosam vteri ceruicem, iuxta illius os interius: alij è testibus tum in ceruicem, tum in capacitatem vteri vias duci volunt, quorum ego sententiæ subscribo. Venæ arteriæque plurimę sparsæ diffunduntur in vteri corpus, quarum ortus ab iis tum venæ, tum maioris arteriæ ramis trahitur, qui vtrinque ad coxas & crura contendunt. Ab eis itaque alij riuuli in corpus vteri ad nutritionem obliterantur, alij patente ostio exituque in vteri sinus desinunt. Hæc acetabula dicimus, Græci κοτυληδὼνας, per quæ tum menstruus sanguis statis temporibus emanat, tum in prægnantibus alimentum fœtui confertur: reliquo tempore conniunt: maximè autem in angustum deducuntur iis, quæ è vita excesserunt, vt nequaquam illa sensus internoscant. Quidam ex memoratis illis riuulis in extremam proferuntur vteri ceruicem, per quos menstruum virginibus aliquantum erumpit. Dissectus in longum vterus duos sinus promit dextrum ac sinistram, nullo septo discretos, inanes & admodum leues, angustos ad eò vt fabam maiusculam vix

Vterus.

Testes.

Vteri sin⁹.

c iij capiant.

capiant. Communis est ab iis via in os vteri, quod est arctissimum, eique glandi simile, quæ in extremo est masculi genitalis. Cervix id sequitur partim lacertis, partim membranis & nervis condita, ea longitudine ut foras in obscenas mulieris partes desinat. Substernitur hæc cervici vesicæ, eique per communem musculum penitus implicatur. Itaque fœminis tria extant foramina, supremum vesicæ perangustum, medium vulvæ, podicis infimum. Vteri cervicem medio circiter progressu plerique tradunt in virginibus exili mēbrana dirimi venulis cōspersa, quæ primo cōcubitu profuso sanguine disrūpi solet, unde ὑμήνη & ὑμέναιος Græcis appellatur: at potius censeo cervicis latera nondum venerem expertis, duntaxat quasi conglutinata connuere, quæ primus concubitus magna ex parte diuellit. Extrā in obscenis vulvæ est ostium cartilagosum, rugosis cuticulis implicatum, quæ arcent ne aura frigidior intrò subeat, ὑμήνη Græcis & κλητρίς appellatur. Quæcunque circa fœtum solent in vtero nasci, cum illius conformationem scrutabimur, cumulatè sumus tradituri. Quocirca satis videor omnem ventris inferioris descriptionem impleuisse.

De partibus vitalibus.

Cap. VIII.



Diaphragma.

Mēbrana
costas succingens.

MEDIVS in corpore venter cordi ac vitæ destinatus est, utpote cuius domicilium & sedes habetur: nam cordis gratia 20 pulmones tanquam stragula creati sunt, qui illius feruorē frigidiorē hausto spiritu temperent. Circumscribitur hic venter suprā iugulis seu clauibus, infrā diaphragmate, circūcirca dorso, costis atque pectore. Etenim διάφραγμα, quod nos cingulum & septum transuersum appellamus, præterquam quod inspirationis primum est instrumentum, alique facibus exturbandis opit- 25 ulatur, cordis quoque regionem ab infimo ventre & intestinis tanquam paries interiectus dirimit. Id verè simplex est musculus, isque rotundus, cuius summū caput in costarum extremis statuitur, vbi multæ carnis est particeps: desinit autem in medium quod membranosum est & tendoni finitimum. Annexum id malo punico, circumductūque per breuium costarum (κόσται Græcis appellantur) extrema, retrorsum simulque deorsum obliquè contorquetur ad duodecimam dorso vertebam. Tres insignes canales id traiciunt, gula, arteria maior, & vena caua. Alitur viuūtque venis & arteriis è proximo susceptis, partēque media exiles nervos admittit, de 35 quibus posthac plenius verba fient. Id vtrinque valens tegit mēbrana, subter quidem peritonæum, suprā ea quæ costas succingit. Hæc enim est quæ omnem thoracis capacitatem intus oblinat obducitque, inter quam & costas congestus humor pleuritidem cōmittit. Ea igitur primum è dorso spina per costas vtrinque subtenfa, diaphragma quoque vniuersum integit, 40 sublatāque in os pectoris medium, laterum concursu duplex facta, mox in dorso spinam (pulmones medios diducens) rectā dilabitur. Itaque omnem pectoris capacitatem dirimit duplex hæc membrana, quam interseptum possis

possis appellare, aut si Festi verbum placet, dissepimētum: cuius beneficio si alter sinus incommodum acceperit, alter saluus & incolumis seruari possit. Hæc ipsa venas maiores, arterias & nervos, rursus in idem gulam, pulmones, denique cor ipsum firmo nexu fulcit, ac è pectoris osse sustinet, ne pondere suo propendens in sese & in dorsi spinam concidant. Si accurata fiet hærentium membranarum distractio, cernetur inter eas abditum *Pericardii* *περικαρδιον*. Est autem id membrana cordi circumiecta, quam illius inuolucrum & capsam appellamus. Substantia neruofum, constans & durum, vnum ex omnibus è cordis capite natum: cæteris enim in thorace membranis omnibus vna succingens tanquam parens ortum præbet. Cordis figuram id æmulatur, eo quidem aliquanto maius, nõ enim proximè adhærescit, sed inani interuallo disiunctum est, quantum cordis pulsatio desiderat. Ne quid tamen frustra conditū videretur, natura in hoc spacij tenuem humorem aque per similem coniecit, quo semper cor maderet, ne fortè ardore assiduo torreretur. Pericardij è medio cor erectum figitur viuentibus, nulla illius parte circum oppressum. Caput quod & basin rectè nūcupes (est enim figura pyramidis) sub osse pectoris ad quintam costam confedit, turbinato autem mucrone infra læuam papillam in priora thoracis eminet, vbi insignis & conspicua pulsatio tangentibus nobis deprehenditur. Summis pulmonum fibris ita circumplicatur, vt his vniuersum quasi sepultum conditumque mergatur. Quæcunque timida atque ignaua sunt animalia, grādus iis cor datum est, cæteris autem pusillum aut mediocre. Cordis autem caro densa est roboris nacta plurimum, vixque patibilis: ita enim exigebat vis illa feruens innati caloris, & perpetua necessarij motus agitatio. Non enim motionis huius potestas in nobis sita est, neque huic imperandi ius habemus, quæ naturæ legibus, nõ (vt quæ musculorum est) nostro arbitrio perficitur. Ex quo perspicuū euadit, cor neque musculum esse, neque ex musculis compluribus coagmentatum. Villis id contexitur quoquoersum exporrectis, quò motus omne genus impleat atque præstet, in quibus tamen roboris multò plus inest quàm in musculis: vt quos ex semine non ex neruorum aut vinculorū tenuitatibus ei datos esse, posthac euidentis erit. Cordis talem substantiam cōueniebat crasso necdum attenuato sanguine nutrirī, quem iccirco infert ramus, ex vena caua nõdum dextrum cordis sinum subeūte, in exteriorem ambitum productus. Quibuscunque porrò animantibus pulmo datus est, iis in corde geminus est sinus, dexter ac sinister: in piscibus vt mutis ita pulmone destitutis, vnicus apparet, & in conspectū se dat. Dexter modicè cōcauus est, pariete cinctus tenuiore: sinister altior in extremū cordis verticem pertingit, pariete crassiore obuallatus. In hoc siquidem plurimus isque attenuatus spiritus contineri debebat, cuius cor principium est atque origo: in illo autem sanguis densior concretiorque spiritu, atque is paucus qui alendis pulmonibus satis esset. Vtroque cauo carnosā neruorum stamina intercurrent, atque vtriusque bini sunt canales. In dextrū enim vena caua è iocinere per septum *c. iij* *sublata,*

Pericardii

Figura.

Situs.

Magnitudo.

Substantia.

cor non constare musculis

Duo sinus

Canales cordis.

sublata, de sinistro suo pariete amplū sed breuem ramum inserit. Ex eodem
 cordis sinu alia rursum vena surgit irrepitque in pulmones, quā iam at-
 tenuatus sanguis idoneum pulmonibus alimētum prouehitur. Duplici au-
 tem tunica hanc natura munivit, ne simplex præ sanguinis tenuitate hæc
 atque illac perflueret: hinc arteriosæ venæ nomen illi impositū. Nihil huic
 quidem commercij intercedit cum vena caua, quandoquidē duplex sim-
 plici non continuatur neque cohærescit: totam igitur hanc ex corde nasci
 oportebat. Ex duplici enim tunica constant quicunque exeunt canales ex
 corde, simplici verò qui illuc inseruntur. In læuum cordis sinum ex pulmo-
 nibus canalis incurrit, quo ductus de aëre frigidior spiritus, è pulmonibus
 in cor transilit. Quatenus hic aërem spiritūmve transfuehit, arteria dictus
 est: verūtamen quòd nondum crassior hic aër in vitalem spiritum conuer-
 sus sit, vna duntaxat tunica ei satis erat, iccirco arteria venosa nuncupatur.
 Ex hoc ipso sinu emergit arteria maior *ἀρτηρία*, in corpus omne diffusa: quæ
 cum ad tenuissimi spiritus custodiam tunica duplici cōdita sit, nihil cum
 arteria venosa communicat. In maioris autem arteriæ exortu quædam a-
 nimantes, vt cerui, vt damæ, os tanquam radicem aut basin gerunt: quod
 scribit Galenus reliquis quoque omnibus inueniri, minorib⁹ quidem ve-
 lut membranā, mediocribus velut cartilaginē, maioribus vt elephan-
 tis, bobus, & hominibus os cartilaginōsum. Cor auritum esse multi prædi-
 cant, huicque vtrinque è capite auriculas eminere. Sic enim placuit illis ner-
 uosas membranas appellare ob sinuum introitus positas, quarum est arte-
 riam venosā venāque maiorem fulcire, quæ tenues vix alioqui pulsa-
 tionis impetum sustinerēt. Caterum mirificum hīc naturæ arcanum con-
 templemur in appellatis valuis positum: quæ quidem membranæ sunt in
 canalium atque vasorum extremis, quarum dilatio extremitates obturat,
 contractio recludit. Iis vasis & canalibus qui in cor subeunt & materias in-
 uehant, membranæ foris intrò spectant, ne quod intromissum fuerat, re-
 fluere possit: vena caua membranas tres pro valuis accepit, arteria venosa
 duas, quæ ambitum interiorem circūdant. Duobus aliis è corde promptis
 ductibus, diuersa est valuarum constitutio, vt quæ foras spectent & apertæ
 sint, ne quod aliquando è corde effusum fuerat, in id ipsum remeet: eius-
 modi sunt in maiore arteria & in vena arteriosa, in vtraque quidem ter-
 nę. Sic igitur rerum natura tulit, vt dum cor contractis in se rectis stamini-
 bus atque villis dilatatur (qui motus Græcis *συστολή* vocatur) materias pro-
 lecter: in sinum quidē dextrum, sanguinem ex vena caua, in sinistrū, aërem
 ex pulmonibus. Horum quidem tum valuæ depressæ conuiēt, vt haustæ
 materiæ cedant: aliorum autem distentę patent, ne tum pariter quicquam
 de se cor extrudat. Mox verò contractis transversis villis, coarctatur cor
 (*συστολή* dici solet) acceptasque materias de se refundit, spiritū quippe ex ca-
 uo sinistro in arteriam maiorem: è dextro sanguinem attenuatum per ve-
 nam arteriosā in pulmones, hōcque tempore istorū valuæ depressæ sunt,
 aliis stantibus atque sublati. Atque hæc de corde satis. Pulmo spirandi
 officina

Auriculæ.

Valuulæ.

Pulmonis
vñs.

officina nullo vel minimo puncto temporis intermisso mouetur, spiritum identidem recipiendo ducit redditque. Haustum hunc conficit præparatque cordi, ut iocineri alimenta ventriculus: cuius demum accessu innatus calor ventilatus refrigeretur, & vitalis spiritus alatur foueaturque tanquam pabulo. Quocirca pulmonum caro mollis facta est, levis, rara, spongiæ assimilis, ad hauriendum concipiendumque spiritum aptissima. Figura quæ ungulam bubulam æmuletur. Eam præfert molis amplitudinem, ut in viventibus pectoris vniuersum cauum impleat: at ei qui ex hac vita migravit exilis collapsusque flaccidus, nec si fistula infletur, tumorem tantum referre possit, quantus in viuento extabat. Confidit in dorsi vertebris, quibus & pectoris ossi intersepientis membranæ vinculo committitur. Illum eadem geminum facit, vna quidem parte in dextris costis, altera recubente in sinistris: atque vtriusque binæ sunt insignes fibræ, præter quas minor quædam aliarum velut soboles, in dextra parte tamquam stratum subiicitur venæ cauæ cõtendenti ad claues & iugula. Tunica pulmo obducitur præternui, per quā pus aut sanies in pectoris capacitate per suppurationē aliūve affectū cõgesta permeare possit, & quasi sucta peruadere, hincque per exiguas arteriarum fistulas ad maiores, tandem verò ad asperam arteriam atque foras tussi propelli. Triplici vasorum genere retis modo implicatorum pulmonis caro sustinetur & cohæret, vena arteriosa, quæ è sinu cordis dextro nata in omnes pulmonis particulas sparsa diffunditur: arteria venosa, quæ ex omnibus eius particulis tenues riuos tanquam radices excipiens, trunco vnico in sinistram cordis sinum intruditur: aspera denique arteria, quæ à faucibus ortum ducens in duas regiones primum biuio distracta, mox deinde in minores tandemque in minimas dissecta, in pulmonem vniuersum decurrit. Itaque trium vasorum extrema in eiusmodi tenuitates sectione discerpuntur, ut in pulmonem prorsus absumptæ oblitescant, nec vsquam cõtinuata cernantur. Quocirca aer in pulmones haustus inspiratione, primum quidem asperas arterias duntaxat implet, neque continuò in leues ilabitur, quas venosas appellauimus: verum illinc in substantiâ pulmonum diffusus conficitur, atque iam satis extenuatione præparatum, cor distentum leuium arteriarum ductibus prolecat & attrahit. Ergo ut ab ore via in ventriculum directa ferebatur, sic & altera ex eodem ducit in pulmones, ut iccirco rectè biuias fauces possis appellare. Proximè enim ceruicis vertebrae intus gula reconditur, esculentorum potulentorumque via: extrâ parte priore & obuia in longum huic adhærescit guttur, *τραχεὴν ἀρτηρίαν* vocat, qua solus spiritus deducitur. Fistulam planè refert breuem edendæ voci aptissimam, cuius pars membranis, pars cartilagine continetur. Hanc enim cõplent in dimidiatos orbes ad C. literæ speciem actæ cartilagine, interiectis membranis copulata. Quinetiam his intus alia densa subtenditur, cuius villi in rectum abeunt: alia extrinsecus velut tegumētum omnem cingens arteriam: his etiam suffultæ venulæ tenues alimentum fundunt atque subministrat. Eam profectò fieri decebat arteriæ compositionem, quæ tracto

Substantia.
Figura.
Magnitudo.

Cõsensu.

Compositio.

Fauces.

Aspera arteria.

Larynx.

Larynx inf.
20

Epiglottis

cto redditoque spiritui assidue pateret, & vocem suauem ac splendidā suggereret laryngi: nam mollior absonā atque absurdam, sicior verò intentā, & clangori persimilem emisisset. Ergo quantum huius arteriæ supra clauē extat, perfectos orbes haudquaquā accepit: nam quicquid parte posteriore gulam attingit, sola mēbrana cingitur, vt crassioribus esculentis in ventriculū illapsuris locum daret cederetque. At verò quantum arteriæ sub clauibus in pulmones confertur, gulæ non cohæret: quocirca cartilaginofos orbes perfectos obtinuit. Sūmum arteriæ caput *ἀέφυγξ* appellatur, propriū ædendæ vocis instrumentum. Ex tribus hic magnis cartilaginibus absolvitur, quarum maxima veterum scuto similis, foras prominet, nobis tangētibz obuia: illic quidem firma atque dura, at parte posteriore membranosa. Interior huius capacitas (longa enim est & ampla) reliquas minores duas includit cartilaginez, parti posteriori obiectas, sic inter se vinculis neruosis obstrictas, vt tribus hisce compactus larynx, cartilaginofus totus esse videatur, orbisque figuram implere. Inferum extremum asperæ cōiunctum arteriæ, quā sumum patet amplius: hoc enim præcipuē modulatur vocem. Quoniam igitur larynx simplex cartilago non est, dilatari certe potest vel coangustari, claudi vel recludi nostro nutu & arbitrio. Clauditur quidem in spiritus interclufione atque comprehensione: coarctatur angustiorq; fit, cum vox elidi debet: at prorsum laxatus patefit, dum inspiratio respiratiōe simplex inducitur. Motibus tam variis atque distātibz natura multiformes musculos adhibuit, quos suprà viginti commemorauimus, proprios quidem duodecim, communes octo. Sex inter hos ex imis nati partibus, laryngis cartilaginez deorsum vellunt atque deducunt, habentque idcirco neruorum tenuitates ex infernis partibus allatas. At cum omnium interiorum neruorum è cerebro communis sit origo, istos quoque è sexta cōiugatione ad pectus, cum iis qui ad os ventriculi cōtendunt, aliquantum deriuari compertum est, hincque ad sex memoratos laryngis musculos reflecti: inde recurrentes nerui sunt appellati. In eo autem loco vnde regrediuntur, sinister maximam arteriam, qua parte ex corde in dorsum flectitur ac detorquetur, circumplicat: dexter verò eum arteriæ ramum circumuectus amplectitur, qui in alam dextram procedit: his tanquam radicibus innixi sursum replicati nerui atque conuersi motum ei persimilem obeunt, qui in architecturæ machinis trochlearum ope cōpletur. Laryngis introitum summūque ostium, ne quid mandendo deuorandōve in id incidat & illabatur (alioqui enim semper pateret) contegit occluditque membrana cartilaginosa, oblonga, fistularum linguę assimilis, vnde ei nomen *ἐπιγλωττις*: magnitudine paulò amplior laryngis ostio, quò id firmiùs obseraret. Hæc dum inspiramus atque respiramus sursum erigitur, incubat autem laryngi dum cibus demittitur, ne quid huius abundanter & vniuersè irruat in arteriam. Pusillum siquidem præsertimque potus influit, neque tamen incommodat, sed dum membranam irrigat madefacitque pulmones, prodesse creditur, hoc argumento quòd vtrinque laryngi additæ sunt glandulæ

glandulæ, quæ humore suo subditas illas partes imbuerent. Non igitur inter vorandum arctè obseratur, quemadmodum dum spiritus intercluditur: tum enim eatenus depressa epiglottide obturatur larynx, vt ne minimum quidem cõclusi spiritus erumpere possit & excedere. Id autem quia præstat epiglottis, simul verò quia eadem ducti redditq; spiritus modum accessu recessuque suo temperat, hincque omnes vocum varietates modulatur, primùm illa nimirum statuitur vocis instrumentum. Cæterum lingua ori indita explanatæ distinctæque vocis fictrix atque moderatrix est, & mentis voluntatisque nuntia. Eadem saporibus diiudicat, eximio & volupuario gustandi sensu prædita. Substantia illi rara atque laxa, vt humore saporum vectore facillè imbuatur: quocirca tunica cingitur prætenui, quæ toti quoque ori communis est. Nouem struitur musculis vndique constitutis, quos media linea ad dextrâ laeuamque dirimit, vt hoc vti & reliqua sensuum instrumenta, geminum foret. Cùmque summè volubilis esset & incitata, ne fortè indomita plus æquo in loquacitatem solueretur, subdito vinculo tanquam habenis cohibetur. Venis præterea duabus maiusculis totidemque arteriis perfunditur, duobus item neruorum coniugiis: altero duriore, quod in musculos distributum motus efficit, altero molli internoscendis saporibus destinato. Pertinet autè irrepitque hoc genus magna ex parte in externâ ambientemque tunicam. Lingua ad radicem quæ latior est & faucibus coheret, ossè valido quasi basi nititur sustentaturque, quod *ὑπογλωττις* Græcis dicitur, literæ Y. speciem habens. Huic vtrinque affligunt glandulæ, quas peculiari nomine nostri tonsillas, Græci *μαστοίδια* dicere: perpetua quibus vis est eructandi saliuam, vt madescant lingua, larynx, arteria, ipsique pulmones. Inter eas ab extremo palato dependet caruncula rotunda, voci ad suauitatem atque moderationem velut plectrum conducibilis, Græcis *παρυγγή*, quibusdam ficto nomine gurgulio, at propriè columella dicta: quæ dum humoris influxione tumet & inflammatur, vuæ nomen accipit. Hinc palatum ad primores dentes extenditur, cui perinde atque linguæ per neruum vis data est saporibus internoscendi: ad vocem id iuxta ac reliquæ oris partes necessarium, multis scabrum asperitatibus (Plinius crenas appellat) quibus cibum ad concoctionem præparet. Hæc sunt vniuersa quæ oris mediisque ventris capacitatem continentur, de quibus hoc loco dicere statueram: nam dentium vt ossium explicationem proprio loco complexi sumus. Quocirca ad capitis interiora tempestiuum est sermonem transferre.

Lingua.


Tonsillæ.

Columella

Palatum.

De capite.

Cap. IX.

40  EREBRVM humanæ mentis arx & domicilium, cogitationum rationisque sedes, motus omnisque sensus, fons & origo: corporis summam partem tenet, sursum spectans, cælo proximum. Vt enim huius vniuersitatis parens mensque illa rector in cælo excelsissimo loco confedit, ita decebat cerebrum nostræ mentis arcem summam

Calua. mo corpore collocari. Quoniam verò id viscerum præstantissimum, futu-
 rum erat irruentibus extrinsecus iniuriis obnoxium, naturæ prouidentia
 vndique circumseptum est osseo tegumento, quod suprà caluam appella-
 uimus. Hanc vtrinque obuelant membranæ, quarum interior crassa me-
 ninx appellata, villis compluribus caluæ futuris adhærescit, qui inde foras
 elapsi fusiùs latiùsque circumiecti, alteram exteriorem membranam con-
 Pericra-
 nium, ficiunt (Græcis est *περικρανιον*) capitis musculosæ cuti proximè subiectam.
 Crassior dura illa meninx cum esset, cerebro vt propugnaculum aduersus
 caluæ occursum data est: altera autem subest tenuis atque mollis idoneum
 cerebri inuolucrum, ei quàm proximè adiunctum, quod & locis complu-
 ribus altiùs demergitur, vt interiores cerebri capacitates oblinat. At verò
 Meninges
 duæ, geminatae atque duplicatae meninges altiùs impulsæ, primùm cerebrum à
 cerebello, quod Græcis est *παραγκεφαλῆς*, prorsus determinant: rursùmque
 cerebrum ipsum parte priore situm, in dextrâ læuâque per summa dun-
 taxat dirimunt, vt partes cerebri tres sint omnes geminis mēbranis seiun-
 Cerebrū. ctæ, omnesque iisdem suprà subterque ambientibus comprehensæ. Cere-
 brum sub his homini spectatur maximū, quod sit plurimarum virtutum
 Ventriculi
 duo prio-
 res, sedes. Pars prior vt dixi gemina geminis quoque ventriculis intrò recondi-
 tis excauata, amplis iis quidem, sed magis viuētibz quàm morte con-
 sumptis, quibus nimirum coangustantur omnia. Ex primis hi cerebri par-
 tibus initium ducentes, ad medias ferè regiones accedunt, inde paulū
 reflexi in imam sedem detorquētur, quā basis est cerebri, & os quod à cu-
 neo nomen habet. Illuc ventriculorum riui confluunt, vbi locus est qui
 Peluis. *ἡδυν*, id est infundibulum, aut *μήλας*, id est peluis appellatur. Huic subter
 Glandula. crassam meningem subdita est glandula rotunda apertè concava: glandu-
 lam mox excipit sustinetque tanquam basis os *σφινγοειδές*, à dextra læuâque
 pertusum, cui mox subiiciuntur ossa adusque palatum spongiæ modo ra-
 ra, vnde *σφυγμοειδῆ* vocantur. Quæcunque igitur in ventriculis tempore cō-
 geruntur superuacanea, sensim per riuorum ductus in peluim illabuntur,
 hinc in glandulam, cui tantisper inhærescunt, dum per cunei foramina in
 os spongoides, & in palatum pedetentim instillent, forasque deturbētur.
 Choroi-
 des cōtex-
 tus. In illa autem ventriculorum caua, venarum arteriarumque riuuli è sum-
 mo cerebro pariter cum tenui meninge deuehuntur, quæ inter se colliga-
 tæ atque implicita, contextus eos conformant, qui *χρῆσθῆς* appellantur,
 quique capacitates intus succingunt & implent. Ex inferis quoque parti-
 bus, atque ex ipso contextu admirabili, per ea quæ modo commemorauim
 foramina, arteriæ tum in cerebri corpus, tum in eius ipsius ventriculos e-
 Rete admi-
 rabile. mergunt euaduntque, illis contextibus, vt dixi, innexæ. Nam ex colli arte-
 riis rami sursum euecti, cum iam in cerebri basim permanarint, easque ca-
 pacitates attigerint, quæ cuneo ossi subditæ sunt, mox in tenuissimas arte-
 rias easque plurimas dispersæ multiformi variòque nexu citra vllius mem-
 branæ copulationem, reti assimilem contextum conficiunt struuntque
 (Græcis hic *αλέγµα διπνοειδές* nuncupatur) qui os cunei non prorsus excessit,

fit, sed medius inter id & crassam meningē collocatur. Huius tenues arteriæ omnes tandem in maiores duas confluunt, quæ per cunei ossis & crassæ meningis foramina elapsæ, in cerebri corpus eiusque ventriculos com-
 5 meant, eo quem dixi modo distributæ. Iam verò prioris cerebri secretio ac-
 diremptus quem in longum fieri memoravi, nequaquã adusque cerebel-
 lum perducitur, sed circa medium insistit, ut sit priorum duarum partium
 in mediam quandam eamque indiuiduam concursio. Sic propemodum
 qui prioribus illis partibus conduntur ventriculi, propriis ductibus in ter-
 10 tium quendam confluunt seipsis longè minorē, quique nulla succingen-
 te membrana, sed sua duntaxat duritia consistat, tanquam fornix aut ca-
 mera, unde *μεσος* dictus est & *μεσος*. Cerebellum quod à cerebro du-
 plicatæ meningē seiungunt discluduntque, occipitis ossē tegitur: cerebro
 quidem durius atq; siccus, cuius pars extrema per spinæ fistulam illapsa,
 in ossis sacri imum traicitur, à qua ut ex arboris caudice rami, sic duriores
 15 nervi proferuntur. In eo ventriculus inest atque sinus prioribus minor, ma-
 ior autem fornice: qui initio latius patet, at verò arctatur extremo suo in
 mucronem compresso. A medio fornice canalis est proprio tegumēto ve-
 latus, qui vnicus pertusis meningibus cerebrum committit cerebello. Ad
 eius introitum sita est glandula diuersæ atque cerebrum substantiæ, quæ
 20 venis & arteriis in cerebrū suis pro firmamento esse creditur, *κωνδεον* hanc
 appellant. Partes quæ à dextra & à læua canali assistunt, tument extantque
 ad eò, ut plerunque applicatæ sese contingant: atque idcirco tanquam
 hominum clunes per illius longitudinem porrectæ, *γλουτία* dictæ sunt.
 His utrinque copulata est tenuis & valida membrana, quæ canalis supe-
 25 riora contegit. Membrana in longum incubat epiphysis vermi similis,
 hinc *σκωληκησίδω* appellant, reliquo quidem cerebro durior, ex multis con-
 stans particulis, quas tenues membranæ vinciunt copulantque, ut produ-
 ci cōtrahique vermis ritu possit. Huius dorsum glutii & copulanti mem-
 branæ adhæret, quod sua crassitudine glutiorum distātiā propemodum
 30 implet. Itaque vermis hic dum longius extenditur porrigiturque per ca-
 nalis longitudinem, fitque idcirco subtilior, inter glutia procūbit & ob-
 turat canalem: cōtractus autem in sese ampliōrque factus, inter glutia de-
 labi non potest, quinimo reuolutus secum vnā retrorsum vellit subleuat-
 que membranā, quæ glutia coniungit: quocirca tantum is canalem pa-
 35 tefacit quantum retrorsum abscedit. Ea est omnium partium cerebri hi-
 storia, quarum actiones sic in cōmune conferuntur. Priores ventriculi om-
 nium maximi, crassiores cerebri sordes (nam tenues per suturas euadunt &
 foras se dant) suscipiunt & congerunt, quæ quia cerebrum amplum, frigi-
 dum humidūque habetur, quamplurimē ex circūiectis partibus eò con-
 40 fluunt. Inde stillant aliās per priora in os summum narium, quod vnā cum
 adhærente membrana spongiæ modo pertusum est: aliās per peluim sub-
 ditāque foramina dilabuntur in palatum, quanquam iis addita glans cur-
 sus celeritatem retardat. Alter porrò vsus præstantior est, ad quem natura
 d ventriculos

Medius
ventriculus.

Cerebellū.

Postremus
ventriculus.

Conariū.

Glutia.

Vermis.

Fūctiones.

Odorandi
instrumen-
tum.

Prima ner-
uorum ce-
rebri con-
iugatio.

Secunda.

Tertia mul-
tiplex.

ventriculos accommodauit, dum vitales ex corde spiritus in retis contex-
tum effusos illicq; pręparatos, in priores ventriculos transmittit, vbi dein-
de vi innata cerebri in animales conuersi, in omnes sensus & in medium
ventrem, tandęmque in postremum diffluunt, vt ad sensus motusque fun-
ctiões suppetant satisque sint. Similis est cogitationum ratio, quas rerum
sensibus comprehensarum spectra atque imagines in ventres illos euectę
suscitarunt. Has autem vias, quas ab externis sensibus intrō natura produ-
xit, deinceps exponemus. Cerebri partibus prioribus tubercula duo ex-
tant & eminent mammarum papillis simillima, quę summo narium ossi
spongię æmulo obiecta insident. Sub his exiles proceręque productiones
mollioribus neruis comparatę sese expromunt, quas in neruorum nume-
ro veteres nunquam collocarunt: at his tamen odoratum atque vim eam
quę odoratiões æstimet, concesserunt, vt vna inter ceteras sentiendi vi-
res ē calua non exiliret. Siquandō priores cerebri ventriculi mucosa eluuię
affluunt & abundant, tubercula stillant in nares subditas, vt intelligi possit
in hac vias ē ventriculis patere. Iam verō neruorum qui ex ventriculis in
sensuum instrumenta contendunt, propagationes hęc sunt. Omnium pri-
ma in oculos traicitur atque infigitur, cuius nerui, quia insignes sunt, &
inter ceteros maximē concaui, dicti sunt Gręcis *ὀφθαλμοί*, molles ij & ampli,
per quos videndi spiritus inuehitur. Duo quidem sunt vt oculi diuersis e-
nati locis, sed qui media cursus via quasi decussati coitionem faciāt, mōx-
que diducti in suum quisque ē regione oculum fertur. Altera propagatio
est neruorum oculos mouērium, qui quanquam opticis substrati post eos
inferi videntur, exortu tamen in priores cerebri partes magis vergunt &
accedunt, vnde nonnullis primi solent existimari. Exiles quidem duri at-
que validi, in eos musculos dispersi, qui oculos obsepiunt atque mouent.
Tertia coniugatio ad gustatum pertinet. Ea quidem ā prima statim radice
permultis constat neruis iisque tenuibus, & quasi in vnum compressis at-
que coarctatis, quorum complures in linguę externam tunicam fusi gu-
standi sensu eam instruunt & illustant, hique ab ima cerebri parte nascun-
tur secūdum quam linguę situs est. Reliquorum verō pars in superiorem,
pars in inferiōrē maxillam abit, sed via multō diuersa. Vnicus ad inferiōrē
pergit, qui cum ramulis gustum linguę prębentibus, per decliuiā patentē
quidem osse atque crassa meninge primum deturbatur: at mox ab illis se
subducēs durior firmiōrque factus, vt qui motum pręstiturus est, in tem-
poris eum musculum qui molitor appellatur sese infert: inde rectā in infe-
riorem maxillam multis villorum tenuitatibus diuaticatur, aliis in den-
tium radices, aliis in gingiuas & inferum labrum effusis. Qui superiorem
maxillam adeunt, statim ad oculorum sedes adducti, cum iis durioribus
neruis commeant qui oculos mouēt, pērque illorum foramina excidunt:
transmissi deinde sub oculos ad os malę quod plurimum eminent, id per-
forant, vt inde diffusi in gingiuas dentēsque superiores, in cutē faciei prę-
tensam, & in superum labrum dispergātur. Simul autem dum hi malę fo-
ramen

ramen euaderent, vnum de se prætenuem ramulum in id foramen coniecerunt, quod in osse nasi ad oculi angulum maiore vergit: hic inde in narium capacitatem illapsus, in eam membranam spargitur, quæ naribus cū palato & ore communis est. Quarta societas & cōuenientia, post tertiam proxime originem sumit, cuius nerui quàm illius exiliores quidem, sed tamen duriores sunt. Quanquam verò vtrique primo exortu cōursionibus inter se cohærescunt, vt confundi, & è calua eodem foramine excedere & prodire videantur, mox tamen vt aliquantum sic processerūt, quarta coniugatio hinc se subtrahens, in palatum & in tunicam ori subtenfam decurrit. Quinta coniugatio binis neruis continetur finitimis, proximèque inter se coniunctis, vt plerisque singuli putentur, cū tamen iis planè diuersa sit origo. Horum itaque qui vtrinque duo sunt, prior audiendi neruus appellatur, quòd auris corneolum introitum subeat, crassa meninge sic arcte inuolutus, vt à quibusdam existimetur ab ea proficisci & initium ducere. Posterior in id ossis lapidosi angustum anfractibusque flexuosum foramen se deuoluit, quod cæcum nuncupant: forasque ad aurem emergens & durior factus, in temporis musculum, in genas, atque in partes auri circumiectas explicatur, ei tertiæ cōiugationis propagini opem laturus, quā dixi in tempus & maxillam inferiorem excurrere. Sexta (quæ interioribus corporis partibus tangendi sensum præbet) ponè hanc ex ima cerebri parte profertur, & per futuræ cui λ. nomen posuit patens extremum, caluam exit, compluribusque statim ramulis exoritur, quos securitatis gratia natura eadem sepiente membrana, quasi in vnum coniectos obstrinxit. Quocirca ii quanuis negligenter spectantibus vnicus videantur, tot tamen verè sunt à prima statim origine, quot omnino particule in quas dispartiri disseminarique debent. Omnes dum per ceruicem feruntur propemodum coniuncti apparent, vtrinque cū arteriis sociati quæ inibi sunt. Longius autem progressi bipartitò dirimuntur. Alteri intrò per costarum radices abeunt membranis vincti, hincque deorsum pergentes lumborum interioribus musculis incubunt, sic eo cursu deducti dum ossis sacri extremū cōtingant. Hoc longo vię tractu omnia propè intestina & viscera quæ sub diaphragmate posita sunt, liē, renes, vesica, testes & vniuersum peritonæū, tenuitates quasdam ab illis acceperunt, per quas tactum participant: hunc enim sensum proximè è neruis cerebri asciscere decebat. Caterum in prolapsione & transitu, spinæ medulla illis duriores neruos è vicinis sedibus dispergit, vt ex amborum permistione simul cum tactu roboris constantiam & firmitatem attexeret. Alteri huius coniugij nerui ad cæphagum inclinant, cui vtrinque connexi assistunt, paritèrque demissi ori ventris se impingūt, in reliquum eius corpus adusque fundum disiecti, in exilésque exhausti tenuitates. Syncera autem est hæc propago, nequaquam durioribus neruis vt superior implicata. Nihil ab hac ne minimum quidem septo transuerso impartitur: ad cæteras autem partes, cæphagum, asperam arteriam, pulmones, cor atque iecur, in transitu villi quidam emergunt ac d ij dimanant,

Quarta.

Quinta.

Quinta.

Tunica.

Hamuli.

Hamuli.

Sexta multiplex.

Hamuli.

Hamuli.

dimanant, adeò vt principes hæ partes quibus gubernamur, synceris istis
 è cerebro neruis præditæ sint & instructæ, continuatæque cognatione sibi
 consentiant. Ab hac propagine vbi iam in thoracis spacium aliquantum
 processit, rami quidam retorquentur ad laryngis musculos: suntque ij ner-
 ui recurrentes, de quibus abundè suprà dixi. Septima postremaque coniu-
 gatio ab extremo cerebri erumpit, quæ iam spinæ medulla elabitur: inde
 cum sexta digreditur, maximæque parte in villos musculorum linguæ in-
 teriores soluitur, quos ipsos multifariam intexit. Minima quædam huius
 cõiugii portio in rectos laryngis musculos effertur: alia verò neque ea mo-
 dica in primos amplòsque lacertos, qui scapulas sursum adducunt: alia de-
 nique in eos qui tonsillas ac fauces inuoluunt. Quocirca rectè videtur hæc
 neruorum linguam mouentium cõiugatio dici, quam reliquis sicciorẽ
 duriorẽque haberi ipsa planè origo commonstrat. Hæ sunt omnes è ce-
 rebro neruorũ origines atque progressus. Iam verò ne quid eorum quæ
 ad caput pertinent, desideretur, de sensuum instrumentis tempestiuè hîc
 agendum duxi. **Auris.** Auris ad auditionẽ introitu semper patet duro, & multis
 anfractibus flexuoso, ne sonus derepente affatimque intrò subiens sensum
 lædat. Nam inimũ anfractum crassior meninx succingit & obducit: au-
 diendi autem neruus in eam ipsam membranam fusus explicatur, quæ fo-
 ramini per transfuersum obiecta, inuectum sonum ictumque aërem exci-
 pit, defertque in cerebrum commune sentiendi principium. Extrà autem
 quæ appellantur auriculæ prominēt cartilaginosa, multisque flexibus ex-
 ternis iniuriis opposita, ne quid ex inopinato intrò irrueret, nève appulsa
 voces laberentur atque errarent, pars superior eaque durior pinna dicitur,
 inferior quæ mollis, fibra. **Nasus.** Nasus homini tantum altior eminentiorque in
 facie, quo quasi integumento nares occultantur, tum odorum spiritusque
 via, tum mucosæ eluiei emungendæ riuus. Illac siquidem hausti ductique
 spiritus pars tracta irrepit in cerebrum, pars in asperam arteriam & pulmo-
 nes rapta delabitur. Nares æquè disternat interseptum cartilaginofum,
 ab imo ad summas nasi angustias & palati superiora protensum. Nam to-
 ta hæc regio plurimis foraminibus peruia est, per quæ cerebri superuacua
 influunt, in nares quidem per os cui à spongia nomen est, in palatum ve-
 rò per id quod speciem cribri gerit: tametsi è naribus in fauces cõmunem
 viam patere ostendunt, quæcunque illinc huc regeruntur imprudentibus
 nobis. **Oculi.** Assistunt vtrinque oculi, pars corporis præciosissima, qui tanquam
 speculatores altissimum locum obtinent, ex quo plurima conspicientes
 fungantur suo munere, & eminens quæcunque nocitura sunt, aut profutu-
 ra prospiciant. Horum gratia (si Galeno creditur) caput in altis editisque
 partibus corporis collocatum est, quia cerebrũ ob breues opticomum ner-
 uorum ductus oculis proximum esse debuit, illic sublimi loco positus. Ij vt
 reliqui sensus gemini parte priore, in quã progredi solemus, in antra con-
 caua reconduntur & latent, vtiliter excelsis vndique partibus circumse-
 pti. Primum enim à superiore parte supercilia, ab inferiore malæ leuiter
 eminent,

eminēt, & nasus in medio quasi murus oculis interiectus, à dextra & à læ-
ua temporum ossa. Palpebris integuntur mollissimis tactu ne læderent a-
ciem, quarum inferiores fixæ & immutabiles conquiescunt, vt & genæ
inter has atque malas collocatę: superiores pupulas claudunt, ne quid obi-
5 ter incidat, easque aperiunt cum celeritate maxima. Palpebrarum extrema
cilia sunt, dura cartilagine firmata, quæ *παρσός* appellatur: huic infixi pili e-
riguntur, quibus tanquam vallo quodam muniuntur oculi ad leuiorum
occurfus, hosce pilos Græci *βλεφάρας* dixerunt. Lubrici facti sunt & mo-
biles, vt aspectum quocunque vellent facili cōuerterent, ob idque vtrin-
10 que septem his muscoli circumiecti, è quibus vnus sursum, alter deorsum,
duo ad dextram læuamque trahunt, alij duo illos circumferunt, septimus
sustinet & illigat. Ex tunicis quaternis atque ex ternis humoribus conditi
sunt. Prima tunica & extima *ἐπιπρωτική*, id est adnata & adhærens appella-
tur, cuius interuētū oculus tenetur & adhærescit. Altera cornu similis *κερα-*
15 *τώδης*. Tertia *υαχιδής*. Quarta araneorum tela, *ἀραχνοειδής*. Humorū ex-
timus est *ὕδατωδής* ab aqua dictus, alter *ὕαλωδής* vitro fuso similis, intimus
κρυσταλλωδής: omnium autem compositio huiusmodi esse deprehēditur. Ad-
hæres tunica oculi posteriora cōtegit excipitque musculos omnes, ex pe-
ricranio hæc quidem nata: proximè illi adhærescit cornea vniuersum ocu-
20 lum vndique cingens, quæ tametsi à dura cerebri meninge proficiscitur,
quàm illa tamē durior firmiorque externis rebus obiicitur, pellucida qui-
dem, vt per eam cerni possit. Hac concluditur humor ab aqua aut ab oui
candido nomen habens, quem mox *ῥαγοειδής* vniuersum comprehendit.
Quoniam verò hæc tunica à posterioribus partibus corneæ propemodum
25 adhærescit, à prioribus autem longissimè distat, idcirco his conceptus hu-
mor totus penè in priora confluit. Vt granum *υαχιδής* sic *ῥαγοειδής* parte prio-
re & media foramen habet, quod pupula vocatur, è quo acies est qua cer-
nimus, hoc enim rerum spectra spiritusque profiliunt: nascitur autem hæc
ex tenui meninge. Rhagoidem circumcirca proximè succingit arachnoi-
30 des, colore nigra, arteriis venisque conspersa more secūdarum vteri, ex vi-
dendi neruo tenuissimè fuso dilatatoque nata, qui ex cerebro nonnihil se-
cum detulit eius contextus, qui *ῥαγοειδής* appellatur. Itaque inter has tuni-
cas palàm est nihil prorsum intercedere. Quantum superest interioris ca-
pacitatis, id replet vitreus humor copiosissimus, is quidem & crassitie vi-
35 tro fuso similis: in quo proinde crystallinus veluti innatans stabilis & con-
stans insistit, nulla tunica diremptus. Positus autem is est non in vitrei
medio, sed parte eius priore, pupulæ prorsum obiectus, vt ea sede me-
dium totius oculi velut punctum occuparet. Humor hic durissimus
glaciem concretam aut crystallum referens. Figura nō planè globosa, sed
40 quæ pupulam spectat pressior ac planior. Alitur vitreo humore, vitreus au-
tem per venas è cerebro cum arachnoide deriuatas. Hæc de vidēdi sensu.
Gustatus ore cōtinetur vndique septus ad vsum & incolumitatis custo-
diam, quodque cibi & potionis index sit. Quocirca lingua & palatū eius
d iij instrumenta

Palpebræ.

Cilia.

Musculi.

Tunicæ.

Humores.

Cōpositio.

Gustus.

Tactus,

instrumenta cum sint, satis videntur ante suis locis explicata. Tactus toto corpore æquabiliter fusus est, cuius idcirco propria instrumenta non prius definire possim, quàm reliquorum omnium neruorum propagatio sit absoluta.

De neruis.

Cap. X.



PARTIVM dissimiliũ instrumentorũque corporis omnem iam videor compositionem planam fecisse, vt omnis illarum descriptio facta explicatãque putetur: nunc autem ad similiarium partium expositionem reuersus, eas primũ 10

Spinæ medulla.

Neruorũ duriorum origo.

Medullæ tunica.

verbis amplectar & expediam, quarum beneficio reliquæ omnes indigent, communique opera gubernantur: hæ sunt venæ, arteriæ, & nerui. De his quidem supra, obiter duntaxat, & vt dicere solent perfunctoriè dictum: nunc verò plenam absolutamque illorum propagationem exponemus, qua legētis animus saturari possit. Ne autem de 15 cœpto viâ cursu deflectam, quam de neruis paulò ante suscepi tractationẽ hîc persequor. E cerebro tanquam è radice caudex, profunditur spinæ medulla, quæ cerebri substantiam accipiens, eius aut pars est, aut profectò vicaria, tanto durior quanto longius processerit. Vt enim prior cerebri pars vsquequaque mollis est & tenera, posterior tantum dura quantum pro- 20 greditur, ita sentientes neruos natura omnes è priore illa parte, mouentes verò vtpote duriores & ad motionum impetus sustinendos roboris plurimum nactos, à posteriore & ex spinæ medulla deriuauit. Conuenit enim vt è simili vnumquodque nascatur, vixque à duro potest molle quicquam proficisci, quãquam durum quippiam ex molli prodit, nõ primo quidem 25 statim exortu, sed dum progressus longitudine aut regionis per quam ducitur sicciore natura arescēs, durius robustiusque se ipso redditur. Sic enim supra proditum est, complures è tertia coniugatione mouentes neruos emeruisse, & è sexta recurrentes, qui longo viâ tractu, mouētium vim & naturam acceperunt. Attamen neque hos inter exquisitè duos collocare pos- 30 sis, quòd ab illorum robore plurimum desciscant, vt idcirco ratum sit & constans omnium exquisitè durorũ, cerebellum & spinæ medullam principium esse & originem: de quibus iam pleniorẽ orationem instituo.

Itaque medulla per spinæ fistulam in extremum sacri ossis progrediens, duobus inuolucris conuestitur, quæ à cerebri meningibus proferuntur, & 35 quæ eundem ac meninges vsum præstant. Supra hæc tertia quoque tunica fortis atque neruosa circumiicitur, ne dum spina inflectitur, flexa quoque medulla disrumpatur. Sequuntur vertebrarum nodi, vinculis suis inter se connexi atque coniugati: quos præterea vniuersos alia tunica extrinsecus integit & firmissimè colligat. Hîc missum facio tenacem & glutino- 40 sum humorem, quo plurimo vertebræ ad motus procliuitatem circumfusa sunt. Medulla igitur tanquam caudex ramis plurimis fruticatur, in omnes artus, sensus, motusque gratia propagatis: à singulis quippe vertebris bini

bini eo quem nunc dicturus sum modo, expromuntur atque proferuntur. Prima atque summa hinc surgens coniugatio, exilium est neruorum, qui ex medulla orti per obscura summæ vertebræ foramina prodeunt: quod nõ vt reliquos omnes per articulos compagésque elabi tutum esset, vt qui
 5 tenues frequenti motu diuulsi frangerentur. Pusilli autem cum sint, non extra musculos huic vertebræ incubantes procurrunt. Altera *συνγία* insigniores neruos ab ea mittit regione, quæ inter primam secundamque vertebram à lateribus posita est. Horum pars maxima circum aures, & in capitis posteriora ad summum vsque verticem effunditur: pars reliqua in
 10 cumiectos omnes musculos irrepit, primæ implicita coniugationi. Ex his foraminibus quæ inter secundam & tertiam vertebram vtrinque hiant, alia proficiscitur cõiugatio, ad eos musculos sese applicās qui maxillas mouent, & ad eos qui caput retrò deflectunt, atque hæc est tertia. Huic quarta confusa in musculos effertur capiti ceruicisque communes, quorum est caput retrò detorquere: in eos præterea qui maxillas mouent, in eas denique
 15 particulas quæ ponè aures sitæ sunt. Erumpit autem ex eo foramine quod inter tertiam & quartam vertebram intercedit. Quinta coniugatio simul atque è proximo articulo prodierit, altera propagine quartæ permiscetur, similiter ac ea distributa: altera verò sextæ. Hæc autem post quintam vertebram excidens, ad scapulas plurimum deriuatur: insuper verò proximis vtrinque sese attexit, & tenues de se villos in singulas ceruicis vertebrae emittit. Eadem quoque diaphragmatis neruo implicita atque inserta, non modicè eum adauget & amplificat. Qui enim diaphragma moturi sunt
 20 nerui, è ceruicis medulla omnes prodeunt, plurimi autem vt multis visum est ex quarta cõiugatione. In partem diaphragmatis mediam quæ neruosa est & musculi principium censetur, hi se penitus inferunt: in ipsaque via fulciuntur intersepiente membrana thoracis. Duo alij per initia his copulantur nerui, qui tamen mox inde intrò sub os pectoris euecti, tandem in diaphragmatis summum & ad mali punici sedem contendunt: horum eadem origo quæ superiorum est. Septima coniugatio sub vertebra sexta
 30 emergēs, maxima ex parte in brachium porrigitur: villi autem reliqui proximis implicantur annectunturque in caput, in ceruicem & diaphragma diffusi. Similis propemodum & octauæ coniugationis distributio, cuius tamen in cubitum & vnam multiplex processus, totus absimitur nec vltra pergit, attamen huius nihil quicquam in septum transuersum promouetur. Nona post octauam vertebrā nata, in manus extremas tota prope-
 35 rat, hoc dempto quod superior sibi adiiciens quasi arripuit: sed huius quoque non nihil abit in vicinū musculum, qui primus atque summus in thorace, medium inter primam secundamque costam spacium tenet. Itaque
 40 nona hæc productio cum ad cubiti flexum carne quidem nudum se appulerit, ne fortè periclitaretur, inter ossium tumores atque nodos se abdidit, illincque tutò triplici propagine in manum diffrigitur, vna quidem intus ad minores digitos, altera in maiores fissa: tertia in summæ manus exter-

Prima neruorū è spina coniu-gatio.

Secunda.

Tertia.

Quarta.

Quinta.

Sexta.

Septima.

Octaua.

Nona.

d iij nam

Decima.

Nerui ex
dorso.Nerui ex
lumbis.Nerui ex
osse sacro.Nerui om
nes quot.Neruorū
in crura di
stributio.

nam regionem inflexa. Caterum non hæc modò, sed octaua quoque & septima dum per humerum fertur, intrò via tutissima pergit, multis integentibus musculis communita. Sequitur decima coniugatio, quæ ipsa secunda quoque dorsi censerì debet, quemadmodum quæ dicta proximè est, dorsi prima statuitur. Etenim vertebra quæ omnium est octaua, si eadè quoque dorsi prima ponitur, consequens est eam coniugationem quæ sub illa erumpit, dorsi quoque & thoracis primam existimari. Itaque ex singulis quæ in dorso sunt vertebrarum compagibus, singula neruorum coniugia in proximos emergunt musculos, tū in eos qui inter costas positi sunt, tum in eos externos qui per spinæ longitudinē excurrunt, *ῥαχιδας* hos Græci vocant. Quin & horum neruorum extrema sese latius demum explicat, dum qui ex verarum costarum radicibus exierunt, in humeros, in scapulas, in circumiectos thoraci musculos, in reliquas demum omnes pectoris particulas tenuissimè fissi sparsique diffunduntur: qui verò ex breviorum costarum nati sunt vertebris, in abdominis musculos adeunt. E lumbis quicunque nerui efferuntur, partim in externos posteriorésque musculos perreptat, partim in interiores, iis neruis implicati quos diximus è sexta cerebri coniugatione eodem deriuari. Ex osse sacro quatuor qui vtrinque excidunt, ex suo quisque foramine in crus vniuersum iter habet. Ex quibus colligi potest omnes è spinæ medulla tractas coniugationes esse nouem & viginti: octo quidem è cervice, à dorso duodecim, quinque ex lumbis, ab osse sacro quatuor. Sunt qui ab hoc quinque expromi iudicent, vt sint omnes triginta. Auicennas quoque è coccygis & caudæ extremo neruum coniugij expertem deducit: at re vera hic inter vincula annumerandus est, neque prætereas quæ hactenus proditæ sunt à nobis, vlla seorsum & per se coniugatio deprehendetur. Sic autem deducuntur, vt qui nerui ex infimis duabus lumborū vertebris atque ex ossis sacri quatuor foraminibus emerferunt, omnes ferè in vnū quasi fasciculum coniecti, parte posteriore qua coxa rimam amplam agit, in crura protrudantur ponè articulum, amplo operiti abditique musculo. Simul autem musculis qui inibi sunt, prout fert dignitas atque magnitudo, suum cuique ramū impartiunt. Vnde mox alij in crura sparsi deorsum per interiora feruntur, qui ad pedis inferiora cōcedunt: alij verò per exteriora, in pedis priora atque superiora pertinentes: alij media inter hos regione positi in musculos suræ dirempti absumuntur. Id vnum solerter si quid aliud natura prospexit, vt illos ossium, cartilaginum, atque vinculorum quasi propugnaculis cinctos & obuallatos trauducat. At verò non omnes qui ex lumbis & ex osse sacro prodierunt, sic continuo per posteriora deorsum commeant, sed ex his non pauci tenues rami per amplum pubis foramen exeunt, alij in exiguos musculos qui circa podicem, vesicam, penē, & testes habentur, alij in peritonæi vesicæ & uterimembranas, alij in cutem quæ fœmur circumfundit adusque genu differtiti. Hæc est vniuersa & integra neruorum consecratio.

De

De venis.

Cap. XI.



E C V R venarum esse originem hîc pro hypothefi cōsti-
 tuam, cuius tamen veritatem multis posthac rationibus il-
 lustrabo. Huius è parte concava venæ plurimę in ventrem
 & intestina disperſæ finduntur, arboris cuiuspiam radices
 imitatæ. At verò pars conuexa venam crassiore ædit at-
 que profert, quæ arboris caudici comparata ramos admo-
 dum multos in omne corpus diffundit: quorum ea vis est & facultas, vt è
 iecore in omnes partes corporis alimentum distribuunt, non modò tubo-
 rum ductuúmque similitudine, sed cōcoquendi quoque viribus insigni-
 ti. Præter reliquas autem attrahendi facultas in illis plurimum viget, cuius
 causa in simplici tunica omnes villos in longum porrectos acceperunt:
 simplex autem tunica satis erat quæ sanguinem vtpote crassiore coërce-
 ret atque contineret, neque periculum erat hinc illum diffuere. Iam verò
 15 venæ omnes hac quæ sequitur distributione dissectæ dispartitæque sunt.
 A iecoris introitu resimæque parte vena grandis excedit (portas appella-
 runt) à qua velut à communi quodam initio, riuuli complures in ventrem
 & intestina tanquam à trunco radices aguntur. Ac primum duo ab ipso
 statim egressu cernūtur, alter minor, isque superior qui comite arteria mul-
 20 tis ductibus totus in vètriculum abit, aliis quidem in ecphysin, aliis in su-
 periora dextræque protensis. Alter riuus multò maior aliàs sub duodenum
 intestinum, aliàs sub ieiunum se demergens, idque trāsiliens in mesaræon
 contendit: quod priusquam attingat ei quod pancreas dicunt nititur ac
 fulcitur, cui sanè & duodenum, & ductus qui ad bilis vesiculam tendit, &
 25 reliqua quæ inibi sunt vasa inhærescunt. Ex eo loco riuus in lienem emit-
 titur, qui omnium secundus haberi debet: è quo in transitu venæ plurimæ
 capillorum modo tenues in ventriculi fundum permanant. Huius quan-
 tum reliquum est, in lienis substantiam multis quasi radicibus discissum se
 inserit, quæ tamen dum ex liene efferuntur & emergunt, in duos rursus
 30 riuulos concurrunt: vnus in os ventriculi parte tumentiore se infert, alter
 in omenti partem sinistram retorquetur. Tertius è caudice riuus in pan-
 creas primum immerſus, mox deinde per mesaræi radicem quæ spinæ ad-
 hærescit, longo tractu in ilia sinistra procurrat: multisque riuulis dissectus
 omnem cœli intestini productionem irrigat, vt proinde ad hoc totus hic
 35 tubus pertinere videatur: atque huic quidem isthac deductione comes af-
 fidet arteria. Post hunc alius in dextram contendit, per pancreum in duo-
 denum sparſus intestinum, bilis folliculo ferè è cōtraria regione obiectus.
 Nihilò hic obscurior superioribus multos quasi furculos in omenti dextrâ
 regionem profert, atque è pancreo hi quidem distribuuntur. Reliquus sti-
 40 pes quæ iam mesenterium attingit, riuo quinto prædictis obscuriore om-
 nem omenti partem sinistram perrepat. Vbi verò per mesenterium aliquan-
 tum iam processit, totus in duos finditur: horū rursus vterque in duos, om-
 nes demum in quamplurimos tenues, quorū pars maxima in gracilia om-
 nia

Venarum
 cōpositio,
 Venæ me-
 saricæ.

Ad vètri-
 culum.

Ad lienē,

Ad colon
 intestinū.

Ad cæcum
 & omenti
 dextra.

Ad omen-
 ti sinistra.

Ad ileon.

Ad gládulas mesenterii.
Vena caua nō est cōtinuata venis mesenterii.

Venæ cauæ diuifio.

Ad diaphragma.

Ad interseptum.

Ad cordis substantiā.

Ad cordis sinū dextrum.

Vena arteriosa.

Ad quintā vertebram dorsi.

Ad costarum intervalla.

nia intestina ipsūque cæcum multiplici sobole dispergitur: pars quædam minor in mesarēi glandulas immissa definit. Ea est venarū mesenterij propagatio, quæ in vnam ad iecoris portas constitutam, omnes tanquam in truncum radices confluunt. Hæc porro iecur mox vt subiit, alios in id ramos spargit, ferè quidem in singulas fibras singulos, sed qui demū sectione partitionēque multiplici in omnem iecoris substantiam exhausti obliterentur. Quæ etenim ab eius conuexo emergit, ampla illa quidem ac proinde caua nuncupata, ex quamplurimis quoque riuulis & quasi radicibus per intimam iecoris partē diffusis, exurgit: at hæc nihilominus neque illis quas modò dicebam ex portis in singulas fibras distribui, cōtinuatæ sunt, neque ad illas extremitatibus sese applicant, neque aliud quicquam præter iecoris substantiam illis commune intercedit. Caterum vena καὶ λη, id est caua dicta ipso statim è conuexo egressu, bipartitò finditur, quasi in duos prægrandes ramos dirempta: alter sursum per diaphragma in cor euadit, alter deorsum secundum lumborum vertebrae contorquetur. Ille quidem haudquaquam dorsi spinæ insidet, sed per medias thoracis regiones, diaphragmate, intersepiente membrana, corde & pulmonis fibra suffultus, per sublime ad clauas & iugula cōcedit, plurimōsque ramos eo tractu profert ac diffundit: primum in diaphragma duos, qui deinde multifariam fissi longè latèque se pandunt. His proximè exeunt capillorū modo tenues venæ, in membranam thoracis intersepientem & in cordis inuolucrum, quarum extremitates haudquaquam paucae, in priores thoracis partes & in malum punicum irrepunt. Altiùs autem vbi vena caua cordi iam assistit, eam tanquam ramum promit, quæ cordis externa ambire spectatur, & in eius molem sparsa exhauriri, vt per quā densior cordis substantia nutriri debeat, non autem eo sanguine quem suis ventriculis conceptum, caloris spiritusque beneficio tenuiorem fecit atque puriorem. Suprà multò capacior alia in dextram aurē dextrūque cordis ventriculum demersa illabitur: hanc multis non venam, sed aptiùs membranam dicere placet, ex sinistro venæ cauæ pariete profectam, quæ dextrum sinū inuoluat & obtegat. In cordis corpus non altiùs hæc penetrat, neque iam ipso ingressu venæ speciem retinet, sed mox vt cor attingit, in illius substantiā degenerat prorsūque oblitescit: quod sanè argumētum Aristotelicos cōduxit: vt venas omnes è cordis substantia nasci putarēt. Ex hoc cauo dextro venæ nouum genus emergit quæ in pulmones surrecta, arteriarū modo tūnica duplici obuallatur, cuius antè propagationē expediuius. Paulò suprà cordis aurē dextram, caua vena aliam rami specie edit, quæ solitaria omnisque cōiugij expers (hinc αἵμας Græcis appellatur) in quintam dorsi vertebram primum delapsa, mox deinde per spinæ lōgitudinem excurrit in imam partem diaphragmatis. Hanc eandem non paucae corporum dissectiones ostēdunt à caua deriuari antequā ad cor accedat. Eadem per spinā incedens vtrinque in omnia intervalla costarū ramos effundit, supremis dūtaxat duobus aut ad summū tribus exceptis, quæ aliunde prodeuntibus

deuntibus venis ali posthac exponemus. Hi autem rami statim è radice & ortu, furculos de se foras emittunt in externos dorsi musculos: longius verò progressi per costarum longitudinem, tandem extra thoracem foras erumpunt & eminent. Reliqua vena caua contendens ad iugulum, inter-
 5 sepienti membranæ à dextera committitur, in quam complures venulas prætenues conspergit: móxque in quinta & minima pulmonis fibra tanquam in substrato puluinari recumbit. At verò priusquam iugulum attingat, totus venæ cauæ truncus apud glandem, quæ inibi ingens cōspicitur, in duos amplos ramos dirimitur, qui mox ad axillas festinant inclinati.
 10 Huc autem flectuntur per summa & interiora thoracis, cum nondum supra clauas euecti sunt: excedunt verò & emanant in axillas per id spacium, quod inter clauas & primam thoracis costam intercedit: hinc meritò interiores venæ dici solent. Ab his nondum foras elapsis, multæ in progressu surgūt vtrinque propagines: primūque ex eo loco vbi vena caua in duos
 15 ramos distrahitur, exiles venæ in proximam adiectamque glandem abscedunt: ab ipso deinde ramorum exortu alij tenuiores protinus in os pectoris contendunt, eique subditi adusque malum punicum decurrunt, quo tractu in singula costarum interualla partis prioris ramulos explicat: quorum vnusquisque alteri cuiuspiam venæ fit obuius, quam ex illa coniugij ex-
 20 perte diximus extremum foras emittere. Iam itaque vtrarūque venarum (tamen si interiores hæ sunt) extrema extra thoracē euadunt, tum in mammas, tum in externos musculos inspersa. Præterea verò ex eisdem amplis ramis insignes venæ in tria costarum suprema interualla multifariam diffinduntur: & ex iisdem ferè sedibus aliæ mox in scapulas & quosdam interio-
 25 res ceruicis musculos se conferunt. Post quas aliæ emergunt, quæ in ceruicis spinam demersæ, per interiora foramina supremarum sex vertebrarum irrepunt dum caput attingant. Has igitur propagines effundunt rami amplius venæ cauæ, priusquam ex thoracis capacitate excedat. At vero vterque protinus vt de thorace emerfit, aliis rursum quatuor quasi furculis fruticatur: quorum vnus in eos externos musculos abit, qui ex humero in medium
 30 pectus & supra mammas procedunt, alter in axillarum glandes: atque hi ambo exiles sanè sunt. Tertius in eos musculos se proripit, qui scapulis subiecti sunt, in eūque musculū qui inibi spectatur maximus. Quartus omnium amplissimus externas thoracis partes irrigat & alit, hinc demum ad
 35 costarum extrema deriuatus. Occurrunt autem istius propaginis tenues ruii extremis earum venarum, quas ab imo & ex intjmis thoracis emergere proditum est. Quas autem deriuationes in brachium atque deductiones faciat hæc vena interior posteaquam ex axilla euasit, paulò post edicitur. Iam verò vt quæ supra iugulum in ceruicem & caput inferuntur venæ
 40 conspicuæ sint, ad eum redeamus venæ cauæ diremptū, quem prope glandem sub iugulis fieri commemorauimus. Ex iis itaque venæ cauæ ramis, quos tanquā magnos duos stipites in axillas exporrigi dixi, qua parte clauiculis assistunt, vtrinque insignis vna vena surgit in ceruicem. Ante hanc
 autem

Iuxta gan-
 glum di-
 uisio.

Basilica.

Tenues
 multæ.

Basilicæ di-
 stributio
 ab axilla.

Iugulariū
 ortus.

Venæ ad
scapulas &
humeros.

Ad capitis
externa.

Ad fauces
& oris in-
tima.

Venæ ad
nares.

autem alius ramus propior glandi atque citerior emittitur, qui per ceruicis intima deductus gulæ vtrinque vnus affidet. Quocirca quatuor ex ea quæ sub clauibus est regione venarum propagines sursum contendunt, quas tum primum iugulares mos est appellare, dum collo insertæ sunt & supra claues emerferunt. Duæ ex his quæ pariter cum gula sursum in fauces & oris intima sparæ feruntur, interiores iugulariæ dictæ sunt, quod altius conditæ perpetuò delitefcant: aliæ autem quæ subter cutem existunt, externæ & eminentes sunt iugulariæ. Harum verò vtraque mox vt à primo exortu supra claues euasit, in aliis quidē corporibus simplex omnino persistit, in aliis finditur in duas, quarum altera priore colli regione recta ad caput ascendit: altera principio quidem deorsum veluti deflexa claues circumplectitur: moxque sursum reducit, aliàs foliuaga, aliàs interiori coniuncta. Multi ab ea riui defluunt, vnus quidem frequenti sobole in proximos musculos disiectus, alter maior atque obliquior, qui è clauibus sensim discedens, ad humerum per externa defleat: hanc idcirco venam humerariam & externam mos est appellare: tametsi illic minimè exhausta oblitescit, sed longiùs progressa cubiti flexum petere contendit. Vnde perspicuum est humerariam venam non minore, imò plerumque maiore societate atque commercio cum vena caua coire, quàm cum ceruicis & capitis interioribus. Quin & illam nos plerumque obseruauimus tanquam ramum erumpere atque nasci ex interiore vena, mox vt thoracem egressa ad axillam festinat, vt proinde secta nihil aliud quàm interior illa conferret. Tertius ramus ab externa colli vena productus, & in scapularum musculos defleatens absumitur. Quartus humilis eodem in musculum ingentem demittitur, ei plerumque occurrens venæ, quam à basilica in humerum efferri iam diximus. Quod porro externæ istius iugularis reliquum est, quæ iam ad aures sese applicat, variè distractum atque disiectum, alios ramos in faciem & tempora, alios circum aures & capitis posteriora, alios intrò in cerebrum diffundit. Sic autem longiùs quoquouersum progredi videntur, vt dextræ venæ sinistris, priores posterioribus extremis suis obuiæ, in summo vertice concurrant. At qui intrò se inferunt, apud auris radicem quo loci inferior maxilla superiori committitur, viam habent & introitum, quæ maximus in cerebrum patet accessus. Interior autem iugularis sursum ascendens gulæ assistit vtrinque vna: cumque iam ad maxillæ regionem sese extulerit, iis qui effusi sunt ab externa ramulis alios complures immittit atque coniicit: quique hac confusione implicati sunt, alij in fauces & guttur pertinent, alij in eos musculos qui penitus laryngi circūiecti sunt, alij insignes in linguam, alij in palatum & circumductas ori partes. Hinc interiores iugulares supra palatum emergunt, ceruicis intima secutæ dum capitis basin attingant: quo ductu in eas partes quæ inter palatum & basin positæ sunt, ramulos effundunt: quorum tandem extrema desinunt in nares. Ex eisdem ferè sedibus ramulus vnus additur proferturque inter primam & secundam ceruicis vertebra: moxque alter inter occiput & primam summamque

mámque vertebram, qui tamen hinc elapsus in pericranium quibusdam
dissipatur, aliis integer patente foramine in occipitis osse intrò se recondit
per meninges ad verticem diffusus: solet hæc à quibusdam vena puppis ap-
pellari. Reliquæ iugulariũ extremitates, per suturas quæ occiput & os cu-
5 nei copulant euadunt in cerebrum, móxque è basi media eò pergunt, vbi
duplicata crassa meninx cerebrum à cerebello dirimit: sicq; geminationis
illius firmitate suffultæ, sursum irrepunt in cerebri summum quasi fastigiũ,
in quo vacua regio inest quã suprà torcular diximus appellari. Quinetiam
venæ quas dixi apud aurium radicem intrò inuehi & inferri, mox propa-
10 ginibus multis dispersæ, à lateribus media inter caluam & crassam menin-
gem via, in vnum quoque torcular omnes vtrinque commeant. Hic enim
locus est in quem cerebri alimentum magna ex parte confertur: è quo de-
mum id riuus tenuissimis, quos iam venas vix ausim dicere, in omnem ce-
rebri substantiam profunditur. Quin & illi riuus iuxta cerebri glandem te-
15 nuissimè dissecti, in priores ventriculos concedunt, ibique exilibus arte-
riis implicati, contextum illum struunt atque componunt, qui à Chorio,
id est à secundis fœtum inuoluentibus nomen habet. Ea nimirum est om-
nis venarum in caput & cerebrum dispersio: nunc autè ad eas redeundum
quæ in brachium directè feruntur. Basilica vena statim vt ex ala exce-
20 sit, in amplum humeri musculum & in eos ferè omnes qui illi assistũt, pro-
paginem mittit, inibi penitus exhaustam: reliqua tota aliàs simplex aliàs
gemina ad inferiora obliquè deflectit, atque subter cutem emergēs ad cu-
biti nodum festinat. Quò tamen priusquam adueniat, in medium cubiti
flexum venam traicit manifestam, ex qua solet ea quodammodo nasci,
25 quam mediam mox appellabimus. Hinc longiùs procedit basilicæ trun-
cus, eoque interim viâ spacio ramos dispergēs in interiores cubiti muscu-
los, subter cutem ad carpum accedit, vbi in venas còplures neque eas qui-
dem obscuras diffinditur, quarum fit ad minores inferioresque digitos di-
stributio: è quibus multis nominibus ea celebratur, quæ inter medicum &
30 minimum digitum interiicitur. Cephalica altera brachij vena, à clauibus
per cervicis musculum flexuosa declinat in humerũ, à quo mox recto tra-
mite deorsum contēdit, simulq; venas prætenuas spargit in partes eas quas
peragrat. Cùm autem in nodum cubiti proximè appulerit, tripartitò secta
ramum vnum in brachij superiores musculos recondit: alterum in cubiti
35 flexum obliquè detorquet, qui manifestè conspicuus cum altero coitionē
facit, quem nunc diximus eò quoque è basilica traici: fitque istarum con-
gressu media quædam vena, omnium in cubito extantium maxima. Ter-
tium autem ramum efficit reliquus processus, qui per externam cubiti re-
gionem in carpum excurrit, frequentique sobole in superiores manus di-
40 gitos effunditur: in quibus ea numeratur, quam inter pollicem & indicē
confertam, capitis venam dixere. Caterum media vena è brachij flexu di-
scedēs radium ascēdit, euadēsq; in externa, ramis diffinditur duobus: è
quibus alter deorsum deflectens, riuulis basilicæ suos quoque permiscet:

Ad interio-
ra capitis.

Venarum
brachij di-
uisio.

Cephalica

Mediana.

Saluatella

e alter

Distribu-
tionem va-
riari,

alter sursum euectus cephalicæ ramis se complicat & inserit. Hæc venarum esse solet in brachium & manus distributio, quæ tamen in non paucis variari cernitur, & nonnunquam eiusdem hominis in dextro ac sinistro dispar. Plerunque vena nulla existit media, est qui cephalicam, est qui basilicam in apertum non proferat: deprehensum quandoque eam quæ pollicis afflittit à basilica, eam autem quæ minimo digito accumbit à cephalica deriuari: tanta videlicet in iis ostenditur naturæ varietas, ad quæ nulla necessitatis lex cogit: atqui non in venis vt neque in stirpibus vna semper & similis est necessaria fruticantium ramorum proiectio. His omiſſis tempestiuum iam fuerit venarum inferiorum propagationē explicare. Vena caua simul ac è iocineris conuexo expromitur, ramum ingentem ad inferiora lumbosque contorquet: quos antequam attingit, pendulus is etiam tum & veluti appensus, prætenues alios ramos in thecas & inuolucra renum, atque in adiecta illis corpora vtrinque profert. Continuò autem vt ille lumbis infedit, in renum corpus eas venas infert, quas dixi iunioribus emulgentes appellari: à quibus plerunque fibræ tenues in ipsa quoque inuolucra cōcedunt. Ab emulgente sinistra vas exit seminarium, quod multis flexibus in testem sinistrum abit: dextrum autem vas non item, sed ex ipsius cauæ trunco maiore duci solet. Iam verò cū sub renes truncus hic peruenerit, ad dextram læuamque exiles venas spargit in trāsuerſos abdominis musculos, & in omnes ventris partes inanes, quæ inter costas aduterinas & suprema coxarum ossa mediæ interponuntur. Præter quas aliæ in singulas lumborum vertebraſ vtrinque permeant, per ea vertebrarū foramina se inferentes, per quæ diximus neruos foras excidere: atque ex his aliæ tenui membrana cinctæ in spinæ medullam, aliæ maiores in eos musculos erumpunt, qui spinæ extrinsecus accubant, hinc simul in externa posterioraq; corporis lōgè latèq; diffusæ. At ipsa vena caua cū ad postremam vertebram ossisq; sacri initium appulsa est & adducta, in duos tota finditur ramos amplissimos, in crura obliquè prolapsuros. Quò priusquam pertineant, plurimas in circumiecta loca coniugationes ædunt: primam quidem retrorsum in interiores lumborum musculos: secundam exilem in proximas peritonæi partes: tertiam in os sacrum & instratos illi musculos: quartam in podicem & rectum intestinum, in quibus hæc numerantur, quas hæmorrhoidas præ cæteris nuncuparunt, quāquam inter eas quæ ferè septem sunt, vna ex loco medio disunctionis ramorum venæ cauæ prodire solet. Quinta coniugatio ad vesicā eiusque ceruicem flectitur: eadēque mulieribus ramos alios in vteri fundum, alios in eius partem imam atque ceruicem demittit, qui ipsos quoque testiculos quadam ex parte ambiūt. Sexta in musculos rectos effertur abdominis, per quos deinde in thoracis cartilaginē & imam regionem mammarum euadit, extremis partibus occurrens iis venis, quas paulò antè dixi ab axilla in thoracis externa demitti: vnde intelligitur venas quæ ad vterum & quæ ad mamas prouehuntur, ex eadem aut ex proximis inter se radicibus deriuari. Septima in os

Venæ emulgentes

Ad lumborum regionem.

Venæ cauæ in lumborum disiectæ remptus. Decem venarum coniugationes


os pectinis eiusque lacertos: octava ex commissura ossium pectinis elapsa, in genitale tum maris tum foeminae pertinet. Nona in musculos crurum interiores figitur: decima subter cutem ab inguinibus per ilium regionem ascendens, iis venis fit obuia quae extrinsecus per thoracis latera deorsum trahuntur. Reliqui amplorum ramorum ductus, in suum quisque crus proficiscitur: atque sub inguine productio quaedam emittitur in priores femoris musculos, per quos sparsa omnis dissipatur: altera subter cutem per interiora femina deerrat, ampla illa quidem & manifesta, à qua complures riuuli in subditas regiones penitus deducti sunt. Hae eadem paulo super genu tripartito finditur, ramumque vnum per priorem & anteriorem tibiae regionem recta deiicit in subiectum malleolum, ubi clarus atque conspicuus, saphaea dici solet. Alterum maximum per poplitem recedit in abditos atque posteriores cruris musculos, ubi frequenti ramorum sobole disperditur. Tertiū per cruris posteriora retorquet, qui dein sub cute per externam tibiā in subditum malleolum decurrit: longius autem progressus, supra infraque in minores digitos abit, quemadmodum primus extremis riuulis maiores pedis digitos circumplicat. Medius is qui per poplite abit in suram, ferè bifariam scinditur, & extrema ferè duo difficit, alterum ad inferiora, in superiora alterum, qui vtrinque assidentium venarum riuulis implicatur. Hae vniuersae sunt quae de venarum distributione atque numero dicenda videbantur: nam quae ex vmbilico in iocineris concaua irrumpunt, vietae iam atque emeritae, in venis habendae non sunt, vt neque in foetuum secundis quaecunque innasci solent & fruticari, corporis partes censeri debent.

Venae in crura distributae.

Saphena.

De arteriis.

Cap. XII.



ARTERiarum non longè impar nec dissimilis est atque venarum descriptio. Spiritus enim vitalis in omne corpus effusi, cum haec canales sint atque ductus, debet vtiq; in omnes partes corporis deriuari. At nihilominus arteriarum quam venarum minus frequens est propagatio, quod sanguis crassior in exiguas proculque remotas partes, vix nisi venarum ductibus possit comere: spiritus autem sanguine multo tenuior ab extremis maiorem arteriarum elapsus, per caecas occultasque partium vias, in distantiora possit euadere, nullo in id arteriae adminiculo indiges. Hinc fit vt arteriam semper vena comitetur, nisi cum ortus varietas eas coniungi non permittit: arteriam enim quae ex corde secundum spinam delabatur vena nulla sectatur, vt neque eas quibus contextus ille struitur admirabilis. At non peraeque vnaqueque vena comitem arteriam obtinuit, tum quod diuersa origo id plerumque non finit, tum quod in complures partes exiguas maximè sub cutem diffusae sunt venae, quibus nulla erat arteriarum necessitas. Itaque insignioribus & magnitudine praecipuis venis, vbicunque natura potuit, comites dedit arterias: quod qua ratione in

Arteriarum vsus.

Arteriae cur quam venae pauciores.

e ij singulis

Arteriæ ve-
nosæ,

Ramus ar-
teriæ supe-
rior,

Arteriæ
ad brachia

Iugulares,

Ad caput,

Ad cere-
brum,

singulis effecerit, definiendum deinceps breuiterque describendum. Ex læ-
uo cordis ventriculo vas prodit amplum, quod omnium arteriarum tan-
quam truncus & stipes habetur: arteriæ autem ex eodem in pulmones eie-
ctæ, simplicique tunica venarum modo conditæ, huic pro radicibus erūt:
ijs nempe venis comparatæ, quæ ex mesenterio in iocineris portas ducūt,
vehuntque alimentum, sic enim & ipsæ ductum de cælo haustumque in
pulmones spiritum cordi subministrant. Cæterum truncus is quem dixi,
protinus vt è corde profiliit, duas arterias in illius ambitum reflectit: alterā
in mediam eius regionem, alteram ad basin circæque dextrum ventriculū.
Mox totus in duos eosque dispariles ramos diffinditur: quorum qui am-
plior, in quintam dorſi vertebram in læuum torquetur, inferas corporis
partes peragraturus: in partes autem superas quod eæ minūs multæ essent,
minor alter effertur. Hic itaque pulmone sustentatus ad iugulum pergit,
ipsaque via ramum profert in alam sinistram, ex quo interim propagines
defluunt. Vna quidem in tria suprema costarum interualla, quæ extra tho-
racem elapsa ad spinæ musculos posteriores sese applicat. Altera in pectus
& mammas ad extremas vsque costarum cartilagine effusa: tertia in fora-
mina supremarum sex in ceruice vertebrarum, pariter cum vena comite
ad medullæ membranas adducta. Reliquus hic ramus in scapulam & bra-
chium sinistrum sparsus euadit, basilicam venam plurimum sequutus. Sti-
pitis autem pars maior ad iugulum contendens, à læua dextrorsum refle-
ctitur: quæ cum ad ingentem glandem, cui ganglio nomen est, peruene-
rit, ramum vnum ad intimam iugularem sinistram, alterum ad dextram
porrigit: externæ siquidem venæ iugulares, coniuges arterias non accepe-
runt, vt neque cephalicæ, quas per humerum in brachium proferri dixi-
mus. Huius demum arteriæ quicquid reliquum est, necdum supra clau-
es egressum, in dextram axillam iter habet, pares obiter nec dissimiles propa-
gines spargens atque ea quam diximus ad læuam deflectere. Ex quo per-
spicuum est, dextrum arteriæ ramum longè æditorem sinistro existere.
Carotides porro duæ arteriæ posteaquam supra claues cū interioribus ve-
nis iugularibus in ceruicem emerſerunt, sursum rectā festinant, quo tractu
in singularum vertebrarum foramina riuulos ædunt, qui medullæ mem-
branis impliciti pariter cum illis in caput efferuntur. At carotides ipsæ in
maxillæ confinio bipartitò scinduntur, vt vtriusque pars vna retrorsum
& in posteriora, altera in priora & aduersum spectet atque flectatur. Quin
& huius duo insuper fiunt rami, alter in linguam & interiores maxillæ la-
certos, alter foras eminens propter auriculam in temporum musculos ef-
funditur, qui demum in verticem summum ascendens, oppositæ arteriæ
extremis implicatur. Pars verò quam in posteriora flecti dicebam, duos æ-
què ramos promit magnitudine præcipuos, quorum qui minor apparet
per extremū futura à Λ. nomen assumentis, irrepit in caluā ad cerebelli ba-
sin, hoc tamen trāsitu dispersis in partes circūiectas ramulis. Maior ramus
partim per id foramē quod apud infimā est auriculā, permeat in caluā, eò
quidem

quidem deductus vbi geminatio est crassæ meningis: partim sursum ad cu-
neum & cerebri basin euehitur, in multas exilésque arterias diductus, quæ
variè vtrinque insertæ atque implicitæ nullius membranæ interposito, cõ-
textum admirabilem cõstituunt, cerebri basi substratum, atque in osse cu-
5 nei reconditum. Ex hoc demum arteriarum contextu tanquam ex radici-
bus in stipites concursantibus, arteriæ duæ surgunt, quæ per crassæ menin-
gis foramina scandunt in cerebrum, mox subtilius dispertitæ, aliæ in cere-
bri corpus euadunt id ipsûmque ambiunt: aliæ in eius ventriculos produ-
cuntur, quæ assumptis pariter venarum & arteriarum fibris è summo tor-
10 culari delapsis, contextum illum choroidem componunt. Hæc omnis est
arteriæ in superiora distributio. Ramus alter totius arteriæ, à quinta dorsi
vertebra in quam ex corde deflexerat, secundùm spinam ad os vsque sacrû
decurrit, semperque ad læuam paulûm declinat, vt œsophago in thorace,
& venæ cauæ per lumbos incedêti, det locum. Primus in tanta productio-
15 ne ramulus editur in eam pulmonis regionem, quæ spacium inter quintâ
vertebram & cordis basin medium implet, cuius extrema in asperam arte-
riam sursum adducuntur. Alij deinde rami in singulas vtrinque vertebra
exeunt, quorum propagines aliæ in costarum interualla proferuntur, in
cõsque musculos foras euadunt, qui priori thoraci extrinsecus insternûntur:
20 aliæ ferè bifariam sectæ partem non modicam ad spinæ dorsique exterio-
res musculos, partem alteram in spinæ medullam vtrinque inferût, per ea
foramina per quæ diximus venas emitti, neruos autem expromi. Cum iâ
septo transuerso assidet arteria, duos in id ramos, vnum ad dextram, ad sini-
stram alterum transmittit. Sub hæc autem ventriculo, iecori & lieni suum
25 cuique ramum impertit: ex eis dẽ propè sedibus alios in intestina per me-
fenterium disseminat: nec longè ab his duo prægrandes concedunt in re-
nes, quos nonnullis placuit emulgentes arterias dicere, à quibus fibræ te-
nues in renum thecas desinunt. Succedunt his arteriarum rami, quarum
est in testes transuectio: solet autem quæ ad sinistrum pertinet, aut tota ab
30 emulgente arteria nasci, aut profectò nonnihil ab ea mutuari: quæ verò ad
dextrum spectat ex maiori trunco proficisci, quanquam est cum quippiâ
sumit ab emulgente dextra: procurrunt autem & inuoluuntur testibus hæ
pariter cum venis seminarijs. Vt suprà de venis attuli, ita & nũc illis comi-
tes arterias statuo è singulis lumborû vertebra ad ilia abdominisque mus-
35 culos efferri. Perspicuum satis esse potest arteriæ truncum, multis ramorû
projectionibus maiore ex parte exhaustum, multum iam extenuari atque
minui, cum os sacrum attingit: vbi iam totus in duos ramos finditur, quos
subiecta crura excipiunt. Atque cum ad hunc vsque locum vena caua vt-
pote minor & leuior, arteriæ ampliori ac densiori incubaret, hîc primûm
40 in crura diuaticatis illis, arteriarum rami tuitionis causâ venis inuehûntur.
Ex primis crurum ramis vtrinque arteria vna, adultis quidem arescens &
emerita, per quam conceptui vita tenebatur, permeat in vmbilicum. Hinc
quoque in os latû & illi adiecta corpora, quæ dã excurrunt propagines ve-
e iij nis

Rete admi-
rabile.

Arteriæ
quæ ad in-
feriores
partes.

Ad dia-
phragma.

Ad viscera

Ad crura

Ad vmbili-
cum.

nis similiter distributæ: omnium autem maximè insignes apparêt, quæ in lumborum musculos interiores, in mulieris vterum, in vtriusque sexus genitale, in vesicam & podicem adeunt. Quæcunque post has in crura deuehantur, cum venis maioribus altius demersæ intima permeant, in ramos effusæ & absumptæ, qui neutiquam vt venæ subter cutem extant. Cum enim illarum quàm venarum maior nobis esset necessitas, penitus illas abstrudi atque delitescere tutius erat, & minùs crebra propagatione diffundi. Quid igitur simile inter se, quid diuersum acceperint venæ & arteriæ, ex his perspicuum euadit. Nunc quod integram absolutamque reddat orationem, præstandum, atque de reliquis partibus similibus tractatio superioribus 10 necessenda.

De membranis & cute.

Cap. XIII.



Anta inest in corpore membranarum commoditas, tanta necessitas, vt nullam natura partem prætermiserit, quam 15 membrana non integat, comprehendat & fulciat. Siue enim os est, siue cartilago & vinculum, siue musculus atque tendo, adde neruos, venas, arterias, intestina, viscera denique omnia, proprijs quibusdam membranis conuestita, & ijs veluti conclusa cõtineri cernuntur. Has quidem ex vfu atque officio, quod veluti tegu 20 menta partes singulas ambiant atque definiant, tunicas propriè dixerunt. Præter quas tamen aliæ quædam partes disternunt, aliæ sustinent, connectunt aliæ, quibus commune membranarum nomen est inditum. Ad hoc genus referri minimè possunt tergora ea duo, ex quibus cõditus est venter, vt neque ea ex quibus intestina constant atque vterus, vtraque 25 fica, venæ & arteriæ: quæ quanquam nominis inopia tunica dici solent, Græcis χιτῶνες, longissimè tamen ab earum quas tradimus natura recesserunt. Illæ siquidem propriam ventriculi, vteri, & aliarum quas dixi partiũ substantiam complent. Hæ verò partes integrè iam formatas cõuestiunt, disternunt aut sustinèt. Illæ ex proprijs fiunt villorum productionibus, 30 quorum ope naturales attractionis, retentionis, aut expulsionis motus obeuntur. Hæ nullum villorum genus nouerunt, sed sui vndique similes omnis motus naturalis expertes sunt, solius sensus compotes. Discriminis hoc postremò argumētum efficax, quod ventriculus, intestina, vterus, ceteraque eius ordinis, cum ex proprijs tunicis tanquam ex substantiis composi 35 ta sint, hoc tamen insuper membranæ genere teguntur, quod firmè cohereant, teneantur, & sensu polleant certiore. Quas itaque hoc loco propriè membranas appellamus, sunt eę quidem tenues & leues, ne quas obuallat partes pondere suo premant: densę tamen ac robuste, vt arcere possint externas iniurias, ipsamque partium substantiam continere ne fusa dissipe 40 tur. Latissima in his differentia spectatur, prout varia est partium quibus addictę sunt natura. Alię enim simplices sunt tenues & pellucidę, duplices alię crassę & valentes: figura singulis attributa ex loci & partis quibus accom-

Tunicæ.

Mēbranæ.

Tunicarũ
differētiæ.Mēbrana-
rum diffe-
rentiæ.

commodantur conformatione. Ex his verò præstantissimæ quæque quibus partes principes obductæ sunt & obiectæ, proprium nomen acceperunt: reliquarum verò perpaucæ. Pericranium appellatur quæ caluam extrinsecus ambit, duplex illa quidem & firmissima. At scapulas, costas singulas, humeros, brachiorum, manuum, reliquarumque partium ossa, quæcunque seorsum integunt promiscuè atque communiter *περίσσεια* dictæ sunt. Musculum vnumquemque sua quædam membrana sepit & obuallat, eaque simplex multoque tenuior quàm periostium, cuius vniuersum genus nullū adhuc nomen inuenit. Ex interioribus autem quæ cerebrum inuoluunt, meninges appellantur altera crassior, tenuior altera, quarum productiones omnem spinæ medullam, ex hacque ductas neruorum propagationes circumsepunt. Supra quas tertia quædam illis firmior, spinæ fistulam intus succingit: itemque quarta extrinsecus vniuersam spinam tegit & illigat. Quæ quatuor in oculorum sunt structura, proprias appellationes eas fortitæ sunt, quas suo loco explicauimus. Asperam arteriam tum quæ intus, tum quæ foris continet illiusque cartilagine connectit, proprio est nomine destituta: similiter quæ gulam, quæ stomachū oblinat, rursum verò quæ vel pulmones, vel iecur, vel lienē, vel denique renes ambit. At verò quæ thoracem medium dirimit inter pulmones illapsa, dissepiemtem membranam appellauimus, eandem qui uolet cum Festo dissepimentum nuncupet: cuius ima ex parte pericardium nascitur, & è summis mēbrana vtrinque costas succingēs, *πνεύματος* Græcis vocata. Ita propemodum è peritonæo (quod duplex est infimi ventris membrana) tenuiores alię prodeunt, tum quæ diaphragma succingunt, tum quæcunque ventriculum, intestina, iecur, lienē, renes, vesicam, vterum, omentum atque mesenterium contegunt & obducunt, quibus propria seorsum nulla obtigit appellatio. Membranis omnibus prima origo est ex partium quas inuoluunt substantia atque mole, è qua pingue crassumque recrementum foras circum illam emergens ac pedetentim siccescens, dum fœtus conformatur coit in membranam. Accipit hæc robur & omnem sentiendi vim ex neruorum sentientium tenuitatibus in se conspersis, contextuque miro confertis & implicatis, vt iccirco à multis falsò existimatum sit omnem membranæ substantiam à neruis tractam esse. Caterum dictorum fidem id confirmat, quòd è sexta cerebri coniugatione conspicuos cernimus neruos sentientes, & in membranam dissepiemtem, & in eam quæ costas succingit illabi: alios quoque in ventriculi, hepatis, lienis contegentem membranam, maximè verò in peritonæū, è quo demum omnium partium inferiorum tegumenta surgunt. Talis propemodum fieri deprehenditur ad ossium musculorumque membranas distributio, sed quæ tamen sit ab eorum neruorum villis, quos emittit spinæ medulla: adeò vt ex his colligere sit membranarum substantiam, tametsi non vniuersa à neruis defluxit, ab illis tamen omnem sensus potestatem accepisse. Hæc de membranarum ratione satis. Cutis non dissimilem videtur conditionem sequuta, quæ membranarum modo à prima conformatione

Pericraniū

Circa ossa

In musculis.

Meninges

In oculis.

Dissepies.

Succingēs.
Circaviscera & intestina.

Membranarum ortus.

Membranas non è neruis nasci.

Cutis compositio.

tione ex femine cōcreuit, vt corpus vniuersum obiret atq; circūdaret, tātō reliquis membranis crassior, quanto corporis vniuersi moles amplior: at paulo rarior quidem effecta, & crebris exilibusque spiraculis peruia, vt interiorum exhalationi pateret: mediam inter carnem neruūque naturam adepta, existimari potest ex paribus quodammodo eorum portionibus cōponi. At reuera propria illius substantia qualem dixi ex femine traxit originem: sed quam tamen subditarū venarum & arteriarum extrema subeunt, quod alimentum spiritūque profundant. Eodem neruorum tenuitates ē subiectis partibus inferuntur, compluribusque locis longa propagine cōspersi apparent, per quos cuti tangendi sensus asciscitur. Super hanc quæ 10 vera est & germana, altera veluti exile tegumentum posita est, quæ summa cutis & cuticula nobis, Græcis *ἐμδαμνός* est. Densior quidem quam vera, ab exiccatis illius fordibus non ex femine procreata, quam per exustionem ignium vi oborta pustula, conspicuè cernimus à vera cute diuelli, atque in interfrigine discerpi & atteri. Cōtextu illa perpetuo vniuersum corpus ob- 15 tegit, nisi quæ perforata vel exitum vel introitum præbet in corpus, velut in auriculis, naribus, oculis, ore, genitali, atque podice. Cum subiectis partibus illa quidem minimum habet commercij, sed dūtaxat ex neruorum, arteriarum, venarūque fibris velut appensa, illis cohærescit, vt iccirco tota propemodum detrahi possit. Pauca enim partes sunt quæ nō deglubea- 20 tur. In fronte sic cum suo musculo implicita cutis coiuit, vt omnem volūtarium illius motum sequatur, qualem & reliqua penè tota facies accepit: vix enim hanc aliud esse iudices, quam summam musculi faciem vehemēter siccata & quasi torridam, Veruntamen in labris non is modò coitus, sed tanta inest confusio, vt neque muscolum, neque cutem seorsum queat 25 sensus internoscere. Eius propemodum generis ingenerata est manū pal- mis plantisque pedum, tum vt adprehendēdi munus quoquouersum ap- tius inflecterentur, tum vt tangendi facultate exquisitiore pollerent: alibi vt dixi nusquam confusa subiectis partibus prorsus adhærescit.

Cuticula.

Cutis fora-
mina.Vbi cutis
hæreat sub-
ditis parti-
bus.

De carne mollibusque partibus.

Cap. XIII.

30



Caro quid

Caro tri-
plex.simplex
caro.

Olidas atque præduras corporis simplices partes iam omnes videor attigisse, vt nunc mihi de mollioribus quæ carnis speciem habent dicendum superfit. Ne hîc autē à vulgato nominum vsu discedam, placet id molliorum par- 35 tium genus vniuersum, vna carnis appellatione completi. Simplex ea nusquam inueniri potest quæ per se ipsa cōsistat, sed solidioribus villis adnata atque circumiecta, vi sua & multitudine concretam ex se molem vniuersam, carnis nomine designat. Vniuersi autem eius generis ambitus in tres tribui searique solet differentias: vna 40 musculorum est quæ propriè caro dici debet, altera glândularum, tertia viscerum quam Græcis *πνεύχυμα* vocari diximus. Musculorum caro tota sanguine madet quo plurimo perfunditur, & vnde suam ea originem duxisse existimatur.

existimatur. Non enim aliud atque sanguis esse videri potest, qui circa villos concrefcens inanitatemque inter eos mediam implens & quasi infarciens, robur ijs accersit & continet, ne per motus periclitentur. Quocirca satis videor de ea trāsegiſſe, quum omnem muscutorum numerum atque
5 summam recensui: nisi quis præterea inde discrimina quædam statuenda putet, quod alia humida sit, mollis, laxa, rara, aut spongiosa: alia è contrario sicca, dura, astricta, densa, aut compacta. Neque profectò diuersi cuiusdam ea generis (quanuis sit purior) censeſci debet, quæ aut gingiuas, aut maiores oculorum angulos implet, vt neque glans obſcœnarum partium in
10 extremo posita. Glandularum porrò ingens est numerus, quæ cum omnes ex crassa densaque materia concreuerint, hoc tamen discrimine ſeiunctæ apparent, quod aliæ alijs sunt rarioreſ, neque omnes vna pariliſque ſubſtantiæ ratio comprehendit. Hinc & illarum vſus diuerſus euadit, magna varietate diſtinctus, quæcunque denſiores sunt præter alias commoditates,
15 in locum fiſſionis tum venarum, tum arteriarum quaſi pro firmamēto coniectæ sunt: quæ verò mollitudine ſua ſpongiam quodammodo referunt, eas natura quibuſdam vel gignendis vel recipiendis humoribus accōmodauit. In hoc genere eæ numerantur, quæ circa linguæ radicem poſitæ, perpetuo quodam munere ſaliuam eructant: & eæ rurſum multò maiores, quæ laryngi vtrinque aſſidentes linguam & os ſubditasque partes mado-
20 re proluunt. Haſ latinis tonſillas Græcis *παριδμια* appellari diximus. Huic quoque generi aſcribuntur, quæ in mammis ſunt frequenteſ, laxæ, turgidæ, dum præſertim lacte circūfluunt, aliàs verò denſæ & contractæ. Finitimi teſtes hiſ ſunt, quorum tamen ſubſtantiam ad viſcerum rationem ſpectare credibilius eſt. Prioris autem generis ſunt, in cerebro quidem *κονάειον*, & glandula pertuſa quæ ſupra baſin in peluiſ cauo collocatur, deinde parotides iuxta aures collocatæ, & ganglium *δυσμυ* Græciſ vocatum, ſub iugulo parte ſumma pectoriſ: tum præterea quæ in axillis ſunt ingenteſ, tum eæ ex quibus *πρόγασ* magna ex parte conditur: itēque lacteſ, quo nomi-
25 ne humidæ glandulaſ per meſaræon ſparſaſ dici volūt, atque in ſuper quæ inguinum capacitatem implent: alię denique complureſ quibuſ vaſorum in brachijs atque cruribuſ diductioeſ confirmantur, quaſ ſigillatim percēſere ſaſtidioſum magiſ quàm vtile putaui. Sed neque figuram earum aut magnitudinem perſequi commodum eſt, quæ cum ſit ſua cuique attributa, multiformi varietate diſtinguitur. Iam verò in parenchymate appella-
30 to maior exiſtit diſſimilitudo, non modò ex figura atque magnitudine, verum etiam ex ſua ipſorum ſubſtantia, quæ ſimiliſ & vniuſmodi nequit in diuerſiſ inueniri. Ea quidem ex aſfuſo ſparſoque humore primo ortu compacta eſt, vnde rectè aſfuſio dici videtur: at non vt in muſculiſ ex ſyn-
35 ta, multiformi varietate diſtinguitur. Iam verò in parenchymate appella-
40 to maior exiſtit diſſimilitudo, non modò ex figura atque magnitudine, verum etiam ex ſua ipſorum ſubſtantia, quæ ſimiliſ & vniuſmodi nequit in diuerſiſ inueniri. Ea quidem ex aſfuſo ſparſoque humore primo ortu compacta eſt, vnde rectè aſfuſio dici videtur: at non vt in muſculiſ ex ſyn-
40 to ſolòque ſanguine, ſed vel proſuſ vel plurimùm ex ſemine: atque vt varia futura erat cuiuſque viſceriſ conditio atque neceſſitaſ, ita multiformiſ eſt hæc ſubſtantia comparata. Vniuſ cordiſ parenchyma proximè ad muſculi carnem accedit. Hoc tamen diuortio ſeiunctū, quod duriuſ mul-
tò

Glandulæ.

Glandula-
rum diſſe-
rentiæ.

Parenchy-
ma.

Differen-
tiæ.

tò ac siccus vi seminis circum triplex staminum genus attextitur: illa verò quæ in musculo, non item. Ab hoc iocineris propria substantia est, quam concreti atque torridi sanguinis speciem habere putant, cum tamē palàm sit fieri non posse, vt quod gignendi sanguinis principium statuitur, id ipsum prorsus ex sanguine concreuerit. Ex quo enim sanguine? cum nullus ne maternus quidem, in fœtus vtero gestati corpus addi aptarique possit, qui non antè sit iecoris eius opera confectus? Renes atque testes quaquam glandularum naturā exprimere videntur, in hoc tamē genus parēchymatis ascisci debent, vt qui nō glandularū more arterijs atque venis robur & firmitudinē addūt, sed eximia vi pollēt, qualis est à semine nostri ortus initio, visceri sua cuique cōcessa. At lienis substantia propiūs quā illi carnis naturam emulatur: deinde verò pulmonis, vt idcirco in dubium venire & ambigi non debeat, quin hi sint in genere parenchymatis. Multò grauissimam quæstionem atque controuersiam faciūt spinæ medulla & cerebrū, quæ quoniam in principibus habentur, ortus sui primordia semini vt reliqua viscera accepta referunt, debentque annumerari inter partes similes. At ne diuersum in his genus præter omnem omnium veterum sententiā constituendum sit, in carnis vniuersum genus conijci necesse est. Neque verò id obsistit quòd natura sint frigidiora: etsi enim vt musculorū ita intestinorum nec paucorum viscerum caro omnis calida censetur, non propterea tamen vniuersum genus tale sentiendum est, cum præter cerebrum & spinæ medullam glandulæ complures, quæ tum in cerebro, tum in alijs locis posite sunt, frigida appareant. De venarum, arteriarum, intestinorū, aliarumque partium carne, quæ propria cuiusque assignari solet, alia posthac disputatio plenior adducetur. Plurima quoque huc alia se ingerunt multis implicata difficultatibus, quæ tamen quoniam nondum in disputandi genus delabor, explicare hoc loco non statui, in suum quæque ordinem posthac relaturus. Hic tamē postremò ad futuram aliquādo disputationem animaduertendum duxi, non omnem spermaticam partem ilico solidam esse, vt neque carnem omnem ex sanguine expressam esse & effectam: sed si in partium differentijs signanda erunt repugnantia, parti solida mollis opponetur, quam plerique carniformem dixerunt, spermatica sanguinea, simplici composita, similari dissimilari, informi instrumentaria, de quibus proprio loco singillatim differetur.

Spinæ medullam & cerebrum in carnis esse.

Non omnem carnem esse calidam.

Partium differentia.

De adipe, medulla, pilis, & vnguibus.

Cap. XV.

35

Adipis procreatio



Embranæ atque cuti adeps copiosus & vberior increfcit: ex pingui quidem & tenaci eaque frigida sanguinis portione genitus, quæ è venis excidens mōxque affusa frigidis exanguibusque membranis, tāquam congelans similiter atque crassius oleum frigore durefcit. Hinc corporibus quibus frigidior est natura, copiosus, calidioribus verò paucus innascitur: qui æstibus, immodicis laboribus, & inædijs fundi atque dissipari solet. Albescit autem

autem ex earum partium natura quibus apponitur & cohæret. Quoniam igitur illi primum ortum cōfert tum sanguinis tum loci in quem incidit natura, horum certè differentia magnam illius dissimilitudinem suscitabit: ut sit alius alio crassior sicciórque, vel tenuior atque mollior. Hos autem nominis varietas toto propè genere disiunxit, ut id quidem seuum appellare mos sit, quod crassius & magis terrenum est: adipem verò qui humidior & liquidior. Vnde cornigera (inquit Plinius) vna parte dentata & quæ in pedibus talos habent, seuo pinguescunt: bisulca scissive in digitos pedibus, & nō cornigera, adipe. Horum enim humidior temperatiórque natura, uti profectò & hominis cuius corpus puro synceróque adipe oblitum est atque delibutum. Neque tamen is passim sui similis, sed pro partis vi & natura dispar. Venter inferior, ut qui magna ex parte membranofus est & longè diffusus à fonte caloris, multo adipe cōfertus est eoque durior ac sicciore, qualis potissimùm renes ambit & obsepit. Quæ sub pectore partes conditæ sunt, minus adipis congesserunt eiúsque mollioris: qualis circa pericardium & cordis basin videri solet. Hac propemodum lege qui circa musculos & cutem, crurum partiúmque inferiorum concrevit, durior sicciórque deprehenditur, quam qui thoracis & brachiorum musculos atque cutem perungit. At nihilominus neque frigidissimis neque sicci-
 20 cissimis locis gaudet, quod cuiusdã sit caloris particeps. Hinc cerebri meningis nullus circumfundit, ut rarò membranas quæ ossa conuestiunt. Sic in hominum naturis qui vel calidissimi sunt, vel frigidissimi atq; sicciissimi, adipem nullum coaceruant, neque huic gignendo idoneam materiã habent in venis: qui verò à mediocritate in frigidum humidúmque deue-
 25 gunt, multò maxima illius copia redundant: & quoniam eorum sanguis totus in adipem proclivis est, non potest cordis immodicus calor illius cōcretionem circa pericardium, quantò minus in reliquis partibus, inhibere & arcere. Quocirca his multò promptius materiæ vis abit in adipẽ, quam cordis reliquarúmque partium calor possit dissolvere. Qui naturę medio-
 30 critatem sunt consequuti, sanguinem media conditione obtinent: atque huius pinguior portio quæcunque in carnosas calidásque partes influet, vi caloris tota dissipabitur & evanescet: quæ verò in membranas infertur, illarum frigore ea veluti congeliat. Iam de medulla. In maioribus hæc ossium capacitatibus concrefcens non minus consistit quam adeps: at maxi-
 35 ximè durefcit quæ in spinæ fistula continetur, eoque magis quo longiùs a cerebro profluxerit, cuius illa ceu stipes quidam est & portio longiùs ex-
 porrecta. Hæc quidem pullius ignis vi liquefcunt aut dissipantur, quin potius soliditatem augment: reliquorum ossium medulla non minus quam adeps calore liquata dilapsaque diffunditur. Vnde intelligi potest quãtum
 40 illarum inter se genera distent. Itaque quibus animantibus ossa nō ut leonum vel aquilarum robustissima & solidissima esse debuerunt, maxima his interior capacitas interiicitur, cuius gratia cum duritie leuitatem quandam ad motum sunt consequuta. Non tamen inanis ea derelicta est, sed medulla

Differetia

Seuum,

In ventre.

In pectore

Vbi con-
 crescat &
 quibus de
 causis.

Aliam cea-
 rebri &
 spinæ, aliã
 ossium es-
 se medul-
 lam.

medulla multa refertur, quæ ex cōmuni ossiū alimento per tenues venas
 eò penetrātes affluente, illic conditur atque reponitur, quæ deinde sensim
 multoque tempore præparationem accipiēs albescit atque cōcrescit, dum
 sit idonea ossi nutriendo, cuiusmodi in humerorum, brachiorum, femo-
 rum atque crurum ossibus plurima comperitur. Reliqua omnia in quibus
 ingentes illæ cauernæ non insunt, seu quòd gracilia, seu quòd minus ad
 motum sint necessaria, in laxitatibus exilibus humorem concludunt, me-
 dulla quidem liquidiorē magisque fūsum, sed qui tamen illi proportio-
 ne quadam respondet. Cerebrum & spinæ medulla alium vt dixi suæ sub-
 stantiæ modum habent. Porro autem vngues atque pili licet in partium
 similiarum numero non sint, consistentiam tamen habent & proprium
 vsum, vt illorum quædam hīc ratio nobis sit inēda. E summis digitis vn-
 gues emergunt, tanquam clausulæ eorum tendonum qui ad extremos di-
 gitos desinunt. Ab his enim excrementi & eluuei quiddam semper ema-
 nat, quod in vnguium radices confluent, materia fit illis perpetuò augetur
 15 tibus. Lati quidem facti & modicè duri, vt summis digitis firmitas confer-
 retur ad exiguorum corporum apprehensionem. Sic pilis ex crassiore &
 fuliginosa humorum eluuei ortus ducitur, quæ per angusta cutis spiracu-
 la tanquam foras propulsa, impacta hæret in transitu, vt non sponte vacua-
 ri possit, sed alia rursus è profundo sublata hanc ferit impellitque, tum
 20 hanc rursus alia, & multo tempore coniunctæ aliæque super alias impa-
 ctæ, corpus quoddam reddunt & conformant angustum ex transitus an-
 gustia stipatum: quod denique à sui simili eluuei vehementer ictum foras
 propellitur, iam veri pili formam adeptum: hūncque in modū quasi suc-
 crescendo semper augetur. Non omnibus æquè locis prouenit, sed his
 25 maximè quibus cutis sicca calidæque plurimū inest: frigida enim & hu-
 mida huic proferendo continendoque ineptissima. Vbi sicca duræque cu-
 tis, vt in capite atque mento, prolixior rigidiorque pilus profertur, & in
 animantium genere ijs ferè, quibus tergora densa sunt & dura, vt capris, vt
 suibus. Pilorum & vnguium radices tenellæ sunt & molles: quod verò ex
 30 cute extat, validum ac prædurum. In homine pili partim simul, partim po-
 stea gignuntur. Ingeniti quidem sunt in capite, sed propriè in palpebris &
 supercilijs, quos ab ortu pari semper magnitudine natura custodit, & ne
 augerentur in durissimam & similem cartilagini cutem infixit. Stabiles hi
 quoque & erecti non ad decorem modò, sed vt vallum quoddam oculis
 35 obiecti, ne quid extrinsecus incideret, aut è capite deflueret. Qui post gi-
 gnuntur, primū erumpunt in pube & ano, mox in alis, postremò viris in
 mento, atque hi quidem vt omnes qui reliquo sunt corpore, tum ornatus,
 tum tegumenti gratia producti. His iam finem facio, quòd decursa &
 planissimè exposita iam videantur omnia, ex quibus admirabilis compa-
 40 ratur fabrica membrorum, solersque partium descriptio atque historia
 contextitur.

Confectionis

Confectionis ratio. Cap. XV.I.



Artium corporis humani enarratio eum cursum exitumq;
tenuit, qui seorsum singulas, primum similes atque simpli-
ces, deinde compositas explanaret: sic enim existimaui-
mus omnia magis perspicua futura, si ad naturæ imitatio-
nem ex simplicium æstimatione compositi cognitionem
caperemus. Quisquis volet quæ antè conscripta sunt dilucidè consequi, si
bique in apertum & ante oculos ponere, eam quam monstro sæpe viam te-
rat, & alio cadauere musculorum, deinde ossium exiccatorum aptisque
compagibus reuinctorum, alio viscerum interiorum confectionem insti-
tuit, alio venarum quam à iecore, alio arteriarum quam à corde inchoa-
bit: alio denique nervorum quos à cerebro atque spina in sensus artusque
singulos studiosè diligentèrque prosequatur: hæc enim summa est & con-
ducibilis inuestigandi ratio. At plerique omnes ex vno eodémque corpore
omnia aut certè quamplurima sibi commostrari rogant, quorum hunc
desiderio satisfactorius, quo quæq; loco, quove ordine, qua industria (nul-
la earum partium quæ variè implicita sunt aut disrpta aut confusa) exhi-
beri possint & expromi, ad dicendum aggredior. Cadaver in primis dele-
ctum sit bona carnis habitudine, integra constantique ætate, statura me-
diocri & apposita, incorruptum & partibus omnibus absolutum, nec mor-
bonec vulnere interemptum, verum suspendio, stragulis, aquave extin-
ctum. Id præcelso editoque scamno volubili collocabitur, medio theatro
perflabili, confidente spectantium corona, instructi paratique consector-
es & administri, qui ad manum & in promptu habeant nouacula, scal-
pella, vncos, stylos teretes, ferras, terebras, malleolos, acus, funiculos, mo-
diolos & spongas. Qui autem confectioni præest, enarrata principio hu-
mani corporis dignitate, qua id cæteris præstat animantibus, eoque tres in
ventres & in artus distributo, omnes horum externas sedes explicet, quæ-
que illis veteres tum Græci tum Latini nomina indiderunt. Hæc præfa-
tus, mox de vniuersa corporis cute deque ei subdito adipe dicere instituat.
Quod dum facit iubeat inferiorem ventrem aperire atque detegere, adhi-
bita nouacula cutem findere è medio pectoris osse ad os vsque pectinis:
rursumque per transversum è laevis ad dextra ilia, vt communis linearum
sectio cadat in umbilicum. Sublata dein cute, umbilico autè intacto, ge-
mina cutis exhibenda, epidermis densior, vera quamvis crassior rarior ta-
men & crebris foraminibus peruia: mox qui huic adeps obhærebat in cõ-
spectum se dabit. Ab his musculorum abdominis explanatio facienda,
quo interim spacio administri, octo musculos suo quosque ordine secer-
nent, eas venas in rectis intactas seruantes, quæ ex pube in mammas efferũ-
tur. Post hæc de peritonæo dicendum: quod tum exemptis omnibus qui
in abdomine sunt musculis, consectores solum atque nudum relinquent:
aut saltem id similiter atque cutem lineis duabus secabunt, extremis huius
in coxas & hypochondria retortis, vt totus iam venter inferior detectus

Anatomes
modus.

Anatomi-
ca admini-
stratio.
Cadauer.

Instrumẽ-
ta.

Narratio.

Ventris cõ-
sectio.

Pag. 18.

Pag. 21.

f in

Vmbilicus
Pag. 53.

Omentū,
membrum
subum

Intestina,
Pag. 23.

Mesenterium.

Ventriculus.

Cystis fellea.

Multorum
observatio

in conspectum veniat. Succedit de vmbilico brevis quādam expositio, quæ dum fiet, ministrorum erit vmbilici vasa separare & expurgare. Hæc quoniam complura sunt aduersis disiecta locis, ne fortè intestinorum cōfectione pereant, diiungi debent, & venæ quæ in iecoris caua pertinent in dextrum hypochondrium, arteriæ verò & ductus qui ad fundum vesicæ spectant, in pectinem vel inguen reclinare. Aperto ventre infimo, innatans omentum conspicitur: quod recitatis iis quæ de eo iam conscripsimus, duplex proponatur, eiusque ad vētriculum & cōlum intestinū adhæfio. Id mox eximatur, quoniam nōdum eius vt neque venarum potest orrus conspici. Priusquam autem aliò res procedat, decet hoc loco intesti-¹⁰ norum viscerūque omnium situm speculari, vt his nondum à naturali fede dimotis, obseruare liceat quæ partes quibus in cute locis, subditæ sint atque respondeant: quod quidem non leue momentum ad medendi artē obtinet. Deinde verò suscepta intestinorum narratione, confectores id quod rectum appellant, eo loco vbi ad coxam sinistrā eminet, locis duo-¹⁵ bus obstringent funiculis acu traiectis, mediòque inter hos spatio illud execabunt, mox intestina omnia à mesenterio sensim scalpello diuellent & quasi dissuent, seruato quidem quāmaximo licet mesenterio. Simul autem obseruare conuenit situs adhæfionēque singulorum compluriūque vasorum insertiones: è quibus ne fortè præter modum sanguis effluat,²⁰ tutum erit venam quæ ad portas est iecoris vincire, citra vllam aliorū perturbationem. Vt autem ad ieiunum intestinum propiùs accedatur, id antequam sub venam quæ ad portas est se coniiciat & recondat, duobus itē vinculis excipiendum erit, mediòque spacio consecādum, vt ilicò omnia intestina hinc in modiolos transportentur, in quibus demum quisquis vo-²⁵ let possit exemptorum substantiam, figuram, tunicas, villos, reliquāque omnia nullo periculo nullòque labore contueri. Nunc autem viscera omnia denudata se produnt, quæ tamen quò se apertiùs ante oculos proponāt, sanguis qui in ventris capacitatem ex occulto influxit, omnis hauriendus & spongiis exorbendus est, ac in modiolos exprimendus. Explican-³⁰ dum deinde est mesenterium cum septem venis quæ in portas confluunt: quod eo interim tempore à ministris pandetur atque extendetur, vt quæ dicuntur conspicua fiant omnia. Succedit illi pancreas media inter mesenterium atque ventriculum sede. A quo deinde ventriculi sequitur narratio, quem aqua per os & gulam demissa nōnulli impleuerunt, vt suo se tu-³⁵ more manifestius promeret, naturalēque situm teneret. Quem vt omnes conspexerint, pyloron ab eius ima parte deductum, hincque ieiunum per pancreas in mesaræi oras excurrens persequi decebit. Hinc omnibus in suas sedes quantum fieri potest restitutis & inuiolatis, tempestiuum erit bilis vesiculam sermone vsurpare, mox eā sublati leniter fibris iocineris in⁴⁰ apertum proferre, atque eum ipsius tubum quem per pancreas in ieiuni intestini substantiam infigit. Sub hæc verò venam quæ ex portis per pancreas sub ieiunum demersa in mesaræum contendit, & eius in septem ramos

mos enarratam distributionem nunc lucidè contueri datur, sed ramum eū maximè qui ex ingenti illo stipite in ventriculum & lienem concedit, sua comitatum arteria, quæ ab aorta è diaphragmatis sedibus in iecur excedit. Si gracile & extenuatum corpus erit, singula quæ dixi primo statim obtutu oculorum futura sunt obuia, sin obesius, ex trunco in primis qui ad portas est, deinde ex ramis eius singulis, adeps summo digito leniter eximendus, ne quicquam dilaceretur aut pereat. Quæ ut perspecta satis fuerint, pancreas quidem intactum relinquetur: at mesenterium extirpandum & radicibus tollendum est, secta quidem vena portæ sub eo loco quem vinculum obstrinxit, & adacta nouacula per mesenterij radicem, quæ arteriæ maiori in longum adhæret. Hoc ipso autem opere speculari liceat arteriæ & neruum, qui è lumbis in mesaræum diffunditur, simulque primas omenti radices. Obseruandum hîc sedulò ne quod subiectorum vasorum, quæ per ampla lumbis accumbunt, aut punctum aut vulneratum diffuat. Sanguis denuò qui recens illapsus est, exhaustiendus, corpusque omnino siccandum. Iam hoc ordine conducit iecur atque bilis folliculum, mox lienem contemplari, & omnia quæ de illis sigillatim dici solent, seorsum planius commonstrare. Ne tamè ea labefactetur societas qua hæc cum superioribus coniunguntur, nondum discindi aut eximi commodè possunt: aut si fortè id vlla ratione efficere cogemur, prius quæcunque circumstant vasa arctius vincienda sunt, maximèque vena caua mox ut emerit è iecore. Post hæc de renibus & vrinæ viis habendus est sermo: ac tum temporis membranulas quæ illic complures extant quasi exortus tum mesenterij, tum omenti, atque superiorem peritonæi membranam (id enim duplici constare proditum est) adiectumque renibus adipem, adhibitis vncis atque scalpellis confectores circumcidēt & amputabūt. Sic enim nuda & aperta omnia, clariora existent, arteria maior, eique assidens vena caua, nerui vtrinque per lumborum musculos propagati, & quicunque demum processus ab eorum singulis, tum in renes, tum in testes atque vesicam cōtendunt. Quoniam autem in hunc ordinem de renibus & vijs vrinæ mētio debet incidere, emulgens tum vena, tum arteria vincienda est, dextra quàm sinistra potius, quod ab hac sinister vrinæ canalis deriuetur. His tum inde dissecatis vasis, ren dexter extirpabitur incideturque, parte tumētiore, ut qui intus latebat sinus, iā in cōspectu sit, utque stylo terete hinc in canalis insertionē traiecto, omnis ratio exprimēdæ trāsmittēdæque vrinæ cognita sit. Cum autè ad vesicam oratio trāsseretur, cutis ab imo vētre dextrorsum per penis radicē ad scroti extremū interseindetur, detectū nudatūque os peccinins diiungetur, obtusiore nouacula in mediū cartilaginosa commissuræ mallei plūbei ictibus adacta, ipsiq; coxis in posteriora magna vi retortis. Diductis his ipsiq; pene in sinistrū inguē reducto, tota vesica propalā est, & quacūq; ei astāt particula. Spermatice vasa atq; testes iā explicare decet, parteq; sinistra quā integrā reseruauimus, id ipsum vas ab emulgēte per medias peritonæi mēbranas persequi adusq; coxam sinistrā. Inde re-

Renes &
vesica.

Vasa sper-
matica &
testes.

f ij stis

stis sinister abripietur à scroto, penitusq; diducetur, quò manifestius pate-
fiat quæ in eo sunt omnia. Quin & parastates indicandus est intrò ad vesicæ
ceruicem recurrere, & in penis canalem confluere, omnia denique quæ
pleniùs suis locis à nobis sunt prodita. Hæc demum vt eximantur vinciē-
dæ secandæque sunt emulgentes, tollendique renes, item ductus vrinæ, va-
sa spermatica, testes, genitale ac vesica, vena tamen caua & aorta quantum
maximè fieri potest illæsis. Si alicunde sanguis largiter affluet, aut constri-
gendus continuò locus erit, aut consuendus, quantumque sanguinis cir-
cumfluet spongijs combibendus. Porro autem si fortè mulier consecra-
tur, quæcunque de vtero dici debuerunt, modicè sublata duntaxat vesica, 10
hîc apertè monstrabuntur, situs, cornua, testes, canalium insertio, cer-
uix, ostium geminum, omnium denique venarum quæ ad hunc vtrinque
feruntur infixio. Vterum autem vt vnà cum cæteris ministri abstulerint,
solum restabit intestinum rectum, in cuius hæmorrhoidas è ramis venæ
cauæ deriuatas, animum sensûsque intendere conueniet. Hoc tandem cie- 15
cto nihil in ventre inferiore præter venas & arterias reliquum erit. Quo-
circa his duntaxat manentibus velim deinceps ad vitales partes transiri: in
quas dum incumbunt confectores, eorum administri crura interim deglu-
bent ac nudabunt, vt quæ in hæc permeant venarum, arteriarum, neruo- 20
rumque propagines ac muscoli, suo quæque loco & ordine clariùs in con-
spectu & oculis sint omnium, in quibus administrandis non alium cur-
sum teneri velim, quàm qui de illis suprà est à nobis conscriptus. In tho-
race igitur primùm cutis detrahenda, sub qua muscoli, mammarum glan-
dulæ, subditæque costæ enarrari monstrarique debent. Hinc capaci-
tas interior adeunda, ducto scalpello ex punico malo per os medium pe- 25
ctoris in summum iugulum, vt costis deinde in contraria versis ac retor-
tis, dissepientes membranæ (quas diximus geminas haberi) diuelli, & in
suum quæque latus distrahi possit. Id autè si factu operosum nimis & fal-
lax lubricumque videatur, altera dissecandi consuetudo inueterauit, quæ
discissis vtrinq; extremitatibus costarum cartilaginosis, os vniuersum pe- 30
ctoris tollit: quod tamè dum fit cautio adiungenda est, ne vena caua quæ
ad iugulum est vulneretur: simul verò nerui proponentur, qui firma adhiæ-
sione ossis interiora peruadunt. Hinc dissepientem membranam stylus al-
ter in longum, alter in transuersum actus, alioqui lapsuram excipiet atque
continebit. Quibus ita rectè constitutis, omnia quæcunque thoracis 35
capacitas includit recenseri apertèque depromi poterunt. Primùm quidè
diaphragma è costarum extremis natum, iis que suprà subterq; annexum:
deinde verò membranarum tum costas succingentium, tum intersepient-
tium adhesio mutuâq; societas. Quibus apertis pulmones describere con-
templarique expedit, vt ij cor amplexentur, omnemque capacitatem im- 40
pleant: quos tamen qui volet ori folle addito, aère spiritûque distendere, is
præter situm eos quoque motus studiosè comprehendet, qui in viuen-
tibus nobis obeuntur. Ab his pericardium suprà aperietur, obseruato
humore

Vterus,

Partes tho-
racis.

Mammæ,

Thoracis
apertio,Partiū spi-
ritualium
obseruatio

Pulmones

Cor,

humore quem concipit. Mox suscepta cordis tractatione, situs eius omniumque canalium qui tum in id inferuntur, tum ex eo spectant in pulmones, obseruandi. Quanquam autem qui operi explanando præficitur, hic quadam orationis continuatione cordis ventriculos & valvulas, horumque substantiam atque magnitudinem fortè expediuit, nondum tamen cor incidi debet, neque ceterorum quicquam quæ tum illic, tum sub diaphragmate posita sunt diuellendum, ne vno quouis rupto aut lacerto, germana naturalisque cõstitutio vnà pereat. Quocirca istorum vt aliorum complurium plenior commonstratio in posterum differetur. Nunc vero utilis se offert venæ cauæ speculatio, quam minister dextrum pulmonem manu molliter extollens, indicabit è iecoris conuexo per diaphragma sursum commeare, hâcque parte dextra ad iugulū festinare, processuque propagines in diaphragma & pericardium edere, ramo cordis ambitum irrigare, pariete suo sinistro illius dextrum ventriculum subire atque circumplecti: pauloque suprà, venam coniugij expertem in quintam dorsif vertebam deicere, quæ mox deorsum excurrens multis riuulis octo vtrinque costas inferiores alit. Omnibus hanc ipsam constitutionem seruantibus, commodum est de neruis è sexta cerebri coniugatione huc missis verba facere: de hisque rursum qui è dorsif medulla in singula costarū interualla vtrinque porriguntur. Hi enim nunc conspicuè discerni poterūt, vt & ij sanè qui per costarum radices vtrinque ad inferiora contendunt, & qui per dissepientem membranam in medium diaphragma se inferunt, & qui per sterni concaua in diaphragmatis summa apud malum punicum figebātur. Qui autem vnà cum cesophago ventriculum subeunt, posthac apertius eminebunt. Iam pars aduersa adeūda est, sinistèrque pulmo similiter erigendus, vt simulatque arteriarum è corde distributio recitabitur, maioris illius trunci deiectio in spinam, eiusque in duos insignes ramos sursum deorsumque latos diremptus spectetur. Quæ omnia quò cunctis clariora euadant, interim dum arteriarum atque venarum productiones memorabuntur, iugulum atque guttur detegendum adusque oris interiora, findendaque est maxilla inferior, adacto cultro in eam menti commissuram multò arctissimam atque contumacissimam, quæ primores inter dentes confedit. Quod si non facile præstari potest, maxilla infirmiore loco obteri debet, aut ferrâ defecari. Cum autem sic nuda & in medio posita erūt omnia, tum venæ cauæ, tum arteriæ diductio omnis quæ apud ganglium in alas, in humeros, in ipsam denique ceruicem fit, clariùs elucebit. Quòd si illarū productiones in extremū animo est promouere, decet administros per oriū eas in brachijs cõsequutione quadā retegere: at prius tamen cautione quadam vinculis excipiendi sunt rami omnes, statim vt è stipitibus suis emerferūt. Nerui recurrentes hunc iam ordinē tenēt, vtrinque ab arteriarū ramis quos circūplicant, ad laryngē sursum perspicuè reducti. Post hos sunt guttur, larynx, epiglottis, tonsillæ, lingua, & quicunque huc nerui pertinent atque venæ: deinde columella, palatū & dētes, quorū non

Vena cauā

Nerui.

Arteriæ.

Iugulum
& ceruix.

Nerui recurrentes.

Partes oris

Exemptio
partiū in-
teriorum.

Arteriæ et
venæ.

De capite.

minus perspicua est inspectio, quàm expedita atque brevis explicatio. His ita permixtè vniuersèque citra vllam disruptionem aut ademptionem cōmonstratis, expedit demum singula solerter eximere, simulque illa denuò seorsum rimari, quò prorsus & vsquequaque perspicua sint & tanquam in clarissima luce exposita. In primis itaque & vena caua & aorta sub gan-
glio excabitur, prius tamen vinctis vt dixi ramis omnibus qui illinc spar-
guntur, maximè verò ijs qui in cervicem & caput excedunt. Vena caua ea
rursus sede quæ inter diaphragma & cor posita est, ipsa quoque aorta ar-
teria in trunco maiore statim vt ex corde emergit in spinam, discindetur
adhibitis prius vtrinque vinculis. Summa lingua, asperaque arteria tum
demum ab œsophago sensim detrahetur, infixæ nouacula ad dissepiens
membranæ radicem, tota dirimetur adusque diaphragmatis concursus,
deinde verò arrepta sublatæque lingua & aspera arteria, mox pulmones
insequuntur, itémque dissepiens membrana, pericardium, cor, & quæcun-
que vasa in id pertinere diximus: restabunt dūtaxat œsophagus & ramus
aortæ qui spinæ dorsi accumbit. Horum iam extirpatorum debet accura-
tius substantia percipi: itémque figura, magnitudo, partiūque numerus,
quammaximè autem ventriculorū cordis valuularum & vasorum in pul-
monibus constitutio, quæ dum reliqua administrabuntur, ingentilebere
ebulliri poterunt proximo spectatorum conuentu minutatim excutienda
& explicanda. Vt autem quæ reliqua sunt viscera eximantur integrius, ve-
na caua eo loco qui inter iecur & renes medius interponitur discinden-
da: tum deinde œsophagus subdito scalpello vnà cum adhærētibus ei ner-
uis, qui tum manifestissimè se promunt, secernetur, mōxque nouacula per
diaphragmatis radicem acta, id primū, deinde ventriculi, iocineris, at-
que lienis vincula circuncidet. Apprehesa tum gula, multa protinus con-
sequuntur, nempe ventriculus, ieiunum intestinum, iecur, lienis, & venæ
portæ atque cauæ non exigua portio. Hoc autem ipso opere decet ani-
mum ad arterias adhibere, & ad nervos qui ex spinæ compluribus locis in
hæc viscera proferuntur. In singulis cum exempta fuerint, licet substantiā,
figuram, magnitudinem, partiūque numerum seorsum ad vnguem ex-
plorare atque sagaciter inquirere: at situs & connexio non nisi cum om-
nia hærent in corpore, nondum de suis deuulsa sedibus, certò perspicere pos-
sunt. Iam verò extis omnibus sublati, aorta spinæ accumbere adusque
renes sola cōspicitur, in qua complura cernere est earum arteriarum fora-
mina, quas in diaphragma, ventriculum, iecur, lienem, mesenterium, at-
que renes efferri diximus, omnia quidem inter se finitima eo situ vbi ini-
tium est lumborum. Locus sanè & occasio hîc pulchrè offertur ad venarū
arteriarūque in omnes artus distributarum confectionem, hanc tamen
non alia via atque ratione administrandam statuo, quàm quæ suprà est à
nobis exposita. Quocirca de capite præcipiendum iam est. Post eius ca-
pillis atque cutem, plerique solèt caluæ ossa omnesque futuras edifferere,
quod dum fit calua tota ferræ crebris impulsionebus circumciditur, mōx-
que

que sensim extirpatur, ut qui è meningibus per futuras in pericranion emanant villi spectentur. Dehinc autem inito sermone de meningibus, crassior illa vncis sublata, ex fronte in occiput desecabitur, in qua quò turgidiores & illustriores conspiciantur venæ, ceruicis venæ & arteriæ conseruetur arctioribus vinculis obstrictæ. Sub hac tenuis altera meninx similiter vncis extollenda palamque indicanda: hinc proximum erit ostendere ut ambæ inter priores cerebri partes iunctæ demergantur, utque cerebrum à cerebello copulatæ distemperent. Ab his autem cum cerebri completa erit descriptio, pars eius summa ad dimidium ferè minutatim ressecabitur, dum detracta superiore illa medullæ portione, priores intus ventriculi, quique in eis contextus est choroides, patefiant: dumque sensim ablato eo quasi fornice qui ventriculum medium integrit, canalis vermi similis ab hoc in cerebellum traiectus, animaduerti possit oculisque lustrari cū glutij vtrunque assidentibus. Priusquam hinc ultra pergatur, septem nervorum coniugationes explicari commonstrarique sigillatim debent, cerebri quidem lateribus molliter alternè sublatis: hæ siquidem diu incorruptæ manent. At contextus admirabilis ut & certè vermis atque glutia, tridui quatrividue cadaueribus præsertimque strangulatis flaccescunt atque cōtabescunt, vix ut ea clarè detur internoscere. Recens autem extincto animalante cōtextum illum choroidem è prioribus ventriculis persequi conueniet adusque lacunam & cerebri basin, è qua ut crassa meninx euulsa fuerit, glandula in conspectum veniet, sub qua & osse prætenui quod veluti summa est cunei facies, contextus ille mirabilis integer pleniusque cernetur. Postremò autem cerebello detecto ventriculus obseruabitur, illiusque in spinæ medullam deriuatio: itémque venarum & arteriarum extrema illuc ex inferis partibus allata. Quòd si præterea spinam omnem in lōgum diffindere placet, erunt perspicui sanè omnes prodeuntium illinc nervorū exortus, quos qui volet cum musculis consequutione quadam ad extremum persequi, destinatum in id corpus consecabit, eum prorsus ordinem imitatus, quem suprà de neruis ac musculis conscripsi. Sensuum speculari instrumenta nullius est laboris aut industriæ, quin & omnis oculorum compositio non minus ex bubulis quàm ex humanis animaduerti potest. Quocirca hîc iam rei finem pono, cum summa & generalis ratio administrandæ confectionis satis superque explicata videatur: nam singula quæ vnusquisque nullis adminiculis, sed ut dicitur suo Marte minimaque meditatione suffecerit, hîc frustra viderer persequutus.

PERORATIO.

Firmissima artis medicæ fundamenta iactauimus, dum descripta humani corporis confectione, omnes eius particulas singillatim ob oculos proposuimus: quarum cognitio si sensuum fide atque constantia firmabitur, vim quodammodo iam adipiscitur aut communium euidentiumque notionum, aut earum quas Geometræ non demonstrare, sed postulare solent ut sibi concedantur, ex quibus posthac ad demonstrationem

f iiij facilis

Meninges

Cerebrum
& eius partes.

Nervorū
cōiugationes.

Rete mirabile.

Cerebellū

spina dorsalis.

Sensus.

Anatomæ
necessitas
& præstantia.

facilis patebit. Si præterea fructus comoditasque spectabitur, confectio eâ subiectam materiam explicat, in qua omnia quæcunque ars præcipit ver-
fari examinarique debent. Vt enim qui rerum gestarum memoriam repe-
runt, non illas rectè possunt animo concipere, nisi prius locos & regiones
quibus obtigerunt vel sensibus lustrarint, vel sibi quodammodo ipsi co-
gitatione depinxerint: sic profectò si quæcunque solet ars medendi
tractare percipièda sunt, necesse est humanum corpus perspectum
habere, in quo omnia contèplemur & quasi penitus animo cer-
namus. Huc atque illuc errans & vaga est omnis rerû cogni-
tio, futilis parùmque stabilis memoria, quæ in hoc tãquam
folio non confidit atque sustinetur. Res quidem quàm
verba multò sunt constantiores, & quibuscunque vel
morbo, vel etate ingrauescète, vel diuturnitate tem-
poris mentis sensa vaneſcūt, ijs prius nominum
quàm rerû cognitio atque memoria deponi-
tur. Vnde cum tãta in rebus & in locis vis
insit admonitionis, non sine causa
ex his veteres cognitionis &
memoriæ duxerunt disci-
plinam. Itaque vt ad
historia fidem
Geographia, sic ad rem
medicam corporis hu-
mani descriptio
pernoscen-
da.

LIBRI PRIMI DE PARTIVM COR-
poris humani descriptione,

FINIS.

De Elementis Liber II.

PRAEFATIO.



5 VI parcè ac leuiter in philosophia artium omniū
 procreatrice versati, medendi artem discendam
 tradendamve suscipiunt, satis superque se facturos
 10 existimant, si humani corporis anatome decursā,
 è vestigio ad singulorum morborum cognitionē
 curationēque festinent. Hoc dum illi compen-
 dio sibi viam parant, molunturque breuem ac fa-
 cilem artem, in perpetuæ obscuritatis latebram
 præcipientes se deuoluunt, & quasi luce menti ere-
 15 pra, densam noctem ac tenebras ob oculos offundunt. Est enim ipsa ratio
 lux mentis, quam qui despuunt, neque rerum causas intueri, neque quid
 quaque in re verum sit exquirere, neque falsā diiudicare possunt: sed omni
 æuo singulari illo splendore destituti, cæco quodam & temerario nixu sur-
 sum deorsum trahuntur: dissolutam & sine neruis ac articulis huc & illuc
 20 fluctuantem futilēque rerum confusionem animo consequuti, cunctis
 in rebus quasi modò nascentes obhæsitant, nihil ratum, nihil comprehē-
 sum, nihil fixum habentes, sed semper in ancipiti & eo loco stantes, à quo
 leui momēto possint dimoueri. At verò qui admirabili quodam philoso-
 phandi studio concitati, conabuntur in ea curricula venire, in quibus ce-
 25 lebrum virorum impressa sunt vestigia, ij rerū cognitione primū accep-
 pra quæ sensibus obuiam inciderunt, rudi earum contemplatione, mini-
 mum tenebuntur, sed vltra progressi mentis agitatione eò se conferent, vn-
 de tanquam prægressis ex causis illæ suam originem traxisse videantur.
 Hinc sensim penetrabunt altius, donec id tandem cogitatione pertingāt,
 30 in quo expleta mens tanquam in extremo consistat. Quum igitur huma-
 num corpus anatome in partes sensu conspicuas dissolutum iam sit, ab his
 deinceps ad ea transeundum, quæ cogitatione sola discuntur, & altius in-
 uestigandum ex quibus elementis pars vnaquæque condita sit, & quæ sit
 elementorum permixtio, quæ temperatio, quæ vires ac facultates lateant
 35 in illis, & quo spiritu quòve calore seruentur. Quum analysi hæc inuenta
 perceptaque fuerint, compositionis dein ordine cōspicuum fiet, quæ sint
 effectrices omnium causæ, qui ab his gignantur humores, quæ partium
 singularum functiones sint, & quæ naturalis omnium administratio. Sic
 vniuersa contrahetur physiologia, quæ naturalem de homine contempla-
 40 tionem demonstrationis vi constituit.

Nihil fir-
 mum esse
 quod non
 ex causis
 per demō-
 strationē
 cognitum
 sit.

Inuestigā-
 di ratio
 seu ordo
 resolutio-
 rius.

Humani

Humani corporis in partes tum compositas, tum simplices dissolutio.

Cap. I.



Vnum corpus vnum efficit tum continuatio seriesque partium, tum omnium consentiens & in molitionem vnā conspirans illa cognatio. Id autem simplex cum minimè sit, varium efficitur partium diuersi generis structura, & earum multiplici figura: quæ non modò locis disclusæ iacent, sed etiam aliæ ex alijs sunt conditæ, alijsque aliæ figuris insignes, prout sua cuiusque cōditio & facultas poscere videbatur. Itaq; corpus vniuersum, in caput, thoracē, ventrem & artus dirimi distrahive potest, ex quibus coagmentatū apparet, hæc ipsa rursus in alia: caput quidem in faciem, oculos, frōtem, nasum, auriculas, aliq; plura: thorax in pectus, latera & pulmones: vēter in abdomē, subditæque viscera: artus in tota crura & brachia: atque hæc in humeros, cubitos & manus. Rursus verò hæc singula minutius conciduntur, vt manus in digitos & palmam, digiti in alia, vt in cutem, venas, arterias, carnem, nervos, tendones, vincula, cartilaginem, membranas & ossa. Similiter cætera membra qui penitus introspiciet, sentiet vnumquodque in hæc omnia vel certè plurima dissolui, vltra quæ iam nihil vel diligentissima sensuum obseruatio possit cognoscere. Sui enim hæc vndique similia sunt, vnā parilēmque omnino substantiam adeptæ: vnde primū Aristoteli ὁμοιογενῆς, id est eiusdem naturæ partes nuncupantur, quæ simplices quoque dici possunt, in quibus nimirum tanquam sensu minimis corporis dissolutio consistit. Sic quidem vltimæ sunt & extremæ, quæ tamen si compositio spectabitur, primæ fient omnium. Ex harū enim compactione aliæ partes constant, quas ἀνομοιογενῆς, id est naturæ dissimilis appellant, vt plerique simplici nomine illas similes, has verò dissimiles. Illas præterea primas & simplices, has cōpositas, quod illæ istarum gratia habētur, & tanquam materia quædam in dissimilium cōpage & cōagmentatione substernuntur. In compositis modus statuitur, vt hæc minus hæc verò magis compositæ iudicentur. Est autem & cum discernēdo partium gestiones & munera spectantur, atque tum quoniam officiorum actionūque gratia, corporis partes conditæ sunt, omnem eam partem cuius opera communem toti corpori actionem edere possumus, instrumentum licet appellare, & quasi subsidium ad aliquid agendum. Deinde ex actionum gestionūque differentia & ordine, instrumentorum differentia ponuntur. Sic vniuersum corpus animæ instrumentum statuimus, & visionis oculum, concoctionis ventrem, comprehensionis manum, progressus pedes. In his verò & digitus minus est instrumentum quàm manus, & hæc minus quàm brachiū, hoc denique minus quàm corpus vniuersum. Quoniam verò organum non sui ipsius, sed obeundi muneris gratia est constitutum, vt opus efficiat debet apparationem quandam & instructionem in id obtinere, vnde & nomen inuenit. Est autem ea figuræ

Totius humani corporis dissolutio vsque ad simplicitia.

Partes similes & dissimiles. Simples & compositæ. Totius cōpositio ex simplicibus.

Pars organica siue officialis.

Instrumenti ratio.

ræ concinnitas, quæ sua est cuiusque, & qua adempta instrumenti ratio perimitur. Nihil enim quod rude & informe, instrumenti nomine dignum est, sed quod formatum & instructum & aptum corpus est ad opus, id idoneum illius est instrumentum. Quocirca si exquisita petetur nominum ratio, instrumentaria id est formata parti obijcietur pars informis, & *ὁμοιομεγες ἐτερογενῆς*, atque hæc oppositio est in substantiæ genere, illa verò per figuram. Vnde perspicuum est eos rerum genera permiscere omniaque turbare, qui parti (vt ita dicam) similari instrumentariam opponunt, perinde atque si albo dulce contrarium facerent. Sed & ea quæ diuersorum sunt generum, si enuntiantur de eisdem, palam est contraria non esse. Atqui venas & arterias ossaque plurima simili natura cum sint, instrumenta tamen omnes appellant ob figuræ speciem. Ea nequaquam instrumenti ratio est, vt ex partium varietate concretum sit, cum ferream securim opifices plerumque rotam exhibeant, sed vt idonea figura sit instructum.

Neque demum similis corporis necesse est quoduis fragmentum totius appellatione dici. Quo errore quidam abducti, venæ & arteriæ tenue fragmentum, cum viderent neque arteriam, neque venam appellari, dissimilium partium esse censuerunt, ignorantes illa non substantiæ, sed figuratæ substantiæ nomina accommodari. Necesse quidem est similiarium fragmenta similem integris substantiam obtinere, at non illic eadem quoque appellatione dici. Ergo hoc difficultatis vt claudatur, quæcunque in corpore pars diuersi generis apparebit, eadem mox & instrumentaria iudicetur: hoc enim natura prospexit, vt particularum dissimilium compositioni, figuram & conformationem quandam coniungeret. At non sic licet reciprocare, vt quæ pars instrumentaria sit, eadem statim ex varia natura constet, sitque dissimilaris.

Parti simili
lari instru-
mentariam
non oppo-
ni.

Prima ratio.

Secunda.

Tertia.

non ois pars
instrumentaria
est dissimilaris

Quid pars corporis, & quot simplices ac similes
propriè dinumerentur.

Cap. II.



Plurima habet humanum corpus continetque simplicia, sine quibus neque diu, neque conuenienter cōseruari potest: vt spiritus, lac, semen, sanguinem, viles humores, & quæ ab his defluunt superuacanea suis quibusdam receptaculis concepta: præterea ossa, cartilagine, vincula, tendones, membranas, nervos, venas, arterias, cutem, carnem, itemque adipem, medullam, pilos & ungues: hæc omnia quidem simplicia, sed quibus non ex æquo partis appellatio attribui potest. Pars enim, est corpus toti cohærens communique vita cōiunctum, & ad illius functionem vsus comparatum. Itaque sanguinem in venis vel humores toto corpore fusos partes non dicimus, vt neque spiritus impetu cordis impulsos in arterias: hos enim corpora in præsentia non dicimus, illi quæquam sunt corpora vt & oculorum humores, nusquam tamen hærent cōiuncti, sed fluxi deerrant quasi vase conclusi. Siquis humor intus fortè concreuit, hæsitque

Pars quid

Pars corporis quid
Definitio-
nis explicatio.

que ventriculo aut lieni, quia tamen illi verè coniunctus non est, neque communem vitam accipit qua regatur, pars haberi non debet, vt neque calli, neque verruca, neque tophi. Sed neque ex carne tumorem vndelibet erumpentem, licet alatur & viuatur, partem verè dixeris: quia præter naturam & prodigiosè cum sit, nullam functionem nullumque vsum toti, sed potius incommodum affert. Sic neque oculi dimidium, pars est corporis simpliciter & absolutè vocanda, quod nullam functionem nullumque sola officium exhibeat: cuius & aliud argumentum est, quod neque organon neque ὁργανον rectè appelletur. In horum quoque numero habendum est tenue ossis aut nervi fragmentum. Iam verò omnibus hac ceu lege quadam comprehensis, scrutemur num pili & vngues corporis partes & esse & dici possint. Illi quidem è corporis materia cōsistunt, hærentque toti firmissimè, propria quadam circumscriptione definiti, neque profectò præter vsum condonati mortalibus: attamen quod non ita coniuncti sunt, vt communi totius vita fruantur, in partibus corporis non habentur. Non enim illi ossium aut stirpium more viuunt, nec alimento intrò adactò tractòve nutriuntur, nec incrementum in latum & profundum vt in longum suscipiunt, sed materia quadam vice alimenti (proprie siquidè alimentum non est) illis ad radicem posita iunctaque, in longitudinem atque molem ampliorem proferuntur, haud secus atque lapides qui in terra sunt visceribus, aut domus dum extruitur: quod ex his palàm fiet, quæ de nutritione posthac dicentur à nobis. Non pauca tamen his obici possunt. Nam pueris vnà cum digitis vngues quoque in longum atque latum increscunt, pariterque in profundum, & ætate crassiores durioresque euadunt. Eadem est & in pilis ratio, qui prouectis quàm pueris vt longiores ita crassiores sunt & rigidiores. Deinde verò quod vngues & pili non crescunt in immensum, sed definitam incrementi legem & metam habent quemadmodum & stirpes, fidem facit eos vera nutritione increscere. Si enim admota duntaxat ad radicem materia atque subiecta adaugescunt, quoniam continenter suggeritur & accedit (hoc testimonio quod derasi vel præcisi semper subnascuntur) continua adiunctione deberent tandem in immensum luxuriare atque grandescere. Atqui contrà fieri cernimus, his vt plantis constitutos incrementi limites, quos prætergredi non liceat. Quocirca his vt stirpibus videtur alimentum omnem substantiam intrò subire, quod prima ætate alit & auget: & tandem cessante incremento tantum alit. Hæc quidem non mediocriter vrgent, sed illa magis, quod pili vel vngues præcisi omni ætate vel decrepita & præcipitata recrescunt: deinde quod heceticis & tabidis quibus reliquum corpus non augetur modò, sed etiam planè exhauritur & liquefcit, ij soli diffunduntur & grandescunt: neque his modò, sed etiam vita destitutis corporibus. Quibus apertè conuincitur non naturæ attrahentis beneficio, sed excrementi redundantis vi & egressu ab radice duntaxat illos increscere. Emergit autem id præparatū pulsumque vi caloris, indicio quod defunctis nō semper augescunt. Quod pueris

Pilos corporis partes nō esse vt neque vngues.

Aduersæ rationes.

Aduersorum refutatio.

pueris ætate procedente in latum sparguntur, efficit partium à quibus prodierunt amplitudo: quòd verò fiant crassiores, excremēto tandem sicciori adustiorique factò acceptum refertur. Quòd autem cū ad iustam magnitudinem peruenerunt, non vltra promitti trahique possunt, tametsi materia ad radicem suppetit, vnum ex his est in quibus non aliud quàm mirari liceat Dei & naturæ prouidentiam. De medulla autem nihil ambigi potest eam quæ in spinæ fistula tenetur, nō aliter quàm cerebrum corporis partem esse: quandoquidem non vsu modò sed proprio quoque perfungitur munere, & vitam habet, cuius ope trahit & in se recondit alimentum. Cæterum quæ in exilibus ossium cauernis est, vt liquidi humoris speciem ostendit, ita non pars corporis est, sed ossis alimentum, quod à sanguine primū deductum ab illius natura mox deficit, sensimque mutatum in ossis naturam tandem faceffit. Similiter quæ maiores implet ossium laxitates vt crurum vt humerorum, quanquam firmior solidiorque subsistit, alimentum tamen est ossis tanquam commeatus aliquis congenitus datūque ab ortu, propterea quòd ossis soliditas non faciliè aliud finit extrinsecus intrò commeare. Medulla quidem vi ossis atque tepore albescit & concoquitur, raptaque sensim in ossis naturam absumitur. Quod igitur in ea laxitate manet tanquam superabundans ad futuram necessitatem, id medulla est, quam Aristoteles concoctum excrementum (sic vocant succum corporis superuacaneum) appellauit, non tamen inutile & reiectaneum. Quamobrem decepti videntur qui vt aduersas sententias in cōcordiam adducerent, medullæ partem alteram vtilem, inutilem alteram, totā verò partim alimentum partim excremētum esse prodiderunt. Ea ne præproperè desit, illapsi extrinsecus alimenti subsidio sustentatur, eo indicio, quòd quæ in iuuentute rubro colore perfusa erat & sanguineo, ætatis progressu alba fit, & vt reliquum corpus adipata. Cæterum illius nulla est vera nutritio, neque sanguinem proleat sibi que iūgit, quòd vita nulla cōstet, vt neque sanguis neque quisquam alius humor. Similis est ac fortasse maior in adipe ratio, quem palam est è sanguinis portione præpingui, hanc autem ex alimenti cōcoctionis que probitate generari, quæ dum affluens in animalis pulpam nō absumitur, sensim exaggerata in molem, è venis iam delapsa in adipem concrefcit à frigido. Quòd si illius efficiens est frigidū, quomodo corporis pars esse possit? Quem cōfirmamus humorem in venis nondum partem esse, quā putemus extra venas frigoris vi cōcretum partem fieri? Si quis est huic argumento locus, videbitur similiter gelati in vetriculo sanguinis grumus, pars esse corporis, si modò illi adhærebit. In carne ratio diuersa, quòd hæc vt cæteræ partes omneis non ex cōcrescente, sed ex cōuerfo mutatoque sanguine gignatur. Est & aliud quod adipem vt medullam à communi partium notione secludit: nam per inedias, per alimenti & sanguinis penuriam, cedit vertiturque in vtile partibus alimentum. Atqui pars nulla partem alteram nutrit, neque alia alij fit nutrimentum. Deinde omnes tum simplices tum cōpositæ, propria quadam

Spinæ mē-
dullā cor-
poris partē
esse.

Ossium mē-
dullā par-
tē nō esse.

Adipē cor-
poris par-
tē nō esse.

Prima ra-
tio.
Secunda.

Tertia.

Quarta.

dam circumscriptione continentur, quam (tamen in ampliorem molem diffunduntur) similem seruant, nisi præter naturam sint affecta: adipem & medullam nulla propria circumscriptio aut figura, sed vicinarum duntaxat partium ora & extremitas circūiecta claudit. Vnde intelligi potest in partium numero & ordine non pilos non ungues, sed nec medullam nec adipem esse. Scio Aristotelem partes simplices, alias molles & humiditas dixisse, alias duras & solidas: inter illas autem sanguinem, adipem, medullā, genitale semen atque lac recipere: quo loco is quicquid in corpore tenetur, partis appellatione complectitur. Nos verò accuratius ea sequimur, ex quibus ad medendi artem fructus percipi possit. Ergo quæ vere existimari debent partes simplices, hæc restant: os, cartilago, vinculum, membrana, tendo, neruus, arteria, vena, caro, cutis. Satis multa de partium differentiis: vnde huc digressa est, eodem redeat oratio.

Decem partes corporis simplices,

Quid elementum, quæ medicis in corpore partes elementa, & quæ principia dici debeant.

Cap. III.

15



Orporis vniuersa moles tamen varia compositione structa apparet, sectione tamen in eas dirimitur distrahiturque partes, quæ similes cum sint, iam non ultra in alias distribui possunt: sunt illæ quasi retexendo postremæ, quas simplices, sensus percipit, cogitatio autem ratioque nostra omnium primas ortu & compositione iudicat. Quare

Elementū quid.

re corporis elementa illas statuere conueniet. Elementum enim corpus est simplex, ex quo quidque primum constituitur. Simplex quod distrahendo vltimum offenditur, quodque diuisione minimum est, aut si magnitudine & mole præditum est, in diuersas tamen species partiri nequit. Simplicium connexionem compositum emergit, cuius eas duntaxat partes elementi appellatione designamus, quæ omnium primæ fuerant, & ex quibus compositionis successus originem duxit. Simplicem partem antecedunt forma & ea materies quam informem nudamque intelligimus: verum quia corpora non sunt, illas ab elementi notione abducimus. Principia quidem

Principia.

Elemento-
rū & prin-
cipiorū dif-
ferentia.

Quæ ele-
menta, quæ
principia
corporis
sunt.

Semen &
maternum
sanguinem
nostri cor-
poris ele-
menta nō
esse.

sunt, quæ singula separatim minimè subsistunt, concursione implexuque suo corpus efficiunt. Compositis corporibus, tum principia, tum elementa insunt: sed hæc quidem corporea sunt, ex principiis condita, quæ & per se sola consistunt, & in totius sunt genere: principia autem simplicissima habentur, incorporea, nec in totius genere, quæ seorsum minimè subsistunt, implexuque mutuo corpus instruunt. Itaque quas eiusdem naturæ diximus corporis partes, si sensuum testimonio credimus, elementa sunt corporis, quæ prima subiecta sunt nobis. Semen autem genitale & maternus sanguis principia statuentur, nō quæ componunt, sed quæ corpus efficiunt: hic enim ceu materies quædam est, illud ut causa efficiens, quod nimirum omnis generis partes conformare suo loco dicitur. Hæc esse corporis elementa falso quis affirmet, cum id minimè constituent, nec in eo præter

præterea seruentur: eius verò causæ sunt & principia. Ad hunc modum stirpis principia æstimanda sunt, semen & succus è terra libatus ac haustus: elemēta, radix, lignum, medulla, cortex. Sed enim de rebus omnibus cū duxerimus non esse sensuum ope, sed mentis acie æstimandum, non alienum sit inquirere ordinem similium partium: quæ cū sint elementa ante oculos posita, num alia quædam sint illis priora, quæ ad sensus permanere non possint: an item illis inferantur iactatæ & peruulgatæ quatuor illæ rerum naturæ, terra, aqua, aër, & ignis.

Quibus rationibus terra, aqua, aër & ignis rerum omnium elementa dicantur. Cap. IIII.



I quæ in natura sunt rerum omnium communia elementa, quæ rebus omnibus promiscuè gignendis sese accommodant, illa sanè & plura esse necesse est, & quodammodo contraria & affectioni subiecta. Nam quod vnicum & simplex est, nō habet à quo afficiatur, cū à se ipso pati non possit. Neque plura vnus similisque rationis si fuerint, inuicem agent, sed mutuò se fouebunt tanquam vnum sint. Quinimò si fortè illis contrariæ qualitates deferantur, nisi his pariter substantiæ insint mutationi affectionique subiectæ, suo illa congressu ne minimum quidem mutabuntur, sed illæis substantijs nihil dissimile sibi compositū reddent. His argumentis tanquam fustibus vis illa & turbulenta concursio atomorum immutabilium, per inane volitantium in exilium relegata, & de natura mundoque depulsa videri possit. Itaque vt ligna, lapides, & animantia, mutationem patiuntur, sic & ea facile mutantur, ex quorum concretionem hæc communi ortu prodierunt. Si facile mutabilia sunt, necesse est omnino prædita esse qualitibus valentissimis, quarum dissidio & repugnantia non ipsæ modo qualitates sese obtundant, sed & adiectorum vicinorumque corporum substantiæ totæ immutentur atque conuertantur. At quænam hæc sunt validissimæ? Quæcunque corpori infunditur qualitas in vnum aliquem sensuum cadit: atque vt suum quæque sensum mouet, sic illi quadam proportionem respondet. Vnde cū sit tactus sensuum primus, isque plurimum corporeus, quæ hunc feriunt qualitates omnium primæ sunt & maximè corporis participes: quod certè efficit vt ab his summis doloribus afficiamur aut voluptatibus. Quocirca non candor aut nigror, non dulcedo aut amaror, non quæ cæteros sensus, sed quæ solum tactum concitant qualitates omnium sunt potentissimæ. Ex harum autem genere aliæ sunt principes, aliæ ex his ortæ: principes, calor, frigus, humor, siccitas: ex his ortæ, quæ in molli, duro, crasso, tenui, leui, aspero sunt corpore, quæ variæ dicuntur & quasi multiformes. Harum quippe ortus principibus illis refertur acceptus, quæ omnium & primæ sunt & potentissimæ. Elementa igitur ex quorum concursione omnia gignuntur atque con crescunt, si conuersionibus mutationibusque sese

g ij plurimum

Elemētō
rum facultates esse
cōtrarias.

Elemētō
rum substantias mutari.

Tangēdi
qualitates
omniū pri
mas esse &
valentissi
mas.

Primæ
qualitates
elementis
primū in
sidere.

Elementa
quatuor.

Vt aer sit
humidior
aqua.

Terrā esse
ficciorē
igne.

Summā ele-
mentorum
qualitates.

Remissā
elementorū
qualitates.

plurimum exagitāt, debent his ipsis qualitibus pollere, & quibuscunque corporibus illę naturaliter summę insunt, hæc ipsa in prima rerū omnium elementa asseruntur. Sunt autem ea, terra, aqua, aer & ignis. Est quidem calor summus ignis, qui ceu feruor quidam est & exuperatīa caloris. Aer calidus vđusque ceu halitus, cuius humor dissipabilis quædam est fluxio per cuncta rerum meabilis, leuitate subtili ambientem locum implens celerimē. Humor aquę pergelidus quidam liquor est: vt terrę siccitas firma quædam constantia & stabilis grauitas, quibus subsidit & suis clauditur limitibus, cū cetera elementa non nisi externo contineri possint. Quāquam igitur quę aqua perfunduntur multō plus madent, quā quę aere respersa sunt, id tamen nō ob pleniorē aquę humorem accidere putandum, sed quod is in crassiore fluxūque substantia positus, dum in vias recessusque corporum inferitur, consistit, retentusque diutius illa afficit, madidioraque reddit, quod aer præ tenuitate efficere nequit. Verū maior hic quem appello, non humor est is quem disquirimus. Neque præterea ignis inde quod maximē desiccet, ficcior quā terra iudicandus. Id enim non per se, sed caloris interiectu efficit: quatenus corporum humorem suo calore exhaurit ac dissipat: at terra affusum humorem combibens per se sola siccet. Aer perinde ac ignis ex accidenti madidum linteum exiccat, vti & frequentes balneę, dum vberiorē corpore sudorē exciunt euocant-
que. Sic autem qualitates hæ, quatuor rerum naturis summę obtigerunt, vt quemadmodum puro igne nihil calidius nihilque leuius, sic terra nil ficcius, nil grauius, ne plumbum quidem vel aurum: aquam synceram nullius medicamēti vis gelida euincit, vt neque aerem vllius humor. Summę præterea sic illis insunt, vt ne minimum quidem possint auferri, remitti verō possint: quod argumento est eas qualitates licet summas, infinitas tamen non esse, quandoquidem infinitum nihil minuitur finita portione detracta. Est porro sua cuique elementō retusior altera qualitas, simplex illa quidem, sed quę summū generis sui gradū non impleat. Ea in igne siccitas est caloris comes, in aere calor, in aqua humor, frigus in terra siccitati copulatum. In his quęcunque qualitates eodem nomine, eodem & illę genere continentur: atque licet eorum quibus insunt corporum ratione distent, affines tamen sunt, tum natura, tum mutationis prompta commoditate. Itaque ingentes quatuor naturę toti mundo consertę ea sunt rerū omnium primordia, quorum nobis proposita fuerat disquisitio.

Corpus hominis, vt ceterorum omnium, ex quatuor elementorum concreione necti & contineri, Cap. V.



I quatuor ea sunt rerum primordia, ex quibus sursum deorsum vtrō citrōque commētibz, mundi natura est continuata, necesse est eorum vicissitudine, cū reliquorū omnium, tum hominis corpus conflare, ex hisque ceu ex primis rerum initiis constare. Quod tamen vel simplici argumentatione in medium proposita planum

planum esse debet, inductione tamē res quasi ob oculos posita, veritatem plenius illustrabit. Vna manet omnium firma consensio, corporis vniuersitatem ex partibus diuersi generis primū constitui, deinde dissimiles has consimilium strue & cōpositione integrari. Iam verò docendum hanc
 5 ce consimiles ex primorum quatuor elementorum cōcursione nasci. Has quidem olim ex semine ortus sui primordia duxisse, fiet posthac pròptum & obuium demonstratione, simul easdem adoleuisse materni sanguinis beneficio, qui alimenti vice suffectus est. Parentum semen ex parato sanguine factum esse extra omnem controuersiam est, adeò vt nemo qui rem
 10 perspexit, ambigat omnem partium substantiam à sanguine aut proximè aut tandem processisse. Nomine sanguinis quatuor humorū mixtam congeriem appellamus: hanc verò esculenta potulentāque ingesta nobis innotuarunt. Hæc porrò siue animantium carnes erant, siue pisces, siue terræ fruges & stirpium fructus, à promiscua elementorum concursione aliquādo
 15 sunt procreata, eo sanè ordine quem pulchrè nobis cecinit Lucretius:

Sic tempestiuus ex imbribus humida tellus
 Vertit se primū in frondes, & pabula læta
 In pecudes, vertunt pecudes in corpora nostra
 Naturam, & nostro de corpore sæpe ferarum

20 Augescunt vires, & corpora pennipotentum. Nihil enim simplici elemēto nutriri, vt neque nasci potest. Stirpes quæ prodierunt è terra, non illinc omnia traxerunt, sed si ea stirpibus alimentum datura est, necesse est humore perfundantur: vnde agricultura deductiones riuorum, agrorum irrigationes adacta necessitate excogitauit. Atqui si puram aquam terræ
 25 cōperges, nihil aliud quàm lutum reddes, alēdis stirpibus ineptum atque minus accomodatum. Oportet igitur si quod apparabitur congruens illis nutrimentum, crassioribus naturis duas reliquas contrarias inferi & temperari. Sic neque pisces alit aqua syncera, sed quæ terræ, aëris, & ignis simul est particeps. Proinde ita rerum natura comparatum videmus, vt reliquo-
 30 rum vis & substantia in terram & aquam penetret, vtque aër & ignis inferiora perfundant, vnde rerum plurimarum exortus fieri cōueniret. Itaque rerum omnium corpora à primis illis naturis & rerum seminibus deriuantur, alia quidem statim & proximè, alia longa adeò rerū serie, vt cū multorum corporum ortus intercesserint, incredibile videatur à simplicibus
 35 illa naturis defluxisse. Quinetiā eodem omniū spectat interitus: quia natura rerum obitus conficiens, eò singula refert, vnde fuerunt accepta. Homines cū solutis corporum vinculis è vita excedunt, quantum innati caloris dissipatur, id omne in vniuersam ignis naturam reuolat: spiritus substantia partim in ignem, partim in aëris regionem offusam nobis refunditur:
 40 profluens humor aqua rursus fit aut halitus, qui tum aque, tum aëri confinis est: solidiores partes quibus crassior inest firmitudo, vbi sensim fuerit aqueus humor exhaustus, tandem dissolutæ in cinerem & terram abeunt: neque admodum dissimilis est reliquorum in occasu comparatio.

g iij Nam

Similares
 corporis
 partes ex
 elementis
 ortas esse
 Libro. 7.

Libro. 2.

simplici
 elemēto ni
 hil posse
 nutriri.

Corpora
 nostra in-
 teritu dis-
 solui in ele-
 menta.

Nam sua cuique locis ex omnibus, omnia plagis

Corpora distribuuntur: & ad sua secla recedunt.

Humor ad humorem, terreno corpore terra

Crescit, & ignem ignes produunt, ætheraque æther.

Hoc mirus Hippocrates ante natam omnem philosophiam diuino affatus elogio omnium primus attigit, promulgans nimirum homine animam agente singula in propriam naturam discedere, atque in eas naturas refluere, ex quibus vnūquodque cōsisteret. Nā paulò antè apertè cōfecerat hominem non posse ex vnica re cōstare, cū dolore affligeretur, sed ex calidi, frigidi, humidi & sicci temperatura: quibus vtrique nominibus quatuor ea quæ diximus primordia, non solas qualitates complexus videtur.

Contra iuniores qui elementorum solas vires, non item substantias in nobis putant inesse.

Cap. VI.

Aduersariorum rationes.

Prima.

Secunda.

Tertia.

Primæ cōfutatō.

Secundæ confu.



IDEMVS apud multos iuniores puerilem verèque inanem percreuisse sententiam, quæ ij vetere spreta philosophia decreuerunt, non elementorum substantias, sed qualitates dūtaxat in nobis asseruari. Esse calidum, frigidum, humidum & siccum, ex quibus constamus, non substantiarum, sed qualitatum nomina. Nusquam synceras quatuor rerum naturas haberi, mixtionis expertes: sed neque eas quæ nos circumfundunt si rei gignendæ adhibeantur, species suas præterea retinere, verum protinus euanescere, quando noua compositi forma ex permixtione succedit. Quæ tanquam absurda vt funditus euertamus, decet sigillatim illa minutatimque excutere. Ergo calidi, frigidi, humidi, sicci que appellatione, aliàs qualitates, aliàs verò corpora quibus inhærescunt, intelliguntur. Corpora verò aut summis hisce qualitibus excellūt, aut depressis prædita sunt. Quæ ex depressis constant vario sunt ordine, quandoquidem & panem, & carnē, & vinū, & piper, aliæque innumerabilia dicimus esse calida: vti cartilaginem, membranam, neruum & os sicca. At quæ qualitibus excellunt, non ita sunt multa, sed quatuor omnino, terra, aqua, aër & ignis, quibus qualitatum exuperantiam inesse diximus. Siquis igitur hisce nominibus aliud quàm elementa significet, in tam multiplici rerum varietate perturbatus omnino & confusus erit. Quocirca credibile est celebres authores nominibus his simpliciter pronūtiatis ea corpora solum designasse, quæ in suo genere excellere. Cū ex calidi, frigidi, humidi, sicci que temperatura omnium corpora constare proditum sit, quis tam cæcus in cōtemplandis rebus est, vt qualitates puras animo concipiat? vt ex qualitibus constitui corpora asseueret? Quod afferunt illi synceras nusquam haberi elementorum naturas, ridiculum sanè est & demeritiæ proximum. Nam quæ apud nos extant, impura tametsi fortè sunt omnia, syncera tamen vspici esse necesse est, quæ principia sint & veluti fontes à quibus ista fluxerūt. Hæc enim norma, hæc regula, hæc præscriptio naturæ, vt omnia

nia ordine quàm optimo ducat: atqui optimū erat & ornatissimū impura ex puris, imperfecta ex perfectis quibuscū manare. Potuit autē natura omnia sic efficere quàm optima, & mūdi elemēta seorsum pura vti & cœlum collocare. Quid igitur illa esse prohibet, si esse possunt? Ad vniuersi mediū terra simplex est, grauissima, siccissima, omnis expers humoris: ad cœli cōcaua interiorēq; faciē ignis est leuissimus & ardentissimus, neque tamē pellucidus, neque perspicuus & illustris vt noster, qui fumus quidam est accensus. Etenim tenuissimus ille cū sit, nihil solidum admixtum habet, non igitur lucere potest, lux quippe non tenuissimo, sed denso flagrante corpore effulget. Hac ratione, & quod præterea effectio omnis ab efficiēte quodam sit corporeo, à quibusdam eū neque vrere neque luculenter calefacere proditum est. Mediis autem spaciis interiecta quæ sunt, extremorum mutationes turbulentas sustinent, quorum communione impuriora fiunt. Quod si extremorū confusione suam substantiā non exuerūt, palām est iisdem exemptis puram simplicēque substantiam restitui. In summa verò etsi quæ apud nos extant, vera non sunt elementa: quia tamen iis proximè accedunt à quibus olim manarunt, par vtrorumque ratio censetur. Illud autem quod aiunt elementorum formas euanescere, cū in compositionem ea concreuerint, quātum obscurat & inquinat omnem philosophiæ splendorem? Idem enim fieri putant in elementorum permissione, quod in simplici rerum transmutatione: vbi recens aliqua forma in subiectam materiam commigrat, pellitur vetus atque decedit: ceterum dum ex elementorum temperatione corpus innouatur, illorum formæ nihilominus in hoc manent. Adeo vt si illis congregientibus herba nascatur, in ea feruentur illorum substantiæ: dūque rursum herba concoctione in sanguinem, tandem verò & in carnem mutabitur, licet tum herbæ forma intercīdat noua nascente, nequaquam tamen elementorum formæ exeunt, sed stabiles permanebūt quoad vlla compositi ratio constabit, quanuis nō vna & perpetua permissionis proportionē. Sic enim de his statuerunt viri præclarissimi, primus Hippocrates, qui singula quæ ad gignendum confluxerunt, talem vim ait in corpore retinere qualem cōtulerunt: & omnia per interitum eò recedere vnde sunt accepta: quod fieri neuiquam posset, nisi pristinas illa naturas retinuissent. Huic accedit Aristoteles, qui locis compluribus elementū definiens id maximè vbique solet inculcare, quod cuique composito primum inest, & in quod vltimum corpora diuidūtur: imò & alio loco palām affirmat in carne atque ligno aliisq; similibus ignē atque terram facultate, & (vt dicere solent) potentia inesse, hæcque ex illis manifestè segregari. Quod si illorum substantiæ occidissent, qui fieri posset vt demum seiungerentur? Hæc sanè portentosa fuerat opinio, quā dum iuniores veterem philosophorum disciplinam permissionisq; rationem assequi minimè valuerunt, ab illorum sententiis temerè defecerunt. Ne quis igitur vnquam huiusmodi captiosa probabilitate fallatur, latius exponenda videtur tota permissionis vis atque ratio.

Vbi purā
sint elemē
ta.

Tertiæ cō.

Quod distet
generatio
à permi
sione.

Elemēto
rū substan
tias atque
formas in
mitione
seruari.

Lib. de na
tura hum.

5. Metaph.

3. de Cœlo
cap. 3.

De elementorum permistione diligentior inquisitio. Cap. VII.

Quæ cor-
pora per-
misceri
possunt.



Paria quo-
dammodo ef-
se debent.

Mistio
quid.
Definitio-
nis expli-
catio.

ERMISTIONI aptissima sunt ea corpora quæcun-
que in exiguas tenuésque portiones facile dirimuntur, qua-
lia sunt mollia, tenera, fragilia, liquida, subtilia: è diuerso
autem dura, firma, solida, arida, crassa, omnium minimè
permistioni cedunt. Neque verò fieri potest ut illa verè mi-
sceantur, nisi contrariis inter se pugnent qualitatibus, per
quas pariter agentia atque patientia mutationes cōuersionésque subeant:
nam neque candorem lineæ, neque medendi scientiam corpori permisce-
ri putamus. Quæ igitur contraria sunt & in communi materia pugnantes
qualitates acceperunt, si dirimi facile secarique possunt, ea tum substantia
tum qualitatibus ad permistionem sunt accommodata. Mistionem efficiet,
dum paribus quodammodo portionibus infusa temperatæque coibunt.
Tum enim mutua vi & effectione pugnantium qualitatum, sic illorū sub-
stantiæ totæ frangētur comminuenturque, sic & qualitates omnino tem-
peratione confusæ se retundent, ut illa demum neque substantias, neque
qualitates puras seruent & integras. Hæ quidem nequaquam dissipatæ aut
extinctæ oblitescunt, sed repressa duntaxat exuperatia ad moderationem
mediocritatēque referuntur. Hinc corpus vnum prodit cōsimile, quod
re ipsa simpliciter vnicum iam est: nam cōtraria quæ in permistionem ve-
nerant non energia, id est efficacia vel actu, sed potentia duntaxat super-
sunt & manent. Ad hunc igitur modum perfectè fit mistio, quæ est diuer-
forum in vnum atque idem concretio. Aqua aquæ, aut vinum vino simili
infusum non permiscetur. Nam licet substantiarum quædam sit in totum
perfusio, hæc tamen integra manent non hebetata, quod enim contraria
non essent nequaquam seipsa mutauerūt. Neque si milij & sinapis grana:
aut etiam adamantem, sapphirum, & margaritam planè leuia facta cōtri-
tæque confuderis, aliam permistionem induxeris, quàm quæ deprehendi-
tur à sensu, quæ potius collocatio quædam est & quædam exiguarum par-
tium compositio. Rursum si lana aut spongia oleo humorēve quopiā per-
funditur, tametsi non sensu modò, sed reapse confusa sunt illa, nihilque re-
vera sit vel minimum spongiæ quod humorem conspersum non madeat,
quia tamen in vnum atque idem illa non concurrunt, sed suas ipsa natu-
ras seorsum retinent illæsas, naturali permistione vacant. Imò si quatuor e-
lementorum substantiæ optimè confusæ cohærescant, nisi pugnandi vi &
potestate retundantur temperēturque, in vnum minimè coalescēt. Quod
cū Empedocles affirmasset elementa exiguarum partium appositu solo
permisceri, id iustè Aristoteles argumentis incessiuit. Ergo iis legibus quas
antè dixi obseruatis, diuersorum fiet in vnum concretio, & præterea si vi-
ribus quodammodo paribus illa concurrant: nam tametsi reliqua consen-
tiunt, si desit hoc postremum, mistio utique non erit, sed procreatio. Cū
enim contrariorum vires præter modum impares sunt, quod minus est &
imbecillius, ab ampliore & potētiorē victū perimitur, in illiusque naturā
faceffit.

faceſſit. Neque enim amphoram aquæ mille amphoris vini, neque lignū igni, neque alimētum corpori permifceri dicimus, ſed illa occumbere, noua autem oriri. Niſi igitur quæ in temperationem trahuntur permancant & conſiſtant, non erit vlla connexio, ſed aliquo pereunte gignetur aliud.

5 Vnde planum fit, aliud eſſe miſcere aliud gignere, aliud permifſionem aliud ortum, & eam opinionem non poſſe defendi, quæ elementorum ſubſtantias perire, ſolâſque qualitates in miſtione retineri arbitratur.

Vtrum elementorum ſubſtantia, an qualitates ſolæ totis totæ perfundantur.

Cap. VIII.



10 VANDO igitur miſtorum elementorum ſubſtantias in concretione haberi perſpicuum iam eſt, inueſtigatione dignum videtur, vt illorum apta fiat adhæſio mutuâque cōplexio. Corporum ſubſtantias totas totis commiſceri ac penitus in ſeſe penetrare, multi ex Plotino opinati ſunt.

15 Qui cū viderent ſudores è cute noſtra emanare, neque illam perfodi vel ſecari: rursus lanam aqua perſuſam permadere totam, af firmare non dubitauerunt totum corpus in miſtione per aliud totum penitus induci, ipſumque quoquoerſum ſubire, materiam materia iniici, 20 molēmque moli. Etenim aquæ materiam in lana eſſe dixerunt, non quibſdam modò inanibus ſpaciis concludam, ſed per totam illius ſubſtantia ſuſam: tota enim madet, nec vlla pars eius expers eſt humoris. Ad hūc modum non ſolum quatuor elemētorum qualitates, ſed eorum quoque ſubſtantias permifceri in compositione partium ſimilarium prodiderunt. At

25 verò iſta qui poſſint ſibi conſtare, concipere arduum eſt, & ſupra caput cogitationis. Dum in corporibus macerandis humor ſolidioris ſubſtantiam peruadit, manifeſtum eſt & apud omnes in confeſſo, maiorem toti molem accedere. Nam & lana madefacta occupat locū ampliōrē. Quod

30 ſi eſt, neceſſarium conſequitur, aliam alio ſitu collocari materiam. In quibus verò non ampliōr videtur moles euadere, ceu liquore perſuſis cineribus, aut cuticula ſudante, neceſſe eſt quos vocant poros & anguſtas vias latere, in quibus aër, aut ſpiritus tenuior, aut aliqua materia cum eſſet, exhalat, cedensque liquori ingreſſum præbet. Si enim nullum interuallum medium intercipitur, quomodo fieri poſſe credemus, vt in ſolidum & vndi-

35 que inacceſſum aliud corpus penetret, niſi conſectiones vtrinque fiant, quâ demum tranſitus ſit? Atqui ſi hoc modo corporū ſubſtantia totis immiſcentur, ſit ſaltem illorum ad vſque minima diuiſio, ſic vt huius minimum corpusculum, illius minimam particulam contingat: id certè indignum philoſophia videri ſolet, credere aliquid eſſe in rerum natura mi-

40 nimum, quod diuidi nequeat. Omne quidem corpus ſectione infinitum eſt, neque ad extremum & indiuiduum perducitur diuidendo. Quinetiam ſi illuc veniri poſteſt, continua fractione comminutioneque facta, corporum ſubſtantia in ſectiones abſumentur, & tanquam in nihilum redactæ

Rationes
eorum qui
putant cor
poris ſub
ſtantias to
tis totas
permifceri

Cōſutatio
Prima.

Secunda.

Tertia.

Quarta. redactæ se mutuò destruent. Ad postremum verò quum exiguum quidem
 permiscetur maiori corpori, quomodo vsque adeo distendi aut secari po-
 terit, vt per vniuersum maius se diffundat, & cuique indiuiduo huius aliud
 indiuiduum minoris accedat? Fieri igitur non potest, sed ne intelligi qui-
 dem, vt corporum substantiæ mutuò se penetrent, & eodem prorsum situ
 constitutæ sint & collocatæ: nec fieri potest vt in ampliorem molem dif-
 fusæ per minimas sectiones confertæ colligantur. Rationes istæ fortasse A-
 uerrhoidem eò necessitatis adegerunt, vt non commentitium quiddam
 modò, sed somnio quoque simillimum adferret: qui vt hanc substantiarū
 permissionem tueretur, elementorum formas à perfectarum substantiarū
 dignitate & vniuerso genere detorsit, vt non in qualitates, sed in medium
 quoddam & inauditum genus transferret. Illas quidem intēdi posse & re-
 mitti per eandem materiam æquabiliter fusas, qualitarum comparatione
 & exemplo pariter exporrigi. Cuius opinionis leuitas alio loco à nobis re-
 ferata, fusiorem hīc disputationem non desiderat. Quocirca missis lubri-
 carum opinionum fluctibus atque iactationibus, in tutum & trāquillum
 portum nos recipiamus. Elementorum substantias mistio totis totas non
 inserit, sed qualitates duntaxat miscet atque confundit, vt per totius com-
 positi molem æquabiliter sint fusæ. Primum enim quatuor illæ mūdi sim-
 plices naturæ dum paribus quodammodo viribus confluunt, in exiguas
 non autem quam minimas portiones se distrahunt, eoque se ordine com-
 ponunt, vt quæque tandem alterius diuersique generis cuiuspiā cohærescat,
 nihilque sensu notari possit quod nō ex quatuor earū portionibus cōstet.
 Hoc positu exigue portiones, suā formā, qualem ante permissionē, inte-
 gram quæque retinet: neque enim intensiōē neque remissionē substantiæ
 ferunt. At verò elementorum qualitates contrariæ totis totæ se permiscēt,
 & mutua quadam pugnantia sese vicissim ad moderationem quādam re-
 digunt, fitq; illarum confusione temperamenti quoddam simile genus
 per vniuersam compositi molem diffusum. Quamquam igitur substantiæ
 temperari nequeunt, sed duntaxat continua appositione cōnecti:
 qualitatū tamen consummata est permistio. Quūque hæc absoluta fue-
 rit, temperamētum accedit æquabiliter toti cōpersum, & noua protinus
 forma inducitur: ac tum verè efficitur diuersorū in vnum atque idem con-
 cretio. Quoniam enim à forma & eius vi totum subsistit, consentaneum
 est id ipsum ab vnica & consimili, vnum simplēque fieri. Quæ porrò in
 hoc genito simplici corpore manent exiguæ elementorum portiones, suis
 quidem formis integræ subsistunt, non tamen liberæ aut sui iuris, sed im-
 plicitæ, vinctæ, & quasi interceptæ mutua qualitarum pugnantia, atque
 etiam dignioris formæ præsentia. Vnde pristinas sibi que inditas vires ex-
 promere non valent, neque ignis vrere, neque aqua impendiò refrigerare.
 Solum igitur potestate insunt: atque sic vt cū temperamēto per obitum
 dissoluto ad se redibunt, partēsque propriis elemētis reddentur atque re-
 stituentur vniuersitati, nullius imperio obstrictæ in libertatem vindicen-
 tur

Auerrhoi-
 dis figmē-
 tum.

Elemētorū
 solas qua-
 litates per
 totas mi-
 sceri.

Mistionis
 ratio.

Quod mi-
 stū est, sim-
 plex id esse

Elemēto-
 rum sub-
 stantiæ qua-
 uis in mi-
 stione ser-
 uetur, po-
 testate ta-
 men duntaxat in-
 sunt.

rur resumantque pristinas vires. In hunc modum mistæ temperatæque ele-
 mentorum portiones, materia fit totius simplici formæ substrata. Hæc au-
 tem forma seu perfectio sui ubique persimilis est adeo, ut non modo par-
 ticulæ quæ sub aspectum recidunt, & quæ ex tenuibus elementorum por-
 tionibus constant, sed & ipsa elementorum fragmenta, quæ seorsum non
 aliis permista substantiis intelligimus, totius speciem gerant. Mistum enim
 iam est horum vnumquodque, totiusque temperamentum accepit: nihil
 igitur prohibet quod minus compositi totius species immigret in omnia.
 Neque verò flagitium est fateri duabus illa formis ornari, quarum vna
 10 actu præsentique imperio, altera ad tempus abrogata & antiquata, pote-
 state duntaxat insideat. Ergo quæ fuerant olim diuersa, ignis, aer, aqua, &
 terra, nunc in similis corporis compositionem dum cōfluunt, eandem
 similitudinem speciemque gerunt, omniumque fit in vnum atque idem
 concretio. Hæc fuerit nobis tanquam levis armaturæ prima disputationis
 15 excursio, quæ simplices rerū naturas persequuta sic cōegit, ut in *ἁρμοίῳ* cō-
 compositionem coniecerit omnes ac illigauerit.

Toti spe-
 cies vnicui
 que vel mi-
 nimæ par-
 ticulæ cō-
 munis est

Duæ for-
 mæ eident
 insūt parti,
 vna ut præ-
 paratio, al-
 tera ut per-
 fectio.

LIBRI SECUNDI DE ELE- mentis Finis.

De Temperamentis Lib. III.

Quid temperamentum, utque id perperam definierit
 Auicennas.

Cap. I.

5

Principum
 qualitatum
 in mistione
 comparatio.



Temperamen-
 tum quid.

Quo di-
 stet tempera-
 mentum à
 mistione.

LEMENTORVM confinio proximè iuncta
 est atque connexa temperamenti proprietas, quæ
 quodammodo propago & soboles permistionis est. 10
 In hac cognoscenda atque tractanda rerum cõtinuata
 series exoptulat, ut ab elementorũ vi & natura rur-
 sum exordiamur, & ab ea maximè qua modò ac
 planè paulò antè destitimus. Simplicies mundi na-
 turæ quò in permistione integrè & incolumes ser- 15
 uarentur, & ne si pauca multis, aut parua magnis
 componeretur, debiliorum occasu ea quibus multum esset roboris ac vir-
 tutis potiùs accrescerent quàm perfunderetur, æquales quodammodo ef-
 se debuerunt. Hanc æquabilitatem non magnitudine molis, non pòdere
 metiri licet, quòd terræ quàm cæterorum elementorum vberior est in no- 20
 bis copia: sed potestatis vi & efficiètia, cui omnia planè accepta referuntur.
 Vis autem ea atque facultas non nisi efficientium & principum qualita-
 tum quæ in mistis elementis sunt, obseruatione æstimatur. Hæc perrarò vs-
 quequaque, sæpius quodammodo pares confluunt, nempe mediocri- 25
 tate quadam, quæ non utique indiuidua, verùm latitudine definita limi-
 tibus coërcetur, in quorum ambitu mistio contineatur: hos autem ultra ci-
 traque interitus est atque dissipatio. Quæ igitur intra mediocritatis huius
 limites inciderit principum qualitatum concursio, ut mistionè sic & con-
 tinuò temperamentum progignit. Est autem temperamentum, non ipsa 30
 mistio, sed mistionis ratio. Poterit & id earum quæ in mistis elementis sunt
 principum qualitatum harmonia & concentus definiri. Ut in cantu & fi-
 dibus soni longis locorum interuallis distracti, aut coniuncti quidem, sed
 dispares & non pro rata portione distincti, concentum haudquaquam ef-
 ficiunt, nisi primi cum vltimis temperati, & medij vtrisque respondentes
 æquabiliter dulci sono aures compleant: ita neque diuulсорum elemento- 35
 rum qualitates, neque coeuntes illæ quidem temperamentum efficient,
 nisi moderata & concordia quadam mediocritate sese mutuò complectan-
 tur. Non igitur ipsa rerum primordia per se & absolutè perpenfa tempera-
 mentum sunt: neque illorum mistio, sed mistorum comparatio. Tametsi
 re ipsa & subiecto finitima sunt & plurimùm consentiunt elementorũ mi- 40
 stio & eorum proportio, rationibus tamen illa disiuncta sunt. Non desunt
 qui temperamentum à mistione hoc discrimine seiungunt, quòd hæc maxi-
 mè elementorum propria sit, illud verò qualitatum. Nos autem illa ta-
 met si

metfi quodam ordine se cōsequi videmus, sic tamen iuncta sunt, vt neque
 mistio citra efficientium qualitatū opem, neque sine elemētōrum om-
 nium substantia temperamentum induci possit. Non enim si quis aquam
 & ignem paribus quodammodo portionibus coire statuat & coalescere,
 5 mutuāque repugnantium qualitatū vi temperationem quandam infer-
 ri, ea protinus temperamenti rationem subeat, vt neque ex duobus illis fa-
 cta perfusio, exacta mistio censetur. Perfectum enim non est, sed inchoa-
 tum atque mancum, quod ex duorum triūve duntaxat elementorū cō-
 nexione fit: cuiusmodi est plurimum genus eorum, quæ ex sublimi detur-
 10 bantur, *μετάξα* Græci vocant. Quocirca temperamentum concentus qui-
 dam est quatuor principum qualitatū, ex omnium elemētōrum permi-
 sione. Hanc temperamenti rationem cū minimè perspiceret, nec satis
 animo complecteretur Auicennas, subabsurdam commentus est defini-
 tionem: qua primarum qualitatū effectiōe mutua, quintam qualitatē
 15 eāque simplicem emergere confirmat, quæ vna superstes reliquis in con-
 gressu pereūtibus, omnium vires potestate complet, easque quasi suo sinu
 complexūque recipit. Id autem quā absonum sit quāque secum pu-
 gnet hoc imprimis patefacit, quod fieri nequit vt omnes per actionē qua-
 litates dissolutæ euanescent, neque non ea tandem superet, quæ validior
 20 cū esset conflictus principia dedit. Sed esto, donemus hoc exorto tem-
 peramento omnes illas periisse: quānam tum restabit in genito corpore
 contrariorum repugnantia? Si plura illi non insident atque ea contraria,
 quī fiet tēperamenti per singulas ætates conuersio? Quæ insita erit illi cau-
 sa morbi, senij, vel interitus? Adde quod neque dum corpus dissolutione
 25 occidet, poterunt simplices naturæ in vniuersitatem recurrere suis instru-
 ctæ qualitatibus. Illas enim vnde sibi resument, quæ iam dissipatæ in com-
 posito non manent? Itaque nouā illam qualitatem pro temperamento in-
 uehere, cū vanitas quædam sit opinionis, quæ multorum animos imbec-
 cilles diu multūque vexauit, nos clarissimorum philosophorum imita-
 30 tione, vt elementorum substantias, sic omnino & qualitates in composito
 teneri fatemur, ex harūque perfusione & concentu temperamentum
 consistere.

Tēperamē-
tum nō est
ex folis
qualitati-
bus.

Auicēnam
malè defi-
nisse tēpe-
ramētum.

Prima ra-
tio.

Secunda

Tertia.

Quarta.

Quinta.

Substantia
elementorum

Contraria in idem confluere, & vnde singulorum vires
 æstimentur.

Cap. II.



35 VAM illæ variè comparari soleant: æstimari certò nō an-
 tē potest, quā sigillatim cuiusque vires quātæ sint expen-
 derimus. Auerrhois vt est in omnes ferè cōtumeliosus, sic
 & Galenum erroris falsò insimulauit, quod summas ele-
 40 mentorum qualitates in temperatione haberi censuerit.
 Hæc dum paucis immutatis corrigere vult, omnia deprau-
 uasse videri potest, qui tum species, tum qualitates elementorum ad me-
 diocre quiddam in concretione retundi reprimique putat. In illa formarū
 h remissione

Contra A-
uerrhoidē,

Dialogo-
rum li. i.

Ratio prima. remissione quantum sit lapsus, perpensum à nobis alio loco est. Nunc verò si qualitates summas in cōfusionem quandam adductas, ait sese mutuo posse ad mediocritatem deducere, cur nō similiter sese prorsus interimūt? Sunt fanè media hæc vtri & summa inter sese contraria. Scio opinationem quandam apud neotericos peruulgatam esse, qua illi instant atque vrgent, summo cum studio, contrarias qualitates remissis quidem gradibus conuenienter congruentérque cōcurrere, summas verò haudquaquam posse: neque tamen vlla in id probabilitate se muniant. Si enim repressæ qualitates peræquè inter se pugnant ac summe, neque modò extremis extrema, sed & media mediis aduersantur, cur eæ quàm summe potius in idem coibunt? Quemadmodum calor numeris quatuor definitus, & frigus pari recessu constitutum, cum miscentur teporem ingenerant, sic prorsus accidere compertum est, si extremis illa numeris concurrant. Nam aqua quæ ex feruentissima & æquè gelida paribus portionibus permiscetur, mox tepescit, ac si ex mediocribus temperaretur. Quis enim eò impudentiæ veniat, vt in eo tepore extrema derepète aboleri dicat? Nōne palàm confirmat Aristoteles media extremorum copulatione cōgressūque nasci, hocque vno à priuantibus, quæ sepe ^{sepe} dicunt dissidere? Nihil aliud teporem esse iudices, quàm calidi frigidique pari portione confusionem. Ergo si summas elementorū qualitates in permissionem & temperamentum coire Galeni fert opinio, nō illa iacet suis patrociniiis destituta: sed præter cōmemoratas hac se fulcit sustinetque ratione, quod æquales quodammodo esse cum debeant, nō magnopere sese valent commutare atque infringere: quocirca permanent quales fermè puris simplicibusque elementis insidebant, hoc tantum discrimine, quod nunc per totas confusæ eandem communemque materiam obsident. Quod ab Aristotele scriptum videmus, summas in permissione qualitates summam vim concursu adimere, & adusque moderationem quādam reprimere, de viribus id omnino accipiendum nobis est. Nam qualitates tametsi nullo modo repressæ sunt, contrariarum tamen perfusione quasi vinctæ inhihentur, ne suas summas vires exhibeant: hinc virium acumina exuperantiāsque retudisse perhibentur. Ita contraria eodem subiecto contineri inficiamur, idcirco fanè quod simul illa vna eadēque sede dominari & excellere nequeunt, neque quicquid vis præstat atque vincit. Vbi longo interuallo impares concurrunt qualitates, addubitare non licet mox à præcellente infirmiorē oblitterari, nec continenter esse vno & eodem statu. Quinetiam quæ in permissionem & temperamentū venerunt, quodammodo pares, etiam si per initia non luculenter se vicissim demoliuntur, diuturnitate tamen & dierum numero, disparili proportionē euadunt. Sic per ætates temperamētorum incidit cōuersio, sic morborum, sic senij & occasus ingenitam nobis causam circumferimus. Hactenus Auerrhoidis cauillatio effecit, vt in hæc si non præter rem, longiuscula tamen oratione diuerterim. Sed quàm commentitia

Ratio prima.

Secunda.

Tertia.

Quarta.

Elementa in
mitione
summas
qualitates
retinent.

Aristotelis
expositio.

Quomodo cōtraria eidē nō
insunt.

Quæcunque cōcurrunt in mixto qualitates sese tādē atterūt.

Senij & iterit^o causa.

titia fuerit & futilis illius contentio inde perspicitur, quòd siue summas in
 permisione qualitates, siue illarum duntaxat dimidia manere statuamus,
 eadem vtrobiq[ue] proportio constabit, idemque temperamentum: nam
 quacunque proportionem fuerint integra, eadem erunt & illorum (vt ita di-
 5 cam) medietates. Sed labor fortasse longius, eò reuertar vnde huc declina-
 uit oratio. Quæ in misto corpore nectuntur elementa, neque suæ molis
 pondere, neque qualitatum ordine siue gradu, vt qui omnibus summus
 inest, sed virium comparisonem temperamenti speciem proferunt. Vires au-
 tem qualitatis ordinem eiusque in substantia molem, neutrum verò seor-
 10 sum cōsequuntur, sed ex vtrisque spectatur & consistunt. Qui enim in pu-
 sillo igne inest calor, eodem est ordine atque qui in ampliore cōsistit: mi-
 nus tamen calefacit, quia non parem molem obtinet. Contrà autem igni-
 tum candensque ferrum tametsi depressiore quàm flamma est calore, ve-
 hementius tamen & acerbius vrit, quoniā densa multaque substantia præ-
 15 ditū est. Neque igitur cui intēsus est calor, id statim acerbius calefacit, quàm
 cui depressior est: neque quod fufum & ampliorem consequutum est ca-
 lorem, id impensius calefacit, quàm cui in angustum est cōcēditus, sed v-
 trinque virium vt dixi robur æstimandum. Id autem cū animo & cogi-
 tatione cōplecti difficilē atque arduum videretur, medici iuxta ac philo-
 20 sopherū sensibus tanquā incorruptis & integris iudicibus cōfirmandum du-
 xerunt, omniū vires ex efficiētiā & operibus tactu cōuenienter æstimantes.

Quinta ra-
tio.

Temperamē-
tum est ex
virium com-
paratione.
Vires à
duobus æ-
stimari.

Vires esse
dūcogno-
sci.

Temperamentorum differentiæ quot qualēsque sint. Cap. III.

25 **H**UNC in modum separatim examinatę vires, si deinde in
 communionem & societatem relatę comparentur, tem-
 peramentorum differentias ostendent. Quatuor naturarū
 cū æquales vires in vnum coierint, vt calidi, frigidi, hu-
 midi, sicci que pares sint portiones, temperies illa conficiet-
 30 tur, quam temperatum iustumque temperamentum dixe-
 re, ceterorum legem & regulam. Quodcunque autem ab hoc desciscit, &
 disparibus inter se elementorum viribus continetur, intemperatum im-
 moderatumque appelletur & intemperies. In ea dispari copulatione ne-
 cesse est omnino, aut vnum reliquis tribus excellat, aut ad summum duo,
 tria nunquam possunt. Cū igitur quatuor sint ea, ex quibus tempe-
 35 ramentum absolutē conficitur, singulorum exuperatione simplices qua-
 tuor creantur temperaturę: calida quidem in qua calor frigori antecellit,
 humoris autem & siccitatis equalitas est: frigida in qua frigus vincit atque
 dominatur: humida cui⁹ humor primas obtinet: sicca vbi humore siccitas
 potētiōr est, paribus iis quæ in altera oppositione sunt cōtrariis. Quatuor
 40 sunt & coniugatę temperaturę, quæ duorum simplicium exuperantia pro-
 cesserunt sēque extulerunt. Nam duæ cū sint oppositiones limitibus
 quatuor conclusę, neque vnius vtraque possit extremitas principatum
 obtinere, sit necessariō vt non plures duabus excellent. Eodē rationis mo-
 h ij mento

Temperies.

Intemperies
quid.

Simplicia
quatuor tē-
peramēta.

Cōiugata
temperamē-
ta quatuor

Innume-
ras esse par-
ticulares
temperamē-
torum dif-
ferentias.

mento fit, ut quauis sex numerando percenseantur coniugationes, illarū tamen quatuor duntaxat possint natura consistere. Hæ sunt calida & humida, calida & sicca, frigida & humida, frigida & sicca: quas coniugatas quatuor temperaturas aut compositas appellant. Nouem igitur sunt temperamentorum genera, quæ permissionis differentias & proprietates consequuntur: vnum temperatissimū, quod paribus omnium conflatum portionibus extremorum medium possedit. Intemperata octo: simplicia quatuor, totidem cōposita. Tēperatissimum quod est, indiuiduum & omnis expers latitudinis quasi punctum intelligitur: cætera quæ ab hoc recesserunt, longè latèque fusa sunt: neque enim quæ calida dicimus, omnia pari à mediocritate interuallo distant, neque aut frigida, aut humida, aut sicca, vno eodémque omnia sunt ordine. In compositis porrò euincētium qualitātū aut par est recessus, aut alias alia antecellit. Etenim calidū siccūque appellamus, siue illa pari sunt ordine, siue calidum sicco præstat, siue cōtrā siccum calido. Vnde intelligitur octo cū sint imparia tēperamēta, vniuscuiusque tamen ex maiore minorèque recessu innumeralia fieri discrimina, ex quorum proprietatibus tum similium partium, tum infinitæ corporum naturæ & proprietates cōsurgunt atque cōstant. Hoc præclarè Lucretius poëmate cecinisse visus est.

Libro. 2.

Debent nimirum non omnibus omnia prorsum

20

Libro. 4.

Esse pari filo.

Et rursum:

Libro. 1.

Semina multimodis in rebus mista tenentur,
Constituunt eadem fruges, arbuta animantes,
Verū aliis aliòque modo commista.

Si affines in permissione qualitates erunt, cōstans diuturnūque temperamētum fiet: sin discordes incōstans prorsūque mutabile. Quod mediocre definiuimus id (quia in summa rerum æqualitate, vix vlla potest aliam vincere atque dissipare) omnium diutissimè speciem suam tuetur & sustinet, idque tum à se, tū ab externis causis minus afficitur: deinde quæcunque illi confinia & finitima sunt: quæ autè ab illo abscefferunt & longiore interuallo disiuncta sunt, celerius intercidunt atque dissoluuntur. Calidum humidūque omnium minimū statu suo permanet (quam fortasse id vnum præter cætera in plurimos annos vitam perducit) adeò ut ne constare quidem ipsum posse multi sint opinati: cū enim assiduè nullòque puncto temporis intermisso humor vi caloris dissipetur, pro calido humidòque temperamēto, breui tempore calidum simpliciter irrepet: hoc deinde in calidum siccūque traducetur. Sub hæc verò dum absumpto exhaustòque humore, calor alimento fomentòque destitutus sensim languescet, siccū absolutè succedet: ab hoc verò cū iam calor plurimū disiectus atque fusus extabuerit, siccum & frigidum, quod omniū verè postremum statuitur.

Quid

Quid iustitia, quid pondere temperatum, utrumque in rerum natura verè subsistere. Cap. IIII.



IMPLICIA quæ diximus quatuor rerum initia, omnium quas mundus habet substantiarum extrema summè contraria tenent: horum in medio collocata sunt reliqua eorum quæ gignuntur intereuntque corpora, & animalium & stirpium & inanimorum omnium. Quodcunque medium ad vnguem obtinebit extremorum, exacta æqualitate permistisque paribus viribus concretum, id *δυσκρατον*, id est bene temperatum appellatur: quod ipsum & in vniuersa substantia verè ac prorsus ponderèque (vt dicere solent) medium habetur. At verò si in toto vel corporum, vel viventium, vel animalium genere, vel in vniuscuiusque animalis specie extrema sint constituta, extra quæ nihil possit illiusmodi cōsistere: totius comprehensæ latitudinis medium quiddam mente complectemur, quod quia ab extremis illis pari abest interuallo, & *δυσκρατον*, id est bene temperatum, & *σύμμετρον*, id est consentaneum atque moderatum dicitur: non quidem simpliciter, sed in suo genere vel specie. Id quasi iustitiæ ritu temperatum omnino est, quod generis sui decoram illam & consentaneam æquabilitatem est adeptum, qua tanquam numeris omnibus & partibus absolutum, salubriter, integrè & naturæ suæ cōgruenter se gerit, omnibusque muniis ad quæ natura sua ducitur, incorruptè fungitur. Alia autè inanimorum, alia stirpium mediocritas, alia animantium: & in animantibus, alia rursus hominis, alia leonis, alia equi, alia canis. Neque leo temperatus eodem est temperamento atque homo temperatus. Iam verò quia in-
 25 intemperatum id dicere mos est quod à mediocri mediòque discessit, fiet sanè huius vt & temperati complures differentiæ. Leonem verbi gratia designare licet in specie sua frigidum, qui tamen in animalium atque in vniuersæ substantiæ genere, imò fortasse & alteri se frigidiori collatus, calidus sit. Hunc substantiam quidem calidam, & animal calidum, at verò leonem
 30 frigidum esse quis rectè dixerit: aliàs simpliciter, aliàs comparatè pronuntians. Quod enim ab vniuersæ substantiæ medio recessit, id simpliciter intemperatum est, parem non obtinens extremorum portionem. At comparatè, vel genus generi confertur, quomodo animal calidius, stirps frigidior est: vel speciei species, sicque leo calidus, homo autem frigidus est: vel
 35 singula singulis, quæ aut eodem sunt genere, aut in diuersis. Comparatè autem contraria de eodem enuntiari nihil prohibet, cum sit homo leoni comparatus frigidus, formicæ verò calidus. Tot igitur modis & temperati & intemperati notiones vsurpare cōsueuerunt. Quibus qui inuolutas ambiguitates nō distinguunt, eos necesse est in salebras incidere operosisque
 40 nexibus implicari. Quod iustitia temperatum appellant, id omnium medicorum firmatū est consensu, qui illud in omni tum genere, tum specie inueniri non dubitant. At verò quod verè & quasi pondere temperatū intelligitur, nec haberi, nec in rerum naturæ ordinem (tanquam sit repugnantia)

Tēperatū
ad pondus
quid.

Tēperatū
ad iustitiā.

Intēpera-
tum multi-
plex.

Intēpera-
tum dupli-
citer.

Cōtra eos
qui negāt
tēperatum
ad pōdus.

Prima ratio.

Altera ratio.

gnantia) admitti posse, contentione decertant Auicennas, Auerrhois, & quicunque in Arabum familiam se tradiderunt. Fieri enim non posse existimant, ut ex paribus contrariorum viribus mistum quippiam emergat, quod nulla actio, nulla ad moderationem repressio illorum concursu obtingat. Hinc Auicennae temperamentum (qualitas nimirum quinta ex elementorum confusione recens nata) fieri nullum potest usquequaque & sine vlla exceptione medium, sed id necesse est in extremorum aliquod esse propensius. Ceterum multo aliter res habet. Nam si elementorum summae qualitates ut & substantiae in permistione non pereunt, sed asseruatae temperamentum constituunt: nihil prohibet aequis illas portionibus mistas, 10 exquisitè temperatum proferre, quod in proportionibus situm est aequabilitate. Licet enim in illa aequabilitate non tanta sit mutua qualitatum actio, quae vel abolitionem vel repressionem contrariorum molitur: tanta tamen est ut paria contraria possit confundere ac verè permiscere in vnum temperamentum: minus enim virium & inaequalitatis contrariorum temperatio desiderat, quam illorum dissolutio atque occasus. Ergo perfectè & aequo pondere temperatum in natura rerum haberi, tum per hanc palam fit & apertum, tum etiam quod dum ex frigido humidoque temperamento in calidum siccumque quiddam abit, necesse est per hanc deduci mediocritatem. Ea autem vbinam & quomodo subsistat, in conspectu atque 20 oculis omnium mox erit, ut internoscendi temperamenti summam rationem attigero.

Hominis tactum, discernendi temperamenti legem esse
& iudicem.

Cap. V.

25

Elementorum in mistis portiones ratione cognosci nequeunt.

Sensum quodammodo noscuntur. Sensuum praestantia.



Visquis compositi corporis temperamentum ex insertis elementorum portionibus aestimare volet, cognitionem multis obstructam difficultatibus & à rebus obscuris petitam suscipiet: occultae enim sunt & penitus abdita simplicium vires, adeo ut iudicii nostri infirmitas, quanta sit cuiusque in concretis portio, inuenire se posse diffidat. Horum igitur si quid certum reddi potest, id non nisi sensuum beneficio comparandum, per quos notiones rerum in animis imprimuntur. Quicquid enim animo cernimus, id omne originè traxit à sensibus. Quoadmodum colores internoscimus consuetudine oculorum, & de odoribus iudicaturi olfactui fidem habemus, sic opinor & de principibus qualitatibus quae sub tactum recidunt, non est tactui fides abroganda, sed cuique sensui de his quae perceperit & de propria obiecta re iudicaturus, tanquam exploratori & vero nuncio credendum. Siquis fortè sprete fideli sensuum constantia & autoritate, omnium quae obiectantur demonstrationes requirit, quibus olorem album esse, coruum nigrum, ignem calidum, glaciem frigidam sibi persuadeat, is profectò desperata cognitione certi, omnia in suspensionem & ignorantiam trahet.

Lucre. li. I.

Quid referemus enim quod nobis certius ipsis

Sensibus

Sensibus esse potest, quo verà ac falsà notemus?

Sublatis sensibus, qui quasi fundamēta quēdam sunt scientiarum, nihil iam quicquam relinquetur, vnde sumi possit demonstrationis exordium.

Inuenies primis ab sensibus esse creatam

5 Notitiam veri, neque sensus posse refelli:

Qui nisi sint veri, ratio quoque falsà fit omnis.

Cum igitur sint illorum iudicia tanquam communes animi notiones Geometris appellatæ, si quid illis ad demonstrationem præponetur, iam omnis doctrinæ ratio in confusam perturbationem acta concidet, atque
 10 ex posterioribus superiora necessario connectentur. Ergo quod ἐνσπύειν, id est re ipsa, aut quod dicere solent actu, calidum, frigidum, humidum, sic- cumve est, id tactu liceat internoscere, non leonis quidem aut equi, aut ca- nis, sed solius hominis tactu, qui tum dignitate tum temperamēti medio- critate cæteris antecellit. Qui enim cani aut asino potius quàm homini
 15 animantium prudentissimo ac sapientissimo, discernendi scientiā defert, præterquam quòd ridiculus habetur, rerum cognitionem nobis adimit, asinis verò largitur, à quibus nunquā possumus erudiri. An (vt inquit Tul- lius) dum bestię loquantur expectamus, hominum consentiente authori- tate contenti non sumus? Ne quis igitur angustos sensus nostros reddat,
 20 aut nos omni rerum cognitione priuet, hominis prudentiæ præstantique naturæ tactus temperiem commitemus, quæ reliquorum omnium lex sit & regula. Atque eius potissimum hominis qui optimi sit habitus, quique omnium iudicio temperatus, si non omnino, at certè quasi iustitia quadā censeatur. Is itaque quod omnium quæ sub sensum veniunt calidissimum
 25 est, velut ignem aut aquam quæ ad summum ferueat, calidissimū quoque decernet: niuem aut glaciem frigidissimam & quod paribus illorum mo- dis dimētionibusque perfusum componetur, id vt in medio extremorum situm, sic in calore & frigore temperatum pronuntiabit, neque si manum in id demittat, inde quicquam afficietur aut sentiet. Rursum terram vel ci-
 30 nerem, vel tale quippiam quod planè sit aridum, si pari aquæ modo con- spergatur, vt humidi siccique verè medium obtineat, id demum tangens atque tractans neque durum neque molle sensu percipiet. Vnde intelligi- tur hominis vtcunque temperati tactum illis esse per similem, esseque hūc verè medium omnis exuperantiæ, calidi, frigidi, humidi, & sicci. Is autem
 35 cum per totam cutem æquabiliter fusus sit, quæ rerum externarum appul- sus sentiat: palàm fit hanc quoque omnium extremorum verè mediam ha- beri, & omnis superlationis expertem, eam præsertim quæ manū integit, maximèque summos digitos. Quocirca huic rectè internoscendorum tē- peramētorum æqua æstimatio regulæque cognitionis & iudicij defertur,
 40 si modò ab his quæ extrinsecus occurrunt, vt à calore, vt à frigore nihilo sit conuersa, neque vllam commutationem acceperit, neque vti fossoribus callo sit obducta. Quæ enim sic affecta erit, improba & iniqua æstimatio- ne in errorem inducet: ita quidem monente Lucretio.

h iij

Denique

Idē eodem libro.

Idē lib. 4.

Hominis tactū iudi- cē esse tem- peramen- torum.

Hominem temperatū esse mediū in vniuersa substantia.

Hominis tactū & cutē mediū tenere vniuersæ substantiæ.

Cutis lex & regula tēperamētorum.

Libro. 4.

Denique vt in fabrica si praua est regula prima,
 Normaque si fallax rectis regionibus exit,
 Omnia mendose fieri atque obstipa necessum est:
 Praua, cubantia, prona, supina, atque absona recta,
 Pro dita iudiciis fallacibus omnia primis.

Quocirca in iudicium & tactus æstimationem cutis adhibenda est, quæ
 talis omnino perstiterit, qualem natura eam cõformauit: nam & mox erit
 manifestius ex sua illam compositione temperiem accepisse.

De singularum partium corporis humani temperatura. Cap. VI.

Composi-
 tiõe & or-
 tu calidæ
 partes.
 Frigidæ.



Cutis tẽpe-
 rata est.

Partiũ ca-
 lidarum
 ordo.

Frigidarũ
 ordo.

Siccarum
 ordo.


Humida-
 rum ordo.

T primũ tactus æstimatione, sic rursus substãtia & cõ-
 positione, partium corporis humani tẽperamenta noscun-
 tur. Sanguis totus natura calidus est, ex hoc caro tota fer-
 mē condita est, quæ idcirco compositionis partium tan-
 quam lex quædam nobis esse potest. Cernuntur & in no-
 bis quædam vsque eò frigida, vt nemo ea possit in dubiũ
 & cõtrouersiam adducere, quod genus sunt ossa, cartilagines, & exanguia
 omnia: quæ tanto sunt frigidiora quanto minus sanguinis & carnis ade-
 pta sunt. Inter vtraque planè medium quiddam est cutis, ex ambobus æ-
 què permistis constituta, tanquam sanguine & carne præditus nervus.
 Constat enim ex carne molli, & nervo duro: ac proinde duri mollisque, &
 humidi sicciq̃ue medium occupauit. Quò fit vt ab vtriusque oppositionis
 extremis pari interualllo seiuncta, æquis eorum portionibus temperetur,
 neque iis quidem compositis modò, verũetiam per totas cõmistis. Quo-
 circa vt sensus iudicio, sic & fabrica compactioneq̃ue, cutis videtur media
 comparatione dimetitur. Spiritus omnium quæ in corpore sunt calidif-
 simus, hoc ipso cor minus calidũ, deinde sanguis, post hunc caro simplex:
 hanc sequitur iecur, hoc lien, lienem renes, cutis his succedit tẽperata. Ab
 hac in frigidum propẽsus est adeps, deinde cerebrum: hoc frigidior spinæ
 medulla, hac frigidiores sunt nerui molles, deinde sequũtur duriores mo-
 tibus accommodati, ab his est vena, deinceps arteria, post hanc membra-
 na, his omnibus frigidior est tẽdo, hoc rursus frigidius vinculum, chon-
 drosyndesmos proximus est: deinde cartilago, os ei finitimum: ab hoc pi-
 lus est, vltimo loco pituita omniũ quæ in corpore sunt frigidissima. Quæ
 alterius oppositionis sunt qualitates, illis à natura hoc modo sunt inditæ.
 Pilus omnium est siccissimus: hunc suo quæque ordine deinceps conse-
 quuntur, os, cartilago, chondrosyndesmos, vinculum, tendo, membrana,
 arteria, vena, nervus motui destinatus. Ab his cutis succedit tẽperata. Hinc
 in humidum iam abit nervus sensui designatus: cor hoc ipso iam est hu-
 midius: deinde sunt renes, iecur, lien, caro simplex. His succedit pulmo,
 post hunc est spinæ medulla, dein cerebrum, mox ossium medulla, adeps
 proximè illi est, subsequitur sanguis, postremò pituita omniũ quæ in no-
 bis

bis sunt, ut frigidissima ita humidissima. Hæc posterior humidorum siccorumque series tactus iudicio confirmata est, cui & substantiæ compositio prorsus consentit. Cum enim in nobis dum viuimus nō summa sit vis frigoris, per quam valeat quicquam in duritiam concrecere, neque extremus is calor insit, qui concreta liquare possit: quicquid tactu molle deprehendatur, id quoque humidum: quicquid durum, id statim siccum censeatur. Sic igitur dum in nobis vigeat moderatus vitæ calor, humidus siccique tactus erit æquus æstimator & arbiter. Cæterum altera oppositione qua ad veterum imitationē partium temperamenta digessimus, neque
 10 tactu omnia, neque substantiæ compositione, sed nunc hoc nūc illo, aliās utroque modo singula dimetimur. Cor solo tactu definitum est calidissimum, quod dissecto animantis pectore, digitisque in sinistram cordis sinum immisissis, sentiatur hic locus omnium qui in animali sunt calidissimus. At si substantia spectetur, cor simplici carne frigidius existet. Venæ &
 15 arteriæ quia spiritus & sanguinis contagione incalescunt, possent perinde atque cor calidæ censi: cæterum ex compositione quia exangues sunt, inter frigidas habentur. Porro autem pulmonis siue compositionem, siue calidum biliosumque nutrimentum, siue cordis vicinitatem & adhesionem respicias, illum sanè iecore tum calidiorem tum multò sicciorē
 20 iudicabis. Quid igitur Galeno in mentem venit ut humidum hunc statuatur, nisi fortasse ab inducto aëre frigido & ab irruente defluxione, atque omnino ab excrementis illi temperamenti rationem indidit? Adeps concreione frigidus censeatur, cuius tamen substantia ad inflammationem apta & habilis calorem significat. Cerebrum substantiæ compositione Aristoteles frigidissimum prodidit: hoc Galenus tactum iudicem
 25 cum adhibuerit, cumque à circumfuso quouis aëre refrigeratum lædi cognouerit, calidum esse contendit. Itaque de partium temperaturis non nisi distinctione adhibita quicquam certò licet pronuntiare.

30 De vniuersi hominis temperamento, neque viuens omne calidum esse.

Cap. VII.



35 DISSIMILIVM partium atque totius animatis temperamentum, ex similium compositione, imitatione quadā exprimimus. Nam os, neruus, aliæque similia suis substantiis integra manēt in nobis, neque similiter atque elementa in confusionem adiguntur, qua sese vicissim cōuertant. Ab his tamen singulis calidis frigidisque, par est tum humores quosdam atque vapores, tum verò & spiritus communiter in omne corpus erumpere, qui deinde variis præditi qualitatibus variisque tēperamentis, in vnum commeantes atque confusi, sese demum temperent, fiatque ceu vnum totius temperamentum, non illud quidem simplex, sed ex
 40 multorum concursione conditum. Hinc eorum error planè coarguitur qui simplicem qualitatem id esse proponunt, cum apertum & perspicuum sit,

Humidū
siccūque
tēperamē-
tum tactū
cognosci.

Calidū aut
frigidū nō
vao sēper
modo co-
gnosci.
Cor, quo
tempera-
mento.

Venæ &
arteriæ.

Pulmo.

Adeps.

Cerebrū.

Totius cō-
poris tem-
peramētū
vnde sit.

Non posse
id simplicē
esse quali-
tatem.

Cutis eodem est temperamento atque totum corpus.

Hominem esse temperatum ad pondus.

Nō in omni viuentē calore excellere.

Temperamentum totum ex multis constare. Partem unam quāque ex quatuor elementorum missione frigidā & siccā esse.

Viuentium calorem non ab elementorum missione nasci.

sit, similem quamque partem proprium & ingenitum retinere temperamentum, neque ex mutatis illis simplex vnum totius effici. Ea communione euecti tum vapores tum spiritus, in corporis extima in ipsamque cutem confluunt, eamque sic afficiunt, vt hac moderatione prædita, eo prorsus sit temperamento quo & vniuersum corpus: si quidem ab his quæ extrinsecus imminent causis, aduentitiam illa constitutionem nullam acceperit. Quo fit vt folius cutis contactu liceat de vniuersi corporis temperamento pronūtiare. Quemadmodum igitur antè demonstratum est cum vniuersæ substantiæ medium obtinere, sic fiet puto ex his manifestum atque promptum, hominem qui iustitia sit temperatus (quales plerique passim visuntur) eundem quasi pondere & in vniuersa substantia temperatum inueniri. Huc accedit quod singulæ partium temperaturæ seorsum æstimate, in commune relatæ si comparentur, calidæ frigidis, & humidæ siccis, omnium quædam æquabilitas accersetur, & cognoscetur homo partium suarum compensatione temperatus. Tales plerunque sensus comprehendit exili quadam latitudine à medio disiectos: nam exquisitè & ad vnguē temperatus, vt in indiuiduo quodam ceu puncto diutius consistere non potest, sic quasi regulam & cæterorum exemplar illum cogitatione quàm re potiùs cōplectimur atque informamus. Palàm est autē alios quosdam ab hoc deficere, alios superiores esse, & hi verbi gratia calidi sint, illi frigidi: idcirco neque viuens omne dominatu calidum haberi. Cæterum quod hæc illustriora clariorāque euadant, incudi illa reddere & iterum tundere consilium est. Quod enim explicatum à nobis est hominis temperamentum, ex partium omnium prima commoderatione, & ex spiritus tum vagi tum fixi affusione, id componi tenerique sentiendum. Quandoquidem propria cuiusque partis temperatura quam quatuor elementorum permixtio tulit, non alia inest viuenti atque animali iam primū extincto. Si enim derepente id suffocatum de vita decessit, corporis partibus quæ superant non sic puncto temporis sua potuerunt temperamenta perire, neque fieri potuit vt quædam elementa tam subito euanescerent aliis recens genitis, nouaque proportio illis accederet nondum mutua affectione commutatis. Quocirca vt demortui ita vitam agentis vnaqueque particula frigida videtur, atque si ea quæ ex primorum elementorum comparisonē est temperatura spectabitur, plus terræ quàm cæterorum obtinere. Vnde intelligitur viuentis eum calorem qui per corpus diffusus omnia regit ac moderatur, & cuius appulsu vita inest, cuius excessu mors irruit, à partium temperamentis differre, neque ab his proficisci. Sic propemodum & stirpibus suum quendam inesse calorem, cuius ope alantur, increscant, atque generent: quo demum pereunte omnis quoque naturæ actio intermoritur: licet quæ tum supersunt, folium, lignum, cortex, vt vetus nomen sic suum ex elementis temperamentum retineant. Calorem hunc in cunctis viuentibus tum animantibus, tum stirpibus non solum inesse, verum etiam principatum tenere, celeberrimi quique philosophi prodiderunt. Cum

Cum enim omnis ab illo naturæ sit actio, calidū vincere, & in actionibus superare pronuntiāt: neque modò formicam aut salamandram, sed & papauer quoque & mandragorā, quod nō nisi eccellente calore & nutrian-
 5 tur & increſcant, calida conſtituunt. Quem in modum confirmauit Ari-
 ſtoteles omne animal natura calidum humidūque eſſe, qualis vita quo-
 que ipſa cenſetur: demortuum verò, frigidum ſiccūque: ſingula ſic ſen-
 ſus iudicio fuiſſe comprobata. Iam verò quod in præſentia ſcrutamur cor-
 poris temperamētū, neque hoc, neque illud eſt, ſed ex vtroque quodam-
 modo complexum tenetur. Neque enim ſolum vitæ calorē qui functionū
 10 opifex eſt ſpectamus, vt ab hoc viuēs omne, calidum iudicetur: neque ſo-
 lum primam illam & verè materiātam ex elementis concretionem, qua v-
 numquodque frigidum eſt: ſed id proprium perfectūque temperamen-
 tum eſt, quod ex prima elemētorum confuſione & ex feruido calēti que
 ſpiritu integratur. Hoc itaque totius eſt corporis, vno tactu internofcen-
 15 dum: quo iudice ſtirpes omnes re ipſa & actu frigidas cēſebimus, animan-
 tes verò alias tota ſpecie calidas, alias frigidas, humanā ſpeciem omnium
 mediam, in qua hic calidus, ille frigidus eſt: alius mediocritatem tenet ceu
 lex quædam cæterorum. Hic ſiquidem in extremorum medio poſitus, ex
 paribus conſtat portionibus, terræ, aquę, aëris & ignis: ſi modò aëris igniſ-
 20 que appellatione non ſolum ea quæ verè ſunt elementa, ſed & genuinus
 ſpiritus & æthereus ille noſter calor comprehenditur, quomodo à præcla-
 riſ tum philoſophis, tum medicis fieri animaduertimus: dum cenſent a-
 nimam à corpore ſeiuungi non poſſe, quin ſimul naturali ſua temperie cor-
 pus deſeratur.

25 Vt tactus non ſimpliciter partium interiorum temperamen-
 ta diſcernat.

Cap. VIII.



30 **A**D integrorum imitationem ſi partium interiorum tem-
 peramenta paulò altius exquirimus, ſient ſingulæ concre-
 tione frigida, accedente autem ſpiritu & calore qui vitæ
 comes eſt, calida: amborum comparatione, aliæ calida,
 aliæ frigida, quædam vt cutis temperatæ. At verò (dicet a-
 liquis) viuētis interiora ſi contingere dabitur, quæcun-
 que pars adeatur, ſeu cerebrum, ſeu os pituitaue ſit, eam ſine controuerſia
 35 tactus calidam cognoscet. Quocirca ille ſi æſtimator eſt interiorum par-
 tium conſtitutus, omnes promiſcuè calidas cenſuerit. Et reuera nihil intus
 cohiberi experimur, quod tāgente ſit cute frigidius. Sed huic diſceptatio-
 ni obſiſtendum eſt, & quæſtionis obſcuræ ſolutio nobis perueſtiganda.
 Omnes quidem intus partes tāgenti calida ſentiuntur, neque tamen tem-
 40 periem ſingulæ calida adeptæ ſunt, quod is calor non inſitus illis ſit, ſed af-
 ſumptus magna ex parte & aduentitiuſ. Illis enim præter primam ex ele-
 mentis temperiem, & præter ſpiritus calorem, à quibus integrum fieri di-
 ximus viuētis particulæ temperamentum, alius quoque calor ex cordis
 vicinitate

Lib. de ſō-
 gitu. vitæ.

Quomo-
 do æſtimā-
 dum totū
 tempera-
 mentum.

Quæ nā in
 viuētū gē-
 nere calida
 ſint, quæ
 frigida.

Plurimas
 interiores
 partes ca-
 lore adue-
 titio inca-
 leſcere.

Solustat⁹
nequit in-
teriorū par-
tium tem-
peramēta
iudicare.

vicinitate & ex vaporibus accedit, ei quadam similitudine respōdens, qui nobis ex igni aut ex meracioris vini potione accersitur. Quoniā verò hic partium substantiam non complet, in temperamenti notione nequaquā comprehenditur: ceteroquin cordis vinculum & capsula, quæ tota est membranosa calidiori sit temperie, quàm pedis aut tibiæ caro. His rebus adductus vix fieri posse statuo, vt de proprio interiorum partium temperamento solus tactus decernat, quippe cui syncerum illud & purum non occurrit, sed multo perfusum externo calore. Iudex tamen bonus is esse possit vnā cum ratione, quæ substantiam atque structuram explorabit. Solus verò satis est de totius integræque corporis, cū reliquorum animantium hominis, ex æquo & bono iudicium facere, atque his potissimum videtur accommodatus.

Multis ex causis ingenitum temperamentum mutari, quaque id ratione accidat.

Cap. IX.

Aduētitia
corporis
qualitates
in tēpera-
menti ra-
tione non
cōtinētur.



Vt innatū
tempera-
mētum ab
externis
causis per
mutetur.

HUMANVM corpus patibile cū sit & affectioni subdi-
tū, ab aduersis causis siue prægressæ illæ sint siue antecede-
tes, siue proximæ & continentes, multa solet perpeti atque
sustinere. Sic enim plerūque à cibo plenior, à vini potio-
ne, ab æstu, à balneis, ab exercitatione incalescit vehemen-
tius, quæadmodum contrariis ex causis refrigeratur. Quæ-
cunque ab illis inducta corpori fuerit affectio, per summa illius diffundi-
tur & inhaeret, mutabilis & inconstans, adeò vt si per se & solitariae suæ na-
turæ id relinquatur, leuissimè trāsfiga à seipsa desciscat, & tota quammo-
x rāquam adscita & aduentitia exolescat. Itaque quoniam hac euanescente
corpus ad se pristināque constitutionem redit, temperamentum autem
constans est & firma corporis habitudo, constat illam temperamenti spe-
ciem minimè permutare. Ceterum si fortè illarum efficientium causarum
assiduus sit appulsus, nullōque puncto temporis intermissa adhæsiō, fieri
quidem contingit vt tum demum temperamentum, ipsaque elementorum
proportio commutetur: quod hac ferè ratione obuēnit. Primum vi causa-
rum, qui in corpore diuagatur spiritus, aut aër diffusus in cæcos & abditos
recessus, incalescit, si quidem causæ erant caloris effectrices: hinc in humo-
res & teneram corporis substantiam sensim calor prorepat, tum demum so-
lidiorē molem occupat. Pergente autem causarum impetu, necesse est
singulas ordine suo exiguas frigidorum elementorum portiones obteri,
& à pristina cōstitutione in contrariā calidiorēque facessere. Hæ quan-
diu sic mutatae suam adhuc speciem retinent, temperamentum etiānum
manet nihil mutatum: adscitus enim dūtaxat & arreptitiu is calor est. At
verò cū diuturnitate fiet imbecilliorū partium (non enim omnes aduer-
sis æquè obsistunt) tanta decessiō, vt frigidorum elementorum plures por-
tiones & fragmenta pereuntibus formis in calidorum naturam contē-
dant: tum primum toti immigrat temperamenti mutatio. Summotis verò
tum

tum causis, cum corpus nō vltra illarū vi pulsabitur, quęcunq; partes supra modum incaluerant nondum tamen formis suis spoliata, ad superiorem temperamenti modum sponte sua recurrent: calidæ verò hæc quidem permanentur quarum iam species exoleuit. Quoniam igitur per illas firmus & stabilis toti calor accessit, erit pro earū multitudinem aucta caloris proportio, aliudque inuectum temperamentum. Quemadmodum autem ab iis causis quæ foris sunt, ita multò prōptius & procliuius ab esculentorum potulentorumque longo usu, si quidem illa immoderato erūt calore, corporis temperamentum in calidius traducetur. Huic obiter subtilior solertiorque meditatio succedit. Cum enim corpus humanum ex variis sit particulis constitutum, aliis quidem mollioribus, vt carne, vt neruo, aliis solidioribus vt membrana, cartilagine, osse: quęcunque harum magis patibiles sunt, primæ à sua commodatione decedunt: solidæ verò non nisi longo tēpore & ingēti causarū incursione, è statu deiici & deturbari possunt.

15 Quinimò cum sint illæ fibris quibusdam firmissimis intextæ, quibus plurimū inest firmamēti & roboris, sic illas duco aut nūquā vlla vi labefactari posse, aut tenuiter vsque adeo & parcē, vix vt toto æuo insigne quicquā perpeti possint. Itaque quorundam ego iudicium sequutus, insitum illud & primarium corporis cuiusque temperamentum in illis constituo, cuius

20 tanta vis est & soliditas, vt quocunque siue contrariorum longa consuetudine, siue ætatum decursu fiat mutatio, in id tamen ingenitum temperamentum magna semper sit propensio atque procliuitas: corpusque primam naturā semper redolēs, expeditius eò se referat vnde decessit. Ex quo fit vt qui à prima origine sit intemperatus, quāuis arte in mediocritatem

25 vindicetur, verè tamen temperatus nūquam sit, neque ei prorsum similis, cui tēperies sit ingenita, sed illius duntaxat effigies quędam & adūbratio. Quinetiā duos si fingamus diuerso natos temperamēto, qui fortè quibusuis ex causis in eandem corporis conditionem peruenisse videantur, non tamen iisdem prorsum gaudent & oblectantur: argumentum procul dubio diuersa his superesse naturæ primordia, quorum non parua etiam nūc

30 restant vestigia. Quæ cum Hippocrates intima ratione animo que lustraret, vniuersa vno complexus est aphorismo, quo prodidit per morbos minus periclitari quorum naturæ morbus cōuenit, aut ætati, aut habitui, aut tempori, quàm quibus non conuenit: eo planè significans nobis aliam ex

35 ætate temperaturam inesse, aliam ingenitam quæ ipsa est natura, aliam ex temporis & victus consuetudine: quæ diuersæ cum sint & plerunque pugnantes, in vno corpore cōsistunt, sed aliis quidem partibus, vt hæc carni atque mollioribus, illa fibris duntaxat penitus insideat.

Quid ætas, quot ætatum differentia, vtque illarum progressu cuiusque temperamentum vertatur.

Cap. X.



T multa nos assidue circumstant incommoda, quorum vi huc illuc traducimur, sic intus nobis ingenerata & ab ortu tradita est causa, cuius necessitate temperamēta decursu vitæ commu-

i temus.

Primū & ingenitū tēperamētum semper in nobis quodāmodo seruari, neque prorsus mutari posse.

25. Lib. 2.

Vnius & eiusdem natura esse tēperamenta.

Insitus noster calor senii & interitus causa interior.

temus. Hæc est illa mortis ac interitus perniciēs, hæc intestina calamitas, quam nulla ars, nulla humana industria effugere, sed ne reprimere quidē possit. Etenim sicui ab ortu temperato vel Æsculapius præsit, qui illum ab iis quæ foris sunt, aut quæ intrò sumuntur causis, saluum & incolumem sic tueatur, ut nullum inde corpus detrimentum capiat: is tamen à semetipso, suâque sponte magis magisque conficietur consumeturque, donec extremum vitæ spiritum edet. Illuc dum contendit, plurimas hoc interim spacio mutationes necessariò sustinet. Has qui annorum spaciis & interuallis dimensi primùm discreuerunt, simul ætates appellarunt. Ut sit ætas id vitæ curriculum quo luculenter corporis constitutio per se suoque nutu muta- 10
tur. Non quæuis aut proceritati, aut colori, aut erumpētibus pilis, sed quæ duntaxat temperamento & primæ constitutioni omnium functionum causæ incidit conuersio, ea ætatum singularum discrimen facit. Rursum neque ipsius temperamēti ab externis causis, aut aestu immodico, aut cœli ardore, aut intemperantiore viuendi consuetudine mutatio, sed quæ ab 15
interiore sit & semper assidēte interitus causa, vnica discernit ætates. Quocirca ætatum differentia plurimùm inter se dissimiles, ex ea ipsa quæ incidit varietate statuentur. Vitæ ingressu ut omnis animans ex semine & sanguine fluxis humidisque rebus nuper genitus est, ita & humidissimus videri potest: cui caro præhumida & muccosa, nerui, vincula, imò & ossa te- 20
nera flexibilique, adeò ut facilè sequantur quocūque ducas. Hinc in dies longiùs procedens plus plusque siccatur & arefcit, ut cum extremam senectutem attigerit, nō modò ossa arida sint & humoris expertia, sed etiā caro neruosa atque dura. Qui ergo sensim ætate progrediens sensim quoque exarefcit, quanto ortui erat vicinior, tanto humidior: quantum vero in vi- 25
tæ extremum declinabit, tantum & siccitate contabescet. Vnde intelligitur quod in medio extremorum situm est tēpus, id quoque humoris summæque siccitatis esse particeps atque medium obtinere. Hanc quidem ab humido in siccum animantium progressionem omnium sententiæ cōfirmant. Ceterum quod alterius est oppositionis, animal statim ut in lucem 30
editum est, ingenti calore affluit, quātum immutabilem persistere ad medium vitæ cursum existimant: hinc sensim languescit in extremum, quod omnium est frigidissimum & morti iam simile. Huius oppositionis quod medium est, haudquaquam principio, sed extremo quammaximè aduersatur. Ita enim Galenus singularum ætatum temperamenta tactione ex- 35
plorans, cum pueros, iuuenes, adolescentes millies considerasset, præterea eundem infantem puerum adolescentemque factum, hūc nihilo calidiorē deprehensum cōfirmat, nec puerum quā ætate florentem, nec ætate florentem quā puerum. Illius authoritati ut posteri omnes id concesserunt, sic neque ipsi tot seculis confirmatam opinionē repudiabimus: quā- 40
quam fieri posse vix intelligo, ut qui infantes, pueros, ætate florentes, tactu expenderit, nihilo sit ipse tot annorum prolapsione vel temperamēto, vel tactu immutatus: aut si qua illi mutatio incidit, quomodo tactu tanquam firmo

Quid ætas

Vnde spectetur ætatum mutatio

Ab ortu in vitæ extremū animal siccius reddi.

Caloris in vitæ decursu mutatio

firmo & constanti iudice uti potuit ad ætatum secretionem? Istorum proximus liber pleniorē disputationem conferet. Nunc verò si totius vitæ cursum partiemur, iūctisq; duarum oppositionum extremis suum ætati cuique temperamentū adferemus, fiet sanè vitæ exordium calidum & humidum, extremum frigidum atque siccum: medium sicci & humidi exactam temperiem accipiet, attamen in calido frigidoque nondum id, sed quod illi deinceps est, mediocriter apparebit. Si non absolutam illam & indiuiduam temperiem, sed qualem sensus iudicat inuestigamus, temperata ætas censebitur, quæ punctum vitæ medium modico interuallo antecedit, & ab hoc in aliquantò maius post spaciū porrigitur. Quicquid mediam hanc ætatem antecit, calido humidoque vincit & excellit, at non peræquè. Initium siquidem calidum est & humidissimum: quod verò sequitur simili calore viget, humore autem longè est inferius: ut quavis siccum id non sit, sed ne ad mediocritatem quidem depressum, initij tamen collatione siccum plerumque iudicetur. Quod à medio in extremum vitæ tempus extenditur, id omne frigido & sicco tenetur, hoc tamen discrimine ut pars vltima tum frigido, tum sicco excellat: nam quæ illam præcurrebat, & frigore & siccitate erat temperatior. Vniuersæ igitur vitæ quinque omnino sunt ætates suis temperamentis insignitæ. Omnium prima adolescentia in annum ferè quintum & vicesimum producta, hinc nomen habens, quod tum corpora ob humoris vbertatem plurimum adolescent. Humoris autem maior minorque copia, complures illius ordines secernit. Infantium ætas, omnium humidissima ad tertium quartumve annum prouehitur: hinc ad decimum pueritia, inde ad decimum octauum pubertas, ad vigesimum quintum adolescentia, totius appellationem sortita. Secunda vitæ ætas quæ florida appellatur, iuuentus est, ad tricesimum quintum aut quadagesimum annum excurrens, cuius propria est venustas, agilitas, & ferocia: calida quidem parèque humida, quæ idcirco pregressæ ætatis cōparatione solet calida siccaque censerī. Succedit constans & matura sui vique ferè similis, temperata vix annum attingens quinquagesimum. Illinc ad quintum & sexagesimum ingrauescens est ætas & præcipitata, prima illa senectus, quæ siccum frigidumque corpus efficit, frigidum tamen minus. Omnium postrema vitam claudens ætas est decrepita, frigidissima atque siccissima: quæ & vltimum senium dici solet. Hinc eorum manifestè proditur atque detegitur error, qui temperiem ipsam, quatuorq; temperamentorum cōiugationes vitæ ætatibus quadam proportionē contulerunt. Neq; enim vlla est ætas calida & sicca absoluto sermone, quod vincenti siccitati abundans calor natiuus comes esse non possit: neque vlla ne senectus quidem frigida & humida est, cum ex propria partium substantia atque commodatione, non ex humorum aut superuacaneorum affluencia temperamenti ratio spectetur. Illis quidem annorum numeris ut crebrò eiusmodi temperamentorum mutationem adferentibus ætates circumscriptimus, tamen si aliàs plerumque ad alios limites excurrunt, cum

Ætati tēperamēta.

Ætates
quique.
Adolescentia, cuius partes sunt quatuor.

Iuuentus.

Constans
ætas.

Prima senectus.

Vltima senectus.

In ætatibus non omnes inueniri tēperamētōrū differētiās.

vel multò breuior erit vitæ cursus, vel longius prorogabitur, ad annum fortassis centesimum. Ab origine autem quodcunque quispiam temperamentum acceperit, id necesse est proposita ratione ætatum decursio cōmuter. Velut si fortè temperiem is nascens extulerit, neque vlla deinceps externa causa illam conuertat, procedentibus annis nutu suo proprioque impetu sic ille ducetur, vt in pueritia atque adolescētia calidus sit & humidus, florida ætate calidior atque siccior, ætate matura absolutè temperatus, aliis deinceps ætatibus frigidior ac siccior euadat. Quæ tametsi ita sunt, attamen is iudicandus est & puer temperatus, quòd inter pueros mediocritatem obtineat, & puber quoque & adolescēs, itēque iuuenis & constans¹⁰ & senex temperatus: ita enim comparatè dici videtur. At verò absolutè atque simpliciter nō singulis hic ætatibus, sed ea duntaxat quæ matura constansque est, temperatus erit, parem sortitus extremorum portionem. Huius æstimatione tota pueritia simpliciter calida est, vt & vniuersa senectus frigida atque sicca. Qui porro calidus siccusque natus fuerit, inter pueros¹⁵ calidus siccusque viuet, & hanc innati temperamenti cōditionem ac speciem, per omnes ætates quodammodo retinebit: vt & cū senium attigerit, calidus atque siccus inter senes persistat. Quandiu tamen in pueris est, humidus calidusque simpliciter est. Cū autem senex euasit, frigidus atque siccus: at ætate media calidus siccusque simpliciter. Sic enim fit vt cuiusque²⁰ proprium, & quod à natura ingeneratum vocamus temperamentum, tale media duntaxat ætate, quæ omnium tēperatissima est & cuique familiarissima, purè consistat atque splendet. Oriuntur itaque & manant temperamenta tum à primigenia natura, tum ab ætate quæ illi comes est indiuidua: cūque id quod à natura prodiit, comparatè duntaxat, quod verò²⁵ ab ætate, simpliciter dici soleat, cōsequitur æstimandis tēperamentis ætati quàm naturæ vim tribui maiorem, & eam quæ ex ætatum decursu fit temperamēti speciem, ei tum victoria tum nomine præferri, quam natura oriusque contulit. De his iam satis multa.

Temperamentum nullum biliosum, sanguineum, pituitosum,³⁰
aut melancholicum dici oportere.

Cap. XI.

Tēperamē
ta ab ele-
mētis non
ab humo-
ribus nasci.



Elementorum viribus primò similitum partium, ex his deinde corporis vniuersi compositionem ductam esse rationibus confirmatum est, vt proinde palàm esse debeat omnem tēperamen-³⁵
ti rationem elementis primū deberi, his acceptā referri, in iis sitā esse, vt quæ totius substantiam cōpleuerunt. Humores ipsaque superuacanea corporis partes non esse, sed eo duntaxat contineri, idcirco & ab Hippocrate contenta dici, superiore quidem libro dictum à nobis est, & posthac plenius fusiúsque demonstrabitur. Quocirca neque ab humoribus,⁴⁰
neque ab illis superuacaneis potest corporis eiusque temperamētum æstimari: neque demū ab illorum dominatu & vbertate fas est temperamento cuiquā nomē imponere. Hinc fit vt ij laqueis inexplicabilibus sese inuoluant,

uant, qui nullo nominum rerumque delectu, hūc (verbi gratia) bilioso temperamento esse pronuntiant, illum sanguineo, pituitoso, aut melancholico alium: cum hac non temperamentorum sed dominantium humorum sint nomina. Cui enim sanguinis eiusque optimi plurimum inest, is iure sanguineus dici debet, ut cui bilis flaua exuperat biliosus, cui atra melancholicus, cui denique pituita pituitosus. Humorū istarū redundantia cōfinibus sibi temperamenti haud semper respondent: quod non rarò candidos & molles, cōsque tactu frigidos obseruare sit, quibus ingēs bilis copia quotidie reiicitur: uti & alios hirtos subnigros atque graciles, qui huius eluicii minimum congegserunt. Videas præterea non paucos prima origine frigidum siccūque temperamētum adeptos, quos tamen melancholicos esse minimè iudices, neque atræ bilis proluuie suffusos. Quin & senes extremi quorum ætas frigidus siccūque laceffit, minimum melancholici coaceruant, sed si quis his superfluit noxius humor, is maximè pituitosus est: unde & senes à superuacuo redundantia pituitosos esse omnes confirmant. Hinc multi rerum affinitate capti, eos quoque frigidus humidusque temperamento prodiderunt: quos nihilominus superior ea demonstratio arguit & insinuat, qua confectum est, eum temperamēti statum ætate nulla posse recipi, sed continuò ut editum est animal, annorum numero & diuturnitate corpus siccus euadere. Huc accedit, externarum causarum vi, multoque magis alimentorum varia substantia & facultate, aliàs bilem, aut flauam, aut atram, aliàs pituitam in nobis congeri ac succrescere, cuius nequit origo corporis constitutioni tāquam efficienti causæ tribui. Quis quæso tam delirus sit, ut in eo humore temperamētū collocet, qui totus interdum præter naturā est, cui nulla cum corpore cōmunio familiaris intercedit? Ergo quāuis qui prima ætate per vasa sparsus est humor, purioris sanguinis speciem ostendat, proxima dein ætate is corporis ardore siccitateque ad flauæ bilis naturam trahatur, tertia omnium fiat humorum quedam moderatio, quarta melancholicus humor, postrema pituitosus ob caloris coctionisq; infirmitatem redundet: quoniam tamen hunc ordinem externarum causarum plerumque vis inuertit, neque corporis perpetuò vna est & eadem atque humorum conditio, sed plerumque diuersa, non utique ex humoribus, sed ex cōstitutione propria definiendum est corpori temperamentum. Quæ humorum sunt nomina periti artificis non est corpori accommodare: quare nullum prorsus temperamentum sanguineum dicere permittimus, ut nullum biliosum, nullum melancholicum vel pituitosum, quāuis aliàs biliosum hominē, aliàs sanguineum, pituitosum aut melancholicū rectè appellemus. Videor equidē iam omnem de temperamenti disputationem compleuisse: cui nihil attinet illorum internoscendorum signa subiungere, in propriam tractationem commodius relata.

Libri tertij de Temperamenti Finis.

i iij

De

Alia tēperamētōrū, alia dominantū humorū esse nomina. Prima ratio.

Secunda

Tertia.

Quarta.

Quinta.

Sexta.

Quis humor quāuis ætate abundet.

Temperamēta sunt partiū corporis non humorum

De Spiritibus & innato calido,

LIBER IIII.

Calorem quendam nobis cunctisque viuentibus inesse,
cúmque diuinum.

Cap. I.

Quid tra-
ditum sit
hactenus.Quid re-
stet traden-
dum.Caloris vi
omnia cõ-
tineri &
regi.

VNIVERSAM hominis naturam cum aliùs in-
uestigare & persequi conaremur, primùm quidem 10
concretum hoc corpus in minimas quasque simi-
les particulas anatome dissoluimus. Hinc verò a-
liam earum compositionem si qua erat speculan-
tibus, deprehensum est vnāquamque ex primis
simplicibusque rerum naturis, terra, aqua, aëre & 15
igni constare: ex harum permistione varias enasci
temperamentorum differentias, quorum sua cui-
que parti proprietas insideret. Nondum autem ab hac contemplatione di-
gressi, rursus scrutemur ecquid præterea parti cuique penitus inhærescit
aut affidet, quod pleniorē illius cognitionem faciat. Quid illa sunt ve- 20
rustioribus medicis celebrata, innatus calor, spiritus, humidum primige-
nium, quid natura atque triplex in similaribus substantia, vt hæc singula
consistant, vnde & quibus viribus gubernentur. Quoniam autem vnus ca-
lor præ cæteris sensum manifestè ferit, ab hoc ceu notiore inducto exor-
dio, reliqua serie quadam quasi conferta ex aliis alia nec temus. Animā- 25
tium generi communi lege est à natura tributum, vt insiti vi caloris vitam
agant. Primùm enim illas dum in viujs, caloris temperatione perfundi,
morte verò consumptas hoc prorsus extincto refrigerari, vel sensus ipse de-
clarat, nullāque id alia demonstratione, sed vnus est sensus præstantia con-
firmandum, ceu communi quadam animi notione. Quanquam verò in 30
stirpibus minùs aperta & euident est caloris inspectio, eas tamen non mi-
nus quàm animantes hoc salutari calore conseruari, omnēque omnium
salutem hinc oriri, perspectum ei fiet qui naturæ opera effectusque estima-
bit. Constans enim est & rata sententia, omnia viuientia propter inclusum
in se calorem viuere, illius beneficio alimentum trahere, conficere, eoque 35
nutriri ac sustineri, augescere, procreare, animantes præterea sensu affici &
moueri: quantòque perfectiora hæc fuerint opera, tãto caloris vim atque
substantiam vberiorē adesse. Quod si vlla id ratione suaderi debet, vnus
Solis præstantia spectetur, qui dux & princeps moderatòrque mūdi cun-
cta viuientia luce sua lustrans, illa pariter caloris sui temperatione fouet, & 40
ad ea quæ dixi opera suscitatur. Hæc si externo calore fota agunt, impediun-
tur frigore, nōne optima ratio est quempiam in eis calorem inesse operū
effectorem, eúmque Solis maximè calori concordem esse & consentaneū?
Rectè

Rectè igitur Aristoteles vitā vno calore cōtineri, sine calore neque animalia neq; stirpes viuere, tanquā protritum & peruulgatum memoriæ mandauit, qui & mortem caloris extinctionē esse definiuit. Itaque huius imitatione vna omnium philosophorum consensio vitam calore finit, mortē
 5 caloris extinctione. Quantuluscunque inerit calor in corpore, id ipsum vita fruetur, & quas dixi functiones licet obscuras de se promet, neque extremæ senectutis frigus quod in temperamento dominatur, huius potest caloris superare vires. Hoc viuunt serpentes, quas tamen temperamento frigidas esse commemorant. Hoc viuunt papauer, mandragora, & vniuersum
 10 frigidarum stirpium genus. Ex quo iam video posse quasi cōnexum quippiam effici, calorem hunc supra elementorum naturam esse. Ab eo enim contrariorum quod suppar est ac infirmius, alterius excellentis conspectu nihil quicquam agi potest, sed tota misti actio in id quod exuperat tanquam in vincentem causam refertur. Atqui in earum stirpium quas con-
 15 numeravi temperamento, calor depressus est, & inferior quā frigus: non igitur hic vi & operibus potest frigus superare, neque in hunc tanquam in efficientem causam possunt vitæ functiones referri. Quocirca si quis calor vitæ functionum effector est, vt certè est, nequaquam is esse potest qui in temperamenti mistione diminutus est ac mutilus. Quare necesse est hunc
 20 vitæ calorem præstantioris cuiusdam esse originis, neque ignei elementi rudiorum naturam redolere, quemadmodum alio loco vberius disputatū est à nobis. Hinc præclara & eximia quadam mētis agitatione videtur Aristoteles mortem definiens, vitali huic calori non frigus tanquam contrarium opposuisse, sed extinctionem quæ eius ipsius est priuatio. Vt igitur
 25 luminis contrarium nihil est, sed aduersæ tenebræ illius sunt priuatio, atque si vel minimum luminis corpus illustret, id ipsum illuminatum dicimus: sic & de vitali calore statuo, qui quātuluscunque corpus possideat, id ipsum regit atque moderatur, calidūque denuntiat. Qui volet huius essentiam plenius cognoscere, ob oculos sibi proponat sulphur & artheni-
 30 cum, quæ calidissima quidem cū sint, & igneo elemento confertissima, vt plerunque nos vrant, tamen vitali hoc calore destituta iacent, sicuti & vniuersum inanimorum genus: quod argumentum planè cōuincit igneū non esse, neque ab elementorum mistione hunc ortum quem proponimus calorem. Quinetiam animatis demortuæ cadauer, tametsi partium
 35 ac totius structuram figuramque retinet, caloris tamen huius ne minimū quidem habet: haberet autem si ab elementis nasceretur, cū in partibus singulis aliqua superfit & resideat quatuor elementorum permistio. Vnde intelligi potest calorem eum per quē vita inerat, non ex prima elementorum mistione, sed aliunde ortu recondito fluxisse.

Calorē no-
strum non
esse prorsus elemē-
tarem.

Prima ratio.

Secunda.

Tertia.

i. Dialog.
Calori nostro non
opponitur
frigus.

Quarta.

Quinta.

Sexta.

Spiritum quendam cunctis datum viuentibus, qui vitæ calorem continet.

Cap. II.

Spirit^o necessitas.



Spiritus nomina.

Animū triplici corpore teneri.

VONIAM igitur calor is indissolubili adhæſione corporis moli confertus non est, sed ab ea separari ſeiungique potest, neceſſe eſt extra molem eam ſit, tanquam aſſumptum quippiam & aduētitiū. Atqui cū nequeat ſimplex calor in qualitatis genere conſtitutus, ſine ſede & vehiculo in omne corpus permeare, huc illucque momento diffundi, qualiter tamen hunc à corde per omnes arterias partibus ſingulis impartiri cernimus: fuit opinor neceſſarium hunc corpore aliquo fluxu & profluente contineri. Cæterum nullus humor ad hoc aptus erat & habilis, vt tanta celeritate corpus omne traiceret: quocirca neceſſe fuit calori materiam ſubſterni ſubſtantia tenuiſſimam, pernecitate velocem, quæ ſimul fouendo calori familiaris eſſet ac amica. Atque cū eiufmodi ſit ætherea, aut ſi rectius appellare velis ætherea, optima ratione debuit talis calor ſubiici, quæ ſemper ætheris modo incenſa ardet, cuique perpetuò calor inſidet, vt neutrum poſſit ab altero dirimi. Plato quidem rariùs eam materiam calore perſuſam, ſpiritum appellauit, ignem frequentiùs, vt interdum calorem. Ariſtoteli crebrò ſpiritus eſt dictus, non nunquam calidum atque naturalis calor: aliàs quidem à tenuitate & velocitate, aliàs à viribus & effectu ratione nominis deſumpta. Planiùs Hippocrates, qui nuſquam ad-
dubitauit hunc ſpiritum nuncupare, ex eo quòd eximiis viribus cū præditus ſit, oculorum tamen effugit obtutum: etenim & ærem, & vêtum, & auram, & vnāquamque ſubſtantiam quæ ſub aſpectum non cadit, ſic dicere conſueuerunt. Ad huius proſectò imitationem Stoici ſpiritū ex ſplendida, perſpicua, nec aſpectabili ſubſtantia conſtare rectè quidem prodiderunt, eo tamen falſi, quòd hunc tum naturæ, tum animæ ſubſtantiam eſſe pronuntiant, nihil eo præſtantius, nihil diuinius inueſtigantes. Quò autē ſpiritus neceſſitas atque ſubſtantia pleniùs demōſtretur, repetenda ſunt & replicanda veterum philoſophorum decreta: quorum primi Academici cū perſpicerent fieri non poſſe vt naturæ quammaximè diſpares, nullius idonei mediij interiectu ſocietatem inirent coirētque, animum noſtrum à ſummo rerum opifice conditum, priuſquam emanaret immigrarētque denſo huic & concreto corpori, cenſuerunt corpore quodam illuſtri, puro & aſtro ſimili tanquam ſimplici veſte indui: quòd immortale & ſempiternum nūquam ab animo abſolui diuelli que poſſet, & ſine quo non fieret huius mundi incolæ. Ab hoc deinde alterum corpus animo circumiecerunt, tenue illud quidem ac ſimplex, ſed tamen impurius, minùs illuſtre & ſplendidum ſuperiore: nō ab ſummo id opifice procreatum, verū elementorum præſertimque tenuiorum permiſtione cōcretum, à quibus nomen inueniens æreum & æthereum appellatur. Duobus hiſce corporibus iam ſtipatus animus, in tertium hoc mortale caducūque corpus, ſeu potiùs in tetrum & tenebriſum carcerem tanquam exul deiectus, terrarum fit

fit hospes, donec effracto carcere alacer & liber in patriam reuersus, muni-
ceps fiat & ciuis deorum. Hanc corporis atque animi communionem cō-
firmās Alexāder Aphrodiscius, spiritum quem proposuimus ait perquā
idoneum vinculum illis interponi, qui aduersas naturas interiectu suo cō-
ciliet atque cōtineat. Is enim extremo vtrique familiaris & accommoda-
tus, cum non sit prorsus sine corpore, crassio quidem corpori inferi potest:
cum verò tenuior splendidiórque sit, potest cum animo connecti. Sicque
vtriusque quodammodo particeps, naturam corporis expertem cum na-
tura corporea copulat, immortalem cum mortali, puram cum impura, di-
uina cum terrena. Hæc quanquam mentis corporisq̃ue communionem
non nisi spiritus interiecti nexu fieri demonstrant, eadem nihilominus &
cæteris animæ partibus caducis par est accommodare. Etenim animæ pars
mortali conditione genita, impura licet neque vt mens syncera sit, longo
tamen interuallo terreni huius concretique corporis statum antecedit, vt
citra vinculum ei nequeat inhærescere. Quocirca rectè prodidit Aristote-
les in semine spumosoque corpore spiritum, in spiritu naturam contineri,
quæ proportionē respondet elemento stellarum: apertè quidem significās
spiritum hunc inter corpus & diuinam illam naturam, tanquam commu-
ne quoddam vinculum interponi. Neque verò mēti solū, sed & vnicui-
que animæ parti caducæ proprium spiritum attribuit, omnemque animæ
facultatem affirmat corpus aliud participare, idque magis diuinum quā
quæ elementa dicuntur, atque prout nobilitate obscuritatēve animæ inter
se differunt, ita & huius corporis naturam distare. Quapropter si tum Ari-
stotelis, tum cæterorum rationes iudicio certo ponderemus, palām fiet v-
namquamque animæ partem spiritu quodam ceu fundamento niti, per
quem tum corpori insidet, tum omne officij munus exequitur. Est igitur
spiritus corpus æthereum, caloris facultatūque sedes & vinculum, pri-
mūque obeundæ functionis instrumentum. Quisquis illius substantiam
& statum nondum plenè sit assequutus, corporis nostri structuram con-
templatus, arterias adeat, in cordis sinum & in cerebri ventriculos intro-
spiciat, quos dum inanes ac nullius propè humoris participes videbit, ne-
que tamen frustra ac temerè tantos à natura conditos, hæc quidem mente
contrectans, mox opinor cogitatione comprehendet prætenuem auram
eos tum impleuisse, dum in viuis fuit animal, quæ tamen eo animā agente
leuissima cum esset, sine sensu euāuerit. Huius fouendę gratia inspiratio-
ne aërem introducimus, qui non modò corpori refrigerationē (hæc enim
satis posset aliūde comparari) sed pabulum quoque sumministrat. Corpo-
ris autem densa moles, eiusmodi subsidio haudquaquam indiget, vt quæ
crassiore recreatur alimento ex omnium elementorum permistione con-
creto: quare necessum est aërem hauriri & attrahi, vt finitimæ & cuiuspiam
in nobis sui generis substantiæ iungatur, eique velut in pastum cedat. Si
nulla in nobis esset tenuis & spirituosā substantia, vix vlla profectò nos ad
inspirandum necessitas impelleret.

Spirit⁹ ne
cessitas &
vltus.

Cuique a-
nimæ par-
ti vt mēti
suū subiici
spiritum.

2. de ani-
mal. gene.
cap. 3.

Spiritus
quid.

Spiritus
substantia
vbi viget

Corporum

Corporum quæ incenduntur exemplo, materiam tum caloris, tum spiritus in nobis cognosci.

Cap. III.



Aristo. 2.
de genera
tione.
Gal. 3. de
tempera.
Quid aer
flammæ
conferat.

Aerem pa
bulum esse
flammæ.

Triples fl
mæ pabu
lum.

Corpora
inflamari
ob oleosa
substantiã
quam in se
habent.

ON alienum institutis meis arbitror susceptam tractatio-
nem exemplis illustrare, quæ licet de medio sumpta erunt,
rei tamen omnis plenissimam fidem faciêt. Igni summus
feruor inest & caloris exuperantia, maximè verò flammæ,
quæ propriè noster ignis est & appellatur. Ea autem fumus
est aut æreum corpus accensum, neutro seorsum sed iun-
ctis ambobus absoluta: huius enim tanquam materia fumus est, cui flagrans
calor accedens flammam efficit. Flammam ambiens aer tuetur idoneus, neq;
crassus neque humore multo madens: quem si sepimento quodam circū-
cludimus, ut tum eò nequeat liber affluere & illabi, mox flammam peran-
gustè coarctatam deleri restinguique conspiciamur. Neque ideo solum aer
desideratur, ut vel refrigeratione flammæ præstet, vel fumosam exustam-
que illius fuliginem excipiat: quia ad utrūque satis esset accommodatus aer
densus & humidus, qui tamen flammam fouere non potest. Restat igitur
ut tenuis & syncerus aer idcirco sit necessarius, ut flammæ tanquam pabu-
lum accedat, & libero flatu alius aliūque accedens, quasi passionem se of-
ferat flammæ deuorandam. Velim equidem animum cogitationemque re-
ferri ad ignem, qui in medicis cucurbitulis aut in angusto conclauis dili-
genter obturato concluditur. Hunc enim magnam ambientis aeris partem
absorbere, id planè declarat, quòd dum rimæ vel tenuissimæ patefient at-
que referabuntur, confestim ac repente summa vi nouus intrò aer irruet &
se ingurgitabit, ut eum nimirum refarciat qui antè fuerat exhaustus. Qui-
bus apertum est flammam ut fumosa substantia, ita & ab ambiente aere fo-
ueri atque sustineri. Præter hæc autem tertium illi fomentum & pabu-
lum confertur, ex præpingui quadam materia, cuiusmodi in lucerna est o-
leum. Hoc quidem corporum omnium celerrimè pròptissimèque inflam-
matur, quod tenui substantia multo aere spirituque perfusa continetur:
deinde adeps, ab hoc reliqua deinceps corpora quæ illius conditionem
quodammodo imitantur. Quanto enim vnumquodque ad olei naturam
propius accedit, tanto deprehenditur magis habile & aptum ut inflamme-
tur, quo autem abest longius, hoc ineptius. Vnde conficitur corpus omne
quod inflammari potest, olei cuiusdam esse particeps huiusque solius gra-
tia conflagrare: quodcunque autem olei est expers, flammam non alere.
Videbor hoc loco magnum quippiam & veteribus inauditum offundere,
sed quòd longè sit verissimum, & multis huius seculi experientiis confir-
matum. Nullum enim corpus est ad inflammationem propensum, ex quo
syncerum oleum arte non elici possit. Non adeps, non cera, non pix, non
resina, non terebinthina, non vllum denique ligni stirpisve genus: nulla
radix, nullus flos, nullus fructus, nullum semen: atque in animalibus nulla
pars est, siue os, siue neruus, siue membrana aut caro: nihil denique in stir-
pium aut animantium genere vitam habuit, quod non possit oleum de se
profundere,

profundere, aliud quidem affluentius soloque pressu, aliud parcius maioreque industria: huius etiam causa quaecunque viuunt inflamari posse cōpertum habemus. Quinetiā inanimorum genus quæ complectitur inflammationi subiecta, eadem quoque oleo sunt finitima. Nam sulphur quicūque metallorum naturas perscrutantur, terræ adipem vel oleum appellant, quod moderato calore coctum cogitur atque concrecit. Ergo quaecunque viuunt alunturque corpora, pinguem & olei similem continet humorem. Præter hunc verò & alio perfunduntur, qui minimè est ad inflammationē idoneus, sed superiore magis tenuis & profluens, ab alimētis ascitus & cōfertus in cecos arctosque viuentium coporum recessus, qui quidem concoctione mutationem atque vires iam accepit, nōdum tamen in illorum substantiam planè conuersus: hunc humorem dicere placet alimētarium. Ab hoc demum diuersus est aqueus humor, quo tanquam visco terrenæ corporum partes iunctæ cohærent, quique rerum omnium ex elementorum permistione cōcretarum est communis. Vniuersum inanimorum siue lapidum, siue metallorum genus, hoc ipso conglutinatum sustinetur: at alimentarium aut olei similem humorem neutiquam nouit, sed hi viuentibus duntaxat propriè tribuuntur, vt intelligere sit eosdē ad vitæ calorisque tuitionem partes primas obtinere. Triplex id humorū genus quisquis volet perspectum sibi esse, in materia è syluis cæsa cogitationem defigat. Virentes enim stirpium ramos, aut ceram, aut picem, aut resinam, in stillans vaporarium qui cōiecerit, substrati ignis vi primū aquam dimanare sentiet, ab hac dein oleum: quod nō prius elici potest quā illa plenè exaruerint: sic enim mos est exiccata omnia deligere, è quibus oleum elici debet. Si quis porò ligneā materiem viridē recensque cæsam igni mādēt, principiò videbit agrè incendi, propterea quòd multo scatet humore, què è terra pro alimento sibi hauserat. Is enim est, qui ab eius extremis dum incalescit emanare solet. Hoc consumpto reliqua substantia promptè à flamma depascitur, quia purior manet pinguis illa quæ olei speciem gerit, alio liquore nullo madefacta. Hanc cum omnē ignis depopulatus fuerit, flammæ tum nihil prorsus erumpet & euolabit: in subiectis tamen carbonibus sua insuper inerit soliditas, ex relicto aqueo humore tenaci & cohærente, quem in elementorum concretionem acceperant: quo tādē exeso dissipatōque cinis duntaxat aridissimus reliquuserit. Idem propemodum temporis diuturnitas iis affert arboribus, quæ in syluis erectæ senio siccescunt. Primū enim exhaustus alimentarius humor deficit, quo tempore dominatur oleo similis humor, possuntque illæ ocysimè succēdi. Hic verò annis procedentibus adeò exhaurietur, vt inflamari prorsum nequeant, cum putrida ligna vulgus appellat, quæ solo cōstant aqueo humore. Postremò autem & hic atteretur, qui tanquam glutinum erat terrenis partibus connectendis: tum igitur dissoluta soliditate caries inuadet, quæ extrema est omnium consumptio. Stirpes reliquæ omnes, itēque fructus, semina, animatium particulæ, easdem propemodum mutationes diuturnitate subeunt.

Alter humor alimētarius.

Tertius humor elementaris.

Triplix humoris in stirpibus demonstratio.


Alia demonstratio.

Cōclusio. eunt. Ergo si rem vniuersam in caput referemus, in corpore quod accensum cōflagrat, siue id lignum est, siue lucerna, siue quiduis aliud, flammæ proxima materia est fumosus quidam vapor, halitus modò efflatus: in hoc qui summus inest feruor, species quædam est & perfectio flammæ: hæc autem aëris circumfluentis cōtinuo accessu fouetur. Halitus porrò ex illa olei substantia suscitatus emergit: quæ flammæ pabulum est. Ea autem olei substantia in subiecta densiore, aut ligni, aut elychnij materia consistit, vtræque verò alimentarius humor olim fouit, neque sinens dissipari resarciuit, copiosiorémque exaggerans eandem auxit.

Humidi primigenij quod tum caloris, tum spiritus subiecta est materia, demonstratio.

Cap. IIII.

Spiritus
ex duobus
constat.



Humor na-
tiu⁹ & pri-
migenius.

Lib. de lo-
gitu. vitæ.
cap. 2.

Triplex
partiū soli-
dæ hu-
mor.
Exēplum
in osse.

Trium hu-
morū mu-
tua cōpa-
ratio,

De hæc autem si quæ corporis nostri sunt transferimus, spiritus quem in nobis inesse demonstrauimus, quia tenuis est & æthereæ substantia insito calore perfusa, ei proportio-¹⁵ ne respōdet quæ propriè flamma appellatur. Neque enim calor ipse solitarius, neque substantia tenuis quam seorsum cogitatione comprehendimus, sed quod ex amborum so- cietate nexūque conditum est, verè ac propriè spiritus dicitur. Hūc autem alit sustinetque pinguis & oleo perquam similis humor, non is quidem a-²⁰ deus quo partes quamplurimas oblini cernimus, sed alius multò dissimilis & aëreus, qui in partium similarium substantiam confertus omnem effugit oculorū aciem, arte tamen & industria potest vt præmonuimus secer- ni. Is tum spiritus, tum innati caloris fundamentum est atque prima sub- stantia, quæ proinde de cætero primigenium placet appellare. Is enim pri-²⁵ mus est, & communis viuientium omnium in quo spiritus calore perfusus primū & per se confidit, adeò vt neutrum esse possit aut diutius perma- nere citra illius humoris opem. Inest autem in similaribus quibūque par- ticulis eius generis humor, quem omni viuientium generi esse datum, su- præ ratione confecimus. Hunc planè expressit Aristoteles, dum ait: Cali-³⁰ dum autē ipsum in nōnullis pingue habetur, quæ res simul efficit vt neque facile inarescat neque facile refrigeretur. In nōnullis alio succo præditū est. Hæc ille: reuera enim nō solum hic pinguis, sed etiam triplex commemo- ratus humor tum nostrum calorem, tum omnem solidæ partis substantiā continet atque firmat. Os (hoc vnum in primis ad exemplum adhibere li-³⁵ ceat) quandiu in animante constitutum alitur & continet in se vim calo- ris, alimentario madefit & conspergitur humore angustis spaciis affuso. Ab animante autem defectum id auulsumque, ignis cedit ardoribus incendi- turque celeriter, ob pinguem cum humorem qui ad inflammationem est habilis: cum verò is iam incendio absorptus fuerit, superstes etiā tum erit⁴⁰ ossis cōstantia & firmitas, idque communis illius ceu visci vi & beneficio. Eadē ferè & in cæteris similaribus est ratio. Triplex itaque cum sit om- nis earum humor elementaris, primigenius & alimentarius, duo quidem propriam

propriam illarum substantiam complent, tertius illis aduētitiis quodammodo & externus. Quocirca vitam etiamnum agente animali, hic quidem absorberi siccarique potest, at reliqui duo nunquam funditus, sed neque maiore ex parte disperdi possunt: nam priusquam in id discrimen res veniat, propria detracta materie spiritus calorque emarcescet, & animal vitam naturæ reddet. Dissipata enim materia quæ spiritus & caloris propria est sedes, quæ spiritum continet atque seruat, quæ fieri potest ut spiritus substantia & calor diutius persistat? At verò qui integra valetudine frigorum vi intolerabili adeò opprimuntur, ut quàm mox è vita excedant, iis calor interclusus extinguatur, superstitie quodammodo spiritus materia. Vehemens insuper animi deliquium si hominem rapit, & caloris & spiritus substantiam vnà in breui dissipat, citra vllam primigenij humoris iacturam. Econtrario autem huius dissolutionem fieri manente spiritus substantia, aut hanc quidem manente natiuo calore dissipari, naturalis rerum ordo haud patitur. Primigenius is quem proprium dixi viuētium humorem, quatenus substantiæ nostræ portio quædam est, à prima statim origine suscepta, ab alimentario distat atque secernitur. Ab aqueo autem abest, quòd tamen si uterque ingenuus est nobis, hic tamen omnium corporum vel inanimorum communis, nihil societatis, nihil commercij habet cum calore & spiritu: ille verò plurimum, ut qui eorum sedes est & fomentum. Hic idcirco est quem præ cæteris natiuum humorem appellarunt, alij proprio si fortè inepto nomine, humidum radicale: nos id ut primigenium ita dicere possumus vitale & salutare humidum, quod spiritus & caloris totiusque vitæ fundamentum est & pabulum.

Triū humorum quod dixerim est.

Quis triū natiū humor propriè dicendus.

De triplici similis partis substantia, & de cæteris humorum differentiis.

Cap. V.



30 SIMILAREM vocatam particulam simplicem, compositionis expertem, & sui vndique similem sensus æstimatione iudicamus, primamque illi structuram ex elementorum temperatione nasci. At verò ne sic ad vnguem ea temperatio per omnes eius particulas æquabiliter diffusa est, quin aliæ aliorum sint elementorum magis minúsve participes: neque cogitatione modo, sed etiam (si quis studiose penitusque introspeciat) sensu varietas quædam animaduerti potest. Vnde si facilis & accurata queritur rerum distinctio, pars quæque similis ex aliis quibusdam substantiis est cõdita, hæc verò ex primarum simpliciumque quatuor naturarum concretionem. Quoniam verò substantias illas nondum partes corporis appellamus, similem partem compositam dicere vsus non admittit, compositionem duntaxat existimans eam quæ ex aliis quibusdam particulis confurgit. Substantiæ autem illæ tres sunt omnes in parte similari positæ, solida, carnosa & spirituosa, his enim vtat recentiorum verbis. Solida primum est lineamentum & stamen illud stabile atque constans,

Partē similem non prorsus esse simplicem

Qua ratio ne pars similis appelleretur simplex. Triplex substantia partis similis. Solida quæ

lz per

Carni-
formis
quæ.

Caro tri-
plex.

Spirituosa
substantia.

Solida sub-
stantia rur-
sum ex tri-
plici constat

Natiuū hu-
midū pri-
ma est se-
des spirit⁹.

Omnium
substantia -
rū enume-
ratio.

De humo-
ribus secū-
dariis.

per quod toti robur inest & firmamentum, & qua tanquam basi reliquæ substantiæ innituntur. Hanc enim ea quæ carnosā appellatur vndique circumfundit & obuallat, infertq; spacia inter fibras vacua, quasi rimas expleat: hinc & partis moles rectè dici consuevit. Commune quidem illi carnis nomen est inditum, sed cuius substantia in magna sit varietate. Quæ enim musculorum fibris innascitur, propriè caro appellari solet: quæ autem visceribus, vt cordi, vt iocineri, renibus, lieni, & pulmōni, eam πρεγχυμα Græci dixerunt, nos affusionem: intestinis, gulæ, vetriculo, vtero, vtrique vesicæ, arteriis, venis, neruis, & membranis quæcunque insidet, cōmune illa quoque nomen mutuatur, vt vnicuique parti similari sua sit caro. Spirituosa substantiam suprà satis persequuti sumus, prætenuem nempe & ætheream eam quæ partis similari essentiam complet & absoluit: illa quidē in solida substantia primū & maximè consistit, omniumque functionū est opifex. Quò autem clariora sint omnia, & hæc superioribus quasi annexa consentiant, solidam substantiā ex aliis rursum constare meditemur, 15 nempe ex terreno crassamēto (hoc interim verbi à Columella mutuabor) cuius constantia atque firmitas aqueo humore continetur: mox ex humido primigenio quod vitale & spiritus fundamētum appellauimus. In hoc igitur naturalis spiritus (qui est ætherea substantia paulò antè commemorata) radices egit ab ortu quibus innititur: inde tanquam è seminario pro- 20 diens, in carnosam quoque substantiā propagatur, sicque calorē & naturā secum proferens, his partem similem vniuersam perfundit. Ergo omnes quæ in similari corporis parte sunt substantiæ numerantur, carnosā & solida: in solida crassamentum illud terrenum, humidum primigenium, & insitus spiritus. In crassamento præter terrenam substantiam, aqueus est & 25 tenax is humor, cuius interuentu partes eius cohærent, firmæque id soliditate consistit. Ne quid autem hîc intactum & quasi prætermisum desiderari possit, quod partium similarium perfectam cognitionem tradat, in aliam huic proximam cōtemplationem animum relaturi, quatuor humorum quos secundarios propriè appellant genera, ab optimis quibuscque 30 medicis celebrata, istis comparemus. Quod in solida substantia partis similari primū inest crassamentum, humorem id in se cōtinet aqueum, qui cum sit omnium corporum communis, ad hunc numerum minimè referri debet. Neque is humor primigenius qui nobis insitus est & viuientium proprius, naturalisque spiritus sedes, in solida substantia positus, quem le- 35 uiter & inconsideratè videtur Auicēnas cum aqueo eundem fecisse, à quo partium robur & firmitas existit. Sed secundariorum vnus constituendus est is humor, qui carnosā vocatur substantia, & qui ceu cōcretus liquor solidis fibris adhærescens, moles fit similari partis: hunc manifestò videre licet in carnibus dum igni immodicè torrentur liquari & plurimū de- 40 fluere ferrique in prunas largiter. Alter est qui ceu proximum partis alimentum illi iam annectitur & agglutinatur. Deinde accedit qui nondum quidem agglutinatur & adhærescit, sed roris vice in partis substantiam dif-
fusus

fusus propiusq; adductus illi apponitur. Postea is humor existit qui in exilibus arteriis venisque continetur, hinc mox ex earum finibus in vacua partium loca influxurus. Hunc quidem esse constat purioris sanguinis portionem multiplici coctione exquisitè elaboratam, & ex qua pars similis aletur. Quocirca tres hi posteriores nequeunt ad similariū substantiam pertinere: quanquam varia commutatione in corporis naturam tādē commigrabunt. Qui in maioribus venis reconditur sanguis, ad hanc secundariorum humorum genera neutiquam pertinet, sed eos quatuor primos ac principes humores ac verè succos recipit, de quibus suo loco futura est commemoratio. Iam verò si præscriptū ordinem inuertemus, ex sanguine qui in venis concluditur maioribus, quatuor humores secundarij, consequutione quadam fient. Cum enim sanguis iam in extrema & ora exilium venarum arteriarumque perductus est, primus humor tum appellatur, secundus autem cum iam vice alimenti in partium substantiam influxit iisque apponitur: tertius ubi circum partium villos & stamina concreescens illis annectitur & agglutinatur: quartus quum iam illis assimilatur & in earum propriam carnem conuertitur. Itaque secundariorum humorum solus hic quartus est in essentia partis similis.

Quid innatum calidum, quæ eius substantia. Cap. VI.

VT autem hic rerum ordo compositiōque disciplinæ sibi constet, in quartum hūc humorem toto animo omnique studio incumbendum, explicādūque plenius quid causæ erat cur eum in cunctis viuentibus inesse, tot tantisque rationibus contenderemus, quātūque momēti & ponderis ad rem institutam obtineat. Quicquid vitam agit, saluari calore perfusum continetur & regitur: atque is calor qualitas quā fit, totus tamen diuinus est atque cœlestis, & in æthereo spiritu subsistit. Cum autem huius beneficio & munere corpus alioqui frigidum, vniuersum quantum est concalescat, necesse est ei vim inesse caloris valentissimam, quæ si pariter siccitate comitaretur nos impēdio adureret: atqui nō vrit, eam igitur necesse est humoris temperatione perfundi, viuētiumque calorem ac spiritum idoneo conuenientique humido contineri, quod illius subiecta est & indissolubilis materia: quemadmodum in his corporibus quæ apta sunt ut inflammētur, flammæ sedes & pabulum æreus quidā est humor. At quoniam complures sunt humorum ordines, cōpluresque in nobis differentiæ, æstimādum nunc est quisnam eorum, salutaris istius caloris sedes esse possit. Postrema duo humorum genera alimenta duntaxat, nondum autem corporis partes haberi, ex dictis fit manifestum: quare in promptu quoque est horum neutrum eam esse quam inuestigamus innati calidi substantiam. Neque præterea ea fuerit aqueus humor ex quo suam consistentiam accepit partium solidarum crassamētum: ut qui omnium sit corporum communis. Restat igitur innati calidi substantiam esse,

Substantia
caloris hu
midæ esse.

Quisnam
humorum
corporis
est substā
tia innati
calidi.

lz ij vel

Humorẽ
oleosum
esse innati
calidi sub-
stantiam.

Totã simi-
laris partis
solidã sub-
stantiam ex
semine na-
sci.

Quatuor i
solida sub-
stantia quæ
ex semine
prodierunt.

Innatũ ca-
lidũ quid.

vel carnosam vocatam substantiam, vel id humidum quod radicitus inhæ-
rēs vitale & primigenium appellauimus, quodque olei cuiusdam speciem
ostendit. Consentaneum autem magis est & ad veritatem propensius, in
hoc quàm in illa potius calorẽ vitæ collocari. Permanens enim est & con-
stans humidum hoc primigenium, in solida substantia firmatum, neque
nisi annorum ætatisque decursione imminui potest: carnosã substantia fre-
quenter omni ætate vt augeri ita detrahi & extenuari videtur. Illud siquã-
do iacturam accepit, non refarcitur: hæc marcore exhausta, rursus in am-
plam molem assurgit: nam carnosæ substantiæ magnitudo variatur, etiã si
præterea non augetur animans. Itaque si innatus calor vitæ opifex, tutò
nos debet in extremum regere atque moderari, par est vtique hunc in sta-
bili humido permanere. Quin & nostræ originis cõtemplatio, vitalem
calorem vnã cum humido primigenio à semine, carnosam autem substã-
tiam à materno sanguine deriuari commonstrat. Etenim prima fœtus cõ-
formatione dum similarium partium procreatio institueretur, corpus ip-
sum seminis, primùm in quãdam rudimenta sese extendit, deinde verò in
exactam speciem. Dum enim ea rudimenta pōnerẽtur, videri poterat cor-
pus seminis adumbrationem quandam partium similarium lineamentis
suis exhibere, quæ quasi fibræ erant & stamina filis quibusdam tenuissimis
araneorum similibus contexta. Hæc est igitur constans & verè solida par-
tium similarium substantia ex puro semine concreta: ad quam deinde sen-
sim influens & illabens sanguis maternus, villos & stamina vndique cir-
cumfœdens illic concrefcebat, fiebatque substantia carnosã ex sanguine:
quæ affusa inasperlaque locis inanibus, moles est partium similarium. Quã-
cunque autem solidior illa substantia ab ortu conditionem acceperit, ean-
dem totius vitæ cursu retinet. Nam stamina ex humido liquidòque se-
mine creata, quanquam diuturnitate magis magisque siccescunt, dum
ad extremum senium quod aridissimum est veniant, semper tamen eius
humidi quod à semine contraxerunt, aliquid sibi in omnem vitam re-
condunt: quod vt recens natis & infantibus plurimum est, senibus exi-
guum, ita interiectis ætatibus mediocre. Quantulumcunque id ipsum est
quod in vitæ extremum reconditur, secum id spiritum & calorem ex se-
mine aduexit, hosque retinet tum sibi tum solidæ substantiæ perennes &
indissolubiles. Ex quo intelligi potest carnosam similarium partium sub-
stantiam à sanguine, solidam verò & quicquid in eius compositione inest,
siue crassamentum, siue humidum primigenium, siue spiritus, siue insitus
calor, id omne olim à semine natum processisse, & tãquam illius quãdam
portio sit incorrupta, seminis naturã plurimùm redolere. Hinc rursus per-
spicuum euadit innati calidi quã exquirimus substantiam, præstantẽ illam
quidem & vitæ conseruatricem, non ad carnosam quæ ex sanguine pro-
diit, sed ad primigenium humidum, quod suam semini originẽ refert ac-
ceptam, pertinere. Ergo siqua illius promēda est definitio, calidum inna-
tum est humidũ primigenium insito spiritu & calore vndique perfusum.

Id

Id nempe humidum cui spiritus & calor ab ortu est inditus, in quo saluus viget & conseruatur. Tribus ergo illis coniunctim innatum calidum conrinetur, quanquam hoc ipso nomine quidam spiritum ingenitum appellant, at rariùs nec satis propriè. De his hactenus, nunc de natura.

5 Quid natura medicis, & quæ eius substantia. Cap. VII.



10 **V**OD generatim atque vniuerse physici proponunt hoc loco contrahentes, naturam esse definimus vim primam & causam per se nostri opificem & conseruatricem. Hominis enim natura est quæ nõ aliud quicquam procurat, & quæ soli addicta homini, quem conformauit gubernat quatum potest lógissimè. Etenim ne frustra cõdidisse videatur, edito illa operi in omni vita infidet, id nunquã deserit, sed eius gubernacula tractans partes omnes in suum quamque opus ducit & conciat, vt illa ipsa simul omnium functionum causa censi debeat. At illius substantiam quænam sit peruestiganti, vis & potestas caloris prima in mētem venit, cui solet omnis effectus causa palam attribui. At verò qualitas syncera caloris, etiã si diuinus hic sit ac planè cœlestis, tamen functionum opifex non erit, neque dum intensioe creuit, cõtinuò integrior firmiorēque functiones expromit, nisi pariter incrementum accipiat substantia caloris: quocirca necessarium est naturæ nomen atque finitionem, non vni calori, sed illius quoque substantiæ accommodari: quod & omnes philosophi nunquam accidenti attulerūt, sed alteri compositæ rei principio. Moderato autem cuique calori qui aut in sanguine, aut in quouis humo-
25 rum genere, aut in spiritu, aut in corporis substantia situs est, naturæ nomen non nisi promiscuè & fusa nimis appellatione aptari potest. Aptius quidem spiritum ingenitum quicūque is fuerit, naturam dixeris. Veruntamen si propriè agendum est, naturæ substantia est calidum innatū quale suprà circumscripsimus. Id enim animal ab initio conformauit, auxit,
30 & tanquam omnium operū naturalium causa nutriuit. Natura igitur perinde atque innatus calor tria comprehendit, humidum primigenium, spiritum & calorem, omnia quidem vno eodēque ortu ex semine prognata. Quum veteres naturam & virium substantiam tum ex spiritu, tum ex carnosa specie, tum ex solidis ipsis simul iunctis constare & compleri pronunciant, potiùs ea quibus sustententur vires enumerant, quàm propriè naturæ nomen vsurpent, cūm carnosa illa species nequaquã sit à semine contracta: quæ autem verè natura est tota ex semine nascens, animal effinxit, huicque totius vitæ cursu moderatur. Quæ purè natura dicitur carni non est ingenta, sed in hanc ex solida substantia cui peculiaris est, confertur.
40 Corporis natura, quæ & innatum calidum, in solida partis crassamento tanquam in materia consistit: vt hæc solida seminalisque substantia aliorū omnium more, ex materia & natura constitui intelligatur. Cæterum hæc ipsa principia, nõ vt quæ solent accuratè à physicis tractari, simplicia sunt

Naturæ humanæ definitio.

Naturam non solum calorem, sed substantiam esse.

Multiplex naturæ appellatio.

Naturæ substantia.

Natura quæ comprehendat

Naturæ substantiam ex quatuor elementis constare.


lz iij &

Naturā ef
se tēpera-
mentum,

& omnis compositionis expertia: sed et si fortē sensu simplicia iudicantur, cogitatione tamen ex primis constant elementis se prioribus. Crassamentum enim quod substratum atque subiectum est, ex densis terrenisque elementis plurimum quidem conditum est, non tamen tenuiorum prorsus expers. Natura quæ in illo viget, humido primigenio & spiritu calido perficitur, quæ aëris atque ignis plurimum in compositione acceperunt, sed tamen terre & aquæ non nihil, licet id omnino minimum: ut medicis nulla prorsus substantia sit, quæ non ex quatuor naturarum temperatione sit concreta. Hinc fit ut rursus naturam quodammodo liceat appellare primum id corporis temperamentū, quod à prima statim origine ex elemen-¹⁰ torum & caloris diuini perfusione contractum est. Illic itaque in prima functionum omnium causa consistunt, quicunque caducæ naturæ limitibus coerciti, nihil supra hanc diuinius quicquam neque ipsam animæ substantiam inuestigant. His igitur natura est temperamentum in spiritu & humido primigenio situm: quod quoniam caloris dominio vincit, calo-¹⁵ rem quoque natium appellant. Tot modis natura dici solet: nam quod Hippocrates aliquando quatuor humorum confectionē, aliquando corporis formam & figurā hoc nomine signarit, præter vsum est & consuetudinem loquendi. His iam decursis, plenius adeunda nobis est innati calidi & spirituum tractatio, quorum gratia hic à nobis liber fuerat institutus. ²⁰

Ut innatum calidum ætatem inclinatione, status mutationem subeat.
Cap. VIII.

In ortu sum-
mus est tū
calor tum
humor,



Summus
quāuis sit,
tamē est tē-
peratus.

Membra tē-
pore sic
cescere.

Lib. de na-
tura hu-

BUNDANTER calida humidæque est innati calidi substantia, eò cumulatior & plenior, quò magis sit caloris²⁵ humorisque particeps. Talis est omnino in semine mistis- que ortus nostri primordiis, quæ caloris atque humoris natiui summum habent complementum, ut aliàs nunquā plenius affluere possint. Quæ ortui proxima est ætas, tanta istorum abundantia circumfluit, quantam nulla ætas consequuta aut arte³⁰ aut industria potest excedere, sed ne parem quidem atque primo ortu acceperat, vel exquisitissima viuendi lege conseruare, alioqui perpetuari & sempiternis seculorum ætatibus sustineri posset animās. Illa porro summa cum sint infantiū ætate, moderata tamē esse dicimus, ipsamq; innati calidi substantiam bene temperatam. Qui enim in hac calor inest, licet sit sum-³⁵ mus, quia tamen humido perfunditur, mitis est omnino & blandus, nulla feriens acrimonia. Sic & humor licet vberior, haud tamen diffluit, sed calore coercetur: sic summa quæ sunt, ad moderationem quandam exquisitè sunt temperata, ut infantibus & puerulis redundans humor, pari quodammodo spiritu & calore sit aspersus. Hinc ætate progrediente sensim vi⁴⁰ caloris membra siccescunt, simul quoque & robur & incrementum consequuntur, nō modica quidem humoris portione in accretionem profusa. Id itidem sentiens Hippocrates, ait corpus quodcunque augefcit & ro-
bur

bur accipit, necessariò calidum esse, illàque ob innati calidi vim conferri.
 At verò cùm iam ossa, nerui atque membranæ non vltra sequi ducive pos-
 sunt, incrementum omne sistitur: tum verò membris summum robur inest,
 summæque vires insunt ad animalium operum functionem. Quæ profe-
 5 cto argumēto sunt, ætatem floridam humidum primigenium iam siccus
 obtinere. Cæterum hæc ætas inter extrema medium occupauit, neque vt
 senium ingenti siccitate inarescit, neque vt infantium ætas humore mul-
 to affluit: atque in ea mediocritate tametsi humor non satis ad incremen-
 tum superpetit, satis tamen est qui possit ingenitum calorem & spiritum,
 10 quantum à primordiis acceperat quodammodo asseruare. Ita enim exi-
 stimant parem adolescenti atque infanti insidere calorem, quia quantum
 substantiæ caloris perpetuus ille fluor ab ineunte ætate dissipauit, tantun-
 dem qualitatis & acrimoniæ genuit attulitque adolescentia: quandoqui-
 dem siccior facta materia solet calor omnis vires suas vehemētius profer-
 15 re. Hac igitur vicissitudine quia disperdita substantia qualitas increuit, pa-
 rem calorem sensus æstimatio illis fortasse decernit. At verò infantis plu-
 rimus est naturalis calor, isque blandus & halitus similis, vt substantiæ æsti-
 matione Hippocrates hominem prima die calidissimum statuatur. Iuueni
 autem caloris substantia, non potest non esse ad quandam paucitatem at-
 20 que exilitatem redacta, quam ob causam is reuera minùs est calidus: at si
 qualitas spectatur, calore est acris & intenso. Qui calidissimus est infans, is
 pariter bene temperatus est, ad cunctas naturæ perfunctiones accommo-
 datus. Huius verò comparatione iuuenis intemperatus censetur, qui a-
 crem igneumque calorem est consequutus, quem etiam aduentitium ex-
 25 ternumque appellant: non quòd extrinsecus assumptus sit aut accesserit
 (illuc enim suo pte impetu inuectus est & sublatus) sed quòd bene tempe-
 ratum limites egressus & extra eos positus, non similiter atque ille ad naturæ
 munera vires habeat. Itaque infantes natio calido excellunt, iuuenes ad-
 uentitio: multoque magis qui febre iactantur: at natiuus in istis non inest
 30 pristino æqualis, nedum maior. Sed ad nos iam redeamus. Ab summo æta-
 tis vigore sensim qualitas & acrimonia caloris marcescit & paulatim col-
 labitur, vsque eo dum is extremo senio languidus contabescat. Quicquid
 enim subest tanquam calori pabulum, id vniuersum incēdio deflagrat æ-
 tatis vigore, vt tum acerrimus calor omnia voras sese nequeat ampliùs ef-
 35 fundere. Hinc verò quoniam nimium exesa dissipatæque insiti illius & pri-
 migenij humidi substantia, non est satis apta pari calori fouendo, neces-
 sum est vt dum sensim humidum absumetur, calor quoque pariter obso-
 lescat: & (vt ait Hippocrates) dum corpus arefcere incipiet, defluens ad rui-
 nam frigidius efficiatur: diebusq; postremis quanto plus homo extabescit,
 40 tanto frigidior necessariò reddatur, vt sui ipsius ratione sit postrema vitæ
 die frigidissimus. Hac igitur ratione innati caloris aliàs substantia, aliàs
 qualitas ætatum progressu ad ruinam defluens, in perniciem agitur. Cete-
 rum quoniam exhausto pabulo calor vnà restinguitur, si hic causa est quæ
 lz iiij pabulum

Actas, florida

Media æta-
te licet hu-
mor sit pau-
cior, par ta-
mē est sen-
su calor.

Reuera in-
fanti copio-
sior est ca-
lor quā æ-
tate media

A media
ætate calo-
re minui.

calor seip-
sū destruit
& cōsumit

Nō per se,
sed ex ac-
cidenti id
efficit.

Obiectio.

Solutio.
Inclinatio
nō simili-
ter atque
infantium
etate dici
temperata.

Caloris &
humoris
innati ami-
citia.

Differunt
tamē calor
& humor.

pabulum absumit, ut certè est: fiet protinus idem calor interitus sui causa. Gaudet quidem & iucundè fruitur humidi commercio, cuius etiam si interitum nō expetit, ipsum tamen necessariò affert: sublato autem humido consequens est & calorem tolli. Vnde hic calor dum conseruari & perfici naturaliter desiderat, semetipsum is conficit & interimit: & quem sui oc-
casum & obitum non intendit, eum tamen conficit. Sed quoniam nihil quod genitum est & natura constat, primum & per se sui exitium molitur, sed quàm longissimè prorogari & in rerum natura consistere peroptat: ne ipse quidem calor per se & ex instituto, sui interitus causa fuerit, verùm ut dicere solent ex accidenti & alterius interiectu. Nam aliud quippiā agens, ipse quippe humidū conficiens, se ipsum pariter diripit atque vastat. Quocirca non alia est ortus nostri, alia interitus causa, sed quæcunque nos genuit & moderatur, ea tandem extremum vitæ diem morte conficit. Dixerit hic aliquis. Si summus ætatis vigor calorē profert tactu acerrimum, senectus autem ignauum & inertem, necessitas est medio transitu moderationem quandam percipi caloris, qualem & superior de temperamentis tractatio confirmavit? Quid est igitur quam ob rem non hanc similiter ut infantium ætatem, aut fortasse conuenientiùs liceat in temperatis numerare? Nunc sanè diuersa nobis atque tum est temperati ratio, illic enim temperamenta tactu & qualitatis ordine, hîc substantiæ copia & vbertate di-
metimur. Quæ enim floridæ succedit ætas, tactus iudicio temperatū præbet calorem, at verò paucū id est, nec ei simile quod summè expetitur laudaturque omni vitæ, & quale infantium ætati inest plurimum, nature munis congruentissimum. Pollet enim hæc ætas eius humidi facultate, quod tum naturæ iucundissimum, tum calori affine temperiem accersit, sub-
diūmque confert ad actiones. Altera verò quia siccior aduentitio calore continetur, qui tamen tactione mediocris deprehenditur. Et si igitur quicunque natiuus calor integer est & valens, is cōtinuò est temperatus: non id tamen retrò comeat, ut qui temperatus sensus iudicio confirmatur, is natiuus sit & nostræ naturæ familiaris. Hîc animo tractare & contempla-
ri liceat rem cognitione dignissimam, humidi quippe primigenij, atque caloris societatem. Tanta enim est horum consentiens, conspirans & continuata cognatio, ut semper mutuas operas conferat, nihilque vnum efficere possit alterius ope destitutum. Iuueni siquidem etsi par quodammo-
do atque puero calor insidet, naturæ tamen operibus ille obscurior & in-
firmior est quàm puer, quod quadam ex parte exhausto humore factus sit aridior. Quod planè argumentum est humorem insitum nō minùs atque calorem ad naturæ opera cōferre. At certè illa esse diuersa declarat quæ per ætates incidit mutatio: dum altero constante alterum sensim dissipatur. Huc pertinet quòd humidum tanquam fomentum & pabulum est calo-
ris, calor autem illius beneficio sustinetur: hic ut efficiens est præcipuum, humidum vice materiæ substernitur calori, magisque patitur. Quibus magna vi frigoris insitus calor repètè extinguitur (quod hyeme per alpes iter facientibus

facientibus tēpestas Aquilonia inferre solet) humidum ferè superest: quid enim potuit insperata & repentina morte id tam subito disperdere? At verò contrà humidum euāescere dissoluīve non potest superstitē calore. Qui extrema senectute confracti, naturæ necessitate mortem oppetunt, iis vnà cum calore innatum humidum disperditur, vt illius nihil restet aut certè perexiguū, quod non sit satis asseruando calori. Itidem ferè sustinent qui tabifica febre arēscētes immatura morte decedunt.

Vt innatum calidum per anni tempora & per regiones mutetur, & multiplex illius appellatio. Cap. IX.



QVALEM ætatum decursio affert calidi nostri cōmutationē, talem existimauit Hippocrates ex anni temporibus nobis obuenire. Etenim hyeme copiosa in nobis substantia caloris affluit: æstate verò dispersa decedit. Hyeme quidem circumsepientis nos aëris frigus corpora cōtingens, calorem cum sanguine & spiritu, quorum est comes, intrò repellit in profundum, forisq; cutis spiracula astringens, caloris substantiam cogit & ita coërcet, vt nihil eius aut minimum possit effluere: sicque illa partibus intimis vires colligens, multò quam prius robustior euadit. Æstate contrà, quoniam ambientis feruor corporum spiramenta laxat, & interiores tum spiritus tum humores foras elicit, necesse est substantiæ caloris plurimum in confinem aërem diffluere atque dissipari, exiguum verò intus contineri. Ver & autumnus istorum moderationem quandam inuehūnt. Hunc igitur in modum anni tempora caloris substantiam augent minuūntve. Eius verò qualitatem sic commutant, vt æstas feruentissima exiguam quæ in nobis concluditur substantiam torreat ardore, efficiatque vt temperata quæ fuerat, naturæ metas plerunque excedens, aduentitia reddatur. Hyeme ex frigoris sæuitia substantia caloris nihilo fit frigidior, sed priorem statū retinet iis maximè corporibus quæ plurimo sanguine & calore prædita sunt. Exanguia autem (cuiusmodi eorum sunt animalium quæ per hyemem degunt in latibulis) vt omnia frigorū iniuria læduntur, sic plurima extincto calore de vita decedunt, imò & inter homines vt omnium externæ saltem partes refrigescunt, ita quicumque imbecillo sunt corpore, aut sine sensu & motu tanquam delumbati iacent, aut prorsus ex hominum vita demigrant. Iam verò calidi commutationem quæ per anni tempora fit, si quis ei conferat quam ætatum inclinatio protulit: hyemis parte postrema, vt ineunte ætate, vberimum deprehendetur innatum calidum: vere autem eam sortietur conditionem quam in pueritia & adolescentia: æstas proportionē respondet florēti ætati: autumnus ob eam quæ æstate fit dispersionem, pauca est substantia caloris, sed ea minùs acris quàm æstate, vnde possit autumnus inclinanti & præcipitatæ iam ætati cōferri. Sub autumnī finem hyemisque ingressum, calor in nobis modicus inest, qui quoniam corpus etiā tum laxum est & patens, promptè refrigescit,

Hyeme vberior est i nobis copia caloris quàm æstate.

Æstate acrior in nobis est calor quàm hyeme.

Tēporum anni & ætatum cōparatio.

Innati calidi ex regione varietas.

Quæstio.

Solutio.

Verè calidi substantiæ hyeme nõ augeri.

Obiectio ex Hippo. Solutio.

Quid eo loci Hippocrates calidũ appellet.

Duplex di ci innatũ calidum.

refrigescit, eique non admodum fit dissimilis qui senectutem decrepitam tenuiter fouet. Regionum varietas similis ferè mutationis est occasio. Quanto enim ad austrũ & medium illum cingulum qui Solis ardore torretur, magis inclinata est, tanto paucior hominibus inest calidi substantia, ipsa verò qualitas acrior. Contrà quantum regio ad Aquilonem vergit, tantum in corporibus abundat benèque tēperata est innati calidi substantia, nisi fortè cum ad vltimas terræ regiones acceditur, in quibus præ frigore vix vllum animal hyeme vitam agit. Existit autem hoc loco quæstio subdifficilis, quĩ fieri possit vt hyeme quàm æstate innatum calidum sit vberius: nunquid fortè tum augetur ea partium solidarum substantia 10 quæ olim à semine dimanauit? Cum assiduo substantiæ fluore corpus nostrum sensim dissoluatur, neque vitare possimus ingenitam nobis senij ac interitus necessitatem, fieri certè non potest quin de propria innati calidi substantia continenter quædam fiat decessio, non modò maioribus illis ætatum decursionibus, sed & quouis anni tempore tum calido tum frigidò. 15 Quanquã enim ambiens aër minùs hyeme quàm æstate dissipat, interior tamen noster calor non minùs pabulum suum populatur & conficit. Quòd si fortè coërcitus intus calor cōcoctionem augeat, & benigni succi copiam exaggeret ad partium nutritionem, instaureturque humidi natui portionem quæ perpetuo illo fluore perit, perspicuum tamen est quicquid 20 accedit instauratione, plurimùm ab eius integritate deficere quod euauit, quòdque olim fuerat à semine comparatum: alioqui immortale fieret animal. Quò fit vt de innati calidi substantia quotidie magis magisque detrahatur, neque possit vlla hyeme abundantior esse quàm æstate illi superiore: quèadmodum neque florentiũ ætati potest vel optimis alimentis 25 par ei comparari, quam infantium ætas præ se ferebat. Sed tamen Hippocratis sunt illa. Ventres hyeme & vere natura esse calidissimos, tum verò & magnam innati calidi copiam inesse. Ab hoc igitur medicinæ parente cum nefas sit descuiisse, verborum illius vim & bene dicta sic interpretari consilium est: eo loco innatum calidum non eam puram substantiam 30 pellasse, quam solidæ partes à semine cōtraxerunt, & quam aphorismo superiore, crescentium ætati plurimam esse prodiderat: verum vel eam impuriorem iam factam auctamque vberioris alimenti appulsi, vel omnẽ substantiã quæ moderato & miti calore sit prædita, siue ea pars nostri sit corporis, siue minùs. Hac notione sanguis & arteriarum spiritus ipsaque corporis moles innati calidi substantia sunt: sicuti & eadem naturæ appellatione diximus quandoque contineri: qua etiam pubescentibus & adolecentibus plus calidi inesse quàm infantium & puerorũ ætati, quiuis rectè censuerit. Veruntamen calidum hoc impurum est, neque innatum id ipsum 35 est, quod à prima origine semen nobis indiderat. Itaq; naturalis calidi substantia cum bifariam dicatur, aut purior illa partium solidarũ à semine ducta, aut ea ipsa nutritione aucta factaque impurius adultis, atque etiam liquidum omne corpus mediocri calore perfusum, siue id sanguis siue spiritus 40

tus est: fieri quidem haudquaquam potest, vt vna eadēque nominis ratione, crescentium ætas & hyems plurimum habeat innati calidi, sed qui ita pronuntiat, necessariò ὁμοιότης inducit.

Natiui tum caloris, tum spiritus differentia: hosque partibus singulis infitos, aliunde influentibus gubernari. Cap. VII. X.



PARTEM vnāquāque similem innato calido & proprio spiritu instructā esse quoad in vita sit animās, neque citra opem illorum posse vnquam consistere, perspicuum iam est & euidens. Similares partes non vno eodēque omnes tēperamento tenētur, sed os frigidius est aridiūque neruo, neruus vt & membrana carne frigidior atque sic-
 10 cior. Quoniam igitur compositæ rei temperamētum ex simplicium quibus constat permistione nascitur, fit necessariò vt ex substantiæ quas parti
 15 cuique simili datæ esse meminimus, diuersam in hac atque in illa parte tum speciem tum substantiam sortitæ sint, neque vna temperamenti lex atque modus insit omnibus. Quare qui in ossē inest spiritus ab eo distat qui in neruo, hic rursus ab eo qui moderator est carnis. Sic humidū pri-
 20 migenium ipsāque innati caloris substantiam, aliam os adeptum est, aliam neruus, aliam caro, vt & pars vnaquæque similis. Est autem in his varietas non modò ex substantiæ multitudine, sed ex primorum elemen-
 25 torum vnde cōditæ sunt temperatione profecta. Qui partium functiones studiose animaduertet, & quod neque os nerui, neque neruus carnis sub-
 30 stantiam gignere possit aut refarcire, neque contrā: hac adductus functio-
 35 num discrepantia quæ illas tota specie discludit, mox opinor causas quæ il-
 40 larum sunt effectrices, pari interuallo disiunget. Hæ autem quum sint spi-
 45 ritus & innatum calidum, quibus naturæ substantiam compleri diximus, consequens est totidem statui spirituum innatorum, totidem & humido-
 50 rum & calidorum & naturarū varietates, quot partium similarium diffe-
 55 rentias numero dimetimur, vt vniuscuiusque partis sua hæc sint, cæterarū
 60 nulli eadem prorsus impertita. Quæ partes corporis principatum obtinēt,
 65 iecur, cor & cerebrum, tum natura, tum spiritu præpotente valent, vt non se ipsis duntaxat gubernandis dent operam, sed alios de se spiritus tãquam
 70 iugi de fonte promant, in omne corpus propriis ductibus deriuatos. His
 75 quicunque partibus singulis ingeni sunt spiritus, aluntur: his in vires fun-
 80 ctionēque suas concitati, constantem & perpetuam operum functionem
 85 edunt. Vnde intelligitur præter innatos spiritus qui stabiles & in vnaqua-
 90 que parte fixi sunt, tres insuper errantes & vagos influentēque existere, v-
 95 num naturalem è iecore per venas in corporis extrema diffusum: alterum
 100 vitalem quem cor assiduò per arterias emittit: tertium animale qui in cere-
 105 bri ventriculis genitus, hincque per neruos profectus, partes irrigat sensus
 110 motusque compotes. Huc quidem in cerebri ventriculis viisque sensuum
 115 cōtineri, quemadmodum & in arteriis vitalem, inter omnes medicos iam
 120 planè

Triplex
substantia
cuiq; par-
ti simili
sua est ei-
propria.

Quot par-
tes corpo-
ris sunt
spiritus &
toridē na-
turæ.

Spirit⁹ &
vires influ-
entes,

Naturalis.
Vitalis.
Animalis.

Partes om-
nes tū in-
stitutum in-
fluentibus
viribus gu-
bernari.

Nō partes
omnes in-
digere ani-
mali spiri-
tu, vt aliis.

planè constat : at naturalem ex iocinere proferri, non vsqueadeò est sensu
compertum . Cæterum si vis est vlla demonstrationis, neque sunt omnia
sensuum testimonio fulcienda, conficient suprà adductę Aristotelis ratio-
nes, si qua in iocinere communis & influēs statuitur naturalis facultas, il-
linc quoque naturalem spiritum dimanare, qui eius distribuendę sit vehi-
culum. Nō enim sanguis ad id muneris satis est accommodatus, qui nem-
pe crassior mediam inter corpus facultatēque substantiam non est fore-
titus. Ergo vniuersum animal gubernāt principes tres facultates, totidem
spirituū vehiculis, ex suis quæque fontibus, per proprios canales in omne
corpus distributę. Nulla pars in nobis aut calorem aut insitum spiritū, aut
vires ab ortu datas potis est retinere citra influentium spirituū vires, sed in
breui omnia cōciderēt à principiorū viribus & fauore destitura . Itaq; quū
sint partium corporis alię principes, vt cerebrum, cor, & iecur, adde si vi-
detur & testes: alię ab his natę & quasi earum viribus subseruientes, vt ner-
ui, arteriæ, venę, seminis vasa : reliquarum omnium insitę vires influenti-
bus inde viribus gubernātur: alię manifestius, vt musculus: alię obscurius,
vt os, cartilago, vinculum . In has enim partes tametsi neque vena inseri-
tur quę sanguinem, neque arteria quę spiritum perferat, satis tamen hæc
in illas deriuari declarat assidua quę fit earum nutritio. Neque enim citra
influxum possint ex persistere & vita teneri . Nulla igitur seipsa duntaxat
gubernatur: nisi id fortassis ita accipiendum quis velit, quòd non per ma-
nifestos & patentes ductus, musculorum & interiorum viscerum modo
regantur. Hęc siquidem vt vberiores spiritus atque vires acceperūt, sic ve-
nis, arteriis atque neruis indigent, quibus manifesta sit & cōspicua guber-
natio . Ex his denuò planum fit & apertum, tum vitalem, tum naturalem
spiritum in omne corpus effundi atque diffuere, cōque pertingere vbi ne-
que vena, neque arteria est: harum enim adminiculo non vbique indiget:
animalem autem spiritum nusquā posse citra neruos aut eorum villos at-
que stamina contineri, aut vires suas prodere . Optima id quidem ratio-
ne à natura institutū, quòd pars vnaquæque nutritione & vita, non autem
sensu & motu indigeret.

Naturalem spiritum fieri materiem vitalis atque animalis:
vtque spiritus & alię substantiæ partibus ingentitę alan-
tur.

Cap. XII.

Naturalis
spiritus p
creatio.



Vitalis spi-
ritus crea-
tio.

AC autem ratione insiti spiritus, & alię solidarum partiū
substantiæ seruari nutritique solent . Alimenti purior ma-
gisque aërea portio, concoctione in eam transit sanguinis
tenuiorem substantiam, quę vaporis speciem quandam
exhibet. Ea tum à spiritu iecori ingenito vim accipiens, e-
iusque vbertate penitus perfusa, spiritus fit naturalis, reli-
quo sanguine tantò præstantior, quanto iecoris molem vis ei naturaliter
insita præcellit. Huius spiritus quātum per venam cauā vnā cum sanguine
effertur,

effertur, & in cor inuehitur, illic denuò caloris vi accuratiùs elaboratum attenuatùmque, in aëris propè speciem mutatur: atque ex dextro cordis sinu per communes eòsque arctissimos aditus, in sinistrum sinum viam capessit & permeat, vbi hausto per pulmones aëre tēperatum, materia quādam fit cui calor & vis concessa vitalis, spiritum profert vitalem per arterias toto corpore diffusum atque confertum. Quæ portio istius per ceruicis arterias in cerebri basin rapitur, tertio contextus illius admirabilis anfractu mitigata, mox in cerebri ventriculos per contextum alium choroidem appellatum confertur. Illic exhausto per nares elaboratōque
 10 aëre, fomentum incremētumque recipit, & vi proprietatēque spiritus quī cerebro est ingenitus, conversione quadā spiritus fit animalis, æthera planè imitatus, ad motū, ad sensum, ad omnes denique animales functiones aptè comparatus. Itaque vapor ille sanguinis in iocinere natus, si vitali spiritui, deinde & animali sese materiam & quasi alimentum exhibet, debet
 15 primo statim spirituum ordine collocari. Quantū hic à vitali, tantundem profectò & vitalis ab animali tenuitate differt: etenim naturalis, vaporem æmulatur, vitalis, aëreus est, animalis autem æthereus. Vitalem perēquē ac animale, si spiritum dicimus, quid non pariter naturalem eadem appellatione notemus: Quæ in substantia spirituum varietas inest, efficit quidem
 20 vt non vnus eiusdēque ij sint natura: at genus vnum cōmunēque appellatione eos participare quid quæso obstabit? De his quidem ita sit statutū. Qui naturalis spiritus est appellatus, supra reliquos hoc peculiari munere præditus est, vt quum propriæ facultati se vehiculum exhibuerit, alimentum deinde se offerat ei alendo spiritui, qui suus est cuique parti simi-
 25 lari congenitus. Ita enim conuenit vnāquamque huius substantiam conuenienti atque idoneo foueri alimēto. In eo porrò humore qui per ora venarum in partium vacuas regiones tanquam ros aliquis confluit, quicquid crassius & concretum magis est, id solidæ substantiæ crassamentum, in alimentum sibi allicit atque iungit: quicquid autem tenuius est, & olei
 30 cuiusdam particeps, humidum illud primigeniū fouet & alit: vapor illinc sublatus vnā cum naturali spiritu, ingenitum partis cuiusque spiritum cōtinet, simul verò & circūfundentis nos aëris per diastolen transmissio. Reliqua quæcunque similari parti insidet substantia, id sibi allicit reponitque in alimentum, quod in affluente humore mediū est inter vaporem & cras-
 35 siorem substantiam. Itaque particulæ toti similari alendæ vnus sanguis sufficit: sed cuius singula conuenientibus earum singulis accommodantur, vt suo posthac loco plenius afferetur.

Quarti libri de Spiritibus & innato calido Finis.

Spiritus animalis vt generetur

Naturalis primus est omnium, verèq; spiritus dici debet.

Naturalis spiritus in fitū nutrit.

Vnde & quomodo vnaquæq; partiu substantia alitur.

De Animæ facultatibus Lib. V.

Quid anima.

Cap. I.

Præfatio.

Animæ so-
lis operib⁹
cognosci.Corporis
actiones
nec à se,
nec à cor-
pore pro-
fici.Actionum
corporis
causâ esse
animam.Anima
quid.

ERRENO concretoque corpori quicquid finitimum natura nobis ingenuit, quicquid affine in vnum quasi concentum nexuit, siue aspectabile, siue abstrusum id & sensibus incòpertum foret: sic omne superior còmentatio explicauit, vt nihil insuper desyderari posse confidâ, quod eius fabricationem & structuram plenius adornet. At quoniam nò in solius corporis, sed in hominis qui ex corpore & animo constat, meditatione versamur, quum ad exitum iam perducta sit corporis tractatio, nunc animi eiusque partium & facultatum contemplatio iure adeunda videatur, si quidem vllum est studium percipiendi hominis atque cognoscendi. Inuoluta nimis & obscura animæ cognitio, & quam ceu minus obuiam non sit promptum attingere. Quocircâ sensus nostros effugientem illam, solis functionibus operibusque proditis, cernere mens possit: vti & vnamquamque reconditam causam ex affectibus qui conspicui sint & obiecti sensibus, ea solet excutere. Itaque dum in viuis est homo, plurima muna exequitur, quæ morte consumptus ne minimum quidem attigerit: quod argumentum sanè est horum munerum non corpus ipsum efficientem causam haberi, sed inesse quippiam viuenti quo sit is præstator atque potetior demortuo, & quo ad obeunda munia se comparet. Inest quidem in homine quædam actionū habilitas & efficientia, ipsa denique vita quæ propria quædam est viuentis functio: verum actionem veterum philosophorum imitatione animam censere, quæ dormientibus nobis extra corpus diuagetur, vigilantibus in id remeet, nisi fortè immodico sopore longius profecta remigrare non possit, anile sanè & plenum superstitionis est. Quare quum sint actiones in eorum accidentium genere quæ continenter abeunt prolabanturque, quemadmodum & motus omnis, neque à se ipsis vnquam firmè subsistant: necessarium est quoties actiones obiri cerimus, superiorem his causam mente complecti, quam illæ velut umbra corpus consequantur. Ergo actionum vitæ stabilis & constans quædam in nobis est causâ, qua præsentem vitam actioque omnis perficitur, qua decedente simul vita perit atque dissipatur. hanc tantisper dum nequeunt aliter illius essentiam cognitam habere, omnes quidem animam esse profitentur: vt sit anima principium & causâ functionum viuentis corporis. Nihil verò refert si quis organici corporis perfectionem esse statuatur: quod enim viuens est corpus, id còtinuò naturale est & organicum. Nam quatenus viuunt, alimento sanè vtitur, organaque adeptum est tum ad concoctionem, tum

tum ad alimenti distributionem accommodata, sine quibus neque alimentum uti possit, neque vivere. Ergo quum viues omne corpus statim sit organicum, quicquid illi vitam conferet actionesque vitales inducet, anima censetur: ea autem totius est perfectio.

5 Anima genera, partes & facultates quot & quæ sint. Cap. II.



10 **V**IENTIS corporis species est anima, cui vita tanquam propria peculiarisq; actio comes est & socia. Cuicumque igitur illa insidebit, id animatum reddet pariter & viuum, animamque sortietur ceu veram essentiam, vitam uero ut propriam illius functionem. Vnde exquisita animatorum ab inanimis differetia per animam & animatorum ordines ex animæ differentiis verè decernuntur. At nihilominus quoniam plerunque relictæ essentia obscuritate, ad eius proprias functiones quæ manifestiores sunt diuertimus, idcirco ex his plerunque differetias rectè nobis comparamus. Sic philosophi præstantissimi & animæ vita definierunt, & ex vitæ differentiis animæ genera protulerunt. Quos & nos hîc sequuti, ab infimo viuentium ordine per singulos gradus ad hominis usque naturam progressionem facta, ex vitæ functionibus, quod alia corpora solius naturæ beneficio viuant quæ φύσις, id est terra edita dicuntur, alia sentiant, alia ratione & intelligentia prædita sint, tres viuentium differentias mente complectimur, naturale, sentiens, & intelligens: tres quoque animæ species iisdem nominibus insignitas, quæ sunt naturalis, sentiens, & intelligens: quibus hæc respondent viuentium genera, φύσις, id est terra editum siue

15 stirps, brutum, homo. Etenim propriè illa inferiorum generum conditionem subeunt, quod disclusa disiunctaque separatim subsistant, quod nunquam in idem coire cõciliarique possint: quodque sigillatim de vnoquoque animæ nomẽ enuncietur. Quæ enim in satis ac stirpibus naturalis inest, ea sanè est anima, à qua & stirpes animatas dicimus, licet nondum animata: quæ item beluis præest sentiens ea quoque anima est, quæ non animata modò, sed etiam animalia illas efficit. Intelligentem demum hominis mentem nemo fuerit qui animam esse non dicat. Sic autem seiugatae sunt atque distractæ, ut neque quæ hominis intelligens est anima sit sentiens, neque quæ beluis sentiens imperat, sit naturalis, ut neque homo belua est, neque belua stirps, alioqui in magnâ confusionẽ adigerentur rerum species. Quinimò eidẽ nequeunt pariter insidere intelligens & sentiens, vel sentiens & naturalis: quoniam neque complures substantiarum formæ, reuera eiusdem esse possunt subiectæ materiæ, neque idem liceat beluam & fruticem appellare, neque beluam & hominẽ. Hæc igitur tria sint discreta anima genera. Efficit autem nomenclaturæ inopia, ut iisdem quoque appellationibus tum partes, tum facultates animæ designentur: vnde permagnis sæpe obscuritatibus scripta latent inuoluta. Ita enim quicquid intelligens est, continuò sentiens esse dicimus, id est sentiendi facultate præditum, &

l ij quod

Vita animæ sunt

Vnde sumatur rerum differetia.

Viuentium differetia & ordines

Tria animæ genera

Quo distent genera à partibus.

*Ubi quæ animæ
superioris inferioris
animæ & partibus
discreta sunt*

Eadem nomina generum & partium animæ.

Partes ani-
mæ quæ.

& quod sentiēs est, id quoq; fatemur naturæ facultatibus teneri: vt hæc nō principū formarū, sed vel partium, vel facultatū sint nomina. Partes animæ eas dici velim, quæ sociatæ atque cōnexę, in totius vnā & integrā substantiam conspirāt, quibus seorsum singulis non aptè potest totius nomen accommodari. Quæ tria modò ante oculos posuimus, intelligens, sentiens, & naturale, in homine quodāmodo cōprehenduntur, vt partes sunt animæ, non autē vt genera: eadem disclusa sedibus, genera cōstituunt. Animæ partes geometricis figuris rectè visus est Aristoteles cōtulisse. Inter has primus est trigonus, qui neque ex aliis se prioribus cōstat, neque ab angulo in angulum alterū, ex porrecta linea diuidi potest. Secundus ab hoc est tetrago-
10 nus, qui trigonū potestate concludit: vt pentagonus tetragonū atq; trigonum. Vt igitur in pētagono qui simplex est figura, trigonus & tetragonus vt partes insunt, potestate duntaxat nō reipsa (neq; enim illic trigonū neq; tetragonū, sed pentagonū duntaxat figuræ nomen & rationē habere dicimus, alioqui nō simplex esset, sed iam ex cōpluribus composita figura) sic 15 procul dubio intelligentem animā homini simplicem inesse statuendum est, cuius partes sint sentiens ac naturalis, non hæc quidē energia, sed potestate duntaxat cōsistentes. Ea est partiū animæ ratio. Appetens verò, cogitatione fingens, & ad locū mouens, neque genera, neq; partes sunt animæ sed vnius eiusdēmq; partis facultates, eius nempe quæ sentiens appellatur. 20

Facultates
quæ.

Omne ani-
mal appe-
tens, imagi-
nari, & lo-
co moueri

Hæc non animātium ordines atque gradus secernunt, vt quædam sentiāt quæ loco nequaquam mouentur: sed adeò inter se cōnexa sunt & apta, vt dissolui nunquā possint, & cuique animanti vniuersa pariter inhærescant. Omnium quippe animantium tactus saltem est cōmunis: hoc autem primo sensu quicquid præditum est, statim voluptatis atque doloris est par-
25 ticeps, potestque pestifera à salutaribus secernere, & quodam desiderio ad res salutes accedere: vnde fit vt quicquid sensu vllō præditum est, id ilicò appetitu quodam ornatum esse videatur. Quum autem res salutaris sensu percepta in communem sensum referetur, tum orietur voluptatis & eximie delectationis comprehensio, hæc verò deinde appetitum concitabit: 30 sic comprehēsiōe & appetitu impulsū animal eo trahitur moueturque vt optata consequatur & teneat. Quò fit vt quæ pars animæ sensu pollet, eadem pariter & phātasie & appetitus & motus facultates habeat. Itaque non modò perfectiora animātia, sed & muscæ & vermes & vniuersum insectorum genus, quinetiam ostrea & conchylia & spongia & quæ inter
35 frutices & animalia ambigunt, *ζωόφωτα* Græcis appellantur, plantanimes à quibusdā dici cœperūt: hæc tamen si sede stabili vitā degunt, cōpuncta tamen in sese coguntur, diffunduntur verò latorum occurſu: inditium sanè quòd tum motu, tum sensu valent & prædita sunt. Cæterum vt in illis sensus appetitūque plurimū obscurus inest, ita & motus incertus atque cō-
40 fusus: vt hac ratione nonnunquam censuerit Aristoteles motu illa priuari, & eorum quæ sentiunt quædam loco moueri, quædam non moueri. Quocirca appetens, cogitatione fingens, & ad locū mouens, nequaquam noua

noua quædam animæ genera constituunt, sed quum sentienti ea semper insint & assideant, in idipsum genus pertinent, cuius vires & facultates rectè dici possint. Est enim facultas vis illa & potestas quam anima tâquam de sinu suo promit, & ad munerum functiones profert. Id autem perinde est atque si dixeris insitam & vernaculam animæ proprietatem: quæ ipsa quidem est accidens, sed animæ intimum atque adeò intestinum, vt plerisque illius essentia putetur. Hinc non rarò vnaquæque pars animæ, facultatis appellatione describitur. At cui exquisita nominum rerumque notio curæ fuerit, is non essentia animæ, sed viribus quæ ab illa dimanant, facultatis nomē aptabit. Quotidianus quidem vsus licet opera facultatibus referat accepta, ea tamen primùm ab animæ substantia emanare censemus, quæ vnâ facultates ad opus impellit. Vna siquidē animæ substantia multis facultatibus & viribus se fundit atque ostendit: haud secus ac pomū, quod reuera vnum varias spargit qualitates, odorem, speciem, & colorem. Magnes lapis vim obtinuit, qua ad cœli se vertices conuertit aspectumque refert, vim aliam qua ferrum ad se prolecat. Aloë vim & facultatem habet purgandi, ventrem corroborandi, vulnera conglutinandi, & obducendæ cicatricis. Itaque dum vna animæ essentia cōplura de se profert opera, varias in hæc facultates accommodat, vt sit sua cuiusque operis facultas, neque sint vnus & eiusdem facultatis opera diuersa. Vnde quum par sit operum atque facultatum numerus, ex illorum differentiis harum quoque differentias liceat numerando percipere. Ergo cum vniuscuiusque quatenus vnum est & vno modo se gerit, vnus sit motus: si anima quæ simplex est substantia, aliis aliisque motibus varia efficit opera, varias quoque in hæc vires facultatesque tanquam instrumenta confert: quibus multifariam se exhibens diuersos promit effectus. Has autē facultates neque animæ substantiam, neque eius vllam partem esse inde intelligitur, quod illæ nō nunquam exolescunt atque pereunt integra superstitie animæ essentia. Etenim vis & facultas augescendi post vigorem annis confirmatum intercidit & aboletur, quæque viridi æuo constans fuerat, exitum certum habet in ætate, tamen eadem superest animæ substantia. Quinetiam nullo seminis concursu, sed quadam putrida colluie quæcunque vltro suæque sponte prognata sunt: quæcunque collatis perfusisque diuersorum generum seminibus emerferunt, vt mulus, vt leopardus: quanquam anima continetur sentiente, facultatis tamen gignendi sunt expertia: siquod ab eis semen editur, sterile id toto genere est ac minime fecundum. Ex quibus perspicuū est facultatē ab animæ parte hoc potissimū distare, quod illa possit ab animæ substantia seiungi atque discludi, pars nulla queat separari quin tota simul anima disperdita solvatur. Facultas quamuis ingenita sit animæ, tamē accidit & inhaeret: pars animæ substantia est & quædā illius ceu portio. Hæc seorsum constituta aut in stirpibus aut in beluis subsistit, illa disiecta nunquam consistit citra animæ ex qua pendet adhæsiōnem.

Facultas
quid.

Omnia o-
pera tri-
buenda sūt
essentiæ.
Vni⁹ essen-
tiæ cōplu-
res facul-
tates.

Quot ope-
ra tot esse
facultates.

Facultatē
esse quan-
dam pro-
prietatem
rei, nō par-
tem eius.

Facultatis
& partis
discrimen.

l iij Quot

Quot primæ partis animæ sint facultates, quæ naturales
appellantur.

Cap. III.



VONIAM igitur facultates ex operibus internosci, & ex horum multitudine illarum numerū animaduerti pro-
ditū est: quot vniuscuiusque partis animæ facultates sunt, 5
quot earum differentia, nullo negotio potest recenseri.
Opus vnumquodque effectione quadam cōpletur, & in
lucem prodit: eaque effectio motio est efficientis. Efficiēs

Animæ ef-
se prima-
riā causā,
facultates
esse adiu-
uantes cau-
sas.

igitur quippiam id præcurrat necessum est, aut fortasse complura, quorum
tamen vnum statuatur tanquam primaria aut princeps causa. Huiusmodi 10
est anima quæ quum inter omnia quæ in nobis sunt vi & efficientia præ-
stet, propriis facultatibus quasi causis adiuuantibus & instrumentis tum
corporeis, tum incorporeis vtitur ad omnia quæcunque obit. Facultates

Naturalis
partis ani-
mæ facul-
tates tres.
Fūctiones.
Opera.

autem proximæ & continentes operum sunt causæ, quarum obseruationē
atque cognitionem satis superque medico sufficere plerique censuerunt: 15
in earum igitur inuestigationem nobis est diligentius incumbendum. Par-
tium animæ omnium ea prima statuitur quæ omnium viuentium cōmun-
nis, natura & animæ pars naturalis dicta, sola stirpes regit atque modera-
tur. Huius gestiones tres vt & tria opera cernimus in omni tum stirpium,
tum animantium genere, quæ defecta nō sunt & oblata vt mulus: eæ sunt, 20
procreatio, nutritio & accretio: opera autem sunt stirps surgens è semine,
aut qui vtero geritur fœtus ac fingitur: augescēs stirps aut animal: hoc sal-
uum & vita conseruatum. Tres præfunt illis effectrices facultates, procrea-

Quo tēpo-
re quæque
facultas do-
minetur.

trix, altrix & quæ auctrix appellatur. Quo tempore fœtum gestat fœmina,
omnes tametsi in commune idēque opus cōspirant, procreatrix tamen 25
illa vis dominatum habet: edito iam partu ea languescit mōxque aboletur
vt dentes emiseric, quūque ab editione nulla iam pars gigni videatur,
dentium duntaxat gignēdorum gratia hæc manet incolumis: deinde au-
gendi facultas viget, dum ad magnitudinis constitutum certūque mo-
dum hūc prouexerit. Quod reliquum est vitæ tempus, in solius altricis est 30
potestate: quæ quum vitæ totius sit comes & conseruatric, primis illa vitæ
atratibus aliarum duntaxat erat administra & auxiliaria: vt in vtero ea quæ
ad augendū valet, procreatrici subsidio venit atque suffragatur. Itaque pri-
ma feminis naturā ab initio tribus illis est instructa facultatibus, quas inde
naturales appellarunt. Hæ sunt vnus eiusdemque partis animæ multæ vi- 35

Quæstio.

res, quæ propriis se operibus exuscitant & expromūt. Si fœtus vtero gesta-
tus tribus illis continetur, editus verò dum adoleuerit duabus, reliquo vi-
tæ curriculo vnica: quonā illæ auolarunt? perieruntne prorsus an illic præ-
terea ignauæ iacent & quasi feriatae? Persistit vna quidem facultatum sub-
stantia in diem vitæ supremum, neque à suis illa viribus manet destitu- 40
ta, quorsum enim genito iam animali eoque edito debeat procreandi vis
perire? quid illam sustulerit? Verū quoniam prima illa feminis natura
quò vires suas exprimat, idoneo corporis alicuius & caloris adminiculo
indiget,

Solutio.

Qua ra-
tione facul-
tas quædā
pereat.

indiget, citra cuius opem ne minimum quicquam efficere potest: quum
certè aut mutila erit & violata corporis integritas, aut ad effectiōnem ma-
teria deficiet, tum illa vacabit finemque constituet operi. Vt igitur ma-
gnetem alio perunctum quia ferrum allicere non potest, trahendi facul-
tate orbatum dicimus aut saltem præpeditum: & cui suffusio oculi aciem
perstringit, is obcæcatus dicitur, eique adempta cernendi facultas aut cer-
tè impedita: ita & qui senio confectus effœtū corpus & emeritum adeptus
est, augescendi aut partes nouas gignendi facultatem non habet: & quæ in
illo est naturalis pars animæ, si fortè illæsa statuitur, intercepta tamen est &
10 corporis vitis irretita. Iam verò quæ & quot singulis naturalibus faculta-
tibus subsint partes, excutiendum explicandumque est. Procreatio mo-
tio est quæ ad nouam substantiam perducit. Dum autem quæuis substan-
tia in alteram cōmigrat, vt semen in os aut in cartilaginem aut in neruū,
ea propriæ essentia commutationem & conuersionem necessariò subit, a-
15 lioqui enim eadem substantia maneret: simul verò eadem in aptam & con-
uenientem naturæ suæ figuram conformatur: hisque duobus absoluitur e-
ius procreatio, substantiæ commutatione & cōformatione. Ergo quum
sit sua cuiusque actionis vis quædam efficiens, erunt sanè procreatricis fa-
cultatis immutatrix & conformatrix (hæc quidem vsu mollienda sunt) nō
20 vt duæ species, sed vtique partes, quibus illa absolutè completur. Vna par-
tis vniuscuiusque substantiam qualem cernimus, ex semine produxit: alte-
ra figuram illi compagēque & situm propriis vsibus idoneum contulit.
Ergo quot sunt in nobis simularium partium substantiæ, totidem planè re-
censere licet immutatricis illius partis species, quarum suam quæque sub-
25 stantiam propria quadam commutatione extulit. Alia enim ossis, alia ner-
ui essentiam compleuit, & similiter vniuscuiusque partis substantiam sua
quædā facultas ingenuit, cui liceat à partis natura nomē imponere. Adhūc
propemodum multas quiuīs instituere possit conformatricis partis diffe-
rentias, vt sua cuique instrumento præsit, quæ propriam ei figuram atque
30 positionem asciuit. Omnes hæc quidem ad immutatricem & conformatri-
cem referuntur ac pertinent, quæ duæ vnius procreatricis sunt partes. Huius
autem proprium hoc munus esse diximus, partes singulas ipsūque aded
fœtum perficere. Quæ in adultis nobis facultas semen conficit, & in fœtus
constitutionem exhibet, procreatrix dici nō meretur, alioqui quæ vel san-
35 guinem vel lac vis generat, procreatricis quoque nomen sibi vendicaret:
neque qui semen confert propriè generator est, non enim hic fœtus parti-
culas effingit aut profert. Abundanter igitur sic enumeratæ videri possunt
quæcunque procreatrici parent facultates. Altrix porrò est quæ adiectū
alimentum in corporis substantiam cōuertit eique assimilāt. Quum enim
40 corporis nostri substantia assiduo fluore variis ex causis continenter dissi-
petur, neque tamen præproperè absumi & consensescere id sinant alimen-
ta, proprium certè altricis facultatis munus est non nihil substantiæ pro dif-
perdita refarcire: quod quidem vel par est ei quod effluxit, vel eo vberius

Procreatio
quid.

Procreatri-
cis facultā-
tis partes
duæ.

Vis quæ se-
mē gene-
rat dici nō
debet pro-
creatrix.

Altrix fa-
cultas quæ

Nutritio
quid.

Nutritio -
nē à pro-
creatione
differre.

Auatrix
quæ.

Accretio à
procreatio-
ne differt.

vel parcius. Actio qua id efficitur nutritio est, nempe adiecti alimenti in corporis substantiam conuersio & assimilatio: quæ omnino triplex apprehenditur, vna priorem corporis habitum conseruat, altera extenuat, tertia faginat & amplificat. Animans omne quoad vitam degit necesse est quodammodo nutriri, siue firma id, siue ægra sit valetudine: nūquam enim nutritio perfruitur illa vis alatrix, vt quam planè naturalem esse constat. Obiici autem potest corpori nihil assimilari, quod nō plenè conuersum sit & commutatum: atqui ea commutatio nutritio est: non aliud igitur fuerit nutritio quàm procreatio, in qua ex alimento tāquam ex materie, portio quædam substantiæ corporis progignitur. Verū id quidem dum os aut neruus alitur, aliquid fieri: at nihil prorsus fit quod ante nō esset. Prius enim & os erat & neruus, neque ad hæc simpliciter facta est mutatio, neque ad substantiam se suis viribus sustententem & solitariam, sed ad eam quæ pars fit alterius. Sunt qui non ineptè hoc statuunt discriminis, nutritionem motum esse ad materiam, quæ prius existente forma ornetur: procreationem verò motum esse ad formam. Commutationem igitur quæ ad substantiam simpliciter & per se fit, procreationem: quæ verò fit ad substantiam alteram iam per se consistenti adhærentem, hanc nutritionem appellemus. Augendi facultas est, quæ corpus quoquouersum porrigit atque profert. Ipsa autem illius gestio accretio est, nempe corporis quoquouersum correctio atque prolatio. Quod corporis esse dico, nō de vnaquaque parte accipiendum: non enim si quid in maiorem carnis molem atque tumorem dilatatur, id continuò augetur: sed tota incrementi ratio ad solidas duntaxat animantium partes, maximèque ad ossa pertinet, quæ si crescunt, animal pariter vniuersum crescit, quanquā id ipsum fortasse tum macie extabescit. Quoquouersum autem porriguntur, dum in longitudinis simulque latitudinis & altitudinis dimensiones contendunt atque diffunduntur, quod solius naturæ est opus: nulla enim ars potest corpus, quantumlibet tenerū atque sequax, integra continuatione in omnem partem dilatare, sed si in longitudinem protrahetur, necessariò fiet aut latitudo aut altitudo cōtrac-tior. Augetur autem propriè quod ortum iam est, & integram formæ suæ absolutionem obtinet. Si enim ad hanc etiam nunc progressio sit (veluti quum domus exædificatur) non vtique accretio, sed constitutio quædam est. Si pristina species excedit (ceu dum aqueus humor raritate diffusus vertitur in aëra) occasus quidem est & interitus non accretio. Imò neque si qua sic raritate funditur vt suā insuper speciem retineat, augeri tum putetur sed rarefcere: quia veterem suam soliditatem non retinet. Quod igitur accrescit, integra id iam specie absolutum est, neque illam incrementō mutat, & pristina continuatione soliditatēque corporis seruata quoquouer-sum porrigitur & extenditur. Ex his palàm fit quantum ab ortu vel interitu distet accretio: in illis ad nouam substantiam, hīc ad amplitudinem & molem fit progressus: gignitur quod nōdum est neque speciem obtinuit, augetur quod forma perfectum consistit. Si quod augetur pristinam soliditatem

ditatem debet asseruare, neceffum est hanc nutritione alimentique appul-
 fu confirmari, vt quod auctum est in ampliorem molem fufum, inde sibi
 robur firmitatemque conciliet. Sic igitur accretioni affinis est & cōiuncta
 nutritio, vt nequeat citra eius opem compleri. Existimari hoc loco fortas-
 5 se possit, ætate adolefcendi dum sequax est corpus, pleniorē vberiorē-
 que nutricationem, esse eam accretionē quam proponimus: quod ipsum
 sequutus Auicennas censuit incrementum fieri non posse nisi vberior ali-
 menti fiat accessio, quā propriæ substantiæ decessio. At verò plerunque
 cernimus, tum pueros, tum adolefcētes febribus diuturnisque morbis op-
 10 pressos, grandi macie torreri atque attenuari, qui tamen interea increm-
 entum capeffant. Hi quum parcius alantur, planè declarāt accretionem ne-
 que pleniorē nutricationem esse, neque illi perpetuò tāquam comitem
 affidere. Quinetiam quòd sit vniuscuiusque viuētis corporis certus & con-
 stitutus incremēti modus, ad quem non nisi pedetentim statisque tempo-
 15 rum spatiis peruenitur: quòd etiam plerique eo sint statu, vt licet vberimè
 se saginent atque pinguescant, nunquam tamen liberalē illam proceri-
 tatem attingant: palām deregīt altricem facultatem ab ea quæ in augendo
 est, non modò appellatione, sed & functionibus & editis operibus pluri-
 mum dissidere. Augendi facultas non quemadmodum altera circa alimē-
 20 tum negotiatur, sed circa corporis partes solidas: has enim quoad sinunt,
 in omnem partem efferre atque dilatare, proprium illius est munus. His
 auctis tum deinde alrix facultas adnititur alimentum apponere, affigere
 & assimilare, non modò quantum effluxit, sed & largiūs ac fusiūs, quò la-
 xiores factas capacitates affatim impleat, cōseruetque pristinam earum so-
 25 liditatem atque robur.

Quatuor facultatum subsidio altricem indigere. Cap. IIII.



30 **A**CVLTATVM naturalium numerus vt impleatur,
 ad altricem reuersione facta, quæ illi tanquam auxiliariæ
 vel administræ parent, huc referendæ videntur. Sunt au-
 tem hæ attrahens, expellens, continens, & concoquens,
 quarū necessitate corpus alitur & sustinetur. Nulla enim
 est ne minima quidem corporis particula, quam non ali-
 menti benignitas attingat. Id autem non eò appellit per se impetūque suo
 35 motum, quemadmodum nos ex instituto quodam & arbitrio in forum
 concedimus: sic enim nunquam in superas, sed omne in inferas partes quæ
 sub iecore sunt, grauitatis pōdere fluminis instar illaberetur. Quare neces-
 se est aut alieno externoque pulsu agitatum illuc protrudatur, aut allectū
 trahatur. Atqui ex vētriculo aut iocinere, si per venas in omne corpus pul-
 40 sum excurrat, vtile pariter ac inutile permixtè illuc confluet, neque quod
 familiare est & amicum, parti cuique suum conferetur. Restat igitur vt sit
 sua cuiusque parti vis attrahendi, quæ quod illi familiare est & cōue-
 niens, ex sanguinis mole priua ta benignitate proleat. Quum enim par-
 tium

Nō quic-
 quid ple-
 nius alitur
 & pingue
 scit, auge-
 tur.
 Prima ra-
 tio.

Secundā.

Quatuor
 facultates
 quæ nutri-
 ci mini-
 strant.

Attrahē-
 tis neces-
 sitas.

Vnde nata
vis attrahē
di.
Expultri-
cis faculta-
tis necessi-
tas.

Alia demō
stratio qua
tuor facul-
tatū natu-
ralium.

Reliquas
omnes na-
turales fun-
ctiones ad
quatuor
eas faculta-
tes referri.

tium corporis perampla sit varietas, ob quam nō omnes vnius & eiusdem
alimenti suauitate pascuntur, neque eisdem delitiis capiuntur, erit cuius-
que partis quædam vis & facultas, quæ quod sibi aptum erit & iucundum
veluti fugat & alliciat. Sic stirpes ē terra amœnū succū, sic lapis heraclius
ferrum, sic & purgantia medicamenta vnumquempiam ē corpore humo-
rem, naturarum substantiarūque similitudine trahunt. Ea si est facultatis
attrahentis necessitas vnicuique parti ingenita, necesse est simul & expul-
tricem quandam inesse, quæ quod inutile est & superuacaneum depellat.
Vt enim conuenientis amicitia atque desiderio res vnaquæque trahit, ita
par est eandem odio & offensione concitatam, quicquid sibi noxium est
& infensum extrudere, aut certè respuere. Trahit porrò vt quod familiare
est sibi adnectat, eiusque suauitate perfruatur, & sibi tādē prorsus assimi-
let: quod dum efficit, id necessariò continet & conseruat (alioqui enim ne-
quaquam eo frueretur) dum autem diutius continet id ipsum proprio ca-
lore mitigat, immutat atque concoquit. Quare præter attrahentem & ex-
pellentem necessaria quoque intelligi potest continens atque concoquēs
facultas. Est & altera demonstrationis horum necessitas. Vnumquodque
alimenti genus, seu panis, seu caro, seu fructus quiuis aut vinum sit, si ani-
mo & cogitatione completamur, plurimū à corporis nostri natura di-
stare videbitur, neque posse in nostram substantiam conuerti, planēque as-
similari nobis, nisi multifariam variēque mutatū. Neque verò id vniuer-
sum concoctione mutari potest: nam quantumcunque benignum & fa-
miliare sit, alteram partem idoneam ad corpus alendum, alteram discre-
pantem habet & ineptam. Hanc quidem conuenit ē corpore eiici, ne suc-
corum salubrium commodis officiat: quare vis quædam & facultas in no-
bis admodum necessaria est, quæ pernitiem tātā exturbet. Alimēti quic-
quid vtile relinquitur, & ad corpus nutriendum conueniens, nisi in partes
corporis singulas accedat, eas alere non potest: atqui ad eas non adit suo-
pte impetu: necesse est igitur alliciat, & attrahatur. Tractum autem ad-
iectūque nisi aliquātum retentum quasi adhærescat, concoqui non po-
test: non enim quod assiduò huc illucque rapitur, concoctionem faciliē su-
bit, vt quæ non sic momēto temporis compleri potest. Quapropter quan-
dam in nobis necesse est vim inesse, quæ alimentum contineat: in summa
verò quatuor facultates naturales suas cuique parti insidere, quæ nutritici
auxiliaria sint & ministra. Nunquid quæso aliquāpiam his insuper ad-
dendæ sunt & afferendæ? Alimentum quum iam in partem influxit, pri-
mū quidem ei apponitur, deinde agglutinatur & adhærescit, tum demū
perfectē assimilatur, neque vlla nutritionis integritas potest existere, quā
non præueniat agglutinatio, & ante hāc appositio, varię quidem functio-
nes ex propriis effectis conspicuæ. Caterū hæ non ex aliis, sed ex narra-
tis duntaxat facultatibus processerunt. Etenim appositio attractionis est
finis, & idcirco vnaquæque pars alimentum trahit, vt id sibi iungat & ap-
ponat: agglutinatio verò tum retentionem, tum cōcoctionem consequi-
tur,

tur, estque necessarium ut dum alimentum concoctione contrescit fitque crassius, retentū id parti simul affigatur. Ipsa porro assimilatio naturalium functionum suprema & tanquam finis, concoquendi facultate perficitur: hæc autem facultas summa quum sit in quam reliquæ contendunt, una præ cæteris iure debuit altrix facultas appellari. Huic aliæ subministrant omnisque nutritio quatuor dūtaxat naturalium facultatum ope cōpletur.

Præter eas quatuor, non aliam quandam esse naturalem appetendi facultatem, aliam internoscēdi, aliam secernendi.

Cap. V.



ON leui quidem disputatione philosophi medicique certant, sitne in stirpibus appetendi facultas quæ illas ad trahendum impellat. Omnes quidem mirifice cōgruunt naturalem quendam appetitum rebus inesse: atque ut animantia non nisi appetitu animali incitata progredi & incedere, sic neque stirpes, neque corporis nostri particulas quicquam allicere aut depellere, nisi illius naturali appetitu odiōve stimulas. Quod enim familiare sibi iucundūque est, idcirco trahunt & alliciunt, quia illius desiderio tenentur: quod verò nociturum & aduersum est, id quia despuunt & aspernantur, expellunt. Cæterum in hoc tota cōtrouersia est, num ut in animalibus, ita in stirpibus, & in his quæ sola duce natura reguntur, propria quædā instituenda sit appetendi facultas. Hanc equidem minime necessariam duco, sed quæcunque attrahit, eadem quod familiare est atque salutare appetit: hoc autē iucundum est & amicum quia simile: similitudo quippe amicitiam, amicitia desiderium seu appetitum, appetitus attractionem mouet. Sic propemodū & quæcunque expellendi facultas est, eadem quod noxium & pestiferum est auersatur & respuit, quia inimicum atque dissimile. Hinc autem alia difficilior quæstio existit, stirpēsne ea sensu quodam, ut nos, percipiant & internoscant quæ sibi salutaria pestiferæ sunt. Non pauci illas quemadmodum & corporis nostri particulas naturali quadam cognitione duci arbitrātur, iisque vim tribuunt internoscendi salutaria à pestiferis. Hanc discernētem & quæ suauia insuauiaque distinguit facultatem, sensum quendam appellant, non utique ceu aspectum, auditum, odoratum, gustatum, aut tactum: sed proprium quendam & naturalem sensum, qui quæ nutrire possint & quæ secus, duntaxat diiudicet. Itaque non modò ventriculum, iecur, partēque singulas, verumetiam frutices existimant suauium & idoneorum sensu atque voluptate affici, hæcque si desint protinus appetere, quia verò appetat eadem attrahere, ut tandem optatis fruantur & voluptatis fructum percipiant. Hæc Platonis consulta esse perhibent, quem constat stirpēs non unquā animantes appellasse. At verò Aristoteles his aduersatur, qui satis omnibus atque plantis vim illam insidentem salutarium & idoneorum attrahtricem, censet appetitu solo naturali impelli, citra vllam vtilium cognitionem.

tionem. Neque vllam stirpibus vim inesse posse, quæ idoneum ab alieno discernat & internoscat, sed hoc altioris duntaxat illius esse facultatis quæ communem sensum appellant. Appetitus autem is, vt cæteris quibusque rebus est suus, grauib; vt deorsum ruât, leuib; vt in sublime cõuolent: sic propemodum magneti purgantib;que medicamētis appetitus est inge-
nit; attrahendi quod sibi affine est & amicum, stirpibus conuenientem succum è terra sugendi. Hunc verò appetitum incitat & impellit non sensus aut cognitio, sed penuria & indigētia eius quod familiare est & iucundum. Ergo substantiarum conuenientia atque similitudo amicitiam parit, quumque similis atque iucūdi erit indigentia, hæc appetitum suscita-
bit naturalem, appetitus attractionem, cõque fruetur attrahēdi facultas, si quidem præsens id est, nec aliunde impedimentum obtingit. Nulla igitur necessitate introducenda est discernendi & internoscendi facultas, cuius consilio atque prudentia stirpes corporisq; nostri particulę regi viderētur.

Non aliter quæ de secernente & separante facultate cõtrouersia est, di-
rimitur. Quòd enim renes serum à reliquo sanguine secernant, quòdque natura in morbis post cõcoctiones, humores secernat & superuacuos exigat, quo tempore fiunt iudicationes: quòd denique oporteat concoctionem præire, subsequi verò secretionem, & postea euacuationem, vt bona sit crisis, omnes quidem fatemur. At verò ea ipsa secretio non propriæ cu-
iusdam est facultatis, sed aut excernentis aut attrahentis opus. Quæ enim facultas post factam in morbis concoctionem confusos in venis maiori-
bus humores puros ab impuris secernit, eadem est expultrix, quæ nihil depellere potest, quod non antè à reliquis quasi euulserit. Quæ verò superuacuos humores è iecoris sanguine secernit, ea est attrahendi vis, quæ tum in
liene, tum in bilis folliculo consistit: & quæ serum separat à sanguine, eadem est vis attrahendi renum. Sic & è sanguinis mole quæ in venis est maioribus, partes singulæ quod sibi familiare est, eadem facultate secernunt qua attrahunt. Quocirca secretio nō proprię cuiusdam facultatis est opus, sed vel expulsionis vel attractionis initium.

Aliis partibus alias facultates naturales esse valentiores, iisque propria quædam functionum instrumenta destinata esse & attributa.

Cap. VI.



Actiones
propriæ.

Actiones
cõmunes.

ARTES corporis tanta consensione inter se coniunctæ
sunt, vt omnes communiter totius commodis vtilitatique
inseruiant, omniumq; vsus in id vno quasi concentu con-
spirent. Harum actiones quæ naturales appellantur, dupli-
ces existunt: aliæ propriæ vni cuiuspiam addictæ parti, vt of-
si vt cartilagini, & reliquis quoque omnibus: nulla enim
pars est in nobis vel minima, quæ non seipsam alat atque conseruet: aliæ
communes omnium partium gratia comparatæ, quales sunt quæ in ven-
triculo & iecore præter proprias consistunt, ad totius partiumque omniū
vtilitatem

utilitatem & commodum nata. Sic œsophago manifesta vis est alimentũ trahendi, sic ventriculo vt & iccori præter proprias, communes illæ omnes insident, inter quas tamen vis illa ad concoquendum valens excellit. Sic in intestinis expultrix validissima, concoctrix infirma inest, reliquæ duæ deficiunt. Renibus eliciendæ è venis vrinae, facultas præstantissima, eique profundendæ & deiiciendæ nõ imbecilla: reliquarum autem ij sunt expertes. Sic denique vtero vis continendi robustissima, qui foetum nouẽ integris mensibus reconditum gerat: nec parum huic validæ allecandi feminis & foetus exigendi vires, at concoquendi prorsus nullæ. Itaque partes illæ vt & aliæ nonnullæ, quæ non modò priuato, sed publico quoque munere funguntur ac vigent, instrumentorum speciem acceperunt, & iis muneribus ad quæ in primis sunt propensæ staminum villorũque proprium genus adeptæ sunt. Triplex autem est hoc illorum genus, alia enim recta sunt in longitudinem porrecta, alia trãsuerfa quæ ad pares rectosque angulos in illa feruntur & incidunt, obliqua alia quæ obliquè & ad impares angulos in recta incidunt. Quamquam igitur cõcoquendi vis nullum staminum genus, sed humidum duntaxat calorem nobis ingenitum ad concoctionem accommodat, reliquæ tamen quæ motu quopiam munus suum explent, villis indiguerunt: attrahens quidem rectis, trãsuerfis expultrix, continens obliquis. Vt enim in musculis villi nutu nostro & arbitrio contracti, & ad suam originem quasi reducti motum efficiunt: ita & naturalibus instrumentis, recti villi solius naturæ instinctu contracti breuiorẽsque facti alimentum attrahunt: trãsuerfi autem astricti, subditam capacitatẽ in angustiam adducunt, & quicquid ea concipitur detrudunt: ceterũ obliqui villi quia intenti, nec breuiorem nec angustiorẽ partẽ reddunt, seruata quadam naturali æquabilitate & constantia, omnia planè continent, nihilque vel attrahunt vel expellunt. Cuicumque igitur naturæ instrumento triplex huiusmodi facultas accessit, triplex etiam villorum genus est concessum, aliàs tunica simplici vt in vtero, aliàs vt in ventriculo duplici. Quibus verò istarum virium vnica data est vt intestinis, iis (tamen si geminæ sunt tunicæ) simplex villorum genus obtigit. Quapropter facultatum parti vniciquẽ assidentium numerus ex functionum varietate cognitus, villorum differentias explicat: econtrariò quoque villorũ varietas cõfectione cognita renuntiat quot cuiusque partis sunt facultates, gulę, vetriculi, intestinorum, arteriarum, venarum, vteri, vtriusque vesicæ, & aliorum si plura his publica naturæ sunt instrumenta. At verò quæ sibi duntaxat priuatĩsque commodis dant operam, vt ossa, vt cartilagines, etsi quò se alant naturalium facultatum species omnes assequutæ sunt, nullius tamen villi opere indigent, sed ingenita vi omnia efficiunt & edunt. Neque porrò ventriculus neque intestina vt se duntaxat alant & conseruent, suos villos ad proprii alimenti attractionem & retentionem, aut ad superuacaneorum depulsionem applicant & accommodant. His iam videor vniuersam principum naturæ facultatum summam attigisse, necnon reliquarum

Quæ facultates, quibus partibus maxime viget.

Naturales facultates quæ habent instrumenta.

Quod villorũ genus cuique facultati seruiat.

Peculiares facultates villis non indigere.

reliquarum omnium quarum illæ opera & ministerio vtuntur, numerum percensuisse: quocirca tempestiuum erit ad animalium facultatum differentias sermonem transferre.

Externæ sentiendi facultates.

Cap. VII.



Facultatū
animaliū
demonstra-
tio.

Animaliū
facultatū
diuisio &
numerus.

Facultatē
esse formā
instrumēti

Vidēdi fa-
cultas.

Definitio.

ACVLTATVM animalium quæ non vtrique stirpi-
bus, sed solis animantibus obtigerunt, vnde & illis nomē
accessit: duo prima summæque genera existunt: alię ratio-
nis sunt participes, huius expertes aliæ, quæ sensus dunta-
xat impetu feruntur. Quæ brutis animantibus supra natu-
ralem illam vim, moderatur præcipuamque administra-
tionem tenet sentiēs anima, tota quidem essentia simplex est, sui tota per-
similis, neque vt corpus ex partibus coagmentata disparibus: aliās vnum
eiusdemque generis nequaquam id esset quod ex ea constaret. Huius ta-
men vnius effectione & opera animal cernit, odoratur, audit, gustat, tan-
git atque tractat: quinetiam mouetur, rerum discrimina internoscit, cogi-
tatione fingit, somniat, meminit. Hæc vnius & eiusdem sunt essentiæ mu-
nera, nō tamen ea dum exequitur & perficit, vno similique modo se sem-
per exhibet, sed vt varia corporis instrumenta ad effectiōnem accommo-
dat, ita aliās aliter sese exprimens illa profert. Vnde quum sic discretæ sint
horum munerum gestiones, vt possint singulæ seorsum atque separatim
consistere, neque vna quapiam concita sit necesse alias continuò proferri,
aut vna pereunte reliquas omnes pariter occumbere: optima sit ratio ne vt
sua sit cuiusque propria quædam facultas, sintque totidem sentiēdi facul-
tates, quot functionum differentias numerando percensuimus. Vniuer-
sum igitur animalium facultatum genus ita partiemur, vt aliæ rationis, a-
liæ sensus sint effectrices: harum autem quę brutis animantibus imperant,
aliæ externa sentiunt, aliæ loco mouent, aliæ cognoscūt. Quæ demum ex-
terna sentiunt quinque statuuntur, cernendi, odorandi, audiendi, gustan-
di, atque tractandi. Qua videt animal, ea ipsa facultate nec audit, nec odo-
ratur, nec gustat, nec tangit, vti neque ex aduerso fieri quicquā potest: tan-
ta scilicet est inter eas distantia, quam & instrumentorum & obiectorum
in quæ incumbunt varietas peperit. Quocūque sentimus, id quemadmo-
dum cæterorum corporum vnumquodque, ex subiecta materia & specie
constituitur: sentiendi instrumentum tanquam materia est, sensus tanquā
forma & ratio. Aspectus qui facultas est videndi, tanquam forma in cry-
stallino oculi humore confedit, qui pellucidus primum est cernendi orga-
num: circumfusus id humoribus, tunicisque septum, quæ vsum ei confe-
runt, vt melior cōpletiōrque sit visio. Cernit quidem simpliciter visus cry-
stallino, integrè verò ac perfectè oculi instrumento: sub hunc autem sen-
sum veniunt ij maximè colores qui corporibus per summa insident. Eos
enim hic vnus præ cæteris internoscit discernitque singulos, cæterorum
autem nullus. Quocirca cernendi facultatem eam esse definimus, quæ in
oculo

oculo sita colores citra materiem, per medium re ipsa cōspicuum excipit. Quum autem vnusquisque sensus à prima anima quasi præcisus abiūctusque videatur, & sua cuique spiritus portio illinc ad functionem & ministerium tributa sit, poterit reliquis ad visus exemplum finitio accommodari propria. Præcipuum audiendi instrumentum est aër quidam præternis auribus ingenitus, mēbrana obductus, ad aurium intimā capacitātē positus, quò audiētis nerui à cerebro ducti extremum pertingit. Hic enim ingenitum eum aërem atque spiritum, qui primum est audiendi instrumentum ambit, quēadmodum opticus in oculo neruus crySTALLINUM hō-
 10 morem: sic in omnibus per influentem spiritum & per neruum maxima instrumento societas intercedit cum intimo sentiēdi principio. Huic igitur aëri insidens audiendi facultas sonum verè percipit, eiūsque discrimina diiudicat. Odorandi proprium instrumentum extra caluam non excidit, respirantibus quibusque animantibus opertum & penitus cōditum
 15 in iis extremis cerebri, quæ ad nasi summum pertinent. Vnde intelligitur hos quinque sensus non quòd foras expropti sint & promineant: sed quòd externarum rerum propriis organis cognitionem capiant, idcirco externos appellari. Illic constituta odorandi facultas per narium ductus, vnà cū spiritu haustos rerum odores comprehendit, qui subiecta eius sunt materia
 20 in qua solet versari. In his porrò maximè neruis quos ad linguam, ad palatum, ad fauciumque regionē dispergi narrauimus, gustādi facultas confedit, rerum sapes internoscens, spongiosa eius carnis adminiculo qua lingua prædita est. Cæterum vis tangendi nullo proprio conclusa organo coërcetur, sed quum tactus ad animatis vitam maximè videretur necessa-
 25 rius, toto corpore æquabiliter fusus est. In his autem neruis potissimū collocatur, qui duriores iam facti intrò forasque commeant: per quos corporum omnium tractabiles qualitates animaduertit. Hæ non vt colores, sapes, odores, aut soni, vno possunt nomine designari, multis quidem cōtrariorum pugnantis discretæ: quarum extrema sunt calor & frigus, humor & siccitas, mollitudo durities, asperitas læuitas, grauitas & leuitas.
 30 Hinc nonnulli complures tactus instituerunt, qui has seorsum differentias perciperent, quasi ex obiectarum qualitarum varietate sensuum numerus petatur: non sic autem, sed ex organorum differentia facultatum numerus æstimandus. Atqui vnum est atque simplex tactus instrumentum. Distat præterea sensus hic à cæteris quòd nō omnia subiecta prorsus sentiat: quæ-
 35 cunque enim obiecta sibi temperatione similia offenderit, nō sentiet, quia ab illis nihil patitur. Sensus autem non nisi perpeffione quadam fieri potest. Reliqui verò sensus eas omnes quæ sub se recidunt qualitates sentiunt, ab hisque patiūtur: quia dissimiles sunt omnes. Commune autem est om-
 40 nium sensuum, vt sit vnusquisque potestate talis, quale idipsum est quod percepturus est: hoc enim extrinsecus positum sensum impellit ac mouet: quòd si sensus ab subiecta re afficitur, necesse est tum similitudo tum dissimilitudo quædam intercedat. Inter motus quidem initia, similitudo: quū
 m ij finis

Audiendi
facultas.Odorandi
facultas.Vnde no-
mē habeat
externi
sensus.Gustādi fa-
cultas.Tangendi
facultas.Omne senti-
sum perce-
ptione af-
fici.

Facultatū
differētiæ
ex instru-
mentis.

odor

finis attingitur, dissimilitudo: quod quomodo fiat, plenius suo loco recitabitur. Commune præterea est, ut unusquisque tum subiectas sibi res cognoscat, tum earum priuationes, tum verò excessus immoderatos, sed via rationēque diuersa. Quādoquidem propria obiecta & idonea blandè impulsus excipit, priuationes nulla irruptione, nullo inuitamento laceffit; excessus autem & exuperantias non citra offensionem oblationēque sustinere potest: vnde & illas quia graues sint & violentæ, multi non sentiri putant. Itaque distant inter se sensus omnes, longēque sunt diuersæ atque seiunctæ eorum facultates, non modò ex rei quæ comprehenditur natura, verumetiam ex proprio cuiusque instrumento. Hoc visui aqueum est, & 10 pellucidum: nam oculus multiplici humore perfusus est, à cerebro constitutus atque profectus, quod omnium partium humidissimum est & frigidissimum. Auditui aëreum est instrumentum, odoratui igneum, quemadmodum & odor exhalatio quædam est fumosa & ignea: tactui instrumentum datum est planè terrenū, gustatui (quia ceu tactus quidam est) id etiā 15 terrenum, sed humoris quoque alicuius particeps.

Interiores sentientis animæ facultates.

Cap. VIII.

Tres interio-
res sen-
tientis ani-
mæ facul-
tates.



Sensus cō-
munis.

Discernē-
di facultas

ENTIENS anima duas cognoscendi facultates obtinet, externam, in sensus quinque tanquā in species distri- 20 butā, & interiorem. Hæc porro species habet, vim discernendi communem, vim fictricem, & eam quæ meminit atque recordatur. Has quidem omnes vnus animæ non tanquam partes, sed vtique facultates esse, perspicuum ex iis fit, quæ de partium & facultatum discrimine à nobis sunt prodita: quæ 25 quemadmodum diuersæ sint, & ab eadem essentia dimanent, deinceps aperiendum. Sentiens ea & cognoscens anima in cerebri quidem corpore tanquam in arce & propria sede penitus insedit, quod inde proprium sentiendi instrumentum appellant. Id etiam primarium sensum dixere, quod reliqui sensus externi ei omnes circumiecti proximè affideant, in quos & 30 in omne corpus nervorum propagines dispersæ sunt, quibus anima vires suas effundit. Vt enim ab orbis ambitu lineæ partes tanquam radij in centrum deurgunt, sic à sensibus quædam & foramina patent, per quæ haustæ rerum imagines in illud tanquam in arcem confluunt. Harum autem æstimator & arbiter est princeps ille sensus, quem communem & intimū 35 appellant. Nigrum ab albo potest vnus aspectus discernere, & calidum à frigido vna tangendi facultas: quæ verò dulce ab albo discernat, atque eorum quæ variis subiecta sunt sensibus differentias diiudicet, facultatem quandam esse necesse est istis præstantiorem. Nullus enim externus sensus de dulci & albo potest iudicium ferre, quod ea non vnus idēque sen- 40 tiat: quæadmodum si ego hoc, tu verò illud separatim perceperis, à neutro certè nostrū diuersa illa cognoscentur. Quoniā igitur multorum sensuum subiectam materiam, non modò homines, sed beluæ quoque internoscūt, necesse

neceſſe eſt vim quandam eſſe communem & promiſcuam, quæ varias il-
 lorum imagines complectatur, quæ & ſimilia & diſcrepantia diiudicet.
 Hæc eſt diſcernendi & internoscendi interior facultas, quam primam cō-
 munis ille & intimus ſenſus expromit. Hic autem ſubſtātia eſt animæ ſen-
 5 ſientis, idque principium quod vniuerſum animantium genus conſtituit,
 à quo & animantes omneis vel quæ inſimo ſunt inſectorum ordine, ſen-
 tientes appellamus. Hic tanquam rex atque princeps ſedem ſtabilem &
 domicilium certum habet in cerebri corpore, è quo tanquam è ſuggeſto
 rerum omnium imagines à miniſtris & nuntiis ſenſibus extrinſecus alla-
 10 tas & ante ſe poſitas contemplatur, omneſque ſenſuum actiones obſeruat.
 Hic ille eſt quo nos viſu videre, & auditu audire cognoscimus. Hic imagi-
 num diſcrimina cōſtituit, ac de illis ſuum promit iudicium. Ex quo intel-
 ligitur communem hunc & intimum ſenſum cum externis quinque quo-
 dammodo eundem eſſe, hōſque ab illo omnes tāquam à fonte riuulos de-
 15 riuari: & vim illam primam ſentiendi è cerebro in ſenſuum instrumenta ſe
 diffundere, eorūque famulatu vti & opera. Hæc autem quia ſe variè ge-
 runt, & vnius opificis vſibus ſeſe multifariam accōmodant, idcirco quin-
 que exteriorum ſenſuum facultates conſtituere par eſt, ſed quarum ſit vna
 eadēque cum ſenſu principe ſubſtātia. Ea eſt igitur principis ſenſus vna
 20 facultas, quæ externarū rerum varietates diſcernit, internoscit, & iudicat.
 Altera eſt viſ & facultas cōſeruatrix, quæ impreſſiones & veſtigia ſenſuum
 excipit, continet, & recondit. Quum enim externus ſenſus in ſubiectam
 rem incumbit, ſimul quoque in eam ipſam fertur interior & princeps illa
 ſentiendi facultas, quæ rem vnā percipit atque ſentit: ab externis rebus la-
 25 ceſſiti ſenſus ſimulachra ſpectrāque ab eis emiſſa recipiunt, quæ deinde
 interiorem ſentiendi vim impellunt: hæc tum formas atque imagines re-
 rum quas ſenſus præbuerunt, retinet & conſignat in ſe. Digreſſis ſublatis-
 ve rebus iſtæ diutius inhærent, & quaſi exculptæ conſeruantur, hoc indi-
 cio quòd tum abſtractas res ſenſus ille cognoscit ac percipit, vt cui earum
 30 cuſtodia eſſet concedita. Effigies illæ ſpectrāque rerum cerebro inu-
 ſta atque inſculpta, obiectum efficiuntur facultatis eius quæ fingit, quem-
 admodum res externæ ſenſuum. Hos enim externæ, illam interiores qua-
 litates extimulant. Ab illis ergo excitata alia quædam facultas quæ fictrix
 appellatur, & quæ tertia eſt interiorum, obiecta ſpectra apprehendit &
 35 concipit: atque vt in ſenſu tria quidem ſunt, res obiecta, viſ ſentiens, &
 actio quæ ex illorum congreſſu interuenit, ita hæc quoque ratio tribus
 continebitur, ſimulachro, facultate fingendi, & ipſa actione, qua exter-
 nis rebus abiunctis facultas ob ſimulachrum verſatur. Hæc propriè effi-
 ctio appellatur, nempe motio facultatis circa rerum duntaxat ſimulachra
 40 atque veſtigia. Ex iis autem confuſis & permixtis plerunque multa fin-
 gendo inducit atque profert, quæ ſub ſenſum non venerant, vt homines
 volantes, boues alatos, hōcque à ſuperiore facultate diſſidet. Vnde quum
 in multa feratur nunquam ſenſu percepta, & quodammodo vim imitetur
 m iij rationalem,

Sensus cō-
 munis præ-
 ſtantia.

Vis & fa-
 cultas con-
 ſeruatrix
 imaginum

Facultas
 fictrix &
 imaginā-
 di.

rationalem, ab Aristotele intelligentiæ larga appellatione comprehenditur. Iam verò rerū simulachra aut leuiter cerebro impressa, mox euanescent, aut altius quasi in thesauros condita, diu tanquam affectiones aut habitus insistent & asseruantur, hæcque imaginum conseruatio, cuius antè mentionem feci, memoria est, quæ pueris atque senibus infirma & inconstans, esse proditur, illis quoddam imaginum impressionem seruare atque retinere, his verò quia admittere & recipere non possint. Hanc confirmat tueri quoque meditatio & cogitatio, quæ ipsa crebra est repetitio atque recursio imaginū, quatenus imagines aliorū sunt. Est & altera memoriæ ratio quā quis affectionem illam & similitudinem rei alterius spectat & intuetur, cum temporis præteriti cognitione quo facta est impressio: tum enim meminisse dicitur, ipsaque spectandi actio memoria est, sed ratione, ut dixi, diuersa: illa siquidem quoddam imaginem cōseruaret, hæc verò quoddam ex imaginis apprehensione rem ipsam repræsentet. Illa perpassio & affectio quædam est, hæc verò actio: aut si dicere mauis, illa memoria est patiens & sustinēs, hæc 15 verò agens. Vnde perspicuum esse potest inter bruta ea duntaxat meminisse, quæ sensum & notitiam tēporis habent, & quæ simulachro spectato, sentire possunt se aliquando rem ipsam nouisse. Rursum eādem animæ partem tempus cognoscere & meminisse, ea autem sentiens est anima. Hæc tamen non propriè & per se tempus sentit, sed quatenus motionem & effectiōnem agnoscit, quam tēpore aliquo acceperat. Sic igitur definiri possit, Memoria est rei absentis per imaginis spectationē, cum tēporis præteriti cognitione repræsentatio. Fit autem hæc memorandi facultate concitata stimulataque ab imagine, quatenus imago est exemplarque suum refert. Itaque ut omnes sentientis animæ interiores facultates functionesque 25 in summam referamus, externarum rerum simulachra hausta è sensibus in principem intimūque sensum commeant. Horum beneficio princeps sensus res externas cognoscit, discernit & iudicat, eoque munere vis discernendi se exhibet atque promit. Simulachrorū si altior fiat impressio, tum conseruatrice erit memoria, cuius facultas conseruandi ex cerebri constitutione intelligi potest qualis quantaque sit. In spectra & simulachra princeps sensus incumbens, si seorsum illa versat spectatque ut nihil præterea externarum rerum tractet, tum fingere dicitur, & ipsa sentiendi actio effectio est, quam propria fingendi comminiscendique facultas exprimit. Si verò illa non in se consideret, sed ut simulachra & imagines externarum sunt rerum, tum meminisse dicitur, ipsæque actus memoria est, propria memorandi facultate completus. Hæc omnia in sensu primario insunt, neque alterius partis animæ aut cerebri est effectio, alterius verò memoria, sed in subiecto eodem insunt & eiusdem partis animæ functiones. Vnde intelligitur eos ab antiqua celebris philosophia defecisse, qui vim illam ad fingendum aptam cerebri parte priore, memoriam posteriore collocarunt. Nā vtraque totius est cerebri, in cuius toto corpore fusa est princeps sentiendi anima. Sed de his posthac fusiùs. Satisne videtur omnes sentientis

Meditatio

Memoria
duplex.Memoria
propria
quid.Numerus
interiorū
facultatū.Omnes in
teriores fa-
cultates in
eadē parte
constitui.

tientis animæ facultates cōnumerasse, an ne præter illas quædam sint quibus somnum capimus & dormientium irrepant insomnia? Planè constat somnum & insomnia animantibus tãquam munera propriasque functiones attribui: at nequaquam his obeūdis aliæ quædam sunt facultates. Nam
 5 somnus & vigilia plurimū inter se distāt, & verè opposita sunt, hæc quidem vt actus est, ille huius est priuatio: quare & eodē vt subiecto recipiuntur consistētque, & vnius eiusdēque facultatis erunt. Cuiusque sensus inest, eidē & vigilia & somnus inest. Sensus quidem incitatio & motio est vigilia, illius autem vinculum & quasi carcer somnus est & immutabilitas.
 10 Caterū non vnius cuiuspiam priuati sensus affectiones hæ sunt, sed primarij illius & cōmunis, quo sopito necesse est reliquos etiam sensus consopiri, & tanquam satellites eius affectioni accumbere. Itaque quum primum illud sentiendi instrumentum nempe cerebrum, ex lassitudine aut longis excubiis impotens & incontinens sui redditur, cæteris officinis si-
 15 mul defessis necessariò somnus obrepit, in quo vacationem quandam feriæ vice habent sensus omnes, quòd eorum vires durare & sufficere operi non poterant. Quamobrem necessarius est cunctis animalibus ad incolumitatem salutēque datus & ad quietem. Similis propemodum & insomniorum ratio. Nam quum sit insomniū visum id & simulachrum,
 20 quod ortum & profectum à sensibus in somno animalibus se offert & obuersatur, id eiusdem partis animæ eiusdēque instrumenti esse debet atque somnus, & qua parte dormit animal, eadem somniat. Dormit autem somnūque capeſſit communi & principe sensu: huius ergo erūt insomnia, non vtique quatenus sentiens est, sed quatenus cogitatione fingit, &
 25 euagantibus simulachris laceſſitur. Interpellatur vis illa fictrix motione & impulsione positarum imaginum: idque maxime noctu & dormientibus, quo tempore absolutis sensibus iſſque functionum suarum vacationē habentibus, minima quæque simulachrorum vestigia aduolant confluuntque ob fingendi vim: quæ per vigilias sensibus opere vario detētis, & mēte
 30 viuis cogitationibus obruta, offunduntur supprimunturque.

Sōnus & vigilia ad intīmū sensum pertinent.

Somnus.

Insomniū cuius sit facultatis.

De appetitu & mouendi facultate.

Cap. IX.



35 V P R A sentiendi cognoscēdique vires alia quædam est vis appetendi, quam & appetitum dixerūt, clara quidem & aperta functione se promens. Nullum enim animantis genus est, quod non aliquando impetu atque perturbatione incitetur, quod non rei cuiuspiam desiderio pulsetur & æstuet. Ea illius interior agitatio & animæ motus, appetitio quidem est, Græcis ἐπιθυμία appellata. Huic nihil commune intercedit cum reliquis functionibus interioribus, sed à singulis dissidet, à discretionē, memoria, & effictione, quanquam eas, præsertim verò effictionem, naturali quodam instinctu consequitur. Quocircà & facultas quæ illius est effectoria, à cæteris distabit, easque tanquam assecla sit comitabitur, eritque
 40

Appetitio postrema est facultas interiorum.

m iij que

Appetitus
differētiæ.

que sentientis animæ summa atque suprema facultas, quæ cæteris tãquam finis aut princeps insideat. Neque verò solùm hominibus, sed & beluis & stirpibus & inanimis sua quædam inest appetitio, vt nihil prorsum natura constare possit, quod non appetendi facultas impellat. Cæterùm id lato peramplòque discrimine: quandoquidem & stirpes alimentum proliciunt, & omnia generis cuiuscunque sint inanima proprio quodã motu aguntur, naturali appetitu concita. Eodẽ & corporis vnaquæque particula, si quando inanita fuerit, quod sibi familiare est alimentum ad se conuertit & rapit è venis. Huius summa vis in iecore confidet, è quo tanquam è fonte in omne corpus diffusa, partium singularum vires sustinet. Alter ab hoc appetitus est communis ille sentiens, in cerebro situs, cuius tamen seminaria in alias quoque partes funduntur: maximos quippe ignes & incēdia in testes pudendâque vasa & in os ventriculi natura coniecit: in illos quidem libidinis (sic enim propriè appellatur, quanquam hoc nominis quãdoque ad omne cupiditatis genus accommodant) in hoc verò liguritionis & cupiditiæ. Coniecit & fomitem in cor qui ambitionis author est & excandescentiæ. Atque duo hi fomites quum sint distincti sedibus, vnus cupiditatis, alter excandescentiæ, vno tamen eodẽque appetitu reguntur qui sentiens est & animalis. Vniuersum ergo animantium genus, sentiente illo communi appetitu ducitur, quem idcirco animalem dixerunt: perfectio- nem enim hic & absolutionem continet omnis desiderij animalis atque bruti. Quicquid sensu vllo præditum est, eius rei quam senserit cõprehensione in appetitum ducitur, quo demum illam consecratur aut declinat. Hunc qui volet poterit ex ortus sui modo in complures species distrahere, vt alius ex iecoris virtute in pudenda & in os ventriculi diffusus, illecebrâ & incitamentum inde accipiat: alius ex cordis impetu & feruore, alius nẽpe sentiens ab his quæ foris occurrunt stimuletur & excitetur: omnes quidem animales, sed variis orti principiis. Tertius præter hos est appetitus, qui quid cum ratione desiderat, qui mētis rationisque consilio obtemperat, qui immanes & importunos ferinósque ardores refrenat & coërcet: ea est volūtas libera homini quidem familiaris, omnium princeps & regina. Appetitum animale acuire solent & incitare quæcunque bona videntur, tamen si talia fortasse nõ sunt: at mentis appetitum ea duntaxat quæ reapse & verè bona sint possunt incendere, solòque veri boni desiderio is capi & deliniri potest. Itaque quum tres omnino sint animæ partes, si suus cuiusque esse debet appetitus, tres quoque erunt appetituum ordines, naturalis qui stirpium est: animalis siue brutus, qui beluarum: tertius rationis particeps, hominum. Hoc enim præcipuo homo viget, quanquam est etiã reliquorum particeps. Rursum verò animalis appetitus, aut cupiditas est, nempe libido vel cupedia, aut excandescencia, aut eorum quæ sensus annuntiauerit desiderium. Hæc de appetitu satis: nunc de mouendi & progrediendi facultate. Animal omne moueri & incedere, atque sui incessus finem quẽdam habere, cuius gratia moueatur, demonstrari hinc potest, quod

Appetitus
animalis.

Appetitus
rationalis.

Appetitus
triplex.

Incessus ef-
ficiens fa-
cultas.

quod rerum omnium agendarum status quidam sit finis. Motionem & progressionem animal suscipit, ut rem eam consecetur quæ speciem boni & iucundi præ se fert, aut eam declinet quæ tristis & aduersa iudicatur. Quocirca triste aut iucundum finis est, cuius gratia animal motum intendit, persequens aut fugiens. Hoc quidem postremum attingitur & obtinetur, omnium tamen primum ad motionem inducit, huiusque initium affert. Immobile enim obiectum quum sit, primò sensum mouet externum, deinde primatem atque intimum, ab hoc verò cogitandi fingendique facultatem, quæ quum rem subiectam ut iucundam & voluptuariam apprehenderit, simul insurgens appetitus illius desiderio tenetur: atque hic si promptus est & efficax, cōfestim animal impetum facit vel ad motum vel ad actionem. Vnde hoc rectè ut alia plurima videtur Aristoteles demonstrasse, cognitionem & appetitum principia & causas esse actionis atque progressionis animalium, ab hisque animalia cieri concitarique ad motum.

Ceterum quod appetitum proximam causam statuatur quæ animal mouet & conturbat, quodque nullam insuper mouendi facultatem instituat, cui sit hoc muneris præcipuè concessum, nō satis dilucidè singula videtur exequutus. Nam reuera mouens illa facultas est à sentiente & ab appetitu diuersa. Primum enim vulgatum est & contestatum, alia sensus, alia motus esse organa, aliosque nervos: vnde obtingit eiusdem artus, velut cruris aut brachij, motum perire illaeso tactu, qui in omnem cutem fusus est: contraque tactum aboleri saluo motu & incolumi. Quinetiam motio diuersum quiddam esse intelligitur à sentiendi functione, omnisque sensus perfectione quadam & affectione accepta obiri solet: motus verò non nisi adnixu & roboris contentione. Quibus planè conficitur sentiendi atque mouendi non modò instrumenta, sed etiam obeundi rationes & efficientes facultates plurimum dissidere. Quod si est, consequens est continuò animale appetitum, qui à sensibus & cogitatione ducitur, illaque perpetuò comitatur, omnino à progrediendi facultate differre. Iam verò singula persequamur. Imperfecta animalia quæ solo tactus sensu prædita vitam agunt stabilem, ut conchylia, ostrea, cōchæ: sensu quidem illa doloris atque voluptatis tenentur, & fingendi cogitadique facultatem, licet obscuram inexplanatamque, quemadmodum & animale appetitum, acceperunt. At illa tamen si compuncta sese contrahunt & in angustum se adducunt, nequaquam tamen progredi compertum est, neque organa motus habere. Quod si progredi nō possunt, neque ad incessum facultatē habent. Quorsum enim hæc data illis esset, sine nervis, sine musculis, sine vllis quæ his proportionem respondent instrumentis, quæ sunt ad motum perquam necessaria? Nūquid otiosam & inertem illam omnique opere & negotio vacuam? nunquid in tantis rebus natura committens fortuitò atque frustrà illam ingenuit? Quæcunque igitur appetendi vis est in illis ea nulla ratione mouet. Quocirca præstat vim mouentē ab appetente & sentiente, quæ semper comites sunt & coniunctæ nunquam separabiles, seiugare, quod eorum

Mouentem
facultatem
aliam esse
à sentiente.

Prima ratio.

Secunda.

Tertia.

Quarta.

eorum quæ sentiunt animantium, alia mouētem vim habeant, alia huius sint expertia. Huc demum persuadendi necessitas ex iis accedit, quæ perfectioribus animantibus ipsiſque hominibus neruorum resolutione prehensis, obuenire solent: illis enim motus periit, quum interiores animæ vires plenè constent, atque adeò ipse appetitus. Contrà verò accidit furore, aut delirio percitis: tum enim non mens, non memoria, non appetitus, sed neque sensus ipsi integrè valent: atq; tametsi interiores omnes animæ functiones læduntur, incessus tamen firmissimus plerunque est, & constans musculorum robur. Ex quibus perspicuum est aliunde quàm ab appetitu progressum institui & gubernari, esseque mouentem vim ab appetēte diuersam. Sed & hæc sedibus disclusæ apparent. Etenim mouendi facultas in totius cerebri corpore sedem habet, maximè in parte posteriore, quā Græci *παρεγκεφαλίδη* vocāt, à qua tum spinæ medulla tāquam caudex, tū pluri-

Quinta,

mi mouentes nerui ortū habent. Sentiendi & appetēdi facultas parte cerebri priore domicilium habet, quā conſtat ſentiētes neruos, eosque molles in sensuum organa profunderē. Nō hinc tamen existimari velim promouentem illam vim, quam à ſentiente loco ac ſede diſiunxi, ab eadem etiam ſubſtantia diſſidere, tanquam ea ſit pars animæ diuerſa: ſed totius ſentiētis ſumma viſ eſt & vltima facultas quæ ſeorſum collocatur, vti viſus vel auditus. Ea autem quemadmodum omnes externæ ſentiendi vires, appetitus poteſtati ſubeſt, cuius imperio compulſa, continuò quancūque iuſſa fuerit corporis partem promouet. Qua autem ratione fieri poſſit vt viſ ea quæ mouet, ſentiētis animæ ſit facultas, deinceps aperiendum.

Quam vnaquæque ſentiētis animæ facultas ſedem habeat,
quod agendi inſtrumentum: neque omnes omni in eſſe
animanti.

25

Cap. X.

Interiorū
facultatū
inſtrumē-
ta.Sentiendi
inſtrumē-
ta.

ACVLTATES ex operibus discerni, & ſuū cuiusque operis inſtrumentum haberi ad proprias functiones accommodatum, ſuprà quidem in genere eſt proditum. At 3^o particulatim ſentiētis animæ propria ſedes propriūque inſtrumētum eſt cerebrum, quod abditum & reconditum ad interiores quaſlibet functiones cōparatum eſt, ſed ratione varia latōque diſcrimine. Cerebri ſubſtantia mollis vel dura memoria ſedes eſt, & inſtrumentum excipiendis rerum ſpectris: eius temperamentum, quantitas, & figura, vnà cum inſito ſpiritu, diſcernendi, cogitatione fingendi ac memorandi facultatibus inſeruiunt, & propriè accommodantur. In appetitu autem exultat cerebrum & effuſum lætitia geſtit: ſenſui & motioni interiores ſinus & capacitates quatenus receptacula ſunt ſpiritus, pro inſtrumentis deſtinātur: duo quidem priores ſenſui, medi- 4^ous & poſtremus motioni, cui & glutia appellata, & ductus ille vermi ſimilis, ſubſidio ſunt, eo quem enarrabimus modo. At quoniam facultates opus ſuum foras depromunt, externis quoque adminiculis indigent, ſed quæ

quæ à communi illo cerebri fonte deriuetur. Visus, auditus, atque gustus, foris quum sint, neruos habent cōcauos per quos vis influat: similes habet & olfactus quāquam intimus est: atque hi molles sunt omnes à priore cerebri parte nati. Tangēdi sensus paulò durioribus instructus est, quos sex-
 5 ta cerebri cōiugatio ad interiora viscera forāsque ad cutem diffundit, nullius motus authores. Iam verò exquisitè duri sunt mouentes appellati, qui tamen motum voluntarium nō efficiunt, vim tamen motus effectricem in musculos deuehunt, qui propria sunt mouendi instrumenta. In his verò paulum insistamus, & scrutemur quæ ratio esse possit, vt inter eos ner-
 10 uos quorum similis est structura, alij mouentes sint, alij sentientes. Et ne qui fortasse causentur alios è cerebro, alios à parencephalide & spinæ medulla proficisci, eandem statuamus vtrisque originem. Quid causæ est igitur cur eorum quæ à cerebro nati sunt, hi ad motum accommodantur, ad sensum autem illi? Eadem vtrisque est origo, spiritus similis in hos influēs,
 15 compositionem eandem facit Galenus: quænam igitur sortitio hæc est, quæ discriminis ratio? Duriore (inquit) sunt qui mouent, molles qui sentiunt. At qui è sexta coniugatione in crura, in cutem, & in corporis extrema porriguntur tāgentes nerui, multò iis sunt duriores, qui in oculos è secunda coniugatione protenduntur motum eis præstituri. Neque id mo-
 20 dō ex longo viæ tractu, sed ab ipsa statim origine, quòd posteriore quam illi orginem acceperint. Quocircà tam variæ huius facultatis causa nō in mollitudinem aut duritiem referenda est. Quonam igitur aliò in compositionem. Huius verò compositionis quænam est ratio? dicam paucis, differam pluribus. Cerebri corpus motu agitur assiduo, nullo tamen tāgen-
 25 di sensu præditum: contrà verò quæ id ipsum ambiunt meninges immobiles per se sunt, præsertim quæ crassa: tactu autem eæ valent exquisitissimo: quæ singula vt Galeni fide confirmata sunt, ita etiam vulnerata aperta que calua contrectantibus nobis sunt deprehensa. Hæc autem morborū euentus plenius declarant, quòd in delirio & phrenitide (quæ ipsa phlegmone
 30 est substantiæ cerebri) nullus plerunque dolor affligit, multoque minus in sopore & lethargo, qui tamen cum putredine est: at si vel minima occasio aut humoris aut etiam vaporis acrioris in meninges effertur, grauis dolor excruciat: quæ cerebri & meningum diuersam naturam commostrant. Atqui spina & nerui omnes vel eo authore medullam habent è cerebro, e-
 35 amque meningibus conuestitam, quæ singula talem vim & naturam habent, qualem ab exortu acceperunt. Quocircà necesse est medullam in spina atque neruis (tamen ea non vt cerebrum motu agitur) vim duntaxat mouentem, eius verò membranas vim sentientem & tractabilem tum suscipere, tum aliis particulis conferre. Si enim corpus cerebri sensus est ex-
 40 pers, multò magis quæ in spina aut neruis est medulla. Vnde enim & qua conditione vim nouam accepisset? Aut quomodo cerebri corpus vim illi sentientem conferat, quam non habet? Itaque quicumque nerui & tāgen- di & mouendi vim obtinent, vtriusque functionis instrumenta sunt, parte
 tamen

Alios tan-
gēdi, alios
mouēdi et
se neruos.

Aliā mouē-
tiā, aliam
sentiētiū
esse cōposi-
tionem.
Cerebrū
moueri,
meninges
sentire.

Vim mouē-
di esse à ce-
rebro, vim
sentiēdi à
meningi-
bus.

Cerebrum
motus &
sensus prī-
cipium, &
quomodo.

Mouendi
instrumen-
tū propriū

Argumen-
torum so-
lutio.

Imagina-
tionis &
memoriæ
eade sedes

tamen diuersa. Qui sentiētes dicuntur, solius tactus, nullius autem motus authores sunt, quod genus ij sunt qui è sexta coniugatione in interiora viscera & in extimam cutem abeunt. Hi quanquam non à solis meningibus (vt nonnulli quondam censuerunt) producuntur, ab eis tamen substantiæ suæ plurimum receperunt, à cerebro minimū: statim enim à tenui meninge orti vt ad crassiores appulerunt, multum incremēti, roboris & virium illinc asciscunt sibi. Quapropter tactum duntaxat, non item motum efficiunt. Contrā verò qui ex spina orti magnam cernūtur medullæ copiam suo exortu continere. Ergo prior cerebri pars sensus, posterior verò motus principium est atque sedes, meninges autem tactus sunt origo: omnium 10 autem animalium functionum efficiens est cerebrū suis meningibus conuestitum. Qui nerui multa medulla conferti sunt, mouendi instrumenta existunt, tangendi autem ij quos maiore ex parte meninges protulerunt. Hoc si exquisitiū pronuntiandum est, motus voluntarij proprium organum est musculus: qui quum ex simplici carne, ex vena, arteria, atque neruo conditus sit, ex neruo tamen qui inter cætera principatum habet, cuiusque præcipua mouēdi functio refertur accepta, vim omnem assumit. Hic in musculi principium, quod caput appellant, inseritur primū in paucas portiones distributus, sed quæ rursus in alias tandē in fibras præternues diffindantur. Omnes rursus in musculi fine coeunt, vbi neruum pa- 20 rem atque principio referunt, qui aut in tendonem aut in os aut in membranam intruditur. His ita de instrumentorū ratione constitutis, promptum fuerit vulnera quæcunque paulò antè infligebantur eadem persanare. Itaque si mouendi facultas eandem cum sentiente substantiam est sortita, neque hæc disiunctæ sunt animæ partes, cur nō omnia quæ sentiunt animantia vt rerum comprehensionem quandam & appetitum habent, sic etiam progrediendi vim sunt assequuta? Quia (inquam) motus instrumenta non acceperunt, quibus deficiētibus necesse est & functiones & earum facultates deesse. Quanquam igitur tactu omnia prædicta sunt animantia, quod vnus ad salutem & cōseruationē maximè sit necessarius, eoque dem- 30 pro animal effugere non possit tractabilium qualitatū exuperantias, quarum occurſu mors statim irruit: reliquis tamē sensibus qui boni cuiusdam & locupletioris notæ, non necessitatis gratia conditi sunt, non omnia instruuntur animalia: imò verò ab eisdem homo quandoque tum ortus tum morbi vitio deseritur, quum ab idoneis instrumentis destituitur. Alia animantia solo tactu vigent, cui alia gustum, alia alios denique sensus adiecerunt. Interioribus autē facultatibus quia minus distinctam hæc instrumentorum rationem desiderarent, plurima (vt antè dixi) constant animantia, sed quædam obscuriū, quædam magis insigniter efficienterque. At verò progrediendi facultate ea duntaxat vigent, quibus spinæ medulla, aut ei 40 simile quiddā accessit. Haud dissimulanter hoc loco adeunda est, sed funditus euertenda iuniorum prope omnium absurda & futilis opinio, quæ memoriam cerebri ventriculo postremo, phantasiam verò, id est cogitandi fingendique

fingendique vim prioribus collocavit. Hæc ex Arabum factione primum
 orta, nullis rationibus stabilita, partim ficta pueriliter, partim effutita te-
 merè, ita demum iactationem habuit in populo. Verùm quæ suprà produ-
 ctæ sunt à nobis rationes, palàm faciunt memoriæ atque imaginum facul-
 tates vna eadèque essentia contineri, sede vna firmari, circa spectra eadè
 negotiari, similique vti instrumēto corporeo, quanquā est efficiendi ratio
 diuersa. Quandoquidē fit nec rarò vt causa efficiens vna, eodem vsa instru-
 mēto diuersos idcirco promat effectus, quòd dissimiliter id adhibeat ope-
 ri, aliterque vires intendat. Hoc si potest tactus efficere, vt antè proditum
 10 est, id ipsum multò facilius præstabit princeps ille intimusque sensus, qui
 quanquam in organo est corporeo, functiones tamen occultas obit po-
 tius accurata ingenij intentione & obseruatione ad res adhibita, quàm
 organorum ope. Omnes enim eæ functiones in illius sunt potestate, quas
 dum vult exhibet. At non sic externæ, quæ quia expromptæ sunt nec libe-
 15 ræ, ab instrumentorum necessitate pendent. Quare occultas illas & inte-
 riores facultates, non est necesse sedibus & instrumentis diiungere. Si Ari-
 stotelis & Peripateticorum rationibus illi nō cedunt, audiant saltem vni-
 uersam Græcorum medicorum familiam, qui omnes ad vnū iisdem prin-
 cipiis informati, læsa memoria non modò occipiti, sed toti cerebro reme-
 20 dia adhibere iubent: id ratur habentes, partem animæ φανταστικῆν, quæcun-
 que ea sit, hanc eandem & recordari & rerū impressiones conseruare. Plu-
 ribus non ago, quòd ipsa illorum declinatio ad libidinem prorsus effecta
 videatur. Quomodo autem fieri possit, quum sint illæ facultates in eadem
 sede, vt vniuscuiusque actio impediatur aliis constantibus & integris, ex
 25 his quæ de functionibus trademus fiet posthac illustrius.

De intelligentiæ facultatibus.

Cap. XI.

30 **Q**UONIAM animæ partium princeps ac regina, mens est
 ac intelligentia, qua præditus homo vnus cæteris antecel-
 lit animantibus: quæcunque enim præstantiora edit ope-
 ra, eorum effectrix est & opifex intelligentia. Res incorpo-
 reas ab omnique materia seiugatas & nudas, vniuersales
 rerum notiones atque formas, huius opera omnium ani-
 mantium vnus homo cognoscit. Vnde statim huius essentiam simplicem
 35 esse, indiuiduam, ab omni materia & corpore abstractam abiunctamque
 deprehenditur: neque demum vllius instrumenti corporei opera indige-
 re, alioqui particeps fieret corporis: hisque potissimum à sensu distare. Iam
 verò si instrumento corporis intelligentia nō opus habet, neque profectò
 ei miscetur, neque ab eius qualitatibus afficitur, prorsumque impatibilis
 40 euadit. Itaque intelligentia simplex est, incorporea, separata, impatibilis,
 immortalis, atque æterna, imitatione deo proxima, homini diuinitus &
 extrinsecus accedens. Omnis eius quæ in nobis fit actio atque cognitio
 (quam etiam intelligentiam dicere solemus) ab hisce rebus tracta est quæ
 n sub

Intelligen-
 tia est in-
 corporea.

Intelligen-
 tia. Omnis in-
 telligentie
 actio ducta
 est à sensi-
 bus.

sub sensum recidunt, hoc argumēto, quòd quem natura cæcū surdūque progeniuit, is nō possit Geometriā edoceri, neque qui odoratu captus est, aut gustu, possit vllā de saporibus & odoribus cognitionē animo cōcipere, & qui nō sentit, nihil discere, nihil intelligere. Quocirca ex spectris & imaginibus rerū externarū, quæ omni materie spoliata cōmuni sensu cōtinentur, necessum est primas & simplices intelligendi notiones proficisci. Vt externarum rerum qualitates sensibus subiecta sunt materia, ita illarum imagines interiore sensu conceptæ, atque ab omni corporea labe expurgatæ, subiiciuntur intelligentiæ. Hæc autem in illas incumbens, intellectiones elicit, & de illis multa cognoscit, quæ sensus mouere non possunt: ab imaginibus tamen primum cietur, quemadmodum sensus a rebus externis. Ergo quum intelligentiæ obuersantur puræ imagines, si ex illis debent abstractæ quædam formæ confici, necesse est facultatem adesse, quæ illas materiæ sordibus prorsus vacuas & absolutas excipiat, & tanquam thesauros conseruet. Solent Peripatetici hanc intelligentiam pati-
 bilem appellare, quæ pro subiecto quodam & gremio data formis & notionibus excipiendis, illis quasi substernitur. Quoniam verò quicquid in rerum natura consistit, præter materiam effectiōem & perfectionem demum consequitur, sine qua temerè & fortuito nasceretur: necessarium est patientem intelligentiam ab altera quadam perfici, quæ dignior quodammodo quum sit & præstantior, agens intelligentia nuncupatur. Hæc tota patibili intelligentiæ immergitur intexiturque, atque ex his tãquam ex materia & specie fit res vna. Itaque sentiens anima tanquam materia quædam substernitur patibili intelligentiæ, hæc autem materia fit intelligentiæ agentis, quæ propriè & maximè debet species censerī, & simplex formarum forma: ad quam quum natura processerit, non vltà progressura receptui canit, nullam præstantiorem, nullam nobiliorem formam inueniens: ceteræ autem quæ illi suppare sunt, nunc materiæ, nunc formæ conditionem subeunt. Ex duabus naturis tanquam ex materia & specie ratio atque mens constat, ipsa quidem incorporea, impatibilis & immortalis, tota quidem diuinitus adiecta nobis. Hoc autē rectiùs accipi velim, nempe quòd intelligentiæ agentis appulsu nulla fiat concretio, sed hæc vna eadēque sit atque intelligentia patibilis, fiatque ex illis res simplex, quæ tamen duarum rationes obtineat. Neque reapse intelligentia patiens alteram agentem tempore præcedit: nam simul ac rerum notiones acciperit, per illas cognoscit: sed vt accipiendi & agendi, sic & illarum intelligentiarum diuersa est ratio. Quasunque mens singulas & indiuiduas rerum imagines atque notiones materia liberas, intelligentia patibili exceperit, eas dein agente intelligentia tractans apprehendit, atque primum quidem singulares, mox deinde vniuersas ex illis formas elicit. Hic duæ iam se promunt intelligentiæ facultates, vna patibilis, agens altera. Quoniam verò agens intelligentia nō modò simplices illas rerum notiones apprehendit, sed etiam (quemadmodum in nobis ipsis experimur) multas in

Intelligē-
tia patibi-
lis.

Intelligen-
tia efficiēs

Intelligē-
tia agens
omnium
summa est
& suprema.

Mēs vt cō-
stet ex dua-
bus intel-
ligentiis.

Cōponēdi
facultas.

in vnam componit, hincque alia affirmat, alia inficiatur, tertia quæ istac efficiat statuenda vis est intelligentiæ, quam componendi facultatem appellant. Enunciatione cõposita tum deinde iudicare solemus, & decernere quid verum falsumve sit, quid bonũ & honestum, quidve perniciosum: quæ omnia efficit vna iudicandi facultas. Hinc demũ ex aliis alia nectentes, quàm plurima cõplexione cõcludimus, sicque inductione aut ratiocinatione scientiam aut opinionem comparamus, idque eius facultatis opera quam ratiocinatricem appellant. Supra has omnes se extollit cõtẽmplandi facultas, quæ sapientiæ rerũque æternarum studio tenetur. Quisquis autem illius amore & suauitate non satis illectus, ad res caducas ratiocinandi vim conuertit, omnẽque studium ad humanas refert commoditates & vñus, is vice cõtẽmplatationis, actionis sibi facultatem adhibet. Si quid autem rectẽ facturus est, aliam facultatem accerset sibi que iunget, quæ cõsultandi est & deliberandi. Ita iis instructus si quam habet scientiam vel opinionem, bona cõsultatione ad domesticarum aut ciuiliũ rerum administrationem conferat & accomoder, vt prudens inde dici cõsuevit: ita & prudentiæ facultate tum maximẽ vñtur. Sin verò illas ad vilioris operis & artificij cõstructionem adducat, artẽmque sibi paret, artificem facultatem exhibebit. Hoc loco voluntas existit, non vñque simplex & temeraria, sed libera & quæ boni cuiusdam opinione per cõsultationẽ ducta, quod bonum est & vñle seligit, vñde electio à quibusdam dici solet, quam Græci *πρόλογος*, nos consilij facultatem appellamus: hæc ab intelligentia non subiecto aut essentia, sed cogitatione duntaxat & definitionis ratione distat. Ex consilio & proposito rem vnamquaque persequimur, si bona ac vñilis videtur: si verò tanquam mala reprobetur, eam declinamus. Hincque surgit effectrix facultas quæ consilij conatus implet & exequitur, & qua ad rem persequendam impellimur: hæc autem est omnium facultatum intelligentiæ postrema. Memoria & recordationis facultates non primũ & per se in intelligentia, sed in communi sensu collocantur, huiusque duntaxat interuentu ad intelligẽtiã pertinere possunt, quemadmodum nos posthac in his quæ de functionibus tradentur, plenius differemus. Ne autẽ certos instituti mei limites prætergredi videar, his summatim decursis quæ propriẽ Philosophum decent, ad vñius vitalis animæ facultates me conféro.

Iudicandi
facultas.

Ratiocina
trix facul
tas.

Contem -
platio,
Actio.

Cõsultatio

Prudentia.

Ars.

Voluntas.

Electio.

35

De vitali facultate, quam Aristoteles eandem atque naturalem existimauit.

Cap. XII.

40



EXPLICATVRO mihi vitalis nostræ facultatis substantiam atque præstantiam, quamplurima obuersiones inuoluta summẽque ardua, quibus præclari philosophi Aristotelis patrociniõ corroborati, cõtendunt nullam eiusmodi vim in nobis seorsum insidere. Is enim quum omnes animæ partes atque facultates sigillatim numerando n ij percereret,

Vis natura
lis & vita
lis vna &
eadẽ sunt
Aristoteli.

percenferet, hanc omnino tanquam nulla feorsum eſſet, prætermiſit, ſta-
tuens nimirum naturalem vim omnium primam, cunctorumque viuen-
tium communem, quam eandem nullo nominum discrimine, nunc altricem, nunc vitalem appellat. Huius enim proſpero fauore & præſentia, nutri-
tio atque vita in cunctis manet, perit autem dum illius benignitas ſe
ſubtrahit. Vitam quidem nutritione accretionēque definit, quod uſque eo
dum vita erit, nutritio quoque perſtabit, hac autem deficiente, vita pari-
ter tollitur. Itaque ſi eo authore vnū idēque ſunt vita & nutritio, itē-
que viuere ac nutriri: quæcunque facultas corpus alit ac ſuſtinet, eadem
vitam quoque tuetur, neque à naturali diuerſa eſt vitalis facultas. Quine-
tiam inſitum calorem cuius ſubſidio natura omnia concoquit corpūque
nutrit, ſine quo non poſſunt animalia, ſed ne ſtirpes quidem conſiſtere,
vitalem appellat, quod inde ſit omnium viuētium ortus, & vitæ perman-
ſio, quodque eo deficiente, interitus ſit omnium. Quanquam autem om-
nis vitæ & interitus cauſam huic ipſi calori acceptam refert, quem inde vi-
talem & ſalutarem conſueuit appellare, nullam tamen in eo vim collocat,
quæ à naturali ſit diuerſa: ſed hanc vt omnium primam in eo vitali calore
conſtituit, ita & vitalem iure dici contendit. Non enim hic calor opi-
fex eſt functionum corporis, ſed animæ eiūſque facultatum tanquam ve-
hiculum & inſtrumentum, ſine quo eæ neque alimentum conficere ne-
que aliud quicquam poſſint efficere, ſed ne conſiſtere quidem. Vnde in-
telligitur illic facultatem verſari, vbicunque calor fuerit deprehenſus. At-
qui plurimum in corde hunc vigere & flagrare ſenſus confirmat, illincque
vbi plurimus eſt & vberimus, tanquam à fonte quodam in omne corpus
diffundi atque deriuari. Qua conſtanti validaque ratione aſſeuerat vitam
& facultatem, quæ ſemper cum iſtius caloris integritate ſimul eſt, vniuer-
ſum quidem corpus ſuſtinere, ſed totam ex corde tāquam è fonte & prin-
cipio quodam fluxiſſe, quod tum vitalis, tum naturalis facultatis prima ſit
ſedes, primaque origo. Hoc viſceris dignitatem & præſtantiam lucu-
lenter declarare, quod omnium in corpore primum vita fruitur, poſtre-
mumque mortem oppetit. Deinde ſedem quæ in corpore medio eſt, di-
gnam quidem haberi, & tutò ſub pectore conditam, vbi arx vitæ commo-
diſſima ſtrui debuerat. Porro autem in quo principe corporis loco & in
qua eius loci particula vitalis & inſiti caloris principium eſt, ibidem natu-
ralem altricemque animam omnium quidem primam collocari: nō enim
hæc poteſt citra caloris opē, aut alimentum conficere, aut corpus nutrire.
Quocirca à perēni illo fonte caloris, nequit vita & prima nutriēdi facultas
ſeiūgi. His demū tanquā conſequēs annectit, cor primā eſſe & ſummā cō-
ficiēdi ſanguinis officinā, hincq; venas perinde ac arterias propagari, & in
corpus vniuerſum proferri. Quicquid virium cor in perfectis animātibus
accepit, idipſum in exāguibus parti cuipiā tribui, quæ cordi proportionē
reſpōdet: in ſtirpib⁹ autē ei quæ media inter radicē & ſtipitē interponitur.
Sentiētis porro animæ ſedē eodē intruſit, hac dūtaxat ratione adductus.

Animal

Vim eā na-
turalem in
corde eſſe.

Cordis præ-
ſtantia.

Nutriendi
vis in corde

Venas &
arterias ex
corde na-
ſci.

Sentiēs a-
nima in
corde.

Animal omne qua animal est uiuit, neque fieri potest ut id quod ei tribuit
 ut animal sit, non etiam eidem vitam conferat. Quocirca concludit quo-
 cunque id principio animal est, eodem quoque id ipsum uiuere, neque se-
 iuncta hæc diuersaque esse principia: alioqui enim ut duo principia, sic
 5 duæ fierent cuiusque animantis animæ, & vtrius qualibet ex causâ dis-
 soluto & extincto, alterius ope animal etiamnum constaret atque uiueret.
 Ex quo demum infert vnâ eandemque eam substantiam esse qua id uiuit
 & animal est: tamen varia id diuersaque fit ratione & cogitatione, neque
 qua ratione est animal, eadem ipsa uiuit. Itaque si in corde aut in alia parte
 10 quæ huic proportionem comparatur, vitæ fons & origo collocatur, ibidem
 est sentiendi principatus, quo animal omne consistit. Iam verò in quo
 sensus, in eodem voluptas & dolor inest, perceptioque iucundi atque mo-
 lesti, ex quibus cupiditas nascitur & appetitio. Præterea ex sensu surgit co-
 gitatio & comprehensio, ex hac autem & ex appetitione, incessus itioque
 15 animalis. Vnde planè & expeditè conficit omnes sentiendi, cogitatione
 fingendi, appetendi, mouendi que vires à corde duci, externorumque sen-
 suum in capite quidem positorum, originem tamè cordi acceptam refer-
 ri, omnesque tum mouentes tum sentientes nervos illinc tanquam à fon-
 te primo deriuari. Ergo anima illis instructa facultatibus in corde po-
 20 tissimè quidem insedit, ex quo tamen in omne corpus æquabiliter se fun-
 dit, partibusque singulis inhaeret. Hoc planè declarant animalia quæ insecta
 vocantur defectæ partes, & ab arboribus auulsi rami: viuunt enim pristina-
 que functiones etiamnum retinent, seruantque diutissimè si nutriendi
 instrumenta non deessent. Id planè argumento est partes has tantam in se
 25 animi vim habere, quantam & ipsa olim integra. At perfecta animata &
 homines, non viliori & abiectiori conditione viuunt, quàm stirpes & in-
 sectorum genus. Ex quo fit, ut integri cuiusque viventis vnica sit anima,
 quæ vniuersa corpus vniuersum continet. Si dum id in partes distractum
 est, partium vnaquæque propria anima regitur, fient tum complures ani-
 30 mæ, quæ prius vnica fuerant. Quapropter in integro re ipsa quidem vnica
 esse dicitur, at potestate complures, quòd ex ea fieri multæ possint. Vnica
 autem & simplex quæ in nobis inest anima, dispares longèque dissimili-
 mas functiones idcirco edere potest, quòd varias facultates & disparia par-
 tium temperamenta ad illas accommodat: quemadmodum vnus idem-
 35 que artifex, variis instrumentis diuersa plerunque & dissimilia opera con-
 dit & reponit. Ea igitur est Aristotelis de partibus animæ eiusdemque fa-
 cultatibus, & de communi earum sede sententia, ex omnibus philosophiæ
 monumentis deprompta: ita sibi quidem cohærens suisque principiis con-
 sentanea, ut nullis argumentis, nulla disputatione quæ de vniuerso sit ge-
 40 nere, conuelli labefactarique possit.

Motus &
 imagina-
 tio i corde

Nervi à
 corde.
 Cor animæ
 sedes.
 Anima in
 toto reue-
 ra tota est,
 & in qua-
 libet parte
 tota est po-
 testate.

Anima v-
 na dissimi-
 limas actio-
 nes edit.

n iij Medicos

Medicos Platonem sequutos, vitalem facultatem à reliquis
diiungere. Cap. XIII.



Vitalis ne-
cessitas de
mōstratur.

ÆTERVM si singula diligenter studioſeque ſpectabi-
mus, in quibus maxima multoque certiffima vis ineſt de-
monſtrationis, non pauca ſanè occurrent, quę planè vni-
uerſa illa redarguant, commonſtrētque luculenter, præ-
ter duas animæ partes, quæ pro certis atque conceſſis re-
ceptæ ſunt, tertiam vitalem eamque diuerſam haberi, cu-
ius ſit vnus ſedes in corde. Perennis enim & conſtans deprehenditur in
nobis cordis & arteriarum motio, cuius aſſiduitate perpetua eſt ſpirituum
procreatio. Hanc autem cuiuſnam facultatis opera fieri arbitramur? Nō
animalis, vt cuius motus omnis eſt ad arbitriū, qui orta deſatigatione ſen-
ſim ingraueſcit atque demum intermittit: cordis autem & arteriarum mo-
tus non eſt in noſtra poteſtate vt nobis pareat, ſed cōtinuatus nullius cau-
ſæ vi laceſſitus, & qui nunquam interrumpi poteſt. Neque præterea hic à
naturalī facultate regitur, vt quæ corporis nutritioni duntaxat addicta eſt
& mancipata, nec tam apertos motus ſolet expromere. Aut ſi hos profert
in nobis, quid eſt cauſæ cur nō ſimiles efficit in ſtirpium genere, in quibus
tamen nihil tale conſpicitur? Neque demum inſitus & naturalis calor tan-
tæ motionis eſt author, tum ob eas quas modò percenſui rationes, tum
quòd is per ſe quum ſimplex ſit qualitas, non poteſt eſſe efficiēs cauſa mo-
tionis: aliàs enim naturam eum eſſe confirmaremus. Sentire quidem rectè
videtur Ariſtoteles motionem illam ex materiæ & refrigerationis neceſſi-
tate quadam fieri: caterum iſtæ neceſſitas, incitās duntaxat & impellens,
non autem efficiens cauſa rectè poſſit exiſtimari, ſed aliam ſuperiorem at-
que præſtantiorem ſcrutari neceſſe eſt. Erit igitur in vitali cordis calore vis
quædam & facultas harum motionum, & aliorū quæ poſthac referā ope-
rum effectrix, quæ vitalis quoque nuncupata, à naturali & à ſentiēte pror-
ſus diſſideat. In hæc fortasſe quum penitus introſpexiſſent, quicumque
ſub duce Auerrhoide in hanc Ariſtotelis ſententiam iurarunt, hæc diligen-
ti rerum obſeruatione adaçti ſunt, vt vitalem eam facultatem intromittāt,
atque ſuſcipiant, ſed quam (ne violetur iuſſurandum) modo quodam in-
comprehenſo ſomnient veriùs quàm cogitent, in altricis illius & natura-
lis facultatis genere comprehendendi. Itaque duas conſtituunt ei differentias,
vnam vitalem, alteram altricem, iudicāntque vitalem altrici in opem &
ſubſidium fuiſſe additam. Hoc illi commento probabile quiddam afferre
videntur, ſed tamen Ariſtotelis mētem offundunt, qui vnam eandemque
vim nunc altricem, nunc naturalem, nunc vitalem cōſuevit appellare. At
mihi cum illis cōtrouerſiæ nihil eſt, qui eò iam adducti ſunt, vt nobiſcum
concedant tres in nobis facultates conſiſtere, naturalem, vitalem, & ani-
malem, quarum gubernaculis corporis natura & integritas tenetur & co-
hæret. Iam verò tempeſtiuū eſt demonſtrare hæce tres, non modò co-
gitatione, ſed re ipſa & eſſentia inter ſe diſtare, eſſeque ſeiunctas. Omnia
enim

Auerrhoi-
dis cauill⁹.

enim quæcunque sic comparata sunt, vt possit eorum vnumquoduis vel lædi & labefactari, vel prorsus interire & extinguï, aliis cōstantibus & inuiolatis, disiuncta ea sunt, neque vnam eandemque substantiam cōplent. Atqui in osse, in cartilagine, cui secundum naturam firma sit constitutio, nullus inest sensus nullaque sentiēdi facultas: vitalis tamen & naturalis in-
 5 sunt, quarū beneficio alitur, atque viuït. Lethargus, sensus omnes motūque consopit, totamque vim animæ sentientem stupidam reddit, reliquis integrè valentibus. Paralysis quamcunque partem vehementer prehenderit, sensu motūque priuat, aliis permanentibus quæ partem non sinunt cō-
 10 tabescere. Sicque multifariam vis sentiēs aut omnino lædi potest, aut partem quampiam deferere, aliis in nullam offensionem incurrentibus. Cæterum in atrophia, palam est ex nutritionis errore vim altricem incōmodo detrimentōque affici, necdum tamen aliàs cōcuti. Nec profectō desunt qui iudicēt partis cuiuspiam nutritionem sensumque prorsus exterminari, vita
 15 duntaxat superflite, quum nempe ea liquefacta in totū extabescit, solamque vitalem facultatem retinet, quæ illius integritatem tuetur, obsistitque ne illa consumpta putredine dissipetur. Est enim putredo vitæ aduersa, neque aliud quàm vita obsistit ne pars in perniciem agatur. Quicquid igitur nutritione sublata integrum præterea manet neque putrescit, id sanè viuït, vitalique facultate sustinetur. Hinc vt faceret ita præclare olim dictū
 20 fuisse animaduerto, hanc vim datā esse corpori pro sale ne putrescat, quod hæc vna possit omnem interitus perniciem retundere, arcere, præcludere. Hæc enim summa est illius actio, non vt corpus alat, non vt rerum occursum sentiat, sed vt vitam & integritatem cōseruet. Quinetiam quum quis
 25 pestilenti febre malè torquetur, affligiturque cordis dolore, vomitione, animi defectione, quūque pulsus obscurus & imbecillis deprehenditur, quis tum ambigere potest facultati in corde vitali, cuius hæc sunt opera, negotij plurimum exhiberi, aliis quidem aut nihil omnino, aut multò minus agitis? Vt enim alia morbi genera aliis solent facultatibus malum
 30 inferre, sic hoc maximè pestilēs vitalem vim obsidet, oppugnat, atque demolitur. Itaque potest quæuis vna facultas noxam & incommodum subire, reliquis aut nondum aut non peræquè lēsis: quin fortasse potest in quampiam corporis particula vis animalis ex morbo perire, simul cū hac & naturalis, vna superflite vitali, quorum omnium rationes posthac vberius afferemus. Vnde planè perspicui potest, tres illas nō modò cogitatione, & (vt
 35 dicere solent) ratione, sed re ipsa propriaque substantia diiungi.

Tres animæ facultates sedibus atque locis discludi. Cap. XIII.



40 VLLA vis animæ quæ potissimum obstricta sit corpori, quicquam potest efficere citra instrumenti alicuius subsidium. Quū autem vel animæ instrumentum, vel domicilium offensionem acceperit, necessum est profectō, aut ipsius quoque facultatis substantiam lædi, si inde originem
 n iij duxit,

Animalē
facultatem
lædi aliis
illæsis.

Prima ratio.

Secunda.

Tertia.

Naturalē
lædi aliis
illæsis.

Vitalē lædi
posse aliis
illæsis.

Tres ani-
mæ partes
locis dis-
cludi.

duxit, quod plurimi cōfirmant, aut certè (quod in externis fit artificiis) effectus cōtortos & deteriores reddi, præpediri que functiones. Quare si cor vna est omniū facultatū sedes, quoties id iniuriā & incōmodum accipiet, omnes hæ facultates necessariò peræquè lædētur. Hæc autē perspicuè falsa esse & inania, declarāt quę in pestilentibus febribus aliisq; venenatis morbis obtigere proditū est. Quin & posthac apertius erit, multis ex causis cor eiúsq; actiones affici, cōstantibus aliis viribus. Itaq; tres eæ quæ sunt, non essentia modò, sed sedibus quoq; & principatu dissectæ sunt, neq; in eodē possunt folio cōsidere. Quòd si earū opera & effectus magna cū cura & diligetia intuebimur, nō operosum fortasse fuerit propriam cuiusque sedem designare. Perspicuè cernimus esculenta potulentaq; in eas partes, quę sub præcordiis positæ sunt, maximè in ventriculū illabi, vbi primum cōcocta, deinde iocineris vi in sanguinē cōuersa, alendo corpori fiunt idonea. Cerebrum etiam tanquam commune sentiēdi principium à sensibus omnibus circumfederali quis non videt? eosque per somnum comprehenso cerebro quasi vinctos teneri, excitari autem & operam quemque suam conferre per vigilias liberato illo & soluto? At cor in somno semper cietur & agitatur, nunquam facta intermissione officij conquiescit. Hoc si sensibus prima est efficiendi causa, cur non eorum functio similiter perpetua sit & continens? Conquassato compressoque vehementer cerebro, animans cōtinuò sensus omnis motusque expers obtorpescit: cerebrique offensione fiunt obliuio, stultitia, deliratio, apoplexia, quibus tum principes tum sensuum præpediuntur actiones, ab hisque malis liberant quæ cerebro, non autem quæ cordi adhibentur remedia. Malè autem affecto iocinere ægrè corpus alitur, aliàs atrophia extabescēs, aliàs corrupto humore turgidum, quumque ei visceri valetudinis curatio adhibebitur, altrice facultate corroborata ad salutem corpus omne reducetur. Nemo est tam delirus qui cōstātibus his malis velit facere medicinā cordi, aut hāc si fortè tētet, nō hallucinetur, expectationemque suam decipiat. Itaque sensuum actiones in capite maximè, naturales in iis partibus quæ sub præcordiis sunt, explētur ac vigent. Vbicunque autem eæ plurimum eminent & apparent, ibidē consentaneum est vim & facultatem earum effectricem dominari, suumque principatum habere: nam hac ista ratione ductus etiam Aristoteles vitæ principium in corde collocat, quod omnium primum viuūt, postremū emoritur. Ex propriis igitur operibus, ex medendique ratione, altrix vis & naturalis in iocinere, animalis seu sentiēs in cerebro, reliqua vitalis in corde constituenda videbitur. Nunc autem mihi liceat rei fidem iis ductibus confirmare, qui facultatibus ad proprias functiones subsidio veniunt: venæ quidem naturali, nerui animali, arteriæ vitali. Omnes quidem quæ admodum & ipsas facultates ex corde nasci prodidit Aristoteles, nequicquam à mente sua, nequicquam à se ipse discedens: rectè existimans illic facultatem & partem animæ figi debere, vnde illius instrumentum nasceretur, ductusque deriuaretur. Quocirca quum arterias ex corde duci, omnemque

Iecur naturalis animæ sedes.

Cerebrū principis animæ sedes.

Prima ratio.

Tertia.

In iecore naturalis est.

Argumenta à propriis canalibus.

némque pulsationem hinc eas accipere inter omnes conueniat, si præterea neruos è cerebro, venas è iecore primā originem duxisse cōmonstrem, videbor etiam planum fecisse, illud domicilium esse animalis facultatis, hoc verò naturalis. Vt in arboribus vniuersoque stirpium genere, maiora minorum sunt principia, & truncus omnium amplissimus deorsum radices agit, sursum autem in ramos diffinditur, hi rursus in alios exiliores, dum tandem in tenuissimam sobolem vndique propagetur atque fruticetur: hincque vnus omnium consensus in trunco principium constituit, & eam vim quæ stirpi moderans, alimentum trahit distribuitque singulis partibus: ita sanè in venis atque neruis statuendum videtur. Ceterum vena caua quæ cordi assistit multò quidem tenuior est, quàm vbi è iocineris cōuexo emergit: quinimò hic in duos ramos diffinditur, quorū vterque duplo maior est eo, qui ad cor sursum irrepit: quod planè argumēto est non è corde, sed è iecore primam venis originem esse. Huc accedit, è cauis regionibus interiorēque facie, iecur venam ad portas emittere, qua serpens multiplici lapsu & erratico, complures riuulos tanquam radices effundit, in ventriculum, in omentum & mesenterium. His autem (venæ tametsi sunt) nulla intercedit cum corde communio aut societas, sed ne cum his quidem venis quæ è iecoris facie conuexa emerferunt: quare stirpiū exemplo iecur venarum origo constituendum est. Ex quo intelligitur partem in stirpibus inter radicem & truncum interpositam, quam Aristoteles cordi comparauit, iecoris potius quàm cordis similitudinem speciemque gerere, vt in qua vis insit naturalis, eā prorsus exprimens quæ in iocinere confedit. Postremò vt perfectis animantibus arterias è sinistro cordis ventriculo nasci animaduersum est, sic terrenis animantibus iisque vocalibus dexter vtricus adiectus est, in eumque inserta vena caua, vt inde erumpente reiectoque sanguine pulmones alerentur. Muta autem animantia, vt pisces omnes, dextro sinu defici atque destitui, omnium iudicia sensusque confirmant, quòd aquatilia neque pulmones habent, neque vociferantur, neque spiritum ducunt. At nihilominus sanguine aluntur in venis recondito, ipsæque venæ omnium iecori sic affixæ sunt, vt apertè hinc deriuari cernantur. In dextrum autem cordis ventriculum (vt quem non habeant) nec inseri, nec inde possunt educi. Quid quòd vena in piscibus vix cor attingit, potèstne inde exoriri vnde longius abest atque diiungitur? Eadem propemodum sunt rationum pondera in neruorum exortu, quos palàm est cor non attingere, neque ei vlla communione iungi: vt idcirco nemo (nisi qui in contemplandis rebus cæcus fuerit) existimet à corde tantquam à principio eos emanare. At si diligēter cerebri structura animo sensuque lustrabitur, clarū erit & euidentis neruos omneis sentientes illinc deduci, ortusque sui primordia accipere. Si substantia spectabitur, eos cerebri tanquam surculos arboris partes esse, sed quæ in extrema corporis progressæ, tum viæ longitudine, tum locorum per quos tractus est siccitate, mira soliditate durefcant. Spinæ etiam medulla vera cerebri soboles, quæ foras excedit

Venas à iecore nasci.

Prima ratio.

Secunda.


Tertia.

Neruos non à corde, sed à cerebro nasci.

Nervos nō
nasci à me-
ningibus.

excedit ampla quidem est, tantò deinde gracilior facta, quantò longius processit. Ex hac autem tãquam ex arboris stipite, quamplurimi vtrinque nervi adeò expresse & perspicuè diffunduntur, vt nisi sensuum fides & præstantia tollatur, hæsitari nō possit, omnes aut proximè aut medullæ interuentu ex cerebri substantia prodiisse. Vetus olim fuit sententia quæ ob duritiem eorum ortum meningibus, tum cerebrū tum spinæ medullam circumplectantibus, acceptum referret. Ab his fortassè nervi omnes inuolucra quædam acceperunt, medullæ tamen (quæ ramorum qui in arboribus sunt exemplo, intus inseritur) origo cerebri substantiæ datur. Hæc autem prima est & præcipua nervi portio, qua valente motio omnis conficitur, & qua læsa concidit. Ergo ex functionum proprietate, ex instrumentorum positu, ex ductuum ortu ac derivatione, in promptu & ante oculos esse debet, vim & facultatem animæ naturalem in iocinere, sentientem in cerebro, reliquam autem vitalem in corde, quasi in sede propria constitui. Quibus etiam confectum arbitror eas non modò simplices facultates, sed loco sedibusque disclusas haberi.

Rationum quas aduersarij proponunt confutatio. Cap. XV.



Aduersa-
riorū ratio

Atiam video Sophistarum veriùs quàm Aristotelicorum turbā his obstrepere, qui tamen planè vident naturæ functiones in iocinere, animales in cerebro, vt in ventriculo chylosin, & in oculo visionē: has tamen fateri nolunt facultatum esse sedes, vt neque nervos à cerebro, venas à iocinere proferri. Quid est causæ cur ita censeant? quoniam inquit non vt medici sensuum æstimatione de his iudicio decernimus, sed vna duntaxat ratione demonstratiua. Quomodo? Quia princeps Aui-cennas scriptum reliquit, Philosophos qui vires omnes reponunt in corde, omnia altius perspexisse, inuestigasseque rationes magis necessarias, medicos verò quæ sensus duntaxat mouent sequutos, facultates illas sedibus distraxisse. O delirationē incredibilem! desipientis enim arrogantiæ est argumētationis necessitatē sensuum authoritati antepondere. Sed quid necessitatem dico, quum nulla in id necessaria argumētatione, sed ne satis quidē probabili adduci possint? Nunquid quod sensu comprehensum est, potest vlla ratione conuelli? Tanta est eorum in vnius opinione pertinacia, vt errare malint, & in controuersia concertationēque perpetuò versari, quàm synceram puramque rerum cognitionem capere: atque quum perspicuis dubia debeant illustrare, dubiis perspicua tollere conantur. Quænam autem est eorum tam firma constansque ratio? Cor quia nobilissimum est & vitæ fons, idcirco animæ omniumque eius facultatum sedem esse & principium: cerebrum autem, iecur, ventriculum, reliquasque partes illarum instrumenta duntaxat esse: omnes in corde altissimis defixas esse radicibus, at illarum functiones aliis partibus alias comparere. Est igitur inquit cor principium, quod omnes facultates sinu complexūque suo cōtinet atque fouet,

fouet, non autem principium edendæ depromendæque functionis. Hac interpretatione quam plerique quasi ex tripode dictam suspiciunt & admirantur, putant Platonis medicorumque obseruationem Aristotelis argumentationibus reconciliare, sicque omnem se cōtrouersiam dirimere. Sed quā vanus & irritus hic labor, velle eos qui ex instituto distracti sunt, in concordiam adducere? Cor inquit omnium est facultatum origo, quia nobilissimum. Quasi verò rex qui totius est imperij nobilissimus, omnium subiectorum vires in se vnus comprehendat: & quia penes illum sit omnis necis & vitæ potestas, idcirco subiectis propriæ vires non insint, quibus quæ sua sunt procurent. Expendamus autē ponderemusque diligentius cōtrouersiam hanc rem, & plenā dissensionis inter doctissimos. Si iecur & cerebrum non primariæ sunt sedes, sed instrumēti duntaxat rationem acceperunt, hōcne à conformatione & figura solum habent, an etiam à temperamento? Ab vtroque (opinor) cauti nec incallidi respondunt: ceterum tēperamento quā cōformatione plus effici: sanguis enim in iecore, & spiritus animalis in cerebro, à substantiæ proprietate & à tēperie potius quā à conformatione procreatur. Quoniam igitur ex temperamento vis quædam & facultas enascitur, quæ causa est efficiens, in vnaquaque particula vt temperamentum, sic & ingenitam oportet quandam facultatem inesse, quæ functionum eius est opifex. Hoc quidem & illi tāquam planè consequens fatētur: quum vitalem spiritum ex corde videant per carotides arterias in contextum admirabilem, & in cerebri ventriculos efferri, illique in animalem conuerti. Istæ autem cōuersio vndenam & à quo prodiit? Nōne ex vi aliqua quæ cerebro propria insideat & ingenerata sit? Neque hoc illi diffitentur. Necesse est ergo hāc istam vim insitam quæ spiritum gignit animalem, animalem quoque haberi: quī enim fieri posse intelligemus vt hoc aliud gignat, cuius vi nulla & potestate sit præditum? Multi quidem aiunt hoc fuisse Auicennæ decretum, ne dicam subterfugium, spirituum omnium vt certè facultatum vnā esse eandemque substantiam: atque quum ea sit vitalis spiritus in corde, portionem quæ in cerebri ventriculos contendit, temperationem quandam adipisci obeundis animalibus functionibus idoneam. Hūc tamen spiritum vim nouam illinc nullam consequi, quæ non antè fuerit, neque substantia, sed qualitate duntaxat mutari & noua constitutione, quæ spiritum illum vitalem alter atque prius versans ac præparans, efficit vt ad functiones animales accommodetur, & animalis in eo facultas nūc primū se expromat. Prius enim huius facultatis substantia ei spiritui insidebat, quum adhuc in corde tenebatur, nondum tamen ea se functionibus exprimebat, quod impedita esset nec rebus consentaneis & adiuantibus instructa. Solers ista quidem & subtilis rerum notatio, sed tamen falsa nimis & fallax assensio. Spiritus dum in contextu admirabili atque in cerebro propriam temperiem mutauit, nōne simul substantiam & speciem mutauit? Si speciem nōne & facultatem? Aliàs enim nulla fuerit toto corpore spirituum specie distinctio.

Cōfutatio.

Aduersariorū subterfugiū.

Cōfutatio multis argumentis. Cerebri, cordis, & iecoris tū vires tū spiritus specie & differētia differre.

ctio. Quod si fatentur, neque vlla profectò fuerit humorum specie differentia, sed solo accidente distabunt, sanguis, lac, & semen. Et quicūque ingerentur cibi, non in ventriculo, non in iecore, non in venis, non in reliquo corpore, aliam quam in qualitate mutationem subibunt, erit vna eadēque omniū vbique substantia ac species, nō eorum modò quæ in corpore continentur, sed ipsarum etiam partium. Hoc autem quid aliud est, quàm rerum species ac differētiās de medio tollere? quàm omnia in idem substantiæ genus contrudere? quàm rerū ortus & interitus in naturę mundique exilium agere? quàm omnia omnibus confusa permiscere ac perturbare? Quod si specie distant corporis partes, & qui ab illis cōuertuntur humores, cur non item spiritus substantia & specie inter se distabūt, quos palam est multò tenuiores esse, & faciliē mutabiles, vt expeditius quàm illi partium quibus assidebunt, vim & conditionem subeant? Itaque consentaneum magis est, vt cerebrum à corde, ita animale spiritum à vitali, specie atque substantia differre, diuersisq; illos facultatibus teneri. Quicunque aduersa sustinere contendunt, multis astricti vinculis, eò quo minimè volunt imprudentes reuoluentur. Quocircà multo melius quam illi & luculentius Alexander Aphrodisicius, quamuis impense Aristotelicę disciplinæ studiosus, cerebro, iecori, ventriculo, reliquisque partibus proprias vires addixit, qui quum alias esse distinxisset quæ famulantur & seruiunt, alias quæ regunt & quasi dominātur, subiecit animæ principatum in corde constitui, vires autem eas quæ velut subiectæ famulantur, in varias corporis partes disici. Nam quæcunque ad animalis facultatis demonstratiōnem attulimus, eadem ferè ad naturalem & reliquas accommodari possunt.

Cōfirmatio. Quisquis igitur volet naturalem contēplationem medicis obseruationibus confirmare, omni deposita cōcertationis inuidia, tres animæ facultates, vitalem, animalem, & naturālē, essentia, sede, instrumentisq; discludat. Nunquam enim futurum est, vt qui eas turbulenta confusione cōnectet, quicquam in re medica vel dilucidè demonstret, vel certa intelligentia & ratione comprehendat. Hinc videas non modò Alexandrum, sed reliquos propè omnes Aristotelis interpretes, vitalem facultatem à naturali discreuisse, alios inferuientes quasdam facultates membrīs assignasse, alios non vnā & eandem, sed planè diuersam instrumentis originem dedisse, indicium sanè vacillantis & fluctuantis opinionis tāta interpretationum varietas. Quanquam verò vnus Aristoteles admirabili scientia, atque iudicio, in cæteris ferè suspiciendus est, & à nobis venerādus, hīc tamen primus temerè fregit auctoritatem veteris disciplinæ, atque vt nouam conderet, partes illas animæ labefactauit atque peruertit, quas mirificè Plato erat amplexatus. Verebatur enim ne si illas cū Platone admitteret, multas in homine animas, & hunc multa esse animalia fateri cogeretur. In has autem ruinas atque salebras si Plato incidit, ne illas quidem Aristoteles vlla declinatione vitare possit & effugere, vt qui alteram animæ partem immortalem, caducam alteram instituat. Hinc Themistiū vtrique opinioni impedimentum

impedimentum hoc accidere tradit, quod non simplicem, sed concretam ex partibus animam dicit. Quid autem in his statuendum sit, paulò post fufius differetur à nobis, quum animæ substantia & integritas explicabitur.

Quid vitalis facultas cæteris præstet & impertiat, in quibus in-
fit, quo accedat ordine, quid vita.

Cap. XVI.



ID quidem peruagatum vel apud idiotas omnium sermo-
ne percubuit viuere stirpes, viuere animantia, viuere supe-
ros: hos quidem solius mētis agitatione, ista sensus impul-
su, illas verò naturā duce. Quum autem vnus homo natu-
ræ, sensus, mentisq; viribus teneatur, sitq; naturæ vis al-
trix in iocinere, reliquæ in cerebro, quid est quod duorum
istorum conspiratione & mutuis officiis non satis gubernamur & conser-
uamur? Si omnis vitæ functionum causa ad hæc referri putetur, quid præ-
terea cor nobis additum est: quæ impellente necessitate conditum? quæ-
nam illius actio quam iecur & cerebrum non obeant? Aut igitur omnino
id superuacaneum videtur, aut prima omnium facultatum sedes. Hæc qui-
dem sunt quæ nonnulli inexplicabilia esse dixerunt & nondum cōprehen-
sa, quæ tamen extricare & in perspicuam lucem proferre conabimur. A-
nimantium genus naturalem & altricem vim cum stirpibus quidem ha-
bet communem, eamque positam in iecore: sed quæ tamen præstantioris
cuiusdam sit ordinis & dignitatis: omnem quippe nutriendi functionem
animantia lege quadam & ratione perfectiore complent. Stirpi alimentū
est succus impurus atque lutulentus è terra haustus: animati verò id quod
iam multiplici mutatione præparatum est, vt olus, vt fructus, vt caro. Faci-
li promptaque coctione & rudi quadā alimenti conuersione stirpes alun-
tur: animantes autem nō nisi vtiles alimenti multifariam facta concoctio-
ne, qua longa rerum serie in sanguinem ac demum in corporis substantiā
conuertitur. Quoniam igitur tam multiformis est in animantibus con-
coctio, & alimentū id perfectionis assequitur quod nequit in stirpibus per-
uenire: necesse est omnino vim quandam præstantiorem in animantibus
quàm in stirpibus nutritionem moliri, eamque aut generis cuiusdam esse
præstantioris, aut acceptis aliunde viribus adiuuari. Hac ratione perfe-
ctis animantibus cor attributū est, cuius calor & facultas toti corpori ma-
ximè verò iecori & cerebro impartiretur, omniumque functiones & mu-
nera compleret. At verò stirpibus quæ solius naturæ beneficio viuūt & vi-
gent, vnica vis altrix obtigit eo sustentata calore, qui tāquam materia sub-
iectus est. Hic porrò languidus est atque iners, in omnē stirpis substantiam
diffusus nec facile dissipabilis, hoc indicio quod arborū defraeti auulsi aut
abscissi rami aliquantum viuunt, possuntque insiti reuirescere & fruticari.
Sic profectò exanguia animantia quæ naturæ ancipitis sede stabili scopu-
lis adhærent, vt conchæ: & quæ sponte sua intimoque motu huc illuc pro-
miscuè feruntur, vt apes, formica, vermis, & reliquum omne insectorum
genus

Argumēta

Vim altri-
cem in ani-
mantibus
perfectio-
re esse quā
in stirpib.

Quid cor
iecori &
cerebro cō-
ferat ī per-
fectis ani-
malibus.

genus, quorum reſectas partes ſeorſum moueri conſpicimus: omnia quidē vitæ ſuę calorem exiguū habent, eūq; toto corpore equabiliter conſertū, neq; in iis vlla eſt ſedes cordi verē cōparata, è qua hic calor quoquouerſum in omnes partes influat & illabatur: his enim ita poſitis, abſciſſæ partes neque viuere, neque moueri poſſent. Contrā autem perfectiorum animan-
tium partes, quū deſectæ continuò vita priuentur, argumentum eſt non ex ſe, ſed aliunde influentibus viribus eas ſuſtineri, neque proprio ſolū calore vt ſtirpes, verum etiam aſcito gubernari, & ſupra vim iecoris natu-
ralem, aliam ex corde vitalem aduenire. Porro autem vitalis facultas ani-
mali etiam ſuccurrit & opitulatur, quòd ei velut pabulum & materiā ſug-
gerat, ex qua demum ſpiritus profertur animalis. Hinc nōnullis exiſtima-
tum eſt, vitalem animalis gratia potiſſimum conditam eſſe, quòd ei plus quā naturali conferre videatur: quandoquidem præter materiā vim etiam ſubiicit qua in opus excitatur erigiturque, vt citra cuius opē vis ani-
malis qualiſcunq; fuerat ex ſemine producta, ignaua & languida otiare-
tur. Itaque hæc omnium poſtrema rectē conſtituitur, quę in ſœru dum
vtero geſtatur, tum obſcuras vires oſtentat, tum minimum videtur neceſ-
ſaria: at quū iam editus infans hac luce fruitur, ea pectus diſtendens depri-
mēſque ſpiritu ducit ac reddit, nec tum exiguam opem fert cordi. Cæ-
terū hæc ipſa vitalis facultas non modò cæteras omnes quū rudes ad-
huc & inchoatæ ſunt perficit, ſed etiā eaſdem quoad viuit animal tuetur,
& ad agendum impellit. Id planē declarāt arteriarum interceptiones, quæ
aut vinculis aut aliis quibuſcunq; cauſis opprimentibus inciderint: per
has enim cordis aſpiratione cohibita, mox repentē tanquam attonitum
corruiſit animal. In ſyncope tantisper dum vitale robur corporis partes non
illuſtrat, reliquæ quoque facultates omnes pariter intermiſſionem faciūt:
mox autem vt id excitatū reuixerit ac ſeipſum collegerit, omnes illæ quaſi
recreatæ recurrunt. Abſonum autem & abſurdum fuerit, exiſtimare hoc
exiguo tempore partes corporis ab omni vi & facultate deſtitui, in quod
tamen diſcrimen Auicennas adducitur, & quicunq; ſtatuunt facultates
omnes à corde illabi. Hoc igitur tēporis articulo, particulis ſuæ inſunt
propriæ & ingenitæ vires quemadmodum & cordi, ſed quas tamen nulla
vis princeps ſtimulet & incitet. At nihilominus ſi robur id vitale perdit
abeſt nec inſluit (quemadmodum quū præceps & inſolens ſyncope ho-
minem tollit) inſiciari nolim partium facultates tādē corruere & inter-
cidere, animālque prorſus vitam dimittere: tanta quippe eſt vitalis neceſſi-
tas, vt citra illius fauorem reliquæ ne minimum quidem efficiāt. Hinc re-
ctē vitalis nomen ei potius quā ſtirpium facultati eſt impoſitum, quòd
præſtantiore magiſque ſalutari vitæ genere corpora colluſtret, vnāque re-
liquarum omnium perfeuerantiam & firmitatem contineat. Eſt enim
animantium vita facultatum actiōnūque omnium cōſeruatio. Hæc au-
tem à corde cū ſpiritu calorēque deſluit. Mors eſt vitalis roboris omniū-
que facultatum extinctio. Quas autem horū definitiones prompſit Ariſto-
teles,

Iecur & ce-
rebrū cor-
dis idigere
auxilio, de
moſtratur.
Quid cor
cērebro cō-
ferat.

Animalis
facultas
omnium
poſtrema.

Vitalem fa-
cultatē nō
modò ali-
as perfece-
re, ſed etiā
cōſeruare.

Vita ani-
mantium
quid.

teles, eas non modò ad animâtes, verum etiam ad stirpes accommodauit, vt longè latèque paterent. Vis porrò ista vitalis, totius animæ pars non est, quòd solitaria nusquam subsistat, quòdque illius ope nihil seorsum viuat: sed totius est animæ summa quædam facultas, quæ partes animæ perficit, s tuctur, & quasi nexu coniungit.

De facultatum concentu & principatus ordine. Cap. XVII.



IRES animæ facultates quanquam in perfecto animante substantia, instrumentis, & sede seiunctæ sunt, fieri tamen non potest, vt posteaquâ in vno eodémque corpore coierint, tum inde quasi diuulsæ & seiugatæ prorsus distrahantur. Mutua enim conspiratione vsque eo omnes inter se aptæ & connexæ sunt, vt vna quælibet reliquarum ope consistat. At verò fieri potest vt cuiuspiam particulæ, vna animæ facultas pereat aliis commorantibus: aut simul cum animali naturalis etiam pariter occumbat, vna superstiti vitali: quæadmodum fit dum in particulam per arterias dimanat vis spiritûsque vitalis, à cerebro autem & iocinere nihil quicquam illabitur. Tamen si igitur dum vitæ est, semper nutriri animal verum est & compertum, non tamen id in particulis fieri est necessarium. Vna vitalis cæteras perficit atque conuertit, & ab eisdem mutuis iuuatur officiis. Naturalis enim pabulum ei suggerit, animalis autem pectus pulmonésque agitans, tum alimenti tum refrigerationis eius est effectrix. Animali porrò reliquæ duæ materiam subiiciunt: naturalem autem vitalis per arterias illapsa tuctur atque auget, quæ ipsa animali perpetuò eget. Ex quibus intelligitur indissolubili eas cōcentu teneri, nullam posse citra aliarum opem consistere, & vnaquælibet intercidente reliquas etiam pariter emori. Cæterum quoniam variæ & disiectæ sunt earum sedes, quarum incommodo tum spiritus, tum calor, & facultatum substantia offenditur, fieri quidem poterit vt vnaquælibet offensiunculam accipiat, aliis nondum læsis: quanuis ea si diutius inhæreat, in cæteras tum demum irrepit, fiatque omnium communis. Hoc autem intercidunt ordine, vt ab ea quæ in malum & perniciem primùm incurrit, ea proximè laboret quæ maiorem, postremò autem ea quæ cum illa minorem necessitudinem aut cognationem habet. Ab animali enim primùm vitalis, deinde naturalis afficitur: à vitali animalis vt cui illa materiam & vitæ formam ministrat, tandem verò naturalis: à naturali vitalis, mox animalis. Hunc ordinem tum ratio, tum rerum euentus edocuit, quoties pars vnica princeps simplici morbo tenetur. Quòd si vnaquælibet facultas iacturam facere potest aliis nondum offensis, necesse est perurgente causa, eandem prius aliis, neque eodem omnes puncto temporis interire, licet exiguo post tempore vnus sit omnium interitus. Is itaque ex mutuo cōsensu affectionū ordo statuitur: cæterum in actione & administratione corporis, alius multò diuersus. Exortu quidem prima est altrix, deinde vitalis,

Triū facultatū cōsensu in toto animante,

In parte corporis potest vna facultas perire aliis manētibz

Potest i toto animali vnaquælibet lædi aliis nō læsis. Quo ordine perire solent facultates.

Ordo pro creationis.

o ij lis,

Ordo præ
stantiæ &
dignitatis.

Ordo ne-
cessitatis.

lis, postrema animalis. Nobilitate & principatu prima atque præstantis-
sima est animalis, ab hac vitalis, tertia altrix ignobilis & abiecta, hæc enim
vilius stirpium communis est: vitalis data animantibus, quia altricis a-
ctiones integrat & absoluit, ea præstantior vtrique videtur, obscurior verò
& inferior animali, ut cuius causa maximè condita sit: finis autem in quæ
reliqua contendunt, splendore & commendatione clarus est. Quinetiam
animales functiones, sentire, moueri, ratiocinari, contemplari, sapienter
vivere, quia altioris gradus & dignitatis sunt quàm solum ac simpliciter
vivere, planè declarant vim harum effectricem omnium summam esse &
principatum tenere. In actionum autem & vitæ necessitate omnium pri-
ma vitalis statuitur, quòd non modò reliquis materiam sufficiat, sed illas
etiam suscitet, perficiat, mutuòque complexu tueatur & foueat. Siue enim
particula quæuis & motum & sensum habitura est, siue debet nutritionis
commoda percipere, in eam necesse est spiritus & vis influat vitalis, quæ
si lædatur mox vtriusque functio interpellabitur, quasi in vtriusque opus
còmuniter concurrat. Huius itaque beneficio quàm reliquæ indigeant, non
autem è diuerso, vna omniū iudicabitur maximè ad vsum vitæ necessaria.

Simplicem esse animam quæ his partibus continetur, hincque
Aristotelicorum rationes dissolui.

Cap. XVIII.



Partes ani-
mæ inter-
posita vi-
talis facul-
tatis iungi
& vnā effi-
cere animā

Qua ratio
ne ex his
partibus
vna sit &
simplex a-
nima.

STIRPIBVS ea moderatur anima quam naturalem al-
tricemque dixerunt, ut quæ eius duntaxat gratia & officio
vita fruuntur. Beluæ eam ipsam quidem, atque insuper al-
teram sentientem sunt adeptæ. Ex his autem vitalis facul-
tatis interpositu aptè coniugatis, vna fit totius anima, cui
pars illa præstantior nomen dedit. In homine omnes hæ
partes insunt, quibus tertia insuper accedit, mens appellata, tanta profectò
familiaritate cū illis consentiens, ut ex omnium concentu vna euadat ani-
ma, quæ intelligentiæ & rationis est particeps. Cæterum hæc nō ex illis tā-
quam ex discretis seiunctisque partibus condita est, quoniā vna simplex to-
tius est forma, omnis expers coagmētationis & structuræ, verum nascitur
ex illis quæadmodum posteriores Geometricæ figuræ ex prioribus. Trigo-
nus enim ad alterum trigonū si decenter aptetur, fiet tetragonus, nō com-
posita quidem verum simplex figura: ad hūc deinde accedens accommo-
datūque alius trigonus pentagonū efficit, re ipsa quidem simplicē, at po-
testate cōpositum. Sic propemodum dum fœtus vtero fingitur & confor-
matur, primū naturalis anima emergit seque prodit, deinde vitalis facul-
tatis interuentu & conciliatione, anima sentiens cōparet & elucet. Hæc ve-
rò quanquam simplex est, ut in beluis, comitem tamen retinet vim illam
naturalem, quæ tum manens anima dici non potest, ne corporis vnus &
eiusdem aut reuera cōplures formas, aut vnā compositam fateri cogamur.
Inest tū igitur ceu illius pars duntaxat & quædā facultas, quæadmodū quæ
in osse, aut quæ in carne est forma quū iā totius species appulerit, supererit
quidem

quidem non re ipsa & energia, sed tanquam præparatio & facultas ministra formæ succedentis, quod plenius alio loco disputauimus. Postremo autem quum mens consilij rationisq; particeps immigrabit, quæ sentiēs fuerat anima, iam non reapse commorabitur & residebit, sed vt facultas quædam & superioris illius quasi præparatio. Hoc loco dubitatione & rerum obscuritate æstuant quidam philosophi, qui putant fieri non posse vt simplex nostra sit anima. Etenim mens intelligentiâque nostra sempiterna habetur & immortalis, quæ extrinsecus nobis accessit: sentiens autem anima mortalis & caduca, quasi ex corpore procreata. Illa quasi separata & simplex, corpori non permiscetur, sed ei duntaxat vt naui gubernator assistit: hæc verò in corpus penitus immergitur, à quo nunquam diiungi diuellique potest. Illa denique, vt cogitet, vt contempletur, & intelligat corporis subsidio nō indiget: hæc verò nihil efficere potest citra idoneam corporis eiusque organici præparationem, cuius certè perfectio quædam est & absolutio. Harum igitur rationum animaduersione complectuntur & efficiunt fieri non posse, vt tam dispares diuersæque naturæ, communi societate in vnus eiusdémque simplicis substantiam coëant. Itaque siue Platonis siue Aristotelis sententia recipitur, hoc vtrobique impedimentum accidere contendunt, vt non simplex, sed ex diuersis partibus concreta sit anima. Sic igitur grauissimis hisce vexati implicatiquæ rationibus hærent in salebra. Caterum quisquis quæ ad hanc controuersiam libetmque minuendam attulimus, animo & cogitatione cōprehendet, censebit animam quæ in nobis est rationis & intelligentiæ particeps, non ex aliis tanquam ex partibus componi, sed simplicem esse & tanquam regimam (quum accesserit) aliarum principatus obscurare, vt vna præstantissima dominetur, quæ omnium vires atque facultates haud secus atque pentagonus, simplex illa comprehensas teneat. Quæcunque enim præstantior est & superior, supparis vires omnes habet. Hinc fit vt simplex ea & singularis, vna possit omnia in nobis vel dissimilima efficere, sed alia quidem per se, alia corporearum facultatum adminiculis. Vt enim soluta mens & libera cogitat, ratiocinatur, & meminit, sic talia efficit in nobis nullius corporis adiuta concretione mortali. Illa corporis soluta vinculis omnia sentit, idque purè, dilucidè, & quale quidque sit: at verò his terrenis concretisq; corporibus intersepta, non nisi quinque nuntiis externa cognoscit. Eadem naturæ vtens facultatibus corpus vniuersum alit, vtens vitalibus hominis vitam sustinet. Hæc igitur omnibus fons est & principiū mouendi, quod à se non ab alio quoquam mouetur. Qua potissimum ratione planè cognosci potest, animam immortalis cōditione sustineri: hinc etiā quòd infinitā rerum innumerabilium cognitionē capit, memoriāq; retinet, quòd res occultas ab omnīq; sensu & corpore seiunctas inuestigat, quòd tot res & tātas nullius cōcreti corporis subsidio efficit. Quæ enim his est ornata viribus, nequaquā cōcreta esse potest ex terrena mortaliq; natura, nihil admistū, nihil concretū, nihil coagmentatū capit. Itaq; simplex quum

Lib. i. dialog.

Argumenta eorū qui putant nō simplicem esse nostrā animam.

Solutio.

Animā nostrā esse immortalem.

quum sit, nec secerni, nec diuidi, nec discerni, nec distrahi potest. Nec interire igitur. Ex quo demum intelligitur omni illam turbido motu semper vacare, nec dolore, nec ægritudine pulsari. At multa è corpore existunt quæ illius functiones iuuent & acuant, multa quæ obtundant & impediant. Corpore acri & vehementi quadam status conuersione confraeto, illa confestim emigrare cogitur. Quæ mala quum adsunt, quid causæ est cur illa functiones suas non implet? An propriæ substantiæ iacturam quandam fecit? At ea nec offendi nec labefactari potest. Instrumentum illius violatum est? At nullum ei concedimus. Quid igitur restat? Corpus quod proprium illius est domicilium præpediri. Vt enim opifex idoneis instrumentis instructus, si in tenebrosus aut arctus conclaue contrudatur, nequit quæ artis suæ sunt efficere, sic anima vitioso corpore, quod est tanquam domicilium, coercita, quæ sua sunt munia exequi non potest. Conuenienti enim corporis mediocritate teneri desiderat, quæ si parum commutabitur, functionibus illa suis interpellabitur: sin multum, tantam illam discrepantiam perhorrescens nec ferre potis, de corpore decedit.

De moralibus facultatibus.

Cap. XIX.



Appetitus
triplex.
Ratioalis.

Cupiditas

Iracundia.

Cupidita-
tis partes
duæ.

NE ST autem in homine aliud earum facultatum genus, in quibus mores versari proditum est à virtutū magistris. Est id quidem genus vniuersum appetens, quod nimirum in totidem differentias distrahitur, quot animæ facultates sunt locis sedibusque seiugatæ. Siquidem suprà enucleatè disputatum demonstratumque est, vnamquæque non nisi proprio appetitu ad agendum impelli. Itaque vt animæ ita appetitionis pars altera rationis est particeps, altera huius experts. Has enim inter se distare atque seiungi puerorum mores demonstrant, qui iracundia æstuant rationis nondum compotes. Quinetiā adulti qui prudentia præditi sunt, multorum plerunque importuna cupiditate flagrant, quæ insurgens ratio & obsistens dissuadere ac peruertere conatur: hincque frequenter acerrima pugna committitur, planè ostēdens non vnicam, sed duas saltem esse facultates, vnam rationi obtemperatē, alteram voluptatum amicam. Quum autem ratio certamine fortassis euieta fuerit, qui ita vitiorum bladiis & voluptatibus succumbit, iratus deinde seipsum obiurgat: tūmq̃ue rationi assistens iracundia tanquā auxiliaria, partes eius tutatur, cupiditatis ardores & impetus oppugnatura. Ex quibus intelligi potest non modò duas, sed tres in nobis facultates morales inesse. Rationis particeps appetitio, voluntas nuncupata, constanter prudentérque quippiā desiderat: quæ verò huius est experts, partibus duabus tenetur, quæ sunt cupiditas & iracundia, illa in iecore, hæc in corde. Cupiditatis rursum partes sunt libido & cupidia, illa in testibus hæc in ventriculum effusa. Appetendi autem facultates ijs quas dixi sedibus diiungi, ex proprijs earum perturbationibus clarum erit & perspicuum, quæ sunt huiusmodi. Libidinis perturbatio aut ægritudo

stituimus vim exandescentiæ, cauendum prouidendumque est ne cum vitali, tanquam vna sint, confundamus: nam tametsi eadem sunt sede eadēque substantia comprehēsa, diuersas tamen facultates esse, effectuum operumque varietas renuntiat. Ita propemodum in iecore posita cupiditas, ab eiusdem altrice vi quamplurimum differt, licet vnus sint substantiæ. Vbiq̃ue enim appetens facultas prior est suis comitibus, quas quasi admotus stimulus ad agendum incitat & impellit. Hæc de animæ facultatibus quæ primò sese offerebant, iam pari verborum contractu, earum functiones proximus liber decurrat.

LIBRI QVINTI DE ANIMÆ


Facultatibus, Finis.

De Functionibus & Humoribus,

LIBER SEXTVS.

Alimenti in ventriculo confectio.

Cap. I.



ACVL TATIBVS cognatione tanta functiones cohærent, tamque immutabili continuatione iunguntur, vt aliarum ex aliis cognitio capi debeat, fueritque necesse nobis pariter de ambabus superiorem sermonem facere, qui vtrarumque omnes ex æquo differentias recenseret. Quamobrem de functionibus dum hoc loco rursus dicere instituo, neque profectò enitor vt illas nobis adesse demonstrem: neque vt earum differentias enumerem, quippe quas omnes iam supra plenè cumulatèque sumus coplexi. Verùm à facultatibus tanquam à causis conuersione facta, articulatim distinctèque edisserere contendo, qua lege, quo ordine vix suis illæ spiritibus, suisque particulis & temperamentis, tanquam instrumentis functiones omneis suas compleant, vt simul inde partium omnium corporis humani commoditates & vsus in promptu sint & eluceant. Primùm autem omnes singillatim scrutabimur & explicabimus in homine iam genito omnibùsque suis partibus absoluto, deinde in eo qui gignitur in lucemque profertur: atque in illo quidem naturæ primùm, deinde animæ, postremò vitæ functiones attingemus. Summum supremùmque naturæ munus est nutritio, quam ex alimento accepto illa perficit: hoc enim illius est tota materia, in quam penitus incumbit, quam variè tractans expurgat, conuertit, propriisque ductibus in omnes extremasque corporis particulas diffundit atque confert. Quodcunque durius & solidius est alimentum, dentibus in ore constructis manditur, extenuatur, & molitur, nec leuem inibi conuersionem accipit, admiscetque sibi quodammodo animantis qualitates, vt pristinam speciem & naturam vix retineat. Quod sanè potissimum efficitur tum diligens confractio atque confectio, tum pituitæ oris perfusio, quæ ad alia quoque plurima non modicas facultates obtinet, tum oris calor, tum denique tunica eius, quæ ipsi quoque ventriculo continuata est & communis, attritatio. Mansum iam & ad nutritionem præparatum alimentum, crebra agitatione & motibus linguæ detruditur, idque excipit stomachus via communis, per quam illabitur in ventriculum. Est autem hic & cibi & potionis receptaculum: omniâque rectis in interiore tunica positæ fibræ à gula detrahit, atque eisdem gula ab ore prolestat, perinde ac si dicas ventriculum per gulam quasi per manum ab ore cibos eripere. Hæc porro actio à tranuersis villis, qui in externa sunt gulæ tunica adiuvantur.

Præfatio.

Alimentum est materia altricis facultatis.

Alimenti preparatio in ore.

Alimenti in ventrè depulsio.

Ventriculi
attractio.

Ventriculi
retentio.

Codtio vē
tricoli.

Codtionis
ratio.

uari videtur. Cum enim quippiā siue aridum siue humidum ab ore depel-
limus, transuersæ fibræ quæ infra id ipsum sunt dilatantur, quæ autē supra,
contrahuntur, idque adeò arctē vt inter deuorandum plerunque haustus
spiritus, tametsi tenuis est, simul impulsus & adactus remigrare vix possit.
Itaque partim ventriculo trahēte, partim detrudente gula, ciborum fit de-
pulsio. Ventriculi attractionem incitat appetētia, & iis qui extra modum
appetunt promptior celeriorque fit depulsio: cum enim fames immodica
dominatur, venter cibos nondum in ore planè confectos, mandentibus
etiamnum & inuitis plerumque eripit, vt fame latrantem se obsonet. Quæ
sibi adduxit sinu suo complexūque recipit: eadem continendi facultate & 10
obliquarum fibrarum ministerio includit, complectitur, continet suprà
subterq; & omni ex parte adeò cōpresse, vt his circūici & prorsus adhære-
scere videatur, nec inane quicquā relinquat, si quidē cōuenienter & secū-
dum naturā se habet. Alioqui cibus in tanta capacitate huc illuc fluitans,
neque lateribus ventriculi coarctatus haudquaquam plenè cōcoqui pos-
set. Tum igitur pylorum interclusum ac prorsus obsignatum reperire est,
vt non modò arceat crassio rem cibum, sed nec liquidum ac maximè pro-
fluentem elabi sinat. Ea profectò ratione concludit cohibētque accepta,
nec ante legitimum naturæque præscriptum tempus effluere quicquā pa-
titur, nisi cum aut magno copiarū pondere, aut qualitatis mordentis acri- 20
monia laceffitur. Est autem id legitimum tempus, quo plenā perfectām-
que concoctionem absoluit. Hoc interim spacio facultas concoquens, ci-
bum omnem mutat & conficit, nullis quidem fibrarum adminiculis, sed
tum proprio ingenitōque calore & spiritu, tum eo quem vt lebeti magno
circumiectus ignis, ita & proximæ partes illi inferūt, iecur, lienis, cor, dia- 25
phragma, vena caua, & omentum, quod illius calorem coërcet duntaxat
atque continet. Cæterum propria ventriculi substantia cōcoctionis illius
absolutionem perficit, idque nō modò vulgatis & notis illis qualitatibus,
verum etiam tacita & recondita proprietate. Itaque his omnibus tāquam
ministris adiutus ventriculus primū quidem alimēta in vnum cogit, & 30
alia cum aliis, arida cum humidis confundit, simul verò omnia frangit &
exterendo comminuit, vt iam partes omnes quandam substantiæ æquabi-
litate adeptæ videri possint. Quæ dum ita exquisitè permiscuntur, necessa-
riò quū ex mistionis lege, tum ex affectionis natura mitigātur, & depo-
sita omni qualitatū exuperantia in quēdam mediocritatis ordinem ad- 35
ducuntur & recidunt, fitque vniūsmodi eiusdēq; naturæ substantia, spe-
ciem quandam cremoris consequuta. Hoc primum est concoquentis fa-
cultatis opus, ciborum in cremorem conuersio, quam & vētriculi & vici-
narum partium solo calore fieri credibile est. At verò id concoctio non-
dum censei debet, quòd talem ars sola plerūque nobis exhibeat, sed dun- 40
taxat præparatio quædam ad cōcoctionem. Posthæc verò cremor hic aprā
& accōmodatam nutriēdo animali qualitatē atque substantiā sumit tum-
que perfectè mutatur & cōficitur: eaq; mutatio & in chylum facta cōuer-
sio,

fio, concoctio ea est quam definimus. Fit autem hæc non modò vi & ardore caloris, sed etiam tota ventriculi substantia, & insita quam diximus proprietate. Sic struthiocamelus ferrum coquit & exterit, quod non leo calidissimus, sed ne ignis quidem ardor effecerit: sic fruges aridas & præduras minutæ aues conficiunt, omnesque crudum quippiam subigunt & mutant, quod vix audeat homo attingere: sic coturnix veratrum coquit & mitigat nobis prorsus inimicum, inuictum, indomitum, & quod omnem corporis nostri vim, omnes conatus respuit & aspernatur. Quodcunque autem idoneum & conueniens alimentum ventriculus acceperit, id demum vincit atque mutat, omnesque in id tum qualitates, tum naturæ suæ vires confert. Hoc iam plenè coctum tametsi ingratum gustatui videtur, potestate tamen & viribus cōueniens est & salutare. Id ipsum autem concoctio est, nempe in peculiarem & propriam eius quod alitur qualitatem cōuersio. Aristoteli quidem hæc ^{ἐκ τῆς} existit, id est (vt iuniorū nomine vtar) elixatio: est enim in humido facta coctio. Quidā ex veteribus hanc falso corruptioni annumerant, idcirco alimenta temporis spacio in ventriculo cōmutata putrescere existimantes, quod pristinam saporis odorisque gratiam non seruent, sed prorsus iniucunda, graui molestoque tum sapore, tum odore sensus feriant. At illi parum cognitum habent eam concoctionis salubritatem, non gustatu, non olfactu, sed virium præstantia & substantiæ familiaritate ponderandam esse & æstimandam. Eius porrò quod iam conuenientem & familiarem qualitatem est adeptum, portionem quandam sibi arripit ventriculus: nam quod in cremore longè optimum est & congruens, id halitus specie ad se rapit, inque suas tunicas sugendo recondit, eis etiam adiūgit & agglutinat: ex quo demum fructum voluptatēque percipit, & quodammodo saturatur. Veram hanc esse nutritionem à Galeno quidem videtur proditum literis: quod tamen nonnulli de interiore ipsius duntaxat tunica accipiendum interpretantur, hancque ex tenuiore benigniorēque chyli vapore sustineri: externam verò ex sanguine alimentum capere per venas conspicuas ex iocinere in se pertinētes atque directas. Ego verò vt hanc sic & interiorem illam sanguine nutriri duco, neque passionem eam quam ex chylo ventriculus capeffit veram nutritionem appello, sed ex qualitatis cognatione & conuenientia oblectationem quandam & satietatem nutritionis æmulam. Exanguia (fateor) nō pauca animātia, vt conchæ, vt vermes succo aluntur, qui veram sanguinis speciem non accipit: at non protinus existimādum est id ipsum in sanguineis obtingere, quod nihil quicquam præter sanguinem possit in eorum substantiam conuerti. Quocirca fieri non potest vt chylus proximum sit ventriculi alimentum. Quæ quidem mea assertio, ne inanis esse videatur, illa me causa mouet, quod dum fœtus vterò continetur, totus ventriculus maximēque interior eius tunica, purò ac syncero sanguine alebatur, nullo nimirum tum vsquam existente chylo. Nunc igitur quia cumulatius atque perfectius is ali postulat, optima ratione similiter ex sanguine nutritur

Causæ efficiētes
χυλοποι-
ως.

Concoctio
quid.

Alimenta
coctiōe nō
putrescere

Vt vētricu-
lus chyli
benignita-
te fruatur.

Totū ven-
triculū san-
guine verè
nutriri.

trietur & incrementum suum capeffet. Quinetiam ossa quæ longiore interuallo quàm ventriculus à sanguinis natura recedunt, sanguine ali facemur: quanto magis igitur ventriculi membranæ sanguinem pro suæ naturæ custodia requirent? *Quæstio.* Qui fit igitur, inquires, vt cibus ventriculo cōceptus, famem & appetentiam sedet atque saturet, si is neque ventriculum pascit, neque nutrit? *Solutio.* Fames quidem & animalis appetentia totius est ventriculi, præsertimque oris eius, tum temporis potissimū excitata, quum supra modum exinanita ventriculi capacitate, eius latera collapsa, in sese concidunt conuelluntque grauius vicina sibi præcordia, & quum interiores recessus & quasi rugæ proprio humore exhausto inaruerunt. Hoc interim spacio ventriculus tum se suamque capacitatem implere & quasi farcire, tum verò succi vtilioris quippiam in interiores illos recessus recondere desiderat. Vtroque autem desiderio eum laborare argumēto est, quòd modico cibo qui interiorē duntaxat tunicam oblinat, saturari non solet, nisi ipsa etiam interior capacitas expleatur: quòd etiam domināte fame, dum quis cibum capit, non protinus vt hic intrò demissus est, sed aliquanto post sariatur desiderium, quum perutilem succum ventriculus in tunicam rapiēs summa cum voluptate amplexatur, sibi que apponit perinde ac si eo verè aleretur. At certè ea nequaquam propria est nutritio: sed succus ille vacua tunica spacia reficiens, in vaporem fusus & extenuatus ad extremum vane-
*Ingestus ci-
bus famē
sedat ani-
malem, nō
autem na-
turalem.* scit: isque sua potius qualitate quàm substantia famem depellit. Famem dico animalem appetentiam: naturalem quippe vna duntaxat sanguinis substantia per ventriculi corpus & molem effusa, satiare potest, dum in eius naturam conuertitur: ceterum animalem non modò sanguis, sed & quicquid qualitatē cuiusdam suauitate præditum in ventrem demittitur, compescit.

Vt è ventriculo per intestina & venas mesaraicas in iecur fiat
alimenti distributio.

Cap. II.



*Expulsio
ventriculi.*

*Non agit
vtricus
præcogni-
tione qua-
dam.*

Osteaquam perfectè planèque cibos ventriculus concoxit, iisque abundè saturatus est, os infernum cui pyloro nomen est diducit, aspernatūque quicquid alimenti reliquum est, tāquam redundans ac molestum. Quamobrem tum otiosa & feriata continendi facultate, officiorum vltima vicissitudine expultrix exurgit, quæ transuersas fibras contrahens, ventriculum coangustat: atque iam cōfectum chylum à se excludit, detrudītque per pyloron in intestina. Ceterum quum sit ventriculus in naturalium instrumentorum numero, cautio etiam atque etiam adhibenda est, ne imprudentes hunc tanquam animal ratione intelligētique præditum producamus, quod providentia quadam & cura aliarum etiam partium saluti consulat. Non enim eò cibos concoxit, vt reliquis partibus alendis eos accomodaret, sed dum sinu complexūque eos continet & vndique comprehendit, propriæ saluti atque voluptati dans operam, necessariò

fariò eos commutat. Vnde & idonea cibi portione iam expletus, quod reliquum est tanquam onus inutile à se deponit exigitque, nò quòd in reliquas partes conferre quicquam conetur, in idque viribus incumbat. Itaque dum sibi prouidet, & in eo maximè est occupatus, aliis etiam vtilitatem & fructum affert, non quidem ex instituto, sed fortuitò tãquam aliud quippiam agens. Hac igitur via & ratione geruntur omnes ventriculi functiones, si modò integer est & incorrupta sanitate, nec quorundam iniuriis laceffitur, quæ vel magno copię pondere, vel qualitatis acrimonia stimulent. Quæ sanè quemadmodum & quæcunque posthac tradentur functiones, tum ex quotidianis naturę operibus, tum ex viuorum atque mortuorum confectione comprobari solent. Quod ergo in ventriculo redundat alimentum, in intestina protruditur: exceptum autem (neque enim id trahunt, neque huius gratia fibras rectas habent intestina) confestim præteruehitur, à depellendi facultate, quæ in intestinis inest longè valentissima, ad cuius muneris functionem vtraque tunica fibras obtinuit transuersas & in orbem actas. Quoniam autem multiplex est intestinorum anfractus & flexuosa circuitio, haud ita facile alimentum perlabitur. In tanta igitur viæ longitudine, defluentis materiæ quicquid coctum est & salutare, potest opportunè in iecur per mesenterij venas transportari. Vix enim fieri potest, ut in tam lógo viæ tractu vlla succi portio præterfluat, quæ nò ad cuiuspiam venæ os aliquando sese applicet, & quæ si primum fortè ambitum præterlapsa erit, secundo vel tertio, vel alio deinceps consequente non arripiatur, suctaque apprehédatur. Quod autem hunc anfractũ prætergreditur, nec raptum fuerit in mesenterij venas, tanquam inutile & superuacaneum in crassiora intestina deiicitur, quò simulac peruenerit excrementi appellationem sumit: honestiori nec inquinato verbo cibi reliquias appellant. Hæc tum astringentibus se intestinis, tum relaxatibus tandem in aluum depelluntur, in quo tanquam in receptaculo resident dum propulsentur foras. Alui extremum podex est, quem *σφιγκτηρ* musculus ambiens atque circũfundens marsupij modo intercludit, nec quicquam antè elabi sinit quàm ratio iubet. Dum autem arbitratus imperio hic relaxatus soluitur, naturaliter quidem expellentibus intestinis, nònunquam verò adiuuantibus diaphragmate & abdomine, excrementa deturbantur. Ex quo planè intelligi potest deiectionem hanc prorsum naturalem esse, retentionem verò voluntariam, quæ solius sphincteris opera completur. Quanquam autem non prius è ventriculo cibus delabatur, quàm plena & absoluta concoctione sit mutatus, in ipso tamen per intestina transitu elaborationem etiamnum & absolutionem completã adipiscitur, quòd iners & otiosa nunquam esse possit, quæ in eis est commutandi facultas. Simul verò eo transitu atque prolapsione, vtile quippiam & còueniens intestina fugunt, sibi que apponunt, quo demum (perinde ut de ventriculo antè còmemoratum est) perfruuntur. Cæterum vera eorum nutritio per venas fit mesenterij, quæ sanguinem è iocinere reuehunt, quæadmodum eadem

Alimenti
per intesti
na depul-
sio.

Alimèti di
stributio
ad iecur.

Excremẽ-
tum alui.

Excremẽ-
ta retineri
voluntate,
expelli vi
naturæ.

Intestina
cibũ còco
quere.

Chyli ad
iecur trá-
uectio per
venas me-
senterii.

Venæ me-
senterii
præparant
iecori.

Cibi ad ie-
cur distri-
butione ra-
tione po-
tius quàm
sensu co-
gnosci.

Quælibet
mesenterii
vena san-
guinè con-
tinet atque
chylum.

Superio-
res ad di-
stributio-
nē, inferio-
res ad ex-
pulsionem
magis apte

Distributio attri-
butione fit.

vicissim chylum comportant. Vt enim arboris tenuissimæ radices è terra succum trahunt, ita quæ in quoduis intestinum pertinent venarum ora, quantum chyli coctum est, & à reliquo cibo secretum, id omne hauriunt & exorbent: ab hisque venis minoribus ad maiores permanat, dum tandem ad iecoris portas se applicet: ad hæc quippe regionē aditus est & introitus, per multiplices admodum vias, easque perangustas. Præparat hæc quidem chylum iecori, conferuntque quasi rudimētum sanguinis, quale in eis per confectiones deprehendi solet, idcirco sanè quod à iecore initiū ducunt, cuius proinde naturam referunt & æmulantur. Si arteriæ quæ ad intestina feruntur ac pertinent, nonnihil etiā humoris è cibo alliciunt, id omnino perexiguū esse debet, quod crassior illic succus existat, sintque arteriæ spiritui halitusque trahendo accommodatæ. Qui vnum sensum æstimatorē iudicemque adhibuerit, mesenterij venas ventriculi & intestinorum nutritioni, non autem succorum distributioni destinatas esse contendet, quod omnes semper rubro, nunquam albo succo cōfertæ videntur: quod-¹⁵ que in ventriculi & intestinorum substantiam se figant, neque ad interiorē capacitatem apertæ sint. Veruntamen quoniam aliæ nusquam viæ ex intestinis in iecur directæ feruntur, per quas alimentum influat, ratio magis quàm sensus conuincit eas etiam ad distributionem accommodari.

Existeret autem mox quæstio non parū difficilis atque ardua, multū²⁰ & sæpe quæsita, per singulasne mesenterij venas tum nutritio, tum distributio sit: an potius aliæ ad nutritionem, aliæ ad distributionem aptæ sint & constitutæ. Omnes vna sanè & communi cōditione seruitutis vtuntur, nec vlla operæ varietas illas seiunxit: sed singulis vtrumque datum est, tum vt in iecur chylum transportent, tum vt ex hoc in intestina sanguinem re-²⁵ fundant: neque id quidem tēporum & officiorum quadam vicissitudine, sed simul vna eadēque humorum congressione. Quanquam autem eisdem venis permiscetur chylus atque sanguis, trahentium tamen partium naturæ & desideria causæ sunt, quod diuersæ diuersa prolecent atque se-³⁰ cernant, quemadmodum in alui purgationibus, non obscure fieri depre-³⁵ hendimus. Ad hæc verò sciendum probè est, superiores venas quæ in ventriculum & gracilia intestina concedunt, minus sanè quàm inferiores humoribus è venis & ex iecore purgandis destinari. Nam in dysenteria multoque apertius in tinesmo, mordax & acris humor in crassiora intestina il-⁴⁰ labitur, quo tempore plerūque superiora nihil noxæ & incōmodi ferunt, sed cocta alimenta continent atque distribuunt, tametsi alui inferior cō-⁴⁵ tinenter prouocata humorem deiecit. Dum alimentis nonnihil purgantis facultatis permiscebitur, vno eodēque temporis momento nutritio fiet & infesti humoris secretio: hic per venas inferiores in aluum detrudetur exigeturque foras, alimentum verò per venas superiores in iecur raptum⁴⁰ concedet. Ad hunc igitur modum alimentum in iecur perlabitur, trahentibus quidem tum mesenterij venis, tum verò iecore per venas. Rapiūt autem id maximè ob conuenientis cuiusdam facultatis communionem: ve-
runtamen

runtamen aliæ permultæ sunt causæ quæ trāsuectioni celeritatem addant, vasorum amplitudo, succi tenuitas cum permeandi impetu, & attrahentis facultatis robur. Ex qualitatis quidem cognatione, vinum quàm aqua ocyus in corpus assumitur: at substātiæ tenuitas & vis quædam penetrandi, causa est vt vinum album prōptius quàm rubrum & austerum in iecur peruadat, id enim expeditius trahentis vim consequitur. Si distributio, exposita modò ratione, trahendo duntaxat perficitur, quomodo mente cōcipiemus corporis habitum eiúsque venas extra modum impleri, quod in illo habitu athletico vsuuenire cōpertum est & proditum. Nulla siquidem tum partibus abundè saturatis inest appetentia, quæ trahendi desiderium iniiciat aut stimulet. Si igitur non appetunt, neque profectò alimentum rapient. Deinde pars vnaquæque idcirco alimentū trahit, vt eo perfruatur: quod si iam plenè fruitur, nō est quod noui desiderio pulsetur, nec quod ad id trahendum sese comparet. Veritatem porrò huius rei impura
 15 eorum intemperantia illustrabit, qui tanquā gurgites & voragines de poculorum magnitudine certant & bibendo se superant. Quanquam enim multas vini amphoras exorbent & exiccant, quæ tamen ab illis depelluntur cibi reliquiæ, nihilo fiunt liquidiores: argumentum sanè quicquid vini absorbuerunt in venas id omnino permanasse. Quinetiā si tenue ac po-
 20 tens vinum fuerit ingestum, & qui ad iecur patēt aditus soluti fuerint, nec obstructio distributioni moram & impedimentum vsquam afferat, quale ferè haustum fuerat vixque vlla ex parte commutatum profundi cernitur. Quod si aliquispiam omnem huiusmodi distributionem trahenti facultati attribuit, nec vinum quantumuis tenue existimat nisi tractū in ve-
 25 nas peruadere, edoceat is quæso & planum faciat, qua ratione complura medicamenta angustas admodū vias, venasque prætenues subeant, & nullam non corporis partem peragrent. Non liceat ad trahendi facultatē con- fugere eamque molestè obtrudere, cui nihil hīc loci relictum est. Nulla enim medicamenti cum corporis partibus affinitas intercedit, imò contrā
 30 odio penitus insito, tacitisque discordiis plurimū inter se dissidēt, naturæ prorsus infensa. Quamobrem his nō excitabitur vis appetendi, nec de- mum illius impulsu trahendi facultas insurget, quæ illa tam aduersa in ve- nas & corpus alliciat. Cæterum quum illa quoquouersum permeatā, om-
 35 nia traicere & peruadere medicorum curationes multis iam seculis com- probarint: quenā obsecro huius alia potest causa probabilis afferri, quàm quòd illa aut substantiæ tenuitate, aut alia quapiam vi ingenita sibi, in cor- poris interiora penetrent? Hoc si est, quid quæso obstabit quo minus mul-
 40 ta etiam alimenta prætenui substantia aliisque facultatibus valeant, qui- bus velut impulsu promptius ferantur ac permanēt in corpus? Quum quis ad mediocritatem & ad satietatem se impleuit, omnemque cupiditatem tum ventris, tum reliquarū partium saturasse creditur, si crudus postridie se rursus ingurgitet, an nō potius humor in venas se protrudet, quàm par-
 tium vi prolectetur? Si hæc satietatē expleuerūt, cur pluribus & immodicis

Quomo-
do venæ
possint su-
pra modū
impleri.

Multa ali-
menta te-
nuitatis i-
petu i ven-
nas per-
meare.

Subterfu-
gium quo
rundam,

Cōfutatō
multis ra-
tionibus.

humorum ponderibus sese obruent? At (inquiunt) ventris ori ingenta vis est appetendi, quæ cum sensu quodam eximio indigentia atque plenitudinis molestiam percipiat, saturari quidem potest: reliquæ autem partes eo sentiendi munere destitutæ sunt, quæ quoniam satietate nulla præmuntur, naturali quodam desiderio tanquam stirpes, ex venis nullo pūcto temporis intermisso alimentum rapiunt, neque fieri potest si materia suppetit, ut aliquando illæ trahendi finem faciant. Hæc mihi videtur delicatior ut ita dicā molliorque ratio, quàm philosophi vis grauitasque postulat. Si enim partes assidue trahunt, insaturabiliter explentur, estque naturalis earum cupiditas insatiabilis. Hoc verò quid aliud est quàm partes perpetuo & insatibili malo teneri? quàm morbum cum integra valetudine cōfundere atque omnia perturbare? Bulimum quidem & diabetem affectiones præter naturam dicimus, quòd assiduo desiderio ad trahendum impellant, neque vllum agendi modum adhibeant. Similiter igitur & in nobis quantumvis bene valentibus, si partes corporis trahendi moderationem non adhibet, debent infirma atque etiā ægra valetudine censerī. Iam verò quod illi proponunt partes corporis nullum sensum habere indigentia atque plenitudinis, quem exitū reperire possit æstimemus. Hoc fixum atque ratum omnes habent, venas & habitum corporis cum supra modum implentur, plenitudinis mole veluti pondere aliquo grauari: hinc grauissima mala impendere, quæ prospiciens Hippocrates iubet habitum soluere sine mora. Hoc & natura sæpe aggreditur, dum onere oppressa & quasi extincta, miris conatibus superuacuum molem per nares, per vterum, aut mariscas à se tanquam à ceruicibus depellit. Deinde verò multis antè rationibus corroboratum est, partibus naturalem quendam sensum inesse conuenientis & aduersæ qualitatis, eoque naturale desiderium incitari. Quod si est, cur nō item molesti pōderis atque grauitatis sensus inerit? Iam si quis inest ut certè videtur, cum ad mediocritatem partes implebuntur, earum cupiditas & naturale desiderium expleri satiarique debet. Quocircā si supra hanc mediocritatem eas impleri contingat, non id solum trahētis facultatis desiderio, sed iis maximè causis quas supra recensui, fieri necessum est.

Sanguinis & humorum in iecore procreatio.

Cap. III.



Intestinis autem & ventriculo secretus à reliquo cibo succus is quo alimur, permanat ad iecur per quasdam illinc usque ad πύλας, id est portas iecoris ductas & directas vias. Sic enim appellant venam in iecoris introitu peramplam, ad quam tenues mesenterij venæ pertinent. Huc totus chylus confectus iam coctusque perlabitur, qui tamen mox rursus dispersus in omne iecur distrahitur. Quas enim venas ad portas natura in vnā coniunxerat, mox rursus in iecoris corpus disiecit, quæ quum tenues & admodū angustæ sint, non facile & celeriter potest succus distributionis impetu allatus per has peruadere. Quocircā is in iecore diu multumque

multumque cunctatur, & in transitu haret: estque tarda eiusmodi transfusio loco retentionis & moræ, quæ absolutæ concoctioni necessariò debetur. Quum igitur tanta sit venarum per iecur dissectarum exilitas, succus totus ad eius carnem propriamque substantiam proximè accedit, à qua vniuersus vsquequaque attingitur. Ob hanc verò moram diutinam, & ob exquisitam in iecore contagionem, chylo per minima quæque distributo, tum celerior, tum integrior sanguinis asciscitur species, quàm si ampla capacitate, qualis est aut cordis aut ventriculi, conciperetur. Ad quod non parum confert quòd quæ in iecore sunt venæ, tenuibus admodum tunicis sunt præditæ. Quem igitur chylum ope venarum mesenterij preparatum, & rudi quadam sanguinis forma adumbratum iecur accepit, hunc per eam moram & cōtagionem, vera & expressa sanguinis specie ornat & perficit: cuius operis non quæuis illius sine delectu particula, sed quæ duntaxat illius propria est caro atque substantia effectrix est, quanquam reliquæ omnes in id vsum quendam & cōmoditatem habent. Dum ea caro quæ substantia concretum & coactum sanguinem exprimit, allapsum ex ventre chylum sensim enititur in propriam naturam commutare, sibi que prorsus assimilare (est enim hic scopus vnus in quem vnaquæque particula caloris sui munus dirigit atque refert) primum quidem crassiorē reddit & colore rubrū: quumque iam ad quādam mediocritatem accessit, sanguis verè est & appellatur, tantò à iocineris substantia deficiens, quantò ventris chylum superat. Ex quo percipi potest sanguinis confectionem, non modò caloris beneficio, sed maximè iocineris ingenita proprietate compleri. Huius proportionem eorū quæ in reliquis partibus gignuntur humorū, ut laetis, ut seminis, concoctionem æstimari velim: ut non aliud sit concoctio, quàm imperfecta & inchoata quædā assimilatio, seu gradus quidā & aditus ad assimilationē. Geniti iam sanguinis portionem quādam familiarem ac benignam sibi iecur adiungit, agglutinat, & assimilat, non ut ventriculus aut intestina chylum, sed nutritione perfecta illam in propriam naturam conuertens. Reliquā verò sanguinis partē ceu redundantē & sibi superuacaneam, in venā cauam perlabi sinit, à qua in totū corpus distribuitur per venas sanè quam multas, in omnes partes corporis pertinentes. Cæterum priusquam hanc distributionem oratione persequamur, sanguinis procreatione paulò altius repetita, inuestigemus quānam & quales quòtque humores vnà cum sanguine gigni solent. Multum recens ab vuis expressum coniectumque in dolia, cernimus ab innato sibi calore efferuescere, mutari, & concoqui: hinc superuacanea cōparere quæ prius quidē confusa inerant, ac tū primum cōcoctionis vi secernuntur atque secedunt, alterum quidē grauius magisq; terrenū, quod in fundo subsidens fecē appellant: alterū leuius magisq; æreum, quod per summa innatat & flos vini dici solet. Simili profecto ratione chylus in iecur transfusus, cum humidus quidā liquor sit, quodammodo feruet & concoquitur, tandemque nonnihil crassum existit, feci respondens, nonnihil etiam tenue & leue flosi cōsimile, hoc bilem

p iij flauam

Iecoris retentionis.

Iecoris concoctio.

Caro iecoris opifex sanguinis, & quomodo.

Ut iecur alatur.

Quatuor humorum ortus & procreatio

Bilis tū fla-
ua tū atræ
secretio.

Vt flaua bi-
lis i cystim
trahatur.

Cystim ali-
sanguine.

Bilis ad in-
testina de-
iectio.

Vt lien me-
lancholiam
trahat.

Lien quo-
modo ali-
tur.

Purgamē-
tum lienis
quomodo
mittatur.

Pituitæ
procreatio
& locus.

flauam dicimus, illud melancholicum humorem. Hæc quidem superua-
canea, quia sunt ad corpus alendum minus idonea, idcirco sanguini puro
corporis alimento permisceri non par erat. Quamobrem natura illa segre-
gans, flauam bilem in propriam vesiculam ad iecoris portas constitutam,
melancholiam verò in splenem cōfert & reponit. Itaque vesicula proprio
ductu & via ex iecore bilem flauam attrahit, eamque synceram, nec alio
quoquam humore adulteratam, tum quòd viæ angustia crassiorem illabi
non sinit, tum quòd eiusmodi attractio maximè ex humoris familiaritate
& occulta conuenientia incitetur. Quanquam enim mordax est & acris
hic humor, vesiculæ tamen proprioque receptaculo tristis non est aut in-
festus, sed mutua cognatione iucundus & amicus, ex quo illa voluptatem
& iucunditatis sensum percipit. Caterum eo haudquaquā alitur, quòd vs-
quequaque amarus sit nullo benigno succo perfusus, sed sanguine quem
suscipit per venam conspicuam ex portis iecoris in suum ipsius collum in-
sertam. Cum bilis copia supra modum turgescit, onere se leuat quod ab se
in intestina exigit atque deponit, idque via altera quæ magna ex parte in
ieiunum intestinum contendit. Hæc secretio tum intestina ad celerem re-
liquiarum deiectionem impellit, tum eas ipsas fuluo tingit colore. Lie-
nis porrò parte concaua venam gerit à portis iecoris allatam, qua is à squa-
lido illo & melancholico humore iecur expurgat. Hūc enim insita facul-
tate, qua sibi gratus est & suauis, attrahit & in se recondit, per venarum te-
nuitates diffundens: assidua deinde opera summāq; administratione hūc
elaborat, comminuit, exerit, & in tenuiorem quoad licet succum cōmutat,
ad hanc quidem actionem tum robur innati caloris, tum perpetuam
arteriarum (quæ illic multæ sunt & ingentes) pulsationem accommodans. Qui
in splenem allicitur sanguis eum qui in iocinere continetur crassitu-
dine superat: verum cum in illius venis & arteriis elaboratus fuerit, non v-
niuersus neque crassior illius portio, sed tenuior duntaxat lienis fit alimē-
tum, & in eius carnem sensim illabatur. Id autem quāuis tenue sit, nequa-
quam tamē rubrum est, sed subnigrum lienis colore: quemadmodum qui
sanguis iecur alit crassus est & ruber: sic enim cōueniebat vnumquodque
familiari & cognato sibi humore nutrirī. Crassior autem melancholici hu-
moris portio quæ lienis vi nec molliri nec subigi potuit, tanquam ad nu-
trendum inepta, in os ventriculi proprio ductu quasi eructando eiicitur.
Hæc quidem cum austera sit & acerba, ventriculum astringit & in angu-
stum adducit, vt inde omnis illius actio firmior sit & validior. Deinde ve-
rò in ventris capacitatem relabatur: hinc vnā cum alimentis in intestina
excidit, tandem verò quia inutilis in cibi reliquiis inhærens cum eis foras
propulsatur: non enim denuò in venas & iecur illinc traducitur, vt neque
flaua bilis quæ iam dudum expulsa, alui superuacua infecit. Rursū autem
vini comparatio ante oculos exponenda est, si pituitæ ortum atque sub-
stantiam placet animo percipere. Quod bimestre adhuc est, quamuis à fe-
cibus & spuma expurgatum, gustatu tamen subcrudum, austerū & astrin-
gens

gensprehenditur, quòd crudis partibus visum effugientibus perfusum sit. Has dierum numero vini calor euincit & concoquit, indicio quòd vinum annuum aut bimum qui degustabit, iam maturatum id, suaue, plenū caloris & roboris percipiet. Sic in sanguine à quo vtraque bilis secreta iam est, crudus quidam humor confusus permiscetur, cui perpurgando natura nullum instrumentum designauit, quòd segregari excludique non deberet. Est enim quasi dimidio coctum alimentum, quod manens cum sanguine vnà rapitur in venas, vt per inedias & cibi penuriam tēpore mutetur & integrè coquatur, fiatque sanguis commodus & salutaris. Hæc pituita non quēadmodum dictus suprā melancholicus humor aut flaua bilis, superuacua censi debet, quum sit ad nutriendum apta: neque præterea mucco mananti è naribus, neque ei lentæ crassæque pituitæ similis est quam in ventre & intestinis necessariò gigni perhibent. Hęc enim ventriculi cōcoctione deficitur, vt ne succus quidem omnino sit: quā autem hīc

15 definimus ea succus est, ex bono & percocto chylo genitus. Reliquas tum pituitæ tum bilis differentias paulò pōst fusiūse persequemur.

Omnes humores simul gigni, & ab vno eodēque calore.

Cap. IIII.



20 VVM tam multiplex sit & varia humorum natura, fieri ne potest vt omnium vna sit procreatio, & ab eodem calore profecta? Sanguinem aiunt ex mediocri temperatōque calore nasci, reliquos humores ex immodico: quod ipsum variis argumentis fulcire nituntur, iis que ab hominum naturis, ætatibus, vitæ generibus, ab anni tempore,

25 regione & cœli statu ductis atque deprōptis. Ex his enim quēcūque in calorem propensiora sunt, bilem, quæ in frigus vergunt, pituitam: vt mediocria sanguinem gignūt. Si in hoc procreationis humorum summa causaque tota cōsistit, quum in vnoquoque homine calor vniūsmodi sit & simplex, vnicus dūtaxat humor proferetur. Et cui acrior ille obtigerit, ex quo

30 uis sine discrimine tum calido tum frigido alimento, nihil præter bilem gignet. Contrā verò cui natura aut ætate iam acta decursaque calor torpescit, tametsi calidiora erunt alimēta, meram pituitam procreabit. Hæc autem per se & perspicuè sunt falsa & inter se vehementer repugnantia, quæ

35 quotidie re & euentis refelluntur: quandoquidem in omnibus tum naturis tum ætatibus tum cœli constitutionibus, ex quocunque alimento, omnes humorum differentie gignuntur in nobis. Dum enim alimētum sanguinis formam commutatione nascitur, reliqui humores pariter ortum habent. Itaque quoniā hominis simplex est & eiusdem naturæ calor, con-

40 sequens est hanc humorum differentiam non calori, sed alimento ascribendam esse. Atque vt apertius id explicem, locos eos penitus scrutabor ex quibus argumenta eruuntur. Nihil prorsus communi rerum natura ducitur & consistit, quod non quatuor illa peruulgata rerū primordia quadam

Lib. de naturalibus facul. 3.

Expositio aut si manus confutatio.

Vnde diuersi humores gignantur in nobis.

missionis temperatione compleant: maximè verò quæ alimenta dicuntur ex illorum quadam mediocritate constant. Hinc fit, vt chylus ex alimēto factus, quanquā simplex & vniufmodi intuentibus apparet, reuera tamen partium diuersarum mutua permiftione concreuerit, quarum aliæ calidæ funt & tenues, aliæ frigidæ & terrenæ, frigidæ aliæ & humidæ, vt aliæ calore humoréque excellunt. Quum igitur vnus iocineris calor in tam varium & multiformem chylum agit, quid difficile existimes varios humores inde procreari, quādo maximè à naturæ interpretibus proditum est, ab efficiente causa simplici, complura diuersaque gigni, ob eam quæ in materia est diffimilitudinem? Vt simplex omnino nullum potestimenti aut chyli genus haberi, ita fieri non potest, ne ex grauissimo quidem morbo, vt omnes chyli partes in vnum simplicemque humorem commutentur. Etenim si quis melle, alliis, porris, aut capis vescatur & vino meraciore, sitque is calidiore natura & ætate florenti, nō idcirco duntaxat synceram ex his bilem, quanuis certè multam eam & feruidum sanguinem suscipiet. Cui iecur temperatum natura obtigerit, id ex ea chyli portione quæ temperata sit & mediocri substantia sanguinem, ex calida & tenui bilem flauam, ex frigida humidamque pituitam, ex frigida atque terrena melancholicum humorem efficiet: omnia quidem sui generis quandam mediocritatem adepta. Si verò vel alimentum, vel iecur, vel vtrunque in calidū verget, bilis quidem abundantior efferetur, eaque calidior quemadmodum & sanguis: & pituitosus, aut melancholicus humor minus erit frigidus: nā vnusquisque humor certa temperamenti latitudine circumscribitur, per quam diuagari potest. Ex melle nō modò copiosior, sed etiam calidior bilis quàm ex lactucis progignitur: & cui iecur est calidum, plus bilis eiusque calidioris ex simili alimento is coaceruat, quàm cui id frigidum vergit. Est igitur sanguis alius alio calidior frigidiorve, & bilis bile calidior, & pituitosus melancholicusve humor alius alio frigidior, neque suus cuique ad vnguè definitus est gradus. Ex quo intelligitur nō omnes quæ in alimento ad bilem aptæ sunt partes, in omnibus æquè corporibus in bilem conuerti, nec omnes quæ pituitæ gignendæ sunt, semper in pituitam abire, sed varietatis plurimū afferri, ex efficientis caloris vi &imenti materia, quarum iusta comparatio gignendi humoris speciem definiet. Rursum non omnem flauam bilem ab immoderato fieri calore, sed etiam à temperato, aliam quoque ab imbecillo: ridiculum enim & absōnum videatur, si quis dicat temperatū aut frigidum iecur nil prorsum bilis habere, nec alimēta frigidiuscula illius quicquam proferre. Quod obiici solet bilem duntaxat fieri à natura, ætate, regione, & alimento calidiore, non est vsquequaque verum, quòd ab aliis etiam causis proueniat, attamen ab illis maximè redundantia quædam fit & affluentia bilis supra mediocritatem: quemadmodum iecur & alimentum si frigidiora sint, pituita superfluet, si temperata, sanguinis erit vbertas: si temperatus calor & alimētum terrenum, melancholicus humor redūdabit. Cæterum nō simpliciter ex similibus duntaxat

Necessario quatuor humores in nobis gigni.

Ex chylo temperato in temperato corpore omnes fieri humores suo genere temperatos.

Bile quandoque ab imbecillo fieri calore.

taxat causis singulos ortum habere necessitas est, quum omnes vt dixi ex eodem chylo vnius caloris beneficio producantur. Iam verò id multis ænigmatum obscuritatibus inuolutum explicare cōsiliū est, vt humores quatuor simul & vno eodēque temporis spatio gignātur. Vnus quidem iocineris calor toti chylo æqualiter sese exhibet in eūque pari robore & conatu vbique incumbit: veruntamen non eius partes omnes parē mutationis modum subeunt, quòd non similis sit omnium constitutio. Hinc accidit, vt qui ex his diuersi fiunt humores, eodem tempore emergant atque compareant. Pituita enim ex frigida & cruda chyli fit portione, bilis ex calida atque tenui, sanguis ex mediocri, melancholicus humor ex frigida atque terrena. Quoniam igitur vnus idēque calor in chyli partes omnes equaliter penetrat, easque afficit, quocunque tempore ex mediocri portione sanguinem effecerit, eodem ex calidiore bilem, ex cruda pituitā, ex terrena melancholicum humorem proferet: quum enim omnibus par elaboratio accesserit, tanta necessariò consurget humorum varietas. At in-
 15 quiunt pituita frigidior est & crudior, ex hac deinde si perfectius coquatur, sanguis fiet, ex hoc demum caloris vi & exuperantia bilis: sic contendunt necesse esse vnumquodque prius leuiter quàm perfectè cōcoqui sic gradatim ad summam perfectionem perueniri. His quidem rationibus
 20 vrgent & pungunt quasi aculeis, quas tamen refellere licet. Quanquam enim pituita dicitur sanguis leuiter & modicè coctus, aut sanguinis rudimētum & quasi adumbratio, & quæ vi caloris perficiatur, fiāque sanguis: non tamen contrā necesse est omnem sanguinem parcè cōcoctum pituitam dici, aut ex hac prouenisse, vt prius pituita quàm sanguinis speciem
 25 acceperit. Hac enim ratione quicquid id est quo alimur, siue cibus, siue vniuersus chylus, pituita dici deberet, quia nondum plenam cōcoctionem obtinuit. Quinetiam si ex pituita totus fit sanguis, ex hoc deinde bilis flaua, postremo atra, vnus duntaxat humor erit in nobis, neque simul complures consistent. Deinde verò quia omnis humor coctione cogitur crassiorque fit, flaua bilis sanguine crassior euadet, nullus naturalis existet melancholicus humor, si ex bilis ardore gigni debet: nulla reddi poterit secer-
 30 nendorum humorum ratio, omnia funditus euertentur quæ de illorū ortu & differentiis veterum præceptis stabilita sunt. Non ergo humorū procreationes atque differentias ex vnius caloris vi & gradu, aut ex solis qualitatibus, sed etiam ex propria materia æstimabimus, quæ sua est cuiusque humoris propria & familiaris. Alia quidem sanguini, alia melancholico succo, alia bili flauæ subiecta est materia: neque fieri potest vt ex puro sanguine bilis gignatur & prodeat: sed vnumquemque necesse est ex conuenienti & idonea chyli portione gigni, idque simul & vnius eiusedemque ef-
 40 ficientis caloris opera.

Omnes hi
 mores si-
 mul gigni

Rationes
 eorum qui
 putāt hu-
 mores or-
 dine quo-
 dam gigni

Cōfutatō.

Nō omne
 sanguinē
 ex pituita
 fieri.

Humorū
 differentiæ
 spectantur
 non modò
 ex qualita-
 te, sed etiā
 ex materiæ
 modo.

Vt

Vt sanguis à iecore delapsus per venam cauam in omnes corporis partes diffundatur.

Cap. V.



Vrinæ à
sanguine
secretio.

Osteaquam succus quem in iecore confici & ortum accipere demonstrauius, à superuacaneis expurgatus fuerit, ruber iam & syncerus in eam venā perlabitur, quæ in conuexo iocineris sita est & caua appellatur. Hoc autē loci aquoso & tenui humore sanguis perfunditur, quo tanquā vehiculo facile & expedite in graciles & perquam angustas tum mesenterij, tum iecoris venas permanat. Hic humor quoniam alendo corpori minimè est accommodatus, perfunctus iam illo vehendi munere, & ad reliqua deinceps inutilis, è iocineris conuexo secernitur & trahitur in renes, vnde mox profunditur in vesicā. Idcirco enim venæ cauæ vtrinque renes affident mox subter iecur positi, vt expeditius celeriusque id muneris obeant. Cæterum non omnem eum humorem proliciūt, propterea quòd nonnihil illius retineri cōuenit, quo reliquus sanguis per venas in omnes partes corporis pertinentes traducatur. Itaque renes per ductus venarum emulgentium vrinam eliciūt, ad id quidem incitati mutua & cōmuni qua inter se cōueniunt familiaritate. Per amplam eam ductuum laxitatem fieri vix potest, vt syncera illa atque pura trahatur, sed cū ea tum flauæ bilis plurimum, tum sanguinis humidi ac tenuioris non modicum fertur. Vrina quidem & quæ cum ea tenuior est bilis, potest per exiles transitus qui sunt in tunica succingēte interiorem renum capacitatem elabi profundique in vesicam: at sanguis nempe illis crassior, inibi conseruatur, qui dein roris modo fusus renibus primū apponitur, hinc annexitur, demum assimilatur, & in eorum substantiam faceffit. Vrina quum prælongis validisque ductibus è renibus in vesicam depulsa fuerit, retrò commeare nō potest, quòd obliqua sit ductuum in vesicam insertio. Coaceruatur autem illic & continetur vt proprio receptaculo, ne continenter & intempestiuè eam reddere cogamur. Quum verò illius influxu vesica iā turgescit, aut acrimonia ad illam reddendam impellitur, contractis quas in se continet transuersis fibris, vrinam propellit: idque simul relaxato ex rationis præscripto eo musculo qui in orbem agitur, & qui tāquam custos vrina. Qui in abdomine sunt muscoli non parum eam expulsionem adiuuant, potissimum dum ad imum ventrem cōstricti vesicam intrò protrudunt & impense cōtrahunt. Quin & musculus ille in ceruice custos, dum sub finem emissæ vrinæ se comprimit & coarctat, omnes quæ in ceruice sunt reliquias exprimit, maximè verò quum eæ aut acrimonia aut arenis molestæ sunt & graues. Vesicam vrina non alit, sed sanguis qui per peculiare venas vtrinque in illius ceruicem insertas influit, quæadmodum sanè tum vterum, tum bilis folliculum nutriri constat. Hæc est omnis viscerum inferiorum nutritio, & superuacaneorum secretio, nunc quæ reliqua sunt simili compendio persequamur. Quando iecur quidem sanguinis officina

Vrinæ in
vesicā pro-
fusio.

Vrinæ mi-
ctio.

Vesica vn-
de alatur.

Venarum
vius i cor-
pore,

officina atque principium est, è quo tanquam è fonte alimentum defluere & in omne corpus diffundi conueniret, vt iustitię quadam mediocritate sanguis vnicuique parti cõferretur, venas inde tanquam à fonte riuulos sanguinem delaturos deduci par erat. Hæ etenim si defuissent, quæcũque iecori viciniore sunt partes, exuperantis sanguinis copia obrutæ mergerentur: quæ verò longiore interuallo distant, ab hoc destitutæ penuria languerent & extrabescerēt, quippe ad quas hic minimè permaneret. Quemadmodum igitur qui hortum aliquem summo artificio irrigare cõnituntur, ab ipso fonte aut ab amplo quodam riuo tubos cõplures, tum magnitudine tũ spaciis discretos, in omnes horti partes deducunt, sic existimantes humorem quocunque trahi commodius & consequi posse: ita profectò per venarũ productiones è iecore, partes corporis omnes iusta sanguinis mensura perfunduntur. At non vt aqua per riuulos, sic per venas sanguis sua sponte & impetu perlabitur: sed is tum iecoris vi expellitur, tum à propinquis venæ partibus attrahitur, quæ deinde in alias proximè consequentes extrudunt: ad huncque modum pellentibus quidem prioribus, trahentibus verò iis quæ deinceps subsequuntur, commoda fit sanguinis in extremas corporis partes distributio. Huc non parum momenti afferunt propriæ singularum partium vires, quæ naturali appetitu incitatæ, id ex præterlabente sanguine prolestant, quod sibi tota substantia familiare est atque iucundum, idque proprio venæ ductu ad se pertinente. Quæ inter venas media interponuntur spacia, quanquam ductus nõ habent in se directos, alimentum tamen suscipiunt, nec præparcè vt aliquis putauerit, sed abundanter: id autem halitus specie per tenues occultosque propinquarũ venarum transitus, tum excidit, tum rapitur. Non enim ex solis vasorum finibus & osculis, verum etiam, vt author est Aristoteles, per quæque angusta venarum foramina alimentum effluit, & illabatur in carnem in aliàsque particulas. Distributionis huius non prius finis erit, quàm in omnes corporis particulas nutrientis substantiæ qualitas perlata sit. Verum hoc interim temporis spacio venæ maiores quem in se continent sanguinem (nunquam enim otio perfruuntur) multò exquisitiùs elaborant & faciunt, idque aut insita sibi vi & facultate, aut ea quã à iocinere illapsam acceperunt: id enim communi medicorum consensu firmatum est, sanguinem in venis summum perfectionis gradum adipisci. Sanguis autem si mulac è venis amplioribus in angustiores, quas vnicuique parti natura dedit, attractus quasi deriuatione quadam exciderit, omni tum qualitate, tũ proprietate circumstantis particulæ sensim perfunditur, eaque commutatione partis naturam assumens, fit primus humor ex quatuor secundariis quos antè commemorauimus. Dehinc verò per oscula aut cæca exiliũ venarum foramina, roris modo multiplici lapsu & erratico in omnem partis substantiam influit, perque omnia spacia diffusus combibitur: fitque tum vera istius humoris appositio, quem non ineptè quis rorem appellauerit, quanquam non aquæ similis est, sed superiore paulò crassior. Appositus

Quib⁹ viribus sanguis per meat in venas.

Vt sanguis illabatur in carnẽ & alias partes

Lib. 2. de gen. animal. ca. 4.

Sanguinẽ in venis perfici maioribus.

Vt ex sanguine quatuor fiant humores secundarii

fitus iam hic continenter assiduo partium calore conuertitur, concoctione cogitur crassiorque fit: deinde verò coactus parti agglutinatur & adherescit: estque hic tertius humor ex secundis, qui partis tum qualitatem, tum temperamentum, nondum autem perfectam substantiam attingit. Ad extremum verò naturæ vi & vniuersa partis substantia ita concreuit, ita mutationem subit, ut ei demum perfectè & vsquequaque assimiletur. Hoc opere quod veram nutritionem perhibemus, partis substantia quædam fit carnosa, quam in secundariis humoribus loco quarto collocauimus. Itaque sanguis ut primùm in pusillas partium venas adductus fuerit, sensim mutatione ad illarum substantiam & temperamentum accedit, dum perfectè assimiletur, & ex toto expressam earum naturam referat, idque nutritione quæ omnis concoctionis est finis, & summa totius functionis naturalis absolutio. Quocirca sanguis qui ossa, cartilagine, vincula, mēbranas, & neruos est nutriturus, quodammodo (inquit Actuarius) in angustarum venarum extremitatibus iam albescit. Quum verò inter illarum partium fibras atque in media spacia illabitur, plenius sanè cōuertitur, & quædam partis similitudinem gerit. Sic quæ in ossium cauernulis & medulla (hæc enim, non autem quæ in maioribus capacitatibus concreuit, ossis est alimentum) perspicuè iam ad ossis naturam accedit: cartilaginem mucco simile quiddam circumfundit: vinculis, mēbranis atque neruis lentus quidam humor circumiectus cōspicitur. Tale autem est proximum cuiusque alimentum, quod quidem appositum iam est: deinde verò plenius confectum calore coactumque parti agglutinatur & adhæret, in eiusque naturam tandem facessit, idque propria partis vi & facultate, quæ propriè assimilans est, & alitrix appellatur. Hæc alia est in osse, alia in neruo, alia denique in aliis, ut sua insit cuique peculiaris. Simili prorsus ratione totidemque interpositis mutationibus caro alitur, non modò ea quæ musculorum, sed & quæ iecoris & quæ reliquorum est viscerum. Quum enim sanguis è venarum osculis in carnem incidēs ei apponitur, calore mutatus similem parti substantiam sumit, nec fieri potest quin medio ferè mutationis tempore crassior iam factus ei affigatur & adhærescat. Cæterum in hac multò celeriores sūt mutationes, ut idcirco vix vlllo sensu percipi possint, vixque fieri putentur. Carni enim proxima est sanguinis substantia, ut proinde leui facta mutatione ali possit: non sic autem ossa, cartilagine, vincula & mēbrana, ut à quibus sanguinis substantia longius abscessit. Non dissimili ratione nutriuntur venæ & arteriæ, quæ quanquam proximum in se sanguinem continent, quo aluntur, hunc tamen non possunt leui momento in se conuertere: sed quæ portio tunicis proximè assistit, primùm commutata albescit, moxque tanquam ros in angusta foramina venæ aut arteriæ rapitur, quibus penitus apposita crassiorque facta annectitur, tandemque assimilatur.

U
Vt ex sanguine sensim fiat nutritio & assimilatio.

Caro citius alitur quàm aliæ partes

Vt venæ & arteriæ nutriantur,

Quot

Quot concoctionum genera, quis cuiusque proprius sit humor, quod excrementum. Cap. V I.



Vnctionū igitur quæ natura duce ac magistra administratur, summa atque suprema nutritio existit. Hæc autē à natura fit, quæ spiritus calorīsq; appulsu & opera, alimētū assidue exagitat: id enim est tāquā subiecta materia in qua versatur, & in quā vires exercet suas, dum plenē & omnino in corporis substantiā sit cōuersum. At non de repente, sed longa cōtinuatāque rerū serie fit ea conuersio: multorū enim operis cōcurrentibus variē cōmutatur, expurgatur, in omne corpus distribuitur, huīcq; ad extremū assimilatur. In ea lōga distributione, multiplex incidit cōcoctio, varij gignūtur humores, diuersa itē superuacanea. Itaque assumptum alimentū quāquā vbiq; mutatur & omni corporis loco cōuersionē subit (quandoquidem vnaquæque corporis particula proprio calore, in id incūbit, & quasi culturā subigendo adhibet) non tamen vbiq; sit, cōcoqui id iure ac merito aliquispiā dixerit. Nō enim quæuis vel leuissima alimēti mutatio, qua id aut exteritur, aut mollitur, aut odore saporeve mutatur, sed duntaxat quæ à natiuo calore fit in alimento perfecta substantiæ conuersio, cōcoctio existit. Quæ perfecta futura est cōcoctio, haud quidem exiguo breuīque tempore, sed mora & cunctatione quadam absoluitur. Quocircā firmū ratūmq; esse debet eo duntaxat loci hanc fieri, vbi alimentū diu multūmq; hæret, & vis illa continendi valens est, simulque cōcoquendi facultas copioso circūfluit & abundat calore. Hoc autē tribus tantūmodo locis concessum videmus, è quibus etiā triplex existit cōcoctio, prima in ventriculo, secūda in iocinere, tertia in singulis particulis. Sua quāq; antecedit preparatio, suāque sequitur absolutio, suū cuiusque alimentū tanquā subiecta materia, suus genitus humor, suūmq; excrementū. Itaque prima omnīū est chylosis, quæ in ventriculo magna caloris vi perficitur, vertiturque multiplex & variū alimentū in quippiā vnius substantiæ, candidū id quidē & ptisanæ cōmori persimile. Huius preparatio quædam prægressa est in ore, qua nō atteritur modò & mollitur cibus, sed & leuē conuersionē subit, qualē manifestò cernimus in subrubro vino, quod pauco momēto ore cōceptū tū ardorē tū ruborē deponit. Eius autē absolutio in intestinis est, quæ ipsā modicā cōcoquēdi more vetriculi vim obtinēt. Quāquā enim è vetriculo valēt & cui integritas est valetudinis, nihil prorsus excidit quod nō plenā concoctionē acceperit, si quidē ad hāc aptum erat: quoniam tamen innatus partiū calor nunquā otiosus cōquiescit, necesse est quēcūque in intestina illabuntur perfectius quodāmodo mitigari & cōcoqui. Secunda concoctio celebratur in iocinere, αἰμάτωσις Græcis appellata. Hac enim chylus è ventre haustus, propria iecoris vi quæ in eius substantia potissimum insidet, in veram sanguinis speciem conuertitur, quam à chylo constat non modò colore, sed etiam vniuersā substantia planē diuersam esse. Hic sanē adumbrationem quandam in venis mesenterij prius accepit,

Perfecta
concoctio
non vbi-
que fit.

Triplex cō-
coctio.

Prima co-
ctio vetriculi.

Secūda in
iecore.

Tertia in
partibus
singulis.

Duae co-
ctiones co-
munes sunt
Mammæ
aut testium
coctio non
est cõmu-
nis.

Primæ co-
ctionis
quis hu-
mor, quod
excremen-
tum.

Secundæ hu-
mor & ex-
crementa.

accepit, in quibus iam ruber cõspicitur, perpolitur verò in vena caua aliis-
que maioribus, in quas è iecore lapsus confluit. Vires enim habent venæ
non solum continendi distribuendique sanguinis, sed etiam concoquen-
di, hæque à iocinere originis suæ principio & quasi fonte, quemadmodum
à ventriculo intestina mutantur. Tertia coctio in partibus fit singu-
lis, qua appositus adiectusque sanguis iam à priore natura deficiens, in ido-
neam alendæ parti substantiam conuertitur. Hæc rudimentum quoddam
& primordium capit in venis exilibus, in quibus antè diximus sangui-
nem à partis natura & calore iam mutari: eius autem absolutio est perfe-
cta assimilatio atque nutritio, omnium concoctionum finis. Priores duæ
concoctiones, in communem totius corporis commoditatem & vsum cõ-
paratæ sunt, at tertia peculiaris est & iam parti cuique sua, neque hanc ic-
circo pars vlla parat & molitur vt alteri cuiquam parti, sed vt sibi duntaxat
commodet atque proffit. Mammæ quidem & quæcunque in eis sunt glan-
des raptò tractoque sanguine aluntur, hunc in suam naturam conuertunt: 15
at in super eadem ex redundanti functionis vbertate lac generant, quo par-
tus alatur. Sic testes per vasa seminis adducto sanguine conuersoque se
nutriunt, qui adultis præstantia roboris excellentes semen efficiunt, ex
quo deinde procreatio fit & generis conseruatio. Quamquam autem hæ
partes actione sua non se solum, sed alia quoque iuuant, quoniam tamen 20
hæc extra corpus sunt, neque in illius dominatu, non vtrique generalis, sed
peculiaris duntaxat coctio dici debet. Quot partium in humano
corpore sunt differentia, totidem statuere licet peculiarium concoctio-
num varietates. Primæ autem illius generalis ad nutriendum idoneus
humor in vetriculo genitus, proprio nomine chylus appellatur, & primus 25
quod in corpore consistit alimentum. Huius autem excrementum est ster-
cus Græcis *ὠπρῶδες* & *σκατὴν*, quod reuera in vetriculo cum vtili substan-
tia confusum erat: sed cum postea è vetriculo & è superioribus gracilibus
que intestinis chyli portio tenuior rapitur in iecur, reliqua crassior, impu-
rior, & fecis æmula, in cecum intestinum vel in colū, mox in aluum irruit, 30
ubi primum fex alui dici solet. Alterius coctionis vtilis humor est san-
guis, aut si vniuersa complecti volumus, omnis humor quicunque à Græ-
cis *χυμὸς*, à nobis succus appellatur: quo nomine non modò purum synce-
rūque sanguinem, sed eos etiam qui cum sanguine gignuntur humores
naturales quidem & nutritioni accommodatos designamus. Superuaca- 35
neū autē eius est vrina, quæ è iecore & venis proleclatur in renes, ac pro-
funditur in vesicam: similiter melancholicus humor quem lienis ad se ra-
pit, ex crassa terrenaque chyli portione factus, quæ naturæ coctionem
subterfugit, neque potuit iecoris vi mutari. Est & tertium eius excrementū
flaua bilis ea quæ in fellis vesiculam recoditur: ex tenuissima hæc calidissi- 40
maque chyli portione (qualis plurimū est pinguis atq; dulcis) assa & tor-
rida, quasi flammæ acrimoniā assumit: quocirca excrementum verè est,
omnino superuacuum nec alendo corpori accommodatum. Qui autem
iam

iam ab his expurgatus est reliquus humor, purus est & mediocris succus atque secundum animantis alimentum, quod in omnes partes distribuitur. Tertiæ concoctionis opus & utilis succus est, vniuersum eorum humorum genus, quos aliquando diximus secundarios appellari, in quorum ordine eum primum collocauimus, qui in exilibus est partium venis, secundum qui tanquam ros in partes influit eisque apponitur, tertium qui affigitur, quartum qui iam in partis substantiam concedit eisque assimilatur. Huius quidem superuacanea sunt, quæcūque vaporis specie sine sensu per cutis spiracula exhalantur, & quæ paulò crassiora sordium strigmentorum que specie cuti extrinsecus adhærescunt, & sudores qui tanquam reliquiae sunt serosi humoris illuc euecti, & tenui bile perfusi. Hi enim si corpus patens nec cutis densa est, plerunque modicè erumpunt, idque sponte & naturaliter. Qui verò per se extra modum emanant, ab humore quodam inutili præter naturam fluunt, neque possunt inter naturalia excrementa referri, ut neque puris, neque saniei, neque tuberculorum eruptio. Rursum qui à manifestis causis, ut à balneis, ab immoderata exercitatione, ab æstu fiunt sudores, non modò hoc excrementi genus, sed utilis quoque humoris, nonnunquam & tenuioris sanguinis quippiam proliciunt atque dissipant. Istæ quidem superuacanea sunt communia & quæ ab omnibus particulis promiscuè dimanant, maximè à musculis & ab alijs quæ extrinsecus circumiectæ sunt partes. Præter hæc alia quædam in conspectum se dant, sua quibusque partibus peculiaria, quemadmodum pili & ungues, partium solidarum sunt excrementa, renum autem & vesicæ ea quæ cū vrinis redduntur, lienis quod in os ventriculi refunditur, pulmonum sputa quotidiana, cerebri excrementum est id, quod tum per palatum tum per nares defluit & emungitur, βλέννη, id est mucus, aut κέρυρα, id est destillatio solet appellari. Id enim ex cerebri nutritione tanquam inutile relictū est, retinetque quædam illius constitutionem frigidam atque humidā, quumque ex vniuerso cerebri corpore in amplos eius ventriculos abundantius congestum fuerit, tum demum illinc per palatum & nares exigitur. Quamquam autem id pituitæ temperamētum accepisse videtur, nequaquam tamen verè pituita est, hæc quippe in solo iecore gignitur, & in vtilium succorum numero censetur: illud cerebri planè excrementum est: hæc potest in sanguinē cōcoctione cōuertere, illud nunquā, sed caloris vi siccescit & in tophos cogitur. Huius speciem præsert ea quæ in ventriculo & in intestinis gigni procreariq; solet: pituita enim non est, sed ne succus quidem omnino: concoctionis autem primæ cruditas est quæ euinci non potuit, vel ex cibi crassa & tenaci natura, vel ex ventriculi intestinorumque imbecillitate concrefcens. Quum etiam exanguis membranosaque sit ventriculi & intestinorum substantia, necesse est & propria illorum excrementa (fex enim alui commune excrementum est) alba, frigida, lentaque inueniri.

Tertiæ concoctionis humores & excrementa.

Qui sudores sint naturales, qui minus

Quæ partibus cuiusque sunt excrementa.

Mucosum autem ventriculi pituitam non esse.

De sanguine, vtque is consistat in venis.

Cap. VII.

Sanguinē
nō esse sim-
plicē mul-
tis demon-
stratur ra-
tionibus.



ICET è iccore erumpēs sanguis in venas, ab omni super-
uacaneo humore purus expurgatūque sit, nō tamen sim-
plex is omnino est ac vniūsmodi: sed ex variis eum substā-
tiis constare demonstrat, tum ortus nostri tum alendarum,
partium necessitas. Harum enim alia calidior percipitur,
frigidior alia, rursus alia mollior, alia durior, quæ vt non
omnes ex eadem similique substantia nasci, ita nec eadem nutrirī susten-
tarīque possunt. Seminis è quo gignimur materiā palam est, non prorsum
vnius esse modi, sed in ea partes consistere varias, adhiberique crassiorem
portionē solidis, humidam mollioribus, calidam calidioribus, frigidā-
que frigidis. Et quum deinceps corporis partes aluntur ex sanguine, sin-
gulas ex simili quadam & idonea materia nutrirī & increfcere, vt idcirco
non simplex sed mixtus atque compositus etiam in ætate prouectis, san-
guis appareat. Quomodo enim partium naturæ tam variè & longissi-
mè à se dissidentes, ex vna eadēque prorsus materia cōmodè vitam suam
tutentur? Semina in terram proiecta, itēque stirpes non vno omnes a-
limento sustentur, sed alia dulcem è terra succum, alia salsum, amarum
alia, denique vnaquæque quod sibi familiare est & amicum pro alimento
haurit, à quo si fortè destituatur, mox extabescit & emoritur. Tātūmne in
stirpes beneficium atque priuilegium natura cōtulerit, hominibus nega-
uerit? In tam immensa hominum & temperaturarum varietate, omnēne
eodem similique cibo gaudebunt? Si non omnes vna cibi substātia æquē
feruat ac sustinet, neque profectò tam multis & variis partibus quæ in no-
bis sunt alendis, simplex vnum atque purum succi genus satis esse potest.
Itaque sanguis qui è iccore emerfit maioribūque venis cōcluditur, exqui-
sitè vnus & purus esse non potest. Id verò apertè in eo cōspicitur, qui secta
vena ex integrè sano corpore sit emissus. Nam præter serū in reliquo quod
concreuit partes spectantur planè dissimiles: alia quidem tenuis, subrubra
ac feruida per summa innatās, alia in imo crassa, subnigra ac verè terrena,
alia medio situ in istarū mediocritate cōsistens, per quas & quarta quædā
portio erudior effusa est. Quicquid in hac cōcretionē cernitur, medici iu-
xta ac philosophi sanguinem appellant, qui cōmuni sentētia omnes cor-
poris partes solo sanguine nutrirī, id est iusta quatuor succorum commo-
deratione pronuntiat. Quid igitur (inquies) vitiosūmne fuerit sanguinem
purissimum in nobis contineri? Si enim debet is ex variis partibus ad nu-
triendū constare, videtur non esse procurandū vt purus atque syncerus in
nobis gignatur, sed alimentorū vsu varij succi erūt in nobis accersendi. Est
hoc (fateor quidē) necesse, verūtamen non idcirco querenda sunt alimēta,
quæ varios illos procreent, sed omnes ex optimo & purissimo quoq; pro-
cedunt: vixque vlla viuendi ratio & facultas efficit, vt syncerus sanguis in
venis coaceruetur, qui tamen si talis consistat, nihil incommodi quicquā
est allaturus. Porro autem quicquid illud est in venis contentum, quod
in

Obiectio.

Solutio.

in partium corporis substantiam faceſſere debet, ſanguinem id perhibemus. Hoc quidem diſcrimine à cæteris ſeiunctum humoribus, quod è venis ſiue foras, ſiue in ventrem, ſiue in veſicâ, ſiue in vterum, ſiue in inteſtina, ſiue in thoracis ſpaciũ, ſiue in aliam deniq; capacitatem excidat, cõſcẽſcit in grumũ, quod cæterorum humorum nulli eſt conceſſum. Proxima autem & continens concretionis cauſa, fibræ eæ ſunt, quas cuncto-
 5 rum animantium ſanguis confuſas in ſe continet. Neq; enim ceruos neq; damas, de hoc numero, vt Ariſtoteles fecit, auferam & excludam, nimirũ in quibus iugulatis etſi non ſummè, coire tamen ſanguinem videmus.
 10 Quod ſi à concrectione alienus omnino is foret, nec corporis alendi, nec in ſolidiorem ſubſtantiam ſe conuertendi vim & poteſtatem haberet. Ita verò accuratè diligentèrque ſanguini confuſæ ſunt fibræ, ita perturbatæ, nihil vt ſenſus in calido etiam nunc ſanguine poſſit percipere, nihil vt in eo qui iam frigore coiuit & congelauit. Veruntamen ſeiungi hæ ſeparariq;
 15 hæc ratione conſueuerunt, ſi vel calens tepidũſque ſanguis per linteum trãfundatur, vel crebra agitatione bacillo manũve concutiatũ dum refrixerit, quo modo ſolent mulierculæ ſuillum præparare. Quinetiam quũ incifa in malleolo ſaphena, ſanguis vt mos eſt in peluim tepentis aquæ profunditur, mox vt hæc refrixerit & ad exiguum tempus conſtiterit, tota
 20 tenuiore ſanguinis portione tingetur, ad fundum autem delabentur fibræ illæ prorfus cohærentes & albæ, quæ quàm plurimos ſpecie quadam aſi-
 milatæ pituitæ in errore induxerunt. Hæ quotieſcũq; exemptæ detractęque fuerint, reliquus ſanguis & à concreſcendi ratione in quã ſua ſponte ferretur, & à nutriendi præſtatiã longiſſimè diſtabit. Fibras quidem chylus
 25 prima concoctione contrahit è ventriculo, qui ferè totus quũ neruoſus ſit, ſuam illi ſubſtantiam quadatenus impertit, qualem obtinere videmus eorum plurima quę vomitione redduntur, tum propria vetriculi inteſtinorumq; excremẽta, ſummè nimirum pituitoſa ac lenta, illapſus dein
 30 chylus in iecur, veram ſanguinis ſubſtantiam coloremq; adipiſcitur. Itaque concreſcendi vim ſanguis habet è ventriculo, cuius errore corpus omne
 35 quaſi atrophia plerunque extabefcit, ſanguine fibris deſtituto. Hinc non paucos cernimus macie conſectos, quibus tamen ſanguis copioſus ineſt, iſque bene temperatus: alios opimum corporis habitum & carnis molem conſequi, licet ſanguine conſtent calidiore. Maxima igitur & admirabilis
 40 in ſanguine facultas, ſed & magna vis eſt venarum, quæ conceptum ſanguinem coire nũquam ſinunt, niſi fortaffe ex rara quadam & abdita morbi cauſa, ex qua vidimus quempiam poſt diuturnum languorem de vita exiſſe, cui ſanguis vniuerſus in venis concreuerat, adeò vt demum coralli modo fruticãs illinc eximeretur. Non igitur, quemadmodum Ariſtoteles
 45 affirmat, conſeruandi ſanguinis facultas in venis eſt ex caloris tepore, quũ & reliquũ corpus omne tepescat, ſed ex ingenita quadã vi & familiaritate, quæ proſectò efficit vt hæ naturalis & legitimus locus ſint ſanguinis. Huius apertũ id eſto inditium, quod in mortuorum venis refrige-

Propriæ
ſanguinis
notæ.

Sanguis om-
nis cõcre-
ſcit ob fi-
bras quas
habet.

Venæ ſan-
guinẽ con-
ſeruant, ne
cõcreſcat.

ratus etiam sanguis non concreſcat, quem tamen in viuentium inteſtina, aut in ventriculum ac veſicam irruentem, tepor à concreſtione non præſeruat. Quicquid igitur venæ concludunt & intra ſe cohibent, ſiue craſſum id atque nigrum ſit, vt liquidam picem repræſentet, ſiue flauum, ſiue profuſum album aut liuidum, cuiuſcunque demum ſubſtantiæ ſit aut caloris, ſi ex his profuſum mox dureſcit atque coit, id vniuerſum ſanguinis appellatione complectemur: quanquam non omnis huiuſmodi, ſecundum naturam eſſe, & vitio carere exiſtimandus eſt.

Sanguinem in venis, non trium, ſed quatuor humorum permiſtione contineri, quòtque eius ſint differentiæ. Cap. VIII.



Valiſcunque autem iſ fuerit, chymus id eſt ſuccus appellatur, qui interdum bonus eſt, vt in euchymia, interdum malus, vt in caco-chymia: & vterque quoniam in partium ſubſtantiâ effuſus fibrarum vi còcreſcit atque coit, alere dicitur. Sed bonus, qualis in bono atque etiã in athletico habitu conſiſtit, probè, malus verò vicioſè, vt in vtroque ictero, in leucophlegmatia. Qui porrò bon⁹ ac laudabilis eſt ſanguis, ex partibus conſtat & ſubſtantiâ & temperamēto & colore variis. Has bonos ſuccos appellant, quibus ex quadam temperamenti affinitate humorum ſuperuacuatorum nomina ſunt indita. Nam ſanguinis pars tenuiſſima calidiſſimâque, bilis etiã appellatur, melâcholicus ſuccus, pars quæ craſſa, frigida, ſiccâque eſt: pituita, quæ cruda nēpe frigida eſt & humida: ſola verò ea quæ tum ſubſtantiæ, tum qualitatum mediocritate quadam continetur, peculiari ſanguinis appellatione notatur. Non deſuerunt qui ſanguinem vniuerſum exiſtimauerint non ex quatuor, ſed ex tribus duntaxat permiſtis ſuccis conſtare, nempe ex pituita, & bile tum flaua, tum atra. Hi non aliud eſſe ſanguinem putant, quàm trium ſuccorum mediocrem & commoderatam permiſtione: neque præter hos quartum ſanguinē purum in venis contineri, ſed ne cogitatione quidem percipi contendunt, hac potiſſimum ratione, quòd ſeorſum tres humores poſiti ſunt, ſanguis autem purus nullus extat. Addunt ſanguinem dum corrūpitur, in tres eos omnino humores conuerti, neque ſanguinis quicquam ſeorſum manere. Cùm igitur tres hi ſucci equabiliter aucti ſunt, ſanguinem per id temporis dominari ferunt, ſin inequabiliter, eum duntaxat qui reliquis eſt ſuperior, à quo totum ſanguinem aut pituiſum, aut bilioſum, aut melâcholicum dici volunt. Simillimam demū in lacte rationem haberi, quod tribus duntaxat ſubſtantiis continetur, præter quas nulla eſt quarta, quæ lactis nomine designetur, ſed totum quod ex iis tribus idoneè temperatis conſiſtit, lactis nomen ſibi aſſumere. At verò ſi partes chyli intentis oculis & animo cernemus, & eas tum ex ſubſtantiâ, tum ex qualitatibus coniugationibus ſpectabimus, non modò tres, ſed quatuor ſient earum differentiæ, ex quibus quatuor etiã ſucci proueniunt. Quinetiam ſi partium corporis, quas hi

Rationes
eorum, qui
dicunt ſan-
guinē eſſe
trium hu-
morū per-
miſtione.

Conſutatio.

hi nutrire debent varietas perpendetur, vt quædam se offerent, ad quas tres reliqui humores accommodari possunt, ita quædam etiam deprehenduntur calidæ & humidæ vt caro, quædam temperatæ vt cutis, quæ nõ nisi puriore sanguine nutrirî possunt. Quocirca necesse omnino est, præter tres reliquos succos, purum sanguinem etiam in venis haberi, eumq; longè reliquos multumq; superare. Inepta igitur & iniqua censeri debet sanguinis cum lacte collatio: nec dum sanguis corrumpitur, vniuersa eius substantia in bilem tum atram, tum flauam facessit, sed etiam pars quædam manet, aut nondum corrupta, aut corrupti sanguinis speciem ostendens. Itaq; qui intra venas grandiores coërcetur, quatuor illis succis perfunditur, sed ea proportionē vt in temperata & mediocri constitutione, purus sanguis multum antecellat, cæterisq; præstet: ab hoc deinde pituita, quia dulcis est, potestque in sanguinem conuerti, & compluribus partibus nutriendis est necessaria. Tercio loco est melancholicus succus: omnium autem paucissima est flaua bilis, tum ob nunc commemoratas rationes, tum etiam quod illius quàm bilis receptaculum capacius & plenius deprehenditur in nobis, quodque ex venæ sectione, si sanguis asseruetur, plus subsideat lutulenti, quàm per summum innatet biliosi. Ea quidem est quatuor succorū in sanguine permistio. Cæterum id nõdū satis liquet, sintne ij veri humores, & quales in suis conceptaculis puros esse intelligentia sensuque comprehendimus, anve ad illorum duntaxat speciem atque similitudinem accedunt. Magna quidem & cōtrouersia plena disputatio, quod difficile sit intelligere, vt humores puri ac veri consistant in venis. Etenim quæ (verbi gratia) propriè verèque bilis dicitur, vsquequaque lutea est & prorsus amara, ad corpus nutricandum neutiquam habilis & accommodata, nimirum quæ ne propriæ quidem vesiculæ, à qua ingenti sensus voluptate allicitur, alimentum sit. Eius quippe substantia supra omnem sanguinis est mediocritatem, atque aded à nutriendi benignitate desciuit, vt nulla caloris efficientia, nulla concoctionis præstatiā vnquam possit in familiarem atque alimentariam reduci. Nec est quod dicat quispiam, non hanc synceram & puram, sed sanguini permistam corpus nutrire. Si enim omni substantia totòque genere alimenti rationē excessit, quoquomodo benigniorum temperatione perfundatur, integram omnino pristinamque naturā reserua-bit, atque benigniora fortassis in corporis substantiam facessent, illa certè nunquam, quæadmodum neque lapidis aut ferri puluis tenuissimus, quāquam cum pane est accuratè subactus, nutriendi vires consequitur. Quocirca bilis ea quam in sanguine atque in venis teneri fatemur, vera haudquaquam est, neque eius similitudinem speciemque gerit quæ in folliculum reconditur, maxime si integrè sanū est corpus. Hoc & sensu cōproba-mus, nullam animantium partem (sed ne pulmonem quidem, quem tamē vnum præ cæteris ea nutrirî asseuerant) commanducatam bilis amarorem referre. Quin & totus sanguis dulcis est in sanis, qui tamen si amara bile perfunderetur, eius sapore inficeretur, quemadmodum si fellis tantulum

Quatuor
humorum
in sangui-
ne propor-
tio.

Non esse
synceros
humores
in venis.

q. iiii. lactis

lactis copiae iniicias. Præterea vera bilis si cum sanguine in corpus perferatur ut in ictero, corpus flauo defœdat colore, nil autem tale sanis accidit. Iisdem propè rationibus demonstrari potest, nec atram bilem, nec superuacaneam pituitam fieri posse conueniens vsquam corporis alimentum. Ex quibus intelligitur quatuor humores, qui in sanorum sanguine continentur, synceros non esse, nec eorum naturam exprimere, qui in bilis folliculum atque in lienem coniecti sunt. At nihilominus ab æstu, ab exercitatione, à balneis, à calidiorum causarum vehementiori occursatione, non ambigimus partem sanguinis tenuissimam in flauam bilem eamque amarā conuerti, quemadmodum & reliquas sanguinis partes persistente similibus causarum impetu, in affinem sibi & finitimum humorem. Idem propè accidit, & quum ex vehemēti obstructione orta putredo, sanguinis molem inuaserit. His ergo ex causis præter naturam alii humores à sanguine gignuntur in venis. Quinetiam plerunque in has permeant ex aliarum partium vitio: bilis quidem flaua quum iecur immodico calore flagrat, aut quum vesicula fellis, velut in ictero intercluditur: melancholicus succus quum lien vel obstructus, vel quauis ex causa imbecillior factus, non potest sanguinis limum prolicere: pituita quum ob frigidiorē intemperiem ingens oboritur cruditas, tum ventriculi, tum iecoris, ut in leucophlegmatia. Ab his igitur causis puri atque vitiosi humores in venis sanguini permiscuntur, è quibus illos demum cernimus per multa morborum genera foras subter cutem erumpere. Ceterum corpus quod omnino sanum & integrum est, quacūque etiam id tēperie naturaliter sit affectum, si nec alimentorū vitio, nec aliis externarum causarum iniuriis laceffitur, puros atque synceros humores nullos habet in venis sanguini permistos, sed eo duntaxat modo quem nunc exposui. Viderine potest Hippocrates his contrarium attulisse? Libro quem de humana natura conscripsit, hominem ait quoad vita fruitur omnia in se cōtinere, sanguinem, pituitam, & vtramque bilem. Epoto enim medicamento quod pituitā educendā sit idoneum, pituita euometur: eo autem quod bilem flauam purgat, bilis: eo quod atram elicere natum est, atra bilis purgabitur: sin vulnus acceptum fuerit, sanguis profluet. Hæc autem accidere cōpertum est quouis die ac nocte, hyeme & æstate. Verè quidē hæc sunt ab Hippocrate pronuntiata, veruntamen quæ ex corpore, non è venis necessariò, sed aliunde etiam detrahuntur, bilis quippe ex hepate & è proprio folliculo, pituita (si vera pituita dici ea debet) è ventriculo & intestinis, melancholicus humor è liene, in quibus locis solet eorum humorum aut potius excrementorum copia affluere. His etiam qui incorrupta sanitate sunt, idcirco difficiles fieri censuit purgationes, quòd quum desint affines & cognati quos medicamentum trahat humores, sanguinem id & carnes colliquefacit, quòd ex his proprium alliciat humorē. Quibus quidem verbis significat, sana corpora cum sanguine reliquos humores in venis reuera non habere, sed potestate duntaxat: quia fieri potest, ut medicamenti, aut aliarum quas dixi causarum

Hippocratis
sententia
interpretatio.

*bilis vtraque & pituita
sunt in sanguine permiscæ*

causarum vis & vehementia, ex varijs partibus sanguinis, varios excitet & proliciat. Hinc iam constitui possunt & explanari sanguinis naturalis differentia, quod alius substantia sit mediocri & colore ruber, qui pulcher rimus & optimus appellatur: alius magis flauus & consistetia tenuis, alius crassior atque nigrior, alius demum liquidior & albior. Quum autem à pristina natura desciscens, vitio corruptelaeque deprauatur, & è limitibus iam excessit, non naturalis appellatur. Excedit autem bifariam, aliàs paululum ob leuem modicamque intemperiem substantiae mutationem, nulla ex parte in aliud humoris genus conuersus: hic quidem etiam tum sanguis est, tamen naturalis minimè, aliàs multum, quum vel proprio contaminatur vitio, vel alieno perfunditur humore, atque hic nō simplex sed ex multis permixtus est humoribus. Hæc de sanguine, nunc ad cæterorum humorum differentias pergamus.

Sanguinis
differentia.

Sanguis nō
naturalis
duplex.

Pituita & vtriusque bilis differentia.

Cap. IX.



Vmoris quidem appellatio quanquam propriè Latinis qualitatem duntaxat eam designat, quæ Græcis est ὑπόχρως, medici tamen ad omnem etiam profluentem & liquidam substantiam hoc nominis accommodat, vt id sit humor, quod etiam Græci ὑπόχρως propriè dicunt: quicquid in corpore profluens liquidumque cernitur, siue id chylus est, siue mucus, siue sputum, siue vrina, siue sudor, siue sanguis, siue pituita, siue bilis, tum flaua tum atra. At quum genus hoc omne in species diuidendū distribuendūque erit, percensentur quidem humorum alij toto genere superuacanei, hos suprà vniuerso excrementorum genere sumus complexi: alij verò ad nutriendum & corpus sustentandum apti. Horum autem genus duplex, chylus & chymus, ille fortassis cremor, hic succus rectè nobis appellabitur. Est quidem chylus in ventriculo: at succus in iecore ortus, & ad corporis nutritionem præparatus. Succorum autem alij primi sunt & prægredientes, alij secundarij & consequentes, quorum iam antè rationem breuiter explicauimus. Primi succi quatuor numerantur, sanguis, pituita, & bilis, tum atra, tum flaua: hi enim singuli quemadmodum & secundarij, constitutionem acceperunt ad corpus alendū, licet id quandoque non præstent, neque præscripto fine potiantur. Itaque succorum alius naturalis, qui & omnino utilis est, alius non naturalis, qui non satis probè alere potest. Similiter excrementorū aliud naturale, quod in corpore optimè sano naturæ legibus provenit, aliud præter naturā. Naturale aliud utile, quod vsum quempiā confert in corpore, vt bilis in vesicula, & quæ in liene est melancholia, aliud prorsus inutile, vt fex alui, vrina vesicæ atque sudor. Non naturale est, quod citra naturæ præscriptum à causis præter naturam gigni solet. Itaque tum pituita, tum vtrique bilis triplex est omnino, alia ad nutriendum apta quæ alimentaria dicitur, alia superuacanea, quæ aut naturalis est, aut præter naturam. Bilis alimentaria est sanguinis pars

Humor
quid.

Humorū
differentia.

Succus
quid.

Excrementorum
differentia.

Triplex est
vniuersusque
succus

Bilis excre-
mentitia &
vtilis.

Bilis natu-
ralis du-
plex.

Bilis vitel-
lina præter
naturam.

Auicennæ
error de
bile.

Tres bilis
species in
stomacho
genitæ.

pars tenuissima, per venas distributa, tū vt affines nature suæ particulas nu-
tricetur & alat, tum vt reliquo sanguini qui præ crassitudine, non sine mul-
to negotio, per venas perlaberetur, transvectionis promptitudinem affe-
rat: quod quum præstiterit, siquid minus vtile restet ac superfluat, id vnā
cum sudoribus defluit & foras erumpit. Superuacanea ē sanguine tan-
quam excrementum in bilis vesiculam amandatur, proprio deinde ductu
in intestina illabens, tum ea ad excrementorum deiectionem stimulat, vn-
de & fuluo colore infecta comparent, tum lentam & adhærescentem illis
pituitam detergit & exturbat, quæ alioqui immodicè aucta, in grauissima
incommoda deduceret. Ea ferè flaua existit & mediocritatem quan-
dam tum substantiæ tum caloris obtinet: ex qua tenuis cuiusdam humoris
permistione, altera procreatur colore pallidior & substantia tenuior, vtra-
que licet superuacua sit, naturalis tamen est & naturæ legibus continetur
in nobis. Gignitur & interdum bilis præter naturam, genere quadruplex.
Vna est vitellina, Græcis λευκοχροὴς appellata, quam flaua à naturæ modo
deficiens profert, dum caloris non naturalis acrimonia torretur, vt ex ful-
uo igneum colorem, & ex tenui substantia crassiorē dissipatione conse-
quatur, quæ & colore & crassitudine omnino vitellorum crudorum ouo-
rum speciem offerat, à quibus nomen sibi ascit. Auerrhois rectè mihi
videtur Auicennam erroris insimulasse, qui vt multa alia peccat, in vitelli-
næ opinione turpissimè labitur, contendens nimirum hanc fieri, dum pi-
tuitæ aut melancholiæ portio flauæ bili permiscetur. Hinc in bile egregia
illa comminiscitur maioris & minoris famæ genera, quæ quàm plurimos
in designandis febrium differentijs, mirificè ne dicam ridiculè implicatos
& circumretitos tenent. Hac enim opinione vitellinam bilem frigidiorē
redderet flaua & naturali, quam tamen multis partibus ardentiorē esse
inter omnes constat. Adde quòd simplicium humorum differentias dinu-
meraturus, quasi inconstans aut certè iam sui immemor, ex eorum permi-
stione noua quædam & inaudita simplicium genera inuehere conatur.
Quas tres hætenus cōmemorauimus bilis differentias, omnes in icore
generantur atque in vasis. Præter has autem aliarum par numerus recen-
setur, quæ sæpius à præcordijs originem habent: vna est porracea Græcis
παραχρῆς, altera æruginis similitudine ῥωδῆς dicta, tertia ροιῶδῆς, glauco aut
ceruleo colore glastum referens. Harum gignendarum esculenta quædam
vitiosa & mali succi non modò occasio, sed etiam causa fiunt, cuius gene-
ris censentur, allium, porrum, cæpa, nasturtium, & sinapi, maximè eorum
folia. Dum enim nequeunt à ventre deuinci, neque in chylum cōuertī, ac
colorem suum magna ex parte retinent, primū ex illis fit porracea, quæ
si infixā diutius hæreat & commoretur, persistente ventris incendio, in æ-
ruginosam commutabitur: hæc demum in eam quæ glasti colore tineta
apparet, minū quidem viridis quàm superiores, sed tantò illis deterior,
quantò propius ad nigrum colorem accedit. Gignuntur & hæc genera
nonnunquam in venis ac iocinere, idque per morbos graues & ardentissi-
mos

mos, qui vehementi caloris incendio bilem vitellinam exurunt, & in hæc genera deducunt prorsus pernicioſa quidem & exitialia. Ex his demum ſummè uſtis fit & in conſpectum ſe dat atra bilis ea, quæ omnium eſt humorum deterrima. Melancholiæ autem multæ ſunt differentiæ, vna quidem qualitatibus mitior, quæ cum ſanguine in venas peruadens corpori alendo eſt idonea. Hanc medicorum præcipui viſi ſunt μέλαινα καλὴν χυμὸς, οὐ μέλαινα χολήν id eſt atrum vocare ſuccum, non atram bilem. Sicuti plerūque melancholicum ſuccum vel melancholicum ſanguinem, non atram bilem. Superuacanea eſt, quam lien ſanguinem expurgans, è iecore proli-
 10 cit & in ſe recondit. Hæc quemadmodum & quæ in folliculo eſt bilis, ſanguinis quidem non autem corporis excrementum eſt, quippe quæ & lieni & ventriculo non mediocriter conducatur. Quocirca naturalis eſt, & non dum atra bilis, ſed ater humor nuncupari debet. Quantum verò huius vel exuſtione, vel non naturalis caloris vi putreſcens, acidam aut acerbā qua-
 15 litatem aut acrimoniam contraxit (idem enim putredo quod vehemens incendium ſolet efficere) id quaſi in cinerem conuerſum, conuenit atram bilem nuncupare, quæ omnino præter naturam ſit. Eſt autem ea triplex, vna ex melancholico ſucco vel humore profertur, quæ aut putredinis aut caloris ardore quaſi in cinerem conuertitur. Hæc calida quidem, eſt acris
 20 & mordax, eo discrimine à ſuperuacua naturali diſſidens, quo ſex uſta ab non uſta. Quem dico cinerem non ei parem exiſtimo, qui exuſtis lignis manet, haudquaquā enim poſſunt humores omni ſuo liquore ſpoliari: ſed ita ſummam dico humorum ſiccitatem & quantam maximam poſſunt in corpore ardoris vi conſequi. Altera ſpecies ex ea fit bile quam vitellinam
 25 dixerunt. Exuſtione enim hæc primū in porraceam, deinde in æruginoſam, poſt in ceruleam, nouiſſimè in atram omnium pernicioſiſſimam cōmigrat, quæ tantò certè deprehenditur malignior, quantò bilis melācho- lia eſt acrior. Ea enim eſt quæ in terram impacta, fermenti more & quodam quaſi æſtu efferueſcens, hanc iactat & excutit: quæ ſua craſſitudine
 30 parti ſe affigens adhæreſcensque, eam arrodit & exulcerat: quæ demum in perniciem ſemper excernitur: quanquam horum omnium vitiorum altera etiam quodammodo particeps eſt. Ex ſanguine nulla proximè bilis atra profertur. Nam ſi ſanguinem ſtatuamus vel incendio vel putredine in venis torrerī & conflagrare, prius quidem neceſſariò pars eius in bilem flauam, pars in melancholiam migrabit, ex quibus deinde non aliæ
 35 quàm duæ commemoratæ fieri poterunt atræ bilis differentiæ. Quum autem ſanguis è venis illapſus fuerit in ventrem, in inteſtina, aut in aliam interioreſſimam capacitatem, illic quidem primū cōcreſcit in grumos, tādēque putreſcit. Excernitur is plerunque liquidæ picis modo nigerrimus,
 40 ſummè malignam, ac ferè venenatam qualitatem adeptus: hic tamen tum nomine, tum re ipſa ab atra bile diſſert, quādoquidem extra venas à ſe diſcedens non in alios conuertitur humores, ſed totus concreſcens humor eſe deſiit, nec tum humor dici poteſt, ſed corruptus grumus. Neque ex pitui-
 ta

Melancho-
 lici humo-
 ris differe-
 tiæ.

Vtilis &
 nutriens.
 Excremen-
 taria.

Præter na-
 turam tri-
 plex.

Atra bilis
 quæ ex vi-
 tellina fit,

Atra bilis
 nulla fit ex
 ſanguine.

ta dulci fit bilis atra. Nam quæ ex cerebro stillat, aut quæ in pulmonibus,
 in ventriculo, aut intestinis coaceruatur, vehementi calore durefcit, vti
 mox erit manifestius, nūquam in alterius humoris speciem mutatur: qua-
 re neque potest ex ea atra bilis suscitari. At verò pituita salſa quoniam ca-
 loris cuiusdam præter naturam est particeps, si vehementius & prorsus tor-
 reatur, acrem, atramque bilem gignit, quæ tertia species est, vnde intelligi
 potest non omnem atrā bilem ex melancholico aut bilioso humore nasci.
 Porro autem pituita quæ verè & propriè dici meretur, succus est alimenta-
 rius, totiusque sanguinis portio crudior, quæ & sanguis ex dimidio coctus
 appellari solet. Permanat hæc in venas, tum vt partes frigidas & humidas,
 cuiusmodi est cerebrum, alat: tum vt si aliquando penuria erit sanguinis,
 in eum conuerſa reliquis etiam partibus in alimentum cedat. Neque verò
 vt sanguinis forma plenè exornetur, necesse est in iecur ea recurrat, sed ve-
 næ ipsæ ad id operis perficiendum, satis virium & caloris obtinent. Cæte-
 rum neutra bilis potest vlla vi in sanguinis mediocritatem & benignitatē
 reduci. Licet enim quandoque aded refrigeretur, vt fortasse qualitatum
 mediocritatem assequatur, non potest tamen substantiæ benignitatem re-
 cipere. Atque hæc quidem alimentaria pituita dulcis existit. Ex qua aliæ
 duæ præter naturam emergunt. Vna est quæ acida vocatur, summè qui-
 dem cruda, & quæ præter primam ventriculi confectionem, vix vllam aut
 minimam in iecore atque venis accepit. Paucus admodū calor ei inest qui
 perfacile dissipatur & euanescit, atque tum pituita necessitate quadam co-
 acefcit. Par enim atque vna ratio est ac in plerisque fructuum succis, qui si
 non multo præditi sunt natiuo calore, posteaquam spōte sua efferbuerint,
 mox in breui coacefcunt: quibus autem valentior impertitus est calor à na-
 tura, ij vt vinum generosum, diutius in integritate sua persistunt. Altera
 pituitæ species salſa appellatur, ex dulci hæc putrescente nata: quum enim
 portiones eius quædam vi putredinis assæ, reliquæ dulci substantiæ permif-
 cebuntur, salſum hunc saporem inducent, quod & in maris aqua fieri de-
 monstrant. Tres hæc pituitæ species consistunt in venis, prima quidem na-
 turalis, reliquæ duæ præter naturam: quarum omnium materia à iecore
 sumpta est & initium duxit, qualitas autem aliunde irrepsit à causis quæ
 contra naturam sunt. Superuacua pituita extra venas consistit, cuius sunt
 differentiæ quatuor. Vna est pituita tenuis & aquea, qualis plerunque a-
 quæ modo stillat è naribus, aut è cerebro in plurimas corporis partes illa-
 bitur. Altera censetur mucco similis, quam corporis calor ex illa tenui ob
 modicum lentorem cuius particeps est, ad mucci consistentiam coëgit.
 Hæc si calor vi & appulsu tantam adipiscatur crassitudinem, vt iam par-
 tibus conclusa possit adhærescere, vitrea tum appellabitur, quæ tertium ge-
 nus est. Ad extremum verò cum ex concretione sic iam durefcet, vt à lapi-
 dis aut gypsi duritia non procul absit, quarta tum emerget quæ multi gyp-
 seam appellant. Hanc sæpe deprehendimus in pulmonibus & in digito-
 rum articulis, accepto quidem ex distillatione principio, tādē in extre-
 mam

Atra bilis
 tertia fit
 ex pituita.

Pituita nu-
 triens.

Pituita aci-
 da.

Salſa.

Pituitæ ex
 crementi-
 tiæ qua-
 tuor gene-
 ra.

Pituita vitrea

mam topi & calculi duritiem euasisse. Ea certè omnis est atque integra humorum explicatio, ex qua liceat cognoscere qui ab excrementis, quive à venarum succis, ortus sui primordia acceperint, nūc de animalibus functionibus transigendum nobis est.

De animalibus functionibus.

Cap. X.



Vemadmodum alitrix illa, quin potius tota naturalis pars animæ, in vnum corporis alimentum prorsus incumbit, suasque omnes in id gestiones confert: sic altera pars animæ quæ sentiens est & appellatur, in iis rebus externis versatur, quæ circuniectæ sunt nobis, totaque negotiatur ut illarum cognitionem capiat, suisque ministris & nuntiis sensibus rerum omnium notiones in se comprehendat. Hæc illius motio, hæc agitatio, qua assidue concitatur & impellitur, quæ qua ratione obiri perficique solet, verbis explicare conabimur. Sentiens anima quemcunque illa substantiæ modum est adepta, cerebri corpus tanquam propriam arcem ingentiumque domicilium elegit, omnium quas dixi facultatum vires in se suoque quasi sinu coplexa. Has quidem propriis quibusdam functionibus & muniis exponit, ad quas varia instrumenta confert & accommodat. Omnium primum spiritus est animalis appellatus, qui ex vitali per ceruicis arterias in contextum admirabilem sublato, primum elaboratur, deinde in interiore altero cerebri contextu, qui à secundis nomen habet, vi cerebri ingenta in animalem conuertitur. Illic noua specie & dignitate præfulgens, sentientis animæ vires consequitur, & ad illius cuncta munia illo se splendore aptat & comparat. Hoc plurimo conferti sunt ventriculi, interiorésque cerebri sinus, unde tanquam è iugi fonte per neruorū ductus & canaliculos, tum in sensuū instrumenta, tum in musculos motores profluit. Hic autem quum iam insidet, aliam fortassis speciem ex partis natura suscipit, qua particulatim illi addicta est, eiusque seruitio prorsus mancipatur. Quod si est, non vnus idemque fuerit videndi, audiendi, odorandi, gustandi, atque tangendi spiritus, quin etiam ab illis longius distabit qui motioni destinatus est. Alterum instrumenti genus ex crassiore magisque terreno corpore constat, ut in quo tum spiritus ille, tum externarum rerum imagines conceptæ seruari debent. Non vna id eademque vbiq; substantia præditum, neque vniufmodi sed multiplex & varium. Interiorum motionum cerebri corpus instrumentum est, quod varia & multiplici sua conformatione ad omnes animi actiones agitationesque sese iungit & applicat, visioni verò oculus & qui ad hunc pertinet nerui, auris auditioni, odorationi nares & cerebri papillæ, gustatui lingua, tactioni tangentium neruorum propagines, ut motioni duriores & muscoli in quos illi se fundunt, ancillantur & ministrant. Varia hæc sunt instrumenta corporea, in hisque spiritus siti dispares & varij: sic & facultates quæ ab illis omnem agendi rationem acceperunt, neque

Sentientis
animæ vis
& materia

Spiritus
animalis
primū in-
strumentū

Corporis
instrumen-
ta.

Varia sen-
tientis ani-
mæ instru-
menta.

Quo di-
stet sensuū
actiones,

Sonus ut
fiat.

Auditio ut
fiat,

Odorū ef-
fusio,

Insecta &
pices ut
odorantur

que quicquam possunt citra illorum opem præstare, non modica varietate distinctæ sunt, tamen si omnium vna est eademque substantia. Quæ igitur sic comparata sunt organa, ut in subiecta conformataque materie familiarem quandam spiritum obtineant, in eoque spiritu facultatem, quæ organi species est & ratio, ea quidem idonea fiunt & cōcinna suis muneribus obeundis. Quæ qualiter compleri absoluique possint, hoc iam contextu sigillatim aperiā. E sensibus externis alij contrectando munere suo funguntur, ut tactus & gustus, qui non nisi coniuncta sibi percipiunt, alij medij cuiusdam corporis interpositu sentiunt, ut visus, ut auditus, & olfactus. Corpus autem id medium intercedens, aut aër est, aut aqua: vtrūque enim elementum ad inuentionem eorum quæ sentiuntur idoneum est: nam colores & sonos per aërem percipiunt quæcunque terrenæ gradiuntur aut serpunt animantes, per aquam verò aquatiles. Dura itaque & solida corpora, quum aut in aëre, aut in aqua inuicem colliduntur, sonum edunt ac strepitum, in hac quidem obscurum, in aëre verò perspicuum: maximè verò si illa leuia sint concaua & ampla, quæ celeribus & magnis ictibus confligant. Aër igitur qui inter dura corpora confertim & impetu in se incurrentia continetur, primū sonitum efficit. Hic quidem non illinc abiungitur, ut ad auditum ipse accedat, sed proximum sibi & continuum aërem commouet, atque hic repente alium, donec successione continenter ad auditum motus perferatur: quo more in fluctibus cernitur alter alterum trudere, qui pulsus deinde sequentem impellit. Hinc accidit, ut non simul ac corporum allisio conflictusque inciderit, sed aliquantō post ictum sonus audiatur, priusque à propinquo quàm à longinquo. Sic exterior aër agitatus impulsusque, per aurium tortuosos & flexuosos anfractus motu perplacido, citra vllam turbam fertur, peruaditque adusque interiorē illum aërem membrana obtensa conclusum, & auribus ingentum. Huic autem membranæ affidens, blandè eam ferit & concutit, ut ea agitatione tota strepat & personet. Externus aër tum demum cum interior illo continuatur & adhærescit, illiusque interuentu audiēdi spiritui, qui cum illo implicitus est, confertur: hoc demum exploratore & ministro recepta strepitus imago, ad sentiendi principium transmittitur. Sed hæc apertius iudicabuntur æstimabunturque ex odoradi ratione. Nam cedrus, thus, alique odores incensi calefactique suauē & iucundum odorem spirant, qui in arido quasi fumo situs est. Hic sensim tanquā vapor per intermedium interiectumque corpus conuolat & sparsus euehitur. Medium autem id corpus, aut aër est, aut aqua, nam pisces & aquatilia quæque, quāuis spiritum non ducant, odorari tamen comprobatur est. Quanquā verò iam odor propius ad nares appelletur, non tamen prius poterit respirantibus animalibus odorandi sensum mouere, quàm viæ quæ è naribus per os summum & meninges in cerebrum pertinent, patefiant, possitque vnā cum attracto ductoque spiritu, odor ut ad pulmones, sic ad cerebrū olfactumque permeare. At quibus promptus atque expositus in aperto est odoratus,

odoratus, neque operculo tanquam vallo quodam communitus, vt apibus & insectis (sic enim recentiores Latini, nec ineptè appellant) ea ad odores è longinquo conueniunt, & citra vllam respirationem olfaciunt, ipsique odores non attracti illorum sensum feriunt & incitant.

5 Quod ipsum piscibus & his quæ in humore degunt accidit. Nam sine anhelitu & spiritus reciprocatione videntur odorari. Ad illorum similitudinem accedit & visio. Color enim aut fulgor perspicuum medium collustrans, in conspectum oculumque cadit. Id medium aut aër est, aut aqua, aut vitrum, aut cornu, aut aliud quod istorum naturam imitatur.

Color.

10 Hæc autem si idonea futura sunt ad videndum, perlucida fieri oportet & luminis præsentia collustrari. At lumen neque corpus est, neque quicquid quod à corpore excidat aut defluat, alioqui pedetentim neque puncto temporis posset medium omne circuniecctum illustrare, neque in perspicuum corpus omnino penetrare. Itaque lumen est actus & perfectio perspicui,

Lumen.

15 ex lucidi corporis præsentia. Quicquid aspectum ciere debet, id si simplex color est, in medio perspicuo eoque illuminato oportet constitui: si verò splendidum & fulgens est, vt fungus, vt putre & præaridum lignum, vt vermis, & quicquid noctibus collucet, conspici quidem non potest in lumine, quia exiguum eius lumen, maioris splendore offunditur: at in

vide Motum.
lumen quid

Vt obiecta
visum moueant.

20 tenebris istorum vnumquodque videtur sensumque ferit, quod proximū & circumfundentem aërem leuiter illustrat, vt se potissimum vendicat à tenebris. Ignis verò quod ancipitis sit naturæ, & in tenebris & in lumine videtur: noctibus enim suo lumine propinquum aërem illustrat, vt non is modò, sed alia etiam videri possint: interdiu verò perspicuum iam me-

25 dium tanquam color aliquis mouet. Fit autem visio quum perspicuum illuminatumque aërem medium rei color aut imago afficit, aër deinde adusque oculum protensus affectusque aspectum concitat. Tum enim rei aspectabilis imago per pupillam in crystallino humore excipitur. Hinc demum prouehente spiritu, per opticos nervos in cerebrum & commu-

Visio vt
fiat.

30 ne sentiendi principium confertur. Hoc autem discrimine ab auditione & oratione seiungitur, quod in his motione non derepente, sed paulatim per media facta, sensus feriat: in visione autem non progressionem, sed subito facta medij aëris mutatione, quemadmodum & luminis

Visio quo
differ ab
aliis sensibus.

35 appulsu, rei species cernendi obtutum statim mouet. Vnde intelligi potest non defluentibus quibusdam quasi exuiis à re conspecta ad oculum demissis visionem fieri, quia non continuò vt obiecta res est videretur: & prius propinquo quàm distant se proderet. Adde quod tanta coloris aut imaginis amplitudo exiguo oculo excipi non possit. Neque

Multarum
opinionū
confutatio

40 præterea visio fit, foras à conspectu erumpente lumine, quod cum alio externo iunctum coëat: nec spiritus radio ab oculo per medium in obiectam rem incidente, qui pari angulo resiliens in obtutum referatur. Quomodo enim tantus prodire possit, qui repente ad astra vsque pertineat, omnemque interiecctum aërem quantus est impleat? Quod

r ij ad

ad istius fidem afferri solet de basilisco, aut muliere cui menstrua defluit purgatio, inefficax prorsus & irritum videtur: nam neque basiliscus hominem interimat, neque mulier quum menses profluunt speculum præsertim æneum polluit atque sædat, videndi spiritu ab oculo manante, sed tetro quodam & diro vapore, qui foras vt ab ore & à reliquo corpore, sic etiam ab oculis erumpit & emanat. Hæc est eorum sensuum ratio, qui nõ nisi medij cuiusdam interpositu obiectas sibi res comprehendunt. Gustus autem & tactus medio corpore non indigent, sed coniunctione quadam & contrectatione functiones suas obeunt. Etenim si vel sapor in gustandi neruum, vel calor, pungensve stylus in nudum apertumque tangendi neruum incidit, eximie & acriter sentitur, quanquam nulla caro media intercedit. At verò si aut pupillæ rem candidam adiciet, aut aëri qui auribus est ingenuus strepitum inculcabis, aut in narium ductus odorem penitus immittes, nulla omnino vel obscura erit perceptio. Itaque sapor succo humorique permixtus, aut (si rectius mauis) in humore constitutus (eius enim qualitas quædam est & affectio) simulac adhibetur ad moueturque linguæ, diffusus cum humore gustum incitat, mōxq; species eius, & imago vi spiritus in primatem sensum infertur. Quod si fortè in duro concretoque corpore, vt in sale sapor erit, id non antè poterit sensum mouere, quàm calore liquefactū & dilapsū diffundatur. Quicquid autem mollitia fluere & effundi non potest, gustandi sensum prorsus non afficit: quæadmodum neque cui arida & scabra lingua ex morbo torretur, is bonus esse potest saporum aestimator. Tactionem porrò fieri constat, si tractabiles qualitates qualescunque eæ sint, aut carnis, aut etiam nullius corporis interuentu proximè ad tangendi neruum accedant. Contendit Galenus in extremis corporis partibus tactū proximè fieri, nulla qualitate per neruos in sentientis animæ principatum relata: neruum cerebri, veluti furculum arboris partem esse, in eoque cerebri totam vim contineri, quæ tractabilium qualitatū affectiones discernat: in eo autem sensus facultatē consistere, in quo quidem & sensus inest doloris. Quod profectò si conficit, idem de aliis quoque sensibus erat afferendum. Horum siquidem nerui tum molles sunt, tum substantiæ cerebri finitimi, vt idcirco ad illius naturam propiùs debeant quàm tangentes nerui accedere. Deinde verò quæ tangendi neruis interceptiones, & obstructions obtingunt, subditis particulis sensum motumque adimunt: quod dilucidè cōmonstrat tangendi vim non esse neruis ingenuam, sed à cerebro quemadmodum & reliquas continenter defluere & illabi: neque externum tactum posse rerum qualitates diiudicare, sed instrumentum duntaxat eius esse facultatis, quæ princeps in cerebro confedit, illucque oportere omnium sensa conferri. Hæc singula mihi satis videtur Hippocrates duobus confirmasse aphorismis, quorum altero ait. Dolentes parte aliqua corporis, si omnino dolorem non sentiunt, iis mens agrotat. Altero, Duobus doloribus non eodem in loco infestantibus, qui vehementior est, alterum leuiorem obscurat.

Hoc

Qui sensus medio non indigent.

Gustatus vt fiat.

Tactio vt fiat.

Lib. vii. de placitis Hippo. & Platonis.

Expositio, aut fortè confutatio

Hoc igitur omni sensui commune est, vt perpetiendū sentiāt: primū enim sensus omnis ab subiecti corporis qualitatibus afficitur, mutationēque subit. Hæc ista mutatio sensus nondum est, sed quæ fit eius apprehensio atque cognitio. Quum enim princeps illa sentiendi vis ab arce cerebri per neruos in sensus singulos distributa, affectiones quæ illis obtigerunt percipiet, tum quodammodo & rudiùs sentire dicetur: propriè verò quum eas cerebro communi sentiendi principio renuntiabit. Sensem autem affici immutarique ab externis qualitatibus, non sic propriè audiendum est, vt priore qualitate excussa nouam accipiat: neque enim à colore albescit oculus: neque à sono exacuitur aut obtunditur auditus, neque à dulcedine palatum dulcescit. Sed vt aureum sigillum in ceram, non aurum, sed imaginem imprimit, sic propemodum & res externæ sola forma sensum impellūt, eorumque simulachra & species sine materia ad sensum perueniunt, quas hic foris illas intra se admittit præaltè condensas. At verò quam sensus imaginum impressionem dicitur accipere, non partium eminentia, vt quæ annulo signatur, iudicamus. Nam colori, sapor, odori qualis figura decernetur? Nullam igitur ille conuersionem mutationēve sustinet, neque priorem statum exuit, quin potius dum in rerum cognitionem & iudicium incumbit, quem statum habebat, agendo gerendoque excolit, perficit, & confirmat.

Vt sensus
affici dicatur.

Sensus interioris functiones.

Cap. XI.



Væ sic communiter in sensus omnes ab externis rebus inuehantur imagines, non modò habentur & consistunt, dum sensus in gestione actūque sunt, sed etiam quum ab iunctis rebus externis ab opera discessere, moram quandam in illis trahunt atque retinentur. Ita enim si quis de Sole in opacum se conuertat deflectatque, primū offusus nimio splendore nihil cernit, deinde veluti album quiddam aut viride, quod in puniceū mox se conuertet, proximè in purpureum, atque ita deinceps in alia, postremò in atrum, à quo demum euanesceat. Si quid rubrum aut viride conspexerit, quicquid deinde ob oculos incidet, concolor apparebit. Si ocysimè in labentem amnem oculos coniiciat, ex ea vertigine quæcūque stant in littore moueri videbuntur. In aliis porrò sensibus à validis ingentibusque sonis strepitus relinquatur: à vehementi fædòque odore, olfactus fæditatem aliquantum retinet, fitque in reliquis similiter. Iam verò sensuum instrumentis acceptæ formæ illæ speciesque rerum, mox per neruorum capacitates atque ductus vehente spiritu in cerebrum commeant: adeò vt quum sensus exterior rerum quæ foris sunt occursum pulsatur, interiorem pariter impellant & excitent illarum simulachra. Hæc enim sensus interioris obiecta sunt, in quæ is incumbit, quemadmodum externi in res externas sibi obiectas. Itaque species illæ rerum ab externis sensibus præteruehantur & permeant in commune idemque principium,

Rerū species in sensibus aliquantum consistere.

Vt sensus interior afficiatur.

r iij in

in quo sita est primaria sentiendi anima, huic sensus suis quique officiis omnia annuntiant spiritu inuecta, quæ ante se posita prima cognoscendi facultate comprehendit ac percipit. Estque illius munus perceptio atque
 Cognitio cognitio: quæ si fixa est, attenta & diuturna, cogitatio aut meditatio dici solet. Atque quanuis expers ea sit corporis, indiuidua & vna, quia tamē complurium potestatem habet, multa & varia cognoscit, horū discriminā cernit, eaque tandem diiudicat. At nequaquā illa componit cōnectitque, vt ex eis verum aut falsum quicquam constituat, aut vllam argumentationem concludat: id enim solius est mentis & intelligentiæ, de qua mox dicetur. Verū quæcunque comprehenderit simplicia & indiuidua si-
 Di sceret mulachra, aut seorsum illa discernit, aut temerè congesta, nulla copulatione, nulla complexione in acervum confert. Quò fit, vt actio ea qua vel galina pullos primū cognoscit, deinde discernit, vel ouis lupū inimicum
 seu distin- prehendit, secretio potius censeatur, quā iudicium aut existimatio. 10
 cio. Sub hæc autem insurgens & in opus erumpens cōseruatix illius facultas, suscepta è sensibus simulachra amplectitur & continet, mōxque tum propria vi & potestate, tum illorum adnixa & impulsu, in cerebri corpore illa insculpit & consignat, citra vllum materiæ vestigium, ea autē diutius manent abeunte & cessante omni rerum cognitione. Hæc quidem eorum cōseruatio quædam est memoria, quam frequens stabilit meditatio. Spectra 20 cerebro inusta aliàs alia se magis minūve expromunt & obijciunt animæ sentienti, prout illi strius obscuriūve impressa fuerint. Inter vigilias igitur quum externarum rerum turba & occurratione primarius sensus non admodum distractus tenetur, tum simulachrorum stimulus agitur in ea penitus incumbit, atque tum vsus comminiscendi illa & fingendi facultate, 25 quæ Græcis est φαντασία, illa quidem per se, & vt simulachra sunt, obuertit, aliàs quidem simplicia & qualia fuerant insculpta, aliàs commista atque confusa citra vllam compositionem aut copulationem. Neque hoc tantum, sed ex illis quoque nouas formas & simulachra effingit, quæ nunquā sensibus percepta fuerant, & in ea plerumque trahitur, quæ rerum natura 30 & vniuersi ordo non admisit, vt in Sphinges, Hippocentauros, tricipites homines, atque in huius generis monstra innumera. Hæc eadem altius sese attollens, nonnunquam (vt ouis viso lupo) ex spectris horrendum quiddam & formidolosum comminiscens, inimicitiam elicit sensu non perceptam: at si delectamentum quoddam iucundè comprehendet, vt o- 35 uis conspecto benigno pastore, amicitiam suscipiet & inducet. Sic tamen illa fingens omnia commiscet & congerit, citra aptam compositionem, ex qua verum aut falsum elici possit, & citra vllam rationis complexionē, quæ serie quadam rerum & sententiarum ex aliis alias connectat. Hæc quidem sunt beluarum functiones præstantissimæ, iis quodammodo re- 40 spondentes, quas ratio & intelligentia in nobis efficit. Verū tamen quanto hæc interuallo distent ab illis, palam & apertum fiet de sequentibus. Ab actionibus autem discernentis facultatis hæc distant & eo discrimine seiunctæ

etæ sunt, quod illæ sint comparationes & collationes quædam eorum quæ ex sensibus hausta acceptæque fuerant, hæ verò nouæ sunt cōfctiones formarum, quæ sunt supra sensum, ab his ductæ quæ aliquādo sub sensum inciderant. Iam verò quum accidet primatem sensum sic derelicta serua-
 5 tæque spectra contueri, vt non illa per se duntaxat contempletur, neque ex illis in nouas effigies abeat, sed ex illis vsus opera facultatis memorandi in res externas se referat, vnde spectra illa prodierant, simulque percipiat se aliquando illas cognouisse, tum meminerit earum, eritque ipsa illius actio memoria, non illa quidem patiendi, sed planè efficiendi. Eæ quidem
 10 sunt functiones omnes, quas primarius ille sensus & promiscuus, inter vigilias facultatum suarum opera obit & exercet. At quando fieri non potest vt perpetua sit sensus agitatio, sed necessum est, quum spiritus vigilis supra modum disperditi fuerint atque dissipati, agitationis vigorem prolabi & quietem cessationemque suffici, tum procul dubio arctior somnus
 15 obrepet. Aut quum multa corporei vaporis exhalatio vi caloris è vino & cibis in principem sensum efferetur, quod pueris & temulentis ferè obtingit: aut quū larga frigidi humoris eiūsque superuacanei copia superioribus sedibus se immiscuerit velut in lethargo, vbi quasi nexu quodam & impedimento, sic primus sensus offunditur, vt se minimè possit extricare:
 20 somnus utique intercedit, & functiones omnes concident deiectæque, manus dant sopori. Si arctior atque profundior somnus occupat, non modò externi sensus, sed & interiores facultates consopitæ iacent, vt neque discernere, neque fingere & cōminisci quicquam possint, nullamque in illas vim habet spectrorum turbulenta concursio. Vnde tum nul-
 25 lum insomnium offendit, aut obuersatur: eaque ratione statim à cibo non somniant animalia, neque quum primum egressa in lucem sunt, vt infantes. Si verò contrà accadat, vt leuiter quis obdormiat, neque vaporis humorisve copia discernendi comminiscendique vires obterat & præstringat, licet tum fortasse multa ante sensum visa, multæque motiones obu-
 30 sentur, eas tamen insomnia non dicimus, vt neque is verè somnus est, qui minimum à vigilia deficit. Quum enim hoc tempore & statu incolumis sit & libera vis discernendi, quæcunque tum simulachra vim illam ficticem exagitant & impellunt internoscit & detegit, neque illorum errore trahitur: sed quū nocturna spectra occurrent, agnoscet tum se dormire, tū
 35 somnia ea esse quæ videntur, neque illis tanquam veris assensum adhibebit. Eodem prorsus modo afficiuntur, qui in leni nec profunda quiete, aut canum latratus, aut gallorum cantus excipiunt, de quibus tum quoque sibi somnia confingunt. Cæterum dum ex causarum mediocritate sic placidus & moderatus somnus obrepit, vt discernendi quidem vis of-
 40 fundatur, fictrix autem facultas libera sit, nullisque quasi vinculis irretita: ex rebus quas vigilas gesserit, senserit, cogitauerit, spectra plurima in quiete iactabuntur, quæ tanquam res veræ sint dormiens intuebitur ac cernet. Vis enim discernendi tum vineta constrictæque non obsistit, atque iccir-

Memoria
efficiens.

Somnus.

Insomniū
quādo nul-
lum fit.

Insomniū
falsum.

Insomniū
quādo ve-
rè fit &
quomodo.

Somni

Insomnio
rum varie-
tas ex cor-
poris affe-
ctione pro-
uenit.

co ad ea quæ visa sunt quasi accepta sensibus veraque sunt, assensum dot-
miens adiungit, nesciens se dormire. Atque id propriè somnium est, nem-
pe visum quod in quiete occurrit, tanquam verum sit existimatum. Eadè
propemodum ratio reddi potest eorum quæ delirantibus per morbos ap-
parent. Cur autem & vnde accidat, vt tam multiplex & inaudita viso-
rum copia obuersetur, & vnde possit tanta illorum varietas trahi: non aliò
sanè potest referri quàm ad corporis humorumque affectionem variam-
que perturbationem. Affectio enim & constitutio causa est vt in somniis
atque delirationibus, alij metuenda & horrenda terrorisque plena iacent
animo, alij iurgia quædam furiosa & effrenata, alij delicias & voluptates
plenas iucunditatis. Sic & perturbatio quæ corporis aut spiritibus aut hu-
moribus obtigerit, causa est omnino vt spectra & effigies rerum vehemen-
tius agitata appareant, non quales veræ sunt, sed distortæ, præposteræ &
portentosa, quod frequens esse solet in temulentis, & in iis qui febre iacta-
tur. Quibus autem quieta & tranquilla omnia consistunt, nec fluctuantia
nec immoderatè agitata, solidæ & incolumes à sensibus effigies se obie-
ctant, distincta digestaque sônia occurrunt, ad veri similitudinè expressa.

Vt fiant appetitio atque morales actiones.

Cap. XII.

Appetitus
triplex.



Causæ quæ
mouet ap-
petitum.

Vt fiat ap-
petitio
quæ libido
dicitur.

Ppetitio motus est & interior quædam agitatio, qua quod²⁰
bonum est & vtile quæritur. Quum autem vt anima tri-
plex sit omnino, ea quæ naturalis appellatur cunctis rebus
est ingenita, & nunquam separabilis semper illis insidet:
reliquæ non item. Quæ sentiens & animalis dicitur,
fit dum appetitus aut ab iis quæ intus sunt rebus, aut ab²⁵
iis quæ extrinsecus irruunt impellitur. Res interiores sunt veneris ardor
& stimulus in pudendis ortus ex semine: ventriculi maximèque stomachi
exinanitio & immoderata siccitas: sanguis aut bilis in cordis sinub⁹ effer-
uescens. Externæ autem res sunt, quæcunque subiectæ sensibus illecebris
& cupiditatum lenociniis eos prolestant & irretiunt. Itaque si in puden-³⁰
dis congesta est seminis copia, ea primò pruritus quendam & titillatio-
nem naturaliter inuehit, hæc deinde sensum, mox verò interiorem sentiē-
di facultatem mouet, non modò vigilantibus, sed & plerunque dormien-
tibus nobis. Ab animaduersione demum rei delectabilis vt appetitus im-
pulsus fuerit, eam quàm mox ardentè expetit: atque tum in conditionem³⁵
stimulantis rei se conuertens, libidinem parit, quæ ipsa est propria venere-
orum cupiditas & appetitio. Quum stomachus supra modum exinani-
tus tristi quodam sensu afficitur, comprehendens vis illa interior irritata,
cibum & epulas cōcipit, illarumque spectra sibi obuersat, quæ deinde ap-
petitui oblata, eum inuitant & alliciunt, hic demum concitus captusque⁴⁰
rerum suauitate, in illarum desiderium fertur, & in eam cibi auiditatem ir-
ruit, quæ fames appellatur. Haud dissimiliter aridiore facto stomacho, si-
tis accenditur, quæ humidi frigidique desiderium est. Vtranque appe-
titionem

titiōnem, sitim inquam & famem genus vnum comprehendit, quod est
 cupedia. Ceterū circa cor bilis aut sanguis efferuescens, illud vsquea-
 deo incendit, vt odij, inimicitiae, aut vindictae imagines communi sensui
 obiectet, quibus apprehensis excitatur animalibus appetitus, qui cordis ir-
 5 ritamento, compulsus in interiorem animi perturbationem, seu bonum
 quoddam sit, incurrit: vniuersum hoc appetitionis genus Græcis est *θυμω-
 σις*. Quum porrò rerum externarū blandimētis pulsatur vis illa interior ap-
 prehensens, mox in illarum desiderium cōmunem sentiendi appetitū
 adducit, qui ardenti rei utilis desiderio inflammatus, mox deinde peculia-
 10 rem quendam appetitum irritat & illicit tanquā administrum, vt am-
 borum communi concursu & opere appetitio proueniat. Quaecunque
 boni malive specie nobis obiecta fuerint, ea si cum ratione sequimur aut
 fugimus, tum appetitio est rationis particeps: quum autē aduersus rationē
 incitatur vehementius, & delectationis vis est maior quā rationis, tum
 15 contra mentis decretum allicitur appetitio quæ ratione vacat. Primum
 igitur ab obiectis illis turbido motu & inimicissimo mentis vitæque trā-
 quillæ ratio concitatur & inflammatur, quūque illa se sæpenumero iac-
 tant inconstanter vt animi statum conturbent, perturbationes insunt.
 Hæ autem cū iam diutius inueterauerint, & tanquam in venis medullis
 20 que infederint, tum morbi existunt & agrotationes, quarum omniū fons
 & veluti genus est intemperantia. Sic enim quum insurgit vehemens vini
 appetitio, neque adhibita ratio hanc ipsam persanat & restinguit, tum ex-
 citata iecoris & stomachi cupedia se fatiat ebrietate, quæ si frequens erit,
 nascetur demum ebriositas: hæc quidem agrotatio est & affectio manens,
 25 illa verò perturbatio mouens. Similiter solent ceteri intemperantiæ mor-
 bi nasci, inherere, & penitus inferi. Sic iugi formosæ mulieris intuitu &
 apprehensione, cōmunisque illius & promiscui appetitus incitatione, in-
 testes & pudenda promotio fit & illapsio feminis ac spirituum: vnde li-
 cet nulla prius subesset interior causa, tum nihilominus libido incēditur.
 30 Sic non modò homines sed equi & beluæ, audito tubarum sonitu strepitū-
 que armorum, exandescunt animique impetu rapiuntur. Sic quum quis
 læsus est iniuria, eius apprehensione vis animosa cordis, quæ eius est appe-
 titus Græcis dicta *θυμωσις*, incitatur, quæ cum eam vindicare & vlcisci cu-
 pit, neque rationis mansuetudine lenitur, tum ira exardescit: hæc si mox
 35 desistat, exandescencia dicitur: si inueterata sit, odium: si acerbior, dis-
 cordia: si vlciscendi tempus obseruat, inimicitia. Horum omnium of-
 fensio contraria est verecundia. Quum vehemens est de diuitiis expeten-
 dis opinio, cordis appetitio non refrenata rationis liberalitate, in auaritiā
 effertur, cui cōtrariam offensionem habet prodigus. Quum denique ma-
 40 ximi fient optimique iudicabuntur honores, horum stimulis hæc vis in-
 flammata, in ambitionem trahetur, cuius contraria est animi demissio &
 abiectio, mediocritas autem animi magnitudo. Sic quidem futuri bo-
 ni opinione excitari solent cupiditates. Ceterū futuri mali apprehensio,

Animi pa-
 themata et
 cupidita-
 tes vt fiāt.

Appetitus
 vt ab exter-
 nis causis
 moneatur.

Appetitus
 rationis par-
 ticeps.

Perturba-
 tiones mor-
 bos præce-
 dunt, vt a-
 ctus habi-
 tum.

Vt a causis
 externis
 incitetur
 omnis ap-
 petitus.

*ira
 exandescencia
 odium
 discordia, inimicitia*

Offensio
 seu defe-
 ctio cōtra-
 ria exope-
 rantia.
 Cupiditas
 est futuri
 boni.
 Metus fu-
 turi mali.

Aegritudi-
nes animi.

Volupta-
res animi.

Gaudium
Lætitia
Inquietudo

In quæ bo-
na fertur
vnūquod-
que genus
cupidita-
tis.

si adeò vehemens erit, vt superato spretòve rationis imperio animus forti-
tudine non consistat, tum metu conturbabitur: qui si malum propinquū
est, timor: hic autem si permanet, formido: si laboris metus erit, pigritia di-
cetur: si valde concutiat, terror: si mentē de loco mouet, pavor: si vltra pro-
cessit, exanimatio. His modis quæ cupiditas mala & contraria censuerit, s
solet effugere. Vbi verò iam mala instabunt, aut sperata bona non acce-
dent, animi fient ægritudines: dolor quidem crucians, angor premens, lu-
ctus ex interitu, mœror cum fletu, lamentatio cum eiulatu, ærumna cū la-
bore, afflictio cum vexatione corporis, sollicitudo cum cogitatione, mole-
stia permanens, desperatio sine vlla rerum expectatione meliorum. Con- 10
trà verò si potiatur rebus secundis, aut aduersis ipse careat, voluptate per-
fruetur: hæc autem si placida est atque constans, gaudium dicitur, si pro-
fusa & inanis, lætitia: si magis gestiens & se efferens insolentiùs, iactatio.
Ex quibus intelligitur animalem appetitū vnicum esse, qui cupiditas ap-
pellatur, sed dum singulis sese accommodat, varias parit cupiditatum dif- 15
ferentias, honoris, gloriæ & diuitiarum ambitiones, quæ ad θύμωσιν & ani-
mi impetum referuntur, quâsque Plato ex corde nasci cōmemorat: quum
verò corporis bona procurat, cupediam & libidinem exuscitat, idque pri-
mum ē iecore. Vnde quum tria sapiētia studiosi bona statuerint, alia cor-
poris, alia fortunæ, alia verò animi: quūque omnis appetitio boni cuius- 20
dam aut veri aut euentitii gratia sit, in idque referatur, quæ ex iecore sur-
git concitatūque appetitio, in corporis bona duntaxat irrumpit: quæ au-
tem ex corde manat, in fortunæ externis bonis versatur: at quæ animi sunt
bona, hæc sola voluntas appetituum regina consecratur, de qua seorsum
mox differetur. 25

De progressionē & tactione.

Cap. XIII.

Animam
externas
functiones
instrumen-
tis perfec-
re.



Spiritus a-
nimalis as-
sidua pro-
creatio,

Voniam verò vna appetitio cuncta animantia ad mouen-
dum impellit, proximum his est vt de incessu atque tactio-
ne contemplemur. Horum quidem operum facultates v- 30
na continetur essentia, quæ in cerebri corpore collocatur:
sed quæ tamen variis instrumētis vsa, vnicuique tum ope-
ri, tum facultati peculiare quoddam & idoneum accommodat. Nō enim
tutum fuerat essentiam illam animæ in cerebro tanquā in arce positam, in
longinquis & extremis corporis partibus munia quædam obire, nisi fatel- 35
litibus & suarum virium quasi internuntiis vteretur. Quocirca in omnes
sensus externos, in omnes corporis partes, quæ extra arcem illam & extra
caluam posita sunt, anima spiritus emittit tanquam ministros & por-
titores viriū quas à se diffundit, munus quæque suum expleturas. Interio-
res autem functiones & munera plenè exequitur, citra vllum spiritus sub- 40
sidium. Itaque spiritus is verè primum censi debet animæ instrumētum,
quod ad externas functiones accommodatur: deinde nerui, mox sensuum
organa & musculi. Quòd magna quidē assidue fiat in motibus sensibul-
que

que spirituū dissipatio, necesse est magnam istorū vim & vbertatē in arce
 cōtineri. Eorum materia cōtinenter ē corde per carotides suggeritur, præ-
 paraturque in admirabili contextu, ac dein in choroide vi ambiētis cere-
 bri in animalem spiritum conuertitur, qui priores ventriculos prorsus im-
 5 plet. Ex his autem in sensus & musculos, hac ferè lege distribuitur. Cerebri
 corpus iugi constantique agitatione, cordis more, ex se & sua sponte mo-
 uetur, nunc se in amplum diffundens, nunc in angustum reducens: qua-
 propter inter meninges inane spatium natura reliquit, quantum cerebri
 10 dilatationi conueniret. In eo motu dum cerebrum se contrahit, compres-
 sisque lateribus interiores sinus coarctat, spiritus ē prioribus ventriculis, tū
 in posteriores, tum in sensuum instrumēta profundit. Dum autem sese la-
tius explicat & aperit, ex contextuum arteriis vitalem spiritum, ex nari-
bus aërem allestat & attrahit. Hoc ipso temporis momēto via quæ ex ter-
 tio ventriculo in postremum ducit, prorsus conniuet, & ab insidente epi-
 15 physsi cui à verme nomen est, inter glutia cōcidente atque prolapsa inter-
 cluditur, vt nihil spiritus possit tum ex postremo illo sinu in mediū remi-
 grare. Contrā verò accidit in cerebri contractione: epiphyssi enim sublata,
 ipsisque glutiiis amplius diductis, via patet liberior, qua spiritus ex tertio si-
 nu in quartum influat. Quantum igitur cordi valuerit, tantum cerebro ver-
 20 mis & glutia conducunt. Sic diffusi dispersique spiritus, irrigant implēt-
 que sensuum instrumenta: sic postremus ille ventriculus spiritu semper cō-
 fertus est, qui leui quadam mutatione accepta in eam capacitatem illabi-
 tur & influit, quæ per spinæ longitudinem porrigitur. Excauata enim est
 tota hæc medulla medio intimoque ductu: & qui ab hac prodeunt nerui
 25 maiores, suis ij quoque exortibus & initiis luculenter caui sunt. Quocirca
 in hos etiam animalis spiritus ē medulla defluens illabatur, qui demum in
 extremas tenuissimāsque neruorum fibras diffunditur, tametsi hæ præ exi-
 litate cauæ non sunt, neque vllam viæ productionem sustinent. Hoc igitur
 loco quāplurimi in quæstionem disceptationēque vocant & que-
 30 runt, ipsane spiritus animalis substantia dum motus sensusve instituitur,
 cōmeet in neruos. Hanc quidem vsque cō influere, dum manifesta sit me-
 dullæ & neruis capacitas, perspicuum quidem est, de quo etiā inter omnes
 planè constat. At longius in reliquas partes dimanare, pauci admodū sibi
 persuaferant. Quamobrem? Quoniam, inquiunt, hæ excauatæ non sunt.
 35 Quasi verò spiritus qui tenuissimus est patentem alueum vbique deside-
 ret, neque sensum illabens possit neruos irrigare. Si alimentum quod ner-
 uos nutricatur & alit, in eorum substantiam irrepit & penetrat, si crassus &
 lentus humor, si pingue oleum instillatum penitus illos subit, quid causæ
 est cur spiritus animalis, tenuis ille quidem & æthereus, nō possit omnem
 40 eorum substantiam quoquoersum peruadere? Quemadmodum igitur in
 neruos opticos oculorum, & in medullæ capacitatem, inque neruorum o-
 rigines hunc illabi & influere sensus iudicat, ita & eundem in reliquam il-
 lorum substantiam pertinere, hæc rationum momenta confirmant. Adde,
 intelligi

Spirituū ani-
 malem nō
 solum per
 manifestū
 canalē di-
 stribui.

Spirit⁹ ani-
malis di-
uersus à vi-
tali, vector
est faculta-
tum.

Spirit⁹ ani-
malis ner-
uorū dūta-
xat robur
cōtinēt &
feruat.

Voluntas
prima est
motus cau-
sa efficiēs,
sed nō prae-
cipua.

Animi in-
tentio ad
motum est
necessaria.

intelligi vix posse qua ratione conueniens virium facultatūque distribu-
tio fiat citra vectorem spiritum. Quum vitalis spiritus in animale com-
mutatur, à cerebro eiusque meningibus nouam speciem, & vires nouas as-
sumit asciscitque sibi: quas demum tanquam actionum opifices in nervos
sentientes, tangentes, ac mouentes secum prouehit. In his autem semper
presens adest, quoniam iugis illa quam commemoravi cerebri agitatio, eū
assiduē profundit atque distribuit. Quāquam verò semper in nervis dum
sani sunt spiritus hic adest, nō tamen necessariò motum efficit, sed neruo-
rum duntaxat & musculorum robur & firmitudinem tuetur ac continet.
Quidnam ergo aliud præter hunc spiritum, motionem sensumque confe-
ret: estne hoc ipso quicquam præstantius? Explicandum hoc planius & fu-
sius est. Sensuum instrumēta neruique omnes & muscoli, spirituum virium-
que animalium continenti illapsu & aspiratione firmantur, simulque sta-
bilimen & præparationem quandam ad obeunda munia assumunt: hoc
certè argumēto quòd præpeditis & obstructione quadam interceptis viis,
velut in paralyssi, non modò sentiendi aut mouendi spes adimitur, sed om-
ni prorsus robore dissoluto languescunt. Dum verò accepto spiritu omnia
suo robore constabunt, bene instructa & composita erunt ad opus, & tum
integrè functiones suas obibunt: sed modo planè diuerso. Sensus enim ex-
ternus perpeffione quadam percipit, quum subiectarum rerum incidenti-
bus qualitatibus mutatur & afficitur. Non sic autem motus, sed sola actio-
ne is perficitur, nulla re extrinsecus irruēte: quum primum enim appetitus
aut voluntas mouēti facultati per nervos & musculos cum spiritu diffusæ
imperauerit. in quācunque illa partem intenderit, cōtinuò illius mouens
facultas concita motū exercet & imperio paret. Est quādoque hoc volun-
tatis imperium, promptum quidem & euidens, sed plerunque obscurum
vsque adeò ac tenue, vt nos prorsum fugiat, velut in oculorū & palpebra-
rum motu, in plerisque tum capitis, tum manuum gestibus, in dormien-
tium respirationibus & corporis iactationibus, ad quas nihil aut minimū
intenti videmur. At quum paralyssi artus occupat, quia tum nerui à spiri-
tu & facultate destituti sunt, nulla vel efficacissima volūtas motum potest
efficere. Ex quibus intelligi potest præcipuam motus causam ad spiritum
& facultatem potius quàm ad appetitū pertinere, illucque refundi: & præ-
ter appetitum seu voluntatem, aliam propinquiorem atque coniunctio-
rem motus causam haberi. Hoc porrò voluntatis imperium parum omni-
no effectū videbitur, nisi conatus quidam & intentio animi tanquam co-
mes accedat. Non enim si quis velit aut oculos in diuersa cōtorquere, aut
omnes simul partes motibus impellere, aut sensibus omnib⁹ pariter & per-
fectè quippiam percipere, omnia statim efficiat, etiā si bene valeant, &
integra sint instrumenta. Cuius sanè hæc vnica est causa, quòd non potest
animus omnia simul animaduertere, neque esse ad singula intentus. Ergo
non sola voluntas satis est, sed animi quædam est intentio necessaria, quæ
facultatem in particula alioqui sopitam & languidam concitet in opus.

Hæc

Hæc autem facultas animalis quæ vectore spiritu in quancunque particulam per neruum influxit à cerebro, dum voluntatis imperio & animi conatu intentioneque pulsabitur, motum facit: primùmque dum neruum ac musculum contendet, & in seipsum firmiùs contrahet, simul eam particulam adducet, in quam inferitur, siue os est, siue membrana. Dum enim facultas musculum intendit & cōtrahit, simul & os mouet in cuius caput inferitur, & totum membrum cuius id fundamentum est. Ergo contentio ea & contractio propria musculi est functio, extensio autem & relaxatio eui remissio quædam est: hæc autem oppositorum musculorum est contentio. Laborat musculus quoties impendio aut contrahitur, aut extenditur: neque membrum citra laborem & defatigationem diu multumque extendi potest aut contrahi. Ea autem duntaxat figura & constitutio quæ inter extremas exquisitè media sit, & in qua musculi omnes quasi dissoluti cessant, prorsus lassitudinis & doloris est expers. Quocirca dum vehementer tensum aut contractum membrum est, vt in brachij porrectione, licet id tum fortasse fixum sit, nec de loco aut statione sua decedat, moueri tamen dicimus, quatenus laborat & operatur, idque frequentius cū dolore. Quinetiam quæ media figura dicitur, si cum intēione omnium musculorum immobilis continebitur, quia tamen ad postremum, laborem affert, in quiete non est, sed motu & labore cōcutitur. Eiusmodi motus est, qui tonicus appellari solet, ei similis quo avis alarum nisu vno eodēque loco quasi subnixa se diutius immobilem sustentat.

Tria quæ
motum ef-
ficiunt.

Quæ con-
stitutio sit
musculo la-
boriosa, &
quæ natu-
ralis.

De mentis functionibus.

Cap. XIII.



EIVS partis animæ quæ rationis atque cōsilij particeps est, sic omnes intus abditæ functiones delitescunt, vt nunquā foras & in apertū se dent, neque vllius illa aut externi aut interioris instrumēti egeat subsidio: sed quū sit omnis expers materiæ, in eas duntaxat res incumbit, quæ neque in materia subsistunt. Subiecta enim illi sunt ea rerum simulachra, quæ suprà dixi in principe sensu conseruari, & quæ veræ sunt rerum notiones perceptæ sensibus. Hæ quidem in mentem & intelligētiam altius penetrare non possunt, quia tamen sine corpore sunt, materiæ tamen impurum quiddam redolent: sed mens quæ ex duplici intelligentia tum agente, tum patiente cōdita est, dum illas agentis vi & impulsu conuertitur, puras, indiuiduas atque simplices ex iis rerum singularum notiones elicit, quas dein patiens intelligentia continet atque seruat. Non sunt hæc quidem simulachra atque spectra rerum externarum, sed aliæ quædam ex his tractæ atque conceptæ animi notiones: est enim notio, actus mentis & animi è subiecto simulachro ductus. Itaque agens intelligentia tanquam architectus quidam & fabricator est notionum: has autem omni materia liberas & exutas suscipit, & continet patiens intelligentia: neque

Mentē in-
strumento
non indi-
gere.

Vt mēs in-
telligat, &
rerū notio-
nes concipiat.

f tamen

tamen ab eis quicquam patitur, sed in earum materiam quodammodo transit. Hæc igitur quia rerum omnium notiones erat acceptura, omnium capax formarum, peculiarem nullam formam obrinuit, ne hæc vna cæteris formis tanquam peregrinis & aduentitiis aditum intercluderet. Hinc rectè animam seu mentem formarum omnium præstantissimam atque summam appellauerunt, quod vna reliquas omnes cernat atque percipiat. Cæterum non in illis duntaxat singulis versatur & consistit, sed in notionum quasi syluam ingressa, ex singulis vniuersales quasdam colligit: neque ex his modo, sed è singulis etiam rebus quæ nobis obuersantur, vniuersales formas à materia diuellit & exuit, propriamque essentiam ab ipsis quibusque rebus discernit. Ea est simplicium notionum tum singularum tum vniuersalium ratio, in quibus veritas aut falsitas nulla versatur. Ad has porro quum mens componendi facultatem adhibebit, temporis copulatione interiecta, plurima aptè componet, in quibus veritas aut falsitas iam est. Deinde verò de compositis istis planum iudicium proferet, hoc aiens bonum esse, illud inficiens esse honestum: in quibus ut quædam rectè diiudicat, sic plerunque dum distorta & falsa pro veris sumuntur, iudicij error incidit. Hanc ut iudicandi ita discernendi functionem possis appellare, sed quæ tamen multò sit ea præstantior, quàm communis sensus proferebat. Mens porro se ad ratiocinandum erigens & excitans, ex illis plurima admirabili eoque libero contextu complectitur & colligit, aut inductione aut argumentatione. Nam ex singulis primum tanquam ex quibusdam exemplis vniuersalia inducit theorematum, communisque rerum generum & summas. Ex his deinde argumentatione plurima comparat, de quibus scientia habetur vel opinio. Si ex necessariis principijs atque theorematis argumentum concluditur, scientia fit, quæ ipsa necessariorum duntaxat & æternorum est: sin verò ex probabilibus, opinio. His iam partis interdum mens & intelligentia nostra non ultra progreditur, sed infixæ in eorum contemplationem, illic tanquam in extremo consistit, quid in illis verum falsumve sit perspicens, his saturata bonarum cogitationum epulis. Ea est quam cõtèplantem intelligentiam appellant, quæ maximè & duntaxat circa res est vniuersales, necessarias & sempiternas, quæ eadem admirandæ sunt difficiles atque diuinæ. Habitus quo hæc efficit & facultas sapientia est, eiusque functio studium est sapientiæ, quod qui colunt sapièntes appellantur, quoniam propria commoda negligentes, æternorum contemplatione viuunt. At verò quum mens intelligètiæque nostra in rerum caducarum & fortuitarum cognitionem consequutione quadam & progressionem adducetur, si in illis non prorsus inhærescat, neque illarum contemplatione tota teneatur: sed iam cognitum habens & compertum illas posse mutationem subire, quærat & inuestiget, moliatúrque ad quandam hominum cõmoditatem & vsum illa referre, tum sanè practica erit intelligentia, quæ tota in actione versatur, omnesque ratiocinandi progressus in hominum cõmoda tanquam in finem supremum

Notiones
generales.

Cõpositio

Existima-
tio seu iu-
dicium,

Ratiocina-
tio.
Inductio.

Argumen-
tatio.

Scientia.

Opinio.

Contempla-
tio quæ, &
philoso-
phia.

Praxis.

supremum dirigit. Vt autem hominum bona, alia præstantiora sunt, vt rei domesticæ aut publicæ administratio, alia his viliora: ita vis intelligens in illa aliter atque in hæc incumbit. Nam prudentiæ facultate, præstantiora illa tractat, & in hominum commoda fructusque refert. Quæ quoniam commutabilia sunt & opinione dubia, de illis consilium caprat, consultat, deliberat. Atque si non hebes est, sed sagacitate pollens ac solertia (quæ perspicax quædam est prudentia) boni atque honesti desiderio tenetur, non festinanter & citò quasi auguratione quadam, sed recta ratiocinatione & inuestigatione accurata multo maturòque tempore, quodcunque bonum in consultationem positum est, assequitur: atque ea bona est consultatio ex prudenti sagacitate genita, mala verò consultatio si quid horum econtrariò accidat. Qui ad bene consultandum aptus idoneusque fuerit, quo aut publica bona, aut priuata augeat atque moderetur, is omnino prudens censetur: contrà verò imprudens, qui non poterit recto consilio bonum finem prospicere atque consequi. Cæterum quum agens illa practicaque intelligentia, quæ cõceperit noueritque theoremata, non ad bene beatèque viuendum, sed ad vilius quoddam opus & artificium refert: hoc si bono consilio & maturo, rectaque ratione facit, arte quidem facit: quæ ipsa certam rationem atque viam præbet operis faciendi. Quid demum consequitur? Vbi practica intelligentia prudentiæ bona cõsultatione hoc illudve agendum esse deliberauerit, quia bonum & vtile: aut vbi artis bono consilio statuerit opus quoddam subeundum faciendumque, quia item vtile: tum sanè rationis participem appetitum mouet allicitque. Is demum quicquid bonum existimatum est, eligit, idque non simplici & pura voluntate, sed ea quæ bono consilio & deliberatione cõfirmata est. Hæc autem tantæ est efficacitatis, vt quæcunque bonorum specie agenda faciendave selegerit, illa mox persequatur & perficiat, & idcirco vna videri possit omnis actionis effectiõisve causa atque principium: contrà si quicquam reiecerit tãquam noxium & infestum, mox illius fugam arripiat. Ergo dum quippiam nobis occurrit quod arrideat & iucundum sit, si continuò vt pecudes illi lenocinio, nulla deliberatione pregressa trahimur, simplex ea voluntas est, quæ si incòtinentes sumus, sapius à bruto appetitu præualente laceffitur & euincitur. At verò si cõsultatione adhibita neſtemus multa & cõferemus inuicem, ex quibus colligimus, si hoc aut si illud fiat, mala multa impedere, tum sanè id effugimus & declinamus, quod primùm oblectamenti speciem præ se ferebat. Hæ sunt omnes intelligētis animæ mentisque functiones, ad earum imitationem explicatæ, quas sentiens anima protulerat. Quid omnes dico, nōne insuper illa tum meminit tum reminiscitur? Meminit illa quidē, atque ad vsum memoriæ eas quoque vniuersales notiones reuocat, quæ intelligentia mentēque capiuntur. Nulla quidē generū aut formarū haberi possunt spectra & simulachra, quæ in mēte aut in cōmuni sensu quasi sopita seruentur, & quæ aliquādo posthac mentem ipsam & intelligentiā denuo concitent: sed à generibus atque formis solum

Prudentia.

Cōsultatio

Sagacitas.

Ars.

Voluntas.

Electio.

Memoria
mentis.

f ij notiones

notiones emergunt, quæ semper intelligentiam mouent & impellunt, & quæ in sola mentis contentione consistunt. At simulachra, vt quæ ab indiuiduis duntaxat eliciuntur, omni animæ conatu actioneq; sedata & prorsum anima quiescente seruantur. Sic autem mens & intelligentia meminit.

Vt fiat memoria.

Quum notiones illæ generum aliquando disperditæ euanuerint, singulorum simulachra ex quibus illæ haustæ conceptæque fuerant, & quæ sensus communis retinet, rursus intelligentiam incitabunt & impellent, ex quibus illa similes atque olim generum notiones eliciet. Hæ dum in mentem veniunt, si præteriti temporis ratione suscepta, mens pariter sentit se illas prius tenuisse atque nouisse, id profectò est intelligentiæ memoria. Quo-

Lib. de memoria.

Recordatio.

circum mens aut intelligentia non per se atque primum meminit, sed principis sensus interuentu atque auxilio: in quo, vt inquit Aristoteles, memoria per se & primò inest, non sic autem in mente. Quandiu itaque constas & dilucidum erit externæ rei simulachrum, id è principe sensu mentem impellens, memoriam rei à qua ductum est poterit excitare. Quod si non vniuersum id retinebitur, sed vel temporis diuturnitate, vel morbo, vel alia quauis iniuria pars deleta est, pars verò tam pusilla reliqua est, vt neque animum ciere, neque rem externam representare integrè possit: tum profectò illius periisse memoriam dicemus. Cæterum si pusilla ea pars taquam origo & seminarium quoddam poterit vel minimum excitare & proritare, hæc confestim contextu & serie in proximum & affine quippiam migrabit, mox in tertium, deinde in aliud, donec admirabili rerum cōtinuatione & serie pristinam cognitionem capiat. Hoc quidem modo mens reminiscitur, ipsaq; illius actio recordatio est, collapsæ memoriæ reuocatio.

Solus homo recordatur.

Solus homo propriè meminit.

Post mortem non meminimus.

3 de aia.

"

"

"

1. de aia.

"

"

"

Hæc idcirco non beluarum, sed solius est hominis, quod non nisi connectione rerum & ratiocinatione quadam comparetur. Neque etiam beluis propriè inest memoria, quod præteriti & futuri tēporis perceptionem nullam habent, sine qua meminisse non possumus. Quæ bona aut mala iam sæpius senserunt, agnoscunt illæ quidem, sed tanquam præsentia sint, nulla elapsi temporis obseruatione. Neque enim apes neque formicæ, quæ alimenta sibi in hyemem recondere putantur, in futurum prospiciunt, verum ea solius est naturæ quædam inconsiderata nec præmeditata molitio. Mortuis nobis statim omnium rerum quas in vita cognouimus memoria deletur: quoniam hæc ex communi sensu pendeat, qui ipse patibilis est, & pereuntibus nobis simul occidit: quare ab illo seiuncta mens immortalis, illiusque subsidio destituta præteritorum meminisse non potest. Est vbi Aristoteles communem sensum fusa nominis appellatione intelligentiam appellat, eamque patibilem & quæ in nihilum occidat. Non recordamur (inquit) ab occasu, quia intelligentia quæ patibilis est extinguitur, sine hac autem nihil intelligit separata illa mens impatibilis & immortalis. Idem alio loco, Amare, odisse, affectiones continentis, non illius sunt quatenus ipse est: quapropter continente corrupto neque meminit, neque amat, quia non erant illius hæc, sed communis quod iam periit. Mens illa & simplex nostra

nostra intelligentia quum è corpore discesserit, patiendi ratione deperdita, alteram duntaxat agendi vim conseruabit. Non enim tum ea sensuum ministerio indigebit, neque ab his hâustas rerū notiones suscipiet quibus cognoscat: sed ipsa per se omnia spectās nihil aliud quàm merus erit actus, à sua simplici natura id obtinens, vt tum se aliāque intelligat, tum intelligatur à se. Ea neque componit quicquam aut diuidit, neque vlla cōnexionē ad rerum cognitionem accedit, sed formas rerum omnium in se continens, vna comprehensione simul aggreditur & intelligit omnia. Vnde semper intelligit & intelligitur à se, nunquam defatigatione ingrauescit, tota æterna & immortalis.

Principes animæ facultates non esse sedibus distinctas. Cap. XV.



IBERANDA hîc postremò fides est quam suprà dedimus, dum quæstionē illam explicare sumus polliciti: nunquid fingēdi, ratiocinādi, & memorādi functiones discretæ sic habeantur, vt vnaquælibet lædi deprauarique possit, aliis ne vel minimū quidem offensis. Id quidem omnino fieri posse quamplurimi sibi persuaferūt, simplici quadam ratione eāque non planè comprehensa. Aiunt enim eos qui febre iactantur, nonnunquam floccos & paleas euellere, monstruosa visa obuersari, essēque in his simulachrorum comprehensionem, ipsāque ficticem facultatem offensam constante ratione ac iudicio, quo hæc plerunque agnoscunt ac iudicāt falsa esse ac mendacia, quemadmodum & dormientes quæ vident in somnis, sæpe iudicant non vera illa, sed commenta somniorum esse. In his igitur læsa est confictio, salua & constante tum ratiocinatione tum memoria. Alij in delirio peruersè iudicant & ratiocinantur, qui tamen & familiares, & quæcunque obuersantur agnoscunt, satisque præteritorum meminerūt: in quibus constat rationē turbari reliquis duabus illæsis. Ex his statim concludunt isthæc obuenire non posse, nisi quæ effectrices earum sunt facultates locis sedibúsque disungātur. Quum firmissima sit hæc eorum ratio, experiamur, si possimus eius cornua summo- uere, vt hac minuta cōtrouersia quid lateat veritatis fiat perspicuum. Philosophorum id quorundam autoritate celebrari video, similem imò & eandem animæ essentiam cunctis inesse hominibus, neque in hoc quàm in alio vsquam perfectiorem inueniri, quòd omnino simplex & indiuidua sit, cui nihil addi minuiue potest, quin speciē mutet. At nihilominus simplex illa in hoc quàm in alio facultates exhibet perfectiores, & aliàs expeditiùs, aliàs segniùs functiones edit. Ita quippe alios natura animaduertimus cogitatione & ingenio valere, quibus infirma est memoria atque ratiocinatio: alios tum rerum tum literarum memoria præstare, quibus nihil aut minimū sit rationis ac iudicij: alios solido ac bene naturali esse iudicio, quorum non æquè prompta sit cogitatio, aut firma memoria. Has autem facultates varias efficit, non animæ essentia, sed corporis & instru-
f iij mentorum

mentorū eius varia constitutio, ex tēperamento & conformatione contracta: horum quippe cōditionem animæ facultates atque mores sequuntur. Neque verò insita solum & congenita nobis, sed & adscititia constitutio animi facultates morēsque mutat: & corpore puro omnique sorde vacuo candidi sunt mores vegetæque animi vires: impuro autem & sordibus inquinato perturbati mores & hebetes vires animi. Quod tam multa tamque varia sint hominum ingenia, tamque dispares eorum mores, alij sobrio, alij vinoso, non aliunde petendum, quam ex corporis aut naturali aut adscititia constitutione. Iam verò si corpus grauius morbo conflictabitur, quis dubitet occupata impeditæ animi sede illius vires grauius aut impediri aut perturbari? Si corpus spiritusque vehementer concutitur, ut in febrium ardoribus, mens constare non potest, sed concita turbido motu commouetur. Sin verò corpus morbo prosternitur, animæ vires pariter elanguescunt, neque laboranti integræ possunt consistere. His ita ad rem subiectam constitutis non difficile sit aduersariorū rationes diluere. Dum anima turbulentis ita causis concutitur, ipsi quidem fatemur nō protinus omnes peræquē illius facultates offendi. An idcirco necessum videtur sedibus illas discludere? Minimè. Vndēnam igitur hæc affectionum varietas? Quæcunque facultas natura aut vitio infirma existit, irruentibus causis minus obsistit propriusque offenditur: quæ verò firma est ac valida, minus offensionis & iacturæ suscipit. Quum itaque leuior erit delirij perturbatio, cui comprehensio fictiōve infirma erat, is sola comprehensione delirabit, multaque aliena cogitatione finget: cui verò iudicium inualidum fuerat & imbecillum, is duntaxat præposterè iudicabit & ratiocinabitur. Quum autem vehemens incidet delirij perturbatio, omnes pariter principes facultates peruertentur, aliàs pari iactura, aliàs dispari. Non absimilis est in cæteris facultatibus ratio: quum enim in illas aduersa vis peræquē irruiet, imbecillior quidem prosternetur, validior obsistet irruenti iniuriæ, etiam si eadem sede consistent. Itaque ex leuibus assumptionibus nec planè cognitis rationem suam conclusere, qui cogitationem, ratiocinationē, ac memoriam sedibus atque instrumentis seiunxerūt. Indignum erat Philosophi gravitate atque cōstantia, quod non satis exploratè perceptū fuerat & cognitū sine vlla dubitatione cōfirmare. De animalibus functionibus hæc tradi disse satis, nūc de vitalibus, quibus pulsus & respiratio assidet.

Calorem nostrum perpetuò refrigeratione, pabulo, & expurgatione indigere, alioqui extingui ipsum & extabescere.

Cap. XVI.



Quib⁹ ingēs est calor, is refrigerari desiderat.

IC eximia & illustris illa rerum natura tulit, ut omnia quæ aluntur & quæ crescunt, contineant in se vim caloris, sine qua neque ali possent neque crescere: inter hæc verò animantes, quarum quàm stirpium perfectius erat vitæ genus futurum, vberiores hunc acceperūt, cuius nimirum temperatione

peratione vitæ status omnis conseruaretur. Rursum in animantibus quæ-
 cunque sanguine præditæ sunt, hoc ipso amplius circumfluunt & abun-
 dant, quàm quæ sanguinis sunt expertes. Hic autē noster calor quanquam
 æthereus, frigidi tamen aëris appulsum continenter desiderat, cuius defe-
 ctione mox prorsus extinguitur. Vt enim flāma medicis cucurbitulis aut
 angusto conclauī coërcita marcescit, ita & quum animanti fauces præclu-
 duntur, obturanturque omnia cutis spiracula, quàm mox caloris sequi-
 tur extinctio. Huius quidem causa triplex, quòd denegata sit refrigeratio,
 quòd idoneum deficiat pabulum, quòd offusus aër nullus sit, in quem fu-
 mosā ignis calorīve excrementa pellantur aut erumpant. His enim tribus
 de causis consequitur caloris interitus & extinctio, quandoquidem is triū
 contrariarum adminiculis ex necessitate indiget. In balneis, in caldariis &
 in æstu vehemēti, qui nos regit & moderatur calor, idcirco languet & ex-
 tabescit, quòd frigoris occurratōne nequaquam reficiatur. Qui enim nos
 circumsepit æstus si immoderatus est, haud secus calorem nostrum atque
 lucernę flammam foras euocat prorsusque dispergit, nihil aut certè perquā
 exiguum illius reliqui faciens: hinc virium infirmitate tentamur & affli-
 gimur, intabescimus, & ad extremum vitam cum morte commutamus.
 Contrā frigus moderatum & æquabile perinde vt flammam, ita & natiuū
 calorem continet & à dissipatione tutatur: tametsi immensum & immo-
 dicum frigus si diu multumque adest, flammam & calorem ad materiam
 intrò reprimens, æquē vt aduersus calor vitam eripit. Neque nos ambiens
 calor ex eo duntaxat quòd interiorem nostrum dissipet, offensionem af-
 fert, verum hinc etiam quòd neutiquā refrigeret, imò verò cor & interiora
 viscera magis ac magis inflammet, vnde propria illorum substantia cōsu-
 mitur & in perniciē agitur. Tale quiddam manifestiūs infert calidus fer-
 uidusque aër diutius inspiratus. Eadem ex causa in pauco eodēque aëre
 continenter & assidue versati suffocamur, æquē vt in aqua modica pisces.
 Qui enim exiguius est aër reddito spiritu facilē concalescit, vt deinde ne-
 queat refrigerationis auxilium præstare. Quin etiam motio vehementior,
 æstus aut balnearum ritu, innatum calorem diffundit, disperditque, mo-
 derata hunc conseruat & excitat, quies autem sopit & ignauum inertē-
 que reddit: quemadmodum mediocris ventilatio flammam auget, nimia
 dissoluit. Caterum neque in balneis, neque in solis ardoribus calori deest
 alimentum, sed hac vnica causa extinguitur is & occidit, quòd frigoris ap-
 pulsū non recreatur. Vt autem respirationis maior iniecta corpori neces-
 sitas est quàm transpirationis, ita hausti frigoris comoditas maior est, quàm
 nos vndique cingētis. Ex quo fit vt qui ex lebere calidum aërē spiritu tra-
 hunt, etiam si reliquum corpus frigido aëre circūfunditur, celerius extin-
 guantur & intereant, quàm qui in hypocausti cōstituti ore atque naribus
 frigidum aërem ducunt. Porro autem ob alimenti ægestatem is vitam a-
 mittit, cui os & nares vel fauces præcluduntur: non modò enim refrigera-
 tionis defectio, sed eius maximè pabuli inopia præmit, quod caloris sub-
 stantiam

Refrigera-
tio dene-
gata.

Pabuli in-
opia.

Superuacanea
neorū re-
tentio,

stantiam conferuat. Id quidem planius declarat corpus quodcūque in frigidam demergitur: mox enim id suffocatur & perit, nisi aëre & respiratione iuuetur, non quod à refrigeratione, sed quod ab idoneo caloris & spiritus alimento destitutum sit. Quum quis autem plurimo attracto aëre eoque frigido hūc vniuersum sic pulmonibus cōprehender, vt nihil deinde illius expiret, eum profectò tandem extinguī & è vita discedere necesse est: non alimenti penuria, vt quod copiosum insit & abundans: non refrigeratione prohibita, quod frigidius haust⁹ sit aër, qui pulmones & cor potuit vel immodicè refrigerare. Quenam igitur tum relinquitur interitus causa? Ea nimirum quod fumosa insiti caloris spiritusque superuacanea nō reddātur: atque vt flamma à crasso multoque fumo, ita cor ab illis immoderatè congestis opprimitur atque strangulatur. Huius id esto indicium, quod qui sic grauiter vehementerque affliguntur, expiratione alleuantur recreanturque, estque ea tum illis vnica medicina, quæ suffocantes halitus atque fumos eiicit. Has tres causas ad insiti caloris, & ad omnium terrenorum animantium custodiam condonatas, ambiens nō aër in se vnus continet, si tum qualitate tum substantia mediocritatem quandam acceperit. Aquatilia autem non aër, sed aquæ humor tuetur, vt qui refrigerationis vsum & commoditatem illis suppeditat, nisi quum immodicè exardescens robur eorum adimit, omnibusque orbat viribus. Ab humore nonnihil etiam vaporis & halitus pro caloris spiritusque pabulo trahūt, in quem cōmodè fumosa caloris superuacanea depellunt. Id inter animātes discriminis peperit innati caloris varietas: quū enim in terrenis animantibus multo sanguine eoque puriore præditis, copiosus & vberimus sit vitæ calor, celeri quidem & prompta refrigeratione atque nutritione indiget: quæ sane aër facile confert, quia leuitate subtili celeriter in omne corpus penetrat, moxque partibus singulis præsens est & obuius. At verò pisces qui tantum refrigerij desiderant, solius aquæ cōtagione appulsūque satis cōmodè sustinentur.

Tractū aë
rē aptū esse
cōseruā-
do calori.

Aquatilia
satis refri-
gerari citra
aëris ap-
pulsū.

Cordis pul-
satio.



Vt pulsus
calorē re-
frigeret: &
quid præ-
stet com-
modi.

Pulsus & respirationis vsus: vtque inter se distent. Cap. XVII.
N ea corporis parte quæ immensa æstus ac caloris vi quodammodo efferuescit, natura gubernatrix, & quasi magistra animantium, vim posuit cientem agitantēque motionibus perpetuis, cuius tamen impetum reliquæ etiam corporis partes minus calidæ percipiunt, vt in quas fundi ac dimanare solet. Ea est vis & facultas quæ cor suis motibus exagitans aërem idoneum in idipsum rapit, & ab eodem excrementa quæ plena sunt fuliginis foras expellit. Eadem ex corde per articularum corpora peruadens illas distendit atque demittit, vt partes in quas distributæ sunt, frigore reficiantur, & earum superuacanea propulsentur. Quādiu ergo harum omnium partium ingeneratus calor moderatus erit, isque

is que exiguus, hunc quidem satis conseruare videbitur arteriarum pulsus, quem eo nomine incredibiliter natura machinata est. Vis enim quæ à corde initium ducens per arteriarum tunicas demittitur & influit, illas quidē eodem modo ac eodem tempore atque cor attollit & summittit. Cum attolluntur ac dilatantur, sese suāque spiracula aperiūt, & vndique ad se tum ambientem nos aërem, tum proximi sanguinis tenuem portionē trahunt. In his enim communes transitus existunt per tunicarum spiramenta & oscula, alij in cutē, alij in intestina & viscera, alij in venas, hoc indicio quod vulnerata magna arteria vniuersus animantis sanguis profunditur. Cum verò summittuntur atque contrahuntur, fumida & halituosa superuacua, quæ ex humorum & spirituum vstione proueniunt, tum in cutem, tum in alias partes expellunt. Sic igitur perflabile corpus est, & arteriæ suo pulsum ex omni parte trahunt, vt natium calorem conseruent, tum in omnem partem transfundunt, vt cum ipsum ab omni eluue liberēt & expurgent. Cæterum cor quod calore ingenti tanquam flamma exardescit, non satis commodè potest arteriarum pulsatione conseruari, sed maiore quodam adminiculo quasi flabello indigebat: cuiusmodi in his animantibus quæ multo sanguine & calore vigent sunt pulmones, in piscibus verò brachiæ. Dum enim cor ardoris incendio flagrat, nec satis valet pulsatione agitationēque sua refrigerationē consequi & sibi asciscere, tum tēporis pulmones ipsamque sentiēdi vim premit & irritat, efficitque necessitate quadam, vt mouēdi facultas diaphragma & thoracem hincque annexos pulmones, crebrò tollat deprimatque. Dum autem pulmones attolluntur, in eos tanquam in follem spiritus adducitur, redditur verò, cum deprimuntur & concidunt in sese. Hoc igitur modo qui inspiratione haustus est frigidus aër, celerrimè ad intima quæque penetrat, isque refrigerationis comoda subministrat. Vt verò reliquarum partium calorem arteriarum pulsus, sic cordis ardorem inspiratio temperat, eundem purgat expiratio, fumosa excrementa propellens. Quocirca inspirationi rectè cōparatur diastole, expirationi systole. Ergo vnus eiusdēque vsus causa respiratio & pulsus dati sunt animantibus: hoc solum distant & dissident, quod illa ab animali facultate, hic autem à vitali manat: hic continuus est neque interruptus, extra omnem arbitrij nostri potestatem, illa plerunque cessat libera quidem & in nostra potestate. Quod enim respirationem excitare possumus cum volumus & eandem crebriorem aut rariorem, tardiorem aut velociorem reddere, contrāque sedare & cohibere cum volumus, apertè commostrat eam esse motum voluntarium, nostrōque subiici arbitrio. Non sic autem motum cordis & arteriarum, quem nec excitare, nec sedare, sed ne mutare quidem aliter possumus etsi volumus. Respirationem prorsus cōtinere & cohibere arduum in primis est & difficile, quod si exiguo quodam tempore aut certa mensura, non tamen perpetuò possumus. Quocirca non illa similiter atque ambulatio aut locutio prorsus est libera & in nostra potestate sita, sed quadam affectus necessitate ducitur & inciratur.

Respiratio
nis vsus &
necessitas.

Respiratio
nis & pul-
sus differe-
tia.

Respiratio
nē esse li-
beram.

Liberorū
motuum
duo gene-
ra,

citatur. Erunt igitur in motibus voluntariis alij prorsus & absolute liberi, quos quoties & quantum volumus impellimus, nulla ad id nos urgente necessitate: alij liberi quidem, sed à quibusdam corporis affectibus incitati atque laceffiti: quod genus sunt, respiratio, vrinæ & excrementorum alui retentio. Fiūt hæ quidem ab animali facultate, idque musculorū beneficio, unde & arbitrio nostro fieri dicuntur: cæterum quoniam multa plerūque actiones illas perturbāt, magnæque necessitate laceffunt, non quantum & quomodocūque volumus, illas cōplere possumus. Quare quanquā liberae sunt & voluntariæ, nō tamen absolute, sed corporis affectibus subditæ.

Qua ratione fiant respiratio atque pulsus.

Cap. XVIII. 10

Respiratio
nis instru-
menta,



Inspiratio
nis & ex-
pirationis
effectus.

VL SATIO tum cordis, tum reliquarum partium calorem fouet: sed & cordis calorem respiratio cōtinet, ad quā pulmones planè accommodati sunt & à natura contributi. Huius quidem efficiēs causa est, libera illa & voluntaria¹⁵ facultas, cui instrumenta præsto sunt, diaphragma & thorax variis musculis agitur, tum iis qui inter costas positi sunt, tum iis qui extrinsecus sunt adhibiti, interdū & iis qui sunt in abdomine. Est & aspera arteria respirationis via, & pulmo receptaculum materiæ, quam inducimus. Materia verò aër, qui tum per os, tum per nares at-²⁰ trahitur. Itaque mouens illa & voluntaria facultas, dum ardoris necessitate tãquam stimulo impellitur, musculorum ope thoracem, simulque quadam cōsequutione pulmones distēdit, qui leues atque rari facilè sequuntur quocūque ducas. Dilatati autem necessariò implentur leui quodā pro-²⁵ fluentēque corpore per asperam arteriam irruente, cuiusmodi maximè est ambiens nos aër. Compresso autem thorace vnà pulmones demittuntur, & qui in illis superuacui sunt spiritus per arteriam excluditur. Si modica ad respirandum astringimur necessitate, huic obeundæ vnum certè diaphragma suffecerit, quod deorsum impulsū pulmones secum adducens leuiter attollit, reductum autem eosdem comprimit colliditque. Sin autē gra-³⁰ uior vrget necessitas, præter diaphragma thorax modicè attolletur, eorum musculorum ope, qui inter costas positi interiorē sedem habent: cōtrahetur autem sua ipsius grauitate concidens in mediocrem naturalēque situm. Cū autem maxima sit inspiratio, illis omnibus actionem suā conferunt ij muscoli, qui thoraci extrinsecus incumbunt, & quos maximè ab³⁵ humeris ad thoracis superiora deriuari diximus, omniumque vno impetu atque conatu thorax plurimū distenditur. Plurimū autem contrahitur in vehemēti expiratione, qualis est appellata exufflatio, ita quidē thoracem infra naturalem situm comprimentibus iis musculis, qui inter co-⁴⁰ stas positi exteriorē sedem habent, suffragantibus etiam aliis qui extrinsecus thoracis inferiora tegunt. Alterna igitur horum musculorum actione respiratio completur partibus duabus absoluta, inspiratione & expiratione. Inspiratione ambiens aër per os & nares in asperā arteriam infiliens, non

non modò eius ramos per pulmonis substantiam diffusos, sed & omnem ferè eius molem implet, adèd vt vniuersam thoracis capacitatem inflatus spiritùque turgens pulmo occupet. Qui haustus aër fuerat, primam in pulmone elaborationem sumit, illicque concoquitur & præparatur vi carnis, quæ planè tenuis est, mollis & aërea, vt proinde huiusce operis, quèadmodum & caro iocineris, sanguinis conficiendi causa maximè constructa esse videatur. Non enim externus aër, rudis, frigidus, & impurus, & dèrepente irruens fieri potest interioris spiritus conueniens pabulum, sed hunc quèadmodum & alimenta necesse est paulatim mutari & familiarem innato spiritui qualitatem, longiuscula mora recipere. Posthæc autem elaboratus diligenter spiritus, in sinistrum cordis ventriculum arripitur, ex quo accedente etiam sanguinis vapore, qui ex dextro vètriculo permanauit, vi cordis insita, eiùsque innato spiritu & ingenti caloris incèdio, haud secus atque in fornace spiritus procreatur vitalis, qui demum in omne corpus per arterias effusus, salutare impertit toti calorem. Qui ex hac concoctione sunt torridi vapores, foras reiiciuntur tum cordis & arteriarum pulsatione, tum pulmonis expiratione. Quum igitur thorax attollitur, asperè pulmonum arteriæ aère per inspirationem implentur, simul autem leues implentur fumoso excremento, quod ex sinistro cordis sinu depellitur, ne id prauitate suffocet: venæ arteriosæ tenui sanguine distenduntur, qui ex dextro cordis sinu ad pulmones nutriendos eiicitur. Quum autem depresso thorace pulmones in se concidunt, vasis hisce omnibus quodammodo coarctatis, per asperas quidem arterias expiratio fit excrementi fumosi, per læues autem quas venosas diximus appellari, præparatus & quasi concoctus in pulmone aër, in sinistrum cordis sinum coniicitur. Qui in venis est tenuis sanguis, pulmonis coarctatione in dextrum cordis sinum haudquam remeat, sed in carnem pro alimento truditur, ab eius singulis partibus familiaritate quadam raptus, veruntamen hæ venæ, vt quæ ex duplici constant tunica, sanè quàm parum comprimi possunt expiratione, vt neque dilatari inspiratione, sed eos motus præsertim subeunt arteriæ, quæ propria sunt spiritus instrumenta. Eo autem ordine collocata sunt tria hæc vasa, vt aspera arteria vbique media & inter leuem arteriam atque venam interposita cernatur: non hæc quidem extremis continuata sunt, neque qui in aspera arteria est aër, mox in læuem transfertur: sed cùm extremæ omnium fibræ in omnem pulmonis substantiam dispersæ sint, quicquid in illis est conceptum, id omne in pulmonis substantiam illabitur. Per hanc (quia mollis est & summè rara) tum aër, tum fumosum excrementum facile com meat, & expiratione in idonea vasa relabitur: sanguis verò cùm ex venis in carnem effluerit, in illius substantiam conuertitur, nec potest (nisi propter vlcus quale est in tabe) in asperas arterias retrò com meat: quanquam quæ ex pulmonis nutritione quotidie progignuntur excrementa, per eas vnà cum sputis redduntur. Hanc cuiusque materiæ distributionem efficit pulmonis respiratio, cui & maximam vim addit cordis motus

Inspirati
aëris præ-
paratio.

Ve aër fiat
spiritui pa-
bulum.

Aëris spi-
ritus & san-
guinis di-
stributio
per pulmo-
nes.

Cordis &
arteriarū
pulsatiōes
distant.

Vis pulsifi-
ca.

Vis pulsifi-
ca alia est
a vitali.

motus & pulsatio. Cor enim diastole ex pulmone per leues arterias præparatum aërem in sinistrum sinum rapit, & ex vena caua sanguinem allicit in dextrum suum sinum, idque patefactis horum vasorum valuis. Systole ex dextro sinu per venam arteriosam sanguinem in pulmones effundit, ex sinistro verò confectum iam vitalem spiritum in maiorem arteriam (quæ aorta dicitur) simulque in minores emittit, quo tēpore necesse est omnes illas dilatari. Quanquā igitur earum motus cordis pulsationi similitudine quadam magnitudinis, celeritatis & frequentię responderet, vt ex earū contactu cordis motum coniectura assequi liceat: hæ tamen dilatantur in systole cordis, committuntur autem in diastole. Dilatatur enim dum compressum cor in eas spiritū immittit. At non solius influentis spiritus & sanguinis in vapores extenuati copia implentur: non enim fieri tum posset vt omnes vno eodēque momēto pulsarent, quod nequeat puncto temporis spiritus per arterias in corporis extrema peruadere. Ergo quum simul omnes pulsare deprehenduntur, quæcunque hosce diastoles & systoles¹⁵ motus efficit causa, eadem sanè & quæ cor mouet, Ea est in arteriarum corpore posita, sed quæ tamen suam originem aut certè conseruationem cordi acceptam referat. Caterum quæ in corde vis inest pulsus efficiens, ea vitalis nequaquam est, quæ tum spiritum, tum vitalem in eo calorem gignit: hæc enim in solo corde collocata est & confedit, illa verò arteriis & cordi²⁰ cōiuncta atque communis est. Hæc vitalis, vires suas in ossa, cartilagines, carnem, in omnes denique partes diffundit, quibus vitam & salutarem calorem impertit, nullaque pars manet ab illius aspiratione & fauore destituta: contrā, quum a corde & arteriis discesseris, quæ pulsū motionēque agitur, pars omnino nulla in conspectum se dabit, nisi cerebrum fortassis²⁵ in illorum numero reponendum esse videatur. Ex quibus profectò perspicuum fit, vim illam pulsanter plurimū a vitali discrepare, esseque tanquam ancillulam & ministram tum spiritus eius & caloris distribuendi, tum vt innato calori modus quidam adhibeatur, certaque is ratione gubernetur. Simili modo atq; ratione a vitali eæ diuersæ sunt facultates, quæ³⁰ excandescētiā & alias animi affectiones concitant: de quarum operibus quum iam plenè cumulatēque verba fecerim, nihil superesse arbitror, quod huic tractationi videatur attexendum.

LIBRI SEXTI DE FUNCTIONIBVS

& Humoribus, Finis.

De

De hominis procreatione at-

QUE DE SEMINE LIBER VII.

PRAEFATIO.



ORPORIS totius cōstitutionem, partis cuius-
que situm, vsum, figuram, ex elementis compo-
sitionem iam antè exposuimus, & quibus facultati-
bus adornatus homo singulas functiones edat. Ac
quoniam nec elementa, nec quæ ab his emergunt
temperamenta, facultatum causas statuimus, nūc
ordinis ratio locūque postulat, vt inuestigemus
quænam sint earum causæ. Quapropter toto ani-
mo & studio omni perquirendum, sitne præter
primam illam ex elementis compositionem communemque rerum om-
nium procreationem, singularis quædam in animalibus vis, quæ faculta-
tum causas in se contineat. Hoc enim pacto futurum est, vt hac serie sæpius
repetita atque paulò altius relata, ab iis quæ sensibus subiecta sunt, in oc-
cultas & abditiores causas demum penetremus. Itaque dum hominis or-
tum atque procreationem in medium proponemus, dūmque explicabi-
mus quas vires obtineat procreandi facultas, quomodo quoque ordine
partes conformentur singulæ, vtque fœtus in vtero gubernetur: tum simul
omnium quæ libris superioribus tradita sunt à nobis summa causa & ratio
perspicuè elucebit. Neque profectò fieri potuit, vt prius hominis procrea-
tio intelligeretur, quàm is esset numeris omnibus cognitus & exploratus:
quisquis diuersum doctrinæ ordinem instituet, eum necesse est in obscura
multa & inexplicabilia inuolui. Primum enim (inquit Aristoteles) nouisse
oportet, an sit vnumquodque de quo futura est disputatio: deinde quid sit,
tertio loco vnde & à quo id sit. In hūc itaque locum hominis procreatio-
nem tradere distulimus, quanuis fortè nonnulli pulchrum putarēt, ab hac
facto artis exordio, ad alia deinde progredi.

Sexuum distinctio vnde sit, & quid de semine sit ab Aristo-
tele proditum.

Cap. I.



VÆ rerum omnium pulcherrimæ sunt ac summè diuinæ,
id vnum præ cæteris diuinitatis suæ specimen obtinent, vt
semperternæ quidem sint & immutabiles, nulli affectionū
impetui subiectæ. Hæc autè cū summa quædam sit per-
fectio, & præstantissimum supremūque bonum sit bene
vivere, vitæque frui latissima, iure ac merito quæ mortali
conditione generata sunt, eo aspirant, & esse viuereque natura desiderant.
Quanquam autem fieri nequit, vt id perfectè & omnino consequantur,
hoc

Procreandi
necessitas.

hoc tamen nata sunt, ut quodammodo sempiterna sint: non numero quidem, verum specie, quæ semper est & æterna. Quapropter immutabili æternitate continuantur viventium ortus & procreationes, ut quod singulari substantia seruari nequit, specie saltem persistat. Etenim vsuuenit ut vnumquodque indiuiduum cum mortale & dissolubile se sentiat, aliud sibi simile optet in suum locum reponere, in quod & languidam & inclinantem suam vitam quodammodo conferat, & per quod procreatione quasi repuerascens atque renouatum, quodammodo perpetuum fiat & æternum. Hæc est illa procreandi libido: quæ ut species in perpetuum salua conseruaretur, cunctis est viventibus à natura tributa. Hanc enim & frutices¹⁰

Procreandi
vis stirpium.

acceperunt, quas procreare manifestum est, atque etiam nutrirî & incrementum. Quum autem hæc alimento iugiter inherescant altissimis defixæ radicibus, nec ad mouendum sint aptæ, ex seipsis progignunt nullo alterius congressu. Huiusce rei causa natura promiscuum sexum maris ac fœminæ stirpibus attribuit, ut confusas ac perpetuo mixtas haberent maris ac fœminæ¹⁵

In stirpibus
confusum sexum.
Procreatio
animantium.

vires. At verò animantes quia non solum in procreationem & nutritionem incubunt, sed præterea sensus ac cognitionis participes ad alias quædam præstantiores functiones comparatæ, maris ac fœminæ sexu distinctæ sunt. Sic enim melius ad alia quædam præstantiora cognitionis munera se conferunt, nec penitus alimento affixæ omni impetu in procreationem²⁰

Sexuum necessitas.

ruunt. Si quando igitur generare debent, commisceantur coeantque necesse est, & (ut inquit Aristoteles) ex ambobus quasi vnum fiat animal. Fieri itaque non potest, ut vel mas per se, vel sola fœmina ex seipsa animal perfectè generet, quanquam plerunque rudem quandam & inchoatam molem producit, quod de mola & gallinarum ouis, quæ nostri subuentanea²⁵

Mas.
Fœmina.

dixerunt, compertum habemus. Infœcunda enim sunt & irrita, quod maris societate sit opus, qui procreationem perficiat. Rursum neque omnis in mare potestas gignendi sita est, ut qui procreationis locum non habeat. Ergo quum in plantis tum in animantibus utroque sexu est opus: fœmina quæ corpus & materiam, mare qui animam speciemque conferat. Est enim³⁰

Cōmixtio.

mas, à quo motus procreationisque origo manat: fœmina verò quæ materiam segetemque subministrat: quapropter mas id animal est quod in altero gignit: fœmina verò quod in seipso. Hisce de causis mas & fœminarum facultate, tum quibusdam corporis partibus, quæ ad procreationem atque coitum accommodantur, inter se plurimum discordant: hinc Aristoteles generandi principia facultate distincta constituit. Quum autem in procreationem incumbunt, fieri certè nequit ut inuicem omnino misceantur atque confundantur, uti neque ipsa illarum principia. Non enim quemadmodum ex veteri cicada aut ex phœnice nouum nasci prædicat, sic ex mare & fœmina coniunctim confusis aut intereuntibus, nouus homo⁴⁰

Ortus nostri principia.

proprogignitur. At verò quum complexu coituque generent, necesse est saltem ab utroque materiam quandam emitti & conferri, in qua illorum vis & potestas continetur: atque tanquam confluentibus principiorum & facultatum

facultatum vicariis aut instrumentis, tertium quippiam gigni. Est autem ea materia vtriusque semen, in quo tamen actu & re ipsa mas & femina minimè comparent, viribus tamen & potestate insunt, uti mox conspicuè cernetur. Quàobrem aliquispiam id rectè nostri ortus verū proximūque principium statuerit. Semen igitur est ex quo primo oriuntur ea quæ secundum naturam constituuntur, non quidem ut ex materia, sed ut ex motus efficiente principio. Primam seminis naturam atque rationem perscrutaturus Aristoteles, demonstrat planè id nec corporis nostri partem esse, nec alimentum, nec colliquefactum quippiam: cōcludens propterea id prorsum in reliquiis & excrementis haberi. Excrementum appellat reliquias alimenti: quæ profectò aut inutiles sunt & ad nutriendum prorsus ineptæ, aut certè viles quæ sola copia superfluant. Atqui semen non inutile excrementum esse inde cōstat, quòd iis qui vel ex aetate vel ex morbo pessimè se habent, inutilis excrementi plurimū inest: seminis verò nihil vel certè minimum, & si quid è seminis vasis emittitur, id prorsus infœcūdum est, nec quicquam cōstituere potest ob eluiciei illius permissionem. Ergo (inquit) utilis cuiuspiam excrementi portio quædam semen est. Omnium autem vtilissimum atque purissimum est vltimum, ex quo iam vnumquodque membrum alimentum capebat atque sustinetur. Id enim omnino paucum ex plurimo relinquitur alimento. Dum igitur purior ac planè confectus sanguis in mēbra distribuitur, accedensque illis assimilatur: postremæ concoctionis atque etiā nutritionis redundans & superfluens vtile alimentum, excrementum etiam appellamus, id autem seminis est materia. Semē igitur excrementum est & residuum alimenti utilis atque vltimi. Id putat Aristoteles sanguinem esse: hoc indicio, quòd si vi nimioque conatu reddatur, nondum facultate testium plenè conuersum, ut iis accidit qui supra modum rei veneræ indulgent, cruentum id plerunque prodeat. Imò & in spermaticis vasis cruentum id plerūque animaduertitur. Aristoteles semen ait magnam vim ob id obtinere, quòd ad partes corporis accedens, similem atque proximum alimentum substantiam & facultatem conquirit: vtrunque enim iam partis vim & naturam accepit. Itaque semen aut manus aut faciei aut etiā totius animalis, manum indefinitam aut faciem, aut animal totum indefinitum esse colligit, & quale vnumquodque illorum reuera iam est, tale & semen posse effici. Ut autem id portio quædam sit vltimi alimentī, utque in solidis quibusque particulis gignatur, hoc loco fusius aperiendum.

Seminis materiam in solidis partibus progigni, utque ab illis testium vi secernatur.

Cap. II.



RODITVM quidem suprà iam est & rationibus cōfirmatū, partes omnes corporis sanguine nutriri: ex quo corporis (simplex enim nō est & vniuersi modi) vnaquæque pars quicquid sibi cōueniens est & familiare prolicat. Id halitus specie tractū, mox vnacque

Semē quid

i. de ortu animalium cap. 18.

Seminis materia quæ.

Seminis natura.

Prima ratio.

quæque pars mutat & conuertit, inque suam naturam demum perducit: ita enim particula nutritionem perficit, dum appositum alimētum perfectè sibi assimilât, & in suam naturam substantiâque mutat. Qualis itaque est cuiusque partis substantia, tale prorsus euadet & illius alimentum. Prima autem solidarum partium substantia ex semine constituitur ac gignitur, ut posthac erit apertius. Omnis igitur alimenti illarum substantia, in feminis naturam atque materiam facessit. Non ex alia materia procreata sunt particulae, ex alia verò alimentum & vitam capeſſunt. Atqui partes omnes solidæ ex semine ortum habent: omnes ergo aluntur semine. Rursum pars vnaquæque *σπερματική* dum nutritur, simile ei generat & refarcit 10 quod fluore dissipatum est: at dissipatum est quippiam spermaticum, ergo spermaticum erit quod in eius locum sufficitur: id autem proximum est alimentum & sanguinis pars purissima pleniusque confecta. Hoc iam fiat obseruationū meditatione planius. Vasa feminis quæ multis anfractibus in testes feruntur, si diligenter contemplare, conspicias sanguinem modicè iam albescens continere, qui tamen nondum testes attingit. Hic cum non è testibus eò refluxerit, argumentum est hæc vasa ex sanguine diutius concepto semen quodammodo conficere: atque dum sanguinem in suam naturam vertere nituntur, hunc prius in semen commutare. pollent itaque hæc vi quadam feminis effectrice. Atqui feminis vasa inter venas habentur, & communem cum eis substantiam acceperunt, neque igitur aliis venis per corpus vniuersum dispersis, vis & natura deerit feminis gignendi. Si qua alia corporis regione venæ similiter atque hæc vasa flexuosa haberentur, posset in eis multò facilius humor similis animaduerti. Et certè in omnibus venis talis quidam verè inest, qui per eorū tunicas insertus, proximum sit eis alimentum. Iam verò si venæ hoc muneris & dignitatis à natura sunt adeptæ ut semen generent, maiori profectò ratione in arteriis, neruis, membranis, & in ossibus, eadem vis infidebit, quod hæc spermatica magis sint quàm venæ. At nequis fortè cōtentionis æstu conetur quas proposui rationes diluere, dicatque nec vero semine spermaticas partes nutrirî, nec id verum semen esse quod in spermaticis vasis recôditur: nihil equidem eiusmodi rationibus efficere cōtendebam, sed id duntaxat quicquid est, propius quàm sanguinem ad feminis vim & naturâ accedere. Siue igitur id nondum semen, siue inchoatum crudumque semē appellet: satis superque factum putabo si docuero, proximum id vnum partium nutrimentum, quod Aristoteli vtile ac vltimum dici solet, tum partium alendarum, tum verò feminis gignendi materiam suffici. Quæ purior est in sanguine portio alendis partibus familiaris & accommodata, ea ut facile & cito alit, ita cum tenuis sit plenâque spiritus, quàm mox in feminis materiâ conuertitur. Huius quippiam solidis partibus semper assistit, semperque sanguini spermaticus humor roris modo inspergitur. Hic tametsi vera est materia, non tamen simplex est & vniufmodi, sed alius aliam vim & naturam accepit, ex varia partis naturâ à qua mutatus est. Qua autem is ratione secretus

cretus, in testes adducatur hoc loco narrandum est. Vt in liene vis quædam inest ad prolectandum melancholicum humorem comparata, in renibus alia quæ urinâ alliciat, ita & testibus conuenit vim quædam inesse qua feminis materiam sibi quidem perquam familiarem & idoneam, tanquam proprium coniunctumque alimentum inuitent & attrahant. Cum autem magna sit & vehemens hæc eorum vis, quæ in corpus vniuersum permanat, ceu mox aliis multis rationibus planum fiet, ij nimirum tum vberiorē materiā quàm sibi opus est, tum verò hanc ex vniuerso corpore elicient & euocabunt. Vt ergo iecur ex intestinis succum rapit per venas mesenterij, sic testes per feminis vasa materiam sugunt à vena caua, quæ lumbis & renibus afflittit, hæc verò ab omnibus circumiectis venis grandioribus, hæc à minutis, quæ iam vix capilli magnitudinē adæquant, & quæ partes singulas alunt. Ea enim attractio manet ac persistit dum vasa & testes impleantur, neque enim prius intermittit, quàm testes copia turgeant atque saturantur: inaniti enim ex locis plenioribus veluti eripientes violenter euellunt. Ex his potest intelligi Aristotelem iure optimo falsi insimulasse Polybium, qui libro de natura feminis Hippocrati ascripto, hæc ex toto corpore secretionē in solo concubitu fieri cēsuert, ipsūque semen ceu colligefactum quiddam esse, motu agitationēque secretum: neque id in vasis aut testibus aliquando subsistere & commorari, vt tempore mutationem subeat. In hæc autem quoniam ille plurima scitè attulit, satis erit subiecta obseruatio quæ id funditus euertat. Animante enim quæ à venere diutius abstinerat dissecta, copiosissimum crassissimūque semen comperitur, quo & vasa & testes & epididymis turgent: quod non nisi summa vi trahendi testium fieri potuit. Contrà verò accidit si quod animal effrenata & indomita venere feratur. Testes enim è vasorum inuolucro rapient, eaque prorsus exinanient, vt si demum confectionem fieri contingat, nihil omnino feminis inesse deprehendatur. Ergo quodcunque in coitu semen emittitur, id necesse est cōgestum prius fuerit & coaceruatum, tractūque vi præpotente testium. Obscurior alia ac scopulosior dubitatio hîc difficilis explicatus habet. Multa enim plerique proferunt, quibus persuadeant feminis quam diximus materiam, & in partibus singulis progigni, & ab iis quotquot sunt in testes confluere, alioqui inutile id fore ac minimè fecundum. Quæ tametsi firmissimis rationibus Aristoteles visus est confringere, alias tamen subiungam, ex quibus id nequaquam fieri posse demonstrum. Si enim de minima quaque particula feminis quippiam decederet, cum nihil extare possit minus minimo, necesse esset vnico concubitu vniuersum corpus in semen quasi liquefactum diffundi. Quoniam verò minima particula quam cogitatione potius quàm sensu comprehendimus, nullum potest fragmentum haberi, non potest de illa quicquam decedere. Neque præterea ex omnibus sensu manifestis tum simplicibus, tum cōpositis quippiam secernitur ad feminis constitutionem: copiosum enim id colligi necesse foret quod fecundum euadit: nec fieri posset vt tantula

Materiæ
feminis in
testes secretionis.

Semen in testibus aliquandiu morari & confici.

Semen non ab omnibus partibus secerni.

Prima ratio.

Secunda.

Semen non ex omnibus manifestis partibus secerni.

Prima ratio.

t iij quæ

Secunda.

quæ eiicitur substantia vim haberet ad procreandum fœtum, quod è singulis corporis partibus quippiam accepisse non possit. Quinetiam semen totum sensu simplex apparet, & vnaquæque eius portio fœcunda vt totum esse ex iis animalibus intelligitur, quæ vnico coitu & ex paucis semine multiplices fœtus procreant. Ergo cum quælibet seminis portio totius vim habeat, qua corpus vniuersum conformet, nõ sic potuit totum semen à toto corpore dimanare, vt de vnaquaque parte fiat partis similis decessio. Quãobrem rectè censuit Aristoteles, seminis materiam non à toto corpore demitti. At nihilominus hæc necessum est de cerebro, de corde, & iecore, quæ tria sunt principia, decedere: plurimum autem de cerebro: hoc quidem illius argumentum est, quod cui vnumquodlibet istorum grauem offensionem acceperit, infœcundus is reddetur: quemadmodum si leuius erit vitium, prolem suscitabit ægra infirmæque valetudine. Ex quo fit, vt iis venis & arteriis quæ ponè aures sunt resectis aut exultis, fœcunditas adimatur.

Semen ex
tribus princi-
pib⁹ par-
tibus secer-
nitur.

he Seminis ergo materiam ex toto deriuari atque dimanare sic accipiendum, vt ex illius principiis principibusque partibus necessariò profluat. Sũt qui putent hanc non modò è principiis, sed ex omnibus quoque similaribus partibus secerni: non quidem ex vnoquoque ossè vel neruo, sed ex aliquo ossè, ex neruo, ex membrana, ex cartilagine quiddam in seminis materiam conferri. Deinde verò quod à neruo vel ab ossè profluxit, non modò illius, sed etiam omnis nerui vel ossis in cõceptu materiam fieri. Proinde ex tantulo semine tanquam ex materia, similes omnes partes effici: idque eius facultatis opera, quæ in semine sita omnia conformat.

De testiculis & eorum præstantia.

Cap. III.

25

Testiũ ro-
bur primo



Secundo.

Tertio.

Quarto.

MAGNAM quidem vim esse testiculorum seminis secretio decessioque docet, quæ ij ex vniuerso corpore, materiã proliciunt: at multò maximam declarant tum vires, quas ij corpori impertiunt, tum verò cõpleta seminis absolutio. Quibus enim execti sunt testes, etiam si eorum vasa læsa nõ sint, vis illa & facultas effectrix seminis occùbit: vt licet ij ætate sint adulta atque florente, nõ tamen rei venereæ voluptate oblectationeque teneri possint, omnisque generandi potestas sit erepta. Simul his extingui deprehèditur masculus & virilis animus, totaque viriditas & flos roboris cum testibus excinditur. Quinetiam eorum natura in frigidiorẽ conuertitur, neque sanguis bonus, neque color suauis aut formæ dignitas apparet: arteriæ paruum & imbecillum, quẽadmodum in senibus pulsum edunt: corpus albescit, graue, iners, opimũque redditur & minus hirsutum, atque (vt semel dicam) effœtum fit, molle & effœminatum. Neque verò hanc solũ roboris temperamentique mutationem incidere, verum etiam propriæ substantiæ naturam inuerti hinc intelligitur, quod castratorum animalium carnes quadam dulcedine & suauitate gustatum mouët, quæ autem è non castratis acceptæ fuerint, tum odore tum sapore testiculos

los referunt, euomuntque graue quoddam virus acerbitalis suae. Si testiculis exectis, totius corporis robur, temperamentum, propriaque substantia inuertitur atque mutatur, testiculi dum aderant, istorum authores erant & effectores. Neque tantae mutationis & praestantiae causa sunt & principium, vt quidam existimant, quod in se illabentem ex vniuerso corpore tum calorem, tum spiritum, densa compactaque substantia tanquam speculum radios in vniuersum corpus refundant. Neque quod in illis congestum semen, robur & calorem eiusmodi corpori impertiat: quanquam profecto illa non parum augere hinc animaduertitur, quod cum affluit & redundat, turgescens id impetu ardoreque corpus perturbat, excretum autem hoc placidum, lene, tranquillumque reddit. Sed hoc roboris & caloris ex se propriaque facultate obtinent, hasque suas vires in omne corpus effundunt, quemadmodum cerebrum nervis, tum sentiendi tum mouendi vim, cor arteriis pulsandi facultatem impertit. Ex quibus intelligi potest testiculos magno subsidio corpori venire, quo perfectius id & salubrius vitam agat, esseque ad meliorem vitae statum & conditionem utiles. Porro autem ad generis conseruationem, magna quidem est eorum necessitas, vt idcirco in principum partium numero censeantur. At certe Aristoteles hoc vno argumento, quod quaedam animalia, vt serpentes & pisces omnes, semen fecundum profundant, quibus tamen testes a natura denegati sunt, visus est existimasse hos ad seminis confectionem & ad generis custodiam principatum non habere. Si quae tamen eiusmodi sunt, vt sine semine generent, quale esse perhibent insectorum genus: aut si quae emissio semine sine testiculis generant, vt pisces atque serpentes, omnium procreandi rationem mancam atque imperfectam censemus, quippe quae non nisi temporis longinquitate perfici potest. In reliquis autem animantibus, quae modo quodam perfectiori generant, & quae in procreationem, non quemadmodum insecta & muscae, tanquam affixa diutius incumbunt, testes additi sunt, qui plenius semen excolerent & complerent, idque foras profunderent: nullam enim in his posse creationem sine testibus perfici, vna experientia satis confirmat. Ergo non (quemadmodum Aristotelis fert opinio) testes meliorduntaxat vsus gratia conditi sunt, neque vt motum seminis stabiliorem faciant, neque vt pondera telis textorum sic vasis seminis adiecti sunt, vt illa contendat. Putauit siquidem castratos idcirco generare non posse, quod exectis testiculis vasa seminis intrò se contrahant, occludanturque eorum viae, per quas euadere iam semen non possit. At verò quid de iis sentiet, quibus non execti sed attriti duntaxat sunt testes, aut quibus immodicè refrikerunt, aut alia quapiam intemperie aut vitio aut morbo affecti sunt, velut in gonorrhoea? His enim tamen reliquum corpus firma est & incorrupta sanitate, & viae satis patent, vt per eas abundè id possit emanare, quicquid tamen effluit, imperfectum est & minimè fecundum. Quàobrem efficiendi seminis testes primi sunt authores, vasa deferentia id quodammodo praeparant, iaculantia verò perficiunt. Etenim in his animalibus quae sibi diutius

Quomodo testes corpus mutant.

Testiculi viles corpori. Viles ad generis conseruationem. Nullum perfectum animal sine testibus gigni posse.

1. de generatione animal. c. 4.

t iij tius

Quomodo semē in testibus & vasis conficiatur.

tius à coitu temperarunt, omnia conferta semine videntur, sed quod (vt dixi) concoctionis varietate distinctum sit: hoc autem qua ratione fiat, explicandum excutiēdūque planius est. Vt seminis materia quam ē singulis particulis paulatim testes magna vi traxerunt, in flexuosis vasorum anfractibus longo viā tractu hæret cunctatūque diutius: ita in arteriis quæ illis anfractu quodam substratæ sunt, spiritus quasi irretitus subsistit atque retinetur. Hac mora & cunctatione vtraque vasa nituntur, quicquid continent tanquam alimentum, sensim in similem sibi speciem mutare: & vt illius colorem ita planè & substantiam totam paulatim conuertere. Quum ita præparatus humor in postremos illos anfractus qui testiculos inuoluūt, & circumplicant, tractus delatūque fuerit, coquitur, aptūque perficitur ad animalis procreationē: idque tum robore & calore eorū vasorum quæ testes ambiunt, tum verò ipsorum testium ingenita vi. Glandes enim cum sint, & spongiæ modo rari, cōplures fistulæ seminis confertæ in eo ex vasis propagantur, per quas susceptum humorem propria vi conficiunt.

Quænam est seminis compositio, quid testes ad eius concoctionem conferant.

Cap. IIII.

In semine vim summā esse cū calore & spiritu.



Vis & facultas seminis alia est ab eius materia.

EMINIS ergo materiam è vena caua elici, idque perfectam tum coloris tum substantiæ mutationem in testibus habere, vna sensuum fide confirmatum putamus. At verò in semine quod fœcūdum est & ad procreationem comparatum, præter eam materiam speciem quandam haberi, quæ spiritus & caloris vim summam obtineat, argumētis & rationibus oportet docere, iisque ex naturæ arcanis & ex recōdita aliorum animantium conditione deprōptis. In iis ergo quæ semen non emittunt (quod genus maximè insectorum est) fœmina particulam sui quampiam inserit in marē, & veluti materiam ad opificē adhibet, in hanc deinde mas vaporem quodam vitæ vim & facultatem coniicit. Diu coit genus id animalium, quousque constituatur aliquid: tam imbecilla enim his inest vis procreatrix, vt si quid quasi medium intercedat, nihil quicquam possit efficere: sed eam necesse est per se & proximè animal condere, & propriam cuiusque membri naturam nullius seminis aut instrumenti interuentu, sibi simile in alio mēbrum effingere. At in perfectioribus animantibus quæ non modò procreationis, sed præstantioris cognitionis gratia consistunt, mas tanto facultatis robore præditus est, vt cum de se vim quandam cum seminis materia in fœminam emiserit, possit ipse vel absens seminis interposito prolem gignere. Itaque quodcunque fœcūdum est & vtile semen, simplex id non est, sed vtique compositum, materiamque habet vltimi alimentum excrementum, & in hac facultatem quandam opificem, quæ tota est ætherea spiritūque plena. Hanc insitam non esse materiæ id planè demonstrat, quod in semine appellato, quod per morbum ceu per gonorrhœam præter voluntatem excidit, nulla facultas inest, sed id omnino excrementum

crementum est ad id gignendi neutiquam munus accommodatum. Hoc nemo rectè semen nuncupare possit, nisi fortè inducta homonymia: quemadmodum manum quæ ab omni animæ facultate destituitur, manum: hominēque demortuum hominem solēt appellare. Cæterum quæ in fœcundo semine facultas consistit, ea est quæ per se agit, omnisque motionis est principium: seminis autem corpore & materia vis ea tanquam instrumento utitur, quemadmodum anima ut apprehendat manum, & faber securim adhibet, ut ex ligno lectum arte construat. Ut igitur anima manum, hæc deinde materiam ex qua quippiam efficit, mouet ac impellit, ita in his animantibus quæ semen profundunt, hoc quidem proximè mouet & agit, sed à propria quadam vi & energia quam gerit incitatum. In quibus ergo quippiam constitui solet secreto profusoque semine (non enim omnia ut dixi emittunt) non id quidem tanquam efficiens primum & insitum generat, sed id quod primum mouet. Virtus enim quæ in seminis materia coercetur, vitam impertit, & partes conformat, summa illius facultas, non ex mole, sed ex viribus spectanda. Cum itaque duo in semine comprehensa teneantur, materia & facultas, illa quæ patiendi vim habet non ab omnibus corporis partibus, à quibusdam tamen necessariò secernitur: hæc verò quæ prorsus est efficiens, ab vnaquaque vel minima demigrat, quod nonnulli hac verborum interpretatione explicant, semen non mole, sed viribus à toto defluere. Cæterum qua via quæve ratione hæc ex toto decessio fiat, utque ex duobus illis vnum semen constet, aperiendum. Seminis crassior materia, cum solidis partibus apposita erat, ab eis generandi vim non conquirebat, sed præparationē duntaxat & patiendi cōstitutionem, ob quā facilè posset in illarum substantiam conuer- ti. Ea verò cum ad testes rapitur, vim suam etiam tum retinet, & præparationem habet, ex qua poterit aliquando in partium suæ naturæ materiam suffici atque substitui. Seminis materia quanquam vasorum testiumque vi exquisitè adeò coquatur, ut crassior albiórque euadat, nequaquam tamen semen inde absolutam fœcunditatis naturam consequi potest, nisi magna vbertate spiritus influant, eique materiæ penitus confundantur. Quandoquidem horum causa arteriæ ab aorta deductionem habent in testes, seminis vasa comitata. Ex quo intelligi potest, per ea vasa materiam: per arterias verò formam & facultatem semini conferri. Per has quidem spiritus vitalis, per venas naturalis à iecore, per nervos animalis à cerebro & spinæ medulla illabitur in testes. A cæteris autē particulis & ab vniuerso corpore credibile est non nihil spiritus atque facultatis derepente in testes irruere, idque valida agitatione corporis & perturbatione, quæ in ipso fit coitu, cuius hoc esto indicium, quòd titillatio vehemens tum corpus vniuersum ex vniuerso corpore, maximè verò ex principibus partibus confluerunt, illi demum seminis materiæ insident tanquam procreationis magistræ & opifices. Quapropter non testes semini vim tribuunt qua fœcundum est, sed

Seminis
materia ex
corpore la-
psa, vim ha-
bet dūta-
xat patiēdi

Vis & fa-
cultas cū
spiritibus
influit.

Quid te-
stes semi-
ni præstāt.

sed hæc ab vniuerso corpore suscipitur. Quid est (inquies) quâobrem testes inter principes partes retulimus, & quid hi in semen conferunt? Non materiam, vt quæ ex corporis alimento rapta haustâque non vires illas & facultates, vt quæ ab vniuerso corpore cum spiritu dimanarunt. Quâ nâ igitur eorum est efficientia? Ea sanè quòd materiam seminis concoquunt, ac planè in alteram speciem conuertunt, simulque ei formam eam à qua semen est & appellatur (quemadmodum mammæ lacti speciem) ex se ij tribuunt. Quinetiam suo illi calore spiritus quos ex corpore acceperunt, diligenter cõmiscent materiæ, eorûmque facultates inferunt semini, & omnium temperatione vnum efficiunt, hâcque ratione semen perficitur omnium viribus ornatum, tum facultatem, tum spiritum generantem in illis collocari. Neque igitur facultas, neque spiritus generans in testibus collocandus est: sed hæc propriæ totius sunt corporis, eorum animalium exemplo quæ vniuersi sui corporis calore & spiritu generant, nullo semine profuso. Neque in perfectis animantibus quæ semine generant, vllus est spiritus qui generans dici meretur. Non enim vt cerebrum ex vitali animale spiritum producit, sic testiculi vim habent ingenitam, quæ illapso vndique spiritus in vnus generâtis eiûsque simplicis naturam commutent: sed si quis est in nobis generandi spiritus, is coniunctio & confusio quædam est omnium. Cæterum qui contentione velit generantem vim ad spiritum testiculis attribuire, huncque ex multorum congressu simplicem esse factum, vix fortasse possit rationibus conuinci, quemadmodum neque si semen simplex ac prorsum vniufmodi, non ex multarum partiû naturæ dissimilis adhæsione compactum & coagmentatum pronuntiet. Vt cunque hæc constituta stabilitâque fuerint, testes nihilominus iure possunt inter principes partes haberi: non quia singularis cuiuspiam animalis vitam, sed (quod præstantius est) quia eius vniuersum genus perpetuant, neque vquam id vlla mortali necessitate sinunt occumbere.

Nullum in
testibus ef-
se generâ-
di spiritû.

De seminis natura, præstantia, & viribus, idque omnium tum spirituum, tum facultatum causam esse. Cap. V.



Albū cras-
sūmque se-
men.

AM verò ad seminis cõtemplationem reuersi, ex procreationis modo scrutemur quânam illius substantia, & quæ natura sit. Quodcūque absolutè coactum coctumque est, id vt colore album, ita & substantia crassum redditur, plâ neque imitatur vasorum ac testium naturam: cuiusmodi plerunque ab animali grandinis specie prodire deprehenditur. Cæterum non sicuti grando vel nix id frigoris vi concreuit, sed ab ingenito & interiore vasorum ac testium calore. Neque tamen vt lac, ouum aut alia quæcunque multum terrenæ substantiæ permistum habent, coctione cogitur, in quib⁹ vi caloris humore dissipato crassior portio subsistit. Nemo enim tam rudis est, qui semen quod planè æreum aut potius æthereum est, inter hæc terrena connumeret. Quid ergo restat? Vt aqua oleo

oleo permista, aut oui cādidum diutius agitātū, à coërcito flatu in spumā densā & albā ingentem tumorem exurgit, ita propemodum quod in nobis est semen calore cogitur & albescit. Testium enim calor spiritum vitalem ac reliquos tanquam concoctione exagitans, materiæ seminis omni ex parte permiscet, cūque sit ea materia nō parum cohærens & tenax, ab immixto spiritu facilē in spumam eāque dēssimam turgescit, cuius tamen bullæ cerni vix possint, vt neque in butyro. Ea certe causa veteres fabulantur, Venerem ex spuma progeneratam fuisse. Itaque semen etsi aëreum est, multo spiritu eoque calido confertum, calore tamen in spumam conuersum concreuit albescitque. Cuius etiam rei indicium est, quod sub dio positum liquefit, cūque iam planē refrigerit, spiritusque euanuerit, nigrius id effectum dilapsūque diffunditur. Remanet enim velut aqua minimum quippiam habens terrenæ portionis, quæ dum exaruerit, manifestō deprehendi solet. Ex his autem quæ euentuum obseruationibus confirmata sunt, palām fit id quod propriē semen appellamus, natura calidum humidūque haberi. Iam verō seminis vires quantæ sint verbis explicemus, idque ex Aristotelis decreto. Quoniam alimētum quod ad membra diffunditur & accedit, simile ei est quod tanquam superuacaneum relinquitur, semen aut manus, aut faciei, aut etiā totius corporis, manus est aut facies, aut corpus totum, sed promiscuē & confusē. Nam quale vnūquodque istorum reipsa iam est, tale & semen euadere potest, aut crassitudinis mole, aut facultate, quam in seipsum continet. Semen igitur (inquit) tale est, motūque habet & principium eiusmodi, vt motu peractō pars quæque emergat, eadēque sit animæ viribus instructa. Omnia enim quæcūque aut natura aut arte fabricantur & ortum accipiunt, ab eo quod reuera iam est fiunt, ex materia quæ habilitatem aliquam & adumbrationem habet futuri operis. Dehinc verō dum expressam atque solidam perfectionē consequuntur, in actum erumpunt, quemadmodum ex seminis materia in vterum emissa homo tandem procreatur, cuius species quædam & forma præcesserat in semine. Hoc quidem nullis corporis particulis conformatum conspicamur, quoniam tamen eā illinc aliquando comparebunt & exscitabuntur, viribus & facultate præditū est, omnēque animæ potestatem obtinet. Quum enim semen in animantis vtero conceptum non secus ac stirps vita fruatur & alatur, animā id in se cōtinet naturalem & altricem. Ea quoque quæ sensus particeps est à qua animalis nomē assumit, temporis progressu accedit, quum moueri incipit, tum demū rationis vis cuius appulsu homo dici meretur: non enim simul animal fit & homo. Animam igitur naturalem in feminibus atque conceptibus nondum separatis haberi potestate statuendum est, nō actū & reipsa: priusquam eo modo quo conceptus qui iam separatur, cibum trahant, & officio eius animæ fungantur, principio enim hæc omnia vitam stirpis viuere videntur. De anima quoque sensus particeps similis atque eadem est ratio. Duo hæc principia, quoniam ad agendum indigent corporis adminiculo, sine corpore nequeunt

Vnde semen albescat & densetur,

Seminis quæ sint vires.

2. de gene. anima. c. 1.

cap. tertio,

Animā naturalis & sentiens ex semine prodierunt.

nequeunt cōsistere. Ex quo fit vt in semen extrinsecus ea nō appellant: neque enim solitaria & per seipsa accedunt, quōd à corpore seiungi non possint: neque corpore quodam suffulta, quod diuersum sit à semine. Restat igitur vt semper in semine potestate fuerint, nunquam seiuncta. At verò mens illa simplex, nullius corporis terrena mole instructa vel indigens, sola extrinsecus accedit, eaque sola diuina est, nihil enim eius actioni cum corporis officio commune intercedit: omnis enim huius animæ vis, alterius corporis est particeps, quod magis diuinum est, quàm quæ elementa appellantur. Quoniam verò protinus huius libri initio demonstrare proposuimus, omnium quæ in nobis consistunt facultatum causas: iam ex his tanquam certa demonstratione confici potest, spiritus & eas quæ in nobis vigent facultates, nec primam elementorum temperiem esse, nec ex ea, sed è semine solo originem habere. Quamquam enim quatuor elementa optima temperie conuenient, & ad moderationem sese redigent, nequaquam tamen vllum animal vel stirpem efficient circa seminis, quod aut reipsa aut actu, aut potestate dūtaxat infideat, appulsum. Potestate dico ob stirpes, quæ è terra sponte sua emergūt, & ob ea animalia quæ ex putridæ materiæ vi proueniunt: in vtrisque enim non minima vis percipitur seminis, aut caloris qui eius potestatem habeat. Huius verò caloris vires & naturam Aristoteles memoriæ propagauit, suprà quàm ad naturalem spectet. Dura (inquit) mollia, lenta, rigida, & quicumque alij affectus partibus insunt viuientibus, caloris & frigoris vi effici possunt. At ratio qua iam caro aut os est, non sic potest: sed à motu efficitur, proficiscente ab eo quod genuit, quōdque energia tale est, quale potestate est id ex quo gignitur. Ex quibus clarum & euident est, quæcunque in viuientium numero habentur, sui ortum non primis rerum elementis, sed semini acceptum referre. Obiicias hîc fortassis, id semen ex primis constare elementis, omnemque vim suam ex illis adeptum esse. Hoc certè non est vsquequaque verum, sed à diuini quodam magisque excelso principio robur assumit, quâquam est ex elementis concretum. Nam (inquit Aristoteles) omnis animæ siue vis, siue potestas, alterius cuiusdam corporis particeps esse apparet, eiusque diuiniore quàm quæ elementa appellantur. Verum quemadmodum nobilitate obscuritateve animæ inter se discrepāt, ita & natura eius corporis differt. Continet enim in se semen cuiusque, fecunditatis suæ causam, nempe ipsum calorem, qui igneus minimè est, neque id generis facultatem aliquam æmulatur: sed spiritus qui in semine spumantēque corpore coëretur, & natura quæ in eo est spiritu proportionē respondet elemento stellarum. Quamobrem ignis nullum animal generat, neque constitui quicquam densis, vel humidis, vel siccis videtur. At verò solis calor & animalium, non modò qui in semine cōtinetur, verumetiam si quid excrementi sit, quamquam diuersum à natura, tamen id quoque principium habet vitale. Cæterum calorem in animalibus contentum, nec ignem esse, neque ab igne originem ducere, apertum ex his est. Hoc itaque Aristotelis decreto

decreto perfacile liceat facultatum omnium & spirituum causas intelligere: quibus equidem in totum assentior & subscribo. Ab homine autem ad cetera quoque genita digressus, sciri velim omnium genitorum primam constitutionem ex elementis proficisci, omnemque materiam, omne temperamentum, & eas affectiones quas Aristoteles secundas qualitates appellavit, molle durum, rarum densum, crassum tenue, & similia, ab iis sumptas esse. At propria cuiusque ratio & essentia, qua id ipsum est quod esse dicitur, nequaquam ex elementis emergit. Quemadmodum enim hominis essentia atque ratio, quæ illius est anima, diviniorem quam qui ex elementis est ortum habet: sic & essentia ratioque carnis qua caro est, aut ossis quæ os est, neutiquam ab elementis his densis atque concretis, sed ab elemento stellarum planè cœlestem naturam sumit: & hæc in cœlesti quodam spiritu consistit, hic autem spiritus est in semine, per quod genito toti impertitur. Ad eundem propè modum tum reliquorum omnium animantium, tum stirpium propria natura cœlesti ortu profertur. Hinc facultates quædam obtinent occultiores & recôditas, quas etiam cœlestes appellant, nequaquam ex elementorum temperie profectas. Circumspectis rebus omnibus rationibusque subductis, hanc de semine summam facio. Seminis materia utilis atque sincera, eius alimēti quod partibus solidis attribuitur portio quædam est, quæ vi testiculorum attrahente, de singulis corporis partibus secreta decessit. Ex hac testes & vasa suo quo prædita sunt calore semen generant, quod tamen fecundum atque fertile neutiquam habetur, nisi plurimus spiritus vitalis ex toto confluat, qui diligenter ei permisceatur. Quod ea confusione gignitur semen fecundum, id substantia crassum est & spumans, colore album, pondere læve, natura aëreum, temperamento calidum & humidum. Eius substantia & crassitudo ex elementorum constat temperamento: præter id autem calorem quandam divinum atque cœlestem obtinet, non ignis aut alterius elementi participem, in quo vita omnis consistit ac manet, in quo præterea potestas insidet tum naturalis & altricis animæ, tum eius quæ sensum, motum, & appetitum habet. Hic dum effervesceat, quæ compressæ atque tacitæ in eo delitescabant facultates, in actum erumpunt, & viribus sese ostendant. Omnes has facultatum adumbrationes semen, non ab elementorum permissione, sed à patris corpore consequutum est, in quo energia consistunt. Ex quo intelligi potest eum hominem qui emissio semine generat, omnes quoque corporeas facultates unâ producere. Cæterum animū & eam animi partem quæ princeps est, quæque mens nominatur minimè is confert, quia cum animus sit à corporis natura diversus, eius substantiam non comitatur, sed extrinsecus in id illabatur ceu divinum munus.

De seminarum semine.

Cap. VI.



PROEMINAS semen proferre, hac potissimū ratione doceri potest, quod testiculos & seminis vasa acceperit, crebris flexibus atque circuitibus intorta, haud secus ac in maribus enata. Quæ omnia

v nia

Rerū omnium
formæ
divinæ sunt

Fœminis
semen in-
esse.

Fœminæ
semen fœ-
cūdū esse.

*Molæ gng
sive flumini
virginiæ
fuit a muliere
sive fœcūdū*

Rationes
quib⁹ Ari-
stotelici cō-
tēdunt fœ-
mineū se-
mē esse in
fœcūdum.

2. de gene.
anima, c. 4

nia si natura non frustrā condidit, generandi seminis facultatem simul his attribuit, huiusque causa fabricata sunt. Rei veritas sensus testimonio cōprobat. Nam fœminis quæ diutius à coitu sibi temperarunt dissectis, in vasis semen circumfluere, idque iam albescere conspicitur, æquè ac in maribus: in ipsis verò testibus, crassius & perfectius. Quinetiam per insomnia, eæ interdum fatentur semen nō minori se voluptate quàm in coitu eiaculari. Viduis & iis quæ diutius veneris studia intermiserunt, ut per insomnia ita obscœnarum partium titillatione copiosissimum crassissimūque semen erumpit. Quæ cū integra sensuum fides affirmet, nō aliunde rationes petendæ sunt, quibus doceatur semen in mulierum vasis haberi, idque 10 concubitus magna voluptate profundi. Non idcirco mulieribus id concessum est, ut duntaxat impetum illis & quasi stimulum adderet ad venereos amplexus, sed ad alia quoque plurima conducit, quæ paulò post afferemus. Id autem vim habere procreantem atque fingentem inde colligitur, quod non alium in his quàm in maribus ortum & à testibus & à vasis 15 acceperit, quod etiam mulier quæ morbo comitiali, calculo aut podagra affligitur, prolem gerit horum malorum hæredem: quod demum partus sit plerunque matri similis: quæ omnia nō maternus sanguis, sed quod ab illa profusum est semē efficere potest. Ergo semen quod de mulieris partibus similaribus decessit, ad similitudinem partium effectiōnem & conforma- 20 tionem vim quādam obtinet: tametsi ea profectō minor est, & infirmior, quàm quæ à maris semine confertur. Qualis autem & quanta sit ea vis, declarant ova quæ subuentanea dicuntur, & molæ quas mulieres quādoque proprii duntaxat seminis vi, nullo viri concubitu concipiunt. In his siquidem procreationis est quædam adumbratio, & rudis materiæ concretio, 25 quàm maris semen si suis instructum viribus accessisset, tanquā multo potentius numeris & ornamentis omnibus absoluisset. Neque tamē hoc per se & solitarium, sed fœmineo duntaxat permixtum quicquam perficit. In adversam partem multis rationibus contendit Aristoteles, ut demonstret mulierem semē nec habere nec emittere. Eum certē humorem qui in mu- 30 lierum vasis manifestō cernitur, & quibusdam in venereo complexu magna cum voluptate effunditur, satis quidem animaduverterat: at is inquit seminis rationem non habet. Loci enim proprius est, & vteri velut quædā profusio, qualis etiam viris minimè fœcundis sponte sua plerunque erumpit. Itaque cū antè semen id esse definiuisset, ex quo primo oriuntur ea 35 quæ secundum naturam constituuntur, hunc istum humorem qui non sit ad generandum accommodatus, semen non appellavit. Eum humorem qui à fœminis cum voluptate emittitur, idcirco nihil ad conceptum conferre putat, quod plerūque (inquit) sine ea voluptate quæ fœminis per coitum euenire solet, concipitur, si locus turget, & vterus propius descendit. 40 Non desunt qui eodem interpretationis genere, hunc mulieris humorem semen appellent: sed quod fœcūdum non sit. Rationes autem quæ illi fœcunditatis vim adimunt hæ sunt. In omni rerum procreatione aliquid est

ut

vt efficiens, aliquid vt materia : quæ quanuis in fruticibus vnum idémque esse videantur, forma tamen & rationis dignitate longè latèque distant. In perfectioribus autem animantibus, vt hæ facultates sexibus distinctæ apparent, ita efficientis & patientis tum naturæ, tum corpora diuersa sunt.

Prima ratio.

5 Quocirca cum sit mas efficiens, fœmina verò patiens : hæc ad procreationem, non verum semen, sed materiam duntaxat conferet. In quibus enim mas à fœmina separatur, natura generandi principia non miscuit, sed prorsum vt viribus ita & sedibus ea disiunxit. Si fœmina semen gerit fœcundū, cum alterum principium nempe materiam contineat, poterit citra maris

Secunda.

Tertia.

10 congressum, ex seipsa fœtum edere. Hoc si fieri potest, frustra mas erit. Absoluta autem hæc sunt, fœcundum igitur non est mulieris semen, nec quicquam constituere potest. Oua subuentanea quæ gallinæ citra maris opem pariunt, imperfecta sunt & infœcunda. In piscium genere cum fœmina ova deposuerit, mas deinde illa semine conspergit : quæcunque id attigerit

Quarta.

Quinta.

15 vitam assumunt, reliqua autem irrita, & à maris calore destituta, contabescunt. Ex quibus perspicuum esse volunt, fœminæ si quod semen inest, id vim nullam habere efficientem & procreatricem, sed tanquam materiam maris semini subiici : quæ tamen ardoris stimulo fœminam ad coitum impellit, simulque vterum ad cōcipiendum parat & accommodat. Maris autem

20 semem, tum materiam, tum vim & facultatem eximiam habens, procreationis efficiēs est & opifex. Quapropter mas formā motūque principium, fœmina verò corpus atque materiā affert. Hæc rursus valida istiusmodi ratione stabilire contendunt. In perfectiorum animantium genere fœmina quem conceperit fœtū diu gestat atque alit : hoc autem efficere nō

Sexta.

25 potest, nisi superuacaneorum redundantiam frigido humidōque suo temperamento congerat : eiusmodi ergo cum sit fœmina, neque copiosum, neque crassum, neque calidum, idcirco neque fœcundum semen potest efficere. Hoc cum Aristoteles animaduertisset diligentius, mox subiunxit : si semen esset, menstrua non essent, idcirco autem illud deest, quoniam hæc

30 infunt. Itaque fœmineum semen non eam elaborationem, non eos vitales spiritus, non eas denique vires quas masculum potest obtinere, quāquam similem ortus sui modum accepit. Hinc conficiendum putant, id non debere seminis appellationem sortiri, aut si semen dicendum videbitur, quia non fœcundum id est & modicum, à menstrui sanguinis natura discessit,

35 homonymiam committi. At verò si altius omnia scrutabimur, solui quidē hæc poterunt. Et si enim rationibus inniti videntur, quæ ex philosophiæ theorematibus depromptæ sunt, hoc tamen duntaxat efficiunt, maris semen præstantius atque fœcundius esse quàm fœminæ : non autem illud solum vim habere efficientem, hocque prorsus infœcundum tãquam materiam

Solutio.

40 subiici. Commentitium enim videtur, & anicularum figmentis proximū, solum maris semen ex materno sanguine citra vllam fœminæ opem, perfectum quicquam progignere, nec est profectò earum muliercularum dictis fides habenda, quæ asseueranter pronuntiant se nulla coitus volupta-

te vtero concepisse. Vt autem quæ à gallinis eduntur oua subuentanea, sic & quæ galli pariunt exigua, compertum habemus nequaquam fecunda esse. Necesse est igitur amborum semina mutua substantiæ familiaritate & amicitia se copulent & prorsus confundantur, si qua inde futura est absoluta procreatio. Semen non idcirco fecundum appellamus, quod solum ex sanguine quippiam generet, ita enim ne masculum quidem fecundum haberetur: sed hinc quod dum alteri confunditur ad generandum conferat. Nunc autem quis demonstrare possit, fœmineum non opitulari masculo? Si nobis permittetur Aristotelis rationem huc accommodare, ea certe quamuis ab aduersario petita, rem nostram omnem constituet, & quasi in sepimento aliquo vallabit. Is enim naturam ait maris ac fœminæ vtriusque sexum in fruticibus miscuisse, quod sola vis mascula (licet terra materia ei conferat) nō satis sit quæ procreationē in stirpibus efficiat. Quod si in his, multo magis opinor in animantibus, quæ præstantiori sunt ordine, necessum fuerit maris ac fœminæ vires coniungi, non idcirco duntaxat ut fœmina materiam suppeditet, sed ut copulatis atque confusis amborum viribus, semen vnum ex ambobus procreationi aptum proferatur. Hoc igitur integris absolutisque viribus præditum, tãquam opifex in subiectam materiam incumbit. Hæc de semine procreationis humanæ principio, nunc de materno sanguine differendum.

Vnde semen fecundum dicatur

Cōtrouer siæ solutio ex Aristotele.

De menstruo sanguine.

Cap. VII.



MENSTRUUM non quemadmodum semen vltimi alimenti, sed sanguinei portionem quandam esse, hoc est indicium, quod nō mariscæ, non fluxus sanguinis è naribus, non varices, nō tale quicquam mulieribus magna ex parte accidere solet, quãdiu id profluit: si quid horum erumpit, deterior fit menstrua purgatio, quod huius materia aliò rapta dissipetur. Eorum animantium quæ viuum fœtum edunt, fœminas menstruo abundare necessum est, ut hoc fœtum quem statò tempore vtero gerunt plenè alant ac sustentent. Quod autem hanc alimenti vbertatem natura suppeditaret, fœminam imbecillio rem frigidiorẽque mare constituit. Hic quidem quia plurimo calore circumfluit, omne quod susceperit alimentum perfectè mitigat atque coquit: & si quid præterea redundat, id potenter discutit. At fœmina quæ haud ita multum à mare perfectè calido disiuncta est, alimentum satis quidem conficit, infirmiorẽ tamẽ calorẽ obtinuit, quàm ut quod redudat possit discutere. Proinde illi ex frigida imperfectaque natura, mēstrui sanguinis utilitas accessit. Quæcunque animantia ouum pariunt, nec fœtum in se viuum cōtinent, mensibus non purgantur: minus enim sanguinis obtinent, aues quidem quia sicciore, pisces quia humore plurimo circumfluunt. Hæc vna ratio efficit, ut in reliquorum animantium genere mulier plurimũ menstrui sanguinis emitat. Calida enim & humida est illius cōstitutio, carẽtque pilis, cornibus,

Menstrui necessitas & productio.

Quæ animalia menstrua habent & quæ nō habent.

Quæ multum, quæ parum.

cornibus, ungulis, aliisque particulis, in quas solet cæteris animantibus superuacua moles conuerti. Quæcunque porrò plenius gulæ ventrique indulgent, & vitam inertem otiosamque traducunt, quoniam exercitationis defectu & caloris inopia minimum superuacui sanguinis discutitur, eius plurimū coaceruant. Vnus ergo sanguis redundans, tum viris materia prima fit seminis, tum mulieribus menstrui. Vt enim maribus, sic etiā fœminis circa annos pubertatis ingens incidit corporis vniuersi mutatio: ac tū temporis in crescente iam & vegetiore facto nativo calore, pubes erumpit, vbera tumescunt, corpus libidine titillatur, exuberans sanguis calore veluti extenuatus diffunditur, vixque suis receptaculis coercitus, viam sibi parat qua dimanet. Quamobrem hac ætate prodidit Hippocrates maribus sanguinis è naribus profusiones, puellis verò menstruorum eruptiones obtinere. Illis siquidem venæ quæ ad nares cōstitutæ sunt, his verò quæ in vterum inque eius ceruicem inseruntur, facilius promptiusque referantur & patefiunt. Itaque qui in vena caua redūdat sanguis, in vteri venas perlabitur, hæcque copia & calore distēdens aperit, vt ab earum osculis stillans dimanet, profluatque è partibus obscenis. Imminuta copia circumcisæque redundantia, quod reliquum est & corpori necessarium venæ retinent: dum verò menstrui nihil amplius erumpet, quæ ad vterum pertinent ora venarum, sponte sua occludentur & conniuebunt. Mensis vnus curriculo tantum denuò congeritur & accrescit, quātum antè profluxerat, idque simili prorsus ratione, naturæ impulsu per vterum deponitur. Non est autē quod aliquispiam existimet, hanc duntaxat sanguinis redundantiam circuitus causam esse, quoniam iis etiam quæ sanguinis exiguum congefferunt, quāquam parcius, statis tamen circuitibus profunditur. At huius circuitus causa, aut in naturæ consuetudinem, quæ omnia certis legibus statisque periodis exequitur, aut in sempiternos & immutabiles lunæ cursus referenda est: quæ vt luminum varietate, tum crescens, tum senescens, mensem dimittitur, sic hominis vt sanè reliquorum omnium humores, rata ordinis constantia regit, atque moderatur. Ne quis porrò menstruum sanguinem existimet quasi affluentiam & exuperantiam esse sanguinis utilioris, & ei prorsum similem qui in venis pro alimento est, velim equidem hoc loco pleniorē de illo rationem institui. Plurimum in mulieribus fieri auctor est Aristoteles, & eum qui statis circuitibus profluit, genus esse quoddam sanguinis vitiatum, & quasi ægrotans. Etenim à puriore sanguine secernitur naturæ beneficio, præsertim decrescente aut silente Luna. Hoc excidente, si nouella vitis tangatur, in perpetuum læditur, steriles fiunt tactæ fruges, moriuntur insita, exuruntur hortorum germina. Si omnino mulier prægnans alterius menstrua supergrediatur, aut illis circumlinatur, abortum facit, ei autem quæ vterum non gestat, concipiendi spem adimit. Mulierum quæ purgantur spiritus & vapor ab ore, specula atque eboris nitorem obscurat. Gustatus hic sanguis canes in rabiem agit, homines autem miris cruciatibus affligit, comitialesque morbum,

Quo tēpo
re mēstruū
erumpat.

Quomodo
instituitur.

Circuitus
mensium
causa.

Menstrui
natura.

3. de hist.
animaliū
cap. 19.
Menstruū
quid.
Menstrui
perniciēs
& malignitas.

clausura
et c.

Forſi men-
ſtruo non
ali.

Galen⁹ li.
de tumori-
bus præter
naturam.

morbū, pilorum effluuiū, aliāque elephantorum vitia infert, idcirco à veteribus inter venena relatus, pari malignitate exiſtimatur atque ſanguis elephantici potus. Hinc dum in muliere ſupprimitur, nec ſtatis temporibus emanat, ei etiam cui proprius eſt, debetque familiaris eſſe, grauiſſima affert incommoda: viſcerum obſtructiones, tabem, cancrum, morbū comitiale, huiusque pernicipi quamplurima. Quum itaque tāta ſit eius pernicipes, ſitque vis ei tam peſtifera, vix animum induco fieri poſſe, vt ex eo foetus in vtero geſtatus alimentum capeſſat: imò tum optime ſolet mulier vtero concipere, quum ab hac fœda eluuię munda repurgatāque fuerit, quūque purus exiſtet tum vterus tum reliquus ſanguis in corpore, ex quo demum foetus aletur. Quanquam autem reliquo deinceps temporis circuitu, vitioſus ſimiliter ac prius congeritur & accreſcit, eo tamen haudquaquam foetus continetur aut viuit, nec eum, ſed quantum poteſt puriſſimum, atque ſuauiſſimum pro alimento rapit ſibi que iungit. Quonā igitur corruptus ille ſanguis, quem menſtruum appellauimus in grauidis cōcedit? Pars exigua circa vterum inhaeret in venis, pars maxima reliquo puriori ſanguini permiscetur. Hinc quia nequit naturæ vis omne illius virus mitigare aut euincere, grauidis mulieribus plurima mala obueniunt, corporis grauitas, fœdus faciei color, lienis tumores, varices, malacia: atque vt in genere dicam, ab hoc retento in omne morbi genus procliuiores ſunt, 20 quam quæ vterum non geſtant. Hunc autem natura intus continet, ne ſi viam patefaceret, cum eo vtile foetus alimentum ſimul emanaret. Itaque natura nouæ prolis procreationem inſtituens, in vitæ diſcrimen plerūque parentem adducit. Non igitur menſtruo foetus alitur, ſi hac appellatione corruptum cum ſanguinem notamus, qui purgatio eſt & excrementum 25 purioris. At verò quoniam hoc nomine omnem ſanguinis ab vtero factā deiectionem ſæpius veteres ſignificauerunt, ſerè ſit vt & foetus ali & lac gigni ex menſtruo ſanguine pronūtiemus. De ſemine ac ſanguine mēſtruo, quid ſint, vnde & ex qua materia, & quomodo gignantur, dictum iam ſatis eſt: nunc verò de hominis procreatione tradendum. 30

De ſeminis conceptione, & prima hominis conſtitutione.

Cap. VIII.



VONIAM in animantium genere cōducebat marem & fœminam ſeparari, ſolers & prouida rerum natura, vt 35 eos quandoque ad generis propagationem inuitaret, & ne vniuerſum genus intercideret, libidinem quaſi ſtimulum ex ſeminis ardore vtrique iniecit, & partibus obſcœnis illecebras & admirabile congreſſus deſiderium, idque vt ſua ſemina in vnum conferrent, alioqui prorsus inutilia futura. Quare 40 præter teſticulos quorum eſt ſemen generare, conditæ ſunt partes obſcœnæ, iſſque inſigniores duo nerui eximij ſenſus inferri, qui viris deſinunt in glandem, venereæ voluptatis ſedem. Dum itaque qui concavus eſt in pene

Seminis
eiection.

pene neruus, spiritus copia impletur, penem arrigit, viasque distendit, per quas semen directe & impetu iaculemur. Veneris autem ingens facta delectatio, seminis vasa & testiculos irritat. Hinc mirifice impulsum semen turgidumque spiritus vbertate, vix potest suis vasis contineri, sed cogitur foras exilire ingenti voluptate, viris quidem quodam quasi saltu ob via flexum & longitudinem, mulieribus vero languidius. Vt autem omnes hæ causæ maiores sunt in viris quam in mulieribus, sic illos constat in coitu maiore voluptate teneri quam mulieres: quanuis hæ pluribus modis oblectantur, nempe dum semen erumpit, atque etiam dum vterus viri semen
 10 auidè suscipit & amplectitur. Hinc Tiresias vates, qui vtrumque sexum fingitur expertus, mulierum partes visus est tutari. Porro autem seminis emissio non fit in vteri sinum, quoniam eius os internum coniungere occludique solet, sed in ceruicis fundum excidit ad os vteri, quod plerique seminis vasa & testiculos deriuari prodiderunt. Illuc igitur viri & mulieris
 15 mina confluant: hincque (vt author est Aristoteles) in vterum angusto ore rapiuntur. Profusio (inquit) seminis non intrò fit, vt quidam volunt, os enim vteri angustum est, sed antè, quo femina mittit vaporem illum nonnullarum recrementum: eodem enim mas etiam mittit quod fuderit, & aut ibidem manet semen emissum, aut intrò ab vtero trahitur, si calidus est &
 20 modicè temperatus. Cuius rei indicium, quod locus qui modò madebat, resiccatus mox sentiat. Sic & Oribasius, Duo (inquit) orificia habet vterus, vnum interius, alterum externum, in quod viri genitale semen conditur, in illud quidem non ingreditur, sed trahit vterus ad se semen, quemadmodum cucurbitula. Id ipsum videtur alio loco planius expressisse. Què
 25 admodum è profundis cuniculis ceruus serpentem narium inspiratu allucit, sic vterus viri semen è sua ceruice. Miror ab his atque etiam à vero Galenum descivisse, qui putauit mulierem semen per cornua in solum vteri sinum eiaculari. Quum illa vteru gerens fortasse concumbet, quonam tandem semè id vteri sinu susceptum euadet? Ob signatum enim tum adeò est
 30 os vteri interius, vt nihil vel minimum subire possit aut excidere. Hoc si in præscriptum pariendi tempus intus contineretur, inutile prorsus & otiosum computresceret, & grauissima tum animi, tum corporis incommoda necessariò inueheret. Hac forsitan ratione perterritus Auicennas, inconsideratè statuit grauidam mulierè, nullis viriù conatibus, posse in concubitu
 35 semen effundere. Ad hunc itaque modum semen prolecat vterus, si quidè validus est & inanis, appetensque veneris: atque si futura est conceptio, mulier quadam voluptate præsentit vterum gestire: miròque seminis desiderio totum in partes obscenas prouolui, vt ei obuius ore quasi manu id excipiat, aut potius arripiat. Acceptum deinde continet auidissimè ac in sinus
 40 suos recondit, adeò certè id vndique comprehendens, vt nullum intus spacium inane sinat: quin & in id sese contrahens, os suum adeò coarctat & claudit, vt ne vel minimum quidem dehiscat: ceruicis autem os quod est ad partes obscenas, nunquam nõ patet. Sic quidem Hippocrates memoriæ
 v iij prodidit,

Seminis
tractio.2. de gene.
anima. c. 4.Aph. o. 23.
li. 6.Obiectio
cōtra Ga-
lenum.Vterus vt
semen cō-
prehēdat.

prodidit, iis quæ vtero gerūt vteri os comprimi, hocque testimonio, si obstetrices immisso digito, os vteri conuiuere sentiant, mulierem concepisse pronuntiat. Cæterum si imbecillior erit vterus, quod in vitiosis affectibus fit, aut si minus appetēs erit seminis, vt in grauidis & in iis quarum libidinis ardor euauit, quæque expletæ iam sunt venere: viri semen in ceruice, aliquatū confidens, mox foras excidit & elabitur. Id autem mulier fecunda facile apprehēdet & retinebit, si integra sit valetudine, si pauco antè tempore repurgata & munda sit à mēsis, si pariter cum viro aut paulò post id ei aculetur. Ita enim si eodem impetu atque vir semen emittit, aut si paulò antè cum iam libidinis furor plurimum incēsus est, vterus ingenti voluptate & auuiditate id allicit & in se recondit. Cōtrā verò si multò post aut antè quàm mulier, vir semen emittat, cum nempe vel nondum effruescit, vel iam cessauit impetus libidinis in muliere, vterus aut semen non proleat, aut certè non continet: neque si continet, vtile id redditur, propterea quòd nimia mora à fœmineo destitutum est, spiritusque totus euanescit. Neque profectò seminis attractio neque retentio, conceptio est, tametsi id ratio nominis videtur indicare. Non rarò enim auidus vterus semen attraxit, quod diu continere non potuit, sed biduo aut triduo fuit elabi. Est & cum id diutius inutiliter referuat, vt in mola, quæ nec cōceptio vera est, huius enim mole opprimitur & laborat, perinde vt ventriculus cibo graui & immutabili, quæ tamen traxit ac cōtinet, conceptio propria & peculiaris. Est igitur vteri actio, quæ seminis potestas exuscitur, & insitū sibi munus reipsa obit & exequitur. Quemadmodum enim terra ferax & fecunda, exceptum semē suo calore fouet, deinde excitat & ad parturiendum impellit: sic vterus fecundus ingenua vi, quæ alteri nulli parti est cōcessa, sopitam seminis vim & delitescētem in eo potestatem excitat, & ad agendum extimulat, vt energia fiat & dicatur. Tum temporis semen opus aggreditur & suscipit, quod antè nusquam agere potuisset: alioqui enim mas solus in seipso generaret. Itaque seminis potestas in actum erumpit & exuscitur vteri vi: atque ea ipsa exuscitatio conceptio est. Auicēnas & qui eius institutionem sequuntur, perperam censuerunt seminis potestatem in actum erumpere ea corporis exagitatione, quæ fit in concubitu. Primū itaque vterus semen attrahit, attractum continet, contentum concipit: haud secus atque ventriculus tractum contentūque alimentum conficit, vt enim concoctio ventriculi, sic conceptio vteri propria est actio. Ex his profectò quiuis perspicere possit, quæ ad probam & exquisitam conceptionem desiderentur. In primis enim necessarium est, maris semen rectā affatimque emissum, fecundum esse, nec tenue vt vel serum vel aqua, nec mole exiguum, sed tale quale redditur à bene temperatis viris, non præter modum veneri indulgentibus. Deinde verò vterum repurgatum, seminiferaque appetentem, auidè hoc ipsum trahere è ceruice. Tertiò tractum vndique amplecti ac continere, in totū conuiuente illius osculo. Ad hæc vterū fecundum esse, qui ad seminis conceptionem sit idoneus. Is autem est, inquit

Cōcipiendi
rationes.

Cōceptio
quid.


Auicennæ
error.

Quæ neces-
saria sunt
vt bona
fiat conce-
ptio.

inquit Hippocrates, qui mediocrem ex omnibus obtinet temperaturam: nempe qui nec immodico frigore densior factus, maris semen refrigerat, oraque vasorum obstruit: nec humoris affluetia seminis fecunditate tanquam terra palustris extinguit: nec siccior alimentum ubertatem inhihet: nec calidior semen ipsum ardore torret & exurit. In summa omnis immoderata absit intemperies. At modicè intemperati optimè commodèque generant, si coeant cum intemperatis pari exuperantia in contrarium vergentibus, sese enim temperant & certa ratione moderantur. Cum similibus autem si commisceantur, nequicquam valent producere. His ergo omnibus uniuersè concurrentibus, conceptio naturæ legibus fit: neque si vnum desideretur, fieri potest ut conceptus ad absolutionem perueniat. Sterilitatis autem impedire conceptiois causæ, huius loci non sunt, quod in præsentia ea duntaxat quæ natura duce ac veluti magistra proferuntur, persequi statuimus.

Prima animalis conformatio.

Cap. IX.



GE verò iam vtero conceptum sit fecundum semen, quid id deinde præstet ac molitur enarrandum. Sunt quæ non ex seminis materia procreantur: sanguinea tamen animantia è semine omnia lucem accipiunt, oriunturque hoc à mare in feminam emisso. Maris ac feminae fecunda femina, ubi consentanea quadam moderatione opportunè conuenient, mutua quidem amicitia tanto complexu iungentur verèque permiscebuntur, ut fiat amborum vis vnica eadèque natura. Mox deinde suscitata vis illa in semine latens, huius materiæ variè distrahitis, eiusque partes secernit: non enim est exquisitè vnum & omni ex parte consimile. Itaque statim primo & altero die, partes seminis tenuiores, calidiores, & spiritus magis participes, intrò & in mediū totius molis se recipiunt: crassæ verò ac magis terrenæ illas ambiunt & circūcirca obuallant: ex quibus durioribus factis atque coactis vteri cōtagione & calore, obuolutescunt fœtū membranæ proferuntur. Omniū extima ac prima fit allatoides, à farciminis specie appellata: tenuis ea quidem & inualida, & angustior quàm quæ totum conceptum circumplicet & inuoluat, longis tamè & arctis processibus ad vtrumque apicem porrecta: per hanc membrana chorion dicta, vteri apicibus annectitur. Sub hac tota seminis pars exterior & magis terrena (semper enim semen sese colligit in angustū, & parte sui media vires obtinet multò maximas) qua vterum contingit, in membranam alteram cōcreuit, quam Latini secundas, Græci *χελον* appellant. Semen etenim quia lentum est, & omni ex parte coheret, calore crassius fit & magis cogitur, ob idque externa & summa eius facies in membranæ cōstantiam coit. Levis autem cum fit, vtero committitur & adhærescit per ora vasorum quæ in vterum desinunt: ea dicuntur acetabula, per quæ semen alimentū ad se rapit: perforatur enim membrana, ut quæ mollis adhuc & recens sit coacta. Præter has autem & tertia quædam amnios appellata gignitur, circūcirca vniuersum conceptum

Acetabula

Amnios.


Spiritus in
semine o-
pifex qua-
lis & vnde

conceptum amplectens & inuoluens, valida certè & futura sudoris receptaculum. Ab his autem ad reliquum semen conuertamur. Quod intrò conclusum est tenuius, multò etiam magis calore diffunditur, hinc mox turgescit spiritum concipiens, vt inquit Hippocrates. Per id tēporis quicquid in semine tenue est, id in spiritum abit, non cum quidem venti flatusque plenum: non enim tum vterus flatu turget, aut eius distentione torquetur, neque per vteri ceruicem flatus vlla vis erūpit. At verò sic in spiritum id verti putamus, vt spiritus ille caloris omniumque facultatum moderator, & primus procreationis author, in seminis mediū se colligat: non enim vt multi Aristotelem interpretātur is euanescit, aut auolat à semine, 10 sed in eo persistit omnium partium conformator & opifex, in quibus radicatus ac penitus inhærens prima fit partium omnium natura, hāsque vbi conformauerit, postea semper assistens, in omnem vitam quantum potest diutissimè & saluberrimè conseruat. Itaque hic spiritus non modò primū vehiculum & instrumentum est procreatricis facultatis (in eo enim constituta est summa illa diuināque vis conformandi) sed etiam reliquas omnes naturales, quibus nutrimur & augemur, earūque auxiliarias is vnus in se omnes sustinet & comprehendit. Ex quibus planum euadit spiritus & omne facultatum genus ex semine initiū originēque ducere. Hoc pacto quod nuper simplex semen erat à parentibus emissum, naturæ rationē 20 sumit: aut si explicatius hoc dici mauis, quæ prius in semine sopita erat naturæ vis & quasi intercepta, tum ad agēdum exuscitatur, dum primum id innatum sibi officium peragit, quod diximus conceptionem esse & nuncupari. Ambiguum enim est, an otiosum semen possis naturam appellare, quemadmodum nos rectè vocare solemus dormientem muscum. Itaque 25 hic spiritus facultates habens & naturæ instrumentum, tres bullas in medio semine constituit quasi guttas perlucas, quæ tum proximè sibi rudimenta quædam & principia exhibent trium principiorum, cordis, iecoris & cerebri. Non tamen spiritus in his quasi fixus inhæret, sed per totum seminis corpus vagatur, nunc quidem ad externa pergens, nunc verò crassiusculæ iam membranæ occurrens, & ad seminis medium refluens, vt ab Hippocrate commemoratum est. Nulla enim pars seminis ab huius contagione immunis est, imò hic simul cum natura quoquouersum se diffundit & cuncta tranat. Efficientis siquidem naturæ vehiculum est & instrumentum, quæ effingit partes singulas. Has autem quia totas per intima 35 conformat, si verum est Aristotelis decretum, omnem actionem contagione perfici, necesse quidem est totas eas penitus attingat, neque duntaxat extrinsecus vti statuarum fictor, qui in interiores materiæ partes minimè descendens, neque his manum admouens, rudes omnino & impolitas relinquit. Iam verò ad institutum reuertor. 40

Rudimēta
triū princi-
piū partiū

vt

Vt de partium corporis principatu, ita & de conformationis ordine magna quidem contentione certatur. Cap. X.



ARISTOTELES venarum quemadmodum & arteriarum originem, & tum mouendi tum nutriendi principium cor instituens, non abs re dum sibi suisque principiis vult consentire, hoc contendit primum effingi & seorsum consistere in iis animalibus quæ sanguine prædita sunt. Id enim primum coherere atque constare necesse est, ex quo incrementum & motus cæteris partibus accedit. Quapropter (inquit) si quid

Cor ex Aristote, primum conformari.

10 tale est, quod in animalibus inesse necesse est, in quo omnis naturæ principium atque finis consistat, id primum quidem fingi & præ cæteris conformari necesse est. Eiusmodi autem cor esse ait, idque sensu primum percipi. Ad hæc quum per obitum cor postremum vita priuatur, id quoque ait primum viuere. Omnibus siquidem commune est, ut quod primum constitutionem & ortum acceperit, id postremo deficiat, quasi natura decur-
 15 sionem reducens agens, à calce ad carceres, unde initium sumit, redeat. Quod autem primum gignitur, id esse vitæ & animæ sedem, ab hoc deinde cætera membra suo quæque ordine conformari. Cuius nonnulli modestiorem interpretationem subiiciunt, vitalem calorem in corde fixum atque stabilem, in feminis materiam influere, ex qua partes omnes conformat. Hæc
 20 autem medici haudquaquam recipiunt, neque fatetur cor venarum esse originem: neque similaribus dissimilaribusque partibus motionis nutritionisve principium existere: neque id ante cætera gigni. Rursum neque nouissimè id per obitum vita omni deficere, quāuis fortasse motu concu-
 25 ti, calere, ac vitales functiones obtinere videatur: primum vitæ genus, quod naturale appellant, perfectiori quodā ordine statuunt homini inesse quàm plantis. Hæc quia aluntur & crescunt, viuunt quidem, at non vitali calore & spiritu, qui animalibus ex corde proficiscitur, quādo nimirum nec cor, nec quicquam quod illi proportionem respondet, obtinent. Fœtus ex se-
 30 mine recens conformatus, haud secus atque stirpium genus, iecoris beneficio viuit. Hæcque illi prima est & simplex viuendi ratio, quæ quoniam ad vitam animantium tuendam non satis esse potest, temporis prolapsione perfectionem quandam consequitur ex corde, quod ingenti caloris & spiritus copia hanc actionem vegetiorem absolutioremque reddit. Solet tum
 35 temporis animantium vita, ipsaque vis & spiritus vitalis appellari, nempe quorum appulsu præstantiore quodam viuendi munere conceptum viget quàm planta. His certè rationibus conficiunt, non cor sed iecur primum viuere, & primum conformari. Hæc ita quidem variè disputari solent ratione utrinque probabili. Cæterum si de obscuris non modò ingenij acie, verum etiam obseruatione iudicandum est, conceptum intelligemus nunquam otiosum esse, sed statim initio partes omnes eius in suam quamque opus incumbere: fœtus partes æquè omnes conformationis suæ adumbrationem & rudimentum nancisci, licet non pariter omnes summam consequantur

Cōfutatō

sequantur perfectionem. Nam ex puriore & vegetiore seminis portione quæ in vteri medium concedit, loci tepore suscitatur solidarum partium materia, quæ spiritus omniumque virium & facultatū atque etiam opificis nostri sedes est. Hic protinus quasi discusso torpore exurgit, in actusque proprios erumpit: ac primum multo spiritu turgescens se diffundit, omniaque permeans partes varias quæ sunt in semine (hoc enim simplex non est & vniufmodi, quanquam tale apparet) secernit, calidas à frigidis, tenues à crassis & terrenis, ut singulæ demum in propriam naturam redeant, & his partibus effingendis suggerantur, à quibus olim decesserunt. Seminis portiones quæ à tribus parentum principiis defluerunt, comparent in primis medio semine in tres quasi bullas digestæ spiritu facultateque cõfertas: ear rudimenta sunt iecoris, cordis, & cerebri. Ac tum etiam generans facultas seminis materiam commutat aptamque reddit efformationi: & idcirco alia portiones crassiusculæ apparent, quæ in ossa abituræ sunt, alia tenues ac liquidæ, ex quibus nervi fient & venæ atque membranæ. Sic omnium preparatio quædam instituitur ad futuram conformationem. Huius operis nonnihil iam die septimo cerni potest, at multò apertius decimoquinto, quum in semine iam conspicuæ sint partes, & substantia & situ discretæ. Post id temporis ex idonea materia conformatrix facultas opus aggressa, primum rudia & inchoata principia, cor, iecur, ac cerebrum in propria loca seiungit, propriæque figura ac specie exornat: simul & membranæ foetū obuoluentes robur nanciscuntur. Mox in his venæ & arteriæ effinguntur omnes in foetus umbilicum deductæ, & quarum oscula polyporum modo acetabulis vteri cohererent. Tum temporis è iecore, tū vena porta, tū caua multiplici sobole dispergitur, & è corde arteria, è cerebro spinæ medulla caudicis instar, è qua & nervi filis aranearū tenuiores emergunt, ventriculus, intestina, vesica, cordis inuolucrum, hypezocos membrana, atque peritoneos, duplex meninx, omnes denique membranæ firmo robore obtēduntur. Cutis concrevit omnia contegens ex ipso quoque semine, nō ut quidam prodiderunt ex carne aridiore facta. Ossā figuram sensimque duritiem conquirunt, ex coacto & verè concreto semine. Ab ossibus quicquid vi caloris spumæ modo emanat, id partim iuxta ossiū extrema reponitur, ad vinculorum conformationem, partim circumcirca & in longum effunditur, ut membrana fiat periosteios Græcis appellata. Die quidem vicesimo septimo partes omnes & dispositæ & cõformatæ quodammodo iam apparent, sed perfectè in maribus die trigesimo, in foeminis trigesimo sexto. Hactenus sola existit solidarum partium conformatio ex puro semine, quod quantulumcunque initio conceptum est à parentibus, id nihil auctum, nihil amplificatum satis est partibus omnibus conformandis. Tum inde sanguis ex vtero prolicitur, qui primum circum iecoris spermaticas fibras atque rudimentum concrevens, totam illius molem & substantiam constituit. Ita quidem sæpe observauimus die quadragesimo eiectum foetum, semi digiti, aut ut ait Aristoteles, formicæ maiusculæ magnitudine verè

membrana costarū
inungens.

verè ac prorsus conformatum, & cuius partes omnes excepto iecore albæ
 ac spermaticæ cernebantur. Caput par erat auellanæ, & maius quàm pro
 reliqui corporis ratione: oculi vt cæcis exerti: nasus, auriculæ, brachia, ma-
 nus, crura, pedes, hisque secreti digiti: penis conspicuus, sub quo scrotum
 5 milij magnitudine, superiora autem inferioribus maiora, nullo ossium ro-
 bore, sed flexibilia quocunque ducerentur. Omnia contexta cute tenuissi-
 ma & pellucida, per quam interiora cernebantur, alba quidem omnia, fi-
 brosa & feminis æmula, nullo carnis aut sanguinis rubore perfusa, vnum
 tamen iecur rubrum inerat, amplum & recens concreto sanguini persimi-
 10 le: in quod ex secundis per vmbilicum venæ ferebantur sanguine cõfertæ
 fœtum posthac nutrituræ. A die trigessimosexto aut quadagesimo, cõfor-
 mata partes solidæ nutriri incipiunt & carne fulciri, idque iecoris benefi-
 cio, quod omnibus alimentum conficit & ministrat. Sensim ergo natura
 carne eas implet capacitates, quæ inanes inter spermaticas fibras interci-
 15 derant, pictoris exemplo qui primùm imaginem rudibus lineis adubrat,
 mox vario pigmentorū genere illustrat & perficit. Caro igitur ex materno
 sanguine fibris accrescit mucosa & lenta cuique parti sua: fit autē ea tum
 in musculis, tum in aliis partibus, coacto frigoris vi quod in eas illabatur
 alimento. At verò quoniam magna est partium tum in dignitate, tum in
 20 facultatum robore varietas, fieri omnino nequit, vt gubernatrix omnium
 natura, omnes æquè promoueat: sed dum ipsa vniuersim in omnes, vires
 suas exercet, accidit vt aliæ partes citius, aliæ tardius formam consequan-
 tur, & genitæ appareant: ac tum primùm vsu quodam dicere solemus na-
 turam eas partes procreasse. Proinde si quis à veteribus conformatarum
 25 partiū propositus est ordo, non agētis est naturæ, sed effecti operis. Sic qui-
 dem & eximius Hippocrates de his statuit. Membra simul omnia confor-
 mātur & increscūt, nullūque prius aut posterius altero: maiora verò na-
 tura priusquam minora comparent, quum tamen nihil priora sint. Non
 ergo pari tempore ornantur ac perficiuntur omnia, sed quædam citius,
 30 quædam tardius prout quæque ignem nutrimentūque nacta sunt. Er-
 go si quem in genere procreandi ordinem spectes, ea pars primùm gigni-
 tur, id est genita apparet, quæ dignior est, motusque principium in se ob-
 tinet: valentior enim ea facultate, tum generante, tum propria agēte præ-
 dita est. Post hanc verò cæteræ, quæ illi sunt vtilēs, & quæ illius gratia con-
 35 sistunt. Sic igitur superiora inferioribus, interiora externis, & spermati-
 ca sanguineis prius orta apparent: ac inter illa quæcunque præstantiora
 sunt, priora sunt cæteris, licet sæpe posterius compleri ac perfici cernan-
 tur. Sic enim tres principes partes cor, iecur, & cerebrum, priusquam vm-
 bilicus aut cæterorum quicquam, procreationis suæ primordia sumunt,
 40 tamen si omnium primus vmbilicus perfectè consistit. Hac igitur via & ra-
 tione, quid post quod fiat quærendum est.

De fœtus perfectione & complemento.

Cap. XI.



Quando
primū sen-
tit fœtus.
Quando
primū mo-
uetur.

Situs infā-
tis i vtero.

Vmbilici
vasa.

PECIE atque forma modò adornatus fœtus, totus tenellus est, omnique ex parte præ immodico humore lentus & mucii plenus, ob idq; ad omnes actiones minus accommodatus. Reliquo deinceps tempore, dum vi caloris assiduò aridior fit & siccior, cuncta firmatur, membranae, nerui, atque cutis, ungues in extremis digitis, ac pili in capite radices agunt. Sensus autem facultate fœtus illustratur circiter diem sextum & trigessimum. Vbi autem iam ad mensem tertium mas peruenit, fœmina verò ad quartum, firmatis ossibus ac paulò durioribus factis, moueri inquit Hippocrates, ac calcitrare incipit. At certè siue mas siue fœmina geritur, aliæ prægnantes semper die quadragesimo secundo, aliæ mense tertio, aliæ non nisi medio impregnationis cursu eū loco dimoueri sentiunt. Eadem quoque prægnans aliàs secundo & quadragesimo die, aliàs quarto mense primos motuum insultus obseruat, quum quasi volitantis muscæ excussionem vel titillationem percipit. Tanti causæ discriminis non sexui, sed vel robori bonæque constitutioni fœtus, vel prægnantis naturæ tribuenda est. Quanquam hoc tempore vnaquæque particula conformata apparet, nondum tamen integrè consummata est atque firma. Proinde hinc ad nonum vsque mensem, quo fœtus lucem ortumque accipere consuevit, perficiuntur singulae, nutriuntur & crescunt. Tum deinde quum fœtus id magnitudinis & roboris cōsequutus est, vt seipso regi & ore sumptū alimentum cōficere valeat, amplior factus, vberiorémque cibum ex- postulans & aërem ampliorem, quem ad natiui caloris refrigerationem spiritu ducat, viam & egressum ipse sibi facit. Vtero gestatus, incuruus totus ac contractus, talos ad nates applicat, manibus genua apprehendit, in quæ caput sic demittit, vt oculi manuum pollicibus veluti affixi hæreant, nasus verò inter genua procumbat. Prior corporis pars, in matris abdomine, posterior in dorsum vergit, si mas geritur: nam fœminæ aduerso situ collocantur. Hac autem ratione alitur fœtus in vtero. Singulis acetabulis tum venarum, tum arteriarum alia adnata sunt vasa carne suffulta per secundarum medias regiones dispersa, tandem in vmbilicum coeunt, ex quibus fœtus sanguinem & spiritū assiduò rapit. Duæ siquidem in vmbilico cernuntur arteriæ, in ramos arteriæ maioris lumbis subiectos insertæ. Totidem venæ ex vmbilico, in vnā coeunt, & in iecoris caua pertinent: vt qui per has ex secundarum venis tanquā ex radicibus (alitur enim fœtus auctore Hippocrate vt cuncta humi nascentia) tractus est sanguis, rursus in fœtus iecore perfectionem suscipiat, & quasi noua mutatione familiare illi fiat alimentum. Hinc per venam cauam quoquoersum deriuatus, partibus singulis passionē affert: omnes quippe hinc alimentum capeffunt. Cōcoctione iecoris quæ perfectior quædam est *aiµάτωσις*, quatuor humorum differentiarum gignuntur in fœtu, haud secus ac in adultis. Vrina licet pauca (quo enim sanguine fœtus alitur, is iam in matre ab vrina magna ex parte fuerat purgatus)

gatus) in renes & vesicam secernitur: hinc autem effluit, non quemadmodum nobis per vesicæ ceruicem, sed eo ductu qui in fundum vesicæ inferitur, redundat in umbilicum, illincque spargitur sub membranam allantoeidem, ubi collecta seruatur ad pariendi tempus. Alterum vniuersi corporis excrementum, quod sudor est, sub amnion membranam excipitur, eoque fœtus circumfusus est vt cutem vsquequaque contingat. Inter allantoeidē tunicā & chorion nihil incidit, sed hæ quasi cōtinuatæ sunt. Nullū excrementū ex aluo fœtus deponit, cum neque ore cibū capeſſat, neque ventriculo cōcoquat: tamenſi recens in lucē editis ex aluo elabatur quippiā simile crasso, nigro, & lutulento ſanguini, quod iecoris recremētum est, ex cuius cauis in intestina exciderat, in quibus cumulatū ſeruabatur in pariendi tēpus. In hūc igitur modū alitur, augetur, perficiturq; fœtus. Cæterū circa nonū mensem factus grādiōr, copioſiore (vt dixi) egens alimēto & ſpiritu, diutius cōcludi non patitur. Proinde primū ſeſe cōuoluit, capūtque declinans pudendo offert, crura ac reliquos artus in ſublime diſtēdens. Id autē nonnunquā molitur vno mēſe ante partū. At ſic ſe inuertēs nihil defringit, quod laxior ſit umbilicus, duos plerūque cubitos lōgus, multis modis & inuolucris fœtū præcingens. Inſtante partu ille calcitrās, primū amnion membranam manuum pedūque crebra impulſione diſrumpit, ac tum miſcetur vrina ſudori. Poſt hæc verò maiore impetu ſeſe cōuolutans, plurima acetabula diſſoluit, quo tēpore mater ventris tortiones experitur, deſluitque ſanguis in vteri capacitatē. Poſtea verò ſecūdæ ab acetabulis eucluntur, & reliquæ diſſerpuntur mēbranæ, aquæ ex vtero deſluunt; cūmq; nil amplius hæret fœtus, excidit ceu maturū malum ab arbore, ſoluto ſpōte pediculo. Hæc quidem fœtus molitur. Vterus verò qui nouem continēter menſibus tota ceruice connixerat, fœtum auidē comprehendens, tum os paulatim aperit, ac primum quidem ita diducit, vt obſtetricibus minimum in id digitum immittere liceat, dehinc verò amplius, vt obſtetrices allantoeidem tunicam, & quas vocant aquas ori obuias percipiant. Ab his verò ore ad fœtus prolapſionem ſatis patente, vniuerſus vteri fundus, quāproximè poteſt ad os ſe cōtrahit, fœtūmq; foras propellit: cui & aliæ quæ circumſtant partes ſuppētiæ ferunt. Ipſa quoque mulier non mediocriter ſibiipſi opitulatur, & viribus connititur ad fœtum ſtrenuè excludendum, cōtractis intentiſque his qui in abdomine ſunt muſculis. Fœtus in os vteri delapſus, capite corpori viam parat, ſeque foras dat per lubricā ceruicem, vt quam copioſus effluens humor perfuderat. Multa igitur in tam difficili arduoque opere conueniunt, fœtus, mulier, & vterus, quē ipſi aliquādo vidimus tanto impetu fœtum extrudere, vt ſimul foras excideret. Quo autem pacto os vteri tā opere dehifcat, vt per id fœtus elabatur, neſcit Galenus, nec aliud quā admirari poteſt. Auicennas tamen in ea eſt opinione, vt exiſtimet pubis oſſa tum neceſſariō ſeiungi, horūque commiſſurā quaſi diſſolutionem patere: quod tamen fieri nulla ratione poteſt, nec eſt vſu deprehēſum: rectum tamen inteſtinum & podicem grauiffimè premi

Vrina fœtus ubi cōtinetur.

Vbi ſudor.

Infantis exclusio.

Pariendi modus.

15. de vſu partium.

constat. Ita quidem ex naturæ præscripto paritur infans, mas quidem facie ad matris podicem, fœmina verò ad partes obscenas conuersa, quoniam in vtero illis quoque contrarius situs erat. Fœtus exitus angustia secundas exiit & inuertit, quæ & mox fœtum sequentes cernuntur vmbilicum foris habere. Vix dum editus infans eiulans vociferatur: ac sine magistro, duræ naturæ, lac è mammis exugit quod eò magna prouisione reconditum fuerat, sanguis enim qui mensibus singulis excerni consueuerat, subsistit non in ipso quidem vtero (illic enim concreverat in grumum) sed in venis maioribus, in vniuersum corpus redūdans. Hic in tres distribuitur portiones. Prima ea est quam fœtus per acetabula vi sua pro alimento trahit, hæc-10 que non modò menstrui, sed etiam totius materni sanguinis (vt Auëzoari credimus) pars est syncerissima & longè optima. Altera sanguinis portio, nullo item contaminata vitio, cùm primùm fœtus mouetur in mammas concedit, vt naturæ mutationibus in lac conuersa, recens nato infanti familiare & conueniens suppeditet nutrimentum. Tertia in ipso iam partu-15 & multo post tempore copiosè è venis per vterum dimanat. Tres eæ portiones in superuacuo mulierum sanguine còtinentur, & mensibus singulis naturæ impulsu foras exturbantur, hincque mēstruorum nomen inueniunt. Vna tamen ea portio quæ in pariendi tempus reseruata foras propulsatur, verum est menstruum nutritioni ineptum, non molis tantum-20 modo copia, verum etiam qualitate noxium & infestum. Tanta autem cùm sit mēstrui perniciēs, quemadmodum suprà diximus, mulier si à partu non commodè expurgatur, vita est in discrimine. Qua ratione motus Hippocrates, nec dies viginti, nec quinque & viginti, mulieri expurgandæ satis esse pronūtiavit: verum omnino aut duos & quadraginta, 25 aut certè triginta. Quæcunque grauidis sub partum incidunt symptomata, maximè verò malacia, cordis dolor, & appetentiæ deiectio, verus hic menstruus humor prorsus accersit. Veterum diuturna obseruatione animaduersum est, mulierem quæ profluentibus menstruis fortè conceperit, fœtum edere ad elephantiasin propensum: definitumque est à quibusdam, quoto ætatis anno illa in conspectum se dabit. Huius causam statuunt, quod per id temporis fœtus necessariò augetur & increfcit ex menstruo prorsum vitioso & corrupto, quod suæ perniciēci radices agens tandē suam prodit malignitatem. Si verò haud ita multum antè quàm menses erumpere consueuerunt mulier concipiat, quoniam iam quiddam in venis 35 huius est mēstrui, in lucem proferetur infans in multos certè morbos procliuius. Fœliciter autem & integra sanitate hic ortum accipiet, quem nuper expurgata mulier conceperit: nisi aliunde à parentibus vitium quasi hæreditate contrahat. Iam de infantis figura & similitudine.

Purgatio
mēstrui post
partum.

Veri men-
strui per-
niciēs.

Quibus 40

Quibus ex causis fit, ut nati parentibus similes dissimilesve sint.

Cap. XII.



VIVS quæstionis ardua & tanta obscuritate inuoluta est inuestigatio, ut quicumque in hac versati sunt veteres, de causa dissentiant. Quod autem hæc breuiter summatimque perstringam, omiſſa Aristotelis de hisce sententiâ, triplex in primis similitudinis genus cõmemorem, vnum in specie, alterum in sexu, tertium in effigie. Quæ in specie exi-

Triplex si-
militudo.
Species
seu genus.

stitit similitudo, maximè ex subiecta materia proficiscitur. Hinc quod ex animalium diuersi generis cõkursu progignitur, propiùs ad fœminæ quàm ad maris speciẽ accedit. Ut ex oue & hirco, ouis gignitur pilis duris & longis confita: cõtrà verò ex capra & ariete, capra fit pilis mollioribus: hæc quæ proportio retinebitur, si canis & vulpes, vel asinus & equa cõeant. Qui certè euentus argumento est, multò copiosiorẽ fœtui materiã à fœmina quàm à mare conferri. Cùm autẽ mas nihil nisi semen suppeditet, consequens est ipsum quoque semen fœtui pro materiã subiici: alioqui fœtus matrem omnino exprimeret & specie referret, quod perspicuè falsum est & inane. Sexus porrò ex temperatura & moderatione agentium & principum quæ in seminibus insunt qualitatum emergit. Si enim vtriusque parentis semen calore siccitatẽque plurimùm excellat, mas procreabitur: cõtrà si frigus humôrque vincat & exuperet, fœmina. Sexus discrimen non solum ex partibus obscœnis, sed etiam ex reliquo ferè corpore spectatur: ex barba, partium amplitudine & voce. Ergo ex robustis parentibus, calidis, si temperantia quadam venerem exercent, mas ferè exulscitatur: rursùm quæ à dextri testiculi semine, & in dextro vteri sinu, mares, à sinistris verò fœminæ. Formæ & effigiei similitudinẽ robori facultatis conformantis, quæ in semine opifex est, Galenus refert acceptam. At ne quis inferat, oportere semper fœtum patri similem gigni, quòd patris semen validius sit materno: inquit fœmineum quandoque præpollere, propterea quòd nouè mensium spacio vim plurimam sumit ex menstruo, atque hinc accidere ait ut fœtus nonnunquam matri similes euadant. Quin etiam contingit fœtum vna parte matrem repræsentare, altera patrem, nimirum cùm neutrum semen reliquum prorsus euincit: sed fœminei pars altera excellit, altera vincitur à masculo. Nec rarò vsu euenit, ut fœtus sexu patrem æmuletur, forma autem & effigie ad matrem propius accedat. Primis duobus similitudinum generibus, tametsi verisimile videtur Galeni decretum, ac nonnullam persuadendi vim adhibet: tertio tamen & postremo genere in quo vim effectricem non modò fœmineo semini, sed ipsi quoque menstruo concedit, vix satis consistere potest. Nam ex iis rationibus causam minimè reperiet, quamobrem fœtus plerunque alterius ignoti speciẽm similitudinẽque gerat, qui nihil ad procreationem contulit. Aliud accedit quod nec perspicui nec cognosci potest: vbi enim mas matris effigie in lucem edetur, huius eam rationem statuit, quòd in vtriusque semine, aut

Sexus.

Effigies.

Disputa-
tio de effi-
gie.

x iij

certè

certè in masculo calor & siccitas excellant: quibus id non mediocri facultate præditum, possit pudèda foras protrudere, ac reliqua depromere quæ masculi sunt sexus, ac nihilominus quæ tū in fœmineo consistit vis effingendi, præpollet. Si (quod is quàm pugnacissimè tutatur) vis & robur cuiusque facultatis temperamentum consequitur, quî fiet ut masculum semen temperamento sit potentius, fingentem autem facultatem habeat imbecillio-rem? aut vndenam accidere possit, ut tanta vis conformandi insit fœmineo semini, quod nihilominus constanter asseuerat crudum esse, frigidum & aqueum, semperque masculo imbecillius? Quapropter speciei & sexus rectè ab eo traditam causam putamus, effigiei verò non v¹⁰

Vera effigiei causa. quequaque veram. Probabilius autem est, quod huc solet ab aliis afferri, vehementi comprehensione & firma grauidarum cogitatione vim eam quæ fœtum conformat, duci atque gubernari. Huius enim quæ potissimum data est hominibus, tanta vis est & potestas, ut sicuti plerunque corpus cogitantis immutat, sic & in conceptum semen vim suam conferat. ¹⁵

Demonstratio. Hoc testimonio quòd dum mulieri quæ nuper vtero conceperit, vel cerasum, vel fragum, vel vinum in sinum effundetur, si animo id graui-ferens vehementer apprehendat, ibidem infanti nota inuretur. Parac- similis est eorum ratio, quæ in malacia accidunt, si grauida eo cuius fl- grat desiderio minimè potiatur, infans illius signum geret. Veterū etiam ²⁰ literis proditum est, mulierem albam, prolem nigram genuisse, hinc dun- taxat, quòd fixis oculis intentoque animo diu Æthiopis imaginem com- prehendisset. Si pauo dum ouis suis incubat, linteis albis circumtegatur, al- bos omnino pullos, non gemmantis coloris edet: quemadmodum etiam gallina colore varios emittet, si variè picta oua foueat. Hæc quum mul- ²⁵ torum animaduersione comprobata sint, similitudinis quæ in effigie est, ea iusta causa videri potest, quam Plinius commemorat, è celebri quopiā authore depromptam. Hausta (inquit) imago sub ipso conceptu, simili- tudinum reputatio est. Cogitatio enim vtriuslibet parentis animo subito transuolans, effingere similitudinem existimatur. Hinc alios auis similes, ³⁰ alios patribus enasci videmus: nōnunquam ex albis parentibus in Æthio- pem partum ipsum degenerare. Sūntque plures in homine, quàm cæ- teris omnibus animalibus differentiæ, quoniam velocitas cogitationum, animique celeritas, & ingenij varietas, multiformes notas imprimit: quum cunctis animalibus immobiles sint animi & similes omnibus, singulisque ³⁵ in suo cuiq; genere. Hæc ille, quib⁹ ego prorsus assentior, & verè ut loquat, omnino mihi persuadeo, vim formæ effectricem à cogitatione duci & ab ea vna regi. Atque hæc de similitudinum causis, in quibus neque vitio- sas neque monstruosas affectiones quæ præter naturam sunt, intelligi ve- lim. De gemellis nunc reliquum est, ut breuiter disseramus. Si quod se- ⁴⁰ men vir eiacularur, statim dilapsum vteri sinus ambos ex æquo subeat: his- que cōclusum foueatur, affluente tum mulieri semine, gemelli procrean- tur, authore Hippocrate, quanquam Aristoteles aliam causam refert. Si æqua

æqua partitio non est, contingit molam cum fœtu haberi. Qui gemelli
vnius sunt sexus, iisdem secundis inuoluti, simplici duntaxat membrana
sejunguntur, suum quisque tamen umbilicum, propriasque tum venas,
tum arterias obtinet. Qui verò diuersi sunt sexus, diuersas quoque secun-
das acceperunt, easque prorsus diremptas. Ergo locorum in quos seor-
sum semen inciderit distinctio, fœtuum numerum designat: quos (tame-
si complures erunt) vnus idemque concubitus instituit. Si enim postea
ex alio congressu semen vtero concipitur, quod mulieri perquam rarò, ca-
nibus autem & aliis plerisque animantibus frequentius accidit, gemelli
non fiunt, sed ea fit quæ superfœtatio dici solet. Non enim vno tempore,
sed dierum interiecto numero æduntur ij fœtus: estque vt concipiendi
sic & pariendi tempus varium. Corporis moles ad alimenti sanguinisque
materni bonitatem & vbertatem, amplitudo solidarum partium ad pater-
ni seminis copiam, proceritas ad eius naturam refertur: ea enim plerunque
artus ad iustam paræmque magnitudinem porrigit. Mulier eadem ex pu-
sillo viro pusillum, ex procero procerum fœtum parit: rarò tamē vir ex di-
uersis mulieribus dissimilem magnitudine prolem suscitatur.

Gemelli v-
nico fiunt
cōcubitu.

Vnde & quoniam ordine animæ facultates conceptui tan-
quam genitæ accedant: nec esse præterea dubitandum an
semen pars fiat conceptus. Cap. XIII.



Osteaquam vniuersam fœtus procreationem sumus exe-
quuti, tempestiue postremo loco de animæ viribus & ea-
rum ortu (quisquis est) differemus. Repetenda autem sunt
quæ semini inesse demonstrauimus, nempe fœcundum, a-
nimam in se continere, tum naturalem, tum sensus parti-
cipem, idque potestate non re ipsa & energia. Nemo enim
semen animā iam habere, vt neque profectò animal esse dixerit, quod ta-
men vt euadat, potestatem & vim habet. Præditum enim est diuino & cœ-
lesti calore, qui non in elementis, sed in spiritu quodam est æthereo. Hic
autem spiritus sentientis animæ sedes est & vehiculum, primūque agen-
di instrumentum: in omne seminis corpus penitus immergitur, ei que fœ-
cunditatem conciliat. Hic à corpore inseparabilis est, nec per se potest so-
lus constare, vt neque anima cuius est sedes. Quod si à materia nunquam
sejungitur anima, neque ea diuinitus, neque aliunde extrinsecus accessit.
Quocirca vt in omni animantium genere mas præcipuam seminis sub-
stantiam, ita sanè & animæ vim statim primo ortu vnā cum spiritu cōfert.
Primum tamen in semine delitescens, sensum latet, nec magna ex parte
cernitur, quo tempore potestate dicitur inesse: at in progressu vteri vi ex-
citatur, & opere se ostendit. Nam mox simulac semen concipitur, vis con-
formandi exurgit, quam nonnulli aiunt velut idolum quoddam & ideam
generantis esse. Hæc vbi fœtum totum conformauerit, superuacua omni-
no intercidit & euanesceat, vt multorum fert opinio: at verò quoniā postea
in

Spiritus qui
in semine
est præstā-
tia.

Infantis sen-
tiens anima
ducta est à
parentibus.

Naturalis
facultas.

sentiendi
facultas.

Mēs & in-
telligētia.

Quaestio.

2. de gene.
animaliū
cap. 3.
Obiectio-
nū quorū-
dā solutio.

in adultioribus dentes gignit atque profert, rectius putem illam seruari, sed idcirco otiosam, quod ei desit materia. Nutriendi insequitur facultas perpetua, & quæ nunquam viuum animal deserit. Hæc à parente defluens non (vt putauit Auicennas) in fœtu perit, vt ei mox alia sufficiatur vegetior: sed quasi repuerascens perpetua fit, non secus quàm quæ in stirpium & feminibus inest. Eadem de sentiente facultate ratio est, quæ in fœtu redintegrita, interim otio sopitur dum fœtus perfectior euadat, tum deinde in actum prodit, suæque depromit opera, his demum mouendi vis appellit. Caterum princeps ea pars animi, quæ mēs appellatur, & rationis præstantia excellit, separabilis quum sit à corpore, nequaquam in materia potestate continebatur, ex qua demum temporis progressu erumperet. Alioqui enim immersa corpori, ipsiusque egens perpetuo, nec ratiocinari, nec intelligere, nec aliud quicquam citra organū corporeum posset efficere. Ab summo rerum autē conditore primū creata, in præparatū instructūque infantis corpus vniuersum, temporis momento commigrat, idque menſe quarto fieri proditum est, quo tempore cor & cerebrum consummata iam sunt. Caterum humoris redundantia, veluti in ebrietate, aut lethargo sopita, nondum potest quæ sua sunt munera proferre. Si animus ille in quo inesse quiddam cœleste & diuinum doctissimi illi veteres putauerunt, potestate nequaquam inhærebat in seminis materia, quid causæ est cur non similiter vt hominum sic etiam equorum, canum, brutorūque cæterorum fœtibus accedit? Quoniam sic summus ille rerum omnium conditor singulari sua erga hominū genus bonitate contulit. Verūtamen si naturæ rationē penitus introspicimus, luculenter profectō deprehēdemus, in humano fœtu quandā corporis præparationem, partium temperaturā & cōpositionem à vi effectrice produci, quæ vel diuinā illam mentem & ratiocinandi facultatē elicit, vel eam saltē admittit & conseruat, tãquam cōuenientem, & cūctis functionibus obeundis cōsentaneam. Quāquam enim (vt Aristoteles est author) nihil cum eius actione cōmunicat actio corporea, corpore tamē malè affecto, aut nō congruenter præmunito, eius actio deprauari percipitur. Hoc itaque successus ordine animæ partes in fœtu ex Platonis sententia comparent, qui tres eas situ atque substantia seiugauit. At minimè putes sentiēdi anima appellente, altricē perire, & cū summa illa rationis particeps accesserit, quā omnium vim habere existimāt, cæteras interciderē. Illi enim hæ semper assident, essentia sedibūque distinctæ. Aristoteles de hoc ipso facultatū ordine inquit, non idem simul animal & hominē fieri, sed prius quidem animal, deinde verò hominē, postea & hūc quoque hominem. Quum in fœtu primū simplex & solitaria inerat anima naturalis, frutex is vtiq; non erat: neque quū sentiens anima accessit, brutum is certē fuit. Non enim quicquid stirpium modo viuit, id pro stirpe ducendum: quoniā iam sæpe admonuimus naturalem hanc partem in animantibus quàm in stirpibus quodammodo perfectiorē haberi, & quæ semini inest, potestatem in se hanc continere sentiendi: neque quod eandem

dem cum animali vitam agit, animal statim est: neque si animal, cōtinuò
brutum aut bos, aut leo, aut canis, aut eorum quiddam quæ per se vivere
ac sentire conspiciamus. Et quanquam, ut alibi à nobis proditum est, quæ
in absoluto iam animali sunt animæ partes, adeò connexæ sunt, ut seiun-
gi aut diuelli nequeant, nec vlla possit occumbere aliis saluis & constan-
tibus, gigni tamen possunt & in actum erumpere, eo quem diximus or-
dine. Multo enim aliter occumbunt quàm genitæ sunt: non enim inte-
ritu in semen redeunt, vnde emerferunt. Quare omnium simul faculta-
tum interitus, momento fit. Cæterum si Aristotelis sententiam institu-
tionemque prosequimur, quæ ad veritatem propensior videtur, hæ fa-
cultates & animæ partes, non ex crassa feminis materia prodierunt, sed
ex cœlesti calore & spiritu, in quo omnem vim & potestatem consistere,
à nobis est explicatum. Est enim eo authore in spiritu & calore vis atque
facultas nondum re ipsa agens, sed potestate: huius autem instrumen-
tum est spiritus, vtriusque verò sedes & materia est feminis pars terrena
atque crassa. Hæc igitur feminis potestas, & quæ in spiritu vis delitescit,
tota in fœtus facultates conuertitur, spiritus in spiritum, quemadmo-
dum terrena eius materia in solidarum partium, & spermaticarum sub-
stantiam faceffit. Ex his autem intelligi potest, eos aut perperam aut con-
tumeliose Aristotelis sententiam detorsisse, qui eum dicunt statuisse se-
men solius opificis, non autem subiectæ materiæ rationem habere. Sæ-
penumero enim hic feminis appellatione eam facultatē designauit, quæ
in terrena crassitudine consistit: hanc autem demonstrat constituti fœ-
tus partem non fieri, sed opificis vim obtinere. Nec enim mas omnis (in-
quit) semen emittit, & quibus emittitur maribus, nulla pars fœtus hoc
est: sicut nec à fabro quicquam secedit ad lignorum materiam. Quibus
certè nihil aliud inferre conatus est, quàm opificem quatenus opifex est,
partem non fieri constituti artificij. At feminis corpus ille fœtui pro ma-
teria subiecit. Ossâ (inquit) in prima constitutione gignuntur ex femi-
nis excremento. Paulo post, Nerui etiam eodem modo quo ossâ insti-
tuuntur, & ex eodem feminis excremento. Iam verò si maris semen, mul-
to magis fœmineum pars fit constituti fœtus: ex hoc enim tum mem-
brana allantoides dicta, tum etiam masculi feminis incrementum fit,
vnde partium quoque solidarum materia sufficitur. Ut enim in bicolo-
ribus ouis, animal (inquit Aristoteles) ortus sui materiam à candido su-
mit, cibum autem à luteo (origo quippe pulli in albumine est, cibus per
umbilicum ex luteo petitur) ambòque à fœmina proficiscuntur: quod
autem in ouo est maris semen, tepido calore excitatum, pullum consti-
tuit fingitque ex candido partes singulas, eas autem alit ex luteo. Ad
hunc eundem prope modum, vel eo authore, in mulieribus atque iis a-
nimantibus quæ viuum partū ædunt, masculum semen ex fœmineo au-
ctum solidas partes constituit, quæ dein menstruo aluntur. Oui quippe
y luteum

Ex qua fe-
minis fa-
cultates or-
tae sint.

Aristote-
lis inter-
pretatio.

1. de gen.
aial. ca. vi.

Lib. 3. cap.

Fœmineū
semē partē
fœtus fieri

3. de gen.
aial. ca. i.

luteum mulieris menstruum, candidum verò terrenæ feminis substantiæ proportionem responderet. His omnem iam videor hominis ortum atque adeo vniuersam Physiologiam complexus, quæ hominis (dum prospera fruitur valetudine) constitutionem naturamque continet. Nunc qui affectus illi præter naturam obtingere possunt, & quæ horum sint causæ, proximo deinceps opere narrandum.

LIBRI SEPTIMI PHYSIOLOGIÆ, DE
HOMINIS PROCREATIONE, FINIS.

ERRATA SIC CORRIGITO.

Pagina 32. linea 26. lege dilatatio. Pag. 80. lin. 32. lege humore. Pag. 89. lin. 24. le. quia intemperatum. Pag. 90. li. 11. le. proportionis. Pa. 120. li. 23. le. regatur. Pag. 136. li. 33. le. sic à sensibus viæ quædam. Pa. 176. li. 26. le. id in frigidum vergit. Pag. 35. lin. 26. le. modulationem. Pa. 206. li. 24. le. rerum & generum. Pag. 210. lin. 40. le. hypocausto. Pag. 212. lin. 16. le. nos aër. Pag. 226. li. 17. dele, tum facultatem tum spiritum in illis collocari. Pag. 226. li. 20. le. ac. Pa. 228. li. 16. le. & actu. Pag. 236. li. 21. le. continet. Est igitur conceptio propria & peculiaris vteri actio, quæ. Pag. 242. li. 32. le. dispersa quæ tandem. Pag. 243. li. 42. le. dissolutam. Pag. 244. lin. 9. le. maioribus. Hic in vniuersum corpus redundans. Pa. 244. li. 27. le. deiectio, omnia verus. Pag. 248. lin. 31. leg. successus.

Index

INDEX IN PHYSIOLOGIÆ LIBROS SE-
ptem: cuius prior numerus paginā, posterior verò lineam demonstrat.



Bdomen	21. 37	Animę ptes cur facultates dicātur	125. 7
Actiōes corporis nec à se		Animę essentia opera efficit	125. 10
nec à corpore pficisci	122. 22	Animam primam esse causam omnium	
Actio	147. 9	operū, facultates verò adiuuātes	126. 10
Adeps vbi cōcreſcat	59. 20	Animę naturalis tres sunt facultates	
Adipis procreatio	58. 37	126. 16. Tres fūctiōes & tria opera	19
Adipem corporis partem non esse, mul-		Animę sentientis tres interiores faculta-	
tis demonstratur rationibus	73. 29	tes	136. 21
Adolescentia, cuius partes sunt quatuor		Animā sentientē in corde sedem habere	
99. 19		Aristoteli	148. 43
Aer vt humidior sit aqua	76. 9	Animę partes locis discludi.	151. 40
Aer inspiratus quid præſtet	105. 35	Animę naturalis sedes est iecur.	152. 11
Aer vt fiat spiritui pabulum	215. 11	Animę picipis sedes est cerebrū	152. 14
Aeris, spiritus & sanguinis distributio		Animę ptes interpositu vitalis faculta-	
per pulmones	215. 17	tis iungi & vnā efficere animā	160. 24
Actas quid	98. 8	Anima tribus constans partibus qua	
Actares quinque	99. 18	ratione vna sit & simplex.	160. 29
Aetatem inclinantium non similiter at-		Animam non esse simplicem quibus ar-	
que infantium dici tēperatam	116. 21	gumentis suadetur	161. 5
Alimentum est materia altricis faculta-		Animā nostrā esse immortalem	161. 37
tis	165. 26	Animę actiōes læduntur læso corpore	
Alimenti præparatio in ore	165. 30	162. 3	
Alimētacōcoctiōe nō putrescere	167. 15	Anima nullo eget instrumento.	162. 9
Alimenti per intestina depulsiō	169. 11	Animę principes facultates sedibus nō	
Alimenti distributio ad iecur	169. 17	esse distinctas	209. 13
Alimētū cōcoqui etiā in iestinis	169. 35	Animi parhēmata & cupiditates	201. 2
Alimenta multa tenuitatis impetu in ve-		Animam externas fūctiōes instrumē-	
nas permeare	171. 14	tis perficere	202. 30
Altricem vim in animantibus perfectio-		Animam infantis sentiens ductam esse	
rem esse quā in stirpibus	157. 19	à parentibus	247. 36
Ambitio quid	163. 9	Appetitio quid, & quōd ea postrema sit	
Anatomes edificandę modus	61. 8	facultatū interiorum	139. 33
Anatomica administratio	61. 19	Appetituū differentię	140. 2
Animal ab ortu in vitę extremū siccus		Appetitus animalis	140. 18
reddi	98. 18	Appetitus rationalis.	140. 28. & 162. 37
Animę tria genera	123. 22	Appetitus triplex.	140. 35. & 162. 25
Animum triplici corpore teneri	104. 30	Appetitus omnes à reliquis facultatibus	
Animę cuique parti suum subiici spiritū		distingui	163. 41
105. 10		Appetitus rationis compos residet in ce-	
Animā solis operibus cognosci	122. 19	rebro,	163. 27
Animam causam esse actiōnū corporis		Appetitū quę causę moueant	200. 24
122. 36		Appetitus omnis ab externis causis mo-	
Anima quid	122. 40	uetur	201. 7. & 201. 25
Animę genera & partes cur eadem ha-		Appetitus rationis particeps	201. 11
beant nomina	123. 40	Appositionē attractiōis finē esse	130. 40
Animę partes quę	124. 2	Argumentario.	206. 24
Animal omne appetere, imaginari & lo-		Aristotelis sententia de elemētis	79. 33
co moueri	124. 24	Aristotelis locus de semine	105. 15
Animę vna substantia multas habet fa-		Aristotelis locus de vi attractrice stirpiū	
cultates	125. 12	131. 41	

INDEX

Ars. 147. 17. & 207. 15
 Arteria maior & op^{ra} dicta 32. 14
 Arteriarum vsus 51. 27
 Arteriæ cur quam venæ pauciores 51. 30
 Arteriæ venosæ id cordi præstant, quod venæ mesaraicæ iocinori 52. 3
 Arteriæ ramus superior describitur 52. 13
 Arteriæ ad brachia 52. 26
 Arteriæ temporum 52. 35
 Arteriæ ramus inferior 53. 11
 Arteriæ ad diaphragma 53. 22
 Arteriæ emulgentes 53. 27
 Articuli 2. 43
ἀσπερ quid 3. 2
 Aspera arteria 33. 35
 Assimilationem concoquendi facultate perfici 131. 2
 Attractione quid moueat 131. 16. & 132. 7
 Avaritia quid 163. 10
 Audiendi facultas & instrumentū 135. 5
 Auditio vt fiat 194. 24
 Auicennæ error circa humidum primum. 110. 35
 Auicennæ error 236. 30
 Auris conformatio & vsus 40. 16

B

Bilis tū flauæ tum atræ secretio 174. 1
 Bilis flaua in cystim quæ trahatur 174. 5
 Bilis ad intestina deiectio 174. 15
 Bilem quandoque ab imbecillo fieri calore 176. 33
 Bilis excrementitia 190. 5
 Bilis excrementitia naturalis duplex 190. 10
 Bilis vitellina præter naturam 190. 15
 Bilis tres species in stomacho genitæ 190. 30
 Bilis atra ex vitellina 191. 24
 Bilis atra nulla ex sanguine fit 191. 32
 Bilis atra ex pituita salia 192. 4
 Bilis atra triplex 191. 18

C

Calli, verrucæ & topi à partis definitione excluduntur. 72. 1
 Calidum innatum quid 112. 42
 Calorem seipsum destruere & consumere 117. 42. nō per se, sed ex accidenti 116. 6
 Calorem nostram refrigerationem defini-

derare 210. 40 & quot ex causis extinguatur 211. 8
 Calori refrigeratio denegata quæ incōmoda inducat 211. 10
 Calorem pabuli inopia extinguui 211. 41
 Calorem nostrum superuacaneorū retentione extingui 212. 4
 Calori conseruando aerem aptissimum esse 212. 15
 Caloris vi omnia cōtineri & regi 102. 15
 Caloris beneficio stirpium vitam conseruari: demonstratio 102. 30
 Calor & humor excellūt in ortu 114. 24
 Calorem infanti & adoleſcenti parem insidere 115. 10
 Caloris & humoris discrimen 116. 38
 Caloris copia vberior hyeme quam æstate. 117. 15
 Calor acrior æstate quàm hyeme. 117. 25
 Calor in iuvene reuera minor est quam in infante 117. 18
 Calorem a media ætate continenter imminui: & quomodo 115. 30
 Calor per quem nobis vita inest, non nascitur ex prima elementorum mixtione 103. 11
 Calorem nostrum non esse prorsus elementarem 103. 10
 Calori nostro non opponitur frigus. 103. 22
 Caloris & humoris innati quāta sit amicitia 116. 32
 Calor natiuus diuinus atq; celestis. 111. 16
 Caloris substantiā humidam esse. 111. 29
 Calidi innati ex regione varietas. 118. 2
 Calidum innatum hyeme quàm æstate quæ sit vberius 118. 8
 Calidi innati substantiam hyeme non augeri 118. 11
 Calor insitus senii & interitus causa est interior 97. 41
 Calidum innatum duplex dici. 118. 40
 Calorem viuientium non ab elementorum mixtione nasci. 94. 35
 Calorem non in omni viuente excellere. 94. 20
 Calor natiuus animæ & facultatum instrumentum 148. 18
 Caloris mutatio quæ per anni tempora, ei quæ per ætates fit comparatur. 117. 35
 Calorem in omni animali excellere, ex Aristotele 95. 4

PHYSIOLOGIA.

Caloris in vitæ decursu mutatio. 98. 30
 Calua 36. 1
 Carnem omnem non esse calidā. 58. 18
 Caro triplex 110. 4. & 56. 39
 Caro quid 56. 34
 Caro citius alitur quàm cæteræ partes
 180. 26
 Caro simplex 56. 43
 Cartilagines, & earum vsus 3. 9
 Cartilago vertebrarum 5. 25
 Cartilagines in ossium extremis 10. 43
 Cartilagines solæ & per se 11. 8
 Causa efficiens vna eodē vsa instrumen-
 to quomodo varios promat effectus,
 145. 7
 Causa ortus & interitus eadem 116. 11
 Cæcum intestinum 23. 17
 Cerebrum & spinæ medulla mouendi
 principium 3. 37
 Cerebri basis 6. 26
 Cerebrum cur summam corporis par-
 tem teneat 35. 40
 Cerebri ventriculi duo priores 36. 18
 Cerebri glutia 37. 21
 Cerebrum moueri, meninges sentire
 143. 24
 Cerebrum motus & sensus principium,
 & quomodo 144. 7
 Cerebri ventriculus medius, fornix ap-
 pellatus 37. 4
 Cerebelli descriptio & situs 37. 11
 Cerebelli ventriculus atq; sinus 37. 15
 Cerebro vermis & glutia quid conferat,
 203. 20
 Ceruix 4. 33
 Chyli efficientes causæ 167. 2
 Chyli ad iecur trāsuectio per venas me-
 senterii 170. 1
 Chylus in venis mesenterii præparatur
 iecori 170. 6
 Chyli ad iecur distributionē ratione po-
 tius quàm sensu cognosci 170. 12
 Chyli distributio attractione fit 170. 41
 Chyli distributionem ad iecur, & ad ve-
 nas non sola attractione p̄fici 171. 6
 Choroides contextus 36. 34
 Cilia & τὰ ὄρα 41. 5
 Coccyx 4. 30
 Cognitio munus est sensus cōis 198. 3
 Cogitatio quid 198. 4
 Color faciei nō semper certus est index
 exuperantis humoris 101. 6. vt neq;
 temperamentum totius 101. 10

Colum 23. 34
 Columella 35. 25
 Compositio 33. 19. & 206. 13
 Componendi facultas 146. 41
 Commissuræ faciei 6. 23
 Conarium cerebri glandula 37. 18
 Conciipiendi rationes 236. 6
 Conceptio quid 236. 16
 Cōceptio vt fiat bona quæ necessaria sint
 236. 37
 Conceptiones quo tempore fieri debe-
 ant 244. 28
 Concoctio quā fiat 166. 23
 Concoctio quid 166. 42. & 167. 12
 Concoctio iecoris 173. 3
 Concoctio quid 173. 25
 Concoctio perfecta non vbiq; fit 181. 12
 Concoctio triplex 181. 23
 Concoctio ventriculi, omniū prima chy-
 losis dicitur 181. 27
 Concoctio secunda in iecore ἀμύρωσις
 appellata 181. 38
 Concoctio tertia in partibus singulis,
 182. 5
 Concoctiones duæ cōmunes 182. 10
 Concoctio mammarū aut testium non
 est communis 182. 14
 Concoctionis primæ quis humor, quod
 excrementum 182. 24
 Concoctionis secundæ humor & excre-
 menta 182. 31
 Concoctionis tertiæ humores & excre-
 menta 183. 3
 Conformatio viscerum 240. 19
 Conformatio prima animalis 237. 16
 Consultatio 207. 5. & 147. 12
 Contemplatio 147. 8
 Contēplatio quæ & philosophia. 206. 28
 Contraria quomodo eidē insint 86. 32
 Cordis necessitas 20. 22
 Cordis figura, situs, magnitudo, substan-
 tia 31. 15
 Cordis duo sinus 31. 35
 Cordis canales 31. 42
 Cordis auriculæ 32. 20
 Cordis valuulæ 32. 24
 Cor quo temperamento 93. 11
 Cor iecori & cerebro quid conferat in
 perfectis animantibus 157. 33
 Cordis pulsatio 212. 33
 Cor primum ex Aristotele conformari,
 239. 3
 Cor primum non conformari demon-
 y iii

stratio 239. 20
 Corpus non modo animæ diuersorium
 sed etiam organum est 2. 7
 Corpus humanum tria obtinere cæteris
 negata, 2. 15
 Corpus humanum vnum est, & varium.
 70. 4
 Corporis humani dissolutio vsq; ad sim-
 plicia 70. 10
 Corpus hominis ex elementis concre-
 uisse 76. 39
 Corpora nostra interitu dissolui in ele-
 menta 77. 35
 Corpus oë viuens organicū est 122. 40
 Costæ 8. 23
 Cupiditas 162. 28
 Cupiditatis partes duæ 162. 40
 Cupiditatem esse futuri boni 201. 42
 Cupiditatis genus vnumquodq; in quæ
 bona feratur 202. 19
 Curis compositio 55. 42
 Curis foramina 56. 15
 Curis vbi hæreat subditis partibus. 56. 20
 Curis temperata 92. 19
 Curis eodem est temperamento atq; to-
 tum corpus 94. 4
 Cystis fellis 25. 33
 Cystim ali sanguine 174. 12

D

Dentes 8. 11
 Diaphragma & eius vsus 30. 24
 Differentiæ rerū vnde sumatur 123. 11
 Discretio seu distinctio 198. 12
 Disciplinarum discendarū ratio 69. 23

E

Electio 147. 21. & 207. 23
 Elementum quid 74. 23
 Elementorum & principiorū discrimen
 74. 33
 Elementa corporis sensibilia 74. 37
 Elementa plura esse, eaq; cōtraria, & af-
 fectioni subiecta 75. 12
 Elementa quatuor & eorum finitiones
 76. 3
 Elemento simplici nihil posse nutriri
 77. 20
 Elementorum substantias in compositis
 asseruari, contra iuniores. 78. 15. &
 79. 25

Elementa vbi pura sint 79. 4
 Elementorū formas nō euanescere, quū
 illa in corpus concrescunt 79. 18
 Elementorū substantias totis totas per-
 misceri, vt probent iuniores 81. 13.
 & eius opinionis confutatio 81. 24
 Elementorum substantiæ quāuis in mi-
 stione seruētur, potestate tamen dū-
 taxat insunt 82. 35
 Elementorum portiones in mistis ratio-
 ne cognosci nequeūt 90. 16. sed sen-
 su 90. 31
 Epidermis, cuticula 56. 10
 Epiglottis 34. 35
 Excrementum alui 169. 23
 Excrementa retineri voluntate, expelli
 vi naturæ 169. 29
 Excrementa partis cuiusq; 183. 21
 Excrementorum differentiæ 189. 36
 Existimatio seu iudicium 206. 15

F

Facultatum trium consensus 159. 8
 Facultas vna perire potest in parte a-
 liqua corporis, aliis manētib. 159. 14
 Facultates quo ordine perire soleant,
 159. 31.
 Facultas naturalis & vitalis vna & eadē
 sunt Aristoteli 147. 40
 Facultates quo procreetur ordine. 159. 43
 Facultatum ordo in præstantia & digni-
 tate 160. 1
 Facultas quæ maximè necessaria 160. 10
 Facultas altrix quæ 127. 38. quod eius
 munus. ibidem
 Facultatū interiorum numerus 138. 25
 Facultates omnes interiores in eadē cere-
 bri & animæ sunt patte 138. 37
 Facultas animalis omnium est postre-
 ma 158. 16
 Facultates quæ singulis in partibus ma-
 ximè vigent 133. 1
 Facultates naturales quæ habeant instru-
 menta 133. 9
 Facultati cuiq; suum seruit villorum ge-
 nus, 133. 16
 Facultates peculiares villis non indige-
 re 133. 36
 Facultatū aīaliū duo sūma genera. 134. 6
 Facultates tot esse quot functiones, de-
 monstratio 134. 20
 Facultatū aīaliū diuisio & nūerus 134. 25
 Faculta-

PHYSIOLOGIÆ.

Facultatē esse formā instrumēti 134. 33
 Facultas auētrix quæ 128. 18
 Facultas discernendi est à communi sen-
 su 137. 1
 Facultas discernendi nulla inest stirpi-
 bus 132. 12
 Facultas & vis conseruatix imaginum,
 137. 21
 Facultatum differentia ex instrumentis
 136. 8
 Facultatis continentis & concoquentis
 necessitas 130. 15
 Facultatum quatuor naturalium demō-
 stratio 130. 17
 Facultatum moralium sedes 163. 12
 Facultates & spiritus non ex elementis,
 sed ex semine nasci 228. 9
 Facultas quo quæque tempore domine-
 tur 126. 24
 Facultas quædam qua ratione perire di-
 catur 126. 42
 Facultas fictrix & imaginandi 137. 30
 Facultatem appetēdi propriam nullam
 inesse stirpibus 131. 22
 Facultatem animalem lædi aliis illæsis
 151. 1
 Facultatem naturalem lædi aliis illæsis
 151. 11
 Facultas altrix quatuor habet facultates
 administras 129. 30
 Facultatis attractricis necessitas 129. 32
 Facultatis expultricis necessitas 130. 6
 Facultas & vis attrahendi vnde 130. 8
 Facultas quæ semen efficit dici nō debet
 procreatrix 127. 33
 Facultates animæ tot sunt quot opera
 125. 18
 Facultatem esse quandam proprietatem
 rei non partem eius 125. 27
 Facultatis & partis discrimen 125. 36
 Facultas motū efficiens 140. 42
 Facultatū interiorū instrumēta 142. 30
 Facultatem mouentem aliam esse a sen-
 tiente & ab appetitu 141. 15
 Facultas quid 125. 3
 Fames quæ fiat 200. 37
 Fames ex causa fit duplici 168. 10
 Fames animalis ingesto cibo, naturalis
 verò solo sanguine sedatur 168. 21
 Fauces 33. 33
 Fibra transuersæ expulsiōni dicatæ sunt
 169. 15
 Flamma quid 106. 7

Flammæ triplex pabulum 106. 24
 Flammā concipiūt corpora ob oleosam
 substantiam quam in se habēt 106. 33
 Fœcunditas quomodo adimi possit 222. 13
 Fœmina 218. 31
 Fœtus pars dignior primū genita ap-
 paret 241. 30
 Fœtus quando primū sentiat 242. 8
 Fœtus quādo primū moueatur 242. 9
 Fœtus in vtero situs 242. 25
 Fœtus ut alatur in vtero 242. 30
 Fœtus magnitudo die quadragesimo
 240. 42
 Fœtus die quadragesimo reiecti obser-
 uatio 241. 1
 Fœtus partes æquē oēs simul conforma-
 tionis suæ rudimētū nasci 239. 40
 Fœtus proceritas vnde 247. 14
 Fœtus recens æditi excrementum alui
 quod 243. 7
 Fœtus exclusio 243. 12
 Formarum remissio ab Auerrhoide in-
 troducta 86. 1
 Forma seu species toti^o vniciq; vel mi-
 nimæ particulæ cōmunis est 83. 2
 Formæ duæ eidem insunt parti, vna ut
 præparatio, altera ut perfectio 83. 9
 Formæ rerū omnium diuinæ 22. 92
 Frigoris sæuitia hyeme quibus perni-
 ciosa 117. 30
 Functiones priorum ventriculorum ce-
 rebri 37. 35
 Functiones aliæ propriæ, aliæ commu-
 nes, 132. 38
 Functiones animantium præcipuæ, sen-
 sus & motus 2. 18

G

Galenum ab Aristotele & à vero de-
 sciuisse 235. 26
 Ganglium 57. 27
 Gemellorū causa ex Hippocrate 246. 40
 Gemellos vnico fieri concubitu 247. 7
 Generatio a permissione quid distet,
 79. 20
 Genera à partibus quo distent 123. 25
 Glandularum differentia 57. 10
 Grauidarum symptomata vero mēstruo
 suscitari 244. 26
 Gula 22. 19
 Gula & eius situs 33. 35
 Gustatus & eius instrumenta 41. 42

I N D E X

Gustandi facultas. 135, 20
Gustatus vt fiant 196, 14

H

Hippocratis aphorismus de laboran-
tium natura explicatur 97, 31
Hippocratis aphorismus ventres hyeme
&c. qui intelligendus 118, 26
Hippocratis locus de calore sensim mar-
cescente 118, 38
Humidum natiuum prima est sedes spi-
ritus 110, 18
Humores oculorum tres 41, 8
Humor alimentarius 107, 8
Humor elementaris 107, 13
Humor triplex in stirpibus demonstra-
tur 107, 19
Humor natiuus & primigenius 108, 19
Humor triplex in ptibus solidis 108, 34
Humorū triū mutua cōparatio 108, 42
Humorum trium quod sit discrimen
109, 15
Humor natiuus spiritus caloris totiusq;
vitæ fundamentum & pabulū 109, 21
Humores secundarij 110, 27
Humorum quatuor secundariorū vnus
tantum in essentia partis similis est,
111, 17
Humorum corporis quiscam substantia
sit innati calidi 111, 36
Humorem primigenium esse innati ca-
lidi substantiam 112, 3
Humor ab ortu continenter absumitur,
114, 40
Humorum quatuor ortus & procreatio
173, 32
Humores diuersi vnde generentur in no-
bis 175, 20
Humores quatuor necessariò gigni in
nobis ob materiæ dissimilitudinem
176, 10
Humorū procreatio variat pro efficiētis
caloris vi & alimenti materia 176, 29
Humores suo genere temperati ex chy-
lo temperato in corpore temperato
fiunt 176, 16
Humores omnes simul gigni 177, 2
Humores ordine quodam gigni quibus
rationibus demonstrari soleat 177, 15
Humorum differentia spectantur, non
modo ex qualitate, sed etiam ex mate-
riæ modo 177, 33

Humorum quatuor proportio in san-
guine 187, 9
Humores synceros in venis non esse,
187, 19
Humores superuacanei & vitiosi quan-
do in venis cum sanguine misceantur
188, 7
Humor quid 189, 16
Humorum differentia 189, 23

I

Iecur nutriendi officina 25, 12
Iecur vt alatur 173, 27
Iecur priusquā cor cōformari 239, 29
Iecur & cerebrum cordis indigere auxi-
lio 158, 5
Iecoris & aliarum partium nutrimentum
vsus 20, 41
Ieiunum 23, 19
Ileon 23, 23
Imaginationis & memoriæ eadem se-
des 144, 41
Imaginatio, phantasia 198, 20
Imaginandi vis Aristoteli intelligentia
quid dicatur 138, 1
Incrementi ratio ad solidas partes spe-
ctat 128, 21
Incrementum à procreatione differre,
128, 31
Incrementum à pleniori & vberiori nu-
tricatione differt 129, 4
Insectorū resectæ partes qui seorsum mo-
ueantur 157, 41
Insomniū quādo nullū cōtingat 199, 21
Insomnium falsum quod 199, 27
Insomnium quādo verè sit & quomodo,
199, 38
Insomniorū varietas vnde oriatur, 200, 5
Insomnium cuius sit facultatis 139, 17
Inspirati aeris præparatio 215, 3
Inspirationis & expirationis effectus,
214, 24
Instrumentorum differentia 70, 33
Instrumenti ratio quæ, 70, 41, & 71, 12
Intelligentia actio omnis ducta est à sen-
sibus 145, 42
Intelligentia subiectum 146, 7
Intelligentia duplex 146, 12
Intelligentia agens omnium formarum
summa & suprema 146, 25
Intemperies quid 87, 30
Intestina 22, 14

PHYSIOLOGIÆ.

Intestina nutriri sanguine, 169. 42
Intestinarum usus 23. 5
Intestinarum numerus 23. 13
Iracundia 162. 32
Ira quid 163. 10
Iudicandi facultas 147. 3
Iugulum 9. 9
Iuuentus 99. 25

VL

Larynx 34. 8
Libido 162. 43
Libido quæ fiat 200. 30
Libido cur cunctis viuentibus sit tributa 218. 9
Lien & pulmo in parenchymatis sunt genere 58. 11
Lien quomodo alitur 174. 26
Lienis purgamentum quomodo mittatur 174. 32
Liguritis quid 163. 2
Lingua 35. 7
Lumbus 4. 32
Lumen quid 195. 11

M

Malleoli 10. 28
Mas 218. 30
Meditatio quid 138. 7
Medullam ossium partem corporis non esse 37. 10
Medullam spinæ aliam esse & diuersam ab ossium medulla 59. 38
Melancholiam trahi à liene 174. 18
Melancholici humoris differentia 191. 4
Membra costas succingēs 30. 37 & 55. 22
Membrana amnios appellata 237. 43
Membrana dissepiens 55. 18
Membrarum differentia 54. 41
Membranae foetum obuolutes 237. 26
Membrana allantoides 237. 30
Membranae quæ secundæ appellantur 237. 34
Membranae ex peritonæo ortæ 55. 23
Membrarum ortus 55. 26
Membranas non nasci è neruis, licet ab his vim sentiendi sumant 55. 30
Memoria mentis 207. 39
Memoria propriè solius est hominis, 208. 26
Memoria morte extinguitur 208. 33

Memoria conseruans 198. 15
Memoria pueris & senibus cur infirma, 138. 5
Memoria duplex 138. 9
Memoria bruta prædita sunt 138. 16
Memoria propria quid 138. 22
Meninges duæ 36. 11
Meninges 55. 9
Mens vt intelligat, & rerum notionēs concipiat 205. 33
Mens hominis & intelligentia incorporea 145. 28
Mens vt constet ex duabus intelligentijs 146. 29
Mens non nisi per sensum communem meminit 208. 10
Mens & intelligentia 248. 9
Mens & intelligentia cur brutorum fortibus non accedat 248. 17
Mentem non ex semine prodire, sed diuinitus accedere 228. 4
Mentem omnium animantium vires continere 2. 12
Mentem instrumento non indigere, 205. 26
Menstrui natura 233. 30
Menstrui pernicies & malignitas, 233. 37
Menstruo non ali foetum 234. 6
Menstruum suppressum mala concitat quæ gravidis obueniunt 234. 17
Menstruum cur per vteri gestationem supprimatur 234. 21
Menstrui sanguinis tres portiones, 244. 9
Menstrui materia 232. 23
Menstrui necessitas & productio 232. 29
Menstrua quæ animalia habeant & quæ non 232. 38
Menstruū quo tempore erumpat 233. 6
Menstruum quomodo sistatur 233. 17
Menstrui circuitus causa 233. 22
Menstrui purgatio post partum quæ necessaria sit 244. 21
Mesenterium 24. 30
Mesenterii quælibet vena sanguinē continet atq; chylum 170. 20
Mesenterii venæ superiores ad distributionem, inferiores ad expulsionē magis aptæ sunt 170. 31
Merum esse futuri mali 201. 43
Metus quid 163. 11
Miscetur elementorum solæ qualitates totæ totis 82. 17
Mistionis veræ ratio 82. 19

- Miscetur contraria dum paribus portionibus cōeunt 80. 12
 Mistio quid 80. 22
 Mistio in cōposito insunt potētia 80. 26
 Mistio elementorum ex Empedoclis sententia 81. 36
 Mistio vt ab ortu distet 81. 41
 Mistionē qualitates nō retūdere ad mediocritatem 86. 1
 Mistionem elementorum summas qualitates retinere 86. 19
 Mistio qualitates continet integras, sed quæ tandem sese atterant 86. 37
 Mistio substātiarū ex Auerrhoide 82. 7
 Mistioni quæ corpora apta sint 80. 1
 Mistū corpus simplex tamen esse 82. 34
 Mistio qualitates quomodo cōtineat, ex Aristotele 86. 26
 Mistorū equabilitatem vnde metiamur. 84. 19
 Mors animantium quid 158. 42
 Motus prima causa efficiens est voluntas, sed non præcipua 204. 21
 Motum, animi intentionem necessariò requirere 204. 35
 Motum tria efficiunt 205. 1
 Motuum liberorum duo genera 214. 1
 Motus cōtrarios edens musculus. 15. 27
 Motum quæ partes efficiant 3. 34
 Mouendi instrumentum proprium est musculus, 144. 14
 Mouendi vim esse à cerebro, sentiendi à meningibus 143. 36
 Musculi capitis 13. 29
 Musculi oculorum 13. 36
 Musculi maxillæ quatuor 14. 1
 Musculus masseter dictus 14. 12
 Musculi labrorum 14. 19
 Musculi ceruicis 14. 39
 Musculi laryngis 15. 6
 Musculi linguæ 15. 16
 Musculi pectoris 15. 34
 Musculi scapularum 16. 7
 Musculi humeri 16. 15
 Musculi compositio 13. 10
 Musculi in humero qui brachium mouent 16. 35
 Musculi & eorum vsus 3. 25
 Musculi in cubito 17. 4
 Musculi manus 17. 27
 Musculi externi dorſi 17. 37
 Musculi interiores dorſi. 18. 1
 Musculi abdominis 18. 4
 Musculi genitalium 18. 15
 Musculi in coxa femur mouētes 18. 26
 Musculi qui in femore positi tibiā mouent 19. 11
 Musculi qui in tibia positi pedem mouēt 19. 24
 Musculi pedis 19. 41
 Musculo quæ membri constitutio sit laboriosa 205. 10

N

 Nasus 40. 25
 Natura humana quid 113. 7
 Natura omniū functionū causa 113. 14
 Naturæ appellatio multiplex 113. 24
 Naturæ substantia quæ 113. 27
 Natura tria complectitur 113. 30
 Natura vbi sedem habeat 113. 28
 Naturæ substantiam ex quatuor elementis constare 113. 43
 Naturam esse temperamentum 114. 9
 Naturę tot sunt, quot partes corporis, 119. 15
 Naturalem vim collocat in corde Aristoteles 148. 21
 Neruorū sententiū primā cōiugationē in oculos ferri, 38. 17
 Neruorū secundā cōiugationem oculos mouere 38. 22
 Neruorū cerebri tertiā cōiugationem ad gustatum pertinere 38. 17
 Neruorū cerebri quartā cōiugationem cum tertia confundi 39. 4
 Neruorū cerebri quintam cōiugationē ad auditum præstare 39. 10
 Neruorū cerebri sextā cōiugationē interioribus partibus tangendi sensum præbere, 39. 19
 Nerui recurrentes 40. 3
 Neruorum cerebri coniugatio septima linguam mouet 40. 5
 Neruorum è spinæ medulla exortorum descriptio pagi. 43. & 44.
 Neruorū exquisitè durorū præcipia 42. 19
 Neruorum molliorum & sentientium principia 42. 19
 Nerui sensum præstantes à mouentibus diuersi 141. 19
 Nerui tactum efficientes diuersi à mouentibus 143. 4
 Nerui à cerebro nati cur alii moueāt, alii sentiant 143. 12
 Neruorū mouentiū aliā esse cōpositionē quam sentientium 143. 23

PHYSIOLOGIÆ.

Nervos non à corde, sed à cerebro nasci.

152. 35

Nervos non nasci à meningibus

154. 5

Nervis sentiendi & mouendi facultas

data est

3. 18

Nutriendi vis in corde Aristoteli

148. 28

Nutritio à natura fit

181. 3

Nutritio & assimilatio, ut sensim fiat ex

sanguine

180. 13

Nutritio quid

128. 1

Nutritio triplex

128. 2

Nutritio à præcreatione quæ differat

128. 6

Nutrientium partium necessitas

20. 26

O

Oculi

40. 35

Oculi compositio

41. 17

Oculorum musculi septem

41. 8

Odoratus insectorum & piscium

194. 43

Odorandi instrumentum

38. 8

Odorandi facultas & instrumentum

135. 13

Odorum effusio

194. 32

Oleum elici posse ex re qualibet quæ vi-

tam habuerit

106. 40

Oleosam substantiam continent corpo-

ra omnia vitam habentia

107. 6

Omentum

22. 5

Opinio

206. 28

Os femoris

10. 14

Os sacrum

4. 27

Ossa brachij totius

9. 13

Ossa manus

9. 36

Ossa coarum varijs prædita notis

10. 6

Ossa faciei

6. 36

Ossa pedis

10. 32

Ossa tenuissima

10. 36

Ossa capitis

5. 33

Ossa scapularum

8. 39

Ossa cruris duo

10. 19

Ossa thoracis

8. 20

Ossa calæ

6. 5

Ossium usus,

2. 35

Ossium connexio multiplex,

11. 15

P

Palatum

35. 29

Palpebræ

41. 2

Pancreas

57. 29

Pancreas & eius usus

25. 5

Parastatæ

28. 15

Parenchyma cordis

57. 42

Parenchyma iecoris non creuit ex san-

guine

58. 2

Parenchyma

56. 42. & 57. 35.

Pariendi modus

243. 25

Parotides

57. 26

Partes similes & dissimiles, simpli-

ces & compositæ

70. 20

Pars organica siue officialis

70. 29

Pars unaquæque id allicit à sanguine, quod

est sibi maxime familiare

121. 26

Partem corporis ut accipiat Aristo.

74. 6

Partes corporis simplices decem

74. 10

Partem similem non esse prorsus sim-

plicem

109. 28

Pars similis qua ratione dicatur sim-

plex

109. 38

Partis similis triplex substantia

109. 41

Parte quæque quæ spectentur

21. 17

Partes omnes ut insitis, ita & influentibus vi-

ribus gubernari

120. 10

Partium interiorum usus

20. 10

Parti similari instrumentariam non op-

poni

71. 7

Pars corporis quid

71. 37

Partem spermaticam non illico esse so-

lidam

58. 28

Partium oppositio

58. 30

Partium omnium consensus

21. 10

Partu ipso Auicennas putat ossa pubis se

iungi

243. 40

Partium calidarum ordo

92. 27

Partium frigidarum ordo

92. 30

Partium siccarum ordo

92. 35

Partium humidarum ordo

92. 40

Partes solidæ quoto die nutriri incipi-

ant

241. 11

Partes omnes non simul perfici & absol-

ui

241. 19

Patella

10. 25

Peluis

36. 24

Pericardium

31. 6. & 55. 21

Pericranium

36. 7. & 55. 3

Periostium

55. 6

Peritonæum

21. 38

Peritonæi observatio

28. 25

Perturbationes, morbos præcedere, ut

actus habitum

201. 15

Physiologia quo ordine tradatur

4. 10

Philosophorum commentum de anima

122. 28

Pili duplices

60. 31

Pilorum procreatio

60. 17

Pilos corporis partes non esse

72. 10

I N D E X

Pituita nutriens 192. 8
 Pituita acida 192. 18
 Pituita falsa 192. 26
 Pituitæ excrementitiæ quatuor genera 192. 33
 Pituitæ nomen narium aut ventriculi muco non rectè tribui 183. 30
 Pituitæ procreatio & locus 174. 42
 Pituita naturalis quid 175. 7
 Praxis 206. 36
 Procreandi vis stirpium 218. 10
 Procreatio animantium 218. 16
 Procreandi necessitas, 217. 36
 Procreatio quid 127. 11
 Procreatricis facultatis ptes duę 127. 17
 Principum partium rudimenta 238. 25
 Principia ortus nostri, 218. 41
 Principiorum definitio 74. 31
 Principia sensibilia 74. 40
 Prudentia 147. 14
 Prudens 207. 12
 Prudentia, 207. 3
 Pulmonis & diaphragmatis commoditas 20. 25
 Pulmonis vsus, 32. 43. eius substantia, figura, magnitudo, 33. 7
 Pulsationes cordis & arteriarum dista-
 re, 216. 7
 Pulsifica vis 216. 14
 Pulsifica vis alia est à vitali 216. 18
 Pulsus qui calorē refrigeret, & quid præ-
 stet commodi 212. 40
 Pulsus cordis & arteriarū quam habeat
 causam efficientem 150. 9
 Pylorus 23. 16

Q

Qualitates primas elementis primū
 insidere 75. 42

R

Ratiocinatio 206. 20
 Ratiocinatrix facultas 147. 5
 Recordatio, 208. 15
 Recordatio est solius hominis 208. 25
 Rectum intestinum 23. 39
 Regiones interiorū corporis tres 20. 31
 Renes & testes inter parenchymata re-
 censeri debent 58. 7
 Renes ali sanguine 178. 23
 Renum vsus, substantia &c. 26. 25

Respirationis vsus & necessitas 213. 15
 Respirationis & pulsus differētia 213. 30
 Respirationem esse liberam 213. 34
 Rete admirabile 36. 40
 Retentio fit obliquis fibris 166. 9
 Retentio iccoris 173. 1
 Respirationis instrumenta 214. 15

S

Sagacitas 207. 7
 Sanguinē nō esse simplicē multis de-
 monstratur rationibus 184. 2
 Sanguinis propriæ notæ 185. 2
 Sanguis omnis concrevit ob fibras quas
 habet 185. 5
 Sanguini fibræ à ventriculo conferun-
 tur 185. 24
 Sanguis nequit cōcrescere in venis 185. 34
 Sanguinem ex quatuor succorū permi-
 stione constare 186. 18
 Sanguinē triū humorū pmissionem esse
 quæ rationes suadent 186. 25
 Sanguis quibus viribus permeet in ve-
 nas 179. 13
 Sanguis ut illabatur in carnem & alias
 partes 179. 21
 Sanguinem in venis perfici maioribus,
 179. 29
 Sanguis humorum quatuor secundario-
 rum materia 179. 35
 Sanguinis differentiæ 189. 1
 Sanguis nō naturalis duplex 189. 7
 Sanguinē oēm ex pituita nō fieri 177. 20
 Sanguinis opifex est iccoris caro & quo-
 modo 173. 10
 Scientia 206. 25
 Semen ex tribus principibus partibus
 fecerni 222. 9
 Semen fœtui etiam pro materia subijci,
 245. 15
 Semen quomodo in testibus & vasis con-
 ficiatur 224. 3
 Semen vim summam continere cum ca-
 lore & spiritu 224. 19
 Seminis vis & facultas, alia est ab eius
 materia 224. 41
 Semen ex toto corpore defluere qui di-
 catur 225. 16
 Seminis materiā ex corpore lapsam vim
 habet solum patiendi 225. 23
 Seminis vim & facultatem cum spiriti-
 bus influere 225. 33

PHYSIOLOGIÆ.

Seminis quantæ sint vires ex Aristotele,		Sensuum partes	3. 40
227. 16		Sensus tactionis neruis & neruorū fibris	
Semen continere altricem & naturalem		continetur	3. 43
animam	227. 33	Sentiendi instrumenta	142. 42
Semen animam naturalem & sentien-		Sexus vnde emergat	245. 18
tem de se proferre	227. 42	Sexus confusi in stirpibus	218. 14
Semen quid	219. 5	Sexuum necessitas	218. 21
Seminis materia quæ	219. 7	Similitudo formæ & effigiei	245. 26
Seminis natura	219. 28	Similitudinē effigiei non rectè traditam	
Seminis materiam in solidis partibus		esse à Galeno	245. 35
gigni	219. 40	Similitudinis effigiei vera causa	246. 11
Seminis materia qua ratione in testes ex		Similitudo triplex	245. 6
solidis partibus adducatur	221. 1	Similitudo speciei vnde proficiscatur	
Semen inesse fœminis	229. 41		245. 8
Semen fœminis esse fœcundum	230. 11	Similares corporis partes ex elemētis or-	
Seminis fœminæ vis & facultas	230. 22	tas esse	77. 5
Semen fœmineum infœcūdum esse qui-		Similari cuique parti triplex substantia	
bus rationibus contendunt Aristote-		sua est & propria	119. 10
lici	230. 28	Solida substantia quatuor continet quæ	
Semen vnde fœcundum dicatur	232. 5	ex semine prodierunt	112. 35
Semen ex elemētis quidem concretum		Solis præstantia	10. 38
esse, sed à diuiniore quodam principio		Somnus & vigilia ad intimum sensum	
robur assumpsisse	228. 26	pertinent	139. 2
Semen in testibus aliquandiu morari		Somnus quid	139. 9
& confici	221. 16	Somnus	199. 11
Semen non ab omnibus partibus secer-		Somnus quī fiat	194. 13
ni	221. 30	Spinæ medullam & cerebrum in carni-	
Semen non ab omnibus manifestis par-		bus esse	58. 13
tibus secerni	221. 41	Spinæ medullam corporis partem esse	
Semen album & crassum	226. 32		73. 6
Semen vnde albescat & desetur	227. 2	Spina dorsī & eius vsus	4. 18
Semen & maternum sanguinem corpo-		Spinæ dorsī partes quatuor	4. 25
ris elementa non esse	74. 42	Spiritu animali partes omnes non indi-	
Seminis eiectio	234. 43	gere vt vitali & naturali	120. 25
Seminis attractio	235. 11	Spiritus naturalis procreatio	120. 36
Seminis natura describitur	229. 28	Spiritus vitalis procreatio	120. 43
Senectus prima	99. 30	Spiritus animalis ut generetur	121. 6
Senectus vltima	99. 33	Spiritus naturalis primus est omniū spi-	
Senij & interitus causa	86. 40	rituum	121. 13
Sensus externi vnde nomen habeant		Spiritus naturalis insitum spiritum sin-	
135. 15		gularum partium mutat	121. 22
Sensus communis vbi resideat	136. 27,	Spiritus necessitas	104. 3
& 137. 7		Spiritus nomina	104. 17
Sensus medio non indigentes	196. 7	Spiritus vsus	105. 2
Sensus affici quī dicantur	197. 7	Spiritus animalis primum instrumentū	
Sensus interior quomodo afficiatur		animæ sentientis	193. 20
197. 37		Spiritus animalis neruorū duntaxat ro-	
Sensuum actiones quo inter se distent		bur continet & seruat	204. 7
194. 7		Spiritus & vires influentes	119. 31
Sensus communis præstantia	137. 4	Spiritus naturalis, vitalis, & animalis	
Sensus externi veluti ramuli sunt à com-			119. 37
muni sensu deriuati	137. 12	Spiritus naturales ex iecore proferri	
Sensuum præstantia	90. 31		120. 2

I N D E X

Spiritus & vires influentes esse necessa- rias	120. 10	litatibus	85. 2
Spiritus & caloris qui in semine est præ- stantia	247. 29	Tēperamētū malē definit Auicē.	85. 12
Spiritus & caloris sedes	109. 6	Temperamentum non esse quintā qua- litate ab Auicenna inductā	85. 17
Spiritus animæ instrumentum	105. 23	Tēperamētū cur p̄tates muretur	86. 40
Spiritus animalis diuersus à vitali, ve- ctor est facultatis	204. 2	Temperamentū ex viribus qualitarum æstimatur	87. 6
Spūs aīalis assidua procreatio,	202. 43	Temperies vnde oriatur	87. 27
Spiritum animale non solum per ma- nifestum canalem distribui	203. 28	Temperamēta simplicia quatuor	87. 34
Spiritus in semine opifex qualis & vn- de	238. 4	Tēperamenta cōiugata quatuor	87. 40
Spiritus & vires cerebri cordis & ieco- ris, specie differre	155. 40	Temperamētorum innumeræ sunt par- ticulares differentię	88. 9
Spiritus tot sunt quot partes corporis	119. 15	Temperatum ad pondus quid.	89. 7
Spiritus quid	105. 26	Temperatum ad iustitiam	89. 11
Spiritus substantia vbi vigeat	105. 28	Temperamentum ad pondus in homi- ne reparari	94. 8
Spiritus ex duobus constat	108. 16	Temperamentum totius quomodo æsti- mandum	95. 7
Splen	25. 43	Temperamenta partium interiorum nō simpliciter tactu cognosci,	95. 39. sed
Stirpes quæ salutaria à pestiferis discer- nant	131. 28	vna cum ratione	96. 8
Stirpes quid ad alimentum trahendum impellat	131. 20	Temperamentū calidū aut frigidum, nō vno semper modo cognosci	93. 8
Stirps aut planta non est, quicquid stir- pium modo viuūt	248. 40	Temperamentum pulmonis malē à Ga- leno perceptum	93. 20
Substantia solida ex semine, carnosa ē sanguine	112. 12	Temperamentū totius corporis vnde ducatur	93. 32
Substantia spirituosa	110. 10	Temperamentum non posse esse simpli- cem qualitatem	93. 42
Substantia solida ex tribus cōstat	110. 14	Tēperamentū innatū vt ab externis cau- sis permuetur	96. 18
Substantia solida quæ	109. 43	Tēperamētū primū & ingēnitū semper nobis quodāmodo asseruari	97. 9
Substantia carniformis.	110. 2	Temperamenta multa esse in vno & eo- dem corpore	97. 34
Succus quid	189. 28	Temperamentum humidū & siccum ta- ctu cognosci	92. 1
Succus vnusquisq; triplex est	189. 41	Temperamenti ratio spectatur ex pro- pria partium substantia, non ex super- uacaneis	99. 39. & 100. 33
Sudor fœtus vbi	243. 4	Temperamentorum differentię non re- periuntur omnes in ætatibus	99. 39
Sudores naturales qui	183. 11	Temperatus puer aut senex, nō simpli- citer est temperatus	100. 8
Sulphur	103. 28	Temperamentū proprium existit media ætate	100. 20
Suturæ capitis	5. 34	Temperamentorum alia, alia dominan- tium humorum esse nomina	101. 4
T		Tēperamētū tactu, qualitatis ordine & substātiæ copia dimetimur	116. 18
Tactus obiecta	135. 27	Temperamenta sunt partium corporis non humorum	101. 34
Tactus quæ sibi similia sunt non percipit	135. 37	Temperantia quid	163. 5
Tactu prædita sunt omnia animantia.	144. 29		
Talus	10. 30		
Tangendi qualitates omniū primas esse & valentissimas	75. 30		
Tangendi facultas	135. 23		
Temperamentum quid. 84. 29. & 85. 10			
Tēperamētū quo distet à mistiōe	84. 39		
Temperamentum non esse ex solis qua-			

*Esquæ Arminum p. 49.
8. v. 31.*

PHYSIOLOGIÆ.

Temperamentum cuiusq; partis ex qua-
tuor elementorum mixtione frigidum
& siccum esse 94. 25
Temperamentum totius tactu planè in-
ternoscitur, non autem partium inte-
riorum 96. 9
Temperamentorum indicem esse homi-
nis tactum, 91. 10
Temperamentorum lex & regula est cu-
tis. 38. 91
Temperatū hominē & cutē mediū te-
nere in vniuersa substantia. 91. 22
Temperamenta partium tactu & cōpo-
sitione noscuntur, 92. 11
Temperatum & intemperatum quā-
multipliciter dicantur, 89. 21
Temperamentum ad pondus consistere
posse 89. 42
Temperamentū quomodo fiat 82. 26
Tendones motus esse instrumenta 3. 20
Tendonis substantia 13. 18
Terram esse sicciorē igne 76. 15
Testes 27. 35
Testes mulieris 29. 20
Testiculorum vis, & quod sine his nul-
lum perfectum animal gigni possit
223. 18
Testes quid semini præstent 225. 43
Testibus nullum inesse generandi spiri-
tum 226. 12
Testium robur quantum sit 222. 26
Testibus exectis quæ incommoda se-
quantur. 223. 1.
Testes quomodo corpus mutant 223. 4
Testiculi quā viles corpori 223. 14
Testiculi necessarii ad generis conserva-
tionem 223. 16
Testes non melioris dūtaxat vsus gratia
conditos esse, vt censuit Aristoteles,
223. 31
Tibia quid 10. 20
Tonsillæ, 35. 23 & 57. 18
Tunicarū appellatio vnde ducta 54. 20
Tunicarum vsus 54. 15
Tunica vt differant à ventriculo, vtero
& intestinis 54. 23
Tunicæ spinæ medullam conuestientes.
42. 34
Tunicam duplicem habent canales ex
corde nati 32. 8
Tunicæ oculorum quatuor 41. 8

V

Vasa seminaria 27. 41
Venæ caux diuisio 46. 12
Vena arteriosa 46. 34
Vena æquiva 46. 38
Vena basilica nuncupata 47. 10
Venarum cōpositio & vsus 45. 6
Venæ mesaraicæ propagationes. 45. 10-
ta pagin.
Venā caux nō esse continuatā venis me-
senterii 46. 7
Venæ basilicæ distributio ab axilla. 47. 28
Venæ in crura distributæ 51. 5
Vena vulgo saphena dicta. 51. 12
Venæ externæ iugulares, comites arteri-
as non acceperunt vti neque cepha-
licæ 52. 24
Venas & arterias ex corde nasci Aristo-
teli 148. 38
Venas à iecore nasci 153. 4
Venæ quomodo possint supra modum
impleri 171. 6
Venæ & arteriæ quæ nutriantur 180. 35
Venerē ex spuma pgnatā fuisse 227. 8.
Venter 21. 31
Ventriculus 22. 21
Ventriculi figura 22. 25
Ventriculi situs 22. 30
Ventriculi consensus 22. 35
Ventriculī cōpositio 22. 40
Vētriculi & intestinorū cōpositio. 24. 6
Ventriculus cibos ab ore attrahit rectis
fibris 165. 40
Ventriculi retentio 166. 10
Ventriculi concoctio 166. 22
Ventriculus vt cibi benignitate fruatur.
167. 21
Ventriculū totū sanguine nutriri 167. 31
Ventriculi expulsio 168. 30
Vētriculus p̄cognitione nō agit 168. 37
Vertebræ 4. 34
Vertebrarum processus 5. 3.
Vertebrarum tenuia foramina. 5. 22
Vesica 27. 19
Vesica vnde alatur 178. 39
Videndi facultas 134. 36
eius definitio. 134. 43
Vigilia quid 139. 9
Vincula & eorum vsus 3. 3.
Vinculum quid 11. 32
Vincula capitis & maxillæ 11. 40
Vincula spinæ 12. 2
Vinculorum commune genus. 12. 12
Vinculorum aliud genus 12. 28

INDEX

Vinculum genitalis	12. 38
Vinculorum robur describitur	12. 42
Visio vt fiat	195. 25
Visio quo distet ab aliis sensibus	195. 30
Vitales partes	30. 18
Vitam non habet sanguis, vt neq; me- dulla ossium, neq; quisquam alius hu- mor	73. 18
Vita quomodo finiatur ab Aristotele,	103. 1.
Vita quid Aristoteli	148. 6
Vitalis necessitas demonstratur	150. 9
Vitalem facultatem lædi posse aliis ille- sis	151. 24
Vitalem facultatem nō modo alias per- ficere, sed etiam conseruare	158. 19
Vita animantium quid	185. 40
Viuentium differentiæ	123. 17

Viuentia omnia sui ortum non elemētis sed semini referre acceptum	127. 19
Vmbilici vasa	242. 33
Vnguuium ortus & vsus	60. 12
Vngues corporis partes non esse	72. 12
Voluntas	147. 19. & 207. 20.
Vrinæ ductus	27. 9
Vrinæ à sanguine secretio	178. 3
Vrinæ in vesicam profusio	178. 25
Vrinæ mictio	178. 29
Vrina foetus vbi contineatur	243. 1
Vteri acetabula	237. 40
Vterus vt semen comprehendat	235. 35
Vterus nostræ pcreationis hortus	29. 3.
Vteri sinus	29. 42
Vteri vitia conceptionem impediencia.	237. 1.

INDICIS PHYSIOLOGIAE FINIS.

IOAN:

Vena	12. 38
Vena	12. 42
Vena	195. 25
Vena	195. 30
Vena	30. 18
Vena	73. 18
Vena	103. 1.
Vena	148. 6
Vena	150. 9
Vena	151. 24
Vena	158. 19
Vena	185. 40
Vena	123. 17

Vena	12. 38
Vena	12. 42
Vena	195. 25
Vena	195. 30
Vena	30. 18
Vena	73. 18
Vena	103. 1.
Vena	148. 6
Vena	150. 9
Vena	151. 24
Vena	158. 19
Vena	185. 40
Vena	123. 17

IOAN. FERNELII

Ambiani, Pathologiæ Lib. vij.

DE MORBIS EORVMQVE CAVSIS LIB. I.

Morbi definitio, quid affectus, quid affectio.

Cap. I.



XIMIAM corporis humani structuram, si natura qualem instituit integram tueri atque cōseruare potuisset, ars vtique nulla medendi inuenta vnquam excultāve foret. At quoniam vt rerum omnium quas mundus ambitu suo continet, ita & hominis certus interitus: isque vāriis externarum iniuriarum incurfionibus tāquam procellis vndique laceffitur, perfecti quidem medici præcipuæ partes fuerint, hominis valetudinem, cuius permagna est varietas & inconstantia, & omnes quotquot infiguntur illi affectiones, diligenter penitusque perspectas habere. Illius quidem naturam, facultates, & quibus hæ modis suas quæque functiones edant, corpusque cōuenienter naturæ regāt atque moderentur dum integrè sanū est, totam denique naturalem cōtemplationem, in Physiologia, quæ rotius artis quasi solum quoddam atque fundamentū est, fusiore demonstrādi via sumus persecuti. Nūc igitur presso cōtractōq; stylo de aduersa corporis valetudine, quæ verè medica est consideratio tradendum, & expendendum qui morbi, quæ symptomata illi impēdere soleāt, quibus ex causis hæc orta procedant, & quibus signis adesse noscantur. Hisce enim absoluta videbitur omnis eorum tractatio, quæ insalubria & præter naturam sunt, quorum vi & impulsu homo de optimo vitæ statu decedit. Sigillatim horum vnumquodque excutiam, & in singulis, quantum exercitatio vsusque medēdi exposcit, cōmorabor. Quoniā verò nulla est singulorum scientia, vt omnia certa via & ratione stabiliam, docendi initium ab vniuersis illorum ducā generibus. Hæc autē tria sunt, morbus, causa, & symptoma. Morbus est affectus contra naturam corpori insidens. Quæ Græcis est *νόσος*, affectus nobis appellatur: non ea quidem præcisa argutæque significatione, quam Aristoteles vsurpauit, sed admodū ampla & multiplici verbi potestate, quæ omnem corporis cōstitutionem contineat, siue in substantia, siue in qualitate & tēperamento, siue in conformatione & figura, siue in magnitudine, siue in numero ea cōsistat. Affectus autem omnis mutatione quadam motūque facto induci gigni que

A solet:

solet: quumque causa præter naturam efficiens, obiectum corpus immutat
eique vim infert, aliquid ea quidem efficit, hincque eius motus effectio di-
citur, Græcis ἐνέργεια: obiectum verò corpus patitur & afficitur, hincque eius
motus affectio est atque perpeſſio, Græcis παθὼς vel παθησις: sic ex affectione
tandem proficiſcitur affectus, qui Græcis ἐστὶν ἀσθένεια, quasi impressum affe-
ctionis vestigium. Sublata causa protinus omnis eius cessat effectio, cessat
& patientis corporis affectio. At genitus affectus interdum manet ac per-
sistit, manifestè ab affectione seiunctus: eiusmodi est vlcus à candente fer-
ro corpori inustum, aut vulnus inflictum gladio. Interdum minimū sub-
sistit, nec certè permanet, sed seiuncta causa aut pariter cum affectione aut
quàm mox deletur: sic putrida febris, quæ calor est præter naturam omnes
corporis partes occupans, vacuato humore putrido, qui eius efficiens est
causa, nihil aut minimum persistit. Est tertio & quum ex affectione nullus
emergit effectus, si levis eius nec magna vis est: vt quum leuiter pungente
acicula aut igne acrius ardente dolor affectioque premit, qua tamen desi-
nente nullum sæpe manet punctionis aut vſionis vestigium, nullusque af-
fectus. Et quum ex impuro ventriculo tenuis acérque vapor sublatus, ce-
rebrum meningésque tentat, dolor quidem inest ac sæpe delirium, quo fal-
sa rerum simulachra sese obiiciunt atque repræsentant: hæc quidem affe-
ctiones sunt capitis, in quo tamen nondum vllus contractus est affectus,
quemadmodum neque in ventriculo quum eius cōcoctio malè affecti ie-
coris contagione impeditur. Multò quidem euidentius timorem, mœstia-
m, excaſcentiam, aliásque perturbationes, animi affectiones appel-
lant, quæ citra vllum cordis affectum hominem exercent. Quāquam igitur
Græcis idem sunt ἀνάσσειν καὶ παθεῖν, id est affici & pati, diuersa tamen
iisdem sunt ἀσθένεια καὶ παθὼς, id est affectus & affectio seu perpeſſio, vt rur-
sum diuersa sunt παθεῖν καὶ νοσῆν, ita sanè affici & ægrotare. Solum ægrotat
quod morbo & affectu tenetur: afficitur verò tum affectu tum affectione.
Etenim simplices quas recensui affectiones cōtra naturam sunt corpūsque
variè fatigant, morbi tamen idcirco non sunt, quòd minimè in affectuum
sint genere, sed numerentur in symptomatis.

Quid contra naturam, quid præter naturam.

Cap. II.



QMNIS porro corporis constitutio atque affectus, aut na-
turalis aut non naturalis existit: atque non naturalis alius
præter naturam, alius cōtra naturam. Præter naturam, qui
tametsi ex naturæ præscripto non est, illi tamen nullam
vim infert: eiusmodi est scædus iætericorum color, & qui
solis ardore contrahitur, & faciei lentigo, omnis præterea
leuior affectus & præ exiguitate adèò obscurus, vt neque nostris, neque la-
borantium sensibus animaduerti possit. Sic vlcusculum quod neque sen-
sum mouet, neque functionibus obest, præter naturam esse dicimus, nec
tamen cōtra naturam, nec morbum: licet enim eadem sit specie atque in-
gens

gens vlcus ad quod efficientium causarum cōtinuatione perueniret (nam
 simile quum sit, non vt domus quæ exædificatur, incremēto aut magni-
 tudine speciem mutat) quia tamen non perspicuè functionē lædit, contra
 naturā dici haudquaquā debet. Contra naturam affectus est, qui nō mo-
 5 dō naturæ limites excessit, sed & illi vim infert, eiusque vires & functiones
 manifestè interturbat, atque id modò proximè, modò alterius interiectu
 facit. Ita quippe medicus omnia ex viribus æstimans, manifestam potissi-
 mum offensionem expendit, & in hanc præcipuè animum intēdit, quæ
 medicam opem efflagitat. Quod igitur cōtra naturam, vnum & idem est,
 10 atque præter naturam actionem lædens. Nihil autem interest utrū lædens
 an impediens actionem dicas. Vt enim quum actio aut non fit aut malè
 fit, idque proprio alicuius partis vitio, verè læsam actionem dicimus, ita &
 quum alienæ rei interuentu id fit, vt dum calculus vel grumus vesicæ cer-
 uicem obstruit urinæque profusionem cohibet, tum quoque vt impedita,
 15 ita & læsa actio dicenda. Atque licet nulla sit partis similis, est tamen in-
 strumēti offensio. At verò quum externo duntaxat vitio peccatur, nec læ-
 sa nec impedita est actio. Neque enim si vitiosum alimentum ventriculus
 non concoquit, idcirco læsus est: neque si vuarum acini integri nihilque
 mutati deturbantur ex aluo, cruditas est aut concoctio læsa aut impedita:
 20 cocti fateor hi non sunt, sed minimè tamen crudi.

Morbum omnem in corporis partivse substantia consistere.

Cap. III.



25 Vicquid in nobis consistit aut corporis pars est, aut in illa
 certè continetur. Partem dico quæ ex solida substantia &
 carniiformi, atque ex innato spiritu, in quo natiuus calor
 & facultas inest, constituitur. In corpore autē cōtinentur
 spiritus vagi & diffuentes, sanguis, humores, & extremē-
 ta. Quinetiam præter partes & contenta functiones quo-
 30 que existunt ex iis profectæ. Itaque quoniam res ipsas non rerum vmbra
 sectari consilium est, tria hæc semper animo teneri & quasi ob oculos pro-
 poni velim, contenta, corporis partes, & functiones. Horum cuiusque vi-
 tium & de statu naturali decessio, affectus est & constitutio præter naturā.
 Quod autem in contentis est vitiū, morbi causa est: quod in partibus, mor-
 35 bus: quod in functionibus, symptoma. Quum enim corporis pars sola pri-
 mum & per se functionum sit opifex, eius duntaxat integritas & firma cō-
 stitutio functiones perficit & sanitas est: infirma verò atque vitiosa, primū
 & per se functiones euertit, hæcque sola morbus censetur. Partis appella-
 tione & similem & organicā complectimur, atque in organo tum pars
 40 præcipua, tum aliæ quæ vsum illi præbent, continentur: vt non solū qui
 in crySTALLINO humore, verumetiam qui in alia quauis oculi parte contra
 naturam affectus inest, morbus habeatur. Quum enim crySTALLINO partes
 ceteræ subsidio veniant, & ad videndi functionem magnum vsum affe-

A ij rant,

rant, earum affectus primùm ac per se visionem peruerteret, quæ non solius
 crystallini humoris, sed totius est oculi. Quocirca omnis partis siue prin-
 cipem ea functionem edat, siue duntaxat opituletur, affectus contra na-
 turam, morbus est. At verò cõtentorum, vt spirituum, vt humorum, & su-
 peruacancorum affectus, etiamsi contra naturam sint, morbos non dici-
 mus, quandoquidem in partis substantia non inhærescunt. Atque hi quo-
 niam in nulla parte cõsistunt, nec per se nec proximè sed morbi interuen-
 tu functionibus incommodant. Hoc verò luculentius explicandum. Ani-
 ma eiúsque facultates in vniuscuiusque partis innato spiritu & calore sitæ,
 primæ & principales functionū quæ eduntur, efficientes causæ sunt: par-
 tes verò earum duntaxat instrumenta, sine quibus nihil illæ efficiant. Et
 nihilominus partes ipsas hîc principales statuimus proximâque functio-
 num causas: siue quòd recõdita penitúsque abstrusa sit animæ facultatũ-
 que substantia, siue quòd ad agendum in primis necessaria sit instrumen-
 torum vis, siue quòd fortasse, vt præstantissimis philosophis visum est, ani-
 mæ facultatũque substantia immutabilis, nulla vi, nullo morbo labefa-
 ctari atterive possit, quanquam plerũque instrumenti vitio interpellatur.
 Sed neque partes ipsæ simpliciter functionum causæ sunt, verũ consti-
 tutio earum atque *dispositio*. Bona quippe constitutio, bonarum: mala mala-
 rum est functionum causa: atque illa sanitas, hæc morbus existit. Cõtē-
 torum autem, vt quæ sint morborum causæ, firma cõstitutio sanitatis, in-
 firma morbi causa fuerit. Non igitur vesicæ nõ renũ calculi aut grumi nu-
 merantur in morbis, sed neque intestinorum lumbrici neque ascarides, e-
 tiamsi toto genere contra naturam sint, sed duntaxat morborũ causæ pu-
 tantur: atque id solũ dum partibus cõporis incommodant. Non enim
 si tanta capacitate quanta est cæci intestini, citra partis offensionem con-
 tineantur, morbum efficient. Ad hæc neque humores si putrescant in ve-
 nis, morbum inferent actionemve lædent, nisi partes effectrices contagio-
 ne prius attingant labefactentque. Ad hunc modum febris intermittens,
 morbus comitialis, hydrophobia, aliq̃ue morbi complures causam intus
 habent in quiete & interuallo otiosam, & quæ non nisi quum partes lacef-
 sit morbum excitat. Ex iis, opinor, satis intelligitur multa contra naturam
 atque adeò ipsam necis causam interdum consopitam in nobis contineri,
 sine vlla offensione, & proinde sine morbo: quemadmodum & gladium
 & arrhenicum nullo plerũque incommodo circũferimus. Hinc & mul-
 tos qui iamdiu mortis causam intus conclusam haberent, derepente nul-
 lóque antecedente morbo videmus mortem oppetere. Solũ igitur affe-
 ctus contra naturam qui in partis substantia consistit atque hæret, debet
 morbus censerì.

De affectu per consensum.

Cap. IIII.



VI igitur per consensum morbus existit, nec simpliciter nec ab-
 solutè morbus appelletur. Est namque affectus contra naturam
 duplex, vnus partis proprius, alter per consensum. *et notat de his affe-*
 ctus

LIBER PRIMVS.

5
 10
 15
 20
 25
 30
 35
 40
 45
 50
 55
 60
 65
 70
 75
 80
 85
 90
 95
 100
 105
 110
 115
 120
 125
 130
 135
 140
 145
 150
 155
 160
 165
 170
 175
 180
 185
 190
 195
 200
 205
 210
 215
 220
 225
 230
 235
 240
 245
 250
 255
 260
 265
 270
 275
 280
 285
 290
 295
 300
 305
 310
 315
 320
 325
 330
 335
 340
 345
 350
 355
 360
 365
 370
 375
 380
 385
 390
 395
 400
 405
 410
 415
 420
 425
 430
 435
 440
 445
 450
 455
 460
 465
 470
 475
 480
 485
 490
 495
 500
 505
 510
 515
 520
 525
 530
 535
 540
 545
 550
 555
 560
 565
 570
 575
 580
 585
 590
 595
 600
 605
 610
 615
 620
 625
 630
 635
 640
 645
 650
 655
 660
 665
 670
 675
 680
 685
 690
 695
 700
 705
 710
 715
 720
 725
 730
 735
 740
 745
 750
 755
 760
 765
 770
 775
 780
 785
 790
 795
 800
 805
 810
 815
 820
 825
 830
 835
 840
 845
 850
 855
 860
 865
 870
 875
 880
 885
 890
 895
 900
 905
 910
 915
 920
 925
 930
 935
 940
 945
 950
 955
 960
 965
 970
 975
 980
 985
 990
 995
 1000

ctus est contra naturam parti insidens, eiusque proprius. *supra de iis affectus*
 est contra naturam parti alterius vitio impertitus. Tribus is quidem modis
 fit. Vnus est quum pars aliquid præter naturam aliunde illapsum excipit.
 Sic è ventriculo aut humores tenues, aut corrupti vapores in caput subla-
 ti, modò mentis actiones inturbant, modò meningum distentione vel
 exesu dolorem excitant, modò oculis simulatas fictasque rerum imagines
 obiciunt atque representant, iis similes quæ per suffusiones cernuntur. Al-
 ter est quum facultas opifex in partem illabi & influere prohibetur, veluti
 spina inflammata vel obstructa, crurum resolutio incidit, omnisque illorū
 motus sensusque perit: & obstructis nervis opticis oculorum vidēdi actio
 concidit. Tertius per consensum affectus est, quum materia ad agendum
 necessaria accedere prohibetur. Exempli gratia: obstructis pulmonibus,
 aut resolutis costarum musculis, aut perforato thorace, quia non satis spi-
 ritus cum efflatu ad laryngem compellitur, vox quæ illius est actio aut sup-
 primitur aut etiam perit. Quinetiam magna venarum quæ ad iecur sunt
 obstructio, impedit quo minus sanguinis fiat in omne corpus distributio,
 efficitque vt alimēti penuria languescat corpus tandēmq; atrophia cōta-
 bescat. Iam verò quomodocunque seu naturalis seu animalis pars cōsensu
 laboret, affici ea quidem patique dicitur, quādoquidem & illius actio vel
 omnino perit vel quodammodo impeditur, minimè tamen idcirco egro-
 rat, neque ipsa illius affectio morbus est, quòd parti nō insideat, quare nec
 illi remedia adhibentur, nec si adhibeantur, magnopere iuuent. Itaque si
 cui parti morbus inest, necessariò illius actio læditur: at non contrà. Non
 enim si partis actio læditur, statim etiam consequitur illam morbo teneri.
 Porro autem pars quæ diutius ex alterius consensu laborauerit, quādoque
 proprium inde contrahit affectum, fitque ex sympathia idiopathia. Hic
 verò quanquam proprius est affectus, non tamen primigenius, sed secun-
 darius & posterior. Illum Græci *νευροπάθεια*, hūc *συννευροπάθεια* ἢ *ὁστέοπαθεια*
 dixerunt. Ita quidem ex morbo subinde morbus nascitur, atque idem ple-
 runque morbus est & morbi causa. Hæc quidem de morbi notione satis.

Tum sanitatis, tum morbi amplam esse latitudinem, & inter
 hæc neutram constitutionem interuenire. Cap. V.



35
 40
 45
 50
 55
 60
 65
 70
 75
 80
 85
 90
 95
 100
 105
 110
 115
 120
 125
 130
 135
 140
 145
 150
 155
 160
 165
 170
 175
 180
 185
 190
 195
 200
 205
 210
 215
 220
 225
 230
 235
 240
 245
 250
 255
 260
 265
 270
 275
 280
 285
 290
 295
 300
 305
 310
 315
 320
 325
 330
 335
 340
 345
 350
 355
 360
 365
 370
 375
 380
 385
 390
 395
 400
 405
 410
 415
 420
 425
 430
 435
 440
 445
 450
 455
 460
 465
 470
 475
 480
 485
 490
 495
 500
 505
 510
 515
 520
 525
 530
 535
 540
 545
 550
 555
 560
 565
 570
 575
 580
 585
 590
 595
 600
 605
 610
 615
 620
 625
 630
 635
 640
 645
 650
 655
 660
 665
 670
 675
 680
 685
 690
 695
 700
 705
 710
 715
 720
 725
 730
 735
 740
 745
 750
 755
 760
 765
 770
 775
 780
 785
 790
 795
 800
 805
 810
 815
 820
 825
 830
 835
 840
 845
 850
 855
 860
 865
 870
 875
 880
 885
 890
 895
 900
 905
 910
 915
 920
 925
 930
 935
 940
 945
 950
 955
 960
 965
 970
 975
 980
 985
 990
 995
 1000

si animal tam firma corporis cōstitutione nasci, tamque
 iustis viuendi legibus cōtineri seruarique potest, vt vitam
 ad extremū senium integra atque incorrupta sanitate du-
 cat: hanc tamen decursu & ætate progrediente mutari ne-
 cesse est, & varias ac multiplices mutationes sustinere. Sed
 neque omnium qui sani degunt, vna est eadēque con-
 stitutio, nec vna igitur sanitas. Quinetiam hominis cuiusque sanitas, aëre,
 cibo, potu, somno, vigiliis, motu, balneis, ira, dolore, aliarūque causarū
 vi & impetu laceSSita plerunque commutatur, vt perspicuum esse debeat
 amplo illam spatio contineri. Iisdem rationibus intelligitur, neque mor-

A iij bum

bum angusta latitudine circumscribi: nec eadem constitutionis pernicie
 eum periclitari, qui nunc primum in morbum incidit, atque eum qui ex-
 tremum vitæ diem breui conficiet, nec denique morbos omnes peræquæ
 graues existere. Itaque corporis partise absoluta & exquisita symmetria
 quæ ad summum peruenit, summa est sanitas. Quæ ab hac paulum defi-
 ciens constitutio, nec actionibus nostris nocua est, nec animali manifestè
 grauis, sanitas etiānum est, at non perfecta. Quæ dein eò vitij processit
 vt iam homini conspicuè molesta sit, eiusque functiones grauiter offen-
 dat, morbus est, qui sensim ingrauescens eādem ad extremum, quod mors
 est, perducit. Inter has media quædam interiecta est vtrinque obscura: quæ
 idcirco nec sanitas, nec morbus, sed neutra est constitutio. Neutrius enim
 est particeps, & neutrum corpus reddit nec sanum nec ægrum, sed inter v-
 trumque quodammodo medium. Argutas quidem & multiplices huius
 verbi potestates nonnulli percensent, sed profectò rei medicæ parum vti-
 les, & quæ interpretes in varios sophismatum labyrinthos præcipitarunt. 15
 Neutra hæc constitutio latitudine circumscribitur in tres ordines distin-
 cta, in neutram obscure sanam, neutram obscure ægram, & neutram quæ
 inter has verè media interuenit. Omnes conspicuè elucet, dum vel ex sa-
 nitate in morbum, vel ex morbo in sanitatem transitus est. Exquisitè me-
 dium ab utroque extremo quāplurimum distat. Quod vna parte sanum, 20
 altera ægrum existit, haudquaquam neutrum, sed ægrū appellauero. Ari-
 stoteles sanum ex integritate actionum, ægrum ex quauis offensione di-
 mensus, nihil inter hæc medium constituit, sed priuantia fecit, perinde at-
 que videns & cæcum. Omnis porò corporis cōstitutio, tum sana, tū neu-
 tra, tum ægra in tres dispartitur ordines, vt sint totius humanæ vitæ con- 25
 stitutiones nouem. Extrema quidem maximè contraria sunt, integerrima
 sanitas & mors. Qui ab illa sensim ad mortem deducetur, has omnes vitæ
 constitutiones subibit, quæ hac sibi serie cohærent. Optima sanitas, bona
 sanitas, sanitas leuis & parum firma: neutra constitutio ad sanitatem pro-
 pensā, neutra absoluto sermone, neutra ad morbum inclinās: morbus sim- 30
 plex & leuis, morbus grauis & mediocriter periculosus, morbus grauissi-
 mus & maximè periculosus. Hæc proximè mors sequitur vltima rerum li-
 nea. Quæ omnium media consistit, indiuidua est: cæteræ ampla latitudi-
 ne excurrūt, quas terminis exquisitè discernet peritus artifex. Hæ quidem
 non in varias species disiectæ sunt, sed solo gradu ordinēque distant. 35

Prima summæque morbi genera.

Cap. VI.



VONIAM quidem morbus omnis in parte aliqua corporis
 penitus insidet, consentaneum est primas illius differentias ex
 partium differentiis constitui. Partes verò duplices sunt, aliæ si- 40
 milares, organicæ aliæ. Morbus qui partis similis eucrasiam
 naturalēque constitutionem peruerterit, similis appellatur, organicus
 qui instrumēti rationem & symmetriā infregerit. Quum autem vtrique
 parti

parti commune sit, vt particularum cōtinuatione earūque coagmentatione & adhæsu consistat, harū dissolutio vtriusque morbus est, & vtriusque functionibus peræquē incommodat. Itaque prima summāque morbi genera tria omnino sunt, similis, organicus, & communis, qui vnitatis solutio dici consuevit. Atque hæc nō ex morbi essentia: sed ex partium varietate deprompta sunt.

Similaris morbi differentia.

Cap. VII.



HORVM verò inferiora genera speciēsque verę ac proprię, ex vitiorum quę contra naturam parti insident, ducuntur generibus, seu ex modis quibus pars vnaquęque de optimo & naturali statu decedit. In parte similari tria spectantur, materia, temperamētum, & forma, quę totius est summa perfectio. Horum trium naturalis constitutio & symmetria sanitas est: vniuscuiusque igitur immoderatio & ametria quę cōtra naturam euaserit, morbus censetur. Materiæ morbus est immoderatio, temperamēti intemperies, formæ corruptela: atque hæc in similem partem incidunt. Huius proinde morbi tres existunt, materiæ immoderatio, intemperies, & formæ seu totius substantiæ corruptela. Tria quidem in similari parte distincta cōtineri, totāque substantiam à materia & à temperamento secerni, propria esse vniuscuiusque vitia, tres hinc oriri similis morbi differentias, alio opere pluribus demonstraui. Iam verò intemperies octo numerantur, quatuor simplices, calida, frigida, humida, sicca: coniugatę totidē, calida & sicca, calida & humida, frigida & sicca, frigida & humida, quę quum exuperant, actionēsque manifestē lædunt, morbi sunt. Aliās hæc purę existunt, aliās ex humorum vel intemperatorum, vel putridorum vitio prodeunt. Materia immoderata, mollis est aut dura, laxa aut astricta, tenuis aut crassa, rara aut dēsa: hæcque illius vitia morbi sunt. Totius verò substantiæ nomine & insitum spiritum, & diuinum illius calorem, & facultates ipsāque formā cōplectimur. Totius substantię morbi sunt, qui partium substantiam primū & per se oppugnant. Horum alij manifesti sunt, alij occulti. Manifesti qui partium corporisque substantiā manifestis ex causis demoliuntur: eiusmodi sunt vlcera maligna, phthisis, iecoris, lienis, aliarūque partium putredo ex prima qualitatū intemperie nata. Et spiritus innati dissolutio per vigilias, labores, inedias, atrocēsque dolores: & natiui caloris extinctio in strangulatu vel in penetrabili extremoque frigore. Occulti morbi sunt qui cæcis ex causis totam substantiam oppugnant. Eorum, alij venenati, alij contagiosi, alij pestilentes. Hi ex aëre cœlestium corporum viribus inquinato suscitantur: vt febris pestilens, vt carbunculus, & pestilens bubo: hi que grauiores appellantur. Sunt & alij leuiores vt exanthemata tum rubra, tum purpurea, quę summa cute maculis minimē extuberantibus efflorescunt: & ecchymata, quę puitæ eruptiones dicuntur: atque vtrique consueti sunt. Præter hos nōnunquam

A iiij alij

alij emergunt insolentes, nouis & inauditis ex causis orti, vt Paraplegia quædam Hippocrati dicta, vrêtes ardores, grauedines anhelosæ, sudorifica febris, quibus nostro seculo regiones plurimæ perculsæ & afflicte sunt: alios verò alia secula protulerunt, qui veterum obliuione obruti extinctiue iam sunt, alios futuris sæculis posteritas animaduertet, quum nouæ syderum concursiones permistionésque illorum effectrices obtingent. Contagiosi morbi externi cuiusdam veneni occurſu & contagione inferri solent, vt stupor à torpedine pisce vel ab opio, & hydrophobia, & qui scorpionum, bestiarumque virulentarum morsu aut telorum ictibus infliguntur. Huius quoque classis sunt, lues venerea, elephantiasis, quique ex horum confusione oriri possunt. Venenati morbi ex veneno aut intus genito aut assumpto originem ducunt. Ex intus genito, morbus comitialis, stragulatutis vteri à putri semine, syncope ex putrido sanguinis grumo, cordis quædam palpitatio. Ex assumpto veneno morbi eius veneni naturam imitantur, quod totius substantiæ dissidio nobis est infensum: eiusmodi sunt, quos¹⁵ aconitum, taxus, ephemerum, cantharis, lepus marinus, huiusque classis plurima intulerunt. Has quidem differentias omnes similis morbi genus vnum complectitur, quas à veteribus magna artis iactura aut prætermisſas aut perperam ad intemperiem simplicemve putredinem relatas fuisse miror. Ita igitur quasi figura descriptæ sunt omnes similium morborum differ-²⁰ entia, luculentius tamen posthac sigillatim explicandæ.

Instrumentarij morbi differentia.

Cap. VIII.



PROPRIA instrumenti cuiusque ratio est figura conformatioque ad suum munus obeundum aptissima. Ab hac²⁵ & cranij & spinæ dorsi os instrumentum nuncupamus, etiamſi cōpositione simplex & simile existat. Neque tamen muscoli portio, quæ carnis, venę, arteriæ, & nerui nō nihil retinet atque dissimilis est, instrumenti nomine digna sit, quādoquidem figuræ concinnitas perempta est: rudis enim & in-³⁰ formis restat, minimè apta perfungendis muneribus. Est & certa instrumenti cuiusque magnitudo, extra cuius limites quodcunque egreditur, vitiosum censetur. Adhæc verò quæ dissimiliora vocantur instrumenta, similium partium ex quibus constant certum definitumque numerum sortita sunt. Hæcque partes aptè inter se coherere, sibi que consentire, & bene³⁵ collocari necesse est. Itaque quod ad proprias functiones instructum & accommodatum est instrumentum, conformationem, magnitudinem, partium numerum, earumque situm naturæ legibus conuenientem obtinet. Horum symmetria & naturalis constitutio, instrumenti sanitas est: vniuscuiusque vitium immoderatus morbus est instrumentarius. Cuius id-⁴⁰ circo quatuor sunt differentia, vna conformationis, altera magnitudinis, tertia numeri, quarta collocationis siue situs vitium. Hæc autem denuo conciduntur etiam minutius. Quum enim cōformatio aptaque ad opus figuræ

*Instrumentarij
morbi differentia.*

figura concinnitas in multis posita sit, ex multisque constet, ex figura, ex
 meatu, ex cavitare, ex leuitate aut asperitate, vnaquæque horum permuta-
 tio, & de statu naturali decessio, instrumenti morbus dicenda. Figuræ mor-
 bo tenentur vati, quibus foras: & vari quibus intrò crura contorquentur:
 5 & quibus caput vel rotundum vel oblongum nimis est. Meatum per quos
 feruntur distribuunturque contenta, morbus est dilatatio nimia, qualis est
 pupillæ in oculo, & venæ in varice, & arteriæ in aneurysmate. In hoc ge-
 nere dilatationi opponuntur astrictio & obstructio. Astrictio quum mea-
 tus ab externa causa angustiores euadunt, vt spiraculorum cutis densitas
 10 atque conuiuentia ex siccitate, vt asperæ arteriæ & cæphagi coarctatio
 ex premente angina. Obstructio quum meatus ab incidente, intus-
 que herente materia quasi infarcti angustiores fiunt, quod vitium nõ mo-
 dò cuti, sed & venis, & arteriis, & intestinis, ductibusq; omnibus frequens
 inesse solet. Cavitatis (quæ excipiendi continendique gratia comparata
 15 est, hinc sinus & receptaculum appellata) morbi sunt, nimia capacitas, vt
 ventriculi, thoracis, & scroti amplitudo: & coarctatio immodica, vt tho-
 racis depressio, quæ ad phthisim deducit, ventriculi inducta medicamen-
 torum vi tanta astrictio, vt idoneam cibi copiam excipere nequeat. Illius
 quoque morbus est repletio, vt quæ est ventriculorum cerebri in apople-
 20 xia, vteri in mola, vesicæ in calculo: neque tamen cum Auicenna calculum
 ipsum morbum dixeris, vt neque telum corpori infixum, neque humorem
 crassum venas obstruentem, sed duntaxat morbi causam: ipsa verò calculi
 constitutio, & vesicæ repletio, quemadmodum & obstructio morbus in-
 25 strumentum habendus est, impediens ne vesicæ capacitas satis multam vrine
 copiam excipiat contineatque. Leuitatis morbus est, quum leuis & lubri-
 cus aut ventriculus enaserit, aut vterus, quæ vt firmius continerent natura
 quodammodo aspera conformauit. Asperitatis morbus est in tracheia ar-
 teria, quum nimio opere exasperata raucitate infert. Atque hi quidem mor-
 bi idoneam instrumenti conformationem labefactant. Magnitudinis au-
 30 tem morbus est, quum pars aliqua aut supra conuenientem naturæ modum
 increuit, aut infra substitit: vt linguæ tanta moles quæ ore comprehendi
 nequeat, capitis vastitas, crus quale in quodam visitur reliquo corpore gran-
 dius. Huc quoque pertinent linguæ breuitas, capitis, digitorum, crurum-
 que concisa atque minuta quantitas. Hæc autem vitia vel ab ortu nobis
 35 adnata sunt, vel ab alimenti exuperantia penuriæve contrahuntur. Quæ
 verò ex humorum influxu processerunt, non huc, sed ad tumores præter
 naturam referri debent, quos statim dicemus morbos esse cõpositos. Nu-
 meri morbus tum in exuperantia, tum in defectu consistit. Exuperantia
 quidem vel est rei naturalis, vt sexti digiti, vt tertij testiculi, quem omni-
 40 bus cuiusdam familiæ superare nouimus: vel est rei toto genere præter na-
 turam, vt verrucæ & calli. Defectus est solius rei naturalis, quæ vel ab ortu
 deest, vt quum quis mancus nascitur, vel postea detrahatur, vt manus am-
 putatio, idque siue partim, siue omnino deest. Quum pars quædam ab in-
 strumento

*visibiles conformationes
 propriæ.*

figuræ morbi:

Ne magnitudinis morbi

cavitatis morbi.

*Calculi morbus
 non est.*

Leuitatis morbi.

Asperitatis morbi.

magnitudinis morbi.

numeri morbi.

hæc

compositio morbi
lystoria
he
 strumēto penitus eximitur, solius numeri morbus est, qui in instrumēti residuo dicitur inesse: execto enim digito numeri morbus residet in manu. At dum nō prorsum & radicitus, sed veluti ex dimidio pars refecatur, tum numeri, tum magnitudinis morbus existit, idēque affectus sub utroque genere comprehenditur. Compositionis porro morbi sunt & in situ & in consensu. In situ quidem artuum luxatio, dentes exerti & prominentes, omenti vel intestini in scrotum prolapsus, manus scapulis adnatæ, ut in ea muliere quæ sine brachiis oberrat. In cōsensu quum mutua partium societas & connexio perueritur, ut in strabismo. In hoc genere vitium est, quo vel digiti, vel oculorum palpebræ, vel podicis, vel vulvæ, vel oris labra co-¹⁰ hærent, idque siue ab ortu, siue ab ulcere. Hoc nonnulli vitiatam cōtinuitatem appellarunt, & sub genere morbi communis malè sunt complexi. Tot sunt igitur organicorum morborum differentiæ.

De morbo communi, qui est continui solutio.

Cap. IX.



he
Solutio continui
vari nominibus
Viti contrarium in
Confusio Melancholia
Solutio morbi
 L L V D arctè tenet accuratèque defendit Auerrhois, cōtinui solutionem propriè partis esse similis, partēque organicam non alia ratione dissolui, quàm quod illius ossa, nervi, fibræ, venæ, arteriæ, aut secantur aut distrūpantur. Eam quoque diuulsionem cutis à nervo, aut nervi à vena,²⁰ aut ab osse, quæ aut in manu aut alio fit instrumento, non continui solutionem appellat: sed vitium compositionis atque consensus eamque morbum statuit organicum: quoniam totam instrumenti rationem ex similium partium connexione deducit. At turpiter ille fallitur, quando quidem, ut ipsi aliquando demonstraui, vera instrumenti ratio est conformatio, à qua & venam & arteriam instrumentum appellamus. Quoniam igitur continui solutio rei figuram & conformationē vitiat ac peruerit, ipsa quidē per se & primū instrumenti morbus est: huicque perinde atque similari per se accidit. Solutioni continui varia ex partium differentiis nomina posuerunt. Ossis enim solutio transuersa, fractu-³⁰ ra dicitur, recta verò fissio. Cartilaginis quæcūque sit solutio nomen nondum inuenit. Nervii solutiones sunt punctura, & incisio in transuersum, & fissura in rectum, & contusio. Venæ & arteriæ solutiones sunt, osculorū apertio & dilatatio, incisio in transuersum, & fissura in rectum. Membranarū omnis solutio raptura dici solet. Cutis leuior solutio solam empider-³⁵ midem diuellens excoꝛiatio est, at quæ in veram cutem aut altius in carnē penetrat, aut vulnus est aut vlcus. Cor ex partibus omnibus vnū nullā solutionem tolerat quin continuò animans morte extingatur. Aliæ complures extant, tum similium, tum organicarum partium solutiones, quas quum necdum vsus nominibus propriis notauerit, cōmuni totius nomine appellamus. Hæc summa sunt genera, hæc differentiæ, in quas morbi omnes quicunque modo vilo corpus exercent, referri coniicique debent. A plerisque autem dubitari video de flauitie aut rubore ceratoidis tunice, quæ omnia

omnia ante oculos proposita aut flaua aut rubra exhibet, oculique vident actionem peruertit. De aurium quoque tinnitu, qui quum magnus est, auditionem impedit: de fœtore narium, qui odoradi vim interturbat: de lingue lingue amarore, qui gustatus iudicium corrumpit. Hæc quidem vitia alij ad nouum morbi genus referunt, quod secundæ qualitatis morbum appellant: alij ad intemperiem, quando quidem secundæ qualitates ex primis ortæ processerunt. Caterum in maxima rerum ignoratione vtrique versantur: illa quippe non morbos, sed symptomata esse apertissimæ rationes conuincunt. Nam si fortè actionem labefactant, non tamen proximè, sed noui cuiusdam morbi interuentu. Sic profectò symptoma plerunque nouum morbum accersit eiusque sit causa: quemadmodum vehemēs dolor, aut vigiliæ, ventriculi concoctionem impediunt, non per se quidem, sed quod frigidam intemperiem ingeneret. Si qui porro sortibus, incantamentis, alijsve perditis magicisque artibus, aut etiam diuinitus morbi infliguntur, huius instituti limites transcendunt, atque tametsi causam omnino trans naturam habeant, possunt tamen singuli (quia in aliqua corporis parte consistunt) in sua quæque genera refundi. Ita quidem de singulis percontamur, vt discussa ambiguitate, res ipsa clariùs eluceat, nec locus sit incurtantium cauillis. Hactenus traditæ sint simplicium morborum differentiæ.

De compositis & implicitis morbis.

Cap. X.



ORPV S aliàs vnus aliàs multi morbi exercent & instant. Vnus morbus appellatur qui in vna eadèmq; corporis parte confedit, siue vni, siue multis actionibus officit & incommodat: eiusmodi est ventriculi intemperies, quæ non vnā aliquam, verum omnes pariter illius naturales functiones subuertit. Febris quoque vnus est morbus: licet enim partes omnes corporis similes occupet, quoniam tamen ex his aptè inter se continuatis atque cõnexis vnum corpus efficitur, vnus quoque omnium morbus censetur. Neque tamen febris in toto corpore, vt quod organicum est, primùm & per se insidet, neque illius nisi ex accidenti morbus est. Caterum inflammatio pedis & inflammatio manus vnus morbus non sunt, quia tametsi specie similes, nulla tamen continuatione iunguntur & coherent. Iam euidentius multi sunt & diuersi iecoris inflammatio, & renum vel lienis obstructio: quippe qui & generibus & partibus discreti seiunctique sunt. Morbus vnus duorum est generum, aut enim simplex est aut cõpositus. Simplex qui vnus dūtaxat simplicisque generis naturam accepit, siue in simularium, siue in organicorum sit ordine: vt calida intemperies, vt renum simplex obstructio. Hic rursus modò solitarius, modò comitatus existit. Quum nulla eius efficiens causa præsens adest, nullumque graue symptoma, quod ad se curantis consilium reuocet, tum solitarius est morbus, vt intemperies simplex. Comitatus verò quem præsens & continens causa intus fouet atque alit, vt obstructio: aut quem horrendum

vnus morbus qui dicitur

diffinitio morbi

diffinitio morbi

dum symptoma cōsequitur, vt nephritis aut dolorem immanissimum aut syncopen inferens. Hæ differentiæ non modò ad simplicem morbum, verumetiam ad omnia, tum compositorum, tum implicitorum, distinctòrumque genera pertinent & accōmodantur. Compositus morbus appellatur qui ex multis eidem parti insidentibus & quasi cōnexis concreuit vnusque factus est, vt vetriculi intemperies calida & intemperies sicca, quæ vnā vt coniugatam, ita & compositam efficiunt. Sic ex vlcere & intemperie calida si in eadem sunt parte, morbus fit vnus isque cōpositus. Quum ab ictu violento depressus simulque factus est nasus, figurę quidem vitium est & naris obstructio, ex quibus compositus est morbus: quemadmodum dimidij digiti, vel dimidiæ linguæ circumcisio, ex numero & magnitudine componitur. Quum carneum tuberculum vt narium polypus interiori canali adnascitur, obstructio fit & morbus in numero, vnus quidē morbus sed compositus, aut certē vnicus affectus qui duorum morborum rationem obtinet. Manifestē compositi morbi sunt, phlegmone, œdema, scirrhus, aliisque tumores præter naturam: in his enim & intemperies est, & vitiata partis figura, plerunque & continui solutio. Tot igitur morbus vnus differentiās habet. Multos porrò morbos dicimus, qui multas variæque partes occupant. Atque hi aut impliciti sunt aut connexi, aut disiuncti. Impliciti quum variæ partes quibus insident in communem vsum aut functionem conspirant. Inuoluuntur enim & complicantur, quia vni eisdemque functioni incōmodant: vt pleuritis & asthma, horum enim societate & concursu communia quædam emergunt symptomata, quæ vix explicari disiungive possint: vt tussis, vt difficilis respiratio. Consequētes aut cōnexi morbi sunt, quorum prior posterioris est causa. Id bifariam fit, aliàs ex ipsa morbi natura, quemadmodum pleuritim necessariò & proximè febris consequitur, eique connexa est: aliàs ex partium cōditione, quarum vna cum altera affectum cōmunicat. Id autem trifariam accidit. Primum ex cōmuni partium societate, qua affecto ventriculo cerebrum per nervos, & affecto vtero mammae per venas vitium cōtrahunt. Deinde situ proniore, quo renum vitia in vesicam, & capitis excrementa in pulmones, in ventriculum, in nervos, & in articulos procidunt, illincque ortum habent asthma, tussis, paralytis, dolor articularis. Tertiò partium robore, quo validior atque nobilior in imbecillam atque ignobilem excrementa sua deponit: vt malè affectum iecur in ventriculum, in intestina, in alas & inguina, in omne denique corpus: eadem ratione illius inflammationē dyenteria, & scirrhum hydrops insequitur. Ita quidem cōsequentes hi sunt, vt prior posterioris causa sit, non sua essentia, nec proximè, sed excrementorum & defluxionis interuentu. Hos idcirco & connexos dicimus, quòd nisi sublato priore vix posterior eximi possit. Qui morbi commutatione quadam sibi succedunt, & quorum prior in posteriorem abit, consequentes quidem, at rarò connexi dicuntur, quòd rarò prior sit posterioris causa. Hoc modo pleuritim nulla connexione sequitur peripneumonia, & phrenitim

compositus morbus

multi morbi qui insident

impliciti

consequentes

*morbi commutatione
quod sibi succedunt*

phrenitim lethargus, & colicum dolorem paralyfis. Disiuncti separatique morbi sunt, qui in distantibus seiunctisque partibus consistunt, quarum nec functio nec vsus est cōmunis, nec vna alteri affectum confert & impertitur: vt pedis vlcus & renum obstructio, lingue amputatio & pedis luxatio. Partis autem appellatione non eam quam aliquādo pressē & angustē definiuimus, sed omnē subiectam sedem significo, in qua quasi confusi affectus confederunt. Quum igitur complures morbi in eandem prorsus sedem concurrent, cōpositus erit morbus, aliās minimē. Multiplex autem est morborum compositio. Interdum enim similis similari permiscetur, vt calida intemperies sicca, ex quibus coniugata fit intemperies: interdum similis communi, quum vlcus est cum calore. Tertio instrumentarius instrumentario: vt in digito qui supra modum increuit simulque distorquetur. Quarto instrumentario communis: vt quum accepto vulnere manus inuertitur. Quinto similis instrumentario: sic ventriculi aut manus phlegmone, id est rubens renitēsq; tumor, vnus morbus est, vt & affecta sedes vna, sed is ex intemperie, ex vitiata figura & ex latente continui solutione compositus. Apertius verò tria morborum genera componuntur, quum phlegmone manifestò vlceri accedit. Posterioribus modis compositus morbus non in solo instrumento, non in sola parte similari, sed in vtroque collocatur sedemque habet: atque idcirco vtriusque actionem primum & per se subuertit, quanquam id ratione diuersa. At verò in oculo ceratoidis erosio, rhagoidis exitus, pupillæ distortio, & appares suffusio, quanquam vno eodēque tempore consistunt, nequaquam tamen vnum constituunt compositum morbum: sed ij verè impliciti sunt, quia diuersis partibus quum insideant, vni eidēque obsunt videndi functioni. Vniuscuiusque particulæ quæ ad instrumenti structuram pertinet vitium, totius instrumenti morbus censetur, quemadmodum sanè & pleuritis, & nephritis, & arthritidis totius sunt corporis, licet non in toto sint, nec eidem parti inhaerescant. Sic ceratoidis erosio & pupillæ distortio oculi sunt morbi, at nec in toto nec in eadem parte siti. Partes quibus insident instrumentum vnum construunt, non tamen earum morbi compositum vnum efficiunt: alioquì fateri cogemur, pleuritim, nephritim, & pedis luxationem vnum totius corporis compositum esse morbum. Quamquam autem hæc vera sunt, tamen qui in similari parte morbus est, nō primum, sed ex accidenti debet instrumenti morbus censerī. Dum enim manus calida intemperie vel inflammatione citra tumorem laborat, nec instrumentum læditur, nec vllus in eo morbus est. Vndēnam igitur, aut cur illius actio perit? quòd instrumentum ad agendum indigeat subsidio & bona constitutione partium similium, sine quibus nihil efficiat. His ergo offensis instrumentum rectè nequit functionem suam obire: ac tum instrumenti functio subuertitur, eò tamen haudquaquā primum ac per se affecto: quod etiam suprà de affectu per consensum confirmauimus. Licet autem morbus hic similis instrumenti functionem secundariò lædat,

B nulla

*disiuncti morbi**multiplex morbus**le**le*

nulla tamen ratione contrà potest morbus instrumentarius similari parti officere. Neque morbus similis quòd instrumenti actionem secundariò lædat, idcirco morbi causa est: quanquam enim causa omnis secundariò & per accidens actionem lædit, non tamen contrà quicquid secundariò actionem lædit, morbi causa statuitur.

DE MORBORVM CAVSIS.

Causarum genera & differentia.

Cap. XI.

10



Vt Philosophi qui rerum omnium contemplationi dant operam, quàm acerrimè in causarum inuestigatione notitiâque versantur, quòd nullius rei queat haberi cognitio, cuius ignorata sit origo: ita & medicis, qui omnia in corporis commoditatem vsumque referunt, in primis necessaria est causarum quæ morbos effecerunt observatio, sine qua neque morbos præcauere neque curare licet. Causæ quidem genitis ex se morbis adèd consertè còtextæque coherent, vt hos assiduò foueant atque conseruent, neque vnquam morbi possint causis manentibus deleri. Quibus non illa empiricorum temeraria & fortuita, sed rationalis medendi via curæ est, ij efficientes illas conseruantésque causas primùm demoliri & circuncidere contendunt, vt his sublati facilius reliqua sit morborum curatio. Itaque causæ omnes peruestigandæ, quæ ad morborum cognitionem curationemque in primis sint necessariae. Earum autem genera quatuor sunt philosophis, materia, forma, efficiens atque finis. Nascentis morbi subiecta materia est humanum corpus, in quo (vt suprà demonstrauimus) penitus is insidet: quemadmodum & in ære, hominis aut equi effigies. Non enim (quod multos fefellit) vitiosus humor subiecta est morbi materia: quanquam efficiens illius materia quodammodo dici potest. Forma est morbi species in materiam impressa inductaque. Finis actionum læsio & interitus. Efficiens causa omnium certè præstantissima atque princeps est quæ corpus immutat, deque optimo ac pristino statu deturbat. Hæc est cuius differentias atque vires scrutari consilium est. Humanum corpus aliàs à seipso ab insitisque principiis, aliàs externarum rerum iniuria lacebitur: hinc efficientium causarum duo sunt summa primaque genera, aliæ insitæ sunt nobis & congenitæ, quas ab ipso iam ortu accepimus: aliæ aduentitiæ, quæ in nos iam editos extrinsecus inuadunt. Insitarum aliæ naturales, præter naturam aliæ: vtræque verò aut ex parentum semine, aut ex materno sanguine prosectæ. Naturales temporum ætatumque decursu sensim nos immutant, & sine sensu in extremum senium mortemque deducunt. Hoc genere est primordiorum, ex quibus constamus repugnantia, & insiti nostri caloris efficientia, qui tamen nos

ma

forma
finis
efficientis

hl

nos quoad viuimus alat, tueatur & regat, nos tamen etiam tempore mutat & conficit, alios quidem ocyus, alios segnius, ut sua cuique stata est vitæ periodus, quam vix quisquam naturæ legibus conficit. Præter naturam insitæ nobis causæ dicuntur, quæ vel ex seminis vel ex materni sanguinis vitio exortæ morbos tandem nobis accersunt. Quale parentum maximèque patris semen obtigerit, tales euadunt similes spermaticæque partes. Bene temperatum temperiem, calidum verò atque siccum, aut frigidum atque humidum similem quoque naturalem insitamque temperaturam similibus partibus inurit. Quocunque etiam morbo pater quum generat tenetur, eum semine transfert in prolem: quandoquidem ex corpore vniuerso (ut aliquando demonstrauimus) decisum semen, tum morbi tum causæ eius vim in se continet. Sic senes & valetudinarij, imbecilles: nephritici, arthritici, & epileptici filios vitiosa constitutione gignunt, qua tandem in morbos similes, hæreditarios idcirco nuncupatos, incurrant, ut patribus liberi succedant, non minus morborum, quam possessionum hæredes. Quinetiam maternus sanguis primum fœtus alimentum, altera est temperamenti constitutionisque causa, atque is sua etiam vitia, at leuius quam semen, in corpus inserit. Hinc maxima temperamenti vis atque natura ex prægnantis constitutione ducitur: & cui cibo prægnas mater plurimum affuerit, is futurus est fœtui iucundus, & vinosa vinosum, & quæ medicamenti crebrò vitur, fœtum profert in medicamenta propensum. Sic & de morbis animaduertimus, si grauidam medio gestationis tempore quartana febris adoritur, partum edi qui diu postea quartana febre conflictabitur: atque si nono ea mense pleuritide prematur, prolem gigni in pleuritidem quoque prolium: quemadmodum & eius cui abscessus ex aure octauo mense proruperat, filium in omnem vitam habuisse purulentas aures. Vnde intelligi potest non modò prima conformatione ex semine, verum etiam toto gestationis tempore, tum ex materno sanguine, tum ex aliis humoribus atque alimentis morborum proliuitates in fœtum contrahi.

30 Maxima igitur ortus nostri vis est, nec parùm felices bene nati. Quamobrem præclare humano generi consultum videretur, si soli parietes bene habiti atque sani liberis operam darent. Si enim agricolæ sementem facturi purum semen & fœtum seligunt, experti frugem malam è marcido percipi, quanto id diligentius in procreandis liberis obseruandum? Iam verò aduertiæ causæ genitis nobis dum extrinsecus occurrunt, alias sæpe in nobis excitant morborum opifices. Quocirca causarum quæ in nobis iam editis morbos efficiunt, alia externa est, alia interior: hæc rursus duplex, antecedens & continens, quæ & proxima dicitur: ut tres sint omnes efficientes morborum causæ, externa quæ & euidens, antecedens, & continens. Euidens quæ extrinsecus aut corpori aut contentis vim infert. Continens quæ in corpore sita morbo proximè adhærescit connexaque est. Inflicti vulneris gladius idcirco continens causa non est, quòd in corpore non consistat, licet proxima sit illi. Antecedens quæ in corpore prior continente, hanc eff-

ficit ac mouet. Euidentes omnium primæ maximæque necessariæ sunt, ex quibus cæteræ ortæ defluunt. Illas vulgus in primis sectatur, quas & vetustissimi medici solas animaduenterunt, obscuris (vt inquit Celsus) ab arte reiectis. Ea porro est adhæsiō copulatioque causarum, vt continens ex antecedente, antecedens ex euidente defluat: quumque omnes continuatio-⁵ ne quadam & serie cōnexæ sunt, ordine prima est euidentis reliquarum effectrix, postrema est cōtinens: quotquot inter has mediæ intercedunt, antecedentes appellantur. At non omnis morbus tribus ex causis necessariò ortū habet, sed aliàs ex duabus, aliàs ex vnica. Quum cibi potusque immoderato vsu summa cumulat̃ venarū plenitudo, quæ has tandem adeo-¹⁰ vel diducat vel disrumpat, vt pleuritis insequatur, pleuritidis euidentis causa est cibi immoderatio, plethora, venarum ruptio vel diductio, & sanguinis effluxio causæ dicuntur antecedentes, omnes in corpore positæ. At sanguinis copia lateri impacta putrescensque cōtinens, tum illius, tum comitis febris est causa. Si adstringentiū balnearum vsu putrida febris accendi-¹⁵ tur, hæ causæ sunt euidentis: cutis adstrictio, prohibita trāsspiratio causæ antecedentes, hinc exorta putredo continens proximæque causa. Non possum autem in neotericorum quorundam errore conuiuere, quos tantus stupor oppressit, vt nulla queant mentis contentione cōtinentem causam à morbo internoscere. Hi ignorata maiorum doctrina, sanguinem lateri²⁰ impactum, pleuritim, humorūque putredinem, febrem appellant: quasi humores particulæ sint corporis atque in his morbi infideant. At certè febris nulla in humore, nulla in spiritu, sed in corde corporisque partibus tota inhæret: hoc tamen discrimine, vt in ephemera partium intemperies ex spirituum feruore pendeat: in putrida ex humorum putredine: in hectica²⁵ primū ac per se in partiū substantia consistat atque defigatur. In his quæ dixi omnia causarum genera connexa videre licet. At quum ab Australi flatu destillatio fertur in pulmonem, eius arterias obstruens asthmæque ingenerans: aut quum motu immoderatiore calculus è rene deturbatus vterem obturat, nephriticūque cruciatum mouet, duæ duntaxat causæ cui-³⁰ dens & continens concurrunt: vnica verò eaque euidentis quum vulnus gladij ictu infligitur. Ex quibus intelligitur causam externam & euidentē in omni esse morbo necessariam, neque corporis neque causarum interiorum firmam constitutionem, nisi externarum graui impetu, labefactari contaminarique posse, & de naturali statu vnquam decedere: rursumque³⁵ continentis quàm antecedentis necessitatē esse maiorem. Iam verò causarum morbos efficientium aliæ statuendæ sunt differentiæ. Earum quippe vnaqueque interdum per se, interdum per accidens opus efficit & edit. Per se quidem, quum propriis insitisque viribus proximè nulliusque interuentu id præstat: per accidens verò, quum aliud quippiam excitans & in-⁴⁰ terponens id ipsum agit. Aqua frigida corpori affusa id per se quidē & proximè nullius interuentu refrigerat: ex accidente autem calfacit, dum contracta densatæque cute natium calorem foras erumpentem intrò repellit, qui

qui dein intus collectus & coarctatus, multoque pabulo auctus, vi maiore in corporis summa remigrat recurrítque. Intus verò scāmonium vel rheubarbarum corpus per se calfacit: at calidam feruentemque bilem expurgans, accidente refrigerat. Causa porro omnis efficiens triplex existit, aut enim principalis est, aut adiuuans, aut sine qua nihil efficeretur. Principalis & perfecta, insita vi etiam sola id efficit cuius est causa. Adiuuans sola quidem nihil efficit, sed ad efficiendum adiumenta affert. Hæc Græcis *συνεργία*, id est causa adiuuans, & quasi concausa dicitur. Tertia efficiendi nullam planè naturam obtinet, neque quicquam in opus confert, sine ea tamen effici nihil potest. Sed hæc perspicuis exemplis illustranda sunt. In purgationibus quæ arte comparátur, causa principalis est medicamentum proprietate valens, adiutrix causa illius temperamētum calidum omnibus purgantibus concessum, quod & illorum vim corroborat adaugētque: in hoc etiam genere sunt quæcunque medicamento permista illius vim exacuūt, vt gingiber, nardus, eiusque generis plurima. Causa sine qua nihil efficeretur, est natiuus noster calor, sine quo medicamenti vis sopita in actum haudquaquam erumperet. Et in morborum procreatione, dum frigida cœli constitutio destillationē proritat in articulos, principalis perfectaque causa est frigida cœli conditio, & superuacuum copia: adiutrix est humorum tenuitas: causa sine qua non efficeretur, est articulorum imbecillitas, & viarum per quas humor fluxurus est laxitas. In causis sine quibus nihil efficeretur numerari solent, locus, tempus, instrumentum. Causa omnis quandiu operi assistit incumbitque, id ipsum conseruat & auget: sublata verò nihil amplius quicquā efficit. Id eius opus aliàs persistit ac manet, aliàs omnino perit, idque vel breui vel multo post tempore.

Euidentiū causarum genera.

Cap. XII.



VI firma corporis constitutione ortus & in lucem editus est, si nulla externarum rerum offensione laceffitur, incorrupta sanitate ad longissimum tempus vitā producet. At si illarum immoderatione cōcutiatur, optimum vitæ statum diutius retinere non poterit, sed tandem de illo decidet prolabeturque in deteriolem, quem certè morbū appellamus. Naturalem igitur vitæ cursum complebit, qui turbulentis externarum procellarum fluctibus minimè iactabitur. At verò quotusquisque toto vitæ curriculo ex his tutus emergit? Quem blandæ voluptatis illecebræ non aliquando irretiunt? Aut quem si moderatrix temperantia sedulò conseruauit, inconstans volubilisque fortuna præcipiti casu non obterit? Difficile prorsus quæ vndique nobis intenduntur retia defugere. Discendæ igitur res omnes & causæ, quarum vi aut pristinum statum retinemus, aut in morbum incidimus. Harum aliæ necessariæ, quæ necessariò nobis ferendæ sunt, & sine quibus viuere nō liceat: aliæ non necessariæ, quas declinare possumus. In necessariis sunt aër, in quo versamur, cibus & potus,

B iij motus,

motus & quies, somnus & vigilia, quæ excernuntur aut subsistunt, & animi perturbationes. Non necessaria verò gladij ictus, ruentis lapidis & bestiarum occurfus, omniâque fortuita. Harum impetus cæci nec arte præiuderi nec declinari possunt: illæ possunt, in quarum obseruatione ars versatur. Earum aliæ corporis sanitatem tuentur, aliæ depellunt, alię restituunt. Hinc efficientium causarum aliæ insalubres sunt, quæ corpus de bono statu deiiciunt, alię salubres. Hæ rursus duplices, vel quòd sanitatem conseruent, vel quòd deperditam restituant. Conseruant quæ moderatæ & corpori similes existunt: restituunt quæ sunt morbo contrariæ, & æqualiter atque is à mediocritate in diuersum deflexerunt. Hæc opinor perspicuum faciunt eandem causam & insalubrem & salubrem dici, sed comparatè & quum ad varia refertur. Est enim causa ex eorum genere quæ ad aliud referuntur ac pertinent. Aër temperatus aliæque causæ si æquabiles & moderatæ obtigerint, hominem temperatum & bene habitum, qualem acceperunt, tuentur ac seruant. Immoderatæ verò obterunt inferuntque morbos. Quem porrò morbum inflixerit aër impensè calidus ac feruens, eundem depellit sanitatēque restituit frigidus, qui pari sit à medio recessu. Qui huic sanitatem restituit ei que salubris est causa, alteri morbum infert, causaque fit insalubris. Efficientes hæ causæ triplices ad tres quoque artis partes accommodantur. Conseruatrices quippe ad eam quæ sanitatē tuetur: salubres ad eam quæ morbis medetur. Solæ insalubres huc pertinent, de quarum viribus sigillatim dicendum.

Qua ratione ambiens aër corpora mutet, & causas interiores morbosque excitet.

Cap. XIII.

25



FFVSVM nobis aërem sanguine præditorum animalium natiuo calori & spiritui, tum conueniens pabulum tum refrigerationem præstare, fumosâque illius superuacanea excipere: his tribus ex causis eorū vitæ tuendæ conseruandoque calori præfici in Physiologia diximus, vbi & illud animaduersum est, aërem nobis circumfusum artiarum pulsu corporis vniuersi calorem, eum verò quem spirâdo ducimus vnus maximè cordis calorē respiratione tueri & conseruare. Quoad viuimus necessariò spiritū de cælo ducimus, nec animus sine anima, nec anima sine spiritu & aëre teneri cōseruarique potest. Inspirati quàm circūfusi aëris tanto maior & efficacior ad immutanda corpora vis est, quanto vberius & violentius is intrò subit. Respiratione primū quidē os, nares, cerebrum, asperam arteriam, pulmones, cor, omnesque arterias is confertè implet, ex iis dein in omne corpus perflabile mox quasi momento diffunditur. Quacunque is vel substantia vel qualitate præditus est, ea ipsa primū spiritus, deinde humores, postremò partium substantiam afficit. Serenus, tenuis, purus, benèque temperatus, spiritus nostros collustrat, sanguinem attenuat, cor exhilarat, mentem serenat, corpus omne peruadens raritate diffundit,

35

40

diffundit, suscitatioque calore appetentiam, concoctionem, superuacuo-
rum dissolutionem expurgationemque procurat. Crassus, densus, caligi-
nosus, & aliena permistione inquinatus, spiritus obscurat, sanguinem &
humores densat atque labefactat, cor mœstitia perstringit, mētem obum-
brat, corpus degrauat atque densat: & oppresso atque debilitato natiuo
calore concoctionem lædit, superuacuoꝝque dissolutionem cohibet.
Qui porro circumfusus est nobis aër, in intima quæque penetrans conta-
gione nos etiam immutat: neque nos solum, verum etiam solidissima quæ-
que & inanima, vt ligna, vt lapides, & metalla, quæ aliter sicco, aliter plu-
uioso cœlo affici notamus. Tanta quidem vis est aëris per cuncta rerum
meabilis. Huius autem quàm cæterorū, vis maior & efficacior ad morbos
infligendos, & plures temporum tempestatūque mutatione, aut ex fa-
lubri loco in grauem transitu, aut ex orta intemperie, aut quibusuis aëris
inquinamētis, quàm victus mutatione morbis pulsantur. Is quippe vnus
plurimos pariter attingit, cuius non vt cæterorum incommoda facilè de-
clines: in cor viscus nobilissimum, in cerebrum, in corpus denique omne
promptè penetrans suis vitiis omnia perfundit, acutorum ferè morborum
author. Morborum verò hic opifex est vel qualitatum immoderatione,
vel substantiæ vitio, vel subita insolentique mutatione. Qualitatū intem-
peries calidior, frigidior, humidior, aut siccior, siue à regione, siue à situ, si-
ue ab anni tempore, siue à cœli statu talis existit, spiritus, humores, ipsū-
que corpus immutat. Regio quidem temperata, locus editus, apricus, &
perflatus, Veris constitutio naturalis, status cœli placidus & tranquillus,
vt perflante Fauonio, salubritatem bonamque valetudinem tuentur, nec
quicquam corpora permutant. Regio feruida & æstuosa, locus Austro So-
lique expositus, Æstas ignea & torrida, austrinus cœli status, spiritus in-
flamman, sanguinem & humores ardoribus extorrent, bilem augent &
exacuunt: quibus ex causis morbi plurimi hique acuti suscitantur. Sed &
poros referant patefaciuntque, corpora laxant & extenuant, eorū substan-
tiam calorisque natiui vim dissipant: & si diu perseuerāt senium mortem-
que præproperè accelerant. Regio frigida, locus ad Aquilonem cōuersus,
hyems gelida, statusque cœli aquilonius, spiritus consopiant, humores in-
crassant, quæ certè causæ acutos quidem morbos reprimūt, sed diuturnos,
destillationesque cōcitant. Deinde poros occludunt, densant firmantque
corpus, huius atque natiui caloris substantiam cōseruant & augent, appe-
tentiam præstant, concoctionem fouent, vitam denique longissimè pro-
trahunt. Regio humida, locus in Occidentem deuerget, humens pluuios-
aque constitutio, tenebricosum spiriū facit, corpus multo humore su-
peruacuo onerat, cuius copia natiuus calor infringitur, & debilitata con-
coctione cruditates fiūt. Quibus ex causis destillationes, diuturnæ febres,
cachexia, vlcera putrida eaque curatu difficillima. Quinetiam corpora
mollia, laxa infirmaque reddit & obeundis vitæ muniis inepta. Regio sic-
ca, locus arenosus in ortum apertus ac patens, sicca cœli constitutio, spiri-

tus illustrat, humores superuacuos absorbit, viles verò à putredine tuetur: corpora dura, solida, fortiâque efficit, & articulos corroborat, quoniam tamen illa densat & humores siccos durôsque reddit, obstructionum est opifex, minus tamen quàm superiores infensa. Tot ergo modis aëris interperies morborū causæ fiunt. Vitiata porrò aëris substantia gignendorum morborum maiorem multò vim obtinet. Hæc licet adeò simplex sit & vniufmodi, vt fortasse corruptioni subiecta minime sit, variis tamen vndique inquinamentis cōspersgitur. Multa exhalatione & caligine humescit: terrarum, aquarum, cadauerum aliorūve putrescētium expiratione graui inquinatur: pestilentia seminibus vel cœlitus immixtis vel in se genitis polluitur labefactaturque. Hæc igitur vna cum aëre quem spiritu ducimus permanant in omne corpus, & contagione tum spiritus, tum humores suo quæque modo cōtaminant, & varios eôsque, ferè occultos morbos proferunt. Iam verò subitæ insuetæque temporū, locorum, tempestatūque mutationes sæpe morbos attulerunt, præsertim si ex salubribus in grauias atque deteriora fiant. Quos temporum mutatio insigniūque syderum exortus, quos tempestatum flatuumque cōuersio morbos inuehere soleat, diligenter quidem Hippocrates & Aristoteles literis prodiderunt, omniū certè eam facientes causam, quòd ex contrariis in contraria, atque etiam ex humidis in calida aut frigida grauis periculosusque transitus sit. Multò his grauior est peregrinatio & omnis longinqua traductio, quòd vnicuique regioni ex soli & aquæ natura, ex situ & flatibus, quibus iactatur peculiaris inest constitutio, suâque proprietas cui nō facile sit assuescere. Sed & quæ ex coarctato conclusoque in liberum perflabilemque aërem vel saluberrimum sit mutatio, imbecillis & his qui ex morbo cōualescunt sæpe detrimento fuit: quòd repente ac vehementer corpus humorisque exagitet. Flatuum porrò effrenata incursio haud secus atque valida exercitatio corpora fatigat: præter eas quas vel è terris, vel è cœlo qualitates inuehunt. Tranquillus autem aër nulla ventorum vi impulsus, quâquam mitis ac lenis apparet, nisi tamen tempestate huc illucque iactetur, requietæ & restagnantis aquæ more corrumpitur. Vetus verò saluber, præsertimque aquilonius inspersa aëri inquinamenta purgat.

Qua ratione quòtque modis esculenta & potulenta nos afficiant.

Cap. XIII.



PVIDENTIVM causarum ordine cibus atque potus locum obtinent secundum, eorūque vis est aëri proxima. Hic quidem celerius ac promptius in plures inuadit, at cibus atque potus quoniam permanentem ac inhærescentem corpori materiam suppeditant, id validius contumaciūque afficiunt. Cibi potusque vitia gignēdis morbis paululum materiamque suggerunt, è qua & morbi interdū sponte emanant, nullo euidentis causæ impulsu. Imò & quoniam vel ab aëre vel ab animi perturbationibus,

perturbationibus, vel aliis causis euidentibus morbi nulli excitantur, nisi
 consentiat corporis præparatio, & humorum cōstitutio. Si hæc tota ex ci-
 bo potuque profecta est, maximam hi sanè in gignendis morbis vim obti-
 nent. Vt semel dicam, Vna gula omniū est prope morborum mater: etiā si
 5 alius est genitor. Quicquid in corpus illabatur, aut temperamēto aut ma-
 teria aut tota substantia agit nōsque permutat. Temperamento & qualita-
 te aqua frigida & lactuca corpus refrigerant, illa quidem reipsa, hæc verò
 potestate: ignis atque vinum calfaciunt, hoc potestate, ille energia. Mate-
 ria agit, quod substantiæ tenuitate penetrat humoresque incidit, quod craf-
 10 siore materia corpus adstringit & densat, & quod viscosum adhæret, aut
 contrā detergit. Tota substantia quicquid totius substantiæ vel familiari-
 tate nos alit, vel dissidio & inimicitia naturam nostrā depeculatur atque
 depascit. Illud alimentum, hoc venenum appellamus. Totius substantiæ
 notionem alibi accuratè expressimus, demonstrantes alimentum nō quòd
 15 vel temperamento vel materia, sed quòd totius substantiæ affinitate nobis
 familiare sit, idcirco in nostram substantiam conuerti eiūsque molem au-
 gere: proinde alimēto opponi & è regione statui venenum. Hæc quidem
 simpliciter nos immutant: at non pauca bifariam alia trifariam. Bifariam
 acetum, temperamento quippe & materia, & lactuca temperamēto & to-
 20 ta substantia, panis azymus materia & tota substantia. Trifariam vinum al-
 bum quod calfacit, extenuat & alit. Quicquid igitur totius substantiæ fa-
 miliaritate in corporis substantiam conuertitur, alimentum est, quod verò
 corporis firmam naturalēque constitutionem quoquomodo euertit,
 medicamentum. Si quid dum in corpus conuertitur, id ipsum pariter affi-
 25 cit atque commutat, alimentum est medicamētosum. Hoc ventriculo ex-
 ceptum vique nostri caloris excitatum qualitates & vires etiam tacitas &
 quasi sopitas quibus prædictū est exerit, hisque ventriculum in quo diutius
 hæret atque retinetur, exercet: licet ab eo interdū coquatur dometurque.
 Est ea quippe agentis patientisque naturalis consensio, vt quia materiam
 30 obtinent communem, mutuas operas conferant in sese, omnēque agens
 agendo non nihil etiam patiat ac perferat. At verò si eius quod assumptū
 est validæ vires indomitæ fuerint, nec prorsus ventriculi robore euiectæ, eæ
 vel substantia, vel quoquouersum expirante vapore, in omne corpus per-
 manabunt, ipsumque cor & cerebrū atque vniuersum corpus cōcutient: vt
 35 in meraco vino, in allio, in cæpa, in aliis que cōpluribus perspicuè animad-
 uertitur. Hæc igitur dum è ventriculo in intestina, in mesenterij venas, &
 in iecur illabūtur, suis qualitatibus quicquid attigerint, imbuunt. Ventri-
 culi quippe calore infracta quodammodo sunt, non tamen prorsus extin-
 cta, nec pristinis omnino spoliata facultatibus, sed tum harum, tum pristi-
 40 næ qualitatis non nihil etiamnum manet in sanguine, qui & in venas ma-
 iores, & in minores, & in corporis singulas partes effunditur. Quanquam
 igitur sanguis alimenti ex quo genitus est formam perdidit, qualitates ta-
 men aliasque vires quodāmodo retinet, easque impertit partibus alendis.
 Quamobrem

Quamobrem quod ait Aristoteles, Alimentum initio dissimile; tandem nobis simile reddi, non de omnium qualitarum, sed de substantiæ & formæ potius similitudine audiendum. Etenim lactuca, tametsi coctione mutatur, ventriculum tamen & corpus refrigerat, ex eaque sanguis profertur frigidior. Sed & id quod veterum omnium literis & memoria celebratur, omne alimentum tum calidum, tum frigidum, quum in sanguine abierit calfacere, ita quidem audiri velim, quia alit, sanguinis & innati calidi substantiam, non autem qualitatem calorisque gradum augere. Quisquis enim ex lactuca æquè calidum atque ex vino aut ex alio sanguine igni censuerit, omnes efficientium causarum vires & naturas evertet. Ergo lactuca frigidum, vinum calidum sanguinem suæque naturæ cōsentaneos profert humores. Azymus panis & castanea crassum atque lentum: vitellus & pullus gallinaceus tenuis: mora, persica mala, horarii que fructus vitiosum, putridum verò quæcunque alimenta iam corrupti cœperunt. Hinc corporis omniumque facultatum eius peruersio. Ut enim calx ad arboris radicem cōspersa fructum accelerat, arborem verò perimit, ita calidius alimentum maximèque vinum suscitato calore, spiritus facultatesque erigit, mortem verò maturat. Dum enim corporis calorem auget, substantiam minuit: dumque innati calidi spiritum & calorem halitu fouet, eius substantiam quæ humidum est primigenium dissipat exorbetque: omnem vitam alacriorem ac vegetiorem, sed tamen breuiorem facit. Sic suæ sunt vnicuique cibo dotes, sua sunt incommoda. Ex quibus intelligitur, non modo spiritus & humores quibus conseruamur, sed & omnem corporis partiumque cōstitutionem ab esculentis potulentisque mutari. Hinc intermperies, hinc obstructio, hinc cacochymia, hinc plethora, quæ vitia grauissimorum morborum causæ antecedentes cōtinentesque fiunt. Neque verò vna cibi potusque qualitas, verum etiam illius optimi quantitas & exuperantia naturæ grauis insensaque est, tū ea quæ receptacula venasque solum implet, tum etiā quæ vires grauat. Hæc enim quia supra vires est, neque integre coqui, neque in purum sanguinem verti potest, sed cruditates multas cumulat, quæ quum ab inferiore debili que natura nequeant domari, corrumpuntur morbosque generant. De hac rectè Hippocrates. Vbi cibus præter naturam plus ingestus est, hic morbum facit. Quinetiam ea cibi exuperantia quæ vasa implet, nondum tamen vires premit, licet tota in optimum succum & in sanguinem facessat, tuta tamen non est, sed maximè lubrica & periculosa. Natiuum quippe calorem è sensibus, è mētis & animæ functionibus auocat, occupatque in concoctione. Excrementorum fluitumque ingentem facit prouentum, quæ præ copia non facile excludantur. Omnis generis humores cōgerit, obstructions multitudine accersit, vias contrahit, in angustumque adducit, omnia arctè coercet ac continet, vix ut quicquam è corpore dimanet. Hac onustum turgidumque corpus ingrauescit, atque etiam si infirmum vietumque est prosternitur: quia verò infarctum, compactum, ac minimè peruium est, nec perflari, nec ventilari

tilari potest. Hinc perinde atque à multo oleo lucernę flamma, natiuus calor opprimitur & quasi strangulatur, morbi que frigidi (etiā si calidus cibus erat) succrescunt, quemadmodum ab ebrietate cruditas, cachexia, paralysis, apoplexia. Quumque diutius insedit redundātia, corruptelam demum putredinēque acquirit. Quę autem coagmentatione assidua in summū iam excreuerit, aut extincto natiuo calore inopinata repētinaque morte iugulat, aut vasa disrumpit. Quocirca hunc habitū rectē cōmonefacit Hippocrates esse periculosum & sine mora soluēdū. Perniciosa admodum sentina est abdomen insaturabile, omnium tum corporis tum animi
10 vitiorum fons atque origo. Nō minus acutē quā facit quis intēperantiam medicorū nutricem appellet. Cāterū quisquis cibus potūsque moderatus sit & ad naturam accommodatus, spiritus, natiuum calorem, corporisq; substantiā tuetur & reficit, facultates omnes earūque functiones corroborat, concoctionem, alimenti distributionē, humorum æquabilitatem, & excrementorum propulsionem, motus denique, sensus mentisq; vires integras incolumēsque conseruat. Vna temperantia totius est iucundę salubrisque vitę moderatrix. Nulla calamitate vel ærumna præmetur, qui vitę fundamentum iecerit temperantiam. Iam verò longior inedia, aut tenuior parciōrque victus, non id aptē refarcit & instaurat, quod
20 tum natiui caloris, tum circumfusi aëris vi necessariō dissipatur ē corpore: proinde ex accidente siccatur, quod in pabuli penuria, natiuus calor propriā corporis substantiam exorbeat. At profectō corpus peruium patēnsque reddit, obstructions expedit, flatus, alui fæces, vrinas, cerebri, omniumque partium excrementa mouet & excludit. Atque si impurum corpus vitioso
25 humore perfunditur, cruditates cōcoquit & emendat, tenues humores ac inutiles exhaurit aut halitu dissipat: crassos verò cuiq; parti tenaciū inharētes proritat atque mouet. Itaque per inediā humorū omniū vires se produūt. Biliosus enim bilis efferuescit, & quasi ferocitate exultat, quę suo dein furore febrem, oris amarorem, iracundiam, aliāque symptomata infligit.
30 Melancholicis proprius humor mœrorem & metum incurrit, vigilias, terrores, oris aciditatem hīsque similia. Pituitosis destillatio ē capite in subiectas partes illabitur, & pituita in ventriculum influens, nausea, cibi fastidio, vomitione, animi defectiōe, hīsque similibus hominem lacescit. In magna quippe cibi potūsque parsimonia, vitiosus humor aut in ventriculum irrumpit, aut propria sede solus & purus ferociter subsultat, consueta
35 videlicet alimēti benignitate destitutus. Quapropter qui impuro sunt corpore ægrē ferunt inediā, & tamen dum connituntur humoris impetum & ferocitatem frequenti alimento sedare, non se, sed suam ipsi perniciem alunt. Per hos verò impetus si constanter perferatur inedia, quos primū concitauit, mox certē cōpescet atque domabit. Leuis inedia bilem accendit, quam illa tamen perseverans extinguit, corpūsque refrigerat. Nam vitiosos humores exterit, suo modo cōcoquit, domat & in vias deducit, per quas naturę impulsu ē corpore exturbentur. Huius ope aliquando morbi
periculosi

periculosi & ancipites foelicem eumque admirabilem exitum inuenerunt, ad quem ars nulla dirigebat: idque multo mitius ac leuius, quam dum corpus medicamentorum aliena qualitate laceffitur. Si quis obiciat natium calorem per inedias cum superuacuo & vitioso non nihil etiam utilis puriorisque humoris exhaurire, sicque vires atterere. Id quidem consentaneum est, neque vllum flagitium admitti puto, vires sinere aliquantum collabi, ut pariter quod vitiosum est eximatur: quandoquidem earum iactura leuis promptè refarcitur: grauior autem omnino metuenda, quam sequitur exolutio. His, opinor, de causis tenuis & admodum exquisitus victus ab Hippocrate iam pridem est explosus: quippe qui tum sanis tum aegris periculosus existit, si praesertim non modò sanguinem atque carnem, verum etiam propriam solidarum partium substantiam colliquat, & in marasimum coniicit, à quo vix quisquā se recipit. Sed vix eò precipitant inedia. Ceterum, inquit Hippocrates, non satietas, non fames, non aliud quicquam bonum est, quod naturae modum excedit.

Quae excernuntur ac subsistunt morborum causas fieri. Cap. XV.



Vprà descripta causarum genera, secum humorum vitia & alienas qualitates inuehunt in corpus: at quae deinceps erunt, non extrinsecus, sed intus è corpore vitia suscitāt. Quocirca di-
 stinctione adhibita illas externas, has autē euidentes causas propriè appellem⁹. Corporis superuacua, quia in corpore continentur & haerent, debent in causis antecedentibus haberi: at immoderata illorum vacuatio vel retentio causa est euidentis. Illa morbos infligunt, non simpliciter, sed quia contra naturam & immodicè in corpore coercetur. Quae naturae legibus è corpore deici exterminarique solent, si qualia, quantum, & quando oportet procedant, corpus quasi sarcina leuant, idque robustius & ad functiones aptius comparant. Sin verò subsistant, morborum causae fiunt euidentes, quae dein antecedentes continentisque mouent, quarum morbus soboles est. Naturae legibus ad vitam necessariae vacuationes sunt alui deiectio, urinae è renibus & è vesica profusio, sudor vel vniuersi corporis exhalatio, bilis flaua è suo folliculo, aut atra è liene in ventrem effusio. Aliae quidem non simpliciter, sed vel in tempore, vel ex consuetudine necessariae sunt: ut haemorrhoidum mensiumque eruptio, mucus è naribus & palato, sputum è pectore, lac è mammis, semē è spermaticis vasibus. Horum itaque suppressio, atque etiam parciore & non qualis aut quando expedit facta vacuatio, tamen si verè symptoma est, morbi tamen causa fit euidentis. Siquidem eorum quae toto genere praeter naturam existunt redundancia naturae molesta atque grauis, morborum fit materia. Nam plerumque natium calorem vel premit vel obruit, cuius demum functiones periclitantur omnes. Nonnunquam eorum redundantia corrumpitur, putredinem & alienas qualitates sortita naturae corporisque graues. Nonnunquam vias corporisque ductus obstruens, alimentorum distributionem

tributionem, & excrementorum vacationem deiectionemque cohibet. In voluulo, in intestini prolapsu, quoniam intestinum quasi vinculo deuinctum & constrictum tenetur, fæces præterlabi nequeunt, sed sua mole corporis partes ita plerunque onerant, vt vomitione reddantur. Quod si hæc præterea putrescant, foetore & praua qualitate sic vniuersum corpus inquinant, vt etiam si illarum cursus redeat, sæpe tamen inquinatum corpus è viuis excedat. Nec minus conspicua hæc sunt, quum vrina supprimatur, aut quum menses aut mariscæ cohibentur, quibus mala succedunt grauissima. Sic suppressis vacationib⁹ necessariis, varij omnisq; generis morbi prodeunt, neque vlla causa euident ad morbos excitandos est efficacior. Hanc enim proximè sequitur excrementorum prouentus, morborum causa interior. Magna sæpe molestia torquent quæ iucunda effrænataque voluptate fuerint assumpta. Immodica porro repentinæque vacuatio, etiam si eorum sit quæ toto genere præter naturam sunt, procreatrix est morborum. Hinc censuit Hippocrates suppuratos aut hydropicos qui vruntur aut secantur, si pus aut aqua vniuersim effluerit, omnes commori. Multò magis periclitantur, quibus aliud immodicè profluit, aut vrina copiosior profunditur, aut corpus sudore diffluit. His quippe vires vsque adeo sæpe dissoluuntur, vt simul anima deficiat. Nam cum superuacaneis non parum spiritus calorisque defluit: hinc tū naturales, tum animales functiones languescunt, & crudi ac frigidi morbi emergunt. Rectè igitur est ab Hippocrate dictum, Plurimum atque repente vacuare periculosum esse & naturæ inimicum, maximè si insuetum id est. Iam verò sanguinis ex vtero, ex mariscis, è naribus, aut ex vulnere effusio, si immoderata repentinæque obtigerit, ocyus multò quàm quiduis aliud, spiritus, natium calorem, viresque dissipat & exhaurit, quæ in sanguine & sedem & pabulum habent. Multi quippe, vt ait Poëta, extremam fundunt cum sanguine vocem. Quibus autem moderatior fit profusio, his corpora quasi tabida liquefcunt, & cruditates, cachexiæ, hydropes, eiusque classis morbi emergunt.

Motus & quies immoderatio, morborum est causa. Cap. XVI.



MOTVS alius naturalis, alius voluntarius. Naturali quidè ventriculus, intestina, venæ, aliæque partes omnes alimenta ad sese rapiunt excrementaque depellunt: & cor arteriæque sic assidue pulsan, vt nihil intermittant. Voluntarius consilio voluntæque suscipitur, qualis est musculorum & neruorum. Hi primùm quidem & per se imperio voluntæque mouentur: ab his deinde ossa, vincula, venæ, arteriæ, carnes, cæteræque partes, idque veluti ossis consequutione, atque idcirco ex accidente. Motus naturalis nihil defatigat, nec lassitudine vnquam intercidit, sed potius exercendo corpus leuat & exacuit: voluntarius verò defatigat, huiusque contentione corpora ingrauescunt & assiduo labore defessa languent. Hunc proinde quies necessario excipit, quæ leuamentum

C &

& remissio quædam est laboris. Itaque laboris requietisque alternus usus animanti necessarius. Porro autem arbitrij motus velox est aut tardus, robustus aut imbecillus, vehemens aut levis. Veloces seu celeres motus sunt, saltatio, pilæ exercitatio, digladiatio: & quoscunque non robur, sed sola corporis celeritas exercet. Robusti & validi sunt, fossio, maximi oneris gestatio & sublatio, luctarumque multa genera quæ corporis robore & vehementi nisu, non celeritate fiunt. Vehementes sunt, graue telum iaculari, discum mittere, graui armatura tectum currere aut saltare: & quicumque ex robusto celerique constant. Hi quidem omnes, quemadmodum & omnis generis exercitationes, & artificum operæ vel labores, animantium viribus eduntur ex hisque manant. Sunt & alij qui extrinsecus accedunt, ut nauigatio, vectio, gestatio, frictio, equitatio, hisque similes. Motus omnis animalis calorem non extrinsecus accersit, sed ex ipso corpore suscitatur, perinde atque ventilatio flammam. Calorem quippe partibus intimis quasi sopitum & torpescens excitatur, diffundit, foras euocat, in corpus omne & in multo plures quam dudum partes traiecit. Hic autem concoctionem, alimenti distributionem, excrementorum omniumque superuacaneorum expulsionem iuuat. Quinetiam corporis partiumque substantiam perspicue mutat. Celer namque & velox, corpus densat & attenuat: tardus carnem rarefacit & auget. Robustus corpus vegetum durumque: imbecillus laxum molleque reddit. Vehemens, corpus quidem extenuat & gracile facit, sed tamen compactum, durum, firmum & vegetum: contra levis & languidus habitum quidem corporis opimum inducit, sed languidum, molle, eneruatum & infirmum. Hæc quidem præstat motus quicumque suo sit genere temperatus. Ceterum immoderatus siue supra corporis vires, siue perpetuus nec intercisus est, morbos infert. Multa quippe defatigatio spiritus viriumque substantiam exhaurit & dissipat, tandemque corpus refrigerat: musculorum, neruorum, & vinculorum robur dissoluit, membranas adedò interdum laxat aut diuellit, ut Enterocolem excitet. Sed & viscera concutiens, tenues plerumque venas dirumpit, ex quibus emissiones, vomitiones & exspuitiones cruentæ, pleuritides alique morbi. Sanguinem vniuersum ita plerumque in venis diffundit, ut concalfactus liquatusque propriis conceptaculis coerceri haud possit, sed his apertis foras excidens partibus phlegmonas infligat: aut si coercetur, capitis dolores, pulsationes synochosque, febres procreet. Corruptos autem humores, qui alioqui tranquilli, ignobili loco conclusi & quasi consopiti tenebatur, qui que à natura tempore concoqui, domari, ac demum blandè excludi poterat, irritat & quasi in furorem agit, qui postea tanquam mota camarina terro vapore corpus variè laceffunt: sed & ipsi quoque uersum effusi scabiem, tubercula, omnis generis abscessus, putridas febres, alui profluvia, vomitiones, morbosque multiplices & varios inuehūt. Impura igitur plethoricæ corpora laborē ne subeant. Quies porro diuturnior & exercitationis intermissio, qualem habet desidiosa vita, inertem calorem, spiritus ignauos, ad omnes sensus & mentis

*alij
canerma*

mentis naturæque functiones seigniores facit. Corpus vniuersum degra-
uat, languidum, molle, infirmumque reddit: vt tãdem verum sit quod ait
Ouidius. Ignauum corrupit oria corpus. Hinc etiam cruditates & ob-
structiones, & excrementorum prouetus, quæ omnis generis morborum
5 causæ sunt proximæ.

Somnũ & vigiliam plerunque morborũ causas esse. Cap. XVII.

HIS vt viribus, ita ordine connexi & affines sunt somnus &
vigilia. Est autem somnus non solum motus, verum etiam
10 sensus omnisque animalis functionis cessatio, in qua non
modò vt in quiete nerui, musculi, artusque, sed & cerebrũ
& sensus omnes consopiri solent, estque somnus omnium
quasi perfugium laborũ, requies animi, pars humanæ me-
lior vitæ. Hic spiritus labore vigiliis dissipatos restituit, aliis videlicet
15 ad functionum frequentationem suffectis. Membrorum sensumque de-
fatigationem tollit, naturales functiones maximèque concoctionem &
retentionem corroborat & auget. Tũ siquidem natiuus calor minimè
dispersus, sed circum viscera intrò se colligens vegetiorque factus, in cibi
crudorũque humorũ concoctione validiùs incumbit. At verò attrahendi
20 expellendiq; facultates per somnũ languidiores sunt, propterea quòd con-
quiescat mouendi vis solita quidem illis opem ferre: quòdque corporis con-
tenta vigiliis atque motu concitata, expeditiùs trahenti pellentiue cedat.
Quinetiam somnus sanguinis eruptionem, alui profluuium, vomitione,
immoderatũque vacuationes omnes præter sudorem cohibet. Licet enim
25 (vt author est Aristoteles) corporis summæ & extimæ partes in somno fri-
gescant, tũque pluribus tegumentis indigeamus, sudores tamen vberiùs
tandem emanant: quòd humores intus conclusi alimenti cõcoctione di-
stributioneque peracta, manifestè & affatim in extima summæque corpo-
ris eruptionem faciãt. In vigiliis maior fit per cutem dissipatio, sed humo-
30 rum tenuium, qui obscure atque sine sensu exhalãt. Cæterum somnus im-
moderatio, spiritus offundit & obscurat, omnes sensuum mentisque vires
torpore & ignauia debilitat, calorem obtundit, functionesque naturales
infringit, crudos pituitososque humores & omnis generis superuacanea ex-
aggerat. Corpus itaque refrigerans & humectans ignauũ atque iners ma-
35 gis quàm quies efficit, destillationum, frigidorum diuturnorumque mor-
borum author. Nihil tam morti simile quàm somnus, ipsius nimirũ ima-
go & simulachrum. Vigiliæ cõtraria atque somnus edunt. Etenim spi-
ritus sensusque excitant, promptos, celeres, alacresque reddunt, & partium
omniũ vires omnes recreant & erigunt. Calore in omne corpus diffundit
40 æquabiliter, alimenti humorũque distributionem, excrementorum de-
pulsionem accelerant. Et hæc quidem moderatæ. Immoderatæ, spiritus ex-
hauriunt, corpus præsertimque cerebrum siccãt: & (vt inquit ille) Attenuat
iuuenum vigilatæ corpora noctes: sensus obtundunt, & mentem pertur-
bant.

bant. Bilem inflammant, phrenitidis, cōtinuarum febrium, acutorumque morborū procreatricem. Natiuum calorem humidumque primigenium dissipant, sicque læsa concoctione magnus fit cruditatum prouentus.

Animi perturbationes morborū causas fieri. Cap. XVIII. 5




QUIS animi perturbationibus omnino vacaret, posset & sine his integra nihilominus sanitate vitam traducere: at quoniam nulla disciplina hominis mores ita temperare & moderari, aut animi impetus ita comprimere & sedare potest, quin semper horum procellis & fluctibus iactetur, iure quidem perturbationes inter causas evidentes easque necessarias collocantur. Sex autem numerari solent, metus, mœstitia, ira, gaudium, agonia, verecundia. Quia ratione & quibus ex causis fiat, & quam multas comites habeant, satis in Physiologia perpendimus. Perturbationū animi etiamsi moderatæ sint, nullus ferè vsus, præterquā gaudij. Hoc exhilarans cor spiritusque lætitia diffundit, natiuum calorem suscitaturque sanitas. Tristitia nemini frugifera, nisi quis effusiore gaudio dissolutus sit: nec ira nisi somniculosis & inertibus: nec timor nisi temerariis & furibundis: nec verecundia nisi impudentibus & pallore scædatis. Agonia omnibus aduersa infensaque est. Cæterum hæc modum prætergressæ nos grauitur conuellunt, quippe quæ evidentium causarum vim adipiscuntur. Gaudium profusum ac insolens spiritum caloremque tam vehementer è corde in summa corporis effundit dissipatque, ut id caloris beneficio prorsus destitutum, vel syncope vel morte repentina corruat, quod nonnullis obtigisse memoriæ proditum est, qui tamen omnino vel senes erant, vel languidi ac imbecilli. Cæteris omnibus corpus duntaxat refrigerat. Ira verò calorem & spiritum è corde etiam foras, non ut gaudium sensim, sed repente permouet. Ex hac tamen nemo omnium deprehensus est repente sublati, nec dissipato calore exanimatus, quod soli audaces & robusti iracundia efferri possint, & iis solis vbertas caloris circa cor efferuescat. In his itaque dum cor ira cumulatur & exardescit, inflammatus calor in omnia effertur, ut tum homo extra sese percitus feratur. Ea spiritus primum, dein humores corpusque calfacit, inflamat, & plerumque in ephemeram vel in synochum agit: aut si cacochymia subest, in putridam febrem, in aliosque ex bilis feruore & ex humorum confusione morbos. Timor & tristitia calorem spiritumque intrò reuocant, ille quidem subito & affatim, hæc paulatim impetumque nullo. Itaque corporis externas partes refrigerant, nec tamen ut somnus aut ambientis frigus interiores calfaciunt, quod is calor ac spiritus in cor solum recurrat. Ea quidem affectione cor vehementer premi, & strangulato calore penè obrui fidem facit, quod pulsus paruus, tardus, rarus, & imbecillus euadat. Speciatim verò tristitia

tristitia corpus omne, maximè verò cor refrigerat & exiccat, spiritus in-
 natumque calorem obterit & offundit, vigilias siccitate inducit, conco-
 ctionem labefactat, sanguinem humorésque incrassat, exaggeratque me-
 lancholicum succum. Quibus ex causis corpus atrophiam liquefcit, & in
 5 marcoré, in aliósque frigidos morbos præcepit. Eadem pericula multò
 violentiùs euidentiùsque timor iniicit, quæ cæco & repétino impetu per-
 cellens, non paucis calore cordis violenter suffocato vitam ademit. Nam
 cunctis vires subtrahit ipse timor. Quòd timentibus alius interdum sol-
 uitur, aut vrina profunditur, non mihi videtur cum Aristotele indicium
 10 esse sanguinis in aluum compulsus, sed potius remeantis in cor. Verecun-
 dia porro natium calorem spiritumque in intima primum cogit, eum-
 que mox sensim foras reuocat, sed blandè adeò vt neque cor oppressum
 frigescat, neque spiritus dissipetur. At verò agonia, id est certamen vtro-
 que motu vehementer concutit: quumque ex timore & ira constet, am-
 15 borum pericula motu tamen inæquabili intendit. Quæcunque numeran-
 tur aliæ perturbationes animi, in hæc quæ dixi genera coniiciendæ sunt.
 Excandescencia quidem, odium, discordia, inimicitia, in iram: timor, for-
 mido, terror, pavor, exanimatio, ad metum: dolor animi, luctus, mæror, 12
 lamentatio, ærumna, molestia, desperatio, ad mæstitiam: lætitia, iacta-
 20 tio, animi voluptas ad gaudium. Neque duntaxat hæ morborum causæ
 fiunt, verumetiam cura, sollicitudo, afflictio, omnesque animi molestiæ,
 quas ambitio, auaricia, aut aliud feruentius desiderium inflexit, quemad-
 modum mentis in rerum inuestigatione assidua contemplatio acriorve
 contentio. Harum quippe omnium immoderatione spiritus & calor emar-
 25 cesunt. De necessariis & euidentibus causis, & quibus ea modis nos im-
 mutare possunt, dicta hæc sint.

De causis euidentibus non necessariis.

Cap. XIX.

30  Ausæ verò nō necessariæ quas declinare licet, & quib⁹ nulla ne-
 cessitate vtimur, ad ea genera quæ suprà de necessariis posuim⁹
 referri possunt. In ambientium quippe genere collocantur æstua-
 ria quæ corpus præter modum calfaciunt & exiccant, ac demum
 calore dissipato refrigerant. Balneæ verò aliæ refrigerant & humectant, aliæ
 calfaciunt & humectant, aliæ calfaciunt & exiccant: vt sulphureæ, nitrosæ,
 35 aluminosæ, marinæ, quacunque enim qualitate insignes fuerint, eadē cor-
 pus perfundunt. Adhæc vnctiones & emplastra foris suas etiam vires con-
 tagione nobis impertiunt, dum eas nostro calore suscitatas per cutis spira-
 cula altius infundunt. Vestes & tegumenta quibus operimur, interdum
 per se vt calidorum animantium pelles, interdum accidente calfaciunt,
 40 quòd insitum corporis calorem retinent nec exhalare sinunt. Florum de-
 nique & aromatum odor omnisque fumus aut vapor, siue manifesta siue
 occulta vi præditus, dum intrò spiritu ducitur, luculenter intima quæque
 mutat. Et hæc quidem in ambientium genere. In eorum autem quæ su-
 muntur

C iij

muntur classe, numerantur medicamenta, quæ quoties vel imprudenter vel ex causa vorantur, primis, secundis, tertiisve qualitibus aut tota substantia, spiritus, humores, corpusque afficiunt. Inter ea verò quæ corpore excluduntur, non necessaria est sanguinis è naribus aut è vulnere eruptio, quæ nimia, calorem, spiritus, & vires exhaurit: neque integrè sano erumpentis quoquam modo sanguinis vlla est commoditas. Neque profectò venus quoquomodo salubris, nisi cui fortè multo iam tempore præter consuetudinem sit intermissa. Huic idcirco moderata confert, quòd titillantis aut turgentis materiæ exuperantiam quasi onus infensam deponat. Immoderata verò, spiritus, calorem, humidumque primigeniū exhaurit, concoctionem euertit, mentem & sensus infirmat atque cōuellit, corpus enervat, emollit, inersque reddit. Horum nihil tamen extremè: quādoquidem veneris modus quidam est, nec vt cibo ita venere citra desiderium quis vitur. Vix quisquam sine libidine venerem exercet, sine appetentia plurimi supra satietatem se saginant. Proinde cibi quàm veneris crebriora sunt grauioraque pericula. Ad motuū genus accedunt clamores & vociferationes, quibus interdum venæ membranæque diuelluntur: eodem & dolores pertinent, diri immanēsque cruciatus, & externi motus: vt nauigatio, vectio, gestatio, equitatio, & quæcunque corpus, humores, spiritusue durius exagitant. Singula quippe validas ad morbos gignendos vires sortita sunt. His finitima est frictio sicca, quanquam in corporis summa præcipuas vires habet. Deinde attritus, contusiones, casus, vulnera, ferarum morsus, venenatarum bestiarum ictus, & quæcunque fortuito in nos irruunt, nobisque quasi fato impendent, quorum periculis corpus variè iactatur. Euidentes morborum causas, quarum vi immutamur omnes iam quidem recensuisse videor, quas solas veterum imitatione vulgus scrutatur, sedulò rogās vnde morbus vnusquisque processit. Ab his autem defluunt gignunturque interiores, de quibus proximè differendum.

Interiores morborum causæ, quot qualēsque sint, utque ab eudentibus defluant.

Cap. XX.



Orporis spiritus, sanguis, humores, excremēta, & quæcunque contentorum nomine cōplectimur, interiores quidem causæ sunt. Hæ si naturæ legibus tenentur, salubres & sanitatis cōseruatrices appellantur. Sin verò de naturæ bonitate multum decedunt, insalubres & morborum effectrices. Decedunt autem vel quantitate vel qualitate, quæ duo vitia illis contra naturam insunt. Quantitatis vitia sunt exuperantia & penuria. Spiritus exuperare quidem nō potest, deficit tamen quum magna eius est inopia. Quæ toto genere præter naturam sunt, vt calculus, vt lumbrici, semper dum adsunt exuperant, nūquam deficiunt, vitio dantur. mores, excrementa, siue immodicè exuperant, siue deficiant, vitio dantur. Solus sanguinis exuperantia, plethora dici consuevit. Reliquorum omnium

nium redundantia in cacochymia genere continetur. Quinetiam cōtentorum omnium intemperies, tum simplex tum coniugata, crassities & tenuitas, durities & mollities, lentor & acrimonia, deinde putredo & totius substantia corruptio cacochymia species sunt. In his igitur contentorum vitiis omnes consistunt interiores morborum causæ. Euidentes autem sic illas proferunt. Spiritus quidem innati que calidi penuriam ambientis feruor, balnearum, dissipantiumque medicamentorum vsus, alimenti penuria & inedia, immoderata vacuatio, labor, omnisque motus vehementior, vigilia, insolens gaudium, venus intempestiua, dolor excrucians. Eadem quum increuerint, sanguinis succorumque inopiam tandem inferunt. Spiritus, innatumque calidum premunt & humores coarctant, aer densus & caliginosus idemque gelidus, alimentorum vbertas, excrementorum prouentus, diuturna quies, somnus arctior & profundior, metus & mœstitia. Eadem si violenta & intempestiua irruerint, haud secus atque laqueus faucibus ceruicique iniectus, natium calorem strangulant & extinguunt. Spiritus, humores, excrementa, omniaque contenta putredine contaminant aer putris & graueolens, ingestorum corruptio, eorum putredo & inordinatus vsus, excrementorum suppressio, obstructio, hincque cohibita perspiratio. Quies quoque & somnus idem præstant, at non nisi ex accidenti & quia excrementa augent. Spiritus & innati calidi, sanguinis succorumque totam substantiam corrumpunt aer aut pestilens aut quouis inquinamento contaminatus, hausta venena, retenti seminis aliorumque superuacuorum perniciēs, venenatorum contagio, & virulentarum bestiarum morsus. Intēperiem in spiritibus, in sanguine, in aliisque contentis, calidam quidem inuehunt, circumfusi aeris æstus omniumque circumfidentium feruor, & quæcunque cutim coarctant atque densant. His accedunt, cibi, potusque calidiores, medicamenta quoque calida & acia, excrementorum suppressio, obstructio, atque hinc nata putredo, motus exercitatioque vehemens, ira & vigilia, nisi extra modum exceßerint. Frigidam verò intemperiem accersunt, aeris omniumque frigidorum occurfus, alimentorum parciore aut liberaliore vsus, eorumque & medicamentorum intemperies frigidior, ingens vacuatio, & magna superuacuorum suppressio, otium motusque immodicus, somnus, metus atque mœstitia. Sicque intemperiei effectrices causæ sunt, aeris sicca constitutio, & eorum occurfus quibus exiccandi vis inest, cibi potusque tenuitas & inedia, extenuantia dissipantiaque medicamenta, immoderata vacuatio, motus vehementior, vigilia, mœror, cura atque sollicitudo. Humidioris causæ sunt humidum & pluuiosum cœlum, balnea dulces præsertim à cibo, potus liberalior, humectantium ciborum copia, excrementorum parciore vacuatio, vita otiosa, somnus multus, lætitia & animi tranquillitas. Crassos spiritus & humores similisque naturæ excrementa proferunt, cibi atque potus crassæ compactæque substantiæ, ut panis azymus, bubula caro, maiorumque animantium & piscium esus, vinum crassum ac rubrum. Id ipsum causæ omnes

C iiij quas

quas refrigerare atque densare recensuimus ex accidente præstant. Tenuis verò gignunt alimenta & medicamenta extenuantia, potiusque tenuis & liberalior. Lentos aut acres alimēta aut medicamenta hisce viribus prædita. Nam animantium extrema piscēsque complures & caseus, lentum glutinosumque succum reddunt: mel verò, hordei cremor, similiāque medicamenta, detergentem & minimè viscosum. Sic sanè humores excrementāve durescunt aut molliuntur alimentis aut medicamentis quorum talis sit materia, atque etiam vehementer calidis atque siccis, aut impensè humidis cum tepore. Corporis spiritus humoresque exagitant atque conturbant, quæcunque humores valdè extenuant aut in feruorem agunt, & 10 quæ aut subitò vehementerque comprimunt, aut vehementiore motu incitant, vt dolor atrox, immodica exercitatio, ira, timor, omnesque tū corporis, tum animi perturbationes. Ex his sciri potest quàm variæ sint euidētiū causarum vires. Aliæ morbis materiam suggerunt, vt alimenta & excrementa, quæ principales sunt causæ. Grauiissimis proinde morbis maxime obnoxij euadunt, qui gulæ abdominique dediti, tempestiuam aspernantur medicationem. Aliæ materiam duntaxat immutant, solāsque huic qualitates impertiunt, vt aëris & occurrētium intemperies, motus & quies, somnus & vigilia, & animi pathemata, quæ rariùs morbos excitant. Quot igitur qualēsque sint interiores morborum causæ, & qua hæ ratione ab e- 20 uidentibus procedant, omnium denique efficientium causarum genera virēsque sumus persecuti.

Quæ sit vniuscuiusque morbi causa.

Cap. XXI.



VNC morborum ordine repetito particulatim scrutari 25 par est quibus ex causis vnusquisque originem ducat, vt ex earum obseruatione omnis quæ ad medendi rationē conducit habeatur cognitio. Quum autem morbus alius à solis euidētibz externisqz causis profectus sit, alius præter has etiam interiores easque vel antecedentes vel conti- 30 nentes causas habeat, prima quidem vniuscuiusque est origo discēda. Partium simularium, tum simplex tum cōiugata intemperies, earum quoque putredo & totius substantiæ corruptio, ab euidētibz plerūque causis fiūt. Hæ siquidem dum blandè & æquabiliter in omne corpus irruūt, primū promptēque spiritus, qui in tenui substantia positi omni affectioni patēt, 35 ab his deinde humores cæterāque contenta: postremò partium substantiā quæ solidior est, quacunque vi aut qualitate insignes sint, afficiunt. At si validæ causæ eæ sint, & diu multoque tempore assistant: atque iis expositū corpus propinquum sit, idque iam affectioni obnoxium (illa quippe qua- 40 tuor in omnem rerum actionem concurrant oportet) affectus etiam proximè in corpus immigrabit. Quinetiam ij morbi similes nonnunquam à solis antecedētibz, aut à continentibus causis emergunt. Etenim vi- tiosus putrisque humor firmiùs parti adhærescens illius substantiam tan- dem

dem corrumpit: quomodo & pulmones & iecur putrescere per sepe deprehendimus. Sic suppressi seminis & quorundam excrementorum malignitas in veneni naturam faciens, principum partium substantiam contaminat. Quacunque autem intemperie alienave qualitate spiritus, sanguis, humores, excrementave tenentur, mox cōtagione corporis partes eadem inurunt, eaque interdum leui, interdum altius infixæ & permanente. Itaque morbi similes aliàs à solis evidentibus, aliàs tum ab his tum ab antecedentibus continentibusque causis originem habent. Iam de instrumentorū morbis. Naturalis partium figura inuertitur aut spermatis cōformantisque facultatis vitio, aut membris in partu posteave dum adhuc mollia teneraque essent contortis, aut quod multo post tempore collisa contractave vitiosè coalescunt, siue medici, siue laborantis, siue alterius cuiuspiam inscitia & errore. Interiores etiam causæ plerunque figuram inuertunt, vt tumor præter naturam, sectio, conuulsio, & resolutio neruorū.

Concauitatis & meatus vitia quidem multa sunt, quorum coalitus maximè à causa fit interiore, dum capacitatis facies exulceratæ nec benè curatæ, inter se glutinatur & adhærescunt. Obstructio ab interiore quoque causa, vt à carūcula, à duro tuberculo, à tumore, à callo, à grumo & ab humore crasso lentoque interiore canale ductumque inferciente. Angustia verò fit vel aliquo extrinsecus cōprimente introque impellente meatuum latera: vel his in seipsa concidentibus, idque cogente frigidorum adstringentium aut exiccantium vi. Sed & causam sæpe habet interiore, quum retinendi facultas validior, meatus eorūque oscula quasi impetu coangustat. Laxitatis causæ his contrariæ sunt, medicamenta aperientia, quæ incidendi, detergendi, expurgandique vim nacta sunt, & quæ vehementer molliunt atque laxant: expultrix quoque facultas valida aut retentrix imbecilla. Asperitatis porro causæ sunt, medicamentorum, humorum, & excrementorum immodicè acerborum, cuiusmodi sunt immaturi fructus, aut acrium, aut abstergentium vis eousque interdum inualescens, vt partes ipsas vel corradat vel exulceret. Læuitatem verò efficiunt cibi, potus, humores, tum viles, tum superuacui pingues atque glutinosi. In numero autem pars quæcunque deest, aut naturæ conformationisque vitio, aut sectione, aut vitione, aut putredine, aut frigore perit. Siqua autem superest & accrescit, ea est validæ naturæ opus, quæ ex utili eaque vberiore materia naturale quiddam progignit: eiusmodi est in conceptu sextus digitus, & in adultis tuberculum carnosum. Ex inutili verò materia fiunt ganglia, melicerides, steatomata, atheromata, acrochordones, eiusque generis tubercula. Partis porro molem supra modum augent, utilis materię vbertas & valida natura, quæ frictione, calore, pice aliisque trahentibus iuuatur. Minuunt verò imbecilla virtus, & alimentī penuria, & alię causæ quas diximus de naturali numero nonnihil detrahere. Partem è sua sede atque situ dimouent vinculorum solutio aut laxitas, vt in luxatis, siue repentino vehementique motu, siue mollientium occurfu fiat: continentium

tium partium disruptio vel laxitas, qualis in Enterocoele aliisq; ramicibus, & in abdomine discisso, & quum vulnerato pectore pulmo excidit. Vicinarum autem partium consensus deprauatur, quum illæ inter sese cohærent, aut commune illarum vinculum laxatur, intenditur, vel abrumptur. Continui solutionem efficiunt flatus humôrve vel exuperâs, vel acer, vel pungens, vel exedens: & in causis euidentibus motus immoderator, & quæcunque contundunt, frangunt, vulnerant, perforant, aut vrunt. Atque hæc quidem simplicium omnium morborum causæ putentur.

Implicitorum compositorumque morborum causæ.

Cap. XXII.



NLLA causa proprio atque vni est semper addicta morbo, sed vna eademque simplex morbos plerumque varios infligit. Solis ardor destillationem è capite frigidam concitat, ex qua asthma, arthritis & paralysis. Idem iecoris bilem accendit & extimulat, cuius febris est soboles. Sed & causæ contrariæ in morbi eiusdem procreatione sepe concurrunt. Vt enim solis ardor cerebrum dilatans illiusque ductus patefaciens excrementa diffundit, fluxûque reddit, ita frigus immodicum quasi cõprimens & coarctans, illa exprimit, depellitque. Quum itaque morbi complures erunt, vniuscuiusque interior causa seorsum peruestiganda: quòd si multæ deprehendantur, obseruandum implicitæne sint an connexæ, anve disinctæ: quandoquidem earum non minus quàm morborum obseruatio ad curationem confert. Implicitæ vix vnquam seorsum eximi possunt. Ex connexis antecedens prius quàm cõsequens delenda. Disinctæ separatim sigillatimq; tolluntur. Quoniã autem tumores omnes præter naturam, morbósque partium plurimos humorum defluxio parit, quæ & ipsa plurimorum est morborum causa, hoc loco expendendum, quid fluxionem moueat, & in hanc non illam partem deducat. Fluxionis materia sunt, sanguis, bilis, tum flaua, tum atra, pituita, aquosus humor, flatus, & quicquid ex his permistis conflatur. Omnis autem materia vel per se & sua sponte, vel impulsâ fluit. Sponte, quum vel copiosior est, vel colliquefacta, vel iactata vehementius. Talis quippe nequit propria sede coërceri, sed suo opte impetu effluit exciditque. Impulsâ verò fluit aut vi partis expellentis ea quæ tû qualitate tum quantitate molesta sunt, aut vi frigoris, aut adstringentis cuiusdam aut comprimentis robore. Atque hæc causæ fluxionis sunt effectrices. Cur autem in hanc quàm in illam potius partem incumbat, causa est pars vel recipiens vel attrahens. Recipit autem quia imbecilla, aut quia prona & subiecta mittenti. Imbecilla est vel natura, vt cutis, axillæ, inguina, adenes, & alia quæcunque laxa mollisque genita est: vel morbo, vt quæ contusa est, obrita, vulnerata, aliòve morbo languida. Pars prona fluxioni subiecta est, si vias ad se directas & ingredienti amplas habet atque latas, egredientes verò angustas. Sic ad renes, ad pulmones,

mones, ad articulos, ad aliasque sedes in quas humor illabi consuevit, prona est fluxio. Prona etiam fluxionique subiecta pars est, quæ inferiore est situ: quandoquidem materia grauis facilius deorsum fertur & in procliu deuoluitur, quanquam & flatus & vapor & tenuissima bilis facile quouersum excurrit. Attrahit pars quæque fluxionem dolore, motu, frictione & calore, siue ab interioribus, siue ab externis causis cõparata hæc sint. Humor in parte coaceruatur bifariam, congestu & defluxione. Congestus fit partis vitio & imbecillitate, quum allapsum alimētum nec conficere, nec absumere valens, non pauca inde cõgerit superuacua: aut quum
10 valida, ipsa plura allicit, quàm vt possit cõcoquere: aut quum densior ad-
strictioneque excrementa nec facile deponit nec dissipat.

LIBRI PRIMI DE MORBORVM

differentiis eorũque causis, Finis.

De symptomatis atque signis,

LIBER SECVNDVS.

Quid symptoma, & qua id ratione à morbo & à causa
differ. Cap. I.



ERTIVM nunc genus restat eorum quæ præter naturam nobis inesse proposita sunt, symptomatum nempe atque signorum: quæ ut ortu, ita & translatione morbis succedunt. Licet autem morbi compluresque eorum causæ penitus lateant & intro condantur, symptomata tamen signaque omnia foras se dant, & conspicua sunt nobis. Alia quidem signi, alia symptomatis est ratio: omne symptoma signum est, non tamen omne signum symptoma. Est autem symptoma, affectus præter naturam viuius consistens. Hic quidem affectus appellatio latius quam in morbi finitione patet, ut & affectionem omnem cõtineat. Qui præter naturam simpliciter existit, nondum contra naturam est, nec corporis functionem vltimam manifestè offedit. Morbus & morbi causa à symptomate distat, quod functionem lædant, ille quidem primum & per se, hæc verò per accidens: symptoma neutro modo lædit, quia nondum contra, sed duntaxat præter naturam est. Distat & aliter, quod morbus in aliqua corporis parte solum consistat, causa in contentis, symptoma verò tum in utrisque, tum in functionibus ipsis. Hac quidem nominis ratione quicquid vel in corporis substantia, vel in contentis vel in functionibus præter naturam existit, si nondum functiones manifestè offendit, symptoma iudicandum, unde cumque id originem ducat. Itaque & corporis nigrities ex solis ardore contracta, & urinae aliorumve excrementorum color odorve præter naturam citra morbum grauis, & leuiusculi partium affectus, adeoque tenues ut nondum functionibus incommodent, symptomata sunt, neque in aliud affectuum præter naturam genus cõiici possunt. Est tamen & altera multò angustior huius nominis ratio, qua solum affectus præter naturam ex morbo profectus symptoma appellatur. Hoc genus vniuersum morbi soboles est, quo nihil eorum pertinet quæ modò percensui: at nihilominus fœdus icteri color, & putrida fœtensque deiectio ex febre profecta, & omnis functionis læsio, huius sunt generis. Cæterum quum morbus vnus alium de se proximè gignit, ut dum iecoris feruor ventriculo calidam intemperiem inurit, posterior affectus ex morbo quidem natus est, non simpliciter tamen symptoma, sed morbus appellari debet: si quidem in parte inhærescit, cuius actione primum ac per se manifestò lædit. Atque hi sunt quos supra cõsequentes morbos nūcupauimus, quorum prior posterioris est causa. Quis enim vel

vel mediocriter eruditus ventriculi intemperiem symptoma censeat calidioris iecoris? Nihil igitur ne diuersa quidem ratione potest morbi atque symptomatis rationem sibi vëdicare, quoniam neque fieri vllo modo potest, vt vnum quippiam atque idem actionem lædat & non lædat. Quinetiam quum imbecillum languidumque iecur malè sanguinem conficit, hæmatosis læditur, ex hac deinde corrupti vitiosi que humores toto corpore succrescunt, qui febres & alios deinde morbos excitant: ipsa humorum corruptio, licet affectus sit præter naturam ex morbo natus, minimè tamen symptoma censi possit, sed morbi causa, quòd in contentis subsistat actionemque ex accidenti lædat. Nihil enim idem possit morbi causa & symptoma dici: quãquam fieri potest vt symptoma alterius symptomatis sit causa: vt quum ex eodem morbo complura symptomata continuata serie defluunt. A frigida ventriculi intemperie concoctio offenditur, ex qua ciborum est cruditas: hinc porro lienteria, quæ est cita alui deiectio, ab hac demum impedita alimèti in totum corpus distributio. Hac serie quoties morborum, symptomatum & causarum ingens quædam fit concursio magnaque confusio, morbum neque symptoma proximè antecedit, neque causa vlla proximè insequitur: sed ea serie ita semper ex aliis alia necuntur, vt morbum causa antecedit, symptoma verò proximè sequatur.

20 Quamquam autem idem interdum morbus est & morbi causa, neutrum tamen symptoma dici potest. Nã & morbus morbi, & symptoma symptomatis interdum causa fit: at symptoma neque morbus neque proxima morbi causa esse vsquam deprehenditur. Quamobrem Auicennas tria hæc genera permiscens confundensque, non planè videtur rerum substantias dispersit.

25 titus. Quum propter ictum dolor acerbissimus phlegmonen parit, symptoma ait morbi causam fieri: at certè dolor proxima cõtinensue non phlegmones, sed fluxionis causa existit, fluxio verò collectionis, hæc demum, quia partem copia distendit, obstructionis, ex qua sequitur prohibita perspiratio, natiui caloris extinctio, humorum putredo, ipsa denique inflammatio, quã propriè phlegmonen appellamus. Tumoris igitur principalis causa est ingens cumulatorum humorum copia, inflammationis putredo, dolor verò incitans duntaxat causa est, & sine qua nihil efficeretur. Nervos omnes contendit Auicēnas, vt persuadeat symptoma in morbum verti commutari que, quum capitis dolor ex stomachi vitio acceptus diutius persistit. At verò dolor hic ex sympathia tamen si capiti fit proprius, nec tamen in morbum degenerat, nec pristinam symptomatis naturam cõmutat: sed vel ipsa capitis intemperies, vel alius quidam morbus ex ventriculo contractus, proprium hunc capitis dolorem infert.

Tria symptomatum summa genera.

Cap. II.

40



ORBVM proximè tanquam effectus sequitur functionis læsio, primum illius symptoma idque proprium & indissolubile, è quo dein alia defluunt omnia. Sunt autem hæc bipertita: nam

D

alia

alia in partium substantia, alia in excrementis insident. Itaque tria sunt omnino summa symptomatum genera, actio læsa, excrementorum vitium, & simplex corporis affectus. Posteriora duo ex læsa functione, hæc verò ex morbo proficiscitur. Exempli causa utque omnia pateant apertius, obstructio sit in bilis folliculo: sub hoc vitio flava bilis à reliquo sanguine expurgari nequit, hæcque functione læsa bilis cum sanguine manes in totum corpus refunditur. Hinc cutis sædo tetroque colore deturpatur, & icterus fit simplex quidem symptoma. Hinc etiam urinae crassescunt flavescentque, & alui excrementa albicant bilis permixtione destituta. Ea igitur serie simplices corporis affectus excrementorumque vitia ab actione læsa proficiuntur. Iam verò læsarum functionum differentia ex integrarum numero colligenda. Functionum alia animales, alia naturales: & animalium alia sensus, alia motus, alia principes. Sensus porro quinque sunt, tactus, gustatus, odoratus, auditus & visus. Principes verò functiones sunt, phantasia, intelligentia, & memoria. Harum unaqueque bifariam læditur, quia aut non fit, aut malè: & malè rursus bifariam, aut diminutè aut depravatè. Cæcitas visionis est priuatio, hebetatio diminutio, hallucinatio error & deprauatio. His in auditu respondent, surditas, gravis auditio & tinnitus. Haud quidem difficilè sit istorum imitatione ceteras animales functiones læsas, tametsi proprio adhuc nomine caruerint, numerando per censere, si vniuscuiusque tres constituentur differentia. Eadem propemodum in læsis naturalibus functionibus numerandis ratio tenenda. Quum pars unaquæque similis quatuor tum facultatibus, tum functionibus insignita sit, si quamlibet trifariam lædi contingat, quod vel minimè, vel remissè, vel depravatè edatur, erunt vniuscuiusque partis, ut similis est, symptomata duodecim. Si eadem quoque ex naturalium instrumentorum ordine, quoniam præter eas quibus se alit & tuetur, alias etiam toti corpori communes vires accipit, aliis duodecim erit symptomatis obnoxia. Ventriculi aepsia, bradypepsia, dyspepsia læsæ communis concoctionis vitia sunt: totidemque & in attractione, & in retentione, & in expulsionem consistunt, sed quibus propriæ appellationes non suppetunt: quemadmodum neque læsis functionibus duodecim, quæ illi quæ similis est peculiare sunt. Tot igitur symptomatum genera functio læsa comprehendit, quorum alia in alias partes incidunt pro cuiusque functionibus connumeranda.

Symptomatum quæ tum in affectu simplici, tum in excrementis consistunt differentia.

Cap. III.



IMPLICES partium affectus præter naturam qui functioni nulli incommodant, sensibus ferè obuij manifestique sunt. Hos proinde sensuum quibus percipi solent numero, in ordines quinque redegerunt. Aspectabiles sunt sædi colores, quos morbi inflixerunt, qualis flauus est in ictero, pallidus in leucophlegmatia & in vitilagine, niger in

in elephantiasi. Odoratus sunt, teterrimi & graues odores, quos axillæ, aures, nares, os, aut corpus vniuersum expirat. Ad auditum, referuntur soni præter naturā, quales sunt aurium tinnitus, pulmonum fauciumque stertores, dentium stridores, ventriculi atque etiam colli rugitus, intestinorum crepitus. Ingrati saporès qui palatum & linguā inficiunt, gustatu deprehenduntur, cuiusmodi sunt oris amaror à bile flaua, sapor acidus è melancholia, aut salsus è pituita. Cutis scabra, arida, & rugosa symptomatis inquinatur, quæ tactio percipit. His ergo differentiis comprehenduntur symptomata generis secūdi, quæ simplices sunt corporis affectus. Tertiū porro genus in excrementis inest, quæ præter naturam vitium contraxerunt, aut substantiæ, aut qualitatis, aut quantitatis. Substantiæ vitium appellamus, quum quod excernitur toto genere præter naturā est, vt calculus, vt arenula, vt lumbricus. Aut quum non id quod excernitur, sed ipsa illius excretio præter naturam existit: vt sanguinis è naribus, ex auribus, ex ore seu sputo seu vomitione, è vesica vel aluo profluens, & quæcunque citra naturā præscriptum sit eruptio. In excrementis qualitatis vitia insunt, quum aut eorum color à naturæ modo recedit, vt si vinarum, deiectionū, mensium, sputorum, aut vomitionum niger est color, liuidus, aut viridis. Quum etiam aut graueolentia ferit: aut sapor amarus, salsus, acidusve subest: aut lentor vel acrimonia, & crassities vel tenuitas, aliæve qualitas præter naturā, tū his tum cæteris quæ manant è corpore inesse deprehenditur. Quantitatis vitium est, quum iustus naturæ modus in his minimè tenetur, sed ea vel abundantius vel parcius profluunt. Hæc igitur excrementorum vitia in symptomatis connumerentur, si præsertim ex morbo originem sumpserunt. At quæ non hinc, sed ex alimentis profecta sunt, quorum vel qualitas praua, vel immodica quantitas permanet, non propriè symptomatis annumerari debent. Ipsa porro excrementorum vitia atque symptomata dum præter naturam intus coërcentur, nouorū plerunque morborum causæ fiunt. Haud equidem scio vllāne alia causa plures morbos procreet, quàm excrementorum prouentus. Symptomatum differentiæ hæc sunt, iam eorum causas breuiter perstringam.

Læsarum functionum causæ.

Cap. IIII.




HVNCTIO læsa per se nulliusque rei interuentu ex morbo proficiscitur. Morbus autem qui sensum motumque offendit, vel in cerebro propria facultatis sede, vel in sensus motusve organo confedit. Qui facultatem eiusque sedem occupat & impedit, aut intemperies est, aut cōtinui solutio, aut constipatio, aut obstructio, eaque vel à tumore præter naturā, vel ab influente humore profecta. Ab his siquidem coërcita facultas prohibetur in sensus motusque instrumenta defluere. Qui instrumentum, modò partem eius principem & primariam, modò cæteras quæ illi subsidio veniunt, aut quouis modo vsui sunt, exercet. In primaria

D ij quidem

quidem (cuiusmodi in oculo est humor crystalloides) fiunt intemperies, continui solutio, & situs mutatio: hic enim sæpe de sede propria decedit. In cæteris instrumentarij quoque morbi cōsistunt: cuiusmodi sunt pupillæ amplitudo vel angustia, humorum penuria vel exuperantia, horum tunica- rumque crassities aut alienus color, suffusio, vnguis, & quæcunque ob pupillam succrescunt, deinde vlcera, inflammationes, aliique tumores, qui nihilominus & totius oculi morbi sunt, & symptomatum causæ. Sic pro- pemodum & aurium obstructio, vel à tumore nascitur, vel à tuberculo, vel à sordibus, vel ab iis quæ in eas incidunt. Narium quoque obstructio ex 10 attritu & tumore, vel ex polypo fit: & ossis spongoidis obturatio à graue- dine. At foetores iis insidentes odoratum corrumpunt: quæadmodum lin- guæ lentor salsus, acidus, aut amarus, gustatus iudicium euerit. Iam verò tactus motusque symptomata, vt stupor & paralysis, fiunt nervis aut refri- geratis, aut vinculo aliòve extrinsecus premente constrictis, aut crasso len- 15 toque humore obstructis. Hæ causæ spiritum & facultatem animalem la- tius manare non sinunt. Ita igitur animales functiones causæ multiplices offendunt. At verò læsæ naturalis functionis causa omnis vel intemperies est, vel substantiæ corruptio: hæc enim vitia, similem partem actionum 20 opificem inuadunt labefactantque, neque priuatæ vllius functiones na- turales aliis ex causis lædi possunt: at publicæ, quales in naturalibus instru- mentis insunt, aliis etiam quibusdam ex causis offenduntur. Etenim ventri- culi, iecoris, alteriusve instrumenti ratio ab erysipellate, à phlegmone, ab a- 25 liisque tumoribus præter naturā interdum perueritur, hincque diminu- ta aut deprauata concoctio hominem fatigat. Quinetiam non solum si- milaris, verumetiam instrumētarius morbus attractionem interpellat. Sic tuberculo carnosio vel alio quouis tumore in gula succrescente, quo cibis via præcluditur & intercipitur, vel omnino nulla, vel difficilis, vel deprauata, quasi saltu quodam aut tremore attractio perficitur. Eisdem ex causis 30 & ex flatuum turba præpeditur retentio, nec ventriculus cibos arctè com- plectitur, nec eisdem firmiter adhærescit. Expulsionē lædunt morbi simi- lares, & viarum angustia atque obstructio. Sed hanc accelerat excernēdo- rum copia vel acrimonia: crassities verò aut lentor remoratur. Nō alię pro- 35 fectō causæ quærendæ sunt, cur alimēti in vniuersum corpus per venas di- stributio, aut fecum alui deiectio, aut vrinæ profusio, aut flauæ bilis in suā cystim, aut denique melancholiæ in lienem expurgatio vitiosa sit.

Simplicium symptomatum interiores causæ. Cap. V.



FFFECTVS verò simplices siue in corporis partibus, siue in excrementis citra vllam functionū læsionem inhæ- 40 rescunt, interiores causas has obtinēt. Color quidem præ- ter naturam, succum & humores de optimo & mediocri statu delapsos, qui vel in cutem se extulerunt, vel cum ex- crementis

crementis excidunt. Fætor omnis & graueolentia soboles est putredinis. Alienus sapor, aut humoris qui in os influit, aut qui excrementis permiscetur, naturam imitatur. Sonus præter naturam, rugitus & murmur, vel ab instrumentorum fit angustia, vel à flatus copia, vel ab eo huc & illuc impulsio. Ex quibus intelligi potest horum symptomatum quemadmodum & superiorum causas esse morbos. Naturalium autem excrementorum, vt deiectionum, vrinarum, mensium & sudorum vitiosa qualitas, eas causas habere putetur, quas nunc simplici affectui ascripsimus. At verò quantitatem eorum supra modum augment, vel ingens ciborum copia, vel eorum

10 corruptio & acrimonia, quæ expultricem vim stimulat, vel lubrica fluxaque materia, vel continentis facultatis imbecillitas, vel exquisitior corporis sensus, vel impedita alimenti distributio, vel excrementa aliunde refulsa, vel corporis vniuersi colliquatio. His enim ex causis vrinæ, deiectiones, sudores atque menses validius, abundantius, crebriusque erumpunt.

15 Quantitatem verò eorum minuunt, alimentorum parcitas, crassities & adstrictio, expellentis facultatis imbecillitas, partium expellentium sensus obtusior, viarum angustia vel obturatio, immoderata è cutis spiraculis facta dissolutio. Verumenimverò excretiones quæ toto genere sunt præter naturam alias causas habent. Vt sanguinis profusio fit rupta, exesa, aut a-

20 perta vena quæ sanguinis est receptaculum. Rumpitur autem nimia plenitudine & vi causarum euidentium quæ superiore libro posita sunt. Exeditur ab acri & mordaci humore, si præsertim ea mollis est & tenuis. Referatur patefactis osculis & copia, & tenuitate, & acrimonia sanguinis, interdum & à natura quæ lacecita ora venarum diducit, vt iis exigat quic-

25 quid est molestum. Nonnunquam & sanguis ira extenuatus vt feri speciem referat, è venarum tunicis rarioribus atque laxis emanat. Vomitiones autem mouent cibi assumptorumque copia, cõtentorum velut bilis acrimonia, & quæ pondere grauant, vt sanguis vel pituita copiosior quodam loco conclusa. Tres hæ causæ cerebri destillationes, oculorum lachrymas, ex-

30 puitionem, gonorrhæam omnemque ex quauis parte vacuationem cõtra naturam proritant. Hic nempe cõtinendi facultas excrementorum pondere defessa, omnia tandem elabi finit: expultrix verò stimulata impetu eadem omnia deturbat.

35 Dolorem symptoma tactus esse, & quæ illius causæ. Cap. VI.



ENSVS vnusquisque rei obiectæ vehementia pulsatur ac dolet: vt oculus nimio splendore, & auris aspero vehemētique strepitu. Vnius autem tactus dolores idcirco maximè atroces existunt, quòd crassissimus atque in compactiore materia positus,

40 primus sit & omnium animantium cõmunis, quòdque qualitates in quibus hic versatur maximè sint efficaces. Hæ igitur si quando exuperent, & tactum repente vehementerque feriant, dolorem commouebunt. Nò ipsa noxiarum qualitatum perceptio, sed quæ hinc protinus exoritur affectio

D iij dolor

John dolor est, quemadmodum & quæ ex inimici conspectu nascitur, tristitia aut ira existit. Vt igitur inimici conspectus non est ira, ita profectò neque rei noxiæ tactio, sed molestia ex tactione profecta dolor est. Itaque ut ira animi, ita & dolor debet tactus symptoma cēseri. Galenus Hippocratis locum exponens quo dixit omnem morbum vlcus esse, dolores omnes non nisi diuulsione & cōtinui diuisione moueri contendit. Auerrhois Galenū insimulans suadet soluto continuo idcirco dolorem inferri, quòd praua & nocens qualitas inducta sit: hanc vnicam & proximam causam statuit doloris, quæ vna proximum est & proprium tactus obiectum. At verò utraque sententia videtur sophismatum subtilitate instituta. Tactus enim non vnum est & simplex instrumentum, sed quod in extremorū caloris & frigoris, humoris & siccitatis, mollis & duri, asperi & lænis, grauis & levis mediocritate, cōuenienti forma atque situ cōsistit. Hunc proinde in Physiologia demonstraui à temperatis suisque similibus nihil affici, nec ea percipere, à dissimilibus verò & contrariis variè perpeti, eaque non nisi offensione & læsione sentire. Quāobrem quicquid supra modum calidum frigidum, durum acutum, graue aut multum repente irruet in tactum, dolorem infliget, idque qualitatis suæ vi & efficacia, quæ proxima est doloris causa: nempe calfaciens, refrigerans, contundens, secans, exedens aut diuellens. Itaque doloris causam non vnicam, sed tot nimirum quot sunt tactus obiecta, statuere par est. Quæcūque violenter & repente in tactum irrumpunt, tandiu solum dolorem inferre possunt, quandiu agunt & sensum mouent: atque cum sensus mutatione illius pariter dolor cōquiescit. Licet interdum sublato efficiēte torpor aliquis, (perinde atque in oculo rei visæ simulachrum) aliquantisper remaneat, obscuram quandam doloris speciem exhibens, ea tamen dolor haudquaquam est. Multæ quidem existunt dolorum differentiæ, quas inter signa demonstratiua collocandas esse duximus. Quamobrem de symptomatum summis generibus horumque causis istæc attigisse satis superque videmur, de singulis inter particularum morbos paulò post aptius dicturi. Nunc de signis tradendum.

DE SIGNIS, QVOTQVE SINT
illorum differentiæ. Cap. VII.



MORBI in intimo corporis recessu cōditi, qui neque cerni neque sensu vllò percipi possunt, solis signis intelliguntur, quibus tãquam rerum inditiis mens recta ratione ducitur, & in recondita penetrans, quæcunque magna obscuritate inuoluūtur sic aperit, ut oculis ea cernere videatur. Tanta est signorum necessitas, ut his sublati medicinæ fundamēta corruant. Quoniam autem præter morbos eos qui de partibus singulis posthac tradentur, alij plerunque aut noui aut nouo modo impliciti

ingruunt, qui neque literis, neque expressis signis doceri omnes possunt, generalis quædam signorum ars iure præmittenda est, quæ modum exprimat, tum morbi, tum causæ cuiusque interioris inuestigandæ. Quum autem tria sint prima signorum genera, hæc quidem de insalubribus quæ morbos eorumque causas demonstrant, in opere prognostico de signis prognosticis, in opere sanitatis tuendæ de signis integræ valetudinis differendum. Quicquid igitur sensibus nostris obuium, aliud quippiam latens & occultum comitatur, id illius est signum. Sic symptoma quia conspicuum interioris occultique morbi è quo fluxit, expressum est signum: sic & causa euidens ut vitiosus corruptusque cibus, morbi quem procreauit index est. Est autem signum genere duplex, demonstratiuum & prognosticum. His nonnulli commemoratiuum adiecerunt, quo præterita corporis constitutio memoria repetitur. Demonstratiuis præsens indicatur constitutio, prognosticis futura præuidetur. Signa prognostica non continuè ut morbus inuadit, sed aliquanto post tempore se proferunt, hincque mox apparentia & superuenientia nuncupari solent. Ea genere quidem triplicia sunt: alia coctionis vel cruditatis, alia salutis vel mortis, alia decretoria, & in vnoquoque genere alia salubria, alia insalubria, alia neutra, de quibus sigillatim aliquando fusiùs differetur. Demonstratiuorum quoque alia salubria, alia insalubria, alia neutra. Salubria quæ corporis naturalem constitutionem, & bonam humorum commodationem commonstrant. Insalubria alia quidem morbi speciem declarant, ut pulsus frequens, celer, & inæqualis febrem: alia sedem affectam, ut pulsus durus mēbranam, mollis & vndosus pulmones mollioremve partem affici: alia morbi causam, ut plethoræ & cacochymię signa. In vnoquoque porro genere alia propria sunt & inseparabilia, quæ propriam rei essentiam perpetuè comitantur, neque possunt ab ea seiungi. Statim pariter cum morbo inuadunt pariterque desinunt, vnde comitantia & simul apparentia nuncupantur. Ita quidem lateris dolor pungenti similis, difficilis spiratio, tussis, & acuta febris, propria dicimus signa pleuritidis. Alia dicuntur assidentia quæ aliàs cum morbo inuadunt, aliàs superueniunt, aliàs neque omninò adsunt: proinde nec propria nec inseparabilia sunt, sed multorum communia. Sic dolor ad iugulum vel ad ilia pertingens, & in latus ægrum quàm in sanum decubitus facilius, non propria, sed assidentia sunt pleuritidis signa: quemadmodum & capitis dolor, qui feбри non assiduus comes assistit. Prætermisiss autem salubribus prognosticisque signis, insalubria duntaxat hoc loco exponenda suscipimus.

Signorum insalubrium quæ morbos eorumque causas indicant summa genera.

Cap. VIII.

40



RIA corpori præter naturam insident, morbus, morbi causa, & symptoma. Postremum hoc, quia perpetuè sub sensum aliquem cadit, seipso non aliis signis percipitur. At morbus atque

D iij eius

*Sedis affectus
signa*

eius causa interior nostros plerunque sensus effugiunt, nec in conspectum se dant, ex symptomatis tamen ceu ex signis innotescunt. Hinc artis medicæ pars maxima opinabilis & cōiecturalis est, cuius veritas nō aliter quā argumentis atque signis illustratur. Quoniam autem ad curandi methodum, non modo morbi speciem, verum etiam corporis sedem cui is inhærescit, compertam esse oportet, conuenit ut signorum insalubrium alia sedem affectam indicent, alia morbum qui in ea cōsistit. Sedis affectus signa sunt, excremēta, actio læsa, doloris proprietas, situs, & propria accidentia. Non semper omnia, sed tamen quædā necessariò elucēt in vnaquaque affecta sede. Iecur enim inflamari plerūque doloris proprietas, situs, & propria accidentia dilucidè innuunt, etiam si nec læsa videatur actio, nec excremēta profluunt. Sic factum vlcus exesamque venam sola sanguinis expuitio reteggit, licet cæterorum nihil se proferat. Excrementi quidē appellatione tum quod excernitur, tum ipsum excernendi modum complectimur. Quod excernitur, interdum portio quædā est affectæ sedis, quam certò coarguit: nam cartilago tussi eiecta arteriam, caruncula in vrinis renes, & ramentum in alui fæcibus, tenue quidem superiora, crassum & carnosum inferiora intestina exulcerari demonstrat. Interdum non ipsa partis substantia, sed quiddam illi adhærescens excidit, ut intestinorum adeps: interdum quippiam quod pars affecta cōplectitur, sic per acceptum vulnus si vrina profluit, vesica, si fæx alui, intestinum fauciatur. Vulnerato autem pectore si spiritus efflatur, succingens membrana diuellitur. Excernendi quoque modus affectam sedem patefacit: nam ex vulnere sanguis quasi saliendo profiliens ex aperta est arteria: & portio sedis affectæ si pura & solitaria excernitur, è proximis est sedibus, sin verò naturalibus excrementis ad vnguem exquisitèque permiscetur, è distantibus atque sublimioribus est. Actio læsa eam partem à qua edi solet affici ostendit, ut cæcitas oculum, surditas auditum, cruditas vētriculum. Partis autem affectus propriusne sit, an per alterius consensum, nō ex læsa actione, sed ex aliis signis discendū. Quum enim solitarius consistit & perpetuus est nihilque intermittens, neque incrementum alterius partis affectu augetur, sed quouis alio sublato persistit, atque illi accommodata præsidia cōferunt, proprius existit. At qui alterius incrementum inualefcit illiusque remissione mitescit, nec idoneis subsidiis parti adhibitis leuatur, alterius consensu fit. Doloris quoque proprietas seu species explicat quæ pars primariò sit affecta: ut dolor pullans, aut arteriam aut partem arteriæ proximam laborare: pungens membranam: conuellens nervos aut tendones: extensus venas: cōrundens & profundus ossium membranas: laxus & mollis carnem: grauis & obtusum tumoris, affectæ sedis est index. Nam si dolor dextro hypochondrio penitus insidet, iecur non lien: si sinistro lien non iecur afficitur. Si dextri hypochondrij tumor per costarum extrema producit, iisque subiectis lunæ figuram exhibet, in iecore est, si circumscriptus in ventris longum ex-
porrigitur,

Nota

porrigitur, in rectis est musculus abdominis. Hæc signorum genera sunt quibus affecta sedes deprehenditur, atque ex his quacunque propria & inseparabilia dicuntur, quia maximam demonstrandi vim obtinent, certissima sunt: assidentia verò, quòd multorum sint communia, non paruum interdum dubitationem habent. Iam verò affectuum signa ex eisdem (ratione tamen paulum diuersa) depromuntur, præterquam ex actione læsa: hæc enim quæ pars affecta sit, non quis in ea insit affectus exprimit. In excrementis igitur si partis cuiuspiam portio continetur, vlcus subest: vt quum intestini ramentum deiicitur, aut asperæ arteriæ bronchium expuitur. Si 10 arenæ rubræ subsidet in vrinis, renes calor exercet. Si alui faeces semini cucurbitæ similes exeunt, ascarides vrgent. Doloris proprietas morbi speciem demonstrat: vt dolor inflammans calidam intemperiem, stupefaciēs frigidam. Dolor pungens, exulcerans, aut pruriens, humoris vel acris, vel falsi soboles est. Dolor distendens, vel aquam tenuem vel flatum ostendit 15 in tumore contineri. Loci quoque natura atque situs, quòd vniuscuiusque partis sui sint & peculiare morbi. Oculi soli suffusione tentantur, renes & vesica ferè calculo: intestina lumbricis, nō autem ventriculus. Cornunquam penetrante vlcere, vt neque pulmo neque syndesmus dolore. Propria tandem accidentia, vt vngues adunci tabem, lingua nigricans 20 ardentem febrem, citrinus vniuersi corporis color, iecoris, niger verò lienis obstructionem declarat. Ex iis igitur signorum generibus, tum sedis affectæ tum morbi cognitio capi debet.

Qua ratione sit affecta sedes ex signis inuestiganda. Cap. IX.



25 MNIS inuestigatio ab eo quod sensibus perspicuum est in abstrusas occultasque causas deducit: quòdque ortu & causarum ordine postremum est, inuestigatione primum occurrit: nempe aut morbus aliquis manifestus, aut certè symptoma. Hoc autem siue læsa functio, siue excrementum, siue dolor fuerit, tum ex situ tum ex specie nos in aliquam partis affectæ suspicionem primum adducet: deinde percontandum 30 num etiam alia existant suspectæ partis symptomata quæ primæ coniecturæ cōsentiant. Etenim nullum ferè symptoma solitarium existit, sed vnius eiusdemque morbi multa semper concurrunt. Quum igitur omnia quæ 35 tum narrando, tum percontando audita sunt, in vnius eiusdemque affectæ partis significationem cōgruunt, explorata compertaque est affecta sedes. Sin verò illa inter se dissident atque discordant, in alterius partis inuestigationem diuertendum, dum quædam deprehendatur, quæ certorum signorum testimoniis affecta cōfirmetur. Si omnium symptomatum significationes eodem pertinent, neque vllum aliò quoquam deflectat, pars v- 40 nica laborat. De hac præterea disquirendum propriōne affectu, an alterius partis consensu laboret, & quænam ea fuerit. Si proprius est affectus, isne etiam primarius sit, an ex alio antecedente profectus. Omnium quippe eiusmodi

eiusmodi distinctio in primis est ad medendi rationem necessaria. Quendam (exempli gratia) statuamus de spirandi difficultate queri. Quum ex ea actione læsa constet instrumentum aliquod eorum quæ respiratori inferuiunt affici, perscrutandum quidem faucibusne an aspera arteria peculiari vitio tenetur. Si nihil in his apparet, causa aut in pulmones, aut in thoracem, aut in septum transversum, aut in vicinas partes cõferenda. Quum stertor respirando obauditur, & tussis molesta est sine sensu doloris, pulmones in vitio sunt. Quum dolor in thorace premit, idque circa nothas costas dextri lateris, ex aliis signis dispiciendus is discernendusque est. Si enim pungenti similis fuerit cum febre assidua, cum tussi qua maximè cruētum expuitur, pleuritidis est index. Grauis verò cū assidua febre, cū tussi sicca, cõiecturam adfert inflammati iecoris. Tum igitur obseruādum, num tumor aliquis in dextro hypochondrio lunæ speciem exhibeat, lingua scabrane sit & nigra, sitis inexhausta, ingens cibi fastidium, vomitus biliosus, frequensve deiectio biliosa, vrina crassa & flammea: hæc enim si extant, iecur phlegmone tentatur. Sin multa defunt, aliò referendus est affectus. Rursum verò exponat aliquispiam dolorem obortum subter costas sinistri lateris. Doloris quidem specie perpenſa, eius regionis loci omnes adeundi animoque lustrandi sunt, coxendix, muscoli abdominis, lien, colum intestinum, & ren sinister, quorum est omnium magna affinitas. Hic verò dolor si infra deuergēs in crus vniuersum exporrigitur, & in cessu ingrauescit, huncque destillationis signa antecesserūt, coxendicus est. Sin manus contactu vel blandissimo deprehenditur, & tussi, sternutamento, altaque inspiratione exasperatur, in musculis est abdominis. Si cum dolore tumor animaduertitur sinistro hypochondrio circūscriptus, estque molestus decubitus dexter, & flatus plurimi cõcoctione suscitati, aut ventriculū distendunt, aut ructu erumpunt: metus & mœstitia diu habēt, in lienem referendus est affectus. Si dolor fixus ex eo cauo, quod inter costas extremas & coxendicem est, vteris progressu per ilia in vesicam ferè porrectus, qui aluo soluta haud prorsus cõquiescit, vomitiõque varia est, frequēs meendi desiderium cum ardore, vrina vel substantia vel cõtentis à naturali plurimum abest, is in rene consistit. Colicus verò dolor & vagus & latè diffusus est, qui aluo citata & liquata mitescit. Ea sit igitur inuestigandi ratio. Quum autē res ipsa planè apertèque omnibus symptomatis instructa explicatur, non inuestigatione, sed acri duntaxat iudicio transigenda decidendaque est. Vt si quis ter quaterve quotidie synceri puris circiter sēlibrā ex aluo reddat, interdum cum fæcibus, nonnunquam seorsum, nec dolor sit vllus, nec vnquam fuerit, nec sitis, nec appetentia deiecta, nec febris admodum valida, sed lenta solū, nec laborans decumbere cogatur, id vndēnam emanare iudices: Hæc dubitatio aliquando multorum mentes occupauit. At certè ex quodam abscessu sub diaphragmate rupto id effluere constat. Non autem in ventriculo aut intestinis, quia in his sine sensu esse non potest. Non in renibus aut vesica, quòd ex his non in aluum, sed in vrinas

rinas contenderet. Non in iecore aut in liene, quia horum abscessus laborantem omnino prosternunt, cum febre ardente, cum siti, cum grauib; aliis symptomatis. Restat igitur in solo sit mesenterio, quod pars est ignobilis, sensus omnis expers: atque in eius parte ima, è qua syncerum possit in
 5 intestinum rectum confluere. Iam verò si multa indicia variæque symptomata sese exhibent, quorum nec vires nec significationes in vnam & eandem affectam sedem pertineant, simplex esse nequit & vnica sedes affecta. Hic autem imperiti & artis ignari signorum turbulenta concursione præpediri solent, tanquam in nouū inauditumque morbi genus incidant.
 10 Et reuera cōfusus implicitosque morbos dilucidè explicare in primis quidem arduum & operosum est, maximè verò quū affectæ sedes vicinæ sunt, & in communem quandam functionem conspirant, quoniam pleraque illarum symptomata cōmunia sunt. Vt tamen ij secernantur explicenturque, perpenlis singulorum signorum viribus & naturis, quotquot in eiusdem partis significationem concurrunt, seorsum constituenda referendaque sunt, dum tandem constet quot partes primariò sint affectæ, vt & totidem morbi reipsa designentur. Quum igitur respiratio offenditur, tussisque
 15 vetus fatigat, & stertor, & sputum copiosum est, quibus dein lateris dolor accedit: quoniã nec tussis illa vetus, nec stertor possunt ex pleuritide proficisci, necessè est præter latus ipsos quoque pulmones iamdiu obstrui, esseque asthmati implicatam pleuritidem. Rursum verò quum dysuria meiendo acri dolore & ardore distorquet, si emictionis initio pus emanet, idque interdum sponte citra vrinæ profusionem, & vrinæ cursus plerumque intercipitur, si præterea sub emictionis finem dolor acrius vrget, exciditque nonnihil sabulosum aut viscosum, sæpiusque dolor in podicem incūbit: cui quæso morbi huius primus aditus circumseptus & difficilis nō appareat: singulis tamen accuratè explicatis variæ sedes affectæ cernentur, & vlcus in penis meatu vesicæ calculo implicitum. At verò quum affectæ sedes longiùs distitæ sunt, quoniam symptomata edunt prorsus disparia, & quæ eodẽ pertinere nequeunt, earum secretio diremptusque multò quidem expeditior, in hisque morbi euidentiores sunt ac magis perspicui. Vt
 30 si purulenta vrina citra sensum doloris emeiitur, idque cum lumborū dolore, simul etiam fauces ceruixque tument ac rubent cum spirandi vorandique labore, atque etiam cum febre: promptum fuerit renis vlcus ab angina secernere. Quoties porrò deprehensæ erunt multæ sedes affectæ, videndum num vna affectum alteri impertiat, vnæque alterius causa sit. Tum si quidem connexi morbi erunt aut consequentes. Vtro autem genere sint, internoscetur, si exploretur vtra pars sit prior morbo prehensæ, & an illius graue quoddam syptoma posteriori incommodauit. Sic quum in hydrope dextrum hypochôdrium tumet ac renitur, difficilisque est sinister decubitus, & icterus multo antè tempore animaduersus, connexi morbi iudicetur, iecoris scirrhus & hydrops, atque ille posterioris causa. Sic & quū
 40 impurum multoque humore vitioso perfusum corpus, nephriticus cruciatus

ciatus in febrem præcipitat, nephritis febris causa statuitur. Pleuritidi autem febris connexa est ferè symptomatica: at siquãdo pleuritim præcessit, primaria est, illi tum quidem implicita, non tamen connexa, quòd eius causa minimè sit: atque hos consequentes appellamus. Nò enim qui prior est affectus, sed qui in posteriorem vim obtinet, illius est causa: nec si post, alium, idcirco ab eo fit.

Qua ratione morbus eiùsque continens causa peruestigetur.

Cap. X.



RESPECTA affecta sede quis deinde in ea affectus sit¹⁰ quærèdum. Hic autem quoniam ex doloris proprietate & situ atque excrementorum genere cognoscitur, de affecta sede roganti multa etiam de affectus specie sese exhibent, iisdemque signis ambo plerumque innotescunt. Interdum sedes affecta, interdum affectus ipse conspectior atque manifestior est, ut excreto pure abscessus, sanguine vlcus intelligitur, etiam si nondum constet quæ pars laboret. Itaque his quæ dicta sunt signis exquisitè noscendum, quísnam affectus in laborante parte consistat, siue similis, siue instrumétarius, siue communis sit. Deinde verò simplèxne is sit, an compositus: si compositus sit, ex quibus constet: ut si renis intemperies sit²⁰ calida, an cum ea vlcus etiam consistat. Atque siue simplex siue compositus sit, scrutandum præterea sitne solitarius & sine fouente causa (hic enim expeditius sanatur) an causa interior comitetur: quum enim ea in primis summouèda sit, curationem difficiliorem habet. Quocirca post affectam sedem & morbi speciẽ, causa omnis interior peruestiganda, primùm²⁵ quidẽ continẽs & proxima, flatúsne sit an aquosus aliùsve humor, pituita, sanguis, bilis flaua, aut bilis atra, aliùdve præter naturam, ut calculus, grunus, lumbricus, excrementiue genus. Id autem indicat partis color & natura, doloris species, excrementi genus, & quæ de humorum dominio mox afferentur. Aliæ siquidem partes aliis gignendis coaceruandisque excrementis comparatæ sunt, iecur bili flauæ, lien atræ, ventriculus, intestina & cerebrum pituitæ, renes & vesica calculo, intestina lumbricis. Pars quæ præter naturam aut consuetudinem incaluit, si rubet sanguine, si flauescit bile prætermo-³⁰ dum perfusa est: quæ friget, si albescit pituita, si liuet melancholia grauatur. Dolor acerrimus est à bile, mitior à sanguine, hebes à melancholia, à pituita, ab aqua & à flatu, nisi cum copia vehementer distendunt. Quæ ex affecta sede prodeunt, si portio quædam sunt conclusæ materiae, vel colore vel substantia quænam ea sit exprimunt. Ex his igitur quæ proxima & còtinens morbi causa atque materia sit intelligitur. Deinde verò quærèdum soláne ea sit atque solitaria, an ab antecedente quapiã⁴⁰ foueatur. Quæ solius laborantis partis vitio quasi cògestionem quadam coaceruata est, solitaria censetur. Quum verò vel corpus vniuersum, vel pars aliqua humoris copia premitur, hancque exuperatiam quasi molestum onus excutians

excutiens in partem laborantem deponit, tum qui dem antecedens causa subest continentis comes: duplexque interiorum causarum genus adest remediis profligandum. In his porro diligenter internoscendum quæ pars in laborantem superuacua deponere solet: & quæ materia quævis humor, tum ea in parte, tum in vniuerso corpore plurimum abundat. Quoniam igitur sepius ex vniuerso corpore in affectam partem vitium incumbit, atque etiam si nihil incumbat, nisi tamen perspecta corporis totius & viscerum constitutione, nullius partis affectæ curatio recte suscipi potest, hoc loco subiicienda signa sunt, ex quibus vniuersus corporis status intelligatur, & quis maxime humor in eo dominetur & exuperet.

Signa vniuersalia causæ antecedentis, & quis humor dominetur in corpore. Cap. XI.

15 **16** **17** **18** **19** **20** **21** **22** **23** **24** **25** **26** **27** **28** **29** **30** **31** **32** **33** **34** **35** **36** **37** **38** **39** **40** **41** **42** **43** **44** **45** **46** **47** **48** **49** **50** **51** **52** **53** **54** **55** **56** **57** **58** **59** **60** **61** **62** **63** **64** **65** **66** **67** **68** **69** **70** **71** **72** **73** **74** **75** **76** **77** **78** **79** **80** **81** **82** **83** **84** **85** **86** **87** **88** **89** **90** **91** **92** **93** **94** **95** **96** **97** **98** **99** **100**

OR VM quæ toto corpore exuperantem humorem indicant, alia absolute signa, alia signa sunt & causæ. Signa quidem sunt, corporis facieiq; color & habitus, animi mores, insomnia, quæ excernuntur, vt vrina, deiectio, sudor, screatio, & quæ vndelibet exeunt: functiones tum naturales, tum animales, vt concoctio, somnus, atque pulsus: & quæ lædunt aut iuuant. Signa & causæ sunt, totius laborantis natura: iecoris quod sanguinè humorésque progignat, & cordis cuius vis toti impertiatur corpori, temperamentum: principalium viscerum constitutio, parentum vitia, suppressa quædam vacuatio consueta, viuendi consuetudo in cibo atque potu, vitæ & exercitationis genus, ætas, regio, anni tempus, cœlique status. Deinde & præteritorum morborum quibus plurimum conflictari consuevit recordatio. Faciei igitur corporisq; color & habitus quis maxime humor in toto dominetur palàm faciūt, quandoquidē humoribus similis color efflorescit: quū præsertim nec in altū corporis vel frigore, vel timore, vel tristitia compulsi sunt: nec in cutem violentius irruerunt, vel ira, vel pudore, vel æstu, vel balneo, vel exercitatione immoderata. Ergo si horum nihil corpus vehementer afficit, certissima est dominantis humoris ex colore cognitio. Nec minus quidem certa ex habitu & mole corporis. Eueglæ quippe, id est bona habitudo quæ in molis corporeæ mediocritate cōsistit, succorum probitatem atque mediocritatem ostēdit. καχεξία verò & ἀρεσθία, vt ἀρεσθία sanguinis copiam. Hæc autem coloris habitusque indicia, tum in vniuerso corpore tum maxime elucēt & leguntur in facie. Quippe quæ omnium corporis partium vna cutē obtinuit à subiecta carne minimè diuulsam, & quæ non aliud esse deprehenditur quàm summa & extima corporis portio resiccata. Proinde quæcunque in corporis mole effunduntur, conspectius & dilucidius in facie quàm in reliqua corporis cute efflorescunt. Si icteri iacta sunt rudimēta, prima facies flauescit: si arquati nigri, liuescit: si elephantiasis, cum liuore crassescit & extuberat pilique

pilique decidūt: si luis veneret, pustulis scdatur: si leucophlegmatie, pal-
 lescit ac tumet: si pulmones inflammantur, rubore perfunditur: si iecur
 aut lien obstructione scirrhove tēatur, obscuro colore marcescit: si phthi-
 sis est, cadauerosa euadit: si quod denique animi pathema premit, quot a-
 nimi motus, tot commutationes & significationes erunt in facie. Sunt &
 qui ex vnguuium colore de humorum corporisque constitutione pronun-
 ciant: sed multo obscurius quā ex facie. Vt igitur vultus imago est ani-
 mae, ita facies index est & quasi sermo quidam tacitus, non modò per-
 turbationum animi, sed & interiorum corporis affectuum. Mores au-
 tem & impetus animi, nisi longo philosophiae vsu sedati sint, humorum
 affectuumque corporis certi quoque sunt indices. Quum enim tres ani-
 mae partes, sentiens, cōcupiscibilis & irascibilis, omnino brutae sint pluri-
 mumque affinitatis cum corpore obtineant, necesse est eius in quo peni-
 tus demersae sunt, naturam & vires sequantur. Sanguineo & adolescenti
 lētitiae & hilaritatis plurimum inest, omniaque tanquam florecente Ve-
 re iucunda obuerfantur & arrident: seni & melancholico eadem tristitia &
 horrida, qualia visuntur autumno inclinante & senescente anno. Eam
 autem varietatem non res ipsa quae spectatur, sed aestimationis discrimen
 facit, quae corporis naturam constitutionemque imitatur. Quae huius pa-
 lato sapiunt & voluptati sunt, alteri saepe ingrata sunt & iniucunda. Hic
 veneris illecebris incitatus furit: ille nullo vnquam illius stimulo laceffi-
 tur. Huic sensus hebetes, tardi & pingues: illi acuti, veloces & expediti. In-
 genium vni eximium, alteri mens tarda. Ille iracundiam saepe exercet, hic
 cohibet: ille iratus, hic propitius & quietus. Ille tristis & mœrens, hic hi-
 laris & lätus. Ille elato & insolenti animo, hic abiecto & demisso. Quum
 tanta morum dissimilitudo & varietas citra occasionem cernatur, vnde
 causa nisi à diuersa corporis natura quæri potest? Morum quaedam semi-
 na nobis inferuntur naturae primordiis consentanea. Sunt autem ea pri-
 mordia, temperamentum & vis illa praestantior quae nos conformauit.
 Calidi & sicci, concitato celeri expeditoque animo & corpore sunt: at
 non idcirco prudentes. Frigidi ac humidi, hebeti atque tardo. At multo
 efficaciores ex abditiore & praestantiore illa facultate mores eduntur, quos
 ex faciei figura & conformatione indicari author est Aristoteles. Inferior
 maxilla magna hebetes ac tardos, brevis ac parua solertes & ingeniosos o-
 stendit. Frons magna segnes, rotunda iracundos. Aures magnae & erectae
 stupidos ac bardos, paruae versutos & fallaces: horū plena est φύσις καὶ μορφή.
 Praeter mores cuique à natura insitos, alij ex victu, alij ex disciplinis acce-
 dunt. Vt enim vinum immoderatus alios in melancholiam, alios in fu-
 rorem agit, & delirio à sensu mentis abstrahit: utque aqua vel lactuca fu-
 rores impetum comprimit ac restinguit, nasturtium aut allium somno
 lentos efficit, hyoscyamus dementat: ita quidem & multo efficacius hu-
 mores qui praeter naturam exuperant, nos in mores suae naturae consenta-
 neos inducunt. His ex causis dissimiles sunt hominum mores, & vnus
 cuiusdemque

eiusdemque adeò plerumque varij, vt à seipso plurimùm distare videatur.
 Hinc quoque phrenitis, furor, melancholia, mœsticia, metus, iracundia,
 morositas aliâq; animi symptomata, præter cōsuetudinē & citra euidentē
 causam irrūpunt. Quāobrem diligēs morum obseruatio morbos sæpe de-
 tegit aliis quibuscumque signis incomprehenso. Ieiunis autē sub longa ine-
 dia maximē conspicui sunt mores, quum humor *syn*cerus & impermixtus
 viget & exultat, nondū alimenti benignitate repressus. His finitima est
 insomniorū ratio. Quum enim per somnū sopitis colligatisq; sensibus, ex-
 ternarū rerum occursum animus haudquaquā pulsetur & occupetur, tū sanē
 10 multò maiorem vim q̃ per vigilias humores animum exercent. Lacescit
 autē per somnum animus tum recōditis reseruatisque spectris eorum quæ
 frequentibus actibus per sensus altius irreperūt, tū aliena corporis cōstitu-
 tione. Nam insomniorū causæ sunt, quæ attētiùs videntur & audiuntur, &
 quæ curæ sunt, & tacita corporis constitutio. Quæcūque igitur insomnia
 15 nequeunt ad præcedentē meditationē referri, ex corporis ea statu originē
 habent, eiùsque sunt indices. Quicquid enim corpus vehemēter in somno
 premit, quandā de se imaginē animo exhibet, & insomniū facit. Famelicis
 epularū, sitientibus portionū species sese dormientibus offerunt: & seminis
 copia turgētibus sæpe obuersantur mulierū formæ. In somnis graue quod-
 20 dam pōdus gestare, aut arctiùs premi videtur, cui corpus humorū sarcina
 onustū est. Et ex altissimo loco in profundū præcipitari, cui caput humore
 multo cōfertum epilepsiam, vertiginē, aut appoplexiā minatur. At volare,
 aut celeriter currere, cui corpus leue ac purum est, aut caput tenui vapore
 perflutum. Sōnium ictus aut vulneris quadam parte accepti, in ea doloris
 25 morbivæ causam inesse portendit: quæadmodum graueolens odor humo-
 rum putredinem, iucundus puritatē. Itaque vt delirij, ita & insomniis cō-
 stitutioni nostræ cōsentaneis animus concutitur. Quæ porrò è corpore
 defluunt & excidunt, quia vel humorū portiones, vel partium excremēta
 quædam sunt, eorum sanē in quibus hæserunt naturam quodammodo re-
 30 tinent, & eam quum foras excidunt nobis ob oculos proponunt. Vomi-
 tio ventriculi, lienis, cautorūque iecoris: alui deiectio horum atque inte-
 stinorum, vrina venarum, sudor corporisq; halitus summarum partium
 index est, non modò quæ constitutio sit, sed & qui humores exuperent si-
 gnificans: quemadmodum narium mucus cerebri: sputum pulmonis est
 35 indicium. Pulsus vt cordis & arteriarū, ita aliarū quoque affectarū partiū
 quæ cordi societate quadam iunguntur notā exhibet. Etenim humorum
 qui tum in vasis, tū in aliis sedibus exuperāt vaporatōne tentatur & affici-
 tur, atq; pro cuiusque humoris cōditione se gerit & pulsat paritèr; arteriæ
 omnes. Harum igitur pulsus dominātis cuiusque humoris certus est nun-
 40 tius, ea quidem ratione quam postea trademus. Rerum autem externa-
 rum vsus quasi tentans & periculum cuiusque naturæ faciens, quæ cor-
 poris humorūque constitutio sit, exprimit. Bona constitutio in om-
 nium extremorum medio posita, quoniam firma existit, omnes externas

E ij iniurias

iniurias peræquē feret, nec nisi summa illarum exuperātia offendetur. Vitiōsa quæ tamen natiua est, & nondum naturæ limites egreditur, omnino similibus gaudet, vt quibus sustinetur atque cōseruatur: similib⁹ verò exuperantiis atque omnibus cōtrariis offenditur, quòd eorum vi de statu suo naturali deiicitur. Quæ autem præter naturā & morbosa iam est, tum omnino similibus, tum etiā exuperantibus læditur, quòd horū vi multò magis de pristino & naturali statu recedat: contrariorum moderato vfu iuuatur, quæ sensim ac blandè in natium statum reducunt. Omnis autem immoderatio & exuperātia grauis. Sic ergo ex facili difficilive cuiusque, tum aëris, tum cibi aut alterius externæ causæ tolerantia, corporis humorū, que constitutio coniicitur.

Quæ signa sint & causæ.

Cap. XII.



AM verò euidentes causæ morborum effectrices magnā quoque signorum vim obtinent: quos enim morbos quāsi que interiores causas genuerint necessariò commonstrāt. Harū aliæ insitæ sunt & cōgenitæ nobis, aliæ ascititiæ. Insitæ sunt temperamentū, & totius natura à parentibus suscepta. Ascititiæ verò, ætas, ambiens aër, victus ratio, vitæ genus in exercitatione & studiis & perturbationibus animi positū, vacuandorum suppressio, & prægressorū morborum cōditio. Euidentes hæ causæ tum sibi cōsentaneos humores, tum morbos qui horū vitio succedunt nobis ingenerāt, qui & illarum animaduersione protinus innotescunt. Insitū corporis totius temperamentum iecoris atq; cordis naturā ferè imitatur. Quū enim musculorum omniūmq; partium quæ ad cutem summāq; corporis accedunt, substātia è iecore alimentum, è corde spiritum caloremq; sumat, atq; ex his quodam modo cōstet, eorum prorsus cōditionem naturāmq; retineat necesse est. Quibus iecur natura calidum est, iis venarū inest amplitudo, eāq; maior si humidum simul sit: at si siccum simul est, durities quædā existit. Quum enim venæ quasi propagines sint è iecore profectæ, illius nimirum insitā temperaturā sequuntur, eāmq; nobis ob sensus expōnunt. Vēter deinde & ilia pilosa sunt, & magis quum etiā siccum id fuerit, minùs verò quum humidum. Cōtrā autem quibus iecur frigidum est, venę angustę apparent, etsi humidū simul est, molles: sin verò siccū, durę: venter & ilia glabra pilisq; nuda. Si cor tēperamento calidum est, pulsus magnus, velox & frequens existit: si pariter siccū est, durus: sin humidū, mollis. Spiratio pulsui quodāmodo similis est, dummodò thoracis cōformatio atq; magnitudo cordi proportionē respondeat. Animus quoque amplius est & excelsus, præfens & acer, audax, iracūdu: quū simul siccum id erit, tardior quidē, sed ferocior nec facilē placabilis: quum humidum, prōptus, placabilis ac minimè ferox. Thorax quoq; hirtus est & magis in sicco, min⁹ in humido. At verò si cor tēperamēto frigidū est, pulsus inest paruus, atq; is quidē mollis si humida tēperies, durus si siccitas comes est. Respiratio pulsui persimilis,

per similes, nisi quum thorax à cordis commodatione recedit. Animus humilis ac demissus, propicius, in iracundiâ minimè propensus: idque cū metu & ignauiâ si pariter humidum est, si siccum, cum pertinacia. Pectus glabrum & pilis nudum, magis in humido, minus in sicco. Sic igitur ex cordis iecorisque signis de totius corporis temperamento iudicium fieri potest. Præterea verò ex calore, ex mole, ex colore & pilo. Corpus enim quodcunque calido est temperamento, tangenti etiam calidum apparet, acri quidem & mordaci calore, si simul siccū est: blando & halituoso si humidum. Pilosum quoque id est, magis quidem quum etiā siccū, minus verò quum humidum. Temperamento proximas vires habet corporis principumque partiū natura à parētibus inducta. Temperamēti notæ interdum fallunt: ac tum si fortè perspectum sit quales erant parentum naturæ, quo maximè tempore genuerunt, conspectius erit prolis temperamentum: neque temperamentum solū, verum etiam omnis illius natura, & quas in se partes validas, quas imbecillas illa obtineat, & quibus cumulandis humoribus, quibus morbis sit opportuna. Nam parentū semina atque etiam prægnantis victus, principum partium totiūque corporis naturam cōstituunt. Causæ porro ascititiæ multo pōst tempore genitis iam nobis hos illosve humores exaggerant: quando quidem ætas, ambiens nos aër, alimentum, vitæ exercitationisque genus, animi pathemata, vacuum dorum suppressio, humores morbosque generant in nobis suæ naturæ finitimos, quorum etiam notæ, hac ratione quam in singulis subiiciam, conspicuæ sunt.

Signa plenitudinis.

Cap. XIII.



PLENITVDO quidem statuenda duplex, vna impura nec exquisita, cuiusque sanguinis redundantia, siue biliosus is sit, siue pituitosus, siue serofus, siue flatulentus, siue aliter inquinatus. Atque hæc veriùs multa est cacoehymia, quam & impuram plenitudinem nuncupamus. Altera est plenitudo pura, quæ solius sanguinis siue omnium succorum æquabilis est redundantia. Nusquam enim tam syncerus sanguis cumulari potest, quin aliorum succorū atque seri permistione sit perfusus. Ea autē excellentiæ nomine plethora dici consuevit. Hæc rursus duplex, vna supra vires, in qua tamen sanguis nec qualitate nec copia symmetriā & cōmodationē excessit, vires tamē quauis alia ex causa imbecillas premit. Altera absoluta quæ iam supra naturæ symmetriā est, & copiosius increfcens naturalis esse desinit. Quæ ipsa aut leuis est, quum mediocritatem paulū excedit, aut ten sua quum iam vasorum tunicas præ copia distendit ac prope diuellit. Hæc licet immodicè exuperet, fieri tamen potest vt vires non premat: nam plerumque (vt in habitu athletico) vires cum sanguine & carnis mole æquabiliter increfcunt. At si vires infirmæ subsistant, supra vires erit plenitudo. Sed & plenitudo omnis impura, supra vires est & naturæ grauis. Omnis autem plenitudinis vasorum hæc cōmunia sunt

E iij signa.

signa. Venarum omnium tumor æquabilis. Hic autem obseruandus est quum omnes simul particulæ eodē sunt statu, nec pars vlla cæteris est deliuior in quam sanguis incumbat. Et quum omnes æquabili & moderato sunt calore, & sanguis nec frigoris vi in altum refugit, nec immodico calore siue aëris, siue balnei, siue vini, siue exercitationis, siue febris, siue vltius causæ calfacientis cōcitatus aut turgescēs, aut quasi colliquatus venas distendit in tumorem. Alterū signum est, tensio venarū cum quodā sensu doloris, quæ non solius plenitudinis, sed exuperantis plenitudinis est index. Hæc est tensiua lassitudo spontanea, in qua & corpus & artus omnes ægrius præ pondere mouentur, vixque manus in pugnū adducitur. Si corporis moles iam plenior euaserit, & brachia, manus, tibiæ inturgescant, non solum venarum, sed totius est corporis plenitudo. Pulsus etiam fortis, validus, magnus, & plenus inest. Venæ siquidem pleniores anastomosi copię nonnihil in arterias transfundunt, nisi supra modum crassi viscosique humores existant. Plenæ autem arteriæ pulsum edunt qualem diximus, non in carpo solo, verumetiam in tēporibus, in digitis, & in extremis quibusque partibus molesta pulsatione conspicuum. Respiratio nec alta nec omnino libera: etenim difficilior & crebrior (præsertim verò in exercitatione) deprehēditur. Cōmunia hæc sunt plenitudinis signa. Evidentiū porro causarum quæ plenitudinem ingenerant obseruatio demonstratiuorum signorum vim obtinet. Cibus plenior valentisquæ materiæ, plenitudinis est pabulum. Insuetarum balnearum moderatus vsus à cibo hūc quasi fusum liquatūque celeriter allicit distribuitque in corpus. Consuetæ exercitatio neglecta, vitæ defes & ociosa nihil è corpore dissipat, omnia retinet: quæ admodum & cutis densior. Multò manifestiūs consuetæ omnis vacuatio suppressa, plenitudini materiam suggerit. Hæc igitur quum iam diu antecesserint, multò certius plenitudinem inesse demonstrant. At verò quæ plenitudinis species sit, non ex illis communibus, sed ex propriis cuiusque signis internoscendum. Quum in plethora corpus nihilo magis ingrauescit & vires omnes æquales persistūt, sola est vasorum plenitudo. At si corpus artusque ingrauescunt, & motus pigrior euadit, somnus grauis, profundus & interturbatus: & laborans per insomnia se grauiter premi aut onus gestare, aut loco moueri non posse putat, virium est plenitudo. Cuius autem humoris hæc sit, quū in omne corpus æquabiliter diffunditur, color ostendet. Rubēs enim nec ex solē, nec ex balneo, nec exercitatione, nec ex acuta febre, nec ex iracundia aut pudore contracta, sanguinis est, subpallida flauæ bilis, alba pituitæ, nigra bilis atræ. Cerebrum bilis occupans vigilias, pituita soporē, atra bilis insomnia terrorēque incutiet. Si os ventriculi, pituita appetentiam excitabit, bilis flaua sitim, nauscam, oris amarorem: atra animi demissionem, morositatem, tristitiam, copiosam oris fa-
liuam. Quoniam autem hæc non satis conspicuè dominantis humoris speciem ob oculos proponūt, de vniuscuiusque propriis signis accuratius dicendum.

Signa

Signa boni sanguinis, & signa veræ plethoræ. Cap. XIII.

GIGNENDO cumulandóque sanguini apti quidem & accómmodati sunt, qui siue ab ortu, siue postea iecoris cordisq; temperiem sunt adepti. Etenim quum iecur in téperamenti mediocritate est, nisi cordis vehementior intemperies obstiterit, humorú mediocritatē & cómoderationem gignet, quæ bonus est & téperatus sanguis. Huic etiam gignēdo apti sunt, quibus iecoris cordisq; temperatura cómemoratis signis calida humidáque deprehēditur. Quinetiam ex ætatibus pueritia quidem & pubertas bonum temperatúmque sanguinem: a
 5 dolescentia & iuuentus copiosum, sed aliquatúm calidiorem producant. In externis porrò & euidentibus causis sunt cibi euchymi benéque temperati, quique facillè ac celeriter alunt: sanguini quippe & humoribus sui similem materiam subministrant. Moderata autem tempestiuáque exercitatio sine labore, somnus mediocris, vita curarú expers, gaudiorum plena,
 10 aëris clementia, qualis Vere & regione temperata existit, sanguinis humorúmque omniú mediocritatem si non efficiunt, saltē tuentur nihilque immutant. Quum igitur eiusmodi causæ quasi cónexæ consentiunt, *ὁμοίαι*, id est bonitatē sanguinis & omniú humorum quandam faciunt æquabilitatem: quum verò cogitatione sola & memoria repetūtur, dominātis sanguinis indices sunt notæ. Signa autem assidentia quæ sanguinem in corpore syncerum contineri dominarique demonstrant, hæc sunt. Faciei corporisque color supra consuetudinem rubicundus, & quasi ex albo rubroque mistus. Habitus carnosus, firmus, sine multo adipe: miti, blando & halituoso calore perfusus. Venarum vasorúque omnium symmetria, sed
 25 ab exercitatione vel ab æstu promptè turgens plenitudo. Pulsus fortis, magnus, & plenus: viriú robur cum sanguine & habitu proportionē quadam pariter increscēs. Vrina copiosa, colore, substátia, cōtentisq; mediocris. Animi mores tràquilli, hilares & iucúdi. Sónus placidus, in quo & res insomniis visuntur iucunditatis & lætitię plenæ, quasi floribus aut luce illostres.
 30 Externarú causarum atq; etiã iniuriarú facilis tolerátia. Iã verò *πολυμία*, id est sanguinis vbertas veráque plethora inesse credatur, si in ea corporis cōstitutione venæ & arterię intumescūt aliæq; comitátur plenitudinis notæ. Si euchymi cibi maximéq; vini vbertas & affluētia præcessit: nã potu q̃ cibo impleri facilius est. Vt autē vinū, ita & humida liquidáq; omnia celerius q̃
 35 solida coquūtur, atq; tū in venas tū in omne distribuūtur corpus. Hæc igitur plenitudinē faciunt si tépestiuè cōuenientiáq; reliquarú causarú cōcursione accedāt. Si præterea sanguinis è naribus, ex hæmorrhoidē, aut ex vetero cōsuetā vacuatio suppressa est. Si laborās morbis ex plenitudine iam sæpius cōflictari cōsuevit. Atque si plethora carnē ipsam corporisq; molem
 40 iã occupet, cæcæ exilésq; venę, quales oculorú sunt, rubēt atq; distendūtur, arteriæ omnes validè pulsant, maximè verò in capite & in téporibus, sudor copiosus, dulcis, nec graueolēs occasione leuissima suauiter emanat. Quo autē plenitudinis signa grauiora obtigerūt, eò plenitudo maior est atq; periculosior.

E iiij

Signa

Signa bilis flauæ exuperantis.

Cap. XV.



VI iecoris cordisque calido & sicco temperamēto sunt, bilis flauæ copiam vel ex optimis & bene temperatis alimentis exaggerāt, maximè verò si iuuentutem ipsamque constantem ætatem agunt, quæ & omnium feruentissima est, & biliosis morbis facillè conflictatur. Deinde si alimenta calida siccaque antecesserint, inedia aut victus admodum tenuis, parcus & rarus. Exercitatio vehemens, robusta, multa & frequēs: æstus feruidiorisque aëris, siue à regione, siue ab æstate, siue ab æstuariis, siue à calfaciente vitæ sit genere, frequēs occurratio: vigiliæ immoderate: curæ graues, attentæ cogitationes & mœrores: suppressa bilis vacuatio spontanea aut intermissa, quæ medicamentis fieri consueuerat, per vomitum, per aluum, per vrinas aut sudores. Cui isthæc omnia obrigerint, is necessariò bile multa redūdat. Quum autem ea iam molestius inualesceret, signa hæc apparebūt. Faciei, oculorum, totiúsque corporis color pallidus, flauus aut citrinus, ad eum accedens qui ictericorum est. Interdum biliosæ pustulæ erysipelatis specie erumpentes. Corporis habitus siccus, macer & gracilis, & qui tangentem acri mordacique calore feriat: venæ & arteriæ amplæ, & à prima conformatione caloris vi distentæ: pulsus vehemens, velox, frequens & durus: vrina flaua, flammea, & acris, sedimenti pauci: interdum vomitione, deiectione, vrinis aut sudoribus ardens & biliosa excretio: in iracundiam, in audaciam & vindictam propensio: somnus leuis nec profundus, magna corporis iactatione inquietus: insomnia belli, furoris, iracundiæ splendorisque plena: frigidorum appetentia eorumque vsus gratus & delectabilis: bilis purgatio vtilis toleratūq; facilis. Hæc exuperantis bilis communia sunt indicia. Atque ex partium in quas illa proruit impetūque facit varietate, symptomata euariant. Siquidem illa in cerebrum insiliente, vigiliæ fiunt, deliria rixarum & iracundiæ plena: in os ventriculi, sitis, nausea, inappetentia, oris amaror, animi defectio: in intestina diarrhœa & dysenteria.

Melancholiæ dominantis indicia.

Cap. XVI.



VMVLANDÆ melancholiæ apti sunt quicumque iecur & cor frigidum siccūque, sinistrum verò hypochondrium distētum, in eoque obstructum imbecillūve lienem, aut natura, aut viuendi consuetudine obtinent. His crassi lentique humores ac prorsus terreni succrescunt, aliàs in vnū lienem, aliàs in omne corpus effusi. Ætas iam inclinans primæque senectus represso vitæ feruore in hanc prona est. Vitæ vsusque frequens crassorum ac terrenorum alimentorum, cuiusmodi sunt bubulæ, ceruinæ, caprinæ, ac leporinæ carnes, & thumni, balenæ omniæque ceraceorum genera, & maximè condita sale, atque etiam vina crassa, rubra, aut nigra. Vitæ conditio tristis, multis curis, negotiis, contemplationibus,

tionib⁹ aut literarum studiis implicita, nulla interposita animi hilaritate, aut corporis exercitatione: sub hac enim natiuus calor elanguescit, & omnia torpore sopita crassescunt. Autumnus, aut regio, aut cœli tempestas frigida & sicca, inconstans & inæqualis. Cōsuetā melancholiæ vacuatio sup-
 5 pressa, siue ea spontanea esset, vt per hæmorrhoidas, per menstrua, per aluum aut vomitionem, aut per varices aut scabiem: siue medicamentis fieri solita. His igitur ex causis melancholia coaceruatur & immoderatiùs exuperat, tùmque naturæ suæ morbos cognatos inuehit. Quum iā illa exuperat, hæc signa se proferunt. Faciei totiùsque corporis color fuscus, obscu-
 10 rus aut nigricās, interdum vniuersus & æquabilis, interdum maculis quibusdam inustus. Nigra plerumque & crustis fœda scabies, aut cutis nigra vitiligine conspersa. Corporis habitus siccus & macilentus, aspectus incōstans, horridus, ac mœstus. Pulsus paruus, tardus, rarus & subdurus. Vrina si nihil vnā excidit melancholiæ, tenuis & alba, sin verò illius quiddā præ-
 15 terfluat, crassa, liuida, virescens aut nigra. Præ copia spontè erumpens melancholia vomitione, deiectione, vrinis, sudoribus, mariscis aut varicibus. In morbis animi metus & mœstitia, taciturnitas, solitudo, inanis rerum commentatio, somnus turbulentus, horrendis insomniis fluctuans & ag-
 20 gitatus spectris rerum nigrarum, fumorum, mortis, cadauerum, sepulchrorum, quæ plena sunt terroris. Appetentia sæpe corrupta, interdum canina cum acido ructu. Medicamenta quibus vis est atrā bilem detrahendi conferunt laborantēque leuant: omnisque victus probum tenuēque succum proferens iuuat, contrariùs verò lædit. Hæc igitur quoties adsunt melancholiam exuperare demonstrant, quæ si in hanc illāmve partem in-
 25 siliat, propria quædam partis illius symptomata concitat. At verò atrā bilis quæ ex præassatis quibuscunque humoribus, maximè verò ex flaua gigni solet, non hæc, sed mista quodāmodo sunt signa. Huius causæ eadem atque bilis flauæ sunt, sed quæ magnæ ac vehementes diu multūque persistunt, & bilem flauam extra metas deducunt in atram. Reliqua quæ nar-
 30 rantur melancholiæ signa hîc etiā apparent quidem, sed cum quadam caloris efferuescentia. Omnia quippe ex mediocritate in ardorem summum deurgunt, quòd ex atra quàm ex flaua bile calor acrior emergat. Hinc & animi mores & insomnia magno furore magnaque feritate insurgunt.

35 Signa pituitæ dominantis.

Cap. XVII.



40 **P**ITUITAM coaceruare solet, cui cor, iecur, & ventriculus frigido humidoque temperamento sunt, atque iis consentiens totius corporis constitutio. Nempe habitus obæstior, colore albicans aut liuescens, venæ & arteriæ exiles & angustæ: siue ab ortu siue postea tales euaserint. Ætas proprie quidem senescens & præcipitata, ob natiui caloris penuriam: & ob voracitatem puerorum ætas. Frigidorum, humidorumque alimentorum immoderatus vsus, & liberalior aquæ potus. Victus plenior &

& liberalior, largiorque potus, intempestiue necdum priore cōfecto sumptus: omnis denique satietas & ingluuius. Vita sedentaria & in otio deses, locis præsertim aquosis & humidis. Aëris conditio frigida & humida, siue ex regione, siue ex hyeme, siue ex cœli statu, & artis quam quis exercet consuetudine. Somnus longus ac profundus, præsertim à cibo: itémque balneum à cibo, vita sine curis, sine studiis, aut mœrore. Pituita per os aut per aluum vacuatio suppressa, quæ diu siue sponte, siue arte consuetata fuerat. Hæc sanè pituitam congerunt, cuius deinde hæc in corpore signa apparent. Faciei corporisque color albicans, interdum plumbeus aut liuidus. Moles ampla & obæsa, mollis & contactu frigida. Pulsus parvus, tardus, rarus & mollis. Vrina alba vel pallida, nunc tenuis, nunc crassa & turbida cum multo sedimēto. Pituita vomitione aut deiectione spontanea erumpens, corpusque madore sæpe diffluens. Pituitosorum morborum ut œdematis, & destillationis atque similium consuetudo & frequentia. Animi mores omnesque corporis motus tardi cum grauitate & segnitie, sensus obtusi, mens hebes, somnus profundus atque grauis, aquarum, pluuiæ, niuis, aut submersionis plena insomnia. Cibi potusque calidi, omnisque causæ calfacientis occursum iucundus & utilis. Pituitæ vacuatio quæcunque, vel arte vel sponte obtigerit, conducibilis. Hæc signa existunt, quoties pituita toto corpore æquabiliter dominatur & exuperat. Cæterum si vel in capite duntaxat, vel in ventriculo, vel in intestinis colligitur (his enim tribus maximè locis superuacanea illa coaceruari solet) affectus partis propria symptomata illam detegent. Salsæ porro pituitæ non hæc, sed mista quodammodo signa sunt. Quum enim vel bilis permissio-
ne, vel inducta putredine calorem præter naturam acquirit, ut mistas bilis & pituitæ causas, ita & illarum mista quodammodo signa obtinet. Eadem sapore, pruritu, & fœda scabie plerumque deprehenditur.

Signa aquosi humoris abundantis.

Cap. XVIII.



IN VES serososque humores congerunt, quibus ventriculus frigidus, lien verò aut iecur obstructum scirrhumque est. Qui cibis humidis potusque liberaliori indulgent, ætate potissimum senili. Qui in otio vitam agunt, hyeme, regione humida, similisque cœli statu. Quibus vrina pauca, nec potui respondens profluit, & sudor nullus emanat: & lienteria aut spontanea vacationis aquosa consuetudo delata. Aquoso autem humore in omne iam corpus effuso, facies, manus, reliquumque corpus subtumidum cernitur, non viuido, sed pallido & obscuro colore, corporis habitus plerumque œdematosus, in quo prementis vestigium manet, quemadmodum in cachexia & in leucophlegmatia. Abdomen interdum mole tumescit, sub quo fluctuantis aquæ sonus obauditur. Vrina cruda & aquosa, ac sæpe ut in diabete multa, alui deiectio liquida

liquida & mollis, cutis madida : expuitio multa, simplex, sine tussi, è ventriculo plerumque redundans . Pulsus, animi mores, somnus, insomnia, omnia quidem iis similia quæ in pituitæ dominio.

Signa flatus.

Cap. XIX.



10 **L**ATVS copiosos exuscitant ventriculus frigidus & humidus, omnisque caloris imbecillitas, siue ex simplici intemperie, siue ex humorum vicio contracta. Lien melancholia turgens & obstructus, ventriculi concoctionem cõtatione offendens. Flatulenti cibi, vt fructus crudi, castaneæ, fabæ, tubera: potus immoderatus, nimiaque ventriculi è liquidis cibis fluctuatio, crapula & ingluuies. Otiũ, somnus multus, ætas, regio, cœlique constitutio frigida . Quum autem ab his causis
15 flatus multus in corpore congestus est, ventriculus & colon intestinum, sinistro præsertim hypochondrio, distenduntur & rugiunt quasi ventis agitentur. Est enim colon præcipua flatuum sedes, quorum vi id nonnullis amplissimè dilatur. Tensui dolores in omne corpus euagantur vagique transcurrunt. Frequens ructu crepitũque auditur flatuum eruptio, cui
20 mox leuamen succedit : frequens & aurium tinnitus & partium corporis palpitatio . Magna procliuitas in colicum dolorem, in aliõsque ex flatu morbos. Insomnia rei celeriter currentis aut volantis, interdum etiam tonitruui & tẽpestatis. Signa hæc sunt omnia ex quibus corporis cuiusque constitutio innouescit, & materia quæ in eo dominatur & redundat . Ea
25 tota est antecedens morborum causa, à qua & proxima cõtinentesque illorum materia fouetur incrementũque sumit. His ita mihi absoluenda videbatur generalis demõstratiuorum signorum tractatio.

30 **LIBRI SECVNDI DE SYMPTOMATIS & Signis, Finis.**

De Pulsibus & Vrinis,

LIBER TERTIVS.

Quid pulsus, quótque eius differentia.

Cap. I.



ON paruum demonstrandum morborum vim obtinent pulsus & vrina: ille siquidem cordis & arteriarum, hæc iecoris venarumque constitutionem renunciat, quorum administratione corpus vniuersum gubernatur. Pulsus primum & maxime vitalis facultatis totiúsque corporis robur, at nõ obscure tamẽ cordis corporisq; conditionẽ refert. Vrina certò & manifeste iecoris humorumq; statum, & morbos ex his genitos repræsentat, at obscurius virium corporisq; robur. De his igitur vt

certis signis seorsum quãtũ artis vsus exposcit tradendũ. Pulsus est cordis arteriarumque motus natiui caloris moderator, ex diastole systolęque constans. Diastole, id est distractio, est qua arteria sese quoquouersum diffundit dilataturque, vt aëre tenuique sanguine tracto insitum calorem temperet ac spiritui pabulum subministret. Systole, id est contractio, est qua in se ipsa vndique confidet seque summittit, vt spiritus fuliginem exustione comparatam expellat. Inter hos motus, quòd omnino contrarij sint, necesse est media quies intercedat, eaque gemina: vna supera quæ diastolen, altera infera quæ systolen terminet. Pulsuum differentia aliæ statuuntur à diastole, aliæ à quiete, aliæ ab ordine. A diastole quinque, à quantitate, à vehementia, à tempore, ab arteriæ qualitate, & ab arteriæ perfusione. Quantitas longum, latum, & altum comprehendit: estque pulsus longus, quo in longum excurrit arteria, vt latus quo in latum, & altus quo in altum: horum omnium concursu fit magnus, quo arteria se quoquouersum pandit. His contrarij pulsus sunt, brevis, angustus, humilis, & qui horum trium concursione paruus euadit. Qui in extremorum medio confedit moderatus appellatur. Omnes igitur hoc quantitatis genere pulsus erunt, longus brevis, moderatus, & latus, angustus, moderatus, altus, humilis, moderatus. A distractionis vehementia sunt pulsus validus seu vehemens, qui validè ac firmè tactum ferit: imbecillus seu languidus, qui contrà: & moderatus. A tempore pulsus celer, qui breui tempore arteriam distendit, tardus qui longo, moderatus qui mediocri. Ab arteriæ qualitate, mollis quum tenera laxaque arteriæ tunica, durus quum durior rigidiórque est: & moderatus. Ab arteriæ perfusione, pulsus plenus quo arteria in diastole non modò ampla & turgida, sed humoris perfusione plena occurrit: vacuus quo non humore, sed quasi flatu turgere tactu deprehenditur, prementibusque digitis nihil firmum solidumve subsistit: mediocris horum est medius. Sexta pulsuum

pulsuum differentia est à quiete seu ab ictuum interuallo. Hinc fiunt pul-
 sus creber seu frequēs, qui sæpe & breui quietis interuallo arteriam disten-
 dit tactumque ferit: rarus qui ex longioribus interuallis. Septima differen-
 tia est ab ordine: hic quum sui semper similis est, æqualis appellatur. Est
 5 porro genere duplex, in omnibus aut certè multis pulsationibus æqualis,
 sui semper vbique similis, sibi que perpetuò constans, & in cuius pulsibus
 singulis similitudo & æqualitas omnino spectatur in magnitudine, in ce-
 leritate cæterisque differentiis. Æqualis in vno pulsu, cuius initium & fi-
 nis omnesque arteriæ partes æquabiliter procedunt. Inæqualis in multi-
 tudine, est quum multi pulsus comparati inæquales sunt & dissimiles, aut
 10 magnitudine, aut celeritate, aut vehementia, aut alio quodā modo: & qui
 modis omnibus talis existit, is absolute inæqualis appellatur. Rursus inæ-
 qualis bipartitus est, inæqualis æqualiter, & inæqualis inæqualiter. Æqua-
 liter inæqualis, est qui inæqualitatis æquā parēque mutationem retinet:
 15 vt quū primo pulsu secundus paulò minor est, & tertius secundo, & quar-
 tus tertio ad plures vsque deinceps. Atque is est qui Græcè *μύουρος*, Latine
 sensim imminutus & gracilescens appellatur. Hic si sensim ita minui per-
 seueret dum ad quietem prorsus recidat, myurus deficiens est. Horum alij
 in ea paruitate vel quiete persistunt, alij resurgunt & ad pristinam magni-
 tudinem, aut parem, aut minorem reuertuntur: hi sunt myuri reciproci.
 20 Inæqualiter inæqualis nullam inæqualitatis similitudinem retinet. Hic si
 aliquando desinat, propriè inæqualis deficiens dici consuevit. Et si duo-
 rum, trium, vel plurium pulsuum ictibus prætermisiss iterum arteria agita-
 ri incipiat, deficiēs reciprocus vocatur. Huic finitimus est inæqualis inter-
 mittēs, cuius est quies interdum longissima, isque circuitibus admodū ra-
 25 rus euadit. Inæqualis porro vno pulsu duplex est, aut enim in vna eadēq;
 arteriæ parte, aut in diuersis fit. Pulsus eadē arteriæ parte inæqualis triplex:
 nā arteriæ motus licet cōtinuus, par tamen plerūque non est initio, medio
 atque fine: interdum quiete interpellatur & intercidit, interdum recurrit
 30 ac bis ferit. Impar est motus initio atque fine, aliàs in vehementia, aliàs in
 magnitudine, aliàs in celeritate, aliisque modis quos omnes numerare vix
 liceat. Intercidens pulsus seu intercifus est cuius distentio continuitate de-
 stituta, media quiete interruptitur: hīcque quanquam bis ferit, non ta-
 35 mentior sit primò, caprizans tum appellatur. Dicrotus id est recurrens aut
 bis feriens, qui simulatque omnem distentionem effecit, se paululum sub-
 ducit ac mox pulsatur iterum, tanquam malleus ab incude resiliens: estque
 ab intercifo planè diuersus. Est & quum non semel tantum, sed bis aut sæ-
 pius arteriæ pulsus reuertitur. Pulsus diuersis partibus inæqualis, est quum
 40 multis digitis arteriam contingentibus non similis sentitur occurfatio. Ac
 primū interruptus primo & tertio digito, vel secundo & quarto, nō au-
 tem aliis sentitur. Inæqualis magnitudine, vehementia, duritie, plenitudi-
 ne, quū omnibus digitis æquè tangentibus, aut magnitudo, aut vehemen-
 tia,

*frequens
ab ordine*

ὁμαλός.

*ἀνάμει-
λτος.*

μύουρος.

*πελινθε-
μοῦντες
μύουροι.*

*ἐκλείπων
ἀεκλείπων*

διαικώπων

*δερικώ-
πων.*

ἡλονώδης

ἐμπρεῖωρ
ἢ ἐμπρεῖ-
σις.

πυρρὸς
δύς.

κυματώ-
δύς.

σπικη-
ζωρ.

μυρμηκί-
ζωρ.

πταγμέ-
νός τε καὶ
ἀτακτός.

tia, aut durities, aut plenitudo non similis apparet. Hic si pariter durus ex-
istit, ferratus appellatur. Est & inæqualis in situ partium arteriæ, quæ eius
pars vna dextrorsum, altera sinistrorsum, vna sursum altera deorsum infle-
ctitur. Id autem si admodum manifestè & perspicuè fiat, magnâque sit ar-
teriæ diastole, pulsus vibratus appellatur, in quo crebra & inæqualis est,
quasi in iaculis quæ impetu celeri vibrantur, concussio. Sin verò id obscu-
rius fiat, appareatque arteria tensa & vtrinque retracta, conuulsius is est.
Vndosus pulsus, quum arteria primum digitum plenius validiusque ferit,
deinde secundum exilius & mitius, tertium plenius & validius, quartum de-
nuo exilius & mitius: non hic quidem interruptus, sed inæqualis vt vnda-
rum æstus. Vermiculans pulsus vermium gressui similis, vndoso finitimus,
à quo non inæqualitatis specie, sed magnitudine solum ac robore diffidet.
Formicans his succedit mirè paruus, languidissimus, creberrimus & inæ-
qualis, à vermiculante tantum deficiens quantum hic ab vndoso. Pulsus
omnis inæqualis bipartitur: alius quippe ordinatus, inordinatus alius. In-
æqualis ordinatus, est in quo inæqualitatis ordo retinetur: vt quum pul-
sus quatuor inæquales quodammodo sunt, omnesque quaterni similem ha-
bent inæqualitatis proportionem. Inæqualis inordinatus, est in cuius in-
æqualitate nulla similitudo, nullus circuituum ordo statui potest.

Qua ratione pulsus obseruandi internoscendique sint. Cap. II.



Obseruantis manus temperata sit, mollis, minimèque cal-
losa & eximij sensus. Digiti tres aut quatuor supernè tantum
carpi arteriam (quæ mediocris quum sit & obuia, obserua-
tionibus accommodatissima existit) contrectent. Laboran-
tis manus quæ tægitur, nec sublata sit, nec depressa, nec ex-
tenta, nec vinculo, aut decubitu constricta, nec prona in
volam, nec resupina: sed molli naturalique situ æquabiliter reclinetur in
latus imum, quod minimo digito clauditur. In carpo si directò ad maxi-
mum digitum obscurus est pulsus, alio quouis loco atque etiam in altero
carpo peruestigandus, quod multis ex causis euariet, ac plerumque vel ex
vulnere, vel ex contusione, vel ex obstructione alter oblitescat. Qui vehe-
mens est, non nisi pressa arteria digitisque validè infixis dignoscitur, hoc à
magno & à pleno diffidens, quod suo robore reniti tactumque repellere
deprehenditur. Non tamen hic adeò premendus, vt vi applicatæ manus
arteriæ superetur robur. Languidus pulsus conspectior est in manu prona
atque decliui, attingique debet molliter, & quasi suspensis digitis: nam si ar-
ctius prematur, licet languidus hic pariter quoque magnus sit, vt in lethargo, aut
nullus omnino, aut immotus videbitur, omnemque sensum effugiet. Sy-
stole in vehementi, in magno & duro pulsu aliquatim deprehenditur, in
languido nunquam: in vehementissimo maximo atque duro, aut saltem in
eo qui mollis non sit conspicua & aperta. Sætitur non mediocriter, sed validè
pressa

pressa arteria. Quies externa mediocri tactu citra vim vllā, interior nō nisi digitorum impulsu pressūque animaduertitur. Ad horum autem perfectam cognitionem qui sese componere & accommodare volet, primū se exerceat in systole & interna quiete cordis, quū id vehementissimē maximēque pulsāt. Pectoris enim contactu conspicuæ sunt, quarum imitatione illas quoque in arteriis ediscet. Reliquæ pulsuum differentiæ tactus quadam mediocritate animaduerti debent.

Generales pulsuum causæ.

Cap. III.

10



15

PULSIVM tres omnino statuuntur causæ, efficiens, impellens, & instrumentum. Primaria efficiensque pulsus causa est, facultas illa mouens è corde profecta: instrumenta sunt arteriæ, quæ facultatis impetum sequuntur eique obtemperant: causa facultatem incitans ac impellens vsus est atque mouendi necessitas. Hæc vna omnium est causarū prima & validissima, à qua & mouendi initium existit. Omnis autem necessitas ex affectione quadam præter naturam proficiscitur, quæ quū cordi infensa molestaque est eam protinus excutere contendit. Triplex est eiusmodi affectio, aut enim caloris spiritūsque est penuria, quem cor pulsū refarcire conatur: aut intemperies frigida calidave, siue simplex, siue à febre, siue à phlegmone, quā refrigerare postulat: aut aliena substantia, cuius expulsionem molitur, ut quum fuligo, vapor, humorve aliena vitiosaque qualitate cor ferit, aut id mole copiāque premit. Et hæc quidem interiores causas sunt: externæ verò immoderati omnes corporis motus animiq; perturbationes: ut ira, excandescētia, metus atque mœstitia. Ab his ergo causis necessitate quadā stimulatāque cordis facultas, efficit ut per diastolen novus aër extrinsecus hauriatur, qui insito calori refrigerium vitalique spiritui pabulum suppeditet: per systolen verò exusta spirituum fuligo, & quicquid denique præter naturam est, tum cordi, tum arteriis infensum expurgetur. Itaque vsus atque necessitas cordis facultatem ad pulsandum impellit: incitata facultas instrumenta arteriāsque movet: hæc verò illius cedunt robori. Semper autem pro necessitatis conditione pulsus edentur, modò facultatis subsit robur, & obsequantur arteriæ. Duo enim hæc, vitale robur & arteriarum constitutio, necessitatis sæpe significationes obscurant. Etenim amplæ arteriæ pulsū ferè magnum edunt, qui & talis deprehenditur si non altè in profundum illæ demersæ sunt. Exiles verò angustæque arteriæ quales insunt pinguibus & crassis, nequeunt pulsū proferre magnum. Quinetiam vitale robur si vegetum est, pulsus natura magnus ac validus existit: si imbecillum, parvus ac languidus. His ex causis quibusdam vel in extremo senio validus magnusque pulsus apparet, quibusdam vel ætate virentibus obscurissimus ac propè nullus. Vitalis roboris causa non facillè perspicitur: vna proinde

F ij observatio,

obseruatio, quæ magnum habet in singulis momentū, pulsuum ac naturæ locupletem cognitionem dabit. Quum igitur omnium causarū concursione mediocritas quædam obtingit, pulsus moderatus existit. Quū verò à mediocritate disceditur, pulsus immutatur, & de medio quoque decedit.

Quàm varij sint pulsus naturales, & quibus ex causis per sanitatem & citra morbum immutentur. Cap. IIII.



IS ita constitutis primū quidem in pulsus moderati cognitionem penitus incumbendum, in eūque animus designendus, qui cæterorum lex sit atque mēsurā. Moderatus autem appellatur qui nec magnus est aut paruus, nec celer aut tardus, nec creber aut rarus, nec vehemens aut languidus, nec durus aut mollis, nec inæqualis, nec alio quouā modo nimius. Is est cuius comparatione cæteros omnes magnos aut paruos, celeres aut tardos, aut alio quouis exuperatiæ nomine insigniuerunt. Hic non nisi in optima corporis natura animaduertitur, quæ & temperatissima est & cōstitutione prorsus media ac verè quadrata. At verò intemperatis naturis etiam dum sanæ sunt, pulsus ab hoc diuersi existunt. Natura quippe calidi celerem, crebrum, magnum & aliquantū vehementem pulsū edunt. His enim refrigerij & expurgandæ fuliginis magna necessitas adest, nec deest virium robur: frigidi contrā. Graciles magnum, quia facile nullōque impedimento distenditur arteria, sed rarus & aliquantū vehementem. Hinc viris quàm mulieribus pulsus longè maior & vehementior, sed paulò tardior atque rarior inest. In ætatibus infantis puerique pulsus celerrimus & creberrimus, quòd caloris exuperantia per diastolen refrigerari, & fuliginis copia per systolen expurgari postulet. Senis contrā rarus ac tardus. Reliquarū ætatum pulsus inter hos ambigūt. Iuuenis pulsus maximus, quòd calor sit acer amplāq; arteria: senis minimus: pueri medi-
dius: huic quidem necessitas inest, sed angusta arteria. Iuuenis pulsus vehementissimus, quia facultas validissima: senis languidissimus: pueri medi-
dius. Ex his quidem coniici potest, qualem vniuscuiuslibet laborantis naturalē pulsū esse oporteat. Hunc porrò vel integra valetudine cœli status & corporis motus animique perturbationes immutant. In anni temporibus, Vere medio pulsus maximi sunt & vehemētissimi, quòd in summa illa temperie facultas sit robustissima: at celeritate & crebritate moderati, quia in temperie pulsandi vsus moderatus est. Tales apparent autūno medio. Æstate media celeres atque crebri: vsus etenim necessitasq; crescit: at parui sunt & languidi, quia languescit facultas. Hyeme quoniam vsus remittitur, tardi atque rari & quàm æstate minores, sed tamē vehementiores. E regionibus & cœli constitutionibus quæcunque vehementer calida fuerit & æstuosa, æstati mediæ: quæ verò frigida, hyemi: quæ tēperata Veri simillima

simillima putetur. Exercitatio moderata quidem pulsus vehemētes efficit, quandoquidem facultas contentione excitatur: magnos quoque, celeres & crebros, quòd caloris incremento vsus pariter increseat. Contrarij apparent in otio & torpore. Immodica exercitatio quòd iam supra vires sit, pulsus paruos & languidos efficit, sed ex vsu celeres & crebros: at quum ad virium resolutionem & defectum peruētum erit, tardos atque raros. Eadem ratio balnearum calidarum, frigidarum verò similis atque otij & torporis. Cibi vinique vsus plenior, pulsus edit magnos, vehemētes, celeres & crebros, sed vini quàm cibi celerior mutatio, quæ tamen ocylus vanescit. At
 10 multò immoderatio vini vsus, pulsus inæquales & inordinatos concitat. Dormiētium parui sunt, languidi, tardi, atque rari: eorum verò qui expergiscuntur, è vestigio quidem magni sunt, vehemētes, celeres & crebri cum quadam vibratione, sed qui in mediocritatem mox redeunt. Iratorū pulsus magnus, altiusque, vehemēs, celer & creber: tristium, paruus, languidus,
 15 tardus & rarus: timentium, vehemens, celer, vibratus, inordinatus & inæqualis. Sic igitur quotidianæ corporis affectiones pulsus immutant, sine quarum animaduersione non certò possit pulsus percipi, nec quātum per morbos à naturali distet. Itaque pulsus naturalis obseruandus est, neque mox ab exercitatione, à balneis, à cibo immodico, à vino, aut ab aliis causis calfacientibus: neque ilico ab ira vel timore, vel ab aliis causis cor & spi-
 20 ritus agitantibus: de pulsu nihil quicquam statuendum antequàm externarum causarum vis deferbuerit, omnisque sedata sit corporis perturbatio. Hi pulsus nō omnes quidem mediocres existunt, sed naturæ tamen limitibus cōtinentur. Deinceps verò qui contra naturā sint, & quam in mor-
 25 bis significationem habeant, tradendum.

Quæ sunt pulsuum præter naturam causæ.

Cap. V.



30 **C**OR dum secundum naturam habet, moderato pulsū insitum sibi calorem spiritusque mediocritatem tuetur: at præter naturam affectum diuerso pulsū quicquid molestum infensumque est excutere, aut etiam quicquid deest instaurare contendit. In eo autem primū quid diastole, deinde quid systole demonstret significetque tradā. Quū vsu & necessitate cor laceffit, stimulatū id, primū quidem pulsū edit
 35 crebrum, idque siue valida, siue imbecilla sit facultas, creber enim omniū primus est, quia facillimus. Si necessitati non satisfaciatur crebritas, huic etiā celeritas accedet: atque etiā si ne duo quidem illa satis sint, addetur & magnitudo, modò non imbecilla sit facultas: tum quippe totis hæc opitulatur viribus. Quòd si pariter valida est, pulsū edit robustum seu vehementem, eūque plenum si spiritus vbertas inest. Ita quippe artis vsu & exercitatione obseruamus, per febres omnes frequentē necnō celerem pulsū edi, at non perpetuò magnum: quandoquidem si vires languent, cum crebro paruus quoque ac languidus existit. Rursum & quibus sine febre im-
 40 becilla,

F iij

becillæ, vt in animi defectione, sunt vires, & quibus hæ copia vel impuritate premūtur, vt in leucophlegmatia, pulsus frequens ac celer (non enim ex frequentia perpetuò febris iudicāda) at nō ilico magnus deprehenditur, sed verè paruus ac languidus. Quocirca prima pulsus mutatio non in magnitudinem, sed in crebritatem fit, cui dein celeritas, postea magnitudo, accedit. Mirari proinde subit Galeni dictum, pulsū omnem vrgente necessitate statim initio magnum euadere, siue valida siue imbecilla sit facultas: & celeritatem nunquam sine magnitudine inueniri. Itaque pulsus frequens ac celer, aut exuperantem calorem, aut spiritus vitalis penuriam ostendit: magnus non imbecillam esse facultatem, vehemens eandem esse¹⁰ validam. Paruus autem pulsus natiui caloris penuriam ingensque refrigerium denunciat. Quod quum obtigerit, primū quidem raritas erit conspicua: in crescente malo tarditas accedet, postremò paruitas, vice versa atque in caloris incremento. Iam verò pulsus differentie in longum, latum & altum, non ex rei necessitate proficiuntur, nec vllius affectus essentiam,¹⁵ sed impedimenta duntaxat representant, quæ circum arteriam incidunt. Arteria enim quā maximè potest distrahitur, at distractionis magnitudo aliàs obtegatur, aliàs interpellatur, vel numero, vel crassitie, vel duritie circumiacentium corporum, vt membranæ, vt cutis, vt adipis aut carnis, quorum gratia pulsus varius apparet, & alius plerumque quā necessitas²⁰ exposcit. Sic igitur corpulentis, brevis ac paruus: gracilibus, longus & magnus: quadratis, moderatus obtingit. Mollis verò pulsus arteriam mollem demonstrat, & corpus humore multo eoque pituitoso perfundi, vt in hydrope, in leucophlegmatia, in lethargo, in comate: siue ab humidioris cibis, siue à balneis immodicis, siue à somno, siue à molliore vita succreuit.²⁵ Hic tandem ingrauescente morbo & viribus languescentibus, vndosus & vermiculās euadit. Pulsus durus si neque ex languore animi, neque ex metu, neque ex verecundia est, arteriæ duritiæ perpetuò declarat: vixque vllus est durus, qui non etiā paruus sit, licet nō statim languidus. Durior autem arteria fit, vel siccitate, vel cōstrictione, vel tensione. Siccitas fit ab immoderato vsu vini meracioris, à febribus ardentissimis, à marcore, à quartana febre & à melancholia. Constrictio interdum à frigore fit, quod aëris, balnei, aut frigida potio vis intulit: interdum à vitiosis fructibus, qui vitream crassamque pituitam gignunt. Tensio ab ingenti inflammatione, à scirrho iecoris aut lienis. Duro huic & tensuo pulsui affinis est conuulsivus, qui aut neruorum propaginem conuulsione teneri prodit, aut alium immoderatiū quasi poto elleboro fluxisse. Vibratus pulsus ex paruo durōque procedit: quum enim magna est refrigerij necessitas, & facultas valida, si arteria dura tum sit, contentione facultatis valida & arteriæ rentis, vibrare continget. Hoc proinde eosdem quos & pulsus durus morbos⁴⁰ denunciat. Ita igitur ex diastole iudicandum. Systole verò quemadmodum & diastole, aliàs maior aut minor est, aliàs vehemētior aut languidior, aliàs celerior aut tardior, aliàs mollior aut durior. Harum tamen vnica

vnica celeritatis aut tarditatis differētia sensu dignoscitur, atq; in his duntaxat quorum systole animaduerti potest. Celeritas systoles magnam pro-
 5 dit vstorum excrementorum copiam, quam natura arteriarum compres-
 sione nititur expurgare. Ea ferè ex putrescentibus humoribus coaceruari
 solet, qui febres necessario accendunt, quoties eorum substantia aut vapor
 putris in cor irrepit. Quocirca systole quàm diastole celerior, putridæ fe-
 bris perpetuum est indicatiū. Ea celeritas nō modò febriū est quas in venis,
 sed & earū, quas vel in pulmone, vel in iecore, vel in liene, vel in alia qua-
 10 uis particula putrescens humor accendit. Contractionis tarditas est quum
 non multum excremēti putridi & exusti inest in corpore, nec magna de-
 sideratur expurgatio. Crebritas impuri excrementi copiam augeri testa-
 tur, quæ idcirco efficit vt externa quies minima sit. Raritas cōtractionis in
 qua externa quies longa est, excrementa arguit pauca inesse fumosa.

Morborum ex pulsu cognitio.

Cap. VI.

15



20

Hæc verò iam ad artis vsum & exercitationē apertius re-
 ferenda sunt. Pulsuum differētiæ & affectum præter natu-
 ram, & affectam sedem demonstrant. Affectus præter na-
 turam, alij primū ac per se, alij secundò ex pulsu depre-
 20 henduntur. Primū quidem ac per se intemperies omnis
 tum quæ simplex, tum quæ ex humorum est vitio: adhæc
 plethora, cacochymia vel simplex vel cū putredine, phlegmone, scirrhus,
 obstructio: qui affectus cæterorum omnium velut principia quædam &
 continentes causæ sunt. Calidæ intēperiei simplicis, qualis est ab æstu aut
 25 ab ephemera febre, pulsus creber est, celer ac magnus, simulque æqualis.
 Eiusmodi & in hectica febre existit, sed aliquanto durior. In plethora sim-
 plici quæ nondum vires premit, atque in synocho simplici, nō solū cre-
 ber, celer, magnus & æqualis, verumetiam turgidus, plenus ac vehemens,
 quod non nisi robustis integrisque viribus obtingat. Intēperies ex humo-
 30 rum putredine, quemadmodum & putrida febris pulsum etiam crebrum,
 celerem & magnum efficit, sed inæqualem, non in multis solū, verume-
 tiam in vnico. Tum quippe systole celerior est quàm diastole, vt putris fu-
 ligo expurgetur: est & externa quies breuior, ob quam etiam crebrior pul-
 sus euadit. Inæqualitas aliquantum conspicua accessionis initio, sed incre-
 35 mento & vigore magis. Phlegmone quæ & insignis fuerit, & in parte no-
 bili, quoniā putredinis calorem cordi totique corpori impartit, febrilem
 pulsum infert: præterea verò durum ac interdum ferrantem & vibratum:
 quandoquidem partis inflamatæ tensio peruadit arterias: sed tamen du-
 riorē si phlegmone obtigerit neruosis partibus, & iis quæ circa membra-
 40 nas, venas, & arterias positæ sunt. Frigida intemperies pulsum efficit rarū,
 tardum & paruum, sicca durum, humida mollem. Et hæc quidem dum
 simplex illa consistit. At verò si ex humoris cuiuspiam influxu contrahi-
 tur, iis quæ dicta sunt accedit pulsus inæqualitas, maximè si in partem no-

F iiij bitem

bilem humor impingat. Siue enim obstruuntur arteriæ, siue humorum copia comprimuntur, siue his natura grauata oppressa que est, inæquales fiunt: magis que quum crassi, viscosi & copiosi sunt humores, quàm quum tenues atque pauci. Quæ porro pars corporis affecta sit noscitur ex pulsu molli atque ex duro, qui tenuius appellatur, ex ferrante & vibrato. Mollis enim & affectum molliorem & partem carne venis arteriisque conspersam affici denunciat, durus verò partem neruis membranisque præditam. Quinetiam partes cordi propinquæ, aut ei vasis maioribus coniunctæ, magis ac celerius affectum suum cordi impertiunt: distantiores & paruis vasis copulatæ, minus & tardiùs. Horum permistione secundariò noscetur qui pulsus in singulis morbis existant. Nam inflammato septo transuerso durissimus est, plurimùm ferrans aut vibratus, & plerùmque conuulsius: minus in pleuritide, rursumque minus si aut inflàmatio, aut scirrhus sit in ventriculo vel in vesica, vel in vtero, intestinis, renibus, iccore, liene aut pulmonibus. A peripneumonia pulsus magnus, lægvidus & mollis simul & inæqualis, tū in vno motu, tum in multis: sæpe etiã vndosus & dicrotus. In lethargo pulsus illi ferè similis: & huic finitimus in catoche, nisi quod æqualis est. Epilepsiæ & apoplexiæ (quū præsertim malum inualuit, & facultas grauiter opprimitur) pulsus languidus, paruus, rarus, tardus & inæqualis, tum demum celer euadit. Conuulsionis pulsus conuulsius appellatur, tensus quidem vibratus & inæqualis, non perinde tamen validus ac magnus. Paralyfis paruus, lægvidus atque tardus, nonnihil inordinatè intermittēs. Hydropis ascitæ paruus, creber, durus atque tesus: tympanitæ, longus, celer, creber, subdurus: anasarca vndosus, latus ac mollis. Phrenitidis durus atque idcirco paruus, mirè celer, & creber, vt proximam syncopen denunciaret: interdum tremulus, aut cum conuulsione intermittens. Anginæ magnus & vndosus aliquantū conuulsius. Quum iam suffocatio impendat, paruus, tardus, creber & inæqualis. Orthopnææ inæqualis, inordinatus, creber, tardus ac deficiens: tandem verò languidus. Phthisis paruus, languidus, nō admodum celer, hecticus. Suppurationis, hecticus inæqualis & inordinatus. In puris eruptione, latus, tardus, rarus & languidus. In cæteris denique morbis, ad horum imitationem qualem pulsus esse deceat intelligi potest.

Virium obseruatio ex pulsu.

Cap. VII.

35



MA X I M E autem ac propriè virium robur atque constantiam pulsus ostendit. Facultatū quippe omnium princeps atque conseruatricis est vitalis, qua vna constante nemo interire potest, ex qua & vita omnis, & virium robur æstimari solet. Quum mors futura est, huius labātis signa morbi diuturnitate languet sensimque deficit: aliàs nō diu ante mortem, vt quum vitale robur immoderata eaque repētina vacuatione vel dolore, vel

vel alio grauissimo symptomate dissipatur atque perit : aut quū rupto ab-
 fcessu, vel inopinato humorum influxu, vel maxima obstructione suffoca-
 tur. Itaque si pulsus cordis ac vitæ est nuncius, idem omnium quoque vi-
 rium & facultatum index erit. Robustus vehemensque pulsus, sanis vitæ
 5 longitudinem, ægrotis securitatem pollicetur : languidus contraria. Ve-
 hemens qui tactū euertit, facultatis robur ostendit, eoque maius quo fue-
 rit vehementior. Hic etiam indicat corporis humores tum qualitate, tum
 quantitate laudabiles ac probè coctos : aut naturam semicrudorum (qua-
 les in salutaribus morbis sunt) concoctionem vehemēter moliri : maximè
 10 verò si nec ab ira, nec ab exercitatione, nec à vini cibive vsu immoderato
 processit. Languidus pulsus qui à tactu euertitur, imbecillæ facultatis est
 nūcius : ac proinde vel animi defectionem, vel syncope demonstrat, vel vi-
 res morbi longitudine debilitatas, vel quauis causā dissolutas, vt inedia, vi-
 giliis, doloribus, animi pathematis : aut vacuatione immodica, vel affectus
 15 magnitudine pressas obrutāsque. Robustus ac vehemens pulsus ferè qui-
 dem magnus est, at non necessariò, quemadmodum nec qui iuuenis est ac
 robustus magnis semper citatīque passibus incedit. Languidus non om-
 nis paruus est, nec omnis paruus languidus. Lethargicis quippe langui-
 dus quum sit, magnus tamen existit. Vt autem virium robur certius ex
 20 pulsū innotescat, triplex statuatur imbecillitatis causā : vna quæ sensim ac
 tempore virium substantiam conficit : altera quæ repente dissoluit ac dissi-
 pat : tertia quæ vel copia illam obruit, vel malignitate extinguit. Sæper qui-
 dem pulsus languidus virium imbecillitatem portendit, quæ verò imbe-
 cillitatis causā sit, reliqui pulsus indicant, qui languido comites assistunt.
 25 Itaque quum vitalis facultas vel intemperie, vel atrophia, vel morbi diu-
 rnitate infirma & imbecilla euasit, pulsus primū per se languidus ap-
 paret, deinde etiam paruus citra vllam inæqualitatē, rarus quidem & tar-
 dus si febris nulla, creber atque velox si qua inest. Facta iam imbecilliore
 facultate pulsus myurus reciprocus, deinde deficiens reciprocus, postea
 30 myurus non reciprocus, ab hoc deficiens non reciprocus & formicans,
 hinc pulsus abolitus apparens, nisi ex syncope sit : omnium tandem ex-
 tremus verè abolitus, qui summis partibus ipsīque arteriis iam demor-
 tuis inest. Quum facultas ex repentina spirituum dissolutione atque dis-
 sipatione imbecilla est, vt per dolores, vigilias, aut vacuationes immodi-
 35 cas, huius euidentes efficientēsque causæ præcesserunt, pulsus similiter ini-
 tio languidus deprehenditur & paruus, creber & celer, minimè tamen in-
 æqualis : illa verò iam imbecilliore, vndosus, vermiculans, formicans, abo-
 litus apparens, & tandem verè abolitus. Quum facultatis substantia non
 ipsa per se consumitur, sed vel obstructione, vel tumore præter naturam,
 40 vel humorum copia & influxu quasi pressa & obruta succumbit : atque et-
 iam quum pernicie vt pestilentis febris malignitate extinguitur, pulsus
 quidem languidus, paruus, tardus & rarus est, isque continuò inæqualis.
 Tanta quippe inæqualitas animaduertitur, vt qui nūc languidus est, mox
 vehemens

vehemens appareat: & qui paruus, mox magnus, qui celer, ilico tardus, & qui creber, statim rarus. Quo plures magni ac vehementes erunt, hoc minus premetur grauabiturque facultas, eò verò magis quò plures parui & languidi. Vbi autem magis oppressa facultas suffocabitur, intercurrens primùm exister: deinde intermittens in pulsum multitudinem. Intermissio aut quies quò diuturnior, hoc periculofior. Diuturna censetur quæ tēpus excedit duorū pulsum: breuis quæ citra hoc manet. Iuuenibus periculofissima pulsum intermissio, minus pueris, minimè senibus. Interdū tamen neque iuuenibus ipsis exitialis est, quum vel integra valetudine ex arteriarum obstructione aut diuturno quouis affectu, vt ex asthma fami-
liaris existit. Ex vnus pulsus intermissione multi senes pariter & pueri euaserunt: at iuuenum ne vnus quidem. Perseuerans illa diutius inopinatam repentinamque mortem minatur, ipsiusque cordis vitalem calorem de repente extinctum iri: quemadmodum & animalem facultatem apoplexia. Quietis externæ diuturnitas intermissioni quidem est finitima, hoc tamen dissidens, quòd breuior sit citra inæqualitatem, at cum pulsus tarditate: intermissio verò cum pulsu celeri & inæquali est. Illa quidem arguit vel cordis corpus vel spiritum & sanguinem sinibus conclusum, vel partē aliquam vicinam ingenti frigore occupari. Minus quàm intermissio perniciofa, sed quæ interdum in repentinam mortem præcipitat. Intercurrens pulsus eadem quæ intermittens significat causasque easdem habet: minus tamen periculofus, quoniam facultas validior decertat cum causis noxiis, non autem in intermittente. His succedit intermittens in vno pulsu, qui naturam à causis insalubribus impediri, sed cum illis nihilominus decertare prodit. Deterior quidem & multò periculofior quàm intermittens in pulsum multitudinem, quoniam natura non solum in quarto aut quinto quoque pulsu, sed in singulis impeditur, ob idque præsentem mortem denunciat. Ex hoc genere sunt caprizans & dicrotus, qui planè ostendūt, aut cordis inæqualem intemperiem, aut fumosorum excrementorum copiam non omnibus cordis partibus æquabiliter insidere. Ita enim calidæ partes cum frigidis, aut liberæ cum grauatis contendunt, vt quæ prius leuitate aut calore exiliunt, retrahantur à frigidis & grauatis, maximè quum imbecilla facultas est, & arteria dura. Vndosus & vermiculans facultatis non validæ, viriūque insigniter dissolutarum sunt indices, quos proximè formicans sequitur. In iecoris lienis & cuiusque visceris inflammatio-
ne atque in scirrho, quoniam pulsus durior euadit, nec vndosus, nec vermiculans esse potest. Neque profectò in hectica febre, neque in tabe aut marcere, etiam si iam morti proximus sit æger: at languidus tamen & inæqualis deprehenditur. Myurus in vna distentione facultatis imbecillitatem in extenuato corpore ostendit, & cor ipsum eatenus debile, vt
vim & actionem ab se iam nequeat ad extremas vsque corporis partes æquabiliter protendere. Hic igitur malus est atque ruinam minatur, etiam si reciprocos sit. Hoc deterior est deficiens reciprocos: & hoc rursus periculofior

culosior myurus non reciprocus. Omnium verò pessimus atque perniciosissimus est deficiens non reciprocus. Fit & interdum myurus ex vitiosa arteriæ cōformatione: vt quum arteriæ pars media nudæ cuti subiecta est, & quæ vtrinque sunt, altius demerguntur. Hic facultatem eò vsque imbecillam ostēdit, vt nequeat arteriam æquabiliter attollere. Tales etiam sæpe visuntur initio grauium accessionū à frigore inuadentiū. Tremulus pulsus qui necessariò languidus est & paruus, facultatem imbecillam arteriæque mollem renunciat, cum corporis habitu gracili. Cōuulsiuus non admodum frequens occurrit. Hostenquam postremi excipiunt abolutus apparet, & verè abolutus, facultate quidem iam prorsus extincta. Quocūque autem genere ordinatus sit pulsus, fidus existet, inordinatus verò infidus. Proinde bonus pulsus ordinatus certissimus est & optimus, malus ordinatus pessimus, & inordinato malo deterior.

DE VRINIS.

Quid vrina, vtque humorum partiūque affectus demonstret. Cap. VIII.



VVM corporis excrementa aut affectarum partium, aut peccantium humorum portio quædam sint, aut saltem ex his defectæ reliquiæ, quæ illorum sit constitutio certò referunt, atque in demonstratiuis signis primas tenent. Vna autem vrina omnium maximè de toto decedit significationem in primis generalem sortita. Est enim vrina serum vehiculūque sanguinis renum vi secretum. Vt in lacte dum concreuit, ita & in sanguine serum à crassiore terrenaque substantia seiungi fecernique animaduertitur: quod idcirco sanguini permiscebatur, vt hunc fibrum copia iam crassum ac lentum dilueret, & tanquam vehiculum per venastenuissimas in corporis extrema deduceret. Oritur quidem serum ex potu, aut ex liquore quocunque cibus solidior diluitur, & sine quo vix quicquam emolumenti corpus ex cibi benignitate perciperet. Hac ratione potus cunctis animantibus apprimè cōueniens & necessarius, aliis quidem vt volucris quæ haudquaquam meiunt parcior, aliis vt hominibus & quadrupedibus liberalior. Ventriculi concoctione liquor totus cibo permiscetur, totaque cibi vis in liquorem confertur dum vna fiat æquabilis substantia, cui chylo nomen est. Hinc flexuoso per intestina prolapsu exugunt mesenterij venæ, & quicquid inest vtilioris substantiæ, id omne eripiunt, potūque tanquam vehiculo subuehunt ad iecoris portas. Quum dein ex chylo factus sanguis est, vt melancholia in lienem, bilis flaua in proprium folliculum, ita & vrina (propriū iecoris, quemadmodum & alui fex ventriculi & intestinorum excrementum) iam inutilis & superuacanea

Vrina gmid

canca è gibbis iecoris renum vi per venas emulgētes allicitur. At non vniuersa: portio enim cum sanguine in corpus distribuitur, quæ quum vectio-
nis munere perfuncta est, aut sudoribus exhauritur ac diffluit, aut qua via
processerat, eadem tracta relabatur in renes & in vesicam. Itaque non è ie-
core solum, verumetiam è venis, tum maioribus, tum minoribus & è cor-
poris mole vrina prolicitur: quod apertè sentiet quisquis biduū triduū-
ve nullo aut parcissimo potu transfegerit. Ea autem si nec immoderato po-
tu diluta, nec aliena permistione conspersa sit, manifestò humorum qui in
iecore maioribusque venis, obscurius verò eorum qui tum in minoribus,
tum in partibus ferè singulis insunt notam exhibet eorūque cōstitutio-
nem indicat. His enim tantisper dum vrina permiscebatur, eorum om-
nem affectionem, omnem qualitatem contraxit ascitque sibi, & nunc
quasi defecta portio quæ ipsorum cōstitutio sit coram proponit planū-
que facit. Quocirca si vel viscera, vel maiores venæ, vel caput, vel pulmo-
nes, vllāve corporis pars morbo tenetur, quoniam hæc affectionē humo-
ribus in se contentis impartit, vrina profectò quæ sanguinis & humorum
comes est, eiusdem quoque particeps erit, & profusa affectionis notas re-
feret propriæque eius signa dabit. Sed & partiū per quas illabitur, vt renū,
vterum, vesicæ ac penis affectus repræsentabit. Nam tamen si non diu-
tius in his subsistat ac hæreat, ab illis tamen sordes & inquinamēta (si qua
insunt) præterfluens corradit secūque rapit. Quocirca partium quas at-
tingit omnium affectus illa ostendit. An verò cum affectu quæ etiam pars
affecta sit certò & apertè referat, posthac diligētius scrutabimur. Hæc por-
rò humorum partiumque vitia demonstrat, vel sua chymosi, vel puritate,
vel quantitate, vel colore, vel odore, vel cōtēntis: quorum significationes
sigillatim deinceps oratione prosequemur.

Quæ obseruanda antequam certa de vrinis sententia feratur.

Cap. IX.



XCIPienda vrina est à somno prima & expleta cō-
coctione cibi, eaq; vniuersa, quòd pars nulla dilucidè pos-
sit notas omnes exprimere. Matula alba sit & pellucida,
qualis ferè vitrea est, oblonga ne diuulsam hypostasim ex-
hibeat, & magna quæ totius vrinæ sit capax. Obturatur
procul à sole, à frigore & à flatu, ne vel turbetur, vel cras-
fescat: quieta nullāque agitatione resideat, dum sensim refrixerit, nec ta-
men supra sex horas asseruetur, ne quam corruptionem subeat. Si for-
tè vel frigoris vi vel sponte sua crassescat turbeturque, igne leni dissolue-
tur, nulla agitatione ne dissipetur hypostasis, quam ne ignis quidem exte-
nuare aut colliquefacere solet. Quid autem causæ sit cur interdum tum
crassæ, tum tenues vrinæ ne vel ingenti frigore quidem, interdum verò té-
perato etiam loco turbetur, non nisi ad insitum vrinæ calorem referri po-
test, qui vt hypostasim, ita & cæteras partes locis disponit distinguítque,
quem

*Mittit finit
Actuarius*

quem constat aliàs languidum aliàs valentem esse. Vrinæ inspectio in loco sit nec obscuro, nec nimium lucido, nec solis radiis collustrato, splendorque luminis in matulam desuper quā transversum potius incidat. Hæc autem in vrina veniunt consideranda, chymosis, perspicuitas & puritas, quantitas, color, odor, contenta: in quibus omnis est interiorum affectionum significatio, tam quæ secundum naturam, quàm quæ præter naturā existūt. Illa verò aliàs ex assumptis rebúsque externis, aliàs è renū vesicæque ductibus, aliàs è venis aut è reliquo corpore proficiscuntur atque manant: ita enim tribus ex causis manifestæ qualitates imprimuntur in vrina. Potus immoderatio præsertim aquæ aut vini albi tenuis, copiosorem vrinā profundit, eamque tenuem & crudā: & quæ quoniam præproperè perlabitur ac præterfluit, nec partium nec humorum affectiones, nec qualitates expressas exquisitè refert. Non pauca etiam vel mediocri vsu vrinam colore inficiunt, vt crocus, cassia, rheumbarbarum, senna, rubia maior: quædam alieno illam odore perfundūt, vt allium, & terebinthi lachryma. Horum enim qualitates quum sint præter naturam, pariter cum extremētis, præsertim verò cum vrinis amandantur ac defluunt. Peruertunt igitur propriam vrinæ indicationem, vt neque morbus neque interior vlla constitutio præsentibus his certa prodatur. Sic vrina morborum nūcia exter-
narum rerum nulla permissione inquinetur, omniūque earum qualitate vacet. Quinetiā si vel vlcus, vel abscessus in renibus, aut in vesica, aut in vteris, aut in pene inest, vrina crassior euadet ac turbidior, eaque vel puris permissione alba, vel cruoris perfusione rubra: quemadmodum sæpe aut arenulis aut filamentis variè conspersa. Et hæc renum vesicæque vitia vrinæ plerumque efficaciter immutant. Quæ verò nec rerum externarū qualitate, nec renum vesicæque labe inquinata fuerit, ea certius venarum reliquique corporis demonstrat affectus. Cauendum igitur ne aut res externæ, aut renes te fallant. Quod ne fiat, qualitatū quæ cernuntur in vrinis causas in tres vbiq; partiemur differentias, in externas, in eas quæ ductuum, & in eas quæ totius sunt corporis. Hac enim obseruatione atque distinctione, certa veraque vrinarum significatio haberi potest.

Quæ vrina sit optima, vtque sexu, temperamento & ætate mutetur.

Cap. X.

35 **Q**UONIAM autem prima inspectanda & cognoscenda est vrina optima, quæ cæterarum quasi lex sit & regula. Talis substantia mediocri est, nec aquæ modo tenuis, nec vt iumentorum crassa: clara non turbida: colore subaureo atque flauo, quem hîc extremorum medium collocamus. Quantitate media & hesternis superiorum-
40 que dierum potui respondens, aut aliquatū parior, quod potus non nihil in corpus absumatur. Hypostasis in hac subsidet alba, lauis & æqualis, in acutum fastigiata, ea ratione quæ posthac exprimetur. Neque crassum quicquam subest, neque bulla, neque filamentum, neque eorum quicquā

G quæ

quæ inter mala referentur. Hæc non modò inculpatam omnem naturæ concoctionem, sed & integram corporis valetudinē indicat, virique summā temperiem eiusque ætatem floridam: non enim alij cuiquam vrina talis obrigerit. Nam mulieris etiam si temperatissima sit & ætate florens, vrina non parū ab hac deficit. Substantia quippe non (vt quibusdam placuit) tenuis, sed apertè crassiuscula est, neque vt viri pura & pellucida, sed aliquantum turbida & multis innatantibus impura. Huic enim plura quàm viro superuacanea in vteri vesicæque sedes confluunt, quæ vrinis plerumque permiscetur. Color ex albo huiuscens non modò cruditatis, sed sexus præcipuè index. Horū proportionē hypostasis copiosior quàm viris, crassior & albior. Qui sæpe & sedulò maris ac fœminæ vrinas inter se contulerit, eas tandem internoscet oculorum consuetudine. Infantium & puerorum vrina albior quidem, sed crassior & copiosiore sedimento quàm ætate florentium. Calor enim tametsi in illis plurimus inest, quoniam tamen humoris copia obtunditur, quas dixi vrinas producit. Senum alba, tenuis, hypostasi pauca, cruditatis & imbecillæ concoctionis nunciata, quòd in illis paucus & imbecillus sit calor. Horum exemplo minimè arduum sit coniicere qualis esse debeat vniuscuiusque temperamenti, & quantum ab optima quæque distet. Itaque cuiuspiam vrina proposita, ex sexu & temperamento tum insito, tum aduentitio, & ex ætate coniiciendum & æstimandum qualisnam esse debeat ea naturalis: vt siquādo offeratur alia, recordatione illius planum sit & in promptu, eāne præter naturam sit, quantumque à naturali absit. Antequam verò de morbo ex vrina iudicetur, æstimandum quod quis vitæ genus paulò antè sit sequutus. Nā exercitatio vehemens, vigiliæ, animi excarescentia, inedia, calidiorum ciborum esus, vt insitum calorem, ita & vrinas inflāmant easque bilis permissione colorationes reddunt cum paucis contentis: quemadmodum & aër vel à regione, vel ab ætate, vel ab alia quacūque causa exaestuās. Contra verò otium, somnus multus ac profundus, inertia, crapula, frigidiorum ciborum esus, albas, crassas vrinas, contentaque multa atque cruda proferrunt: quemadmodum & aër vel à regione, vel ex hyeme, vel quauis ex causa frigidior. Sine horū animaduersione parū firma futura sunt de vrinis iudicia, nec quæ sanorū ab iis quæ ægrotantiū sunt facillè queant internosci.

Vrinæ copia & paucitas quid indicet.

Cap. XI.



VRINA si mediocri sit copia, moderatam seri abundantiam arguit, proindeque naturam tum rectè valere, tum omnia conuenienter administrare. Multa verò atque copiosa interdum ex immoderato potu vini tenuis vel aquæ, aut ex diureticis medicamentis, aut vi frigoris, aliaque ve externarum rerum importunitate obrigit. Interdum vitio renum, qui vi maxima ex omni corpore serum proliciunt assiduòque profundunt: appellatur ea affectio diabetes à celeri vrinæ transitu, in qua admodum

admodum multa exuperat, eaque ferè alba, tenuis & sine hypostasi. Interdum ex interiore affectu prodit, vt quum ingens aquarum copia quodam loco iamdiu coërcita erumpit, aliàs quidem ab hydrope, aliàs à multa cruditate aquosa quæ circum viscera fluctuabat. Illinc siquidem quodam impetu aut naturæ vi contendit in renes, perinde atque in spontanea ventris perturbatione. Tota huic origo ex victu est, quoniã nihil potest è corpore manare, cuius materia non aliquando fuerit immissa. Ea vacuatio tametsi vires aliquantum debilitat, ventriculum tamen & abdomen quasi pondere leuat, neque corpus reliquum extenuat. Quinetiã corporis humorumque moles nonnunquam liquefcit dilapsaque diffunditur in vrinas: quomodo obseruauimus bibulum quendam opimo corporis habitu, diebus circiter octo ex ingenti corporis mole in magnam gracilitatem citra vllã vim morbi collapsum. Id etiam caloris aut colliquantis febris vi fieri proditum est: tũque vrina multa, nõ tamen tenuis & alba cernitur, sed flamea, vinea, aut passea: cui etiam pingue & oleosum quiddam innatat. Atque hoc hecticę febris est initium. Vrina pauca quę neque potus penuriã, neque sicciorẽ victũ, neque austerũ crassũve potũ, neque nimios sudores aut copiosam alui deiectionẽ, neque multos labores cõsequatur, morbum ostendit, eũmq; ferè in vrinæ ductibus. Obstructio aut tumor præter naturã renũ, hanc plerũque efficit: tũmq; his sensus quidã grauitatis inest, aliãque significatio ex cõtentis conspicua. Si obstructio ex calculo aliãve causa vtrinque, circa vteras est, dolor vehementer affligit, isque fixus vt in nephritide. Si vesicę ceruix quouis modo impedita est, siue tuberculo, siue pituita crassa, siue calculo, difficilis est emictio, aut etiam vrina supprimitur, cũ pubis & perinæi dolore, multaque subsident aut volitant in vrina. Quæ citra hæc pauca redditur, à crasso & viscido fit humore, qui difficilè fecernitur ac permeat, eaque tum crassa existit. Febris vehementia nonnunquam vrinam cohibet, tũque & calor & alia febris signa comitantur. Sanis etiam parciore fit vrina, quum potus in corporis nutrimentum faceffit, quod extenuatis & ex morbo conualescentibus frequens esse solet.

Odor vrinæ quid denunciet.

Cap. XII.

VRINÆ odorem obseruare fœdum est ac planè sordidum, medicique dedecet dignitatem. At plerumque velimus nolimus teter vapor odoratum ferit, maximè quum vrina adhuc calet aut admota igni est concalfacta. Odoris suauitatem vix sperare licet ab vrinis, nisi vel terebinthina, vel moschi, vel silphii, vel odoratio-
ris medicamenti vi affletur. At moderatio sæpe è sanis ac bene constitutis corporibus est. Fœtor interdum assumptorum, vt putris casei, vt aliorum qualitate contrahitur: interdum è renum aut pudendi vlcere, ac tũ vrina alba crassaque est cũ hypostasi purulenta, si è vesicæ calculo existit, crassior mucus subsidet in vrina, eaque cum dolore redditur. Fœtida verò vrina ex superioribus locis profluens, siue rubra turbidaque sit, siue vt in-

G ij terdum

*Factor
Vrinae* terdum contingit tenuis ac perspicua, aliàs cum febre, aliàs sine febre, putredinis semper est index: eaq; putredo aut in humorib⁹, aut in partiũ substantia cõsistit. Si recens est fœtor & repente natus in vrina crassa ac turbida, humor: sin vetus ac diuturnus in vrina tenui ac perspicua, partis cuiusdam substantia putrescit. A crisi quæ fœtida meitur, die apparet decretorio copiosa que fluit, ac mox succedit ægro leuamen.

Quid significant singuli vrinae colores.

Cap. XIII.



VRINARVM hi maximè colores obseruandi, albus, spiceus, citrinus qui omniũ verè medius est, aureus, croceus, ruber, ¹⁰seus, viridis, ceruleus, liuidus, & niger. Horũ duæ sunt effectrices causæ, viscerum corporisq; calor, & alieni humoris permistio. Etenim labor, inedia, æstus, febris & quæcũque causæ corpus cõcalfaciunt, vrinã pariter colorant, eoque magis quo vehementiores fuerint: & vrina quæ diutius in corpore subsistit, & quæ longè à pastu meitur, ¹⁵prioribus colorator existit. Quinetiam bilis irruens in venas sero permiscetur, idque (vt in ictero) flauo citrinove colore inficit, quod & de alio quouis humore statuendum: Differt autem color ex simplici intemperie profectus, ab eo quem humoris permistio tulit: ille siquidem vix vnquã rubrum superat, cõsistitque in vrinae substantia tenui aut mediocri, hic verò ad omn- ²⁰ne genus pertinet & extenditur, redditque vrinam aut turbidam aut crassam. Itaque citrinum vrinae colorem temperatus moderatũque calor efficit in homine temperato & ætate florida. Citra medium quicunque subsistit, imminuti caloris & cruditatis est nuncius. Vrina alba si simul tenuis & perspicua verèque aquea est, nisi ex tenui & copioso potu genita sit, aut ²⁵summam renum iecorisque obstructionem, aut summam coctionis imbecillitatẽ denũciat, ab extrema iecoris & ventriculi intemperie frigida profectam. Sæpe etiã per febres ardentes quũ bilis in cerebrũ rapitur, talis apparet & delirium prænunciat. Alba & crassa si pariter perspicua est vt cornu (glauca & charopa appellatur) pituitæ mucosæ dominium ostendit: si ob- ³⁰scura (lactea hæc est) crassæ viscosæq; pituitæ exuperatiã. Hæ si diutius apparent, frigidos diuturnosque morbos portendunt. Ab his est spicea, quæ minorem cruditatem ostendit, & calorem temperato finitimum. Citrina omnium mediam sedem sortitur. Supra hanc sunt aurea, crocea & rubra: quæ omnes calorẽ præter modũ increuisse significat: atque si puræ hæ sunt ³⁵ac perspicuæ, purã simplicemque intemperiem, sin crassæ ac turbidæ humorum vitia permistionẽsque referũt. Rubra si perspicua fuerit, ardens flammæque dicitur, iecoris exuperantem calorem, sæpe etiam ardentem febrem denunciat: sin crassa obscuraque est, siue cum febre, siue citra hanc contingat, flauæ, aut vitellinæ, aut rubræ bilis permistionem. Huiusmodi ⁴⁰ferè apparet inclinãtibus febrium accessionibus: at maximè quum iecoris substantia vitata est à phlegmone aut ab exquisito scirrho, vt in hydrope: aut quum vel illius, vel folliculi fellis ingens est obstructio, ob quam bilis

Citrina

Alba

Alba crassa

Spicea

Rubra

bilis in venas & in vrinas cōfluit, hāsque eatenus inficit, vt si linteum immergas citrinum colorem planè referat, perinde atque epoto rheobarbaro: hæc aut præsentem icterum, aut mox futurum portendit. Ea igitur ratione ardens flammeaque vrina ab ea quæ ex bilis permiftione aut crocea aut coloratior euadit, discernitur. Cruenta vrina siue duntaxat recētis carnis loturam ac veluti saniem, siue puriorem sanguinem representet, quum planè refrixerit, quasi grumum concreti sanguinis deponit. Ea fit renibus attritis atque referatis eorum venis, è quibus sanguis mox emanat, idque ferè calculi pondere. In errore versantur qui hanc etiam iccoris imbecillitati tribuunt: vix enim intelligi possit sanguinem alicunde cum vrina præterlabi citra renum affectionem. Itaque si nec lumbis nec renibus calu iētūve contusis cruenta vrina redditur, ea ex calculo renes obterente, præsertim quum vehementior subitur exercitatio, proficiscitur. Hanc sæpe turbida & nigricans præcedit, quæ impendentem nephritim præmonstrat. Rubra vrina succedunt vinea & passæa vix nigra per similes, quæ vel sanguinem vel bilem præassari & in atram deuergere indicāt. Viridis, prassinæ bilis aut æruginosæ copiam & permiftionem: veneta verò seu cerulea, deinde etiā liuida seu plumbea, nisi è plagis & verberibus sint, aut melancholiæ dominium atque permiftionē, aut natiui caloris extinctionē. Omniū extrema est nigra, quæ si ex rubra & viridi processit, summum incēdium & bilis atræ perfusionem: sin verò ex cerulea & liuida, extremā caloris extinctionem demonstrat. Est tamen & quū vrina eiusmodi crisi quadā profundūtur, cum in acutis, tū in diuturnis morbis & melācholicis. Id verò de decretorio die fit, facili tolerantia, & in laborantis salutem.

25 Quid vrinae substantia in morbis ostendat. Cap. XIII.



30 **V**RINÆ chymosis & substantia in liquore spectatur, cuius differētiæ sunt tenuis, crassa, mediocris. Tenuis sub iis duntaxat coloribus inueniri potest qui ad rubrum procedūt, sub albo, spiceo, aureo, croceo, ad rubrum vsque: nūquam enim cerulea, liuida aut nigra tenuis apparuit. Crassa nulli nō colori permiscetur: nā vt in nigra ita etiā in alba crassities interdū inest. Itaq; tenuis quæ neque immoderato potu, neq; alia extenarū causarū importunitate facta sit, renū & vrterū obstructionē sequitur, quæ cū liquore nihil crassi præterlabi sinit, qualē ferè in nephritici doloris uehemētia notāt, quum vrteris caput calculo obseratur. Sequitur & nōnunquā imminutā concoctionē natiuiq; caloris penuriā, ex intēperie sola citra humorū vitium: tam exiguus interdū calor est, vt aquā aliūve potum talē elabi sinat, qualis acceptus fuerat, atque hæc cruditas extrema 40 est. Natiuus noster calor alimentū humorēve cōcoquēs, primū quidem & maximè substantiæ mediocritatem molitur, cui dein pro partium natura colorem addit: proinde ex substantia magis quàm ex colore concoctio spectatur. Qua ratione dixit Hippocrates: quoad vrina ruffa tenuisq;

G iij fuerit,

Crassa fuerit, crudum morbum significat. Mediocris vrinæ substantia vegetum calorem, exquisitam concoctionem ventriculi iecoris atque venarum ostendit, hac ratione in tribus illa mediis coloribus consistit, in subaureo, aureo & croceo. Crassa vrina nisi ex laxioribus patentioribusque viis vrinæ profluat, oppressi caloris atque cruditatis soboles est: non quod calor in-
fusus intemperie, sed crudorum humorum exuperantia prematur. Vtraque tum crassa, tum tenuis concoctione tandem substantiæ mediocritatem adipiscitur. Ad crassam vrinam pertinent pinguis & oleacea, non ea quidem cui pinguedo telis araneorum similis innatat, sed ea cuius substantia lentore & crassitie oleum adipemve liquefactum repræsentat, & quæ cō-
mota grauis lentaque, vt oleū, apparet. Hæc vel phthisi, vel hectica febre, vel hydropes corpus liquefcere demonstrat.

Vrina perspicua & turbulenta quid signet.

Cap. XV.



PERSPICUA atque clara vrina est quam visus acies facile penetrat. Turbulenta & obscura, per cuius medium non videmus. Quantum autem turbulenta distet à crassa, & tenuis à perspicua, hinc discitur quod & oui cādidum & oleū, & vitrum liquefactum, & vinum subnigrum verè crassum sit, no tamen turbidum, sed planè perspicuum. Quod etiā
vinum album & tenue plerumque turbulentum sit: quemadmodum & aqua è vino stillatitia, tenuissima quum sit, interdum tamen obscura turbulentaque cernitur. Quo sit autem res dilucidior & fructuosior, turbulenta vrinas in tres ordines differentiāsque secernemus. Vna turbata est, quæ externi frigoris vi talis euasit. Hæc omnium densissima & obscurissima, matulam lentore quodam albo summa præsertim corona inficit, quæ calore pròptè declaratur pristinumque splendorem recuperat. Quod autè vrina vna quàm altera faciliùs difficiliùsve, quædam vix vnquā turbetur, id ad illarum conditionem referendum est: sed externū quoque frigus non paruum vim ad perturbationem obtinere argumento est, quod loco calido nulla conturbetur, sed qualis emicta est talis feruetur. Altera verè turbida est, cuius substantia atque liquor vel ex sese vel ab interiore quadam permistione crassescit: eiusmodi à purulentis renibus profluit. Hæc calore dissolui non potest, multaque habet innatantia corpuscula, quæ quiete subsident cum hypostasi crassa, & plerumque reliqua mox vrina expurgatur atque incalescit. Vno ea comparatur quod fecis permistione turbidum est. Tertia iam cœpit recepto nomine confusa appellari: in qua nihil innatare manifestò deprehenditur, sed est tota sui similis, nec tamen hypostasin, nec aliud quicquam (etiam si diutius quiescat) deponēs quo magis incalescat: igne omnique calore manet indissolubilis. Vno cōfertur quod vetustate coacescens, aut tonante fulguratèque cœlo mutatum & vappa factum, omni splendore nitoreque destituitur. Perspicua vrina integram perfectamque concoctionem, humorum bonitate & natiui caloris summam

mam vbertatem ostendit, cuius vis etiam in vrina permanens hypostasim
 tandem secernit & distinguit. Quæ frigoris vi mutatur posteaque calore
 restituitur sibi, admodum levis est significationis, nisi fortè quòd per acu-
 tos morbos quum primùm apparuerit, creditur concoctionis rudimētum
 5 habere, quia scilicet morbi initio tenuis non facilè cogitur, postea crassa-
 mentum nacta faciliùs turbatur. Verè turbida plerumque ex renum aut
 vesicæ affectu manat: in quibus vel humoris est copia, quem vrina secum
 rapit, vel vlcus simplex è quo cruor, vel sordidum è quo sanies, pus aut mu-
 cus profluit: horum quippe colluione vrina crassa turbidaque redditur.
 10 Quocirca grauioribus nephriticis doloribus quicūque sunt opportuni,
 his vrinæ vix vnquam claræ meiuntur. Turbida quæ citra hos affectus fue-
 rit, crassorum humorum copiam in venis, horumque effusionē renūciat,
 quos difficilè coquit calor insitus. Hinc & morbi diuturni cōtumacēsque
 & capitis dolores fiunt, de quibus Hippocratis est sententia. Quibus vri-
 15 na turbida qualis iumētorum est, iis capitis dolor vel adest vel aderit. Per-
 seuerans autem diutius, aut veternū, aut lethargum minatur. Sæpe etiam
 vrina repēte turbida euadit, quum solutis obstructionibus apertisque viis
 crassior materia diu cohibita excidit è liene, iecore, renibus aut è venis ma-
 ioribus: quod ferè sanis post exercitationes, ægrotantibus post morbos ob-
 20 uenit: maximè verò in crisi diuturnarum febrium, quales quartanæ sunt,
 & in lienis iecorisque morbis, & in abscessuum eruptione. Omnis autem
 eiusmodi commodè emanare solet cum alleuatione corporum. Quine-
 tiam vrina rubicunda citrinave & sine sedimento, qualis per febrium
 tum continentium, tum intermittentium initia redditur, & quæ simplici-
 25 ter cruda nuncupari solet, turbida quoque, nondum autē confusa censetur:
 hinc quippe facta est, q̃ humor crudus & superuacaneus aut è venis, aut è
 liene, aut è iecore, perinde atque in ictero profiliens, in sanguinis serum se
 inferat. Confusa porrò vrina nunquā renum, aut duntaxat viscerum, ac
 venarum semper affectibus succedit. Ea non crudorum humorum exupe-
 30 rantiam, sed propriè sanguinis & humorum qui in venis sunt maioribus
 confusionem, corruptionem & putredinem portendit, eamque ferè ma-
 lignam: quandoquidem putredo omnia permiscet, confundit atque per-
 turbat. Quocirca in solis continuis febribus iisque periculosis & mali-
 gnis ea deprehenditur. Ex his autem intelligi velim vrinam quæ vel nullo
 35 renum vitio sit inquinata, non semper sanguinis & succorum eius condi-
 tionem ostendere. Ea quippe nonnunquam citrina, crassa & turbida me-
 iitur, & qui nihilominus tum detrahitur sanguis exquisitè purus & rubi-
 cundus existit. Id peræpe & in quartana, & in tertiana intermittente, at-
 que etiam in ictero cernitur, quum bilis superuacanea aut è iecore aut ex
 40 eius folliculo, ex aliisve sedibus prorūpit in venas, neque ipsi sanguini, sed
 eius duntaxat sero permiscetur. Atque hīc turpiter errant qui ab vrina cras-
 sa & rubra protinus mittendum sanguinem esse pronunciant. Est & non-
 nunquam vrina & calore, & substantia, & sedimento secundum naturam,

G iij quum

quum tamen detractus sanguis, tum colore, tum substantia viriosus apparet. Id ferè contigit in statu & ante crismi continuarum febrium, quum perfecta est vinarum concoctio, necdum tamen natura ullam est noxij & peccantis humoris vacuationem molita. Hæc sunt quæ prima vinarum inspectione ex quantitate, ex odore, maximè verò ex colore, substantia & perspicuitate animaduerti percipique possunt, etiam si nondum quicquam in vrina subsederit: sed quæ, ut monui, summo sint prudètiq; iudicio discernenda. Nunc de contentis transigendum.

De his quæ vrinæ permiscentur.

Cap. XVI.



EORVM quæ vrinæ permiscentur, alia per summam vrinam innatant, alia volitant per mediam, alia in infima subsident. In summis prima est corona, quæ supremam faciem ambitu cingit. Hæc in vrina quæ æquabilis & ubique sui similis sit, dignosci vix potest, facile verò in ea cui partium dissimilitudo quædã inest, aut humorum exagitatio. Etenim pars vrinæ summa tenuissima quum sit, mutationi magis est opportuna, ac sæpe multa vel colore, vel substantia subiicit oculis, quæ nondum in reliquo vrinæ humore cerni possunt. Corona ferè docet qualis in vasis maioribus sanguis habetur: nam tenuis & alba dilutum sanguinem & fero te-
Spuma nuui perfusum ostendit: crassa & alba pituitosum: citrina naturalem: croceabile multa eaque flaua conspersum: rubra & ardens feruidum & accensum: viridis bile prassina vel æruginosa: cerulea & liuida vel naturali melancholia, vel atra bile inquinatum: aut hunc certè in eorum humorum naturam corruptione mox abiturum. Quocirca harum postremæ vel melancholicum morbum, vel epilepsiam designant. Spuma multa citra vrinæ agitationem innatans, flatus plurimos in corpore vagari, venterculum & intestina distendi, colicum dolorem imminere, idque vel fructuum vel leguminum immoderato esu, vel insiti caloris imbecillitate. Ea si magnis bullis diu perstiteret, crassos & viscosos humores ex hisque obstructions indicat: at si leui causa hæc bullæ rumpuntur atque dissoluuntur, tenuem flatum tenuisque humores. Si bullæ parvæ & exiguæ per vrinæ coronam dispositæ sunt, capitis dolor adest, cephalalgia quidem si coronam omnem, hemicrania verò si illius solum medietatem occupent: acriorque dolor erit si auree sint & citrinæ, mitior si albæ & pallidæ, diuturnus verò si diu permaneant. Quæ
hæc porrò media vrinæ facie consistunt, pacati doloris sunt indices. Quum enim summam vrinæ partem teneant, ipsum quoque caput in homine summum dolore obsideri testantur, idque vel à flatu, vel ab humore, cuius speciem bullarum color exprimit. Bullæ granis exiguis similes in corona sitæ, si dum versatur & agitur vrina deorsum versus depulsæ, mox in coronam resiliunt, destillatio è capite vel in pulmones, vel in venterculum, vel in scapulas, vel in alias subiectas sedes procumbit, cuius vis & natura ex colore vrinæ, coronæ, atque bullarum intelligitur. Pinguedo per summam innatans

innatās telis araneorū similis, hominē, inquit Hippocrates, tabe cōsumi significat. Nisi enim renū colliquatio & fusio quādam in causa sit, corpus vniuersum vel febre ardētē, vel phthisi, vel hectica febre liquefcit. Diuulsa quasi olei puncta innatantia alterutrū similiter, sed ineffacius denūciant.

¶ Nonnunquā tamen animaduerti ex epoto oleo hęc cū vrina fluxisse. Quo autem facilius illa dissipantur, eo morbū leuiorem, cōtumaciore verò quo diutius persistunt. Volitāt porrò & interdum subsident corpuscula quāda
 » vel farinæ crassiori, vel squamulis, vel furfuri similia. Quib⁹ in vrina crassa
 » quēdā furfuri similia exeūt, iis vesica scabie affecta est. At si hęc in vrina te-

10 nui apparent, flammeam & colliquātem febris ardorē denūciant, ob quē
 & venarum sanguis retorretur, & earum substantia incendio perusta solidum quiddam quasi intertrimentum deperdit abiicitque, quod cum vrinis emittitur. Siquis squamulas minxerit & grauis odor adsit, vesica exulcerata est. At si citra vesicæ exulcerationem exeunt, febris ardens vaforum

15 summas partes & tunicas colliquefacit, & veluti in lamellas dissoluit, unde & solidarum partium consumptio inest, sed tanto minor quantū squamulæ furfuribus tenuiores existunt. Quæ farinæ crassiori similia volitant aut subsident, eandem, sed leuiorem significationem obtinent. Quum enim febris ardore vel exassatus & torrefactus sanguis crassus, vel in carne

20 quicquid tenerum & adipale inest liquatum fuerit, & caro denique ipsa durior, non secus atque ea quæ in sartagine pertorrentur, exaruerit, tū quæ vrinis redduntur, crassiorem farinam referunt: quæ Hippocrati longam valetudinem significant. Prægnantium integrè valentium vrinis quēdam innatant tenui farinæ aut amylo similia, quæ in quiete sedimentum vel

25 enæorema deponūt crassiusculū instar carptæ tenuiter lanæ: reliqua vrina subtrubida existit, aliquantum virescens, aut liuescens. Carunculæ exiguæ in vrina crassa exulceratis renibus apparēt. Filamenta albis capillis similia à renibus reddi author est Hippocrates: at ipsi animaduertimus ea sæpius ex iis vasis spermaticis deriuari quæ parastate dicuntur, in quibus teretem

30 figuram sortiuntur ex seminis materia, quæ vi morbi sensim defluens calore crassescit. Apparent autē in iis plurima, qui fœda exulceratāq; gonorrhœa correpti nō ita pridē fuerūt, & iis mulieribus quibus albicātes menses profluunt, aut vterus fœda colluue turget. Nonnunquā & vrina quæ prima fit à concubitu tale quiddam refert, aut aliquātum filamento crassius.

35 Iam verò sanguis purus aut in grumum concretus, recens vlcus: pus verò, inueteratum ac sordidum ostendit: idque aut in rene aut in vesicæ ceruice. Discernitur autem quòd à ceruice ingenti partis dolore manet, à rene nullo ferè sensu doloris: quòdque à pene aut à vesicæ ceruice omnia vel seorsum sine vrina, vel emictionis initio profluunt: è renibus verò vel cum

40 vrina diligenter permista, vel sub emictionis finem, sed quæ mox in quiete subsideant. Arenulæ cum vrina postremæ prodire solent: harum rubræ & flauæ à renibus, albæ à vesica proficisci creduntur: veruntamen quum sordidum in rene vlcus inest, ex eo quoque albi calculi quasi cōcreto pure obducti

Thel

Squamula

*forma crassior
similia*

prægnatū vrina

*Caruncula
filamentum*

hæ

Thel

Sanguis

Arenula

Crassior pituita

*frin in
vrimis finit*

obducti excidunt. Crassior pituita instar mucinarium matulae fundo inhaerescens cum dolore emicta, vesicae calculum aut cervicis sordidum vlcus denunciat. Talem enim affecta vesica, quia frigida atque membranosa, cumulat, quam & calculi moles fouet. At quae nullo dolore fluit, è crudo renum aut circumpositarum partium vlcere vel abscessu illabitur. Turpiter hallucinantur quicunque anatomes & operum naturam ignari pituitam hanc putant vel è cerebro, vel è crudiore ventriculo in vesicam permeare: quomodo enim per venas illa pura nec sanguine tincta nec perfusa defluat in renes, hosque sola praeterlabatur. Tria cernuntur in vrinis finitima, semen, pus atque pituita, quae sic tamen internoscuntur. Semen quia ¹⁰ tenue ac leue, vrinæ semper innatat, pus & pituita subsident: hæc tamen crassa atque tenax sibi cohaeret, pus verò agitatum mox dissoluitur ac defluit. Quoniam autem eorum quae permiscuntur vrinis pars maxima ex vrinæ viis defluit, ne cui fortè de reliquis partibus iudicaturò imponant, omnem causam effectuumque seriem à prima referam origine. Rubrae ¹⁵ arenulae defluunt à renibus, quae si copiosae sunt & crassiusculae, calculum minantur. Earum adhæsu calculus vel milij vel hordei magnitudine con- crescit, qui quum è renum substantia in capacitatem excutitur, vrinæ cras-
sas, turbidas, rubras aut subnigras reddit, impendentis nephritici doloris indices. Calculus in caput vreteris insertus dolore excruciat: ac tum vrinæ ²⁰ tenues & albae, quales in omni ferè renum infarctu, cernuntur. Grandescens porro calculus sic plerumque in rene coercetur, vt exturbari minimè queat: ac tum in labore & exercitatione valida renem proterens vrinam profun-
dit, non modò crassam & turbidam, sed & verè cruentam, in qua saepe co-
creti sanguinis thrombus subsidet. Simile quiddam interdum fieri videmus ²⁵ vel à casu, vel ab ictu, rariùs à labore violèto. Quum iam factum vlcus est vrina in quiete alba & crassiuscula, in labore coloratior spectatur cum sedimen-
to crassiusculo. Deinde vrina crassa, alba, foetida verèque purulenta insequi-
tur, lacti non admodum dissimilis, in qua pus subsidet, vbi scilicet iam vl-
cus cauum ac sordidum euasit. In quo vrinæ aliquando tales visae sunt, nun- ³⁰
quam in aliis morbis possunt certam significationem præbere: quandoqui-
dem perpetuò renales, vt ita loquar, apparent. Vbi verò renis vlcus supra
modum sordescit & in fistulam abit, in vrina alba, crassa, turbida atque foeti-
da saepe crassamentum quoddam subsidet viscidum & cohaerens, narium
mucosum aut oui candido non dissimile. Tale etiam plerumque animaduertit-
tur, quum in vesica calculus inest: ea quippe materia licet ferè profluat è
renibus, circum tamen calculum concrevit vesicae vitio & imbecillitate,
eo argumento quòd talis etiamnum plerumque manet ac persistit exem-
pto calculo. Quinetiam sordida cervicis atque penis vlcera eiusmodi saepe
vrinæ emittunt, maximè quum ex foeda veneris lue gonorrhoea illa virulenta ⁴⁰
parastatis infederit. His quidem incipientibus in vrinis filamenta quaedam
visuntur, primùm tenuia, deinde crassiora: ab his vrina tota crassescit, po-
stremò sedimèntum quale dixi mucosum inest: atque licet vlcus arte san-
scar,

scat, diu tamen filamenta ex derelicta loci & spermatiorum vaforum imbecillitate permanent.

De hypostasi & vrinæ contentis.

Cap. XVII.



5 M P L A sanè & cōtrouersia plena est de hypostasi disputa-
tatio, quam non tam cōtentionis quàm veritatis cogno-
scendæ studio his complecti consilium est. Vrina è potu-
lentoꝝ liquidorumque fit materia, quæ omnia permeans
10 dum concoctione quæ in ventriculo, in iecore, atque ve-
nis fit, cibo, sanguini, humoribusque permiscetur, tū co-
loris, tum substantiæ suæ modum adipiscitur, perinde atque leguminum
carniumve iuscula. Non enim simplex illa existit, qualis olim potus fue-
rat, sed aliena perfusione crassior. Quinetiā tantisper dum in nobis ea con-
tinebatur, insiti caloris vim quādam acquisiuit, quam & Aristoteles re-
15 cte annotauit in ipsis quoque animantium excrementis manere. Quicquid
igitur in emissa vrina crassioris inest substantiæ, licet nō protinus aspecta-
bile sit, mox tamen secernitur atque coit, ac plerūque subsidet perinde at-
que fex in aqua rosarum stillatitia, idque insiti huius caloris beneficio, cu-
ius est vis heterogenia secernere. Hæcque crassior vrinæ portio insiti calo-
20 ris vi secreta, hypostasis est. Nō igitur hæc (vt Actuarius visum est) eius dun-
taxat coctionis quæ in extremis venis perficitur, aut etiam solidarum parti-
tium excrementum est. Neque (vt aliis plerisque placet) portio cibi crudior
quæ interdum è ventriculo in venas cum sero prouehitur, sed vbique cum
vrina ortum perfectionemque nacta est. Quocirca non solum aut ventri-
25 culi aut solidarū partium, sed præcipuè maiorū venarum hypostasis est in-
dex. Vt autem huius atque vrinæ vnus est ortus, ita & earum substantiæ mi-
rè consentiunt. Multa quippe tenuissima ac prorsus aquea vrina hyposta-
sin nullam exhibet, simpliciter verò tenuis tenuem, vt in iis quibus crudi-
tas est & infirma cibi cōcoctio: mediocris mediocrem, crassaque crassam,
30 vt in pueris & helluonibus qui multa vorant eaque probè cōficiunt. Quæ
verò externæ cuiuspiam rei vel à renibus vel à vesica profluētis permistio-
ne crassescit & perturbatur, crassamentum deponit, quod nō propriè hypo-
stasis, sed fex est vrinæ. Sic igitur hypostasi materiā cōfert vrinæ chymosis.
Illam autem secernit insitus calor, qui si in vrina vegetus est ac validus, ma-
35 teriam in vrinæ humorem sparsam ac tum minimè conspicuam, citò qui-
dem segregat & colligit, ac dein prorsus deorsum deponit: & demum ita
cogit vt æqualis euadat, id est sui vbique similis, atque etiam læuis nihil a-
sperum nihil diuulsum habens. Infirmior vrinæ calor crassamentum hoc
tardius secernit, neque id deorsum impellit, sed in medio finit propèdere,
40 quod enæorema dixerunt, idque ferè aut diuulsum aut inæquale. Langui-
dus calor tardissimè secernit, neque potens cogere, id aut diuulsum relin-
quit aut per summa innatans nubis specie. Itaque triplex ex situ fit cōten-
torū genus, in imo subsidet hypostasis, id est sedimentum, in medio pro-
pendet

pendet enæorema, id est suspensum, summa facie nubes innatat. Calor demum extremè languidus, ut in exitiali putrida febre, aut nimia indomitum humorum copia oppressus, ut in ictero, sæpe & in tertiana febre, quòd è iecore bilis abundantior irrumpit in venas seròque permiscetur, nihil prorsus segregat, & urinam permistam ac verè confusam exhibet. Hæc verò in solis observatur ægrotantibus, de quibus iam dicendum. Qui de febricitantium hypostasi ex veterum decreto differuerunt subtiliùs, illam statuunt puri proportionem quadam respondere, esseque portionem eius humoris qui in febre computruerat, sed iam coctam, secretam, & naturam vi depulsam cum urina. At certè hoc in primis perniciosum est medicinæ còmentum. Non enim ardentis febris materia quæ torrida bilis est, aut in pus aut in quippiam simile puri concoctione verti potest: neque eadem est huius atque phlegmones ratio. Neque febris materia in statu iam cocta dum tandem perfecta crisi ab aluo deiicitur, unquam purulenta apparet aut alba, sed planè flava atque biliosa. Quò fiet igitur ut hypostasis quæ in statu febris ardentis alba conspicitur, portio sit eius flavae materiae quæ computruerat, & quæ nunquam albescit? Adhuc si in statu portio noxiæ materiae excidit, in principio verò & incremento nihil, urina in statu quàm in principio vel incremento crassior existet: quod quotidianis observationibus falsum deprehenditur. Ut enim principio acutarum febrium cruda & còfusa, ita & 20 crassa cernitur urina. Quocirca aliter de febricitantium hypostasi statuedum: hanc non portionem coctam eius esse humoris qui putruerat, sed similem atque in sanis materiam obtinere: & quum primùm in acutis febribus apparet, indicare caloris & naturæ dominium atque victoriã, quæ putridos humores non ita pridem turgentes & ferocientes tum repressit 25 ac edomuit, & quæ iam ad pristinas muneris functiones redit. Etenim materiae febris concoctio quam appellant, nec suppuratio est, nec propriè maturatio, sed solius putredinis repressio atque cohibitio. Ita enim in statu tota febris materia adhuc in venis conclusa est, nec eius quicquam crisi vacuatum, & nihilominus quia sedata est & in naturæ dominio atque potestate, urina purior existit cum hypostasi, quæ eiusmodi sedatione ac victoriam certò demonstrat. Tum igitur represso furore noxi humoris minus cum urina defluit, eaque tenuior & minus turbida est quàm in initio, quòd vi putredinis magna inerat humorum perturbatio atque confusio, quorū & magna vis in urinam quoque ferebatur. Tū etiam superior dominatrix 35 quæ natura crassiorem ex urina materiam in enæorema vel hypostasim discernit. In hæc igitur contrahenda erat disputatio longè difficillima, quam accuratiùs exequar in opere prognostico, ubi ex professo de morborum concoctione differetur. Itaque quum calor noster insitus perniciosos morbi humores prorsum euicerit atque concoxerit, bona sit hypostasis, nempe alba, laevis & æqualis, quæ est omnium perfectissima. Enæorema quod album, læve & æquale sit, minus bonum quàm hypostasis est, & quodam modo imbecillum calorem ostendit, qui nondum plenè coctam materiam nequeat

Nubes

nequeat subigere & in fundum depellere. Nubes etiam bona, nempe alba, lævis & æqualis cruditis imbecilliorisquæ calor est nuncia. Hypostasis nigra aut liuida omnium est deterrima, eamque perniciem minatur quæ naturam omnino prosterнат. Enæorema nigrum aut liuidum minorem perniciem, rursumque minorem nubes quæ similis obtigerit: sub iis calor insitus nondum succumbit, sed vigoris non nihil etiam num retinet. Optimum igitur vnumquodque contentum quod quantitate & substantia est mediocri, album, læue & æquale. Quodcunque ab hoc defecerit, vitiosum.

- Multū fit quia aut consueti sudores, aut alui deiectio, aut alia naturalis *he*
 10 quædam vacuatio supprimitur: atque hoc pariter crassum ac crudum apparet. Quod autemimenti vbertate & facultatis robore multum euadit, simul tum substantia, tum colore mediocri existit. Paucum verò reddunt inedia, vigilia, exercitatio vehemens, & quæcunque euidentes causæ corporis substantiam absumunt dissipantque. Et hæc quidem in sanis. In morbis verò quod substantia crassum apparet, vel à crudioris materiæ fit copia, quam natius calor euincere non potest, tumque alia cruditis signa comitantur: vel à crisi diuturnorum morborum, estque tum manifesta alieuatio morbi. Fit nonnunquam & à pure & à viscida pituita, ut ex iis quæ supra nobis sunt dicta facile discernes. Quod enim tenue est, cruditatem
 20 in morbis portendit, aut coctionis initium: in sanis tenues humores nondum ad substantiæ mediocritatem deductos. Contentum læue quod nempe continuum est, nulla ex parte fissum rugosum aut diuulsum, sed sibi cohærens, nihil habens asperitatis, à valido fit insito calore. Contrarium huic asperum ac diuulsum imbecillus calor haud prorsus cogere potuit.
 25 Sic & æquale cuius partes omnes & crassitie & colore sui vbiq; similes sunt: & cōtrarium inæquale, cuius partes dissimilitudine quadam distinguuntur, nec æqualiter coctæ aut coloratæ apparēt. In coloribus autē spicuum, aureum rubrumve, bilem in venis exuperare, aut sanguinem vehementi incendio corrumpi significat: quanquam Hippocrati rubrum læuēque in vrina rubra residens securitatem portendit. Venetum, liuidum
 30 & nigrum vitalis caloris extinctionem, aut corruptum sanguinē, atrūve humorem, aut illic genitum, aut alicunde irrepentem. Contenta si fortè defunt in sanis, non semper malo sunt: sæpe enim vel ex magna obstructione, vel ex potu multo ac tenui, qui antè distribuitur quàm vllam cum
 35 cibo permissionem aut concoctionem acceperit, tenuis fit vrina, in qua aut nulla aut admodum pauca cernuntur contenta, quod iis materia non suppetat. In ægrotis autem qui humorum vitio laborant, quoniam peccans materia subest in venis, contenta siquādo defunt, semper malo sunt, naturamque denunciant corruptorum humorū copia impediri. Sed hīc
 40 demonstratiua vinarū signa persequimur, prognostica quibus aut cōcoctio, aut salus aut mors in morbis præuideri solet, aliò relaturi.

H Exercitatio



VICQVID in vrinis præter naturam inest, nisi ex al-
sumptorum qualitate sit, aut viscera, aut venas summæque
corporis, aut renes vrinæque vias affici commonstrat. Ea-
dem ex his vitia vrinæ contrahunt, ac proinde antequam
ex iis quicquam decernatur, perpendendum è quo præci-
puè loco illa dimanent. Quæ de renibus & vrinæ viis de-
fluunt, promptum sit ex his quæ de morbis eorum protuli internoscere, at-
que si horum nihil comparet, omnis vrinæ significatio aut ad viscera aut
ad venas maiores ad reliquumque corpus certò refertur. In his autem di-
scernendis semper animo cõtemplari & memoria repetere oportet, quod
anni tempus, quæ cœli constitutio sit, & quos morbos regio inuehere
solet, aut quis morbus communiter grassatur in populum, nam is semper
metuendus suspiciendusque est, qui multis insidiari cõsuevit. Deinde per-
specto laborantis sexu, rogandum notûsne is sit, vt illius natura atque con-
stitutione repetita, cõstet quibus ille morbis sit opportunus. Horum qui-
dem animaduersio non parum habet ad morborum inuestigationem & di-
gnotionem momenti, præsertim quum morbus recens adhuc est, aut eius
nulla insunt in vrinis perspicua signa. Nã si senex est qui laborat, hyeme,
pluuioso cœlo, & in regione humida, fieri vix potest, quî tussi, destillatio-
ne aut grauedine & ventriculi imbecillitate affligatur, maximè verò si cra-
pula & vinolentiæ deditus, & natura humidior destillationum morbis sæpe
cõstictari solet. Aut si iuuenis isque biliosus ægrotat, ætate media, cœlique
statu & regione feruentiore, post victum calidum exercitationemve immo-
deratam, suspicio mouetur febris ardentis, aut intermittentis biliosæ, aut
dysentericæ, aut pleuritidis, eius scilicet cui magis ægrotus sit obnoxius, aut
quæ tum temporis plurimum grassatur in vulgus. Horum exemplo de cæ-
teris quoque morbis (vel vrina nondum perspecta) coniciendum est. Ad-
hæc verò vrina quæ nec renum ductuumque vitio, nec externarum causa-
rum vi mutata sit, quænam tum viscerum, tum venarum totiusque corpo-
ris sit intemperies ostendit: deinde simplexne sit, an ex humorum vitio: & quod
humoris genus exuperet, & an cū putredine atque febre. Nam color inte-
periem, substantia crassa aut turbulenta humoris vitium, cõfusio putredi-
nem denunciat: quæ profectò omnium ferè morborum interiores causas
sunt, ex quibus etiam si morbi species nos lateat, non parua tamen agendo-
rum atque vacuandorum cognitio capi potest. Sed & vrinæ cõtenta sedis
affecta certam interdum notitiam exhibent. Quoniam verò iam ita mos
inoleuit, vt præter hæc tanquã arioli multa multi de absente ægroti ex so-
la vrinæ inspectione augeretur, quisquis se ad eorum imitationem studet
accommodare captandæ gloriæ desiderio, is acuatim recenscat quæcunque
primùm nouerit ex vrina. Nam verborum circuitu stultorum mens irre-
titur. Itaque si vrina alba vel spicea tenuis offertur, dicat vetriculum atque
iecur supra modum refrixisse, cibi inesse fastidium ferèque deiectionem
tentionem

tentiā, ventriculū à pastu distendi atque dolitare, ructus multos eòsque acidos emitti, flatus plurimos euagari, frigus plerumque sentiri, caput ingrauescere, corpus vniuersum quasi eneruatum languere, multa olim commissa fuisse in victu, idque vel potu frigida, vel fructuum esu, vel vigiliis, vel mœrore. Si iamdiu malum persistit, corpus vniuersum cruditate scatere, viuidum periisse faciei colorem, aut lienteriam esse, aut pedes tumere, & leucophlegmatix aut cachexix periculum impendere. Et quoniam ea quoque vrina sæpe notatur in melancholia atque in lienis tumore, de huius quoque symptomatis narrandum, de mœrore, metu, insomniis turbulentis, rugitu sinistri hypochondrij, cordis palpitatione, scotomate, deque his similibus. Quum alba simul crassa aut turbida fuerit, quoniam à crassa lentæque pituitæ dominio fit, enūciat caput dolore cōcuti, vel graui somnolentia teneri, viscera humoribus multis impediri, intestina atque hypochondria flatibus distendi, & colicum dolorem imminere, ventriculū

15 nausea aut pituitosa vomitione premi. Hæc si simul confusa apparebit, aut quotidianam, aut lentam febrem esse, eamque diuturnam: & symptomata vrgerè quæ febres comitari solent. Vrina aurea si tenuis fuerit, iecoris calidam intemperiem, sitim, corporis extenuationem, vigilias, somnum turbulentum, manuum volas plantasque pedum impendio calidas. Ea si crassa

20 erit, bilem flauam exuperare & exagitari, hancque vomitione reddi, os ieiuno amarescere, animi defectiones obrepere, vetriculū & præcordia incalescere, idque ferè cum siti, aluū torminibus aut crebra deiectione sollicitari quæ dysenteria minatur, aut corpus pruritu ardere, aut scabie fœdari. Eadem si confusa existet, tertianam aut ardentem febrem affligere,

25 capitis dolorem, vigilias, delirium, sitim in exhaustam, aliæque harum febrium symptomata aut adesse aut imminere. Rubra vrina si tenuis aut mediocris sit, sanguinis efferuescentiam inesse, capitis pulsanter dolorem atque grauitatem, membrorum tensionem lassitudinem: & si confusa erit, synochum putridam eiusque symptomata. Ad hūc modum si ex aliis vrinae

30 coloribus, vel icterus, vel iecoris scirrhus vel phlegmone, vel melancholia in liene, vel cæterorum quippiam inesse coniicitur, symptomata omnia, tū quæ illinc profecta sunt, tū quæ impendere solēt, causas quoque euidentes ex quibus illa proficisci consueuerunt, diligenter persequi decet. Talis propemodum est & affectarum partium ineunda narratio. Sed interrogatiuncula cautè præmittenda, quam pridem morbus inuasit, subito an

35 lentè ac pedetentim, & quā vehementer, vt hinc coniectura fiat, acutūne an diuturnus is sit. Hinc quippe & ex naturæ, tēporis, regionis, & morborum vagatium æstimatione, ad morbi speciem proximè acceditur. Ad hæc verò si bullæ per summam vrinae coronam dispositæ, caput dolere aut

40 humore multo grauari denuncient, mox iudicandum & somnolentiam, & sensuum tarditatem esse, ex hisque aut soporem, aut paralysem, aut grauiorem defluxionis ruinā instare: aut quum iam certa destillationis signa quæ suprā dixiprehenduntur, humorem aut in ceruicem, aut in scapu-

H ij las,

las, aut in latera atque thoracem, aut in pulmones cum tussi, aut in artus & articulos procumbere: atque si cum destillatione febris signa existât, pleuritis virgere, maximè verò si tum temporis populariter ea vagatur: sin verò cum destillatione vrina sit oleaginea, phthisin vel inesse vel proximè instare. Solas autem hæc corporis partes imperitorum vulgus nomini- bus designat, caput, latus à summa scapula ad coxendicem, stomachum à clauibus ad vmbilicum, ventrem, dorsum, & artus. Quùmque vllò mo- do pars dolens (nam dolorem vt maximè infestum, omnes in primis a- nimaduertunt) deprehensa fuerit, quæcûque hanc symptomata premunt, enarrentur, mōxque idonea illi remedia prudenter decernantur. Incertam, & plerumque dubiam mercedem referet, qui periclitatione medicos tan- quam vates augurari coget. Consultor verò prudens & fidelis sani consilij fructum percipiet.

LIBRI TERTII DE PVLSIVS

& Vrinis, Finis.

De Febris, Liber Quartus.

PRÆFATIO.

SVMMA morborum symptomatumque genera, & eorum causas atque signa exposui, & qua ratione vniuscuiusque (etiā si inauditus aut ex multis variè implicatus esset) essentia causaque percipi possit, ut iam nihil eorum quæ sunt ad generalem medendi rationem præmittenda deesse videatur. At verò quoniam vniuersalium perceptione, nemo quicquā magna laude dignum cōsequi potest sine vſu & exercitatione, quæ in singulis versatur: morborum qui in humanum corpus inuadunt differentias omnes speciesque nunc sigillatim persequar, veterum instituto & ordine quoad licet obseruato. De febribus itaque primū scribā, de quæ morbis qui totius sunt corporis: hinc ad eos dein pergā qui vniuscuiusque partis proprii sunt. Non pauca interim legenti occurrēt à maioribus aut prætermis-
sa, aut non satis explicata, aut ab illis interdum dissentanea, sed quæ tamen ut ratione stabilita, ita & longo sint medendi vſu comprobata. Sic enim decet inuestigatorem veri non solum quæ legerit, sed & quæ secum ipse meditando considerat & contemplatur, vſūque tenet cognitione dignissima in communem fructum proferre.

Quid febris, quæ illius essentia, quæ signa. Cap. I.

FEBRIS est calor præter naturam è corde in omne corpus effusus. Rigor horrore intermittentium febrium, tametsi accessionis est initium, febris tamē haudquaquam censerī potest, quòd nondum sit calor incēsus. Neque per febrem exitialem partium extremarum frigus è febris est essentia: neq; vlla rectè potest frigida febris appellari, sed omnis in caloris genere subsistit. Calor præter naturam aduersatur naturali. Est autem naturalis duplex, vnus insitus in solidarum partium humido primigenio inhærescens, cuius est origo cœlestis. Alter elementarius, moderatus & ex omnium elemētorum permissione temperatus. Ille omnium functionum primarius est opifex: hic verò adiuuans, quòd elementorum temperies insitum illum calorem foueat excitetque. Insitum olim demonstrauimus exuperare non posse, nec illius copiam & vbertatem vitio vnquam dari, sed quò fuerit vberior (ut infantium ætate) eò naturales vitæ functiones reddi fœliciores. In eo igitur cōsistere febris nulla potest: sed febris essentia calor est præter naturam, qui quum adest tanquam hostis insensus, insiti illius substantiam semper oppugnat, labefactat, omnes-

H iij que

he que functiones interpellat. Triplex autem cōstitui debet, vnus admodum simplex, qui solius est caloris exuperantia, hinc genitus quòd calor elemē- tarius assiduo incremento de temperie & mediocritate decedens, plus ni- mio exuperat, & qui naturalis fuerat, sensim non naturalis euasit, vitiosus proinde & naturæ iam insensus. Alter est calor ex putrescēte materia pro- gnatus, qui etiam si nō admodum sit ardens, quoniam tamen eius de qua prodiit materiæ cōditionem redolet, præter naturā est & insito calori gra- uis. Tertius est malignus & perniciosus, quem pestilens venenatāque ma- teria fundit, nō qualitatis exuperantia, non putredine, sed totius substan- tiæ dissidio vitali insitōque calori aduersus. Solus igitur qui præter naturā, est calor, febris existit, si modò iam accensus constāsq̃ue permanet. Ere- nim si vel æstu, vel balneis, vel exercitatione corpus incalescit & mox agi- tatione sedata deferuescit, calorem hunc nemo febrem vt neque morbum appeller. Neque porrò calorem præter naturam, qui vel caput vel brachiū, vel crus solū occupat, quia non in omne corpus euadit. Neque si ex par- te quapiam latè dimanet, sed neque si è calidiore iecore pariter cum san- guine & halitu prodiens, palmas atque plantas quasi exurat: aut etiā quo- uersum effusus omne corpus prehendere videatur: non enim è corde prodiit. Vnus calor præter naturam, qui è corde per arterias vnā cum spi- ritu profluit, vniuersalis esse potest, vnusque promptè ac celeriter in cor- pus omne distribuitur. Solus igitur debet febris appellatione cōtineri. Ad- de, iecore duntaxat affecto, non pulsum, sed naturales solū functiones immutari. Affecto verò corde vitæ principio, ipsi mox omnia consentire, omnesque peræquè partes ne munus expleant impediri. Itaque quum fe- bris maximè vniuersalis morbus omnes vbique functiones offendat, de- bet eius partis affectio censeri, quæ est ad omnium conseruationem vsum- que necessaria: solusque calor præter naturam è corde in omne corpus ef- fusus, vera febris haberi. Non est id perpetuum (quod definit Auicennas) omnis febris calorem in corde accendi. Tamen si de continuis & primariis id verum fatemur, intermittentiū tamen & symptomaticarum calor non in corde primū accenditur, sed aliunde sublatus cor ferit, è quo æstuans cum spiritu mox per arterias in corpus omne refunditur. Omnium por- rò febrium communes notæ sunt, pulsus celer ac frequēs, interdum etiam inæqualis: qui solius calidioris cordis est proprius. Viriū languor & imbe- cillitas cū spontanea corporis grauitate aut dissolutione: corpus quippe vniuersum cōsentit laborāti cordi. Calor aut foris acer ac pungēs, aut intus certè molestus, qui & nonnunquam feruido halitu prorumpit è naribus.

Febrium differentia.

Cap. II.



Trin febris
genera
Tota febris essentia calor est præter naturam, ita illius propria summaque genera ex caloris differentiis statuenda sunt. Tri- igitur febris vt caloris præter naturam prima summaque gene- ra existūt, simplex, putrida, & pestilens. Simplex febris est cuius calor

calor elementarius solo incremento, naturæ ac temperiei limites excessit: potest & eadem dici naturalis calor in igneum conuersus. Putrida, cuius calor ex illuue putrida emerit. Pestilens quam venenata pernicioſaque exspiratio intulit. Simplex porro febris triplex est, ephemera, synochus & hectica: quæ solo caloris subiecto distant, quod aut corporis substantia est, aut humor, aut spiritus: nec enim plura in corpore subsistunt. Ephemera in solo spiritu vago primum consistit, isque verè inflammatus est, cuius tamen calor toti etiam corpori impertitur. Hæc quia in tenui & dissipabili est subiecto, vno ferè die soluitur, vnde ephemera, id est diaria nuncupata est, rarò longius excurrit. Synochus, id est còtinè simplex est sanguinis effervescentia, qua nimirum citra putredinē aliā mve labem is incaluit, cuius contagione cor ipsum partesque omnes incalescunt. Hectica vna omnium in partium solidarum substantia primum ac per se consistit ac hæret. Consistunt igitur omnes in corde, at ratione dissimili. In ephemera cordis spiritus iam incaluit, humores verò atque substantia duntaxat calent. In synocho humor incaluit, substantia verò calet. In hectica cordis substantia prorsus iam incaluit, & permanentem fixumque obtinet calorem. Est autem hectica duplex, vna quidem vniuersalis & primaria, quæ cordis primum deinde reliquarum partium substantiam æquabiliter inuasit. Altera partis est hectica, quæ cuiuspiam partis substantiam primum ac per se obsidet, è qua tamen tum cordi, tum partibus singulis impertitur. Huius genera complura: nam & ventriculi & iccoris & lienis & pulmonum hectica deprehenditur. Iam verò putridæ febris, ex putrescentis humoris specie atque ex situ, duo prima constituuntur genera, continua & intermittens. Quum tanta in venis arteriisque maioribus inest putredo, quæ vel se ipsa vel suo vapore cor còtinenter attingat & labefactet, còtinua fit febris. Quum verò aut leuior est, aut longius à corde dissita, vt nō assiduò id afficere queat, febris est intermittens. Còtinua febris duplex, vna vera & primaria, quam accendit putrescens humor in vasis maioribus quæ inter alas & inguina excurrunt. Altera symptomatrica est, quæ visceris cuiuspiam partive putredinem quasi comes insequitur. Et quæ harum ex iccoris, lienis, renis aut cuiusvis partis erysipelate fit, typhodes appellatur: quæ ex earum aut insigniorum partiū phlegmone, vt ex peripneumonia, pleuritide aut phrenitide, phlegmonodes: vtraque autem symptomatrica est continua. Fit & nonnunquam symptomatrica, dum in hisce visceribus citra eorum inflammationem coercitus humor putrescit: idque si affatim vniuersimq; fit, acuta febris existit: sin verò sensim ac lentè, continua lenta, quæ diuturna esse consuevit. Putrida febris continua quam primariam nuncupauimus, species sortitur ex vincetis humoris natura. Etenim venarum arteriarumque sanguis, si quum putredine incendiòque prehenditur, bene temperatus est, & ex quatuor humorum equabili permistione constitutus, febrem accedit synochum putridam, cuius mox species explicabimus. Si calidior is est plùsque bilis quàm cæterorum humorum continet, absolute conti-

H iij nuam

Tertianae continua
Ardens
Quotid. na. continua
Quart. na. continua
Intermitt. feb.
Confusa feb. &
Composita
pestilens

nuam facit tertianam. Cuius si magnum est incēdium in cor & praeordia deurgēs eāque obsidens, verus causus, id est febris ardens existit. At verò si pituitosus est sanguis, incensus is ac putrescens, febrem profert cōtinuam quotidianam: si melancholicus quartanam continuam. Putrida febris intermittens, alia simplex, alia composita, alia cōfusa. Simplicis tres differentiae, tertiana ex bile flaua extra venas maiores putrescēte, quotidiana ex pituita putri, quartana ex atra bile pura ac seorsum putrescente. Cōfusa febris non ex humore syncero, verum ex multis vno extra maiores venas loco confusis, pariterque putrescētibz emergit: huiusmodi est tertiana nottha. ex bile atque pituita pariter corruptis. Composita febris ex mistis implitisq; fit intermittētibz, vt tertiana duplex, quartana triplex, & hemitritaeos quae ex quotidiana continua & tertiana intermittente cōstat. Hic vt multae sunt febres, ita & humores multi separatim putrescunt, non loco vno eodēque confusi. Hac quasi figura putridae febris differentiae ex humoris specie ac situ depromptae sunt. Pestilens porro febris non vno calore, sed pestilenti malignaque perniciē aliās spiritus, aliās humores, aliās partium substantiam contaminat, hincque differentiae surgunt, quas postea exequemur. Rursum autem de his singulis expressius & quantum exposcit medendi ratio tradendum.

De ephemera febre.

Cap. III.



le
le

PEBRIS ephemera est calor prae naturam in spiritu primum confidens. Est autem hic spiritus non insitus, quem in Physiologia diximus solida parte contineri, cuiusque praeipuum substantiam complere: sed arteriarum communis ē cor-
 de in omne corpus influens & illapsus. Hic ephemeræ materia est continensque causa, vt in quo tanquam basi consistens, in reliquum dein corpus inuadit, cuiusque functiones interpellat. Atque vt spiritus admodū tenuis est, ita & quae in eo consistit febris omnium est leuissima & facile dissipabilis: non constans, sed veluti trāsiens ac praeferuens. Huic ferē origo
 est à causis euidentibus, quarum vi & impulsu tenuis, calidus, feruidusque spiritus, omnium quae in corpore sunt promptissimē incenditur. Quum igitur ab his non prius humores quam spiritus inflammari possint, necesse est febrem omnem putridam ab his genitam quaedam antecedit ephemera. Huius notae sunt, quod nō sensim praecedere cibi fastidio aut spō-
 tanea corporis lassitudine, aut grauiore somno, & frequēti oscitatione, sed tota repenteprehendit, solaque euidentium causarum vi infertur. Aut nullus aut admodum levis horror initio fatigat, idque dūtaxat quum cacochymum corpus expirationem multam eamque calidam & acrem diffundit, quae ob cutē à frigore densatam, aut ob exilium meatuum cōstipa-
 tionem suppressa, ferit partes neruolas. Nulla comitantur saeva symptomata, nec vehemēs dolor, nec magna corporis iactatio. Pulsus quidem celer & frequens, sed tamen aequalis & ordinatus, magnus ac validus, nisi vel
 ex

ex mœrore, vel ex inedia, vel cruditate, vel frigore orta sit: est & in pulsu
 diastole maior atque velocior quàm systole: inspiratio quoq; expiratione
 & maior & celerior. Calor tactu mitis, suavis atque halitu plenus, qui ferè
 eo ipso die aut totus occultè expiratur, aut madore sudorève naturali eòq;
 5 miti nec graueolente discutitur. Vrina substantia, colore, sedimento, aut
 nihil aut minimū à naturali distans. Diariæ febris prægressæ euidentèsque
 causæ sunt, quæcunque calidiorem intemperiem inferunt: solis æstus, om-
 nisque ambientis feruor: lassitudo labôrque vehemens: vigiliæ, inediæ, in-
 tenta animi contentio ex ira, curis, tristitia vel timore. Omnium autè gra-
 10 uissimæ sunt, cruditas, siue ex nimia cibi copia & heluatione, siue ex vino
 meraciore, siue ex fructuum corruptorūque ciborum esu contracta. Na-
 turalium vacuationum, vt alui, vt vrinæ quauis ex causa retentio: vt sudo-
 ris halitūve suppressio ob cutis densitatem & constipationem vel ex fri-
 gore, vel ex adstringente balneo. Adenum maximèque inguinum ex la-
 15 bore tumores atque bubones, & atroces cruciatus qui corpus inflammāt
 humorèsque exagitant. Tres hæ causæ non solū qualitatem, sed & vitio-
 sam materiam vel in corpore retinent, vel aliunde suggerunt, ac proinde
 febrem sæpius accersunt ab horrore, & in periculum adducunt putridæ fe-
 bris, cæteræ verò solam qualitatem intemperiemque conferunt. Quæ cau-
 20 sa diariam excitauerit, ex antecedētium inuestigatione disci potest, neque
 in re tam leui, necessaria videtur amplior signorū discussio. Has in febres
 maximè propensi sunt qui calido siccoque sunt corpore, & qui halitu acri
 plurimo conferti sunt, & quibus sudor, vrina aut egestio supra modū gra-
 ueolet. Quum diaria nulla inclinatione, nullo sudore, aut etiam finito su-
 25 dore, statu pari diem vnum excesserit, metuenda permutatio vel in syno-
 chum, vel in putridam, quod ex signis suspectæ imminētisque febris in-
 ternoscitur.

De synocho febre.

Cap. IIII.



30 **E**BRIVM quæ in humoris vitio positæ sunt, omnium
 prima est synochos, nobis continens appellata. Ea assiduò
 fatigat, nulla excædescētia, nullaque intermissione, dum
 integrè soluta sit. Est autem duplex, vna sine putredine, al-
 35 tera putrida. Vtriusque materia continēnsque causa in va-
 sis est maioribus, inter alas & inguina sitis, atque ea est v-
 trique sedes. Materia autem sanguis est, non ille quidem simplex, sed qui
 ex quatuor humorum æquabili permistione constat. In eos proinde dun-
 taxat synochus inuadit, qui temperati aut aliquantò humidiores calidio-
 resque sunt, ætate media, habitu carnosio ac verè quadrato, & quos pletho-
 40 ra, id est sanguinis exuperantia & æquabilis succorū redundantia premit:
 cæteras naturas constitutionēsve non attingit. Eaque causa est cur admo-
 dum rarò synochus reperiatur simplex. Itaque sanguinis quædam velut
 efferuescētia & simplex inflammatio, quæ phlogosis appellatur, synochus
 est

est sine putredine. Vt autem sanguinis ea materia sui vbique similis est, ita & illius inflammatio tota vnus est modi, & ab initio in finem vna quasi accessio. Id quidē trifariam fieri contingit: aliās enim calor par sui que similis toto febris decursu manet, quan tūmque recēns inflammatur, tantūdem protinus dissipatur: ea est synochos homotonos. Aliās recens inflam-⁵ matio quā dissipatione maior est, tūmque calor continuo incremento inualefcit, & synochos fit epacmastica, id est crescens. Aliās plus dissipatur quā recens inflammatur, actum calor statim à summo vigore incipiens, sensim minuitur dū desinat, & synochos fit paracmastica. Synochus omnis sine putredine easdem atque diaria febris causas habet: quæ leuiore¹⁰ quum fuerint, diariam: quum vehementiores synochum proferūt. In causarum censu admodum efficaces sunt, magna adstrictio constipatione cutis, & sanguinis redundantia, siue ex suppressa cōsuetā vacuatione hemorhoidum, mensium aut narium, siue ex immoderato vsu ciborum euchy-¹⁵ morum & calidorum ea succreuit. Quamobrem huic ferē obnoxius est tēperatus intemperanter viuens, qui quum bene habito sit corpore, multo se tamen vino multāque carne implet: huic enim sanguis multus atque calidus inest, qui non facillē corrumpitur. Ab his igitur causis primū inflam-²⁰ matur spiritus, ac tū sanguis sensim inalefcit. Huius etenim tenues acresque vapores, ac ipsum calorem præter naturam cutis dēfinit aut adstrictio cohibet nec prodire sinit, qui geminatus sanguinē inflāmat simplicemq; synochum facit. Huius notæ sunt quæ & ephemera, verū aliquantū manifestiores. Propriè tamen corpus omne maximēque facies inflammatione ruborēque suffunditur: distendens lassitudo artus omnes occupat: magna iactatio fatigat: venæ copia distentæ multū turgent: tempora ve-²⁵ hementer pulsant: caput dolet vel ingrauescit: somnus sæpe profundus ac veternosus premit: respiratio difficilis: pulsus magnus, plenus, frequens, ac velox: cutis non squalida, sed mollis, non acris, sed blando calore madoreque perfusa. Huic generi & alterum finitimum sæpe fieri animaduertimus ex bilis calidorūque humorum agitatione nimia. Cause siquidem³⁰ euidenter quum vehementiores in biliosum corpus alioqui sanum irrucrint, non modò spiritus cōcalfaciunt, sed & acres humores exagitant, quorum æstu febris accenditur sine putredine. Hæc ephemera limites egreditur, nec tamen synochos est nunc exposita: illa quippe sanguinis efferuescentia est, hæc bilis concitatio sine putredine: illa in corpus incidit tem-³⁵ peratum benēque habitum, hæc verò in calidum siccūque ac planè biliosum. Huius causæ euidenter non aliæ sunt quā quæ ephemera mouet: maximè verò cruciatus summus, qualis nephritici aut parturiētis est: exercitatio, labórque immodicus, æstus, balneū, animi exandescencia, & quæ his pares sunt viribus. In hac nullæ putredinis notæ in pulsu aut in vrinis⁴⁰ cernuntur, veruntamen os amarescit, deiicitur appetentia, sitis excruciat, capitis dolor ac vigilæ vrgēt: in cute arida calor acer ferit. Sublata euidentere causa, paucis post diebus febris eiūsq; symptomata, quiete sola, nullo artus

tis subsidio sedantur ac sponte desinunt. Quū febris diaria citra putredinis notas diem vnū alterūve exceſſerit, harū alterutra ſuſpecta eſſe debet.

De ſyncho putrida.

Cap. V.



PUTRIDA ſynchos febris eſt continua ex putreſcente ſanguine prognata. De huius exortu ſumma quidem diſſenſione certat artis proceres, poſſitne ſanguis putreſcere: & quæ hinc prodiſt, ſynchosne ſit, an bilioſa febris. Cæterum poteſt eorum controuerſia, hac obſeruatiōe dirimi. Sanguis bifariam putreſcit, vno generali modo, quum vi caloris præter naturam ſegregantur quæ in eo ſunt ſubſtantiæ diſſimiles, & bilis flaua ac tenuis ab atra quæ craſſa terrenaque eſt ſecernitur. Hæc autē degeneratio veriùs corruptio quàm putredo cenſetur, vt alio loco dilucidius explicatum eſt à nobis. Atque ſi ſanguis hac ratione putreſcat accenditurque febris, ea nō ſynchos, ſed vel bilioſa vel melancholica euadet. Alio modo verè ſanguis putreſcit, quum citra ſubſtantiarum diremptum aut ſecretionem, totus corrumpitur magno fœtore aut graueolentia. Vt enim e venis in pectus, in ventriculū, in inteſtina, aut in aliam capacitātē ſanguis præter naturam effuſus, vitiatur & quaſi in venenatam ſubſtantiā putreſcit: & in muſculos irrupens, tumorem præter naturam phlegmonēque parit, atque putreſcit primū, deinde ſuppurat: ita dubitari non debet eum validis ex cauſis, vt in putrida atque peſtilenti cœli conſtitutione in venis maioribus putreſcere. Quinetiam quum phlegmone tenatur iecoris ſubſtantiā, ſanguis totus nō modò putridus, verumetiam nonnunquam purulentus exiſtit. Sed & omnes fatentur ſanguinem tam magna interdum mutatione deprauari, vt nō amplius ad habitum redeat naturalem, nec poſſit iterum per naturæ concoctionem, ad primam humoris bonitatem redire. Denique per febres qui detrahitur, ſæpe animaduertitur non ſolū fœtidus & graueolens, ſed & putridus adeo vt nec ſibi coherere nec concreſcere queat, omnibus ſcilicet eius fibris putredine conſumptis. Hoc igitur modo quum ſanguis corrumpitur, ſynchos accenditur putrida. Hæc quemadmodum & altera ſimplex, vna quaſi accēſſio eſt, nec antè aut miteſcit aut intermittit quàm integrè deſinat. Eſt & ea triplex: quum enim toto decurſu par eſt modus putredinis, homotonos exiſtit: quū plus putreſcit quàm diſſipatur, epacmaſtica: paracmaſtica, quum minus putreſcit quàm diſſipatur. Hæc etiam non niſi in temperato benèque habito ſit corpore, cuius ſanguis copioſus & laudabilis eſt. Cæterum cauſas habet quàm ſimplex validiores, quæ non modò inflammationem, verumetiam putredinem accerſunt. Omnium autem efficaciffima eſt cutis non ſimplex conſtipatio, ſed ab impactis multis craſſis viſcoſiſque humoribus vera obſtructio, quæ non cutem ſolam, ſed & tenues iecoris habitūſque corporis venas inferciat. Tametiſi igitur integrè ſanum corpus fuerit, omnēſque humores ſecundum naturam ac ſynceri, quia tamen valida

lida obstructio perspirationem prohibet, neque vis refrigerans foris intro subit, neque tenuia, acria & fuliginosa excrementa intus foras erumpunt, hinc & natium calorem strangulari, & quaecunque illic calida humidaque sunt putrescere necesse est. Nonnunquam verò & similium putidorum occurfu febris hæc acceditur. Notæ similes atque in syncho simplici, sed insigniores ac magis conspicuæ. Præterea verò calor in hac acrius contactum ferit: pulsus non modò magnus, vehemens, celer & frequens, veruetiam inæqualis & inordinatus: vrina crassa, rubra, turbida, sedimentoque nullo.

*nota ff.
synoch.*

Qua ratione in venis maioribus putrescant humores, ex quibus febris accenditur continua.

Cap. VI.



ROMPTE putrescunt calida humidaque corpora, idque ferè quum insitus eorum calor quauis ex causa imminuitur: humor quippe tum vincens & effrenatus, nec caloris vi coercitus, è permistione terrenæ substantiæ secedit, graueolentia ac fœtore commitatus. Sic & corporis humores facillè putrescunt, & ex propria in alienam substantiam concedunt: aliàs quidem in venis aut omnibus aut certè maioribus, aliàs in vna quapiam particula, idque interdum cum phlegmone, interdum citra phlegmonem. In venis arteriisque maioribus febris accenditur còtinua, eò vsque perseverans, dum humores qui hanc gignunt, vel incendio còsumpti dissipatiue sint, vel quouis modo edomiti. Etenim venarum putredo non facillè restinguitur, quòd coarctata non liberè perfletur ob loci densitatem, quòdque adhæsu apparatus humores inquinat, & continuatione in propinquas, ex hisque in alias venas prorepat transerraturve, nec antè desinat quàm quicquid in venis vitiosum est, depopulata sit. Duplex autè est putredinis ratio: alia in omnes aut saltè in maximas venas æquabiliter inuadit: alia ex vna quapiam initium ducens in cæteras sensim còtinuatione perreptat. Quæ in venas omnes pariter inuadit, licet earum sanguinem, non tamen eius omnes æquè partes occupat. Quum enim non omnino simplex sit sanguis, sed ex multorum humorum permistione compositus & sero multo perfusus, primùm quidem illius portionem putredini magis obnoxiamprehendit, ab hac deinde aliam ipsi permistam atque confusam quæ minus quàm illa sit vitiosa: hocque modo sensim obrepens simul cum calore præter naturam augetur & inualefcit, nec antè desinit quàm partes omnes sanguinis putredini obnoxias, absumpserit. Hoc perinde accidit, atque in ingenti phlegmone, in qua collectus sanguis nò statim vniuersus, sed eius pars alia citius alia tardius & putrescit & suppurat, sic sensim augescès putredo in summum vigorem fertur: quemadmodum & dum ignem accendimus aridiores primùm stipulæ, deinde virgulta, postremò ligni materia, suo quæque concrematur ordine. Omnibus quæ putrescere apta fuerat absumptis, putredo calorque febrilis cessat, manet tamè pars sanguinis melior, quæ quoniam minus erat putredini

ni obnoxia, huic inuiolata resistit, eaque licet putridæ permisceretur, illius tamen contagione minimè computruit, sed duntaxat incaluit: restincta proinde sedatæque putredine in pristinam illa puritatem redit. Atque tum vrinæ puræ ac prorsus laudabiles apparent, quæ crassæ, turbidæ, ac sine sedimento fuerant. Itaque ea putredine (nisi fortè extremo exitio fuerit) neque sanguis vniuersus neque totus labefactatur. Nam soluta febre, non omnino exhaustæ venæ manent, sed aliquid in his etiamnum inesse deprehenditur idque vtile & alendo corpori idoneum, quod tamen olim miscebatur putredini. Idipsum continget etiamsi nihil sanguinis recens genitum, nihilque cibi toto morbo sumptum fuerit, quod in extremè acuto fieri iubet Hippocrates. Hac propemodum ratione putret sanguis in synocho putrida: nec multò secus in causo, in continua tertiana, in aliisve continuis. In his quippe non vniuersus corrumpitur, nec omnes pariter humores ex quibus constituitur: (ita enim permiscerentur omnia continuarum febrium genera) sed is duntaxat qui maximè omnium vitiosus est. Atque ut huius est natura, ita & consentaneum febris continuæ genus accendit: tertianam quidem cōtinuam, si bilis flaua quæ in sanguine est: quotidianam continuam, si pituita: & quartanam continuam, si melancholia putrescat. Altera putredinis est ratio, quæ non in omnes pariter venas, sed ab vna quapiam (à qua fortè initium sumpserit) continuatione in cæteras in earumque sanguinem & in humores irrupit. Obtingit hæc quum putrefaciens causa vni fit quàm alteri venæ propinquior, aut quum sanguis non in omnibus æquè venis sui similis habetur. Nam in qua magis ad putredinis conditionem accedit, in ea primùm labe tentatur, dein verò (ni periculo prohibeantur) in iis quæ ordine succedunt: nec antè serpere ea putredo febrisque desinet, quàm omnes venas sensim peruagata, quicquid in his putrere aptum erat absorberit. Varietas atque mutatio vena selecta sæpe animaduertitur: nam interdum primus sanguis emanat syncerus, mox dein corruptus: nonnunquam contrà: & interdum è naribus purissimus, è selecta cubiti vena vitiosus: quod & Hippocratis autoritate celebratum est. Hinc dissimilium symptomatum origo, aliis per febres lumbi maximè ingrauescunt aut ardent: aliis præcordia siti æstûque flagrant: aliis vel animi defectio vel summa spirandi difficultas molesta: aliis capitis dolor, vigiliæ, aut deliria, ut partis natura fuerit quam putredo obsidet. Hinc & inordinatæ febres, quum priore relicto humore, corruptela alterum adoritur. Hinc febrium implexus, quum humores obsidentur varij. Hinc & prædictiones fallaces, quum priore humore iam ferè edomito victoque, alius aliòve loco putrescere incipit, qui post concoctas vrinas crudiores alias de se profert. Putredinis efficiens causa duplex, vna propria & intima, altera externa. Putrescunt corporis humores propria intimæque causa, dum in se vitium obtinent, quod nullo naturæ beneficio emendari potest. Ita quidem sensim ac tempore corrumpuntur, idque spòte sua nullo extrinsecus

cus suscitante. Id vitij genus ferè ab alimentis corruptis, & quorum vitiosa est substantia contrahi solet: cuiusmodi sunt frumenta, legumina, oua, pisces, carnes, & quæcunque aut vetustate aut negligentia, corruptione quadam labefactantur. Contrahitur & à cibis quidem probis, sed qui facillè corrumpantur aut putrescant: quales sunt lac, horarij fructus, & quicunque alieni vitiosi que sunt succi: ex his quippe genitus sanguis tamen si concoctione crebram mutationem subiit, pristina tamen conditionis & eius à quo nascitur nonnihil etiamnum ubique retinet. A cibis intempestiue aut ordine prepostero sumptis, ut quum priore nodum confecto alter ingeritur: aut quum duri concoctique difficiles leuioribus præmittuntur, quorum infirma est substantia. Corruptuntur postremo ac putrescunt humores interiorum partium, ut ventriculi, iecoris, omniumque viscerum affectione mala. Hæc enim in alimenta concoctione imprimitur, quæ etiam si purissima sunt, tamen contracta labe inquinantur. Externa porro causa putredinis duplex, obstructio & putridorum occurfus. Obstructio à crassis viscosisque humoribus tanta ut perspirationem impediatur: tum enim quia nec persflantur, nec refrigerantur humores, etiam si probi sint, putrescunt. Eandem vim obtinet & obstructio quæ à vasorum fit plenitudine. At quæ supra vires est plenitudo, idcirco putrescit, quod neque concoqui, neque regi ab imbecillis viribus possit. Putridorum occurfus, spiritus primùm, deinde humores ipsos corrumpit, ut aëris, halitus, vaporisque putridi inspiratio, & vel scabie, vel putrida febre, vel lue venerea inquinato accubare. Non pauci contendunt vnam obstructionem quæ perspirationem prohibeat, omnis putredinis causam esse, nihilque in nobis citra hanc corrumpi posse. Neque cum humorem ex quo calor præter naturam vaporque teter facillè totus exit, quique liberè persflatur, vnquam putredine tentari. At contra: euidenter perspicuumque est, vitiosos cibos sæpe in ventriculo aliisque partibus conputrere: & in pestilenti constitutione, tum inspiratu, tum perspiratu humores corrumpi: licet corpus omnino patens laxumque sit, & omnia spiracula dehiscant, aëreque frigido persflentur. Multis quippe aliis ex causis potest citra obstructionem innati humidi calorisque substantia minui, alienusque calor introduci, qui efficiens est putredinis causa.

De febre continua quæ conclusa nuncupatur, deque eius differentiis.

Cap. VII.



CONTINVA febris subiecta materia in vasis est maioribus, quæ illic putrescens aut ipsam de se putredinem, aut putrem vaporem in cor assiduò continentem fundit, è quo assidua fit putrida febris, quæ conclusa nuncupatur. At quum vel in inguine, vel in femotiore loco coarctata hæret, tum nec putredinem, nec eius halitum

litum, sed vnum calorem partium continuatione in cor infert, è quo solum vel diaria febris fit, vel symptomatica. Ea autem venarum materia sanguis est: in quo (siquidem ex æquabili humorum permistione constet) synochus consistit: si verò ab illius mediocritate deficiens vel biliosus, vel pituitosus, vel melancholicus appelletur, in eo putrida febris excitatur continua. Vt igitur synochus nō nisi in temperata natura, quæ multo sanguine eoque mediocri abundat, & quæ carnosus est habitu gigni solet: ita & putrida continua iis duntaxat obtingit, qui ab hac mediocritate recedunt, biliosis, pituitosis, aut melancholicis. Hic autem eorum meminisse velim
 10 quæ in Physiologia fusiùs demonstrauimus, in venis nihil præter sanguinē cum sero contineri, & quicquid foras effusum concreescere potest sanguinis nomine comprehendere: nullos illic secundum naturam humores esse synceros & superuacaneos, sed eos quatuor ex quibus sanguis constat, verè succos esse quibus alimur, neque aliud illic bilē esse quàm totius sanguinis partē tenuem atque calidam, quam etiam biliosum sanguinē appellamus: neque aliud pituitam quàm sanguinis partem crudiorē: neque aliud melancholiam quàm terrenam portionem & melancholicū sanguinem. In quibus igitur non æquabilis inest succorum permistio, ex putrescente æquabiliter sanguine, febris accenditur continua: at quibus sanguis
 20 multum biliosus est, tertiana fit continua: quibus is pituita quàm cæterorum humorum magis particeps fuerit, continua fiet quotidiana: & quum nimio opere in melancholiam deuerget, continua quartana. Est autem continuarum omnium genus duplex. Vnum earum quæ ab initio in finē perseuerant nullo stato excandescentiæ ordine. Huiusmodi sunt synochos putrida, & quæ causus appellatur: alterum earum quæ nunquā intermittunt, remittunt verò & excandescunt, aliæ quotidie vt quotidianæ continuæ, aliæ alternis diebus vt tertianæ cōtinuæ, aliæ quarto die vt quartanæ continuæ. Quæ ordine nullo excandescunt, earum materia in venis est cordi proximis, ac proinde putredo cor assiduò pari vehementia exercet. Cæteræ verò causam in venis habēt aliquantūm disiunctis, è quibus putredo in cor pari impetu assiduò ferri nequit. Harum autem excandescencia non vt intermittentium vel à rigore, vel ab horrore, vel à frigore initium habet, nec sudore soluitur, nec in apyresiam desinit. Talis est omnium earū continuarum ratio quas conclusas appellauim. Earum quippe materia in venis
 35 coërcita ac putrescēs, tametsi quadam ex parte per cutis spiracula sine sensu dissoluitur, non tamen potest ante perfectam solutionem tota depelli. Continuarum frequentissima est tertiana, rara quotidiana, rarior quartana continua: vtraque crebrior est cōtinua inordinata. Sanguis enim quisquis admodum pituitosus vel melācholicus est, quia frigidus ægrè admodum putrescit, neque hinc vehemēs febris, sed duntaxat lenta aut languida excitari solet, quæ ferè inordinata euadit. Putrida febris ab ephemera his notis statim initio discernitur. Prægreditur inæqualitas quædā & neutra corporis constitutio, ex ea certè plethora vel cacoehymia, quæ sensim
 I ij cumulatur

cumulatur ceu futura febris materia: hinc spontanea corporis lassitudo: motus grauis atque piger, somnus turbulentus, immoderata vigilā, hypochondriorum distentio, respiratio difficilis, venarum repletio, capitis temporūque dolor grauis, ac interdum pulsans. Ex his demum excrementa succrescunt præter naturæ consuetudinisque modum: vt sudor insolens, sputum mucūve exuperans, nausea aut vomitus: alui deiectio aut vrina copiosior & fœtidior. Talia ferè existunt in neutra corporis constitutione, quæ putridam febrem anteuertit. Quum verò iam febris prehendit, putridam hanc esse testatur, quòd ex neutra corporis constitutione, non ex sola euidente causa processit. Vel enim sponte ex corporis præparatione fit, vel à causis euidentibus quæ preparatum corpus excitant ac mouent. Calor in ea non mitis ac blandus, sed acer, mordax & qui tangentis sensum acriter feriat, non ipso inuasionis initio, sed vel in augmento, vel in statu, idque maximè si diutius corpori manus insideat. Pulsus atque respirationis inæqualitas: velox enim est systole, diastole verò tardior, idque præsertim augefciente calore: quum enim ex incensa putredine multa torrida & fuliginosa excrementa spiritus humorésque premant, natura systole festinat depressa arteria illa excludere: neque tanta necessitate nititur per diastolen refrigerium allicere. Est & plurium pulsationum inæqualitas: modò enim celer, modò tardus est pulsus, idque ex inæqualitate variòque motu putredinis: & rursum modò fortis, modò languidus, aliàs quidem oppressa, aliàs leuata natura. Est & pulsus velox simulque paruus initio, in vigore tamen velox atque magnus, ita quidem urgente refrigerij necessitate. Vrina penitus cruda vel obscure concocta, idque maximè initio: crassa enim rubra ac turbida existit, in qua nihil secernitur: interdum etiam ex vehementi obstructione, tenuis quidem, sed rubra & turbida: sæpe acris est & mordax, sæpe grauem fœtidūque halitum efflat. Expiratio aut sudor præter consuetudinem graueolens. Si exactis horis viginti-quatuor, febris ex toto non desinat, nisi heclicæ suspicio sit (quod est certè rarissimum) affirmari certò potest hanc ex humorum putredine accendi. Continuum porro ab intermittente his notis discernes. Nullo rigore aut frigore prægresso repente calor hominē adurit, aut si quando rigor, horror frigusve (vt sæpe fit) animaduertitur, noxij humoris non parū circū præcordia inhærescit, qui horrore concutit, dum totus calore sit incensus. Pulsus inæqualitas maior quàm pro caloris vehemētia: vltra horas viginti-quatuor exporrigitur, neque vt intermittens vel manifesto sudore, vel sensim hoc tempore desinit, sed perseveras eousque durat, dum prorsus conquiescat. In ea autem continua quæ causus appellatur, in primis cōspiciuntur cōmunes putredinis notæ, perpetuus & constans est ardor, isque ferè æquabilis nec manifestè tertiano motu exādescens: vehemēs est præcordiorū æstus: spiratio difficilis ac penè suffocās: iactatio inquietudōque indefessa: vigilia deliriūque frequēs: sitis inexhausta: lingua nigricās, sicca, scabra ferèque amara. Quòd si tanta accedat malignitas ac pernicies, vt interiores partes

Nota confirmat

partes ipsaque viscera vri videantur, simulque extrema frigeant, peculiari
 ea iam nomine lypyria febris appellatur. Ardentium quidem deterrima,
 in qua interioris ardoris vehementia, instar cucurbitulae calorem ad se, ex
 toto corpore reuocat. Tertianae verò continuæ manifestior est remissio,
 5 manifestior & exacerbationis motus, nullo frigore aut rigore prehēdens,
 nulloque insequēte sudore mitescens: ceteræ quæ in causo notæ, at leuior-
 es apparent. Continua quotidiana aut quartana si quando inciderit, ex-
 candescentiæ ordine circuitūque internoscitur. Vtraque sine frigore aut
 horrore exacuitur, mitescitque nullo sudore, prior quidem quotidie, po-
 10 sterior quarto quoque die. Putredinis quidem notæ adsunt, sed admodum
 obscuræ, neque pulsus ea celeritate, frequentia, aut inæqualitate fertur at-
 que in cæteris. Neque vrina peræquæ flammea aut rubra est, etiamsi fortè
 crassior sit, neque tanta premit symptomatum sæuitia. Adhæc laborantis
 natura & habitus & victus antecedens, qualis habeatur venarum sanguis,
 15 ostendunt, & qualis hinc nata sit febris. Ferè autem continua quæ tertiana
 non est, inordinata deprehenditur, bis tēve vno die, altero aut semel,
 aut minimè excādescens. Rarò quippe obtingit, vt vnicus in sanguine so-
 litarius humor putrescat. Quocirca putridarum febrium admodum varia
 signa & symptomata se proferūt. Cæterum cuius generis inordinata febris
 20 magis particeps sit, ex his signis quæ vniciq; propria sunt, colligi potest.
 Atque hæc de continuis febribus primariis seu conclusis.

De febre symptomatica.

Cap. VIII.

25



30

SYMPTOMATICA febris omnis in continua-
 rum est genere, neque vlla vnquam visā est intermit-
 tens. Huius proxima materia continēsq; causa non
 in venis est maioribus, sed in parte aliquapiam, è qua aut
 putredinis quiddam, aut teter putridusque vapor in cor
 obrepit. Eius quidem genera multa. Vnum inflamma-
 30 tiones sequitur, quod & ipsum est multiplex. Quum enim aut externa
 aut distans est inflammatio, non nisi ephemera febris accenditur, quod
 solus calor partium continuatione in cor euadat. At si partium interio-
 rum maximèque principum & cordi vicinarum, vel phlegmone vel ery-
 35 sipelas est, sanguis bilisve putrescens aut illinc in cor subit, aut tetrū pu-
 trēmque de se vaporem in ipsum emittit, è quo per arterias fuso, putrida fit
 febris. Sic à phrenitide, ab angina, peripneumonia, phthisi, pleuritide, he-
 patide, splenitide, & à nephritide febris fit phlegmonodes: ab erysipelate
 typhodes, eò quæque grauior, quò pars affecta nobilior cordique vicinior
 40 fuerit. Nonnunquam inflammatio quæ febris huius est origo, per initia
 quasi inuoluta latet, at febris eius symptomatica admodum cōspicua est:
 quæ hoc modo à continua primaria discernitur. Vtraque acuta est & pu-
 tredinis notas exhibet, sed symptomatica nullis statis periodis exacuitur.

I iij vrinae

*lypyria**Tertiana continua**le**discrimina Symptomaticæ
à continua*

vrinæ nullum putredinis indicium habet, nisi ex affecta sede putredo for-
 san obrepit in venas: si nō statim initio, mox tamen inflammatae sedis in-
 dicia se proferent. Rarō vel septimo vel quartodecimo die aliisve decreto-
 riis iudicio soluitur. In primaria febre continua, hisce contraria apparent
 omnia. Alterū febris symptomaticæ genus multo obscurius est, eam febrem
 continens quam lentam appellavi. Oritur nō ē visceris partive cuiusquā
 inflammatione, sed ē latente obstructione & putredine, quæ visceri con-
 tumaciter adhærescit impactaque est, adeo ut & ipsa visceris substantia ple-
 rumque labefactetur. Putredinis portio nōnunquā in venas effusa sangui-
 ni permiscetur. Hæc notas præ se fert symptomaticæ eius quæ aut phleg-
 monodes aut typhodes appellatur. Distinguitur autem quod omnium est
putridarum mitissima: æger nullo graui symptomate premitur: sepe nec se
 ægrotare putat. Putredinis tamen notæ interdum elucet in vrinis: pulsus
 frequens, celer & inæqualis, non tamen magnus aut vehemens: vires im-
 becillæ & languidæ collabuntur, ut ne progredi quidem æger possit. Cor-
 poris moles, etiam si alimentum sumitur, sensim liquefcit. Diuturna etiam
 hæc febris est quæ reliquarum continuarum terminos prætergreditur, nec
 vigesimo, nec interdum quadragesimo soluta. Huius quum suspicio est, fo-
 mes quærendus, omnesque corporis partes animo sensuque lustrandæ sunt,
 dum signis conspicuum sit, in qua is parte cōsistat. Sæpe in ventriculo aut
 in iecore, interdum in liene aut mesenterio, nōnunquam in pulmonibus
 cuiusvis humoris semimala putredo cumulata hanc excitat. Sedulo igitur
 obseruanda sunt hypochondria & hypogastrium, num in his tumoris cu-
 iusdam sensus insit. Sæpe etiam vel in cachexia, vel in foedis virginum co-
 loribus, serosa pituita in corpus effusa levis putredo illam protulit. Et hæc
 quidem lenta simplex appelletur. Altera est lenta periculosior, quæ non so-
 lum ex impactu humoris, verum etiam ex visceris cui insidet corruptione
 putredineque emergit. Iecoris, pulmonis, cerebri ac lienis, interdum etiā
 renis distantiorumque partium corruptela, simplēque putredo, tamen si
 nullo putri humore comitatur, quoniam tamen expiratione graui cor al-
 fiduo laceffit, continuam febrem non aliter quā putridus humor susci-
 tat: eāque symptomaticam ac omnino lentam: hanc plerique rerum af-
 finitate ducti, hecticam dixerunt. Iisdem notis se prodit atque nunc expo-
 sita. Internoscitur autem, quod sensim editur multoque tempore proce-
 dit: aliis ferē morbis succedit: nihil vel minimum vacuatione mitescit, nul-
 lis cedit remediis, sed iis sæpe exasperatur: vires plurimum offendit ac de-
 bilitat, leuique occasione syncopen accersit, sensim ac plerumque sine sen-
 su hominē extenuat & marcore conficit. Hoc genus est febris quæ phthi-
 sin comitatur: hectica quippe non est, sed putrida ex putrescente pulmo-
 num substantia: nec enim necesse est putridam omnem in humore consti-
 tuti. Hic omnis mihi concludenda videtur continuarum febrium tracta-
 tio. De intermittentibus deinceps tradendum.

Intermittentium

Intermittentium febrium cōtinentem proximamque causam
non esse in habitu corporis. Cap. IX.



5 **V** E T V S iam opinio increbuit, humorem qui continens
& proxima est intermittētis febris materia, in solo corpo-
ris habitu & extra venas computrescere: hunc accessionis
initio ē venis maioribus in quibus conditus erat sanguini
permistus, in minores, ex hīsque in corporis habitū pro-
pelli. Hoc impetu summas corporis partes quarū exqui-
sitior est sensus, ferientis humoris occurſu vel inhorrescere vel rigere. Eum
10 mox sensim illic incalescere, inflammari ac putrescere: tum demum exte-
nuatum caloris vi vniuersum dissipari in sudores: sic accessionem finiri, dū
noua similiter recurrit. Hæc opinio dum quadam veri similitudine fri-
goris rigorisque causam reddere contendit, veram intermittētis febris o-
riginem obscurat. Hoc in primis absurdum illa statuere videtur, omnes fe-
15 rē humores qui morborum causæ fiunt in venis contineri, illic primā om-
nium esse originē, quasi neque in visceribus, neque in mesenterio, neque
in eo quod pancreas appellamus, eorum quicquam congeri possit aut cō-
putrescere. Quod deinde illa existimat primo accessionis insultu noxiam
materiam prorsus ē venis in corporis habitum depelli, acerbum quidem
20 auditu est. Quo pacto enim tam repente possit noxius humor sanguini
permistus, præsertim verò crassa lentaque pituita, aut bilis atra, ē puriore
sanguine prorsus secerni, & quasi momento in extimas corporis partes, in
manuum pedūque digitos, & in nasum (quæ ferè prima frigescunt) pro-
tinus extrudi? Admirabilis sanè nec vsquam comperta tam expedita per-
25 mistarum rerum secretio atque depulsio. Adhæc quum in continuis febr-
bus peccans materia in vasis maioribus tota consistat, cur nō eius quoque
portio in corporis molem effunditur, quæ sæpe rigorem efficiat? Quoniā
(inquiet) exilium venarum obstructio in his, quàm in intermittētibz
maior est, atque tanta vt omnem humorem intus cohibeat. Sed hoc diuer-
30 ticulum est. Nam plurimæ continuæ aut ab horrore aut à rigore primū
inuadunt: quòd si ipso statim earum initio bilis in corporis summa effun-
debatur, cur non deinceps quoties inardescit, aut motu nouo excādescit,
eòdem similiter infilit? Licet igitur rigor causo superueniens eūque sol-
uens excitetur à bile ē venis in corporis molem effusa, non sic tamen qui
35 vel continuæ vel intermittētis initio fatigat. Hoc autem rerum euentus
luculenter commonstrat. In horrore atque in rigore febrium intermittē-
tiū vrinæ meiūtur albæ, tenues & crudæ. Quod aperto indicio est, bilem tū
flauam, tum atram intrò potius quàm foras compelli. Tum temporis mo-
lesta etiam est suffocatio, tussis plerūque sicca, oscitatio, anxietas, præcor-
40 diorum distentio, ac sæpe dolor vehemens: ab his nausea, & sub rigoris fi-
nem biliosa vomitio. Accessionis verò progressu multoque magis decli-
natione omnia mitescent, & vrinæ euadunt crassæ, citrinæ, aut rubræ: quæ
argumēto sunt tum temporis bilem vt in vrinas, ita & in corporis summa

I iiij contendere.

contendere. Hisce verò contraria omnia obtingerent, si accessionis initio bilis in summa corporis irrueret. Sed & quod interdum toto febris intermittens decursu urinam substantia colore hypostasiq̃ue laudabilem animaduertimus, nonne planum facit eiusce febris nullam putredinē in venis haberi? Iam verò in febrium differentias descendamus. Quum leuior est exquisita tertiana, in qua non rigor, sed extremarum partium frigus (vt plerumque fit) solum percipitur, quomodo bilis flaua in corporis molem effusa frigoris causa ponetur? nunquid calida acrisq̃ue ea quum sit corporis habitum refrigeret? Aut quum pars corporis quæ vel natura vel morbo imbecilla est, omnium prima ac sola inuadente febre inhorrescit, tūne ea sola bilis acrimonia tentatur? Sed & in aliis quid etiam contingat æstimandum. Quartana continua omnium est febrium rarissima, quādoquidem (vt etiam Auicennas animaduertit) melancholia admodum rarò peccet in vasis maioribus, rariúsque multò putrescat: quartana autē intermittens admodum frequens ac sæpe popularis. Iam si admodum rarò melancholia vitiosa est in venis, quomodo ex his potest tam copiosa suffici, aut tam crebrò in corporis habitum pelli, quæ tot gignendis intermittētibus quartanis sit satis? At nūc obsecro opinio hæc rationē reddat cōpositarum febrium, & cur in tertiana duplici, bilis (quæ eius vna ipsis censetur antecedens materia in venis maioribus) portio quædam quotidie in omnem corporis habitū propellitur. Si copia id efficit, tertiana omnis vehemens, vt quæ ab exuperante bile fit, in tertianam duplicem, omnisq̃ue quartana ferocior in duplicē triplicēve quartanā faceffet. His quasi laqueis ita sese irretiūt opinionis huius interpretes, vt se nūquā extricare possint. Ad extremū curadi lex & ratio spectetur. Si atecedēs febris intermittētis materia tota in venis est maioribus, vna venæ sectio quæ hāc promptē demit, illius curatio fit. Atqui neque hæc febrem tollit, neque qui in solos venarum humores mentem cogitationēque refert, illius vnquam curationem rectā consequetur. Ea quidem causæ ignoratio ita veritatem quasi tenebris offudit, vt nondum sit vllius intermittētis febris vera curatio percepta, solutioque sponte sapius quā arte succedat. Hæc quidem pauca (nam alia commentabuntur alij) non potui non in eam opinionē contorquere, quæ tam fraudulenta perniciosaque fuit humanę saluti. Piget sanè atque etiam pudet de sententia tot annorum authorūque numero & vetustate confirmata decedere. Sed quid eorum multitudo terrere debet qui spreta inuestigatione veri, vnius imitatione eadem omnes via in salebras inciderunt. Leuibz in rebus falsis interdum assentiri aut conuiuere nihil fraudi est: at verò in seriis & grauibz quæ tanti sunt ad hominum salutem momenti, in primis dolosum, omninoque veritas in lucem fidenter proferenda. Quod expono & quotidiano rerum vsu veritati consentaneum deprehendetur.

Quæ

Quæ sit intermittentium februm materia, & quæ illi sedes
in corpore. Cap. X.



Vt protuli, vt intermittētis febris materiā non ē ve-
nis in corporis habitum propelli, ita & hanc penitus im-
mergi, & circū præcordia adhærescere demōstrant: eā-
que non esse venarum succum alendo corpori destinātū,
sed humorem superuacaneum, qui ē sanguine prolectus
in propria cōditur receptacula, antequā is iecur transcen-
dat. Itaque intermittēs tum materia, tum materiæ situ ac foco à continua
10 secernitur. Tertianæ materia bilis est flaua, affinis ei quæ in fellis cysti con-
ditur. Quartanæ bilis atra in lienē refusa. Quotidianæ (si qua vera est) pi-
tuita mucosa & superuacanea, quæ in vetriculo intestinisque plurima col-
ligitur. Omniū propria sedes & origo in prima est corporis regione cir-
cum præcordia, circum ventriculum, diaphragma, iecoris caua, lienem,
15 pancreas, omentum aut mesenterium. Hæ siquidem partes sunt quasi pu-
blica corporis sentina, in quam omnis confluit cumulatūque humorum
colluuiēs. Ex hisce autem sedibus februm horrores rigoresque suscitari,
primū quidem docendum. Frigus, horror atque rigor intentione & re-
missiōe distant: frigore summa corporis inalgescunt: horrore id vniuer-
20 sum leuiter concutitur, etenim hic ceu diminutus rigor est: rigore vsque
eō contremiscit concutitūque, vix vt cohiberi possit. Omniū eadem si-
milisque causa, caloris nempe, frigoris, rei pungētis, aut quouis pacto mo-
lestæ vehemens incurio, in corporis sentientes partes confertim facta. Di-
stantque solū inter se aut vbertate causæ, aut vehementia seu acrimonia,
25 aut motionis impetu. Vt enim aeris aut aquæ frigidioris occurso corpus
frigescit, ita & interdum horret atque etiam rigit. Præcordia autē & par-
tes omnes quæ circū hæc sunt, quia mēbranis sepiuntur, neruōsque sen-
tientes suscipiunt ē sexta cerebri coniugatione, eximio quodam sensu sunt
præditæ. Magna etiam societate, tum principibus, tum externis corporis
30 partibus connexæ sunt, iisque adeo consentiunt, vt affectæ mox principes
partes vniuersūque corpus in cōsensum trahant. Sic enim vinum mera-
cius liberaliūque sumptum, tametsi ē ventriculo nondum elapsū est,
mox tamen exulcerationis in vesica, vulneris in crure, aut arthritidis do-
lorem exasperat. Sic & frigida potus liberalior corpus vniuersum frigore
35 horrore concutit. Bilem vomiturus rigescit, multoque magis qui alienū
vitiosūque cibum, velut fungos, sumpsit. Rigescit & cui calidum mor-
daxque medicamentū ventriculum præcordiaque ferit, non minus quā
si nudam cutem aut vlcus acius compungat. Horrescit demum & cui pus
interiore abscessu collectū irrupit in mēbranas. Ac certè bilis putrescens
40 in febre, acrem malignāque qualitatē adipiscitur: eaque accessionis ini-
tio quasi turgens impetu fertur affatimque irruit in præcordiorum mem-
branas, iis sanè argumētis quæ de tussi sicca, de oscitatione, de suffocatio-
ne, de anxietate, de præcordiorum distentione ac dolore, de nausea, de vo-
mitu,

mitu, & de albis tenuibúsque vrinis protuli. Quanto magis igitur quàm superiores causæ ea tum potest horrorē rigorēve concitare? Citrina porro illa & prassina ceruleave bilis quæ syncera sæpe vomitione prorumpit, propria intermittentis febris materia hinc esse dignoscitur, quòd dum tota liberaliter redditur, febrem omnem penitus extirpat atque soluit. Ea sà-
nè nunquam tam syncera possit è venis amādari citra exitium, sed duntaxat è præcordiis, quæ illius sedes sunt. Hoc quoque vel inde constat, quòd

*hæc
fobus humidi
in feb. inter.*

si accessionis initio humidi foci aptè calentes præcordiis imponantur, maximè verò lieni in quartana, iecori in tertiana, aut alijs cuiuscunque sedi formes inesse deprehendetur, horrorē rigorēve leniant, quia nimirum ipsum mali fontem demulceant. Iam verò sudores non è solo corporis habitu, sed & interdum è præcordiis moueri, hinc sciri potest, quòd qui vel exercitatione vel solis ardore exæstuat, si frigidam liberalius bibat, mox totus sudore diffluit, non mehercle aqua in corpus disiecta atque fusa (diu enim postea sentitur huc & illuc fluctuare in ventre) sed eius halitu ab æstuan-
tibus præcordiis in omne corpus effuso, qui demum in sudorē concreuit.

Sed & illud præterea obseruari velim, eum cui iecur aut lien ætate morbo-
ve inaruit, vel magna obstructione vel scirrho obduruit, vt in hydropē, in ictero, aut in cachexia, nulla vi eū posse ne per febres quidē in sudores induci, etiamsi reliquum corpus humore multo perfundatur: eum verò cui iecur atque lien calore humorēque naturali abundant, quauis ex causa sudore diffluere. Hinc igitur conspicuum esse potest primam sudorū scaturiginē è præcordiis esse. Discussa igitur illa velut caligine, vt veritas clariùs aliquando dilucescat, rem hanc omnem sic in summam cōcludemus.

Calidus ac putris humor extra venas quauis in sede conditus, quandiu conquiescit corpus raro exagitat: at verò dum quasi efferatus illinc præter naturam impetu dimouetur, id variè concutit affligitque. Si paucus est vt in leuioribus tertianis, aut eius parua acrimonia, vt pituitæ putrescentis, motusue lentus ac languidus, solum frigus inuehit, calore quidem ac spiritu ab externis partibus intrò quasi in opem & subsidiū aduocatis. Sin copiosior est, aut acrior, aut eius motus impulsusque concitior, horror inuadit. Quum verò plurimus, isque vehemēter acer ac mordax, magno impetu in præcordia excussus fuerit, rigor verus inducitur. Hæc præterea rigoris febrisque materia circum præcordia hærens, ex se tanquam è fomite tetrum malumque vaporem in omne corpus effundit, qui & altera frigoris, horroris rigorisue causa esse potest. Hinc febris intermittentis accessio, ea ferè rationeprehendit, qua cēssuit Hippocrates ex inguinis abscessu putridam febrem accendi, si non solum calor, sed & fumus vaporque putridus minimè coercitus partium continuatione ad cor peruenerit. Itaque concitato & quasi turgēte putrido humore, ab eius emissa portione ac vapore membranæ feriuntur horrorque vel rigor inuadit. Tum etiam vapor eter ex eo fomite excitatus, in cor primum per cæcos ductus effertur, atque illinc quoquoersum per arterias effusus, omne corpus implet. Atque
hic

hic initio cor offundens pulsum contrahit & obscurat, cerebrumque implens degrauat consopitque, omnes denique artus velut obtundit. Postea verò in corpus quasi aura quædam disiectus, sensim incalescit & inflammatur, ac tum febris ardorem eiusque symptomata mouet. Tandem supra modum extenuatus, tum impetu proprio, tum impellente natura dissoluitur, interdum manifestè in sudores, interdum obscurè sensimque per cutem. Atque hæc quidem pura simplexque intermittentis species existit: in qua vrinæ plerumque toto morbi decursu, colore, substantia sedimentoque laudabiles apparent, quia nimirum nihil bilis peccantis è præcordiis irumpit in venas: plerumque verò tales cernuntur primis accessionibus intermittentium. Nonnunquam verò inuasionis impetu humoris vehementius impulsus vna portio insilit in ventriculum, quæ biliosam vomitionem mouet, eamque ferè sub rigoris horrorisve finem. Altera portio tenuior eo ipso impetu ex eodem foco periecur venasque maiores in omne corpus irrupit: tumque grauior est accessio, sub cuius finè vrinæ crassæ redduntur atque flauæ, iis longè dissimiles quæ paulò ante accessionem fuerant. Atque multò quidem grauior euadit accessio, quum ex eo ipso foco portio maior penetrat in venas, sed & nonnunquā accessione soluta febrilis quædam manet inæqualitas, nec pura sequitur intermissio: quod in primis conspicuū est in hemitritæo, de qua mox dicam. Intermittentium porro februm focum atque fomitem de quo disputo, præter rationes quas antè protuli, velim & exemplo confirmare. Vir quidam ingenuus, ætate florète epulās liberaliter, quotidianæ vomitioni biliosæ iamdudum fuerat obnoxius. Hac repète suppressa, ventriculi vehemēs dolorprehendit, cum nausea & tussi inani. Hinc mox caput corpus citra febrem vllam vehemēti rigore, tanquam inuadente exquisita tertiana, ex interuallis quotidie suprà viciis concuti. Exactis diebus circiter quindecim putrescēte iam bile, tertiana febre corripitur: qua multis post diebus soluta, resolutio insequitur omnium partium quæ sunt sub capite, nec multò post interitus. Corpore dissecto tam multorum affectuum causam deprehendimus, bilem synceram eamque prassinam circum iecoris caua libræ pòdo membranis coercitam, & cuius iam portio in spinæ nervos obreplerat. Non paucos dein non admodum dissimiliter affici notauimus: quorum exemplo intelligi potest, rigorem modò sine febre, modò cum febre interdum ex præcordiis suscitari: intermittētis quoque febris fomitem in iisdem locis cōtineri. Id ex his quoque conficitur, quæ sæpe fieri obseruamus, tertianam diuturnam atque quartanam in atrocem cruciatum colico immaniorem definire, qui nonnunquam & in artuum dolores & in paralyfin facessit. Hic dolor sine febre est, ferè tamen consueto accessionis tempore exacuitur & excandescit pristinumque circuitum retinet. Vix nisi bilis vacuatione mitescit, quam constat vt doloris ita & febris causam fuisse: depellitur enim è præcordiis & visceribus in peritonæi intestinorumve membranas, eo argumento, quòd & febris & sitis & inappetentia mitescūt suborto dolore.

Itaque

*Historia**2e*

Itaque vt doloris circa peritonęum & intestina, ita & intermittētis febris sedes est circa viscera & præcordia.

Quæ circuituum causā sit, & quid eorum ordinem formam-
que mutet. Cap. XI.



VID humorum motus efficiat, & cur putrescens pituita quotidie, bilis tertio, melancholia quarto quoque die impetum faciat, disputatio est plena dissentionis & omnino controuersa. Multi quidem demonstratione cōfecerunt, morbos omnes qui ex defluxione fiunt, intermissionē habere, ac dein recurrere, quoties adeo aucta & collecta sint excremēta, vt partē ad excretionē stimulent: tū siquidē validior in imbecillā ea quasi onus excutiēs deponit. Hinc quidam interpretatur pituitæ satis quotidie, bilis flauæ nō nisi tertio, & melancholię nō nisi quarto die satis cumulari posse, vt naturā proritet circuitumq; moueat. Cæterum hi nusquā periodi causam attigerunt, nec cur pituita etiā pauca putrescat, quotidie tamen mouetur impetumq; habet, nec cur bilis flaua vno loco si copiosior sit, non frequētius quā tertio die, nec melancholia frequētius quā quarto efferatur. Quid quęso vetat cōcurrentibus causis omnibus illis efficiētibus, tam multam flauam bilem atramve quotidie cumulari, vt naturam quotidie stimulet circuitumque moueat: Non igitur sola excrementi copia, sed alia quædam vis maior necessariō vnumquemque humorem ordine certaque regulā ciet ac impellit. Hæc autem propria est contracta putredinis qualitatisve natura atque conditio, quæ omnem corporis statū naturalem immutat. Vt epilepsiæ insultus aut hydrophobiæ impetus, non humoris genus, sed qualitatis natura in humore sita, excitat: & menstruam mulierum purgationem statis periodis mouet non sanguinis exuperantia (nam siue paucus siue multus est in muliere, mensibus tamen singulis, nisi quid naturæ ordinem interpellet, erumpit) sed vis ortæ qualitatis: ita & vis quædam seu qualitas in humore genita efficit, vt putrescens pituita quotidie, bilis flaua tertio, atra quarto die impetum faciat. Humor autem superuacaneus plenior cumulatus, quia vix naturæ beneficio & calore regi potest, corrumpitur & quodam modo putrescit: ac tum qualitatem eam adipiscitur, quæ hunc illumve motum impetumque habet. Atque vt sua est cuiusque humoris species, ita & sua cuiusque putredo vel qualitas, suus cuiusque motus. Aliam igitur qualitatem aliūque motum pituita, aliū bilis flaua, aliū melancholia putredine contrahit. Hac autem ratione accessio ordine recurrit. Quum febris inuasura est, humor in suo quasi foco coercitus concitatur & quasi turgescens excandescit, ipsoque impetu & multum de se tetrum vaporem quoquoersum in corpus omne diffundit, & interdum exiguum sui portionem eructat excutitque in præcordia & in ventriculum: nōnunquam & per iecur in maiores venas: eaque manet accessio dum sedetur impetus, & dum quicquid è foco excussum est, calore crematū dissipetur aut in sudores

dores abeat. Hinc succedit intermissio eousque cessans dum alio humoris motu & nouo quasi furore alia recurrat accessio. Recurret autem stas ut dixi periodis, nisi quiddam ordinem interpellet. Multa febres ordinem tenere prohibent, efficiuntque ut paroxysmi, vel anticipent vel cunctentur.

5 Anticipant præter cōsuetudinem, vel quum subiecta illorum materia au- *ca anticipationis febris*
 gescit, ut ex impuro vitiosoque cibo & excrementorum suppressione: vel quum nimio opere extenuatur, ut sinapis & aromatum aliorumve calidorum tenuantiumque usu: vel quum motu exagitur, ut exercitatione, balneis, æstu, animi excalescencia. Cunctantur verò dum contrariis ex cau- *ca cunctationis*
 10 sis materia vel minuitur vel crassescit, vel pigrior ignauiorque redditur.
 Quoties verò tanta circuituum mutatio apparebit, ut nullo ordine procedant, humor aut in alterius naturam commigrat, aut alterius generis permistione confunditur. Accessiones porò longæ euadunt, quum humor effusus eiusque vapor multus, crassus & viscosus est, hic enim nō nisi multo tempore inflammari absūmī potest: & quum meatuum est adstrictio aut virium imbecillitas, hæc siquidem dissolutionem prohibent. Breuitatis verò causæ sunt, humor paucus ac tenuis, viarum amplitudo, virium-
 que robur.

De quotidiana febre.

Cap. XII.



20 **F**EBRIS vnaquæque intermittēs à circuitus motusq; ordine nomē habet. Hinc quotidiana quòd quotidie typo simili redeat, amphemerina dicitur. Omnium quidem febrium rarissima, & quæ vix ex sexcentis vna obtingit: sed
 25 quum laborans quotidie febre conflatur, id ferè à duplici tertiana fit. Ut autem paria statuerentur febrium atque humorum genera, hanc in pituita collocarunt: quæ tamen rarissime putrescit, vixque eam putredine qualitatem consequitur, quæ febris essentiam compleat. Quum aut superuacua pituita (cuiuscunque ea generis sit)
 30 vel in intestinis, vel in mesenterio, vel circum ventriculum viscerumque *le*
 caua coercita putrescit, febrilemque qualitatem nascitur, quotidie mota conditionis suæ vaporem effundit, continentem accessionis causam. Accidit hæc quibus pituitæ copia inest, natura vel ætate humidis, obæsis, mulieribus, eunuchis, senibus, & iis qui vel otio, vel somno longiore, vel cre-
 35 bris balneis, vel frigidioribus humidioribusque cibis, vel assidua crapula, vel edacitate ut pueri, vel ebrietate cruditatis ac pituitæ copiam congesterunt: maximè verò hyeme, frigidis regionibus, & pluuioso cælo. His ferè facies subliuida & subtumida est, os ventriculi imbecillum, deiecta appetentia, acidusque ructus frequens. Accessio autem non repente, sed sensim
 40 inuadit, corporis extrema duntaxat refrigerans, rarè admodum rigore cunctans: corporis adest grauitas, & inexpugnabilis dormiendi necessitas: plerumque & hoc initio animus vel defectione vel syncope læguescit. Calor dein pedetentim & ægrè augetur, magna certè inæqualitate, qua modò
 K calor,

calor, modò frigus percipitur. Accensus dein calor non acer, sed hebes & halituosus tangenti primùm occurrit, quasi ex succensis viridibus lignis vapor sublatus, postea verò aliquantùm mordax & acer. Quum in omne corpus iam effusus est, nullum vehemens incendium corpus nudare cogit, nec ardoris compunctio id variè iactare, nec spirandi difficultas multum frigidumque aërem ducere, nec sitis vehemens aquam frigidam exposcere. Inclinans accessio primis diebus nullum, postea verò paucum sudorem effundit, qui pro vaporis specie pinguis viscosusque est. Tota accessio horarum est octodecim, intermissio sex, quæ rarò integra puraque existit. Pulsus paruus, languidus, summissus, ac rarus, præsertim accessionis initio & incremento, quòd natiuus calor frigidi, crassi viscosique humoris agitatione vehementer prematur: postea verò creber euadit, sed minùs quàm in tertiana atque quartana, æquè tamen velox atque in quartana: huius inæqualitas omni accessionis tempore quàm in cæteris intermittibus maior. Vrina primis diebus tenuis & alba cernitur & crudæ materiæ copia, quæ & vehementer obstruit & natiuum calorem obterit: postea verò quum materia coquitur, eiúsque nònihil cum vrina præterfluit, rubra, crassa, turbidaque redditur. Alui deiectio liquida, cruda, pituitosa. His igitur prima sæpe accessione quotidiana febris dignoscitur, quum præsertim quotidiana populariter vigent. In hoc pituitosarum febrium genus referri solet *Epiala* febris: per hanc quauis corporis particula eodem tempore calor frigusque percipitur, & vnaquæque corporis pars rigore febrèque iactatur. Huius causa putatur acida vitreæque pituita leuiter putrescens & cuius portio incensa iam est, altera verò necdum putredinem experitur. Eos autem qui in dignotione febrium diligentius incumbunt, hoc in primis loco moneri velim, & continuas (quæ biduum triduumve quandoque occupant) & intermittentes omnis generis variè admodum inuadere. Sæpe quidem in horrore atque rigore, tum interiora, tum externa summè frigent. At nonnunquam interiora frigore perhorrescunt aut rigent, quum tamè partibus externis non frigus, sed calor vnus æquabilisque deprehenditur. Nonnunquam partes summæ externæque frigent, interiores verò vruntur ac sitiunt potumque in horrore continenter expostulant. Tantæ autè varietatis causa non ad vitream acidamve pituitam reuocanda est, sed eò scilicet quòd impulsæ febris materia dum præcordia feriens horrore parit, partium externarum calorem aliàs reuocat intrò, aliàs non reuocat: aliàs quoque horroris materia acris salisve non paruam sitim infert.

Tertianæ febris causæ, signa.

Cap. XIII.



ERTIANA febris exquisita ex putrescente flaua bile superuacanea incenditur, idque vel in propria cysti, vel circum præcordia cauaque viscerum: è quibus tamen & eius nònihil interdum in venas irrumpens sanguini permiscetur. Eos maxime prehendit

hendit qui natura calidi sicciſque ſunt, habitu gracili, ætate florida, qui laboribus, vigiliis, mœroribus, curis, ardoribus, victui parco, calido ſiccôq; aſſueti ſunt, qui iecur impenſe calidû obtinent. Hi quippe bilis flauæ prouentum faciunt, maximè quidem ætate, calidis ſiccisſque regionibus & æſtuoſo cœlo. Siquid iſtorum deſt, exquiſita tertiana eſſe non poteſt. Repentè quidem hæc præhedit inſigni rigore, quo plerumque corpus omne cõcutitur, ſub cuius finē excuſſa bilis ſæpe vomitione redditur. Hinc calor breui accenditur, & in omne corpus effunditur mox ad vigorem feſtinâs, acer, pungens, & iniectam manum acriter feriens, ſed ſtatim miteſcēs. Laborans ita exurit, vt & corpus nudet & variè iactet, & ſpirâdi difficultate oppreſſus magnum multumque ſpiritum ducat, ſitique eneetus frigidâ expectat, vigiliis, capitis dolore, & ira furorêque percitus. Longiſſima acceſſio horarum eſt duodecim, interdum ſeptem vel quatuor, multo quidẽ ſudore eoque calido & vaporoso inclinans, quam pura ſequitur intermiſſio. Pulsus acceſſionis initio contractus, paruus, poſtea verò quàm in cæteris celerior atque crebrior, quòd refrigerij maior inſit neceſſitas: vehemens & validus, ſed aliquantum durus ob arteriæ ſiccitatem, minimum inæqualis ob tenuitatem materiæ cuius eſt facilis inflammatio, ob id etiã quòd non minor ſit refrigerij ex diſtole, quàm expellendorum putridorum ex ſyſtole neceſſitas. Vrina flaua aut flammea, ſubſtantiæ mediocris & odore grauis. Atque hæc pura quidem & exquiſita tertiana eſt, quã cenſuit Hippocrates ſeptem circuitibus, quod longiſſimum eſt, iudicari.

Tertiana notha aliàs ex vitellina bile in ventriculo putreſcère ac inhæretere firmiùs, aliàs ex permiſtione bilis atque pituitæ gigni ſolet. Atque hæc non omnes bilis, ſed quaſdam etiam pituitæ cauſas habet euidentes. Acceſſiones nullo anticipationis cunctationisve certo ordine recurrunt, neque ſi ſtatæ ſunt, exquiſita propterea debet illa cenſeri: nõ enim ex circuitu ſolo febris eſſentia ſpectatur: rigor minùs quidem vehemēs, ſed diuturnior, calor minùs pungens minùsque vehemēs, qui nõ æquabilis in omne corpus inuadit, non abſimilis igni ex miſtis virentibus ſiccisſque lignis ſuccēſo. Ardoris ſymptomata omnia mitiora, quòd bilis furorem pituita reſtinguat: hinc etiam pauco nec admodum calido ſudore inclinat. Acceſſio vltra horas duodecim multum exporrigitur, quantòque longior fuerit, tantò impurius: nunquam ſeptem, rarò quatuordecim circuitibus iudicatur: ſæpe verò longiùs excurrit

Tertiana notha

Quartanæ intermittentis cauſæ, ſigna.

Cap. XIII.

40



QVARTANÆ febris continens cauſa cenſetur melancholia putris. Hæc enim quum propriis ex cauſis multa cumulatur, nec caloris natiui beneficio regi poteſt, quaſi deſtituta putreſcens hanc febrem accendit. Eſt autem melancholia duplex, vna naturalis, quæ ſanguinis qua-

K ij ſi

duplex melancholia

si fex & limus est: altera adusta, quæ vniuscuiusque humoris torrefacti velut cinis est: hæcque aliàs ex bile flaua, aliàs ex melancholia exusta fit: interdum sed rarius ex pituita aut sanguine perusto. Hinc quartanarum alia ex seipsa, non ex alia præcedente febre originem habet, eaque ferè succedit lienis tumori, quem naturalis melancholiæ exuperantia perit. Alia aliarum febrium vel continuarum vel intermittentium erraticarum soboles est, de qua dixit Hippocrates. Interpolata febris eademque errabunda in quartanam mutabitur, præcipuè si autumnus proximus est. Humor enim quicumque priorem febrem genuit, nisi integrè vacuetur, exustus crassiorque factus melancholiæ naturam subit, putrescensque subiecta fit quartanæ materia. Itaque eos inuadit qui melancholicum humorem congefferunt: cuiusmodi sunt lienosi, & qui vel adurentes vel erraticas febres passi sunt non integrè solutas. Neque tamen in liene solo, sed & in mesenterio & circum hypochondria exuperans melancholia coaceruari solet. Huic gignendæ apti sunt frigidi ac sicci, qui gracili & glabro sunt corpore, ætate constante, vel iam inclinante: qui curis & mororibus confecti sunt, cibis diu addicti crassis, terrenis ac omnino faculentis. His melancholiæ copia succrescit, autumno præsertim & regione cælique statu inæquali. Quumque putredinis causæ aderunt, febris exquisita quartana accenditur. Accessionis initium à frigore est validum, quod eousque sensim inualefcit dum vehementem rigorem inuehat, non cum quidem ut in tertiana pungentem ferientemque, sed verè contundentem, quo corpus vniuersum tremore concutitur, dentes strident, articuli verò ac ossa quasi pondere obteruntur: hoc abeunte vomitio erumpit amara, quum præsertim viæ patent in ventriculum. Calor accenditur non ut tertianæ vehemens, sed quàm quotidianæ ardentior: neque isto corpore æquabilis est, sed cum quadam frigoris permissione & permanente quodam artuum & ossium dolore. Sitis, vigiliæ, capitis dolor, reliquaque symptomata sæuiora quidè quàm in quotidiana, mitiora quàm in tertiana. Accessio quàm in cæteris intermittentibus longior, hancque sudor finit quàm in quotidiana vberior. Pulsus accessionis initio multo quàm naturalis languidior, minor, tardior, ac rarior: postea verò validus, magnus, frequens ac celer, & quàm in cæteris febribus inæqualior. Vrina primis ferè diebus tenuis, alba aquosaque, postea verò & substantia & colore & contentis sæpe mutabilis, quòd eius materia plurimque varia sit, eiusque modò minimum, modò plurimum penetrat in venas. Vix tota febris, nisi ex errore, ultra annum prorogatur, soluitur sæpe mensibus sex, interdum tribus. Quæcunque ab huius conditione supra infræ multum recessit, exquisita quartana non est, sed aliorum humorum particeps. Neque exquisita censei debet, quæ in annos duos excurrit, nec quam vidi in annos nouem produci, nec quam infantes ac pueri citra vllum vitæ errorem ipso ortu à matre contraxerunt. In hoc genus plerique referendas putant febres longioris intercapedinis & intermissionis,

nis, quales sunt quintana, sextana, aut si quæ rariores periodos habent. Harum quippe materiam statuunt melancholiam admodum crassam atque terrenam, qualis ab exusta pituita gignitur. Atque eam quidem paucam in parte quadam distantiore iamdiu coarctatâ, ut idcirco tardius moveatur accessionemque faciat. Has Hippocratis autoritate confirmatas Galenus non recipit, ne vel supra quatuor humores alium statuere, vel aliâ illis sedem quàm in venis designare cogatur. Simplicium febrium formæ tales ferè existunt: at certè nonnunquam variant. Nam quartana interdum à blando frigore exorta, miti dein calore in quatuor sexve duntaxat horas excurrit. Tertianâ verò hac plerumque tum horrore, tum æstu atrocior atque prolixior. Quam autè aggressionē prima difficilè ex typo, facilè postea sit ex circuitus ordine dignoscere.

De compositis febribus.

Cap. XV.



IMPLEX & exquisita febris ex vnius simplicisque humoris corruptione proficiscitur, & eius omnes causæ omniâque signa, nempe natura, ætas, victus ratio, regio, anni tēpus & status cœli, omnia denique symptomata in vnius eiusdemque humoris dominium conspirant. Composita autem febris bifariam dicitur, vel quòd ex multis confusis, vel quòd ex implicitis constet. Confusæ sunt quæ ita permiscuntur, ut simul incipiant simulque desinant. Fiunt autem ex diuersis humoribus eodem loco permistis atque cōfuis, paritèrque putrescētibus. Nulla seorsum internoſci potest, neque vlla simplex ac pura elucet, sed sunt earum signa cōfusa. Hæ sunt quas suprà febres nothas appellauimus. Quum par est confusarum modus, vix vllum potest definitum genus signari: quum verò impar, confusa febris eius quæ plus pollet potiórque est genus noménque sortitur. Quæ plus bilis putrescentis quàm cæterorum humorū nacta fuerit, tertiana appellabitur, sed notha ac illegitima: & quotidiana notha in qua non sincera pituita, sed alterius quippiâ humoris vnâ putrescet: quartana notha in qua melancholia aliis etiam humoribus perfundetur. Implicitæ febres sunt, quæ diuersis horis incipiunt diuersisq̃ue desinunt. Harum vnaquæque seorsum consistit propriamque essentiam habet, tametsi accessionum partes quædam in tempus idem concurrunt. Fiunt hæ ex diuersis humoribus non eodem loco positis, sed quorum sua sit cuiusque sedes, sua essentia, suusque motus. Harum vnâquamque tanquam seorsum atque solitaria consisteret, minimè arduum fuerit propriis signis internoſcere. Continua cum continua duntaxat confunditur, non autem implicatur: & absurdum est quod scribit Auicennas, vnius continuæ putredinē ex vno loco, alterius ex altero effundi. Nam reuera in vtraque humores in venis putrescunt maioribus, in hisque agitati permiscuntur. At intermittens tum cum altera intermittente, tum cum continua implicari solet.

K iij Quum

Quum itaque tres sint omnes simplices intermittentium differētiæ, quotidiana, tertiana, & quartana, harum vnaquæque cum altera vel eiusdem vel diuersi generis implicari potest. Ex similium generū implexu hæc fiunt.

Duplex quot.

Duplex tertiana

Duplex quart.

Duplex quotidiana, quum in dies accessiones duæ typis definitæ contingunt, quod admodum insolens est. Duplex tertiana frequēs obtingit, cuius accessiones quotidie fiunt, sed nec pares nec iisdē horis: ferè enim quæ diebus imparibus fiunt accessiones, similes inter se sunt, atque iis dissimiles quæ in dies pares incidunt. Duplex tertiana à simplici ferè initium habet, cui dein accedit & altera: & implicitarum vna prior terminari solet altera manente. Non minùs frequens est duplex atque etiam triplex quartana: illa duobus diebus exercet, vno intermittit: hæc quotidie accessiones habet, easque rarò pares. Vtraque solet è simplici nasci, cui dein altera, postea verò & tertia ad illas se applicat. Has omnes à quotidiana typus distinguit, quòd sint quotidianæ similes inter se accessiones, harum verò dissimiles. Et licet similes fortè contingant, ex mouēti tamen impetu & ex commoratis signis internosci possunt. Neque enim duplex tertiana similes atque quotidiana accessiones efficit, nec triplex quartana similes atque tertiana duplex, quotidianæ: nec similes euidentes causæ sunt, quæ melancholiæ atque bilis aut pituitæ dominium proferant. Iam verò intermittentes diuersorum generum perquam rarò implicantur, vt quotidiana & tertiana, tertiana & quartana, idque si quando inciderit, primis vix diebus animaduerti potest. Caterùm intermittens vt tertiana interdum cōtinuæ iungitur: atque hæc à tertiana continua distat, quòd huius exacerbationes sine horrore rigoreve prehendant, nullòque sudore inclinent: in illa verò contrà à rigore incipiunt inclināntque cum sudore: nec tamē vt in intermittente sudorem sequitur integritas, sed alterius continuatio. Huius generis est quæ semitertiana dicitur: continua quidem ac minimè intermitte, vno die cum horrore inuadens, hincque grauius increfcens affligēsq; altero autem leuius. Constat enim ex tertiana intermittēte & ex quotidiana continua: vnòque die accessiones duas habet, altero vnicam. Si pares ambo sunt humores, exquisita fit semitertiana: si verò bilis exuperat, ardentior fit & tertianæ magis affinis: in pituita, mitior magisque quotidiana particeps. Quotidiana intermittens si quando tertianæ continuæ iungatur atque implicetur, semitertianam quoque efficiet, eamque exquisitam & nunc dictæ persimilem, si humores ipsi æquales concurrant: non exquisitam verò, exuperante eorum alterutro. His ad vnguem cōprehensam mihi videtur omnis putridarum febrium tractatio.

*humores
m.*

Hecticæ febris gradus, causæ, signa.

Cap. XVI.



FEBRIS hectica est calor præter naturam in cordis substantia primùm ac per se hærens & infixus. Hic autem cordis vitalisque principij, mox etiam reliquarum partium similarium substantiam obsidet, quòd omnis cordis intemperies mox corpori

pori reliquo facillè impertiatur. Consistit in cordis partíve similis sub-
stantia, non quidem leuiter, vt ephemeræ aut putridæ febris calor, qui ex
accenso spiritu vel humore in partium similarium substantiam quadamte-
nùs effunditur: sed penitus quasi immersus primùm ac per se in propriam
5 partis substantiam infigitur. Quùmque partis similis duplex sit calor, v-
nus elementaris, alter diuinus, non hic quidem, sed vnus elementaris su-
pra modum auctus, hecticæ febris est essentia: cuius tamen vi tum diuinus
ille calor, tum quicquid in similari parte consistit tandè exhauritur. Etenim
partis similis triplex est substantia, solida, humida, & spirituosà. Humi-
10 da rursum triplex, carnosa quæ nil quàm concretus est humor alimētarius:
primigenia, quæ propria est innati calidi substantia, in qua & spiritus & ca-
lor innatus primum consistit: aquea seu elemētaria qua tanquam glutino
solida substantia cohæret ac persistit. Quum itaque febrilis ille calor cor
& vnāquāque partem similem inuadit, primùm quidem carnosa quo-
15 que illius substantia incenditur & efferuescit: ac quādiu nihil eius aut exi-
guum dissipatum est, primus est febris hecticæ gradus. Secūndus quum
amplius procedente calore, aut plurima aut tota carnosa hæc substantia
absumpta est: nam & huius multi existūt ordines. Tertius hecticæ gradus
20 est, quū absumpta carnosa substantia, calor ille febrilis & immanis primi-
genium humidum manifestè depopulatur: hic verus est marcor, & febris
hectica cum marcore, quam Græci *μακροχρόνιον* appellant. Per hanc quidem
insitus spiritus atque calor qui eo humido innititur, omnisque hinc pro-
diens facultas magnam facit virium iacturam: hinc & corporis vires om-
nes marcescunt & languēt, omnesque functiones intercidunt. Hæc si ma-
25 nifesta iam est, penitus immedicabilis existit. Quum enim nobis insitum
sit, & ex semine cōtractum humidum id primigenium, quicquid illius ab-
sumptum fuerit, refarciri nunquam potest, & hominem necesse est multo
antè tempore interire, quàm maior illius portio disperdatur. Carnosa verò
substantia quia instaurari potest, secūndus hecticæ gradus curationem ad-
30 mittit, nisi iam fortè marcori sit proximus. Vt autem febris calore, ita etiā
ætatis decursu sine febre, sine dolore, solo interdū senio naturaliq; siccita-
tate decursu sine febre, sine dolore, solo interdū senio naturaliq; siccita-
te carnosum id humidum absimitur, deinde & primigenium, fitque sim-
plex ex senio marcor: quemadmodum & dum arbores vetustate senioque
marcescere cōperimus. Hectica porrò febris quæ vera simplēque existit,
35 aut statim ab initio prehēdit, aut ephemeræ succedit. Hæc in eum dunta-
xat incidit qui natura calidior sicciorque fuerit. Fit autem à vehemētibus
causis euidentibus, vt ab iracundia, à mœrore, labore, æstu, siti, inedia. Hæ
si quidem causæ quum leuiore sunt ephemeram, quum vehementissimæ
hecticam mouēt: statim nimirū inflammatis solidis partibus. Incipien-
40 tis hecticæ febris primique gradus signa sunt, quum vehementes causæ e-
uidentes antecesserūt. Exacto triduo aut quatrduo, quum ephemera am-
plius dici nequeat, si febris perseverat æqualis citra insignem vel additio-
nem vel minutionem: quæ quia æqualis existit sine vllo dolore est, vixque
laborans

laborans febricitare se putat. Magna virium imbecillitas est cum quodam languore. Tangenti calor mitis primùm apparet, sed mox acer ac mordax. Pulsus debilis, paruus ac frequens: & arteriæ quàm circumpositæ partes calidiores sentiuntur, maximèque in diastole. Hora vna duabúsve ab ingesto cibo calor exacuitur pulsusque crebrior atque celerior euadit: cibo autem confecto, febris in pristinam equalitatem redit. Vt enim si calcem humore conspergis, vapor multus acriorque calor suscitatur, ita & corporis solidæ partes heclico calore obsessæ, amplio rem calorem effundunt dū cibi madore proluuntur. Quum secundus gradus est hecicæ, præter superiora inualecente cordis siccitate, corpus iam manifestè liquefcit & absumitur. Vrinæ pinguedo telis araneorum similis innatat, cutis non rugosa & mollis vt iis qui aliis de causis extenuantur, sed vt cæteræ solidæ partes arida squalidæque existit. Pulsus durus tensusque est, multoque debilior ac minor. Febris marasmodes verusque marcor & tertius hecicæ gradus est, quum præ siccitate consumptioneque corporis, oculi supra modum caui sunt, & prominent quæ circiter sunt ossa, aridæ palpebræ vix attolli possunt atque vt dormienti conuiuent, neque tamen is status somnus est, sed dormiendi impotentia. Collapsa tēpora ac summè caua, quod eorum caro absumpta sit: frons dura, intenta & arida: facies squalida & plumbea, cuius & viuidus color periit. Vēter quasi inanis, depressus atque contractus, reliquūque corpus omne ita aridū, vt nihil præter ossa mēbranis & cute obducta, & quasi sceleton esse videatur: ipsaq; cutis apprehēsa vt coriū aridissima apparet. Pulsus omnium maximè durus, paruus, debilis ac frequēs. Atque hæc quidem hecica febris omnino simplex est, alteri nulli permixta, quæ proculdubio rarissima vsu obtingere animaduertitur. Est & alia febris hecica aliquanto frequentior, quæ acutam ardentemque febrem excipit. Quum enim admodum vehemens est febris incēdium, & laboras natura calidus siccusque diutius in hēd iam aut sitim tolerat, nullaque ope incendio succurritur, colliquefit carnosa similariū partiū substantia, & febris in partes solidas inuadit easque populatur. Hęc propriè ardens & colliquans est febris, id breui efficiens, quod simplex hecica sensim multoque tēpore. Traditur & tertia hecicæ differentia ex partis cuiuspiam affectione, præsertim ex iecoris, lienis, ventriculi, pulmonum, thoracis, renū vel intestinorum inflammatione haud rectè curata, maximè verò si purulenta euadat. Quum enim febrilis calor diutius in his persistat cōrque obfideat, solutu certè quidem difficilis euadit, ac tum cordi, tum ceteris partibus summam siccitatem ingenerat. Cæterum hæc propriè hecica censeri non potest, sed symptomatica febris, eaque plerumque lenta, de qua antè iam dixi. Quinetiam neque hoc genus, neque alterum præcedēs in hecicæ simplicis genere contineri potest: vtrumque enim ex putredine natum est, quam etiamnum diu redolet, eius quippe indicia in pulsu, in urinis, in siti, in aliisque symptomatis permanent. Quin & crebræ in his ex candescentiæ etiam sine cibo fiunt, & inæqualitates, & crebri horrores, quum

quum præsertim purulenta est collectio. Itaque omnis quæ hæctica appellatur ex putrida febre profecta, putredinis etiamnum particeps est.

De maligna pestilentēque febre, quæ totius substantiæ morbus est.

Cap. XVII.



MALIGNA febris est quæ non modò calore, sed & qualitate venenata cor fatigat. Quæ enim febris est, calore: quæ maligna, perniciæ molesta est. Venenata qualitas appellatur, cuius vis & perniciæ supra vulgaris putredinis conditionem est. Ea autē vel intus sponte gignitur in nobis, vel extrinsecus inducitur, idque aliàs è sublimi, aliàs aliis ex causis. E sublimi venata febris quæ fit, pestilens est, aliis ex causis simpliciter maligna. Hæc itaque fit quum in nobis humores præter simplicem putredinem, alienam quoque perniciem his ex causis contrahunt. Hic enim vel sponte sua eò interdum sensim vetustate degenerant, ut prassinæ, ceruleæ, atræ bilis putrescens, vel vitiosi cibi atque potus, quia sint cuiusdam veneni participes, naturæ suæ humores febrēsque proferunt. Aëris quoque inquinamenta quæ ex infectis palludibus, lacubus, antris, specubus, hominum animantiumque cadaueribus aut excrementis, aut ex aliis grauioribus expirationibus sunt contracta: & quæ ex temporum tempestatūque inordinatis exuperantiis procedunt. Quæcūque his ex causis genita sit perniciæ, ea vel cum aëre, vel cum cibis, vel quouis modo aliter in nos penetrat, atque si suscipiendæ febri præparatum corpus est, malignè corruptis humoribus febrem infert simpliciter malignam. Pestilentis autē febris causa est perniciæ venenatæque qualitas è sublimi coelitusque in aërem demissa, quæ quasi furibunda passim inuolat in vulgus. Quia enim pestilentiae semina aëri inspersa inspiratione perspirationēque intrò subeunt, si cor affectioni præparatum est, id continuò, inde verò arteriarū spiritus, postremò humores corpūsque vniuersum labefactant. Sed est cognitū difficilimum, quid corpus vnumquodque pestilentie obnoxium reddat. Quum maligna pestilensve febris simplex est & solitaria citra putridā, pulsus languidus, paruus, frequens, celer, omninoque inæqualis existit: vires omnes præsertimque vitales concidunt: frequens animi defectio ac interdum syncope: assidua vomitio per quam ne cibus quidem optimus cor recreat: vigilia molesta, frequens corporis iactatio, urinæ nec crudæ nec turbidæ: nec sitis vehemens, nec appetētia deiecta, nec magnū incendium, nec febris admodum ardēs ut idcirco interdum ægri nec se febricitare putent, & sine sensu doloris viribus extinctis inopinatò decedant. Hæ igitur notæ sunt malignæ pestilentisque febris. Quum autem solitaria non est, sed putridæ permixta, commemoratis signis accedunt, capitis dolor & grauitas, & in somnum propensio, deinde delirium, spiratio difficilis & graueolens, sitis inexhausta, deiecta appetentia, biliola vomitio, interiorum æstus vehemens & extremorū frigus, ut idcirco febris foris mitis fit, intus conturbans:

Venenata qualitas

signa pestilentis feb.

conturbans: vrina cruda, turbida ac foetida: foeda & graueolensalui prolu-
 uies, aliâque plurima quæ pro varia corporis humorûque constitutione
 alia alios exercent. Hæc enim cōstitutionis varietas causâ est, cur vix duos
 vsquam videas eadem cōtagione inquinatos similibus premi symptoma-
 tis. Futurorum porrò grauium malignorûque morborum præfagia,
 quædam sunt. Ver pluuiosum & australe æstâsque feruida: nam putredo
 corporibus accersitur. Auster sine pluuiis diu perseverans: omnia quippe
 corrumpit, quia natura calidus humidûsque est: pluuiosus verò calorem
 æstûmque temperat. Aër turbidus, caliginosus, æstuosus quodam cauma-
 te, sine vêtis aut leui austro. Nam flatu quouis & tempestate valida aër ex-
 purgatur, neque putredinem ingenerari sinit. Cometæ, stellæ cadentes,
 hiatus, ardores, & alia in æthere nocte conspicua. Hæc enim singula si diu
 persistant, putredinis tum causâ, tum signa perhibentur. Eius verò genitæ
 aut proximè impendentis signa sunt, insectorum & ex putredine genito-
 rum animalium exuperantia, cuiusmodi sunt pulices, cimices, muscarum
 varia genera, locustæ, ranæ ac mures. Sæpe quæ in terræ visceribus degunt
 animalia, errabunda profiliunt: auiculæ corruptione percepta nidos dese-
 runt cœlûmque mutant: nonnunquam minutiorum animalium quæ pro-
 nioe sunt capite, vt ouium magna clades antecedit. Ex his igitur præfagi-
 ri potest annum grauem calamitosûmq; fore, in quo putridi malignique
 morbi grassentur. At verè pestilentem annum fore non hinc præuidere li-
 cet, sed ex sola syderum commistione, quæ illius est procreatrix.

De carbunculo bubonéque pestilenti.

Cap. XVIII.



ESTILENTIVM febrium aliæ incomitatæ sunt, aliæ
 malignitatis suæ atque veneni characterem quandam ex-
 hibent. Hic autem vel carbunculus est vel bubo, vel exan-
 themata purpurea. Hæc quidem in mitioribus sub morbi
 statum erumpunt toto corpore conspersa, interdum ceru-
 lea vel nigra nullo tumore extuberantia. Carbunculus per-
 niciem adfert maiorem, non è certa sede, sed indiscriminatim, modò ex
 hac, modò ex illa profiliens. Ferè autem oritur à pustula exili milij seminis
 magnitudine: interdum verò & multæ profiliunt, primûm quidem pruri-
 tu, deinde rubore, ardore doloréque vehementi. Hoc verò sensim incref-
 cente pars vritur crustosûmque vlcus quasi candente ferro inducitur, id-
 que vel nigrum vel cinereum. Nonnunquam & à crustoso vlcere siue pu-
 stula initium sumit. Caro quæ circum vlcus est summè inflammatur, ni-
 grescente colore doloréque implacabili, quæ demum corrupta excidit.
 Proximam continentemque huius causam statuunt, crassum retorridûm-
 que sanguinem longè ab eo diuersum qui phlegmonem parit. Caterûm
 quòd pestilens sit popularitérque grassetur, causâ est non modò putrida,
 sed & venenata aëris constitutio, qua dum præparatum corpus attingi-
 tur,

tur, contractæ cladis hunc quasi characterem exhibet. *Quæsitum autem* *Le*
perdiu, febrisne ex carbunculo, an ex febre carbunculus procedat. Quoniam
interdum carbunculi initium multo antè tēpore conspicuum quàm febris
est, tametsi Galenus ex carbunculo febrē necessariò deducit. At certè vna
5 venenata perniciēs vtriusque causā est, nec tota in carbunculo, nec in febre
tota inhærescens. Quamdiu enim carbunculus sine febre est, quis omne
virus in affecta sede collocet? Licet affecta pars extirpetur, aut circumscrip-
tione facta virus intrò subire inhibeat, nō idcirco reliquum corpus in-
tuto fuerit. Non enim quemadmodum virulentarum bestiarum demor-
10 su, ex ea parte perniciēs inducitur, sed inquinati aëris inspiratione. Quum
itaque huius veneno cor lacessitur, si robustæ sunt vires, veneni quiddam
statim in aliquam corporis summam partem dissiçitur, illicque sensim in-
crementum sumit partēque contaminat: altera veneni portio intus hæ-
rens, quum sensim inualuerit, febrē infert pestilētem. Sin verò imbecil-
15 læ vires erunt, incensum intus venenum febrē parit, cuius impetu vene-
ni quiddam foras exiliens, postea carbunculū promit. Similis est & de pe-
stilente bubone disputatio. Hic autem similem atque carbunculus ortus
sui perniciem obtinet: materiam verò minùs feruidam ac verè phlegmo-
nodem, vt quæ sanatione suppurat. Insidet verò solis adenibus, nempe vel
20 tōsillis, vel alis, vel inguinibus. De hoc nihil veterum literis proditum est,
siue quòd tum rarus admodum & insolens esset, siue quòd in regionibus
feruidis nusquam grassetur. Nunc autem aquiloniis præsertim regionibus
in pestilentia frequens, aliàs cum carbunculo, aliàs solitarius, aliàs antè, a-
liàs post febrē ortum habens. Si carbunculi comes est, illi ferè assidet pro-
25 ximāsque glandulas occupat: vt si in capite vel in aliqua vicina parte con-
sedit, eas quæ in collo & secus aures sunt glandulas inuadit: si in brachiis
alas: si in cruribus inguina. Nec tamen bubo carbunculi quasi comes est
individuus, sed vterque etiam seorsum deprehenditur. Finitima his sunt
exanthemata & ecchymata. Hæc pustularum specie in summa cute extu-
30 berant, alba quidem, sed in ambitu rubra. Exanthemata verò maculæ sunt
exiles vel rubræ, vel purpureæ, vel nigræ. Vt autem corporis summa, ita &
interiora omnia viscera, musculos, nervos, cæterāsque partes solidas obfi-
dent, ex hisque primam ducunt originem. Vtriusque sua propriæque cau-
sa in aëre: qualitas quippe maligna diuersi mitiorisque generis quàm quæ
35 carbunculum bubonēque pestilentem ingenerat: proinde in infantes
ac pueros, non autem in seniores, nisi ferocior immaniórque sit, inuadit.
Neque austrina neque pluuiosa constitutio, neque æstus, sed cæca perni-
cies hyeme pariter ac æstate annis quibusdam irrumpens, horum est effe-
ctrix: cum hac enim inquinamenta illa incipiunt paritèrque desinūt. Ini-
40 tium habent à febre quæ synochi speciem habet: cuius pulsus frequens, ce-
ler ac vehemens est. Membra omnia ingrauescunt, somnus obrepit, caput
dolet, nares stillant, oculi tument & illachrymantur, facies quasi inflam-
mata rubescit, vox rauescit, difficilis crebraque fit respiratio. Die tertio,
quarto

quarto, aut interdum quinto exanthemata eēthymatave morbi vi impulsā prorumpunt nulla crisi, nulla febris solutione. Hæc enim persistit dum cita aluo fœda proluuies exeat, aut dum absumatur tempore. Morbi complures alij sunt pestilentes, aut cōsuetorum aut insolentium numero, quorum est sua cuiusque causa euidentis propriæque malignitas in aëre cœlitus demissa, cuius essentia haud secus quàm ex euentu dignosci comprehendique porest. At nihilominus quoniam vniuscuiusque comes est maligna perniciosaque febris ex ea contagione profecta, quæ inspiratu cor viscus omnium nobilissimum primū attingit, iure debent omnes hoc genere pestilentis febris recenseri. Quicumque verò aut epidemij, aut contagiosi, aut venenati morbi nulla comite febre nos obsident, licet occultæ cuiusdam & cæcæ malignitatis sint participes, non huc tamen, sed in particularium morborum genera referri debent, in quorum deinceps tractatione versamur.

15

DE FEBRIVM SYMPTOMATIS.

Caput XIX.



EBRIS nulla in comitata progreditur, sed tum symptomatis, tum aliis plerumque morbis stipata. Symptomata quæcunque leuia sunt ac mitia in signis duntaxat connumerari solent: quæ verò sæua ac sæpe laborantem non minus quàm febris exercent, virēsque nimio opere aut fatigant aut dissoluunt, animaduersione & tractatione digna sunt.

Siquid igitur præter febrem ægrotum immaniùs torquebit, videndum & accuratè discernendum, idne ex febre vt proprium eius symptoma emergat, an ex alio morbo qui febre sit implicitus & cuius propria sit seorsum causa. Grauius autem symptoma reddit, aut humoris situs aut partis imbecillitas. Quum enim febris materia non in omne corpus est æquabiliter effusa, sed in aliquam partem præcipuè impegit, pro illius conditione symptomata exurgunt. Quum etiā ante febrem pars quædam corporis vel natura vel humoris cuiusdam veterisve mali vitio imbecilla erat, tamen si æquabilis sit corporis affectio, pars tamen iamdiu offensa prima omnium iacturam & incommoda perferent: & si quod in ea delitescit vitium, id protinus excitatur cum febre. Februm verò symptomata, quæ ferè solent grauissimè torquere, hæc sunt: sitis, linguæ ariditas & scabrities, deglutendi difficultas, gustus deprauatus, cibi fastidium, nausea, vomitio, alui profluuium, singultus, syncope, animi defectio, oppressio, æstus immodicus, corporis iactatio & eius velut contusio, lumborum grauitas, capitis dolor, vigiliæ, delirium. In intermittente verò febre rigor vehemens, sudor exuperans. Sitis quidem fit interiore ventriculi tunica, vel ardore inarefacta, vel imbuta nitroso & acri calidoque humore. Illa tamen

febr. sympt.

Sitis

men potu extinguitur, hæc verò minimè, etiamsi totus vèter humore per-
fundatur ac turgeat: sæpe enim vel ore madido grauis existit. Sola corporis
æstuatio nisi hæc interueniant, rarò siti excruciat. Nam interdum corpus
febri exardescit sine siti, nò quòd (vt vulgò creditur) frigida destillatio ven-
triculum proluat, sed quòd ardoris causa longius absit à ventriculo. Lin-
gua nonnunquam sine siti arefcit in febre, perinde atque in iis qui per sa-
nitatem hiant ore obdormiunt: arefcit & ab immodico æstu, & à calido
acrique vapore in fauces, in os, & in palatum sublato. Huius plerumque
tanta vis est vt linguam scabritie exasperet, nonnunquam & hanc diffin-
10 dat. Si crassiusculus vapor est, aut pituita è ventriculo in os redundat, aut
è cerebro procumbit, crassescens ea vi caloris & obdurefcens linguam ac
dentes plerumque & gulam totam lentore obducit. Hæ ipsæ causæ quum
fauces œsophagique introitum obsident, & viam cibi vel siccitate vel len-
tore coangustant, deglutiendi difficultatem inuehant. Nunquam tamen
15 deprehensum est his solùm ex causis (quod tamen plurimi metuunt) om-
nino fauces præcludi. Gustus deprauatur quum lingua aut os vel bilis
perfusionem amarefcit, vel corrupti humoris substantia aut vapore inqui-
natur. Sub hoc autem vitio integra nonnunquam est appetentia. Cibi
verò fastidium aut febrem antecedit, aut primum eius symptoma existit.
20 Huius enim causa multiplex. Nam & sola corporis perturbatio & omnis
ventriculi perfusio à quouis humore, qui aut ipsum quasi saturat, aut alie-
na qualitate appetendi vim illius consopit & obruit: necnon corruptus
vapor in os ventriculi vndeliber efflatus, aut sola infensa qualitas eò se in-
ferens, appetentiam euertit. Nausea atque vomitio causas habet aut hu-
morem aut vaporem aut qualitæ, quæ modò nimio opere relaxat & emol-
lit, vt pituita dulcis: modò expultricem facultatem, vel copia vel acrimo-
nia extimulat, vt bilis genus omne: modò pernicie facultatis ipsius robur
aut infestat aut dissoluit, vt maligna atque pestilens febris qualitas. Quum
igitur causarum aliqua vel in ore ventriculi, vel circum tunicas eius tam
30 vehementer impingitur ac hæret vt excuti ipsa minimè possit, si exinan-
tus est ventriculus neauseam solùm: sin verò potu ciboque confectus est, ci-
bi vomitionem mouet. Quum autem causa ipsa nusquàm obhæret, sed aut
in ventriculo fluctuat, aut in eum alicunde confluit, humoris aliàs bilio-
si, aliàs pituitosi vomitionem ciet. Alui profluuium quod lienteria di-
35 citur nonnunquam perinde atque vomitio febre succedit, quum ventricu-
lus, vel copia, vel acrimonia, vel malignitate humorum vaporumve con-
que proritur vt minimè cibum vel amplectatur vel conficiat. Sed & iæ
nonnunquam præstat immoderatus ac intempestiuus frigida potus, præ-
fertim ventriculo purgatione laceffito datus. Singultum vel ab inani-
40 tione vel à repletionem fieri author est Hippocrates: at qui per febres acu-
tas easque malignas incidit quum ferè perniciosus sit, aliam causam ha-
bet, aut corrupti humoris acrimoniam, aut malignitatem ac perniciem,
qualem pestilens febris exhibet. Hæc quippe vt vomitionem ac plerum-
que

L
quæ in feb. alijs
non solum
Lingæ arida

Gustus deprauatus
Cibi fastidium

Nausea

Alui profluuium

Singultus

Lipolymia

que animi exolutionem, ita & dum in ventriculi tunicas altius inferitur, singultum ciet. Animus in febre deficit & exoluitur, modò ab eius humoris pernicio, qui venenatam febrem inflixit, modò ab eruginosa aut prassina, aut atra bile, quæ ventriculi os præcordiorumve membranas acriter ferit ac vellicat. Quum autem turgens hæc materia è venis in cordis arcem vel subit vel impellitur, multò grauior obtingit exolutio, necnon syncope in primis periculosa, quum ea repente & affatim irruerit. Exolutionem etiam plerumque infert symptomatum quæ febribus affistunt sæuitia, vt vigiliæ, dolor, timor, immodica & repente facta quæuis vacuatio, itémque victus tenuis atque parcus. Quæ hæcenus protuli, ferè quidem ventriculi aut præcordiorum offensione emergunt, quum vel bilis acerrima, vel alius quiuis putrescens aut venenatus humor in eas sedes vehementius irruit, aut eò de se tetrum vaporem effundit. Quæ autem non ex his causis profecta sunt, ex alio quodam peculiari morbo ducunt originem. Oppressio quæ penè suffocat laborantemque huc illuc agit & impellit, fit interdum ab ardore bilis prassinæ vel eruginosæ quæ circum cor, vt in causo, exæstuat: interdum ab eius humoris copia qui in præcordiis aut in visceribus firmatus ac per febrem impulsus ventriculum atque diaphragma premit. Posterior hæc non minùs in intermittente febre quàm in continua frequens, cui ferè comes est præcordiorum distentio, atque in contractu pressuque dolor. Est porrò grauissima oppressio, quum vel iecur vel lienem phlegmone exercet. Huic affinis est spirandi difficultas non parui in morbis acutis momenti. Ea præcordiorum oppressionem sæpe consequitur, nonnunquam cordis & pulmonum æstum, quum vt in causo bilis atque putredo circum eas sedes incenditur: aut quum turgens in venis materia impetu prosiliens eò procumbit. Delirantibus quorum sensus aliò distrahitur, rara & alta, iis verò qui iam morti proximi sunt, alta, crebra difficilisque fit respiratio, sed non tam vehementia æstus, quàm insiti caloris penuria & virium languore. Quæ verò vel à destillatione, vel ab alia quauis causa processit, minimè debet in febriũ symptomatis recenseri. Lumborum dolor atque grauitas tum maximè fit, quum peccantis materiæ pondus in venam cauam aut in maiorem lumborum arteriam plurimùm illabitur. Ea si pariter vehementius incenditur, renum lumborumque suscitatur ardor. At verò quum eius portio in tenues venas quæ per summa sunt corporis, atque etiam in musculos excurrit, lassitudines, membrorum grauitates, artuumque dolores excruciant. His ex causis maximè verò ex oppensione, ex lumborum artuumque dolore atque ex æstu, magna incidit corporis iactatio, qua id subinde modò in alterutrum latus, modò in pedes inquietum deuoluitur. Quum verò neque à dolore neque ab his causis impellentibus corpus perturbatio iactatur, vel morbi materiam in venis turgere, & huc illucque ferri, vel cæca malignitate cor, vt in pestilente febre, obsideri putandum.

*Oppressio**Spirandi difficultas**Lumborum dolor**Capitis dolor*

Capitis dolor in febre subiectarum partium maximèque præcordiorum

L ij

dente febris intermittens accessione profluit vberius, & qui in cōtinuarum febrium crisi emanat, naturalis est: præter naturam verò & symptomaticus, qui quouis modo aliter aliòve morbi tempore profilit. Hic ferè primùm incipit à capite, ac deinde è reliquis etiam partibus sensim emanat. Solùm enim utilis & secundum naturam is habendus est, qui expurgatæ aluo succedit, quique iam vacuata crassiore morbi materia, reliquam tenuem per corporis summa dissipat. Qui verò vel morbi initio, vel quouis alio tempore, vel ante concoctionem, vel ante crisin exierit, irritus est atque symptomaticus, & cui nulla morbi fida solutio committi potest. Qui in syncope & in virium exolutione, siue calidus siue frigidus emergit, non sudor, sed propriè mador appellatur. Hæc præcipua sunt febrium symptomata, ex quorum specie atque sæuitia intelligi potest, in quam præsertim partem continens febris materia incumbat, aut quæ pars corporis, vel imbecilla, vel humoris vitio grauata ante febrem fuerit. Sic omnis comprehensa sit tractatio noscendarum febrium, à qua in eam me confero quæ de morbis est partium singularum.

LIBRI QVARTI DE FEBRIBVS

earumque symptomatis, Finis.

De partium morbis & sym-

PTOMATIS, LIBER QVINTVS.

PRÆFATIO.

5
 10
 15
 20
 25
 30
 35
 40
QVI primi omnium medicinæ initia & quasi fundamenta iecerunt, iure quidem ac meritò id sibi laudi & gloriæ tribuere, ut à se inuentis & modo deprehēsis inusitatisque affectibus inaudita quæque nomina arbitratu suo imponerent. Sed quum ipsi rudem adhuc & incultam rerum cognitionē haberent, nomina morbis confinxerunt, non ex rei essentia cui primū & maximē medemur, sed ex eo quòd sorte primū occurreret, quemadmodum & lui veneræ hæc ætas maximē varia aptauit nomina. Itaque morbi alij à parte cui insident nūcupati sunt, ut pleuritis, nephritis, peripneumonia: alij ab efficiente materia, ut melancholia, cholera, calculus: alij ab ingenti quodam symptomate, ut epilepsia, apoplexia, paralyxis, tremor: alij ab externarum rerum similitudine, ut elephas, cancer, polypus, satyriasis. Veteres igitur illi & primi medici quum vnā empiricā colerent, Dogmatici dein notandis rebus artem fecerunt, longāque obseruationes ad artem & ad præcepta reuocarunt: quam ne obscurarent & offunderent nouitate verborū, longo iam vsu trita morborū nomina retinuerunt, aliique deinceps eadē vsurparūt. Nobis quoque eorū vsus tenēdus: corporisque partes sequutis, morbi omnes eorumque causæ & origines scrutandæ, non opinabiles tantū quas plerique meditādo fingunt & cōminiscuntur, sed curationi in primis cōsentaneæ, & ex quibus medendi ratio depromatur. Equidem nunquam vllum planè cognitum penitusque perspectum morbum esse putauerim, nisi compertum habeatur & quasi oculis cernatur, quæ in humano corpore sedes primariò laboret, quis in ea sit affectus præter naturā, vnde is processit, vtrum in ea sede genitus κατὰ πρῶτον δεικνύται, an aliūde profectus κατὰ συμπλῆξιν, an denique causa aliqua interior illum foueat. Hæc enim singula certis signis scrutari & internoſcere oportet eū qui rectè velit morbis mederi. In hanc morborum causarūque doctrinā nunc totus incumbo, cui necdum curationem subiiciam, ne in turbulenta singularium confusione occuper, quorum non est disciplina. Alia notescendorum, alia curandorum morborum methodus, nec singulis omnia conuenienter aptari possunt. Interiores autem corporis morbos primū oratione persequar, deinde externos qui sensibus obiecti ferè chirurgiam postulant: id initio sancies, ne quis huc nisi gnarus anatomes ac peritissimus accedat: & quæcunque quis vel leget vel audiet (sit autem audiendo

L iij quàm

quàm legendo mens in rem ipsam attentior / fixa meditatione ea contem-
pletur in humano corpore: vt summam rerum cognitionem firma me-
moriam stabiliat.

De capitis dolore eiusque causis.

Cap. I.

πῶς ἡ
κεφαλαλ-
γία γινώσκειται.



APITIS affectus quoscunque vsus olim notauit, sym-
ptomata certè sunt, non morbi. Hec in tres ordines ex af-
fecta sede partimur: alia capitis membranas, alia cerebri
substantiam, alia meatus atque ductus obsidēt. Membra-
nas appello meninges & pericranium, in quibus solis vt,¹⁰
exquisitè sentientibus dolores sunt, cephalalgia, cepha-
læa & hemicrania.

In cerebri substantia, quæ omnis principis facultatis
nempe mentis, imaginationis & memoriæ sedes est atque instrumentum,
deprauatæ functionis symptomata sunt, phrenitis, delirium, melanco-
lia, lycanthropia, mania: abolitæ verò functiones sunt, stulticia, amentia,¹⁵
extincta memoria, sopor, veternus, catoche, lethargus. In cerebri ventricu-
lis atque in iis ductibus per quos animalis spiritus in sensuū motuūque
organa distribuitur, sensus motusque symptomata fiunt, vertigo, epile-
psia, incubus, apoplexia, paralyxis, conuulsio, tremor, catharrus. De sin-
gulis rursus plenius dicendum. Dolor omnis capitis in mēbranis existit,²⁰
quæ si neque ab æstu, neque à frigore, neque ab ictu, neque ab odore graui
offenduntur, causam interiorem habent doloris, quæ aut illas intemperie
afficit, aut ferit, aut diuellit, aut distendit. Quæ autem signa doloris speciē,
eadem & efficientes causas ostendunt. Dolor acer, erodens ac perforans

*Dolor
acer*

ab humore fit aut vapore bilioso & acri feriente membranas: grauius à²⁵
frigidorum pituitosorumque copia: distendens à flatuum aut humorum
mitiorum exuperantia qui inter caluam & pericranium, vel inter caluam
crassamque meningem se insinuant, easque membranas diducunt ab ossi:
dolor pulsans à tenui biliosoque sanguine, vel à spiritu redundante, quo
turgentes ac distentæ arteriæ vehementius pulsant membranasque concu-³⁰
tiunt. Eius ferè generis est dolor omnis qui statis horis quotidie siue cum
febre, siue citra hanc recurrit. Sed enim horum dolorum causæ ex iis signis
certius discerni possunt, quæ demonstrant quis humor in capite exuperet.
Dolor omnis aut externus est aut interior. Externus quoniam pericranio
incumbit, capillorum radices inuerti non sinit, & capitis pressu exacuitur,³⁵
interior verò mitescit. Falsum est & à veritate prorsus alienum, interiores
solos dolores ad oculorum vsque radices pertinere: nam & externi eodem
sæpe pertingunt, quod & pericranium cui insident, oculorum cauum suc-
cingat. Dolor capitis consuetus & multos iam annos hominē frequen-
ter leui occasione exercens, aut cephalæa aut hemicrania est: illa caput to-⁴⁰
tum aut partem eius maximam: hæc alteram duntaxat occupat, à tempo-
rumque pulsatione initium ferè sumit. Quinetiam cephalæa semper pro-
prio & primario fit capitis affectu, hemicrania verò præcordiorum subdi-
tarumque

κεφαλαλ-
γία
ἢ μιν
πρῶ-
τα.

tarumque partium sympathia. Cephalgia genus vtrumque comprehendit, ac præterea quemuis dolorem, siue ex febris siue ex solis ardore, siue ex ebrietate, siue ex alia quauis euidente causa excitatum. Ita igitur doloris species eiusque causa internoscitur.

Principis facultatis symptomata.

Cap. II.



RINCIPIS facultatis animæ quæ in cerebri substantia tanquam in proprio domicilio residet, deprauata functio est desipientia *παράφροσυνη* Græcis & *παράνοια* dicta, quæ mentis est alienatio. Hac qui cōfictatur præposterè ratiocinatur aut aliena cogitat, qualia aut nusquam, aut aliter multò subsistunt. Quibus ita mens ægrotat, ij dolorem, inquit

πῶς τῆς
παράφρο-
σύνης,

Hippocrates, non sentiunt. Desipientium tres sunt ordines: alij cogitatione sola delirant, quibus etiā vigilantibus mens visis quibusdam mēdacibus iactatur: alij verbo, qui vel impudentius & effrenati, vel nullo ordine nullòque iudicio multa obloquuntur: alij opere, qui suas etiam cogitationes factis explent.

Omnium causa est humor aut vapor feruentissimus in cerebri substantiam in eiusque ventriculos effusus, cuius impulsu & agitatione mens in falsa quædam fictitiâque traducitur. Desipientia alia cum febre, alia sine febre consistit. Quæ cum febre, aut phrenitis est aut delirium.

Distat autem quòd simplex delirium fiat ex bile, aut ex tenui sanguine per cerebrum effuso, aut ex ventriculi, præcordiorum totiùsve corporis calida expiratione, qualis in ardentissimarum febrium vigore suscitatur. Phrenitis semper ex proprio atque primario cerebri affectu, vt ex inflammatione,

παράνοια
καὶ παρά-
φροσύνη.

ex erysipelate. Distant etiam quòd delirium plerumque febris aut morbi grauioris symptoma sit: phrenitis verò non symptoma, sed causa sit febris. Adhæc frequens admodum est delirium, phrenitis verò rarissima. Horum autē causa sanguisne sit an bilis flaua, ex delirationis specie perspicue noscitur. Nam deliria, inquit Hippocrates, quæ cum risu accidunt, tutiora

sunt quàm quæ serio: quòd illa à sanguinis exuperantia, hæc quia ferocia, à bilis sint acrimonia. Discernuntur porrò ex iis signis, quæ quis humor exuperet demonstrent. Atque hæc quidē desipientia in febre sunt. Desipientia porrò sine febre, alia simplex est, alia melancholica. Simplex illa & leuius interdū fit ex cerebri inanitione atque ex imbecillitate principis facultatis, qualem dixit Hippocrates ab immoderato sanguinis effluuiio, atque

etiam ex vigiliis accidere. Fit & interdum vehementius perculso & impulso cerebro, vnde & animalis spiritus & mens perturbatur atque confunditur, vt quæ apud Hippocratem ex capitis ictu fit desipientia. Quinetiam ex multa vini potatione nasci traditur, idque plerumque sine febre, capite

nimirum sanguinis vaporisque feruidioris copia incalescente & celerius impulso. Melancholica desipientia triplex, melancholia, lycæthropia & mania. Melancholia mentis est alienatio, qua laborantes vel cogitant, vel loquuntur, vel efficiunt absurda longèque à ratione & consilio abhorren-

μελαγχολία.

L iij tia,

tia, eaque omnia cum metu & mœstitia, quæ duo Hippocrates indubita-
ta melancholiæ signa constituit. Incipientes quidem melancholici abie-
cto, demisso & hebetiore sunt animo, se suâque negligunt, vitam sibi acer-
bam putant & amarissimam, etiamsi ex ea migrare pertimescant. Quum
iam malum inualuit, multa animo & cogitatione fingunt & obloquun-
tur aliena perturbatè atque confusè, eaque ferè tristitia: alij ne loquen-
dum quidem sibi esse putant, sed omnem vitam in taciturnitate trāfigen-
dam. Dein hominum consuetudinem cōspectūque magnopere fugiūt,
multi solitudines quærunt, & interdum mortuorum sepulchra aut horri-
das speluncas errantes sectantur, eoque se recōdunt, ac sæpe luporum ritu
vlulant, quorum propriè vitium lycanthropia nūcupatur. Infinitæ horum
species: qualis nimirum maximè olim fuerit cuiusque intenta cogitatio,
aut qualis vitæ cōditio, talis sese repræsentat melancholica deliratio. Nam
(quod Aristoteles literis prodidit) vt vinum potārium naturæ & moribus,
ita sanè melancholia laborātium constitutioni sese accōmodat. Eorū plu-
rimi, qui sine febre desipiunt, melancholici putātur, maximè si meticulosi
sint & tristes, qui facillè continentur, nec violenter quicquam faciunt: so-
la quippe melancholica desipientia à frigidiorē succo cōtrahitur, reliquæ
omnes à calido. Melācholiæ succedit mania, nobis furor vel insania di-
cta, quæ cogitatione, verbo aut opere melancholicorū quidem deliramē-
ta imitatur, sed iracundia, iurgiis, clamoribus, horrēdo aspectu, multo de-
nique maiore corporis impetu & mentis perturbatione laborantes exer-
cet ac impellit, vt quasi feræ & immanes beluæ in obuios dentibus, vngu-
ibus & pugnis inusitata rabie petulanter inuadant. Horum iam causas
expediam. Melancholiam efficit ater ac fæculentus humor aut vapor in
mentis sedem irrepens. Humor autem modò in liene vicinisque partibus,
modò in capite solo consistit, modò in venas vniuersūque corpus effun-
ditur. Hinc melancholia triplex, hypochōdriaca, primaria, & quæ totius
corporis vitio fit. Omnium mirissima est hypochondriaca, quæ & flatulē-
ta nuncupatur: ea sinistri hypochōdrii sympathia concitatur, è quo vapor
ater & obscurus obrepit in mentem. Huius generis signa conspicua sunt
subter præcordia, in quibus arteriæ vehementer & molestè pulsant, sicut
& Hippocrates notauit. Præcordiorum venæ si pulsant, aut turbationem
aut delirium portendunt. Ex humoris ardore æstus præcordiis inest, sed
sine siti: nam læsa ventriculi concoctione sputum humidum copiosū-
que reiicitur. Hinc etiam ructus, flatus, rugitus & fluctuatio: sæpe dolor &
cordis palpitatio, interdum etiam suffocatio. Sumpto cibo calidiorē & co-
ctu difficili, calidus vapor sursum expiratur, è quo tum hæc, tum omnia
melancholica deliramenta inualescunt, mitescunt verò refrigerante cibo,
alui deiectione, vomitione & ructibus. In plerisque etiam lienis aut me-
senterij renitēs dolēsque tumor aliæque horum affectuum notæ insunt:
in aliis quā præsertim ab exusta bile flaua tales euaserunt, nec sola fax me-
lancholica, sed atra bilis molesta est, nō manifesta humorum cōgestio de-
prehenditur.

λυγ-
γῶμα.

μανία.

Melancholia
hypochondriaca

prehenditur. Melancholia primaria in qua cerebrum primario afficitur, siue peculiari, siue totius corporis vitio, hinc intelligitur, quod sine præcordiorum affectione fatiget, quodque signa adsint quæ melancholicum humorem, vel in capite, vel in toto corpore dominari & exuperare demonstrant. Iam verò quum atra bilis, vel melancholiæ, vel sanguinis, vel flauæ bilis exustione genita est, mania insilit & adoritur, quæ proinde sæpe succedit incalescenti melacholiæ. Ater hic humor similiter atque melacholia aliàs in præcordiis, aliàs in toto corpore, aliàs in capite solo congeritur. Calidus verò quum sit, immania horrendaque deliramenta cõcitatur: quod si putrescat, febrem accersit, sin duntaxat vehementius incalescat, sine febre maniam solitariam. Et hæ quidem deprauatæ aut perturbatæ mentis functiones existunt, quibus ferè comites sunt vigilie, quæque interdum pertinaces adèd ac diuturnæ, vt mente captus quidam menses quatuordecim infomnes duxerit. Nunc de contrariis symptomatis.

μανία μω-
νήρης.

15 Stultitia seu fatuitas quæ Græcis est *μωρότης*, mentis est imminuta & infirmata functio ceu quædam ignauia. Amentia quæ *ἄνοια*, est vel imaginatiõis, vel mentis occasus atque priuatio, qua iam ab ipso ortu perculsi affecti que vix mentis inopia loqui discunt. Huius classis est fluxa & amissa memoria, quæ & obliuio. Omnium autè causa frigida est cerebri intemperies, quæ & obliuio. Omnes torpidas segnèsq; reddit: nonnunquam
20 peries, quæ functiones omnes torpidas segnèsq; reddit: nonnunquam cerebri aut temporum ex ictu aut ex vulnere vehemens concussio, quæ id imbecillius fecerit. At qui ab ipso iam ortu & naturæ primordiis vitium contraxerunt, iis inconcinna cerebri figura malæque inest conformatio, aut certè pauca cerebri substantia, vt quibus caput pusillum existit. Verù
25 enimvero frigida cerebri intemperies quæ nõ simplex est, sed ex humoris frigidi pituitosique copia, iis quæ iam diximus soporosos etiam affectus adiungit, somnum, soporem, cataphoram, lethargum.

τα κατὰ
φασίαν, ἢ
καρῶδη
παθῶν.
ἡ διανο-
μὴ καὶ
λήθη.

Somnus quidem naturalis, cerebri & animalis facultatis quies est, spiritus ac vires instauras, quæ vigiliis & exercitatione per sensuum motuumque organa dissipatæ sunt. Quocirca inanitio & defatigatio somni quietisque causa quædã est: ac proinde à vigiliis, à multaq; exercitatione somnus arctior & placidior obrepit. At verò somnus non naturalis (vt Aristoteli placet) oppleto fit cerebro, idque vel halituoso quodam vapore, vt à balneis, à cibi vini que copia, ab aluo suppressa: vel humore copioso qui
35 nec caloris nec frigoris modum vehementer excedat. Is enim si pariter frigidus verèque pituitosus sit, & magna copia in cerebri substantiam & in ventriculos (quod proprium cerebri excrementum cumulari recondique solet) effundatur, nõ somnum, sed altum soporè, qui Græcis *κατὰ φασίαν βαθεῖα* dicitur, inferet: aut etiam veterum sopore grauiorem, si illius copia ad
40 modum grauis extiterit. Adhæc si fortè humorem eum pituitosum putredo inuadens febrem accersat, lethargus excitabitur, à sopore vnus febris eiùsq; pituitosæ interuentu distinctus. Ab apoplexia verò sopor, qui grauis sit, internosci vix potest: hoc tamen discriminis intercedit, quod

ὁ ὕπνῳ.

λήθη καὶ

ὁ κατὰ

quòd sopor faciem liberamque respirationem sine stertore cōseruet, quæ tamen in apoplexia sensim ingrauescit, accersitque stertorē. Reliquæ omnes motus & sensus & mentis functiones, in sopore perinde atque in apoplexia, vel etiam grauius interceptæ concidunt, quāquam in quodam deprehendi vnā constitisse memoriam. Is quum per accessionem ita sopiretur, vt nec pilorum auulsionem, nec punctiōem sentiret, excitatus tandem omnia furore quodam memorauit, quibus acerbè excruciatu fuerat in sopore. Fiunt præterea & soporosi affectus cerebro ictu vel casu vehementius concusso. Agitatis quippe & cōmotis spiritibus, nulla rectè actiō edi potest, tūmq; subsistit homo quasi attonitus, vt qui aut timore aut recundia obstupuit. At si concussionis vi & impetu fracta ac depressa calua meninges cerebrūque premit, sensus atque sermonis expers obtupescit æger. At certè quum effractum cerebrum est, atque eius aut neruorum inde prodeuntium diuulsio quædam obtigit, omnibus quidem fractis ac debilitatis deterrimus oritur sopor exigua nobis salutis spem relinquēs. 15 De hoc inquit Hippocrates. A capitis ictu stupor malum. Et rursum. Quorum cerebrum concussum aliqua ex causa est, eos repete obmutescere necesse est. Quendam vidi ictu adeò vehementi ac valido concidisse, vt sanguis ex oculis, auribus, naribus & ex ore manaret: hinc tantus mentis sensuumque stupor inuasit, vt calua pertusa ac deinde obducta fuerit omnē- 20 que remedij genus sine sensu inductum, sitque is tertio mense restitutus, immemor omnium quæ obtigerant. An autem ex contusione, an ex humorum frigidorum copia ortus sit affectus soporosis, facillè tum propria signa explicabunt, tum quæ morbum antecesserunt.

Est & aliud symptoma ex contrariarum causarum permistione nascēs, 25 quum pituita bilisque flaua permiste in cerebro simul immoderatiùs exuperant. Id catōche seu catalepsis id est prehensio aut stupor vigilans vocatur, quòd licet mens sensusque omnes subito correpti vigilantis formæ figuramque retineant, nihilominus tamen omnis eorum functio consopita sit. Quocunque statu prehēsus sit æger, eodem permanet. Rarum cer- 30 tē hoc malum, & cuius admiratione spectatores obstupescunt. Laborantes duos referam quorum animaduersio in cæterorum cognitionem adducat. Vnus dum literis & chartis sedulò inuigilaret, repete hoc vitio percussus, ita quidem obriguit, vt sedens calamūque digitis premens oculis in libros defixis putaretur in eorum studia incumbere, donec vocatus ac 35 impulsus deprehensus est omni sensu motūque carere. Alterum mortui ritui iacentem inuisi, qui neque cernebat, neque audiebat, neque compunctus sentiebat quicquam: facilis tamen inerat spiratio, & quicquid in os inferebatur, promptè vorabat. E lectulo sublatus solus consistebat impulsusque incedebat, & quocunque vel manus, vel brachium, vel crus infle- 40 cteretur, illic quasi fixum & stabile permanebat. Expressam quandam dixisses laruam, aut arte progredientem statuam. Hinc igitur constet, quæ cerebri symptomata simplicem intemperiem, & quæ humorum vitium sequantur.

quantur. Nunc de ventriculorum ductuumque affectibus.

Motus sensusque symptomata.

Cap. III.



VERTIGO est qua omnia circumagi videntur, ita quidē ὁ σκοπὸς δὲ
νῦν ἐστὶν
συνέτωμα.
τὸ ἐξ ἀποχέ-
μα.
cerebrum sensusque exagitans vt saepe laborans corruat,
nisi propinquis nitatur adminiculis. Hac lenius sympto-
ma est suffusio, qua solum fumi, nubes, muscae, hisque si-
milis volitare ob oculos putantur. Huius causa proxima
est tenuis calidusque vapor per arterias in cerebri ventri-
culos irrepens, qui in plexu choroide spiritus & humores exagitans & va-
riè impellens, turbulentos sensus motusque reddit. Hic porro vapor ex hu-
more quodam vitioso non continenter & assidue, sed circuitibus & quo-
ties euidentium causarum vi cietur, efflari consuevit. Hic autem humor in-
terdum in cerebro, saepius in ventriculo & praecordiis aliisque partibus sub-
sistet. Hinc vertigo alia primario cerebri affectu, alia ventriculi aliarum-
que partium consortio fit. Illam demonstrant capitis dolor aut grauitas,
aurium tinnitus, olfactus vel auditus oblaesus: hanc vero nausea, inappe-
tentia, oris amaror, & cordis erosio cardiogmos appellata. Aut si qua pars
alia huic malo dedit originē, ei⁹ affectus indicia elucebunt. Vt in quodā cui
ab occipio vertigo exoriebatur, pars ī eo minima dolebat, quae si vel blā-
dissime attingeretur, concitatus humor vaporem in sensus omnes expira-
bat, quo protinus offusi tenebatur. His qui vertigini aut suffusioni obno-
xij sunt, accessionem cient euidentes hae causae, solis aestus, exercitatio im-
modica, & quaecunque humores calfaciunt aut exagitant, aut cerebrum
concutiunt. Deinde rotarum circumactus & aquarum vortices.

Epilepsia totius corporis distentio crebra est, seu conuulsio non perpe- ἐπιληψία
tua, qua homo subito concidit, sensuum omnium atque mentis functio-
nibus interceptis, vt nec audiat, nec videat, nec expeditis praeteritorū me-
minerit. Concussione ex ore spumae mouentur, & solutis musculis interdū
vel vrina, vel stercus, vel genitura praeter voluntatem exit, & obscura vox
eliditur. Atque hae quidem absolutae epilepsiae notae sunt: plerūque leuior
existit, cuius non tam expressa sunt symptomata: nam vertigini finitima
haec est, aut quasi medio ordine inter vertiginem & epilepsiam. Proinde
non pauci vertiginem dixerunt diminutam epilepsiam, prodideruntque
ingrauescentem illam in hanc facessere. Causa interior traditur humo-
ris pituitosi aut melancholici ingens copia, quae repente cerebri ventri-
culos meatusque inferciens, efficit vt aeger cohibito animali spiritu cor-
ruat. Haec tamen non affatim ac penitus spirituum ductus obturat, sed e-
ius non nihil etiam praeterfluit, quo cerebrum concussione adnititur quic-
quid noxium est excutere. Caeterum non sola noxij humoris copia epi-
lepsiam infligit, quod in sopore eius copia insit citra conuulsionem: quod
etiam quum subito desinit epilepsia, ei sanē quemadmodum & apople-
xie, excusso in neruos humore, necessario succederet paralyxis, id verò nuf-
quam

quam obseruatum est. Quocirca vt alio opere plenius demonstrauimus, præter humoris copiam venenata & cerebri substantiæ grauiter infensa atque inimica qualitas, epilepsiæ causa statuenda est, quæ quoties exagitur ac prorepat in cerebrum, ea quidem feriente, cerebro autem contrapugnante, quasi colluctatione quadam ac dimicatione fit epilepsia. Huius autem fomes modò in cerebro, modò in ore ventriculi, nonnunquam & in aliis distantioribus sedibus delitescit, è quibus furtim per cæcos ductus in cerebrum serpit & progreditur. Hinc epilepsiæ tres differentiæ confurgunt, vna cerebro assignatur, altera est quæ ventriculi, tertia quæ alterius cuiusvis partis consensu fit. Quæ in cerebro fit epilepsia, aperto eorum qui 10 è viuis decesserunt capite, animaduersa est sæpius aliunde suscitari quam ex ventriculorum infarctu. Causam interdum deprehendi cerebri abscessum esse, interdum corruptam meningis portionem caluæ adherentem, summo dolore : quibus è locis teter vapor in cerebri ventriculos penetrabat. Hanc speciem ostendunt, capitis grauitas aut etiam doloris atrox, sensuum mentisque stupor aut tarditas, faciei pallor, turbulenta insomnia, & quòd accessio repente hominem adoritur nulla symptomatum præfensione. Alteram quæ ab ore ventriculi haud secus atque oculorum suffusio originem sumit, præcedunt ventriculi dolor, distentio, compunctio, & difficilis inedia toleratia: quumque accessio proxima est, nau- 20 sea, cordis dolor, aut animi defectio: quum verò ea defierit, vomitio aliàs pituitosa, aliàs biliosa. Tertia species sæpe à manuum pedumve digitis, vel à crure, interdum ab vtero, præsertim quum fœtus gestatur, cum quo & putria multa coërceri solent. Non paucas noui mulieres quæ quoties vtero gestant, crebro epilepsia corruunt, expeditæ verò nunquam. Hæc etiam 25 potest ab alia quauis parte proficisci: nam visa est quæ à summo vertice capitis originem haberet: è quo vapor quoquouersum excurrès, si per externas partes solum vagabatur, vertiginem: sin intro penetrabat in cerebrum, epilepsiam ciebat. Omnium manifestissimè hæc species deprehenditur. Ex ea quippe sede in qua mali fomes delitescit, præhédente accessione ve- 30 lut aura quædam frigidior per continuatas partes in cerebrum efferri percipitur: cuius etiam impetus incipiens iniecto arctiore vinculo (si pars id commodè ferat) intercludi cohiberi que potest.

ἐπὶ ἀλτῆς

Incubus est grauis corporis oppressio & nocturna suffocatio, respirationem offendens vocemque intercipiens. Sensus quidem non adimuntur, sed tamen stupefiunt hebetanturque, quemadmodum & mens & imaginatio. Etenim laborās vel ab hoste se inuadi, vel ab aliquo venerem exigente tanquam ab incubante mole premi, qui manu attactus mox effugiat, vel absurdiora quædam spectra imaginatur ac fingit. Causa est crassior pituita aut melancholia, non in cerebro, sed circum præcordia inhe- 40 rescens, qua per crapulam & cruditatem turgescente, diaphragma pulmonisque premuntur: crasso autem vapore illinc in fauces & cerebrum expirato, vox suppressitur, sensus atque mens obturbatur, visusque tristibus offunditur.

funditur. Incubus epilepsiæ & apoplexiæ affinis est, in quas si diutius persistit, sæpe degenerat.

Apoplexia est repentina motus & sensus, omnisque animalis functionis priuatio. Hac quippe percussus, nullis ferè mali indiciis præcurrètib, totus repente quasi attonitus concidit: atque si acerbum malum est, iacet fixis oculis sine sensu, sine motu, sine mète, sola respiratione à mortuo dissidēs, quæ & admodum difficilis mox euadit, & cum stertore grauissimo. Hoc vno maximè à sopore & ab vteri strangulatu distat, quòd in his ferè respiratio facilis & libera seruetur. Licet enim in caro in omni que graui sopore priores cerebri partes opprimantur ab hisque prodeuntes sensus torpescant, partes tamen posteriores illæ, satis spiritus in mouendi neruos effundunt quo motus cōseruetur, maximèque respirationis ad vitæ cōseruatione in primis necessaria. At apoplexia omnia occupans & offendens, motū omnē respirationemque tollit, eaque maximè causa hominē iugulat.

Adhæc solutū carum ferè excipit bona valetudo: apoplexiam paralytis. Vteri verò strangulatus quum solo vapore cerebrum feriat, multò minus respirationem impedit, nisi fauces præcludat. A syncope verò dissidet apoplexia, quòd nullus aut in primis obscurus ac languidus in hac arteriarum pulsus existat, in apoplexia verò plenus ac validus, nisi quum iam in propinquo mors est. Si mitior apoplexia fuerit, sensus quidem aut motus inest, sed admodum stupidus & incertus, ac tum ferè pars altera corporis resoluta ingrauescit. Huius causa in cerebro consistit, omnis motus atque sensus cōmuni principio. Ea autē est crassior frigidiorque pituita: neque enim à sanguine, neque à melancholia hæc gigni verisimile est, etiamsi toto torpore exuperet. Atque frigidior ea pituita, licet proprium cerebri excrementum sit, dum tamen affatim & vniuersè omnes eius vetriculos implet, aut dum minimum quiddam retis admirabilis arterias, per quas spiritus ex corde in cerebri sinus influit, repente obstruit aut coarctat, apoplexiam infert. Tum quippe sinus influente spiritu destituti, nihil deinceps suppeditare possunt sensuum motuumque neruis, moxque necesse est animal collabatur, ac si eius carotides arteriæ interciperetur vinculo. Quibus caput graue frequenti sopore tentatur, & corpus omne pigrescit inertiusque euadit, & oculi tenebris offunduntur, hi apoplexiæ opportuni sunt, maximè verò senes, pituitosi & crapulæ addicti, qui breui angustaque sunt ceruice.

Paralytis quæ consummata sit, vnius cuiuspiam partis non totius corporis motum & sensum perimit. At imperfecta interdum sensum perimit constante motu, interdum motum incolumi sensu: vtrūque enim altero manente interdum perire posse in Physiologia demonstraui. Est & quum imperfecta paralyti sensus motusve torpet & hebescit, hic propriè stupor appellatur, quo aliquando vidi vniuersam corporis cutem ex crapula & vinolentia affici, illæso motu. Fit autem paralytis aliàs ex debili apoplexia, ac tū propriè paraplegia dicitur, aliàs ex stupore sensum aucto,

M qui

ἀπὸ τῆς
ἐξέως

παράλυ-
σις.

ἢ νάρκη
ἀμυδρά
ἢς παρά-
λυσις.

παράλυ-
γία.

ἡμωλη-
γία.

qui paralyſis eſt nunciuſ. Illa quidem grauior & periculoſior eſt, ac ſæpe in apoplexiam recurrit: hæc verò mitior, at nihilominuſ pertinax. Illa fere aut partes omnes quæ ſub capite ſunt, aut alterum ſaltē corporis latus occupat, eſtque propriè hemiplegia: hæc interdum illas, interdum vnam quampiam partem obſidet, vt linguam, oculum, maxillam, labrum, brachium, manum, crus, pedem, aut quicquid ſub diaphragmate cōſtituitur.

Pars reſoluta celeriter frigore obriget, ea quoq; grauiſ eſt, & ſi attollitur, mox ſua mole recidit relabiturque, laxa, mollis, tum motuſ tum ſenſuſ expers. Quūque iam diu malum protractum eſt, ea contabefcit atrophia. Faciei quæcunque pars reſoluta fuerit in aduerſam partem ſanam contorquetur. Inueſtiganda porrò diligenter mali prima ſedes. Si partis cuiuſpiā in facie extinctuſ eſt ſenſuſ, affectio in iſ eſt neruiſ qui à tertia cerebri cōiugatione prodeunt: at perēpto motu, in primis ſpinæ vertebriſ cauſa ſubiſtit. Si partes omnes quæ ſub facie ſunt reſoluuntur, affectio totiuſ ſpinæ obſidet initium. Hemiplegiæ cauſa non in tota ſpina, ſed in illiuſ alteraſ duntaxat parte in hæreſcit. Altero crure aut vtroque reſoluto cauſa non ſupra lumbos quærenda eſt. Si tota ſpinæ medulla in tranſuerſum afficitur, reſolutio ſubditas partes omnes, tum dextras, tum ſiniſtras occupat, ſin altera medullæ pars afficitur, eaſ duntaxat quæ è nocuenti regione ſunt. Quacūque igitur parte reſoluta, accuratè diſcendum in eāne ſola affectuſ conſiſtat, an in illiuſ neruo. Sed & quæri debet in totōne proceſſu nerui, an in eiꝯ parte aliqua, & an in origine ſolū, an in ipſa cerebri aut ſpinæ medulla. Ad quam quidem rem exquiſitè tenenda eſt ex anatome omniſ neruorum diſtributio. Ea porrò cauſa ſpirituſ influxum & diſtributionem interpellans, craſſa fere eſt pituita neruo tenaciter impacta, hūncque obſtruens & impediens quominuſ ſpirituſ animalis in eam diſtribuat partem, in quam neruꝯ propagatur. Quinetiam aliꝯ quiuꝯ humor in ſpinæ medulla infixuſ paralyſim committere poteſt: ac ſæpe flaua bilis hanc infligit, quū ſub finem intermittentiū febrīum in ſpinam dorſi ac in neruorum origineſ effunditur. Eam præterea inducit nerui calluſ, & tuberculuſ, & tumor omniſ præter naturam neruū aut medullam conſtringens, multōque magiſ iniectum vinculuſ, & contuſio ex caſu vel ictu, & vertebrarum luxatio, quæ aut in dextrum fit aut in ſiniſtrū. Quænam autem harum cauſarum paralyſim intulerit, quiuꝯ faciliè propriiſ ex ſignis internoscet.

αὐτομω.

Conuulſio eſt neruorum muſculorūque ſuam originem verſuſ præter voluntatem perpetua cōtractio. Hac membrum in quod muſculi tendo inferitur ſimul adduci neceſſe eſt & contrahi, & à naturali figura deſciſcere, & vehementiſſimo torqueri dolore qui modò leuiuſ, modò atrociuſ inſulter virēſque proſternat. Rarum quidem & inſolens, ſed tamen acutum malum eſt conuulſio, & quod breui interimit. Hæc interdum totum corpus, interdum partes infeſtat. Quæ totiuſ eſt corporiſ, id ad eò arcetè occupat, vt flecti haud poſſit: quūque corpus in priora curuatur emproſthotonuſ

emprosthotonos est, quū in posteriora opisthotonos, quum æquali robore in vtramque partem intēditur, tetanos id est distentio: quæ nomina solent etiam solius cervicis conuulsionibus accommodari. Huius causam & vitium in spinæ initio contineri extra controuersiam est. Iam verò partitis conuulsio interdum in oculo, in frontis cute, in linguæ radice, in maxilla, in labris vnde risus fit sardonius: interdū in brachio, in manu, in crure animaduertitur: eo scilicet neruo aut musculo affecto qui partis motioni destinatus est. Pars autem nerui primariò affecta ea ratione designabitur, quæ in paralyti exposita iam est. Cōuulsionis causæ multæ sunt, quas omnes Hippocrates in duas contulit, inanitionem & repletionem. Quæcunque enim vel ab ardente febre, vel ab ellebori alteriusve medicamenti potione, vel ab immoderata sanguinis profusione, vel ab immodicis vigiliis, vel ab inediis, vel à labore immodico fieri traditur, ab inanitione est, quemadmodum & quæ ex vulnere aut ex nerui compunctione concitatur. Hæc sequitur inflammatio simplex, & ardor neruosas partes cerebrumque feriens. His igitur ex causis propria substantia dissipata, nerui & membrana siccescunt ac in sese cōtrahuntur. Quæcunque verò cōuulsio vel ex phlegmone, vel ex ebrietate & crapula, vel ex suppressa quadam vacuatione consueta, vel ex intermissa exercitatione proficiscitur, ad repletionem referenda est. Ex his igitur quæ antecesserunt, conuulsionis species atque causa discernetur, tum etiā quòd ex repletionem repete gigni soleat, ex inanitione verò sensim multoque tempore. Præter illas alia quoque conuulsionis est species, quam recte flatulentam quis appellet. Ea sæpe manuum pedumque digiti, nonnunquam & crura vel extenduntur vel in sese conpeduntur, nonnunquam & crura vel extenduntur vel in sese conpeduntur summo dolore, sed eo breui & qui frictione sola mitescat. Causa est crassus lentusque vapor in neruorum propagines insiliens, qui illas haud secus atque citharæ chordas implet atque conuellit: proinde iis qui vino & crapulæ, aut socordix ac desidix se dediderunt, frequens esse consuevit. Huius etiam generis quædam non ita pridem mihi occurrit, non extremas solum verum alias quoque partes impetens. Ea quotannis hyeme duntaxat, sed bis tēve quotidie affligebat. Caput primum in accessione vibratione quadam ex intervallis cōtorquebatur, hinc sensim malum per cervicem frigoris sensu deuoluebatur: quūque inter scapulas irruebat, illaesa mente integrisque sensibus opisthotono corpus rigeat: quum verò in alterutrum latus, aut in brachium, aut in crus excutiebat, ita arctè id protinus contrahebatur, vt nulla astantium vi exporrigi posset, dum prorsus cōquiesceret accessio. Ex quibus intelligi potest, cōtinentem proximamque illius causam nō humorem, sed frigidum, crassum lentumque vaporem fuisse, qui inclinante accessione totus dissiparetur, cuius tamen fomes esset in capite.

Tremor motus est deprauatus mēbrum præter voluntatem cōcutiens. Oritur quum insita grauitate membrum delabatur, facultas verò imbecillior id nequit erigere nec robustè exporrigere: tum enim pugna quadā grauitati

M ij

ὁ σόμος.

uitati resistit facultas ac tantum in sublime membrum attollit, quantum id suo pondere deorsum fertur. Præcipua igitur causa est facultatis atque neruorum imbecillitas: quæ contrahitur interdum ex ætate, vt quum iam grauis est senectus, interdum ex causa vires resolvente, cuiusmodi est diuturnus grauisque morbus, immoderata intempestiuâque venus, & timor, aliudve animi pathema: interdum ex iis quæ tota substantia neruis sunt infensa, vt hydrargyri vapor immodicus: interdum ex iis quæ neruos acrius feriunt ac implent, vt vinolentia, vinique meracioris liberalior usus, hac nulla crebrior tremoris causa existit. Quinetiam præter neruorum imbecillitatem alia quoque causa statuatur, neruorum obstructio à lentis crassisque humoribus, quæ sit tamen leuior quàm in stupore aut in paralyti: communes quippe horum causas esse volunt & ordine solo distingui, vt quanto interuallo à paralyti stupor, tanto à stupore tremor recedat. Atque vt pituita sic & bilis flaua in neruos insiliens horum fit symptomatum causa, ea ferè ratione qua & de paralyti traditum est. Etenim non rarò sub acutorum morborum finem tremor enasci deprehensus est. His iam omnia tum principis, tum sentientis mouentisque facultatis symptomata videor persequutus. Nunc quæ ab excrementis prodeunt, expediam.

ἐμφά-
λις πούτ-
τωμάτων
συμπύ-
ματα.
ὁ κατά-
ρρεος.

Excrementorum cerebri symptomata.

Cap. IIIL.



DESTILLATIO Græcis κατάρρεος est superuacanei humoris è capite in subiectas sedes prolapsio. Hoc nomen latè patet iunioribus, quo tamen veteres eam solum de- signarunt quæ in fauces irruit. Ergo destillationis causa atque materia capitis est excrementum. Cerebri amplà copiosaque medulla multo eget alimento, è quo necesse multum quoque excrementum gigni: maximè verò si impensè frigidum humidumque aut alia id ratione imbecillum sit, illique vel copiosius, vel non satis congruens alimentum suppeditatur. His enim ex causis vbique magnus fit excrementorum prouentus. Quum moderatum excrementum est, id omne in priores cerebri sinus reconditur, qui in id quodammodo destinati sunt: quum verò immoderatiùs exuperat, extrinsecus etiam circum cerebrum circumque meninges dispergitur & fluctuat, quò per interiorum ora venarum effusus est. Cerebri sinus seu ventriculi facillè per palatum expurgantur, reliqua verò capacitas tum per palatum, tum per nares, tum per aures & oculos. Itaque si cerebro humido sicca sunt nares, destillationes capitisque morbi ingruunt, quique foris splendent intus sæpe sordent. Excrementum porrò id cerebri naturam imitatur, quumque pituitosum sit, tenue tamen aquosum atque dulce existit: sed in cerebri ventriculis diutiùs obhærens plerumque vel salisam, vel acrem qualitatem tempore conquirat. Aliud præterea in exter-
nis

nis partibus capitis excrementum colligitur, maximéque sub cute verti-
 cis, quò venarum per faciem & tempora in caput irrepentium extrema
 desinunt. Quoties enim hæ vel sero vel humore multo turgent, alimen-
 ti reliquias & superuacua sub cutem effundunt, quæ præ cutis crassitie
 atque densitate vaporare foras vix queunt. Horum coagmentatione assi-
 dua tantus interdum cumulus fit, vt tumor ceræ instar mollis promineat
 cutē condensans eamque à calua plurimùm disiungēs. Hic certè fons, hic
 fomes est omnis externæ destillationis, quem miror neminem omnium
 veterum animaduertisse. Hinc in externas corporis partes fertur destil-
 10 latio, in oculos, in maxillas, in dentes, in ceruicem, in scapulas, in bra-
 chia, in latera, in dorsum & lumbos, in coxendicem, in crura, in omnes
 denique articulos: eaque tum omnis arthritidis, tum omnis ferè externi
 doloris causa esse deprehenditur. Quæ autem è cerebri ventriculis, aut
 ex iis locis quæ sub calua sunt fertur destillatio, ea in interiores corporis
 15 sedes prolabitur, in hisque varios morbos excitat: in neruorum origines
 irruens apoplexiam, paralytim, stuporem, tremorem. In sensuum orga-
 na, cæcitatem, surditatem, tinnitum, odoratus priuationem: in nares
 grauedinem: in fauces & in asperam arteriam raucitatem: in pulmones
 tussim, asthma, phthisim: in ventriculum cruditatem: in intestina alui
 20 profluuium: hincque si in iecoris venas se insinuet, crassescens tum eas,
 tum viscera infercit obstructionesque parit. Sic destillatio quàmpluri-
 morum est morborum procreatrix. Vnus autem homo præ cæteris ani-
 mantibus his malis idcirco obnoxius est, quòd amplo sit cerebro eoque
 sublimi, è quo excrementum in omne ferè corpus facile delabi potest,
 25 idque perfundere & quasi irrigare. Id autem excrementum quamdiu in
 cerebro consistit, ferè aquosum est & sero persimile, quod tamen cum ea
 tenuitate ex cerebri substantia lentorem adipiscitur: quo sæpe cernun-
 tur per frigora nares stillare. Talis igitur initio vel in pulmones, vel
 in alias interiores sedes illabitur: talisque ab summo capitis vertice in ex-
 30 timas corporis partes atque in pedum articulos profluit. At verò excre-
 mentum hoc partium in quas procubuit calore sensim crassescit portio-
 ne eius tenui dissipata. Sic enim ex tenui & aquosa pituita superuacanea
 mucosam, ex hacque albugineam, deinde vitream & gypseam caloris vi
 procreari in Physiologia demonstrauius. Quum autem frigida destil-
 35 latio in partem quampiam incidit, ab externisne an ab interioribus capi-
 tis sedibus ea profluxerit, internoscendum quidem (nam medendi ratio
 diuersa est) tum iis signis quæ nunc posita sunt, tum iis quæ externum ca-
 pitis dolorem ab interiore seiungunt. Destillationis porrò materiam gi-
 gnunt ac augment intemperans humidiorque victus, & capitis imbecilli-
 40 tas intemperiesque frigidior. His ex causis cumulatam excrementum
 si diutius subsistit ac hæret, tum morbos, tum quæ retuli profert sym-
 ptomata. Id verò depellit & è capite exturbat, quicquid suo id loco
 dimouet, vt copia grauans, frigus exprimens, æstus colliquefaciens,

balneum laxans, & perturbans exercitatio vel animi pathema. Hæ igitur quoniam efficiunt, vt pondere suo excrementum in subiectas sedes profuat, destillationis causæ statuendæ sunt. Recentiorum medicorum turba non satis probabili Auicennæ dogmate, omnem destillationis materiam statuit è iecore calidiore suscitari: multos inde vapores in caput efferri, qui deinde cerebri frigore in aquam versi protinus relabantur, perinde atque terrarum expirationes quæ in nubes concrecentes mox dissoluuntur in imbrem, aut sicut vaporarij halitus in sublime elatus densatur in aquam. At verò excrementi minimum hac ratione congeri potest. Sed & iis qui vel temperato vel frigidiore sunt iecore, destillationes plerumque fiunt: 10 & hæ quidem quemadmodum & reliquæ ferè omnes à capitis imbecillitate & frigida intemperie, quæ omnium sunt causarum creberrimæ ac validissimæ. Capitis symptomata omnia persequutus videor, quorum interiores ferè causæ sunt intēperies simplex, & vitium humoris, qui vel extra vel intra caluam consistit. Hic verò vel in meningibus, vel in cerebri 15 substantia, vel in eius ductibus obhæret, vel illinc in subiectas partes illabitur. Atque hi præcipui sunt scopi, ex quibus tota medēdi ratio peti constituique debet.

ὁ φθάλ-
μιος πάλ-
λη.

Oculorum morbi, symptomata, horumque causæ. Cap. V. 20



IMIL I ratione & oculorum interiores affectus ab exter-
nis summa cura seiungēdi sunt, quod in his curatio & re-
mediis & vtendi ratione variet. Interiores dico qui intra
corneam membranam conditi sunt, & quorum origo ab
intimis cerebri sedibus ducitur. Externos verò qui vel in 25
cornea, vel extra hæc existunt. Hi autem affectus aut ocu-
li visionem aut motum peruertunt, idque modò cum dolore, modò citra
dolorem vllum. Motui impedimento sunt strabismus atque paralysis.

στραβισ-
μός ἢ ὁ στ-
ραβισμός.

Strabismus oculi conuulsio est, qua is in obliquum ita cōtorquetur, vt
nequeat amborum vnus aspectus esse. Paralysis motus est abolitio: horum 30
causæ suprà cōmemoratæ vel in oculorum musculos incidunt, vel in ner-
uos ex secunda coniugatione cō directos, vel in eam cerebri partem vnde
illi emergunt. Atque hi primùm & per se motum impediunt. Affectuum
porrò interiorum qui visioni obsunt, alij in cernendi spiritu, alij in cere-
bro, alij in optico neruo, alij in humore crystalloide consistunt. Spiritus 35
vt acutè & distinctè cernat, debet multus esse & æthereus. Nam multus si
crassus quoque sit, & longinqua & vicina quidem videt, vix tamen discer-
nit. Paucus verò licet æthereus sit, lusciosos tamē facit, qui propinqua pla-
nè discernunt, distantia haudquaquam vident. Paucus & crassus hebetes,
qui neque distantia vident, neque propinqua discernunt: senum hoc ferè 40
vitium est. Cæcitas, obscuritas omnisque visus imbecillitas cuius causa in
oculo conspicua non est, vel cerebri, vel optici nerui, vel humoris crystal-
loidis vitio exoritur. Cerebri autem vitium intemperies est aut simplex,
aut

ὁ μύωπες
ἢ ὁ νυκτα-
λῶπες.
ὁ ἀμ-
βλυωπός.

aut ex humore. Optici nerui vitium obstructio ex humoris crassioris influxu: aut angustia ex tabe vel ex tumore præter naturam: aut illius disruptio ab externis causis. Crystalloidis peculiare vitium est, è propria sede dimotio, aut ex casu aut ex ictu, quibus vehementer oculus ipse concussus est. Iam verò hæc notis discernenda sunt. Vitium & offensæ visionis causam in cerebro esse certò scies, si non ad oculum modò, verumetiam ad alios sensus imbecillitas pertinet. An verò ex simplici intemperie, an ex humore vitium sit inductum, ea luculenter declarant, quæ de affecti cerebri signis prodita sunt. Quum causa in cerebro non reperitur, in neruis opti-
 10 cis aut etiã infra hos quærèda est: atque si cæcitas repente aut breui tẽpore inuaserit, obstructio certè est ex humoris influxu: sin verò pedetẽtim multòque tẽpore, aut intemperies aut adstrictio vitio detur. Quanta autem sit optici nerui obstructio vel adstrictio, ita quidẽ coniectura intelligere est. Si laborans oculum sanum claudens altero videre contendat, ac tum pu-
 15 pillam dilatetur, spiritus nõnihil etiamnum influit per neruum: sin verò eadem pupillæ figura eadẽque amplitudo permanet, nihil omnino spiritus illabitur, prorsusque illi interclusa est via. Ruptus autẽ opticus neruus, aut humor crystalloides è propria sede dimotus, intelligitur ex ictu vel casu, vel ex alia quauis manifesta causã quæ vim intulerit: quanquam interdum vidi nullius externę causæ vi, solius acerrimi humoris influxu repen-
 20 te & crystalloidem è propria sede dimoueri, & pupillam dilatari, sed cum comitabitur dolor immanis & implacabilis. Quinetiam quũ crystalloidis dimotio sursum deorsumve fit, laboranti quæcunque cernũtur gemina apparent, non autem quum in alterutrum angulum fit.

25 Glaucoma est crystalloidis aut vitrei humoris in glaucum aut fuscum colorem mutatio. Hoc vitio impediti aut per fumum aut per nebulam se videre arbitrantur. Idem impedimentum accidit quum vtriusuis humoris substantia nimio opere crassescit. Si quem fortè alium colorem contraxerit, is etiam in obiectis rebus elucebit. Hoc quidem vitium rarum, at certè
 30 immedicabile, quòd humorum substantiam immutet.

Suffusio est humoris præter naturam vel in pupilla, vel inter rhagoidẽ tunicam & crystallinum humorem cõcretio. Is autem è cerebro per opticum neruum prolabitur, idque sensim, vt idcirco vix possit initio conspici: quanquam interdum vidi omnino crassam atque consummatam suffu-
 35 sionem vno die congeri. Etenim si crassus humor in opticum neruum repente incidens subito obcæcat, cur non etiam is longiùs ob pupillam prolapsus repẽtinam suffusionem eãque perfectam inducet? Omnis autem suffusio ob pupillam consistens, impedit ne crystalloides primum videndi organum, externarũ rerum species atque simulachra excipiat, néve
 40 illa liberè cernat. Principio quũ tenuis adeò est humor, vt minimè deprehendi possit, fumi duntaxat & vapores, deinde etiam muscæ ante oculos obuersari putantur. Tempore eousque crassescit dum omnino visionem præpediat, idque si pupillam omnem obregit: aut si eius partem dũtaxat,

M iij obiectarum

πλωκ-
μα, καὶ
ἀμωγ-
σις.

πρόχυσ-
σις.

obiectarum quoque rerum partem quampiam obscurat. Atque ut est suffusionis figura, ita & varia sunt rerum simulachra. In his omnibus iam manifestè crassius, concretus albusque humor animaduertitur. Incipiente igitur hac suffusione eadem ferè visa atque in ea quæ affecto vetriculi ore fit sese representant: quæ hac tamen ratione discernuntur. Suffusio propria aliterum duntaxat oculum falsis rerum simulachris illudit, aut si ambos, non simul tamen neque similiter. Suffusio per consensum, & ambos, & simul, & æqualiter visis offendit. In illa visorum occursatio assidua est, ne diem quidem sed ne horam intermittens. In hac verò & remittit, & intermittit, si parciore & facili dato cibo ventriculus bene concoquat, aut is expurgetur medicamento dialoës: inualefcit si cruditas est, aut os vetriculi doliat, aut nausea fatigat.

αἰξήσις
τῆς κορης.

μείωσις.

παρὰ τὸν
φθῆν
ξίς.

Pupillæ vitia manifestè sensibus patent: ea sunt dilatatio, imminutio, diuulsio & ruptio. Dilatatio siue iam ab ortu, siue postea ex morbo nata sit, visioni obest, ut quæ videndi spiritum vniuersè diffundi atque dissipari finit. Imminutio natiua quoniam spiritum cogit atque densat, acutissimam visionem reddit: at morbosa quoniam causam præter naturam habet, deteriore facit. Diuulsio & ruptio nec occæcant nec magnopere visioni officiunt. Dilatatione porro efficit humor in vœa tunica conclusus ac redundans, qui illam distendens, illius quoque foramen quod pupilla est amplificat. Quocirca oculi prominētiam atque etiam scirrhum, phlegmonē, & abscessum comitatur pupillæ dilatatio. At verò imminuitur pupilla angustiorque fit in oculi phthisi & atrophia, & quoties vitreus humor quauis de causa absimitur: tum quippe cōtracta rugatæque vœa, & in sese quasi cōcidens foramen coarctat. Eisdem causis atque etiam externarum vi & iniuria fiunt, pupillæ diuulsio atque ruptio. Hi sunt omnes interiores oculorum affectus. Externos qui corneæ & adhærenti membranae insident persequamur.

τὰ ὑπὸ τοῦ
τοῦ
ταῖς ὀφθαλμοῖς.

ὁμίχλη.

λοθίωμα.

Caligo est tenebrosa visio ex crassiore dēsioreque facta tunica cornea. Rarum hoc vitiū ex morbo, ex senectute frequens: qua certè membranae quemadmodum & vngues crassescunt.

Nubecula verò tenuis est humor corneæ inhærescēs, cuius adhæsi putat laborans se per nebulam, per vaporem aut fumum res omnes intueri. Hic verò humor sensim crassescens tandem albuginem parit. Est enim albugo crassius & albus humor in vœa aut etiam supra hanc ita concretus atque densatus, ut omnem plerumque videndi aciem perstringat. Sensim quidem hæc duo vitia succrescūt, ac sæpe ex ophthalmia & epiphora. Interdum & ex proprio fiunt humore lento, qui ob pupillam effunditur ex iis spatiis quæ sunt inter membranam adhærentem & vœam.

Hallucinatio quæ Græcis est παρόρασις fit cornea tunica alieno colore infecta, quo etiam foris omnia tincta cernuntur: ut in ictero citrina, in suffusione & inflammatione rubra.

ῥήξις.

Rhexis est eiusdem corneæ ruptura vel sectio, vel exesio, è qua primū albugineus

albugineus humor emanat, oculumque multò minorem relinquit. Deinde rhagoides tunica procidit, ac tum oculi est procidentia, quæ Græcis est proptosis. Ab hac diuersa est oculi confusio, in qua ex ictu humores permisti confusi que sunt, citra eruptionem vllam.

πρόπτωση
ὀφθαλ-
μοῦ.

5 Extuberant (sed rariùs) in hac tunica pustulæ quales exanthematum, phlyctænæ dictæ. His ruptis vlcuscula manent varia, quorum sordidissimum epicauma dixerunt. Hæc tandem pus excipit. Quinetiam huic tunicæ & carbunculi & carcinomata insident, rarissima quidem, sed omniũ vlcerum deterrima. Nunc adhærentis membranæ affectus percurramus.

10 Vnguis neruosa dura & albicans mēbranula est ex angulo sese obtendens & plerumque pupillam contegens. Oritur ex adhærente membrana sensim multoque tempore (si permittitur) crescente.

πύγιστος.

Omniũ autem frequentissimè oculos infestant epiphora & ophthalmia, ex quibus & dolores sanè quam acerbi & alij plerique morbi expullulant. Epiphora est tenuis humoris impetus, lachrymarũ specie, in oculos factus. Is autem humor aliàs frigidus ac planè aquosus sine dolore, sine ardore aut rubore: aliàs acer est aut falsus, qui & dolore & acrimonia & ardore & rubore molestus est, vnde & palpebrarum sequitur exulceratio. Fluxionis huius origo ferè è sincipite & è summo vertice ducitur, in quo
20 humor extra caluam & subter cutem cōgeri solet, qui per pericranium in adhærentem membranam destillat, ac demum foras per oculos excidit: quem admodum & ex ea sede destillationes aliàs in dentes, aliàs in maxillas procumbere proditum iam est. Quocirca huius eadem atque destillationis causæ statuendæ sunt.

ὀδονόγος.

25 Ophthalmia est oculi phlegmone ex oculorum angulis in totam adhærentem membranam effusa. In hac tenues oculorum venæ turgent, & quæ in oculorum albo obscuræ fuerant, cōspiciæ fiunt: plerumque quicquid album fuerat, rubescit. Summus ardor atque dolor affigit, qui acriũ sæpe lachrymarum fluxionem accersit. Tum sanè magna huic similitudo est cum epiphora. Sed inter se distant, quòd in ophthalmia oculi album, in epiphora solum palpebræ cilium rubescat. Distât præterea & materia & origine. Quum ingrauescente ophthalmia album oculi rubescēs vsque adeò tumet & crescit, vt nigro sublimius euadat, ipsũque ferè cōtegat, chymosis appellatur. Inflammationis causa est tenuis biliosique
30 sanguinis in oculos fluxio, è temporum angulorumque venis in obscuras & latentes oculorum venas irruens. Quibus fluxione frequenti venæ patefactæ sunt, hi quauis ex causa inflammatione rursus tentantur, & à plethora, & à solis æstu, & ab exercitatione, & ab aliis externis causis quas diximus fluxionem irritare.

ὀφθαλ-
μία.

*inferior Epiphora
& ophthalmia*

Chymosis

40 Oculorum dolores quoniam in primis graues esse solent seorsum quoque æstimandi. Mouëtur autem ab humorum acrimonia in acri epiphora, ab ardore in ophthalmia, à flatuum vel humorum influentium copia, quæ illorum tunicas distendit, à carbunculo & carcinomate: sed à pustulis

ἢ πύκνωση
δυσία.

lis & vlcusculis quæ in corneam incidunt, aut nullus aut admodum levis oritur dolor. Quos hæcenus numeravi affectus omnes oculi globū obfident. Nunc qui ambitū inuadant, palpebras dico & angulos tradendum.

Maximus quidem & creberrimus est ægilops, phlegmone parua inter maiorem angulum & nasi radicem. Pars ipsa quasi furunculo tumet, ambitus rubore perfunditur, dolor summus vrget isque lancinans. Causa est tenuis biliosusque sanguis per temporum, frontis faciei que venas eò insiliens, sicque venam illic conspicuam exedens aut corrumpens, vt sanguis in id spatium sub cutem effusus phlegmonem pariat: qua rupta exulcerataque cute abscessus apparebit, e quo pus per vlcusculum manat.

Ex his parum bene curatis affectibus, sinus consequitur, aut oculi fistula. Etenim quum ægilops non maturè aperitur, aut quum pus non liberè effluens diutius coërcetur, cuniculos agit, ac demum vicinis partibus exersis sinum parat, in quo copiosius colligitur: hinc ad os subiectum penetrat, & viam aperit in narē proximam, e qua graecolens excidit. Quod si pus viam sibi muniat in angulum oculi maiorem, fistulam excavat qua sinus expurgatur. Solet quippe in sinu illuies assiduè congeri, quæ pressio angulo per illius fistulam emanat: tumque tumor subsidet, dum noua illuie denuò repleatur, quod plerisque singulis horis obtingit.

His malis rhyas ferè succedit, quæ est cariculæ anguli maioris absumptio vel imminutio, à qua & angulus latior euadit. Fit tamē & aliis ex causis, velut ab humoribus & medicamentis exedentibus. Rhyadi opponitur

Encanthis, quæ ipsius est carunculæ immodica eminentia.

Palpebrarum vitia sunt scabies quæ psorophthalmia, & pruritus qui xerophthalmia nuncupatur: illa scabies est ex humore calido & acri, cilia potissimum occupans: hæc pruritus est ex humore salso atque nitroso, solè que nostris sicca lippitudo nuncupari.

Ectropion palpebræ est inuersio, qua pars eius interior rubra prominet. Oritur autem vel ob cicatricem, vel ob subditæ carnis exuperantiam, qualis sæpe ex chymosi relinquitur.

Grando tuberculum est durum palpebræ ferè superiori innascēs. Hordeolum tuberculum calidum in abscessum ferè desinens, quod è palpebræ margine atque è cilio prorumpit. Quinetiam ciliis atque superciliis pilorum defluuium contingit, quod madarosis appellatur: & pilorum inuersio, & pediculorum prouentus, omnia certè ex iis causis genita, quæ & finitimos capillorum affectus edunt.

Aurium morbi & symptomata, horumque causæ & signa.

Cap. VI.

ὁ ἀγὼν
φλεγμονῆς
ἐν τῷ γινώ-
μενῳ ὡ-
ταλγία.



VRIS phlegmone plerumque tentatur. Hęc parte intima inter crassio-
rem meningem & membranam quæ audiendi me-
tui præceditur colligi solet. Gignitur ex acri tenuissimoque san-
guine, qui ab interioribus meningum venis eò irruens, tandem
putrescit.

putrescit. Calore se prodit & dolore grauissimo, membranas quippe humoris acrimonia pungit, & copia distendit atque diuellit. Hinc pulsans & vehementer lancinans dolor excruciat, qualis & per phlegmonas omnes quæ circum arterias & membranas accenduntur. Febricula oboritur, suis comitata symptomatis. Nullus tumor nullusque rubor foris conspicitur, nisi fortè geminato malo externa in cōsensum trahatur. Putris materia in pus sensim coctione mutata abscessum inuehit, è quo rupta vel exefa audiendi membrana, pus foras per auris anfractum manat, magna doloris lenitione atque grauitatis leuatione. Quibus imbecillum est cerebrū & excrementis abundans, iis diu auris diffluit, manetque interdum suppuratio admodum diuturna, qua vel pus albū, vel liquidior sanies excurrit. Fit tamen & interdum suppurationis aut sordium genus aliud citra inflammationem, ex magna cerebri impuritate, ex multaque colluie cōfibi viam & exitum moliente.

Ulcus auris sordidum ex his sæpe causis excitatur, quoties vel pus vel humor influēs summa pollet acrimonia. In vlcere verò humido nec tempestiuè resiccato, caro excrecit, quæ auris ductum obturat, & auditū peruertit. Obturant præterea tum sordes copiosæ, si vel concrecant vel obdurescant, tum calculi, tum alia quæcunque imprudentibus in aurem incidunt. Diuturna autem sordis ac saniei suppressio, ac etiam impurum sordidūque vlcus vermes progignit.

Iam verò dolor, tinnitus, auditusque grauis, & omnia audiendi symptomata, ex iisdem sæpe causis procedunt. Dolor enim acerbissimus in phlegmone est, nec minus acerbus fit ex flatulento spiritu circum membranas coercito. Exitum quippe non reperiens, vehementer illas distendit, diuellitque ab osse. Discernitur autè quòd neque in hoc ardor, neque grauitas, sed sola inest distentio cum tinnitu aut strepitu valido. At multò leuior dolor existit, què frigidus crassusque humor intimæ auri impactus ciet. Hic etiam citra ardorem, citra grauitatem atque distentionem altè fixus est, causasque manifestas habet redundantis pituitæ superuacua. At certè sibilus, tinnitus, sonitus, strepitus omnisque deprauata auditio, ex motu & agitatione eorum nascitur, quæ intimā aurem occupant. Hæc vè varia sunt, & variè impelluntur, ita & varios sonitus edunt. Sibilus ex flatu tenui exiliter elabente: tinnitus ex illius cursu interrupto: sonitus ex crassiore plenius erumpente: strepitus ex impulsu valido: fluctuatio ex humoris iactatione. Horum verò nihil obauditur si causa interior quæcunque ea sit, conquiescat. Quum vlcus ab inflammatione vel abscessu, multo pure manauit, nisi id probè coalescat, perpetuum sonitum aut strepitū relinquit. Nā licet flatus nullus præter naturā subsit, spiritus tamè per artetias impulsus, impetu læsum auditū offendit. Quinetiā citra vllam auris offensionem obauditio, id est deprauata auditio, interdum capitis cōsensu accidit. Quæ huius est generis, non vt superior in solam aurem impingit, sed per omnes capitis arterias effundi percipitur. Talis ferè existit

Le xxi. tractata

πυρρὸν ὄντα.

σκληρὰ ὄντα.

πυρρὸν ὄντα.

ὁ τρισμαύς.

ὁ βομβός.

ὁ ἰόφθ.

ὁ ἡλός.

πυρρὸν ὄντα.

per

per summum febrium ardorem, necnon sine febre quā subditis visceribus calida copiosaque exspiratio in caput effertur. Etenim tum hac, tum flatuoso spiritu distentæ arteriæ vehementius pulsant, multūque calidi spiritus in cerebrum & aures effundunt: ab his verò audiendi sensus alioqui sanus, perturbata atque confusa obaudit: quemadmodum & oculus aliena multa cernit, in ea suffusione quæ vetriculi cōsortio fit. Hac multos novi graviter torqueri, atque tum maximè quā impuris essent visceribus.

βασανισμός
ή κωφω-
σις.

Grauis porrò auditio atque surditas sola magnitudine distat. Fiunt autem vel cerebro, vel primo audiēdi organo, vel auri anfractu aut læso, aut impedito. Causa quæ cerebrum aut primum audiendi organum occupat, vel intemperies est simplex, vel humoris vitium. Ex bile surditatem inferri prodidit Hippocrates. Quibus, inquit, deiectiones biliosæ exeunt, ex surditate superveniente sistuntur: & quibus surditas adest, biliosorum deiectione finitur. A phlegmone præterea, ab abscessu, & ab ulcere illam infligi superiora demonstrant. Ab humore quoque frigido, crasso & pituitoso penitus impacto & cōquiescente crebrior eidem origo est. Hic enim omnium maximè sensus omnes eorūque functiones consopire solet. Has verò nō aliter quā doloris causas, nec aliis oportet signis distinguere. Impedimenta auri appellantur quæcūque illius anfractū obstruunt, pus, concretæ sordes, tuberculum carnosum, callus, scirrhus, & quæcūque incidentia tenaciū inhaerescunt. Grauis auditio atque surditas, quæ iam ab ipso ortu & à prima natali die contracta sit, ab his minimè causis, sed à conformationis vitio proficiscitur, quo vel audiendi instrumentum deest, vel certè figuram vitiosam obtinet. Sic quidam senator ex coniuge sana liberos omnes suscipit surdos atque mutos, cuius rei causa in primis cæca & obscura censetur.

δυσωσμία.

παρωτίς.

At verò parotis inflammatio est in iisce potissimum glandibus erumpens, quæ ponè aures & ad earum radices consistunt. Hæc notas omnes phlegmones habet, tumorem, ruborem, calorē, pulsantēque dolorem, nisi (ut interdum fit) œdematis sit particeps. Oritur ferè à capite, humoribus calidis eò confluentibus: aliàs sine febre, aliàs in acuta febre, in qua præsertim caput vel delirio, vel dolore, vel gravitate torquebatur.

Narium morbi, symptomata, causæ & signa. Cap. VII.



ARES expurgando cerebro destinata, eorum quæ præterlabuntur acrimonia sæpe exulcerantur: deinde etiam ab ictu, à casu, à vulnere, ab aliisque causis evidentibus. Narium vlcus neque dolore, neque acrimonia conspicuum est, ac proinde diu sæpe latet incomprehensum, dum plannè sordescat exedatque ossa tenella. At verò quum recens est hinc noscitur, quòd sanguinis nōnihil frequēter cructet, maximè quū attingitur aut irritatur: quòdque nares hoc sæpe madeant: atque si finitur, crustula sicca eaque nigra obducitur, quæ emunctionis impetu nonnunquam

quam procidit. Vetusius ac iam putridum vlcus ozana appellatur, è quo crustula sordidior atque etiam graecolens mucus excidit. Laboras ipse tū sibi graeolet, tum vicinis tetri spiritus contagione molestus est. Sæpe illic vlcera diuturna serpunt, quæ vel narium alas, vel earū interstitium, vel alia eius loci tenella ossa exedunt atque putrefaciunt magna deformitate, exesumque palatū sæpe perforāt: idque maximè si vel carcinomatis specie habent, vel è fœda lue venerea, quod creberrimum est, contracta sunt.

Recentibus vlceribus neglectis caro plerumque excrecit, quæ sarcoma nuncupatur. Ea quum longitudine ita excreuerit, vt iam è nare foras propendeat, aut in fauces relabatur, polypus est. Vtrumque vitium narem obstruit, & spiritui viam intercludit, dum præsertim in latus affectum decumbitur, loquelam offendit & obscurat. Atque hæc symptomata grauedini quodammodo similia, nisi quod admodum diu permanent, nec errhinis tolluntur, quodque vlceris signa iam diu antecesserunt.

Iam verò odoratus symptomata sunt, fœtor assiduus, odorandi immunitio vel abolitio. Fœtor ex his duntaxat partibus eructatur, quæ circa nares & os ethmoides sunt: nam quæ in ipso olfaciendi sensu, vel propè hunc intra meningas putrescunt, sensum ipsum haudquaquā feriunt, nec ea laborans, sed quiuis assidens deprehēdit. Vt enim quippiam odoratum feriat, necesse est ex eo vaporem quodam interuallo in eum sensum & in priores cerebri ventriculos efferri. Odoratus quoque perit aut immittitur impedito narium ethmoidisque ossis meatu, quo spiritus ac odor duci solet. Idque vel sarcomate, vel polypo, vel phlegmone, vel grauedine. At si horum nulla signa comparent, offensionis causa, vel ad priores cerebri ventriculos, vel ad eas propagines in quibus est odorandi sensus, referri debet: in his vel intemperies, vel humorum copia, vel corruptela, sensum eiusve spiritus contaminat. Circum eas sedes abscessus interdum fiunt nulla febre, minimo dolore, è quibus ruptis animaduerti pus syncerum per nares affatim profluere perinde atque è purulentis auribus, idque nullo incommodo valetudinis. Sed & in quodam milite qui resistis erat naribus ex fœdiore quadam eluue diutius cohibita, vermes duovillofi instar digiti illic geniti inuentique sunt, qui tandem in furorem illum adegerunt, febrèque non admodum manifesta de medio sustulerunt die circiter vigesimo.

Grauedo autem frigida pituitosaque est destillatio in os ethmoides eiusque membranas incidens, è partibus quæ circum cerebrum aut è ventriculis eius effusa. Ea caput ingrauescit, respiratio difficilior euadit, nec nisi hiant ore anima duci potest, vox non vt antè sonora, nonihil liquoris profluit è nare, principio tenuis, deinde crassiusculi.

E naribus porrò sanguis erumpit, aperta, rupta vel exesa vena eò deficiente. Eam quidem aperit sanguinis tenuitas vel exuperatia: rumpit vulnus, contusio ex ictu aut ex violenta quauis euidente causa: exedit sanguinis vel cuiusvis humoris acrimonia. Venæ in nares, nō ex intimis cerebri,

N sed

sed ex oris palatíque sedibus excurrunt, satis quidem detectæ ac patulæ, vt quasi emissarium sint superuacui sanguinis expellendi: quemadmodum & hæmorrhoides, & quæ in vteri ceruicem pertinent. Ex his siquidẽ omnibus, aliàs naturæ beneficio, aliàs præter naturam sanguis emanat.

Faciei orísque vitia, & horum causæ.

Cap. VIII.



VTIS quæ faciei obtenditur, quoniam subiectæ carnis portio quædam est siccior, vitia contrahit cæteris partibus insueta. Eiusmodi in primis sunt ardentes pustulæ, quæ tum in naso, tũ in reliqua facie magna fœditate extuberant. Causa est tenuis biliosusque sanguis immodicè auctus, aut cõsueta eius vacuatio suppressa: tum quippe in eas sedes irrupit impetumque facit. Accedit etiam cutis rara atque tenella, quæ eo humore sub epidermide coërcito promptè imbuitur. Huius quoque ordinis est rubor faciei vniuersus præter modum sine pustulis efflorescens: qui si perpetuus est atque constans, feruidiore sanguine cutis imbuta est: sin ex interuallis recurrit, solus vapor eò sublatus in causa est, aut tenuis humor nondum impactus. Huc etiam pertinent citrinus, liuidus, albicans, aut aliter fœdatus color, & cutis scabrities: quales icterus, leucophlegmarias, omnèque cachexiæ genus proferre solet: omnes quippe ex humorum vitio, ex corporis ac viscerum impuritate ducunt originem, vt posthac plenius differetur. At varus, tumor est durus & exiguus ex frigido crassoque humore quasi in callum concretus. Lentigo, subnigra aut verè fulua faciei macula est, lentem magnitudine colorèque referens. Suggillata, nigritiæ quædam sunt ex contusione ictusque vehementi derelictæ, quemadmodum & vibices. Eiusmodi deformitatum ingens est numerus, quæ quoniam corporis functionibus haudquaquam obsunt, non inter morbos, sed quòd omnino præter naturam sint, inter symptomata recenseri debent.

Rubor faciei

ὁ ῥοι.δος.

ὁ φάκτος.

τὸ ὑπὸ πῶ-
πῶ.

Varus

κνινὸς
σπασμὸς.

Cynicus spasmus oris est distentio seu conuulsio, qua id omnino peruertitur. Conspicuum quidem malum si graue est atque consummatum, leue autem non nisi quum loquendum ridendumve est, detegitur: tum siquidem oris labra nolenti contorquentur. Similem deformitatem inurit laborum paralysis, hoc tamen discrimine, quòd si paralysis est, labrum in sanam partem contorquetur, si spasmus in affectam. Quæ horum efficientes sint causæ ex iis quæ supra de paralyti atque conuulsione prodita sunt intelligitur. Huc pertinent & laborum fissuræ, quæ ventriculi viscerumque constitutioni prauæ succedunt.

αἰμαδι-
ῶσι.

μελαίνον-
τοι ἢ τῶ-
λιδέντοι
σειόντοι.

Dentes variè affici solent: modò enim aut exerti aut longiores prominent, modò atteruntur aut mādendo, aut externarum causarum vi. Stupescunt frigidioris humoris influxu, & acerborum crudorumque fructuum esu. Nigrescunt & fœdo lentore obducuntur detergendi incuria, dulcium & calidorum vsu, atque expiratione cruditatis & crapulæ. Vacillant

lant mobilésque fiunt externa vi concussi, & quū eorum radix multo humore madet, laxiorque fit alueolus. <sup>ὁδὴ ὠν-
ται.</sup> Doloze conficiantur grauissimo, idque ferè ob destillationem aliàs tenuem aliàs frigidam, quæ vel in maxillæ membranam, vel in dentium neruum, vel etiam in corpus decumbit. ⁵ Ruit autem destillatio è capitis vertice per tempora in maxillam aut superiorem aut inferiorem: & si quis dens exesus est in quem iam via pateat, in eum maximè fluxio infilit. Tenuis porrò an frigida destillatio sit, ex suprà commemoratis signis internoscendum: & quòd frigida malarū tumor sæpe comes est, tenuis rarò: huiusque dolor acerbior, illius verò ¹⁰ minor. Crebra sæpèque recurrens destillatio, dentes excavat, exedit, putrefacitque, ac nonnunquam ab alueolis exturbat. ¹⁵

Gingiuæ interdum præter modū luxuriant & excrescunt, adeò vt dentes propè integant: iis potissimum quibus molles & spongiosæ sunt, & qui locis aquosis humidioribusque, vt nautæ degunt. Flaccescunt & exeduntur ¹⁵ humoris acioris & falsi adhæsu, & vlcusculis dentiū radices detegētib. Eadem phlegmone manifesta tentantur parulide appellata ad dentiū radicem intrò forasve adeò prominente, vt etiam vicinæ partes distendantur, rubeant, caleant ac dolitent. In superiorem maxillam ea procumbere solet ex oculorum cantho maiore: in inferiorem verò per tēpora è venis èo desinentibus. Abscessus hinc sequitur, cuius pus non ad faciei cutem, sed ad dentium radices exili velamento tectas irrumpit. Vlcus si malè curatum est, caruncula extat & prominet epulis nuncupata. ²⁰

Maxilla autem inferior & conuulsione & paralyfi interdum tenetur, crebrius verò destillatione, quæ in eius articulum ad auriculæ radicem ²⁵ influens, immobilem eam plerumque reddit, loci quidem dolore & tumore duro atque conspicuo. Ea ferè externarum more deriuatur è vertice capitis.

Aphthæ porrò vlcera sunt non admodum caua in quamuis partem oris serpentia, in palatum, in gingiuas, in linguæ latera in eiusque radicem. ³⁰ Hæ infantibus familiares, sed adultis quoque illas efficit halitus calidior è iccore & ex bilis feruore per œsophagum, aut etiam per cæca spiracula exurgens: illas etiam interdum gignit pituita salsa profluens è capite. In febribus quidem hæ frequentes, nonnunquam & sine febre graues, quales sæpe mensibus suppressis obseruātur. Eas autem hîc prætermitto, quas ³⁵ venerea lues & hydrargyri perunctio solet excitare.

Linguæ fauciumque morbi, symptomata & causæ. Cap. IX.

⁴⁰ **N**ea oris parte molli & laxa quæ sub lingua est, & cui ea incubat, atque quasi vinculo alligatur, tumor colligitur batrachus appellatus, qui interdum phlegmones, sæpius œdematis mollis & laxi speciem exhibet, è quo aperto mucus profilit oui candido persimilis. ⁴⁵ Lingua verò tota interdum stupore vel paralyfi tenetur,

iis nervis prorsus impeditis, qui à septima cerebri cōiugatione propè spinalis medullæ initium deriuantur. Interdum altera duntaxat eius pars dimidia, dextra sinistrave resoluitur citra vllam gustus offensionem. Quum tota prehenditur, grauis apoplexiæ metus impendet: quāquam non rarò animaduerti diurnam linguæ paralyfim nulla conſequuta apoplexia. Ex consummata paralyfi omnes obmutescunt: ab ortu quoque nonnulli muti permanent, idque naturæ conformantis vitio. Viſus est etiam cui leuiore ex cauſa biduum triduūve loquela adimeretur, mōxque repente & inopinatò redderetur, & qui ſæpius ex interuallis & circuitibus modò loqueretur, modò mutesceret integrè sano corpore.

οι φωνησι Bleſi atque balbi ſermonem non articulatè explicant, aut linguæ breuitate, aut craſſitie nimia, aut alio naturali vitio conformationis: nonnunquam & affluentis humoris copia modò ex humidiores cerebro, modò ex ebrietate: nonnunquam immodica ſiccitate.

Gustus Gustus autem perit aut imminuitur nervis mollioribus, qui à tertia cerebri coniugatione exeunt, perfrigeratis aut quadamtenus obſtructis, aut certè ea cerebri parte affecta vnde illi originem habent. Deprauatus verò gustus qui abſurdi alienique ſaporis perceptio eſt, accidit quum vel linguæ corpus, vel quæ ipſum veſtit membrana vitioſo atque tetro humore imbuitur, qui vel ſolus, vel liquore eorum quæ bibuntur edunturve dilutus, in linguæ corpus mollèſque neruos penetrat, ſuiſque vitiis eos perfundit: tumque vel ſaluſ, vel amarus, vel acidus, vel aliter abſurdus ſapor guſtu percipitur, tanquam à cibo potūve eſſet inductus. Is autem humor atque vapor ſæpe ex inferis ſedibus elatus, œſophagū linguāmque proliuit, nonnunquam & è cerebro deſluit.

τις πλειος Tonsillæ ſæpe tumēt imbutæ deſtillatione frigida: ac tum quidem ſub maxilla tumor tactu viſūque intus animaduertitur, hīcque ceu fruſtulum quoddam faucibus in hæreſcens, mole ſua premit, obſtātque ne cibus, potus & ſaliua facilè vorētur: idque ſine ſiti, ſine ardore. Sed & interdū inflammatio tonsillas exercet, quæ partis nomen etiam ſortitur. Hęc tumoris notas præ ſe fert, præterea verò dolorem, ruborē, ardorem atque ſitim. Concocta materia interior cuticula facilè diſſumpitur, abſceſſūque factopus in os & in fauces emanat. Hinc vlcus ſequitur ſordidū & quo graueolens fit expiratio. Oritur eiufmodi vlcus frequenter citra plegmonen ex humore ſalſo vel acri, qui molles, humidus, calidūſq; tonsillas prorsus exedat: nonnunquā & ex cōtagionis labe incipienti lui venereę familiare eſt.

η κλωνς κα χαλασμενη. Sed & columella è palati extremo propèdens plerūque moleſta eſt. Laxior enim longiorque euadens, in fauces & œſophagi caput illabitur, titillatione moleſta, qua qui afficitur, hanc perpetuò vorare fruſtrà contendit, metuītque ne eius impetu ſtranguletur. Hoc vitij naſcitur, quū ea humore multo ſupernè deſſuente madet atque perfunditur. Quinetiam columella ſeu gurgulio interdum (at certè rarò) inflammatur tumētque cum rubore & ardore. Ac tum in fauces illapſus maiore tēdio quàm relaxatus, ſuffocationis

suffocationis metum concitat. Quum per inflammationem illius pars ima, crassa, & rotunda, summa verò tenuis apparet, *σαφύλη* inquit Hippocrates, id est vna nominari solet. *σαφύλη*

At verò angina affectus est fauces, id est summas gulæ gutturisque partes, per quas tum cibi potusque, tum spiritus introitus est, præcludens. In hac spiratio fit difficilis, deglutire vix licet, ac proinde potus resilit in nares, dolor acerbis fauces occupat. Atque hæc quidem omnis anginae communia sunt signa, sed quæ differētiis atque causis plurimum euariant. Etenim angina alia vera, alia notha est: veræ & legitimæ quatuor sunt differentiæ.

10 Vna quam omnium periculosissimam censuit Hippocrates, ubi neque in faucibus, neque in ceruice quicquam apparet. Huius quippe inflammatio penitus abstrusa, grauiora infligit symptomata, non sine metu præsentis strangulatus. Hac sæpe vidimus sublatum ægrotum horis octodecim, constante mēte integrisque sensibus. Altera est quum interiores laryngis

15 fauciūque musculi manifesta phlegmone tentantur. Hæc æquè ac superior symptomatis sæua est, sed minore tamen fit periculo, quòd manifesto se proferat tumore, qui & remedia promptè admittit, & in os expurgari potest. Tertia fauces interiores vnà cum ceruice occupat, in qua foris tumor atque rubor est conspicuus, cum calore ac dolore. Symptomata

20 huic nihilo sunt quàm cæteris leuiora, sed tamē spes salutis melior, quòd inflammatio foras profiliens euocari digerique possit. De hac scripsit Hippocrates, Ab angina habito si tumor fiat in collo, bonū: foras enim morbus profertur. Quarta omniū leuissima atque tutissima censetur, quæ non interiores fauces, sed solam ceruicem eiusque musculosprehendit, quorū

25 tamen tumore interiores etiam laryngis musculi comprimuntur, introitusque omnis coarctatur. Omnium causa est fluxio biliosa aut sanguinea, quæ è venarum iugularium ramis eò pertinentibus in has sedes influens vel erysipelas vel phlegmonen parit. Præter communia anginarum signa memorata, adsunt præterea in his tumor, rubor, calor atque febris, quæ

30 omnis veræ anginae comes est assidua. Angina verò quæ notha nuncupatur febris est expers. Hæc autem fit quū pituitosa destillatio in fauces ceruicisque musculos decumbit: ac tum fortasse tumor inest, sed sine rubore, ardore & febre: quocirca inter acutos morbos habenda non est. Huic finitima est ea anginae species, quæ nullo quidem fit proprio faucium affectu, sed quum ceruicis vertebræ intrò luxatæ, fauces ac gulæ gutturisque

35 etu, *λεγόμενα* sed quum ceruicis vertebræ intrò luxatæ, fauces ac gulæ gutturisque introitus premūt & arctius coangustant. Noscitur hinc quòd signorum, quæ in aliis prodita sunt, nullum apparet, quòdque ceruix potè excavatur, ægrèque & cum dolore inflectitur: casus quoque aut ictus antecessit: vel humor præter naturam vertebrarum vincula laxauit, vel eas sua copia

40 de propria sede disiecit.

N iij Pulmonum

Pulmonum morbi, symptomata, causæ & signa. Cap. X.



δυσπνοια

VL MONVM quidem appellatione omnia etiā quæ in eis sunt vasa, ipsamque asperā arteriam notamus. Affectus autem qui eò incidunt numerantur intemperies simplex, obstructio, peripneumonia, vomica seu abscessus & tabes. In ipsa verò thoracis capacitate, humoris collectio, & suppuratio. Simplex intemperies maximèque frigida, deinde etiam sicca gutturis arteriam exasperans, tussim excitat siccam, qua nihil humoris expuitur, respirationem raram facit, & ad calidi aëris potiusque desiderium stimulat. Calidior verò intemperies frigidum tum aërem, tum potum expostulat, & respirationem crebram efficit: quæ validior fuerit intemperies, dolorem inferet. Atque hæc quidem omnia de intemperie inæquali audienda sunt. Nam quæ iam æqualis euasit, quum veluti ascititia quædam natura sit, nullo penitus dolore cruciat.

Flatus in pulmone præter naturam coarctatur quidem, sed admodum rarè: tum autem ambientes partes distendit, & si agitetur, dolore afficit, ac interdum violenter erumpere deprehenditur.

ἡ ἐμφρα-
κτις.

Obstructio autem frequens est magnique momenti. Ea tussim inuehit, & oppressiōem, & spirandi difficultatē, quæ tanto grauior est, quanto & ipsa obstructio maior. Huius causæ variæ, humorum copia, lētor atque crassities, grādo, lapis & crudum tuberculum, de quibus vt præcipuis affectorum pulmonum causis sigillatim tradendum. Humorū copia in solam membranam guttur succingentem destillatione profluens eamque imbuens, vocem obscurat ac raucitatem infert. Hæc etiam gutturis seu arteriæ asperitas nimia parit, siue à fumo, siue à clamore, siue sit à frigore contracta. At si destillatio in gutturis cauum ductumque incidit, tussiculam cum quadam irritantis acrimoniæ sensu, sin in pectus ac in pulmones, veram tussim ex imo pectore erumpentem mouet. Hæc enim fit, quum natura vehementi spiritus efflatione eiúsque erūpentis impetu, nititur quicquid acrimonia aut obstructione molestū est, excutere: quemadmodum quū inter bibendum edendumve, quippiā in guttur illabitur. Verū enim uero quod in pulmones destillat, si admodum tenue est, tussiendo difficile reiicitur, nā occurrentis spiritus vehementia repulsum atque subleuatū, mox disrumpitur relabiturque in pulmones. Sed multò quoque difficilius expellitur ac extruditur, quod nimis crassum lentumque est: nec enim abstergi nec dimoueri, nec sursum efferri spiritus vi facile potest. Quū recens est atque etiamnum ruit destillatio, eius acrimonia guttur ardet ac corraditur, frequensque tussicula fatigat, qua nihil aut tenue quiddam effertur: quum verò ea constitit hæsitque pulmonibus, rarior est tussis, quæ sine gutturis ardore, crassius quiddam ex imo ducit pectore. Quum porro pauca leuissque est destillatio, leuia quoque comitantur symptomata: quū verò magna grauisque impetu ruit, præfocans quædam spirandi difficultas angit, crebra, celeris & magna est respiratio, sed qua paucus aër attrahitur,

hitur, sensus quidam grauitatis percipitur ad pectus & ad spinam protensa, quo loco pulmones membranis figuntur & hærent. Calidus autem an frigidus humor sit qui destillat, ex acrimonia, ex siti, atque ex iis perspicuum quæ de destillationum signis tradita sunt. Porro autem humor
 5 crassus & lentus pulmonem eiusve arteriam occupans, arida tussi vehementissime exercet, qua vix quicquam extunditur: spiritum difficilem reddit: inter spirandum stertorem quendam aut sibilum elidit, quod pulmonum bronchiis pertinaciter sit impactus, & vias coarctet per quas spiritus euadit: destillationis notæ antecesserunt, vel à cerebro vel à vicinis sedibus.
 10 Hic humor quum non totus expuitur, reliquum bronchiis aut pulmonum cauis in quæ subiit firmius inhærescens quàm vt euelli possit, tempore magis magisque crassescit atque siccescit, dum vi caloris in vitreâ aut etiam in gypseam pituitam abeat. Quumque destillationibus multis circuitu redeuntibus, ex vnaquaque nonnihil crassæ huius & gypseæ pituitæ relictum
 15 fuerit, sensim magna eius copia in pulmonum fistulis atque cauernis cumulata, verum tandem fit asthma, cui opportuni esse solent, qui destillatione atque tussi frequenter tentantur, maximè verò senes & qui angustis sunt pulmonibus. Ab asthmate fit orthopnoea qua difficilius nec nisi recta ceruice spiritus ducitur, qualiter & eos spirare dixi quos angina vehementer premit.
 20 Malo ingrauescente, lentus humor in grandinem concreuit, atque hæc tandem in veros calculos, quibus interdum dissectos pulmones confertos deprehendimus, aliosque in his præduros ac solidos, alios veteris casei constantia, incipientes alios gypseæ pituitæ duritie: omnes quidem proprii cysti obductos. Sed etiam non ita pridem vir occurrit, qui quoties exerci-
 25 tatione incalescit, coccitata tussi calculos è pulmonibus edit præduros, eosque excreat modò hordei, modò pisi magnitudine. Bona tamen is valetudine fruitur, præterquàm quod paulò difficilius respirat, & in medio thorace grauitatis cuiusdam pondus percipit. Atque hæc quidem aliis sine dyspnœa, aliis cum suspiriosa orthopnoea obtingunt, qua qui conflictantur
 30 vehemènti angustia pressi prope suffocantur, altoque & suspirioso spiritu multum & frigidum aërem ducere contendunt, quo plurimo cor ad refrigerium indiget. Omnes ita affectos verè asthmaticos appellamus, qui ieiuni, & in quiete, & sereno cælo facilius spirare solent: at quoties causa
 & materia intus condita frigido humidove cælo, aut etiam multa crassa
 35 humescens & quasi tumens diffunditur, noua dyspnœa quasi accessione conflictantur. Multoque magis si fortè recēs quædam destillatio in arterias veteri malo iam impeditas ingruit. Sed & sæpe fit vt grauiore
 & repentino vtriusque causæ impetu æger promptè iuguletur, eaque destillatio ab euentu catarrhus præfocatus appellatur. Galenus neque à destil-
 40 latione, neque à peripneumonia, neque à pulmonum tuberculo, neque à suppuratione quæquam repente stragulari posse existimauit, sed à sola angina, in qua neque in faucibus, neque in ceruice quicquam apparet. At verò quibus iam diu & multum pulmones infarcti erant, vt in veteri asthma-

ὁ μὲν φύ-
μα.

te, multam repentinamque destillationem plerosque iugulasse testamur. Crudum tuberculum pulmonum arteriis adnatum easque obstruens, iisdem atque asthma vrget symptomatis, discernitur tamē quod pederentim increuerit nulla præcurrēte destillationis nota, quodque difficilis respiratio insit citra stertorem. Omnis tamen vetus & cōtumax ex quacunque causa sit obstructio, inspiratione magna detegitur: per hanc enim sub pectore offendiculum percipitur, quod protinus tussim etiam si diu sopita fuerit, proritat. Si iam tuberculum aut alia quævis obstruens causa tam altē penetret, vt non asperis, sed leuibus pulmonum arteriis cordi vicinis inhærescat, nō modō difficilis respiratio, verumetiam pulsus omnino varius & inæqualis atque intermittens, vel etiā intercifus existet: ac tum cordis palpitatio & animi quædam defectio accedet oppresso iam corde. Atque hæ omnes quidem sunt obstructorum pulmonum causæ. At tum hi, tum eorum arteriæ angustiores fiunt vel à natura, vt iis qui iam ab ipsa conformatione depressum obtinent pectus arctumque sub hoc spatium: & qui vel natura vel pleniore victu & ociosa vita obesiores euaserunt. De quibus Hippocrates, Qui natura admodū crassi sunt, breuiore vita fruuntur quàm qui graciles. Vtrisque ductus omnes corporis præangusti insunt & exiles, in hisque spiritus paucus leui occasione opprimitur, estque vel citra humoris influxum extinctioni maximē obnoxius. 10

ἡ πᾶσι πνέ-
μονια.

Peripneumonia pulmonū est inflammatio, aliàs quidem phlegmones, aliàs erysipelatis specie. Magna spiritus difficultas vrget, malā præter modum quasi inflammate rubent, oculi intumescunt. Atque si phlegmone est, sputum, inquit Hippocrates, cruentum citatur, nisi admodum crudus sit morbus, præcordiorum totiusque pectoris angustia præmit, grauitas summa sternum dorsumque contrahit, sed tamen febris acuta non admodum vrit. In erysipelate verò tussis flauum sputum trahit non multo permistum cruore, pectoris angustia grauitatisque sensus minor, at febris flagrantiore incendio extorret. Vtraque autem modō per se oritur, modō anginae vel pleuritidi succedit, dum è faucibus aut è latere humor repente fertur in pulmones. De hac scripsit Hippocrates, A morbo laterali inflammatio pulmonis, malum. Quæ nō alium morbum subsequitur, sed ex se se primam duxit originem, fit quidē ex tenui biliosoque sanguine, è dextro cordis sinu per venam arterialem in pulmones vehementius & abundantius excusso, qui non modō pulmonis venas & arterias, verumetiam totū ipsius corpus præter modum implens atque distendens, coarctatur ac putrescit & pulmonis inflammationem accendit, non eam quidem aliarum more collectam, sed toto viscere effusam. Rara autem admodum est vera peripneumonia. At verò tenuis & acris multaque destillatio è cerebro cōfertim in pulmones illapsa, interdum ardore præter naturam incenditur astum ac febrem inferens: ac plerique eam affectionem peripneumoniae nomine designant, in qua & tussi & spirandi difficultate & lenta febre sensim conficitur æger, sine vlcere, sine exspuitione cruenta. Hæc si peripneumonia 40

falsa per
pneumonia

monia dicetur, ab exquisita profectò plurimum, tum causa, tum symptomatum magnitudine diffidebit.

Vomica pulmonis est abscessus exiguus, & puris in pulmonis quadam parte collectio, quod membranula propriâque cysti arctè adedò concluditur, vix vt quicquam de se tetrum in cor expiret. Hæc frequens est in tabidis, sed & plerumque sine tabe fit, quum sanguis ex aperta, rupta, aut exesa vena, in paruam quandam pulmonis regionē secedens, illic putrescit sensimque mutatur in pus, ac per summa siccescens sibi cystim efformat. Latens profectò & in primis abditum vitium, sæpe nec laboranti nec medico notum, quo laborans ipse nec consueta munia intermittit, nec se morbo teneri putat, causamque interitus sui nesciens intus gerit sub pectore. Adolescens quidam à paulò vehementiore exercitatione, quū acerba tussis nullo puncto temporis intermisso torqueretur, vomicam integram columbini oui magnitudine excreauit, in qua aperta pus exquisitè album & æquale deprehensum est: cruenta excreatio integrum biduum perstitit magna febre magnâque corporis perturbatione. At nihilominus seruatus is est atq; sanitati restitutus. Nō pauci inopinatò è viuis horæ quadrante erepti sunt, in quibus dissectis non alia mortis causa cōparuit, quàm repentina vomicæ disruptio in pulmonibus, è qua pus in cordis arcem penetrauerat ipsius vim extinguens atque obruens. Quūq; ex his duo medici esset percelebres, attamē nec febre, nec inappetētia, nec alio vllō symptomate, impendentem sibi diem vitæ supremum præsenferunt. Id mihi quidem persæpe eius loci memoriam refricauit, quo inquit Hippocrates, Quibus suppuratio in corpore abdita non innotescit, ea propter crassitudinem vel puris vel loci delitescit. Etenim haud rarò efficit obuoluentis membranæ densitas, vt nihil tetrum à pure in cor vitæ fontem inspiretur. Omnibus tamen sic affectis multo tempore antequam vomica rumpetur, cruenta excreatio processit è pulmonibus, eaque cum tussi: adfuitque spiritus grauis ac fœtidus, corporis grauitas, pectoris leuis oppressio & spiritus difficultas, quibus tabes rarò comes. Sed hæc quidē signa aliorū quoque affectuum communia sunt.

Tabes autem pulmonis est exulceratio, qua sensim corpus vniuersum liquefcit. Hac incipiente frequens tussis molesta est, qua cruetum aliquid sine sensu doloris extunditur: hoc interdum subsistit, tussi que sordidum quiddam editur, deinde purulentum, tum febricula leuis adoritur, cuius nulla fit intermissio: quæ tandem hectica facta, mox à cibo aliarum more inualefcit. Vlcere magis magisque serpēte & sordescēte pus excreatur, fitque quod dixit Hippocrates, A sanguinis sputo puris sputum. Hoc quum syncerum est, aquæ iniectū minimè alterius ritu innatat, sed (si purum est) in imum descēdit subsidetque. Ac nihilominus quoties vel labore, vel tussis impetu, vel excandescētia vlcus puris lentore obductum refricatur, cruenta excreatio redit. Confirmato ac iam inueterascente vitio putris pulmonis portio interdum exit, & sputum carbonibus iniectum aut etiā per-

per se graueolet, sæpe id etiam halitus cōtagione imprudentes labefactat: capilli defluunt, idque alimenti penuria: toto corpore exarefacto, & inualefcente febre vngues in manibus curuantur, malæ liuescunt tetro vapore eò sublato, costarum extrema siccitate sursum cōuelluntur, dum tandem corpus omne consumptum cōtabefiat, calorque natiuus exhausto pabulo intereat. Magna inter scriptores cōtrouersia est, possitne quis citra cruetam excreationem tabe resolui. Nonnulli post solam screationem humoris liquidi & subflauī, leui febricula correpti tabescere cœperunt, ac multo pōst tempore cruoris exiguum quiddam cum pure reiecerunt. Sed non paucos etiam animaduerti tabe sensim sublato, in quibus nihil omnino cruoris toto morbi decursu comparuit. Atque horum quidem ratio mox proferetur. Tabis causa duplex, vna quidē pulmonis vitiosa constitutio, altera humor exedens. Vitiosam constitutionem appello, non intemperiem, sed mollem, tenellam ac corruptioni paratam pulmonum substantiam, de qua alibi fusè disserui. Sic plerique iam ab ipso ortu & à parentibus latente pulmonum vitio tenentur, quo tandem omnes contabescunt, etiamsi nulla aut certè minima destillatio è cerebro aut aliunde procumbat. Qui tabida stirpe sati sunt, quasi hereditario iure omnes necessario tabe marcescunt: hocque malum sæpe vidimus in omnes eiusdem familiæ ordine grassari. Et qui natura pectus angustum atque depressum obtinent, hi sunt in tabem procliuiiores, horumque natura, vt inquit Hippocrates, ad phthisim vergit. Non hinc certè quòd pulmones angusti sint, hoc enim duntaxat in asthma deduceret, sed quòd ij ferè languidi adeò sint & imbecilli, vt tempore sensimque flaccescant ac sponte corrumpantur. Ac proinde qui ab ortu vitiosos nati sunt pulmones, alij à cruenta screatione, alij citra hanc tabidi decesserunt. Causa tabis altera acris est & exedens è capite destillatio: aut humor acer è corde in pulmones eiectus, qualis maximè autumnō cumulat, aut pus in thoracis capacitate conclusum, de quo statuit Hippocrates, Empyos, id est purulentos qui intra dies quadraginta screatione non purgantur, in tabem transire. Hæ igitur causæ valentissimos quosque pulmones sensim & sine sensu doloris exulcerant: quibus etiam accedunt quæcunque id cæca proprietate vt lepus marinus præstare possunt.

Iam verò pulmonum vena, casu, labore, clamoribusve rupta: aut æstu, balneis, vini potu alimentisve calidis & multis, vel etiam suppressorum mensium (quod interdum fit) eò confluentium multitudine referata, magnam sæpe sanguinis copiam excreatione profudit, quam nulla tabes est insequuta, ac ita affectos plerosque vidi diu postea vitam nullo incōmodo exegisse. Non enim simplici venæ ruptione (modò reliqua pulmonis substantia integra sit) quisquam contabescat. Aut si qua illinc tabes insequitur, id sanè fit quòd sanguis ab vlcere in pulmonum substantiam dimanet, inflammatusque ac demum putrescens eam labefactet.

Thoracis

Thoracis morbi & symptomata. Cap. XI.



LEVRITIS phlegmone est eius membranæ quæ costis
 subtenditur. Latus varij dolores exercent, qui tum situ, tū
 materia distant. Situ quidem quod alius causam habeat
 inter costas & mēbranam quæ intus illas succingit: alius
 in musculis mesopleuriis: alius in musculis qui extrinsecus
 costis incubant. Postremus hic dolor non vtiq̃ue exquisi-
 ta, sed notha pleuritis est: qui verò vel in musculis mesopleuriis, vel inter
 hos & membranam succingentem, vel in vtramque sedem incidit, ex situ
 vera & exquisita pleuritis est. Materia quoque dolores hi distant, quod a-
 lius à phlegmone, aliùs à destillatione, alius à flatu suscitetur. Fit autem
 phlegmone rarò ex crasso, sæpius ex tenui biliosoque sanguine qui ex ve-
 na caua cordi assidente, in eam quæ azygos nuncupatur, ac dein in te-
 nues costarum venas impetu quodam incurrit, ex quibus apertis aut dis-
 ruptis exilit, inciditque aut in musculos mesopleuriis, aut inter costas &
 succingentem membranam, illicque collectus phlegmonem veramque
 pleuritim parit. Quum verò sanguis in externos thoracis musculos effu-
 sus, idque per ramū qui à vena caua mox ut è thorace in alam emerit, de-
 labitur propagaturque in partes thoracis externas, ex materia quidem verā,
 at ex situ notham pleuritim facit. Quamquam autem hæc phlegmonē situ
 distant, magna tamen societate connexæ sunt: ac sæpe interioris in exter-
 nam, aut contrā trāsitus est: quod ut in anatome docui, interiorum vena-
 rum extrema foras emergant, & externarum ora intrò subeant. Causa por-
 rò quæ sanguinis fluxionem impetūque mouet, aut illius immoderata
 est copia, aut tenuitas, aut efferuescētia & exagitatio ab æstu, à balneis, ab
 exercitatione, ab excandescētia, ab ictu, à subita refrigeratione, aut à
 potione frigida, quæ concalfactum agitatūque sanguinem variè depel-
 lit ac disiciat. Ad has causas accedit lateris imbecillitas, qua fluxio nō qui-
 dem allicitur, sed promptius excipitur. Dolor autē pleuriticus non per-
 petuò vniusmodi est, sed ut sanguis inciderit varius, & situ & loci amplitu-
 dine, sic & dolor sæpe vehementia variat: nam à tenui biliosoque sangui-
 ne qui phlegmonē erysipelatodem gignit, atrocior, à puro aut pituitoso
 mitior. Ab his enim aut simplex phlegmone fit, aut quæ œdematodes nū-
 cupatur. Lateris dolor è destillatione contractus externas etiam partes oc-
 cupat, oriturque humore frigido è summo capite per ceruicem in scapu-
 las & omoplatas, tandēque in lateris externos musculos modò priores,
 modò posteriores illapso. Hic tametsi nequaquā pleuritis est, perseverans
 tamen veram interdum pleuritim quæ etiam sputum cruētum emolitur,
 accersit, seu quod sensim altius penetrans tandem se in mesopleuriis &
 succingentem membranam insinuet, seu quod illius dolor nouam fluxio-
 nem eò proritet è venis. A flatu lateris dolor etiamnum fit admodum ve-
 hemēs, quoties is inter membranas aut externas, aut interiores sese infert,
 easque distendit diuellitque à vicinarum partium adhæsui. Adhæc hisce
 membranis

membranis viscerum pondere & gravitate deorsum retractis sepe diuturni insunt dolores, quos ut iecoris vitio & mole fieri traditum est, ita & lienis occasione diu protrahi animadvertimus. Neque pretereundum est ex ictu aut casu saepe laterum dolores relinqui diuturnos atque contumaces, multoque magis si vel costarum luxatio, vel fractura sit insequuta. Hæc genera iam signis discernenda sunt. Lateris dolor quocumque pertineat spiritum intercipit, nec liberè & magnùm spirare sinit, quod latus atque thorax ad respirationem cōferat motumque irritetur. Distant tamen quod dolor à flatu ferè vagus est, nec diu eadem sede persistit, sed calore & fomentis mitescit atque etiam sæpius discutitur: ortus quoque est à frigore, aut ab aliis causis flatulentis, hisque euidentibus. Dolor ex destillatione prægressam habet & manifestam causam: in ceruice vel scapula primùm affixit, deinde in latus delapsus est, in quo pressu contractumque exacerbatur, fomentis non tollitur. Atque horum dolorum nulla febris comes est, nisi aliunde fortassis accersita. Iam verò externæ atque etiam veræ pleuritidis hæc communes notæ sunt, febris assidua, respiratio difficilis, frequens atque parua: dolor pungens atque distendens: tussis initio sicca quæ nihil prorsus emolitur. At multum inter se distant, quandoquidem externæ dolor tactu pressumque excandescit: molestus est in latus ægrum decubitus, in sanum facilis: pulsus quidem frequens & inæqualis: sed neque tensus neque durus. Interioris & veræ pleuritidis febris assidua acutior est, quod affectæ sedi magna insit vicinitas cum corde: spiratio difficilior, frequentior & minor: dolor pungens atque distendens, qui si membrana costas succingens parte superiore inflammatur, ad iugulum, sin inferiore ad hypochondrium pertingit: neque lateris tactu neque pressu ingrauescit, estque in ægrum latus decubitus quàm in sanum facilior: materia siquidem inter costas & membranam succingentem collecta aduerso decubitu propedens, membranam magis distendit atque diuellit, unde dolor, dyspnœa, atque tussis acerbior. Pulsus frequens & inæqualis, durus est atque tensus, idque magis quum membrana succingens, quàm quum soli muscoli mesopleurij inflammantur. Tussis interdum initio sicca, sed mox ferè humida, cuius deinde sputum coloratum existit. Primùm enim liquidum & album reiecitur, quum è solo pulmone pituita, nondum autem ex affecto latere quicquam excidit: deinde flauum, quum sanies quædam tenuis illabitur: postea rubrum ac verè cruentum, quum iam patientiore via sanguis purus emanat: hinc purulentum insequitur maturata phlegmone. Hæc autem omnia ex affecto latere per succingentem membranam vel pertusam, vel exesam, vel quouis modo rariorem factam excidunt effundunturque in thoracis capacitatem. Etenim dum expirando thorax deprimitur, ac multo magis dum in tussi vehementer comprimitur, humorem qui in capacitatem est coactum reiecitque in asperas pulmonum arterias: in quas facillè recipitur, quod earum ora cartilaginea & semper patentia desinant in extremum pulmonis tenuissima membrana obducti. Ex his sensim in maiores subeunt, dum tandem

tandem frequente tussi in eam quæ gutturis est arteriam, ac tandem foras exigatur. Hæc thoracis vitia sunt, quorum hoc loco meminisse oportuit, Nam vulnera, cõusiones, vlcera, abscessus, erysipelata & quæcunque foras erumpentia vel dolorẽ inferunt, vel respirationem interpellant, seipsis conspicua sunt & ad aliam contemplationem pertinent.

Diaphragmatis vitia non alia symptomata infligunt, quàm quæ interiora thoracis obsidere diximus, atque iisdem ferẽ signis præterquam doloris situ se produnt. Tumores duros diaphragmatis radici infixos nonnunquam deprehendi, qui sensim tabe laborantes consumpserunt, citra
 10 vllam delirij speciem.

Suppuratio est puris in thoracis capacitatem collectio, in cuius illuue pulmo totus immergitur. Eò autem confluit vel ex angina, vel ex peripneumonia, vel quod frequentius contingit, ex pleuritide. His enim tussi non bene expurgatis, abscessus exoritur, è quo tandem rupto, pus sæpe
 15 vniuersum in thoracis capacitatem influit: eoque etiam diu postea è sordido vlcere stillat, dum tandem ingens ac penè suffocans copia cumuletur. Interdum ex abscessu pus sursum in os irrumpit expuiturque, ac tum suppurationis periculo liberat. Est quidem suppuratio omnis puris, tum confectio, tum collectio, quacumque parte sit corporis: at propriè ea est
 20 quæ vel thoracis vel abdominis spacio fit. In alia verò quauis corporis parte, si maiuscula est, abscessus: si minor, vomica nuncupetur. His autè notis suppuratio deprehèditur. Ex prægressa angina, aut ex peripneumonia, aut ex pleuritide vehementi nihil penè laborans expuit. Pulmonis grauitas, aut faucium aut lateris dolor, simulque febris vehemètia subitò remissa est: nouum grauitatis sensum in imo thoracis ad diaphragma surrectus
 25 æger percipit: decumbens verò aut in alterutrum latus se cõuoluens, trãfluere quiddam & fluctuare: tussis valida perseverat, sed sicca & qua nihil aut minimum reicitur: febricula perpetua, languida, inordinata ac verè hectica: perseverans enim suppuratio phthisim accersit. Quoniam autem
 30 thoracis capacitas dissepto (quod mediastinum appellant) media dirimitur, neque dextri lateris cum sinistro vlla societas est, contingit quidem ut aliàs suppuratio alterutrum dũtaxat latus, aliàs vtrumque occupet, quòd magna est obseruatione dignum. Ab angina & à peripneumonia suppurationis in vtrumque ferè capacitatis latus influit: à pleuritide in alterutrum
 35 duntaxat, in id quippe quod dolore vexatum est. Latus porrò in quo vno suppuratio reconditur, hinc nosces quòd & grauius & calidius existit. Decumbens æger in latus sanum onus sentit pectori incumbere, quod & angustia vehementer premit & tussim exasperat. In latus ægrum decubitus hæc omnia mitigat, pure nimirum in costas recumbente.

40 Suppurationi affine interdum malum est, in quo magna thoracis capacitas, seroso, pituitoso, eoque tenui humore scatet, qui aut è cerebro per asperã arteriã & pulmones tenuitate sua affatim irruens, aut è reliquo corpore, aut etiã ex abdominis capacitate (quod sæpe in hydropicis animaduersum

uerfum est) cæcis ductibus redundans eò penetrauit. Tum suppurationis signa atque symptomata insunt, nisi quòd neque febris affligit, neque suppurationis efficientes causæ præcesserunt. Ea proinde affectio, non suppuration, sed suppurationi finitima est. Hactenus morbos omnes attingi, qui pulmones, thoracem, omnesque respirationis partes infestare solent. Iam, verò præcipua eorum symptomata persequamur.

Spirituum partium symptomata, quibus maximè laborantes vindicari expetunt, hæc numerantur: vocis læsio, dyspnœa, tussis & sputum cruentum. Vocis instrumenta sunt, guttur, larynx, muscoli & nerui eò inserti: quemadmodum loquelæ organa sunt, lingua, labra, dentes, palatum, gurgulio atque nares. Itaque affectis aut musculis qui laryngem claudunt aperiuntve: aut nervis recurrentibus, qui è sexta sunt coniugatione: aut cerebri parte à qua hi prodeunt offensa, vel animal obmutescit, vel obscuram vocem, vel exilem edit. Raucescit verò quum gutturis succingens interior membrana humore multo, vt per graues destillationes madescit, & quum ingenti clamore exasperatur. Vicinarum quoque partium affectiones vt gulæ, œsophagi, cervicis & luxatæ spinæ officiunt voci. Præterea verò & quicumque affectus respirationi obsunt, quòd citra respirationem vox liberè elidi non possit.

δύσπνοια.

Difficilis spiratio multiplex: magna qua plurimus spiritus trahitur, hæc ingentem calorem sine obstructione subesse denūciat, vel in corde vt per febres, vel in pulmone, vt in peripneumonia: eadem simul frequens est, & spiritus calidus ac feruens ab ore & naribus efflatur. Magna aliter respiratio qua thorax & scapulæ plurimùm attolluntur, meatuum angustiam ostēdit, vel ab angina, vel à multa destillatione pulmonis arterias opplen- te, vel à tuberculo duro pulmonis, vel à suppuratione. Parua & frequēs respiratio aut imbecillitatis virium est index, aut doloris atque impedimēti, quod vel pulmonib⁹ insidet, vt in peripneumonia, vel thoraci, vt in pleuritis, vel diaphragmati, vt quum vetriculi iccoris, aut lienis mole premittur, vel musculis abdominis qui omnes respirationi subseruiunt.

ἡ βίβλ.

Tussis exspiratio est valida qua quicquid spirandi instrumentis molestum est excutere natura contendit. Instrumenta autem ea sunt, fauces, aspera arteria, pulmones interioraque thoracis. His interdum molesti sunt humores præter naturam illapsi, qui ferè humidam tussim excitant: interdum & alij affectus, vt refrigeratio, exulceratio, tuberculum, quorum materia expelli minimè potest, fitque ab his arida tussis. Quānam autem in parte hæreat affectus, tussendi ratio ac modus ostendit. E palato & faucibus quicquid infestum est screatu eruitur: ex arteria verò tussicula, illique titillatio ac sæpe proritans ardor percipitur: è pulmonibus valida tussis. Quæ porrò tussis quibusdam interuallis, vt bis terte anno affligit, ex irruente destillatione proficiscitur: quæ verò cōtinenter nullaque aut minima intermissione fatigat, aut vitiosam pulmonum affectionem, aut obstructionem veterem, aut aliam stabilem intus causam habet.

Succedit

Succedit his malis cruenta expuitio, per quam è locis admodum variis sanguis exit, quos tamen peculiaribus notis internoscere licet. Qui enim expuitur sanguis, si è gula aut è vètriculo est, vomitione: si è gingiuis, lingua & palato, expuitione simplici: si è faucibus & gurgulione, scretu: si ex gutture, tussicula: si ex pulmone & thorace tussi reiicitur. Et qui tussi, si tenuis, floridus ac spumofus, atque sine sensu doloris effertur, ex pulmone est: sin verò crassus, grumofus ac nigricans, simulque pars quædam thoracis dolitet, è thorace. Per omnes autem expuitiones cruentas etiam atque etiam animaduertendum, num sanguis nuper fluxerit è naribus: illinc si quidem sepe in fauces relabatur, interdum in pulmones aut in ventriculū, sed qui postea grumofus euadat atque concresecat.

Cordis affectus.

Cap. XII.



OR morbi omne genus obsidet, maximè verò simplex intemperies, phlegmone, erysipelas, omnisque præter naturā tumor, vlcus quoque ac vulnus: sed hæc sanè rariùs. Crebriùs autem atque propriè venenatus humor, qui tota substātia est infensus vitali robori. Intemperies omnis vires dissoluit, corpùsque lāgudum reddit, quòd sub hac vitalis calor ac spiritus laboret, cuius affectus & offensa in omne corpus redundat. Calidæ intemperiei signa sūt, pulsus frequens & velox ac interdum magnus: similis quoque respiratio, febris plerumque comes, & exspiratio calida. Frigidæ intemperiei contraria adsunt omnia. Humidæ pulsus plenus est, mollis & languidus. Siccæ exilis, tensus ac durus. Cordis autem intemperies quæ iam multū increuerit, manifestè partibus quoque similaribus inuritur, quæ principi consentientes supramodum incalescunt vel inarescunt, vel frigescent, vel multo humore madent, dum pedetentim mors obrepit. Reliquos cordis affectus incipientes quidem nosse difficillimū, inualescētes verò faciliè, qui & antequā conspicui sint, syncopas magnas frequentēsq; inferunt, quibus ferè repētina mors comes assistit, fitque quod ab Hippocrate literis proditum est, Qui sæpe & vehementer sine causā manifesta deficiunt, ij derepente moriuntur. Vulnere cordi inflicta, quæ non altè in ventriculos penetrant, non protinus interimunt: & in quodam qui sensim contabescens & liquecens de medio tantum sublatu est, tria vlcera in corde reperi non parū caua & sordida, multo antè iam tempore contracta.

Quæ hinc præcipuè nascuntur symptomata sūt, syncope & cordis palpitatio. Syncope præceps est virium lapsus. In hac pulsus aut nullus est, aut extremè rarus & obscurus, corporis summa frigēt, tempora, ceruix & thorax frigido sudore madent, facies pallet, totūque corpus quasi eneruatū iacet, mens omnisque sensus deficit. Syncopen autem inferunt cordis affectus omnes, præter simplicem intēperiem, sæua animi pathemata, vt timor grauis, voluptas maxima, interdum & mæstitia fortis. Dolor atrox,

O ij labor,

labor, inedia, vacuatio immodica & quæcunque calorem natiuū spiritū-
que dissoluunt atque diripiunt. Omnis verò quæ in os ventriculi (quod
eximij sensus est & cordi vicinum in primisque consentiens) inciderit gra-
uis offensa, in eam syncopen cōiicit, quam stomachicam vocitant. Idem
præstat & inflammatio, & erysipelas, & à bile compunctio, & venenatus
humor, siue illic inherescit, siue in crure, vel in bubone, vel in vtero, vel in
intestinis, vel in quouis viscere conclusus, tetrū de se vaporem in os ipsum
ventriculi aut in cor eructat exhalatque.

*νεφδίας
παλμός.* Cordis palpitatio immoderata est concussio vehementi diastole atque
systole molesta. Huius tanta vis est vt sæpe sit animaduersa thoracis vici-
nas costas effregisse. Sæpe & eas quæ suprà mammam sunt, de propria se-
de depulisse: sæpe etiam arteriam foras dilatasse in aneurisma cōtracti pu-
gni magnitudine, in quo & tactu & visu conspicua erat pulsatio. Ita qui-
dem affecto corde arteriæ omnes vehementius pulsant, ac interdum dila-
tantur, præcipuè verò quæ supra iugulum sunt. Nonnunquam ac præfer-
tim in quiete intermittit hoc symptoma, sed vehementer exasperatur im-
modica exercitatione, æstu, balneis, venere, crapula, meraciore vino & ex-
candescencia. Huius causam omnem veteres vel in sanguinis exuperantiā
retulerunt, vel in humorem copiosorem pericardio infixum. Ceterū in
iis quos modò exempli gratia recēfui, palpitationē peperit retorrida bilis,
quæ aliàs sponte vacuari cōsueuerat, in arterias effusa. Hanc in duobus qui
à valida pilæ exercitatione repentina morte sublatis sunt, illic deprehendi-
mus in tophi nigri speciē concreuisse. In cæteris verò causam animaduer-
timus bilem esse perassatam, interdum in præcordiis, sæpius in liene cōge-
stam. Quamobrem in hoc symptoma plurimū propensi sunt qui hypo-
chondriaca melancholia laborāt, & quibus lien bilis atræ copia turgescit.
In his etiam circa lienem & pancreas cōspicua & molesta percipitur arte-
riæ palpitatio: ex eoque loco per arterias quibus multis lien perfusus est,
teter atérque vapor promptè in cor vicinum subit, cuius vi & malignitate
irritatū, vehementiori pulsatione nititur quod noxium est excutere: haud
secus atque cerebrum in epilepsia. Ne quam autem confusionis obscu-
ritatem pariat longior ac malè distincta rerum productio, partium quæ
supra diaphragma sunt morbos hoc libro cōcludam, reliquos qui sub dia-
phragmate consistunt, in proximum relaturus.

DE PARTIVM MORBIS ET SYMPTO-
matis Libri quinti, Finis.

De partium quæ sub diaphrag-

MATE SVNT MORBIS, LIBER SEXTVS.

5 OEsophagi & oris ventriculi affectus, causæ & signa. Cap. I.



10 ESOPHAGVS cibi potûsque via rarò morbis
têratur, quòd in eo nihil quod perlabitur diutius
moretur aut tardet. At interdum vel intemperies,
vel tumor aliquis præter naturam obstruens, isque
modò frigidus, modò inflammationis particeps,
nonnunquam & vlcus malè afficit. His omnibus
15 deuorandi actio præpeditur, sed quodam discrimi-
ne. Quum simplex est intemperies esculenta po-
tulentæque tardè delabuntur, toto œsophago æ-
quabiliter affecto sine vlllo angustię dolorisve sen-
su: quod iis etiam commune est, qui nausea fastidiòque cibi vix deuora-
re queunt. Verùm si scirrhus aliùsve præter naturam tumor durus ac fri-
20 gidus œsophagi viam intercludat, siue is in œsophago, siue in ceruice ex-
tuberet, difficilis quoque ac tardus transitus est, sed cum partis cuiusdam
angustia. Quum verò phlegmone inhærescit, præter vorandi tarditatem
& loci angustiam, dolor quoque lancinans excruciat, cum calore, siti
magna & febre. Hinc tempore pus vel sreatu, vel vomitione exit. Vlcus
25 tandem his accedit, à quo dolor in affecta parte acerbior euadit, qui mirū
in modum exacuitur si vel acre, vel salsum, vel acidum, vel acerbum quip-
piam voretur. Omnis porrò œsophagi dolor in dorsi spinam incumbit, in
quam gula quoque reclinat & adhærescit.

Similibus quoque affectibus os ventriculi tentatur, quos & iisdem li-
30 cet notis deprehendere: præterea verò & mētis alienatione ob eos neruos
quos è sexta cerebri coniugatione suscipit. Mulierem vidi grauidam, cui
tuberculo duro eoque ingenti ita os ventriculi obturabatur, vt quicquid
indebatur attracto vetriculi ore mox remearat atque redderetur. Sic astan-
tium omnium iudicio nihil cibi potûsve bimestri vel conatu maximo ea
35 vorauit. Tandem morbo, desipientia febrèque cōfecta decessit edito par-
tu quem vitæ superstitem reliquit.

Ventriculi morbi, causæ & signa.

Cap. II.



40 N ventriculi morbis numerantur intemperies, tum simplex,
tum quæ humoris particeps est: inflammatio hunc rarò exer-
cet, rariùs abscessus, aliquando tamen vlcus. Quum intem-
peries calidior est, sitis est diuturna, quæ expleri nequit: cibi po-
tûsque frigidi appetentia eiùsque facilis concoctio: frigidis tum sumptis,
tum

O iij

tum ad motis venterculus iuuatur recreaturque: meraco vino & quouis potu ciboque calido offenditur ac plurimum exaestuatur editque ructus nidorosus. Quod si humor præterea calidus biliosusque redundat, his insuper notis accedit nausea, oris amaror, cibi fastidium, & rosionis cuiusdam sensus. Frigidam ventriculi intemperiem testantur, sitis nulla, cibi potusque calidi desiderium, tarda concoctio, frigidis tum sumptis, tum ad motis offensio, horror, perfrigeratio, & ructus acidus. Atque si humor crassus frigidusque qualis puitosus in hærescit, grauitatis cuiusdam sensus ventriculū premit, sine ipsius demorsu, sine oris amarore, adhuc nausea, languor atque dissolutio. Humidum venterculum delectat ac firmiorem reddit cibi solidioris siccique usus: at immoderati potus humidiorisque cibi copia hunc ita obtundit, ut quasi dissolutus languescat: atque si pariter humor aquosus multus innatat, aut venterculi tunicis impactus est, saluam multa in os exurgit, quæ frequentem expuitionem sine tussi promouet. Venterculi siccitatem comitatur potus humidiorisque cibi appetentia vsusque facilis ac iucundus, solidioris sicciorisque cibi tardius difficilisque concoctio, sed nulla erosio, nulla grauitas, nulla denique nausea aut vomitio.

Inflammatiō autem quæ in venterculi substantiam inuadit, originem habet è sanguine per venas quibus alitur è portis iecoris deriuatas, immoderatiùs inter illius membranas effuso. Ingens ex partium diuulsione dolor excitatur atque tumor, atque is cōtactu maximè, interdum & visu conspicuus. Hic putrescente sanguine vehementer lancinat, quod pars affecta eximio sensu prædita sit: febris ardētissima, magna corporis iactatio & inquietudo, sitis inexplata: assidua ingestorum aut vomitio aut deiectio, nisi quum fortè eius osculum aut pylorus obsidetur, his quippe coarctatis nihil elabitur: animi frequēs exolutio: vigiliæ & plerumque deliria. Huic plurimum affinis est inflammatiō quæ vel summū iecoris lobum quo venterculus obtegatur, vel incumbentem illi abdominis regionem occupat. Tumor enim prominens & circumscriptus cum dolore in venterculi situ inest, & febris & sitis & reliquarum notarum plurimæ: ut proinde vel experientissimos medicos interdum fallat. Distinguitur sola symptomatum vehementia & pernicie: quandoquidem in venterculum omnium sæuissima incidunt.

Abscessus si fortè insequitur, non foras quemadmodum qui in abdomine est, sed vel in ipsum abdominis spacium, vel in venterculi cauum pus eructat, aut vomitu aut deiectione conspicuum.

Vlcus siue ex abscessu derelictum est, siue ex assumpto caustico aut septico medicamento, siue ex humore qui simili facultate polleat eò se infingente, prorsus exitiale cēsetur: quemadmodum & omnis corruptio & labes quæ illi ex toxico aut ex venenata potione inuritur. Dolor quidem plerumque subest, interdum tamen & sine dolore malum clanculum serpit. Alui deiectio aut vomitio fatigat, quum præsertim ex aliena qualitate inducitur. Febris lenta eaque assidua laborantem conficit, cum pulsū crebro

bro ac frequenti: appetentia, concoctio omnisque ventriculi functio languet, corpus malè alitur sensimq; liquescit, dum tandè insito calore pabuloque deficiente vita priuetur. Atque ij quidem ventriculi morbi sunt.

Ventriculi symptomata, horumque causæ.

Cap. III.



Sin primis ventriculi multa symptomata exercent. Horum alia sunt quatenus eximio id sensu prædictum principibus partibus cordi ac cerebro magna affinitate coniungitur. Illis enim consensu quodam sua etiã vitia impartit, & variis ea modis laceffit: cor quidem animi defectione, syncope, dolore quem cardialgiã dixerunt: cerebrum sopore veterno, catalepsi, incubo, morbo comitiali, melancholia, delirio, quorum omnium rationes atque causæ suprà satis explicatæ sunt. Alia verò huic vt appetentiæ sedi symptomata ingruunt, qualia sunt diminuta atque de-

15 iecta appetentia, bulimos, appetentia canina, pica, malacia, sitis.

Imminuitur aut omnino prosternitur appetentia, cibique fastidium adest, quum corpus vniuersum multo luxuriat alimento, nec huius quicquam partes ceteræ sugunt è ventriculo. Hic enim utili multo humore perfusus alium respuit. Idem quoque obtingit quum os ventriculi pingui adipe, aut per morbos humore lento aut aliter vitioso obtunditur. Sæpe quidem fit vt quum cibi fastidium est, gustus nihilominus (vt qui in lingua consistat) integer permaneat & rectè diiudicet.

Bulimos autem id est vehemens fames magnam cõsequitur inanitionem & alimenti penuriam ex inediis: quandoquidem exhausto pabulo 25 pars ventriculi summa exquisitè sentiẽs efflagitat quod est sibi necessariũ. Est enim fames ex penuriæ sensu orta cibi appetentia. Canina quoque vocata appetentia modò ab eisdem fit causis, modò ab humore frigido & acido, osculo ventris impacto: qui adstrictione alimẽta in ventriculi fundum compellens, famem accersit.

30 Pica verò & malacia quibus vitiosi alienique cibi, vt terra, caro cruda, carbones, fructus acidi & acerbi expetuntur, grauidas sæpe mulieres infestant, nonnunquam & viros. Tanta malaciæ vis est vt vir quidam nobilis edendæ calcis viuæ desiderio iamdiu pressus, illam tandem pugni magnitudine vorauerit, sitque omnino recreatus, nulla vetriculi, nulla viscerum 35 offensione. Fit autem quoties oris ventriculi tunica vitioso quodam humore vel excremento oblita sunt, cuius longa cõsuetudine similia etiam vitiosa expetuntur: quanquam quum ingens & morbosum iam omnino vitium inest, contrariorum appetitus vrget. *Gal. lib. Anaspha*

Sitis demũ est frigidi humidique potus appetentia. Hæc nulla prorsus 40 est, quum os ventriculi humore dulci, frigido multoque perfunditur: immoderata quum id ipsum quasi humore prorsus exhaustũ inaruit, idque vel potus penuria, vel magna corporis dissolutione ab æstu & balneis: aut quum illius tunica vel humore salso, vel calido & acri imbuta sunt, vt ex

O iij salforum

salforum ciborum & condimentorum esu, ex meracioris vini potu, maximeque per febres ardentes.

Ventriculus porrò vt cibi promptuarium est & primæ coctionis officina, aliis rursus symptomatis premitur, quæ hæc ferè sunt: cruditas, bradypepsia, vitiata concoctio, ructus, rugitus, inflatio, singultus, nausea, vomitio tum simplex tum cruenta, cholera, dolor. Cruditas coctionis est priuatio, bradypepsia tarda difficilisque concoctio. Harum causæ sola vi & magnitudine distât. Eæ autem sunt intemperies omnis, modò simplex modò ex humorum vitio: tumor præter naturam, omnèque morbi genus quod ventriculi concoctionem necessariò peruertit. Sæpe etiâ iecoris lichenis aut mesenterij vitia, vel integrè sani ventriculi concoctionem sympathia quadam & affectus cõmunicatione præpediunt. Sic hepaticis & quibus calidum iecur multa bile scatet, ventriculus contactu imbecillior, nõ tamen (quod multi prædicât) continuò frigidior euadit: quod non omnis illius imbecillitas ex intemperie frigida procedat. Sic & melancholicis & hypochondriacis & quibuscunque venter inferior abscessu aut graui humorum vitio laborat, ventriculus malè concoquit si vitiosa illa qualitate lacepsitur. Cruditatis effectrices etiam causæ sunt cibi potusque exuperantia, quam natiuus calor moderari nequit: aut praua illorum qualitas quæ nec superari nec mitigari potest: aut intempestiuus illorum vsus, quum vel potus vel cibum nouus ingeritur priore nondum cõfecto: aut somnus breuior, aut immoderata vigiliæ, aut balneæ, aut exercitationes mox à cibo, quæ huius descensum accelerant. Cibum verò corrumpit aut aliena ipsius qualitas: aut vitiosi humoris permistio: aut vtendi ordo præposterus, vt quum persica mala, fraga, aliique fructus horarij, coroneis malis aliisque solidioribus cibis posteriùs eduntur.

Ructus flatusque vel sursum erumpens, vel intus cum rugitu strepitùve conclusus, omnis denique ventriculi flatulenta distentio, cruditatis soboles est, atque iisdem ex causis originem habet, maximè verò ex cibo flatulento, & ex immoderato fluctuantéque potu: præsertim quum bilis flaua vel atra ventriculo substernitur, vt in hypochondriaca melancholia: tunc enim liquidi flatulentique cibi pars maxima cõcoctione calorisque vi faecessit in flatum. Quænam autem tum flatus, tum cruditatis causa præcipuè subsit, ex iis notis intelligitur, quæ ventriculi demonstrant affectus.

Singultus cõuulsius est ventriculi motus, quo quæ in proprium corpus impacta sunt excutere conatur. Sæpius autem ex interuallis vt & rufis repetit, dum quod molestū est extundat. Hunc perinde atque conuulsionem vel ab inanitione vel à repletionem fieri cõsuevit Hippocrates. Ab inanitione quidē vt ab immoderato sanguinis effluuio, & ab immodica purgatione. A repletionem vt pueris & iis qui crapulæ addicti sunt: vt etiâ quum vel piper voratum est, vel bilis vel aliud quiduis acre & mordax in tunicas ventriculi sese penitus infixit: id quippe ventriculus interdum singultu, interdum & sternutamento, quod plerumque à singultu liberat, discicere contendit.

contendit. Hæ singultus causæ tradi solent, præter quas tamen & aliæ grauioribus existunt. Etenim sæpe vapor malignus in os ventris effusus deteriorē quā quīuis humor acer & mordax singultum inflixit, qualem sæpissime comperimus malignis & pestilentibus febribus atque etiam iecoris inflammationi superuenire, & maximè quum spes in angusto posita est, & cor morbi malignitate obruitur. Sed & quæ extrinsecus os ventriculi premunt, singultum ingenerant. Quidam tres continuos menses singultu vexatus nullis cōsuetis remediis antè potuit expediri, quā costæ extremum, quod tum primū deprehensum est contorqueri, altiūf-
 10 que in vētriculum nullo sensu doloris infigi, blandè ac molliter erectum sit. Cōfestim namque singultus affligere desiit: qui tamen repetebat quoties costam denuò incuruēscere contigisset. In aliis dein non paucis eandem sæpe singultus causam agnoui.

Nausea inane est vomendi desiderium, quo nihil eiicitur: sæpe tamen
 15 sponte nullōque conatu aqua pellucida profluit ab ore. Vomitus autem est eorum quæ in ventriculi sunt spatio fursum facta reiectio. Hæc enim quæ in capacitate ventriculi hærent: singultus verò quæ illius tunicis penitus infederunt expurgat. Similis est eadēque horum symptomatum causa, sed in nausea leuior, in vomitione grauior. Ea sanè est multiplex, v-
 20 na ventriculi imbecillitas tātāque dissolutio, vt neque cibum amplexari, neque continere possit. Noscitur hæc inde, quòd cibus purior nullo humore vitioso permixtus redditur. Imbecillitas porrò vel ab intēperie præsertimque humida proficiscitur, quæ & dissolutionē prænūciat: vel à lubrico & in pingui læuore quo omnia qualia sumpra sunt remeāt: vel ab alie-
 25 na qualitate, qualis præsertim est venenata ac pestilens, qua afflati ferè assiduo vomunt. Altera nausea vomitionisque causa est res quæuis præter naturam laceffens ventriculum ac irritans. Id autem efficit modò copia, vt copiosior ingestus cibus naturæ grauis, modò acrimonia vt bilis, modò lentore vt pituita, modò aliena & externa qualitate, vt corruptus putre-
 30 scēnsque cibus. Hæc etiam causarum vitia nōnunquam in ventriculo gi- gnuntur, vt quum crudior cibus permanēs in pituitam faceffit, aut quum exustus vertitur in bilem, aut quum in externam alienāque substantiam corrumpitur. Nonnunquam vitium ex aliis sedibus eò confluit, è iecore, liene, mesenterio & intestinis, cerebro, & vniuerso denique corpore per
 35 iecoris venas. Iam verò quis humor vomitionem proritet, etiam si nondū is erumpat, multis tamen ex notis dignosci potest. Ex ructu atque ex eius sapore, qui aut acidus aut nidoris æmulus, aut amarus, aut acer est: dein ex doloris proprietate, qui nūc pungens nunc grauās est, idque quodam vel
 40 caloris vel frigoris sensu: postremo ex eorū quæ vomuntur qualitate atque substantia, maximè quidē quum noxius illis humor permiscetur: nam irritat is interdum ventriculum cogitque cibos vomere, nec tamen dimouetur ipse, sed incōcussus subsistit ac intus remanet. An autem humor vomitionis causa in ventriculo genitus sit, an aliunde influxerit, discernitur quòd

Systola

si vomita
o meto-

Le

Le

quodd in ventriculo genitus iamdudum eum afficit atque torquet, & in victus ratione aut ordine peccatum aliquid recens est. Qui verò è iecore, aut è liene, aut aliunde confluit, signa exhibet affectus eius partis quæ veluti seminarium & origo mali fuerit.

αἱματός
ἐμετός.

le

Sanguis quoque interdum vomitione redditur, sed impetu longè diuerso quàm in tussi, atque sanè copia maiore, quanquam visus est tussi affatim reiectus pelues implere, vena ampliore derepente rupta. Qui vomitione redit, vel cibo, vel potui, vel pituita permixtus existit ac ferè concretus in grumos, non tenuis ac rubicundus, sed crassus & iam concretionem nigrescens. Hunc etiam sæpe comitatur deiectionis nigra, dum erumpentis ipsius portio in intestina deuoluitur, quæ lógo illorum anfractu prolapsa ita nigrescit vt vel picem vel casia medullam repræsentet. Frequens præterea incidit animi defectio, quodd extra venas coercitus putrescensq; sanguis, perniciofa & venenata qualitate cordi sit infestus. Quisquis autem reuomitur è ventriculo prodit, in quem aut è iecore, aut è liene, aut è vicinis partibus cõfluxerat, idque vel aperta vel rupta vel exesa vena, quod ex prægressarum causarum animaduersione discerni potest. Vomitione cruentam nullam equidem naturalem esse puto, neque aut in plethora, aut in mensium suppressione naturam vacuandi hanc viam vnquam moliri.

ἡ χολέρα.

Cholera est bilis tum supernè tum infernè eruptio. Ea quippe vomitur paritèrque deiicitur, primùm liquidior, deinde crassior atque coloratior: vt primùm pallida & citrina, deinde flaua, prassina, cerulea aut etiã nigra. Affectus hic acer, ferox & in primis acut⁹ existit, in quo stomachus & intestina mirè torquentur, & flatuū copia distenduntur: sitis cruciat: pulsus celer, frequens ac ferè paruus: his & non nunquã succedit animi defectio. Huius itaque causa bilis est, quæ tempore vel in suo folliculo, vel in iecore, vel in liene, vel circum pancreas, vel circum intestina stomachumque cumulatur, quumque supra modũ aucta naturæ grauis & infensa esse cœperit, huc illucque impellitur ac diffluit, vt etiam ea percussu toxicum sese bibisse putent.

ἡ πῶδικο-
δωρία.

Ventriculum porrò dolor exercet plerumque immanis, cuius causa aut flatus est in illius capacitatem coarctatus nimio opere distendens haud secus atque in colico dolore: aut humor cibisve acer & mordax tunicis impaetus: aut tumor præter naturam, aut vlcus. Intemperies verò sola dolorem vix infligit. Indolefcit & nõnunquam ventriculus incubantiũ viscerũ tu- more: aut humorũ decumbentiũ copia: atque hic etiã dolor cõtractu presũq; exacuitur. Causæ his notis internoscẽde quas in aliis iam sæpe recessui.

Iecoris morbi, causæ, & signa.

Cap. IIII.



δυσχερσία

ECVR compluribus variisq; patet affectibus. Hi autem sunt intemperies tum simplex tum ex humorũ vitio, substantiæ corruptela, obstructio, scirrhus, inflammatio, abscessus, vlcus. Quũ simplex intemperies calidior quacumque ex causa cõtracta est, cibi

cibi maximéque carnis fastidium inest, ac nihilominus inedia plurimum incommodat: sitis quoque vehemēs: corpus vniuersum maximéque manuum palmae & plantae pedum calent, atque si siccitas comes est arescunt, madent verò si ea simul humida sit. Ex intemperie frigida cibi cupiditas maior: sitis nulla, praesertim si ea pariter humida sit. Simplex verò nulla intemperies diu sola consistere potest, quin breui post tempore humoris vitium accersat. Quaecumque enim vis siue alimenti, siue aëris, siue alterius cuiuslibet causae, iecoris, eadem multò facilius humorum temperiem immutat, eosque sui similes reddit. Imò etiam si ab ortu iecur intemperatum est, quò gignendorum humorum praecipua sit officina, quacumque id constitutio-
 10 ne fuerit, eadem quoque humores afficiet: ac impesè calidum, calidos biliososque multiplicabit: frigidum verò frigidus atque pituitosos. Itaque calidior intemperies tum eos humores qui per mesenterij venas feruntur, tum quos iecur in se continet & in omne corpus distribuit, extorret. Frigidior
 20 verò crassos, lentos, crudos pituitososque reddit: siccior densos, siccos atque terrenos: humidior tenues & aquosos. Sic humorum vitio & exuperantia saepe iecur scatet & premitur. Signa verò calidioris humoris exuperantis sunt, bilis aut vomitione, aut deiectione prorupens, primum quidem tenuis ac pallida, deinde crassa verè flaua ac foetida: oris amaror,
 30 cibi fastidium, sitis vehemens & plerumque febris eaque aut intermittens tertiana, aut errabunda, aut certè lenta, qua omnino languescit corpus paulatimque exarescit. Frigidioris tum iecoris tum exuperantis in eo humoris signa sunt, nec frequens, nec multa, nec multum colorata nec foetida alui deiectio: deinde cibi appetètia, nulla sitis, nulla febris, nulla denique
 40 corporis extenuatio.

Substantiae corruptela non minus iecur quam pulmo contaminari solet, qua laborans sensim languore contabescit. Ea fit ex omni humore, frequentius autem ex biliosa sanie per iecoris substantiam effusa, quae sensim lentéque putrescens, ipsam pariter iecoris substantiam labefacit atque cor-
 50 rumpit. Eiusmodi autem ab alimentorum vitio contrahitur, quae aut corrupta sunt, aut septica vi pollent. Vinum quoque generosum & meracius longo ac liberaliore usu in idem vitium praecipitat, non solum quòd viscus hoc calefaciat & deficcet (ita enim in scirrhum duntaxat deducit) sed quòd putridum quendam lentorem sanieque exaggeret. Sic affectis quonià
 60 malum sensim ac pedetentim serpit, virium robur diu infractum persistit, ut etiam obire illi possint consueta munia: febris initio nulla atque etiam procedente malo admodum lenta inest: sitis quoque non acrius vrget, quòd iam caloris ardor deferbuerit, & nullus ferè in hypochondrio tumor subfit. Hinc tamen vitium deprehenditur, quòd vini optimi eiusque me-
 70 racioris summum inest desiderium, perinde atque iis qui pulmonum corruptela contabescunt. Sic saepe illecebris blanditur hostis insensissimus, & sui amantissimis clam iugulum petit. Eduliorum maximéque carnis ingens fastidium, ut etiam eius calentis vapor odorque grauis sit cieatque
 80 neauseam.

nauseam. Halitus ex putrida illuie teter admodum & fœtidus expiratur, multoque magis quam in tabe frequēs animi languor & defectio, principio quidem levis, deinde sudore frigido erūpente grauior & periculosior: quibus tandem crebrò violentèrque pressus æger succumbit.

ἡ πικρὸς ἀ-
τονία.

Hos iccoris affectus proximè consequitur imbecillitas, qua qui tenen-
tur propriè hepatici dici solent. Vt enim vniuscuiusque partis integritas & temperies tum ipsius tum facultatis robur tuetur, ita intemperies & sub-
stantiæ corruptela ipsis inuehūt imbecillitatem. Itaque si iccoris attrahē-
di facultas infirma sit, liquida defluunt ab aluo cremoris specie, etiā si nul-
la ventriculi offensa, nullaq; mesenterij sit obstructio. Si retinendi vis lan-
guet, aluus interdum (sed admodum rarò) liquida & saniola reddit carnis
loturæ recens mactatæ similia. Sæpius etiam quum hæc imbecillitas in-
creuit, sanguis sponte profluit ē venis, idque vel per nares, vel per vterum,
vel per hæmorrhoidas, vel per sputa. Sed & interdum sanguinem animad-
uerti ab extremis venis quæ in cutem desinunt multis ē locis effundi, qui
nullo ardore liuescebant. Si vis sanguifica imbecilla est, cruditates fiunt,
quibus primū pedes, deinde & ceteræ partes intumescunt: vt iis qui à
morbo graui conualescunt, necnō hydropicis, scirrhis, ictericis aliisque
hepaticis. Etenim venæ iccori malè affecto vtpote suæ origini cōdolescūt
& consentiunt, vt & nerui cerebro.

ἡ ἐμφρα-
ξις.

Obstructio iccori admodū familiaris est, nullūmque viscus hoc æquè
vitio tentatur, quòd vena ē portis per iccoris substantiam in ramos tenuis-
simos dissipata oblitteretur: hūcque alij non minus tenues ē caua vena cō-
ueniant, per quos omne debet alimētum traduci & exportari. Hæc aper-
tas præ se fert notas: nam grauitas & distentio cum obtuso dolore dextro
insidet hypochondrio, tum præcipuè manifesta, quum quis mox à cibo
exercitationem subit. Ea tamen sine tumore sine febre est. Obstructionis
causæ sunt, humor crassus, aut lentus, aut multus. Talis interdum ē cerebro
procumbit in ventriculum, qui deinde præterfluens sensim in tenues ie-
coris venas cum alimento penetrat easque obstruit. Ferè tamen ex alimen-
tis crassis, viscosis multisque fit obstructio, quum aut balneis, aut motu ve-
hemētiore mox à cibo in tenues venas vel rapiūtur vel impelluntur: non-
nunquā & bilis flaua in iccore præter naturā diutius coërcita, nec tempe-
stiuè expurgata mirè crassescit, grauēsque & admodum periculosas icco-
ris obstructions inducit, vt quæ (ceu mox ostendemus) interdum etiam
in cysti lapidescat.

ὁ σκίρρως.

Scirrhus tumor est præter naturam durus ac renitens, doloris expers,
nisi fortè quū pars affecta durius premitur. Tactus hunc deprehēdit, præ-
fertim si gracile & adipis expers est abdomen: idque facilius erecto vel in
dextrum latus inclinato ægro, quàm decumbente supino, tum quippe nō
nisi pressu animaduerti potest. Hic iccoris situ & figura circumscribitur:
ægro præterea facilis est decubitus dexter, sinister verò grauis, quòd moles
quædam velut suffocans in ventriculum & præcordia incumbat. Ex con-
tumaci

tumaci & inueterata obſtructione ferè ſemper, rarò vel potius nunquam ex inflammatione originè trahit, quòd in viſcere natura calido & humido omnis inflammatio in pernicioſum abſceſſum deſinat. Humor igitur obſtructionis author, primùm quidem tenues iecoris venas implet & inſarcit, auctus deinde hinc etiam in omnem viſceris ſubſtantiã redundat, & eam perinde atque venas obſtruit: quòd ſi ruruſum multò plenior cumuletur, iecur in amplam molem diſtendit: tũque viſcus turgidum ac tumens apparet. Tẽpore humor ſicceſcit & vi caloris tenui parte diſſipata, reliquus totus obdureſcit: cuius permiſſione iecoris ſubſtantia labefacta-
 10 tur veruſque tandem ſcirrhus emergit. Hic à ſimplici tumore diſtat, quòd non niſi longo dierum numero, ſimplex verò breui etiam procreetur. Vt autem peccans & efficiens humor, modò pituitoſus, modò bilioſus eſt: ita & ſcirrhi prodeunt varij, quos accuratè diſcernere expedit: quandoquidem & vehementia & impendente periculo plurimùm diſſident. Illum
 15 cauſæ antecceſſerunt quæ craſſum pituitoſumque ſuccum coaceruant, hũc verò quæ bilioſum: in illo dominatis pituitæ refrigeratiquæ iecoris, in hoc bilis exuperantis concalefactiquæ iecoris ſigna elucèt: hic ferè ictero ſuccedit & lentam febrem comitem habet, ille nequaquam: hic vnus in eum hydropem præcipitat qui aſcites appellatur, ille citra vllum incòmodi ge-
 20 nus diu perſiſtit, aut duntaxat cachexiam leucophlegmatiã ve inferit.

Magnus etiam plerumque tumor iecur ſine ſcirrho diſtendit, qui iisdẽ ſe proert notis atque ſcirrhus, niſi quòd minus renititur & breuiori tem-
 pore genitus eſt. Hic ferè in iecoris ambientes membranas effunditur hãſque proruſ obſidet. Contactu obſeruandus: etenim plerumque tãtus ap-
 25 paret, vt vniuerſum hypochondriũ repleat, neque coſtarum extrema per-
 cipi, neque ſub hæc digiti inſigi poſſint, neq; iecoris vlla figura ſit aut circumſcriptio. Oritur interdum à flatu aut à tenui cruditate, quã vel immoderata frigida potio, vel intèpeſtius fruſtuũ eſus, vel crapula fatietasque
 30 nimia peperit: & hic quidem non grauitatis, ſed tenſionis ſenſum inferit, & breuiori tempore contrahitur. Interdum verò ab humore craſſo & lento, aliàs bilioſo, aliàs pituitoſo, quem validum iecur à ſe excutens in proprias ambientes mēbranas depoſuit. Hic magis renititur, & ſua molē premit, atque etiam multo tempore cògeritur, nec niſi multo diſcuti poteſt.

Eſt præterea & in hypochondrio tumor alius muſculis abdominis inſertus. Hic admodum rarus eſt & inſolens, qui nõ preſſu, ſed leni blandoque tactu, ac ſæpe viſu percipi debet, foras enim prominet. Figurã quoque oblongam habet, qualis eſt recti in abdomine muſculi.

Hepatis, eſt iecoris inflãmatio, qua ſanguis illi? parte quadã præternaturã collectus incēditur. Fit autẽ dum ſanguis ipſe vel exuperãtia vel tenuitate, vel feruore & acrimonia, vel externarũ cauſarũ impulſu, è venis immoderatiũ prorũpēs, in viſceris corpus copioſior ſecedit. Tũ extra ppria vafa putreſcit & inflammatur, ſimulque imbutam carnoſam partis ſubſtantiã labefactat atque corrũpit: hinc plerumque ſinus excauatur. Primũ
 40 P igitur

ὁ μὲν δὲν δὲ
 οὐκ ἔστιν.

ἡπατὶς.

*Inflammatio
in hepate*

*Inflammatio
hepatis. h. l.*

ul

*Inflam. abd.
inflamat. h. l.*

igitur sanguis vertitur in putridam saniem, ac tum inflammatio est: sanies deinde caloris natui beneficio in pus abit: ea ipsa puris collectio abscessus dicitur. Erumpente demum pure vlcus manet cauū ac sordidum. Hac mutationis serie multa vitia ex vno eodēque fonte dimanant, quæ vt variis sunt nominibus insignita, ita & varias curandi leges habent. Singula verò propriis signis ita indicantur. Inflammationis notæ sunt grauitas dextra præcordiorum parte, dolor (quū maximè ea sedes attingitur) à iugulo ad costas nothas protensus, ob conclusam materiæ congeriem quæ succingentem thoracis membranam conuellit. Hac ratione & spiritus difficultas & tussis exigua eaque sicca inest, qua nihil excreatur. His igitur notis, atque doloris situ distat à pleuritide. Febris ex inflammatione fit ardens & acuta, sitis inexhausta, linguæ scabrities & huic lentor inhærescens, primum quidem flauus, deinde nigricās: nausea & cibi fastidium: interdum singultus propè strangulās: sæpe corporis color ictero sœdatus: vrinæ crassæ, rubicundæ ac turbidæ. Synceræ bilis modò vitellinæ, modò æruginosæ vomitio, & plerumque per aluum deiectio, quæ interdum vel diarrhœam vel dysenteriam infligit. Si inflammatio erysipelatodes fuerit, febris, ardor, vomitio reliquaque signa grauiora euadent ac tandem in marcorem deducunt. Hæ quidem omnis inflammationis communes notæ sunt: particulatim verò si inflammatio in caua iecoris magis deuerget, cibi fastidium, nausea, sitis, biliosa vomitio aut deiectio acrius vrgent, & præterea grauis & admodum laboriosus est decubitus sinister, nec promptè inflammatio iecoris tumor cōtactui obuius est. Si verò inflammatio gibbam magis regionem obsideat, spirandi difficultas, tussis & grauis dolor iugulum retrahens magis infestant, & præterea difficilior est decubitus dexter, vt quo pars affecta premitur: cōtactu pressūque dolor exacuitur, promptèque tumor percipitur, qui & interdum prominens est & oculis cōspicius. Omnes hæ quidem manifestæ & vehementes notæ apparent quum ingens est inflammatio. Quum verò exigua, obscuræ & exiles, hæcque in multos interdum menses perseverat: in qua hypochondrij dolor & grauitas, magna respiratione potius quàm tactu se prodūt. Quum autē musculus abdominis rectus iecori præcēsus solus inflammatur, superiorum notarum nulla quidem (nisi fortè febris) adest, lancinans dolor magis affligit, tumor oblongus foras prominet, visu tactūque conspicuus: cutis enim circumtensa rubescit atque calet.

Abscessus quū iam fit & putrida sanies in pus cōuertitur, dolores & febres, inquit Hippocrates, & cætera symptomata inualescunt: rigores sæpe nullo ordine nullaque ratione inuadunt, quos sequitur caloris exacerbatio. Confecto iam pure omnia quidem remittuntur ipsæque ardor deferuescit, vires tamen relinquuntur multò imbecilliores, pulsusque frequens, paruus ac languidus, crebræque animi defectio. Quum rupto abscessu puris illuuiēs prorumpit, eius tetro vapore cor obruitur, qui sæpe graui orta animi defectione ægrum de medio tollit: ex hoc enim vix quisquam seruari

uari potest. At quum exiguus est abscessus, si vires satis consent, pus nonnunquam vomitione prorumpit, aut per aluum, aut per vrinas profunditur. Sed & interdum fissa vel exesa iecoris substantia id excidit in abdominis capacitatem, quò & hydropicorum aqua confluit.

- 5 Vlcus ex abscessu contractum quoniam alimento cōtinenter alluitur, perpetuò colluue multa sordescit, neque vnquam potest sanescere. Iecoris enim solida substantia spermatica quum sit, non magis quàm pulmonis reparari potest. Tum igitur vitiosa est sanguinis confectio, corpus non alitur, sed verè tabescit, putrida, saniosa & interdum cruenta est alui deie-
- 10 ctio ac sæpe quasi ex cadauere facta colliquatio. Vrina quoque sanie perfusa, aut si ea in abdominis spatium penetret, hydrops omnium grauissimus exoritur, qui & inguinum pubisque grauitate & manifesto tumore se prodit, siquidem vires tandiu persistant, quod certè vix vnquam vlla obseruatio notauit.

15

Qui morbi in cysti fellis.

Cap. V.



20

YSTIM fellis occupant obstructio, calculus, repletio & inanitio. Obstructio aut eius est ductus quo bilis è iecore prolicitur, aut eius quo è cysti in intestina eructatur. In vtraque aluus durior pigriorque est, fæces albicant, vrinae flauæ crassæque adeò sunt vt sæpe nigrescant, bilis cum sanguine in summum corpus effusa ictero cutè deturpat. In

priore tamen cystis prorsus exhausta est: in posteriore illa bilis copia distenditur, variisque exuperantiæ symptomatis premitur.

25

- Calculus in cysti fellis plerumque concreuit niger, sed tamen leuis & qui aquæ immersus innatat, neque vt qui è renib⁹ aut vesica euellitur subsidet in imo. Origo illi est è flaua bile quæ proprio conceptaculo diutius coërcita nec tempestiuè vacuata, nec nouæ influxu renouata mirum in modum obdurefcit. Id autem in primis accidit quum vterque cystis ductus
- 30 obstruitur. Huius quidem neque manifestæ sunt notæ, neque graua symptomata quib⁹ certò ac facile detegi possit. At suspectus iis esse debet, quibus grauis & diurnus fuit icterus. Decrepitus quidam senex in iram mirè propensus post decessum sine felle ac sine cysti inuentus est, in cuius sede calculus ingens cōcreuerat. Quinetiam post diurnum icterum ob-
- 35 orto alui profluvio, huius naturæ innumeros calculos instar pisi aut hordei, in plerisque exturbari deprehendimus.

Bilis porrò propria cysti nonnunquam tantopere exuperat, vt hanc ingentem distendat magnitudinē. Ac tum sanè infesta est grauitatis pondere pressu ac suffocatione, ructu, ardore, siti, iracundia, & siquando for-

40 tē computrescat febribus intermittentibus. Hinc igitur grauissima mala prodeunt, nec certè leuiora quum affatim ea prorumpit.

Cystis enim quum prorsus exinanitur omnemque bilem suam foras eructat, aut biliosas vomitiones, aut choleram morbum, aut diarrhœam,

P ij aut

aut dysenteriam, aut alia his finitima symptomata concitat. Non pauci è viuis erepti sunt, in quibus nō alia interitus causa comparuit, quā quod folliculus bile omnino esset exhaustus.

Lienis morbi, causæ & signa.

Cap. VI.



LIENIS grauiiores morbi sunt, tumor distendens, obstructio, scirrhus, & inflammatio. Lien substantia rarus atque laxus occasione leui distendi potest: quūq; sanguinis excipiendæ faci destinatus sit, hanc omnēque impuritatem facile admittit: hac imbutus tumet multò quidem quā iecur frequentius, ac plerumque sine scirrho. Tumor tum sinistro hypochondrio animaduertitur laxus nec admodum renitens, qui interdum lienis sitū figuramque retinet, interdum vniuersum hypochondrium implet: sed & is interdum subter vmbilicum prolabitur, noxia quidē materia è viscere in omentum quoquoersum effusa. Hæc autem varia diuersaque est. Crudus, aquosus ac pituitosus humor eò nonnunquam confluit, iis potissimum qui in locis palustribus humidisque degūt, & qui frigida potu largiore humidisque vescuntur oleribus: iis etiam qui è frigidis, humidis, diurnis morbis emerferunt. Sæpe tamen melancholicus ac terrenus humor, qui sanguinis fæx est & limus, in lienem rapitur. Illic abundatior cumulatur, vel quia multus erat in sanguine, vel quia eius naturalis vacuatio quæ è liene in venterculū aut in aluū fieri solet, suppressa est. Cumulatus autem principio laxum tumorem ingenerat. Huius signa sunt respiratio crebrior & difficilior, præsertim in cursu ac labore, aut etiam quum in dextrum latus decumbitur: amplificatio quippe visceris maxime quū venterculus cibo turget, diaphragma premit. Appetētia ferè persistit, sed venterculi offenditur cōcoctio: ex qua crudus aquosusque chylus plerisque fluctuat, quo sæpe os madet expuitioq; multa fertur. Flatus plurimus sursum deorsumque erūpit, aut hypochondrio sinistro rugitu quodam & murmure obauditur, totus ferè aut in venterculo, aut in ea coli intestini parte quæ visceri assidet collectus: non enim audiendi sunt, qui hunc in liene concludi temerè profitentur. Humoris vapore cor laceffitur corpusque vniuersum ignauum & iners quasi dissolutum languet: & nonnunquam leuiusculæ animi defectiones obrepunt. Adhæc capitis grauitas & inconsueta somnolentia eaque turbulenta ac molesta. Desidia, timiditas, negligentia contemptusque rerum. Pallidus, subliuidus aut omnino feædus corporis maximeque faciei color. Atque hæc quidem efficit quum in liene copiosior fuerit simplex illa naturalisque melancholia: quæ tamen si sanguinis fæx est, fluxa tamen & liquida etiamnum manet, alioqui per tenues venas eò minimè laberetur.

Quum verò copiosior ea melancholia liquida tempestiuè expurgata minimè fuerit, crassescet: ac tum obstructionem venarum arteriarumque gignet. Sub hac, hypochondrij sola grauitas aut interdum lienis dolor excet.

erces. At quum multa non venas modò, sed & lienem vniuersum implet atque distendit, dissipatàque tenui illius portione, crassior subfidet, lien totus obstruitur.

Hic caloris vi ea materia magis magisque crassescit, sensimque in scirrhum lien obdurefcit. Id autem accidere solet, quoties tumori aut nulla aut etiam vitiosa adhibetur curatio, per ea quæ ipso protinus initio vehementer digerunt ac dissipant. Hic lienis scirrhus aliàs solam illius substantiam occupat, isque & situ visceris & figura circumscribitur: aliàs verò in partes quoque vicinas diffunditur, vt omnem plerumque ventris sinistra
10 regionem impleat. Hic longiori tempore quàm simplex laxusque tumor genitus est, prementi magis renititur, omniàque simplicis tumoris symptomata grauiora & manifestiora exhibet. Purior quippe melancholicus est humor, è quo quicquid inerat tenue ac benignum tempore dissipatum est.

Iam verò inflammatio non sæpe in lienem incidit, quòd purus sanguis
15 phlegmones author in id viscus rarò penetret. Siquando tamen ea obtigerit, similiter & eisdem ex causis atque in iecore progignitur. Febris inest assidua & ardēs, lentor linguæ nigricās, sitis implacabilis, cibi fastidium, sinistri hypochondrij distentio atque tumor: dolor pulsans, molestus dexter decubitus & interdum sinister, aliàque symptomata in sinistrum latus
20 perinde atque inflammato iecore in dextrum incidunt. Ea etiam si pura sit inflammatio, nonnihil tamen ex loci natura respicit melancholicorum symptomatum. Si vel abscessus vel vlcus insequitur, nò ex aliis fit causis, neque aliis notis ostenditur quàm in iecore comprehensum est.

Atra bilis grauissimorum symptomatum effectrix, in liene proprio etià
25 receptaculo in vicinisque locis congeri solet. Fit autem aliàs ex bile flaua, quæ exusta malignamque naturam subiens, iam aut à liene prolicitur, aut iecoris vi in lienem ipsum atque interdum in pancreas ac mesenterium protruditur. Aliàs quoque ex naturali fit melancholia, quæ in liene iam diu inhaerescens, victu calidiore, æstu, exercitatione, aut etiam vetustate supra
30 modum incalescens vstaque, maligna bilis atræ naturam adipiscitur, qualem sæpe ex lienis tumore fieri notamus, quoties is immaniùs efferatur. Bile hac atra sæpius sine tumore, rarò cum tumore exuperat: vix enim tantam illius copiam natura ferat. Nullus igitur sinistri hypochondrij tumor, nullus aut obscurus dolor, nulla distentio aut oppressio. Caterum æstus in præcordiis magnus, præsertim quum aut vinum aut calidior cibus assumitur.
35 Huius cõfectio molesta, ructus, flatusque plurimus suscitatur, quasi ex lebetis aqua subdito igne: nec enim pituita, nec alius quisquã humor æquè flatus ex cibo profert. Arteriæ in præcordiis & supra vmbilicum dilatantur ac vehementer pulsant: cordis magna & frequens est palpitatio, siquid
40 præsertim vel corpus vel animus exagitur: animi defectio nonnunquam incidit pulsum immutans. Quum autem, vt sæpe fit, vapor in caput irrepsit, facies quasi inflàmata rubore perfunditur, mens peruertitur & alienatur, terrore, metu & mœstitia concutitur, quasi mors immineat nihilque reli-

quum sit spei. Furori omnia finitima in quem æger sæpe metuit raptum se iri. His reliqua hypochondriacæ melancholiæ quæ suprà commemoravi signa plerumque accedunt, interdum etiam absunt.

Mesenterij & eius quod pancreas appellatur morbi, causæ & signa. Cap. VII.



IANTA plerumque superuacuum est humorū collu-
uies, vt destinatis à natura receptaculis tota excipi haud
possit. Ac tum non parua superfluentis portio in vicinas
quoque sedes illabitur, maximè quidem in pancreas & in
mesenterium, quæ totius corporis veluti sentina sunt. Qui-
bus ergo assidua ingluvie magnus fit vtriusque bilis & pi-
tuitæ prouentus, eas tempestiuè non expurgatas natura valens ac robusta
plerumque in pancreas & in mesenterium ignobiles sedes deponit: idque
ferè è icore & è liene per eos venæ portæ ramos qui non in intestina, sed
in ipsum mesenterium & pancreas desinunt & obliterantur. His locis &
glandulis tempore exaggerantur varij humores, qui primùm laxum mol-
lemque tumorem, deinde sicciscentes renitentem durum ac verè scirrho-
sum ingenerant. Durus vsque adeò interdum deprehensus est, vt penitiori-
bus sub vmbilico partibus vel os vel calculus cōcreuisse putaretur. Itaque
si ampla & vasta mole venter totus præter naturam prominere, idque citra
fluctuationem, citra alui suppressionem diutinā, citra hydropis suspicio-
nem, vnde & qua id ex causâ obtigerit, tactu ita quidem discernendum.
Quum adipis copia veter prominet, quoniam cuti summæ is inhaerescit,
manu totus comprehendi secerneque potest à musculis abdominis: ac præ-
terea reliquus corporis habitus obesior existit. Quum tumor insertus est
musculis abdominis, primo is contactui occurrit, & quum premitur, ple-
rumque etiam citra pressum dolore afficit, quod pars ea sensu prædita sit:
intestina nō coarctat, neque alui deiectionem remoratur. Mesenterij verò
tumor quoniam altè sepultus est, nō nisi pressu animaduertitur, nullo do-
lore affligit, quod pars ipsa doloris sit expers. Quinetiam sua is mole inte-
stina premens atque coarctans sæpe efficit vt aluus pigrior sit tardiùsque
fæces descendant. Vtrum præterea tumor vniuersum mesenterium an par-
tem duntaxat, & quānam occupet, mollisne sit an durus, tactu etiā in-
ternoscendum. Caterum quāvis in mesenterio humor exuperet, iam non
tactu, sed iis ipsis notis, quibus in icore aut in liene proditum est, cogno-
scitur, sed quæ tamen tum obscuriores, tum leuiore existunt. Hæc autem
obscuritas multis causâ fuit ignorantia, & cur harū partium affectus præ-
termissi fuerint, nec veterum scriptis celebrati. Ego tamen hoc affirmo &
profitetur, cholera, melancholia, diarrhœa, dysenteria, cachexia, atrophia
languoris, lentarum errantiumque febrium, latentium denique morborū
causas me in his plerumque sedibus animaduertisse, quorum depulsione
deploratis salus redderetur.

Vera

Iecoris lienisque symptomata, & horum causæ. Cap. VIII.

P iiij dénsque

dénsque febris existit, dextro hypochondrio gravitas dolorque subest, de-
 iectiones & urinae biliosae profluunt, inflammati iecoris signa comitantur.
 Atque hi quidem rarius incidunt, nec omnino simplices existunt. Simplex
 verò icterus & qui frequentius ingruit, aut iecoris aut folliculi peculiari vi-
 tio fit. Quum enim in calidiore iecore bilis copiosior gignitur quam à cysti,
 expurgari tota possit, redundans ea quoque versum irrumpit aut effundit-
 tur, atque cum sanguine velocius sero euadens summam corporis cutem
 inficit. Sed & quum ea cumulatur in iecore, eius substantiam amplificat
 & in tumorem attollit tactu conspicuum: ac dein tempore crassescens at-
 que obdurefcens non modò obstructionem, verumetiam iecoris scirrhum
 renitentem ac prædurum ingenerat, cui ferè succedit hydrops. Sub hoc
 ictero aut nulla aut admodum lenta febris est, atque licet turbida, crassa &
 crocea sint urinae, alui tamen deiectiones non albicant, quod è folliculo
 atque etiam è iecore bilis multa proruat in aluum. Icterus verò qui ex
 obstructione meatuum ad bilis cystim pertinentium fit, repente hominē
 adoritur, sine febre, sine magna corporis aut virium iactura: deiectiones
 albicant, quod bilis illapsus in intestina cohibeatur. Urinae crassescunt at-
 que rubent adeò ut & propè nigrescant: dextro hypochondrio gravita-
 tis sensus inest sine conspicuo tumore. Comminiscuntur plerique alias
 icteri causas, ut folliculi fellis imbecillitatem, & partiū quæ in habitu sunt
 corporis calidiorem intemperiem: quæ tamen omnes rarissimæ quum sint,
 in earum numero haberi debent, quæ cogitatione potius quam usu & e-
 uentis deprehensa sunt.

ἰκτερός
 μέλας.

Icterus arquatúsve niger melancholici est humoris in cutem & in cor-
 poris summa effusio. Sub hoc coloris flos perit isque pro viuido obscurus
 primum, deinde subliuidus & subniger nulla euidenti occasione apparet.
 Corpus quidem minus quam in altero ingrauescit, mens tamen imagini-
 bus magis perturbatur, quæ metus & mœstitiæ plenæ sunt. Nec deiectio,
 nec urina de naturali statu manifestè decedit. Proxima huius continens
 que causa est melancholicus humor in omne corpus cum sanguine effu-
 sus: idque vel quod in sanguine atque in iecore nimium exuperet, neque
 totus lienis vi elici expurgariq; possit: vel quod lien huius copia in farctus
 alium excipere nequeat, vel copia turgēs illius portionem refundat in ve-
 nas, ac tum lienis tumor gravitasque premit: vel quod vena è portis iecoris
 in lienem directa & qua sanguinis fœx deducitur ac expurgatur, obstru-
 cta obstipataque sit.

ὁ φυσιολογικὸς
 καὶ ὁ παθολογικὸς
 ἰκτερός

Affectio hypochondriaca utriusque affecti visceris maximèque lienis
 soboles est. Huius enim species duæ una mitior, deterior altera. Illa ex me-
 lancholico humore terreno sanguinisque fœce ducit originem, qui in lie-
 ne vicinisque sedibus supra modum cumulatus, tumore ingenerat, è quo
 teter vapor sursum effertur. Lienis tumor interdum cōspicuus ingensque
 animaduertitur, sine ictero, sine cachexia: idque quum & mitis est hu-
 mor & arctè coercetur. At verò quum è propria is sede prorūpit, in venas
 effusus

effusus aut iëterum aut cachexiam parit. Quum autem præter naturã incalescit, vel deteriore substantiæ conditionem subit, atrum de se vaporem exhalat, qui animum mentemque variè conturbans, author est hypochondriacæ melancholiæ. Huius notæ sunt multa fixæque diu cogitatio, rerum commentatio & suspicio malarum, verecundia, rusticusve pudor, solitudo, mœstitia, timiditas & ignauia, animi deiectio aut desperatio, mētis atque sensuum caligo, turbulentus somnus, peruersa rerum estimatio ac sæpe præposterum iudicium. Atque hæc quidem sunt melancholicorum symptomatum mitissima. Altera affectio ferocior existit. *Altera affectio ferocior existit. melanchol.*

¹⁰ Ea fit ab atra bile quæ vel ex terrena sanguinis facie supra modum incalescente & exusta, vel ex bile flaua processit. Colligitur hæc nonnunquam in liene, sæpius in pãcreas & in mesenterium spargitur nullo tumore manifesto. Quumque sit humor acer atque perniciosus, exigua portione fauissimorum symptomatum author existit. Quæ igitur ab hoc fit melancholia, superioris notas præ se fert omnes & eas quidem multò grauiores. Præterea verò præcordia sæpe ingenti feruore æstuant, pulsusque arteriarum in his est validus, quum vapor quauis ex causa excitatus sursum euolat, cor palpitatur, aut premitur, anima deficit, facies rubore ardoreque suffunditur, oculi quasi suffusione caligant, mens denique perturbatur, ac interdum tantopere occupatur, vt sine vlla rerum expectatione meliorum, summa sit desperatio vitæ: neque possit vlla orationis suauitate ad spem recuperandæ valetudinis erigi. Hoc miserabile medicis tormentum: summa verò tranquillitas est laborantis constantia & prudentia. At verò extincto dissipatoque vapore symptomata mitescunt, subinde tamen recursura. Hoc malum si penetrat in cerebrum eoque figatur, furorem ac tandem febrem accerset hecticæ finitimam, & quæ in marasimum deducet.

His quadantenus similia profert incommoda bilis simplex circa iecur abundantior coërcita & exæstuans: nam & æstus apparet, & animi defectio, & suffusio atque rubor: & nisi vires iam malo succumbant, animus concitatus exardescit, iracundia sæpe iactatur, vlciscendi libidine effertur. Hac etiam tandem corpus absumitur & liquefcit, nisi in melancholiam transitus sit.

Atrophia est nutritionis error quo corpus sensim exarescit & absumitur. Si vel alimenti penuria, vel vacuatione immoderata, vel aliarum euidendium causarum, vel acuto morbo corpus emarcescit, atrophia non appellatur: sed duntaxat quum lentè ac pederentim nulla prægressa causa id sumpto alimento non alitur. Atrophiæ quæ vnā quāpiam partem obfideat, causa est peculiare quoddam illius vitium: eius verò quæ totius est corporis, causa in aliquo principe viscere consistit, quæ caloris spiritusque aut naturalis aut vitalis robur vel obtundit vel extinguit. Itaque cordis affectus maximèque febris hectica, & pulmonis exulceratio, quoniam vitalem illius omniumque partium spiritum labefactat, in atrophiam perducunt. Quinetiam ventriculi grauiores affectus eodem adigunt, & lienis

*atrophia
in
tunc de-
pauis de-
tuxit.*

nis iecorisque calida atque sicca intemperies, & bilis multæ tum flauæ tum atræ perfusio. Vix enim ullam animaduerti veram atrophiam in qua viscera præter intemperiem, non multa quoque humorum præsertimque biliosorum colluie scaterent, ac earum plerumque copia distenderentur. Hæc igitur causa quoniam naturalem spiritum & calorem proterit, vix ut vtilem sanguinem gignat, in atrophiam præcipitat. Per hos affectus tametsi alimenti copia suppetit, & venæ multo humore turgent, corpus tamen non alitur, quia is humor caloris & substantiæ bonitate, sæpe etiam fibris quibus concreseat destitutus, partibus neque adhærescere neque assimilari potest. Multo autem diuersa est cachexiæ ratio, de qua nunc transigendum.

καχεξία.

Cachexia malus est atque vitiosus corporis habitus. Sub hoc plena satis atque copiosa corporis moles est: at verò tum substantia tum colore vitiosa. Corpus non ut athletarum promptum & alacre, sed graue est atque iners, non viuido colore florens, sed vel pallido, vel liuido, vel citrino squalidum. Hoc mali ex alimentis impuris atque corruptis contrahi solet: aut si hæc vitio non sunt, vetriculi ac viscerum vel imbecillitas, vel impuritas accusanda. Imbecillitas diminutam concoctionem cruditatemque parit, quæ in venas & in habitum corporis, vtilioris vice alimenti rapta, partibus singulis tum apponitur, tum etiam agglutinatur, at non perfecte assimilatur: hincque vitiosa non autem vera & perfecta fit nutritio. Impuritas viscerum siue à scirrhus, siue à corrupti humoris affusione, siue ab eorum corrupta substantia proficiscitur, vitiosum corruptumque sanguinem proferit, qui demum in partes singulas euectus illicque concrescens, vitiosam quoque efficit nutritionem, vitiatam nimirum substantiam pro vtili dissipata reponens. Hinc cachexia pro sanguinis conditione varia: alia cruda ac pituitosa, alia melancholica, aliaque aliter corrupta, quam alimenti natura & mala viscerum constitutio protulit. Pituitosa cachexia, quæ ferè virginum nitor squalet viuidique coloris flos perit, leucophlegmatia antecedit eamque prænunciat: quemadmodum & melancholica cachexia elephantiasim minatur. Cachexia igitur ab atrophia quam longissime distat: in hac extenuatum corpus sensim contabescit, in illa ampliorem id molem habet. In atrophia quod in venis est, nec concrecit nec parti adhærescit, vixque sanguinis appellationem meretur: in cachexia & concrecit & nutriendæ parti adhærescit: atque licet pituitosus, melancholicus aut aliter vitiatus, sanguis tamen appellatur. In vtraque corporis viriumque robur elæguescit, sed in atrophia quod nulla prorsus, in cachexia quod vitiosa sit nutritio.

Cachexia
pituitosa

ὁ ὕδρῳ.

ὁ ἀνὰ σπλῆνός.

καὶ ἐν τῷ

λίκτι.

φλεγμα-

τίας.

Huic proximus est hydrops, maximè qui sarcites appellatur. Triplex enim traditur, ἀνὰ σπλῆνός, ascites, & tympanias: horum rationes atque causæ in primis diuersæ. Ana sarca, id est subter cutem, qui & leucophlegmatias Græcis nuncupatur, molis corporeæ incrementum est præter naturam. Huius initio pedes tument, maximè vesperi & ab exercitatione, aut quum decliues diu fuerint, in hisque (si crassiusculus est humor) digiti manet impressum

pressum vestigium, manè verò & per quietem sæpe dissipatus tumor euanes-
 ctit. Deinde neque facies neque brachia, neque partes aliæ, imò neque
 abdomen ipsum magis quàm reliquum omne corpus intumescit: sed id
 æquabiliter molle, laxum & pallidum existit, dissolutum & quasi enerua-
 tum minimo labore frangitur, omnesque illius functiones languet & he-
 bescent: febris ferè assidua sed lenta conficit, cum pulsu paruo, crebro &
 inæquali: vrinæ albæ, tenues & omnino crudæ. Hæc autem idcirco acci-
 dunt quòd corpus vniuersum cruditate & pituitoso albicanteque sangui-
 ne, aut si dicere mauis, aqua lenta & concreta suffunditur: hinc & malum
 10 ipsum aqua inter cutem rectè nuncuparunt, cuius copia natiuus calor ob-
 ruitur. Hanc à phlegmatica cachexia sciungit sola magnitudo, quòd tu-
 midiozem habeat corporis vitiatam molem. Vna & eadem vtriusque
 causa, immodica nimirum iecoris atque venarum refrigeratio, quæ aut pri-
 maria est, aut ex cordis, lienis, ventriculi, mesenterij aliarumve partiū con-
 20 coctioni seruientium vitio cōtracta: & insiti caloris ac spiritus nimia dis-
 sipatio. E causis autem euidentibus viscera refrigerant natiuumque calo-
 rem obtundunt aquæ frigida & vitiosa potus immodicus, lactucarum fru-
 ctuumque esus intempestiuus, præsertim dum vel æstu, vel exercitatione
 corpus incaluit, eiusque viæ patent, per quas externa vis penetrat. Insitum
 20 verò calorem spiritusque dissipant acutus vehemensque morbus, & sanguis
 è naribus, aut ex vtero, aut ex hæmorrhoidæ immoderatiùs profluens, &
 quæcumque denique exhauriunt nutrientium viscerum robur. Harum cau-
 sarum magna vis est, si vehementer & affatim fiant: sin verò sensim ac len-
 te, tametsi perseuerent (vt diutius ab vtero vel naribus paulatim fluens san-
 25 guis) minimùm certè incommodaturæ sunt. Mensium verò cōsuetarum-
 que hæmorrhoidum suppressio & omnis sanguinis nimia exuperantia ca-
 lorem spiritumque strangulat & obruit.

Ascites est abdominis ex subdito aquoso serosoque humore distentio. ὁ ἀσцитῆς
 Vter sensim impletur dum diuulsa laxatave cute supra modum intume-
 30 scat. Corpus reliquum marcescit ac liquefit. Tumor presso diaphragma-
 te spiritum difficilem reddit. Si abdomen impellitur, aut corpus in alteru-
 trum latus prouoluitur, fluctuantis humoris sonus obauditur. Vrina ad-
 modum pauca est, eaque ferè crassa & rubicunda: præsertim si iecur mor-
 bo initium dedit. Serosus humor totus interdum sub abdomine conclu-
 35 ditur, nonnunquam eius portio in femora & in pedes, maximè post inam-
 bulationem, interdum in scrotum, veluti cuniculis sibi inusitatam viam
 parat. Irreperit & nonnunquam in thoracis spaciū, infertque ea symptoma-
 ta quæ diximus purulentos affligere: nonnunquam & in vterum, vt in ea
 muliere cui instante menstrua purgatione humor sub abdomine conge-
 40 stus, per vterum sponte ita profunde batur, vt omnis moles abdominis bi-
 duo subsideret: alius dein humor sensim proximo mense succrescere inci-
 piebat, qui statò quoque tempore totus efflueret. Hæc non vt leucophleg-
 matias ex sola partium nutrientium refrigeratione, nec ex cruditate sola

ortum

ortum ducit: sed maximè ex soluta cōtinuitate partium aut vasorum quibus humores contineri solent. Itaque in leucophlegmatia quoniam solida sunt omnia, cruditas è visceribus per venas in omne corpus permeat: in ascite verò quoniam exesum, apertum, ruptum, fissumve aliquid est, serofus humor utpote tenuis, sine sanguine solus uti solet per renes, excidit & in abdominis capacitatem illabitur. Haud secus atque suppurās pleuritis, excelsa aut discissa succingente costas membrana, affatim irruit in thoracis capacitatem. Non enim aliter tanta feri collectio præter naturam illic fieri potest. Turpiter hallucinantur qui putant per angustos cæcosque poros serofum humorem transferri in capacitatem abdominis. Nam hac ratione ascites peræquè omnes inuaderet: & distribuendis humoribus videretur natura inutiliter vias ductusque tam multos destinasse. Adde quòd iis quos ex vrina dies viginti suppressa, extinctos nouimus, aquæ nihil quicquam deprehensum est per cæcos illos ductus in abdominis spacium refluxisse, quoniam integra nec pertusa his erant sanguinis serique conceptacula. Hinc fit ut ascites iis ferè superueniat, qui rupta vel exesa viscerum vena, cruētis vomitionibus aut deiectionibus opportuni sunt. Licet enim suppressus sanguis sit, serofus tamen humor per derelictam fissuram præterfluit inciditque in spacium abdominis. His etiam superuenit qui viscerum errore ictero diu tentantur, & quibus lien vel iecur vel mesenterium veteri scirrho obduruit: quandoquidem viscerum substantia siccitate humorisque penuria, ceu rimis quibusdam dehiscit, eorumque ambiens membrana diffringitur, ut non amplius tenue serum continere possit, sed id renum more elabi finit, atque sensim quasi ex fissa olla stillare in vacuū abdominis spacium. Hanc causam innuit Hippocrates, quum ait, Quibus hepar aqua plenum eruperit, iis venter aqua repletur. Quòd si sola visceris substantia diffinditur, ambiens autem ac cingens membrana integra manet, aqua non excidit, sed vesiculæ aqua plenæ *ὡς ὕδωρ* Græcis dictæ emergunt, quibus sæpe pecudum boūque iugulorum iecur scatere deprehensum est. Hoc enim viscus quia terrenum siccūque est magis quàm reliqua hydropem accersit, & magis ætate prouectis quàm pueris. Itaque causæ omnes quæ iecur vehementer exiccāt, ut ardentes febres, ut calidiorum ciborum præsertim vini meracioris liberalior vsus, hydropem inuehunt: ab his quippe exarefactum iecur perinde atque terra siccitate dehiscit ac finditur. Fit præterea ascites ex iecoris aut lienis vulnere exiguo quod non altè penetrauit (hoc enim repète hominem interimit) sed summam duntaxat extimamque faciem attigit. Oritur & ex vlcere quod ferè ab illorum suppurante phlegmone atque vacuata relinquitur.

ὁ τυμπαν-
νός.

Hydrops tympanias abdominis est distētio ex multo flatu in illius capacitatem cōclusa. Moles quàm in ascite minor & minus grauis, parum fluctuās, sed rugitu obmurmurās: summus venter vngue percussus ut tympanū tinnit, multaque flatus indicia existunt. Huius ergo materia flatus est ex imbecilla concoctione & cruditate genitus: qui cum multus in vetriculo aut

aut intestinis, velut in colico dolore coërcetur, nec exitum naturalem reperit, impetu viam sibi muniens, per cæcos tenuésque ductus inter abdominis membranas magnis cruciatibus sese infert, ac demum variè impulsus in ipsum abdominis spatium penetrat aut deuoluitur. De hoc inquit Hippocrates. Quibus tormina circa vmbilicum fatigant, & labor atque lumborum dolor, qui nec medicamento aut vlllo alio modo solui potest, in hydropem siccum firmatur. Rarus certè hic hydrops, vixque syncerus flatus sub abdomine citra humoris permissione vnquã est animaduersus.

10 Intestinorum morbi causæ & signa. Cap. IX.



INTESTINA non admodum intemperie infestari solent: horum autem grauiore morbi sunt, obstructio, adstrictio, inflammatio, abscessus, & vlcus. Obstructio, aut alimèti prolapsionem, aut facis deiectione, quæ præcipuæ sunt intestinorum functiones, interpellat. Ea autè interdum, sed admodum raro fit à tumore præter naturam in intestini substantia orto, qui nonnunquam eousque increscit, vt eius ductum viamque impleat. Hic notis elucescet, quæ mox recensentur. Interdum à resiccatis obduratisque facibus, quæ in illorum anfractibus reconditæ exturbari vix possunt: siccantur verò quoties tardè descendunt, aut quum forensibus negotiis aliisque occupationibus coërcitæ sursum remeant. Euidens has causa antecessit: nullus subest dolor, nullusque tumor conspicuus. Leuiter ac facillè hæc soluitur obstructio. Interdum à crassa, lenta, verèq; gypsea pituita, quæ sensim copiosior collecta firmiusque intestinis adhærescens, omnem eorum capacitatem replet. Superuacanea quidem pituita in cerebro, in ventriculo, & in intestinis gigni consuevit: sed in cerebro tenuis & aquosa, in his verò crassa atque lenta: hæc enim peculiare est ventriculi & intestinorum excrementum, non fac alui, quippe quæ cibi excrementum est commune. Etenim quum illorum substantia frigida sit atque membranosa, crassum certè ac viscosum de se excrementum proferet, quale est pituita lenta. Hæc igitur secundum naturam gignitur cōcrescitque in intestinis: è quibus cernitur aliàs sponte facibus circumiecta descendere, aliàs clystere manifestè deduci, aliàs dysenteriae vi corradi. Quum autem parcius ea vacuatur, sensim aucta caloris vi sic tandem crassescit, vt prorsus obstruens intestina quasi infarciat, fiatque latentium difficiliumque morborum causa. Caroli Quinti Imperatoris legatus quidam dolore torquebatur, necnon tumore à dextro hypochondrio per inia ventriculi in sinistrum exporrecto. Huic quum sexennio toto remedij genus omne tanquam emolliendo scirrhus adhibitum fuisset, iniecto tandem acriori clystere durum ac firmum quippiam, medio ductu pertusum, pedis longitudine detractum est: quod ille intestini portionem esse metuebat. Sed quum repentè leuatus videretur, adhibito consilio iterum ac tertio clystere prolutus est, rursusque simili euulsa materia continuo pristinè est valetudini restitutus. Alteri cuidam similis, sed grauior affectus

fectus aluum prorsus cohibuit: qui tandem ventre supra modum intumesciente decessit è viuis: inuentumque est colum intestinum vsque aded infarctum pituita concreta, vt solidum prorsus cesseret, nihilque omnino facis in aluum delabi sineret. Vera hæc esse testamur, quæ tamen Galeno non admodum probabilia videntur. Crassior porro hæc pituita in cæci aut coli intestini cellulis diutius coërcita, nonnunquam concrevit in calculos: quales sæpe vidimus instar nucis iuglâdis, & in quodam magnitudine castaneæ quarto aut sexto quoque die dolore nullo exturbari. Hæc igitur mala concrevissent pituita efficit, qua exuperante animus virisque languent, vetriculi cruditas adest, tardaque alui deiectione, flatus plurimus obmurmurat, venter friget, ac nonnunquam colico dolore premitur.

σπινθηρι

Obstructioni affinis est intestinorum coarctatio & angustia. Ea autem fit eorum vi quæ ingeruntur: siue cibi sint, vt cotonea mala: siue adstringentes clysteres. Quinetiam à mesenterij aut viscerum tumore intestina premente: hocque frequens admodum est. Fit & ab enterocoele, quum intestinum in scrotum deuoluitur, eoque quasi vinculo coarctatur. Horum vnumquodque seipso non aliis indiciis percipi debet.

φλεγμονή.

Iam verò inflammatio in gracilia intestina non sæpe incidit: at in crassiora quæ sanguine multaque carne prædita sunt, frequenter, maximèque in id quod rectum appellant. Dolor in primis acer isque lancinans, non vt in dysenteria aut corradens, aut vagus, aut intermittens: sed in vnam eandemque sedem defixus constansque premit. Febris quam in dysenteria ardentior, eaque dum pus conficitur exasperans & inæquali rigore fatigans. Desidendi cupiditas inanis, & qua præ obstruentis tumoris magnitudine nihil minimumve deiicitur: in dysenteria verò nonnihil atque etiam creberrimè. Dolorem vel anodynus clyster mirum in modum exacuit, quod tumorem comprimat: in dysenteria compescit atque demulcet acri humore deterfo.

ἀπὸ πύου.

Abscessu facto ruptoque pus primum saniosum, deinde album & concoctum à podice exigitur: idque vel seorsum ac syncerum, vel paulum ante feces, à quibus detergi impellique solet. Tum dolor, febris aliâque symptomata mitescunt, & aluus impedimento sublato liberè exit.

ἐλκυσ.

Vlcus tum ex abscessu, tum etiam ex dysenteria aut tenasmo relinquatur. Huius dolor fixus est, cuius sensu debilitata intestina, sæpius onus suum deponunt, eructantque modò cruentam modò purulentam saniem. Id si cauum est, quoniam in parte humida consistit & excrementis peruia, diu fordidum manet, vixque tandem cicatrice obducitur, & nisi diligenter præcauetur, ferè vel in fistulam, vel in cancrum definit.

Intestinorum symptomata, horum causæ & signa. Cap. X. 40



INTESTINA non paucis diuersisque symptomatis torqueri solent, qualia hæc ferè sunt: dolorum colicus, tum iliacus, tarda alui deiectione & ileus, profluens aluus, quæ aut lienteria est aut coliquatio,

quatio, aut diarrhœa, aut dysenteria, aut tenasmus. Adhæc cruenta aut purulenta deiectio, lumbrici quoque & ascarides.

Colum intestinum amplum quum sit & laxum, anfractibusque multis sinuosum, varias sanè materias excipit, quarum exuperantia distorquetur, 5 dolorque fit, quem ab affecta sede colicum nuncupamus. Hæ autem materię sunt flatus crassior, humor aut lentus ac pituitosus, aut acer & mordax & verè biliosus, qui interdum etiam inflammationem accedit. Flatus in colo intestino plurimus gigni cumularique solet, in quo sæpius rugire vel murmurare obauditur: neque enim aliud natura cõdidit excipiendi flatus receptaculum, quem tamen prima ventriculi concoctio maximè pro- 10 genuit. Itaque flatus in hoc intestino copiosior congestus, si propter obstructionem à duris resiccatisque facibus aliisve de causis erumpere nequit, intestinũ vi distendit atque diuellit, magno certè & immani cruciatu magnoque sensu doloris. Cohibendi flatus consuetudine non paucos dissec- 15 ctione animaduertimus, quibus dilatatum colon intestinum brachij amplitudinem adæquabat: alios quibus ex imo ventre flatus toto anfractu in ventriculum resiliens ructu emittebatur, & quibus pro crepitu ructus erat: alios quoque aliis ex causis hoc symptomate continenter affligi, vt his plu- 20 res ructus quàm verba essent. Flatulentus dolor colicus vèrem distendit, vagus est & instabilis, in variis que ventris sedes se cõtortet: sæpe obmurmurat, & arètè conclusus, nec ab ore nec ab aluo erumpit: hunc causæ flatus effectrices præcesserunt. A crassa lentaque & præsertim à vitrea pituita, quæ nõ modò huic intestino adhærescit, sed & ipsum corradit, dilacerat atque in id plerumque perforantis terebelli more se infigit, colicus 25 etiam dolor exercet. Hic sæpe fixus est & altè excruciat, nauseam & pituitæ vomitionem ciet: neque ructibus neque flatibus emissis demulcetur: habuitque originem à crapula & otio, quæ cruditatem crassumque humorem progignunt. Ab acri verò erodentè humore, aut etiam ab inflammatione quisquis ortus fuerit dolor colicus, fixus etiam est, sed cum 30 febricula, ardore, siti & vigiliis: irritatur esculentis potulentisque calidioribus, à quibus etiam sumpsit originem. Atque hi quidem verè colici dolores facillè mitescunt ceduntque iustis remediis. Nephritici dolores in quibus nec arenula nec calculus exturbatur, sæpe colicorũ specie eludunt. Alij insuper, cruciatus quadam similitudine & vehementia colici nuncupantur, quibus tamen non in colo intestino sedes est, sed vel in peritonæo, vel in membranis quæ abdomini ventrisque partibus obtenduntur. Hi sanè grauissimi sunt & admodum diuturni, ac neque clysteribus, neque medicamentis, neque fomentis, neque iis remediis, quibus qui verè sunt colici dolores, deliniri solent. Eorum materia aut flatus est te- 40 nuis, aut humor acerrimus & eruginosus membranarũ spaciis conclusus, è quibus detrahi vix potest. Succedunt diuturnis febribus aliisque biliosis morbis, quorum est difficilis solutio. Natura quippe crissim noxiisque humoris depulsionem in aluum molita, quũ nusquam vacuandi viam prom-

pram & expeditam nanciscitur, illum è venis & visceribus in membranas sæpe auertit, vbi dolores exurgunt priore morbo grauiore. Obseruati & continuas & tertianas, sæpius verò quartanas febres hisce doloribus fini-
ri, qui diu circuitu certo exacuebantur parémque accessionum ordinem
 retinebant.

ἡ βραδύ-
 νουστις
 γαστρικῆς.

Tarda atque pigra alui deiectionis est, qua faeces & cibi reliquiae rarè nec pro assumptorum ratione descendunt. Per hanc faeces necessariò obdure-
 scunt, quòd diutius cohibita caloris vi continenter siccescant, ab hisque nonnihil succi semper exugant mesenterij venae, non modò in tenuia, sed & in crassiora intestina distributa. Tarda deiectionis intestinorum quidem
 symptoma est, sed quod alios deinceps morbos excitat, quocirca inter eui-
 dentes morborum effectrices causas refertur. Illinc siquidè vapore caput
 tentatur, corpus ingrauescit, ventriculi concoctio offenditur, ac reliquae
 functiones deteriores euadunt. Sæpe ex viuendi errore nascitur, velut ab
 esculentis siccioribus, acerbis & adstringentibus, quae praesertim prima men-
sa assumpta sint: ad hæc ex immoderata ciborum copia, quam pauco tem-
 pore natura neque vincere neque distribuere potest: ex otio denique &
 decubitu somnòque multo. Cæterum non hanc, sed eam quae morbi so-
 boles est tardam deiectionem perquirimus. Huius causa triplex statuitur:
 sensus obtusus qualem infligunt veternus, apoplexia & paralysis. Stimuli
 penuria, vt quum flaua bilis quæ obiter intestina ad excretionem irritat co-
 hibetur, hocque crebrò fit in ictero. Intestinorum vel obstructio vel adstri-
 ctio quæ cæteris est causis frequentior. Adstrictio à mesenterij aut viscerum
 tumore nascitur, qui intestina pressu coangustat: nonnunquam & ab en-
 terocele. Obstructio verò vel à duris siccisque fecibus, vel à crassa lentaque
 pituita, vel à concreto calculo. In quibus ergo pigra multum ac tarda est
 aluus, vt in eo quem nouimus non nisi duodecimo quoque die excremen-
 ta faciesque deicere, & aliquando citra manifestum corporis functionum-
 que detrimētum dies totos quadraginta nihil prorsus ab aluo reddidisse,
 causa quidem neque à consuetudine, neque à natura, sed ab iis quae nunc
 recensui vitiis petenda. Quinetiam tumor præter naturam in intestino ge-
 nitus, id in totum obstruit faciesque prolapsum cohibet.

ὁ ἀλός.

Hæ causae quum supra modum increuerint, excrementorum via pror-
 sus occlusa, miserabilem ileum edunt, in quo faeces aluum præterlabi ne-
 queunt. Hunc praesæpe committit intestinum, si cum resiccato sterco-
 re vel in scrotum vel in disruptum vmbilicum procidens retrudi nequeat.
 Interdum & stercus durum, & intestini tumor præter naturam: aliae verò
 causae rarius. Sub hoc omnino neque cibus descendit, neque iniectus cly-
 ster ascendit. Atque per initia intestinorum murmur inest, dolor circum-
 uectus, ructus inanis, nausea, atque venter nimium humidus. His dein
 accedit pituitæ bilisque vomitio, quicquid estur bibiturve, tametsi in inte-
 stina prouoluitur, hinc tamè postea remeat inquinatum stercoris nidore:
 ac postremò horredum visu stercus ipsum morituris vomitione reiicitur,
 frigefcente

frigescente quidem iam corpore & oborto sudore frigido.

Cita alui deiectio contrariis fit ex causis, quum videlicet cibus vel li- διέξοδος
ταχέως.
quidus vel lubricus vel pinguis nimium est, quum is sua copia venterculum
& intestina quasi pondere grauius onerat: quum quædam acrimonia eum
pungit atque vellicat, siue ea ex medicamentorum genere, siue cibus sit
corruptus, siue biliosum & acre corporis excrementum sit, aliunde eò con-
fluens, aut etiam illic genitum. Hæc quippe citam aluum reddunt, quæ &
liquida, & sæpius quam ex consuetudine deiicit. Ex iis autem quæ exeunt
profluuiorum differentia statui debent. Quum ab aluo continenter cru-
da defluunt, aquosa nempe diluta, humectia, colore subalbida vel cinerea,
grauolentia, idque solo ventris rugitu vel murmure, nullo manifesto tor-
minum dolorisve sensu, aut lenteria aut cœliaca est affectio. Si enim leuia
& æqualia sui que similia & quasi chyli aut cremoris specie profluunt, cœ- Lienteria
liaca: sin verò inæqualia & dissimilia, in quibus cibi nec obtriti nec confe- κοιλιακή.
15 ti substantia aperte cognoscitur, lenteria est. Cœliacæ affectionis cau-
sa non cruditas est, non imbecilla ventriculi concoctio, sed chyli imperfe-
cta malæque distributio, quam mesenterij, lienis aut iecoris obstructio, vel
trahentis facultatis imbecillitas, vel alimētorum maximæque fructuū fu-
gacium & potus immoderata copia peperit. Hæc enim distribui tota ne-
20 quit, sed maxima ex parte in abdomine subsistit. Ab his causis multa con-
geritur illuuius, quæ sensim in tenuioribus intestinis aucta, vel in ventercu-
lo, vel in mesenterio, vel circum viscera, tempore corrumpitur. Quumque
sua copia grauis esse cœperit, vel sponte infra interdumque supra prorum-
pit, vel à natura laceffita propellitur: nonnunquam leuissimo clysteris me-
25 dicamentive irritamento exit. Pulsus frequēs & celer existit tanquam fe-
bris affligeret, & deiectionis leuiusculæ animi defectiones obrepunt. Ante
eruptionem abdomen distenditur, ventérque prominet: hisque succedēs
spontanea perturbatio, cœliaca est affectio. Vacuato humore omni su-
peruacuo, profluuium sponte conquiescit, interdum eodem quo cœperat
30 die, interdum postero aut tertio.

Lienteria dicitur intestinorum læuitas, qua quæ per aluum defluunt, Λιεντερία
alimentis tum substantia tum colore finitima sunt. Causam habet non di-
stributionis impedimentum, sed concoctionis primæ imbecillitatem, ob
quam cibus crudus nihilque mutatus delabitur: siue quòd imbecillior vē-
35 triculus eum non conficit, siue quòd laxior ille non arctè continet dum
integrè coquatur. Venterculus autem imbecillior redditur proprio robore
dissoluto, idque bifariā, vel suo, vel externo, seu aliarū partium vitio atque
sympathia. Propria illius vitia hæc sunt: refrigeratio, cuiusmodi est ab im-
moderato frigida potu, præsertim quum corpus exæstuat. Laxitas seu e-
40 mollitio, qualem inducunt aquæ tepida, olei, butyri, adipis, prunorum,
maluæ atque similibus usus immoderatio. Aliena qualitas iniusta, qualem
fungorum, cucumerum, melonum & fructuum maligna qualitate putre-
scentium intempestiuus usus, multo que efficacius haustum venenum in-
duxit,

duxit, quemadmodum & peruersa cœli constitutio, quæ popularem sæpe lienteriam promouit. Aliarum autem partium consensu lienteria fit, quum ab illis vitium aliquod in ventriculum incidit. Sic pituita è cerebro procumbens, quia refrigerat & emollit: & bilis è iecore profusa ventriculum proritans, crudos cibos necdum planè coctos in aluum præcipitat. Sic sæpe animaduertimus ingentem abdominis abscessum, & pulmonum vomicam, & pectoris renūque suppurationē tetro malignoque nidore in cor & in ventriculum effuso, grauem periculosamque peperisse lienteriam, qualem in iis quoque cernimus, qui diuturno morbo confecti iam morti sunt proximi.

Diarrhœa quanquam dici potest omne alui profluuium, id tamē propriè designat quo synceriores humores defluūt, sine vehemēti sensu doloris. Aliās enim seorsum pituita, aliās bilis flaua, aliās atra purior apparet. Pituita crassa & mucosa ex intestinis crassioribus ferè corraditur, in quibus cumulari & concrefcere solet: sæpe & ex mesenterio in quo ea plenioris cōgesta, cedemata scirrhusque progignit, hincque ferè pituitosum omne profluuium originem sumit. At nihilominus tenuem spumofamque pituitam censuit Hippocrates è capite in ventriculum inque intestina prolabi: dulcem verò atque dilutā ex vniuerso corporis habitu deriuari. Quæ ratione etiam testatur diarrhœam soluere leucophlegmatiam, effēque balbis familiarem. Diarrhœa biliosa est qua bilis flaua aut citrina ardēs ac plerumque spumans emanat, idque sine magna ventris torsione, quòd liberè per laxas patentēsque vias defluat. Ea sæpe è calidiore iecore aut è cysti fellis profunditur in intestina: nonnunquam & ex mesenterio in quod superuacuum omnem humorem oppressa natura solet recòdere: nonnunquam sed rarius è venis maioribus atque etiā ex corporis habitu. Sic enim diarrhœam statuit Hippocrates furditatem aliósque ex bile morbos soluere. Melancholica diarrhœa aut è liene aut mesenterio prodit, quum oppressa natura vel naturalem melancholiam, vel bilem atram in aluum excutit exturbatque. Hæc autem cæteris multo est insolentior. Atra nonnunquam vsque adeo apparet deiectio, vt vel cum diluta pice vel cum cassiæ medulla conferri possit, quæ multos melancholiæ similitudine fefellit. At illa certè è sanguine fit, qui quoties aperta, rupta vel exesa præcordiorum vena, in intestina incidit, longo sinuosoque prolapsu ita præassatur ac nigrescit, vt picem planè referat. Discernitur autem quòd intincta lintea rubescant, quòdque cruenta vel comitetur, vel præcesserit vomitio.

Sed & intestinorum colliquatio ad diarrhœam referri potest: in qua quod infernè procedit, quasi adipe vel oleo perfusum cernitur. Hinc autē fit quòd recens concreta pinguedinis carnisve aut etiam (diu protrahente vitio) solidarum partium substantia liquefcit defluatque in aluum. Familiare hoc quidē profluuij genus pestilentibus febribus & causo colliquanti & hecticæ, & phthisi, & atrophix, nonnunquam & viscerum inflammationibus.

Dysenteria

Dysenteria est cruēta alui deiectionio cum dolore & ventris torsione: vn- δυσεντερία
 de & hanc Latini tormina nuncuparunt. Primum quidem intestinorum
 mucus egeritur, deinde adeps intus illis adhaerescens exiguo cruore perfu-
 sus: eaque prima est dysenteriae species. Altera quum interior intestinorū
 tunica corraditur, cuius pelliculae & fibrae deiectionibus permixtae appa-
 rent. Tertia quum alius penetrante & depascente vlcere, ipsa caro pro-
 priaque intestini substantia putris vel exesa procidit. In quo autem maxi-
 me intestino vlcus consistat, primum ex situ doloris intelligitur, deinde ex
 permissionis ratione. Etenim si cruor & quicquid corraditur, faecibus alui
 10 exquisitè permiscetur, intestina superiora: si verò id purū ac minimè per-
 mistum excidit, seorsumque faeces alui descendunt, inferiora crassioraque
 vlcere depascuntur. In hoc genere tenasmus habetur, qui directi intesti-
 ni vlcus est. Sub hoc assidua desidendi cupiditas sollicitat, sed qua nihil fe-
 rè præter mucosum quiddam & subcruentum egeritur. Dysenteriae at-
 15 que tenasmi causa est pūgens acérque humor, qui non rectā, sed per anfra-
 ctus in intestina vi quadā delatus & infixus, ea exulcerat & acrimonia ro-
 dit. Is autem vel bilis est flaua, vel atra, vel pituita falsa. Nonnunquam &
 exedentia medicamēta, vt colocynthis & adamātis pulvis: necnō vitiosa
 & acria alimenta ingesta alius se in intestinum figunt, dysenteriamque
 20 cient. Humor porro acer in intestinum irruit, interdum ex mesenterio, in
 quo iam dudum cumulat⁹ erat, vt crebrò iis accidit, quibus amplū abdo-
 men prominet: interdū è iecore vel è liene, vel ex vicinis partibus: interdū
 è venis maioribus atque ex ipso etiā corporis habitu. Hæc omnia propriis
 signis nosse expedit, vt certa sit curatio. Non omnem dysenteriam febris
 25 comitatur, sed eam dūtaxat cuius humor est acerrimus, isque è visceribus
 aut è venis magna corporis perturbatione profusus.

Cruēta alui deiectionio qua cruor sine dysenteria ac sine tenasmo fertur,
 raro ex iecoris imbecillitate fit, sæpius ex apertis internis hæmorrhoidi-
 bus. Qui è iecore imbecillo dimanat, verus cruor non est, sed dilutus &
 30 recentis carnis loturae persimilis. Hic idcirco rarissimè apparet, quod inso-
 lenter admodum sanies ea per mesenterij venas è iecore prolabatur in in-
 testina. Qui autem seorsum purus ac rutilus exit ex aperta hæmorrhoi-
 de est, quæ hunc proximè è vena caua profundit, modò egestionis initio,
 modò in fine & in ipso egerēdi conatu. Interdum & grumus rubens hinc
 35 procidit, dum hæmorrhoids stillat in recti intestini capacitātē, in qua om-
 nino coit. Neque igitur ex apertis mesenterij venis sanguis multus, neque
 ex superioribus liquidus ac rutilus descendit, sed vt antè dixi picis instar
 retorridus ac niger.

Purulenta excretio si exigua & cum dolore prodit, ab vlcere aut inte-
 40 stinorum aut podicis est, quod vel dysenteria, vel tenasmus, vel phlegmo-
 ne reliquit: hoc autem antecedens affectus commonstrat. Si copiosior est
 atque doloris expers, ex abscessu quodam mesenterij in proxima inte-
 stina fertur. Nunquam certè aut admodum rarò è iecoris aut è lienis
 abscessu,

abscessu, multoque rariùs (quod tamen affirmat Galenus) è purulentis pulmonibus syncerum pus in aluum deriuatur. Hanc tamè illi viam comminiscitur, è pulmonibus eructari in sinistrum cordis ventriculum, hinc in aortam arteriam, ex hac in minores quæ per mesenterium feruntur pelli & excidere in intestina. Auicennas aliam viam confinxit, è pulmonibus in dextrum cordis sinum, hinc in venam cauam, è qua in iecur & portas, ex quibus in mesenterij venas tandè in intestina. Cæterum in his figmentis fieri omnino nequit, vt tam longo viæ tractu pus quod sanguinis permistione tinctum fuerat, tadem album redeat, secernaturque syncerum.

ελμινθες Lumbrici ex omnibus corporis partibus maximè intestina occupare solent: quanquam & exiguos interdum in renibus genitos vidi cum vrina profusos, & in pulmonibus, & in auribus, & in dentibus: sæpe etiam in neglectis abscessibus vlcerebusque sordidis. Ex crassa lentaq; pituita, quæ in intestinis frequè corrupta præparataque fuerat, ab vberimo insito calore suscitantur vitamque sumunt, eorum animalium exëplo quæ ex putri materia cœlestis caloris ope vitam habent. Vt autem varia est putrescentis materiæ figura, ita & variæ fiunt lumbricorû species. Alij longi sunt ac teretes, qui in superioribus gracilibusque intestinis gigni solent: è quibus dum cibis descendit obnituntur & sursum plerumque irrepunt in ventriculum, quem grauib; torquet symptomatis. Inde per gulam os ipsum con-
αι σφογ- γήλαι. scendunt, è quo hiantes etiam profiliunt: clauso verò dormientibus per palati cauum obrepunt in nares forasque prodeunt. Alij breuiores sunt & lati cucurbitæ seminis effigie, quorû procreatio est vel in cæco intestino, vel in coli cellulis: atque hi sæpe mira serie inter se coherent. Alij exigui sunt & tenues simulq; teretes (ascarides appellant) quibus ferè sedes est in recto intestino & extremo sphinctere: adultis nonnunquã horû multitudine fœces cõsparguntur. Hos etiã animaduerti interdum ab ano pruritu quodã emergere, hincq; in femora natésq; quoquouersum serpere. Omnibus materiam suppeditant cruditas & crapula, deinde eorum vsus, quæ facile putrescunt, vt lactis, casei, fructuumque dulcium & fugacium. Ita-
αι πλά- τεϊαι. que pueri quàm adulti his multo sæpius affliguntur, quod illorum calor humidior sit, confertiorque halitu perfundantur. Lumbricorum signa sunt ventris distètio cum murmure atque torsione, lientericum profluuium, corporis dissolutio, faciei pallor, oculorum suffusio vel suggillatio, narium pruritus. Quùmque sursum obrepunt, agitati (maximè per in-
ασκαρίδες edias & cibi penuriam) intestina morfu aut suctu feriunt, siccam tussim mouent: oris ventriculi præcordiorumq; cõpunctione animi defectiones, syncopas, epilepsias: ascensu verò tremorem, deuorandi conatum & strangulandi metum inferunt, quibus malis infantes plerique sunt extincti.

Ani affectus atque symptomata.

Cap. XI.

40



IN VM hi affectus occupant, phlegmone, abscessus, fistula, fistula, condyloma & hæmorrhoids, cuius symptoma est sanguinis effluuiū.

Phlegmone fit copia sanguinis è vena caua per hæmorrhoides

morrhoides in partes inanes quæ circa podicem sunt incidente. Hæc quæ ex aliis causis tum maximè ex multa durâque equitatione proficiscitur. Dolor inest admodum acerbus isque lancinans & qui premendo exacuitur, foras interdum prominet, alius non nisi difficilè & summo cruciatu exit, ac interdum dies multos sistitur comite etiam febre.

Abscessus è phlegmone relinquitur qui in recti intestini cauû sapius quàm in cutem erumpit: quandoquidem parte molliore exedens pus sibi promptius viam parat. Rupto abscessu vlcus manet purulentum ac sordidum, quale & nonnunquam existit ex neglecto tenasmo. Id autem in fistulam breui degenerat: vix enim parte humida & excrementis peruia coalescit, sordiumque copia callosum, diutissimè manat, etiam dolore sedato. In hoc pus vel seorsum vel deiectionis initio exit, multò secus, quàm è mesenterij aut superiorum partium vlcere. Sed & id visum est interdum in vesicam penetrare: ac tum micturo crepitus è pudèdo perinde atque è podice, deinde puris atque etiâ fecis nonnihil mistum vrinæ prorūpebat.

Ragades, id est, fissuræ, ani vlcuscula oblonga sunt, quibus sphincteris rimæ proscinduntur, iis similes quæ inferius labrum & manus pedesque dilacerât. His finitima sunt & leuia quęcunque sedis vlcera. Dolor acerrimus est cum ardore citra phlegmones indicia, vlcerisque extremum expressa ano plerumque oculis patet. Fiunt autem vel duriorum asperitate facum, vel humoris acris falsi siccantisque morsu.

Condyloma durum est tuberculum in ani margine ortum, aut verrucæ, aut grani vix, aut maturi mori, aut ficus effigie. Ex melancholico nigroque sanguine illic sensim extuberat & increscit, tædio potius quàm dolore molestum.

Hæmorrhoids verò quæ externa & conspicua est, ex ano quoque surgit ac prominet. Ea ex atro melâcholicoque sanguine fit, qui è caua in extremum venæ profusus, nódum tamen illinc præ loci duritie exiliens cumulat, idque implet & in ficus speciem distendit. A condylomate autem distat, quòd & breuiori tēpore fiat, & affligat graui dolore, quòdque nondum in callosam duritiem concreseat. Atque ea cæca appellatur hæmorrhoids, quum nihil sanguinis effundit. Quæ verò aperta iam est, sanguinem interdum spòte, in conatu semper profundit, nec in tantum tumorem attollitur. Interiores hæmorrhoides quum corporis venæ aut multo aut acri turgent sanguine, nullo ferè sensu tumoris dolorisve superuacuum sanguinem eructant, idque solùm in egerèdi conatu, atque is seorsum conspicitur face minimè permistus.

Hæmorrhoidum symptomata sunt immoderata sanguinis profusio, & eius minimè cōsueta suppressio. Vtrūque enim præter naturam est, fitque grauium morborum causa. Sola quippe vacuatio naturalis ea cēsetur, quæ quod graue infensumque est, velut onus inutile deponit citra corporis infirmitatem, citràque virium iacturam. Profusionis causa continens vel in sanguine est, qui multus, tenuis aut acer violenter erumpit: vel in venis quæ

quæ aut apertæ aut exesæ aut ruptæ iam sunt. Suppressio autem contrariis fit ex causis.

αἰσχρὸς πρὸ
πρωμ.

Anus procidit modò sponte, modò egerēdi conatu, apparētque sphincter totus interdum inuersus atque prouolutus. Causa est musculi resolutio seu laxitas ex multi humoris perfusione: qua ratione pueris & infantibus quàm adultis id vitij familiarius obseruatur.

Renum morbi, causæ atque signa.

Cap. XII.

νεφρῶν.



RENES morbi pauci exercent: inflammatio, obstructio, abscessus & vlcus. Inflammatio quæ propriè nephritis appellatur admodum rarò accenditur in renibus, quòd firma eorum & prædura caro ægrè fluxionem admittat. Fit tamen interdum renibus ictu casuue cõtufis, accersitæque fluxione per emulgentes venas. Hanc adesse testantur, ardor ingens, dolor grauis ac pulsans in ea inanitate, quæ est inter extremâ costam & coxendicem. Hic & vicinas partes quæ circum præcordia sunt, circum lumbos, circum coxendicem & pubem atque partes obscenas, distentione conuellit. Extremorum frigus, atque cruris è directo siti stupor inest: mictio cū ardore atque labore frequens, principio tenuis & cruda, deinde crassa atque mucosa: aliis impedita & pigra. Hinc ventris distentio, febris assidua, nausea, ructatio, crebræque vomitio.

νεφρῶν ἔμ-
φρῶν.

καμμῶ-
νις νε-
φρῶν.

νεφρῶν λι-
θῶν.

Renis obstructio varias habet causas: arenulas, calculum, humorē crassum & viscosum. Rarum quidem est vixque vnquam compertum, vt à solo humore vel crasso vel lento ren totus obturetur: à calculo aut ab arenulis sapissimè, à quibus etiam solis vrina supprimitur. Arenulæ autem non in interiore cauo, sed in propria renum substantia proueniunt, à qua duræ sunt ac rubræ & renis substantiam colorémque retinent. Illinc fluentis vrinæ impetu raptæ feruntur in cauum, prolabunturque in vesicam per vteretas, & vrinam reddunt arenosam. Si curatio negligitur, tempore crassescunt illæ, vel mutuo adhæsu inter se colligatæ calculum coagmentant, & atque componunt. Hic dein è renis substantia exturbatur in cauum, quumque euellitur, renis partem cui adhærescebat, sine doloris sensu diuellēs & quasi dilacerās, saniem prolicit, quæ pariter cum vrina profunditur, eamque crassam, turbidam, subnigramque reddit. Calculus autem exceptus renis capacitate si exiguus est, nō multo pòst tempore in caput vrteris infert, ex quo magna vi summòque dolore nephritico in vesicam procidit. Si crassiusculus est aut salebrosus & asper, in via diutius hæret & magno cruciatu vrterem dilacerat. Sed & nonnunquam in renis capacitate subsistit ac permanet, quum præ crassitie non satis lata illi est vrteris via. In illam contrusus & exagitatus acerbum sæpe dolorem mouet, quū præsertim profilit atque se infert in vrteris caput: at is mitescit calculo remeante in renis cauum. Hic (nisi tempore procidit) assiduo arenularum appulsu coagmentatur in verum renis calculum, cuius nec vna semper est magnitudo,

magnitudo, nec vna forma, nec color vnus. Confirmatus ferè renis calculus implet consuetasque areñulas exire prohibet: ac proinde renum calculus veteres dolores nephriticos obtegit & dissimulat. Perfectum in rene hunc esse docent, affecta partis grauitas, ob quam vix spina dorsi inflectitur: cuius tamen dolor, non vt is quem destillatio peperit, externarum partium pressu admodum manifestus est. Nullo tumore foris conspicuo obtusioris cuiusdam doloris sensus inest, præsertim quum aluo suppressa ren ipse vel flatu vel face premitur, aut quum decubitus est in aduersum latus, aut quum vehementior est exercitatio. Nephriticus dolor ex interuallis citra calculi excretionem redit: per laborem & duram equitationem vrina profluit cruenta, tum quippe calculus suo pondere & attritu renem contundit ac plerumque sine sensu dilacerat exulceratque, è quo sanguis cum vrina profunditur. Cruris, quod è directo affecti renis est, torpor quibusdam inest molestus. Calculi materia est crassus & viscosus humor in renem pariter cum sanguine eiusque sero excurrent, qui aliàs ex cruditate, aliàs ex torrido terrenoque sanguine processit. Efficientem causam omnes quidem profitentur immoderatum esse renum calorem, qui humores perurens, siccans, & obdurans cogit in lapidem. At certè alia statuenda causa efficacior longèque crebrior, insita renum arenosa calculosaque constitutio. Hanc quisquis à parentibus contraxit, vix vlla ratione calculi tormenta effugiet: quandoquidem hoc vitium omnium est maximè hereditarium, vt nò paucis pariter cum renibus calculus procreetur. Adiuuatiū porro causarum præcipua est otium somnūque diurnus decubitu supino.

25 Renum abscessus quo purulenta materia coërcetur, rariùs ex phlegmone fit, sæpius ex sordido vlcere non expurgato, ea ratione quam mox subiiciam. Concoctione tamen phlegmones pus gignitur & abscessus, tantus interdum vt distento rene tumor circa lumbos & ilia foras promineat. Febres cum horrore oberrant: grauitatis sensus quàm antè magis infestat. 30 Rupto autem abscessu pus cū vrina defertur, & interdum sordes aut corrupta caro ex putri renum substantia.

Vacuato expurgatoque abscessu vlcus manet diuturnum admodum ac ferè immedicabile. Quæ enim substantiæ portio vel putredine vel attritu exesa est, neque refarciri vnquam neque coalescere potest: quandoquidem 35 viscus hoc vt cætera spermaticū est, cuius etiam vrina iugiter præterfluens vlcus agglutinari non sinit. Quocirca sordidū id vt fistula perpetuò relinquitur. Huius signū est quòd modò pus, modò mucosum quiddam vrina permistum defluit: hincque vrina redditur alba, turbida, lactis sero per similis, quæ tandem quiete sedimentum id purulentum mucosumve deponit. 40 Vlcus ex abscessu phlegmones insolens admodum est. Nec minus id quoque insolens putadum, quod vel à profluentis materiæ acrimonia renem exedente, vel ab ictu, vel à casu eius venas disrumpente fieri tradunt. Crebrò autem ac ferè semper à calculo intus coërcito fit, qui vel pondere renem

νεφρῶν ἀ-
ποσημα.

ἑλκωσις.

renem contundit, vel attritu comminuit exeditque. Ita sæpe vidimus tota renis carne ac substantia peresa, ambiente tanquam marsupio membrana pus calculosque multos obuolui. Vlcus ab his causis ortum habuisse argumento est, quod vrina antequam purulenta esset, sæpe cruenta fuerit, praefertim ab exercitatione & labore, quod febris nulla aut perobscura fatiget. Siquando autem obstructo vteris capite pus cohibetur, id sensim vel per emulgetem in maiores venas redundans, sanguinem habitumque corporis inquinabit (qua ex causa quasi ex leucophlegmatia calculosos tumere ac palefcere sæpe animaduerti) vel ea sede congestum ilia lumbosque copia distendet, è quibus etiam aperta cute diu multumque manat. Nonnunquam & illinc calculus ingens cum pure alias excessit, alias euulsus est. Hac quum accidunt tota iam penè renis substantia putredine consumpta est, illincque pus redundans inter peritonæi membranas fluctuat. Huius copia interdum vidimus totam ventris lumborumque regionem distendi, & pus hinc tum deiectione, tum vomitione reddi syncerum.

н вѣдѣти
хн ісхуи.

Nephriticus dolor, acerbissimus est renum cruciatus, aut certè vteris cuius est sensus eximius. Is in renis situ fixus alterutro latere stabilis est, nisi quòd interdum vel ad coxendicem vel ad testem qui è directo iacet, vteris tractu protenditur. Non ut colicus dolor in ventrem medium aut in omnem illius regionem murmure quodam euagatur: neque semper citata & expurgata aluo discussisque flatibus mitescit: sed immanitate & ferocia peritonæum còuellit: hinc viscera & ventriculus subuertuntur, ac primum quidem pituitosa, deinde biliosa, vomitione reiciunt. Vrina quum malum incipit pauca, tenuis, & aquosa est, interdum verò supprimitur: postea copiosa, crassa, & arenosa exit, eaque ardoris quodam sensu ad crebrius meiedum compellit. Decubitus in ægram partem dolorem demulcet, in aduersam exasperat. Creber admodum est ac multis frequens hic dolor, colicus verò rarus. Tanti cruciatus neque inflammatio, neque sanguinis grumus, neque crassus humor causa statui potest, quòd mollis ac fluidus facile obsequatur, quòdque obseruamus crassiolem mucum, imò & còcretum pus nullo sensu è renibus facile prolabi. Vnus calculus causa fit doloris, qui crassiusculus inæquabilis ac scaber dum per angustum vterem deuoluitur, hunc magna vi dilatans atque dilacerans perquam immaniter excruciat. Iis qui iam pridem nephriticis doloribus erant assueti vsque adeò dilatatum vterem aliquando còperimus, ut in eum maior digitus immitti posset. Per hunc mediocres calculi sine molestia excidebāt, qui olim nō nisi summo cruciatu procidissent. Qui verò aut nondum, aut certè rarò & leuiter nephritico dolore tentati sunt, minimo calculo distorquentur. Hunc autem à colico discernere in primis arduum est, quia nihil excedere manifestò deprehenditur. Sedato atque restincto dolore etiam atque etiam considerandum, dolorisne causa in vesicam exturbata sit, an in renis cauum remigrauerit. Si exturbata est, cauendum ne illic subsistat, & assiduo materiae appulsu in vesicæ calculum coagmentetur. Iam verò eiecto cum vrina calculo

calculo, æstimandum solidusne sit an ex arenularum adhæsu compactus. Ex iis namque medendi ratio constituitur. Neque iis credendum est, qui calculos albos in vesica duntaxat, rubros in renibus nasci affirmant. Nam purulenti renes albos quoque proferunt.

Vesicæ morbi, causæ, signa atque symptomata. Cap. XIII.



VESICA calculo crebrius affligitur, inflammatione & abscessu admodum raro, exulceratione nonnunquam. Vesicæ calculus magnitudine, substantia, colore, figura atque situ plerumque variat, nec vniusi modi cernitur in omnibus: hinc & varia symptomata laborantes exercent. Huius causam plerique omnes tradunt crassum esse crudumque succum, qui per venas cum vrina in vesicæ capacitatem influat, in qua tanquam sæx subsidens, loci calore exarefactus sensim lapidescat. At verò quid limum istum (nisi forte admodum angusta aut obstructa sit vesicæ ceruix) tandiu possit illic remorari non video, quum & sanguinis grumus, & pus, & mucosa lentaque pituita, aliæque multo crassiora facile illinc profluant cum vrina. His argumentis adductus aliam cœpi causam inuestigare, ac tandem cœperi omnem calculum in vesica conclusum, rudimentum quoddam è renibus traxisse, è quibus per nephriticum dolorem excidens, si grandiusculus est, in vesica aliquandiu hæret ac plerumque persistit, illicque allatarum sordium adhæsu coagmentatur, dum verus confirmatusque lapis fiat. Ita quidem neminem hætenus offendi in vesica calculum habere, qui nephriticis doloribus diuexatus antè non fuisset. Et quoscunque exemptos vesicæ calculos obtriui (obtriui autem experiundi gratia permultos) in eorum medio quasi nucleum reperi, verum rudimentum è renibus exturbatum, diuersi quàm reliquum integumentum ac inuolucrum & coloris & substantiæ. Propria calculi vesicæ signa hæc ferè sunt, vaga quædam & oberrans circa pubem & perinæum titillatio, siquidem exiguus is & levis etiamnum est: quum verò grandescit incumbentis grauitatis pondus percipitur, vt idcirco difficilis & doloris plenus per salebrosa loca sit incessus, multoque difficilior saltatio. Mictio crebrescit adeo vt & tandem assiduò meiendum sit, vixque possit vrina cohiberi. Quum meiendum est, vrinæ fluor repète intercipitur, obuiam quidem impulsò calculo, sicque minimè continuata, sed intercisa est emictio. Ac tum dolor aliàs vniuersum pudendi ductum, aliàs glandem solam affligit, isque acerrimus sub emictionis finem, quum calculus vrinæ cursu incitatus quasi proditurus sphincterem violentius comprimit. Meiendi conatū comitatur desidèdi cupiditas, quòd calculi magnitudo è perinæo rectum intestinum vt vesicæ ceruicem extimulet. At verò nonnunquam summæ vesicæ adhærescens calculus, & quasi ex illa propendens, vix vllum ex his signis manifestè exhibet: & visi sunt, qui nullo dolore diu illum gestaerint: omnibus tamen hæc signa modò mitia sunt & obscura, modò sæuiora. Vrina alba, crassa, & turbida redditur, in qua sedimentum purulentum

R est

ή λιθώσας
κύστις.

signa calculi in
vesica

est aut narium mucori persimile. Horum signorū plurima etiam spectantur in cauo & sordido ceruicis vlcere, quale venerea gonorrhœa profert. Hæc verò ex causis antecedentibus internoscenda sunt. Si vlcus inest sordidum fœda illa gonorrhœa iamdiu antecessit: sin calculus, laborans miris quibusdam nephriticis doloribus fuit opportunus, neque semper calculum doloris causam eminxit. Ad extremum verò digitus in anum aut certiùs catheter in vesicam immissus, quod cōiectura dubium incertūque fuerat, sensu explorabit confirmabitque.

φλεγμω-
νωρ σφιγ-
κτηρ.

Inflammatiō si qua premit, ea non vesicæ vt quæ tenuis exanguis que est, sed sphincteri ceruicis musculo insidet. In ea febris ardens & acuta infestat: dolor perquam acerbis ac lancinans in perinæo cum rubore & ardore excruciat: vrina supprimitur summo tamen meiendi desiderio atque conatu: aluus solito adstrictior est, quia rectum intestinum inflammationis magnitudine coarctatur: pubes atque pecten ad vmbilicum vrinæ copia distenditur. Catheter præ loci angustia immitti non potest: sed & in primis periculosa est irritatio, quandoquidem hic affectus sæpe in gāgrānam vel sponte abit, è qua vix vllus vnquam seruatus est. Quum abscessus fit & suppuratio, omnia ingrauescunt: eo autē aperto mitescunt, pure quidem erumpente, subsidente verò tumore profusāque vrinæ exuperantia.

Ex abscessu si seruetur ager, vlcus in sphinctere cauum manet ac sordidum, è quo cum vrina crassa modò sanies, modò pus copiosum & graueolens excidit, tandēque subsidet in imo. Visus est & hic abscessus per perinæum erumpere, è quo vrina reddebatur nōnunquam & in anum penetrare, illacque vrinam omnem defluere.

τῆς κού-
ρας ἑλκω-
σις ὠδινώ-
λαια.

Quinetiam vesicæ corpus ipsosque vretes leuior interdum exulceratio occupat, qua interior duntaxat pellicula abraditur. Ea fit aliàs à cōtundente corrodetēve calculo, aliàs ab vrina acriore, quam vel vini meracioris ciborumque calidorum vsus, vel acris falsique humoris permistio tulit. Ex vtraque aliquanto crassior euadit vrina, & modò sanguine, modò pure exiguo perfusa: pelliculæ aut squammulæ, aut furfurea quædam cum vrina exeunt. Cæterum ab ea quæ in vretere cōsistit exulceratione, dolor inter renem & pubem affligit, & pus capillorum specie natat in lotio. Ab ea verò quæ in vesica, vrina contineri nequit, assidua meiendi cupiditas perurget, neque laborans erectus stare potest: ingens cruciatus & indefinens vesicam, pubem, perinæumque obsidet, maximus verò emictionis tēpore.

ὡς τῆς ὠρί-
ας ἑλκω-
σις.

In penis ductu ab eisdem causis leuis quoque fit exulceratio abrasa interiore tunica. In hac quæcunque modò dixi etiam cum turbida vrina manant, attamen non vt in illis sub emictionis finē, verum vel ipso initio, vel etiam sponte citra vrinæ cursum. Inter meiendum vrina, acrem in pene dolorem parit, præsertim quum fluere vel incipit vel desinit: quemadmodum in vesicæ exulceratione (cui acris vrina semper incumbit) perpetuus ac indefinens est dolor. Fiunt & in vrinæ ductu exulcerationes sordidæ atque cauæ illis multo deteriores, cuiusmodi hoc seculo frequentes protulit

protulit venerea lues, de quibus postea.

Priapismus est colis arrectio & incrementum præter naturam perma-
nens citra libidinis stimulum. Hic interdum cum inflammatione interdū
citra hanc existit, quum inflatus coles quodam tetano distenditur. Causa
est flatulentus spiritus pudendi arterias fistulosumque neruum affatim im-
plens. Is autem vel ex crasso viscosoque humore caloris inopia suscitatur,
vel ex genitalis seminis vbertate atque redundantia. Hoc mali genus in-
solens admodum est, quo tamen narrant iugulatum quendam biduo ab
excessu è vita intentum rigidumque exhibuisse penem.

10 Iam verò præcipua partium obscenarū symptomata sunt rei venereæ
impotentia atque gonorrhœa. Impotentia ea fit, aut quia extincta virili-
tate semen intus non gignitur, aut quia emitti nō potest. Extinguitur vi-
rilitas ex senio, ex morbo, ex causis omnibus quæ insitum spiritum robur-
que dissolunt, ex incantamentorum (neque enim fabula est) maleficiis,
15 & ex medicamentis quæ genitale semen aut proprietate aut qualitate ma-
nifesta perimunt. Non emittitur verò semen in magna vasorum obstru-
ctione atque in partium obscenarum paralyti. Posteriores tamen rei ve-
nereæ libidine iactantur, hanc tamen membrorum ignavia non exercēt,
priores verò nec ruunt in venerem, nec eius desiderio pulsantur.

20 Gonorrhœa, est inuita & nimia seminis profusio citra venerem, citra
libidinis insomnia, citra colis tēiginem, leui quodam aut nullo oblecta-
tionis sensu titillatūve facta. Sed & gonorrhœa species quædam est, quū
occasione minima semen emittitur, vt in eo qui sola clysteris perfusione
semen eiaculari consuevit. Sed & quendam vidi qui longa gonorrhœa
25 consuetudine, per insomnia atque etiam cogitatione sola purum san-
guinem, non minori voluptate quàm semen effunderet. Malum qui-
dem est gonorrhœa mulieribus perinde atque viris commune. Est autem
in hac semen crudum, aquosum, liquidum, ac tenue, nec prorsus album.
Effluuij causa est spermaticarū partium infirmitas, qua vel nō cōcoqui vel
30 nō retineri semē potest tātisper dū coquatur atque crassescat. Quamobrē
frequens iis esse solet, qui impuberes necdum matura atate veneri petu-
lantius sese addixerūt. Nam imbecillæ partes euadunt, in quas longa con-
suetudine humores abundantius confluunt.

Quum per insomnia libidinis, aut in attenta rei venereæ cogitatione
35 semen affatim procidit, non, vt in vera gonorrhœa, crudum id & aquo-
sum, ac sine sensu, sed magna utique voluptate exit. Effluentis huius cau-
sa est feminis vel exuperantia, vel calor & acrimonia naturam proritans,
vel ingens spermaticarum partium robur: hoc argumento quòd volup-
te iucunda id semper emanat.

40 Inuasit hoc seculo in humanum genus ex lue venerea quoddam vi-
tium gonorrhœæ finitimum, quod idcirco & fœdam virulentamque go-
norrhœam appellamus. Principiò virus album aut subcitrinum è vasis
spermaticis sine sensu excidit vigilanti pariter atque dormienti. Eius

hæ causa est spermaticorum vasorum atque testium imbecillitas, nō illa quidem simplex, sed ex venenata lue contracta: hæc enim efficit ut quicquid in his valis colligitur, in tetrum fœdumque virus faceat: quod dein contagione alium quemvis cōtaminat. Tempore virus hoc putret & acrimoniam asciscit, ductum penis in transitu exedit & exulcerat. Factum verò iam vlus esse ostendit dolor exortus, qui & in tentigine quasi funem peni subtenit, & in emictione tanquam in dysuria acrius stimulat, ut idcirco multi in calculi vesicæ suspicionem venerint. Sed hæc propriis affectuū signis haud difficilè sit internoscere. Tam altè interdum excavatur vlus, ut foras emergat in penis summam cutem. Hoc virulento fluore præter rationem suppresso, intus plerumque colligitur abscessus, aliàs quidem circa testiculum in epididymide, aliàs in perinæo, qui rupta apertave cute materiam fundit.

Vrinæ diffinitio

Urinæ diffinitio

*νευρο
ελκος.*

Diuturnum quidem penis vlus esse solet, vixque vnquam sponte fane scit. Quocirca in eo neglecto vel tuberculum carnosum instar verrucæ expullulat, vel cumulata fordes in callum obdurefcit: idque nō vno meatus loco, sed duobus ac plerumque tribus. Adnati tuberculi callive notæ sunt: vrinæ suppressio, vel tenuis emictio, qua non pleno illa cursu ac fluore, sed exili quodam quasi filo exit. Pene cōpresso durum tuberculum deprehenditur, & immisso cathetere obuiā fit obstititq; quasi offendiculum. 20

ο σφ. βήτης

hystoria

Meiendi porrò symptomata sunt: diabetes, vrinæ incontinentia, ischuria, dysuria, stranguria, mictio cruenta atque purulenta. Diabetes immoderatum vrinæ profluuium est, quo assumpta potio nihil mutata profunditur. Quibus venter aut corporis habitus aquosi humoris copia tumet, iis interdum magno impetu vrina quàm potius longè copiosior emanat: 25 quomodo obactum quendam & tumidulum vidi ex multa mictione diebus circiter octo, mirum in modum extenuari & concidere. Qui largissime bibunt, copiosam quoque profundunt vrinam, ut is quem nouimus quotidie horæ spatio tepentis aquæ medicatæ libras sexdecim exorberet: etenim qualem sumpserat, talem protinus emiebat. Cæterum horum affectuum neuter diabetes putandus: sed quum siti inexplata supra modum bibitur, omnisq; potus nihil ferè mutatus mox effluit. Hoc proprium est renum symptoma, in quibus calor ingens, aut ardentissimus humor impactus, vim trahendi feri vehementer impellit, quod tamen præ retinendi imbecillitate continuò prolabitur in vesicam. Proinde corpus vniuersum 35 & siti & calore immodico exhaustum planè contabescit. Sed hoc quàm rarissime symptoma vsu venit, vixque vllus est deprehensus, qui copiosæ emictionis non aliam intus causam haberet.

*δυσουρία
πρωκτε-
ρος νεύ
ρα.*

hæ

Vrinæ incontinentia dicitur quum ea sine acrimonie & doloris sensu manifestè excidit præter arbitrij imperiū: hisque signis longè distat à dysuria. Fit autem resolutio sphincteris cervicis, atque iis nervis paralyti affectis, qui è lumbis in eum inferuntur musculum. Hoc aliàs ex ictu aut casu, aliàs ex refrigerio aut destillatione fit. Qui se in somno permeiunt quales maximè

maximè pueri, his quidem non paralyfi, sed sola laxitate atque mollitie sphincter dissoluitur, qui neque exuperantiam, neque acrimoniam vrinæ sustinere potest, præsertim quum animales vires somno sopitæ obscuram functionem obtinent.

- 5 Ischuria his cōtraria est, vt qua prorsus vrina supprimitur, nec hui⁹ quicquam exit. Causam Galenus plerumque refundit in obtusum vesicæ sensum, ob quem illa se impleri non sentit, nec idcirco ad excretionem irritatur. At certè vrina quandiu patentem liberamque viam habet (vt in iis qui ob calculū secti sunt) nullo propellente aut excernente prolabitur, & suo-
10 pte impetu foras excidit. Vna igitur suppressæ vrinæ causa est adstrictio vel obstructio. Hæcque vel vreterum amborum capita, vel vesicæ ceruicem opplet. Vtrum autem eorum in causa sit, certis notis peruestigandum. Si alterius duntaxat vreteris via obstructa est, haudquaquam supprimitur vrina, per alterum enim perlabitur. At quum vterque obstruitur aut coar-
15 ctatur, suppressio fit, hinc conspicua, quod laborans renis vtriusque dolori fuit opportunus, lumborum summa grauitas est, ac interdum vehemens vtrinque dolor excruciat: nulla aut minima meiendi cupiditas vrget: in pube nec dolor nec tumor, ne premendo quidem percipitur: vesica inanis est & vacua, vt ne immisso cathetere vrinæ quicquam emanet. Quum ve-
20 rò obstructa vesicæ ceruix vrinā cohibet, assiduum meiendi desiderium premit, summusque sed irritus conatus est: pubes collectæ vrinæ copia distenditur ac dolet: atque si catheter in vesicā inferitur, copiosior vrina impetu profluit leuamentoque est. Obstructio circa vreterū capita ferè fit à calculis grandiusculis, qui pariter illis impacti sunt: rarò vel ab humore
25 crasso, vel à sanguinis grumo: rariùs ab inflammatione vel à pure. In vesicæ ceruice plerumque fit, vel ab inserto & hærente calculo, vel à tuberculo carnosio aut calloso, cuiusmodi ex virulenta gonorrhœa succrescit: rariùs à crasso humore, aut à pure, aut à sanguinis grumo. Hæc enim non diu subsistunt in via, sed facilè vrinæ cursu ac impetu foras impelluntur.
30 Cuidam annū agenti trigessimum obstructa vesicæ ceruice, vrina affatim tanquam emictione ex vmbilico in multos menses profluxit: idque citra tumorem, citra vllam aquæ in abdomine collectionem, & citra valetudinis offensam. Quum hinc multi admiratione tenerentur, audirem verò recens in lucē edito malè vinctū vmbilicū nūquam coaluisse, exhincque
35 semper nonnihil stillasse, censui nondum inaruisse vrachum, & nunc illi perinde atque dum vtero gestaretur vrinam è vesica in vmbilicū refluere.

Stranguriam, id est vrinæ stillicidium nuncupant, quum vrina stillatim guttatimque redditur: id aliàs quodam cōnatu, sed dolore nullo, aliàs vehementi dolore & irritatione fit. Quæ nullo fit dolore, easdem causas
40 atque ischuria obtinet, sed sanè leuiiores, quòd sit diminuta quædā ischuria. Quæ cum dolore acri, tum ischuriæ, tum dysuriæ permistas causas habet. Quòd enim guttatim stillet, ischuriæ: quòd verò ardeat ac stimulet, dysuriæ rationem sumit.

R. iij Dysuriæ

δυσουρία.

Dysuria penis & vesicæ vt dysenteria intestinorum difficultas est: vrina quippe magno cruciatu atque dolore interdum affatim, interdum guttatim redditur. Causa vel in vrina consistit, vel in vesicæ ceruice. In vrina quod acrior euaserit, idque aut victu calidiore, aut bilis permistione, aut acrimonia puris ex rupto abscessu manantis. In vesicæ ceruice vel exulceratio, vel inflammatio est, quam transiens vrina acrius ferit. Causæ his signis internoscuntur, quæ suprà vnicuique affectui sunt ascripta.

αἱματηρὸς
δυσουρία.

Mictio cruenta est quæ sanguine perfunditur. Puri syncerique sanguinis eruptio ex interiore penis meatu, mictio haudquaquam appelletur, quod sine vrina nulloque voluntatis arbitrio, ex aperta, rupta, vel exesa vena fiat. Quum autem sanguis vrinæ permiscetur, si copiosus est, vel à renibus excidit, vel à sphinctere ceruicis musculo: nam neque ab vterere, neque à vesicæ corpore multus emanare potest. Qui à renibus defluit, vrinæ toti exquisitè permiscetur, vt ea quasi dilutus & tenuis quidam sit sanguis: hic verò mox subsidet rubicundus, liquidus, ac minimè concretus. Huius causa si neque casus neque ictus fuit, debet omnino ad calculum referri, qui per corporis laborem præsertim per exercitationem validam, renem eiusque venas obterēs, sanguinem profundit. Sola sanguinis emictio sæpe renis calculū patefecit, qui aliis nullis indiciis se prædebat, vt ne subesse quidem putaretur. Sic diu potest multa emictio cruenta prodire, sine manifesta virium iactura. Quæcunque huius aliæ causæ tradi solent, vt renum imbecillitas, simplex eorum apertio, iecoris infirmitas, plethora, menses aut hæmorrhoidum suppressio, raræ adeò hæc & insolentes obtingunt, vix vt vnquam solæ cruentam mictionem protulerint. Qui porro sanguis à sphinctere musculo in vesicæ capacitatem instillatus mictionem cruentam reddit, vrinam non æquabiliter perfundit, ac subsidens in imo concrefcit in grumos: eius quoque portio aut grumus interdum citra vrinam excidit: dolor plerumque meiendo premit, ac veluti penis radicem adurit, aliæque vel vlceris vel ruptæ venæ signa comitantur.

πυώδης
δυσουρία.

Mictio purulenta interdum è renibus, interdum è penis ductu prodit. Illa pus habet accuratè permistum, aut si quid fortè crassius seorsum est, id sub finem emanat. Hæc verò primo loco pus syncerum eiacularur, quod vel à penis ceruice, vel à parastatis exulceratis, vel à vasis spermaticis exierat: ab hoc dein purior vrina subsequitur.

ῥωμέ-
λαινα
δυσουρία.
μυξώδης.
τεχνία.

Mictio subnigra ac turbida sine dolore, si neque ab ictero neque à crasso si prodit, ab euulso calculo est, qui postea nō sine molestia exturbabitur è rene. Mucosa vel ab vlcere quodam, vel à calculo vesicæ fit. Filis aut capillamentis conspersa, vel à lenta pituita, quæ in vteribus, vel à seminis excremento, quod in vasis spermaticis longitudinem hanc adipiscitur. At verò tum hæc, tum alia quæcunque vrinæ possunt immutare, fusiùs explicantur in iis quæ de vrinæ contentis sunt tradita.

Scroti

SCROTVM & qui in eo sunt testes tum inflammatione labefactantur, tum tumore duro scirrhosoque, tum omnibus herniæ generibus. Inflammationem accendit tenuis feruidusque sanguis præter naturam in scrotum & testes profluens. Scrotum in tumorem distenditur, durities inest, rubor atque calor, dolor lancinās, qui leui contactu exacuitur, febris plerumque comes. Quod si inflammatio testem solum occupet, hæc in profundo demersa sunt, tactu melius quàm visu comprehensa: sin verò in scrotum effunditur, omnia foris extant oculis obuia.

Malè curata inflammatio illic sæpe prædurum tumorem ex calore præproperè extincto relinquit. Tum rubor, calor & dolor absunt, durities vna persistit, cuius nonnihil plerumque immedicabile permanet.

Hernia seu ramex aliàs in inguine prominet, Bubonocèle appellatur, mulierum atque virorum communis, aliàs in scroto, quæ virorum duntaxat est. Fiunt autem quum quippiam in alterutrâ sedem illapsum, tumore parit. Illapsus causa est peritonæi (quod omnia sub abdomine coercere solet) ruptio aut dilatio. Quum sola est ruptio interioris membranæ (du-

plex quippe est peritonæum) tumor in inguine solo existit: quum verò huic etiam dilatio accedit eius membranæ, quæ in scrotum deuoluitur, hoc pariter distenditur. Illabuntur autem varia, ex quibus ramicum differētia statui solent. Ab intestino, enterocèle est: ab omento, epiplocele: ab aqua, hydrocele: ab adnata carne, sarcocèle. In enterocèle & epiplocele perma-

nens tumor non est: nam resupino & intestina & omentum vel sponte vel blando digitorum impulsu remeant: illa quidem rugitu & flatulento murmure, hoc verò ægrius, & nullo sono, nullo rugitu. Hydroceles atque etiam sarcocèles tumor perpetuus est, nec impulsus in abdominis capacitatem cedit. Hoc autem discriminis intercedit, quod hydroceles tumor

mollior est, pulsatus resonat, pòdere leuis, & opposito lumine perspicuus. Sarcocèles tumor durus, grauis & obscurus, qui longiori tempore pedetentim increuit. Vt autem viris in scrotum, ita & interdum mulieribus tum intestinorum, tum omenti aut aquarum prolapsus fit in pudenda, è quibus illa videntur tanquam è sacculo propendere. Sed & vmbilici ruptio

ramicis genus censerì potest, quo sæpe videtur is mirum in modum prominere, intestinis sub cutem prorumpentibus. Neque præter institutum fit eum virum producere, cui ex accepto ventris vulnere præcisum tenue intestinum prodit, è quo alui excrementum nondum solidum aut coherens continenter emanat annos iam quindecim, ea via intercepta quæ in anum ducebat. Ab his iam mulieri peculiares morbos exequar.

R iij Vteri

ή κήλη.
βυβωνο-
κήλη.

εἰπερονή-
λη.
ὑδρωcele-
κήλη.

ὕδρονήλη
καὶ σαρκώ-
κήλη.

οἱ ἐξ ὀμφα-
λοι.



VTERI morbi varij obsident: phlegmone, abscessus, vl-
cus, cacer, scirrhus, mola, inflatio, hydrops, calculus: & in
cervice rhagades, condylomata, hæmorrhoides. Phleg-
mone fit tenui feruidóq; sanguine è vena caua per tenues
venas, non in vteri capacitatem, sed in illius substantiam
effuso: qui collectus accensus ac putrescēs, phlegmonem
parit. Malum certè in cervice quàm in vtero frequentius. Quum totus vte-
rus inflammatione obsidetur, dolor acer ac pulsans excruciat: atque si in-
flammatiō in priorem partem magis deurgit, in pubem quoque dolor
inclinat, & vrinæ difficultas est: sin verò in posteriorem partem, dolor lum-
bos infestat, & aluum supprimit. Pubis, imi ventris, lumborūque ardor,
tumor, distentio atque grauitas inest: febrisque comes assidua cum sym-
ptomatum syndrome: immisso in cervicem digito quæcunque pars vteri is
prematur, vehementer dolet.

ἐκστήμει.

Putri sanguine in pus transeunte abscessus fit. Ac tum commemorata
signa inualefcunt, februm horrores sæpe adoriūtur nullóque ordine: om-
nia tamen confecto iam pure mitescunt. Rursū verò quum pus acre &
exedens eruptionis viam parat, acriores dolores, febres vehementiores, a-
liæque grauiora symptomata excruciant.

ἐλκος ἐν-
πυρόν.

Rupto expurgatōque abscessu vlcus manet, idque sordidum. Pus autè
ex vteri corpore, vel in illius capacitatem incidit, vnde syncerum proflue-
re deprehenditur: vel extrà in abdominis capacitatem penetrans, inter in-
testina hæret ac subsistit, vt imū ventrem copia distendat premátque pon-
dere. Ruptus in cervice abscessus tactu quidem deprehenditur, atque is
interdum in solam cervicem pus effundit, tandè que foras emittit: inter-
dum in vesicam, tūmque vrina per vteri cervicem assiduò fluit, hácque ex
re sæpe vidimus naturalem mictionem prorsus abolitam: interdum in di-
rectum intestinum penetrat abscessus, tūmque facis nonnihil ex vteri cer-
uice profluit.

ἐλκος σις
ἐνδὲ πο-
λίου.

Leuior interdum exulceratio vtero eiúsve cervici inuritur, quæ interio-
rem pelliculam corradit aut excauat modicè. Fit autè à partu difficili, quo
aut grandior fœtus editur, aut etiam aduersus, aut corruptus vi miserè ex-
trahitur. Fit & à violento effrenique concubitu, atque à diuturno fluore 35
acri & erodēte. Ab omni exulceratione dolor subest acer, pūgens & ex-
dens, faniēs & colluies emanat, eaque copia, substantia, & colore varia,
nonnunquā fœtida, nōnunquam odoris expers, quàmque à simplici fluo-
re vix discernas. Propria autem exulcerationis cognitio ex causis antece-
dētibus atque ex sensu doloris capitur, qui vel immisso digito, vel acri in-
iectione, qualis ex vino aut ex hydromelite est, refricatur.

τῆς μήτρας
ἐλκος κα-
ρκινώδες.

Vteri maligna vlcera, quòd locus excrementis putredinique pateat,
sæpe vel in nomas, id est depascentia efferatāque vlcera, vel in carcinoma-
ta

ta degenerant. Nomæ inæquales cōspiciuntur, exedentes, indiesque magis ac magis depascentes, cæteris vlceribus fœtidiore, sordidiore, acerbiorisque. Neque à solis euidētibus causis, sed & ab acri exedentēque humore infixo originem habent. Carcinoma humor efficit atribilarius, qui collectus vi caloris efferatur & excandescit. Hoc si nondum exulceratum est, moles pondere grauis percipitur, tumorque durus colore subliuido. Ab inflammatione hinc seiungitur, quod diuturnus sit, dolorque minus lancinans, & febris non perinde ardens. A scirrho quod calore dolorque fatiget. Exulceratum verò carcinoma vt nomis malignius est, ita præter cæteras notas labra habet prætumida ac dura, atque ex concreta illuue, sordida & liuida: sanie quoque id manat graeolente, tenui & nigra vel etiam fulua.

Scirrho autem interdum totus vterus, interdum pars quædam obdurescit. Tum durus ipse tumor tactui renititur, nullus aut obscurus dolor adest, stantibus graue pōdus (quod in aliis etiā tumoribus obtingit) quasi prolapsurum incumbit in pudenda: sedentibus verò aut decubentibus sua grauitate rectum intestinum premit: incessus difficilis, crurum totiūque corporis segnities. Fit autem ex humore crasso ac terreno per vteri substantiam effuso, illique concrescente: aut ex inflammatione quæ neque diffoluta est, neque in abscessum conuersa.

Mola tumor est carnosus, non in substantia, sed in vteri capacitate genitus. Rudimentum interdum cuiusdam formæ obtinet, sæpe moles est informis cute vel membranis obducta, intus caro mollis & confusa, venis respersa compluribus, sine ossibus, sine intestinis, sine visceribus. Alimentum ea per venas prolicat, nutriturque plantarum more & incrementum sumit, vt interdum ventrem quasi octimestris fœtus distēdat. Hæret nonnunquam acetabulis firmissimè, vt hanc aliquæ quatuor quinqueve annos, interdum & totam vitam vtero gestarint. At plerumque leuius adhærescens, tertio quartove mense excidit, nondum ad iustam magnitudinem perducta.

Ad hanc proximè accedunt irriti & inutiles conceptus, quorum frequens est euentus. Multi simul interdum gestantur pariunturque, & interdum cum legitimo fœtu eduntur. Molæ causa efficiens non est solus sanguis menstruus, neque hanc (vt oua quæ appellantur subuentanea) efficere potest solum muliebre semen, quum nusquam visa sit mulier molam sine mare concepisse: sed molæ causa est viri semen, idque aut corruptum, aut quouis modo inualidum, quod alimentum quidem trahere, nihil verò conformare potest. In mola quemadmodum in conceptu menses sistuntur, mammæ turgescunt, cibi fastidium inest, venter sensim attollitur, vt idcirco concepti fœtus suspicio magna sit. Atque his signis distat à scirrho. A fœtu autem vero atque legitimo, quod hic blandè ac leniter mouetur: mola aut grauitate figitur, aut impetu quodam prouoluitur in quodcunque latus mulier decumbat. In mola mulier

καρκίνωμα.

σκιρρόθαι-
σα μήτρα.

ή μύλη.

πλήμμενα
ἄκυρα
ἄρρηκτα.disformis fœtus
i mola

lier ad incessum grauior euadit, eique quasi pondus propendet ex vtero, artus gracilescent, dolorque vterem saepe compungit: quorum nihil adest in vero atque legitimo foetu, praesertim si valetudine integra est mulier.

ἐμπνθυμα
του μελι
μήτρας.

Vterus praeterea nonnunquam tumet atque distenditur flatuum copia, qui aut edito partu in vacuam capacitatem irreperunt, aut alia ex causa illic geniti coarctantur. Pecten imusque venter inflatur ac dolore concutitur, qui & plerumque ad septum transuersum & inguina excurrit: agitato corpore interdum sonitus obauditur, vterque digitis impulsio tympani sonus editur, ac flatus e ceruice manifestò prorumpit.

ὕδρεος ὕ-
σεως.

Tumet & nonnunquam vterus aquarum copia, qui certè hydrops est vterinus. Inflationis signa adsunt, sed grauitas maior & sonus quasi fluctuantis aquae. Huius quemadmodum & ascitæ efficiens causa est iecoris aut lienis vitium, aqua tamen ex abdominis capacitare cæcam & inusitatam viam sibi parat in vterum. Interdum etiam vena caua solum sanguinis serum eodem instillat. Mulier quædam hoc hydrope correpta, quoties appetebat menstrua purgatio, omnem aquarum colluuiem ex vtero per ceruicem profundebat, peluésque sex aut octo implebat aqua citrina feruentissima, dum venter totus subsideret. Mox dein menses insequerantur ex naturæ præscripto. Collecta proximo mense par colluuiem, statò dein tempore profluebat. Hæc tandem persanata vterum gestauit, peperitque bene vitalem foetum.

Siphoria

ἡ δὲ μήτρα.

Rhagades, condylomata & hæmorrhoides in vteri ceruice, in eiusque pudendo, perinde atque in ano proueniunt. Percipiuntur dolore, aut cruoris profusione, maximèque in coitus attritu: atque etiā (nisi foras prodeat) instrumento vterino, quod dioptrismum appellant.

25

Vteri symptomata, horumque causæ.

Cap. XVI.



ἡ ἐμπνθυμα
ὕδρεως.

TERI propria symptomata sunt: mensium suppressio, mensium profluuium atque stillicidium, albus fluor vterinus, gonorrhœa duplex, vteri strangulatus, ascensus, descensus, prolapsio & conuulsio. Hinc furor, dolor: adhæc quoque sterilitas & abortus aliaque gestantis vteri incommoda. Menstrua purgatio ex naturæ præscripto primùm erumpit ætatis anno quarto decimo, desinit verò quinquagesimo. Quibusdam à duodecimo in sexagesimum persistit. Plerisque ferius incipit citiusque desinit. Horum causa est tum naturæ, tum victus varietas, quæ aliis copiosam, aliis perexiguam purgationem exhibet. Itaque aptus & conueniens purgationis modus est, qui naturæ & vitæ generi est consentaneus: hoc vno signo dignoscendus, quod vbi desit, neque vires grauatas neque imbecillas relinquit.

ἡ τῶν υγ-
γρῶν ὕδρεως.

Mensium suppressio in ætate matura citra prægnationem, omnino præter naturam cæsetur: quemadmodum & eorum purgatio rarior quàm menstrua, & parciore quàm naturæ & victus conditio poscit. Hinc symptomata succedunt: nausea, cibi fastidium, lumborum, scapularum, capitis, totiusque

tiusque

tiúsque corporis grauitas, & dolor quasi tenuis lassitudinis: vrinæ crassæ, turbidæ, rubicundæ, ac plerumque nigricantes: ex quibus tandem graues ac diuturnos morbos fieri commemorat Hippocrates. Euidentes horum effectricésque causæ sunt, cibi potúsque parcitas, labor vehemens, sudor multus, sanguinis immoderata, vel ex naribus, vel ex hæmorrhoidibus, vel è secta vena profusio, vomitio aut alui immodica vacuatio, corporis extenuatio ex quocunque sit morbo contracta. Quinetiam curæ ac mœrores & timor horrendus, sæpe menses suppresserunt. Interiores verò causæ aliæ quidem in principibus partibus vel in toto sunt corpore, aliæ in vtero solo. In principibus partibus vt in iecore, in liene, in vetriculo, aut in pulmonibus. In his si qua est frigidior intemperies contracta, aut vehemens obstructio, aut scirrhusa durities velut in ictero, in cachexia, in hydropo, in asthma, in alijsque affectibus, quorum vitio venarum sanguis labefactatur, fieri certè nequit vt menses rectè atque ordine ex naturæ præscripto fluant: quemadmodum neque si crassorum viscosorumque alimentorum vsu, aut frigida multa potione, aut otio diuturno, frigidus lentus crassusque sanguis euaserit. In vtero autem mensium purgationem impediunt, refrigeratio, obstructio tū quæ simplex est, tum quæ à tumore fit, vt à scirrhuso, ab inflammatione: vteri quoque peruersio, & quicquid interius os eius obturat, vt concretus sanguis, caro excrescens, adipis copia, & adnata pellicula, aut ab vlcere malè inducta cicatrix: aut cōformationis naturale vitium, ex quo mulierem vidi, cui nūquam vel menses, vel aliud quicquā fluxit ab vtero, ac nihilominus bene habita prorsusque incolumis annos vixit circiter sexaginta.

Immoderata autem mensium purgatio vltra naturæ vitæque modum est, qua aut copiosior sanguis, quàm pro multitudine, aut diutius profluit, aut crebrior, aut non statò circuitu redit. Omnis nimia & exuperantis vacuationis signum est virium imbecillitas, & eorum symptomatum inuasio, quæ immodicam sanguinis effusionem sequuntur: cuiusmodi sunt inappetentia, cruditas, fœdus faciei color, pedum ac deinde reliqui corporis tumor œdematosus. Fit autem vacuationis exuperantia ab his causis omnibus quæ sanguinem ita excalfaciunt, extenuant, vel quoquomodo exagitant, vt promptè ora venarum patefaciat, tantòque impetu efferatur, vix vt possit naturæ robore cohiberi. Fit & à plethora, quæ tanta plerumque exuberat, vt non solùm venarum ora aperiat, sed & ex iis tenues interdum dirumpat, quod his ferè accidit, quibus menses diu suppressi postea confertim ac concitatiùs erumpunt: & quibus abortus aut veri aut irriti fœtus quauis ex causa contingit. A partu quoque laborioso atque difficili, quum vel grandior fœtus, vel oblique situs, nimio conatu excluditur, in quo vel rumpuntur venæ, vel nimis dehiscunt, vt idcirco immoderatus sanguis, quemadmodum & ab euidentibus causis quibuscumque violentus emanet. Crebrior mensium purgatio, siue bis, siue ter ea mense redeat, si modo copiosa sit, iisdem quoque fit ex causis. Etenim neque huius ordinem, neque

ἀμετρος
κινωσις
καταμην-
ια.

ἀτακτος
καὶ συχὸς
πέρα κατὰ
μηνίαν
καὶ διαστή-
μα.

que mensurā natura moderari potest. Atque hæc quidem immoderatæ eruptiones confertim ac repente fiunt. Est & vteri stillicidium seu fluxio diuturnior, qua sanguis parçè ac sensim, nullòque ordine illabitur, interdum quidem purus, interdum serosus & quadam saniei specie: idque aliàs assiduò, aliàs ex brevioribus interuallis. *Huius causa est venæ exesio, modò simplex, modò vlceri coniuncta*, quod nonnunquam in vtero, sæpius in eius ceruice consistit. Quum simplex est exesio, aut nullus aut obscurus est dolor, sin verò vlcus adest, manifestus ac vehemens, plerumque immisso digito deprehensus.

ῥοὺς γυναικῶν.

Fluor quem muliebrem aut vterinum appellant, à mensium profluio distat, quòd nō syncerus sanguis, sed corruptum quiddam prodeat, idque continèter, aut nullo ordine, nullòque circuitu. Est autem id modò liquidum & albicans lactis sero aut ptisanæ cremori persimile: modò citrinum aut pallidum adeò acre ferè & adurens, vt quascunque partes attigerit, erodat aut leuiter exulceret: atque id rursum modò tetrum est & graueolens, modò odore nullo molestum. Prodeuntium odor, color, atque substantia floris speciem cōmonstrat. Causa autem quæ corruptum humorem assiduò gignit, aliàs in vtero, aliàs in principibus partibus consistit. *Grauius proinde hallucinātur, qui omniū ex vtero prodeuntium, quemadmodum & omnis suppressionis mensium causam ab vno requirunt vtero.* Etenim quibus mulieribus viscera refrigerata, vel obstructa, vel scirrhus dura, cruditates, malum habitum aut leucophlegmatiam inuexerūt, corruptus humor in varias partes effusus, sæpe in vterum procumbit, & illac decurrens corpus expurgat, quod aliis quibusdam per renes aut per aluum fieri contingit. Hoc quidem vitium multorū commune, sed maximè in ea muliere conspicuum, cuius suprā diximus hydropem mensibus singulis per vterum expurgari. Neque verò affectus hic ætate maturas tantū, verumetiam virgines quas pallor decolorat inuadit, quo & puellam octauo ætatis anno obsessam vidi, ac diu postea grauiusque afflictam. Atque hæc floris vterini causa admodum frequens obseruatur. Altera causa ex vtero longè quidem rarior existit, eaque vel intemperies est ferèque frigida, vel imbecillitas ab vteri gestatione, à partu, à cōtusione, aut ab alia externarum causarum vi contracta: vel erosio, vel exulceratio ex inflammatione aut ex abscessu derelicta. His quippe causis oblatus vterus & proprium alimentum malè conficiens, excrementa multa progignit, quæ foras elabuntur & excidunt. Internoscuntur causæ, quòd ex solo vteri affectu parciore sit fluor, & eius affecti adsint indicia: at ex viscerum totiusve corporis affectu, fluor sit copiosus, nec malè affectorum viscerū notæ desint.

γυναικῶν
καὶ ἀνδρῶν
γυναικῶν.

Muliebri flori affinis est gonorrhœa, quæ mulieres perinde ac viros imò etiam frequentius exercet, quòd harum semen vt pote crudius ac diutius minus subsistat. Profluit autē citra vllam veneris titillationem, nec assiduò nec quotidie vt in vterino fluore, sed quibusdam interuallis, non ab vteri capacitate, sed à vasis spermaticis in vteri ceruicem, estque id album,

bum, ferosum, omnis expers graueolentia & acrimonia ac omnino paucum. Huius eadem est causa atque virilis gonorrhœa.

Hac autem multo crebrior est virulenta gonorrhœa, quam impura venus infligit, eo modo quo antè in viris est comprehensum. Quod per hanc excidit, cōtinenter assiduūque fertur vt in vterino fluore. Est tamen crassius multo, atque modò album, modò flauum aut virescens, odore graui molestum, acre & exedens: ac proinde rarò deprehenditur citra pudendi vlcus. At nondum his notis certò possit ab vterino fluore internosci: sed hinc maximè quòd non vt ille ab vtero, sed à spermaticis vasīs prodeat: quòdque prorumpentibus mensibus non desinat, sed cum his & mox ab iis similiter persistat: vterinus verò fluor cesset in mensium eruptione & aliquanto post tempore. Quinetiam luis venereæ signa se produnt, neque vterini floris seu primarij, seu eius qui viscerum vitio fit, indicia vlla cernuntur.

Hystericorum porrò symptomatum grauissimus est ab vtero stragulatatus. Primū quidem quum leuis & exigua est mali causa, ex vtero sublatus vapor viscera ventriculūque feriens, nauseam quādam mouet, cui tamen rarò succedit vomitio, sæpe tēdium quoddam & cibi fastidium, idque interdum cum murmure ventrisque rugitu, interdum citra hæc. Quū vapor in diaphragma thoracisque partes effertur, respirationem breuem crebrāque tanquam compresso pectore facit. Simul etiam cor obsidens leuem interdum animi defectionem inducit, qua tamen vix pulsus immutatur. Metus hinc atque desperatio ægram concutit, ac plerūque tanta vt se mox interituram putet, nullāque ratione in spem erigi & recreari possit. Malum altius in fauces inuadens, eas quasi vinculo cōstringere, aut manu præcludere videtur, prorsusque spiritum intercipere magno suffocationis metu. Vbi verò cerebri arcem cōscenderit, aliàs quidem furorem vterinum appellatum, cum garrulitate, iracūdia, & inquietudine mouet, aut alia desipientia genera metus horrorisque plena: aliàs quasi soporem quendam ac veternum inducit, quo mulier corruens velut attonita iacet, sine motu, sine sensu vllō, respiratione adeò parua & rara, vt interdum nulla esse credatur, tāquam ipsa iam mortua extinctaque sit. At nihilominus pulsus interdum constat validusque est, interdum obscurus paruusque, vt ne percipi quidem possit. Hi varij sunt ordines variaque hystericarum accessionum formæ, quæ circuitu vt epilepsia repetūt, aliis quidem crebrius, aliis rariis dum discussa sit earum causa. Sub accessionis finē humor quidā ex muliebribus locis excurrit, intestina obmurmurant, deinde oculi attolluntur, malæ rubescunt, intellectus, sensus, ac motus restituitur, & corpus firmari incipit. Sæpe tamen deprehensum est frigus, tum temporis è capite per ceruicem in scapulam & brachiū illabi, quod stuporē difficilēque motum redderet, exhiberētque speciem quandam paralytis, sed quæ nō multo post discuteretur. *Causa* Causa quidem accessionis hystericæ est vapor ex vtero, non solum per venas aut arterias, sed & per spiracula cæca & latentia

εργασίας
γονόρροια.

ή πνίξις
ενή.

μαύλον

μαύλον

μαύλον

μαύλον

latentia sublatus, atque is certè venenatus tàmque malignus ac perniciosus, vt partium quas attigerit facultates offundat earumque functiones intercipiat. Si vaporis naturam spectemus, plurimorum venenorum conditione frigidus is & melancholicus est. Huius focus est vterus, in quo vel menstruus sanguis, vel conclusum semen, vel alius quiuus humor in hanc venenatam malignitatem corrumpitur. Vt igitur sæpe animaduersum est comitalem morbum ab vtero vel in prægnate suscitari, è quo venenatus humor tetrum vaporem in cerebrum expiraret, ipsumque morbum cum partu finiri, ita & de hystericis symptomatis credendum. Hæc autem vix putem duntaxat vel à menstruo vel à semine suscitari, quum & 10 eas quæ bene purgantur, & vterum gestant, & viri consuetudine fruuntur, plerumque fatigent: quumque supra quingentas eodem cœnobio degere videamus, quæ diu consuetum veneris vsum intermiserunt, nullo hystericico symptomate. Quiuis autem humor in vtero hoc modo corruptus, eius generis vaporem ex loci natura venenatū expirat, & vnde vita, illinc 15 & summa veneni pernicies exoritur. Hinc fit vt tametsi viris diu hæmorrhoides suppressæ sint, aut veneris vsum sit intermissus, nulla tamen hystericis similia symptomata contingant. Hæc quoties grauius incidunt, noscuntur quidem facili, leuia difficili, quòd melancholicis aut cardiacis non admodum sint dissimilia. Debent autem omnium affectarum partium 20 obseruatione, omniumque signorum consensione discerni.

Vteri ascensus, descensus, prolapsus, atque conuulsio mulieres sæpe fatigant. Galeni motus autoritate nonnunquam putavi vterum nihil aut perexiguum è sua sede dimoueri: at ægotarum mulierum modò querimonia modò precibus adductus, hunc sæpe tactu deprehendi instar globi cuiusdam in ventriculum efferri, eumque grauiter opprimere. Hinc & sæpe manu depressus est manifestoque in propriam sedem propulsus. Neque id sanè alienum magis videri debet, quàm eiusdem prolapsus, quo totus ferè procidit. Ascensu non quæ strangulatu symptomata fiunt, sed duntaxat premitur mulier quodam præcordiorum dolore, spirandi difficultate 30 aut animi defectione, at sine metu, sine delirio aut alio symptomate grauiore. Descensus vteri appellatur, quum in inferas partes is prouoluitur. Percipit obstetrix hunc pudendo obuium: laborans verò si erecta steterit, grauitatis pondus in pudendum incumbere: sin verò vel sedeat, vel supina iaceat, vel aluum exoneret, quasi onere rectum intestinum premi: sin 35 prona iaceat, vrinæ difficultatem nasci, vt etiam viri congressum pertimescat. Prolapsus descensu grauior est, quòd euersus vterus foras procidat, eiusque fundus promineat, & manu attractetur anserini saltè oui magnitudine. Conuulsio est quum vterus in alterutrum inguen contorqueatur. Inguinis ac sæpe coxendicis vehemens tum dolor exercet, qui si atrocius excādescat vteri furor appellatur: crus totum maximèque femur torpescit ac friget. Tam varij motus & errores iis duntaxat obtingunt, quibus vteri appendices laxiores, idque vel ex graui vteri gestatione, vel ex casu

casu atque contusione, vel ex copiosi humoris perfusione euaserunt. At
 prolapsus non ex leuioribus hisce causis, sed ex vehementiore solum pa-
 riendi conatu, quo uterus foetum secundaeve excludens impetu consequi-
 tur, seque inuertens praecipitat: interdum & imprudentis obstetricis teme-
 ritas utrum cum foetu aut cum secundis inuertit detrahique. Quibus ita-
 que habenae seu appendices laxiores sunt, his uterus quoties irritatur, sur-
 sum deorsumve, aut in alterutrum latus se contorquet. Irritatur autem aut
 rei praeter naturam quam in se continet, aut externa eiusque aduersa mo-
 lestia. Tum quippe lacescit & quasi succensens de proprio loco decedit,
 10 aliàs in aliam partem oberrans, ut quod infensum inimicumque est fugiat,
 quod verò iucundum ac blandum sequatur. Ita quidem rem habere sensus
 animaduertit, ut proinde non parum demirer Galenum, contra Plato-
 nem censuisse, uterus nihil aut certè perexiguum moueri, idque non per
 se, sed duntaxat à vinculis & appendicibus quibus annectitur, dum pleni-
 tudine distenta contrahuntur breuioraeque fiunt. At tamen si sponte mo-
 uetur uterus aut errat, nō idcirco animal haberi debet. Nam & ventricu-
 lus pars etiam planè naturalis, sine arbitrio, sine iussu nostro mouetur: quū
 rei alienae iniuria lacescit magno impetu hanc vomitione repellit: aut
 quum fame exinanitus iucundo cibo quasi gestiens occurrit, huncque ab
 20 ore vixdum praemansum eripit, ereptumque auidè ad eò continet & arctè
 amplexatur, ut vndique contractus in eum totus incumbat. Hæc si in ven-
 triculo conspicua sunt, multo magis in corde, cur non similiter in v-
 tero fiant? quem scimus prima foetus conceptione semen attrahere, geni-
 tumque foetum mensibus nouem continere, & maturum (quasi cognitio-
 25 ne sit praeditus) excludere.

Sterilitatis causæ. Prægnantium signa, symptomata, horum-
 que causæ. Cap. XVII.

30 **S**TERILITAS ut alia pleraque symptomata, aliàs uteri obscæ-
 narumque partium, aliàs viscerum vitio tum viris tum mulieri-
 bus inducitur. Steriles enim & infœcundi sunt impuberes & se-
 nio confecti, quod his tenue & aquosum languidumque sit se-
 men: & qui vel ætate matura morbo acuto, vel etiam diuturno confi-
 ciuntur, qui vel humores corrumpat, vel spiritus principes offendar. Ad
 35 horum conditionem accedunt, & qui citra manifestam corporis actio-
 numque vitæ offensionem, principum partium ut ventriculi, iecoris, lie-
 nis ac pulmonum latenti vitio, intemperie, obstructione aut scirrho tenē-
 tur, maxime si vel cachexia, vel leucophlegmatias, vel icterus, vel tabes &
 corporis extenuatio, vel lenta febris, vel alia quædam cacochymie soboles
 40 sit consecuta. Viri enim ita affecti aut semen non proferunt, aut prorsus e-
 uanidum & infœcundum, utpote nec ex utili materia productum, nec spi-
 rituum benignitate perfusum. In mulieribus verò quæ ita sint affectæ aut
 viri semen utero non concipitur, aut conceptum à muliebri semine de-

S ij stituitur

stituitur moxque excidit: aut retentum principum partium vitiis obrutū
 extinguitur, idque vel mox, vel aliquanto post tempore. His ex causis non
 modò sterilitas fit, sed & mola, & irritus conceptus, & foetus languidus &
 abortus, multo quidē frequentius, quam peculiari vteri errore. Iam ve-
 rò obscenarum partium vitia, quæ sterilitatem accersunt, in viris quidem
 numerantur: pudendi paralyfis & atonia, gonorrhœa, vasorum spermati-
 corum obstructio, coarctatio, & contusio: testium pudendique exilitas &
 quævis mala conformatio. In mulieribus eadē atque in viris testium sper-
 maticorumque vasorum vitia: & oris vteri cervicisve nimia amplitudo
 vel angustia, obstructio, obliquitas, peruersio, hincque nata mēsum sup-
 pressio: quæ omnia non signis egent, seipsis quippe conspicua. Adhuc vte-
 ri semen suscepturi intemperies immodica sterilitatem facit. Calidior ea
 est, quum (vt in viragine) genitalia pruriunt nimisque titillantur venere,
 & menses parcè & cum labore emanant ardorēque exulcerant. Frigidior,
 quum venus est ignauior, menses aut supprimuntur aut parcè fluunt, atque
 ij decolores: lumborum, pubis, crurūque stupor inest. Humidior, quum
 tenue, aquosum, copiosumque mēstruum redditur, ac sæpe vterinus fluor
 infestat, frequēsq; lumborum & pubis grauitas premit. Impedit etiam
 & nimia coarctatio ab omento pingui, & vteri inflatio, omnis denique af-
 fectus insignior. Quæcunque igitur mulier ætate matura his vitiis mini-
 mē tenetur, & bono rectēque conformato est corporis habitu, nec exte-
 nuato, nec obæso, lumbis latis amplōque ventre, fœcunda censeatur. Eam
 autem hinc nosci putat Hippocrates, si veste obuolutam subter suffias, at-
 que odor per corpus ad os & nares transmitti deprehendatur: sterilem ve-
 rò quum in via extinctus odor eò minimē pertingit. Quinetiā allium ex-
 purgatum si pelli forma dormituræ subdatur, odorque vel sapor ad os per-
 tingat, fœcunda est, sin minus sterilis. Hordeum in mulieris aut viri vrina
 maceratum, si deinde sepultum decimo die germinet, fœcunditatem, sin
 minus sterilitatē arguit. Præterea si vrinæ viuū sulphur inspergatur, hinc-
 que vermes prodeant, fœcunditas, sin minus sterilitas est. Quū igitur ma-
 ris ac fœminæ congressu conceptus non euadit, vtrius id culpa contingat
 hæc indicabunt. Sepe tamen vlti venit, vt neuter cōeuntium sit sterilis, sed
 quia eorum sunt inter se abhorrentes naturæ, nihil idcirco ex sese, ex aliis
 verò generare possunt. Sic amborum impense calidorum non facilis est
 consensus, vti nec frigidorum: temperaturum atque etiam contrariorum
 perutilis congressus.

Itaque mulier viro iuncta conuenienti & consentaneo, quæ nec natu-
 rali nec aduentitio vitio sterilis sit, nec ad veneris vsum ignauior, ea ad cō-
 ciendum apta idoneaque est. Eam autem concepisse coniiciendum, si
 ingenti oblectatione vnā cum viro, aut certè paulò post semen eiacularur.
 Si exceptum id retinetur nec excidit, nec à concubitu mulieris pudenda
 madent. Tum etiam eo ipso die mulier aut leuiter inhorrescit, aut titillatu
 quodam vterum contrahi percipit, dum semen arctius comprehendit, aut
 dolor

dolor leuis inum ventrem obsidet. Vteri os interius arctè adeò conuiet,
 vt ne specilli mucronem admittat. Deinde pleniore distentioque iam vte-
 ro, os illud interius quod oblongum erat, breuius fit, ac retrahitur, sursum-
 que remeat, vix vt immisso obstetricis digito attingi queat. Veneris ap-
 petentia languet, huiusque aliquanto negligentior est pragnans. Men-
 strua purgatio præter consuetudinem subsistit, nec statò tempore proce-
 dit: quum enim vteri acetabula secundarum adhæsu obturètur, osque ip-
 sum interius conuiet, nihil sanguinis ex vteri capacitæ elabatur. At
 quibus fortasse sanguis primis mensibus aut etiam postremis effluerit, ex
 10 iis venis quæ ad vteri ceruicem pertinent, quemadmodum & virginibus
 emanat, citra vllam fœtus offensionem. Mense secundo etiam si menstrui
 aliquid profluat, quia tamen prouida solersque natura sanguinis nonni-
 hil reponit in mammas superioresque sedes, pectoris venæ impleri, mam-
 mæ verò turgere ac durescere incipiunt. Fœtu grandescente latera lumbi-
 15 que expanduntur dilatanturque, ac venter citra manifestam gravitatem
 intumescit. Quibusdam tum temporis in facie vel citrinæ vel liuidæ ma-
 culae, vel lentigines efflorescunt, vel oculorū ambitus liuescit aspectu lan-
 guido: aut alia symptomata vrgent, quæ posthac enarrabimus. Vrina ci-
 treo aut subliuido est colore, crassaque ac turbida, quæ leuiter cōcussa bul-
 20 lulas vel granula è summa corona demittit: in hac quod per quietem sub-
 fidet innatæve crassum est & malè cohærens, carptæ lanæ haud absimile.
 Vrina vini albi permistione, similis euadit elixarum fabarū iusculo. Mul-
 sa cruda ex aqua cœlesti data dormituræ, si deinde ventrem torsionibus af-
 fligit, grauida est, sin minus, non est. Postremum hoc & minimè fallax in-
 25 dicio est, quum iam fœtus loco dimoueri cœperit, quod vel tardissimū
 accidit medio pragnationis tempore. Moueri autem incipit nō vt mola,
 graui molestoque pondere, non rugientis aut euagantis flatus specie, sed
 leni, blando, ordinatōque impulsu, aut quasi muscæ volatu, quem sæpe ca-
 lens manus imposita animaduertit. Quum citra hæc signa menses subsi-
 30 stunt, ac venter præter modum sine hydropē distenditur, in vtero præter
 naturam quippiam inest, aut irritus conceptus, aut mola, aut inflatio.

Masne an fœmina vtero geratur hinc coniiciendum. Mulier si marem
 gerit, probè colorata est & hilari vultu, si fœminam decolor ac tristis. Ma-
 res parte vteri dextra magis continentur, fœminæ magis sinistra. Et quum
 35 mas est, dextra mamma amplior est ac tumentior, eiusque papilla nigre-
 scit, firma & arrecta, citiusque lacte stillat. Pragnas è sede progressura dex-
 trum pedem primū promouet. Omnes tum venæ, tum arteriæ dextræ
 magis quàm sinistræ implentur ac tument, præsertim sub lingua: estque
 pulsus dextra quàm sinistra manu plenior, maior, ac validior. Quum verò
 40 fœmina gestatur, sinistra omnia firmiora & magis conspicua sunt, flacci-
 diorēque sunt mammarum papillæ. Quinetiam lac emulctum, si aquæ
 instilletur, mox (quæ tenue & dilutum est) diuellitur, cohæret autē ac diu-
 tius persistit in summo, si masculus est fœtus.

S iij Mulier

Mulier quæ viuudum fœtum opportunè conceperit, si integrè sana est nihil molestiæ offensionisve perpetitur toto prægnationis decursu. Natura quippe singula in conuenientes vsus legitimè disponit. At verò si valetudinaria est, secundo aut tertio mense quum iam menstrua purgatio diutius subsistit, necdum tamen in fœtus alimentum absumitur, eius morbi insultus præsentiscit, cui maximè fuerit opportuna, & quicquid est in corpore vitij, id tum detegitur: quemadmodum & non grauidis mulieribus quoties mensium instat eruptio. Ei autem quæ vel cacochymia vel plenitudine premitur, corpus quasi lassitudine frangitur, lumbi, inguina, fœmoræque ingrauescunt ac dolent: somnus grauis interdiu obrepit. His accedit cibi fastidium, inappetētia, nausea ac plerumque vomitio modò pituitosa, modò biliosa: ex eo scilicet humore superuacaneo qui in præcordiis redundauerit. Quibus autem cumulatus humor vomitione non prorumpit, iis spirandi difficultates, vertigines, animi defectiones anxietatēque contingunt. Et quum tetri humores ventriculi tunicis impacti fuerint, pica & malacia omnisque rei alienæ & peregrinæ, vt terræ, testarum, carbonum, falsorum acidorumque edulioru deprauiata appetitio in quartum quintumve mensem fatigat.

Abortus

Abortus porrò vel ab euidētibus, vel ab interioribus fit causis. Euidētes aliæ fœtum enecant, vt syncope, timor & tristitia: & quæ toto genere extinguūt, vt quæ vel suffitu, vel odore, vel substantia venenata sunt. Aliæ cibum subtrahunt, vt inedia, immoderata purgatio, sanguinis è naribus ex hæmorrhoidē aut aliunde reiectio. Mulier enim sanguine misso abortum facit, idque magis si fœtus auctior est. Aliæ vteri acetabula dissoluunt, per quæ fœtus alimentum capeſſebat: vt violenta exercitatio, saltatio, durior equitatio aut vectio, grauioris oneris gestatio, casus violenter concutiens, aut ventris ictus fœtum contundens. Interiores verò causæ sunt cibus immoderatus & plethora fœtum suffocans aut exinguens: mucosus humor vteri implens acetabula, & ligamenta ita remolliens ac dissoluens, vt fœtū continere non possint. Cibus mali succi & inde nata cacochymia, ob quā fœtus alimenti benignitate destitutus, sensim languet & emoritur. Morbus acutus, qui sæpe fœtum in grauius discrimen quàm matrem coniicit: adhæc quæ suprâ enumeratæ sunt & principum partium & vteri affectiones malæ. Quæcunque igitur mulier citra euidentem causam abortire cōsuevit, vel toti⁹ corporis, vel vteri solius vitio laborat. Abortu porrò immaturus fœtus excluditur, aliàs viuus, aliàs mortuus & extinctus. Viuus quidem quum acetabula violentius dissoluta sunt: mortuus quum iis firmis & constantibus fœtus ipse perit. Abortus futuri notæ sunt: lac spōte fluens è mammis, præsertim aquosum. Id enim, inquit Hippocrates, fœtum imbecillum esse testatur. Mammarum spontanea extenuatio. Nam si gemelos habenti dextra mamma gracileſcat, marem: si sinistra fœminam amittet. Laterum ventrisque superioris coarctatio. Lumborum coxarumque grauitas & ad motum segnities. Si fœtus iam moueri cœperit, rarior languidi⁹que

guidiorque motus euadit: quumque abortiendi tempus instat, aqua primum saniosa profluit loturæ carniū similis, deinde cruenta: hinc purus sanguis, postea grumi, ac demum fœtus ipse aut formatus, aut informis excluditur.

5 Quum verò extinctus iam fœtus diu in vtero subsistit, commemorata omnia ingrauescunt, adsuntque stomachi morsus, animi deliquium, capitis & oculorum dolor, frequens horror febrilis, spiratio fœtida & graueolens, venter grauis & quasi procidens, & qui etiam admota manu frigidus percipitur. Imò & obstetrix immisissis digitis frigidā animaduertit vteri

10 ceruicem, interdum conuulsiones oboriuntur epilepticas finitimæ.

Pariendi difficultas aut à matre, aut à fœtu est. A matre quidem mala *dispositio* conformatio, staturæ breuitas, virium corporis imbecillitas, vt in puella & anu, pusillanimitas atque metus. Vteri ceruicisque mala cōformatio, angustia, & ossis pubis firmior compactio, compressio seu coarctatio ex vicinarum partium tumore ac duritie, ex vesicæ calculo, ex recti intestini excremento duriore, lumborum concauitas. A fœtu autem, quum solidior illius mēbrana ægrè disrumpitur: quū ipse imbecillior enixu nihil matrem adiuuat: quum grandior, aut monstrosus, aut geminus est: aut quū non recta in caput fertur, nec manibus secundum latera adductis, sed vel ambos

20 pedes, vel (quod multo operosius existit) alterum duntaxat, vel manus primum exierit, vel duplicatus in nates exit: vel obliquus alterutrum latus, vel pronus ventrem primum exhibet, quæ omnium pessima est pariendi figura. Difficilem partum in propinquo esse prænunciat, humor aquosus in membrana allantoide cōclusus, totus ante partum effluens, aut copiosior sanguinis eruptio multo tempore fœtum præcedens. Loci enim sicci manent, destituti eo humore qui fœtui transitum facilem & lubricum præbet: languidi dolores ex interuallis longioribus recurrunt, quādoquidem ægrè abrumpuntur acetabula, vixque secundæ ab vtero diuelluntur.

Arthritidis differentiæ, signa & causæ. Cap. XVIII.

30



ARTHROITIS articulorum est dolor ex interuallis ferè inuadēs. *αρθριτις.*

Corporis artus varij dolores occupant: alij nāque ossium membranas, vel musculos, vel neruos, vel medias regiones, quales aut lues venerea aut simplex destillatio proferre solet. Alij articulos duntaxat obsident, in quos quasi defixi inciderunt: atque hos solos

35 arthritidis nomen complectitur. Statuuntur autem arthritidis differentiæ ex articulorum numero: sed tribus duntaxat vsus nomina indidit, hæ sunt chiragra, ischias & podagra. Quæcūque in alio quouis figitur articulo, generis nomine arthritidis appellatur. Chiragra manū infestat, eiūsque vel car

40 pum vel externam partem, vel digitorum articulos ac vincula. Dolor huic inest plerumque pulsans, sæpe cum tumore, rubore, calore atque turgentibus plenisque venis. Podagra vel malleolos, vel pedium, maxime verò pollicis articulum adoritur. Tumor vt in chiragra adest, tum partis, tum

S iiij venarum

1245. venarum ambiētium, rubor, calor, dolorque pulsans. Ischias omnium ve-
 hementissima, sedem habet, non in eo articulo quo fœmoris caput in co-
 xendicem inseritur, sed altius ad summam natem, qua nervi à lumbis &
 ab osse sacro emergentes, feruntur in crura. Dolor atrox non in sola est co-
 xendice, sed in femur quoque, & in suram, & in extremum pedem expor-
 5 rigitur, quocunque nimirum ab affecta coxendice deductus nervus per-
 tingit. Rarò tumor inest conspicuus, rarius calor aut rubor, quòd eius loci
 summa cutis venis conspersa minimè sit. Humeri arthritidis dolore quidem
 insignis est, non tamen (vt neque ischias) tumore, rubore, vel calore mani-
 festa. At quæ cubitorum genuumque est, & dolorem & tumorem præ se
 10 fert ingentem, ruborè verò calorémque exiguum. Proxima continens
 que omnis arthritidis ac doloris causa est, non simplex vlla intemperies,
 sed humor præter naturam infixus & adhærens, qui sæpe tumore manife-
 sto se prodit. Atque tamen nonnunquam (vt iis qui primùm incipiunt il-
 la tentari) citra insignem tumorem dolor affligit, tenuis tamen ac paucus
 15 aliquis humor subest. Hic autem qui continens est doloris causa, nūquam
 aut admodum rarò (præter multorum id opinionem assevero) in id cauum
 ac spacium penetrat, quod inter ossium extrema interuenit, sed in vincula
 duntaxat, atque in eas membranas quæ extrinsecus ossium extrema ne-
 ctunt & ambiunt, ac etiam in tendones eò directos: hoc sanè argumento
 20 quòd in nodosa tophaceæve podagra atque chiragra, humor in calculum
 iam concretus, aperta ruptæve cutè plerumque eruitur è digitorum articu-
 lis, vinculo integro ac illæso. Et in ischiade si noxius humor in coxendicis
 pixidem conditus esset, nec tam vehementem (quòd vinculum obtusi sit
 sensus) nec tam latè diffusum dolorem inueheret. Neque porrò humor
 25 hic, cōtinens arthritidis causa, tam varius atque traditur existit: nec enim
 sanguineus, nec biliosus, nec melancholicus vnquam est, sed omnino vel
 pituitosus vel serofus: perperamque arthritidis differentiæ ex humoris ge-
 nere statui solent: vt alia calida, alia frigida sit, sed omnis frigida est, ex fri-
 gido humore genita. Quòd si rubor aut calor interdū maximèq; in chira-
 30 gra vel podagra cernitur, is nō ex morbi essentia, sed ex vehementia fit do-
 loris, qui ruborem calorémque, nonnunquā & febrem accersit: quæ potis-
 simum iis eueniunt qui constitutionem corporis obtinent impense cali-
 dam atque plethoricam, & qui leui occasione febre iactantur. Hic igitur
 frigidus humor ac tenuis, articularum vincula, membranas aut tendones
 35 implens & distēdens aut feriens, dolorem infert: dolor verò si corpus præ-
 paratum iam est, ruborem calorem atque febrem: quæ distendentis aut fe-
 rientis humoris sunt symptomata. Talis est ratione artisque vñu compro-
 bata sententia de arthritidis continente causa. Antecedentē porrò cau-
 sam rectè omnes statuūt humorem esse, qui aliunde in imbecillos articu-
 40 los aut influit aut influxurus est, vnde autē & per quas vias influat, nemo
 ad vnguem videtur inuestigasse. Ex hac ignoratione hætenus dolor arti-
 cularis pro immedicabili derelictus est, nuncupaturque medicorum op-
 probrium.

probrum. Errant profectò quicunque ex intimis illum partibus in articulos irrumpere putant. Quomodo enim à visceribus intimisque sedibus possit humor syncerus aliquispiam per venas ferri? aut qui sanguini permixtus nuper erat, illinc per ora venarum in articulos purus excidere? aut si etiam cum humore sanguis emanat, cur in articulo collectus phlegmonem non excitet? Sed neque humor crudus qui per alios ductus quam per venas fertur in articulos, arthritim facit. Nam cruditas in cachexia è visceribus in pedes incumbens dum tumescant, podagram non efficit. Alia igitur quam ex intimis partibus est arthritidis origo. Hæc autem, caput est, è quo sanè pituitosus humor isque tenuis profluit in articulos. Nò quidem cerebrum aut interiores eius ventriculi, in quibus pituitosum excrementum cumulari coaceruarique solet (hoc enim vel foras, per nares, vel per palatum in asperam arteriam atque pulmones, aut in ventriculum interioresque sedes illabitur) sed partes capitis externæ & extra caluam positæ origo sunt arthritidis: è quibus superuacaneus humor per summa corporis sub cute deorsum decurrit. Venæ enim multæ ab externis iugularibus deductæ eò excrementa sua tenuia atque serosa deponunt. Quumque capitis crassa densaque sit cutis è qua capilli succrescunt, nò quemadmodum è reliqua corporis cute, illinc facillè humor expiratur. Tempore igitur cumulat¹⁰ur copiosior, in iis maximè quibus gignendi eius euidentēs causæ (quas mox referemus) conueniunt. Cumulati iam humoris signa sunt: capitis grauitas & somnolentia, dolor externus & qui contactu, præsertimque in uersis capillis exacuitur. Tumor œdematosus interdum vt cera mollis, cuti præsertim ad occipitium subiectus: cutis densa nec caluæ propius ad¹⁵ hærens. Ea igitur humoris densa lentaque congestio arthritidis fomes est atque origo. Supra modum congestus humor leuissima occasione aut æstus, aut frigoris, aut frictionis, interdum etiam sponte de sua sede decedit, & in subiectas partes illabitur. Atque quum aquæ & feri instar tenuis sit, ei per similes quem frigidiorè cælo è cerebro per nares fluere cõperimus, non per spinalem medullam (paralysis enim fieret) non per neruos & musculos, sed facillè sub cute (ubi laxæ & amplæ sunt viæ) in corporis extimas sedes influit. Is autem fluxionis decursu, quia tenuis, in solis articulis qui compacti densique sunt, subsistit ac hæret, non item in mediis regionibus, quæ amplæ laxæque sunt. In id demum corporis latus præcipuè fertur, in³⁰ quod crebrius corpus decumbit. Atque si dum incitatus est humor in dextrum latus est decubitus, dextrum humerum brachiumque dolor impetit, si in sinistrum, sinistrum: si in dorsum, ceruicem, scapulas, coxendices vel crura. Qui arthritide cõflicti incipiunt, solent primùm leuem chiragrā aut podagram experiri, cuius vix quisquam nisi expertus credat humorem è³⁵ capite duci, aut illinc posse tam repente in extremos pedes clanculum & sine sensu illabi. At quoniā initio admodum tenuis est, & iis maximè qui calidiores mundi regiones incolunt, facilis promptaque illius est defluxio. Quum autem tempore crassiusculus is iam euaserit, maximè in frigidis regionibus

gionibus & atate prouectis, non repēte in extrema profluit, sed in mediis hæret regionibus: ac tum mali origo, tum decursio conspicua est. Sentitur enim dolor è ceruice vel per humeros in cubitos & manus, vel per dorsum in coxendices, genua, pedēsque sensim deuolui, sensu interdum frigoris oborto, quo corpus omne perhorrescit. Dolor è superis partibus in inferas sæpe descendit, ascendit nunquā, nec è dextris in sinistras aut contrā commigrat: si quando enim dolori dextro succedit sinister, hunc nō loci permutatio, sed noua defluxio parit. Omnis etiam quū defluit humor aliquātum tenuis est, alioqui non defluxurus: articulo iam impactus nostri caloris vehementiorūque medicamentorum vi crassescit, & parte tenui dissipata dissolutaque, fræx quædam terrena manet, quæ frequenti influxione coagmentata, in manifestum tophum & calculum digitorum præsertim in articulis cōcrescit. Ea est arthritidis nodosa, qua dissiliunt articuli, distorquentur, & pereunte motu incuruescunt. Iam verò arthritidis euidentēs causæ eadem quæ fluxionis existunt: vna quippe humoris in capite redundantia, altera articulorum imbecillitas. Harum neutra seorsum arthritim facit, sed necessariū ambarum concursus. Imbecillitas quum ex aliis quibusdam vitiis æstimanda est, tum maximè ex vinculorum membranarūque laxitate, & ex viarum amplitudine. Hæc autem vitia vel ab ortu sunt ex parentum imbecillo semine, fitque tum arthritidis hæreditaria: vel aliis ex causis euidentibus, quæ laxant & emolliunt membranasque feriūt: eiusmodi sunt veneris balnearūque vsus crebrior, & quæ foris incidentia articulos cōtundunt. Redundantis verò humoris interiores causæ sunt cerebri totiusque capitis imbecillitas, & frigida humidaque intemperies. Humor enim vel alimenti vice capite exceptus, quum hæc vitia adsunt, totus confici non potest, ex eoque necesse est excrementum tempore gigni atque cumulari. Hæc autem fluxionis materia multiplicabitur, si præterea euidentēs causæ acceperint, quæ illius exuperantiā gignūt. Hæ præcipuæ sunt, crapula, potus omnis vinique maximè liberalior: hoc enim & caput implet, & neruos mēbranāsque ferit. Somnus immodicus præsertim mox à cibo: ocium, exercitationū intermissio, consuetarum vacationum earum maximè quæ per vrinas & sudores fiunt suppressio vel imminutio.

De elephantia.

Cap. XIX.



LEPHANTIA morbus est venenatus in terrena substantia, totius corporis naturam immutās. Quum terrenus ac melancholicus humor venenatam qualitatem asciuerit, eam mox tū visceribus, tum partibus omnibus impartitur, quæ dein inquinata, terrenum quædam ac melancholicū succū vel ex purissimis alimentis gignunt eiusdem veneni participē: quo partes imbutæ ac nutritæ tēpore similem nanciscūtur naturam, fitque in eis elephantia totius substantiæ morbus. Neque verò hic (quod plerisque visum est) cutem solam aut corporis summa, sed & intima quæque

quæque ossaque ipsa inuadit & obsidet, quod omnia impuro fruatur suc-
 co. Quaquam autem ipsa morbi qualitas ad totum corpus pertinet, præ-
 cipua tamen vis in iecore atque in liene residet, quæ sua dein vitia corpori
 toti impertiunt. Elephantiam alij ab ortu, alij contagione, alij sponte pro-
 prioque vitio contrahunt. Ab ortu, qui ex elephantico parentum semine
 procreati sunt: atque si parentum alter quum genuit elephanticus erat,
 foetus quoque nascetur elephanticus: tanta est diuinæ illius procreatricis
 facultatis energia, vt in semine intemperato ac prorsus impuro cõsistens,
 corporis partes fingat vel ex impura materia. Si nondum elephãtia parens
 10 quum genuit tenebatur, sed in eam duntaxat erat propensus, filius eadem
 ætate qua parens elephanticus euadet. Quorundam etiam literis prodi-
 tum est, mulierem quæ instantibus aut profluentibus mensibus conce-
 pit, foetum edere in elephantiam procliuem. Contagione verò siue con-
 cubitu, siue accubitu, siue assidua vitæ consuetudine, lues hæc hominem
 15 adortur, quod ex elephãtico perniciosã qualitas pariter cū humore trans-
 feratur in aliud corpus, sensimque irreat in omnes partes. Proprio corpo-
 ris vitio inducitur, cū bilis atra plurimum exuperat, quæ sensim ac tem-
 pore venenata labe inficitur. Nam veneni speciem in nobis sponte gigni
 posse, alio loco demonstrauimus. Exuperat autem quum vel sanguis, vel
 20 melancholia, vel bilis flaua supra modum torretur. Quocirca eos adori-
 ri solet, quibus vel menses suppressi, vel varices, vel diuturnæ hæmorrhoi-
 des curatæ sunt: & eos qui bubula, ceruina asininave carne vescuntur, cæ-
 terisque cibis glutinosis atque crassis: eos denique quibus vel iecoris ar-
 dor, vel victus calidior bilem flauam cumulauit, quæ diu cohibita dege-
 25 nerauit in atram. Quæ mala quum non nisi florentis aut etiã prouectioris
 sint ætatis, elephãtia nec pueros nec adolefcẽtes spõte inuadet. Incipiẽte
 morbo viuidus ille coloris flos perit, cutis decoloratior apparet, aliis quidẽ
 nigricans, aliis flauescens, aliis albicans: vnde nonnulli tres elephantiæ
 statuerũt pro coloris varietate differẽtias: hinc densior, durior, asperiõrque
 30 redditur, quũ scilicet iã multo est humore perfusa. Talis verò præcipuẽ cõ-
 spicitur aut in facie, aut in manib⁹, aut in pedibus, natura quoad licet vitia
 propellente in corporis extrema. In his sensus torpescit frigusque perpe-
 tuum inest, maximẽque in pedibus. Licet enim horum initio integer ser-
 uetur motus, stuporis tamen & frigoris sensus inest. Tum temporis verru-
 35 cæ plurimæ succrescunt, nõ in manibus solum, sed & in facie & in reliquo
 corpore, peculiare verò in linguæ radice. Pedes, manus, & facies tument,
 in hisque varia prominent tubercula, maximẽ verò in malis quæ extube-
 rant liuido tumore: labra inuertuntur, nares resimæ obstruuntur crassitie
 alarum, & rimis discerptæ crustulas nigras atque cruentas excutiunt: ocu-
 40 li candidum flauescit, miraque crassitie quasi vngue obtegitur: supercilia
 prædura ac ferẽ callosa atque etiam glabra. Ex his enim, quemadmodum
 & ex palpebris, & ex mento, pili venenata qualitate imbuti defluũt, dum
 tandem horrenda euadat partium omnium deformitas. Manuũ pedũ-
 que

que digiti siccitate dehiscunt, vnguésque finduntur ac dilacerantur. Totius etiā corporis cutis arefcit atque fœda siccaque scabie exasperatur, eaque interdum cum pruritu. Ipsa musculorum caro absumitur ac sensim liquefcit. Malo autē ingrauescente pro stupore cutis sensus perit manēte motu, vt ne infixā quidem acicula dolorē moueat, neque inaspera feruidior aqua exurat: vox ē gutture rauescit, respiratio difficilior euadit, spiritus totiusque corporis exhalatio fœtet, sordida virulentaque vlcera in manibus, pedibus & plerisque locis excauantur, grauisque putredo omnia contaminat. Quæ ex vrinis aut ex sanguine tradi notā solent, incertę omnino sunt atque fallaces. Est autem eo fœuor elephantia, quo signa grauiora apparent: maximē verō quum non in summo duntaxat corpore, sed & in ipsis quoque visceribus, in ossibus cæterisque interioribus partibus firmius inhærescunt. Non omnia tamen in omnibus, sed alia in aliis comparere solent.

De Lue venerea

Cap. XX.



LUES venerea est contagiosus affectus cum vlcere aut immāni cruciatu variis locis emergens ac sæpe extuberans. Efficiens eius causa, venenata est & maligna qualitas atque perniciofa labes, quæ in quacunq; corporis parte primum infederit, eam contaminat, indeque continuatione in corpus omne spargitur, & ex paruo initio & quasi fuscitabulo profecta, sensim inualescit & propagatur, dū non spiritus modō atque humores, sed & carnem & partes omnes solidas peruagetur. Neque earum temperamentū solū, verum etiam totā substantiam peruertit, vix vt vlla deinceps probō ac puro fruatur alimento. Hinc excrementorum prouetus succrescūt, variæque vitiorum genera emergunt, qualia mox recēsebo. Ea porrō qualitas non simplex & solitaria est, sed in humore subsistit, quo vt subiecto quodam & vehiculo vtitur. Neque qui iam inquinatus est, alium halitu solo, sed liquore de se in alterius corporis partē epidermide nudatā eiecto cōtaminat: ē qua malum prorsus initium sumit. Itaque venerea lues contagiosus est morbus, nō sponte intimōq; corporis vitio, sed attractu solo contrahendus. Nam & quā quis ab ortu accepit ea olim ex parentum contagione processit. Maximē autem venereo contrahitur concubitu, à quo & nomen inuenit: eius frequentatione propagata est in hominum genus, atque ex vnius impuritate & inquinamento sensim in vniuersum orbem est disseminata, miserabile scortatorum flagellum. Sæpius ea ē partibus obscænis incipit, licet interdum & ex aliis plerisque locis expullulet, in quibus labes contagione fuerit aspersa. Inquinatur autem duntaxat vel purus ab impuro, vel impurus ab eo qui longē sit impurius, à simili verō aut à minus impuro nunquam. AEque impuros citrà offensionem congregari licet, & vterque tamen puriorem alium congressu labefactat. Hauritur interdum lues ē scorto, quod nondum inquinatum est, quum quis cum

cum eo volutatur mox ab alio impuro scortatore. Impuritas non ex cute spectatur, quod sæpe maximèque inueterata lue fermentum intus reconditum sit & abstrusum. Et hæc de causis & ortu.

Differentias eius speciesque nonnulli, quibus symptomatū quàm essentia maior cura fuit, varias multiplicèque statuerūt. Vna tamen & eadem totius est essentia, sed variis distincta ordinibus, vt alia leuior sit, alia grauior. Est & corporum in quæ illa incidit permagna varietas: ac vtraque ex causa fit, vt lues alia leuioribus, alia grauioribus symptomatis exerceat. Omnium leuissima est ea species qua solū capitis, & barbæ pili sensim citra aliam corporis offensionem defluunt. Eius quippe virus in tenui quodam vapore consistit, qui in corporis summa effunditur ad illorum radicem: atque vt ephemera febris à putrida, ita & hæc species distat à cæteris. Altera paulo deterior est, qua cutis vniuersa crebris maculis minimè extuberantibus conspergitur, iisque paruis lentiginis instar, ac modò rubris, modò flauis: quæ non antè deleri extinguive possunt, quàm morbi radix sit euulsa. Hæc in tenuissimo sanguine virus habet, quam nulla grauiora sequuntur incommoda. Tertia species grauior ac iam vera lues est: hac rubræ aut flauæ pustulæ primū quidem circa frontem ac tempora ponèque aures, deinde in capite atque etiam toto corpore erumpunt & extuberant, rotundo schemate siccæ sine pure: quæ deinde sicca crusta obducuntur, atque si negliguntur, serpunt in ambitum excuāntque cutem, dum ex pustula verū vlcus euadat, quod ferè virulentū est ac sordidum. Partes quæ ad podicem, ad nares, atque fauces sunt, quia tenellæ, omniū primæ exulcerari solent. Emergunt autem hæc, quum iecur ipsum atque sanguinis humorūmq; massa labefactatur, à qua protinus carnosæ mollèscque partes detrimētum capiunt. Quarta his species succedit, quum iam inualescens lues solidas partes, ossa, vincula, membranas, ac nervos adoritur. In his iam vitiatis excrementa multa, crassa quidem & glutinosa pro partis conditione, sed tamen maligna cōgestione cumulātur, quæ nonnunquā in tendones sæpius inter ossa & periostia confluunt. Hæc quum vel membranam ab osse diuellunt, vel eam malignitatis acrimonia feriunt, cruciatus cient implacabiles, qui noctu ferè ingrauescunt. Ab his demum coagmentatis præduri topi cruciatu multo grauiore succrescunt. Eadem porò quum in osse subsistunt, id amplificant, distendunt atque etiā exedunt, vt eius sæpe deprehensa sit mōstrosa figura. Tandem verò corpus vigiliis, diris cruciatibus confectum, & atrophia marcescens vita destituitur. Longissimè hi dolores distāt ab arthritide, quod hæc breui paruoque tempore exoritur, idque ex defluxione, quæ repente in articulum incubuit. Dolores verò luis veneræ sensim multoque tempore procedunt ab eo excremento, quod pars malè affecta paulatim congeffit. Adhæc arthritidis aut in articulo, aut circa hunc consistit fixaque est. Dolores ex lue, nō articulos, sed medios artus obsidēt, in quibus & plerumque topi cōcrescunt, maximè verò in fronte & capite, in clauibus, in medio humeri osse, & in medio

T cubiti

cubiti radio, & in parte priore tibiæ, nonnunquam & in aliis quoque offi-
 bus. His ergo ex signis vna quæque luis species dignosci percipiq; potest.
 Quum autem ex dubiis signis de lue ambigitur, eius origo altius est inue-
 stiganda, à qua parte initium habuerit. Etenim quoniam non nisi attra-
 ctu contrahi potest, necesse est labes aliqua in ea primum parte compa-
 ruerit per quam insertum est virus. Hæc enim prima se profert in parti-
 bus obscænis si concubitu, in summa cute si accubitu contracta est: in nu-
 tricum mammis si inquinatus erat infans: in infantis ore & faucibus, si nu-
 trix infecta. Emergunt autem in obscænis partibus pustulæ, vlcera mali-
 gna, virulentæque gonorrhœa, inguinum bubones. Sed hæc nisi altius in-
 trò subeant nondum lues sunt venerea, sed rudimentum & veluti chara-
 cter eius impèdientis. Huc affinitate quadã attexendi videntur reliqui
 rum venenati tum contagiosi affectus, & quicūque virulentarum bestia-
 rum ictibus infliguntur. At quoniam præcipua eorum cognitio ex causã-
 rum animaduersione capitur, non antè duxi de his tradendum, quàm eo-
 rum curandorum ratio quoque subnectatur. In hæc omnẽ iam videor
 interiorum affectuum cognitionem cõtraxisse, quam tamen frequens in-
 spectio contemplatiõque rerum cõfirmabit. Confido etiam particularim
 singula me persecutum, nihilque recens emerfurum, quod nõ ex illorum
 obleruatione ac imitatione nosci percipique possit.

20

LIBRI SEXTI DE PARTIVM

morbis & symptomatis, Finis.

De

De externis corporis affecti-

BVS, LIBER SEPTIMVS.

PRÆFATIO.

CHIRURGIA primùm medicinæ pars est habita, & ambæ sub iisdem natæ sunt authoribus: nec chirurgiæ alia quàm medicinæ præcepta, nec aliæ demonstrandi sunt leges. Postea verò ut vnius medicinæ dignitas splēdidior præstabiliórque foret, rationis cōsiliūque facultatem, ut pote liberalem, asfumentes medici, ac suo quodammodo iure sibi vendicantes, quicquid manuum opera geri solet, id omne ad chirurgos ac pharmacopæos artis administratos trāstulerunt. His prima cura fuit luxata ossa sedibūque suis mota reponere, fracta verò dirigere in suāmque sedem compellere: & nōnulla ferramentis quoque aperire, secare, excidere, vrere. Tum deinde vuln-
 20 rum vlcerūque, ac postremò suppurantium tumorum curatio illis est relicta, quæ vnguentis illita linteola atque linamenta manu adhibet. Reliqui affectus externi possunt sine chirurgia curari, quos tamen & illa plerumque vsurpat sibi. Omnium tamen origo ferè ex interiore causa trahitur, cuius obseruatio atque curatio planè est medica: imò etiam omnium
 25 quæ foris existunt atque geruntur rationem medicus tenet, qui & chirurgi opus dirigit, ut medicus ratione, chirurgus manuum vsu & exercitatione præster & excellat.

Tumorum præter naturam differentiæ.

Cap. I.

TORBI qui in externis partibus ex humoris vitio succrescunt, modò cum tumore fiunt, modò citra tumorem: & ex vtrisque alij ex sanguine, alij ex bile flaua, alij ex atra, alij ex pituita, alij ex sero, alij ex flatu, alij ex horum permissione. Humor porrò qualitate aut acer est & exedens, aut mitis ac blandus. Situs verò humoris aut in sola cute est, aut cum cute subiectam quoque carnem, vel tēdonem, vel adenem occupat. Qui in cute, vel in summa quæ epidermis appellatur, vel etiam in vera consistit, quæ illi substernitur. Rursus verò humor vel partem cui insidet
 40 in suam naturam conuertit, ut in elephante & alio, vel per ipsius duntaxat substantiam effusus sua illam qualitate afficit. Hæ quidem propriæ externorum affectuum differentiæ sunt ad medendi rationem accommodatæ. Itaque vniuscuiusque propria continēsq̃ causa est humor quidam
 T ij vitiosus

ἀφρο-
μος.

ἐδύμα-
πος.

Causæ fluxionis

tumores

tubercula
plydracia
pustula

vitiosus præter naturam cumulus: cumulat autem, vel cōgestione vel fluxione. Congestio præter naturam sensim fit ex humoribus in partem alimenti vice distributis. Quum enim pars vel ita imbecilla est, ut nec affluens alimentum in propriam substantiam mutare, vel ita vitata, ut id ipsum corrumpat, nec genita excrementa à se propellere queat, necessariò præter naturam congestio quædam fit. Fluxio autem est humoris incurfus concitator atque copiosior, quàm parti alendæ sit ex usu. Huius interiores causæ sunt fluxuræ materiæ copia, acrimonia vel tenuitas: propellentis partis robur, viarum laxitas, & excipientis partis imbecillitas situlve deliuior. Evidentes verò causæ: contusio, ruptio, vulnus, luxatio, & quæcūque doloris aut caloris vi fluxionem accersunt. Hi porrò affectus qui corporis summa obsident, vel in cute prominent, vel eam excavāt, vel cōmaculant. Prominent tumor, tuberculum, pustula. Tumor tuberculo maior, & utroque minor est pustula. Tumores sunt: phlegmone, phlygerhlon, bubo, phyma, erysipelas (hoc enim & in tumoribus recenseri solet) œdema, hydrocephalon, hydrocele, tumor flatulentus, scirrhus, ganglion, bronchocele, parotis, struma, cancer. Tubercula sunt: carbunculus, furunculus, terminthus, glandula, nodus. Pustulæ sunt: epinyctis, phlyctæna, ecchymata, ephelides, hidroa, herpes, scabies, prurigo, lichē, psora, lepra, omniæque verrucarum genera, clauus, callus. De singulis igitur dicendum, sed alio ordine ex causarum affinitate instituto, quæ in curandi ratione primas obtinent.

Tumores, tubercula, & pustulæ è sanguine. Cap. II.

ἡ φλεγμονή.



PHLEGMONE tumor est calidus præter naturā collectus, prominens atque circumscriptus, cui saltem gallinacei magnitudine. Huic quasi ex igne aut ex balneo rubor inest: calor quoque ex inflammatione vehemens quasi pars vratur: distentio ex copia renitens: pulsatio profunda & molesta, quod arteriarum diastole partem inflamatam feriat: dolor ex calore, ex pulsu atque tēsiōne acerbior, præsertim quum pars eximio sensu prædita est. Causa cōtinens sanguis est, non in solam cutem, sed in subiectam quoque carnem impactus, qui è venis eò tandem confluit. Quum enim venæ arteriæque maiores immoderata sanguinis copia distenduntur, hæc grauata in minores quasi onus deponunt, ex his demum in minimas. Ac tum per earum oscula, perque tunicarum meatus sanguis cohiberi non potis, effluit illabiturque in spacia vacua quæ inter fibras sunt primorum corporum, præcipuèque musculorum, venarum, arteriarum, neruorum atque mēbranarum. Hæ partes fluxione dum perfunduntur implenturque, distentæ copiā quasi diuelluntur, feruentisque sanguinis ardore incallescunt, doloremque faciunt. Sanguis quippe extra vasa collectus, nec liberè perflabilis, necessariò putrescit atque inflammatur. Ita quidem si purus is erat, exquisita phlegmone fit, cuius species sunt: ophthalmia, parotis, angina, parulis in gingiuis, aliæque

ex

ex partibus nomina adeptæ. Est & alia minus exquisita, cuius non syncerus est sanguis, sed aliorum quoque humorū particeps. Hinc fiunt phlegmone erysipelatodes, œdematodes, & scirrholes.

Phygethlon phlegmone est in adenum locis emergens, maximè verò in ceruice, in alis, aut in inguinibus: Latinis Panus appellatur. Sed & qui in inguine nascitur, peculiari nomine bubon nūcupatur. Similibus ex causis ortūque simili ac phlegmone nascitur, iisdemque signis innotescit. Ferè autem fit aut post febres, aut post dolores partis alicuius, qui fluxionem proritant in adenes.

Phyma tumor quoque adenum est, simplici phlegmone atque phygethlo aliquanto minor ac planior, minúsque rubēs ac dolens. Non enim è puro sanguine proficiscitur, sed ex eo cui pituita quiddam sit admistū, ut sit phlegmone œdematis particeps.

Carbunculus ex sanguine originem habet, nō eo quidem tenui & labili, sed crasso, ac nigro, calido tamen feruente atque corrupto. Hic in quamcunque partem inuaserit, eam mox exurit, pustulas circum se ardentissimas acerrimasque ciet, tandēque ardoris vi crusta vel nigra vel cinerea obducitur. Huic partes vicinæ longo sæpe tractu consentiunt, caloris dolorisque participes: valida quoque febris accersitur. Inflammata pars nunquam suppurat, sed feruore exusta corruptę carnis lobum tandem excutit, quo excidente vlcus cauum sordidūque manet, hocque vno maximè à cæteris seiungitur tuberculis. Carbunculorum alius simplex, qui è solo ardore simplici que putredine nascitur, alius malignus, qui his etiam iungit venenatam qualitatem: talis in pestilentia grassatur, de quo plura proprio loco diximus.

Furunculus dothien Græcis appellatus, tuberculum acutum cum inflammatione ac dolore, ouum columbinum magnitudine nō excedens. Phymate ergo minus est, sed acutius, rubētius, ac dolore grauius. Plegmones veram speciem exhibet, sed eius exigua, & quæ vix infra cutem descendat, atque subiectæ carnis minimū comprehendat. Suppurat furunculus perinde atque phlegmone, hincq; à simplici carbunculo discernitur. Fit autem non quemadmodum phlegmone è probo sanguine qui in partem vi quadam irruat: sed è crasso & vitioso, non perinde tamen atque in carbunculo exusto, quem à reliquo puriore natura secernens tãquam infensum & inutilem in corporis summa propellit. Quocirca ut phlegmone multitudinis, sic furunculus cacochymia soboles est: raróque fit ut hic solitarius erumpat, sed ferè multis corpus scatet atque inquinatur.

Epinyctis Celfo pustula est pessima, subrubra ac quadamtenus liuescēs, quæ noctu potissimū affligit. Spōte exulceratur ex eaque subcruenta sanguis emanat. Vnde & speciem habere cognoscitur carbūculi, causamque similem, sed quæ nullius pestilentia particeps, leuior existat: quemadmodum & eius pustula carbunculo minor. Terminthus huius quoque generis est, ex feruido præassatōque sanguine prorumpens. Epinyctidi par

T iij quidem

τα μ.δ.υ-
ματα.

quidem magnitudine, sed cui pustula incumbit nigra ac rotunda, quæ ardore in squamam abit. Ecthymata etiam si pestilentie conditionem sequantur, ex sanguinis tamen feruore prodeunt & extuberant: neque manifesta est pituita permistio. Tempore cōcoquuntur & albescunt, eorum materia in pus iam conuersa, quæ tandem & in squamas siccescit.

Tumores, tubercula, atque pustulæ ex pituita. Cap. III.



οιδημα.

οιδημα οιδη-
ματ οιδη-

pituita alia tenuis, aquosa, aut mucosa existit, alia crassa & glutinosa, cuiusmodi est quæ vitrea aut gypsea appellatur: ita necesse est varios ex hac collecta nasci tumores. Ac primum quidem oedema tumor est frigidus, laxis ac mollis, doloris expers. Nec calor nec rubor, sed vel genuinus vel albidus duntaxat color inest: tumor sæpe magnus & qui pressio digito, vel nullo vel exiguo dolore cedit. Est autem duplex: vnus collectus & circumscriptione definitus, qui propriè ac simpliciter oedema nuncupatur: alter diffusus & expansus, qui rectius tumor est oedematosus. Hic ex crudiore pituitosoque sanguine, aut iecoris aut assumptorum vitio progignitur, qui in nutriendas partes illapsus, nec in earum substantiam conuersus, sensim cumulatus redundat partemque tumore distendit, ac ferè retinet prementis digiti vestigium. Ita sanè in tabe, in cachexia, & in leucophlegmatia, modò pedes, modò reliquum corpus omne tumidum euadit. Verum autem & exquisitum oedema non ex sanguine pituitoso, sed ex pituita fit superuacanea, quæ solum vel aquosa, vel mucosa sit, vnde cunque illa in affectam partem deferatur. Ferè tamè capitis destillatione huic origo est, quæ sæpe in genua, interdum in humeros aliasque partes decumbit.

οιδημα οιδη-
ματ οιδη-

Huc pertinent aquosi tumores, quibus vel aqua citrina, vel sanguinis serum comprehenditur: quod genus hydrops ascites, hydrocephalon, hydrocele, & quicunque horum similitudine sub cutem prominent.

φυσδα-
ματ οιδη-
ματ.

Finitimi his etiam sunt flatulenti tumores, in quibus vapor aliquis flatulve præter naturam concluditur. Huiusmodi sunt hydrops tympanias, ramex flatulentus, & quicunque aut sub cute, aut sub ossium membranis, aut in musculis ex collecto vapore attolluntur. Hi admodum raro vsu veniunt, vixque vsquam potest solus flatus citra humoris permissionem colligi. Tumor indolens est, nisi quum membranas magna vi diuellit atque distendit, oedemate mollior minúsque renitens, nec prementis digiti vestigium retinens.

οιδημα οιδη-
ματ οιδη-

Scirrhus tumor est præter naturam durus ac renitens, cōcolor & indolens. Duplex is est: vnus velut incipiens nec confirmatus nec legitimus, in quo pressio, doloris sensus inest: alter confirmatus & exquisitus, qui omnis doloris omnisque sensus est expers. Vtriusque materia est crassus viscosusque humor, qui particulæ impactus in eiusque spacia insertus ita obduruit, vt non nisi agrè solui dissiparique possit. Hic autem humor aut statim tumoris initio talis existit: vt quum vel pituita vitrea atque gypsea, vel naturalis

ralis melancholia quæ fæx est sanguinis, in parte aliqua seu fluxione, seu cōgestionē cumulat. Aut ex malè curato erysipelate vel phlegmone talis euasit, vt quum eius materia immodicè refrigeratur & adstringitur, aut diaphoreticis dissoluta tenui portione crassior subsistit ac manet. Vt enim iecoris scirrhus ferè omnis qui ab ictero relinquitur, ex bile sensim crassescēte fit, ita & nonnunquam in externis quoque partibus eandem habet originem.

Ganglion tumor est concolor durus renitens & indolens, nisi quod vehementer pressus stuporis sensum exhibet. Oritur circum neruos & articulos, sæpe in carpo ex crassa lentâque pituita, vel ex naturali melancholia, quæ in eam duritiem concrevit. Qui extra articulos neruôsque necnon extra adenes passim exoritur, discriminis gratia quibusdam nodus appellatur. Huius generis est bronchocele, nostris hernia gutturis appellata, inter asperam arteriam cutemque congesta: non vt plerisque visum est ex immodicis clamoribus, aut ex potu aquæ ex liquefactis niuib, quæ Alpinis aliisque mōtanis in vsu est: sed ex crassa lentâque pituita, quæ eò sensim è capite eiusque partibus externis per auris posteriora deuoluitur.

Glandula est adenis tumor obduratus, à nodo gangliōve solo situ distās. Hæc enim è solis adenibus, ille è neruis aut articulis emergit. Quumque adenes variè sparsi sint in omne corpus, maximè ad venarum arteriarumque diductiones, in multas quoque partes glandulæ incidere solent: quibus nonnunquam corpus vniuersum (quod multa pituita redundaret) scatere deprehendimus. In hoc etiam genus pertinent parotis frigida, buboque frigidus. Glandularum aliæ resoluuntur, quarum humor non admodum crassus sensim digeri dissiparique possit. Aliæ suppurant, factoque & erumpente pure in abscessum desinunt. Et hæc quidem sanguinis calorisque sunt participes. Aliæ duræ persistunt veram scirrhi speciem adeptæ, earum origo è gypsea pituita est: aliæ vbi inueterauerunt contracta tandem malignitate in vlcus desinunt: illæ strumæ simplices sunt, hæc verò exulcerata. Vehementer quidem duræ sunt strumæ, & propriis membranis vt glandulæ omnes obuoluuntur, sed earum materia acrior tandem euadens, adenem ipsum, circūsitam carnem cutemque exedit, vlcusque efficit malignum, serpens & exedens. His sæpe ortus est in ceruice, in qua plerūque longa serie dispositæ glandularum modo cernuntur. Hinc & nonnunquam in pectus aut in alas, aut in mammas prorepunt. Desluit autem earum materia è capitis parte externa, per ceruicis tendones & adenes: idque sensim ac lento ad eò cursu, vt sæpe obscura sit origo. Ea verò materia non simplex pituita est, sed quæ iam caloris vi ac putredine excandescens acrimoniam conquirat. Quod si pituita atræ bilis permixtione ferocior sit, struma carcinodes. nomatis vim & conditionem æmulabitur, nuncupabiturque struma carcinodes.

Cancer, tumor est durus, rotundus, inæqualis, venis quandoque in ambitu turgidus, colore liuescens aut nigricans, dolore, ac interdum calore grauis.

gravis. In qualibet corporis parte nasci solet, in ore, in oculis, in vulua, in cole, in ano: at maximè in foeminarum mammis, quæ quia fungosæ & inanes, illius materiam promptè excipiunt, sed & in eas tum è capite, tum ex vtero facilis est decursus. Huius obscura sunt rudimenta, ac plerumque tumor exoriens sentitur ciceris magnitudine, cum dolore & calore quasi ferientis candentis acus, interdum etiam dolore nullo. Hinc fabæ, deinde iuglandis & oui magnitudinem æquat, dum tandem in ampliorem molem attollatur & increseat. Quum iam illius materia aut vetustate aut errore viuendi, aut medicamentis incalescit, dolor calorque citra inflammationem vehemèntior exercet, pars conspicuè liuescit aut nigricat, venæ in ambitu crasso nigroque sanguine nonnunquam turgent. Huius continens causa est bilis atra sanguisve feruidus ac retorridus: sæpe ex suppressis menstruis aut hæmorrhoidibus, nonnunquam ex quartana febre cumulatus. Quo pigrior & ignauior humor est, hoc mitiorem cancrum infert: grauiorem verò quo is calidior acriorque fuerit. Ille nisi irritatus excandescat, diu citra perniciem consistit. Hic verò coerceri vix potest quin breui exelate se detegat, fiatque cancer exulceratus. Tum quidem corruptæ carnis speciem tumor exhibet, cum fœtore, cum sordida illuue, horrido aspectu, labris præduris & inuersis. Ex eo sanies tenuis, nigra aut fulua manat, vapor expiratur cordi, ori, cerebroque grauis, febris assidua eaque læta inest, frequens animi defectio, quum præsertim cancer mammis in hæret: ex eis venis sæpe sanguis profunditur, & nisi malignitate ocyus interimat, longè latèque prorepat.

ἡ φάγε-
δυνα.

Cancrum proximè imitatur phagedæna, vlcus quidem nō cutem mordet, sed & subiecta quæque depascens & erodens. Huius etiam origo est ab atra bile maligna aut ab æruginosa, de qua inter vlcera tradetur.

ἡ σάρκο-
μα.

Sarcoma carnis est incrementum tuberculi tumorisve speciei. Non ex humoris cuiusquam fit affluxu, sed ex solo partis alimēto. Hæc enim quia aut intus aut foris exulcerata est, ni cohibeatur, assiduo alimenti accessu diffunditur atque luxuriat: sæpe etiam venarum & arteriarum instar ductus producit, per quos alimentum sumat. Sic in malè curatis vlceribus sæpe excrescit caro, sic polypus naribus contusis, sic epulis in gingiuis ad dentium radices, sic ficus in ano. Sic demum & integra cute quum subiecta caro contusa ruptaque est, ingens tumor sensim exurgit, qui & ceterarum partium more alimentum capeffit, nullo quidem dolore, sed exquisito sensu & naturali colore. Hic in quauis parte, sed frequentius in ceruicis, alarum, inguinumque adenibus prouenit, quorum circumscripta caro nō facile potest amplificari in tumorem. Similem ferè ortum habet atque phlegmone, distat verò quòd non affatim, sed sensim sanguis accedat, & quantum accedit, in alimentum absumatur atque luxuriat.

ὁ πολύ-
πους.
ἡ ἐπρυλίς.
ἡ σὺνθεσις.

ὁ κερσός.

Huc fortasse causarum affinitate pertinebunt, varix & aneurysma. Varix venæ immodica est dilatatio: in cruribus quàm in cæteris partibus frequentior. Quumque vena impletur multo crassoque sanguine, pars aut liuida

liuida aut nigra apparet, atque etiam tumet, sed sine dolore: pressus tumor protinus cedit, moxque redit. Fit autem ex ictu, ex contusione, ex nimio conatu, ex labore & peregrinatione: interdum ex plethora, ut plerisque mulieribus vterum gerentibus. *Aneurysma* arteriæ dilatatio est spirituofo *μα.* plena sanguine. Id interdum in externis partibus existit, in manibus, pedibus, circa iugulum atque pectus: hoc à varice distans, quod magna, turgida ac sæpe molesta pulsatio inest. Presso tumore, quæ intus est materia promptè subterfugit. Fit & nonnunquam in interioribus arteriis, maxime sub pectore, circa lienem & mesenterium, ubi vehemens sæpe pulsatio animaduertitur. Credi vix potest quod nonnulli comminiscuntur per hos affectus ruptam apertamque esse venam aut arteriam. Si enim sanguis è vena aut arteria profiliens, non amplius illis cōtineretur, mox corruptus putresceret, tumorque fieret generis diuersi.

Externi affectus & pustulæ à bile.

Cap. IIII.

ERYSIPELAS, ardor est vehemens per corporis summa diffusus. Nec tumore manifesto extuberat, nec partem attollit aut distendit, nec penetrat in subiectam carnem, sed late diffunditur nulla collectione circūscriptum. Quamcunque partemprehendit, vehementer mordicat & vrit: color inest ex rubro flauescēs, qui pressu subterfugit, moxque redit. Dolor nec pulsans nec admodum vehemens est. Quum fluxio excutitur, horror quidem ac dein febris hominem adoritur: ac sæpe quum in crura irruit, ab inguinis tumore initium ducit. Serpit id quidem herpetum more, atque priori derelicta sede, in vicinas partes sensim obrepit. Est autem duplex, vnū quod simplex erysipelas Celso appellatur, solo rubore & ardore, nulla exulceratione molestum. Alterū quod eidem sacer ignis nuncupatur: estque exulceratum erysipelas. Huius duæ species sunt, vna qua summa cutis sine altitudine exulceratur, in qua & crustulæ instar furis excitantur: altera cuius exulceratio altius in cutem penetrat, è qua ruptis pustulis purulenta sanies exit. Simplicis erysipelatis origo est è feruente tenuique sanguine, qui biliosus appellatur: exulcerati verò ex eo cui bilis superuacua eiusque incalescentis nonnihil sit admistum. Is è venis tenuioribus propulsus nequaquam in carne subsistit & hæret, sed tenuitate in cutem fertur & euolat, quæ densior & compactior hunc retinet cohibetque. Quumque tenuis sit humor facile dispergitur, neque in conspicuum tumorem se attollit. Genus hoc vniuersum exquisitum est erysipelas: quod verò phlegmonodes appellatur, tumentius quidē, sed minus feruidum existit, multoque minus œdematodes.

Huc pertinent phlyctenæ & phlyctides Græcis nuncupatæ. Repente emergunt subflauis humoris copia distentæ, bullarum modo lucidæ atque iis similes quæ ab aqua feruida, vel ab igne ambustis erumpunt, non manifesto tamen dolore graues. His ruptis humor excidit, crustulæque obdurefcunt,

obdurefcunt, dum fanefcant. Has cōstat non nifi ex feruentiffima bile gigni, quæ ignem viribus fuis adæquet, vt non idcirco præter rationem illas vulgus ignem fylueftrem appellarit.

ὁ ἑρπης.

His proxima eft papula. Eft autem ardor cutem ferpentibus minimis puftulis exafperans ac rodens, Græcis herpes appellatur. Ea quidem duplex, vna fimplex quæ herpes eft miliaris, altera fera, quæ herpes exedens nuncupatur. Papula fera ruptis puftulis verâ cutem exulcerat, rodit atque depafcit, ferpit in latum atque in altum, ex eâque vlculcula manent arida. Papula fimplex & mitior fummam cutem exafperat, & fub vna epidermide confiftit, exiguas illic puftulas excitans, quæ minimùm extant aut prominent, milio haud abfimilis. Vtraque in vicinâ quafi in orbem quoquo- uerfum ferpit fêque diffundit, ac plerumque mediũ fanefcit extremis longiùs procedentibus. Papula exulcerata eryfipelati fummè affinis eft, vt idcirco nonnulli in genus idem confundant: hoc tamen discriminis intercedit, quòd eryfipelas confpiciua fluxione derepente emergit, herpes verò fêu papula fensim multòque tempore, nec confpiciua fluxione efflorefcit. Herpetis puftulæ aridæ funt, è quibus ruptis nec fanies nec pus exit. Eryfipelatis verò magnæ, exulceratæ & humidæ, quæ faniofum pus effundunt. Herpes pruritu, eryfipelas dolore ac ardore torquet. Omnis papula diuturna eft, prorfus febris expers, nec nifi tēpore fanefcit: eryfipelas verò fere cū febre eft, præceps & quod breui vel fponde foluitur. Vtriusque herpetis materia continensque caufa, bilis eft fyncera, fuperuacua eâque ardentiffima, cuiufmodi praffina vel æruginofa, quæ fensim nullòq; fluxionis impetu è venis expurgata, tenuitate partes omnes præcipuèq; carnofas transgreditur, dum denfiozem cutem attingat. At verò craffior ea atque glutinofior eft, quàm in eryfipelate, ac proinde diutiùs atque tenaciùs in cute hæret ac fubfiftit. Quæ igitur glutinofior fuerit fimulque acrior, in cute tota remoratur, puftulâfque mouet, quibus ruptis exulcerata cute, papula fera emergit. Tenuior verò cutem etiam penetrat, coërceturque in fola epidermide, quam fi fudoris modo nequeat transire, erodit & puftulis intercurfantibus exedit.

ὁ λεχν.

Impetigo, cutis eft afperitas dura ac ficca cum ingēti prurigine. Ea autem à fcabie diftat, quòd ficca fit & omnis humoris omnisque faniei expers. Ex ficcis enī puftulis fit, fcabies verò ex humidis. Huius quatuor funt fpecies, vna admodum fimplex, qua cutis rubra, dura, exafperatâque vehemēti pruritu roditur: at hæc fimplici pruritus nomine continetur. Oritur

ὁ κνισμός.

ex bile, aut ex pituita tenui, quæ tamen putrida fit aut falfa, & quæ fub vna epidermide coërcetur, eamque exedit. Altera eft vera impetigo, lichen Græcis nuncupata, quæ afperior puftulis maioribus emergit, acriùs corrodit latiùsque procedit. Hæc fæpe ex neglecta papula fit, fereque ex ea quæ papula fera nuncupatur, & quæ nifi maturè fublata fit in lichenem vertitur, hic deinde in pforam, pforâque in lepram. Lichenis materia, eft bilis ardentior, aut pituita putris ac falfa, non tenuis illa quidem, fed quæ craffitiem

fitiem aut ex se aut ex aliorū permissione cōtraxit. Tertia species est Græcorū p̄sora (hæc enim à scabie longè est diuersa) qua cutis crassior, sicciore, durior, tumentior & serpentibus pustulis asperior euasit: his vehementer roditur & exeditur passimque finditur, ex se furfuracea quædam nigra excutit. Huic originem dedit atra bilis in cutē effusa, è qua digeri vix potest: ægrè si quidē hoc malum sanescit. Quarta species est lepra Græcis nūcupata, omnium sanè deterrima. Ea cutem vehementer rodit, altè depascit atque findit: ex qua non solūm furfures, sed & squamulæ decidunt, modò pallidæ, modò subnigræ: nullis hæc cedit remediis, & de eius curatione vulgus diuos implorare solet. Nascitur ex bile atra, cui etiam crassæ lentæque pituitæ falsæ quiddam sit admistum. Hincque non epidermidē solūm, verum etiam totam cutem prehēdit ac obsidet. Quodcūque p̄sora lepræ inquinatum sit corpus, sensim id tabescit & absumitur.

De pustulis.

Cap. V.

VITIS admodum frequens vitium est pustula, cuius appellatione comprehenditur quicquid rotundo schemate leuiter in cute extuberat. Eius duo genera, vna est humida, è qua rupta vel humor vel sanies vel pus emanat: altera sicca humoris nihil profundens. Humidis cōtinentur hidroa, ephelides, phlyctænæ seu phlyctides, epinyctides, & quæ ex his ruptis fiunt scabiei genera. In siccis numerantur exanthemata quædam, pruritus, deinde & vari & verrucarum genera.

Exiguæ & aquosæ pustulæ sunt hidroa, id est sudamina. Emergunt repente sparsim toto corpore, sed frequentius in manibus pedibusque milij magnitudine, aqua plenæ, sine rubore, sine vllo dolore. Fiunt enim ex sudoribus sub epidermide coërcitis, per cuius spiracula ij digeri minimè possunt: vnde à quibusdam sudorum papulæ nuncupantur.

His aliquāto maiores sunt ephelides, pustulæ quidem in ambitu rubræ ac feruidæ leui dolore, è quarum medio rupta bulla aut vesica, albus humor instar lactis exit, scabiēsque succedit. Fiunt autem ex feruido impuroque sanguine sub cutem effuso.

Scabies aspreudo cutis est, seu levis exulceratio pruriēs aut interdum rodens. Fit autem ex humidiorē quauis pustula, siue pallida, siue liuida, siue nigra sit: quæ rupta vlcusculum in cute profert humidum, aut etiam interdum expurgata sanie aridum, idque modò cum pruriginē sola, modò cū leui rubore in ambitu, cūque calore ac dolore. Ex resiccata sanie crustula obdurescit, qua sæpe vlcusculum obducitur. Vt autem pustularum, ita & scabiei species multæ, humorēsque multi ac varij earum causæ existunt, quos & dolor & color & manantis saniei species distinguit. E toto quidē corpore scabies erumpere solent, sed ex capite pessimæ, quæ idcirco peculiari nomine sunt insignitæ. Appellantur autem psyracia, fauus, & manantia capitis vlcera. Fauus, qui Græcis est cerion, sanicem amplis foraminibus



ὁ ἀχόρ.

nibus emittit mellis crassitudine. Vlcus manans, quod Græcis est achor, glutinosam saniem angustis foraminibus eructat. Hæc scabiei genera ab ea simplici capitis scabie distant, quæ summam duntaxat cutem obsidet. Hinc autem cerion & achor dignoscuntur, quod euulsi capilli radix crassa in primis est, lento crassoque humore obsita. Causa est nitrosa salisque pituita aut melancholia, sub cute malignè putrescens, quæ quoniam capillorum radici multa inhærescit, & capitis quàm cæterarum partium cutis densior est, ex ea detergeri aut elui tota vix potest. Quocirca vlcus egrè sanescit, atque ex humoris perniciæ in primis contagiosum pueris existit.

ἀκροχορδον.

Verrucarum generaliter exigua sint mole, quod tamen fœda sint acio plerumque molesta, in morbis haberi debent. Verruca pensilis, quæ acrochordon Græcis appellatur, parte quidem summa latior, ima verò quæ ad cutem est tenuior, quæ quasi pediculo innititur. Exquisite dura est & aspera, cuti concolor. Altera thymium dicta, & colore thymi florem representans, ad cutem etiam tenuis est, in summo lata, dura, & aspera, pensili minor. Hæ quidem verrucæ rarò solitariae, sæpius complures proueniunt, maximè in palmis pedibusque puerorum. Plerumque inopinatè comparent, atque etiam nonnunquam subito disparent. Verruca sessilis, quæ Græcis est myrmecia, humilior est thymio, lupino vix vnquàm maior, dura, stabilis, latiore basi, radices altè exigens dolorem ciet. Clauus vt sessilis verruca, in cute eminet, albus, rotundus, callosus, parte summa clauorum capiti similis, sed prædura solidaque radice intrò se infigens, quasi ex ossium membranis emergat & expullulet. In digitis plantisque pedum ex calcei pressu aut intertrigine nasci solet: acuto interdum dolore sponte feriens, semper verò ingredienti molestus. Callus colore atque substantia clauo similis, 25

μυρμηκία.

ἡλός.

obdurata est summa cutis ex labore, in palmis aut in inferioribus pedum plantis succrescens. Nullam tamen radicem altè demittit, ac proinde prorsus est doloris expers.

Maculæ.

Cap. VI.

30

δερματος
πιλός, ἢ
κηλὶς.

CUTIS etiam vitia quædam nihil prominent, sed æqualia manent nulla asperitate: huiusmodi sunt maculæ quæcunque alieno colore hanc fœdant: vt vitiliginis species, lenticulæ, ecchymomata, sugillata, stigmata, vibices. Vitiliginis tres sunt species: albus, melas, leuce. In his cutis fœdatur dispersis maculis, neque continuatis, neque cohærentibus, sed quæ sedem mutant ac serpunt. Sub his sensus aut omnino perit, aut multo stupidior euadit, vt ne si cutis scalpatur, & interdum ne si acus quidem leniter infigatur, percipiat. Albus albo, melas nigro colore velut vmbra inficit: atque hi summam duntaxat cutem occupant. Leuce albo etiam, vt albus colore describitur, sed altius 40 descendit cutemque totam prehêdit. In hac pili excidunt, alique albi ac tenues succrescunt lanugini similes. Cõfirmata leuce perfrictione nusquàm rubescet, neque adacta acu sanguis, sed aquosa duntaxat sanies exit. Videtur

ὁ ἀλφός.

λευκός.

tur præterea & interdum vitiligo quædam rubro, fusco, aut liuido colore, cuius sensus aut perit aut stupidior est, hocque genus vniuersum iuniores *malum mortuum* malum mortuum appellant. Hæc vitia peculiaria iis sunt, quorum malus est habitus: omnium quippe efficiens causa est humoris impuritas. Alphi quidem & leuces crassa glutinosaque pituita, melanos bilis atra, cæterorū humor fædo colori consentaneus.

Lentigo in facie potissimum & in manibus, nonnunquam in pectore *ὁ φάκισ* emergit lentis magnitudine, colore fusco, crebris quasi guttis dispersa: his familiaris qui ruffo sunt pilo. Interdum hyemæque præsertim sponte deletur, æstate reuirescit ac crebrescit. Accidunt & partibus cæteris maculæ maiores, palmæ interdum magnitudine, colore etiam fusco, & quæ quibusdam temporibus & oriuntur & desinunt, quæ quoniam naturæ eiusdē sunt, in id quoque genus pertinent. Has autem constat ex melancholico succo nasci, qui è visceribus in cutem sit effusus. Interdum etiam peculiari *le* cutis vitio & affectu contrahuntur, quo illius alimentum, etiam si purum sit, corrumpitur alienūque colorem subit. Cutis enim extrinsecus infecta suum pariter cibum mutat, quemadmodum & maculæ ab ortu primæque conformatione, vt signa quædam nobis iniustæ, nulla possunt ratione deleri: & si nonnunquam obscurantur, tempore tamen virescunt, aliæ quidem cum maturis fragis aut cerasiis, aliæ vindemiarum, aliæ alio tempore, aliōve cœli statu. Quinetiam vt exanthemata, ita etiā aliæ quædam maculæ venenatæ qualitatē contagione sine pustulis efflorescunt, tum colore tum figura variæ, atque etiā interdum inauditæ: idque vel aëris inquinamento, vel hausti veneni perniciē, vel virulentæ bestię morfu: quæ non nisi extincta venenata qualitate deleri possunt.

Ecchymomate quoque cutis fædatur, hoc enim est sanguinis per cutē effusio atque concretio. Effunditur autem è tenuibus exilibusque venis in cutem sparsis, quæ ob sanguinis copiam aut tenuitatem aut acrimoniam, vel anastomosi, vel diapedesi referantur: crebrius verò vel labore immodico, vel contusione ex ictu casuue rumpuntur. Ex his ergo sanguis per cutē effusus coit, modò cum leui tumore ac dolore, modò citra hæc, eiusque colore inficitur cutis. Primumque liuescit, ac tum affectio pelioma Græcis nuncupatur: deinde & nonnunquam nigrescit, estque tum melasma: vtræque nobis sugillata dicuntur. His minora sunt stigmata, minoresque vibices: quales relinquuntur è flagellis.

De gangræna & abscessu.

Cap. VII.

MAGNA sæpe vitia phlegmonis aliis que tumoribus succedunt, quorum non aliud gangræna peius. Est enim incipiens partis corruptio: quæ quum iam eò processit, vt pars corruptione extincta & emortua sit, Sphacelus, id est sideratio nuncupatur. Hæc in ossē caries est, in carne cæterisque partibus generis nomen retinet. Primum igitur coloris



loris flos perit & extinguatur: quumque iam sphacelus est pars liuet aut nigrescit, tumida, mollis, ac prorsus cadauerosa: nec arteriarum pulsus est, nec dolor, sed nec sensus ullus, ut etiam sine sensu doloris altè scalpelli adigi possit. Oritur autem quum pars affecta vitali calore ac spiritu destituitur. aut quia à corde per arterias influere prohibetur, arctiore vinculo, contusione vel obstructione: aut quia insitus partis calor præfocatur & extinguatur, idque vel humorum copia, ut in magnis inflammationibus, vel ingenti obstructione quæ perspirationem prohibet, vel penetrabili frigore, vel venenata atque maligna qualitate.

ἢ ἀπὸ σπλην-
μα.

Abcessus, apostema Græci dicunt, est collectæ materiæ in pus aut in alienam substantiam cōversio. Inflammationis quidem materia, quæ sanguis est, extra venas putrescit, cuius si tanta est putredo ut nequeat ab infinito calore vinci, sæpe in gangrænam transit: sin verò vincatur, concoctione in pus facessit, eaque puris collectio absolutè est abcessus. Hic quum fit, locus tumentior, durior, rubicundior, feruidior ac antea apparet, dolor ¹⁵ incumbit vehementior, isque pungens ac lancinans: atque si locus insignis est, febricula rigorque inordinatus noctu potissimum fatigans. Abcessu iam factò mitescunt omnia, tumor in mucronem magis attollitur, excitaturque cutis prurigo. Pus enim cineri comparatur, cuius iam calor deferbuit. Fiunt porro & alij abcessus ex frigidis, duris, inueteratisque ²⁰ tumoribus, quorum materia neque inflammatur neque suppurat. Ex his non pus, sed aliena quædam substantia eruitur, ex frigido humore concoctionis vi genita. Ita enim his apertis potissimumque inueteratis, substantiam deprehendimus similem vel grumo, vel ossi, vel vngui, vel pilo, vel lapidi, vel adeni, vel ligno, vel carboni, vel luto: ea in carnosa parte ²⁵ creuit, sed nulla cysti obuoluta. Fiunt & alij quoque abcessus quorum materia cysti & tunica concluditur, atque ex materiæ conditione tres emergunt eorum differentiæ, steatoma, atheroma, & meliceris. In steatmate quæ extirpatur sauo, in atheromate pulti, in meliceridi melli persimilis est, circum quam tunica vetustate obduruit. Hæc in reliquis partibus cor- ³⁰ poris rarissimè, crebrò in capite progigni solent, quòd huius cutis densa materiam diu cohibeat, dum in alienam externamque substantiam concedat. In hæc quoque genera pertinent capitis tumores, junioribus testudo & talpa dicti, nisi quòd fortè distent magnitudine. Quoniam autem ³⁵ lenti sunt hi abcessus, ac sensim multoque tempore gignuntur, aut nullo aut obscuro dolore exercent, nisi quum fortè acrius suppurant.

ἢ κελύφος.

Sinus, venter est & obtecta latensque capacitas expurgato abcessu manens. Quum sanguis in phlegmone, aut alia in abcessu materia putrescit, contagione vicinam quoque carnem, & interdum neruorum venarumque ⁴⁰ fibras corrumpit & exedit, quæ & puris naturam subeunt, & cum pure defluunt. Proinde pure affatim effuso, necesse est intus sinum relinqui, quo id tenebatur. Quum enim pus exitum nullum habens diu coërcetur ac intus subsidit, proxima quæque & adhuc sana rodendo sinuat, sicque latè ^{finis}

sinus se fundit. Hic si in longum exporrigitur longioréque ductu pus emittit, fistula nuncupatur: est enim arctus oblongusque sinus. Hæc ex figura modò simplex, modò multiplex quasi ramulis sparsa, interdū recta, interdum tortuosa flexuosaque est. Recēs sinus atque fistula carne sua circūuoluitur, cuius tandem latera vetustate obdurescunt, quòd pure adhærente nec tempestiuè deterſo atq; concreſcente occaleſcāt. Hoc tanquā pariete aut velamento sinus fistulæve circūdatur, qui & tum calloſus appellatur.

ή σείγξ.

τυλλώδης
κόλπος.

De vulnere.

Cap. VIII.

- 10 **V**UNITATIS solutio in utrāque partem tum ſimilarem tum organicam incidit, eſtque communis vtriuſque morbus. Quæcūque interiorem & ex corporis vitio originē habet, aut quæ pus putredinēve contraxit, vlcus appellatur. Nam & phlegmone aperta, & vulnus quod incuria iam ſordidum ac putre euasit, ſpecie mutata vlcus eſt. Quæ verò extrinſecus orta eſt, ſi caſum infertur, plaga aut vulnus: ſi pūctum ab acuto telo, punctio: ſi colluſu à re graui, in carne quidem contuſio, in oſſe fractura: at in membrana, neruo atque vena ruptio nūcupatur. Euidentes cauſæ aut incidunt ac vulnerant, aut pungunt, aut contundunt, aut multifariam agunt. Incidunt enſis & quæcūque longiore ſunt acie. Pungūt pugio, ſica, ſagitta, animalium morſus, & quæcūque mucrone ſunt prætenui. Contundunt caſus, violenta incurſio, motus vehemens, vociferatio. Multifariam agunt, venabula, retuſa tela, & quæcūque vulnerando contundunt. Hinc igitur tres primæ ſunt ſolutæ vnitatis differentia, vulnus quod partis eſt mollioris, vt cutis, vt carnis, venæ, arteriæ, nerui aut membranæ. Punctio verò vniuſcuiuſque partis perforatio. Contuſio ſeu colluſio mollioris partis frequēs interior diuiſio, externa facie integra. Durioris verò partis vt oſſis quod irruenti corpori duro nō intrò cedit nec in ſe compellitur ſolutio, fractura eſt. Tenſarum verò partium, vt nerui, membranæ, tendonis, venæ & arteriæ, ruptio. Hæc quidem ſimplicia ſunt ſolutæ vnitatis genera, ex quorum commiſtione compoſita emergunt. Vniuſcuiuſque multæ ruruſum ſpecies exiſtunt. Nā vulnus aut ſimplex eſt aut cauum. Hoc ita appellamus in quo propriæ ſubſtantiæ portio quædam perit. Simplex ruruſum aut ſummum eſt, quum cutem ſolam occupat, aut profundum quum in carnem in aliâſve ſubiectas partes infligitur. Longum aut breue, magnum aut paruum, atque in his non longitudo ſola, ſed altitudo quoque & latitudo ſpectāda. Rectum vel obliquum, æquale vel inæquale, vt quod parte vna ſummum eſt aut anguſtum, altera profundum aut latum. Singulæ eiufmodi differentia tum ſenſibus præſertimque viſu atque tactu, tum infligētis cauſæ animaduerſione internofci ſolent: neque (quum coram ſint & in conſpectu poſita) alia de ſe indicia poſtulant. Sed tamen cauſæ quæ vulnus infligit, & materia, & figura, & magnitudo & vires æſtimandæ ſunt. Materia aut lignea eſt, aut arundinea, aut ferrea, aut ærea, aut ſtannea, aut plumbea, aut cornea, aut vitrea.

φάσμα.

ωληγή
ή βωσις.
νύγμα.
θλάσμα.
κρίταγμα.
ρήγμα.

φάσμα.

νύγμα.
ή θλάσις.

κρίταγμα.
σπάσμα,
ή ρήγμα.

Figura aut acuta, aut obtusa, recta, curua, angulosa, sulcata aut spiculis alata. Magnitudo teli admodum varia obtingit, cuius etiam appellatione irruendi impetus comprehenditur: ut sit vtrinque vulneris magnitudo conspectior. Vires eius materiae quae vibratur interdum nullae sunt, interdum aut simplici aut venenata qualitate infensae sunt: simplici ut cauterium & septicum medicamentum: venenata ut tela toxico immerfa intinctaque, ut rabidi canis, serpētis aut muris aranei morsus: ut scorpij, viperæ aut phalangij aculeus. Hæc verò non ampliùs simplicia & solitaria sunt vulnera: quemadmodum nec quæ vel intemperiem, vel ingentem dolorem, vel phlegmonem, vel pruritus comitem habent. Hinc autem illa nosci possunt, quòd symptomata quàm pro simplicis vulneris conditione grauiora suscitent, maximè verò quæ toxicorum & virulentarum bestiarum ictibus infliguntur, de quibus posthac plenior erit tractatio. Nunc autem ad eas notas pergo, quæ demonstrant, quæ pars in quouis vulnere plurimùm sit affecta. Incisa vena, sanguis abundè profunditur, eoque abundantius quo amplior atque turgidior ea fuerit: profluit autè continenter & æquabiliter nullo subsultu, sanguis crassiusculus atque rubicundus. Ab arteria verò tenuis, flauus feruidusque manat, neque is æquabiliter, sed pulsū quodam & saltu: quum enim arteria se summittit copiosior exit. Neruo autem seu pūctim seu cæsim vulnerato, motus interdumque sensus perit aut certè offenditur, torpôrque accidit partibus vulnere subiectis, dolor ingēs ex-cruciat, inflammatio partem exercet nonnunquam in gangranam definiens, febris accenditur cerebrique consensu sæpe delirium succedit. Conuulsio quoque insequitur, idque frequentius pūcto aut quadamtenus secto quàm præciso neruo. Vulneratis tendonibus aut membranis quæ tum caluam, tum reliqua ossa conuestiunt, eadem signa at obscura tamen obtingunt: multoque magis cæsis articulorum vinculis. Os vulneratū si nudatum est, immisso specillo scabrū exasperatūque percipitur nullo dolore, nisi quum fortè obtegenti membranæ durius occurritur. Iam verò quam intus partem vnumquodque penetrās vulnus attingat, signis indicadum. Si ex capitis ictu meninges vulnus acceperint, atrocissimus dolor inest, qui & mansu adductisque maxillis, & spiritus contentione exacuitur, protinus vomitio consequitur identidem ac subinde recurrēs: sanguis intrò effusus nonnunquam vel è naribus, vel ex auribus, vel ex oculis promanat: sensus interdum quasi attonitis obtūduntur, neruique distenduntur: nec multo post febris atque mox delirium exoritur, præsertim quum inflammatio occupauerit. Si cerebri quoque substantia offenditur, ut facile fit quum amplificatum id (ut plenilunio) omnem caluæ capacitatem implet, mens labat symptomataque omnia ingrauescunt, ac sæpe cerebri portio non citra vitæ perniciem excidit. At si altius in cerebri ventriculos vulnus sit inflatum, aut si transsoffi sunt oculi, repentina mors insequitur, perinde ac percusso corde: illic quippe animalis, hic autem spiritus atque etiam sanguis confertim emanat. Quum pectoris vulnus in cauum subit, expiratione

expiratione flatus erumpit, atque, vel aloës, vel myrrhæ vel aristolochiæ puluere in vulnus infuso, mox amaror impartitur ori. Vulneratis pulmonibus præter hæc, expuitio spumās cruentæque fertur, spiritus difficilè atque cum sono eliditur, deinde ni repentina mors sequatur, tum febris tum marcor hominem sensim conficit. Consauciato corde protinus extrema frigescunt, morsque in propinquo est: atque ea derepente irruet, si sauciatio in illius sinus descenderit. Arteriis venisque amplioribus inibi dissectis magna sanguinis viriūmque facta profusione, sudores frigidi foetidique exeunt mortis nuncij. Transfixum diaphragma præcordia conuellit, summam infert difficultatem spirandi, delirium quoque & mentis alienationem, nonnunquam tussim & expuitionem cruentam, tādēque haud secus atque ictus pulmo tabem atque interitū: maximè quum parte id media afficitur, vt quæ nervosa exanguisque sit, & continenter agitetur. Extremarum verò partium quæ carne multa sunt præditæ vulnera interdum agglutinantur. Vulnerata gula nullus cibi potusve transitus est, quicquid assumptum fuerit, protinus euomitur: singultus, animi defectio, ac plerūque cōuulsio distorquet. E ventriculi vulnere quod in capacitatem subit, cibus & potus erumpunt, vomitio quoque frequens est, & singultus, & animi defectio, nec ex eo diu quisquam seruari potest. Dissectis intestinis faeces minimè descendunt, sed in abdominis spatium illabuntur graui exorta putredine: atque plaga vel faeces ipsas vel earū odorem fundit. Iecoris aut lienis vulnus quum per summa est, præcordia ad spinam reducit, cruentas tum vomitiones tum deiectiones mouet, lateris punctiones doloresque ad iugulum quod è directo est, animi defectiones atque febrem, alui profluvia, quibus tandem quasi atrophia corpus liquescit & absumitur. At quod altius vulnus infligitur, animi defectione frequenti sudoreque frigido mortē accelerat. E rene læso mictio fit cruenta eaque parciore, dolor ad inguina atque testes deuoluitur, vrina sub abdomine collecta hydropis quādam speciem exhibet. Eadem propemodum & percussa vesica infert, atque insuper vomitionem, singultum, deliria, vrinaeque profusionem è vulnere, quibus & mors succedit. Discissa spinæ medulla subditæ partes resoluuntur, earūque motus ac sensus omnisque functio intercidit, vt etiam modò stercus, modò vrina, modò semen præter voluntatem exeat. Rarò autem simplex vulnus vsquam consistit, sed ferè partes complures occupat atque comprehendit, è quibus & multa & variè confusa signa existunt.

De vlcerebus.

Cap. IX.

VLCUS, est foeda impuræque continui solutio. Impura quidem fit, non vt vulnus sanguine, sed vel humoris vitio, vel hinc genita sanie, vel pure, vel quauis alia corruptione, nō extrinsecus, sed ex vulnere ipso profecta. Vulnus extrinsecus accipitur: vlcus nonnunquam extrinsecus quoque, vt quum vel septico medicamēto,

V iij vel

vel cauterio corpus inurit: at sæpius huic origo spontanea, ex interiori vitio est. Itaque omnis efficiens vulneris causa euidenter est, vlceris verò plerumque interior, quiuis scilicet humor præter naturam collectus. Hic enim vel exesione vlcus gignit, vel in vulnere accepto vetustate aliâ ratione succrescit. Est autem vlceris interior illa causa duplex, antecedens & continens. Antecedens est corporis impuritas atque cacochymia, aut ex improbo victu, aut ex viscerum praua affectione contracta. Cōtinens est, vitiosus humor omnisque corruptio in affecta parte consistens ac hærens. Vulnus ergo solitarium existit, neque illi causa assidet, vlceri sua semper comes est causa, quæ quod genuit etiamnum fouet. Præcipuæ vlcerum differentia & ex iis quæ dimanant, & ex causarum varietate statuuntur. Vlcus quidem quemadmodum & vulnus appellare licet magnum paruum, summum profundum, rectum obliquum, æquale inæquale, recens aut inueteratum, at non illius propriæ sunt differentia. Ab iis autem quæ in vlcere succrescunt indeque manant species hæc fiunt: vlcus saniosum, virulentum, sordidum, purulentum atque verminosum. Est autem sanies omnium quæ defluunt tenuissima, minimè glutinosa, subalbida aut subrubicunda. Quod hac crassius existit, si glutinosum quoque est, siue Græcorum ichor sit, siue meliceria, nostris virus appelletur: pus utroque crassius est & albidius, minimè tamen glutinosum aut cohærens: hoc ex vlcere exit iam sanescēte, sanies ex incipiente atque crudo, virus ex maligno. Vnūquodque autem vitiosum habetur, si multum, tenue, dilutum, liuidum aut nigrum, mali odoris & acre: tolerabilius verò si omnia obtineat contraria. Sordes hisce omnibus crassior glutinosiorque est ac minimè profluit, sed veluti concreta adhærescit vlceri. Vermes tum sordis tum putredinis soboles sunt, solentque in neglecto vlcere procreari.

Vlceris porro differentia ex continente causa hæ sunt: vlcus phlegmonodes, erysipelatodes, ædematodes & carcinodes: dein exedens, cacoëthes & putridum. Nam interdum ex aperto quodam tumore fit vlcus, interdum citra tumorem ex humoris partisve corruptione. Ex tumore fit phlegmonosum aut erysipelatofum aut ædematosum aut cancrifum, quod & cancer dicitur exulceratus. Sine tumore verò vlcus fit exedens, quod partem cui infidet affiduò excavat exteritque. Quinetiam depascens (Græci nômodes appellant) quod non solum affectam partem excavat, sed & vicinas quoque integras absumit & quasi depascendo depopulatur. Huius quoque species est phagedæna, serpens quidem vlcus & obambulans, sed solam cutem, non autem subiectam carnem rodens ac depascens. Omnium causa est biliosus, acer & mordax humor, aliàs crassus, aliàs tenuis confertim in partem effusus. Succedunt ea herpeti & erysipelati interdum & vulneri quod acrius medicamentum exasperavit.

Ab his sunt vlcera cacoëthe, id est maligna & ægrè sanabilia, quæ etiam quòd difficile ad cicatricem ducantur Græcis dysleputota nuncupantur. In hoc genere sunt Telephia atque iis deteriora Chironia. Ea ferè magna, non

ἔλκος
ἰχωρροῦν,
ἰώδες, ῥυ-
παρόν, πυ-
ῶδες, σκω-
ληκκῶν.
ἰχθῆρ.

ios.

ῥύπος.

σκόληκος

καὶ κ' ἡ θεία
ἐλκος.

စာမူဝိသေ.

Φαγέσαι-
να.

κακή ἔσται
καὶ δύσπαιστα
τῇ λήφει
χειρὼν ἐκ
ἐλκῃ.

non tamen putrida sunt, neque tetrū odorem expirant, neque depascunt, neque dolore excruciant: sed oras habent tumētes, præduras atque callosas: proinde non facile sanescunt, cicatrice interdum obducuntur tenui, sed quæ mox dirupta vlcus renouat: exulcerato cancro ferè similia, nisi quod tumore nullo obsidentur in ambitu. Horum præter vulgare humoris vitium, cæca quoque malignitas causa statuenda, quæ vix abigi profligarive potest. Talia ferè ex pestilentia relinqui solent.

Putridum vlcus proximum his est, in quo non id solum quod exit, sed ipsa quoque vlceris caro cōputruit, atque mollis, glutinosa, & cadauerosa iam reddita, tetrum grauēque odorem exhalat. Hoc nisi coërceatur plerumque in sphacelum deducit. Oritur nōnunquam ex sola humoris perniciē, sed hinc tamen frequentius quod partis insitus calor vel ab arteriarum obstructione, vel alia quauis ex causa sit extinctus, neque iam possit partis substantiam & integritatem tueri. Vlceris igitur cuiusque species eiusque continens materia tum ex iis, tum ex eorum quæ dimanāt substantia atque colore, tum ex orarum duritie vel tumore vel colore noscenda.

Ad hæc verò vt perfectior instituatur curandi ratio, causam quoque vlceris, antecedentē, & quicquid in illius ambitu confedit, etiam atque etiam circumspicere oportet & accuratiùs explorare. Multa enim plerumque circūstant, sine quorum animaduersione nequeat vlceris sanatio cōpleri: cuiusmodi sunt intemperies præter naturam, phlegmone, omnisque tumor: varix, contusio aliæque carnis corruptio. Intemperies deprehenditur partis colore, contactu, laborātis sensu, atque remediorum vſu. Tumor præter naturam quum tactui vſuique sit obuius, seipso innotescit. Hic autem vlceri materiam pabulūque suggerit, vt (ni prius sublatus sit) nequeat vlcus omnino sanescere. Varix quoque aut quouis modo dilatata vena, si in vlcus materiam eructat, id agglutinari non sinit. Contusio autē omnisque subiectæ carnis corruptio aut vitiositas, haud secus ac intēperies vlcus sanari prohibet. Neque enim id carne impleri, neque agglutinari, neque cicatrice rectè obduci sinit, ni cōuenientem naturę suæ modum obtineat.

Quinetiam viscerum præsertim verò iecoris atque lienis constitutio, totius denique corporis habitus tenēdus, quod ex bono facilis, ex malo habitu difficilis sit vlceris curatio: hac ex causa hydropicorum & ictericorū vlcera agrè sanescunt.

De ossibus fractis, luxatis, aut aliter vitiatis. Cap. X.



SSI quoque peculiaria vitia insunt vlceri finitima: nam & continuitas soluitur & id loco mouetur. Cōtinuitas soluitur quum id aut vitiatur, aut colliditur, aut foratur, aut finditur, aut frangitur. Vitiatur vel quum nigrum euasit, à candēte ferro vſtum, à maligno vlcere, à fistula, à cācro assidente inquinatum: vel quum pingue & molle, vel etiam quum cariosum fit. In his non solus color, sed & ossis soliditas perit: quæ in nudato osse satis est conspicua, in contexto verò explorari

plorari debet specillo tenui in vlcus immisso, dum os attingat: molle si-
quidem & asperumprehenditur. Colliditur atque cōtunditur non-
nunquam cum nulla diuisione pars illius summa ex ictu solū exaspera-
tur: nōnunquam quum integra continuatione inflectitur, vt costa atque
cartilago, at verò propriè quum in interiorem partem impellitur. Hoc
concauum quodam modo fit, quēadmodum & ænea vasa quum illidun-
tur. Infantibus & iis quibus etiānum tenella sunt ossa, præsertim verò
caluaria, peculiare hoc vitium. Tum quidem incumbens caro contusa est
atque sub ea depressum os cauumque tactu dignoscitur. Foratum est os
quum adacto tenui mucrone demissioque tenui specillo vndique soliditas¹⁰
existit. Finditur rectum & vt lignum in longitudinem, frangitur vel trās-
uersum vel obliquū: atque huius extrema modò retusa, modò acuta sunt,
hæcque sæpius carnem vulnerant aut neruum. Quin etiam fragmenta ab
his tenuia interdum recedunt non sine compunctione ac dolore. Fissum
fractūve os faciliè cognoscitur si illius fragmenta suis sedibus mouētur:¹⁵
aliud enim super aliud effertur, ac proinde asperitas & inæqualitas tãgen-
ti occurrit, mutaturq; interdū partis figura. At nōnunquā fit vt fragmen-
ta omnia in suis sedibus persistāt, ac tum obscurius est malum: nihil enim
pūgit, nihil resimū est, sed tactu omnia sunt æquabilia, membrōque sua
figura manet. Hinc tamen coniicere licet, quòd pars cōtacta dolet, neque²⁰
suo perfungitur munere: tota intumescit ac plerumque calet, euidentes
quoque ictus causæ antecesserunt. Atque hæc omnibus quidem ossibus
communia sunt, nunc quicquid vnicuique peculiare est persequamur.

Caluariam penitus frangi aut etiam findi periculossimum, & nihilo-
minus cognitu difficillimum est. Quum caput vehemēter percussū est²⁵
re quapiam dura, aspera atque vasta, sanguisque per aures aut per nares ef-
fluxit, & bilis vomitio & vertigo insequuta est, homōque quasi attonitus
concidit, sine voce, sine sensu, magna fractæ caluariæ suspicio esse debet.
At hæc certè interdum ea nondum fracta obtingunt, concusso duntaxat
vehementius cerebro. Sed & nonnunquam sine his quosdam vidimus fra³⁰
cta caluaria dies circiter octo quasi minimè affectos, ad consueta munia
prodire, quos tamē postea ingens symptomatum turba prostrauit. Itaque
quum fracti ossis opinio est, nullum certius signum sit, quàm demisso in
plagam specillo id explorare. Si quid enim in osse asperum extra futuras³⁵
occurrit, fractum id ipsum est: si nihil nisi læue & lubricum, integrum ma-
net. Interdum etiam ex malis symptomatis fractæ caluariæ suspicio est,
nec tamen qua parte vulnerata est cutis, sed altera os finditur: ac tum cir-
cumspectius quærēdum nunquis locus mollior sit aut tumeat aut doleat,
in hoc quippe ruina existit. Porro autē si malis quas dixi notis statim per
initia vel mentis alienatio, vel torpor, vel neruorū resolutio vel distentio⁴⁰
acceserit, non modò fracta, sed & depressa caluaria meninges cerebrū-
que premit. At si ea multo post tempore superuenerint, vel ex phlegmo-
ne, vel ex humorum illuue originem trahunt. Siquid autem in naribus
aduersum

aduersum frangitur, siue os siue cartilago est, nasus desidit, coarctatur nares, spiritusque ægrè ducitur. A latere verò si quid fractum est, aut locus cauius apparet, aut nasus in alteram partem cōtorquetur. Fracta verò maxilla quemadmodum & iugulum, non nisi communibus indiciis deprehenditur. At costa si tota perfringitur, præter eas notas, sanguinis quoque spiritum, grauissimum dolorem, spirandi difficultatem, inflammationem, febrem, suppurationem vitæque periculum infert. Contusio atque depressio, eadem quoque sed leuiora multo. Quum quid verò in spina fractum est, quoniam acutum id est, utique pungit, locus concavus fit, corpusque in partem internam nititur. Humerorum atque scēorum fractorum non alia quàm communia signa sunt: uti neque brachiorum neque tibiarum: quāquam in his non parū ad rem pertinet considerare alterumne os an vtrumque sit fractum. Hæc de fractis ossibus, nunc de luxatis.

Luxari os dicimus quod vel prolabitur, vel quouis modo sede sua mouetur. Id si perfectè fit & articulus prorsus excidit, ossisq; caput è sinu suo promouetur, vitium hoc Græci ἰζάρεθρον vocant. Si verò os ab osse paulum recedit, eaque inter se dehiscunt atque diducuntur, ἰζάρεθρον. Vtrumque autem modis quatuor fieri solet: aut enim in partem priorem, aut in posteriorem, aut in internam, aut in externam os elabitur. Fit autē prolapsus omnis interdum ab externis causis ut ab ictu, casu & ab aliis que violenter os aut è propria sede dimouent, aut vincula dirumpunt, aut laxant, idque frequētius in pueris & imbecillis, quàm in robustis. Interdum etiam ab internam causa, quæ vincula articulōsque laxat & infirmat: ut quū humor pituitosus, mucosus, ac lubricus exuperat, qui vel multitudine vincula emollit, vel lēiore ossa lubrica efficit. Luxati autē omnis articuli hoc indicium est, quod qua parte os prosilit, articulus extuberat, aduersa à qua recessit sinum habet: mēbri figura peruertitur, neque recta manet, membrum ægrè in eam partem flectitur in quam os excessit, in aduersam perfacile. Et hæc quidem luxatis omnibus sunt communia, quid verò singulis accidat, deinceps dicendum. Maxilla & in partem priorem & in alterutrum latus promouetur. Quum in priorem, mentum prominet forasque excedit, & inferiores dētes longiūs superiorum seriem excedunt: quū verò in latus, mentum in contrariam partem cōtorquetur, nec dentes inferiores paribus respondent. Ceruicis vertebræ si in partem internam procident, ægrè tum spiritus ducitur, tum cibus voratur, sinusque inest: si in externam, præter hæc mentum etiam pectori cōmittitur & tumor in ceruice prominet. Sic propemodum & quum in spina vertebræ prolabantur, licet nō prorsus excidant, ea posteriore parte vel prominet, vel excuatur, vel in alterum latus inflectitur, neque amplius recta illius figura manet. At verò quum toto loco mutatae sunt vertebræ, quoniam & membranæ & nerui premuntur aut etiam diuelluntur, præter ea quæ dixi, ex iis quæ super septum tranſuersum sunt, brachia atque latera aut resoluuntur, aut distenduntur, vomitio spiritusque difficultas incidit. Ex iis verò quæ sub

X septo,

τὸ ἰζάρεθρον
θρόνον

septo, crura resolutione aut distentione laborāt, unde aut sax alui, aut vrina modò suppressitur, modò præter voluntatem exit. Humerus in alam frequentius, in priorem partem rarius, in superiorem nunquam prolabitur: si in alam, brachiū recedit à latere, neque in id adduci potest: si in priorem, brachium in posteriora facilè, in priora difficilè inflectitur. Cubitus ab humero in omnem partem excidit: quum in posteriorem, brachiū curuum est, neque exporrigi potest, èstque altero breuius: quum in priorem, extensum id ipsum est neque incuruatur. Similis quoque luxatæ manus est ratio. Fœmur si (vt sæpissimè fit) in interiorem partem prolabitur, crus totum extrà porrigitur, vix alteri iungi potest, èstque eo longius. Si in exteriorem, vt nonnunquam contingit, crus totum intrò spectat, èstque altero breuius. Rarò autem admodum vel in priora vel in posteriora luxatur. Genu in omnem præterquam in priorem partem conuertere potest: quod signis communibus internoscitur. Hinc etiā quod perinde atque in fœmore nerui intendi solent. Palmæ plantæque ossa modò in priorem partem, modò in posteriorem prodeunt, atque in ea parte tumor apparet, in aduersa sinus. Digi tum manus tum pedis in partes omnes excidunt, cômunesque notas habent, quia neque naturalem figuram retinent, neque possunt in eam partem flecti in quam prolabuntur.

His expleta atque conclusa sit Pathologia, quæ est affectuum, causarum & signorum insalubrium, omnium denique quæ præter naturam in humanum corpus incidunt tractatio. Quamquam autem ea in breuem quasi formulā comprehensa videri potest, quisquis tamen acri studio attentaque cogitatione singula expendet atque æstimabit, tandem percipiet nihil eorum prætermisum esse, quæ ad perfectam rerum & morborum cognitionem pertinent, & ad medendi vsum cōducunt. Præstabilia quæque videor persequutus, minutioribus iis duntaxat neglectis, quæ nullo studio in cuiusque vel mediocriter eruditi captum ac mentem venire possunt.

LIBRI SEPTIMI PATHOLOGIAE, DE
externis corporis affectibus, Finis.

INDEX IN PATHOLOGIAE LIBROS

septem : cuius prior numerus paginam , posterior verò
lineam demonstrat.



- A**ortus causæ 210. 19
 Abortus futuri notæ 210. 38
 Abscessus 230. 10
 Abscessus ventriculi 162. 34
 Abscessus circū ossis ethmoi
 dis meatum 145. 27
 Abscessus intestinorum 182. 29
 Absurditates consequentes eorū opinio-
 nē qui febrīū intermittentiū cōtinētē
 causam locāt in habitu corporis 103. 13
 Accessio febris intermittētis quī fiat
 106. 25
 Accessiones febrīū intermittētium quid
 grauiores reddat 107. 13
 Accessio qua ratione ordine recurat
 107. 37.
 Accessiones quibus ex causis euadāt lon-
 giores aut breuiiores 109. 13
 Achor 228. 1
 Acrochordon 228. 11
 Actiōē ledere & impedire idem 3. 10
 Actiōem omnē quatuor perfici 32. 37
 Actio lēsa affectū partis index est 44. 27
 Actiōem ledere secundariō non est so-
 lius causæ 14. 2
 Actiōis lēsiō non semper à morbo fit
 5. 23
 Aer externus tribus de causis animantiū
 vitam tuetur 18. 26
 Aer inspiratus qua ratiōe interiora per-
 mutet & afficiat 18. 35
 Aeris sereni commoda 18. 41
 Aeris crassi & caliginosi incommoda
 19. 2
 Aer quam vim habeat ad morbos exci-
 tandos 19. 7
 Aer quot modis morborum opifex sit
 19. 18
 Aeris substantia vitiata vt morbos exci-
 tet 20. 5
 Aegilops quid 142. 4
 Aestuarii qui corpus afficiant 29. 31
 Aetheroma 230. 28
 Affectū partis inuestigatio 45. 25
 Affectus simplices & exigui symptoma-
 ta sunt 10. 42
 Affectus & affectionis discrimen 2. 3
 & 2. 24
 Affici & ægrotare quī differant 2. 27
 Affectus præter naturam quis 2. 36
 Affectus contra naturam quis 3. 4
 Affectū partes si multæ sint, quæ primū
 affecta fuerit 47. 35
 Affectus per consensum triplex 5. 2
 Affectus quid 1. 38. & vt inducatur
 1. 42
 Affectus contra naturam duplex 4. 42
 Affectus partis vnius alteri cōmunica-
 tur trifariam 12. 28
 Affectus proprius ab eo qui per consen-
 sum fit, quī discernatur 44. 28
 Affectus impliciti qua ratione explicari
 debeant 47. 5
 Affectus thoracis impliciti, vt secerni
 possint 47. 17
 Affectus penis & vesicæ confusi & im-
 pliciti qui explicari possint 47. 21
 Affectus inuestigatio 48. 10
 Affectus omnes capitis esse symptoma-
 ta 226. 6
 Albugo quid 140. 34
 Alimentum veneno opponi 21. 11
 Alimentum quid 21. 21
 Alimentum quomodo corpori simile
 reddatur ex Aristotele 22. 1
 Alimentum omne excalfacere quomo-
 do accipiendum 22. 5
 Alimentorum calidiorum & vini incō-
 moda 22. 15
 Albus 228. 35
 Amentia quid 129. 16
 Ana farca signa & causæ 178. 40
 Anatomes peritiā ad morborum co-
 gnitionem requiri 125. 42
 Aneurysma mirabile ex cordis palpi-
 tatione 160. 11
 Aneurysma 225. 4
 Angina quid 149. 4
 Anginæ veræ differētiæ quatuor 149. 9
 Anginā horis octodecim ægrotū plarū-
 q; strangulare 149. 13
 Anginarum omnium causa 149. 26
 Angina notha 149. 30
 Angustia & laxitatis causæ 33. 19
 Ani affectus atq; symptomata 188. 41
 Animi defectio & exolutio p febres 122. 2

I N D E X

Animi prurbationes immoderatæ quos excitent affectus	28. 22	Auicennæ error	9. 20
Animi perturbationes cur in causis euidentibus habeantur	28. 7	Aurium affectus	142. 40
Animi perturbationes sex	28. 13	Auris impedimenta	144. 19
Animi mores corporis affectus & humores exuperantes indicant	50. 9	Aures purulentæ	143. 9
Apepsia, vide cruditas		B Alneæ & aliæ causæ euidetes, vt corpus permutent & afficiant	29. 33
Appetentia canina	163. 26	Batrachus	147. 40
Aphræ	147. 28	Bilis calida & acris non potest primum & per se esse frigoris causa	104. 5
Apoplexia quid 133. 3. eius signa ibidem.		Bilem quæ ætas augeat	56. 4
Apoplexiâ ab vteri strangulatu à sopore & à syncope discernendi ratio	133. 8	Bilem quæ alimenta proferant	56. 6
Apoplexiæ causa	133. 22	Bilem quæ causæ euidentes cumulent	56. 8
Apoplexiæ qui sint opportuni	133. 31	Bilis flauæ molestius exuperantis signa	56. 15
Aposlema	230. 10	Bilem citrinam & prassinam vomitione erumpentem accessionis initio, materiam esse intermittentis febris	106. 2
Ascarides	45. 11	Bilem putrescentem malignæ qualitati admixtam, horrorem rigoremque citare	105. 39
Ascarides vbi sedem habeant	188. 25	Bili flauæ cumulandæ qui sint apti	56. 2
Ascites hydrops	179. 28	Bilis atræ exuperantis causæ & signa	57. 25
Ascitæ causæ & signa	179. 42	Blæsi & balbi	148. 11
Asperitatis morbus	9. 27	Bradypepsia	164. 7
Asperitatis & leuitatis causæ	33. 27	Bronchocele	223. 13
Asthmatis ortus causæ & signa	151. 10	Bubo frigidus	223. 23
Asthmati qui sint opportuni	151. 16	Bubo pestilens	119. 16
Asthmaticos quos appellemus	151. 32	Bubonocle	199. 15
Arenulæ qua parte renum gignantur	190. 25	Bulimos & eius causa	163. 23
Arteriæ plenæ quem edant pulsum	54. 15	Bullæ per vrinæ coronam dispositæ quid indicent	
Arteriæ apertæ indicia	132. 17	C Achexia quid & quàm sit multiplex	178. 10
Arthritidis antecedens causa	212. 39	Cachexia quo distet ab athrophia	178. 30
Arthritidis causæ & origo nõ ducitur ex intimis partibus	213. 1	Cacochymia multæ species	30. 43
Arthritidis origo & fons est caput	213. 9	Cæcitatis causæ	138. 41
Arthritidis causæ quibus viis è cerebro illabatur in articulos	213. 28	Calculus in rene vt concresecat	82. 15
Arthritidis euidentes causæ	214. 14	Calculus in cysti fellis genitus	170. 25
Arthritidis cõtinens causæ non penetrat in articularum acetabula	212. 11	Calculi generatio in renibus	190. 29
Arthritis nulla calida, nulla sanguinea nulla biliosa, sed omnis est frigida	212. 25	Calculi renis indicia	191. 1
Arthritidis differentiæ signa & causæ	211. 32	Calculi materia	191. 14
Artuum quàm varij dolores	211. 32	Calculi causæ efficiēs, non solus renum calor	191. 16
Arthritidis differentiæ tres nominibus insignitæ	211. 36	Calculus renum morbus non est	4. 22
Atra bilis in liene cumulata quibus symptomatis molesta sit	173. 24	Calculus vesicæ	193. 8
Athrophia quid & eius causæ	177. 33	Calculi vesicæ causa alia est, quàm quæ vulgo traditur	193. 11
Atrophia omnis humorum colluuiem habet coniunctam	178. 2		
Auditio deprauata	143. 40		

P A T H O L O G I Æ.

Calculus vesicę præcedunt dolores nephritici	193. 22	dens agat	16. 37
Calculi vesicę signa	193. 27	Causa efficiens triplex 17. 4. & eius differentię	17. 5
Calculus vesicę quib ⁹ signis discernatur ab vlcere ceruicis fordido	194. 1	Causas externas nemo potest omnino defugere	17. 34
Calculos in pulmonibus cõcrescere varios qui etiam tussi reiiciuntur animaduersum esse	151. 20	Causę externę duplices 17. 41. & earum dinumeratio	17. 43. & 18. 2
Caligo quid	140. 29	Causam ad aliquid semp referri	18. 12
Callus	228. 25	Causę morborum interiores quot sint	30. 32
Calorę febris semp è corde p̃dire	90. 19	Causę interiores morborũ quę	30. 32
Calorę febris nõ semp in corde accendi, cõtra Auicennam	90. 28	Causę interiores duo subeunt vitia	30. 37
Calor naturalis duplex	89. 34	Causarum obseruatio medicis quàm necessaria sit	14. 12
Calor qua ratione excandescat ab ingestio cibo	116. 4	Causarum genera quatuor	14. 25
Calorem præter naturam & febrilẽ triplicem esse	90. 1	Causę externę & aduentitię	15. 34
Calor præter naturam quando febris existat	90. 10	Causę efficiẽtes morborum quot	15. 36
Calx viua deuorata ventriculum recreauit nobilis cuiusdam viri	163. 32	Causa continens quę	15. 40
Cancer	223. 42	Causas tres non ad omnem morbũ concurrere	16. 8
Carbunculus pestilens 118. 31. & eius causa	118. 40	Cephalęa quid	126. 39
Carbunculus	221. 14	Cephalalgia quid	127. 1
Carcinoma vteri	201. 4	Cerebrũ multum colligere excrementi	136. 27
Catarrhus	136. 23	Cerebri ventriculi quibus ductibus expurgentur	136. 36
Catarrhus præfocans	151. 37	Cerebri excrementũ vnde acre aut salsum euadat	136. 40
Catoche seu catalepsis quid 130. 25. eius signa	30.	Cerebri excrementum in vertice collectum	136. 43
Catoches in quibusdam laborantibus obseruatio	130. 31	Cerion	227. 43
Cauitatis morbi	9. 14	Chiragra	211. 39
Cauitatis & meatus morbi, quibus ex causis profluant	33. 15	Chironia vlcera	234. 43
Causarũ duo prima genera	14. 35	Chirurgia medicinę pars	219. 8
Causę nobis insitę duplices	14. 39	Chirurgi munus	219. 17
Causę præter naturam insitę	15. 3	Cholera quid, eius causa	166. 20
Causam simplicem varios plerũq; morbos infligere	34. 12	Chymosis quid	141. 34
Causę functionum primę	4. 8	Cibi in ventriculo corruptio quibus ex causis fiat	164. 22
Causas euidentes morbos ex se genitos indicare	52. 21	Cibus & potus quàm aer validius nos afficiunt	20. 36
Causa externa ab euidente differt	24. 18	Clauus	228. 20
Causę continentis inuestigatio	48. 24	Cibi fastidiũ & eius causę	163. 13
Causam cõtinentẽ à morbo facilẽ fecerunt contra neotericos	16. 17	Cibi fastidiũ & ei ⁹ multiplex causa	121. 18
Causam externam in omnibus morbis reperiri	16. 32	Cœliaca affectio	185. 15
Causam continentem magis esse necessariam quã antecedentem	16. 35	Coloris præter naturã causę quę	40. 41
Causa quando per se quando per acci-		Colicus dolor & eius causę	183. 3
		Colici dolores nothi 183. 34. ij succedunt diuturnis febribus	ibidem
		Colũ intestinũ fiat ⁹ est receptaculũ	183.
		Columellę affectus	148.
		Compositionis morbus	10. 5
		Conceptus irriti & inutiles	201. 31

I N D E X

Conceptionis notæ	209.	Coryza quid,	145.35
Concoctio materiæ febris quæ	84.26	Costæ effractæ aut de propria sede depul-	160.10
Condyloma quid	189.22	sa vi palpirationis cordis	160.10
Confirmatio ex quibus constet,	8.43	Crassitiei humorû spiritû & extremæ-	
Constitutiones totius vitæ quot & earû		torum causæ	31.42
dinumeratio.	6.25.	Crudititas quid, 164. 6. eius causæ.	164. 8
Constitutio vitiosa natiua quibus gau-		Cruenta expulio quibus è locis prodire	
deat	52.1	soleat	159.1
Constitutio morbosa quibus lædatur aut		Cruenta alui deiectio	187.39
iuietur	52.5	Crytalloidis humoris affectus	139.3
Contentorum vitia morbi non sunt	3.	Cynicus spasmus	146.30
34. & 4. 5.		Cystis fellis affectus	170.18
Contentum multum in vrina vnde cu-		Cystim fellis omnino exhaustâ bile ne-	
muletur	85.9	cem adferre posse,	171.42
Cotentorû paucorum causæ	85.12	D eiectionis tardæ causæ	184.6
Contentû substantia crassum quibus ex		Deiectio cita quibus fiat ex causis	
causis insit in vrina.	85.15	185.2	
Contentum tenue quid indicet	85.19	Deglutiendi difficultas per febres qua	
Contentum leue quod	85.21	ex causa contrahatur	121.12
Côtetorû colores quid indicent	85.27	Delirium per febres vnde oriatur,	
Contenta quibus ex causis desint in vri-		123.23	
na	85.32	Delirium futurum vt præuideatur,	
Contagiosi morbi	8.6	123.29	
Contenta corporis quæ	3.27	Delirium in continua febre quid indi-	
Contentorum corruptio vnde	31.20	cet	123.35
Continui solutio quibus de causis con-		Delirium quî distet à phrenitide	127.21
tingat	34.4	Dentes exerti	146.39
Cōtinui solutionē morbû nō esse partis		Dentium affectus	146.39
similari cōtra Auerrhoïn	10.16	Dentium dolor	147.2
Cōtinui solutionem morbum esse instru-		Desipientia quid	127.9
menti	10.27	Desipientium tres esse ordines	127.13
Continui solutionis varia noīa	10.30	Desipientiæ causa	127.17
Contusio	231.17	Desipientia cum febre affligens	127.19
Cōuulsio quid 134.36. & ei⁹ signa. ibidē		Desipientiæ simplicis & quæ sine febre	
Conuulsionis causæ	135.9	est, causæ	127.33
Conuulsio flatulenta veteribus ignota		Desipientiæ melancholicæ differentia	
135.22		127.41	
Cōuulsionis flatulentæ causa	135.25	Desipientia melancholica quæ	127.42
Cōuulsionis flatulentæ quæ authori oc-		Destillatio quid,	136.23
currit descriptio, 135.29. & quæ eius cau-		Destillationis materia	136.26
sa fuerit	135.37	Destillationum externarum focus vete-	
Cordis affectus	159.15	ribus ignotus	137.7
Cordis intemperies calida, frigida, hu-		Destillatio è capitis vertice in tres par-	
mida, sicca	159.18	tes illabitur	137.9
Cordis palpiratio quid	160.9	Destillatio è cerebri ventriculis in quas	
Cordis calidi signa	52.35	feratur partes	137.13
Cordis vulnera	159.32. & 233.5.	Destillationem externam ab interiori	
Corpori tria præter naturam accidere.		secernendi ratio,	137.34
1.36		Destillationis materia vnde succrescat,	
Corporis constitutio quàm mutabilis		137.38	
5.34		Destillationē quæ causæ moueāt	137.42
Corpora impura & plethorica labori in-		Destillationis materiâ oēm nō è calidio-	
epta	26.41	re iccore efferri, cōtra iuniores	138.3

P A T H O L O G I Æ.

Destillatio in pulmones magno impetu procumbens quænam accerset sym- ptomata	150. 40	Elephantia totius substantiæ morbus est	214. 42
Diabetes	196. 22	Elephantia præcipua sedes iecur & lien	215. 2
Diaphragmatis vitia	157. 6	Elephātia quot modis cōtrahatur	215. 4
Diarrhœa multiplex	186. 12	Elephantia signa	215. 26
Diaſtole quid	60. 19	Emprosthotonos	134. 43
Diaſtole quid præſtet	63. 26	Enterocœle	199. 23
Dolor symptoma tactus eſſe	41. 36	Ephelides	227. 29
Dolor tactus omniū acerbiffimus	41. 38	Epicauma	141. 7
Dolor quid	41. 42	Epilepſia quid	131. 26
Doloris cauſæ quot	42. 4. & 42. 20	Epilepſia abſolutæ ſigna	131. 27
Doloris cauſas à Galeno & ab Auerrhoi- de malè perceptas fuiſſe	42. 9	Epilepſia quæ cauſa à veteribus tradi- tur	131. 35
Doloris ſpecies partem affectam detegit	44. 34	Epilepſia vera cauſa	131. 40
Doloris & tumoris ſitus partem affectā indicat	44. 39	Epilepſia fomes	132. 5
Dolor thoracis quam partem affici ar- guat	46. 8	Epilepſia tres differentiæ	132. 8
Dolor ſubter coſtas ſiniſtri lateris ad quā partem ſit referendus	46. 16	Epilepſia quæ in cerebro ſit quæ cauſæ obſeruata ſint	132. 10
Dolorem colicum ex quartana & tertia- na febre interdum oriri	107. 35	Epilepſia primariæ ſigna	132. 15
Dolor & grauitas lumborum	122. 31	Epilepſia ex ſympathia ventriculi ſigna	132. 18
Dolor capitis per febres quā habeat cau- ſam 122. 43, & quam capitis partem obſideat	123. 6	Epilepſia ab vtero ſæpe excitari vt & à ſummo vertice	132. 23, 26
Dolorem omnem capitis in membranis ineſſe	126. 10	Epiplocele	199. 23
Dolorum capitis cauſæ 126. 20, & ſigna earum	ibidem	Epinyctis	221. 38
Dolor capitis externus ab interiori quī internoscatur	126. 43	Epiphora quid	141. 15
Dolores capitis tum interiores tum ex- teriores ſæpe ad oculorum radices per- tingere	126. 36	Epulis	147. 21
Dolorum externorum cauſa quæ	137. 9	Eryſipelas	225. 16
Dolor aurium	143. 22	Eryſipelas pulmonis	152. 27
Dolor pleuriticus	155. 29	Eſculenta & potulenta quot modis nos afficiant	21. 5
Dolorem lateris ex deſtillatione, interdū veram pleuritim accerſere	155. 34	Exagitationis ſpirituum & humorum cauſæ	32. 9
Dothien	221. 26	Exanthemata 7. 41, & 119. 30, & corū cauſa maligna	119. 37
Dyſenteria in multas ſpecies diſtributa	187. 1	Excernendi modus affectam ſedem pa- tefacit	44. 22
Dyſpnœa multiplex & eius cauſæ	158. 20	Excrementa corporis qua ratione mor- bos faciant	24. 24
Dyſuria	198. 1	Excrementorum vitium triplex	39. 10
Echymoma	229. 26	Excrementorum vitia in ſymptomatis connumerata, quæ	39. 23
Echymata	7. 42 & 222. 2	Excremēta quid præter modum augeat	41. 8
Echymatum origo & cauſa	119. 28	Excremēta affectā ſedem indicare	44. 13
Ectropion	142. 38	Excrementum cerebri quale ſit	137. 25
Effectio & ἐφέγη quid	2. 1	Excremētum initio deſtillationis tenue ſenſim craſſeſcere	137. 31
Elephantia	214. 35	Expuitio frequens vnde fiat	162. 13
		Faciem certò indicare interiores cor- poris affectus	49. 36
		Faciei vitia & horum cauſæ	146. 7

I N D E X

Facultatis motus & sensus morbi	39. 37	gat	99. 6
Fauus	227. 43	Febris ardentis (quæ & caufus dicitur)	
Febris ex accidenti corporis morbus est		signa	100. 38
II. 30		Febrîū continuarū genus duplex	99. 22
Febris putridæ indubitatum signū	67. 7	Febres nullo statō ordine excandescen-	
Febris quid	89. 27	tes quæ	99. 23
Febrem nullam frigidam esse	89. 32	Febrium cōtinuarum excandescencia &	
Febrem nullam in calido innato confi-		remissio	99. 31
stere	89. 41	Febris putrida ab ephemera quî distin-	
Febris essentia quæ	89. 42	guatur	99. 41
Febrium communes notæ quæ	90. 32	Febrium intermittētium aliam esse sedē	
Febrium proprias differentias ex caloris		quàm quæ hætenus recepta est	103. 12
differentiis constitui	90. 40	Febris intermittētis materiam ē venis	
Febris simplex quæ	90. 43	non depelli in habitum corporis accel-	
Febris putrida quæ	91. 2	sionis initio	103. 18
Febris pestilens quæ	91. 3, & 92. 15	Febris quartana continua rarissima	
Febris simplicis tres differentiæ	91. 4	104. 12	
Febris ephemera quæ	91. 6, & 92. 22	Febrium intermittētium curatio cur	
Febris synochus quæ	21. 10	ignoretur	104. 29
Febris hæctica quæ	91. 12	Febres intermittētes venæ sectione mi-	
Febres quî consistant in corde	91. 13	nimē curari	104. 25
Febrem hæcticam duplicem esse	91. 17	Febrîū intermittētium à cōtinuis disci-	
Febris putridæ differentiæ	91. 23	men	105. 9
Febris continua quæ	91. 25	Febrium intermittētium materia quæ	
Febris intermittens quæ	91. 27	105. 10	
Febris continuæ differentiæ	91. 28	Febrium intermittētium sedes & origo	
Febris typhodes quæ	91. 31	105. 13	
Febris phlegmonodes quæ	91. 32	Febris quotidianæ & quartanæ cōtinuæ	
Febris cōtinuæ putridæ, differentiæ	91. 38	signa.	101. 7
Febris tertianæ continuæ ortus	91. 42	Febrem continuam quæ tertiana nō sit,	
Febris ardens quæ, & caufus	92. 1	inordinatam deprehendi	101. 15
Febris continuæ quotidianæ & quartanæ		Febrē putridam continuam ab intermit-	
ortus	92. 2	tente discernendi ratio	100. 31
Febris putridæ intermittētis differentiæ		Febris symptomaticæ materia & situs	
92. 4		101. 35	
Febris intermittētis simplicis differen-		Febris symptomatica cōtinua quî discer	
tia	92. 5	natur à primaria	101. 40
Febris confusa quæ	92. 7	Febris symptomaticæ lentæ origo	102. 5
Febris composita quæ	92. 10	Febris symptomaticæ lentæ signa	102. 10
Febris ephemeræ materia quæ	92. 23	Febris symptomaticæ lentæ periculosa	
Febris ephemeræ causæ	92. 30. & 93. 6	descriptio	102. 26
Febrem omnē putridam à causis euiden-		Febris quæ phthisin comitatur, putrida	
tibus ortam, quædam antecedit eph-		est, non hæctica	102. 38
mera	92. 32	Febrium intermittētium continentem	
Febris ephemeræ signa	92. 35	causam vbi collocarint Galenus & a-	
Febres ephemeræ qui facilē incurrant		lij veteres	103. 3
93. 21		Febres intermittētes vnde nomen ha-	
Febris ex bilis & calidorum humorum		beant	109. 21
agitatione orta	94. 29	Febrem quotidianam cur introduxerūt	
Febrium inordinatarum origo	97. 35	veteres	109. 24
Febris cōtinuæ materia & ei⁹ situs	98. 39	Febris quotidianæ causa	109. 29
Febris continua symptomatica	98. 42	Febris quotidianæ signa	109. 32
Febris putrida continua quibus obtin-		Febris epiala	110. 20

P A T H O L O G I Æ.

Febres quàm variè inuadant 110. 24. &
eius rei causa 110. 32
Febris tertianæ exquisitæ materia & eius
situs 110. 40
Febris tertianæ exquisitæ signa 110. 43
Febris tertianæ nothæ causa 111. 23
Febris essentiam non è solo circuitu spe-
ctari 111. 25
Febris quartanæ causa 111. 39
Febris quartana duplex 112. 3
Febris quartanæ signa 112. 20
Febres quartanæ non exquisitæ 112. 28
Febres quintanas & sextanas quare non
recipiat Galenus 113. 5
Febrium simplicium accessiones sæpe va-
riare 113. 7
Febris simplex quæ 113. 16
Febris composita quæ 113. 20
Febres confusæ quæ 113. 22
Febres implicitæ quæ 113. 32
Febres quæ simul confundantur aut im-
plicentur 113. 39. & 114. 1
Febris hecticæ signa 115. 39
Febrem hecticam rarissimâ esse 116. 24
Febris hecticæ quædam species admodû
frequens 116. 25
Febris hecticæ tertia differētia, quæ pro-
priè symptomatica est 116. 32
Febris maligna quibus ex causis oriatur
117. 11
Figuræ morbi 9. 3
Figuræ morbi quibus ex causis consistât
33. 9
Fissuræ labrorum 146. 37
Fistula 130. 1
Fistula oculi 142. 11
Focus febrium intermittētium exemplo
confirmatur 107. 20
Fœtoris causæ quæ 41. 1
Fœtor ex quib⁹ partibus eructetur 145. 16
Fœtus maternam constitutionem imi-
tatur 15. 18
Fœtus in vtero extincti notæ 211. 5
Flatus in pulmone 150. 15
Flatuum causæ 59. 6
Flatulenti cibi qui 59. 11
Flatuum multi congesti signa 59. 15
Flatuum sedes quæ 59. 17
Flatuum incommoda 20. 27
Fluor vterinus 203. 10
Fluxionis materia 34. 29
Fluxionis causæ 34. 32
Fluxio cur in vnam potius quàm in aliâ

partem incumbat 34. 37
Fluxionem quare pars attrahat aut reci-
piat 34. 38
Fractura 231. 17
Frigus horror & rigor quî distent 105. 18,
& quæ eorum causæ sint 105. 21
Frigus initio accessionum vt fiat 106. 27
Functiones sensus quinque 38. 13
Functiones principes quot 38. 14
Functiones quot modis lædantur 38. 15
Functionum læsarum differentia 38. 11
Functionum naturalium læsarum causæ
quæ 40. 18
Functionum animalium læsarum causæ
39. 34
Functionum sensus & motus læsarû cau-
sæ quæ 39. 35
Furunculus 221. 26
G Aleni argumenta de vteri motu re-
felluntur 207. 15
Galenus vterum sua sede nō moueri fal-
sò censuit, contra Platonis sententiam
& sensus euidentis testimonium 206. 23
Ganglion 223. 8
Gangræna 229. 18
Gaudij vsus 28. 16
Gingiuarum affectus 147. 12
Glandula 223. 18
Glaucoma quid 139. 25
Gonorrhœa quid 195. 20
Gonorrhœa muliebris 204. 39
Gonorrhœa virulenta 195. 40
Grauedo quid 145. 35
Grando 142. 31
Gula vulnerata 233. 15
Gustus imminut⁹ aut deprauatus 148. 15
Gustus quib⁹ ex causis deprauetur 121. 16
H AEmorrhagia 145. 40
Hæmorrhœis 189. 26
Hæmorrhoidum symptomata 189. 18
Hallucinatio 140. 40
Hecticæ febris gradus tres 115. 13
Hebetes qui sint 138. 39
Hectica febris quid 114. 40. & vbi eius
sit sedes 115. 1
Hecticæ febris essentia in quo calore cō-
sistat 115. 5
Hemicrania quid 126. 40, & vt à cepha-
læa differat ibidem
Hemiplegia 134. 3
Hemitritæos febris quæ 92. 11, & 114. 26
Hepatici qui dicantur 167. 6
Hepatis iccoris inflammatio 169. 39

INDEX A

Hernia gutturis	223. 13	Hypostasis pessima quæ	85. 2
Hernia	199. 15	Ætatio corporis unde fiat	122. 37
Herpes 226. 5, is duplex existit	ibidem	Ichor & meliceria	234. 17
Herpes & erysipelas quibus rationibus internoscantur	226. 13	Icterus quid, eius causæ multiplices & signa	175. 26
Hidroa	227. 24	Icteri causæ cōmentitiæ & negligendæ	176. 19
Hordeolum	142. 31	Icterus niger	176. 24
Horror & rigor quibus ex locis suscitentur	105. 17	ἰκτερίδα quid	4. 43
Horroris rigorisque febrium intermittentium vera causa	106. 30	Iecur temperatum, bonum & temperatū sanguinem cumulare	55. 4
Humor exuperās quid impediatur quo minus ex colore noscatur	49. 29	Iecoris calidi signa	52. 28
Humorem dominantē ex habitu & mole corporis indicari	49. 33	Iecoris frigidi signa	52. 33
Humoris dominantis signa ex facie legi	49. 36	Iecoris abscessus	170. 36
Humoris toto corpore exuperātis signa	49. 15	Iecoris vlcus	170. 5
Humoris exuperantis & causæ cōtinentis signa ex iis quæ e corpore defluunt sumi	51. 27	Iecoris imbecillitas	168. 5
Humoris dominantis signa ex pulsu ducta	51. 35	Iecoris morbi causæ & signa	166. 40
Humoris exuperantis in corpore signa à rerum externarum usu	51. 40	Iecoris intemperies calidior	166. 42
Humores tenues & serofos qui cumulēt	58. 39	Iecoris substantia corrumpitur perinde atque pulmonis: & eius affectionis signa	166. 26
Humoris tenuis & aquosi exuperātis signa	58. 38	Iecoris symptomata & horū causæ	175. 22
Humoris calidi & biliosi in ventriculo congesti notæ	162. 3	Iecoris tumor sine scirrho	169. 21
Hydrocele	199. 24	Iecoris vulnera	233. 21
Hydropici qui vruntur aut secantur curent	25. 15	Ilei causa	184. 33
Hydrops triplex	178. 37	Impetiginis quatuor species	226. 32
Hydropis ascitæ humorem per cecos poros non excidere in abdominis capacitatem	180. 9	Incubus quid 132. 34. & eius signa, ibidē	132. 39
Hydrops tympanias	180. 39	Incubi causa	132. 39
Hypochondriaca affectio	176. 37	Inedia quid cōmodi quidue incommodi adferat	23. 18, & 24. 3
Hypostasis quid	83. 19	Inediam qui ægrè ferant	23. 36
Hypostasis quarum partium sit excrementum	83. 20	Inedia an bilem accendat anve reprimat	23. 40
Hypostasis bona quæ	84. 39	Inediæ vis admirabilis in curandis morbis	23. 43
Hypostasis febricitantium quæ, & unde illi origo	184. 21	Inflammatiō ceruicis vesicæ	194. 9
Hypostasin febricitantium non esse portionē humoris qui in febre putruerat, neque respondere puri	84. 10	Inflammatiō intestinorum	182. 18
Hypostasis materia	83. 33	Inflammatiō mesenterij	175. 1
Hypostasin quid à reliqua yrina fecernat	83. 34	Inflammatiō renum quæ propriè est nephritis	190. 10
		Inflammatiō ventriculi	162. 18
		Inflatio scroti & testium	199. 5
		Insomnia bile exuperante quæ	56. 23
		Insomnia humores exuperantes indicare	51. 7
		Insomniorum causæ	51. 13
		Insomnia ex corporis statu orta	51. 14
		Insomnia in pituitæ dominio	58. 16
		Insomnia sanguine exuperante	55. 28
		Insomnia exuperante melancholia quæ fiant	57. 18
		Insomnia flatibus exuperantibus	59. 22
		Instrumenti ratio	8. 24

P A T H O L O G I Æ.

Instrumenti sanitas in quib⁹ sit posita 8. 39
 Instrumentarij morbi differentie quot
 8. 40
 Instrumenti actionem ledi eo illeſo 13. 35
 Instrumentorum motus & ſenſus morbi
 qui 39. 41
 Intemperantia medicorū nutritrix 23. 10
 Intemperies quot 7. 22
 Intemperies æqualis dolore non afficit
 150. 13
 Intemperici calidæ cauſæ 31. 24
 Intemperies frigidior, humidior & ſic-
 cior quibus ex cauſis fiant 31. 29
 Intestina prorsus obſtrui poſſe à crasſa
 lentâq; pituita contrâ quàm ſenſit Ga-
 lenus 181. 33
 Intestinorū morbi cauſæ & ſigna 181. 12
 Intestinorum ſymptomata 182. 41
 Intestinorum vulnera 233. 19
 Ira quid præſtet 28. 28
 Iſchias 212. 1
 Iſchuria 197. 5
 Iſchurie cauſa nō obſcur⁹ eſt veſicæ ſeſus
 ſed vel adſtriſtio, vel obſtructio 197. 6
L Aſſitudinis tenſiæ ſpōraneæ ſigna
 54. 9
 Lateris dolores quot 155. 3
 Lateris affecti ſanies, ſanguis aut pus
 quomodo tuſſi reiſciatur 156. 36
 Læuitatis morbus 9. 25
 Lentigo quid 146. 23. & 229. 7
 Lepra 227. 6
 Lethargus & eius cauſa 129. 40. & quā à
 ſopore differat ibidem
 Leuce 228. 40
 Lichen 226. 38
 Lienis morbi ſigna & cauſæ 172. 6
 Lienis tumor 172. 7
 Lienis ſymptomata 175. 23
 Lienis vulnera 233. 21
 Lienteria quid 185. 31
 Lingue affectus 147. 39
 Lingue ariditas & ſcabrities quas habe-
 at cauſas 121. 5
 Lingue ſtupor & paralyſis 147. 43
 Lipyria febris quæ 100. 43
 Lumbrici inteſtinorum, & eorum gene-
 ratio 188. 10
 Luſcioſi qui dicantur 138. 38
 Lycanthropia quid 163. 30
M Aculæ 228. 30
 Madarofiſis 142. 3
 Magnitudinis morbi 9. 29

Malacia quid 163. 30
 Mania ſeu furor quid 128. 19. & eius
 ſigna ibidem.
 Maniæ cauſa 129. 5
 Marafmus immedicabilis 115. 18
 Marcoris ſigna 116. 14
 Marcor ex febre, aut ex ſenio 115. 20
 & 115. 32
 Maxillarum affectus 147. 23
 Meatum morbi 9. 5
 Membrana capitis quæ 126. 9
 Medicamentum quid 21. 22
 Medicamētū qui vires exerat 21. 25
 Medicina opinabilis & coniecturalis eſt
 44. 2
 Medici Pariſieſes duo percelebres vomi-
 ca repente extincti ſunt: quā tamē nul-
 lis ſignis deprehēdere potuerāt 153. 17
 Medicum affectionem manifefſtam ex-
 pendere 3. 7
 Melancholiæ cumulandæ qui ſint apti
 56. 33
 Melancholia qua maximè ætate auge-
 ſcat 56. 38
 Melancholia quibus ex cibis cumule-
 tur 56. 39
 Melancholiæ exuperantis ſigna 57. 9.
 & 128. 2
 Melancholiæ cauſa 128. 25
 Melancholia triplex 128. 28
 Melancholia hypochondriaca 128. 29
 & eius ſigna 31
 Melancholici qui dicantur 128. 15
 Melancholici deterius habēt ſumpto ca-
 lido cibo 128. 38
 Melancholiæ primariæ ſigna 129. 1
 Melasma 229. 33
 Meliceris 230. 28
 Memoria fluxa 129. 18
 Meninges vulneratæ quæ ſymptomata
 inuehant 232. 31
 Menſtrua mulierū purgatio 202. 32
 Menſium ſuppreſſio 202. 40
 Menſiū immoderata purgatio 203. 25
 Menſium crebrior purgatio 203. 42
 Meſenterij affectus internofcendi ratio
 174. 20
 Meſenterii affectus cur haſtenus fuerint
 ignorati, & veterum ſcriptis minimè
 celebrati 174. 37
 Meſenterii morborum cognitio quanti
 ſit momenti 174. 39
 Meſenterii affectus 174. 6

Melanch. duplex. 112

INDEX

Methodus alia curandorum, alia noscendorum morborum	125. 38	gnis scrutari necesse sit	125. 30
Mictio cruenta	198. 8	Mores ex facultate nos conformante profecti	50. 31
Mictionis cruentæ causa vera	198. 15	Mores ex victu & disciplinis acquisiti	50. 37
Mictio purulenta	198. 30	Mores animi quando obseruandi	51. 5
Mictio subnigra ac turbida	198. 35. multa, filis conspersa ibidem.	Motus duplex	25. 32
Mola quid	201. 21	Motu naturali quæ partes cieatur	25. 32
Morbus quid	1. 37	Motus naturalis & volutarii discrimen	25. 40
Morbus omnis in parte aliqua continetur	3. 35	Motus voluntarii differentia	26. 2
Morbus per consensum non est simpliciter morbus	4. 41	Motus quid præstet	26. 12
Morbi totius substantiæ	7. 31	Motus immoderatus quid efficiat	26. 25
Morbi aut sortibus aut diuinitus inusti	11. 13	Mulier fecunda qua ratione internoscatur	208. 22
Morbus vnus 11. 23. & quoruplex is sit	11. 36	Mulieri grauidæ quæ symptomata superueniant	210. 1
Morbus simplex	11. 37	Mutationes subitæ & insuetæ	20. 14
Morbus simplex & solitarius	11. 40	Myrmecia	228. 18
Morbus comitatus	11. 42	N arium affectus	144. 35
Morbus compositus quis	12. 4	Nausea quid	165. 14
Morbi impliciti 12. 20. & 13. 21.		Nausea atq; vomitio quibus ex causis oriantur & quid distent	121. 24
Morbi connexi 12. 24. & eorum differentia	12. 25	Nephriticus dolor	191. 26
Morbi consequentes	12. 40	Nervi vulnerati signa	232. 19
Morbi disiuncti qui	13. 1	Neutra corporis constitutio putrida febrem anteuertens, quæ	99. 42
Morborum compositio quæ multiplex sit	13. 8	Neutra constitutio 61. 10. & quot modis dicatur	6. 16
Morbus similis non nisi ex accidenti morbus est instrumenti	13. 34	Nomæ in vtero	201. 1
Morbus instrumenti nequit parti similari officere	14. 1	Nubecula quid	140. 32
Morbi forma	14. 31	Numeri morbus	9. 37
Morbi materia	14. 26	Numeri morbus quas habeat causas	33. 31
Morborum hereditariorum causæ	15. 9	O bluionis causa	129. 19
Morborum omnium mater est gula	21. 4	Obstructionis causæ	33. 17
Materia morbis quæ causæ suggerunt	32. 14	Obstructio an omnis putredinis causa sit	92. 23
Morbi ab eundem causis profluentes qui	31. 32	Obstructio pulmonis	150. 18
Morbi similes quibus ex causis procedunt	32. 41	Obstructio pulmonis vetus & eorum max quæ deprehendatur	152. 5
Morbum & morbi causam interdum de eodem dici	37. 20	Obstructio renum ab arenulis, aut à calculo fit	190. 22
Morbū, morbi causam & symptomata male confundit Auicennas	37. 23	Obstructio intestinorum	181. 13
Morbi frigidi ab alimento calido qui fiunt	23. 2	Obstructio vteri	168. 21
Morborum ex pulsu cognitio	67. 16	Oculorum dolores	141. 40
Morbi differentia vnde sumantur & 7. 9	6. 38	Oculorum interiores affectus	138. 23
Morbi prima genera tria sunt	7. 3	Oculi visionem quæ affectus præpediat	138. 33
Morborum nomina vnde ducta sint	125. 12	Odoratus quibus ex causis pereat aut imminuatur	145. 21
Morbus ut planè noscatur, quæ certis signis		Odoratus symptomata	145. 15
		Oedema	222. 10
		Oesophagi affectus	161. 9

P A T H O L O G I Æ.

Ophthalmia quid 141. 25. & qua ratione ab acri epiphora discernatur 141. 30
Opisthotonos 135. 1
Optici nervi affectus 139. 1
Oppressionis causæ 122. 15
Orthopnœ causæ 151. 18
Ossa fracta, luxata aut aliter vitata 235. 36
Os vulneratum 232. 27
Ozæna quid 145. 1

Palpitationis causa vera ab autore primùm animaduersa 160. 19
Papula 226. 4
Paralyfis consummata quæ 133. 36
Paralyfis imperfecta 133. 37. & 34. 20
Paralyfis causæ 133. 42. & 134. 24
Paralyfis signa 134. 7
Paralyfis sedem primam inuestigandi ratio 134. 11
Paralyfi affecta parte aliqua quid obseruandum 134. 20
Paralyfis oculorum 138. 30
Paralyfis labrorum 146. 33
Paraplegia quid 133. 43
Παραπρωγν seu Πάρωγνα 127. 9
Pariendi difficultas 211. 11
Parotis 143. 25
Parotis frigida 223. 23
Paroxysmi cur anticipent 109. 5
Paroxysmi cur cunctentur 109. 9
Pars corporis quid 3. 25
Pars per consensum laborans non ægrotat 5. 18
Partis affectæ cognitio ex pulsu 68. 4
Partem quid supra modum augeat vel minuat 33. 38
Partem quid sua sede dimoueat 33. 41
Partes causæ functionum quæ dicantur 4. 11
Partis constitutio causa est functionum 4. 18
Partis similis calor duplex 115. 5
Partis similis triplicem esse substantiam 115. 8
Partus difficilis instantis notæ 211. 23
Pathos vel pathema quid 12. 4
Pauus 221. 4
Pelioma 229. 32
Penis exulceratio 194. 37
Penis tuberculum & callus 196. 15
Peregrinatio quam sit grauis 20. 20

Periodi causa inuestigatur 108. 6
Periodi & statim circuitus vera causa est non sola excrementi copia, sed humoris qualitas quam putredine adipiscitur 108. 20
Periodus sua est cuiq; humori, vt & sua cuiq; species suaq; putredo 108. 34
Peripneumonia quid 152. 21
Peripneumonia notha 152. 39
Pestilens febris quæ 117. 6
Pestilentis febris causa 117. 24
Pestilentia quid corpora obnoxia reddat ignoratur 117. 29
Pestilentis febris signa 117. 31
Pestilentia futuræ præsigna 118. 5
Pestilentium febriu character 118. 26
Pestilens febris an ex carbunculo oriatur, an potius ex febre carbunculus 119. 1
Phagedæna 224. 24. & 234. 36
Phlegmone quid, eius causa 220. 25
Phlegmonæ auris 142. 40
Phlegmonæ ani 188. 43
Phlyctænæ & phlyctides 225. 40
phlyctænæ oculi pustulæ 141. 5
phrenitidis causa 127. 24. & 27
phthiriasis 142. 4
phygethlon 221. 4
phyma 221. 10
Pica quid 163. 30
pituitam qui coaceruent 57. 36
Pituitæ cumulanda quæ ætas apta sit 57. 40
pituitam multam quæ alimenta proferrant 57. 42
pituitam quæ causæ euidentes cumulent 58. 2
pituitæ exuperantis signa 58. 9
pituitæ falsæ causæ & signa 58. 23
Plaga 231. 15
Plenitudo ad vires 22. 29
plenitudo ad vasa quàm periculosa sit 22. 33
plenitudo duplex 53. 25
plenitudinem impuram cacochymiam dici 53. 28
Plenitudo pura quæ & plethora dicitur 53. 30
plenitudo supra vires 53. 33
plenitudo tensiua quæ 53. 37
plenitudinem tensiuam interdum supra vires esse, interdum verò non 53. 39
plenitudinem impuram semper esse supra vires 53. 42

I N D E X

Plenitudinis vasorum exuperantis si- gnum quod	54. 7	pulsus validus quis	60. 35
Plenitudinis corporis totius signa	54. 10	pulsus languidus	60. 36
plenitudo totius corporis quam habeat respirationem	54. 17	pulsus celer quis	60. 37
plenitudinis euidentes causæ	54. 19	pulsus tardus	ibidem.
plenitudinis species quæ internoscantur	54. 27	pulsus mollis quis	60. 38
plenitudo vasorum quæ	54. 29	pulsus durus ibidem	
plenitudinis virium signa propria	54. 30	pulsus plenus	60. 40
plenitudinem efficiens humor ex colo- re deprehenditur	54. 33	pulsus vacuus ibidem	
plenitudinem qui cibi celerius generent	55. 38	pulsus creber seu frequens quis	61. 1
plethoræ veræ signa	55. 30	pulsus rarus	61. 2
plethoræ carnem & corporis habitum iam occupantis signa	55. 39	pulsus æqualis duplex	61. 4
pleuritis externa	155. 17	pulsus inæqualis in multitudine	61. 9
pleuritis quid	155. 3	pulsus inæqualis in multitudine duplex	61. 12
pleuritis qui fiat ibidem eius causa in- terior	155. 23	pulsus μύουε quis	61. 16
pleuritidis notæ	156. 15	pulsus myuri reciproci	61. 18
Podagra	211. 42	pulsus inæqualiter inæqualis	61. 21
polypus quid	145. 10	pulsus deficiens reciprocus quis	61. 22
præcordia eximio sensu esse prædita	105. 26	pulsus inæqualis deficiens quis	61. 24
prægnantium signa	208. 37	pulsus inæqualis intermittens	61. 32
præparatio morborum causa est	21. 1	pulsus intercідens quis	61. 34
prædictiones cur fallaces existunt	97. 37	pulsus caprizans quis	61. 35
priapismus	195. 2	pulsus dicrotus quis	61. 42
procreandis liberis qui sint apti	15. 30	pulsus ferratus quis	62. 2
profluuium alui lienteria dictum, quibus ex causis fiat per febres	121. 34	pulsus vibratus quis	62. 6
proptosis	141. 2	pulsus conuulsus quis	62. 8
Psora	227. 1	pulsus vndosus quis	62. 11
Psorophthalmia & xerophthalmia	142. 24	pulsus vermiculans quis	62. 13
Pulmonum affectus	150. 1	pulsus formicans quis	62. 14
pulmonum intemperies	150. 7	pulsus inæqualis ordinatus quis	62. 18
pulmonum & arteriarum eius angustia	152. 13	pulsus inæqualis inordinatus quis	62. 23
pulmonibus vulneratis quæ accidunt	233. 2	pulsuum obseruandorum ratio	62. 30
pulsus in sanguinis dominio quis	55. 15	pulsus in qua parte obseruentur	62. 33
pulsus exuperante bile quis	56. 19	pulsus vehemens qui diffideat à ma- gno	62. 38
pulsus in melancholiæ dominio quales sint	57. 13	pulsus languidus interdum simul ma- gnus existit	63. 2
pulsus exuperante pituita quis	58. 10	pulsuum cognitio qua ratione compare- tur	63. 11
pulsus quid indicet	60. 11	pulsuum causæ quot	63. 17
pulsuum differentia	60. 25	pulsuum necessitas vnde oriatur	63. 31
pulsus longus quis	60. 28	pulsus qua ratione fiant	63. 33
pulsus magnus quis	60. 30	pulsuum necessitas quibus ex causis euer- tatur	64. 12
		pulsus moderatus quis	64. 16
		pulsus moderatus in quibus naturis de- prehendatur	64. 20
		pulsus naturarum calidarum quales	64. 23
		pulsus gracilium quis	64. 25
		pulsus viri à pulsu mulieris qui diffet	64. 26
		pulsus per ætates variari	

P A T H O L O G I Æ.

Pulsus per anni tempora qui variantur 64. 35
Pulsus pro regione & cæli statu mutari 64. 42
Pulsus per exercitationes mutari 65. 1
Pulsus ab esculentis & poculentis immutari 65. 8
Pulsus ex immoderato vini usu quales 65. 9
Pulsus dormientium qui 65. 11
Pulsus iratorum qui 65. 13
Pulsus tristium qui 65. 14
Pulsus naturalis quando obseruari debeat 65. 18
Pulsus naturales quibus ex causis citra morbum mutantur 64. 10
Pulsuum præter naturam causæ 68. 28
Pulsuum omnium præter naturam primus quis 65. 33
Pulsus præter naturam quo ordine fiat 65. 33. & 66. 4
Pulsus febricitantium 65. 40
Pulsus in viriū imbecillitate qui 65. 43
Pulsus primam mutationem non in magnitudinem, sed in crebritatem fieri, contra Galenum 66. 4
Pulsus frequens ac celer quid indicet 66. 8
Pulsus paruus quid denunciât 66. 11
Pulsus ob arteriæ impedimenta qui contingant 66. 14
Pulsus mollis quid significet 66. 22
Pulsus durus quid indicet 66. 27
Pulsus conuulsius quid denunciât 66. 35
Pulsus vibratus quid indicet 66. 37
Pulsus intemperiei calidæ simplicis quis 67. 24
Pulsus per intemperiem putridam, & per febres putres, quis 67. 29
Pulsus per phlegmonas quis 67. 35
Pulsus per intemperiem frigidam, tum simplicem, tum ex humorum vitio quis 67. 40
Pulsus inæqualis sine febre 68. 1
Pulsus in morbis singulis qui esse debeant 68. 10
Pulsus virium robur indicare 68. 36
Pulsus vehemens & robustus quid denunciât 69. 4
Pulsus languidus quid indicet 69. 11
Pulsuum intermissio quibus periculosa sit 70. 8

Pulsuum intermissio quid portēdat 70. 12
Pulsus intermissio quid distet à diuturna quiete externa 70. 15
Pulsus intercurrēs quid significet 70. 20
Pulsus intermittens in vno pulsu 70. 23
Pulsus caprizans & dicrotus quid significant 70. 28
Pulsus vndosus & vermiculans quid ostendant 70. 33
Pulsus myurus quid indicet 70. 39
Pulsus tremulus quid indicet 71. 6
Pulsus per febrem exquisitā tertianam quis 111. 15
Pulsus in febre quartana quis 112. 31
Pulsus per febres putridas qui 100. 14
Pulsus & urinam vim signorum obtinere 60. 7
Punctio 231. 16
Pupillæ affectus 140. 13
Pupillæ dilatatio 140. 14
Pupillæ diuulsio & ruptio 140. 18
Pupillæ imminutio 140. 22
Purulenti seu empyi 154. 26
Pus è naribus, pfluēs vnde exeat 145. 28
Pus quid 234. 19
pus ex aluo reiectum, ex qua parte profluat 46. 36
pus syncerū sine dolore per aluum exiens necessariò è mesenterio deriuari, demonstratio 175. 10
pustulæ ardentes 46. 10
pustulæ 227. 15
putredo humoris morbus nō est 4. 27
putredo causarum interiorum vnde contrahatur 31. 16
putredini quæ corpora maximè sint obnoxia 96. 13
putredo humorum aut in venis aut extra venas 96. 17
putredinis quæ in venis fit ratio duplex 96. 27
putredinem non omnes æquabiliter venas semper inuadere 97. 19
putredinis venarum varietas vtprehendatur 97. 28
putredinis causa duplex 97. 40
putredinis humorum propria & intima causa 97. 41
putredinis causa externa duplex 98. 15
Quartana duplex atq; etiam triplex 114. 10
Quotidiana duplex quæ 114. 4
Quies & otii quātū incōmodēt 26. 42

Y ij

I N D E X

R Aucedinis causę 150. 22. & 158. 14	Sanitatis & morbi amplam esse latitudinem 5. 43
Regio tēperata quid cōferat 19. 22	Sanum & ægrum Aristoteli priuantia sunt 61. 21
Regio feruida quot dāna inferat 19. 25	Saporis alieni causę 41. 2
Regio frigida 19. 31	Sarcocele 199. 24
Regionis humidę incommoda 19. 37	Sarcoma quid 224. 27. & 145. 8
Regionis sicce pręstantia 19. 42	Scabies 227. 23
Renes vix vnquā penitus obstrui crasso lentoq; humore 190. 23	Scirrhus iecoris 168. 37
Renū & lumborum ardor qua ex causa oriatur 122. 31	Scirrhus lienis 173. 4
Renū morbi causę & signa 190. 9	Scirrhus 222. 37
Renum abscessus 191. 25	Scroti morbi signa & causę 199. 4
Renum vlcus 191. 32	semen parentū quid cōferat in plē 15. 5
Renis vulnera 233. 27	semitertiana duplex 114. 30
Respiratio difficilis, vide dyspnœam	signorum necessitas 42. 36
Rhagades 189. 6	signorum genera quot 43. 3
Rhexis 140. 43	signum quid 43. 7
Rhyas & enchantis 142. 20	signum demonstratiuum quid 43. 13
Rigoris causo superuenientis causa quę 103. 33	signa prognostica 43. 14
Rigor modò cum febre, modò sine febre 107. 32	signa salubria 43. 20
Rigorem & horrorē febrē nō esse 89. 28	signa insalubria 43. 21
Ruboris faciei causę 146. 14	signa propria & inseparabilia 43. 25
Ructus 164. 27	signa assidentia 43. 30
Ruptio 231. 29	signa affectę sedis quot 44. 7
S anguis maternus quid conferat in fœtum 15. 16	signa affectuum vnde petantur 45. 5
Sanguinem vires retinere alimenti ex quo gignitur 21. 41	signa ex causis euidentibus ducta 52. 14
Sanguinis eruptionem nullius esse vsus 30. 4	signa ex parentum natura petita, prolis constitutionem indicare 53. 11
Sanguinis pfusio pręter naturā quā fiat 41. 19	signa ab euidentibus causis insitis petita 52. 23
Sanguini gignēdo qui sint apti 55. 2	signa ab euidentibus causis ascititijs 53. 18
Sanguini multo cumulando ætates aptę quę 58. 8	signa cordis frigidi 52. 42
Sanguinis multi quę causę sint euidentēs 55. 11	signa tēperamēti totius corporis 53. 4
Sanguinis bonitatē q̄ causę efficiūt 55. 2	signa plenitudinis vaforum communia 53. 43
Sanguinis boni & multi euidentes causę quando signorū vim & naturam subcant 55. 19	similari parte tria contineri & quę 7. 12
Sanguinis synceri exuperantis assidentia signa, quę 55. 21	similari partis tres morbi qui 7. 18
Sanguinem bifariam putrescere 95. 10	similari morbi materia 7. 16. & 7. 27
Sanguis vt putrescat in febribus continuis salutaribus 97. 11	similari morbi differentię à veteribus prętermisę quę 8. 17. & 7. 14
Sanguis bilem, melancholiam & pituitā qua ratione continere dicatur 99. 9	singultus p̄ febres & eius causę 121. 39
Sanguinis vomitione reiectio 166. 5	singultus quid: eius causę 164. 35
Sanies quid 234. 16	singultus malignę causę vsu deprehensę 165. 1
Sanitas quid 4. 20. & 6. 4.	sinus 230. 42
	sitis quid: & eius causa 163. 39
	sitis per febres quibus ex causis procedat 120. 42
	sitis p̄ febres quare iterdū nulla sit 121. 3
	somnus quid 27. 9. & 129. 28
	somnus quid cōmodi habeat 27. 14
	somnus quas functiones corroboret, & contrā 27. 16

P A T H O L O G I Æ.

Somnus quas facultates languidas red- dat 27. 19	Suffusione propriam ab ea quæ per con- sensem fit, discernendi ratio 140. 5
Somnus sudorẽ non cohibet, vt alias va- cuationes omnes 27. 23	Suggillata 146. 25, & 229. 34
Somni immoderati incõmoda 27. 30	Suppuratio 157. 11, & 18
Somni modum per febres diligenter esse obseruandum 123. 21	Suppurationis origo quotuplex, & eius signa ibidem
Somni naturalis causa 129. 30	Suppurationi finitimum vitium 157. 40
Somni non naturalis causa ex Aristotele 129. 32	Surditas & grauis auditio 144. 8
Sonus, rugitus & murmur quas habent causas 41. 3	Surditas ex bile apud Hippocrate 144. 11
Soporis alti causa 129. 35	Συμπύρεξις quid 5. 1
Sopor grauis & altus quĩ discernatur ab apoplexia 129. 42	Symptoma plerumque morbi causa fit 11. 10
Sopor multæ causæ numeratur 130. 8	Symptomatis & signi discrimen quod 37. 14
Sopor deterrimus quis 130. 13	Symptoma quid, & quæ latè patet 36. 17
Sordes 234. 23	Symptoma à morbo & à morbi causa quid distet 36. 21
Sphacelus 229. 41	Symptomatis alia angustior acceptio 36. 33
Spinæ medulla descissa 233. 31	Symptoma parti non insidere 36. 38
Spirandi difficultas quam partem affici demonstret 46. 2	Symptoma & morbum de eodem dici non posse 37. 2
Spirandi difficultas & eius differentia 122. 22	Symptoma & morbi causam nõ posse de eodem affectu dici 37. 4
Spirandi instrumenta 158. 32	Symptoma interdum alterius sympto- matis causam fieri 37. 11
Spirituum partium symptomata 158. 7	Symptoma morbi causam nõ fieri 37. 25
Spirit⁹ & innati calidi penuria vnde 31. 6	Symptoma in morbum non commutari 37. 32
Sputum copiosum cur reiiciant melan- cholici 128. 35	Symptoma à morbo inseparabile quod 37. 41
Steatoma 230. 28	Symptomatum summa genera quot 38. 1
Sterilitatis causæ 207. 28	Symptomata similis partis quot 38. 25
Strabismus quid 138. 29	Symptomata in affectu simplici quot 38. 38
Strangulari repete à multa repetinãque destillatione quibus cõtingat 151. 42	Symptomata visu pceptibilia quæ 38. 41
Stranguria quid 197. 37	Symptomata quæ odoratu percipiuntur 39. 1
Straguria & dysuria quid distent 197. 39	Symptomata ad auditũ relata quæ 39. 2
Strumæ simplices, & exulceratæ, & car- cinodes 223. 25	Symptomata gustus & tactus quæ 39. 5
Stultitia seu fatuitas quid 129. 15	Symptomata extremetis quæ insint 39. 9
Stupor quid 133. 39	Symptomatum simplicium causæ 40. 39
Sudores ex quibus partibus moucantur 106. 11	Symptomatum per febres dissimilium origo 97. 31
Sudores moueri aqua frigida liberaliũs hausta 106. 13	Symptomata in substantia cerebri quæ fiant 126. 12
Sudores è quibus nunquam possint elici, ne per febres quidem 106. 17	Symptomata vetriculorũ cerebri 126. 16
Sudorum prima scaturigo quæ 106. 22	Symptoma vnde graui⁹ reddatur 120. 29
Sudorũ qui per febres fiunt causæ 123. 36	Symptomata febriũ graui⁹ quot & quæ 120. 36
Sudoris materia quæ 123. 38	Symptomatum capitis interiores causæ & earum sedes 138. 13
Sudor quis symptomaticus, quis natura- lis dicendus 123. 41	Syncope quid & eius causæ 159. 37
Suffusio quid 131. 6, & 139. 31	Y iij
Suffusionem subito induci posse 139. 35	

I N D E X

Syncope stomachica	160. 2	Tremor & stupor quid affinitatis habeat	
Synopes causæ	122. 7	136. 12	
Synochos putrida	91. 39	Tuberculum crudum pulmonis	152. 2
Synochos duplex	92. 30	Tumores flatulenti	222. 29
Synochi febres quos facillè prehendant		Tumores, tubercula atque pustulæ ex pituita	222. 7
92. 37		Tumorū præter naturā differētiæ	219. 32
Synochus quid	92. 42	Tussis quid 158. 31. eius causa	ibidem
Synochos homotonos quæ	94. 3	Tussis vera quando excitetur	150. 28
Synochos epacmaistica	94. 5	Tussi difficile reiici quod admodum aut tenue aut crassum existit	150. 31
Synochos paracmaistica	94. 7	Tussis aridæ causa & signa 151. 4, & 158. 35	
Synochi causæ	94. 10	Tussis interuallis recurrens	158. 40
Synochi notæ	94. 22	Tussis cōtinenter affligētis causæ	158. 41
Synochos putrida an reuera consistat		V acuatiōes ad vitā necessariæ	24. 30
95. 6		Vacuationum suppressarum incōmoda	24. 36
Synochos putrida triplex	95. 33	Vacuatio repētina & immodica quid periculi habeat	25. 13
Synochi putridæ causæ	95. 37	Vacuationum toto genere præter naturam causæ	41. 18, & 41. 29
Systole quid	60. 21	Varix	224. 41
Systole in quibus pulsibus deprehendatur	62. 40	Varus quid	146. 22
Systole quæ deprehendatur	62. 43	Venæ incisæ signa	232. 13
Systole quid conferat	63. 29	Venæ ruptio, exesio & apertio, quibus ex causis fiant	41. 20
Systoles tarditas quid indicet	67. 9	Venarū tumor quando obseruari debeat	
Systoles crebritas quid declaret	67. 11	in plenitudine vasorum	54. 1
Systoles celeritas quid renunciēt	67. 2	Venenata qualitas quæ dicatur	117. 8
T Abes quid, cuiusque signa	153. 32	Venenati morbi	8. 11
Tabæ resolui & confici quempiam citra cruentam excreationem an contingat	154. 7	Venenū spē in nobis gignitur	215. 18
Tabis causa duplex	154. 12	Venerea lues morbus cōtagiosus	216. 17
Tabem non semper sequi reiectionē sanguinis ex rupta vel aperta vena	154. 34	eius causa	ibidem
Telephia vlcera	234. 42	Venereæ luis contrahendæ ratio	216. 27
Temperamētum morborum index esse	52. 18	Venereæ luis differentia	217. 4
Temperamētum corporis totius quibus signis noscatur	52. 23	Veneris impotentia	195. 11
Temperantia quæ cōmoda habeat	23. 11	Ventriculi morbi causæ & signa	161. 39
Tenasmus & eius causa	187. 12	Ventriculi calida intemperies	161. 41
Tendonis vulnerati notæ	232. 25	Ventriculi frigidi & humore pituitoso infarcti notæ	162. 5
Terminthus	221. 43	Ventriculi humidioris signa	172. 10
Tertianæ continuæ signa	101. 4	Vētriculi symptomata horūque causæ	
Tertiana duplex	114. 5	163. 6	
Tetanos	135. 2	Ventriculi flatulenta distentio	164. 28
Thoracis morbi & symptomata	155. 2	Ventriculi dolor	166. 31
Thymium	228. 14	Ventriculi vulnus	233. 17
Timor & tristitia qua ratione nos afficiant	28. 38	Venus quibus salubris	30. 6
Timoribus cur alius soluiatur	29. 8	Veneris imoderatæ incōmoda quæ	30. 9
Tinnitus sibilus	143. 31	Verecundiæ vsus	29. 10
Tonsillarum affectus	148. 26	Vermes in vlceribus	234. 25
Tota substantia quid	7. 29	Vermes aurium	143. 28
Tremor quid	135. 41	Vermes villosi in qua parte inuenti sint	
Tremoris causa præcipua	136. 2	145. 30	

P A T H O L O G I Æ.

Verrucarum genera	228. 11	Vomica pulmonis	153. 3
Vertigo quid	131. 4	Vomica integra oui columbini magni- tudine vomitione reiecta	153. 12
Vertiginis causæ	131. 8, & 131. 22	Vomica cur difficile medico innotescat	153. 22
Vertigo duplex	131. 15	Vomitionum causæ	41. 26, & 165. 18
Vertiginis prima signa	131. 16	Vomitio per febres intermittētes quan- do contingat	107. 11
Vertiginis ex consensu ventriculi signa	131. 17	Vrina melancholia exuperate qualis sit	57. 13
Vertigo ab occipitio in quodam obser- uata	131. 9	Vrina bile exuperante qualis sit	56. 20
Vertiginē diminutā esse epilepsiā	131. 33	Vrina pituita exuperante qualis	58. 11
Vesicæ morbi, causæ, signa, atque sym- ptomata	193. 6	Vrina aquoso humore exuperate qualis	58. 43
Vesicæ exulceratio levis	194. 25	Vrina quid indicet	60. 14, & 71. 26
Vesicæ vulnera	133. 29	Vrina in renum & vesicæ calculo qualis appareat	82. 17
Veternus quid	129. 39	vrinæ materia	83. 7
Vibices	146. 26	vrinæ enæorema quid	83. 38, & 84. 41
Vigiliæ quid præstent	27. 37	vrinæ nubes quid	83. 40
Vigiliæ immoderate multa inducunt mala	27. 41	vrina quibus ex causis permixta & con- fusa reddatur	84. 1
Vigilias quæ causæ inferant	123. 13	vrinæ ex quibus partibus vitia contra- hant	86. 2
Vinum cum calce confertur	22. 15	vrinæ iudicium laturus quid obseruare debeat	74. 23, & 86. 10
Virium imbecillitatem repetere inducunt qui pulsus comitentur	69. 33	vrina alba vel spicea quid portēdat	86. 42
Virium imbecillitas ex obstructione & humorū copia, vel ex malignitate qui- bus pulsibus innotescat	69. 38	vrina alba crassa & turbida quos affectus indicet	87. 11
Virium imbecillitas tribus fit de causis	68. 19	vrina vnde oriatur	71. 31
Virium imbecillitas ex diuturno affectu sensim contracta quibus pulsibus pro- datur	69. 22	vrina propriū iccoris excrementū	71. 42
Virium obseruatio ex pulsū	68. 35	vrina vnde proliciatur	72. 1
Virus nobis quid	234. 17	vrina quarum partium affectus referat	72. 7
Viriliginis tres species	228. 34	vrina quomodo excipienda sit	72. 30
Vlcus quid	233. 39	vrinam vnā turbari, aliam minimē cur contingat	72. 40
Vlcus & vulnus quæ differant	ibidem	vrina quo loco inspicienda	73. 1
Vlcus renis ab eo quod in ceruice penis fit qui internoscatur	81. 37	vrinis tria insunt in primis consideran- da	73. 3
Vlcus aurium	143. 15	vrinæ quibus ex causis manifestas quali- tes contrahant	73. 7
Vlcus vteri	200. 22	vrinæ indicium quid peruertat	73. 9
Vlceris differentia ex continente causa	234. 27	vrina optima	73. 35
Vlcus cacoëthes	234. 41	vrina mulieris temperatæ	74. 4
Vlcus nomodes	234. 34	vrinæ infantium	74. 12
Vlcus putridum	235. 8	vrinæ senum	74. 15
Vlcera quæ sanescere prohibeant	235. 17	vrinam quæ inflamment	74. 25
Vlcus ventriculi	162. 37	vrinam quæ crudiores & contentis ple- nam reddant	74. 28
Vlcus intestinorum	182. 33	vrinæ copia quid indicet	74. 36
Vlcus sphincteris ceruicis vesicæ mu- sculi	94. 20	vrina copiosior quibus ex causis pfluat	74. 38
Vlcus penis ex gonorrhœa	196. 14		
Vmbilici ruptio	199. 34		
Vnguis quid	141. 10		
Vocis instrumenta	154. 9		

I N D E X

Vrinæ paucitas quid indicet	75. 16	Vrinæ corona quid doceat	80. 13
Vrinā paucā fieri multis de causis	75. 19	Vrinæ spuma quid ostendat	80. 26
Vrinæ odor suavis vnde	75. 36	vrinæ bullæ quid indicent	80. 29
Vrinæ fœtor vnde contrahatur	75. 39	vrinæ pinguedo quid indicet	80. 43
Vrinæ fœtor quid indicet	75. 42	vrina sanguinem purum vel cœcretum habens quid indicet	81. 35
Vrinarum colores qui obseruandi	76. 9	vrina surfure aut farina respersa	81. 8
Vrinę colores duabus ex causis contrahi	76. 11	vrinæ prægnantium quales sint	81. 23
Vrinæ color ex intemperie, differt ab eo qui ex humore ducitur	76. 18	vrinæ filamenta vnde ducant originem	81. 28
Vrinæ color citrinus	76. 22	vrinæ pituita crassior vnde profluat	82. 1
Vrina aquea quid indicet	76. 24	vrina tria continere finitima, & qua ratione ea internosci possint	82. 9
Vrina alba & crassa quid ostendat	76. 29	vrinarū arenulæ vnde prodeant	81. 41
Vrina spicea	76. 32	vrina aurea quid referat	87. 17
Vrina rubra & perspicua quid significet	76. 37	vrina per febrem tertianam quæ	111. 20
Vrina rubra, crassa & obscura quid indicet	39. 76	vrina per initia putridæ febris qualis	100. 24
Vrina flāmea quæ differt à crocea	76. 37	vrinæ in febrium intermittentium horrore & rigore quales	103. 36
Vrina cruenta vnde fiat	77. 5	vrinæ interdum laudabiles toto intermittentis febris decursu quid indicent	104. 2, & 107. 7
Vrina cruenta quid indicet	77. 11	vrina in febre quartana	112. 14
Vrina turbida & nigricans quid indicet	77. 13	vrinæ incontinentia	196. 39
Vrina vinea & passæa quid indicet	77. 15	vrina ex vmbilico cuidā pfluxit	197. 30
& 87. 26		uteri scirrhus	201. 13
Vrina viridis quid indicet	77. 17	uteri affectus, causæ & signa	200. 3
Vrina nigra quid indicet	77. 20	uteri phlegmone	200. 5
Vrina tenuis quid indicet	77. 33	uteri abscessus	200. 17
Vrinæ concoctio vnde spectetur	77. 40	uteri tumor flatulentus	202. 4
Vrina crassa quid referat	78. 4	uteri hydrops	202. 10
Vrina perspicua	78. 15	uteri rhagades, cōdylomata & hæmorrhoides	202. 22
Vrinā turbulentā in tres differentias fcerni	78. 24	uteri symptomata horūq; causę	202. 28
Vrina turbata quæ	78. 24	uteri strangulatus	205. 15
Vrina vna quàm altera cur facilius turbetur	78. 27	uterinus furor	205. 27
Vrina confusa	78. 37	uteri strangulatum nec à solo mēstruo, nec à solo semine suscitari	205. 9
Vrina perspicua quid significet	78. 42	uteri exulceratio levis	200. 32
Vrina verè turbida quid significet	79. 6	uteri descensus & ascensus	206. 29
Vrina per initia febrium turbida, nō autem confusa existit	79. 22	uteri prolapsus	206. 37
Vrina confusa quid ostendat	79. 28	uteri conuulsio	206. 39
Vrinam interdum sanguinis & succorū conditionem non referre	79. 34	vua quid	149. 14
Vrinam crassam & rubram nō continuò sanguinis detractionē suadere	79. 41	vulnus	231. 10

INDICIS PATHOLOGIÆ FINIS.

IOAN. FERNELII

Ambiani, Therapeutice seu
medendi ratio.

METHODVS MEDENDI. LIB. I.

10

PRÆFATIO.

Naturæ legibus esse medicinæ leges consentaneas.

15

20



25

30

35

40

UNIVERSA illa mundi natura, omnia continens atq; per singula meabilis, vt solis & lunæ reliquorumque syderum cursus & conuersiones, temporumque vices & tempestatum cōmutationes, atque Oceani æstus reciprocationesq; moderatur: ita & hanc rerum immensitatem ordine certo & cōstantia regit immutabili. Nec verò tam sapienter & vniuersa gubernare & singula fouere posset, nisi diuina quadam mente architectatrice & conferuatrice vteretur: quæ consilio & recta ratione omnia prudenter administret & prouidenter tuteatur. Hæc autem ipsius ratio, lex est naturæ, summa quippe vis insita in natura, qua administrantur omnia atque existunt, & conseruantur singula: ceu imperiū quoddam cui cuncta pareant, & sine quo nec rerum natura nec mūdus ipse consistat. Atque hæc quidē lex vnā cum mundo nata, è summa est mente Deique numine profecta. Nam, vt inquit Plato, quum Deorū sator mundum naturamque cōderet, huic simul leges fatales indixit. Iam verò quicquid aut animantiū aut stirpium aut metallorum genere continetur, inferiore hac mūdi regione cōprehensum, id peculiari quoque quadam natura (quæ sua est rei cuiusque) cōstat, quæ quod genuit, tuetur & regit. Hęc rursus peculiaris cuiusq; natura, propria lege eaq; stabili & rata ducitur, qua actiones omnes perficit, illaque tota est obediens & subiecta vniuersæ naturæ, eiūsq; propria lex summæ legi: vt omnia vna quasi consensione & sympathia iussis supremæ legis obtemperent. Itaque quicquid habet naturæ imperium, id perpetua constantia rectaque ratione & conuenienti lege sustinetur. Hæc si ad nostram medicamque contemplationem referemus, quicquid in homine præter cognitionem & voluntatis arbitrium inest, id omne administratur naturæ legibus. Ad huius autem similitudinem effectum simulachrum quoddam est medicina, quæ naturæ legem semper intueus in eamque defixa, ad ipsius imitationem, studium & opus omne dirigit, vt homi-

Aa ni

ni firmam minimèque morbis obnoxiam valetudinem cōseruet & tueatur, lapsam verò & affectam erigat & in integrū restituat, vitāque ipsam saluam & incolumem quā potest fieri lōgissimè producat. Illa quidem nata aut potius æterna, hæc verò scripta naturæ lex est: illa archetypus & primarium exemplar, hæc solida & expressa quædam est eius effigies. Has nulla vis humana, nulla regionum locorumve mutatio, nulla temporum decursio peruertit: sed inuiolata, stabiles, & omni seculorum æternitate immutabiles & perpetuæ manent. His vel inuiti (quia mors omnibus cōmunis) colla submitunt, qui omnium gentium populos sibi subiicere & legibus astringere contendunt. His imperatores summique reges parent, aut certè non impunè refragantur. Hæ legum omnium præstantissimæ, omnium gentium peræque communes prorsus necessariae & immutabiles. Quum igitur sit tanta earum necessitas, tanta præstantia, enitendū omnino vt integræ, puræ & castæ hauriantur è saluberrimis & purissimis naturæ fōtibz: nō eæ quidē arctæ & rigidæ, sed blādæ ac mites, quæ morbis grauiter afflictos erigant, recreent & reficiant: eos verò qui earum ope medicinam sint facturi, magna dignitatis commendatione apud omnes extollant, fiāntque tandem suā fori honorifice, morigero & obtemperanti frugifera, toti denique humano generi salutare.

Medici officium & quæ artis præstantia.

Cap. I.




MEDICI munus atque officium est curare appositè ad sanandum. Non enim semper ægrotum sanitati restituit. Appositè autem curat qui citò, tutò & iucundè remedia confert. Medicus porro remedia confert, non solum vt naturæ minister, sed interdum vt adiutor, interdum etiam vt opifex primarius. Est enim in plerisque ars natura præstantior: vt quæ non solum naturam imitatur, sed & modò adiuuat, modò etiam superat, ac sæpe medendo plus quàm natura gerit. Etenim humanæ vitæ moderatrix natura, cuncta quàm optimè potest administrat, idque assidue molitur, vt corpus in extremam vsque vitæ periodum integra, aut quam saltem ortu accepit, sanitate conseruet: & si qua id fortè extrinsecus iniuria laceffit, eam pro viribus propulset. Quæcunque autem vel tuenda sanitate, vel morbis profligandis rectè illa gerit, imitatur consiliòque dirigit medicina, vnam sanitatem scopum agendorum sibi proponens. Nonnunquam & morbi peruiacia impeditæ vel imbecillitate laboranti naturæ, adiutrix medicina fert opem, & manca inchoatæque munera explet ac perficit, diuturnosque morbos plerumque breuiiores facit. Quinetiam naturam interdum ea superat. Siquidem luxatos artus reponit, vlnis disuncta labra adducit, & in aliis nō paucis præcipuam curationis partem administrat, quam minimè natura aggredi potest. Quorsum quæso constituta hæc esset tot tantisque maiorum vigiliis, nisi maius quiddam

dam & excellentius quàm natura præstaret? Vt fabrica in auro, quæ naturalis est materia, opera magnifica & eximia inculpit superiora naturæ viribus, & architectura ex lignis & lapidibus ædes templaque extruit, quæ architectari natura nunquam possit: sic & medicina nonnulla maiora, interdum & præstantiora gerit, quàm natura queat efficere. Nimirum quòd natura instinctu solo, medicina verò rerum ducatur cognitione ac intelligentia. Quum igitur omnium quæ mundus habet medicina perspectas vires teneat, internoscâtque salutaria à pestiferis, hæc quidem longè præuidet & declinat, illa consecratur & inquirat, & ita tempestiuè adhibet, ut suis viribus exitiales alioqui morbos leniat faciâtque salutes, quos sola natura nunquā euicerit. Iam verò medicinæ scopus sanitas est. Hæc violatam restituit sanatio, quæ modò natura ac sponte, modò arte fit. Leuior morbos sola natura plerumque sanat, idque per se nullo artis subsidio: grauior sapientius arte indigent, quos non ipsa per se, sed adhibita curatione sanat: nam quæ arte fit sanatio, nō nisi curatione perficitur. Est autem *Curatio* *Remedia* curatio, recta atque cōueniens remediorum vsurpatio. Remedia dicimus quæcunque corporis affectum præter naturam depellunt. Horum autem recta & conueniens est vsurpatio, quum idonea quātitate & modo rationeque congrua adhibentur, atque in his curatio omnis consistit. Tria igitur sunt quibus ars tota medendi constituitur: remedij genus, quantitas, & vtēdi ratio: quæ hoc libro accuratè persequi consilium est. Remedij genus vt planius cognosci percipique possit, discernēdum vnūne an multa esse oporteat. Si vnum, simplexne an cōpositum: si multa, simulne omnia, an sigillatim, & quo quæque ordine afferenda sint. Atque hæc recta censenda est methodus. Quātitas rectè designabitur si constet quàm validum remedium, quo gradu recessus à mediocri, quo pondere, quoties & quandiu exhibendum sit. Vtēdi ratio explicat per quæ loca abigendus morbus est, cui sedi adhibenda remedia, qua forma, quo morbi tempore, quāve hora. Hæc igitur omnia nosse oportet, ut conueniens fiat remediorum vsurpatio. Quum enim remedium conuenienti & quantitate & ratione adhibetur, arte curatio succedit.

De remedij inuentione.

Cap. II.

35  **ORBVS** omnis contrariis profligandus: contraria enim sunt morborū remedia. Remedium est quod morbū depellit: quicquid autē morbum depellit, id illi vim infert: quod vim infert, contrarium est: omni ratione igitur remedium morbo contrarium esse necesse est, omnēque morbi depulsionem atque curationem *Contra* *Remedia* *multifariam* contrariis perfici. Contraria multifariam dicuntur. Quæ non in qualitate solum, verumetiam in quātitate, in numero, in situ, in figura, in omni denique genere plurimum distant, ut calidū & frigidum, humidum & siccū, durum & molle, crassum & tenue, atque etiam magnum & paruum, mul-

Aa ij tum

tum & paucū, altum & depressum contraria sunt, quæ propriè nuncupantur aduersa. Alia contraria sunt quæ priuantia appellantur, vt plenum & inane, integrum & corruptum, continuum & solutum. Quæcunque autem remedia contraria morbos remouere & valetudinem restituere possunt, in hæc tria genera retulerūt medicorum celeberrimi, quæ sunt medicamentum, chirurgia, dieta. Chirurgiam in aliud tractandi tempus reieci-
mus, medicamentorum alimentorumque vires hîc tradituri. Quæ morbis aduersa dicuntur, non in mediocritate quadā consistunt, sed ab hac in oppositum diuertūt. Quod enim mediocre est in medio extremorum positum, nūquam ad mediocritatem id traducet, quod vel extremum iam est, vel in extremum deurgit. Nam quum illa vel permissione vel contactu congregiuntur, mutua actione sese obtūdunt, suasque vires remittunt, ac neutrum omnino in alterius naturam, sed in medium quiddam facessit. Itaque quod frigidum est, non temperatis, sed calidis duntaxat in temperiem reuocatur: quæadmodum quod tortuosum est, nisi in aduersum crebro retorqueatur, rectum vix euadet. Hoc autem in priuātibus multo euidentius existit, inter quæ quoniam medium nihil intercedit, non nisi contrariis curationem perficiunt. Rata igitur constānsque manet curandi lex per contraria. Arbitrātur plerique, medendi summam legem eueri, dum morbos quosdam audiunt remediis depelli similibus. At eiusmodi omnia morbo licet similia sint, eius tamen causæ primū ac per se aduersantur, morbo autem ex accidenti: hūncque tollunt non per se, sed sublata eius causa. Sic rheumbarbarum, quauis calidum, febrem soluit, dum ipsius materiam expurgat. Et lassitudinem exercitatio lenit, quod humorem per musculos effusum discutiat. Et vomitionem sedat vomitio, quæ proritantem humorem excutiat. Et dysenteriam purgatio leuat, noxia materia eius efficiente causa detracta. Ad eundem prope modum frigida larga perfusio conuulsionem (vt est apud Hippocratem) soluere putatur. Caterū non eiusmodi remedia hîc scrutamur, sed quæ primū ac per se affectum summoveant. Sunt autē eiusmodi omnia curando affectui verè contraria. Itaque quum suum cuique morbo contrarium sit remedium, eadēque sit contrariorum doctrina, quot certè morborum, tot & remediorum genera sunt constituenda. Vt igitur aliàs vnicus morbus est, isque aut simplex aut compositus: aliàs multi existunt modò impliciti, modò disuncti: ita sanè & remedium aut vnum est, idque vel simplex vel compositū, aut multa existunt vel disuncta, vel implicita. Hæc summa remediorum genera ex vno simplicique fluxerunt. Nam vt vnum multis, ita simplex composito prius existit. Quocirca vt ea rectè cōstituantur, simplicia enumeranda sunt, & in primis inuestigandi colligendique simplices omnes affectus præter naturam, quicunque vel in corpore vel in humoribus aliisve cōtentis subsistunt. Partis quidem similis vitia & simplices affectus contra naturam sunt, intemperies calida aut frigida, humida aut sicca. Ad hæc substantiæ laxitas & mollitudo: deinde corruptio atque putredo

do. Eadem vitia in humoribus quoque atque in cæteris contentis insunt, maximè verò intēperies & corruptio. Præter hæc quoque immodica exuperantia qualis in plethora, turbulenta agitatio atque defluxio, crassities atque tenuitas, durities & molliities, lētor seu tenacitas & acrimonia. Hæc enim quoties à naturæ modo longiùs absunt, vitiosa & præter naturā censeri debent. Instrumētorum verò vitia, quæ quidem medicamentis emendari possunt, numerari solent: meatuum læuitas & asperitas, angustia seu coarctatio, & amplitudo seu dilatio, densitas & raritas, occlusio & apertio. Nam cætera quæ vel in figura, vel in numero, vel in magitudine fieri traduntur, aut ex enumeratis humorum vitiis obtigerunt, aut certè chirurgiam expostulant, quemadmodum & continui solutio affectus partis vtriusque cōmunis. Quare non alij simplices & primi affectus præter naturam consistunt in nobis, quorū sit per medicamenta curatio. Iam verò si his aduersas medicamentorum vires perscrutemur, ita quidem in
 15 medendi arte omnia inter se collata è regione respondere videbuntur, vt quot affectus contra naturam simplices, totidem existant & medicamentorum facultates, parque sit affectuum atque remediorū numerus. Quod & alia diuidendi ratione certiùs aliquādo demonstrabitur. Itaque intem-
 20 periei calidæ contrahenit & opponitur medicamentum refrigerans, frigida calfaciens, humida exiccans, sicca humectans. Humorū exagitationi sedans & reprimens: defluxioni tum inhibēs tum repellens. Exuperantiæ aduersatur vacuans per vomitum, aluum, vterum, per vrinas & sudores, & quod per nares aut partem aliam attrahit: & quod per cutem resoluit digeritque: crassitie & λεπνωτικόν attenuans: tenuitati & παχυντικόν in-
 25 crassans: duritie & μαλακτικόν emolliens: mollietie & σκληρωτικόν indurans: lentori & εὐπνιστικόν καὶ τμητικόν detergens & expurgans. Acrimonia & ὑδατώδης ἐμωλυστικόν illinēs & glutinosum frigidum. Partium laxitati & σπαστικόν contendens & corroborans. Corruptioni quod hanc inhibet alexiterium & alexipharmacum: putredini concoquens, suppurans & expurgans. His
 30 contraria sunt venenatum corrumpens & septicum. Meatuum læuitati repugnat τραχύνορ exasperans, asperitati λεῖονορ læuigans. Angustia dilatans, dilatationi coangustans seu astringens: densitati ἀραιωτικόν rarefaciens: raritati πυκνωτικόν densans: occlusioni ἀνοσμοτικόν aperiens: apertioni σπαστικόν occludens. Continui solutioni & agglutinans & sarcoticum
 35 & epuloticum: his autem contraria sunt exulcerans, exedens, causticum & escharoticum. Omnes igitur simplices, tum affectus præter naturam, tum medicamentorum facultates summatim percensuisse videor. Hæc generalis est remediorum pro affectuum varietate inueniendorum ratio, atque indicatio summa, è qua medicamentorum omnium tam simpli-
 40 cium, quàm compositorum vires peti debent.

Aa iij

Simplicis

Simplicis affectus, simplex curatio. Cap. III.



IMPLEX affectus, simplici remedio, compositus composito propellendus. Qualis enim morbi, talis est & contrarij remedij conditio. Vt enim affectus alius simplex est, alius compositus vel implicitus: ita contrarium remedium alias simplex, alias compositum aut ex variis implicitum sit oportet. Itaque simplicis affectus simplicissima est per contrarium curatio. Cui perfecta cognitioque sit morbi natura, facile sit nulla adhuc arte, sed communi quadam animi notione contrarium ipsi curando remedium opponere. Nam si vel corpus vel humor aliudve contentum calidius euasit, cuius efficiens causa esse desierit, 10 solis refrigerantibus ad mediocre temperatumque remigrabit: si vero frigidus, solis calfacientibus, si humidius siccantibus, si siccus humectantibus: si quid denique humoris copia turget vacuantibus, si quid inanitum est, repletibus. Eademque ratione in ceteris, omnem exuperantiam contraria depellit exuperantia. At vero inter simplices illas & primas ceterarum quasi effectrices, quæ calida est intemperies pari tempore atque frigida discutitur. Licet enim caloris quam frigoris maior sit efficacia, illi tamen patientis corporis repugnantia magis obsistit: agenti frigori ut minus efficaci, ita & repugnantia minor occurrit, quod sit ut pari illa tempore suas efficientias exerceant effectusque compleant. At nihilominus tutior est ac mitior calidiorum quam frigidiorum usus. Nam frigida dum calorem præter naturam expugnare contendunt, insito pariter negotium faceunt: calida vero dum frigus propulsant, insitum pariter calorem exuscitant atque fouent. Sed & insitus corporis calor aduentitio quasi auxiliarius opitulatur, ut facilius ac mitius externum frigus excludat. Itaque frigida intemperies tutius ac mitius quam calida tollitur. Id vero de recente ac leui audiendum. 25 Nam inueterata atque consummata frigida intemperies ægrius multo quam calida cedit remediis, quemadmodum extrema senectus insito calore destituta ac morti iam proxima, minus medicabilis est quam hæctica febris. Sicca quoque intemperies tardius omnino ac difficilius eximitur quam humida. Si obscurior morbi species nondum tibi penitus cognita perspectaque est, huic ne properes remedia adhibere: sed rem totam naturam committito. 30 Natura enim proba ratione viuendi adiuta & innixa, aut morbum persequetur, aut patefaciet & foras proferet. Incerta quippe medicatio & irrita, non nisi dispendio decernitur. Si quid forte experiri cogēris, leue id esto, ne fiat in re ancipiti, iactura grauis. Hæc quidem de affectu simplici ac solitario, cui nec causa, nec graue vllum symptoma assistit. Nunc de affectu quem sua adhuc causa fouet ac continet.

De methodica & legitima curatione. Cap. IIII.



AUSA omnis prius quam affectus methodo recta excindi & summueri debet. Causa enim persistente, affectus manet, nec penitus euelli potest. Quod si adnitaris, quantum huius demes, tan-

tantundem assidua & continens causa (nūquam enim naturalis quum sit,
 ociosa manet) proferet: atque licet affectus interdum leuior euadat, mi-
 nimè tamen eius succedit perfecta curatio. Quum recēs affectus nulla ad-
 huc firma stabilique constitutione inhærescit, totus quidem sublata causa
 5 plerumque disperditur: at quum pars quædam eius genita iam est, pars
 quasi ortu nouo continenter additur, tum causæ sublatio affectū non exi-
 mit. Quocirca causa primū, genitus dein affectus summouendus: ita e-
 nim radicitus extirpabitur, nihil vt deinceps eius repullulet. Ergo & quū
 longior quædam continuatio seriēsque causarum existit, in qua alia ex a-
 10 lia nasci & existere, & omnes inter se aptæ connexæque videbuntur; suo
 quæque ordine demēda erit, ab ea curationis ducto exordio, quæ ortu pri-
 ma, inuestigatione verò postrema fuerit inuenta. Ab hac sensim ordina-
 tūque ad ceteras, postremoque ad morbū progressus fiet, suo cuique ob-
 iecto contrario. Hæc non iam simplex, sed methodica curatio est, quæ nō
 15 solis remediis, sed via vtendique ratione completur. Hæc vna maximè her-
 bariis atque pharmacopæis, quibus etiā cognita est remediorum materia,
 medicus est præstantior. Esto exempli causa, impuri eiusque calidioris ali-
 menti vsu lōgo & immodico chylus acrior factus, qui dein necessitate &
 alterius penuria raptus in iecur, bilem multā vitiolosque humores profe-
 20 rat, quorum postea sit in venis facilis corruptio ac putredo, quā proximè
 febris sequatur suis comitata symptomatis. Cōstat sanè neque febrem ne-
 que eius symptomata sedari posse, nisi vacuata putredine. Hanc verò fru-
 stra purgari, nisi quæ hanc gignit humorum colluies emendetur: hanc e-
 mendari non posse quandiu chylus impurus è ventriculo affluet & impu-
 25 rius calidiūque alimentum suppeditabitur. Itaque nisi vrgentius quidpiā
 interpellat, primū prohibendæ sunt euidentes causæ quæcunque impu-
 rum chylum ingenerant, mox expurganda impura omnis colluies quæ
 putredinis est materia, ac demum quæ his ex causis orta est humorum pu-
 tredine vacuanda: ad postremum si quid caloris alieni vel in humoribus, vel
 30 in ipsis partibus derelictum sit, extinguendum. Quendam rursū statua-
 mus molesta cerebri destillatione vrgeri, quæ ex immodico excremento-
 rum prouentu sit orta: hic verò ex frigida humidāque cerebri intemperie,
 quam vel alimentorum refrigerantium vsus, vel gelidi cœli occurus pe-
 pererit: constat ipso statim initio, tum immutata victus ratione, tum aliis
 35 quibuscunque remediis corrigēdam cerebri frigidam intemperiem, mox
 eximendum omnem excrementorum prouētum: sic demum quæ ab hoc
 fit destillationem protinus conquiescere. Hæc ratione simplicis omnis af-
 fectus curatio pro causarum ordine procedat. In connexis quoque aut
 consequentibus, affectus omnes eo sigillatim extirpentur ordine, quo sibi
 40 ortu succedunt. Affectus enim prior statim initio eximatur necesse est, vt
 si crebrior ea destillatio tandem illabatur in ventriculum, cuius vitio tum
 nausea orta, tum deiecta appetentia, tum impedita sit concoctio, neque
 profectò nausea tolli, neque appetentia, neque concoctio restitui potest,

nisi expurgato ventriculo, prorsus verò expurgari nequit non antè inhibi-
 ta destillatione, neque hæc inhiberi nisi vacuato cerebro sublataque fri-
 gida intemperie eius effectrice. Itaque nisi vrgentius quidpiam sollicitè,
 primùm corrigēda frigidior cerebri intemperies, dein quicquid genitum
 est excrementi, purgandum est: ac si quid posthac gigni contingat, id cur-
 su naturali deriuandum in nares: his quum destillatio expurgata & auersa
 fuerit, ventriculus omnino expurgandus, dum in eo nihil sit reliquum, at-
 que vanescant symptomata quæ laboranti erant importuna. Hæc vtique
 vera est & exquisita medēdi ratio, ex causarum affectuumque serie incun-
 da. Affectus dico præter naturam, qui vel in partibus ipsis vel in contentis
 inhærescunt, id est vel morbos, vel interiores eorum causas. Horum quip-
 pe vitium quodque contrario oppugnandum est. Symptomata verò inter
 hæc plerumque apparent interiecta, sed quorum tamen propria non est
 cūratio, neque his contrarium quicquam è regione obiicitur, quòd subla-
 tis affectibus ea protinus euanescent. Methodi atque ordinis inuersio, nō
 modò nihil ad curationem proficit, sed & plerumque morbum condupli-
 cat. Quum enim persistente causa de morbo nonnihil subtrahitur, licet
 tum fortasse sibi æger nonnihil leuatus esse videatur, mox tamen pari fe-
 rocitate morbus repetit atque etiam interdum maiore: vt quum collecta
 fluxio calidis vehementerque dissoluentibus discutitur, quæ irruenti cau-
 sæ motum vehementiorem afferunt & agitant. Atque hæc quidem me-
 thodus in causarum ordine: quæ verò in implicitis & cōpositis affectibus
 tenenda deinceps monstrabitur.

Quum multi morbi insunt, quænam curandi methodus.

Cap. V.

25



V V M disuncti & disparati morbi in corpore cōsistunt, suā quī-
 que seorsum medendi rationem obtineat. Qui ita sedibus lon-
 gè distant, vt vnicuique sua possint remedia cæteris intactis ad-
 hiberi, possunt ij & sigillatim & pariter omnes curari, mini-
 mūque refert cui primū propria remedia decernas. Impliciti verò
 atque compositi nō nisi methodo ac ratione summa eximi possunt. Nam
 impliciti quoniam tam vicinis partibus insident, vt communiter ipsarum
 functiones impedian, vix propriam seorsum curationem habent. Multo
 magis est compositorum implicita sanatio. Etenim quum vni eidemque
 particula penitus inhærescant, & in vnum quasi conflati cōeant, quodcū-
 que remedium vnum quempiam, idem cæteros quoque pariter attinget.
 Quum igitur neque compositis neque implicitis, singulis liceat propria
 seorsum accommodare remedia: quūque omnium curatio eodem tem-
 pore probè administrari nequeat, methodus omnino adhibēda in primis
 est, quæ suum cuique ordinem præstituat, & quid primo, quid secundo,
 quid denique tertio quartove loco sit sanandum. Porro autē ita variè con-
 currētibus morbis accidit interdum vt omnino consentiant, quum vnus
 curatio

curatio alteri sanando conducit, aut nihil saltem obest: interdum dissentiant, quum vtriusvis curatio alteri incommodat moramque affert: nonnunquam verò partim consentiant, partim dissentiant, atque eatenus vnius curatio alteri & prodest & obest. Implicitos morbos atque còpositos qui aut congruunt aut minimè dissentiunt, & simul & seorsum sanare licet: quumque id seorsum fit, ab vtrouis incipere conceditur: vt si oculus suffusione & albugine teneatur implicitis affectibus, & quorum proxima sunt sedes, potest suffusio acu deprimi perstante albugine, potest & albugo delecti permanēte suffusione, possunt & illa si videatur pariter eximi. Similiter si iecur frigida intemperie simulque obstructione simplici tenetur, ex quarum permistione compositus est morbus, intemperiem medicamentis emendare licet, quæ obstructionem nec expediant, nec geminent: & hanc quoque expedire intemperie remanente: licet & simul iisdemque remediis illas tollere. Quum impliciti aut compositi morbi omnino dissentiunt, nec prorsus huic aut illi, sed vtrique mediocritate quadam & còtrariorum permistione succurrendum. Sic increscenti phlegmone reprimentia remedia digerentibus permiscuntur. Sic etiam ventriculum frigidiorē & iecur calidius temperata iuuant, quæque ex calidis frigidisque constant, & modò horum, modò illorum vsus alternatus. Vbi vterque incrementum iam vires acceperit, quoniam contraria præsidia postulant, difficilè sanescunt, ac plerumque desperati & insanabiles permanēt. Quum impliciti morbi partim consentiunt, partim dissentiunt, ab eo auspiciandum, cuius curatio alteri haudquaquam officiat, & ab eo sine quo alterius curatio compleri nequeat: vt quum ophthalmiæ implicatur albugo, quoniam acribus hanc detergere non est quin noua accersatur fluxio exaspereturque phlegmone, hæc in primis quidem sananda, mox detergenda albugo. Quum etiam in parte vlcus est, idque cauum & inflammationi còiunctum, vlcus neque agglutinari neque ad cicatricem perducì potest, nisi carne impleatur: carne autem proba impleri non potest, nisi inflammatione sedata pristinam temperiem pars receperit. Imò quæ cicatricem inducunt, quia validè siccant, carni gignendæ obsistunt, & quæ carnem regignunt, inflammationem augent. Necesse igitur est inflammationem primùm extinguì, quæ rationē eius obtinet, sine quo nequit curatio perfici: deinde carne vlcus impleri, tandēque cicatrice obduci. Hanc medendi methodum dictat simplicium affectuum naturæ, quæque illis contraria opponuntur remedia. Horum quippe obseruatione cognosci potest, quid à quo, quid cum quo, quid post quod sanari possit. Ita quidem omnis absoluta videri potest legitima morborum curatio, quam semper sequi oportet, dum nihil vrgentius interueniet, quod hanc necessitate quadam interpellet.

De

De curatione extraordinaria legitimæ opposita. Cap. VI.

IN affectuum connexionem plerumque urgentiori vel inuerso & præpostero ordine in primis succurrendum. Ab eo enim auspicianda curatio, à quo maximè ægro periculū impendet, in eumque primum medentis consilium dirigi debet. Urget autem & periculosus est affectus ^{tristitiam} ~~tristitiam~~: aut propriæ essentia magnitudine, aut læsæ functionis præstantia, aut facultatis offensæ dignitate corpus vniuersum gubernantis. Atque horum quidem periculosissimus est, qui vniuersalem facultatem prostermit, & vires frāgit corporis gubernatrices, ut quarum conseruandarum gratia omnis instituat curatio. Ab hoc sequitur qui præstantem quandam & eximiam functionem lædit: minus his periculosus est qui magnus quidem existit, sed citra præstantis functionis aut virium iacturam. Ceterum si quando vel à functionis læsione, vel ab affectus magnitudine maius quàm à virium iactura ægro periculum impendat, ab alterutro auspicandum, atque in id quod est grauissimum omni cura & cogitatione primum incumbendum, siue id ante susceptam curationem partum iam erat, siue recens dum legitima adhibetur curatio interueniat. Grauissimum autem dicere possis, vel quod maximè egrum in vita discrimen adducit, vel de quo is grauissimè queritur, cuius precibus & votis interdum cedere cogimur. Hæc ut illustriora exemplis fiant, memoria repetatur frigidior illa antè commemorata vetriculi intemperies, eiusque cruditas ex cerebri destillatione profecta, omnisque eius legitima curatio: cui tamen ut proposito seruiat hoc insuper addamus, tam frigidam esse ut totus æger inhorrescat, vixque queat consistere: morbi quidem vis atque magnitudo hanc primum lenire hortatur, deinde ad destillationem quæ eius causa est accedere, quemadmodum æstuosum febris ardorem plerumque intermissa causa compescimus. Rursum verò id quoque ponatur, congesta pituita vi vsque eò ventriculi appetitiam languescere caloremque remitti, nihil ut concoquat, sinatque quicquid assumitur aut crudum deiici aut vomitione reddi: læsæ quidem functionis necessitas ac præstantia sua-
dent in primis ventriculum expurgandum antequam irruens omnis destillatio sistatur. Hanc eandem pituitam si tertio statuamus ita in os ventriculi defigi, ipsumque tam acriter ferire, rosionisque sensum inuehere, ut frigidos sudores, viriumque defectionem ac syncopem accersat, ita quidem maximè curationis methodum inuerti continget: tum quippe præ-
termisiss omnibus, properandum ut pituita accuratè abstergeatur. Tribus itaque hisce concurrentibus, postremum omnium maximè virgere solet, nisi fortè (quod rarissimum est) vsu veniat, morbi magnitudinem aut læsæ functionis præstantiam plus negotij facessere. Omnem igitur eiusmodi curationem extraordinariā dicere solemus. Aliàs autem posterioris curationem prioribus prodesse, aliàs obesse contingit. Prodest in his quæ nunc commemoravi: quibus enim præsidii posteriora, iisdem & priora tolluntur. Eodem quippe pituita medicamento potest è cerebro atque ventricu-
lo

lo expurgari. Expetenda omnino optabilisque curatio, qua omnibus eadē opera medeamur. Quod si posterioris medicatio priori neque confert neque officit, nō utique magna potest celeritate perfici, sed ferē longiūs producit: tum nihilominus tamen vrgentiori obſiſtendum, aliis quoad fieri poteſt minimē neglectis. Quum verò vrgētioris curatio ceteris proſus obest, atque contraria expoſcit remedia, dū illi vacamus, reliqua deteriora fieri eſt neceſſe, quorū dein aut difficilius aut certē longior ſit futura methodica curatio. Hoc tamen optabilius eſt quā vrgentioris ferocia & eſſeſſatione affligi & proſterni ægrotantis vires. Læſio etenim morte eſt tolerabilius. Qui methodum in omnibus nimium pertinaciter exquirat, pariter cum morbo plerumque hominem de medio tollit. Age verò donemus pituitam, quę in ventriculum ē cerebro fluxit, ita demum in venas intrudi, eāſque adē obſtruere ut bilem coërceat, hęcque putreſcente cauſum accendat: quis tam inconfideratus aut rudis ſit, ut in perſeuerantem deſtillationem totus incumbat, neglecta febre quę interim ægrotum ſit peremptura? Quis non potius properet in primis ardentem febrem tum vacuatione, tum refrigerantibus reſtinguere, etiam ſi quid in deſtillationem peccet, aut etiam irriter? Eadem eſt atque etiam multo maniſteſtior in ea pleuritide ratio, quā ē capite ruens frigida deſtillatio, ſenſimque ſuccingentem mēbranam ſubiens excitauit. Sæuiori quoque ſymptomati quod vires nimio pere conuellat aut etiam proſternat, in primis diligenterque ſuccurrendum, morbo etiam interdum prætermiſſo. Quanquam enim ſublato morbo protinus ſymptoma vaneſcit, quod nuſquam in corpore ſubſiſtat, ſi tamen nimium graue inſenſumque eſt, ne violentia aut pernicio iugulet, leniendum protinus, ipſaque methodus inuertenda. Atque ea quidem ſymptomatis ſanatio eſt, non qua ſymptoma, ſed qua aut offenſarum virium, aut noui cuiuſdam affectus cauſa exiſtit. Nam vigilię, dolor excrucians, immodica omnis vacuatio, vacuandorum ſuppreſſio, prohibita tranſpiratio & vires debilitant & morbos ingenerāt. Itaque vrgente quouis ſymptomate quādiu virium robori fidimus, methodus quidē tenenda, nec contra artis præſcriptum in ægrotantis gratiam vni vacandum ſymptomati. At ſi iam vires labant, protinus ſymptomati occurrendum, morbo tantisper omiſſo, omni que ratione vires ſulciendę & reſficiendę, quod & morbo obſiſtere & toto curationis ſpatio ſatis eſſe poſſint. Sic igitur temperanda ſunt omnia, ut neque laborans malorū ſæuitia crudeliuſ torqueatur, neque delicata molliſque medicina quę conſanuiſſe videbantur recrudescāt. Haftenus explicatum ſatis qua ratione vniuſcuiusque affectus remedium perueſtigetur, ſiue id ſimplex ſiue compoſitum, ſiue vnum ſiue multa: & quo hæc ordine congruenter & methodicē afferēda ſint. Nunc remedij deſignanda quantitas.

Vt

Vt remedij quantitas definienda sit. Cap. VII.



LXPVRGANDO morbo paria quodam modo opponenda adhibendaque sunt remedia. Vt tria erant ex quibus medendi ars constituebatur, remedij genus, quantitas & vtendi ratio: ita tria sunt ex quibus illa nosse oportet, affectus species, magnitudo, & partis cui insidet conditio. Ex affectus specie remedij genus innotescit, ex illius magnitudine remedij quantitas, ex partis conditione vtendi via & ratio peruestiganda. Affectus speciem ostendunt propria ipsius signa quae demonstratiua dicuntur. Magnitudinem verò, signorum symptomatumque vis ac impetus, & tum à pristino & naturali habitu, tum ab eo qui ante morbum fuerat, recessus indicat. Hic autem ex laborantis natura, ex aetate & consuetudine deprehenditur. Naturam dico non modò insitum temperamentum, sed & organorum conformationem & situm, omnemque insitam eorum constitutionem. Consuetudo constat ex vitae genere, ex superiore victus ratione, & ex anni tempore, cœli statu & regione in qua quis plurimùm versatus est. His si propria signa accedant quae alio loco prodita sunt à nobis, certum indubitatumque euadet, quamnam aut totius corporis aut partis affectus pristina fuerit constitutio. Ad hanc deinde si morbi magnitudo symptomatum vi percepta conferatur, planè constabit quantum morbus à pristino habitu recesserit, & quam valida decernenda sint remedia. Cognitus sit Dion ante morbum calido siccoque temperamento, Theon verò frigido atque humido: ambos peraequè adoriatur febris ephemera. Theoni qui à pristino habitu longius recessit, frigidiora remedia quam Dioni decernenda sunt, grauius quippe & periculosius ex Hippocratis sententia laborat, quòd ipsius naturae, aetati atque consuetudini minus còsentaneus sit morbus. Eadem ratione senex, qui iuxta ac iuuenis tactus iudicio febricitet, frigidiora tandem quam iuuenis exposcet auxilia, licet ad ea sensim veniendum esse hortetur virium imbecillitas. Similiter quum pituitosum atque biliosum par causus inuadit, biliosus cognato morbo minus periclitatur, huicque leuiora medicamenta tum bilem purgantia, tum refrigerantia quam pituitoso cògruunt. In partibus quoque si tendo pari atque caro vel humorum influxu vel vlcerare tentatur, sicciora quam caro remedia postulat. Et vt generatim complectar, aduersus omnem affectum præter naturam adhibendum eò vsque contrarium est remedium, dum in naturalem aut certè in pristinum habitum sit regressus. Id autem aliàs semel & vniuersim fit, aliàs sensim ac paulatim. Remediũ quod par morbo existit, quòdque tanto recessu quanto & morbus à naturali distat, eum quidem omnino & vniuersim eximit atque per sanat. Etenim si quatuor numeris corpus incaluit, quicquid quatuor quoque numeris frigidum, paribus viribus ei conuenienter adiungetur, id quidem vehementer immutabit, paritèrque tantundem ab eo vicissim immutabitur, dum mutua amborum pugna mediocritas quaedam emergat. Vt enim si in aquam feruentissimam alterius gelidæ par modus infundatur

infundatur, permissione tepor exurget: ita corporis sanguini humoribus
 que valde calidis, si aut alimenta aut medicamenta paribus viribus frigida,
 necdum ventriculi calore prorsus obtusa accedunt, perfusione temperies
 inducetur. Si quæ verò partes incaluerunt vehementius, eorum actu ad-
 hæsi-
 5 hæsi-que pristinam mediocritatem recipient. Ad hunc modum humoris
 lenti & glutinosi adhæsi-
 onem omnem detergit medicamentum æquè va-
 lidum, & vitiosi exuperantiam vniuersam tollit medicamentum quod huic
 semel detrahendæ sit satis. At verò quod suppar infirmiusque morbo est,
 hunc quidem minuit eaque ratione iuuat, sed nec prorsus tollit nec per-
 10 nat. Quod enim ordine secundo frigidum sit, haudquaquam potest quar-
 ti ordinis calidum affectum semel & vniuersim eximere, sed eius tamen
 portionem aliquam delet detrahique. Nam licet ab affectu vehementio-
 re id fortasse victum & quasi extinctum sit, ea tamen veluti colluctatione
 aut sibi parem aut aliquanto minorem alterius portionem sustulit. Cu-
 15 rando igitur affectui contrarium remedium aliàs quidem par, aliàs in-
 firmius adhibendū, his ferè legibus. Leuior affectus pari contrario semel
 vniuersimque summoueri potest: quandoquidē nullā id corpori viribus
 ve insignem vim infert. Extremis quoque morbis extrema diligentissime
 remedia auctore Hippocrate sunt adhibenda. Precipites enim sunt & a-
 20 cerrimi, vt apoplexia, quique breui oppressuri sint vires & extincturi. In
 quibus etiam morbis materia turget, suoque motu & instabilitate omnia
 conturbat, statim initio valentissimum medicamentum adferendum est.
 Præstat enim nonnullo virium dispendio morbum discutere, quàm sine-
 re, vt ea materia principem aliquam partem obruat, & nullo subsidio vni-
 25 uersæ vires mox collabantur & concidant. Mediocris autem affectus quo-
 niam nec princeps est nec periculosus, lentè paulatimque tutius eximitur.
 Non enim citra corporis offensionem, & magnam perturbationem iactu-
 ramque naturæ, vniuersum repente demoliri licet, quod in contrariorum
 validorum pari robore magna vi & vtriusque iactura configatur, multo-
 30 que magis si corporis aut partis affectæ substantia rara, aut eximio sensu
 prædita sit. Ita enim pronunciauit Hippocrates, vniuersim & repente
 vel vacuare vel replere, vel calfacere vel refrigerare, vel alio quouis modo
 corpus mouere periculosum: omne siquidem nimium naturæ inimicum:
 paulatim verò quod fit, tutum. Quum enim lentè id paulatimque fit, vtri-
 35 que tum morbo tum naturæ consulitur: morbus siquidem abigitur, natu-
 ra quàm minimum fieri potest offensa. Bifariam autē lentè paulatim-
 que curationem fieri contingit, cōtrariis quæ aut pari aut inferiore sint re-
 cessus ordine. Nam & contraria paria si exigua quantitate adhibentur, &
 quæ inferiore sunt recessus ordine identidem repetita, morbum blandè
 40 sensimque eximunt. Quod enim ordine tertio frigidum est, si morbo pa-
 ris ordinis applicetur quantitate modica, non vniuersum potest semel re-
 pentēque discutere: at identidem sapiusque repetitum potest. Atque hæc
 profectò tamen si copia nō magnopere lædunt, tempore tamen qualitat-
 is

noxiae labem corpori quandam inurunt, vt nō admodum tutus sit eorum
 vsus. Non enim immodicum corporis calorem congruenter vel opio vel
 mandragora vel hyosciamo, exigua licet portione repetita extingues: ne-
 que exuperantem humorem parua portione vel scammonij vel colocyn-
 thidis repetita vtiliter detrahes. Tutior altera est quae lentē paulatimque
 fit curandi ratio, contrariis blandis & quae inferiore sint ordine, sed aut re-
 petitis, aut interdum copia maiore adhibitis. Sensim quippe multoq; ocio
 & tēpore affectum omnem depellunt, nullo aut certē quam minimo cor-
 poris & virium dispendio, nec vlla qualitate noxia in corpus inducta. Ne
 tamen vsque adeo imbecillae & laeuidae sint remediorum vires vt nihil fe- 10
 rē proficiant. Si quidem morbus vehementior illas plerumque sic asperna-
 tur & contemnit, vt his vel iteratis nihil cedat. Sic verō blandae sint vt ta-
 men aliquantum iuuent, ne remediorū blandimentis (quod saepe fit) mor-
 bus exasperetur. Viribus imbecillis leuis lentaeque curatio necessaria: ea
 quoque semper optanda, nisi morbus vehemētiore accelerare cogat. Tuta 15
 siquidem ea est ac iucunda, & quae sat citō fit si sat bene. Hac paulatim me-
 dendi lege si omnia recta ratione geruntur, neque id succedit quod ratio
 postulat, non protinus, inquit Hippocrates, ad aliud est transeundum.
 Tamen si enim manifesta vtilitas necdum vlla sit secuta, & tardior sit reme-
 diorum euentus, de recta tamen medendi via decedendum non est. Impe- 20
 rita stoliditas nihil ratum certūve obtinens, huc illuc per omne remedij
 generis oberrat. Dum tamen in eodem remediorum genere consistas, per
 varia & multa euagari licet, ne vni assuescens natura eius vim non sentiat
 & aspernetur. Sed & plerumque remedium vni, non alteri confert, ob eas 25
 proprietates quae sunt medicamentis cum corporibus communes, & quae
 sola experientia deprehendi possunt. Quod igitur permutatione vtilissi-
 mum compertum fuerit, id sedulo vsurpandum, quod verō noxium pro-
 tinus immutandum. Quaesitum sepe dubitatumque est, possitne blan-
 dum ac lenē remedium iteratum, id sensim praestare, quod validius semel
 & vniuersim, huiusque vehementia compensari crebritate & copia lenio- 30
 ris. Hoc sanē in iis remediis veritatem habet, quae nec genere nec agendi
 modo naturaeque, sed ordine solo distāt. Nam plantago vel copia vel cre-
 bro vsu aequē refrigerare potest, atque semperuiuum semel aut parcius ad-
 motum. At verō non id efficiet quod opium, quod huic vis insit narcoti-
 ca: neque agaricus crebriore vsu id quod semel colocynthis, quod huic nō 35
 illi vis insit trahendae crassae mucosaeque pituitae, idque ē summis & extre-
 mis corporis partibus. In omni porro siue repente siue paulatim susce-
 pta curatione, sic administrari tēperarique remedia debēt, vt neque mor-
 bi quicquam indiscussum maneat, neque contrarium morbi genus indu-
 catur mediocritate trāsmissa. Id verō assequi in primis est arduum, vnāque 40
 remedij quantitas, omnium quae in arte geruntur, maximē acri est iudicio
 decernenda.

Partium

Partium indicationes quibus limitatiùs definitur remedij
quantitas. Cap. VIII.



REMEDIJ quantitas quam morbi magnitudo præscripserit, etiam pro partis affectæ conditione augenda minuenda est: non enim omni eque parti eadem congruere potest. Partis autem conditio aestimatur ex ipsius conformatione, positu, præstantia atque sensu. In conformatione considerandum quàm rara sit aut densa. In situ verò sitne in summo ea corpore constituta, an in alto demersa, quàm longè ab sit vel ab ore, vel ab eo loco cui remedium imponitur. In præstantia spectandum parsne sit ex earum numero quæ principes appellatur, & corpus vniuersum gubernant, cuiusmodi sunt cerebrum, cor, & iecur: ànne munus publicum habeat & toti corpori commune, vt pulmo, vt ventriculus, intestina, renes, & vesica, & quæ his subseruiunt venæ, arteriæ, & nerui: aut an priuata sit, sibi duntaxat non aliis utilis. In sensu videndum hebesne sit is an acutus. Horum autem animaduersione remedij quantitas atque vis sic est immutanda. Pars densa & compacta, remedia exposcit validiora & attenuantia magis, quorum vis intrò subire possit, cuiusmodi sunt renes & iecur, & quacūque solida pars appellatur. Quæ verò substantia est rariore, vt lië, pulmo, & musculorū caro, mitiora postulat. Affectus in corporis summo positus pari quodam modo remedio abigi potest: qui verò in alto corpore demersus latet, valentius & attenuantius flagitat: validiora quippe inflammato iecori quàm inflammato abdomini extrinsecus imponuntur. Et ex assumptis vehementiora renibus quàm vetriculo debentur, quandoquidem in ventriculum illabuntur ea viribus integris: ad renes verò hebetiora & imbecilliora reddita, neque qualia assumpta sunt perueniunt. Longior quippe via est per viscera partesque multas directæ, in quibus remedia aliis permiscuntur humoribus, nec leuem mutationem subeunt. Quocirca longè acriora & vehementiora decernenda sunt, pro via longitudine & partium quas permeant numero. Præstantia porro idcirco mitiora exposcit remedia, ne vehementiorum appulsu & contagio: ne facultas aut offendatur aut dissipetur ad vitæ conseruationem necessaria. Priuata verò pars & ignobilis vehementiora perfert, & quanta exposcit morbi magnitudo. Principi parti laboranti nullum adferendum est remedium quod immodicè vel relaxet vel refrigeret, vel aliena & occulta qualitate sit præditum, sed id semper quadam corroborandi facultate polleat. Ob sentiendi quoque præstantiam neque oculus, neque os ventriculi, vehementia acriæque medicamenta: hebetioris verò sensus partes & valida & acria medicamenta nullo incòmodo sustinere ferrèque possunt. Atque hæc quidem sunt omnia, quorū summa esse debet obseruatio, vt certa decernatur remediorum quantitas. Ex his enim & ex intellecta morbi magnitudine, sciri potest quàm validum remedium, quo gradu recessus, & quo pondere conueniat, vt affectum semel vniuersèque demat: aut

Bb ij quoties

quoties & quousque admouendum sit, si lentè paulatimque id ars effice-
re præcipit. Semper autem pristini habitus memor, in eumque intentus,
eiusque curationem promoue, dum in eum factus sit regressus. Eò quip-
pe redire consilium est, vnde morbus exordium duxit. Pristinum statum,
licet vitiosum, qualem acceperis conserua, nec quādiu morbus fatigat, de
eius in meliorem commutatione labores, nisi aut morbi causa sit, aut eius
curationi officiat. Sublato recentiore morbo recreatisque viribus, si quid
demum vetustioris inesse deprehendetur, id sensim ocioque multo, si vi-
detur, demoliendum. Nam quæ longo sunt tempore contracta, lentè cu-
rare oportet: quæ breui, breuiter: vt creationis morbi atque curationis pa-
ria quodam modo sint temporū momenta. Quisquis remedij quātitatem
arte cōsequi se posse diffidet, omnia sensim paulatimque gerat, dum æger
sibi videatur restitutus, & pristinas receperit vitæ functiones. Quæstio-
nis huius magnitudine nō pauci occupātur: possitne quis ex morbo, in pri-
stinum & æquē atque antea salubrem statum redire. Validis hæc vtrinque
rationibus agitur, sed quicquid in ea vel obscurū vel ambiguum est, ex-
planatione adhibita elucebit. Morbus sæpe repente emergit, cuius causa
sensim radices egerat. Nam quicumque continentem causam intus habet,
sensim multoque tempore genitus est: vt licet fortasse continua febris re-
pente hominē prehenderit, eius tamē causa, quæ humoris est vitiū, multo
antē tēpore sensim inualefcebat, ob quam neque tum omnino & integrē
sanū corpus erat. Quū igitur febris sublata causa perfectē sanatur, corpus
nō modō ad pristinū statum redit, verūetiam plerūque ad multo meliōrē
eo qui ante febrē fuerat. At verò fieri arte nulla potest, vt ad similē habitū
redeat ei qui ante morbū & eius causam fuerat: aut si morbus sine cōtinēte
causa fuit, fieri nequit vt in pristinū statū regressus sit. Qui enim naturalis
bonūsq; erat, ex morbo nō nihil immutatus est, parsque affectione aliquid
cōtraxit, cuius naturā aut diu aut perpetuò redolet, manētque imbecillior:
quod in grauioribus morbis luculentiū apparet. Inuentū iam est affectus
cuiusque remediū, eiūsq; designata quātitas, restat vtendi ratio, quæ cui
parti, & qua forma, quoque tempore & hora id adhibendum sit, explicet.

Vtendi ratio.

Cap. IX.



REMEDIORVM alia vacuant, alia duntaxat immutant vitio-
sumque affectum depellunt. Remedia quæ solū immutāt, si-
ue externa siue interiora sint, affectæ parti quā proximè licet, ad
hibenda. Id autem partis affectæ situs ostendit & sedes atque
consensus. Nam si externa pars est, ei ipsi imponēda sunt quæ immutent,
vitiosumque affectum remoueant: ea quippe non nisi contagione quic-
quam efficiūt. Quum autem interior est affectus, eius sedes indicat reme-
dia ei parti extrinsecus imponenda, quæ illi proxima è directo respondet.
Quocirca ex anatome compertum sit oportet & notum, cui cutis regioni
pars quæque interior subiecta subditæ est. Quo modo verò intrō sumē-
da rectē exhibeantur, demonstrat partis consensus atque societas, & viē in
affectam

affectam partem ferentes atque directæ. Quum enim cognitum percep-
 tumque fuerit qua via ad partem affectam faciliior expeditiorque transi-
 tus est, mox in promptu erit illac etiam intromittenda esse remedia. Sic ce-
 rebri affectus corrigunt & immutant auxilia, quæ capiti maximèque syn-
 5 cipiti & coronali commissuræ foris adhibentur, & quæ induntur in aures,
 quæq; vel substantia vel suffitu per nares intrò subeunt: iis verò quæ edun-
 tur bibunturve, immutadi cerebri parua & admodum lenta vis inest. Pul-
 monum, laterum, thoracisq; interiori vitio succurrunt, quæ foris pecto-
 ri imponuntur, & quæ vaporis specie vnà cum spiritu hauriuntur: & quæ
 10 sensim lambendo & deglutiendo illabuntur in arteriã, minimè verò quæ
 ore accepta in ventrem statim deuorantur. Ventriculum, iecur, & lienem
 immutât & corrigunt, tū quæ admouentur, tū quæ sumuntur cōueniētia re-
 media. Intestinis superioribus potio clystere vtilior, inferioribus clyster
 potione cōuenientior. Renibus & externa cōueniunt, & intrò sumpta, &
 15 subdita vt clyster. Vesicæ atque vtero externa, immissa, & assumpta. Va-
 cuatio autem fiat per communes patētēsque vias, in quas natura commo-
 dè dirigit. Has verò ostendunt partis affectæ conformatio atque consen-
 sus. Cōformatio quidem, vt quæ illius sit figura, quæ in ea aut circum eam
 spatia sint, in quæ excrementa sua deponit. Consensus, vt quas & ex qui-
 20 bus locis in se vias habeat pertinētes, quibus superuacanea suscipit, & quas
 aliò de se emittit, quib⁹ illa depellit atque propulsat. Quū igitur vacuatio
 triplex habeatur, vna absolutè vocata, altera quæ reuulsio, tertia quæ deri-
 uatio appellatur: simplex quidem & absoluta vacuatio eorum est, quæ ci-
 tra motum vllum aut exagitationem peccant. Reuulsio eorū quæ ex qua-
 25 uis sede in partem aliquam impetu feruntur & influunt. Deriuatio eorum
 quæ partem obsident, ipsi quodam modo iam impacta. Itaque ventricu-
 lum aut summa præcordia suis vitiis vtiliter euacuat vomitio: intestina cly-
 ster: viscera atque mesenterium purgatio: venas maiores venæ sectio: ha-
 bitum corporis euaporatio aut sudorum eruptio. Ita igitur simplex fit eua-
 30 cuatio. Reuulsio verò ex humoris motu spectanda. Si enim constet ex qua
 parte in quam is incumbit, facilè sit reuulsione eum in contrariam partem
 retrahere, ei⁹que cursum inhibere. Sanguis vel quiuis humor cum sangui-
 ne per venas confertim in quamuis corporis partem supra clauas positam
 irruēs, reuelli debet, secta è regione cephalica cubiti vena. Influentis autem
 35 è venis maioribus in aliquam earum partium quæ inter clauas & renes fi-
 tæ sunt, reuellitur secta è regione basilica cubiti vena. Qui autem in eas
 partes decumbit, quæ inter renes & femora interiacent, sistitur, si quidem
 plethoricū corpus est, primū sectione interioris venæ, deinde saphenæ,
 idque è directo sedis affectæ. At si minimè plethoricum corpus est, vna
 40 saphena aperta, satis reuellit. Aliorum humorum quocunque influen-
 tium, reuulsio etiam purgatione fit: præsertim si è iecore maiorib⁹que ve-
 nis, vel in totum corporis habitum, vel in caput, vel in pectoris sedes, vel
 in renes & vesicam, vel in vterum aut crura procumbāt. E iecore aut è lie-

ne cursus præceps in aluum, vomitione reuellitur, quemadmodum & vomitio deiectione. Derivationis porrò & genera & loca multo plura existunt, quæ vt apertiora sint sigillatim accuratius persequar. Cerebri humores quicunque partem priorem habent, per nares errhinis sunt deriuandi, qui partem summam per commissuras, qui partem imam apophlegmatismis per palatum, qui latera plerūque per aures, qui posteriora eius venæ sectione quæ puppis appellatur. Oculorum epiphora & lachrymæ deriuantur per coronalem commissuram: eorundem externa vitia collyriis eluuntur, interiora verò quæ è cerebro per opticos nervos fluxerunt, per occipitium, vel commodius per id cauum quod ponè radicem est infimæ auriculæ. Qui in auribus congesti sunt humores, per eas ipsas expurgantur: & qui circum fauces, vel sectis venis quæ sub lingua extant, vt in angina, vel detergente & discutiente gargarismate. Pulmones, latera, interioraque pectoris vitia, vna excreatio purgat: quāquam interdum suppuratio aut abscessus pleuritidis, aperto latere foras deriuatur. Ventriculi pars summa, vomitione: ima, deiectione leuanda. Iecoris pars gibba per vrinas, pars caua quemadmodum & mesenterium, & pancreas, & intestina, & lien totus, omnis denique intestinorū affectus per aluū expurgatur. Renes & vesica per vrinas: testes, spermaticaque vasa per parastratas: & vterus per suam ipsius ceruicem. Quæcunque aliter & per alia loca fit deriuatio, nec naturæ motu, nec arte, sed humoris impetu fieri putetur. His quidem omnis exposita videtur remediorum adhibendorum ratio: nunc de eorundem formis.

Medicamenta qua forma, quo tempore conueniant.

Cap. X.



VARIÆ multiplicēsque medicamentorum formæ omnes duabus continentur: liquida & solida. Vtra autē sit vtendum, ostendunt affectus species, & partis affectæ natura atque situs. Pars affecta longius à remediis absistēs, aut solida atque densa, liquidiorē medicamenti formam expostulat: vt quæ alius ac promptius penetret omniāque subeat. Pars verò propior aut rarior, solidis etiam iuuari potest. Medicamenta autem quæcunque intrò sumuntur vt vel emolliāt, vel extenuent, vel detergant, vel dissoluant digerantque: & quæ foris admoventur, vt vel eadem præstēt, vel dilatent, vel relaxent, omnia quidem liquidiorē forma efficaciora sunt. Quæ verò vel repellunt, vel attrahunt, vel incrassant, vel inferciunt, vel astringūt atque densant, vel corroborāt, siue intus siue foris adhibenda sint, maiore vim obtinēt effectūque promunt manifestiorē solida. Quæ medias quodā modo vires habēt, vt pleraque detergētia aut emollientia, his media quoque forma, qualis vnguentorum est & eclegmatum, aptari accommodarique debet. Et hæc de remediorum forma, nunc de tempore.

In

In morbis curandis magni semper momēti est opportunitas. Affectus qui aliquantū protrahitur, vix nisi mutatis remediis sanescit. Simplex affectus qui leuioribus praesidiis tepestiue non cessit, valentioribus profligandus. Quum autē diuerforum quadam remediorū serie curatio perficiēda est, nō nisi prioris effectu inducto, posterius aggredimur. Nō enim durū scirrhosūque tumorem discutere conandum, antequā is planē attenuatus sit & emollitus. Neque erysipelatis humorem digerere, priusquam id omnino deferbuerit. Frustra enim posterius tentatur, relicto priore. Ad hęc verō, qualis morborum per sua tempora, talis sit & remediorum mutatio. Fluxionis initio astringentia quę hanc repellant sola ex vſu sunt. In statu quum fluxio planē consistit digerentia: incrementō verō vtrique permitta. Aut si fortē cōgesta materia digeri minimē posse videatur, eius dein suppuratio procurāda. Et in febribus ceterisque partium morbis, primū quidem initio exuperantis materię portio vacuanda, reliqua dein naturę imitatione preparanda: quūque iam illius beneficio concocta, aliquō propellitur, illac etiam proutinus arte vacuanda, ac prorsus extirpāda. Aut si fortē nullus vel certē lauidus sit naturę motus, artis praesidium eius vi- ces tepestiue suppleat: tunc enim medicamēto locus est. Opportunē gerit omnia qui morborum temporibus omni que mutationi remedia accō- modat. Naturam quippe adminiculātem habet qui progressum eius imi- tatur. Fœlix autem medicatio cui adiutrix natura succurrit. Irrita verō quę citra naturę opem tentatur. Sed & victus ratio praescribēda est ex mor- borum temporibus. Nam initio tenuis quodam modo est habendus, in- cremento tenuior, in statu tenuissimus. Quum enim sauiissima sympto- mata vigent, & natura in morbi coctionem tota incumbit, aliō auertenda non est, neque plenioris cibi concoctione distrahenda. Et quo breuior fu- turus est morbus, hoc victus tenuior pro cuiusque temporis conditione imperandus, quo verō longior, eo minus tenuis. Itaque sine clauo & re- mis nauigat, naufragium tandem facturum, qui nulla temporum obserua- tione medicinam facit. Iam verō quum plerique morbi certis horis cō- citentur vehementius & exasperentur, neque vllius ferē sit eadem & per- petua æquabilitas, horarum quoque tum alendo tum medendo habenda est summa ratio. In accessionibus (inquit Hippocrates) cibo astinere o- portet: nam adhibere noxium. Quum enim per circuitus irritantur mor- bi, natura his obsistēs noua cibi coctione auocāda nō est. Sed & ipsa con- coctione suscitatus calor morbum plerūque grauius exasperat, quū etiam secunda valetudine non pauci dum cibis conficitur ingrauescant, aut nō parum agitentur. Huc adde, in ipsa morbi maximēque febris excande- ſcentia, tetro vapore corpus vniuersum perfundi, eoque recens sumptum cibum labefactari & maxima, ex parte corrumpi. Quō fit vt neque in ac- cessione, neque quum mox futura est, sed duntaxat quum eius est deces- ſio seu inclinatio aut intermissio, cibis adhibendus sit. Medicamētorum autem extrinsecus admouēdorum nulla stata hora, nisi quum vētriculum

le aut præcordia attingunt : hæc enim cibo præmitti debent . Quæcunque
le verò intrò sumuntur, expleta concoctione exinanitòque ventriculo iu-
le uant, nec antequam exciderint, cibus est offerendus, nisi quum fortè ma-
 ligna qualitate prædita sunt . Hebetatur enim eorum vis & obruitur per-
 missione cibi, neque longius potest syncerior ea prouehi, plerūque etiam
 permistum cibum corrumpit . At quum perniciofa qualitas medicamēto
 vt elleboro inest, ne eius contagione exinanitus vētriculus grauius offen-
 datur, cibi reliquias inesse conducit, vt quæ illius vires non eximant, sed
 duntaxat exuperantem ferocitatē infranent . Neque præterea quū mor-
 bi accessio fatigat, vacuatione vlla conuellendæ sunt vires. Perutilis & ac-
 commodata est vacuationi hora quæ exacerbationem aliquantū præ-
 cedit . Tum enim cumulata materia exacui mouerique incipiens, prom-
 ptius euellitur. Cautio tamen etiam atque etiam adhibenda, ne vacuatio-
 ne immodica dissolutæ vires, succedentis exacerbationis impetum ægrius
 perferant.

His summas medendi leges perstrinxisse videor, quibus vnique
 cognito perceptoque affectui, mox remedium eiúsque quantitas & ven-
 di ratio præscribatur . Quod autem summarim comprehensum est,
 nunc particulatim discutiendum, & vno quoque remedij genere propo-
 sito, excutiendum quæ id quantitate, & quæ ratione ac methodo, curando
 morbo adhibendum sit : à vacuatione, quæ ferè omnium morborum cō-
 munis est, inducto exordio.

LIBRI PRIMI THERAPEVTICES,

de methodo medendi, Finis.

fancherms

De venæ sectione,

LIBER SECVNDVS.

Quid euacuatio, quòtque sint humorum vitia.

Cap. I.

MEDENDI methodo certis legibus stabilita, summa remediòrũ genera, quæ unicuique præter naturã simplici affectui ex aduerso opponuntur, eorũ quantitatem, vtendique rationem summam attingimus. Nunc quò sit artis cognitio vsusque certior, particulatim in vnoquoque remedij genere accuratiùs versandum, & explicandum quæ cuiusque vis sit, quæ congruens quãtitas, & quæ vtendi ratio. Quoniã autem contenta dum præter naturam existunt, quamplurimorum morborum interiores causæ fiunt, quas in primis ars summouere præcipit, illorum euacuatio, vt maximè generale remedium, cæteris iure præmittenda. Est quidem euacuatio eorum quæ præter naturam in corpore cõtinentur expulsio. Continentur autẽ spiritus, humores, & excrementa. Excrementa sunt fex alui, & vrina, & quæ à partibus quibusdam, vt à cerebro & à pulmonibus redduntur. Humores alij superuacui, alij propriè succi nũcupantur. Superuacui qui à sanguine vi nature secreti alendo corpori inutiles procul amandantur: vt pituita quæ in vètriculo & circum intestina hæret, bilis flaua quæ in propria cysti, & melancholicus humor qui in liene est. Succi dicuntur qui in corporis substantiam cõuertj ipsũque alere solent: hoc genus ij sunt ex quibus sanguinis moles constituitur, & ij quos aliquãdo diximus secundarios appellari. Iam verò horum singula aliàs secundum naturam, aliàs præter naturam consistunt. Secundum naturam quum decoram & consentaneam tum qualitatem, tum quantitatem obtinent, conueniuntque naturæ legibus & integram sanitatem tuentur. Præter naturam quum vel qualitatis, vel quantitatis modum non tenet. Itaque quicquid horum à mediocritate & à iusto nature modo manifestè deficit, quia morbi causa existit, si emendari aliter non potest, protinus auferendum expellendumque est. Hæc autem illius expulsio, est euacuatio. Vacuationis porrò differentia ex contentorũ tum vitio tum situ comparanda instituendaque sunt. Contentorum vitia sunt plethora & cacochymia, quæ hoc modo accipienda sunt. Venarum sanguis nequaquam simplex est & vniusmodi, sed ex pituita, bilis vtriusque, & puri sanguinis permissione conflatus: atque hos etiam succos ex omnium consensione vsuque dicendi, sanguinis appellatione designamus. In homine bene temperato

&

& optimè sano, minus est bilis flauæ quàm melancholiæ: minus huius quàm pituitæ, & pituitæ minus quàm sanguinis puri. Iusta illa & naturæ conueniens omnium humorum proportio, consentanea & naturalis est æquabilitas: atque is sanguis optimus & benignus cēsetur, qui ex quatuor succorum naturalium æquabilitate constat. Non sic quidem ut is parem habeat omnium portionem, sed pro ratione quam dixi cuique idoneam. Sanguis autem quantitate peccat, quum succi omnes in qualitatis mediocritate positi, supra iustam & naturæ congruentem mensuram accumulatur & increscunt. Tum sanè corporis vniuersa moles intumescit, & venæ supra modum plenæ tensionis sensum inuehunt, omniâque membra, præsertim ab exercitatione, exporrigi videtur. Hæc ista constitutio, tametsi bonis conferta est humoribus, & vires obtinet robustas, hoc tamen malum circumgerit, quod ad immodicam peruenit redundantia, quæ in graui pericula præceps ferri solet. Siue autem in hac succorū omnium æquabilis est redundantia, siue syncerioris sanguinis summa vbertas & affluentia, quia purus ille sanguis reliquos in permistione succos magnopere vincit, non qualitatis, sed quantitatis solius vitium subest, debet vtraque plethoræ genere contineri. Atque hæc simpliciter & absolute plenitudo censeatur, quæ etiam ad vasa iam trito & apud omnes peruulgato nomine celebrant, quod amplam vasorum capacitatem prorsus impleat, etiam si vires non premit. Alterum genus est plenitudinis quæ ad vires refertur, in qua tametsi vasa nō tument, nec copia distenduntur, plus tamen utilis sanguinis & alimenti continent, quàm à natura regi gubernarique possit. Mediocre alimentum sæpenumero infirmiori naturæ molestum est & graue, quod licet per initia sit purissimum, diu tamē vix tale persistit: sed à nostri caloris gubernatione destitutum, tempore dierūque numero corrumpitur, fitque morborum causa. Cacochymia est vitiositas seu vitiosa humoris qualitas, qua is à iusta mediocritate desciscit. Sub hac humorum pernicies atque corruptela corporis functionibus incommodat, eiusque colluuiē corpus sordescit & labefactatur. Est autē ea bipartita, vna mitior, quā vel superuacui humores immodicè accumulati sunt, vel succi in sanguine non illa iusta naturalique proportionē & concordia tenentur. Altera deterior quum vel superuacui humores, vel succi tum primi, tum secundarij à naturali & conuenienti sua tēperatione in vitium prolapsi sunt, quod aut substantiæ aut temperiei corruptio quædam est. Horum utrūque rursum aut cum putredine, aut citra putredinem obtingit. Latius verò patebit cacochymia appellatio, si excrementorum quoque vitia comprehendat. Contentorū porrò vitia quibus sedibus insint & ubi posita, nosse quidem maximè oportet ante quàm vacuetur. Plenitudo quæ Græcis est plethora potissimum in venis atque in corporis habitu consedit: at cacochymia in omne corpus dispergi diffundique solet. Quò sit autem vacuandiratio cōspectior, corpus vniuersum in tres publicas regiones distribui partiri que debet, quæ propriis limitibus & terminis circumscriptæ tum varia superua-

le

ad vase
plena

Ad vires

Cacochy-
miae duplex

le

superuacuorum receptacula, tum vias expurgandi varias fortitæ sunt. Vna verèque prima è gula in mediam iecoris partem dirigitur, in qua ventriculus, venæ mesaraicæ quæcunque ad portas concedunt, caua iecoris, lien & his interiectum pancreas includuntur. Altera è medio iocinere in tenues partium singularum venas excurrit, comprehendens iocineris conuexa, omnemque venam cauiam, atque illi comitem arteriam maiorem, & quicquid earum incidit inter axillas & inguina. Tertia regio musculos cõpletitur, membranas & ossa, omnem denique corporis molem, quæ ab ipso ingressu arteriarum venarumque minorum, in partes singulas & in summam extimamque cutem profertur. Magna profectò istarum regionum varietas, quæ propriis finibus ita circumscriptæ sint, vt inter eas communio-
 nis minimum intercedat. At multo maxima ex propriis cuiusque viribus: quum sint aliis aliæ cõctiones, excrementa alia, & viæ expurgandi alia: ex quorum animaduersione omnis ferè medendi ratio ducta deriuataque est. Præter communes ac publicas corporis regiones, extant haud pauca arctiores, excrementis etiam subiectæ, quæ nec latè dimanant, nec in vniuersum corpus influunt. Hoc genus sunt cerebrum, pulmones, renes & vterus.

Euacuationum genera & differentia.

Cap. II.

20



INC rectè vacuationis differentia duæ statuuntur, vna vniuersalis, particularis altera. Vniuersalis est quæ communiter ab vniuerso corpore materiã subtrahit. Huiusmodi sunt sudor vel perspiratio, sanguinis profusio, vomitio & alui subductio. Harum siquidem quæcunque primum obtigerit, quanquam plurimum ac validè regionem vnã, ceteras tamen etiamnum consequutione quadam licet parcius exinanit. Vomitio primum quidem ac maximè vètriculum, deinde si persistit viscera venasque maiores, postremò corporis habitum. Alui deiectio primum & abudè intestina, vètriculum, viscera, primasque venas, deinde venas maiores, postremò minores habitumque corporis. Sanguinis profusio primum venas exhaurit & arterias illis anastomosi cõiunctas: exin corporis molè ipsaque viscera, ad primas vsque venas progressa. Quæ per cutem fit dissipatio, proximè quidem è corporis habitu dissoluit, secundò è venis arteriisque grandioribus, ad postremum è visceribus & ex interna corporis regione. Particularis autem euacuatio partem duntaxat aliquampiam excrementorum onere pressam leuat. Quo in genere est cerebri per palatum & nares expurgatio, excreatio quæ pulmonū & pectoris vitia extussit, arenularum aut puris è renibus emictio, sanguinis ab vtero aut hæmorrhoidibus profusio: hæc enim podicem, illa vterum in primis, vtraque venam cauam expedit: quum aluius balano vel clystere mouetur, aut ex quouis loco per cutem fit eruptio, particularis quoque vacuatio existit. Vnumquodque porrò vacuandi genus aliàs sponte, aliàs arte fit. Sponte quum citra vllam medicationem quippiam è corpore effunditur.

tur. Id fit interdū natura duce, quæ dum integrè valet nobisque rectè moderatur, quicquid vitiose se habet aut superfluit, id omne corpore excludit, estque tum naturalis & opportuna euacuatio. Fit & interdum præter naturam, quum imbecillior facultas, humores corporis regere atque cohibere nequit, eosque prorsum diffluere sinat: aut licet robustior validiorque sit, interdum tamen humoris copia vel acrimonia tā opere laceffit, ut hūc è vasis receptaculisque suis proprio impetu foras exilire sinat. Vtraque symptomatica, irrita, præter naturā, nulloque vsui est euacuatio, quod benignus atque salutaris humor pariter cum pernicioso promiscuè, nullo delectu, nullisque legibus prorumpat. Artificiosam euacuationē perhibemus, quæ externi subsidij ope suscitatur. Ea rursus bipartitò scīdītur. Vna legitima existit, quæ quod vel qualitate vel quātitate negotiū faceffit, dūtaxat exterminat. Altera huic aduersatur extraordinaria, qua utilis & qui in nullo vitio est humor exigitur: hæc medentiū culpa vel inscitia decernitur, qui neque quod iustum neque quod idoneum est perspectum habēt. 15

Euacuationem natura non externa ope, sed suis duntaxat viribus maximeque expultrice complet: medicus verò variis subsidiorum generibus, quæ in ea comparat & accommodat. Profundendi sanguinis gratia venā aperit aut scalpello, aut hirudine, aut medicamentis quæ ora venarum referent. Purgationem molitur medicamentis, quæ noxios humores è corpore eliciunt, ac dein eos foras vel vomitione vel deiectione pellunt. Per spirationē verò atque sudores, exercitatione, frictione, motu omni, æstu, balneis, præsertim nitrosis, sulphureis aut bituminosis, & ex accidenti inedia. Per hanc enim dum nihil offertur alimenti, insitus calor humoris plurimum populatur atque dissipat. Multa insuper attenuantia medicamenta, tum foris adhibita, tum intrò sumpta, corpus per halitum, perque sudores digerunt. In partium quoque vacuationibus, cerebrum per nares expurgant errhina medicamenta, & per palatum apophlegmatismi: pectus & pulmones expediunt, quæ bechica nuncupantur: renes & vesicam diuretica: vterum hysterica: aluum resoluunt balani & clysteres. Ex vnaqueque demum particula eruptionem mouent, adhibita digerētia, suppuratoria, amyctica, caustica: item hirudines, cornua, cucurbitulæ, scarificatio, & ferrum candens. Hæc igitur præsidia & tanquam instrumenta medici ad omnes omnium generum omniumque partium vacuationes, sibi compararunt. Singulorum autem remediorum quæ hīc generatim percensui, tractationem iam iamque diligentius exequamur, à venæ sectione exorī. 35

Quid & vnde vena secta vacuet.

Cap. III.



V V M quatuor ex succis sanguis totus cōstet & cohæreat, iisque tenui sero perfusis, omnes quidem caloris & concoctionis quæ in iecore perficitur efficientia, ita accuratè exquisitèque permisti sunt, ut nullus ne minimum quidem à cæteris disinctus cōpareat. Incisa vena idque patente satis foramine, continendi facultas nequit 40

quit obliquis fibris tam arctè sanguinem continere ac inhibere, quin is aperta via excidat defluatque. Imò si fortè conetur auidius complecti atque suppressere, cōtractis venis hūc vberius è vulnere profundet. Emanat autem, non quemadmodum in purgatione, seorsum hic illève humor, sed sanguis vniuersus, qualē in venis haberi cōmemorauimus. Atque tametsi moderatus aut etiam paucus sit, motu tamen impetūque suo prorumpit, nihil aut minimum protrudente natura. Neque per morbos in quibus vitiosa est humorum constitutio, natura potest sic opus moderari, vt aperta vena id solum quod vel redundat, vel vitio contaminatum est effundat. In crisi (fateor) nonnunquam infestum humorem concoctione preparatum ab aliis segregat, ac tandem per vias idoneas excludit: at nihilominus si tū venam incidere contingat, per eam minimè possit tantulo tempore vitiatum humorem secernere atque exigere. Quod Auicennas ait phlebotomiam bonum sanguinem rapere, malum verò intus relinquere, quòdque metuit ne vena secta æger vel ad biliosorum efferuescentiam, vel ad pituitosorum cruditatem perducatur: si de permistis venarū humoribus id protulit, falsissimum & inconsiderantiæ plenissimum est. Neque enim serum prius quàm bilis, neque hæc prius quàm pituita vel melancholia, neque inutilis & deprauatus humor antequàm integer & familiaris elabatur. Hoc & quotidianus rerum euentus dilucidè commonstrat. Dum enim sanguis effluit, simplex quidem & vniusmodi apparet. Exceptus deinde proprio disperdito calore mox totus cōcrescit, eiusque partes omnes in suam quæque regionem contendunt. Serum per summa innatat, vrinæ haud absimile: bilis tenuis & florida concreti sanguinis pars fit suprema, melancholia subsidet, sanguis rubentior & pituita pallidior media tenent. Constans sit igitur præcisa vena omnes qui in venis conditi sunt humores æquabiliter vacuari. At verò vnde & quibus ex locis euacuatio fiat, quærendum. Quum profluens liquidusque sit sanguis, quisquis secto loco vicinior assistit, primus quidem exilit, deinde qui illi iunctus continuatusque est, deinceps verò totus non modò è venis & arteriis, verumetiam è visceribus & ex habitu corporis emanat. Est enim admirabilis quædam continuatio seriæque venarum, per quam sanguis sic totus transfunditur, vt patète via vniuersus plerumque cū anima excedat. Fit autem sanguinis per venas & arterias transmissio, dum toto corpore analogia quædam sit & æquabilitas: nam inanitæ & indigētes partes fibris oblongis trahunt è plenioribus, & pleniores illis subsidio veniunt, copiæque grauata in vacuas illas onus suum deponunt. Adde quòd fusus & liquidus humor sponte sua decliuiores inanésque regiones consequitur, in easque procumbit. Itaque venæ sectio quæcunque venas depleuerit, vniuersum corpus euacuat. Hinc duplici illa nomine vniuersalis cēsetur, & quòd omnes humores ex quibus sanguis constituitur, & quòd ex vniuerso corpore detrahat. At certè non æquabiliter: quum enim partes ordine quodam cōstitutæ sint, prius ac magis è propinquis quàm è distantibus: quumque aliæ venæ in alias propagentur

Cc

gentur

gentur partes, celerius atque validius ab iis quæ è directo, quàm quæ ex tranſuerſo poſitæ ſunt, hauriet. Hæc rerum nominumque explanatio præmittenda videbatur vacuandi præceptis, quæ deinceps traditurus ſum.

Quæ humorum vitia phlebotomia vacuet è venis.

Cap. IIII.

HUMORVM qui aut peccat in venis, aut ex his affatim defluunt proprium accommodatumque remedium eſt venæ ſectio. Illos quippe euacuat, hos reuellendo ſiſtit. In primis autè de euacuatione, mox de reuulſione præcipiam. Humorū qui in venis con-
duntur vitium, aut plethora, aut cacochymia eſt. Plethora exuperatſque ſanguinis vnicum ac proprium remedium eſt venæ ſectio. Quumque ſit plethora duplex, vna pura ex optimorum ſuccorum pari quodammodo portione conſtans, altera impura cacochymia particeps, quæ vitioſorum eſt humorum in venis redundantia, vtrique ſecta vena ſuccurrit. Quum igitur muſculi ſolidi atque diſtenti, necnon venæ amplæ atque turgentes periculum minantur, protinus ſectione eſt opus. Hæc enim dolores ex tentione placat, corpus graui pondere leuatum erigit, & quaſi recreatum alacrius expeditiusque reddit ad omnis generis functiones: quinetiam inſito calore liberalius ventilato, reſeratſque arctioribus viis & ſpiraculis, mor-
bos arcet, quorum diſcrimen impendebat. Diſcrimen autem eſt vel ne diſtenta vaſa dehifcant aut diſrūpantur, vnde partium inflammationes obtingūt, & hæmorrhagia: vel ne oborta vniuerſalis obſtructio inſitū calorem reſtinguat, ſtrangulētque vires alioqui validas, vnde de ardentiffima febris aut repentina mors irruit. His verò malis neque purgatio, neque exercitatio, neque inedia tutò ac repēte quemquam prohibere poteſt. Plethora pura ſanguine tutiſſimè demitur. Impura verò non æquè tutò, quo tamen ea ſimplici propinquior, magiſque affinis fuerit, hoc ſanguis abundantiùs mittēdus: parciùs verò atque reſtrictiùs quo fuerit impurius. In iis igitur qui prauam conſtitutionem fortiti, venas ſupra modum reſerſerunt, aut qui licet proba eſſent cōſtitutione, vitioſis tamen ſe cibis impleuerūt, eoſque ſolū eximendus ſanguis eſt, dum plenitudinis pericula vitētur. Nam reliquæ impuritati purgatio dein accommodatur. Calida autem bilioſaque plenitudo omnium impurarum tutiſſimè vena ſecta tollitur: vt quæ non eam modò minuit, verumetiam refrigerat. Melancholica plenitudo parciùs id auxiliij genus tolerat: non enim eoſque calida exiſtit vt refrigerationem poſtulet. Pituitosa omnium certè minimè: quum enim impenſe frigida ſit ſanguinis miſſionem auerſatur, quæ magis cruditatem refrigerans ita conduplicat, vix vt vnquam cōcoqui emendarique poſſit. Sed & huic ferè comes virium imbecillitas largam vacationem minimè tolerat. Quocirca decernenda non eſt, niſi venæ ſupra modum conferta graue periculum minentur: quumque neceſſitas expoſcet non id ſemel & vniuerſe, ſed ſenſim ac partitè tentandum, ea ratione quam poſthac explicabimus.

cabimus. In omni igitur impura plenitudine à secta vena auspicanda est vacuatio, sine qua vix tutò purgatio decernatur. Etenim medicamentum quod præsertim validius sit, tum calore tum trahendi facultate humores exagitans perturbansque plethoricum corpus, in grauius id discrimen adducit. In vniuersum autem plenis turgentibusque venis, si nò profit, obesse tamè non potest moderata sanguinis missio. Iam verò altera plenitudo quæ ad vires refertur (hæc autem signis non facile agnosci potest) licet neque vasa diducere, neque disrumpere, neque ingentiu calorem obruere possit, quoniam tamen imbecillas vires premit, ne qua fortasse putredo
 10 aut humorum corruptela succedat, venæ sectione minui potest, quæ tantum relinquât, quâ tum natura facile gubernet. Sed & ea quoque quoniâ nullius periculi præsentis metu vrget, aut victu parcioze, aut inedia vtiliter subtrahitur. De sanguinis humorumque corruptione aut putredine quæ in venis citra plenitudinem consistit, & quæ nūcupatur cacochymia, quæ
 15 etiam nonnulli appellant plenitudinem ad vires, maior dubitandi occasio existit, num etiam possit commodè vena secta demi. Simplicem venarum cacochymiam secta vena minuere tutum est ac vtile, copiar tamen ac virium ratione suscepta. Licet enim dum in hac vena secatur, omnes humores æquabiliter prodeant, & vnâ eadè que ac antè reftet humorum pro-
 20 portio: quoniam tamè detracta oneris portione quo natura premebatur, vires nihilo imbecilliores, sed alacriores plerumque euadunt, quod reliquum est facilius ferunt, minoreque negotio domant atque cōficiunt. Ita sanè per continuas febres quum humorum summa etiâ num cruditas & putredo in venis est, plerumque misso sanguine vrinæ quæ rubræ, crassæ,
 25 ac turbidæ fuerant, mox puriores apparent, concoctionisque notas exhibent. Ita quidem ex artis principiis isthæc præcepta duci videntur atque stabiliri, vt in secanda vena perinde ac in diiudicandis litibus, facti quàm iuris quæstio sæpe fit obscurior. Exercitari igitur vnumquemque in his signis oportet, quæ tum plenitudinem, tum vniuscuiusque humoris exuperantiam situmque demonstrant. Neque imperitorum more, si vel nares
 30 stillant sanguine, vel vrinæ rubicundæ sese offerunt, protinus imperanda venæ sectio. Etenim facile sanguis prorumpit, non ex plenitudine solum, quodque eam vacuationem moliatur natura, sed aliis compluribus ex causis. Quibus enim exesa sunt venarum oscula: quibus etiam viscera, præsertimque iecur imbecillum vel scirrhum euasit, iis sæpe sanguis fluit è naribus, haud secus atque hydropicis. Quinetiam vrina rubescit cruentaque redditur in attritu calculi renu. Flauescit ex ictero simplici, ex scirrho hepatis, atque etiam ex ascite. Nemo tamen per hos affectus rectè venam secuerit. Itaque ex iis solum notis quæ vniuscuiusque humoris exuperantiâ
 40 denunciât, venæ sectio tutò decerni potest. Hæc vna omnium humorum qui in venis maioribus conditi sunt vitio expeditè succurrit: eoque liberat si illinc nò autem è malè affectis visceribus originem habet: tum enim (vt aliquando plenius exequemur) præstantior accommodatioque est purgatio.

gatio. Ex his igitur cōstare potest quæ humorum vitia vena secta vacuet. Nunc ut è venis prorumpentes humores reuellendo sistat, exponendum.

Reuulsio atque deriuatio ut per venæ sectionem fiat.

Cap. V.



VNVM prorūpentis sanguinis remediū est reuulsio: idque siue fo-
ras ut è naribus aut ex vtero, siue in partē aliquā abscessum factu-
rus illabitur. Est autem reuulsio illabentis humoris in contrariū
tractus. Hoc quippe nihil celerius fluxionis impetus cohibere
potest. Contraria mathematicis sunt quæ vnus & eiusdem rectæ lineæ ex-
trema tenent, ad quæ qui fiunt motus contrarij dicuntur. Medicis verò
contraria quæ in eiusdem venæ recto processu, per quem humorū cursus
est, quàm longissimè distāt. Aperta porrò vena primum quidem pars vul-
neri propinqua exinanitur, hæc dein è longinquis sanguinem prolicet.
Quūque id rectarum fibrarum ope compleat (illas siquidem trahendo 15
ut transuersas expellendo natura destinauit) plus sanguinis & expeditius
ab iis partibus, in quas fibræ diriguntur, quàm à ceteris eripiet. Imò etiam
si nihil venæ trahant, humores tamen sponte recto fibrarū cursu defluent.
Quicumque in dextris sunt, dextra consecretantur: qui in sinistris, sinistra:
Laudanturque humorū cursus quicumque in directum feruntur: qui verò 20
obliquè in transuersum, vitio dantur, tanquam violatæ naturæ & pertur-
bationis indices. Nomine quidem contraria sunt, antè ponè, ad dextram
ad læuam, sursum deorsum, intrò foras. Cæterum in humorum reuulsio-
ne, ne illa quidem contraria sunt, nisi & in fibrarū venarūque recto cur-
su collocetur. Pleuritidi dextræ nequaquam cōtrarium est latus sinistrū: at 25
inflāmato cruri dextro contrariū est sinistrū. Hic enim cōmunis & directæ
venarū societas, per quam sinistrū crus incisum euocat è dextro: at è dex-
tro latere nulla vena rectis fibris in sinistrum cōcedit. Proinde huius secta
vena, dextram pleuritidem non adimit, sed noxium humorem vel in in-
flāmata parte linit, vel puro sanguini permiscet, vel (quod frequētis- 30
simè accidit) sinistram pleuritidem inuehit. Quum itaque omne eò spe-
ctet consilium, ut à loco phlegmone occupato plus sanguinis ac celerius
quàm à cæteris partibus hauriatur, vena præcidetur, quæ sit in directo situ
partis affectæ. Sic enim & naturam cum ratione, & Hippocratem summū
virum imitabimur, qui in pleuritide interiorem brachij venam secare iu- 35
bet, ab eo latere quod dolore sit affectū. Neque verò solū in dextra pleu-
ritide, verumetiam in iecoris inflammatione (cui tamē venæ omnes socie-
tate iunguntur) interiorem dextri cubiti tundit: qua nō comparente, me-
diam secat: si nec ea se profert, ad humeralem confugere mauult, quàm ad
interiorem sinistri brachij, tantam scilicet vim his attribuens, quæ sunt in 40
directo situ. Itaque reuulsio è directo euidentis subsidium celeriter adfert, è
transuerso nullū. Vena porrò ampla copiose, vicina validè atque celeri-
ter trahit. Quum igitur magna vehemēsq; fiet inflammatio ex humo-
re

re scilicet maligno cuius fluxio sit præcep̃s, & locus in quem procumbit nobilis eximiue sensus, ampla vena finitimo loco secanda, vt quæ plus, celerius atque potentiùs ab affecta sede vacuet. Sin verò affectus mitior est, angusta vena eligenda, eaque distantiore loco, vt minus, tardius & ignavius euacuet. Eiusmodi reuulsio omnis præterquã quòd fluxionem sistit, ab affecta quoque parte prius putrem & inquinatũ sanguinem, quàm ex reliquo corpore benignum atque syncerum detrahit. Neque tum metus ulli sit nouæ fluxionis proritanda. Quum enim pars laboras magis quàm ceteræ exinanita fuerit, si ad penuriam vsque detractũ sit, vix denuò alia humorum fluxione conflictabitur, nisi fortè nouo peccetur viuendi errore. Distantes enim indigentia auida, proprium sanguinem elabi non sinent: nec pars affecta (nisi dolor aut calor restet vehemens) ab illis quicquam eripiet, vt quæ sit imbecilla, nec multo egens alimento. Malè igitur Arabum dogmate censetur, præcisam in pleuritide eiusdem lateris venam fluxionis impetum augere, ac proinde quum ingens est plenitudo, ne fluxio geminetur, copiam primũ vel ex inferiore pedis vena subtrahendam: deinde ex aduersi cubiti interiore reuellendum, postremò reliquias ex eodem latere deriuandas. Quid hoc quæso consilij & prudentiæ, agrum toties torquere, quem semel possis malo redimere? Profusus ad indigentiam ex laborante latere sanguis, copiam è fonte plenissimo haurit, simulque phlegmone obsessam partem releuat, nullum metum afferens nouæ fluxionis. At ex aliis venis quæ è directo non sunt, vnã copiam imminuit, ne quicquam tamen deprauati elicit, neque oppressę parti leuamento est: aut certè putris humor è parte motus, puro venarũ sanguini permiscetur, redditurque malum quod corrigendum fuerat pristino deterius. Quũ autem è directo secatur, vacuat, reuellit atque deriuat. Vt fluxio lenta atque diuturna tutius è distatissimis reuellitur, ita & quæ futura est arcetur: sic enĩ in tractum nouæ viæ longiorem cõuersa, sensim à pristino citra virium offensionem desciscit. Deriuatio est humoris illapsi tractus in vicinũ latet. Fit autem aperta ea vena quæ in affectam partem inseritur. Per quam ea modò alimentum capeffit, modò noxium humorem influentem excipit. Quocirca quum iniecto scalpello ea vena præciditur, pars multitudine defessa illac onus suũ abiicit. Opportunè autẽ deriuatio administrabitur, quũ reuulsione præmissa fluxionis impetus & ardor iam refedit, neque denuò recētis & inopinati suspicio est: simulque humor adhuc liquidus est in parte, è qua remeare potis est. Si verò vsque adeo infarctũ esse parti cõiectura est, vt omni fluẽdi remeandiq; habilitate sit orbatus (quod in diuturnis inueteratisq; inflammationibus frequẽs est, in quibus scirrhus quẽdã reliquias inheret) nulla vtriq; deriuatio venæ sectione, sed fomētis & emplastris mollientibus digerentibúsq; tentada. Quibus etiã si ne humor dissipariq; potest, neque locus est insignis, neq; dolor vehemẽter vrget, pars affecta incidetur ac diducetur, maximè verò si humor pernicio atque cõtatione vicinas sedes inquinauit. Id quãquã deriuatio propriè verèque

dici nō potest, illi tamen quasi vicaria succedit. Haecenus de venæ sectione generatim traditum sit, quæ interiorem morborū causam in vasis conditam euacuat, vel effluentem reuellit: deinceps enumerandi affectus singuli quibus illa debeat accommodari.

Singulorum morborum, quibus vel præsentibus vel futuris
secta vena succurrit, enumeratio. Cap. VI.



MORBOS quos vel sanguinis vbertas, vel eruptio progenit, præsentibus quidem sanat venæ sectio, impèdentes arceat. Eius generis maximè sunt: synochus febris, tū ea quæ citra putredinem ex sanguine efferuescente, tum quæ ex putrescente eo accenditur, omnisque continua, cuius putredo in vasis maioribus condita est. In partium autem affectibus numerantur, phrenitis, ophthalmia, parotis, angina, pleuritis, peripneumonia, hepatis, splenis, nephritis, vteri, pudendorum, inguinum, alarum, brachiorum, crurum, articularū, omnium denique tum interiorum externarum partium inflammationes, dictæ Græcis phlegmone. Fiunt enim dum aperta, rupta, vel exesa vena, dilapsus sanguis in partem abscedit, abundantiorque congestus tumore parit. His proximè accedunt sputum sanguinis, incipiensque tabes, sanguinis vomitio, & quæ è naribus, ex vtero vel ex hæmorrhoidè plenior fit eruptio. Horum initio vena opposito loco tusa fluxionis impetum sistit, reuulsioneque vi nō nihil ex affecta parte reuocat. Ea igitur legitimum ac proprium his remedium est, qui ex boni sanguinis plenitudine ortus sui primordia acceperunt. Qui verò ex impura plenitudine emerferunt, quia his plurimum cognati sunt, vena quoque secta curari desiderant, quod eorum materia, etiam si impura sit, in vasis tamen condita est, vel ab his emanat. Deinde carbunculus, furunculus, scabies humidior, omnisque rubor per corporis summa efflorescens, & quicunque ad istorū naturā conditionemque accedunt. His ergo præsentibus venæ sectione medemur. Sic igitur causus, omnisque cōtinua febris curanda, cuius putredo in vasis maioribus coercetur. Intermittēs verò que pura sit, siue tertianarū, siue quartanarum aut quotidianarum genere continetur, quod eius proxima materia propriusque fomes non in vasis sit maioribus, neque ex his prorumpat, venæ sectione haudquaquā rectè curatur. At nihilominus in his interdum sanguis cōuenienter mittitur, quum aut venæ immoderata copia turgescunt, plethoræque pericula impèdunt, aut incalescētis sanguinis symptoma quoddam acrius vrget: vt pulsans capitis dolor, corporis iactatio, æstus penè suffocans: quanquam & hæc plerumque obrepunt ex bile circum præcordia efferuescente. At ne sic quidem venæ sectio aut febrem aut causam eius tollit, sed duntaxat symptomatum præsentium, tum impendētium sæuitiam compescit. Ex partium quoque affectibus, capitis & aurium pulsans dolor, lethargus, vertigo, apoplexia quædam, & epilepsia, acris mordaxque fluxio, cordis quædam palpitatio.

tatio. Quinetiam impendentibus illis consuetis, aut anniuersariis, quum iam plenitudo causaque subesse deprehenditur, anteuertendum occurrentumque est sectione venæ, quandoquidem presentium atque futurorum vna communisque est ratio medendi: & quæcunque morbis presentibus recte peraguntur, eadem sunt aut incipientibus aut imminetibus illis premitenda. Sed & citra plenitudinem, atque etiam in penuria interdum vena inciditur, quum euidentes causæ ut contusio, dolor, vel ardor fluxionem proritant, quæ partis alicuius phlegmonem minatur: quod etiam non presentis, sed incipientis aut imminētis morbi magnitudine atque metu fit.

10 Hoc loco dubitatio existit non parum cōtrouersa, vtri magis ex vſu sit venæ sectio, presentine morbo an imminenti. Quæ sic tamen explicari potest. Quum maxima & præceps est plenitudo, necdum morbus vllus genitus est, nullo virium dispendio sanguis abunde educi potest, ut qui copia & pondere naturæ grauis erat: protinus enim laborans discrimen effugit

15 morbi imminētis, securusque redditur. Quum verò morbus iam est genitus, vires presentia eius attenuatæ, vix queunt citra detrimentum iustam sanguinis effusionem sustinere. Hinc Hippocrates ex more insilientes vel imminentes morbos iubet anteuertere sanguinis missione, non illorū incursum appulsumque expectare. Hac ratione in ephemera ex obstructione, in syncho simplici, sanguis copiose trahitur antequam materia putrescat. Quocirca tutius imminente quam presente morbo sanguis profunditur: ac vtilius est futurum prospicere atque præcauere, quam prorogare ut insilientem defixumque profligemus. Nam ægrius eiicitur quam non admittitur hospes. Cæterum quum morbus iam grauius hominem exercet, maiore necessitate remedium expostulat, quam quum nodum inuasit.

25 Quocirca genito quam impendenti morbo, necessaria magis est venæ sectio, quod geniti sæuitia, maiore nos necessitate impellit & vrget, quam futuri metus. Itaque presenti necessitas, imminenti vtilitas ac securitas inest.

30

Quæ vena in quouis affectu secanda.

Cap. VII.

PLENITUDO cui nullius partis affectio assistit, qualibet ex vena citra delectū detrahitur, comodissime tamen vsuque maximo ex interiore cubiti dextri, quæ à caua plurimū & à iecore validissime prolucit. Plenitudo biliosa, ex dextri quoque, melancholica

35 ex sinistri cubiti interiore vena: ita enim efflagitat lienis situs. Quæ verò ex crudorum colluie suborta fuerit, ex utroque cubito perque demi potest. Eadem prorsus lex & in febrium curatione obseruanda. Quapropter synochus tum simplex tum putrida, venam interiore cubiti dextri præcidi postulat: perinde ut febris ardēs, & pestilens simplex, itemque tertiana & quotidiana continua. Quartana verò quæ continenter affligit, interiore poscit sinistri brachij. Eadem propemodum ratione in puris intermittentibus secanda vena deligetur, si quando aut plethora aut symptomatum

Cc iiii

matū seuitia hanc aperire postulet. Ex partibus quæ supra clauiculas sunt, perspicuè reuellit & vacuat incisa vena humeraria, celerius validiusque in cubito, tardius verò & segnius in eo manus ramo, qui inter pollicē & indicem excurrit. Ex his verò quæ inter clauiculas & renes positæ sunt, reuellit secta interior, celerius & maiore vi in cubito, tardius verò & segnius in manus ramo, qui inter annularem & minimum digitum porrigitur. Ex vtrisque reuellit vena media, siquidem ex communibus illa humerariæ & interioris ramis coagmentata conflatæque est. Nam plerumque aut latet altius inuoluta, aut alterius duntaxat soboles est. Subter renes in quacunque parte inherescet affectus, secta poplitis vena, maiore tum impetu tum celeritate reuellitur, lēius verò & infirmius secta in malleolo saphena. Renes ancipites sunt, medij inter superiora inferioraque interiecti. Sitū definitio non ex partis ordine, sed ex ortu & productione venæ, quæ in partem emittitur. Itaque phlegmone quæ rectos abdominis musculos supra umbilicum inuaserit, retrahetur aperta inferiore vena. Quæ verò colum inter-
 Le stinum prehenderit, quamuis subter renes sit, reuelletur secta interiore cubiti: ita enim venarum origines deriuationesque cōmonstrant. Hinc singulas vniuscuiusque partis affectiones persequamur. Capitis ex plenitudine affectus tum interiores tum externos, siue etiam nunc initium faciant, siue magnitudinem summam impleuerint, reuellit secta cubiti humeraria: dextros quidem dextra, sinistros sinistra. At si segnius & ignauius id agendum erit, vti quū anteuertere ac futuros præcauere cōsiliū est, secabitur quæ directo inter pollicem indicemque manus contendit, nisi fortasse aliunde quā ex humeraria ducat originem. Eos porrò deriuant scapularum atque humerorū scarificatus, iniectæque cucurbitulæ, & sanguis profusus è naribus, quemadmodum etiam phrenitidas, deliria, & apoplexias. Vertigines verò quæ capitis vitio enatæ sunt, deriuantur præcisiss quæ ponè aures sunt arteriis: perinde atque inueterati capitis dolores calidi spiritūsque pleni. Qui dolores priora capitis obsederunt, deriuantur aperta frontis vena: qui verò occiput & posteriora tenent, cucurbitulis ceruici humerisque adhibitis, aut incisa vena puppis. Oculorum inflammationes & acres lachrymæ, primum secta eiusdem lateris humeraria, deinde humerorum ceruicisque cucurbitulis retrahuntur inhihenturque: deriuantur autem incisa vena quæ in alterutrum fertur angulum. Auribus inflammationis & parotidibus post humerariam secetur vena sub aure. Gingi-
 Le uarum, maxillarum & dentium calidiores affectus, post humerariam, earum quæ sub labiis extant sectionem desiderant: vt angina earum quæ sub lingua cernuntur. Pulmonum inflammationem reuellit pariterque deriuat interior cubiti sinistri potius quā dextri: quādoquidem pulmonum venæ ex dextro cordis sinu prodeunt, hic autem in sinistram parietem venæ cauæ inferitur, qui per alam sinistram in cubitum excurrit. Eadem sanguini qui tussiendo reicitur, tabi, cordis palpitationi, aliisque eorum vitis succurrit. Pleuritidi tum interiori, tum externæ, itēque pectoris, diaphragmatis

phragmatis inflammationibus & vlceribus sanguinem sputo fundētibz,
interior eodem latere secta reuellendo deriuandōque confert. Inflamma-
tiones quæ vel axillas vel humeros malè habēt, nisi ad brachij flexum per-
tingant, eandem curandi rationē subeunt. Quum autem eò peruenietur,
5 quoniam partem inflammatione obsessam sectione proritare tutum non
est, manus ē directo aperienda est vena. Iecore inflammato grauiterve op-
presso, interior dextra cēditur: at verò malè affecto lieni succurrit interior
sinistra, in cubito quidem validius, in manu languidius. Deriuatio ē liene,
non vt quibusdam videtur in hæmorrhoidas, sed in aluum fit: & ē cauis
10 quoque iecoris in aluum, ē gibbis verò in vrinis. Recens renum inflam-
matio, quam copia sanguinis comitatur in venis, ex interiore cubiti reuel-
litur, dextri quidem si ren dexter, sinistri si sinister affligitur. Quum verò
non immodica plenitudo premit, tutius validiūsq; ex inferioribus quæ ē
directo sunt, vel in poplite vel in malleolis. Per vteri affectus si mēses præ-
15 ter modum emanant, vena cubiti interior impetum coërcebit, sursumque
retrahet, quemadmodum & cucurbitulæ subter mammas, vel etiam vm-
bilico infixæ. Suppressos autē menses vena in poplite aut malleolo instan-
te purgationis tempore cæsa mouet: nam sanguinis impetu deorsum con-
uerso, venæ quæ in vterum pertinent, resignantur. At si qua inflammatio
20 subest, per initia sursum retrahetur, idque directò: illinc quippe tanquam
ē fonte plenior fluxio irruebat. Nec est quòd inde mensium suppressionē
vereare: si modò quàm mox venam in poplitem aut in malleolum directā
ferire iubeas, quæ illorum euacuationi deriuationique paratum & expedi-
tum est præsidium. At si quis temerè hoc ab initio experiatur & attentet, flu-
25 xionis impetum phlegmonēque augebit. Reuulsio enim quæ fit secta
interiore cubiti venæ, quia iecur fontem ipsum, ē quo fluxionis exordium
est, exhaurit, vniuersalis censetur: quæ verò ex venis inferioribus fit, parti-
cularis, neque fontem primariò euacuat. Quum itaque vniuersalia parti-
cularibus sint præmittenda, inflammationes quæ subter renes incurrent,
30 primùm reuellendæ sunt præcisa interiore cubiti vena directā, deinde re-
seratis inferioribus, quæ aliquam etiam reuellendi vim obtinent: has tamē
tutum minimè sit primas ferire, maximè si ingens est vasorum plenitudo,
fluxionisque incurso vehemens. Profluentes affatim hæmorrhoidas, secta
in cubito vena supprimit: suppressas diducit & euocat secta in malleolo.
35 At si qua inflammatio vel podicem, vel partes obscenas, vel vesicam, vel
alterutrum inguen infestabit, modò non venenatæ cuiusdam perniciēi
particeps ea sit, ex superioribus cubiti venis multitudo summouenda, in-
hibendāque fluxio: secundum quam ex inferioribus, si magna premet
necessitas, particularis reuulsio deriuatioque fiet. Similis est crurum in-
40 flammatorum ratio: quoties enim ingens inest plenitudo, effrenatāque
fluxionis vis & incurso, ex cubito sanguis primum, mox ex crure vel pede
funderetur. Sin leuior existet inflammatio, neque plenitudo extra modum
increuerit, superiorum venarum sectionibus prætermisiss, satis superque
erunt

erunt quæ ex inferis obeuntur. Hæ igitur venæ, in factis aut incipientibus morbis incidendæ. Caterum qui ex præfenti plenitudine futuri morbi metuuntur, sanguinis detractioe arcendi sunt & præuertendi. Ac si plenitudo ex suppressis mensibus coagmentata est, quisquis morbus impendebit, congruenter propulsabitur inferarum sectione, quæ dum vacuant, mensæ pariter exciunt, ipsamque mali causam exterminant. Vbi verò ex longa consuetudine fluentes hæmorrhoides cohibentur, plenitudinemque inuehunt, si quidem has euocare consilium est, ex inferioribus plenitudo haurietur: sin illas obcæcare agrotus requirat, neque velit posthac illis obnoxius haberi, plenitudo ex superioribus erit detrahenda. Quæcunque autem aliis ex causis nata plenitudo morbos minitatur, eos inhibebit secta iecoraria in flexu cubiti dextri. Pars cuius vasa faciliè diducuntur vel rumpuntur, aut illabentem fluxionem promptè excipit, exinanienda est non per venam finitimam, quum nihil morbi adhuc genitum sit, sed per venam quàm longissimè è directo disiunctam, quæ & futuram fluxionem inhibeat, & eius solitum impetum in diuersam regionem incitet.

Quid spontanea sanguinis eruptio conferat in morbis.


Cap. VIII.



ANGVIS è naribus, ex hæmorrhoidæ, atque ex vtero plerumque sponte prorumpit: ex ore verò modò tussi, modò vomitione: atque ex alia corporis parte perquam rarò, nec nisi contra naturam. Quocunque ex loco lentè parcèque sanguis etiam secundum naturam emanat, inutilis habendus: neque enim morbum soluit, neque conuenientem vacationem dehortatur, quam præsertim morbi vehementia maturare cogit. Qui verò affatim copiosèque profluit, tum in grauiante plethora, tum in synocha febre utilis, ut quam decretorio die plerumque finit. Quum enim vniuersale malum omnes peræquè tum venas occupet, vndeunque obtingat sanguinis imminutio, grauitatis plenitudinisque symptomata cedunt. At in causo atque in omni cõtina per quã humores alij in maioribus vasis putrescunt, sanguis etiam copiosè & affatim profiliens non equè confert. E naribus enim qui excurrit licet vigilias, deliria, capitis dolorem aliisque symptomata demulceat, vix tamè propriam morbi essentiam atque radicem euellit, nisi fortè immoderatio succedat profusio, summa virium dissolutione, quæ tamè nusquam videtur optanda. Vitiosus enim sanguis per nares postremus elabitur, nec nisi quum vitioris magna vis erit effusa. In his igitur febribus tametsi nares multo stillement sanguine, vena tamen cubiti secanda: quãdoquidem sæpe deprehensus est è naribus tum colore, tum substantia laudabilis, quum ex cubito impurus sordidusque detrahitur. At verò qui per hos morbos ex hæmorrhoidæ aut vtero affatim & copiosè exit, quod proximè è vena caua lumborum decedat, multo equidem vtior habendus: sed plerumque nec ipsam febris radicem extirpat, quæ in venis est cordi proximis. Hinc sæpe profluentibus

bus mensibus, atque etiam in puerperis quæ ritè purgatur, ob febris ardorem sanguis (licet parcius) è cubito demendus. Eadem quoque ac etiam euidentior est interdum ratio mittendi sanguinis è cubito, profluente hæmorrhoidæ. Iam verò partium phlegmonæ aliique affectus qui supra iecur & diaphragma consistunt, nihil aut minimum mirescunt sanguine ex vtero aut ex hæmorrhoidæ p̄fuso: nec qui inferiores sedes obsidēt, eo profluente è naribus: quæadmodum nec è nare dextra emanans affectus tollit sinistros, nec è sinistra dextros. Itaque sanguis sponte at non ex ratione profluens, non eam dehortatur venæ sectionem quam ratio vsûsque potestulat. Morbis autem curandis venæ sectio aut per se, aut ex accidente confert: per se aut vacuat aut reuellit, ex accidente verò, modò refrigerat, quum calidiorem sanguinem educit, modò obstructions expedit, sed eas duntaxat quæ ex multitudine contractæ fuerant. His autè affectibus semper adhibenda est, quibus per se, non semper verò iis quibus ex accidente medetur. Etenim iecoris calidiorem intemperiem emendare emissionem sanguinis quum eius est penuria, minimè tutum sit: sed eorū tutior vsus quæ per se refrigerant & proprium sunt intemperiei remedium. Dicti iam sunt affectus omnes quibus remedio est venæ sectio: nunc effundendi sanguinis præfinienda quantitas.

20 Quibus signis morbi magnitudo & virium robur comprehendatur: pro quorum indicatione mittere aut non mittere sanguinem oporteat. Cap. IX.

25  VICVNQVE affectui conuenit venæ sectio, ei protinus adhibenda si magnus is est virisque consentiunt. Levis autem vsque adeo interdum affectus est, vt vel sponte nullo artis subsidio breui sanescat. Atque interdum licet magnus sit, vires tamè imbecilliores apparent quàm quæ vllam vacationem sustineant: vt quæ ferè omnis illarū substantiam cōuellat, quarum seruandarū gratia curatio 30 instituitur. Itaque vt accuratè & ad vnguem præscribatur in quibus morbis & quantū demendum sit sanguinis, prorsus æstimadum quàm magnus morbus sit, quàmque validæ sint vires. Morbus autè siue factus omnino, siue incipiens, siue impendens, magnus dicitur aut ex se, aut ex sua continente causa quæ in humoribus cōsistit, aut ex symptomatis cuiusdam sæuitia. Ac primū quidem magnus vehemēnsque intelligitur ex suo genere: nam cuiuscunque partis sit phlegmone, grauior deteriorque censetur quàm simplex eiusdem intemperies. Deinde ex partis vsu atque præstantia, si ex principum partium est ordine, vt cor, vt cerebrum & iecur: aut si cōtrà inter partes abiectas & ignobiles censetur. Præterea ex istarum 40 situ: nam aliæ principibus affinitate iunguntur, vt pulmones, latera, ventriculus & lien: aliæ verò longiore interuallo disiunctæ sunt, vt intestina, renes, vesica, artus, aliæque in extremis corporis positæ. Ex ipso denique partis sensu, qui aut acer acutiusque est, aut hebes. At causæ magnitudo ex humoris

humoris qui in affecta sede congestus est & continens fit morbi materia, conditione & natura spectatur: quod nempe benignus sit vel vitiosus, vel putridus, vel perniciosus qualitate cōtaminatus, isque aut multus aut paucus. Hic enim quicquid perniciosum est & malignū, magnum etiā nuncupare consueuimus. Ex vasorum etiam & viscerum totiusque corporis plenitudine vel exinanitione, antecedentis causae magnitudo deprehenditur: itēque ex humorum inibi conceptorum puritate aut vitio. Symptomatis magnitudinem ex vehementia aut remissione eorum quae incidunt metimur, nempe doloris, sitis, languentis appetentiae, vigiliarum, & ceterorum quae vires imminuūt & attenuant. Itaque si praua quēdā morbi species velut inflammatio, iecur, cerebrū, vel partes cordi vicinas atque connexas occupauerit, cuius vis latē se fundat, sitque humor putridus & venenatus, quali & corporis vasa conferta appareant, adeo vt inde magna excitetur corporis agitatio, mala appetentia, sitis, dolor acerbus, & vigilię: hūc profectō in maximorum grauissimorumque morborum numero reponemus, cui & maxima congruit euacuatio. In quo autem morbo diuersa comparent omnia, is certē pro leuissimo minimoque ducendus est, & qui fortasse nullius vacuationis indigeat. Inter hos non pauci interiecti sunt medij ordines, qui pro maioris minorisque ratione, aut abūdē aut parcē vacuandum denunciant. Nunc ad virium aestimationem trāsseratur oratio. Facultatum viriumque corporis aliae partibus singulis ingenerate sunt & insitae, aliae communes & influentes. Insitarum atque innati calidi vnam eandēque haberi essentiam, eamque naturam appellari, & ex innato spiritu & humido primigenio conflari, cui solida partium substantia tanquam materia substernatur, aliās planum effecimus. Communium verō vagarumque essentias ē tribus principiorum fontibus emanare, triplicique spiritu in totū corpus, animalem quidem ē cerebro per nervos, vitalem ē corde per arterias, naturalē ē iecore per venas effundi ostendimus. Quo loci demonstratum simul est vires partibus singulis ingenas ab influentibus illis sustineri, totum verō animal ab vtriusque gubernari. Itaque si integra sanitate frui debet animal, vtrasque tā insitas quā influentes saluas & incorruptas esse est necesse. Quod euenturū est, si earum substantia aequabili & iusta quadam moderatione consistat, quē in certa quantitate atque proba temperie posita est. Econtrariō autem si substantiae vel quantitas vel temperies inuertatur, illae necessariō iacturam faciēt, aut imbecilliores euadent, vnde earum functiones laeduntur, totiusque animalis gubernatio perturbabitur, tandēque vitae consequetur euerfio. Ergo valentes & imbecillae vires ex operibus primū internoscendae sunt. Vrinae aut alui excrementa cruda, nempe tenuia & aquosa, aut loturae carnis similia, naturalis facultatis imbecillitatem commonstrant, quemadmodum vel retentio, vel alia quauis oblaesa functio. Vitalis facultas ex pulsu paruo, obscuro & laeguido, similiter ex respiratione parua, difficili atque crebra, ex voce exili & laeguida, quae neque pulmonum, neque pectoris vitio oborta

orta fit, debilis animaduertitur. Horum verò contraria eiusdem robur &
 firmitudinem ostendunt. Animalem vim imbecillam coarguunt motus
 sensuumque læsio, vigilia, deliria, aliæque perturbatae principes actiones:
 quæadmodum contrariae constantiam ipsius firmitatemque demòstrant.
 5 Ex iis ergo functionibus facultates lædi coniicimus. Læduntur autem &
 imbecillæ apparent bifariâ, vel oppressæ vel languidæ. In omni porò eua-
 cuatione maximi refert languidas ab oppressis internoscere. Hæ siquidem
 largam, illæ nullam vacuationem ferunt. Earum distinctio ex causis eui-
 10 dentibus est petenda. Si enim eius generis prægressæ sunt quæ virium sub-
 stantiam vel mutant vel dissipât, eas verè languidas esse: sin nullæ eiusmo-
 di deprehensæ sunt, & aliæ vrgent suo pòdere, opprimi solum censeto. Ex-
 ternæ causæ & euidentes quibus insitarum virium (ab his enim exordiar)
 temperies mutatur, sunt ardentissimæ febres quæ corpus liquant, & causæ
 15 vehementiores quæcunque solidas partes immodicè calefaciunt, refrige-
 rant, humectant, siccântve. At illarum substãtia digeritur atque disperdi-
 tur in morbis longissimis, qui hominem in atrophiam vel in tabem conii-
 ciunt. Influentium autem virium triplex spiritus permutatur, tum ex am-
 bientis & rerum quarumlibet irruentium intemperie vel venenata quali-
 20 tate, tum ex viscerum aut humorum deprauatis qualitibus. Aëris quip-
 pe feruor & æstus non solum quæ nos extrinsecus ambit, verumetiam quæ
 intrò respiratione ducitur, pulmones primùm, deinde cor, omnèsque spi-
 ritus eousque inflammat, dum plerumque febris incendatur: ex qua spi-
 ritus intemperie necessitas est vires imbecillæ languidæque reddantur. Ad-
 25 de per eum feruorem spiritus nò modò temperiei mutationem subire, sed
 & dissipatione minui. Frigoris contrà immoderata vis foris incidens in-
 tròque subiens, aliàs spiritum omnémque calorem infrangit & debilitat,
 aliàs prorsus extinguit. Aër dum vel pestilens vel quodpiam venenatum
 aliud vitium concepit, haustus tractusque contagione nostros etiam spi-
 30 ritus labefactat, ex quo grauium morborum in corpus incursio, viriùmque
 non mediocris iactura. Multo quidem apertius vel scorpij vel rabidi canis
 vel alterius venenatæ bestię morfu acceptum virus, spiritum polluit & in-
 ficit. Porò etiam interiores & abstrusæ causæ spiritus immutare solent. V-
 bi enim principes corporis partes intemperie aliquapiam conflictabun-
 tur, eadem si longius serpat necessariò ad spiritus indidem ortos dimana-
 35 bit, viriùmque robur comminuet. Quodcunque etiam humoris vitium
 in corpore dominetur, ex eius intēperie grauem offensionem spiritus ex-
 cipiant oportet. Crudorum quippe humorū vi qui aut corpus vniuersum
 aut ventriculum maximèque os eius occupauerint, necesse est tum caloris
 40 tum spiritus substantia refrigescat & infringatur, animálque prorsus lan-
 quescat, interdum verò & syncope prehensum corruat. Bilis ardentior ca-
 lore immodico spiritus cremans, aut os ventriculi vellicās & quasi aculeis
 compungens, haud leuiorum malorum fit causa. Est & quum humor ali-
 quis veneni labe & pernicie aspergitur, cuiusmodi est cohibitum putre-
 scensque

scēnsque semen, aut menstruum, aut grumus sanguinis, cuius vapor spiri-
 tum labefactans & inficiens aliās syncopen, aliās vteri strangulatum, aliās
 epilepsiam, aliās alia incōmoda solet inferre, viribus extra modum offen-
 sis. Ergo tot tantisque modis spiritus à sua temperie desciscūt. Eorum por-
 rò viriūque substantia imminuitur atque dissoluitur, interdum sponte, &
 quia tenuis & dissipabilis in corpore calido, raro, laxoque concluditur, vt
 proinde suo pte impetu disperdatur & vanescat. Interdum verò externarū
 & euentium causarum occurratōne perimitur, quales sunt ambiens aēr
 feruidior & siccior, vacuatio immodica, motio vehemēs, animi pathema-
 ta, dolor & vigiliā. Immodica humoris aut etiam inutilis excrementi eua-
 cuatio, hoc ipso quōd spiritus substantia fusa atque profluens est, non po-
 test non bonam illius partem ē corpore secum abripere. Quocirca siue al-
 ius nimio opere vel natura vel arte profluit, siue vrina plus æquo profundi-
 tur vt in diabete: siue pus aut aqua ex thorace, stomacho, ventre inferiore,
 aut ex magno quopiam abscessu vniuerse & affatim prorumpit, necessitas 15
 est grauem vires iacturam faciant. Multo autem certius & clarius nimia
 sanguinis aut salutaris humoris vacuatio spiritus effundit, virēque cōuel-
 lit, siue is ex vulnere, siue ex naribus, siue ex ore, siue ex mariscis, siue ex v-
 tero, aut aliunde profiliat. Hac etiam ratione inedia corporis robur fran-
 gunt, quōd per has necessario & vtili corporis alimento disperdito & ex- 20
 hausto aliud non sufficitur, vnde vim omnem cōcidere est necesse. Labor
 ac æstus spiritus calorisque substantiam halitu aut sudore dissipant. Qua-
 propter qui vitæ suæ cursum in labore aut circa balneas & fornaces confi-
 ciunt, quoniam continenter labitur ac fluit eorum substantia, haud æquē
 excrementis circumfluunt atque ij qui ociosam & inertem vitam tradu- 25
 cunt. Qui luxuria & effrenata libidine diffuunt, his (inquit Poëta) frigent
 effætæ in corpore vires, quæ nullius medicinæ vim perferunt. Hi omnium
 maximè ex tantula seminis vacuatione flaccescunt & languent, quōd spi-
 ritus plurimum dissipetur. Doloris porrò atrocitas multo amplius quàm la-
 bor spiritus disperdit, virēque prosternt. Animi pathemata alia quidem 30
 spiritum atque calorem obruunt & strāgulant, vt timor, mœstitia: alia ve-
 rò dissoluunt atque dissipant, vt gaudiū, lætitia. Vigiliā corpus vniuersum
 eiusque maximè animale spiritum exhauriunt, quemadmodū somnus
 vacuationis genus omne præter sudores, & quam ἀνάλωσις πνοῆς Græci vo-
 cant cohibet. Atque hæ sunt causæ quarum exuperantia calorem, spiri- 35
 tum viresque dissipat: quæ quoniam euidenter existunt, tanquam notæ
 & signa fiunt, ex quibus vires propriæ substantiæ iacturam fecisse intelli-
 gimus. Causæ verò quæ duntaxat vires opprimunt interiores sunt &
 abstrusæ, neque adeò nobis expositæ: eius generis sunt obstructio, & im-
 moderata humorum copia. Venarū arteriarūque obstructio quæ à cras- 40
 sis lentisque humoribus fit, spiritus arctè coërcet, neque illos ventilatione
 refrigerari sinit, vnde præpedito vsu vitæ necessario grauitur cum ingenito
 calore opprimuntur. Id quidem in pulmonibus, in iecore, in cerebri ven-
 triculis

ἀνάλωσις πνοῆς

triculo atque arteriis, in ipso denique corporis habitu sæpe ac multum euenire solet. Obstructio autem quam humores nimio plus exuberantes induxerunt, non modò spiritum caloremque premit, verum etiam suffocat & obruit. At multitudo libera neque vlla obstructione præpedita siue simplex siue cacochymia particeps est, vires strangulat: vt in athletico habitu sanguinis, in leucophlegmatia pituita, in hydrope cruditarum, in icterobilis exuperantia. Quotiescunque igitur naturalis facultas ab excrementis, vitalis ex pulsu & respiratione, animalis ex propriis functionibus imbecilla deprehendetur: si qua ex causis illis procata æticeis vehemētiore antecefferit, direptam & imminutam censeto virium substantiam. Vbi verò nulla ex causis illis prægressa fuerit, & vires nihilominus imbecillæ comparebunt, nō vtique dissolutas, sed oppressas putato: maximè si vel plenitudinis vel multæ cacochymia signa fuerint connexa. Sublatis causis opprimentibus protinus vires recreantur & ad sese redeunt, nisi affectionis diuturnitate prostratæ iam sint. Velim igitur affectarum virium tres à nobis ordines constitui, alias esse prostratas, grauatas alias, tertias languidas, quarum signa sigillatim ex antè commemoratis elucebunt. Sunt qui vni pulsui tãquam signo minimè fallaci iubent attentos esse de virium robore iudicatueros. Id certè magnum quippiã, at nondum satis esse iudico: quandoquidem pulsus ferè inconstans incertusque est, & externarum complurium rerum interuentu perturbatur, mutationemque suscipit. Deinde ingens copiosaque euacuatio alias vires non minus quàm vitalem cōcutit, atque earū occasu haud secus emorimur atque si vitalis intercideret: quare videtur aliarum etiam facultatum obseruatio ad vacuandum necessaria.

Si quis enim vehementi aut diuturno morbo, vt lienteria, atrophia, marasmōve extabuit, huic sanguinem non mittes, etiam si pulsus plenus nūc existit & validus. Quocirca non vnus, sed trium vagarum & influentium facultatum, neque harum solū, verū etiam insitarum, quibus actio vitæ continetur, robur ad vacationem æstimandum est.

30 Vt vacuandi quantitas ex morbi magnitudine & virium robore æstimari debeat. Cap. X.



35 **M**ORBVS omnis ægroti vires conuellit, vt & vacuatio quæ ad illius depulsionem adhibetur. Ne igitur durum videatur iam afflictum grauius affligere, ea lege tēperanda sunt omnia, vt morbi substantia dematur, viribus quàm fieri potest minimum oblatis. His quidem tātisper negotium facessere dum malum profligetur, & in maioris commodi spem adducamur, periti in primis est artificis. Quæcunque autem offensus per legitimas euacuationes viribus infertur, leuis admodū & breuis esse solet, vt quæ completa euacuazione mox cōquiescat. Natura siquidem noxiorum humorum pondere deonerata, quo veluti sarcina premebatur, priores vires recuperat, quicquid spiritibus & innato calori fuerat detractū

Dd ij refarcit,

refarcit, factaque morbo deinceps superior, quæ reliqua sunt euincit partim coquendo, partim foras dissipando. Si Hippocrates ad pericula prospicienda sagacissimus, consuluit tenuem victum ægrotis adhibere, haud veritus illorum vires, licet infirmas victus tenuitate debilitare, vt hac simul morbi essentiam comminueret: idem profectò in vacuandi munere tenendum. Cæterum perinde vt in victus ita & in euacuationis ratione cauendum, ne in extremam debilitatem adductæ vires concidant, circumspectiendumque etiam atque etiam & accuratè considerandum, quantum & quoad perferre queant. Æqua autem & legitima vacuationis quantitas citra insignem virium offensionem morbum adimit. Hoc morbi viriumque inter se exquisita collatio commōstrat. Nam validis constantibusque viribus, fidenter quantum morbus desiderat erit vacuandum: minus validis parcius, prostratis nihil prorsus molendum. Cæterum hoc ipsum in disceptationem quæstionemque vocatur, possintne vires vsque adeo debilitari, vt ne minimam vacuationem toleret. Plerumque enim in magna virium deiectione vacuationes sponte, salubriter, euentuque felici prorumpunt. Deinde vnicuique virium ordini sua quædam vacuationis quantitas proportionem reddi potest: non enim credibile est vicia aut semuncia sanguinis effusa vires etiam prostratas offensum iri. Quoniam igitur hæc obscura sunt, explanationes adhibendæ, vt omnis veterum ambiguitas tollatur. Vacuationum alia integra statuitur & perfectè absoluta, quæ omnem aut certè plurimam morbi materiam adimit: alia utilis quidem at nō integra, quæ parte morbi sublata reliquum facit leuiorem: tertia eousque exigua & deficiens, nihil vt laborantem leuet. Raro quidem vires adeò prosteruntur (nisi malo victis & deploratis) vt ne vel minimam quidem vacuationem sustineant: verum huiusce tanquam inutilis veteres non meminere, quod citra ægroti alleuationem viribus incommodat, statueruntque viribus afflictis & prostratis nullam omnino vacuationem adhibendam. Itaque valentes vires integram consummatamque, mediocres imperfectam quidē, sed utilem, prostratæ nullam mali curatricem vacuationem tolerant. Ex morbis autem quicunque vehemens ac magnus extiterit, copiosam eamque necessariam exposcit, sine qua aut nullo modo aut non tutò sanari potest. Mediocris moderatam, quæ rarò necessaria, sed duntaxat utilis habetur, per quam citius ac tutius sanatio perficitur. Exiguus morbus exigua etiam aut nullius omnino vacuationis indiget. Iam verò morbi magnitudo virium robori conferatur. Quum vires erunt planè integræ, & morbus mediocris, non vtique necessaria, sed duntaxat utilis est venæ sectio: potest tamen tutò & quantum morbus desiderat sanguis mitri. Non enim verendum est constantes vires aliquantisper imminuere, dum morbi sentina funditus exhauriatur: eæ siquidem promptè nullaque mora recreantur. Quum in virium constantia & firmitudine morbus inuadet magnus & periculosus, qui vasa immoderatiore copia distendat, quemadmodum in habitu athletico & in synochis febribus, tunc vberior vacuatio præscribenda,

da, quæ affectus magnitudinî vsquequaque respondeat, expeditque (inquit Hippocrates) vsque ad animi defectionem ducere, si æger perferre possit. Neque verò de ea animi defectione præcipit, quæ vel timiditate & animi ignauia, vel acrimonia humoris accidit, qui os ventriculi pungit & irritat: sed de ea duntaxat quæ vberiore euacuationem cõsequitur. Hanc enim in morbis extremis statuit tanquam regulam & legitimam vacationis modum. Est autem animi viriumque defectio lipothymia siue lipopsychia, in qua etiãnum ægrotus loquitur, audit, videt, agnoscitque præsentia. Syncope verò est omnium virium præceps lapsus, vt epilepsia animalium: qua certè qui opprimitur, nec audit nec videt, & (vt verbo expediam) omnes externas functiones quasi interceptas habet. Lipothymia leuior est syncope, hancque solet præcedere. In his igitur affectibus sanguinem vsque ad lipothymiam mittere permittitur: at non temerè & sine iudicio. Sed quum iam vires præ vacatione manifestè fatiscunt & vacillant, & initium patiuntur defectionis atque lipothymia, cohibendum: neque vnquam vacationes ad extremum & vsque ad veram syncopen deducendæ, vt quæ omnino periculosa euadant, etiamsi valida vires erant. Tentandum igitur est exuperantem humorem subducere, quoad vires ferant. Et quocunque tempore dissoluuntur, etiamsi restent superuacua, ab euacuatione nihilominus desistendum cessandumque protinus est. Hoc autem certissimè discas pulsuum mutationi animum mentemque adhibens, quum ex magno paruum, ex æquali inæquabilem, ex vehementi debilem & obscurum fieri, quumque fluentis sanguinis impetum labare, egrotumque iam languere animaduertes. Quoniam igitur syncope mortis est imago quædam, quæ astantes perterret, & ægrum in maximum vitæ discrimen adducit, in eam profectò vacatione ægrotum minimè præcipitabit, quicunque existimationem suam inuiolatam tueri, neque in vllas obrectatorum reprehensiones incurrere volet. Conducibilius quidem sit ægrum diutius torqueri, quàm vnà cum morbo vitam omnem profundere. Hactenus vires integras valentesque oratio nostra attingit. Mediocres porrò vires si mediocris quoque morbus adoritur, moderatam quoque vacationem postulat, quæ leui aut exigua virium offensione vniuersam causam detrahat. Atque etiam utilis ea fuerit, quæ leuior mitiorque adhibebitur. At si easdem vires morbus maior inuadat, & cui multa vacuatio fuerit necessaria, nequaquam debet ea semel & vniuersè suscipi: vt quam vires tolerare nequeant. Non enim rectè morbum demit, qui cum morbo ægrum de medio tollit. Quum igitur semel & vniuersè facta vacuatio citra periculum adhiberi non potest, quod vitiose se habet, paulatim vacuare expedit, & minutatim salubre quippiam pro eo reponere: ac primum quantum vires ferant detrahare, deinde quod defuit iteratione supplere, idque vel bis vel ter, vel nonnunquam sæpius: ea curatio Græcis est *ἀδυναμία*. Prostratis autem viribus nulla vel morbo exigente vacuatio ineunda. Quæ enim adeò exigua fuerit, vt viribus illis quasi dimensa & par respondeat, quoniam com-

modi nihil, incōmodi verò atque perturbationis plurimū infert, tanquam inutilis & superuacua prætermittatur. Atque in viribus roborādis confirmandisque omne tum studium collocetur, idque cibus boni succi modicè & sapius offerendis, quibus etiam facultas insit morbo aduersa, quæ caco-chymiam emendet. Quòd si postea vires recreari atque refici contingat, s tum idonea afferetur vacuatio, quod in diuturnis morbis sapius vsuuenit. In acutis verò nimia cunctatio semper anceps est & periculosa.

Præsentium præteritorumque obseruationes, ex quibus certior vacuandi quantitas indicatur. Cap. XI.



MITTENDI sanguinis quantitatem ex morbi magnitudine atque virium robore perceptam, exquisitiùs atque perfectiùs evidentium causarum obseruatio præscribit. Ex his causis tres numerantur interiores & nobis congenitæ, temperamentum, corporis constitutio vel habitus, & ætas. Totidem externæ & aduentitiæ, ambientis constitutio ex anni tempore, regione & cœli statu profecta: vacuatio suppressa vel immodicè procedens: consuetudo victus vel generis vitæ vel vacationis. Præteritas hæc causas idcirco suprà exquirebamus, vt ex iis exquisita morbi & virium magnitudo nobis eluceret. Præsentis & futuræ nondum morbum aut vires immutauerunt: quoniam tamen humoris aliquid è corpore vacuare & vires dissoluere incipiunt, nõ parum ad euacuationem quam proponimus momenti obtinent. Quas autè hæc vires habeant, sigillatim explicandū est. Calidum humidumque corporis temperamentum, in propria solidarum partium substantia situm, quoniam vi insiti caloris assiduò plurimū dissipatur ac dissoluitur, non peræquè copiosam fert vacationem atque quod ab illo plurimū dissidet frigidum & siccum. Quodcunque verò corpus inde humidum appellant, quòd multo humore abundet in venis recondito, id facillimè vacationem tolerat. Corporis habitus extenuatus, mollis & rarus, tum imbecillus, tum multæ dissolutioni obnoxius est: contrà verò carnosus, firmus atque densus pauca sinit è corpore dissipari. Qui autem præpinguis & obesus existit, quanquam minimum dispergitur, difficilè tamen venæ sectionem idcirco sustinet, quòd exilibus sit venis, quas exinanitas pinguedo facillè stringit deprimítque, vt inde metus sit ne natiuum calorem extinguat. In corporis habitu æstimāda etiā est venarū capacitas: quibus enim amplæ & turgidæ spectatur, tolerabilior est euacuatio, q̃ quibus angustæ. Neque verò humorum natura posthabēda est: nā tenues & calidi celerrimè dissipantur ac diffuunt, crassi ac frigidi diutius hærent. Atque hæc quidem ad corporis constitutionem habitumque pertinent. Ætatem porro quæ decrepita nuncupatur, quia effectis est viribus, nullam venæ sectionem tolerat: moribundum senem præcipitat quisquis reliquum vitæ calorem cum sanguine profundit. Quæ inter senectutem & pueritiā mediæ interueniunt, quoniam firmis viribus & corpore bene constituto tenentur, nulla

la vacuandi praesidia metuunt. Puerorum aetas virium quidem substantia abundat, ceterum quia corpus calidum & humidum obtinet, molle tenerum ac patens, quod sponte sua assiduo digeritur ac defluit, sanguinis missionem tunc non feret: quantum enim ex incidenda vena vacuandum fuerat, id vltro ex corporis natura praestatur. Has aetates nullis annorum finibus Hippocrates circumscripsit. At Galenus neque ante annum decimum quartum, neque post septuagesimum iis quas protuli causis adductus, venam pertundit. Quod profecto de plenior illa veteribusque consueta vacuatione audiendum: nam moderatam quae tum viribus tum plenitudini aut
 10 par aut inferior sit, utriusque pro eo ipso quantulocunque sunt praediti modo, facile ferent. Sic Rhases aetate decrepita quae graui vrgenteque pleuritide vel peripneumonia torquebatur, sanguinem emisit. Sic Auenzoar filio suo trimo se vtiliter venam secuisse commemorat. Hoc & ipsi plerumque experimur, sexto aut quinto aetatis anno tres sanguinis quatuorve vn-
 15 cias, pleuritim interiores inflammationes, hisque grauioribus morbos finiuisse. Sponte naturae tum pueris, tum infantibus lactentibus, sanguis interdum abunde prodeat e naribus, nulla corporis aut virium iactura. Suis viribus iisque validis praedita est puerorum aetas, cur igitur ad illarum proportionem vacuare non possumus, quum praesertim eufarcus est puer, plene
 20 ac liberaliter educatus, cui amplae venae bene cocto puroque sanguine tument? Ad extremum vero donemus virium robur laedi, utrum magis optandum fuerit, vel ut puer seruata plenitudine succique copia intereat, vel ut ea imminuta, offensisque quodammodo viribus a morbo vindicetur? Secundae autem venae necessitas in pleuritide interioribusque inflammatio-
 25 nibus quam in continuis febribus puero maior existit. Nulla igitur est aetas, quae non aliquem vacuationis modum ferat. Haec sunt interiorum causarum observationes, quae sponte intimoque motu corpus viresque afficiunt. Praeter eas vero euentium quoque constitutio tenenda. Regio feruens & arida multum innati calidi viriumque, multum peccantis humoris e corpore haurit. Hinc vires comminuuntur pauciorque sanguis manet in venis: in ea proinde contractiones parcioreque in sanguine mittendo esse conuenit. Regio frigidior ac humidior, innatum calidum humoresque intus coercet, horumque minimum dissoluit, quocirca sanguis abundantius profundi potest. Ceterum in extreme frigida quae plurimum in Boream de-
 30 uergit, sanguis frigore veluti congelians vacuationi vix cedit, sed & partes interiores si a suo calore destitutae maneant, ambientis frigoris iniuria extinctionis periculum subibunt. Quae inter illas intercedit regio temperatior, largissimam sanguinis profusionem tolerat. In anni temporibus ver temperatum, succi viriumque abundans, sanguinem largius fundi per-
 35 mittit: estque vere secta vena praecauendis morbis idonea. Post ver, autumnus, deinde hyes, omnium vero minimum aetas. Coeli status qui calidior obtigerit, ut subfolana vel austrina tempestate, parcius: qui frigidior ut valido Aquilone aut Fauonio, is quoque parcè: largius autem quicunque

Dd iij clementior

clementior nulla ingenti tempestatum vi iactabitur, sanguinem mittendum esse suadet. Tria hîc in ambientis constitutione perpetuò implicita atque colligata, iam in vnum conferamus. Regione frigida & hyeme preme-
ne mens Boreas prorsus venæ sectione nobis interdicit: solusque Auster placidior illam admittit. Regione autem feruida & æstate, quum perflat Auster, venam pertundere formidolosum: at quum Boreas æstum temperat, tutissimum. Hæ igitur causæ tum innati calidi, tum humorum substantiæ, vel conseruant, vel dissipant, sed tamen obscure ac sine sensu. Caterum de manifesta copiosaque vacuatione, quæ fortè tum erumpit, quum venâ
ne secare proponimus, ita quidem statuendum. Spontanea vacuatio materia ¹⁰ morbi nihil detrahens, veram atque legitimam non excludit. Quod igitur morbus exposcit protinus vacuandum, præsertim si necessitas impellit, & vires spontanea illa vacuatione nondum in magnam offensionem incurrerunt. In vehemèti pleuritide, quo tempore fortè fortuna erumpet
ne totius corporis sudor, aut vomitio, aut aluus, sanguis mitti non debet: at sedatis illis paulumque recreatis viribus, vena incidenda. Symptomata enim quum illa sint, neque morbi substantiam detrahunt, neque vicaria esse possunt phlebotomia. Sic in febre ardente, lienteria quæ ex frigida potu immoderatiore laxato dissoluta que ventriculo inciderit, venæ sectione
 non vetat. At quoniam vires inde paulo imbecilliores euaserunt, harum ²⁰ seruata dignitate sanguis parcius emittetur. Spontanea autè vacuatio quæ morbi substantiam demit, si iam egrotum leuet, possitque quantum requiris vacuare, prorsus est nature cõmittenda. Sin minus id possit, tantum ipse detrahes, quo ex cõiunctis ambobus perficiatur quod postulas. Quæ sponte natura perfectura est, ne tågito: inchoata verò nec ab ea perficienda, ²⁵ com-pleto. Itaque in pleuritide, in febre assidua, si sanguis abundantius ex vtero, ex hæmorrhoidè, vel è naribus dimanet, iustaque sit vacuationis quantitas, ex qua æger satis leuetur, venam nõ incides. Sin verò parcius aut languidiùs ex his locis profluit, morbusque interim vehementer vrget, quod
ne deficit, etiam si puerpera sit laborans, venæ sectione supplendum. Eadem ³⁰ ex causa in dysenteria purgans medicamentum offertur, vt quod sensim & languidè per anfractus parum idoneos elabatur, affatim per ductus conuenientiores deriuetur ac defluat. Consuetudo porrò nobis obseruanda, in victus ratione, in vitæ genere, & in euacuatione. Qui frugaliter siue
 ex consuetudine, siue ex morbi impedimento victitant, parcius vacuandi ³⁵ sunt quàm qui liberalius pleniùsque viuunt. Qui venæ sectionem iam est expertus, modò vires crebra vacuatione nondum sint læsæ, alacrius ac leuius eam perferet quàm inexpertus. Consueta quippe mala, minus sunt infensa. Quapropter opinione sua vulgus longè fallitur, qua primam venæ sectionem vt in primis salutarem suscipit, & quasi veneratur, cõseruat-
ne ⁴⁰ que in extremos vsus commodaturam.

Futurorum

Futurorum obseruatio aut veriùs prouisio præfinienda
quantitati necessaria. Cap. XII.


NON solum vires præsentēs emetiri, verumetiam futuras prospicere acuti sapiētisq̃ue est medici. Post vacuationem vires ita tueri atque conseruare par est, vt & alia deinceps adhibenda remedia ferre, & morbi longitudini atque iudicationi sustinendę satis esse queant. Quinetiam ne posthac intempestiuē & alieno tēpore nutrire cogamur, sanguinis nōnihil retinendum asseruādūque est ad morbi decursum & ad reliquę curationis spatium. Futuras vires astimabimus
10 tum ex causis procatarcticis quę præsentēs sunt, & posthac etiam perseverabunt, tum ex symptomatis quę præter opinionem incidere possunt. In causis procatarcticis præcipuę sunt, cœli constitutio, & viuendi ritus. Cœli constitutio si calida euaserit & sicca, ac istiusmodi deinceps expectetur, restrictiùs sanguis emittetur quàm si frigidam fore coniciamus. Rursus si prospicimus agrotum tenuiter sobrięque victurum,
15 vel quia potionis & cibi languet appetentia, vel quia morbus deuorare non sinit, vt in angina fauces præcludente, parciùs euacuare monemur, quàm si pleniùs is viuatur. Seruare tum aliquid sanguinis oportet, tanquam naturę thesaurum & suppetias in leuamen futurę penurię. Iam verò repentina & inopinata symptomata, quę vires summopere eneruāt & frangūt,
20 sunt dolor vehemens, vigilię, vacuationes præter spem erumpentes, & in primis syncope. In hanc siquidem non pauci quàm mox ab aperta vena ex consuetudine incidunt, vel quòd natura sint imbecilliores, vel quòd timore magno perculsi, vires omnes effundant: vel quòd os vētris amara bile perfulsum, aut quàm maximè acrisensu præditum & infirmū nacti sunt.
25 Quum igitur aliquid eiusmodi futurū suspicamur, quanquam vires tunc valent, sanguinem tamen vel nullo modo vel præparcè mitemus, nisi fortè huic periculo antè sit occursum. Summę autem prudentię fuerit repentina & inopinata quęcunque incident, longè prospicere atque præcauere. Hęc iam exemplis illustremus. Esto quispiam natura sanguineus, corpore eufarco, denso ac firmo, ætate florētī, qui multos dies luxuriosum vitę genus secutus, alimentis se expleuerit solidioribus & valentis materię: qui pristinam exercitationis consuetudinem intermiserit, domique otiose vixerit, cui sanguinis ex naribus, ex vtero, vel ex hæmorrhoidibus
30 tus consuetęque eruptio iampridem substituterit: adeò vt ex harum concursione causarum corporis habitus non mediocri incrementum ceperit, & venę natura amplę præ copia sint distentę. Quocunque tempore hominem ita constitutum grauis vehemēsq̃ue febris vel inflammatio prehendet, quàm mox sanguis profundendus est, isque copiosus: quādoquidem tum morbi tum causę magnitudo id expostulat, ex præteritorum
40 obseruatione confirmata. Quòd si his etiam præsentia consentiunt, adsitque aëris constitutio ex regione, anni tempore, & ex tempestate collatis, moderatè frigida & humida, agrotus ad vacuationem procliuis sit: posthac

hac verò morbus non ad multos dies longius producat, nulla calidioris futurę tempestatis significatio appareat: nulla item futuri doloris, vel inedia, vel vigiliarum, vel spontaneę vacuationis comminatio intendatur: his ita in vnum conspiratibus, quis dubitet largissimam sanguinis missionem imperare? At verò hisce contraria omnia, quem nō subito à sanguinis detractione auocabunt? Permiscentur plerumque ac prorsus inter se pugnantes existunt obseruationes, ac tum prudenti acríque iudicio est opus, quo ex comparatis illis vacuationi modus præscribatur. Præteritorum recordatio plerumque copiosum sanguinem fundendum monet, cuius tamen libertatem nobis præsentium obseruatio subtrahit. Vt si quis pristina¹⁰ exercitationis consuetudine intermissa desidia se & luxurię dederit, & alimentis expleuerit, & solennis quæpiam vacuatio subliterit: sed hinc euaserit corpus pingue & album, laxum & molle, tenuisque succi plenum, adsitque estas, regio estuosa, cœlique status calidus ac siccus: omnino huic sanguinem non mittes: satis enim ex se ipso non modò obscurè, verumetiam manifestè vacuatur. Parum verò detrahes in eo ipso habitu, si hyems adsit & regio frigida, cœlique status Aquilonius. In hac autem rerum permissione, non obseruationum multitudinem, sed potestatem velim te attendere, quòd vna plerumque reliquas omnes dignitate præstatiąque superet. Qui neque artis cognitione, neque longo rerum usu, neque prudenti²⁰ sinceroque mentis iudicio, confidit se posse vacuationis quãtatem definire, is Hippocratis cōsilio potius infrà subsistat, quàm exquisitè vacuet.

Hoc autem loco non abs re fuerit perscrutari, sitne vteri gestatio inter obseruationes habēda. Ipsa veritatis species multa probabilitate suadet in prægnantibus graui morbo implicitis temperandum, ob fœtum qui vtero²⁵ continetur, Hippocratis patrocínio ac sententia hūc in modum defensa: Mulier in vtero gestans incisa vena abortit, idq; magis si est fœtus auctior. At certè hoc perpetuum minimè est, vt neque illud quod proximè antè scribitur: Mulierem in vtero gerentem acuto morbo corripí, lethale est. Quum enim purgatio quæ malignis sit medicamentis, cum periculo grauiore fœtus quàm venę sectione decernatur, si Hippocrates grauidę morbo ex cacochymia tentatę, purgationem largitur iis mēsis qui inter tertium & octauum interponuntur: nos profectò iisdem multo tutius sanguinē mittemus ei, quæ aliquo plenitudinis morbo conflictabitur. Quod si media gestatione liceat, longè tutius in initio factu fas est: quòd sanguis³⁵ magis redundet, & fœtus minore egeat alimento. Hoc tempore sæpe natura illius superuacui effusionem sponte vtiliterque aggreditur per nares, per hæmorrhoidas, aut per vterum: & nonnunquam menses statis temporibus salubriter effluunt, cur non similiter nobis liceat premente necessitate naturam arte imitari? Multæ nisi vena circiter quartum mensem referatur, abortiunt, fœtus enim copia obruitur. Neque verò in plethora sola, verumetiam citra hanc quum pleuritis, aliãve inflammatio vehementius vrget, prægnanti vena in cubito cædenda. Inferiores autem prægnantium venas

venas incidere minimè tutum, quòd impetu deorsum conuerso menses procedant, præcipiteturque foetus. Octauo ac nono mense rarò citra abortum sanguis emittitur, quum præsertim mulier leui ex causa, vel ob vteri imbecillitatem, vel ob lubricum lentorem abortire consuevit. Hac in re
 5 Cornelius Celsus morbi dūtaxat viriūque magnitudinem animaduertit. Antiqui, inquit, primam vltimāque ætatem sustinere non posse hoc
 auxilij genus iudicabant, persuaserantque sibi mulierem grauidam, quæ
 ita curata esset abortum esse facturam. Postea verò vsus ostēdit, nihil ex his
 esse perpetuum, aliāsque potiores obseruationes adhibendas esse, ad quas
 10 dirigi curantis consilium debeat. Interest enim non quæ ætas sit, neque
 quid in corpore intus geratur, sed quæ vires sint. Firmus puer, & robustus
 senex, & grauida mulier valens tutò curantur. Itaque vteri gestatio quem-
 admodum & ætas, inter quantitatis obseruationes habenda. De quantita-
 te mittendi sanguinis hæc quidem satis, deinceps verò de vtendi ratione.

15 Quo morbi tempore, qua die, quaque hora sanguis emit-
 tendus.
 Cap. XIII.

 VORVM morborū causa est plenitudo aliāve humorū labes in
 vasis, ea incipiētibus illis quān mox secta vena summoueri de-
 20 bet. Hoc enim pacto quicquid morbi in posterū gignēdum est
 prohibebitur, quicquid verò genitum & procreatū iam est, fa-
 cilius natura concoquet, euincet, atque profligabit. Sic febres ardentiores
 antequā sanguinis moles feruoris incendio torreatur, aut vehementior
 putredo inualecat, acceleratum hoc remedium extinguit. Sic & interio-
 25 res inflāmationes hoc auxilij genus initio radicitus eruit, dum qui in par-
 tem confluerat humor nondum obhærens, profluentis sanguinis impe-
 tum cursūque sequitur. Vires per initia firmę sunt & constantes, nec ad-
 modum iis dissimiles quæ pridem erant integra valetudine: si quo igitur
 tempore, ipso maxime initio hoc præsidij genus tolerabunt. Qui plenitu-
 30 dine aut fluxione permanēte alia vult remedia adhibere, peruerso meden-
 di ordine affectum cōduplicabit viribūque negotium facesset. Sic tamē
 maturè vena secetur, vt ventriculus primęque venæ nec vlla humoris cor-
 ruptela, nec cruditate, nec cibo semicocto confertæ sint. Præcepit qui-
 dem Auicennas in morborum principiis phlebotomiam prorsus omitte-
 35 re & concoctionem expectare, dum morbus principium statūque præ-
 terierit: atque tum demum solum illam conferre asseuerat. Idque non de
 solis partium morbis quos antè percensuerat, audiendum putat, quum &
 mox id ipsum de febribus omnibus præcipiat, maximèq; de sanguinea, in
 qua quū aderit concoctio, iubet sanguinē profluentem educere. Quia verò
 40 ista mirabiliter dissentanea videntur, perpendendum quibus illa rationi-
 bus suadere contendat, vt controuersia ad vnguem discussa, veritas ipsa
 clarius eluceat. Inquit igitur per initia incisam venā noxios humores ex-
 tenuare, & per corpus quoquoersum impellere, sanguinēq; puro & syn-
 cero

cero permiscere: nonnunquam etiam nos expectatione nostra adeò decipi, ut cū salubri nihil prorsus vitiosi humoris educatur. Ex animi verò sententia atque voto omnia succedere, si expectata concoctione quum iam morbus principium & statū præterierit, sanguinem detrahimus. Sed minimè tā inconsiderata eius ferēda est sentētia: neq; audiēdi illius explanatores, quorū dicta quotidie re & euentis refelluntur. Quæ enim absurdior futiliórque sententia hac excogitari possit, phlebotomiā humores extenuare, quum ex superiorū demonstratione dilucidè constet, qua ante, eadem & post phlebotomiā proportionē humores in corpore retineri atque seruari. Si qua fortè mutatio incidit, quum tenuis humor expeditius celeriusque, crassior ægrius & pigrius emanet, verisimilius est phlebotomiā, sanguinem & humores potius incrassare debere. Cur deinde hæc humores exagitet? si multitudinem demit, quæ perturbationum & morbi causa fuerat, debet eadē omnia mitiora & tranquilliora reddere. At si peccans materia sanguine permiscetur in venis, cur hæc secta vena non pariter foras exiliet? Sed iam plenius æstimata rei veritate, donemus morbum quempiam vehementem & acutum ex solius sanguinis exuperantia natum, cuiusmodi sunt vtræque synocha, putrida febris ex plenitudine, angina, pleuritis, peripneumonia, iecoris aliarumque partium inflammationes. Hæ si peracutæ sunt & periculosa præ sanguinis copia præcipientes, quis non statim ipso initio venam pertundat? quis quum adhuc vires integre sunt nō eam plenitudinem prorsus eximat, quæ morbo causam dedit, & quæ in vitæ discrimen adducit? Hoc consilio in synocha festinamus statim initio sanguinem ad animi defectionem mittere, antequam materia putrescat. At ille, in ea febre sanguinea principio sanguinem parè mit- tit, abundantius verò vbi coctionis signa comparent. At quam quæso concoctionem expectet sanguinis optimi & bene cocti, qui sola multitudine peccat? In his igitur ut in valde acutis, Hippocratis consilio differre & cūctari malum est: sed statim si vires integre & valentes erunt, ad animi vique defectionem ducendum. Si minus acuti & vehementes erunt morbi, etiam per initia sanguis effundetur, idque pro multitudinis ratione. Num igitur in his venæ sectionem omitemus, & cum Auicenna expectabimus dum cōcoctio eluceat, & principium morbus statūque præterierit: Sic- cine morbum sinemus suo impetu proteruire atque ægrotum tam immaniter iactari citra vllam artis opem? Si exitialis is erit, ad concoctionē nunquam perducetur: sin salutaris vel anceps, post statum in ipsa declinatione quum iam prorsus euictus erit, & laborans à periculo tutus, quid tum venæ sectione fuerit opus? Sed age hoc loco temporum morbi, & concoctionis vim expendamus. Natura concoctione impuros noxiósque humores è purioribus secernit: hos ut conseruet, illos ut tandem foras exturbet, aut sola per se aut medicamenti ope. Atqui venæ sectio nullo delectu omnes qui in venis sunt, promiscuè & indiscriminatim prolestat. Quorsum igitur ut hæc fiat, humorum concoctionem atque secretionem præstolemur?

stolemur? Vt in phlegmone pus iam factum non amplius secta vena, sed alia ratione per vias breuiiores deriuamus: ita in febribus quarū materia in venis coërcetur, concoctus ac iam secretus humor, medicamento deriuandus deturbādūque est. Qua in re tum temporis naturam habebimus ad-
 5 miniculantem, quæ secretos humores foras excludere cōtendit. At si quis hoc tempore venam ausit incidere, nō eos solū, sed pariter viles eliciet: quōdque grauius est, eos qui vi naturæ secreti fuerant, puro sanguini permiscebit, hunc inquinabit, omnia confundet, naturæque molitionem optimam interpellabit. Quum igitur concoctionis manifestæ signa com-
 10 parebunt, non amplius venæ sectione, sed aut purgatione, aut aliis deriuantibus præsidii reliqua curatio transigenda: nisi (quod interdum fit) cruditatis signa denuō se prodant. In febribus vacuata multitudine vbi quæ putruerant concocta sunt, per aluum, vrinas, & sudores ea vacuare tētan-
 15 sa sunt, per spūta: in hepatide, caua quidem per aluum, gibba per vrinas, quemadmodum & in nephritide: singula denique per loca proxima & conuenientiora sunt expurgāda. Si metu, ignauia, aliisve occasionibus venæ sectio primis morbi diebus administrata non est, quocūque die etiam
 20 vigesimo in ægrum incideris, si plenitudinis atque cruditatis signa perma-
 nebunt, hoc præsidij genus adhibendum, modō vires ferant, neque sint morbi diuturnitate collapsæ. Nō enim dierum morbi numerus à phlebotomia per se ac primū dehortatur, sed quod sæpius tēporis progressu vel
 25 concocta est morbi materia, vel sunt vires dissolutæ. Vt autem vniuersalium temporum, ita particularium, & dierum quibus morbi recurrunt
 delectus habendus, in his potissimū morbis quorum certa est vel inter-
 missio, vel remissio. Vacuatio non excandescenti, sed mitescenti morbo
 30 afferenda. Natura quidem plerumque febrium maximèque intermitten-
 tium inuasionibus vomitiones, & declinationibus sudores cōmodè ciet, quo tempore nobis etiam licet eadem vtiliter arte promouere: at non vel
 35 alui deiectionem, vel venæ sectionē. In accessionibus ab his omnino tem-
 perandum est, vt quas neque natura tum molitur, sed si quæ fortè incidūt, solius morbi feruore impetūque fiunt. Nulla eiusmodi vacuatio, quæ vires
 supra modum laceffit, in tāta accessionum quasi fluctuum agitatione tutò
 obiri possit. Quum enim humores tum maximè quodam quasi æstu inci-
 40 tati efferuescant, obturbatūque permisceantur, nulla omnino queat iusta
 eorum fieri secretio. Esto etiam peccans morbi materia extra venas maio-
 res exardescat, si hoc tempore vena referetur, metuēdum erit ne illa in ve-
 nas exinanitas è vestigio commigret, fiatque ex intermittente continens.
 At verò maxima morbi tranquillitate vena secta, vix vllum naturæ nego-
 45 tiū faceffit, ipsamque multitudinē è venis maioribus eripit, nullo excāde-
 scētiae metu. Maxima tranquillitas est medio remissionis intermissionisve
 tempore. Si spatia inter accessiones porriguntur, facile sit medium ipsum
 pro rerum cōmoditate designare, sin angustum, difficile, quod interdum
 Ee vix

vix occasio sese offerat, vt vel ante vel post venæ sectionem opportunè ægrum alamus. In quibus morbis vel præcautionis vel curationis gratia, *ne* potestas datur sanguini mittendo horam deligere, conuenientior erit matutina quàm pomeridiana. Nam à solis exortu sanguis suscitatur, viget atque dominatur, ipsoque diei lumine tenuis fit, serenus, & ad fluendum aptior: maximè secunda terciave hora. *ne* Hac ipsa ne æger sopore torpeat, exporrectus insomnè horam saltem vnā duxerit oportet. Hesternum cibum integrè concoxerit, sitque alui & vesicæ munia executus: eoque magis si vna quæpiam ampliorum venarum erit incidenda. Nam exiles è quibus sanguis parcius emanat, nulla istiusmodi obseruatione feriuntur. Astrologica etiam obseruatio vt non parum efficax tenenda. Cæterum quotiescunque vehementiores morbi prement & instabunt, tum venam pertundito. In vehemēti enim & suffocante pleuritide, vel in angina, in sanguinis immoderato fluore, in extrema vasorum plenitudine, in aliis denique morbis qui nimium præcipientes sunt, nihil istiusmodi delectus habendus. *ne* At verò in febribus alijsve morbis qui circuitibus affligunt, quietis aut remissionis animaduersio multo præstantior quàm matutini temporis. In quamcunque igitur diei noctisve horam remissio incidit, cæteris in id ritè administratis vena pertundetur.

Quæ ante venæ sectionem præparatio afferenda. 20

Cap. XIII.

Vad venæ sectionem opportuna temporis occasio, ita corporis idonea præparatio adhibenda, qua neglecta, ægroto plurimum offensionis impendet. Partium quæ in prima corporis regione sunt, puritas & expurgatio, potissima est ad venæ sectionem præparatio. Vitia quæ opus impediunt aut certè remorantur, sunt ventriculi primarumque venarum cruditas, noxiorum humorū colluies, aluus fecibus astricta: os ventriculi nimio opere sentiens vel imbecillum: quæ nō omnino vetant & excludunt, sed dūtaxat retardant venæ sectionem dum arte sint sublata. Crudiore enī vētriculo secta atque exinanita vena, crudi succi plurimum in sanguinis locum rapiet. Et suppressiore aluo si venam eliseris, iecur exhaustæque venæ sordidum quiddam & impurum è fecibus exugent. Tantum moræ in vena pertundenda interponi debet, quantum satis est tum ad crudorum concoctionem, tum vt excrementa descendant. *ne* Hæc sponte nisi succedat, clystere vel balano prolicienda sunt: prunis, vel casia aluus emollienda. Coctus crudusve cibus internoscitur ex accepti eius qualitate & copia, ex tempore quo acceptus est, ex ructu, ex vētriculi pondere. Corruptus humor in ventriculo, aut in vicinis partibus exuperans, siue illic genitus est, siue aliunde, velut ex capite, ex iecore aut ex lie- *ne* ne procubuit, differre hortatur venæ incisionem, dum sit expurgatus. Secus enim multo maiore detrimēto quàm cruditas rapitur in venas, hæcque impuritate multa polluit. Hinc vel obstructions, vel cachexiæ fiunt, vel morbi

morbi quibus mederi proposueris ingrauescunt, euaduntque eorum symptomata sauiora. Quinetiam impuri humores impetu ferociâque concitati excandescunt, ventriculû præcordiâque vellicant, hinc nausea, cõuulsio, lipothymia, syncope & alia symptomata, quæ terroris & metus plena sunt. Vna bilis in os ventriculi tum effusa, omnium maximè hæc mala inuehere solet. Has autẽ partes à putidis humoribus occupari portendunt, cibi fastidium, nausea, humoris vomitio, frequens alui deiectio, ventriculi grauitas aut dolor, ventriculi præcordiorumve tumor atque distentio.

Quæ quoties præter vllam ciborum cruditatem in ægris apparebunt, è prima corporis regione antequam vena secetur deturbandus est vitiosus humor, illorû author & velut seminarium. Vomitione id moliendum si sursum vergit, hausta portione vel aquæ, vel hydrelæi tepescantis pondo selibre. Alui autem deiectione si eò declinat. Casia in id parum efficax, vt quæ sola vi leniente & emolliente prædita, tenaces valde & glutinosos humores nec satis detergit, nec ex aluo subducit. Accommodatior est hiera picro, si febris non reclamation, vel rheumbarbarum, vel senna, vel agaricum, vel pro humoris specie aliud quoddam blâdum, cuius vis vniuersam corporis molem neutiquam exagitet. His non modò semel, verumetiam secundo & tertio pro rei necessitate, expedit vti: sub hæc tamen mox ad venæ sectionem accingendum. Quandoquidem humorum vitia, quum in omnes corporis regiones pariter irruerunt, methodus summâque artis præceptio est, eas suo quamque ordine vacuare, mesenterij quidem venas ante maiores, atque has rursum ante corporis molem. Non autem contrâ, ne ex primis venis in maiores, aut ex his in corporis habitum noxij humoris sit traiectio: quod sanè est nõ expurgare, sed inquinare & labefactare corpus. At ex habitu corporis in venas maiores, aut ex his in primas atque in aluum traducere consentaneum est. Quæ autem dixi vitia non solum venæ sectionem remorantur ac tardant, sed omnino præpediunt. Hinc neque in hydrope, neque in cachexia, neque in scirrho iecoris, aut lienis, vel exigente alterius morbi importunitate, scalpellû admouemus. Tertium vitium cui præparatio ante venæ sectionem adhibetur, erat oris ventriculi sensus eximius aut imbecillitas. Eximius est sensus quibus nerui è cerebro missi, molles sunt, teneri, nudi, aut occurrentibus rebus obuij: atque hi vix citra offensionem, acria, acida aut falsa, quod genus habentur, acetum, piper, sinapi deuorant. Imbecillitas siue ex intemperie, siue ex rariorum fibrarum structura prouenerit, inde noscitur quòd nec cibus appetitur, nec facilè fertur, sed eo accepto dolor est, interdumque vel nausea, vel cibi vomitio. Qui sic affecti sunt, vt ex leuissima occasione, ex inedia, ex ira, ex tristitia, vel timore, ita sanè ex phlebotomia quæ pariter cum sanguine spiritus dissipat, & reliquos humores commouet, vel conuulsione vel comitiali morbo, vel syncope stomachica tentantur ad internicionis periculum, vel in alia denique symptomata incurrunt, quæ huius partis occasione nasci proditum est. His itaque ante venæ sectionem consulendum, osque

Ee ij ventriculi

ventriculi muniendum iis quæ corroborant, quæ humorum acrimoniam retundunt, & quæ humoris influxum arcent. Id genus sunt, succus mali punici, mali cotonei, medici, citrei, limonum, oxyacharæ, & vuæ acerbæ, acetum, aut qui ex his fiunt syrupi. Aut si qua frigida intemperiei suspicio inest, ex usu erunt calida aromatica, maximè syrupus mētæ, diacydonion, vinum austerum aut aromatites. Horum tantulum, vel panis optimi momentum his intinctum conferetur: mox verò ut æger paulum quieuerit, vena incidetur. Præparatio venæ sectioni præmittenda, si morbi clementia finit. Immanis verò importunusque morbus nulla præparatione nullaque cunctatione festinare cogit. Sic in habitu athletico à quo præsens aut suffocationis, aut ruptionis vasorum periculum impendit: in vehementissima pleuritide, in febre ardentissima eaque maligna, in casu & prolapsione, aut in obtritu graui, imminenti periculi euentus magis reformidandus est quàm noxa ex non præparato corpore.

Quid ipso sectionis tempore faciendum.

Cap. XV.

UECUMBENTI ægro, in maxima tum corporis tum animi tranquillitate vena incidenda, potissimum si vires imbecillæ sunt, aut syncopes metus inest. Etenim dum vel stamus vel sedemus animalis facultas corpus sustinens laborat, ipsaque intestina ac viscera ex præcordiis pendentia, vitali naturalique facultati vim inferunt. Sit pars quæ inciditur prona, sit & in hanc facilis directusque sanguinis cursus, ex ea corporis sede quam plurimum exinanire proponimus. Arrus confricentur dum incalescât, & proximè supra eum locum in quem scalpellus adiget arctius vinciatur, ut sanguine prolecto vena tumentior in conspectum se det. Infra etiam illigari mos est, quum tremula incôstanteque vena ad scalpelli quemuis impulsu subterfugit, aut è sua sede diffilit. Quibus autem densa & squalida cutis est, & quibus angustæ venæ, aut in altum demersæ multa carne vel adipe obductæ, iis multo arctius vinculum iniici debet, quàm quibus diuersa est cõstitutio. Minores pedum manuumque venas, quia vinculis non satis implentur, in calentem aquam demittimus, quæ & profluenti sanguini impetum facit. Si ne sic quidem vena in apertum promatur, eam quo loco inesse solet digitorum impulsu percunctare, dum sanguinis fluxu & incurfione, illius sit explorata sedes: hancque signatam, scalpello industrius artifex feriat. Sedulo etiam atque etiam prospiciat, ne vel flatu tumidum locum, vel arteriam, vel tendonem pro vena petat. Interdum enim iniecto arctiore vinculo aliquid venæ simile intumescit: interdum pressa arteria motu vacat, & pro vena se profert. Scalpelli chirurgus visu perspicaci manûque valida, summis digitis præhendet, nec plus mucronis proferet quàm ad penetrandum sit satis: manu altera membrum eiusque pollice venam stabiliet, sensim nullaque festinatione scalpelli intro suauiter, quod satis erit impellet. Venæ quæ in articulis, in brachij flexu & in poplite extât, in rectum diffusæ, tardius

dius coalescunt, quòd articuli motu vulneris labra dehiscant: neque eiusmodi fissio tentanda, nisi quum iteratione est opus. Extra articulos, vt in capite, in manibus, vel in pedibus quacunque emergunt, in rectum fissæ cicatrice celerius obducuntur, quòd labra semper inter sese coeant. Sub inferiore quæ basilica dicitur, ferè comes arteria delitescit, & sub media nervus, vtrisque musculorum tendones plerumque substernuntur. Cephalica licet difficilis, omnium tamen solet esse tutissima. Chirurgus ne in tendonem, in nervum aut in arteriam impingat. Ex nervo aut tendone puncto dolor fit ingens, stupor, resolutio, & brachij conuulsio cum tumore. Arterię sanguis egrè cõpescitur: illiusque magna vi effusa virium sequitur exolutio, sed neque incisa arteria coit, neque sanescit, ac pars tãdem gangrænâ corrumpitur. Punctum nervum aut tendonem, indicant doloris vehementia & insequens conuulsio, atque tumor. Huius si qua erit suspicio, vulnus ne coalescat, dum ab impendente phlegmone vindicatum sit, & dies duo trẽsve abierint. Inhibebitur autem coalitus foru tepẽtis olei. Lapso triduo si dolor conquiescat, nec noui quicquam obrepit, sinatur coalescere. Sin minus, adhibeantur aperientia, attrahentia, & qualia nervis compunctis conueniunt, vt terebinthina, adiecto interdum euforbi momento. Aperta arteria, sanguis emanat tenuis, rubicundus, igneus, & pulso quodam exiliens. Subsidio autem est emplastrum ex aloẽ, myrrha, thure, & bolo armena quæ oui candido & pilis leporis sint excepta. His dein lintea ex liquore rosaceo imbuta insternentur. Emplastrum fasciis obuoluetur firmè ac tutò, ne triduo excidat, hoc blandè summoto simile denuò imponendum. Si ne iis quidem arteria coalescat, tota transuersum discindatur, vt extrema vtrinque reuulsa molli carne obducatur. Rursum autem quod ad sectionis modum facit, si crassus aut viscosus sanguis qualis melancholicus inesse putabitur, aut cœli constitutio frigida sit, ampla fiet venæ apertio: sin tenuis & aquosus, aut ipsa cœli constitutio calida, angustior. Vena vt decet aperta vinculum à superiore parte laxabitur, quò inde sanguis vberius defluat. Si sanguini cursus erit idoneus, sinatur, si minus abundè & segnius fluat, idque sectionis errore, ea emendetur: si sanguinis crassitie, aliãve ex causa, laboras pugnum arctè vehementerque adducat, nervos, musculos & latera, tussi ac voce valida contendat: vulnus aquæ calidæ fomento proritetur. Si vecordẽ cura metusque terreant, hincque parcius sanguis emanet, intermissio fiat, dum vires exponendis recreetur modis. Immo etiam si pro ratione sanguis dimanet, vtile est medio cursu digitum vulneri imponere, tum vt vires reficiantur minúsque dissipetur, tum etiam vt deterior spurciórque sanguis, ex intimis celerius in sectione confluat. Emanantis autem sanguinis quantitas æstimanda est, vt is demũ opportunè sistatur. Æstimatio ex morbi necessitate & ex viribus est inunda. In plethora simplici, ad imminentium morborum præcautionem fatis sit redundantiam demere, dum mediocritas sit reliqua. At quum iam morbus inest, isque vniuersalis vt febris, non satis illud fecerit, sed si vires

Ee iij tolerant,

tolerent, infra mediocritatem imminuendum est. Mediocris enim si putrescat, quasi efferuescens intumescit, & tum corpori infestus, tum viribus gravis est: minui igitur debet, at parcius quàm in plenitudine. In partium autem phlegmonis non vna quantitas, sed tum coloris, tum substantiæ mutatio spectanda. Quum vehemens dolor, aut magna quædam inflammatio locis inest sectioni propinquis, sanguinis cursus non antè sistatur, quàm vel dolor mitescere occipiat, vel eius color commutetur. Mutatio quippe indicat sanguinem ex inflammata sede, in qua is est à reliquo dispar, euelli: quod omnino expectandum est, nisi aut parti vehementer impactus humor est, aut euacuatione vires exoluuntur. Hæc si quidem cogit¹⁰ intempestiuè suppressere, ac potius iteratò quod reliquum est detrahare, aliàs quidem eodem die, aliàs postero. Vt enim effluenti sanguini, ita & viribus attendendum ne deficient. Vires defecturas præmonstrant, labās fluoris impetus, pallens faciei color, oscitationes, pādiculationes, aurium tinnitus, oculorum suffusiones, quæ omnia coarguunt vitales spiritus im-¹⁵ minui & cor infringi destitutum calore. Ad hæc singultus & nausea, quæ fiunt irrupente humore in os ventriculi. Omnium tamen certissima & minimè fallax est pulsus mutatio, qui si ex crebro supra modū rarus euadat, aut ex magno paruus, ex vehementi debilis & obscurus, ex æquabili inæqualis, vires collapsuras, aut perturbationem epilepsiæ non admodum²⁰ dissimilem præfagit. Hæc igitur si ex vacuationis quantitate incidat, protinus intermittendum, ne imbecillitas progressa vel mortem inferat, vel iacturam quæ nullo pacto refarciri possit. At si vel metu & terrore, vel stomachi demorsu, hæc signa compareant, intercepto fluore laborans recreetur, vt exinde possit reliqua vacuatio compleri. Recreandi multæ sunt²⁵ rationes. Os atque faciē frigida conspergere: acetū, vinum, moschū, idque genus aromatica ad nares admouere. Ab his verò præstātissimum sit ægrū prosterne: partibus quippe omnibus in vnā situs æquabilitatem adductis, cessat labor omnis, principēsque partes caloris & spiritus plus sibi mutuo impartiūt. Si ne sic quidem releuetur æger, vomitus excitetur, aut fau-³⁰ cium tirillatu, aut iniecto oleo: quandoquidem is impetus stomachi cordisque tædia depellit, suscitātque robur. Mox vires instaurentur, vino, succo mali punici, iure carniū, medicamento diamoscho aliisve cardiacis.

Vt à venæ sectione regendus sit æger.

Cap. XVI.



ANGVINE vt morbi magnitudo virēsque ferebāt emisso, vinculum dissoluatur, vulnus exiccet, ne concrecente sanguine madens aut non coalescat, aut abscessus metum inferat. His si quidem non accuratè animaduersis, die octauo aliquando resignatum est vulnus. Adeps si exiliat ne præcidatur, sed intrò molliter refe-⁴⁰ rendus est. Deterfum vulnus linteo obfignetur, vel rosacea vel dulci aqua imbuto: aut etiam oleo, si sanguinem iterum fundere cōsiliū est. Fasciis linteum deuinciatur, quæ nec arctiores sint, nec cutem vlcerisve labra distorquant.

storqueant. Si ictu tendone aut neruo, fluxionis aut phlegmones metus
 est, emplastrum è cerussa imponendum est: in ambitu verò cataplasma ex
 semperuiuo, solano, arnoglossò, alijsque frigidis. Sectus æger supinus de-
 cumbat, vt omnibus partibus in spinam dorso tanquam in corporis basim
 5 reclinantibus, summa sit quies, & in quiete partes exhaustę repleantur, re-
 sarcianturque spiritus. Neque igitur ad consueta munia properet, neque
 celerius inambulet, neque vllò exercitationis genere se fatiget: neque v-
 tatur venere, neque in balneum descendat: quãdoquidem sanguis & spi-
 ritus vehementius incitati, ne dissipentur aut incalescant, sedandi compri-
 10 mendique sunt. Nec verò venę sectioni continuò indormiendum est, ne
 aut languidior calor extinguatur, aut obruantur imminuti spiritus. Itaque
 vigilans conquiescat, absitque omnis tum animi, tum corporis cõtentio,
 quod & in lipothymia præcipimus. Hora vna aut altera à sanguine misso,
 alimentum licet offerre, exiguum quidem quòdque boni sit succi, quod
 15 promptè alat, & quod sit profligãdo morbo accommodatum. Duabus ab-
 hinc horis aut etiã minus, nihil vetat obdormiscere, modò assidentes pro-
 spiciant, ne vel laborans in brachium cæsũ se deuoluat, vel vinculum dis-
 foluat, quo sanguis dimanet, vel aliud sibi incòmodum ferat. Reliquus
 cibis sensim tum copia tum materia deinceps increset: neque temerè aut
 20 auidè ad pleniorẽ properandum est, vt quem natiuus calor imminutus
 non plenè sit confecturus & quem crudum multũque exuctę venę ra-
 piant, quo demum omnem corporis molem refertiãt. Estò etiam integra
 sit omnis alimenti concoctio, quid tamen iuuat illico se succis largius im-
 plere, quos animus est vena secta demere? A misso sanguine exquisitor vi-
 25 ctus ratio tenenda, neque protinus æger ad pristinam diætã perinde vt
 canis ad vomitum redeat. Intemperantes, idonei venę sectioni non sunt.

De iteranda venę sectione sic statuendum. Quum ex feruentis sangui-
 nis copia, vel maxima inflammatio, vel dolor vehemētissimus, vel arden-
 tissima febris irrumpit: ipso protinus initio antequam effrænatus sanguis
 30 in principem aliquam partem incumbat, non modò quantum illius exu-
 perat, verumetiam multo plus emittendum est, idque vniuerse & affatim,
 etiam ad vsque animi defectionem, si validę vires tolerando sunt. Ferè au-
 tem valent in plethoricis affectibus, in quibus rarò vacuationis copia de-
 ficiunt. Validas quidem & integras vires, non autem imbecillas permittit
 35 Hippocrates vsque ad animi defectionem deducere. Nam cõstantibus &
 integris viribus defectio interueniens, arteriarum duntaxat spiritus exol-
 uit, illesę verò persistũt ex vires, quas cordi, iecori ac cerebro natura con-
 genuit. Licet autem in lipothymia illę dispereant, ex his tamen insitis alię
 persimiles denuò suscitari poterunt, ex quibus impèdio recreabitur æger.
 40 At imbecillis (quoniã illę principibus partibus insitę vires languēt) si lipo-
 thymia obrepserit, vix instauratio fiet. Quocirca virib⁹ imbecillis cauẽda
 diligẽter est defectio. Ita quidã de maximis vrgẽtib⁹que morbis sancien-
 dum. At in leuioribus iisque vniuersalibus, vt in plethora, in febribus &

aliis morbis, quorum materia coercita est in vasis, nō quidem ad lipothymiam, sed tamen quātum expedit quātūmq; affectus expostulat, vniuerse & semel statim initio vacuandum est, si modò vires annuant. Ea vacuatio citra vllam virium iacturam, exuperātem materiam subtrahit antequā vel tota putrescat, vel in nobilem partem irrumpat, vel horrenda symptomata suscitet. Qui metu deterritus in his vacuationē partiri proponet, & minus sanè proficiet, & morbum producet in longius. At si per virium imbecillitatem nequit vniuersa vacuatio compleri, quum præstantior virium quā morbi sit obseruatio, partitione vt cogimur, idque summo iudicio summa prudentia. Partitio autem sit ex modicis interuallis, atque vel dissoluto vinculo, vel digito indito vulnere, intermittatur tantisper dū modis antè expositis restituantur vires. Interdum hora vna, interdum etiā plures ad virium instaurationem necessariae sunt. Optimum autem sit nō ultra diem prorogare, ac bis sanguinem (si vires sinunt) eodem die mittere, idque in morbis vniuersalibus: & (nisi quid aliud vetat) antequam putredo aut alia inualecant mala, quantum expedit educere. Caterū in affectibus partium omnibus præsertimque in phlegmonis, partitas euacuationes oportet longiore interuallo seiungi, atque repetitam vel in diem posterum, vel in perendinum differri: vt hoc temporis spatio, corrupti humores ex affecta sede remigrent in venas exhaustas, quos exinde altera sectio promptius eripiet. Pars enim laborās sensim vno alterōve die humores suos eò deposuit, qui corrupti quū sint, illic relinqui nō debent, etiam si dolores cōquieuerint. At verò venenatam, malignāque inflammationem, vt pestilentem bubonem, vel carbunculum, necesse est eo ipso die festinanter iterata vacuatione demoliri, ne pestilens contagio diutius hæreat in venis. Neque tamen confidentius atque audacius crebrior venæ sectio adeunda: non parum enim spiritus calorisque demit ac in senectutem immaturam & hac morbis grauioribus obnoxiam præcipitat: cuiusmodi sunt cachexia, hydrops, arthritis, tremor, paralytis, apoplexia. Impensius enim refrigerato natiuo calore, humidōque primigenio imminuto viscera languescunt, cruditas dominatur, quæ tot malorum causa fit atque origo.

Emissi sanguinis obseruatio.

Cap. XVII.



FFLVENS sanguis excipiendus mundis terfisq; peluiculis, terrenis, vitreis, stanneis aut argenteis, non item æneis, ne ab his vel propriæ substantiæ vel coloris, vel alterius qualitatis cōversionem subeat, quæ nostrum de corporis affectione iudicium peruertat. Sint & peluiculae multæ in quibus sanguinis varietas dispici ac distingui possit. Seponantur loco mundo, quo nec puluis, nec fumus, nec ventus, nec solis radij pertingāt. Omnium prima in his obseruabitur sanguinis substantia. Viscosus est qui lentè fluxit & tanquam glutinum digitis obhæret, quorum neutrum efficit probus atque mediocris. Crassus est &

& densus, multasque fibras habet, qui ocyus concrefcit atque congeliat,
 hic obftructionum aliorumque inde morborum fit author. Qui tardius
 concrefcit ac durefcit, tenuis eft: qui verò iam refrigerfcens minimè dure-
 fcit, is omnino vel aquofus vel putridus eft, cuius fibræ omnes direptæ at-
 5 que corruptæ vanuerūt. Idipfum planius diftinguit fiflio. Craffus ac com-
 pactus difficilè finditur, tenuis facilè: putridus verò non finditur verum fi-
 mulatque attingitur totus in partes exiguas difcerpitur. Serum multū tan- *Serum in fanguine*
 quam aqua citrina concreto fanguini innatans, vel potum liberaliorem,
 vel iecur infirmum quale hydropici, vel imbecillos renes, vel eofdem ob-
 10 ftructos oftendit: quibus ex caufis serum redūdans in venas, fanguini per-
 mifcetur. Hunc tamen non eo prorfus deftitui par eft, velut in his qui fru-
 galius bibunt, aut immoderatus fe exercet: craffefcens enim fanguis
 difficilè in tenues venas diftribuitur, easque promptè intercludit. Spuma *Spuma*
 innatans nifi floris impetu nata fit, incendium atque feruorem eius hu-
 15 moris oftendit, cuius colorem præ fe fert: rubra quidem fanguinis, citrina,
 bilis: alba, pituita: liuida, melancholia. Durefcētis fanguinis color per sum-
 ma rubicundus, boni vtilisque fanguinis eft index: ruber quidem ac luci-
 dus ardentis, qualis eft arteriarum, ruber verò & obfcurus mediocris, qua-
 lis eft venarum. Color citrinus, bilem: albus, pituitam: viridis, bilem retor-
 20 ridam: liuidus aut plumbeus atram bilem cum pernecie, vt difparium colo-
 rum permiftio varios humores exuperare commonftrat: qui an etiam pu-
 tridi fint necne, fanguinis fubftantia palam facit. Sanguinis parte summa *Summa*
 innatat nonnunquam pingue quiddam & adipofum, inftar telæ aranei co-
 hærens. Hoc, fi admodum pingue & obefum corpus eft, ex ipfo fanguine
 25 caufam habet, qui eft in adipem pronus. Sin corpus ftrigofius fiat minuf-
 que opimum, idipfum colliquari & marcefcere portendit. Ima parte con-
 creti fanguinis fubfidet quod terrenum magis eft atque fæculentum. Id
 quum finditur, fæpius apparet vel rubrum obfcurum, vel nigrum vel liui-
 dum vel viride: vnde humoris qui fanguinem perfundit, naturam videre
 30 eft: atque ex coloris copia aflequi quantum vnufquifque humor in venis
 abūdēt. Si diffiffo fanguine grana quædam arenularum æmula offendan-
 tur, aiunt vel elephantiafim vel propenfionem ad hanc notari: quāquam
 obferuantibus rarò tale quiddam deprehēfum eft. Rarum eft fanguinem
 à venis graueolere: quòd fi contigerit, putredinis corruptionisque deplo-
 35 rata eft indicium. Detractum fanguinem nemo deguftarit: at fi cui in os
 fortè incidet, dulcifque apparebit, fecundum naturam eft: qui amarus,
 biliofus: acidus aut ftipticus, melancholicus: infipidus, pituitofus: falus pi-
 tuita falfa perfufus. Sanguinis fubftantia atque colore animaduertif,
 conferendæ inuicem erunt peluicula: quæ fi omnes optimum fanguinem
 40 equabiliter exhibeant, credibile eft reliquum in venis fimilem haberi, illū
 tamen detrahendum fuiſſe, quòd multitudine peccaret, quæ vna corpus
 grauatur, fenfus offundit, & in putredinem, aut in grauiorum malorum pe-
 ricula coniicit. Si vitiofus & impurus fanguis cōfpicitur, multo etiam vti-
 lius

lius e ductus est, vt qui & copia & qualitate molestis, corpori negotiū fa-
 cesseret: sed & posthac diligētius vacuari corpus debet, aut pharmaco, aut
 venæ sectione. Si qui prius manauit syncerus, qui autem posterius, prauus
 existit, multi huiusmodi resident humores in corpore, proba victus ratio-
 ne, idoneis que vacuationibus exterminandi. At si hoc ex phlegmone ac-
 cidit, bono esse solet, nempe indicium completæ & integræ vacuationis,
 quæ morbi materiam ex affecta sede extirpauit. Si postrema peluis purior
 est primis, cōsummata est vacuatio, quæ sanguinem vitiosum omnem de-
 traxit, dum utilis ac bonus dimanaret. Sanguis in tepescens aquam
 effusus, diuulsis secretis que substantiis multa profert. Serum cum aqua om-
 nino confunditur, vt internosci nequeat: illi etiā permiscetur tenuior san-
 guinis portio, ex cuius colore liceat de humoris natura & specie quodam
 modo iudiciū facere. Crassior sanguinis portio & fibrosa subsidet in imo:
 quæ pura & secundum naturam esse iudicabitur, si lucida, tenuis, subalbi-
 da, & cohærens fuerit. At crassior crassum etiam sanguinem inesse: obscu-
 ra & nigra, aliōve infecta colore, sanguinem vitiosorum humorum faci-
 bus inquinari commonstrat, quos ipsa coloris differentia discernit. Si pa-
 rum illa cohæret, distractaque facili dilaceratur, summæ putredinis est ar-
gumentum.

De arteriarum sectione.

Cap. XVIII.

20



MAIOREM arteriam in cubito venæ substratam, aut eam
 quæ in poplite sita est, neque ex industria, neque impru-
 denter incidere sit tutum. Eius enim sanguis ægrè restin-
 gui potest, nempe tenuis & calidus impetūque prorumpens: & sanè nonnulli volentibus medicis vinculo quasi
hæmorrhagiam sistere, nata partis gangrena mortui sunt.
 Neque si reprimatur facili queat vulnus ad cicatricē perducī, citra aneu-
 rysma ob assiduum pulsum obque tunicas crassas & præduras. In ipsa verò
 aneurysmatis chirurgia non pauci periere. Præstat igitur quum necessitas
 postulat maiorem arteriam totam obliquè in transuersum secare: nam san-
 guis deinde sistitur, vtrinque ipsius extremis retractis, & vulneri imposito
 emplastro ex aloë suprà descripto. Minores verò arterias quæ in summis ar-
 tubus, in capite, in manibus, & in pedibus extant, licet citra hæc pericula
 incidere: vt quæ agglutinari possint, præsertim in molli humidoque cor-
 pore, quali mulieres ac pueri præditi sunt. Confert autem harum sectio
 quum vehemens diuturnusque dolor circum membranas vim infert, qui
 pungenti similis est ob membranæ sensum, & qui pulsans est ex arteriarū
 motu. Sanguis enim multus, tenuis & calidus in affecta partis arteriis coër-
 citus, fit doloris causa. Itaque si partibus extremis inuestigentur ac secen-
 tur arteriæ, quæ à sedibus illis affectis procedunt, dolor omnino vanescit.
 Pauci hoc tempore arterias incidunt, quòd non admodum cōspiciæ sint,
 nec facili sit illas consequi. In temporibus tamen sectæ calidas acrésque
 oculorum

oculorum fluxiones inibent, quarum gratia totæ discinduntur, aut in-
runtur candente ferro, vel caustico medicamento. Ponè aures secantur in
vertigine, in diuturnis capitis doloribus calidis atque spirituosiss, in faciei
rubore, & quibusdā aliis capitis affectibus inueteratis. Quæ inter pollicē
5 & indicem excurrit, aperitur in diuturnis laterum doloribus inter viscera
& diaphragma positis. Iuxta malleolum secta vetustos lenit coxendicum
dolores qui iamdiu inualuere. Semper autem eius delectus habeatur, quæ
è directo affectæ sedis est, ad quam ne accedendum quidem fuerit, corpo-
ris totius prouisione neglecta.

10 De particulari sanguinis vacuatione.

Cap. XIX.



V V M sanguis aliqua in parte ita inhæsit, vt nec secta vena, nec
medicatione reuelli possit, ab ea potissimum parte quæ offendi-
tur educendus est, remediis quæ ei ipsi parti liberandæ insideant.
15 Eiusmodi sunt: hirudo, scarificatio, & cucurbita, quæ à parte
iam læsa sanguinem manifestè exhauriunt. Hirudo morfu trifidum
vulnus infligit, quod non cutem modò, verum altius quoque, si ea tenella
vt pueris & infantibus est, penetrat. Exhausta porrò exinanitæque & ac-
curatè preparata auidius tutiusque fugit, ferèque continenter dum copia
20 turgescat saturæque procidat. Plerumque etiam sublata ea sanguis confer-
tim profluit, si præsertim in prominentem venam erat infixæ: ac tum pro
scalpello & phlebotomia est. Ita quidem ex hæmorrhoidæ tam copiosum
interdum sanguinem euocat, vt emplasticis adstringentibusque medica-
mentis sit opus, & puerorum cubito infixæ, phlebotomiæ exæquet. Quæ-
25 cunque sic è vena caua haurit, pro vniuersali vacuatione habèda est. Quæ
verò duriusculæ cuti, aut ei parti cui nulla sit amplior vena subiecta adhæ-
rescit, quam solum partem attigerit, euacuat: aut certè minimum è vici-
nis, nihil verò prorsus ex alto aut ex distantiore loco prolicat. Quocirca iis
duntaxat partium vitiis exugendis adhibetur, quæ in summa sunt cute, vt
30 scabiei, vitiligini, impetigini, pano, nasi faciei que rubori & elephantico-
rum tuberculis.

Scarificatio fit epidermide minutim scalpello discissa: quæ tamen &
nonnunquam altius subiens verā cutem ferit. Vacuat è sola parte diuulsa,
nisi fortè venam conuulneret: exitum enim facit humori subiecto, nec ta-
35 men vi quicquam ex alto aut è lōginquo trahit. Quo altius scalpellus adi-
gitur, eo plenior sanguinis est effusio. Expurgandæ cutis remedium est
scarificatio, ac eorum quoque affectuum quibus dixi hirudinem opitu-
lari: quinetiam eorum qui in cutem irruerunt eique iam contumaciter
obhærent, vt scirrhi, inueteratæ phlegmones, & cuiusuis corruptæ mate-
40 riæ. Ad hæc gangrenæ, sphaceli & aliorum in quibus natiuus calor stran-
gulatus ventilarum desiderat. Largius autem ac vberius scarificatio sanguinē
profundet, si protinus adhibetur cucurbitula. Hæc enim vi flāmæ at-
que caloris non modò quicquid tenuis fluxique humoris ac spiritus partē
circum-

hirudo

Scarificatio

circunfundit, sed & quod in locis distātoribus penitioribusque inest validissimè trahit. Atque si cutis antè ferro exasperata est, id manifestè in se prolicet: sin vero levis ea & integra manet, è distātoribus penitioribusque euocat in cutem, ac in eam sedem transfert cuicunque fuerit impacta. Itaque inhærens cucurbitula cute iam incisa, corporis summas partes expurgat, multo quidem potentius, quàm aut scarificatio simplex, aut hirudo, iisdemque succurrit affectibus. Levis autem & quæ sine scarificatione imponitur, non manifestè sanguinem, sed vnum spiritum extrahit. Ceterum humores ad sese rapit, irruentem fluxionem reuellit, sanguinis profusione vndecunque factam directo contrariòque loco imposita sistit, quum præsertim ex vena sanguinem mitti reuellique imbecillæ vires minimè sinūt. Errabundum vterum, fluctuantemque humorem cohibet: eum verò qui parti iam hæret impactusque est deriuat: & eū qui in alto corpore demersus est euocat in summum: vt idcirco stuporis, paralysis, inueterati doloris accommodatum sit remedium. Flatus verò ac spiritus quauis sede coërcitos expedite dissoluit atque dissipat. Proinde palpitationem, singultū, colicum, nephreticumque cruciatum ocysimè compescit. Expeditissimū hoc præsidij genus ac minimè periculosum. Neque enim corpus vlla qualitate labefactat neque vires infringit.

Haftenus remedia exposui quæ sanguinem tum vniuersim tum partiatulatim detrahunt, ad ea deinceps accingar, quæ non hanc illamve, sed nullo discrimine omnē corporis materiam vel absument vel dissipant.

Vniuersalis quæ per habitum fit corporis euacuatio.

Cap. XX.



ORVM quæ per summa corpus exhauriunt vacuāntque, alia sudores cōspicue cient, alia halitum tenuemque substantiam perspiratu digerunt. Hoc genere cōtinentur inedia, vnctio & frictio: illo exercitatio, balneum, laconicū. Phlebotomiæ vires proximè imitatur inedia, sensim ac pedetentim sanguinem absument quem semel ac repete phlebotomia vacuat: præterea verò crudos humores aliòsque complures dissipat, omnisque generis excremēta propellit. Etenim natura libera nec impedita, salutaria quæque nobis continenter procurat. Quum igitur cōsuetus corpori cibus aut subducitur, aut ex toto circumciditur, huiusque penuria inest, insitus nobis calor omnium naturalium functionū author, per omnia diffusus ac insertus, noui cibi copia minimè implicatus, ubique vim suam exerens, inualescit. Ac primū quidem vtilem succum & sanguinem in corporis partiumque substantiam mutat absumentque nutritione: tenues verò humores ac superuacuos in halitum digerit & sine sensu dissipat: crudos concoquit, mutatque in sanguinem alendo corpori idoneum. Ex superuacuis autem crassos attenuat, lentosque detergit: ac proinde strenuè expedit obstructions, adhuc quicquid cōcoquere non potest

test, id saltem pręparat, viasque omnes corporis quibus excludatur paten-
tiores expeditioresque facit. Tum etiam expultrix facultas quęcunque
pręparata fuerint, in expurgationis vias adducit expellitque foras. Hinc
plerumque alius sponte soluitur, vomitiones erumpunt, vrina profundi-
5 tur vberior, cerebri excrementa defluunt, & quę à purgationis via longius
absunt perspiratione dissipantur. His corpus vniuersum sublato quasi one-
re leuatur, respiratio libera fit ac facilis, mens sensusque omnes expeditio-
res alacriorisque euadunt. Hęc dum confert inedia, impuro quidem cor-
pori plerumque ventriculum vitiosis implet humoribus: vnde stomachi
10 erosiones, vigilię, corporis perturbationes & vertigines, quod scilicet in-
situs calor perinde ac medicamentum noxios humores exagitet in alimē-
ti penuria. At verò perturbatos ea demum subigit, domat atque depellit,
vnde magna sequitur tranquillitas & morborum multorumque sympto-
matum sedatio, superstitie quidem etiamnum & integro naturali calore.
15 Hęc sanè moderata efficit inedia, vt quę acres humores exacuit, incendit,
calfacitque corpus. Immoderata verò quoniam pabulo atque etiā super-
uacuo humore absumpto, ipsam quoque partium substantiā dissipat, quę
caloris est sedes, corpus tandem refrigerat, virēque comminuit & obterit.
Salubris est tempestiua abstinentia, & apprimē vtilis quę per inediam fit
20 euacuatio. Etenim blandē nullaque violenta aut corporis aut humorum
impulsione, nullaque aliena qualitate in corpus inducta sensim ac lentē
progreditur. Acutis porrò vrgentibusque morbis sola inedia vix tutò suc-
curri potest, sed aut venę sectione aut pharmaco expeditē vacuandus est
corruptus ac putridus humor, qui de sua bonitate plurimū decessit, &
25 quem insitus calor neque amplius in benignum reducere, neque de repē-
te exturbare potest. At leues morbos ex cruditate futuros arcet cibi parsi-
monia, eosdem recens genitos facilē per sanat inedia: inueteratos quoque
eos plurimū coctione lenit, tandēque profligat. Ea ipsa ex plenitudi-
ne futuros conuenienter inihbet, quod sensim ac tempore onerantem co-
30 piam eximat. Qui verò iam præsentes ex copia sæuiunt, eos non inedia,
sed venę sectio expeditē tollit. Sed & in crudioribus morbis materię si-
tus æstimandus. Nam quum venis aut summis partibus vt capiti, vel ple-
nitudo, vel cruditas, vel pituita grauis molestaque est, cibus parcus siccus-
que confert, ea moderatione vt pręcordia primasque partes ne collaban-
35 tur alat, non autem ad corporis summa ipse pertingat. Quum verò aut in
vêtriculo, aut in prima corporis regione vitium inhærescit, multo parcior
sicciorque victus imperandus. Inedia appellatur modò abstinentia, modò
parsimonia, non cibi duntaxat, sed & potus, qui magis propriusque quàm
cibus tum viscera tum venas implet, usque negotium facessit. Quos igitur
40 morbos inedia non sustulit, medicatione curato.

Exercitatio aliquantum quoque, sed quàm inedia minus absumit ac
digerit, idque magna tum corporis tum humorum perturbatione. Hęc
nullum extrinsecus corpori calorem confert, sed ingenitum nobis & in-

Pf natum

natum suscitatur, qui dein quoquoersum effusus corpus humorisque calfacit. Vnde alimenti concoctio, distributio, nutritioque felicior. Eadem sanguine & humores extenuat, molliat, colliquat & diffundit, atque adeo perturbat, ut sua illi vasa impleant atque distendant, vixque turgentes contineri possint, sed vi impulsu aut foras exilient, aut impetu in partem aliquam irruant. Ipsa etiam cutis spiracula laxat & resoluit, quumque validior suscitatus est calor, spiritus quoquoersum in corpus impelluntur, qui ductus omnes referant viasque expurgant, & oborto sudore copioso superuacua propulsant. Non agrotantium, sed bene valentium est quae exercitatione fit sudorum eruptio. Etenim quia vires exoluit corpusque defatigat, laboranti grauis importunaque est. Bene valenti ad precautionem accommodata, concocto certe ac iam distributo cibo alioque subducta. Impuriori corpori vitanda exercitatio. Quum enim vitiosos humores confundat ac perturbet, quos tamen nec euincit nec prorsus depellit, plerumque morbis grauioribus rudimenta ponit.

Balneum dulcis aquae longe quam exercitatio potentius spiracula laxat remittitque, humores calfacit, extenuat, fluxosque colliquat. Ex his fuliginosos non modo dissipat e summis, verum etiam ex intimis corporis regionibus tenues & fluxos foras euocat proliciatque sudores. Crassiores vero quos non discussit, colliquat & tanta vi concitat, ut in alias plerumque partes iactati confluant. Quocirca balneum iis aduersissimum est qui morbo graui tenentur, atque iis qui citra morbum impuro plethorico sunt corpore, & quibus nobilioris cuiusdam visceris imbecillitas inest, aut precordiorum durus renitensque tumor. Quippe liquatus humor praeter naturam in partem languidam decumbens in phlegmones discrimen adducit. Vtile vero & accommodatum iis deprehenditur, qui squalidi extenuati sunt, & quibus iam magna partium solidarum inest ariditas: atque iis etiam qui ex febris ardore quasi retorridi euaserunt: melancholicis quoque & crasso terrenoque humore oppressis. Sed & in iis cautio adhibenda, ne vlla subsit in venis primis copia crudi humoris, quae in omne corpus rapi possit: ne inter administrandum horror ullus incidat, qui febrem praenunciare solet. Tanto autem manifestius atque validius haec efficit balneum, quanto vel natura vel arte calidius obtigerit, siue sulphureum, siue nitrosum, siue medicamentorum calidorum permixtione comparatum sit. Solum vero aquae calidae in quod resupinus ager a genibus ad umbilicum demergitur, non mouendis sudoribus destinatum est, sed aut molliendo referandoque vtero, aut leniendo dolori, qui ventris imas partes excruciat.

Laconicum in quo sicco calore sudor elicitur, humores e corpore aliquanto valentius quam balneum resoluit. Morbis accommodatur frigidis atque diuturnis, quorum materia aut in artubus, aut in summo haeret corpore. At quoniam in eo vapor feruidus, non solum corpori extrinsecus occurrat, verum etiam respiratione intro sese insinuans, ac in omnia

nia diffusus corpus haud mediocriter incendit & exiccat, nec calidis, nec acutis affectibus, nec impense bilioso, nec extenuato corpori decernendum. Quum verò humores conturbet corpusque vehementer laceſſat, iisdem atque balneum obseruationibus vsurpetur. His vacuandi generibus humoris atque spiritus non exiguum ex vniuerso corpore dissoluitur in sudores, qui tamē per febres acutosque morbos, si res expostulet, leuioribus mouebuntur auxiliis.

Iam verò vnctio atque frictio summa duntaxat corporis exinaniunt, neque humores intus ac penitus abstrusos, neque corpus ipsum insigniter conturbant. Mollis quidem longaque frictio corporis summa excalfacit, cutis spiracula laxat dilatatque, quibus ex causis humores in extrema corporis effusi incalescunt, extenuantur & liqueſcunt, qui demum sponte sua dissipantur & euaporant. Vnctio calida eadem, sed aliquanto validius confert. Altius siquidem penetrans non modò cutem emollit, verum etiā corporis interiora & humores cōtagione calfacit, extenuat, disperditque. Leuior tamen est vnctio & tolerabilior frictione longa. Illa quidem in acutis morbis, longa verò neque in acutis, neque in crescentibus est ex vsu.

His mihi concludenda videtur de venæ sectione deque omni vacuatione vniuersali suscepta tractatio, quam idcirco paulo pleniorē institutioni vt omnia complecterer, quæ in hanc rem pertinent, & quæcunque veterum scriptis ambigua sunt aut controuersa, perspicuam lucem acciperent. Quæ si cui vix licet omnia ad vnguem ipso medendi vsu complere, conandum tamen est, vt ad illa tanquam ad certam legem & regulam opus omne dirigat.

25

LIBRI SECVNDI THERAPEVTICES,
de venæ sectione, Finis.

Ff ij De

De purgandi ratione,

LIBER TERTIVS.

Quid purgatio, quótque eius differentia.

Cap. I.



PURGATIO, est eorū quæ sola qualitate molesta sunt euacuatio. Qualitatis genere non eas solum complector quæ primæ appellantur, sed & secundas & cuiusvis substantiæ corruptionē. Nam corporis excrementa & humores superuacui quum immoderatus exuperant, non multitudine, sed qualitate peccant: quemadmodum & qui aut nimium crassi sunt aut glutinosi aut acres. Præterea tum hi, tum etiam qui propriè succi nuncupantur, si vel intemperiem, vel alienam qualitatem, vel corruptionem sortiti sunt, qualitate peccant, & cacochymia nomine continentur. Quum igitur hæc vitia à naturali cōstitutione eousque iam recesserunt, ut neque victu neque alteratione sola emendari, neque natura calorisque beneficio in pristinam bonitatem reduci possint, auferenda certè sunt, omnisque eorum materia tanquam inutilis prorsus extirpanda. Id autem purgatione fit, quæ una cacochymiam subtrahit. Venæ sectio eum fortasse vitiosum humorem qui consistit in venis, at non syncerum euacuat, sed sanguine & vili humore permistum. Purgatio verò id solum quod vitiosum est & qualitate peccat, vili relicto, nisi fortè immoderatus efferatur. Purgatio alia sponte, alia arte & medicamenti ope fit, quæ propriè appellatur medicatio. Hæc rursus duplex, vniuersalis & particularis. Vniuersalis nō quæ omnes humores, sed quæ ex vniuerso corpore aut certè maxima ex parte superuacua deducit. Particularis quæ partem quāpiam propriis vitiis expurgat, ut è cerebro per palatum & nares muci deriuatio: è pectore & pulmone excreatio: arenularum aut puris è renibus emissio: vteri per ceruicem expurgatio: & quæcunque rupta cute è quauis particula fit eruptio. Est porro vniuersalis triplex, alui perfusio, vomitio, & quæ alui nuncupatur deiectio: de quibus sigillatim accuratius differendum.

De clystere.

Cap. II.



INTESTINORVM præsertimque crassiorum vitiis aptè clyster succurrit. Eò quippe integris viribus pertingit, quò e poti medicinali vis nō nisi hebetior & longo viâ prolapsu fracta, ignior accedit. Quot igitur in intestinis vitia, tot & clysterum genera: alij dolores leniunt, alij humores acres consopiant, alij vlcera detergant

gunt aut siccant, alij fluxiones cohibent, alij euocant. Horum rursus alij flatus discutiunt, alij fæces emolliunt, alij humores eliciunt è vicinis partibus, qui purgantium genere propriè contineri solent. Nam præter flatus ac fæces cibique reliquias, non pauca etiam in intestinis cumulat superuacanea pituita, quæ nonnunquam proruit è cerebro, assiduò autem ex ventriculi, & intestinorũ nutritione vt peculiare excrementum succrescit: maximè verò quibus ex multa ingluuie aut ex glutinosis cibis magnus est cruditatum prouectus. Ea quidem initio aquosa aut etiam mucosa existit, quæ diutius in longo viæ anfractu, præcipuè verò in cæco intestino, aut in coli cellulis inhærescens, caloris vi tempore crassescit dum & vitrea & gypsea euadat. Talis interdum modò seorsum, modò fæcibus circumducta sponte redditur: plerumque tenacius intestinis adhærescit, vt neque illabenti excremento, neque medicamento cedat. Cumulata hæc copiosior, atque tum intestina, tum mesenterium inferciēs, caput, sensus corpúsque vniuersum degrauat, obstructionum multorumque morborum procreatrix. Similis est & humorum quorumlibet ratio, qui aut sponte aut purgationis vi è visceribus decussi & in intestina deuoluti, illic subsistunt & hærent. Hos ergo attingens clyster incidit, extenuat, detergit, secumque deducit: ac multa sæpe crassa detrahare cernitur, quæ nulla purgationis vis excludit. Sed & inferiora expurgans, superiora consequutione exonerat: etenim viscera pressaque præcordia liberat meliùsque spirantia facit. A clystere omnis est purgationis initiũ: hic deiectionis viã parat & expedit, vomitionis impedimẽta subtrahit. Quumq; in intestina defixi humores aliive eorum affectus sanandi sunt, flatus fæcesque clystere in primis excludendæ, vt dein sit in ipsos affectus vis efficacior. In latus dextrum decumbenti facilius celeriusque subit, sursumque excurrens intestina proluit: sinistro decubitu in recto aut in colo intestino, quod aliorum mole premittitur, plerumque subsistit. Tepens iniiciendus, idque sensim ne impetu flatus sursum magnis torminibus compellat. Adalui subductionem, quod sæpe conturbet subuertatque cibum, ventriculo vacuo indendus est: ad medicationem verò eo etiam cibis conferto admittitur, diuque cõtinendus est vt tempore vires suas potentiùs exerat. Hoc diutius subsistente potest laborans cibum sumere, aut huic etiam si volet indormire: nam postea licet non syncerus, ingenti tamen fœnore redditur. Rarènter admodum aut in ventriculum subit, aut in mesenterij venas rapitur, licet odore vel sapore os narẽve feriat, aut etiam vrinas inficiat. Qui naturæ conueniens pro alimẽto subditur, absorbetur interdum si longa fuit inedia aut parsimonia cibi. Sæpe etiam quum vehementes cruciatus quales colici ac nephritici torquent, subsistit ac manet sursumque repit. Dolor enim omnia quasi absorbens vacationem cohibet. Ferè tamen remorantem clysterem acrior alter aut glans reuocat.

Glans clystere longè ignauior est, nihil quippe eorum eluit aut sanat, quæ intestina afficiunt, sed aluum duntaxat idcirco mouet, quòd acrimo-

nia podicem ad desidendum stimulet. Crebrior hæmorrhoidas irritat & aperit, acriorque vlcus interdum excitat. Ad podicis vitia solent omnis generis componi, adstringentes, detergentes, lenientes, prout affectus conditio poscit.

De vomitione.

Cap. III.



VOMITIO, est impetu ventriculi sursum facta reiectio. Quum immoderato potu ventriculus fluctuat, redundans humor plerumque sine sensu per gulam in os refluit, crebraque expuitione redditur. Lumbrici quoque interdum ex intestinis per vetriculum & gulam in os surrepūt: atque in nausea & cordis dolore tenuis aqua è ventriculo confertim in os cōfluit. Hi motus omnes tamen si sursum præter naturam fiunt, nondum tamen possunt vomitionis appellatione contineri, sed qui duntaxat manifesto ventriculi conatu obtigerint. Vt enim vterus in partu collectis vndique viribus sese arctissimè summis partibus adstringit quò foetum excludat: ita & ventriculus rei noxiæ iniuria lacessitus compresso fundo totus sursum impetu fertur, vomitione quicquid infensum est excutiēs. Motus hic omnium est naturalium manifestissimus, quo & ventriculus de propria sede exiliens, assidentes partes quibus annectitur magna vi diuellit. Hinc vomitio difficilis violentaque est, aliis tamē magis, aliis minus. Quibus pressum angustumque pectus, & quibus ceruix gracilis & oblonga, ij raro ac certè violenter vomunt: facile verò & occasione leui qui contrario sunt habitu. Violenter rursus & periculose, asthmatici, tabidi, & ij quos præcordiorū inflammatio aut dolor exercet: metus enim est aut suffocationis, aut cruentæ expuitionis, aut ruptionis, quæadmodum & in motu omni vehementiore. Crebrior difficilisque vomitio vetriculum, præcordia & quæ sub his sunt viscera, crebra validaque concussionem debilitat, eoque humores rapit impuros: caput implet sensusque degrauat & offundit. Quæ verò facilis & moderata obtigerit, saluberrima est & purgationum omnium præstantissima. Noxios quippe humores ex ipsis fontibus synceros elicit & vacuat, omnem quæ in ventriculi capacitate in eiusve tunicis hæret illuuiem, in primis expurgat, è præcordiorum membranis, è cauis iecoris ac lienis, & ex pancrea omnis generis superuacuos humores synceros elicit, quos plerumque nec hiera nec aliud vehementissimum vllum etiam frequens pharmacum in aluum exturbare potest. In ventriculum enim ex his locis viæ breues ac expeditæ magis quam in aluum directæ sunt, per quas facilis est vomitio. Quanquam autem primum ab interioribus euellit, consequutione tamen caput reliquumque corpus leuat. Quocirca omnibus opitulatur affectibus, qui à præcordiorum impuritate ortum acceperunt, languenti appetentiæ, nausea, cibi fastidio, crebræ vomitioni, ventriculo præcordiisve distentis, ictero, cachexiæ, febribus intermittentibus, hemicranæ, vertigini, incubo, epilepsiæ, suffusioni, omnibusque capitis affectibus, qui præcordiorum sympathia

thia contracti sunt, & quos è præcordiis in reliquum corpus effusa impu-
 ritas protulit. In quocunque igitur affectu languescit appetentia, & nau-
 sea vomendique desiderium fatigat, si pharmaco non satisfit, vomitione
 curandum. Nam quæ purgatio non eluit, extirpat vomitio, & quæ illinc
 5 non facile labuntur in aluum, promptè in ventriculum remeant. Tâti igitur
 vomitionis vis æstimanda. Cui autè ægrè ea cietur, diligens adhiben-
 da est præparatio. Quum enim vel ex corporis conformatione, vel ex hu-
 moris situ & crassitie, vomendi conatus angere solet, ac faciei oculorum-
 que rubor, capitis tensio, sudor multus, & interceptus spiritus obtingere,
 10 idque citra vacationem ullam, non nisi adhibita præparatione vomitio
 tentanda. Primum igitur attenuandus detergendusque humor, atque iis
 viæ molliendæ & laxandæ sunt, quæ posthac traduntur. Corpore autem
 conuenienter preparato, quum vomendi necessitas premet, addendus sti-
 mulus vt artis & naturæ concursione effectus edatur perfectior. Ferè qui-
 15 dem ieuinos nausea vomendique desiderium premit, quum exinanitus
 ventriculus noxiorum humorum incurfione infestatur. Nam pastis beni-
 gnitate cibi noxius humor demulcetur leniturque nausea. Sæpe verò no-
 xius humor vetriculum stimulat cogitque cibum vomere, nec tamen ipse
 prodit. Itaque synceri humoris superuacui vomitio ieiunis maximè cien-
 20 da: quanquã tum leuiusculus cibus pharmaco præmitti potest, vt facilior
 succedat vacuatio. In id etiam corpus turbandum agitandumque est mo-
 tu & exercitatione. Atque quum oborto cordis dolore illuies copiosior
 effluens laborantem vrget, prono situ collocandus firmato capite & ven-
 triculo manu compresso, dum primum cibus & pituita, deinde bilis varia,
 25 quantum necessitas postulat eruperit, omnisque impetus sedetur. Si vio-
 lentior vomitio nimio opere fatigat superueniatque vertigo, æstus, angu-
 stia, suffocatio, cordis aut ventriculi cõpunctio: aut si immoderatiùs exu-
 perat atque vel succos vtiles vel sanguinem elicit, vel ramenta, vel nigrum
 quiddam fœtidum, atræ bili persimile, lenienda certè & compescenda:
 30 atque in quiete continendus est laborans, ventriculus fouendus spongia
 macerata in aceto tepente, atque iis etiam firmandus quæ posthac dicen-
 tur. Quumque sedata vomitione pulsus plenus & validus existit, placidus
 somnus sponte obrepit, facilis & libera est respiratio, appetentia bona re-
 liquumque corpus leuius, vtiles ea cenferi debet & consentanea. Contra
 35 verò inutilis & noxia, si contraria appareant.

De purgantium medicamentorum viribus, ac primum vt
 vnumquodque familiarem humorem totius substantiæ
 similitudine deducat.

Cap. IIII.

40 **P**URGANS medicamentum humorem communi quodam om-
 nium tractu prolicere non pauci censuerunt, eiusque portione
 detracta aliam dein consequutione quadam, ei quæ euacuata sit
 succedere, idque ne vacuum quicquam & inane in corpore sub-
 sistat.

Ff iiij

sistat. Neque medicamentū vnum quempiam humorem, sed omnes promiscuè hirudinis aut cucurbitulæ modo trahere, cum tamen qui tenuior & ad fluendum aptior sit, primū sequi, ab hoc deinde crassiorem, postremo crassissimum: atque si medicamentum infirmum & inualidum erit, nihil præter serum vacuari, si validius, cum hoc etiam bilem flauam, sin va-
 lentissimum, tum pituitam, tum bilem atram. Huic sententiæ suffragans Auerrhois putauit tenues humores quia purgationi aptiores, prius quàm crassos omni medicamenti genere prolici. At si satis rerū peritus animaduertisset rheumbarbarum, agaricum atque sennam, etiam ex hydropico corpore non aquam, sed crassos humores: scammonium verò & iridem
 nō crassos, sed tenues serosōsque vel ex corpore sano elicere, nō tam turpi credo errore lapsus esset. Si vacationis ordine tenuia semper ceteris antecedunt, cur non & sanguis prius quàm bilis atra defluet, quē constat multo tenuiorem esse? Hæc opinio dum vnicum medicamenti genus sola pro vacuandi ratione quantitate mutatum satis fore humoribus omnibus
 expurgandis statuit, perturbato rerum ordine summam confusionem inuehit. Hæc incommoda circumspēctius animaduertens Hippocrates, rectè nouit medicamentum humorem qui in corpore præter naturam continetur attrahere, non communi & promiscua quadam vi, sed totius substantiæ similitudine insitæque familiaritate. Medicamentum (inquit) quū
 in corpus fuerit ingressum, primū sanè id quod omnium maximè sibi natura respondet atque simile est deducit, deinde alia quoque trahit & purgat, quemadmodum semina & stirpes terram ubi subierint, id quod in terra secundum ipsorum naturam est, sibi attrahunt, siue acidum, siue dulce, siue amarum, siue salsum, siue aliud quidpiam diuersum. Primū igitur
 eius quod sibi naturali similitudine coniunctum est plurimum attrahunt, tum cetera deinceps attrahunt. Talem quoque modum & medicamenta in corpore seruant. Etenim quæ bilem mouent primum hanc meracissimā purgant, deinde mixtam. Quanquam igitur attractio aliàs caloris, aliàs vacui & inanitionis vi, aliàs totius substantiæ similitudine fit, quæ
 tamen à medicamentis purgātibus est, vna similitudinis proprietate completur, qua & stirpes succum è terra sibi idoneum, & vnaquæque corporis particula id quod in sanguine sibi familiare & conueniens est, & lapis heraclius ferrum, & paleas succinum prolecat. Hæc autem similitudo nō temperamentorum, sed substantiarum est. Illa quippe attractionis causa
 statui minimè potest: quandoquidem nullum medicamentum esset trahendæ pituitæ idoneum, quum illa frigida, vniuersum verò purgantium medicamentorum genus calidum habeatur. Ergo sola substantiæ similitudo causa est cur medicamentum hunc illūve humorem alliciat. Hæc autem substantia nō ipsa est rei materia, à qua vnumquodque aut tenuis aut
 crassæ substantiæ dicere solemus: neque huius substantiæ similitudo attrahendi causa existit: nā neque agaricus, neque colocynthis tenuis substantiæ quum sit crassiorem pituitam, neque rheumbarbarum quod astringē-
 tis

tis & solidæ crassæque substantiæ, tenuem bilem educeret. Sed præstantior est tota illa substantia, à qua tanquam ab intimo principio defluit & manat, quæ totius substantiæ proprietas appellatur. Hæc igitur cum neque materia sit, neque temperamētum, necesse est rei species & forma sit, quæ præcipua est ac ferè tota compositæ rei substantia. Admirabiles eius proprietates neque colore, neque sapore, neque odore, neque vllis sensuum qualitatibus, sed operibus solis percipi possunt, vnde à plerisque cæcæ & occultæ nuncupatæ sunt. Quæ porro eadem continentur specie, substantiam non similem, sed planè eandem habere dicuntur: vt ferrum ferro, magnetem magneti, non simili, sed eadem substantia dicimus. At verò magnetem ferro similem, non eundem, quod eorum substantiæ ac formæ affinitate quadam & familiaritate coniunctæ sint. Eadem in medicamentis quoque est ratio: censeturque agaricus pituitæ tota substantia similis. Ea autem substantiæ similitudo attractionis est causa, atque vnumquodque id trahit quod simile, non quod eodem est genere. Sic agaricus pituitam, non agaricus agaricum trahit, nec pituitam pituita. Itaque perperam Auicennas colligit, si attractio fit à similitudine substantiæ, oportere ferrum attrahere ferrum, aurumque aurum. In hac autem similitudine quod validius est trahit infirmius, vt agaricus pituitam, non cōtrā, quod agarico vis insit potentior, quam & temperamenti calor plurimū impellit. Si quando autem contingat tam exiguum medicamenti portionem exhiberi, vt ab humoris copia obruatur, ea omnino frustrabitur purgandi facultate, & in alienam vertetur substantiam. Vfus enim tres notauit purgantium medicamentorum ordines. Vnus est malignorum, in quibus vis & substantia inest venenata, in quo habetur colocynthis & scammonium. Alter benignorum, quæ minimum ab alimentum natura defecerunt, cuiusmodi sunt pruna, violæ, manna, serum lactis, casia medulla. Tertius mediocrium, in quo sunt rheumbarbarum, agaricus, senna, aloë. Itaque in corpore valido atq; inedia exhausto, benigni medicamēti exigua portio in corporis substantiam facessit: maligni verò portio vel exigua in putredinē veneno finitimam: mediocris in humorem vacuandum, qui ex superuacaneorum est genere alendo corpori minimè idoneus. Licet igitur agaricus calidus sit, verti tamen nihilo minus potest in pituitam, vtpote qui quemadmodum & cnicus tota substantia non temperamento pituitosus sit. Hac rerum commutatione temperamenti qualitates pereunt, permanente substantia.

Purgans medicamentum nonnunquam alium quàm proprium & sibi familiarem humorem extrahere ē corpore.

Cap. V.

40 **A**PTAM vtilēque purgationem efficiunt medicamentum accommodatum satisque validum vt humorem exturbet: natura robusta quæ proritantem humorem expellat & purgationem moderetur: humor tenuis & ad fluendum aptus: corporis viæ per

per quas fluxurus est patentes & liberę. Si quid horum desit, aut languida, aut inutilis erit purgatio. Inutilem dico quę vel alieni est humoris, vel effrenata existit. Quum igitur vacuandus humor corporis parte densa, adstricta, vel obstructa coërcetur, neque huic purgationis vię patent: aut quum vel nimium glutinosus crassusque est, vel crudus aliisque humoribus omnino permistus, vel in longinquas partes dissectus: tamen si natura valens conuenienti medicamento proritetur, languida tamen aut inutilis succedet purgatio. Languida quippe ac imperfecta eius humoris qui vacuandus erat: inutilis verò alterius qui paratior occurrerit. Medicamentum enim quod proprio humore frustratur, quemuis obuium & paratiorē impetu adoritur atque exturbat, eum scilicet qui aut ad fluendum est aptissimus aut immodicè exuperat, aut in via purgationis subsistit. Is enim quouis medicamenti genere impulsus excidit, vt qui sponte etiam interdum elabatur. Id sanè commonefacit Hippocrates. Si enim (inquit) eidem homini idem medicamentum quater in anno voles exhibere, hyeme pituitosissima tibi euomet, vere liquidissima, æstate biliosissima, autumnō nigerrima. Quum ergo melancholicus humor crassus, sanguine permixtus fortè irrepsit in cerebrum, licet medicamentum huic ducendo validum offeratur, potius tamen quàm hunc eam detrahet pituitam quę in ventriculo & in intestinis solet inhærescere: aut etiam bilem quę seorsum pura atque tenuis vel nimia copia, vel corruptela naturam extimulat. Cacochymiam igitur in venis conclusam, aut in corporis habitum effusam, vix medicamentum (nisi fortè validissimū) detrahet, quod quę circa ventriculum, circum viscera primasque venas consistunt in primis occurrant expurganda. His ex causis nonnunquam accidit vt purgans medicamentum non proprium & peculiarem humorem, sed diuersum plerumque exturbet. Quinetiam si effrenata vis eius fuerit, alienum quoque trahet: tum quippe natura vel grauius lacescita, vel iam imbecillitate languens, neque medicamenti vim, neque humoris impetum coërcere potest. Effrenatę & immodicę hæ sunt purgationes, ὑπερβολικαὶ Græcis appellatę, quibus non modò peculiaris humor, sed & reliqui deinceps profluunt. Etenim violentius medicamentum proprio humore detractō, in alios dein inuadit, ac primū tenuiorem ad fluendumque aptiorē prolicit, deinde eum qui crassior atque pigrior sit, postremō sanguinem, quę natura tanquam reconditum thesaurum auidius amplexatur ac retinet. Cholagogum exempli gratia in primis bilem, deinde pituitā, tertio loco atram bilem, postremō sanguinem euocat. Phlegmagogum primū pituitam, deinde flauam bilem, postea atram, nouissimū sanguinem. Melanagogum atram bilem primū, deinde flauam, tertio pituitam, ad postremum sanguinem naturę familiarissimum. Effrenatio ea & purgationis exuperantia fieri non potest totius substantię proprietate, quod nullū medicamentum possit omni humori substantiam similem habere. Hanc non pauci ad medicamenti calorem & acrimoniam referūt, quę tum venarum

narum oscula patefacit recluditque, tum continenter adeò proritat, vix ut humorem suum coërcere possint. Verùm si hypercatharfeos ea causa sit, allium, pyrethrum & piper purgandi facultatē sortientur. Quocirca præter peculiarem, quæ sua est cuiusque, necesse est generalem purgandi vim medicamento attribui, qua in alios quoque humores incumbat, eosque communiter euacuet. Compertum sit in Dione purgandæ bili flauæ iustā congruentēque quantitatem esse rheibarbari drachmas tres: atræ bili, fennæ drachmas sex: pituitæ, agarici drachmas tres. Consilium sit triplex humoris genus expurgare, in idque medicamentum componere & accommodare: aptum id efficacēque cōparabitur si cuiusque triens cōferatur, & rheibarbari drachma vna, agarici drachma vna, fennæ drachmæ duæ permisceantur cōfundanturque. Quod hac ratione compositum foret, nullam vim obtineret, nisi communi quadam & generali purgandi facultate simplicia illa mutuò se fouerent. Neque enim drachma vna rheibarbari quicquā bilis purgare potis esset, neque drachma vna agarici pituitæ, neque fennæ drachmæ duæ, melancholiæ quicquam: neque igitur permixta illa, nisi mutuas operas conferrent. Simile enim hīc accidit atque cū multi nīsu communi graue quoddam onus attollunt. Itaque præter propriam, necesse est & generali vi purgandi medicamentum vnumquodque præditum esse, qua cū nimia purgatio erit, alios etiā humores detrahet, idque adiutum calore & acrimonia.

Purgantis medicamenti facultatem à nostro calore excitari, substantiam verò ad expurgandum humorem corpus non permeare.

Cap. VI.

25

PROPRIETAS peculiarem humorem expurgandi è tota medicamenti substantia & ex intimis principiis manans ac defluens, illi non energia & reipsa, sed duntaxat potestate inest. Etenim si scammonio synceræ bilis portio propius assistat, non hāc quemadmodum magnes ferrum alliciet, sed duntaxat quum à nostro calore excitatum prorūpet in actum & ad agendum impelletur. Dum enim ventriculi calore medicamentum teritur, calefit, omnique ratione exagitur, tacita eius facultas quasi solutis vinculis exurgēs se promit profertque vires nouas. Ac tum vapor ea ipsa facultate præditus illinc prosiliens, per ceteros occultosque ductus in omnes corporis partes quoquouersum effusus, ad noxium humorem pertingit. Atque is humorem iamdiu fortasse parti consuetum ac quiescentem, acrimonia incidit præparatque, & aduersa qualitate partis naturam acrius stimulat proritatque ad excernendum. Ipsa verò medicamenti substantia in ventriculo intestinisque etiamnum persistens, eum ipsum humorem simul prolecat, ut purgatio communiter fiat trahente medicamento, & expellente partis natura. Non igitur pharmaci substantia ad eum humorem concedit ac permeat, qui vacuandus est, vel hoc argumento, quod plerumque aluo soluta medicamentum in ventriculo

culo subsistat, aut etiam vomitione reiiciatur, quòdque pilulæ duriores posteaquam abundè purgassent, visæ sint nondum dissolutæ, aliàs vomitione, aliàs deiectione reddi. Hinc Paulus præcepit lathyridis grana integra vorare si imbecillus est stomachus, eaque etiam si minimè atterantur, minimèque in corpus permeet, validè tamen purgare. Si, inquit Serapio, ^{le} medicamentum ad humorem longè dissitum accederet, illi familiaritate iungeretur, neque eum cuius iucunda voluptate perfruitur, detraheret aut exturbaret, quemadmodum neque magnes ferro iunctus id ipsum aliò trahit, sed planè retinet ac feruat. Et hæc quidem consentanea iis sunt medicamentis quæ maligna dicuntur, & in quibus vis inest venenata: totique ¹⁰ corpori infensa. Nam quæ in mediocrium sunt ordine, ut senna & rheubarbarum, quanquam dum agunt, magna ex parte subsistunt in ventre, eorum tamen tenuior quædam portio irrepit in venas, vacuadumque humorem assequitur, illiusque tum color tum odor manifestus in urinis est. Benigna verò medicamenta in omne fortasse corpus peruadunt, & noxiū ¹⁵ humorem quasi vinctum reducunt in ventrem. De quibus ita censuit Aristoteles, Medicamēta ubi ventrem adierunt resolutaque sunt, statim ad ²⁰ venas per easdem feruntur vias per quas cibus commeat. Mox quum nihilo ^{le} concoqui potuerunt, sed victrice perstiterunt potentia, relabuntur, & quæ sibi obsistunt, secum detrahunt, quæ res purgatio vocitur. Venter porro ²⁵ selectum secretumque humorem ubi pariter cum medicamento excipit, gemino stimulo acrius laceffit, quum diutius ferre non potest, totis viribus utrumque excutit, dum à se deponat expellatque per loca cōuenientia. Non igitur quem humorem attraxit medicamentum, eundem exigit, forasque excludit vomitione aut deiectione, prout scilicet ipsius vis insita ³⁰ in ventriculum aut in aluum irruerit, sed natura sola. Neque enim hinc solum vomitio obrepit, quòd medicamētum in ore ventriculi inhærescat, idque infirmit: neque alui deiectio quòd in ventriculi fundum & in intestina id mox illabatur eaque debilitet, sed quòd medicamento proprietas ³⁵ insit, qua familiarem humorem non ad se modò, verum etiam ad certum designatumque locum impellit ac mouet. Ut enim cantharides scapulis brachiove admotæ, non solum ad se aqua alliciunt, sed & urinas abundanter cient, quò tamen eorum substantia minimè penetrat: sic propemodum medicamenta quædam extrinsecus ventri applicata aluū subducunt, quædam vomitionem mouent. Quanto igitur expeditius eorum sumpta ⁴⁰ stantia, etiam in ventriculo aut in intestinis consistens, purgandi vires obtineat exeratque?

Per quos ductus medicamentum humorem detrahat.

Cap. VIII



⁴⁰ VI porro expurgatur humor ferè per apertos cōspicuosque ductus traducitur, & à corporis ambitu in venas refluit minores, ab his in maiores, è quib⁹ per iecur in intestina deuoluitur. Cæterum

terum in violenta purgatione humores non per hos solum, verumetiam per cecos occultosque ductus, vel ab extremo corpore magna perturbatione confluunt in ventrem. Extincto animante ampliora duntaxat vasa & spiracula cernuntur, plurima in se confidunt atque coniunt, quæ dum id in viuis erat, vi caloris & spiritus distenta latius patebant, per quæ non modò tenues, sed & crassos glutinososque humores validioris medicamenti vi deduci putandum. Sic hydropicorum aqua ex ingenti capacitae abdominis aut in intestina rapitur, aut in vesicam remeat: sic multa plerumque & è pulmonibus, & è cerebri ventriculis, neque tamen per venas, neque per manifestos ductus in ventrem illabuntur. Sic & varij artuum articulorumque tumores, non œdematosi modò, sed planè scirrhusi aliàs in aluū, aliàs in os lenta salua deriuantur ab illitu hydrargyri, cuius vi colliquantur omnia & è toto corpore in os impetu feruntur: sic denique valentiores apophlegmatismi non è cerebro solum, verumetiam è ventriculo aliisque partibus pituitam eliciunt, ea interdum copia, quæ neque cerebri ventriculis, neque totius caluæ capacitae contineri queat. Horum nihil mirum videbitur, ei qui præter rerum euentus, Hippocratis quoque sententiam spectabit, quæ is corpus intrò forasque spirabile statuit, & naturam quæ præsertim robusta validaque sit, semper viam moliri expurgandis superuacaneis, crassiorisque materias vel per angustissima foramina deducere, quin etiam per ossa abscessus fieri confirmat: quemadmodum & empyorum & pleuriticorum crassus humor per densam membranam traducitur in pulmones ac demum tussi reicitur. Hæc si natura per se facit, multo certè maiora & admiratione digniora molietur adiuta trahentis medicamenti vi, præsertim si conuenienter præparatum corpus, atque humor ad fluendum comparatus est. Itaque purgantis medicamenti quod validum sit facultas in omne corpus subiens ac penetrans, humorẽ familiarem (qui coërcitus non sit) vndique detrahit, non modò amplis patentibusque, verumetiam occultis viis, & sensibus incompertis. Hæc de vniuerso purgantium medicamentorum genere, deque viribus eorum præmittenda videbantur. Nunc verò particulatim medicamenti species querenda, eiusque quantitas & vtendi ratio: quod vt accuratius exequamur, explicandum quibus morbis conueniat purgatio, quod cuique adhibendum purgationis genus, clyster an vomitio, anve medicatio: quæ medicamenti species, quæ validum & quo id ordine: vniuersè an partitè: deinde quantum & quousque vacuandum sit, & qua id ratione faciendum. His enim tota cõpletur purgandi tractatio.

Quibus humorum vitiis, & quibus morbis adhibenda purgatio.

Cap. VIII.

40



ACOCHYMIA proprium accommodatumque remedium, est purgatio: quicquid enim impurum adeò corruptumque est, vt omnino naturæ limites transcendat, quoniam arte nulla emendari

Gg dari

dari benignumque reddi potest, prorsus extirpari eximique debet. Hoc autem purgatione præstandum, quæ una omnem impuritatem seorsum ex quavis corporis sede subtrahit & vacuat, ex hac quidem promptius ac expeditius, ægrius tardiusque ex alia. Primæ regionis cacochymia purgatione sola commodè vtiliterque demi potest: & quæ in intestinis est cly-
 5 ftere: quæ circum ventriculum & præcordia, vomitione: vtraque etiam pharmaco, sed maximè quæ aut in liene, aut in iecoris cauo, aut in pâncrea, aut in mesenterio, aut in abdominis capacitate consistit. Ex his quippe sedibus viæ breues sunt ac directæ, per quas facillè ea ferri potest in aluû, quò sponte etiam interdum prona ruit. Venæ sectæ vis eò vix vnquam pertin-
 10 git, neque hinc humores vacuat: sed graui sanè dispêdio naturæ ordinem peruertit, qui impuritate derelicta purum syncerumque sanguinem profundit è venis: quique venas sectione exinanitas implet fœda illuue raptæ è primis sedibus, quæ quasi sentina est omnis impuritatis. Quis quæ-
 15 so adeò rudis in medendo sit, vt aut ventriculi cruditatem, aut lenteriam, aut dolorem colicum, aut lienis scirrhum, aut choleram, aut hydropem, aut his affines affectus audeat aut tentet venæ sectæ curare? Quinetiam venarum cacochymia sola purgatione, non phlebotomia eximi tota potest: permittitur tamen in hac plerumque venæ sectio, quum tam copiosa ac-
 20 creuit, vt venas supra modum distendens, pericula minetur, quæ ex immoderata impendent plethora, tum enim ad exuperantiam demendam adhibetur. Deinde quum ex ruptis, apertis, aut exesis vasis, vel foras ea profluit, vel in partem quampiam abscedit: etenim reuellit impetumque sistit. Tertio quum metus est ne ea concitata vehementius & quasi furore corpus
 25 exercēs, in principem aliquam partem feratur: impetum quippe sedat atque compescit. Nonnunquam & citra hæc, quum præceps est morbus, cuius tamen materia in venis conclusa aut cruda est, aut viam expeditam non habet, per quam facillè medicamento detrahi possit, eius portionem venæ sectio promptius quàm purgatio demit, à qua & morbi sæuitia sæpe mite-
 30 scit, & natura quod reliquum est facilius coquit. Sic initio cōtinuarum febrium, si vires ferant, nec venæ nimium exinanitæ sint, sanguis mittitur. Caterum quæ in his fit venæ sectio, impuritatis quidem portionem elicit, at minimè synceram, sed sanguine permistam: nec vlla potest phlebotomia omnem venarum cacochymiam eximere, nisi fortè sanguinem vni-
 35 uersum profundat. Nam vitiosus humor æquabiliter sanguini permixtus seorsum profluere non potest. Quocirca licet his ex causis aut necessaria, aut vtilis fuerit venæ sectio, adhibenda tamen est tandem & purgatio, quæ vt proprium remedium reliquias detrahat. Ea porò cacochymia, quæ vel partis alicuius substantiam vel corporis habitum occupauit, medicamen-
 40 to in primis non venæ sectione ducenda: deinde quicquid reliquum fuerit, per cutis spiracula, aut per ductus peculiare mouendum. Sic exhaurienda est cerebri pulmonumve crudior pituita, sic & totius corporis cachexia. At verò in cacochymia quæ regiones multas æquabiliter infestat, vndeli-
 bet

bet vacationem auspicari licet. Vt si vel ab vniuersa obstructione, vel à
 stipatione cutis, vel à vigiliis, labore, æstu, ira, pestilentia, vel ab aliarū eui-
 dentium causarum immoderatione, omnium humorum putredo corpus
 æquabiliter inuasit, non magni interest à purgatione an à venæ sectione
 5 vacationem inchoës, quanquam tutius primæ regionis præmittitur pur-
 gatio. At quum inæquabilis est cacochymia, ea in primis exhaurienda re-
 gio, quæ aut vehemētius premitur, aut aliis mali initium dedit. Iam ve-
 rō à causis ad morbos ex cacochymia ortos me conferam. In continua fe-
 bre quæ æstu magno & lassitudine fatigat, si neque nausea, neq; vomitio,
 10 neque primarum venarum cruditas est, protinus initio vena secari potest.
 In ea verò quæ aut ex ventriculi, iecorisque constitutione praua, aut ab e-
 sculentorum potulentorūque vitio proficiscitur, quoniam infima regio
 prius ac etiam magis impuritate sordescit, ex eaque in venas & in habitū
 corporis vitium irrepsit, expurganda in primis est, utpote sine qua cætera-
 15 rum nulla purior euadat. Hac etiā ratione in cachexia, in leucophlegma-
 tia, in hydrope, in ictero, atque in aliis plerisque affectibus, quorum im-
 puritas è iecoris aut lienis vitio corpori toti impertitur, purgatione sola va-
 cuandum. Nec quoties vrinæ crassæ ac rubicundæ cernuntur, temerè im-
 peranda venæ sectio: nec si ex hac sordidus sanguis ac impurus emanat, cō-
 20 tinuò utilis putāda. Impuro enim mox impurior alius ex ipso fonte affluit.
 Non igitur è riuulis, sed ex fonte ipso exhaurienda mali scaturigo: cui nisi
 sit antè prospectum, vix cæteris dein potest arte succurri. Vt autem in his,
 ita & in febribus intermittētibz etiam atque etiam obseruādum, ne vel
 confusis vel transmotis humoribus corpus euadat impurius. Nam febres
 25 tertianæ quarum causa in iecoris cauo inhærescebat, sepe intempestiuè se-
 cta vena in continuas abiēre: & continuæ in quibus admodum impura e-
 rant viscera, non parum exasperatæ sunt. Exhausto enim sanguine impu-
 rus humor, quauis sede sit derelictus, efferatur ferociusque sæuit. Aliàs bi-
 lis flaua circum iecur, aliàs pituita, vel in cerebro, vel in pulmonibus, vel
 30 in ventriculo, quasi subsultans detractō sanguine deiectisque viribus gra-
 uiora profert symptomata. Cōstare hinc iam potest, quibus humorum vi-
 tiis & quibus morbis succurrat accommodata purgatio.

Per quas vias instituenda sit purgatio, quo medicamento
 genere, & quā valido. Cap. IX.

35



vo præcipuè sunt quibus purgationis via indicatur: vitij sedes,
 & naturæ motus seu inclinatio. Sede perspecta in promptu sunt
 ductus omnes, qui ex ea aut per vetriculum, aut per aluum, aut
 per aliud quoduis emissarium foras pertinent, per quos scilicet
 40 natura libera nec impedita, vitia sua expurgare consuevit. Hi sunt quos
 Hippocrates conuenientes appellat. Venter quidem, & præcordio-
 rum summæ partes vomitione: intestina maximèque crassa alui profu-
 sione: pharmacacia verò cū hac ipsa, tum maximè viscera & venæ habi-
 tisque

tusque corporis commodè expurgantur. Renes & vesica per vrinæ vias: vterus per propriam ceruicem: cerebrum per palatum & nares: corporis summa per cutem halitu & sudore. Si fortè purgationis vias morbus intercipit aliò motum conuerter: nunquam enim humor noxius in affecta sedem est deriuandus. Quocirca neque imbecillo vetriculo cienda vomitio, neque in intestinorū vlcere, aut inflammatione, bilis eò deuocāda, sed aliorsum reuellenda: neque renibus inflammatis aut exulcerata vesica ad vrinas, sed ad intestina vitiosus humor conuertendus. Motus verò ac impetus naturæ sic obseruandus. Humor noxius per conuenientes regiones atque vias delatus sinēdus est: atque etiam si segnius progreditur, incitandus, fit enim natura duce, quæ nihil perturbatè, nihil nisi vtiliter gerit. Qui verò insueto nec naturali cursu fertur, inhibendus, & in breuem rectumque tramitè (si commodè licet) reuocandus, vt qui humoris impetu & impedita natura symptomaticè fiat. Iam verò medicamenti genus ex humoris genere petendum. Quot enim peccantium humorum, totidem & 15 medicamentorum genera vsus notauit, vt singulis accommodaret singula. Alia pituitam, alia bilem flauam, alia atram detrahunt, sanguinis serum alia: & in vnoquoque genere alia ex aliis partibus. Ita enim quum arquato laboranti & flaua bile suffuso medicamentum datur demendæ huic accommodatum, mox totus in habitum naturalem refertur pristinumque colorē recuperat. Si aqua subter cutem fusa turgido medicamētum huic ducendæ propinetur, aquosus humor excidet magnāque vi foras erumpet, subsidente ventris tumore. At verò nullo aut minimo emolumēto erunt, quæ diuersa humoribus non accommodabuntur. Simili quoque ratione quum vel pituita, vel bilis atra molesta est, si suum cuique medicamētum 25 congruenter afferatur, noxium humorem experimur detrahi, laboratēque vindicari à morbo. Ad hunc igitur modum medicamentorum genera ex humorum differētiis distinxit vsus, vt suam cuique purgationem opponeret. In vnoquoque porrò medicamenti genere tum in eo quod bilem, tum in eo quod pituitam, vel alium quēuis expurgat humore, quā 30 validum aut imbecillum deligi oporteat, noxij humoris situs ostendet. Vt enim non quālibet secta vena, ita nec quodlibet medicamentum è quouis corporis loco humorem detrahit, sed alia aliis corporis sedibus expurgandis accommodatiora sunt. Mitiora quippe è prima corporis regione, mediocria è vasis maioribus, valētiora è corporis habitu ex singulisq; par- 35 ticulis euocat. Expedita facilisque purgatio est è vetriculo & ex intestinis: difficilior è venis mesenterij, deinde è iecore & ex liene, multo difficilior è vasis maioribus atque etiā è minoribus, omniū verò difficillima ex ipsa partiū substantia quæ ad summā cutē atque articulos accedūt. Quo enim pars quæq; distātior & minus venis cōspersa, eo difficilius medicamēto ce- 40 dit: maior quippe in propinquū vis est quā in distās. Vt igitur tres corporis regiones limitib⁹ discrete sunt, ita & purgatiū medicamētorū tres hīce ordines accommodantur. Deinceps de medicamēti quātitate statuendum. Vt

Vt medicamenti quantitas definienda sit. Cap. X.

POST QUAM medicamenti genus ex humoris specie, & quàm
validum ex humoris situ cognitum fuerit, æstimandum deinde
qua id quantitate offerri debeat. Sua autem est & definita cu-
iusque quantitas, qua id cōuenientē atque moderatū purgatio-
nis modum præstare solet, vt proximo libro enucleatiùs tradetur. Quati-
tatē vel augere vel minuere pro purgādi facilitate difficultatēve cogimur.
Quando autem facilis & quādo difficilis sit futura purgatio, corporis, hu-
moris, atque cœli status ostēdit. Corporis statu cōtinentur tēperamentū,
habitus, structura, atque cōstitutio & vacuādi cōsuetudo. E sicco exuccō-
que corpore atque macilento pauca detrahi possunt: multa ex humido &
ex habitu eufarco. Firmū densūque corpus, cuius viscera, venæ, ipsæque
intestina naturā angusta aut obstruuntur facillē, aut coarctantur, superua-
cua retinet, nec facillē elabi finit. Molle verò, rarū ac laxum, quale mulie-
rum est, puerorum & otio diffluentium patentius est, per quod concitati,
tractique humores facillē decurrant. Robusti & laboribus assueti leuiuscu-
la aspernantur medicamenta, quemadmodum & quibus sensus est hebe-
tior. Contrā incitantur facillē qui exquisitiore sunt sensu, & qui vel natu-
ra, vel morbo, vel viuēdi ratione delicatiores euaserunt. Crebris purgatio-
nibus assueti, pharmaco minus laceffuntur, insueti magis: alienorū quip-
pe horrida recordatio naturam turbans ad excernendum stimulat, quē-
admodū & pharmaci odor grauis, aut intēta cogitatio aluum plerumquē
mouet. At verò cōsuetudo familiaritatem, familiaritas amicitiam parit,
quæ vim omnem lenit. Sic longo tempore cōsueta, etiam si deteriora sint,
minus infestare solent. Quibus ex cōsuetudine liquida est aluus, aut spon-
te interdum soluitur, purgatio sæpe expectationem fallit imprudentum.
Humoris porrò species, materia atque copia medicamenti quantitatē
hac ratione præscribunt. Aquosus humor, bilisque tenuis, facillē: pituita &
melancholia pigrè defluit. Qui crassus durusque est, & quasi ardore resic-
catus, velut fixus subsistit in via. Lentus verò & glutinosus ductibus obhe-
rescit. Copiosus & quasi restagnās vt in obefulis & in his qui se crapula in-
gurgitarunt, aut quauis ex causa humorū illuuiem congegesserūt, leui medi-
camēto magna plerūque ventris perturbatione immoderatiùs profundit-
tur. Nam exuperantia reſeratis venis quasi ex pertuso dolio sponte effluit,
non medicamenti effrenata vi, sed naturæ sese deoneratis robore, quæ in-
terdum nullo etiam irritamento, sed impetu suo id onus deponit & abii-
cit. Sobriis purisque corporibus purgationes obtingunt exiguæ, nec pro-
pterea ramen validioribus ea medicamentis sollicitada sunt: quoniam qui
integrali salubrique corpore constāt, difficillē ferunt medicationes. Noxio
quippe humore destitutum vehemens medicamentū sanguinem carnē-
que colliquat, quò propriū ex ipsis humorē magna vi proliciat. Iam verò
cœli status ex regione, anni tempore, & tempestate spectandus, purgatio-
nes quales futuræ sint ostendet. Sub canicula & ante caniculam, atque in

Gg iij

regione

regione æstuosa, acer & paucus inest humor in corpore, qui & foras euocatur, vt proinde haud facilis eius possit esse purgatio. Hyems media regio- que gelida corpus densant & astringunt, humorem coarctant, qui agrè demittitur. Sic propemodum aquiloniæ tempestates corpora densant co- guntque & aluum exiccant. Austrinæ soluunt, laxant, & aluum hume- ctant. Solo igitur austrino statu, & temporum regionumque moderatio- ne felices succedunt purgationes. Hæc si omnia summatim complecte- mur, corpus siccum, robustum, densum, obstructum, purgationibus assue- tum, melancholia pituitaue crassa non admodum multa confertum, quæ inueterata longè à viis purgationis dissita concreuerit: hyeme, regione fri- gida & tempestate aquilonia difficillimè medicamento moueri soluque potest. Hisce verò contraria sortitum, facile. Horum igitur obseruatione pharmaci quantitas coniici decernique debet. Ad hanc præterea magnā vim habet roboris, ætatis, & prægnationis obseruatio, quæ non modò me- dicamenti quantitatem, sed & genus plerumque immutat, ceu mox doce- bitur. At quoniam nos sæpe multa latent nullis indiciis comprehensa, in- cognitam laborantis naturam expedit blandis sensim pharmacis explora- re, non temerè vehementioribus impetere & labefactare. Cognitis antè & exploratis naturis tuta decernetur medicatio.

Quantum & quousque vacuandum, vniuerse an partitè.

Cap. XI.



BI medicamentum & inuentū & iustis viribus & idonea quan- titate tum humori tum corpori expurgando accommodatum fuerit, purgationis postea præfinienda est quantitas, atque æsti- mandum quantum & quandiu sit vacuandum. Noxius humor quum alienus ac præter naturam sit, siue morbū præcauere, siue profligare consilium est, prorsus eximi debet. Exigua quidem eius derelicta portio, exquisita viuēdi ratione, naturæ calorisq; vi domari ac vinci poterit, vt in- tegra interdum tutaque sanitas succedat nullo metu recursuri morbi. Mul- ta tamen si reliqua sit, nisi hanc natura tandem subactam spōte propellat, nulla quantumuis exacta viuēdi lege tutus à morbo æger esse potest: nam tametsi purgatione leuatus appareat, in pristinam tamen valetudinem re- cidet, modò citius, modò tardius, aliàs leuius, aliàs grauius, pro humoris co- pia, malignitate, atque virium statu, & victus modo. Nam auctore Hippo- crate, quæ à morbis relinquuntur, recidiuos morbos facere consueuerunt. Quum enim derelicta portio totius conditionem referat, quæ omnino e- rat præter naturam, nunquam ipsa poterit in corporis substantiam conuer- ti, sed tempore synceros humores, atque etiam recens alimentum inqui- nabit, rediuiuosque morbos excitabit. Sic impura corpora quo magis nu- tris, hoc magis offendis. Itaque quicquid noxij inest humoris, id prorsus expurgandum, vt corpus à morbo vindicetur. Id autem vniuerse an par- titè fieri oporteat, humoris copia laborantisque vires indicabunt: ita enim mittendi

mittendi quoque sanguinis quantitatem ex morbi magnitudine & ex virium robore dimetitur. Constantibus viribus pauca caco-chymia vniuerse detrahi potest, præsertim si concocta sit aut tenuis, ab eaque viæ pateat in aluum. Imbecillis autem viribus non modò multa, sed & pauca caco-chymia partitè eximenda. Nò enim vel in leucophlegmatia, vel in cachexia humor quoquouersum in omne corpus effusus, potest vllius medicamenti vi ex distantissimis locis per cæcos occultosque ductus vniuersus in aluum confluere. Neque vt sanguis in plethora exuperans, semel & affatim totus ex aperta vena, ita mult⁹ humor è corporis habitu elabi proflueréque potest. Atque si id medicamēto quopiam præstari possit, necesse tamen fuerit corpus grauiter concuti, humores variè permisceri, torsiones molestas inferri, ac spiritus dissipari: hinc tandem vires concidere prosterri ac plerumque exolui. Hæc in eos ferè incidunt, qui prauo vtuntur cibo, quos purgante hausto medicamento statim deficere tradit Hippocrates. Quū enim vitiosis corruptisque scateant humoribus, & pauco perfruantur bono succo, facillè purgationibus soluuntur & fatiscunt, atque venenatis pharmacis, quæ Hippocratis seculum vsurpabat, non parum exagitantur. Neque tamen tentandum leuiorum medicamentorum quantitate immodica vniuersos semel demoliri: sed assentiendum Hippocrati monenti omnes euacuationes extremas periculosas esse. Quod non de sola virium extrema debilitate morti proxima, sed & de peccantis humoris vacuatione extrema intelligendum. Nā alio inquit loco, Empy, aut hydro-pici, cum vruntur aut secantur, si pus aut aqua vniuersim effluxerit, omnino moriuntur. Quanto magis in vitæ discrimen adducuntur, si valido aliquo medicamento firmis etiam viribus vno tēpore vniuersa tentetur purgatio? In multa igitur caco-chymia tutius est paulo citra modum subsistere, quàm vltra procedere. Lipothymia quæ purgationibus ob humorum vacuadōrum acrimoniā & intestinorum torsionem interuenerit, levis est: grauis verò quæ ob concitati humoris corrupti tetrū vaporem in cor principisque partes sublatum: grauior ob malignam venenatamque pharmaci qualitatem, grauissima ob immoderatam purgationis violentiam: neque tamen vires hæc æquè deiicit atque exuperās phlebotomia. Semper horrendum exanimato iam ægro mortis imaginem obtrudere. Itaque humoris copia accuratè viribus comparanda est. Ex præsentium, præteritorum ac futurorum obseruatione, ex aliisque signis quæ secanda vena animaduertenda esse monuimus, tum morbi magnitudo humorisque copia, tum virium robur exquisitè perspicendum. Virium autem obseruatio quum sit omniū præstātissima, non hîc, vt in phlebotomia, solum vacuationis modum, sed & quod medicamenti genus, quàmque validum esse oporteat præscribit. Tametsi enim morbi species, humorisque vacuandi sedes validum medicamenti genus postulent, aliquod tamen ex mitiorum ordine exhibendum suadet virium imbecillitas. Eadem quoque est tum ætatis, tum prægnationis ratio. Puero enim ac senî benigna, non vt ætati mediæ

Gg iiii maligna

maligna decernes medicamēta, etiamsi humoris species atque situs eorū vim desideret. Prægnans quoque integris viribus, licet horum vim tolerare possit, quoniam tamen fœtui qui intus geritur, quem seruare volumus vehementer obsunt, benignis solis est purganda. Ad virium porro obseruationem pertinet expendere quæ corpora grauiter ac moleste, quæ leuiter ferant medicationes: multis enim quibus integræ vires apparēt, ingēs ex purgatione labor, ac plerumque ob suam cuiusque corporis propriamque naturam virium sequitur exolutio. Macilenti acriter feriuntur medicamenti qualitate praua, utpote quæ promptè in solidas partes se insinuet. Quibus acrium humorum copia inest, hos moleste torsiones miserè fatigant, dirique vapores, principes partes offundunt. Dolorum metu nō pauci medicationem despuunt & abominantur, quibus magna perniciē vitiōrum colluies omnem vitam languoribus exercet. Quibus partes circa vmbilicum & imum ventrem extenuantur & contabescunt, ad inferas purgationes tuti non sunt. Multoque minus quibus abscessus vel in pulmonibus, vel in iecore, vel in liene, vel in renibus, aliisve sedib⁹ delitescit. His enim concussis non modò dolor ingrauescit, sed & eruptionis, & defectionis virium metus incutitur. Quocunque vitio labefactatæ sint interiores corporis partes, quia imbecillæ sunt, facilè medicamēti qualitate & acrimonia percelluntur. In summa, corpus aut magna labe, aut morborum humorūve copia vehementer pressum & languens, medicamenti vi labefactatum concidit, quemadmodum & ruinosa ædes instaurando fortè concussa, mox vniuersæ corruunt. Itaque in his omnibus qui aut imbecilles sunt, aut ægrè ferūt vacationes, pro medicatione expedit interdū inedia victūque opportuno blandiri, aut ægrum, si nequeat in integrum restitui, sublata morbi portione leuare. Vacuandum enim quātum & quousque vires patiuntur, quūque iam dissolui apparent, etiāsi restent superuacua, protinus supersedendum dū illæ recreentur. At dum vires integræ manēt atque persistunt, tum vniuersæ, tum partitè vacuādum eousque est dum nihil reliquum sit morbi, & perfectæ purgationis indicia quæ mox tradentur omnia compareant. Ex his ergo omnis præfinietur purgationis quantitas: nunc quæ illius sit vtendi ratio, explicandum.

Quo morbi tempore, quo die, quaque hora purgandum.

Cap. XII.



S V M M A purgandi opportunitas ex morbi tum concoctione, tum impetu spectatur. Concoctio est substantiæ in naturæ conuenientiore statum caloris vi facta mutatio. Non enim qualitates solas, ut quæ appellatur alteratio, sed ipsam rerum substantiam concoctio mutat. Alimentum initio dissimile, corpori tandem simile euadit, in illiusque substantiam vertitur concoctione crebra. Vitiosus verò putridusque humor & à natura prorsus alienus, tamen in corporis substantiam nequeat facessere, concoctione tamen in aliquid melius & naturæ

naturæ conuenientius, ut in pus, aut in quippiam quod sit puri finitimum
 deducitur. Phlegmones materia putris, quemadmodum & vlcera fan-
 nies, in verum & exquisitum pus vertitur, quod interdum sputo aliisve ex-
 cretionibus innotescit. Venarum verò maiorum succus putrescens in ali-
 quid mutatur, quod est puri finitimum, cuius in vrinæ sedimento conspi-
 cuae sunt notæ. Superuacui autem humores siue putruerint, siue nondum pu-
 tredine tētantur, nunquam verè cōcoquuntur, nec caloris nostri beneficio
 aut in pus, aut in quippiam illi finitimum mutantur: sed duntaxat tum
 substantiæ, tum qualitatis moderationem quandam adipiscuntur. Sic te-
 nuis aquosaque pituita influens in pulmones concoctione crassescens fa-
 cilius expuitur: crassa verò extenuatur. Sic & vtraque bilis circum viscera
 (quemadmodum in intermittente febre) putrescens, concoctione mite-
 scit, domitæque promptius excluditur. Omnis cōcoctionis insitus no-
 ster calor diuinus est opifex, cuius vna eadēque vis optimum quiddam
 perpetuò molitur: atque si varia interdum opera emergunt, non illius, sed
 subiectæ materiæ id varietas efficit. Non aliter is alimentum, aliter putri-
 dum humorem concoquit. Neque (ut quibusdam videtur) pus à duplici
 calore tum naturali, tum præter naturam fit, sed à naturali solo, agente ta-
 men in materiam quæ caloris præter naturam est particeps. Hanc neque
 prorsus vincere, neque in corporis substantiam, sed in pus solum mutare
 potest, quod est putredine melius, ac inter putredinem & corporis nostri
 substantiam medium. Ut autem in phlegmones suppuratione, ita & in fe-
 bribus, corruptus humor dum concoquitur ac mitescit, pariter etiam flui-
 dior euadit secerniturque à crudis, ut eius dein expeditior esse possit eua-
 cuatio. At verò purgandi tempus opportunum præscribetur ex humo-
 ris specie & situ, atque etiam ex morbi vehementia. Leuiter affecti naturæ
 viuendique legibus committendi: quos enim sponte natura per sanat, fru-
 stra medicina fatigat. At quibus nec naturæ vis nec proba viuendi ratio sa-
 tis fuerit, medicina succurrat. Si enim aut longius protrahitur morbus, aut
 vehementius excandescit, opitulandum arte. Ac primum si corruptus vi-
 tiosusque humor aut in ventriculo, aut circum hunc consistere signis de-
 prehenditur, siue pituitosus, siue biliosus, siue alio quouis præter naturam
 genere corruptus sit, primo quoque tempore expurgandus est, præsertim
 si impetu quodam sponte mouetur, neque locis illis tenaciùs adhærescit,
 alioquin leniter est præparandus: eius verò concoctio haudquaquam est
 expectanda, ut quæ propriè futura non est, neque eius ab vrinis mutatio
 quærenda. Qui autem vitiosus humor altius aut in liene, aut circum pan-
 creas, atque iecur, aut in mesenterio conditus erit, siue lentam febrem, si-
 ue intermittentem, siue melancholiam, siue diarrhœam, siue cachexiam,
 siue ingentem obstructionem protulerit, protinus quoque detrahi po-
 test, nisi aut admodum lentus crassusque sit, aut ventriculi impuritas ob-
 sistat. Hæc enim quum adsunt primum quidem leniter detergendus est
 ventriculus, deinde attenuandus ac detergendus humor, postremò aut
 vniuerse

vniuerſe, aut partitè vacuandus. Quum autem vitioſus humor in maiori-
 bus vaſis concludus, vt in continua febre, aut circum hæc aliqua fede coër-
 citus, vt in plerisque acutis morbis, putreſcit: tametſi corporis adſit præpa-
 ratio, & ventriculus viæ que omnes eò directæ, liberæ, expeditæque ſint,
 hæud tamen rectè poteſt ante coctionē exquisitè purgari. Etenim in mor-
 bis acutis tempus perfectæ purgationi accommodatiſſimum, ſtatus eſt aut
 verius declinationis initium, quo & perfectæ exiſtit cōcoctio, & vacuatio-
 nes ſponte procedunt. Tum enim morbi materia fluida, & à reliqua pu-
 riore ſecreta iam eſt, ſimul natura præparatam illam expellere contendit.
 Itaque quum iam perfectæ apparet concoctio, ſtatūque vehementia mi-
 teſcente nulla ſuccedit vacuatio decretoria, moue tu medicamento. His
 enim quæ præter rationem leuiora apparent minimè cōfidens, quicquid
 concoctum præparatumque eſt expurgabis, vt mox integra ſequatur ſolu-
 tio. At ſi tum natura euacuationem aggreditur ac iudicat, ſinēda eſt dum
 opus compleuerit. Deinde ſi integrè iudicauit, neque morbi quicquā reli-
 quum fecit, res in tuto eſt, nec aliud quicquam mouēdum. Sin quippiam
 derelictum eſſe quaſi ex imperfecta criſi ſuſpicio ſit, quoniam quæ relin-
 quuntur in morbis, recidiuos morbos facere conſueuerunt, medicamēto
 quoque detrahendum. Vniuerſa igitur morbi materia non niſi conco-
 cta & poſt ſtatum quum iam ſymptomata præter rationem miteſcunt, ra-
 dicitus extirpari poteſt. Idipſum eſt quod præcepit Hippocrates, conco-
 cta medicari atque mouere, non cruda. At nihilominus morbi incremen-
 to quum nōdum perfectè, ſed manifeſtè ſolū, & in fine principij quum
 obſcurè concocta eſt materia, hanc etiam quodammodo vacuare licet.
 Quod enim iuſſit Hippocrates concocta medicari, non ſolū perfectè, ſed
 ſed & quouis modo cocta complectitur, mox ea duntaxat à medicatione
 excipiens, quæ vt in morborum principiis abſolutè cruda ſunt. Ita quæcū-
 que vllō modo cōcocta fuerint medicari ſinit, obſcurè quidem cocta par-
 cè, manifeſtè moderatius, perfectè verò cocta validius. Vt igitur in phleg-
 mone non vniuerſa materia retinetur, dum perfectam concoctionem ſit
 aſſequuta, ſed quicquid ſuppurat quotidie elicitur, ita fanè & in acutis ſta-
 tuendum morbis, idque ſiue partium, ſiue graduum ordine fieri putetur
 materiæ cōcoctio. Ita enim quicquid à purgatione reliquum erit, facilius
 natura domabit. In neutra corporis affectione, impendentem morbum
 ſape arcemus purgatione, quæ vitioſos iam congeſtos humores detrahat.
 Atqui tū maximè multoque magis quàm ipſo morbi initio crudi ij ſunt.
 Cur igitur non peræquè initio vtiliter illos purgemus? Et hæc de morbo
 quidē acuto, ſed ſalutari proriſusque tuto præcepta ſint. Caterum in an-
 cipiti atque graui cuius ſemper & ſymptomata ſeua ſunt, & minimè tutus
 exitus, ſtatim per initia non vtiliter ſolū, ſed & neceſſariò vtendum me-
 dicamento, neque prudentis ſit medici concoctionem expectare, quæ for-
 taſſe futura non eſt. Quum enim anceps iſ ſit ac vehemēs, ſempérque me-
 tus impendeat, ne aut deterior euadat, aut laborantē ante ſtatum iugulet,
 cruda

cruda etiamnum materia nonnihil purgatione demendum ante concoctionem. Et certè cruda ea materia quum in plerisque acutis morbis turgere soleat, & quasi oberràs fluctuet & fluat refluâtque in venis atque visceribus, non admodum ægrè videtur medicamento cessura. Sic sæpe artis vsu animaduersum est crudioris humoris purgatione, siue sponte, siue arte ea contigisset, accelerari concoctionem, moxque vrinas puriores & cum sedimèto fieri, & ancipitem periculosumque morbum tutum salutarèque reddi. Idipsum Hippocratis est consiliũ in acutis morbis inter initia vtendum esse medicamento: & quum morbi incipiũt, mouendum esse, si quid
10 mouendum videtur. Quo autem acutior est morbus, hoc magis acceleranda validiòrque decernenda purgatio: vt tãdem extremis morbis extrema diligentissimè adhibeantur remedia. His non solum remedij celeritatem, sed & vehementiam hortatus, turgentem omnem materiam protinus atque eodem ipso die euacuare docet, ne vltro citroque cõcita in principem
15 aliquam partem irruat, repentinòque sit exitio. Itaque licet à perfecta concoctione felicior semper sit purgatio, ea tamen etiam antè cõcoctionem in ancipiti grauique morbo est necessaria, in salutari ac miti vtilis. Est & alia ratione ante concoctionem purgandi necessitas, si præter cõtinentem
20 acuti morbi materiam, quæ aut in venis, aut in visceribus, aut in habitu est corporis, & cuius expectatur concoctio, alia quadam vitiosa in ventriculo, in intestinis, aut circum præcordia obhæret, dolore, aestu, nausea, amore, aliisve signis manifesta. Hæc enim omni tempore etiam nondum vlla morbi apparente cõctione, vtiliter potest adhibita præparatione medicamento trahi. Humor igitur qui publicis viis subsistit, si præparatus
25 est, omni morbi tempore vtiliter deiici potest. Qui verò aut in visceribus inhæret, aut in venis concluditur, & proxima est morbi materia, dum concoctus apparet, feliciter: dum adhuc crudus est, vtiliter atque etiã interdum necessariò purgandus. Iam verò de purgationis die deque hora dicendum. Trãquillo die purgatio tutior, expeditior verò perturbato. Quũ
30 enim morbus minus fatigat & collectæ vires melius constant, faciliùs medicamenti vis & impetus tolerari potest. At quo die morbus exasperatur agitaturque eius materia in motu est, promptiùs detrahitur. Quocirca si per vires licet, neque ingens metuitur perturbatio, impari die acutorum morborum, atque etiam decretorio (quo tamen natura decretura non est)
35 copiosior expeditiòrque, pari verò tutior fiet purgatio. In febrium intermittentium quiete, medicamentum tanto ante accessionem tempore offerendum, quo possit purgatio compleri. Per accessionem quippe materia non in aluum, sed plerumque in diuersum ruit, & sæpe accessionis vehementia purgatio subsistit. Præstat nihilominus ante accessionem, quàm
40 mox ab ea, & pridie quartanæ, quàm postridie medicamento vtì. Purgationi autem quæ libera est, nullique præsentis morbi necessitate ad præcautionem solam suscipitur, aptissimum est ver, deinde autũnus, aut quæ illis non absimilis, sed quodammodo temperata sit constitutio. Dies non
aquilonia,

aquilonia, sed austrina humidave, quæ & corpora laxat & humores liquefacit. Tépeſtas quoque ſimilis & beneuola ſyderum cômitione ſalutaris.

Quæ præparatio purgationi præmittenda. Cap. XIII.



VT in omnibus rebus agendis, ita maximè in purgâdis humoribus antequâ aggrediare, diligens eſt adhibenda præparatio: quæ & vię pateât, & trahenti medicamêto omnia cedant ac obtemperet, ſiântque, vt iubet Hippocrates, corpora ante purgationē fluxa. Eſt autem præparatio duplex, vna corporis, vacuâdorum humorū altera. Corpus ſic præparatum comparatūque ſit, vt viæ omnes per quas medicamentū decurret, & per quas noxiuſ humor deriuandus expurgandūſque eſt, liberæ ſint & expeditæ. Primūm igitur ventriculuſ humoru copia minimè ſit naſcabūduſ, ne hauſtum pharmacuſ nimio opere auerſetur, aut mox reuomat. Nec inteſtina coarctata obſtrictâve noxiuſ humoru curſuſ impediât. Etenim cōcitati ſi ſubſiſtant, aut ventriſ torſiones, aut ſaſtidia, aut vertigineſ, aut animi defectioneſ mouent, corpūſque iactatione multa fatigant. Quod ſi aut è viſceribuſ, aut è veniſ atque ex corporiſ habitu eliciendi ſunt, non modò ventriculuſ & inteſtina, ſed & meſenterij venas & viſcera libera eſſe oportet. Itaque naſſea omniſ ante purgationeſ ſummuenda eſt, aut inedia, aut vomitione, aut deterſione atque deiectione per pilulam ex aloë. Suppreſſa iam diu aliuſ clyſtere mollienda: aut ſi quid aliud inteſtiniſ adhæreſcit, detergenduſ id eluendūſque eſt. Noxiuſ præterea humor præparandūſ: qui enim duruſ craſſuſve eſt, non facile per anguſtas vias profluat in aliuſ: glutinoſuſ in hiſ etiam obhareſcit. Quocirca duruſ molliſ, craſſuſ incideſ & attenuare, lentuſ glutinoſuſque detergere oportet ante purgationeſ. Quæcunquē id præſtant, pariter quoque venaruſ per quas futura eſt purgatio obſtructioneſ expediunt. Atque hæc vel alimenta, vel medicamenta ſunt. Horuſ autem alia intrò ſumūtur, eaque vel arida vel liquida. Arida quū frigidi lentique ſunt humoreſ, & magna cruditiſ in primis eſt viſceribuſ, præſertimque hyeme. Liquida vt ſyrupi, apoſemata, & oxymeli, quuſ alitius & in exilibuſ veniſ cōditi ſunt humoreſ, in ſiccioſe corpore, ac etiam æſtate. Alia verò extrinſecus præparant, vt fotuſ & vnguenta. Fotuſ ſuo tempore ac vapore per ſpongiam, partem quamuiſ blandè concalfacit natuūſque eiſ caloreſ erigit ac ſuſcitât, humoreſ qui ei præter naturam inſident & impacti conſopitiſque ſunt excitât, emollit, attenuât, colliquat, fluxileſque reddit, vt facile ſequâtur quocunquē medicamentuſ trahet. Hoc quidē præparationiſ genuſ diuturniſ eſt affectibuſ accommodatiſſimuſ, quod tamen & Hippocrates acuti morbi vt pleuritidiſ initio vſurpauit, neque caloreſ verituſ, neque fluxioneſ nouam. Sed & quuſ omne corpus vitiouſ humore, eoque craſſo ac glutinoſo perfunditur, hūc nonnulli ante purgationeſ balneo perinde atque fomento præparare iubent, quo tamen minimè proritentur ſudoreſ, ſed duntaxat emolliatur & liqueſcat,

liquefiat vacuādus humor. Fotui proximam vim obtinet vnguentum, at infirmiore, quod non admodum altè subire possit. Viētus quoque præparandi facultate pollet, quum attenuans detergēnsque imperatur: maximè verò tenuis ac parciōr. Detracta enim de cōsuetō cibo portione, natiuus calor crudos humores concoquit absumitque: frigidos verò crassos & glutinosos visceribus aut venis impactos partim absumit, partim ad eō extenuat, vt etiam sponte nōnunquam procidant: quūque inedia corpus exhaustum excrementis vacat, liberūque est, medicamētum facillè quouersum subit, ac integris viribus in omnia penetrat. A tenui viētū medicatio synceros ac minimè permistos humores commodissimè detrahit. Ea igitur crassis lentisque humoribus vt melancholicis & pituitosis, ante purgationem adhibenda præparatio. Tenuēs verò vt aquosos & biliosos, non Auicennæ consilio, ante purgationem crassiores red dere oportet. Non enim quod ille existimat, vt sputorum quæ mediocri sunt substantia faciliōr est excreatio, ita & humorum mediocrium faciliōr est purgatio. Nam licet pulmonibus contenta materia supra modum tenuis, impellētis spiritus vi tussiendo non facillè in arteriam sustolli excrearique possit, sed tenuitate sua facillè relabatur in pulmones: in corpore tamen cōuenienter præparato, quo tenuior ac liquidior sit humor, eo fluidior existet, & promptius trahenti medicamēto cedit, eiusque imperum sequetur. Licet igitur tenuis humor concoctione aliquantū crassescat, atque tum euacuationi sit apparatiōr, non idcirco tamen & nos naturæ imitatione eū ante purgationem debemus crassiōrem facere. Non enim quod crassescat idcirco coquitur, neque cōcoctus idcirco purgationi aptior est quod crassior euaserit, sed quod sit à reliquis humoribus secretus, eūque natura prorsus vacuare contendat. Quo autem tenuior, eo ad effluendum est aptior. Aliud præparatio est, aliud concoctio. Hæc naturæ solius opera calorisque nostri beneficio, illa etiam arte tota plerumque perficitur. Detergentibus enim incidentibusque medicamentis expeditur obstructio, humorque attenuatur, at non plenè concoquitur. Præparatu humorem non semper licet exquisitè purgare, concoctum verò Hippocratis præcepto licet, quum præsertim viæ patent. Itaque corpus qua purgari debet, patens nec impeditū esto. In hoc quisquis peccat humor tenuis ac fluidus, si vt in acutis morbis turget, statim initio nulla præparatione è quauis regione detrahendus est: sin verò parti cuiuspiam is firmius inhærescit, vix nisi deterfus, aut concoctus, & naturæ vi secretus, trahenti medicamento obtemperat. Crassus verò atque glutinosus humor, non nisi vi & perturbatione, vel è patēte corpore deduci potest. Accommodanda porrò vnicuique est ea præparationis forma, quæ pariter morbi sauitiā leniat: vt acutis morbis potio, nōnunquam & vnguētum ex eorum materia quæ attenuando detergendōque refrigerāt, aut nō impensè calfaciunt. Diuturnis atque lentis valentiora, nō potionis modo aut vnguēti, sed & fotus & balnei forma: vtrisque demum apta conueniēnsque viētus tenuitas.

Hh An

An ieiuno, & qua forma, & quibus obseruationibus dandum
medicamentum. Cap. XIII.



ALVBERRIMA est quæ sine offensione fit medicatio. Solet autem omnium primus venterculus offendi, ut qui medicamen-
tum summis integrisque viribus excipiens, primos eius sustinet
impetus, neque id nisi fractum retusumque longius penetrare
sinit. Quum igitur in omni morborum curatione tanti sit momenti ven-
triculus, summa tum huius, tum medicamenti ratio est habenda. Medica-
mentum omne validum aut malignum naturæ infensum est, forma quo-
que omnis liquida venterculi latera alluit, in illiusque substantiam altius se
infert, ac proinde grauius eum ferit: solida verò minus, quod promptè in
fundū intacta ferè illius substantia illabitur. Cæterum liquida altius pene-
trat in omniāq; subit, potentiùs detergit & infarctus expedit. Solida diu-
tius hærens circum præcordia, tardior minùsque efficax existit. Ventercu-
lus præterea quum aridior fuerit, atque prorsus vel ab inedia, vel à febre,
vel à solis ardore exhaustus, tum medicamēti vi plurimū lacessitur, tum
id auidius in se recondens & velut exorbens, neque diffundi, neque vim
suam exerere sinit. Cōtrā verò quum moderatè est humidus. At immode-
rato humore potūve perfusus, medicamenti, quod præsertim imbecillum
fuerit, plerumque vim obtundit. Itaque imbecillo quemadmodum & pu-
ro ad vnguem venterculo, medicamentum blandum aptetur: aut si fortè
distantiorum partium affectus validius exposcit, ieiuno quidem at non
prorsus exinanito detur: quum nempe concoctus cibus descendit, ac ni-
hilominus interior venterculi tunica reliquiarum benignitate etiānum
madet. Sic enim in distātiores partes id permeat, minimū offensa vētri-
culi substantia. Quū autem malignitatis particeps est medicamentum,
ut veratrum, corpora, inquit Hippocrates, ante potionē humectanda sunt
cibo pleniore quietēque. Ipsum verò medicamentum seu liquida, seu so-
lida sit forma, sacchari, mellis, aromatis aut rei cuiuspiam suauioris permi-
stione condiendum, ut venterculo præcordiisq; iucū dum occurrens, qua-
dam odoris saporisq; gratia vires suas sceleriter exerat. At robusto atque
impuro venterculo, liquida forma nullius rei suauitate oblita confert, id-
que longissimè à cibo, ut altius in primas corporis sedes in earūque hu-
mores se inferat. Et hæc quidem obseruanda, quum syncera optatur hu-
morū detractio. At verò blanda leuiāque medicamenta, quæ solas alui
fæces emolliunt & exturbāt, eccoprotica dicuntur, non multo ante cibū,
atque etiā cum cibo sumēda. Si cui cōsuetā est matutina vomitio, ea ante
medicamentū cienda. A medicamēto quoque ea nōnunquā succedit, vel
quod imbecillior sit venterculus, vel quod pharmaci horrore concutitur,
vel quod quum agitari cœpit, humores quorū copia obruitur, excutit, vel
quod præcordiorū mole coarctatus pylorus, aut alius facie obstructa du-
riore nō id facile illabi sinit. Hæc tamen omnia diligēs auertit preparatio.
Hausto

Hausto medicamēto, vel aqua hordei vel succo mali punici, vel subaustero vino, vel saccharo reliquiae ē faucibus & ē gula detergendē deiiciendaeque sunt, quum praesertim horrendo sapore grauis suspectaque est vomitio. Surrectū dein corpus in quiete continendum, dum ventriculus medicamentum arctius complectatur: atque etiam interposito femihorae spatio, si (quod ferè fit) inexpugnabilis dormiendi necessitas premet, vtile medicamento indormire, vt illius vis in sopore plenior excitetur: quum primum verò in actum id prorumpit, vigilandum penitus est, dum effectum omnem cōpleuerit. Nam arctiore somno purgationis opus subsistit. Quū
 10 enim, inquit Hippocrates, sistendum cēsueris, somnū molieris nec quicquam mouebis, contrā quum libuerit vt medicamentum amplius ducat, corpus mouebis. Motione enim corpus turbari iudicio est nauigatio. Cibus plerique putant non antè offerendum quàm medicamentum suo perfunctum sit munere: satis tamen sit ē ventriculo id ita excidisse, vt nullus eius odor, nullus ructus, nullaque stomachi rosio subfit,
 15 quum praesertim syncera desideratur purgatio. Cibus enim medicamenti permistione corrumpitur. Solida forma, blandūque medicamentum, quod tardius descendat, longiorem cibi moram, eamque quatuor saltem horarum interponi postulat. Primus autē cibus detergens sit sorbitio, quae
 20 medicamenti reliquias eluat, & quò decet impellat, simulque ventriculi interiora oblinens omnem medicamēti qualitatem tediāque demulceat. Qui purgatur cōtinendus est temperato loco: nam concitati iam humores aestus iniuria, aut rapiuntur in cutem, aut nimium efferuescūt febrēque incendunt: frigore verò torpescunt & densatis coarctatisque viis igna
 25 uiter exeunt. Liberior ac vastior aēr, aut apertus flatibusque expositus, etiā si nulla est intemperies grauis, difficiles efficit purgationes, quandoquidē corpora praesertimque imbecilla vehementer conturbat.

Vtilisne & perfecta fuerit purgatio, an contrā. Cap. XV.

30 **A**R TIFICIS cuiusque summū est studium quorsum opus euadat animaduertere. Purgationū alia vtilis, alia vitiosa est. Vtilitalia purgantur, qualia purgari oportet, vitiosa verò aut aliena purgantur, aut non conuenienti ratione. Vtilis tres statuantur
 35 differētia, obscura, manifesta, perfecta. Obscura exiguum admodum peccantis humoris portionem detrahit, quae quia cōueniens est, confert quidem, nōdum tamen aegrotum manifestò leuat. Manifesta quae insignem humoris portionem exturbat. Perfecta quae nihil illius reliquum facit. Signis hae discernuntur, à deiectionibus & à laborātis tolerātia depromptis. Deiectiones, inquit Hippocrates, non copia aestimadae sunt. Neque enim
 40 fecū, neque crudorū quae circum mesenterium exuperant copiosa deiectio, vtilem purgationē facit. Sed quum talia, inquit, deiiciuntur qualia deiici oportet: qualia nimirū exuperasse & morbi causam fuisse, coniectura fuerat. Qualia autem sunt illa, biliosane, an pituitosa, an melācholica, ex sub-

Hh ij. stantia

stantia & colore noscendum, nisi quid medicamēti color peruertat. Nam ex rheobarbaro & hiera flauescit deiectio, nigrescit verò multum ex casia, aliquantū ex senna. Laborantis verò tolerantia atque leuamen quā perfectā fuerit purgatio docet. Itaque si purgatione qualia oportebat, sed admodum pauca exierunt, & quibus laborans non magnopere leuatum se percipit, obscura est purgatio, quæ confert quidem, sed leuiter. Si verò noxij humoris copia maiore detracta ægrotus seipso iam multo leuior apparet, manifestè utilis est. Si plurimo humore seu vniuerse seu partitè euulso, laboras nō leuiorē modò, sed vel ab omnibus, vel à præcipuis quibus affligebatur symptomatis sese prorsus vindicatum solutūque sentit, idque non quum adhuc purgatio fit, sed quum ea iam planè desiit, perfectā censeri debet. Tum somnus placidus isque multo quā antè arctior, citra ullū tamē veteris obrepit: nō quidem ex viriū imbecillitate, sed inde obortus, quod ex morbo perinde atque ex labore fatigatū corpus, mox ut peccantium humorū quasi sarcina deoneratur, sedato spirituū impetu leui somno conquiescit. Sitis quoque si vehemens præcesserat, exquisita purgatione mitescit, detracta nimirum materia quæ illam concitauerat: aut si fortè nulla fuerat, exquisita purgatione exiccatum corpus sitire incipit: nec, inquit Hippocrates, id definit purgari antequam sitiat. Quin etiam à perfectā purgatione appetentia restituitur, dolor si quis vrgebat mitescit, atque etiam febris, aut alia quæuis morbi essentia extirpatur, hinc laboranti vires resurgunt, idque pro eorū quæ vacuata sunt ratione. Caterum nō nunquā accidit ut humor agitated periodis cōquiescat, aut morbus persistente intus causa sponte se remittat, ac tum laborans se morbo expeditum putat. At certè minimè tuta est quæ citra vacationem obtigerit facilius tolerantia, & ut inquit Hippocrates, iis quæ non ex ratione leuant confidendum non est. Perfecta igitur purgatio non modò ex symptomatum sedatione iudicanda, sed ex eorum maximè quæ purgata sint tum specie, tum copia: quippe quum iis respondent quæ certis signis inesse deprehensa fuerant. Horum igitur contemplatione innotescet quid, quantum, & quādiu purgandum: & quando absoluta fuerit purgandi necessitas.

Vitiosa autem purgatio, aut inutilis est, aut molesta, aut exuperans. Inutilis est tum quæ humorem à noxio diuersum trahit, tum quæ noxium proritat, non autem educit: cōturbat enim magis quā euacuet. Vtraque dum infensum humorem euellere contendit, eum diffundit & exagitat, suscitatoque vapore tetro corpus inflat atque distendit, ac proinde magis quā iusta purgatio laceffit. Molesta noxiū quidem humore, sed vi quadam elicit, vel quod præparatio adhibita nō fuerit, vel quod vehementius aut immoderata quantitate sit pharmacū, vel quod nō correctæ malignitatis sit particeps, ut colocynthis, euphorbium, elleborus, vel quod exter- nus error sit admissus. Omnis quippe eiusmodi ægrotum præter modū affligit atque torquet. Hinc corporis lassitudo, capitis dolor, febris aliæque symptomata. Sub hac quidem talia exeunt qualia exire oportet, sed vires nimium

nimum conuellantur atque dissipantur. Exuperans effrenatâque purgatio cum humore noxio naturalis pariter atque necessarij nonnihil vi eripit, non citra virium offensionem. Quoniam igitur de propria corporis substantia nonnihil euellit, vel cruor citra hæmorrhoidas, vel ramensum, vel pingue aliquid liquamini aut loturæ carnis simile in excretis cernitur. Hinc torsiones, cordis dolor, æstus, anxietas, iactatio, corporisque perturbatio, præter hæc animi quoque defectio, & summa virium exolutio: spiritu quidē quasi naturæ thesauro, vel vi direpto, vel pharmaci perniciæ & malignitate oppresso. Hic iā omnis concludenda videtur de
 10 vniuersali purgatione tractatio. Quicquid enim præterea desiderari potest, ab his quæ fusiùs de venæ sectione præcepta sunt, mutuari licet.

De purgatione particulari.

Cap. XVI.

15 **R**ÆTER ea quæ publicas corporis regiones, alia etiam priuatas quasdam sedes exhauriunt ac expurgant, quorum & hic tandem meminisse expedit. Eiusmodi numerantur errhina, apophlegmatismi, bechica. Non antè his vtendum, quàm reliquum corpus probè exinanitū sit prorsusque vacet excrementis, ne aliunde noxios humores rapiant in affectā sedem: semper enim vniuersalis curatio particulari præmittenda. Errhina in nares vel immissa vel hausta cerebri superuacaneam pituitam proliciunt. Non eā quidem quæ in cerebri ventriculis (hinc quippe nulla via excurrit in nares) sed quæ circum cerebri substantiam circumque meninges colligitur & fluitat. Hauriātur
 20 autem prono capite, vt rectā per os ethmoides ferantur, nec recidant in fauces. Omnibus medetur soporosis affectibus, obtusosque sensus omnes expediunt, & interiores in quauis sede infixos dolores discutiunt. Similis propemodum est & sternutamenti ratio: sed quòd vehementer succutiat vis ei maior. Etenim nō modò cerebrū expurgat, sed & quæ in partem eius
 25 posteriorē atque etiā in fauces irruūt validè succussu reuellit. Apophlegmatismus vel mansus, vel gargarisatus saliuam atque pituitam ore deducit. Huic vis maior est expurgandi cerebri ventriculos, quibus via decliuis est in palatū: multo proinde maxima vis erit apophlegmatismi, si resupinocapite hauriatur in nares, vt mox per summa palati relabatur in fauces. Ita quippe cerebri basim proluēs longè validiùs ex illius vetriculis excrementa detrahit. Et hæc quidem in primis necessaria ars destinauit expurgando cerebro, quod naturā cumulandis excrementis maximè est obnoxium. Expurgatur autem tutiùs confecto iam cibo, quàm quum crudus venter est ciboque turgens. Pulmones interioraque thoracis expur
 30 gant, quæ bechica nuncupantur. Quanquam enim ex iis nonnihil detrahi potest in aluum, id tamen perexiguum est, ac maximam superuacuorū partē vel in pulmonū substantia vel in arteriis tū de stillatione tū peculiari vitio congestā, necesse est impetu tussis expurgari. In id autem ea
 40 Hh iij conferunt

conferunt, quæ destinata pulmonibus, modò tenuiorem pituitam in crassant, modò lentâ detergūt crassamque attenuāt, idque quadâ lenitudine: nā exasperātia, vt falsa acida & acria tussim plerūque frustra ciēt: neque ex usu sunt, nisi quū pigriorē vel imbecilliorē expultricem vim stimulare oportet. Cōmodè autem bechica in lentam ac crassam medicamēti formā aptātur, qualis eclegmatis est aut crassioris syrupi, ne liquidior preproperè illabatur in ventrem. Lenta quippe (præsertim si sensim ac blandè quasi lambēdo demittitur) quoniam diutius subsistit obhæretque faucibus, maiore portione subit in asperam arteriam. Hanc tamen semper potulentorum liquore irrigari, præterquam quod Hippocratis sententia confirmatum est, conspicuè etiam in eo obseruauimus, cui ex vulnere gutturis sub larynge accepto, nec probè agglutinato inter bibendum sorbendūve nonnihil semper humoris emanabat.

Ita quidem medendi vacuandique ratio summis iam præceptionibus exposita videri potest, quæ tamen quoniam sola in vsum accommodari nequit, par est deinceps singula tum simplicia, tum composita medicamenta illi subnectere, quæ tanquam artis instrumenta ad profligandos morbos comparari vsurparique solent.

LIBRI TERTII THERAPEVTICES

DE PURGANDI RATIONE, FINIS.

Index

INDEX IN THERAPEVTICES LI-

bro tres : cuius prior numerus paginam, posterior
verò lineam demonstrat.



A Crimonix remedia opposita 5. 26
Aer corruptus, pestilens vel
venenatus, spiritus nostros
labefactat 37. 27
Aeris æstus ac feruor quod periculi cir-
cungerat 37. 20
Aeger à venę sectione vt sit regendus
54. 35
Aegri decubitus à venę sectione 55. 3
Aetatis obseruatio in purgando 79. 42
Aetatum obseruatio habenda in secan-
da vena 42. 39
Affectus omnes primi & simplices præ-
ter naturam, qui vel in corpore, vel in
contentis possunt subsistere, enume-
rantur 4. 38
Affectus simplex, simplici remedio cu-
randus, compositus cōposito 6. 2
Affectus cōnexi omnes eo sigillatim ex-
tirpentur ordine quo sibi ortu succe-
dunt 7. 38
Affectui vrgentiori in primis succurren-
dum 10. 2
Affectus periculosus est bifariam 10. 5
Affectus species vnde cognoscatur 12. 8
Affectus magnitudinē quæ indicet 12. 9
Affectus leuioris curatio 13. 16
Affectus mediocris lentē eximendus
13. 25
Albugo suffusioni implicita 8. 4
Animi defectio, vide lipothymiam.
Apophlegmatismus 89. 30
Arabū dogma de venę sectione in pleu-
ritide 29. 14
Arterię quæ tutò secari nequeant: quæ
contra 58. 22
Arteriarum sectio quibus conferat affe-
ctibus 58. 36
Asperitatis meatuum remedia 5. 31
Attractio quot de causis fiat 68. 29
Angustię meatuum remedia 5. 31
Auicennas falsò existimauit phleboro-
miam bonum sanguinem foras exclu-
dere, relictò intus impuro 25. 13
Auicennę sententia de venę sectione nō
nisi post concoctionem admittenda
refellitur 47. 33

B Alnæ vires & vsus: quibus sit infen-
sum aut accommodatum 62. 16
Bechica medicamenta quando ex vsu,
& qua forma 90. 39
C Acocchymia quid 22. 27. ea du-
plex existit ibidem
Cacochymix sedes 22. 40
Cacochymiam venarum vtiliter minui
phlebotomiā 27. 13
Cacochymię propriū remedium est pur-
gatio 73. 40
Cacochymia primæ regionis quo purga-
tionis genere subtrahenda sit 74. 4
Cacochymia venarum quando venę se-
ctione demi possit 74. 19
Cacochymia partis alicuius substantiā,
aut corporis ambitū occupans nūquā
phlebotomia, sed purgatione ducen-
da 74. 38
Cacochymia venarū purgatione eximē-
da 74. 17
Cacochymia vētriculi statim initio nul-
la expectata coctione vacuāda 81. 30
Cacochymia lienis mesenterij pācrei &
iecoris p̄tinus nulla expectata coctio-
ne vacuanda, nisi aut crassus & gluti-
nosus humor, aut vētricus impurus
obstet 81. 37
Cacochymia maiorum venarum quo
tempore purganda 82. 1
Capitis affectus venę sectionem postu-
lantes 30. 41
Capitis affectus qua sint vena reuellen-
di 32. 18
Causis compluribus ad vnius morbi ge-
nerationem concurrentibus quænam
methodus curādi tenenda 7. 8
Causæ interiores & abditæ spiritū tem-
periem immutantes 37. 32
Causæ euidentes mittēdi sanguinis quā-
titatem præscribentes 42. 11
Cibus à medicatione quādo offerendus
87. 12
Clyster peculiariter affectibus intestino-
rum crassiorum medetur 64. 39
Clystere vtendi ratio 65. 21
Coctus crudusve cibus vnde internosca-
tur 50. 37

INDEX

Cœli status obseruandus in sectione ve-
 næ 43. 41
 Cœli status ad purgationes statuendas
 spectandus 77. 41
 Concoctio quid 8. 37
 Concoctio humoris vitiosi 8. 41
 Concoqui non posse humores superua-
 cuos 81. 6
 Concoctionis omnis causa quæ 81. 13
 Concoctionem non esse expectandam,
 vt vena incidatur multis demonstrat
 rationibus 48. 15
 Concocta materia nõ venæ sectione, sed
 alijs remediorum generibus vacuan-
 da 49. 12
 Concoctio humoris nõ est facilioris pur-
 gationis causa, sed eius à reliquis secre-
 tio 85. 17
 Consuetudo ex quibus constet 12. 14
 Consuetudinis in quibus habenda sit ra-
 tio 44. 33
 Contenta corporis quæ 21. 22
 Contentorum vitia quot 21. 39
 Contraria quotupliciter dicantur 3. 40
 Contraria remedia morbos pellentia in
 tria genera referri 4. 3
 Contraria morbis remedia in opposito
 extremo non in mediocritate consi-
 stere 4. 7
 Contraria mathematicis quæ 28. 10
 Contraria medicis ibidem
 Contrarietas in venarum sectione vnde
 spectanda 28. 22
 Corpus in tres regiones distribui 22. 41
 Corporis status quibus constet 77. 9
 Corruptionis remedia 5. 28
 Crassitie aduersa remedia 5. 24
 Cucurbitula quibus morbis medeatur
 39. 42
 Curatio quid 3. 15
 Curationem omnem contrariis perfici
 3. 35
 Curationem morbi primũ & per se con-
 trariis perfici, ex accidenti verò inter-
 dum similibus 4. 20
 Curationem morbi & expulsionem à cau-
 sæ summotione incipiendam 6. 41
 Curatio destillationis cerebri, metho-
 dica 7. 30
 Curatio methodica affectus simplicis p
 causarum ordine procedit 7. 30
 Curatio methodica connexorum affe-
 ctuum 7. 38

Curationem lentẽ & paulatim fieri bi-
 fariam 13. 35
 Curatio lenta quãdo sit necessaria 14. 13
 & qua methodo adhibenda ibidem
 Curatio non vltra pristinum habitum
 debet procedere 16. 2
 Curationem in ci pere à venæ sectione si
 vel plenitudo vel defluxio adfuerit,
 est necesse 47. 29
Deriuatio 17. 25
 Deriuationis genera 18. 3
 Deriuatio quid 29. 29
 Deriuatio quando administranda 29. 33
 & quibus remediis ibidem
 Deriuatio affectuum capitis, quibus lo-
 cis incunda 32. 24
 Deriuatio è liene 33. 8
 Deriuatio humoris vitiosi nõquã in affe-
 ctam sedem molienda 76. 3
 Dilatationis meatuum remedia 5. 33
 Disiuncti & dispartati morbi seorsum cu
 rationem habent 8. 27
 Ductus & vię purgationis 72. 40
Epicrasi quando vtendum 41. 33
 Errhina, quas cerebri partes vacuēt
 & quibus medeantur affectibus 89. 21
 Exagitationi humorum remedium ad-
 uersum 5. 20
 Exercitationis vires, & quibus ea aut cõ
 ferat, aut incommodet 61. 41
 Extraordinaria curatio 10. 2
 Extraordinarię curationis exẽplũ 10. 20
 Exuperantiæ remedia opposita 5. 22
Facultas naturalis validane sit an im-
 becilla vt internoscendum 36. 38
 Facultas vitalis 36. 40
 Facultatis animalis cognitio 37. 2
 Facultates bifariam lædi 37. 5. & quanti
 referat languidas ab oppressis inter-
 noscere ibidem
 Febris multis causis stipatæ methodica
 curatio 7. 17
 Febris intermittens pura haud legitime
 curatur venæ sectione 30. 31
 Febris intermittens quibus ex causis ve-
 næ sectionem recte admittat 30. 35
 Febris synochos statim initio venæ se-
 ctionem requirit 31. 19
 Febres continuæ cuius venæ sectionem
 postulent 31. 38
 Febres intermittentes quarum venarum
 sectionem requirant 31. 42
 Febres continuæ qua methodo summo-
 uendæ

T H E R A P E V T I C E S .

uendæ	75. 7	Intēperies simplex calida, faciliusne quā	
Febris continua primaria venæ sectione		frigida curetur, an contrā	6. 15
legitimè curatur	30. 30	Intēperies frigida recens ac lenis tutius	
Fibræ rectæ trahendo destinata	28. 15	ac mitius, quā calida ordinis eiusdē tol-	
Fluxioni contrarium remediū inhibens		litur, inueterata verò ægrius	6. 25
& repellens	5. 21	Intemperies sicca tardius eximitur quā	
Forma medicamenti liquida	86. 4	humida	6. 30
Fotus diuturnis affectibus accommodatus		Intestinorum affectus omnes per aluum	
	84. 35	purgari	18. 18
Frictionis vires	63. 8	Intestinorum superuacanea	65. 3
Frigoris incommoda	37. 25	L Aconicum quibus accommodatū aut	
Glandis vsus	65. 42	infectum	62. 39
H æmorrhoidū suppressio aut euo-		Laxitati contraria remedia	5. 27
catio	33. 34	Legē quē morbos per cōtraria curat, nul-	
Hæmorrhagiæ quæ venæ sectionē non		lis argumētis posse labefactari	4. 18
dehortentur, & quæ contrā	34. 37	Lentiori remedia contraria	5. 26
Hæmorrhagiæ quarum partiū affectus		Leuitatis meatuum remedia	5. 30
tollant & contrā	35. 4	Lex medendi secunda	6. 2
Hirudo quā altū vulnus infligat, & qua		Lex medendi tertia 6. 41. de curatione	
præparatione admouenda sit	59. 16	methodica	
Hirudo quando pro phlebotomia habē-		Lipothymia quid	41. 7
da sit	59. 22	Lipothymia ī quibus sit ptimescēda	55. 35
Hirudo quibus vitiiis medeatur	59. 28	Lipothymia purgationibus superueni-	
Horarū medendo summā habendā esse		ens	79. 27
rationem	19. 30	M agnitudo morbi quibus signis	
Humorum & cæterorum contentorum		comprehendatur	35. 32
vitia simplicia	5. 1	Magnitudo causæ morbi ex quibus no-	
Humorum differentia	21. 24	scatur	35. 43
Humores superuacui qui	21. 25	Magnitudinem symptomatis quæ signa	
Humorū pportio in hoīe sano	21. 43	demonstrent	36. 7
Humorū vitia quæ spirituiū intēperie, &		Materia turgente quo medicamento sit	
virium substantiam dissoluunt	37. 35	opus	13. 20
Humor præter naturam prorsus expur-		Medicina naturæ est simulachrū quod-	
gandus	78. 23	dam	1. 41
Humor noxius partitēne an vniuerse va-		Medicinæ studium quod	1. 42
cuandus	78. 42	Medicina lex est naturæ scripta	2. 3
Humores tenues haud esse incrassandos		Medicinæ legum necessitas & præstan-	
ante purgationem	85. 9	tia	2. 5
Hypercatharseo causam, neque ad me-		Medici officium	2. 25
dicamenti similitudinem cū humore,		Medicū naturā non modò imitari, sed &	
neq; ad illius calorem & acrimoniam		plerumq; superare	2. 26
referri	70. 40	Medicus quando appositè curet	2. 25
I ecur frigida intēperie simulq; obstru-		Medicina in qbus naturā superet	2. 39
ctione affectū vt expediri possit	9. 10	Medicinæ scopus	3. 11
Inedia vires	60. 26	Medendi artē tribus constitui	3. 27
Inedia corpus impurū quibus exercent		Medic ^o herbariis ac pharmacopœis quo	
symptomatis	60. 8	fit præstātor	7. 15
Inedia immoderata quæ pericula accer-		Medicamēta cū corpibus cōes habēt p-	
sat	61. 16	prietates	14. 24
Inedia quibus morbis cōmodè mederi		Medicorū imperitorū error	27. 30
haud possit, & contrā	61. 22	Medicamenta maligna	14. 1
Implicitos morbos curādi methodus	8. 3	Medicamenta blanda curationibus quæ	
Intemperici remedia	5. 18	paulatim fiunt esse accommodata	14. 5

- Medicamentorum purgantium tres ordines 69. 23
 Medicamentū proprio & familiari humore destitutū quid molietur in corpore 70. 9
 Medicamentis purgantibus vis inest duplex, peculiaris & generalis 71. 3
 Medicamēti purganti vis potestate inest non actu 71. 26
 Medicamētorū benignorū substantiā ad humore vacuandum pertingere 72. 9
 Medicamētū humore quē in vētrem attraxerit, foras non expellere, sed naturam 72. 20
 Medicamēta cur alia deiectionē, alia vomitionem ciant 72. 26
 Medicamentum per quos ductus humorem detrahat 72. 40
 Medicamenti genus ex humoris genere petendum 76. 14
 Medicamentū validūne an imbecillum esse oporteat, humoris situs demonstrat 76. 29
 Medicamenti quantitas ex quibus definiatur 77. 2
 Medicamenti quantitatem ex humoris statu decerni 77. 27
 Medicamētū qua forma exhibēdū 86. 3
 Medicamēta eccoprotica qua hora exhibenda 86. 38
 Methodus summouēdi humorum vitia in omnes pariter corporis regiones disseminata 51. 18
 Methodica curatio nō solis remediis, sed via vtendi; ratione cōpletur 7. 14
 Methodi inuersio quā periculosa 8. 15
 Methodo in primis est opus in morborum compositorum & implicitorum curatione 8. 38
 Methodum non esse nimium pertinaciter tenendam 11. 10
 Mollitiei remedia contraria 5. 25
 Morbum omnem cōtrario remedio depelli 3. 35
 Morbos remediis depelli similibus quæ argumenta doceant, & eorum explicatio 4. 19
 Morbum nunquam penitus euelli posse manente causa 6. 42
 Morbus quā grauis sit quāq; à pristino habitu recedat, quibus indicationibus comprehendatur 12. 15
 Morbū eo grauiorem esse quo à naturali habitu longiūs recedat 12. 21
 Morbis extremis extrema remedia optima 13. 18
 Morbus repente ortus sepe sensim multoq; tempore genitus est 16. 17
 Morborum enumeratio qui venę sectione curantur 30. 8
 Morbis præsens & imminētibus eadem ratione medendum esse 31. 1
 Morb° maxim° & grauissim° quis 36. 10
 Morbus in virium integritate vt sit curandus 40. 36
 Morbus in virium mediocritate vt curari debeat 41. 30
 Morborū acutorū & ancipitū initio necessariō purgandum esse 82. 38
Naturam mūdi vniuersam, oīa continere & regere 1. 15
 Natura mundi cōmunis diuina mēte est prædita 1. 20
 Naturę cōmunis mens seu ratio, lex eius est immutabilis 1. 24
 Natura rei cuiusq; sua est & peculiaris, lege stabili insignita 1. 30
 Naturæ & medicinæ discrimen 3. 5
 Naturā nō posse secta per morbos venarum vitiosum humore solum & ab aliis secretum effundere 25. 7
 Natura admirabilis in purgatiōibus moderandis 73. 7
 Naturæ motus & impetus legitimus, duobus debet fieri cōuenientibus 76. 8
Observatio vnica, reliquas oēs iterum dignitate superat 46. 17
 Opportunitas in morbis curandis maximi est momenti 19. 1
 Oris ventriculi eximius sensus quibus adsit 51. 30
 Oris ventriculi imbecillitas & eximius sensus 51. 35
 Os ventriculi quibus muniatur præsidiis aduersus humorum acrimoniam 52. 1
Partis similis vitia & affectus simplices 4. 41
 Partis instrumentariæ vitia 5. 6
 Partis conditio vnde æstimanda 15. 6
 Partes principes 15. 11
 Partis desitas & raritas cur remediorum varient quantitatem 15. 17
 Partis situs remedia variat 15. 21
 Partis sensus exquisitus remedia mitiora requirit quā obtusus 15. 37
 Partis præstantia cur remedia immutanda indicet 15. 30

T H E R A P E V T I C E S .

Partitè an vniuersum vacuandum sit, quæ demonstrent	55. 43	Præparatio quibus medicamentis adhi- benda	51. 11
Phlebotomia quæ humorum vitia va- cuet è venis	26. 7	præparatio nulla morbo immani præ- mittenda	52. 8
Plethoræ remedium proprium est venæ sectio	26. 11	præparatio vomitioni præmittenda	67. 6
Plethora duplex	26. 12	præparatio purgationi præmittenda du- plex	84. 5
Phlebotomiâ modò per se, modò ex ac- cidente morbis opitulari	35. 10	præparatio corporis ad purgationē	84. 10
Phlebotomia ex morbi specie, magnitu- dine & viribus laborātis exquisitè de- cernitur	35. 24	præparatio humorū purgandorū	84. 23
Phlebotomia humores incrassat potiùs quàm attenuat	48. 10. eos etiâ sedat po- tiùs quàm exagitat	ibidem	85. 22
Phlebotomia abstinendū vbi materia in venis concocta apparet	49. 1	Puerorum ætas an venæ sectionem pos- sit tolerare	43. 1
Phlebotomiam non dehortatur dierum numerus	49. 17	Pulmonum vitia quibus venis reuellan- tur & deriuentur	32. 38
Phlebotomia neglecta præparatione ce- lebrata quæ incommoda inuehat	50. 41	Purgantia medicamenta quam infe- rant noxam	39. 39
Phlebotomiâ quæ vitia omnino dehor- tari debeant	51. 27	Purgatio quid	64. 8
Phlebotomia iteranda sit necne quæ si- gna demonstrent	55. 27	purgatione quando sit opus	64. 19
Phlebotomia si quis regionis primæ ca- cochymiam vacuare tentabit, graui- ter naturam offendet	74. 10	purgatio à venæ sectione vt discrepet	64. 23
Phlebotomia quibus ex causis admitta- tur, ad venarum cacochymiam sum- mouendam.	74. 19	purgationis differentia	64. 27
Phlebotomiæ vtilitas ex sanguinis emissi corruptela & vitio nō metienda	75. 19	purgatio vniuersalis quæ	64. 29
Phlebotomia per febres intermittentes imprudenter suscepta, grauiā profert symptomata	75. 22	purgans medicamentū non omnes pro- miscuè humores educere	67. 40
Plenitudo ad vasa	22. 18	Purgantium medicamentorum similitu- do attractionis causa, substantiarū est non temperamentorum	68. 34
Plenitudo ad vires	22. 21	purgationem aptam & vtilem quæ effi- ciant	69. 40
Plenitudo ad vires venæ sectione vtili- ter minuitur	27. 6	Purgatio inutilis quæ	70. 2
Plenitudo qua ex vena demēda	31. 32	purgans medicamentum quibus ex cau- sis non propriū, sed diuersum humorē plurūq; exturbet	70. 17
Plethora	22. 7	purgationum effrenatarum & immodi- carum causæ	70. 27
Plethoræ sedes	22. 39	purgans medicamentum qua ratione vi- res exerat	71. 31
Plethora in quæ discrimina coniiciat	26. 21	Purgantis medicamenti substantiam ad humorē vacuandū nō permeare	71. 41
Plethora impura quatenus venæ sectio- ne curetur	26. 27	Purgationis ductus vieq; minores in ani- mantibus demortuis flaccescūt	73. 3
Plethora præsentē curatio semper à ve- næ sectione auspicanda	27. 1	purgationis via naturæ motu & vitii se- de indicatur	75. 36
Pleuritis interioris venæ affecti lateris sectionem postulat	28. 25	purgationi pfectæ tēpus accommodatissi- mū in morbis acutis status est	82. 5
Præparatio venæ sectioni præmittenda	50. 23	Purgare licere in fine principij & morbi icremēto multis pbatatur ratiōib⁹	82. 22
		Purgationis dies & hora	83. 38
		Purgatio copiosior ac expeditior fit acu- torum morborū die impari, sed multo tutior pari	83. 31
		Purgatio per febres intermittentes qua hora decernenda	83. 35

INDEX

Purgationi liberę & ad præcautionē suscep- tę tēpus aptissimū est ver	83. 40	Remedia liquida solidę partes remotio- res affectę postulant	18. 30
Purgationum differentię	87. 30	Remedia solida partibus rarioribus & ppinquieribus affectis adhibēda	18. 30
Purgatio vtilisne & perfecta fuerit, an contrā	87. 37	Remedia accommodāda morborū tem- poribus	19. 19
Purgatio vitiosa, quę	88. 32	Reuulsio	17. 24
Pus ā duplici calore non fieri	81. 17	Reuulsio ex humoris motu spectanda	17. 30
Putredinis remedia	5. 29	Reuulsio quid, & quibus humorum vi- tiis medeatur	28. 6
Q uestionis explicatio, qua ambigi- tur possitne quis ex morbo in pristinū & eque atque antea salubrem statum redire	16. 13	Reuulsio ā partibus quę supra clavicu- las sunt, qua ex vena commodē insti- tuatur	32. 1
R ecidua quando nulla timēda	7. 7	Reuulsio ex singulis corporis partibus quibus venis obeunda	32. 4
Regionum corporis circūscriptio	23. 1	Reuulsio & deriuatio ē lateribus & dia- phragmate	32. 43
Regionum obseruatio in secunda vena	43. 27	Reuulsio & deriuatio ē iecore	33. 6
Remedium quid	3. 16	Reuulsio ē renibus	33. 10
Remedia quando rectē vsurpentur	3. 17	Reuulsio ex vtero	33. 14
Remedii genus vt inuestigandū sit	3. 22	Reuulsio inflammationū quę subter re- nes incurrunt	33. 28
Remedii quantitas vt designanda	3. 25	Reuulsio inflammationū podicis, & par- tium obscenarum	33. 35
Remedium vt inueniendum sit	3. 35	Reuulsio inflammationū crurum	33. 39
Remediorum genera	4. 31	S anatio quid	3. 11
Remediorum omnium simplicium fa- cultates	5. 18	Sanguis venarum quibus conflatus sit succis	21. 40
Remedia nulla decernēda, si morbi spe- cies medicum lateat	6. 31	Sanguis quādo quātitate peccet	22. 7
Remedij genus ex affectus specie nosci- tur	12. 5	Sanguinē quatuor ex succis caloris & cō- coctionis vi exquisitē permittis con- stare	24. 39
Remedii quantitas ex affectus magnitu- dine indicatur	12. 5	Sāguinē apta vena spēte defluere	25. 1
Remedio quādiu vtendum	12. 33	Sāguinis eruptiōes quibus ex causis con- tingant	27. 32
Remediū aliās morbo par, aliās infirmū nūquā validius adhibendum	12. 36	Sāguis spētanea eruptio multiplex	34. 20
Remediū morbo suppar & infirmius af- fectum minuere non perferre	13. 8	Sanguinis eruptio lenta, inutilis	34. 23
Remedium blandum iteratum idne sen- sim præstet, quod validius semel & vniuersim	14. 28	Sanguinis vena secta emanātis iusta quā- titas vt præfinienda	33. 39
Remedii quantitas morbi magnitudine & partis affectę conditione institua- tur	15. 3	Sanguinis eruptiones spontaneę in qui- bus morbis viles	34. 26
Remedia quando morbo paria aut im- paria adhibenda	15. 2	Sāguinis eruptiōes spētaneę in febribus putridis parum sunt viles	34. 30
Remedia pro partis dignitate & præstan- tia immutātur	15. 30	Sanguis viscosus quis	56. 42
Remediorum genera	16. 33	Sanguis crassus ac densus	57. 1
Remedia immutātia affectę parti pro- ximē adhibenda	16. 35	Sāguis tenuis, aquosus & putridus	57. 2
Remedii cerebri affectibus adhibendi ratio	17. 5	Sanguinis secta vena emissi obseruatio	56. 35
Remedii intrō sumēdi recta ratio	16. 42	Sanguinis color	57. 16
Remediorum formę	18. 28	Scarificatio qb° succurrat affectib°	59. 32
		Serū copiosum in sanguine emissio inna- tans quid indicet	57. 7

T H E R A P E V T I C E S .

- Similitudo purgantium medicamento-
rum non ad rei temperamentum aut
materiam, sed ad formam & speciem
spectat 69. 1
- Solium quid 61. 35
- Spontanea vacuatio alia artificialem ex-
cludit, alia minimè 44. 10
- Succi qui 21. 27
- Symptomatum nulla propria est curatio
8. 12
- Symptomata inopinata in primis vires
dissoluentia 45. 19
- Syncope quid, & quo differat à lipothy-
mia 41. 9
- T**Empus opportunum purgandi ex
quibus præscribatur 81. 25
- Temporum animaduersio in secāda ve-
na 43. 38
- Temporum morbi particularium, & ac-
cessionum observatio habenda in va-
cuandi ratione 49. 23
- V**acuatio quid 21. 20
- Vacuationis vias quæ ostendāt 17. 15
- Vacuatio triplex 17. 22
- Vacuatio absoluta seu simplex 17. 23
- Vacuationis simplicis species 17. 26
- Vacuationis differentia 21. 37, & 23. 22
- Vacuatio vniuersalis quæ 23. 23, & quo-
tuplex ea sit ibidem
- Vacuatio particularis quæ, & eius diffe-
rentia 23. 35
- Vacuatio spontanea quot modis contin-
gat 24. 1
- Vacuatio spontanea irrita & præter natu-
ram duplex 24. 3
- Vacuatio artificiosa quæ 24. 10, eius dif-
ferentia ibidem
- Vacuationem omnem vires conuellere
39. 33
- Vacuationē legitimam vires multo mi-
nus lacerare, quàm humorum noxio-
rum sarcina 39. 39
- Vacuationis quantitas vt decernenda
40. 6
- Vacuationem interdum ad lipothymia
nunquam verò ad syncopen vsque du-
cere expedit 41. 12
- Vacuationē copiosam non sustinere ca-
lidum & humidum tēperamētū 42. 23
- Vacuationis quātitatem quæ interiores
causæ hortentur, & contra 41. 12
- Vacuationis quantitatē ex futurorum
observatione exquisitius indicari 45. 3
- Vacuationis quantitatē ex præterito-
rū observatione indicari 46. 8
- Vacuationes extremas Hippocrati peri-
culosas, vt accipiendum 79. 20
- Vacuationis sponte procedētis ratio cir-
cūspectiūs tenēda in secāda vena 44. 8
- Venæ sectio per plethoram quot cōmo-
da adferat 26. 15
- Venam semper è directo affectu sedis se-
candam esse 28. 13
- Venæ sectio lateris oppositi quæ pericu-
la aduehat 28. 25
- Venæ secāda delectus ī reuulsione 28. 42
- Venæ sectio quib⁹ morbis succurrat 30. 6
- Vena quando citra plenitudinem atque
in penuria etiam incidenda sit 31. 6
- Venæ sectio præsentine morbo an immi-
nenti magis conferat 31. 10
- Venæ sectio propriū remedium existit,
morborum à sanguinis vbertate & co-
pia ortorum 30. 23
- Venæ in quouis affectu secandæ delectus
31. 32
- Venæ sectionem duabus de causis per fe-
bres intermittentes admitti 30. 35
- Venæ sectio febriū intermittentium cau-
sam nunquam euacuat 30. 39
- Venæ secandæ delectus in morborum ex
plenitudine futurorum metu 34. 2
- Venā incisā omnes venarum humores
æquabiliter vacuari 25. 25
- Venæ sectionem duplici nomine vniuer-
salem dici 25. 39
- Venæ sectio quas partes primū & ma-
ximè exhauriat 25. 41
- Venæ sectionem tolerare posse & pueros
& senes multis demonstratur rationi-
bus 43. 8
- Venæ sectionem primam vulgus frustra
sufficere & venerari 44. 39
- Venæ sectio per initia morbi admittitur
47. 18
- Vena secanda medio remissionis tem-
pore 49. 36
- Venæ sectionem quæ vitia remorentur
50. 27
- Ventriculi in vomendo motus planè na-
turalis 66. 14
- Ventriculum & primæ regionis ductus
humoribus vitiosis occupari, quæ si-
gna demonstrent 51. 6
- Vitus ex morborum temporibus præ-
scribitur 19. 22

INDEX

Viſtus ratio à venæ ſectiõne quę tenen- da	55. 13	Vomitio quibus periculofa	66. 23
Virium laborantis cognitio	36. 21	Vomitio crebrioris incõmoda	66. 26
Vires validæ vnde intelligantur	32. 31	Vomitio facilis & moderatę cõmoda	66. 29. & quibus ea medeatur morbis
Virium robur diſſoluentium cauſarum tum externarum tum interiorũ enu- meratio	37. 11		66. 39
Virium inſitarum & ſpirituum intempe- ries quibus ex cauſis immutetur	37. 11	Vomitio, multa plerũque extirpat, quę cluere nequit purgatio	67. 4
Virium inſitarum ſubſtantiam quę cau- ſæ diſperdant	37. 15	Vomitio quo tẽpore quãque hora ciẽda	67. 14.
Vires & ſpiritus quę cauſæ opprimant, non diſſoluant	38. 38	Vomitio, alui deiectio, & venæ ſectio quas partes in primis exinaniat	23. 27
Vires oppreſſas à diſſolutis internofcen- di ratio	39. 7	Virgenti ſymptomati quando vacadum, & contra	11. 29
Virium affectarum ordines	39. 15	Vrina vnde rubefcat	27. 36
Virium certa cognitio ex ſolo pulſu ha- beri nequit	39. 17	Vrinę craſſę ac rubicundę non ſtatim ve- næ ſectiõnem hortantur	75. 18
Vires quę obſeruandę ad vacuationem	39. 21	Vſus calidorum quàm frigidorum lon- gẽ tutior	6. 20. & eius rei ratio ibidẽ
Vires poſſintne adeo debilitari vt ne mi- nimam vacuationem tolerant	40. 13	Vtendi ratio ex partis conditione ſpe- ctatur	12. 7
Vires proſtratę nullam mali curatricem vacuationem tolerare poſſunt	40. 24	Vtendi ratio	16. 32
Vires à vacuatione futurę vnde æſtimen- tur	45. 9	Vteri geſtatio ſitne inter mittẽdi ſangui- nis obſeruaciones habenda	46. 23
Vires defecturas ſanguine emanãte quę ſigna præmonſtrent	54. 13	Vterũ gerens mulier nõ ſemper ſecta ve- na abortit	46. 28
Vires recreandi ratio	54. 25	Vterũ gerens mulier tutiũ venę ſectio- ne, quàm purgatione primis menſibus curatur	46. 30
Virium obſeruatio in purgationibus de- cernendis quanti ſit momenti	79. 37	Vterũ gerentis mulieris inferiores venas incidere periculofum	47. 1
Vnctiõnis vires	63. 8	Vterũ gerenti oſtauo aut nono mẽſe ve- na haud incidenda	47. 2
Vnguentum vim habet præparandi ad purgationem	85. 1	Vteri geſtatio vim habet indicationis in purgationibus decernendis	80. 2
Vomitio quid	66. 7		
Vomitio quibus ſit violenta & moleſta	66. 20		

INDICIS THERAPEVTICES FINIS.

ERRATA PATHOLOGIÆ,

Prior numerus pag. ſecundus lineam denotat.

2. 14. affectus 7. 34. primarum 11. 37. vnus. 29. 6. qui cæco. 39. 14. vt ſanguis.
81. 10. flammeum. 122. 21. contactu. 169. 38. hepatitis. 203. 41. violentis.

THERAPEVTICES.

2. 14. ſaluberrimis. 30. 15. hepatitis, ſplenitis. 58. 1. moleſtus. 75. 4. quàm validum.

LVTETIÆ PARISIORVM,
EXCVDEBAT ANDREAS WECHELVS,
SVB PEGASO IN VICO BELLOVACO,
ANNO SALVTIS M. D. LIIII.



